

# THEOLOGIA MORALIS,

*Luci exposita*

à

JOHANNE ADAMO OSIANDRO,  
S. S. Theol. D. ejusdemque in Acade-  
miâ Tubingensi P. P.



TUBINGÆ,  
Apud JOHANN. GEORGIUM COTTAM.

ANNO M. DC. LXXVIII.

THEOLOGICAL

LIBRARY

OF THE

UNIVERSITY OF

CHICAGO

1890

THEOLOGICAL

LIBRARY

OF THE

UNIVERSITY OF

CHICAGO

1890





SERENISSIMO ET CELSISSIMO  
PRINCIPI AC DOMINO, DN.

FRIDERICO  
CAROLO,

Duci Wirtembergiæ & Tecciaë,  
Comiti Montisbelgardi, Dyna-  
stæ in Heydenheim, &c.

DUCATUS  
ADMINISTRATORI MAGNANIMO

*Principi ac Domino meo Clementissimo.*



Uanquam inter Arma di-  
cantur silere Leges, Tympana, Tu-  
bæ, & Litui silentia Studiorum &  
Academica Otia obtundant, nec  
in una sede morentur Imperium Martium &



submissa docendi Ratio; non tamen hæc ita distant, multò minus adversis cornibus pugnant, ut non etiam Belli artes dirigant Regulæ, Studiorum subsidia temperent Horrorem Strepitûs violenti, & subveniant dogmata, quæ Academia promit Imperio in Exercitum ferro & robore formidandum. Sanè quicquid fomenta Virtuti ministrat, quicquid Felicitatis Fulcra exhibet, id & Belli & Pacis temporibus conducit, in utroque regnat, & statum. Reipublicæ, tum militaris tum civilis, stabilit, nec inter moratiores gentes illud censetur justum, turbatis etiam per Animorû & armorum Motus, publicæ Tranquillitatis opibus, quod absque lege fluit, absque conscientia exerrat, absque lumine divino in tenebras se recondit, atque regionis terminos hastarum cuspidibus signat & distinguit. Maxumè verò si affulgeant læta tempora, & aut exedantur Rubiginæ æra, aut in ligones & vomeres conflentur nocendi Instrumenta, Jani templo cluso Leges vigeant, quas tum divini tum humani Juris Doctores profitentur, Ornamenta Christianismi

nismi adolescent, & sub DEO, à DEO vivatur DEO: Præscribitur tunc & urgetur cum successu Affectuum Temperatura, Inferiorum facultatum Obsequium, Superiorum & rectæ Rationis Officium, commendatur Conscientiæ Serenitas, & quantum abludat ab illa, quæ vel Ducem nacta cœcum impingit, vel suspensa & in scrupulis hæret demonstratur, promovetur Cultus divinus, inseruntur semina virtutum, radices Reipublicæ Christianæ, & quæ quemvis privatum quoque dirigunt, ex Ambone sacro & academico proponuntur, aut Scripto comprehensa cum aliis communicantur. Non ausus fuisset accedere TE SERENISSIME PRINCEPS, DOMINE CLEMENTISSIME, qui hætenus in castris egisti inter classico- rum cantus, Armorum Tinnitum, Ictus gladiorum, Equorum hinnitus, fremitumque militum, nisi nossem Generositatis bellicæ Spiritum non in Exilium ablegasse, quæ ex academica Informatione & sinceræ Religionis Christianæ Regulis hausta profundè animum occuparunt, & TE nuper admoto Regimini sese

luculenter cœperunt exserere, Vigilantiâ & Industriâ TE ostendisse hætenus Josephum Pro Regem Ægypti & Sitarchum, Magnanimitate Josuam, electi populi Ducem, Pietate Davidem, qui desideravit aulam repurgatam, Deo favente obtinuit, missis & longè ablegatis Gnathonum Umbris, qui non, quod ad pacem Israëlis facit, consulunt, sed artibus agunt, & suis utilitatibus lenocinantur; cui itaque magis conveniret præsens argumentum, quod tractat **THEOLOGIA MORALIS**, Scriptio exhibet de formandis animis, pietate fovendâ, confirmandâ, nisi Principi, qui in hæc propendet, quæ Deo grata, subditis amica, Reipublicæ fausta & proficua? Accipe itaque **SERENISSIME PRINCEPS** hoc non ex Mole, sed ex animi submissi Sinceritate & Devotione debitâ, Opus Pietatis æstimandum, quod Formam delineat Homini DEO probati, lineas virtutum pingit, ornamenta fidei nostræ in omni Statu describit, & quem complexus es Gratiâ tuâ Junior, ad Senium vergentem Adultus Calore illo Favoris Principalis ne destituas,



tuas, Exemplo Magni Patris EBERHARDI, qui in sinu æternitatis conquiescit: Fratris piè defuncti, WILHELMILUDOVICI, laudabiliter contra Insultus adversitatum defende. Interea Tuæ Administrationi adsit, qui totum Orbem Regimine suo sustentat, suo Lumine Te instruat, suis radiis Mentem Tuam illustret, ut si ve arma rapiant, si ve pax vocet, si ve secunda extollant, si ve adversa premant, si ve Favor exterorum adspiret, si ve minæ insurgant, in utrumque paratus, adversis & secundis, inter tuos, qui te sincere amant, jugiter inclarescas.

TUBINGÆ, Calend. Martii  
Anno 1678.

Ita vovet & precatur


*Devotus Cultor & Intercessor Tuus*  
apud DEUM,

JOHANN-ADAM OSIANDER, D.

Benevole Lector.

**E** Rrore Typographi factum est, ut *Thesis* vigesima Capitis decimi tertii pag. 354. fuerit transposita, cum fuerit referenda sub capitis undecimi pag. 313. *Thesis* quintam; irrepperunt etiam *Errata* quadam partim ex *Authoris Absentia*, partim ex negotiorum *Multitudine*, quæ *Benevolus Lector* pro *Humanitate* suâ corriget: Et cum festinaret *Bibliopola*, quadam concisius fuerunt proposita, multa contracta in compendium, quæ diffusius expendenda: auctarium quoque sequetur ad *Materiam* de *Sabbatho*, nempe de *Festis*, *Argumento* scil. affini Et quæ in *Spicilegium* relictæ.





ΣΥΝΟΛΩ.

C A P V T I.

De

THEOLOGIA MORALI.

T H E S I S I.



Olenne est Scriptoribus, qui aliquam Disciplinam tradunt, de natura habitus aliquid præmonere. Quapropter ne tritam videamur deseruisse viam, aliquid in antecessum de Indole & Essentia Theologiæ Moralis præfabimur; quamvis enim hoc non requiratur ad Esse alicujus Scientiæ, quæ res ipsas pandit & tractat, ad benè esse tamen facere, quivis, cui cerebrum non est in calcaneo, lubens admittet.

II.

Describitur autem Theologia Moralis; quod sit pars Theologiæ ex Scriptura petita, quæ actiones hominis renati dirigit, in quantum sanctitas in illis refulgere debet, & perducit ad vitæ pietatem & honestatem, quæ hic inchoatur, in altero vero Seculo consummatur.

III.

De Definito non multum solliciti erimus, cum constet dicere aliquod complexum, Theologiam nempe, de qua egimus in Tractatu de Theologia theticopolemica, & Morale, quod quomodo accipiatur, & in quo consistat, sequentia docebunt, hic maximè obtinet illa significatio, quæ à Moribus derivatur, mos verò secundum Perottum & Scalligerum à modo, Martinium à meo, ut Theologia Moralis vi nominis nihil aliud dicat, quam Doctrinam de Moribus Christianorum, quomodo illi formandi, poliendi, quorsum referimus illa Cyrilli Hierosolymitani scribentis Cathechesi quartâ: Religio duobus istis constat, dogmatum piorum accuratâ notitiâ, & bonis operibus: ita ut neque dogmata sine bonis Moribus DE O grata sint, neque opera, quæ absque dogmatibus piis fiunt, DEUS accepta habeat.

A

IV. Ia

## IV.

In Definitione loco Generis stat Pars Theologiæ. Cum enim Theologia se habeat per modum Totius, & quidem integri analogi, ut Philosophia, cum in illa occurrant non tantum credenda, sed & agenda, cum partes non melius describantur quam à habitudine ad totum & vicissim, præligendum censemus hoc genus, nec obstare arbitramur ipsum nomen Theologiæ Moralis, quia quemadmodum Ethica & secundum quosdam unà cum illâ Politica & Oeconomica venit nomine Philosophiæ moralis, & tamen non est peculiaris aliqua Philosophia, sed pars illius, ita quoque Theologia Moralis non dicitur oppositè ad Theologiam, sed partis naturam sustinet & imitatur.

## V.

Non satis clarè mentem suam exposuit primò Johannes Gerson, qui Theologiam quandam mysticam practicam confinxit, quæ consistat in opere, contradistinctam speculativæ, addens: *Non in subtili inquisitione veritatis, sed in cultu charitatis consistit regnum DEI, & impletio Legis, consecutioque salutis.* Nec secundò illi videntur satis genus expressisse, qui definierunt per habitum practicum, cum & hoc habeat Theologia Moralis cum Theologia simpliciter tali commune, & magis conveniat nomen partis, proximiusque attingat naturam Moralis Theologiæ, nec peculiarem illa constituat disciplinam, sed ad Theologiæ integritatem faciat, quanquam si quis ita illam absolurè considerare velit, nos cum ipso nolimus contentions ferram reciprocare. Tertiò non absque censura hîc dimittendi Eopolitæ, qui Theologiam Moralem transformarunt in doctrinam scelerum, officinam licentiæ, & volumen illud volans, secundum quod nebulones, fures & perjuri justificantur, ut constabit ex progressu, bilem imo justam indignationem moventes fociis Religionis, qui calamum strinxerunt adversus illos, inter quos eminent Merenda, Mercatus, Fagnanus, Marinarius, Augustinus de Angelis, Vincentius Baro, Montaltus, Wendrokus, Sinnichius, Valerianus Magnus & alii.

## VI.

Objectum reale hujus Theologiæ ponimus actiones hominis renati, vocabulo actionis laxè sumpto, quatenus etiam complectitur cogitata, motus primos, conatus & omne id, quod regulabile verbo divino, quod in exteriorum actionum exhibitione non acquiescit, nec exter-

nas

nas tantum dirigit, sed exactiorem requirit motuum complexum, & ad ipsas facultates animæ penetrat. Hominem autem renatum cum dicimus, intelligimus talem, qui regeneratus ex aqua & Spiritu, Joh. 3. v. 5. ex incorruptibili semine verbi, 1. Petr. 1. v. 23. mundum, oppositum immundo, ejus sensus & conscientia est inquinata, ad Titum 1. v. 15. atque ita hoc objectum secundum Materiale exprimimus. Formale vero est Refulgentia sanctitatis: ideo enim substituntur Theologiæ Morali Actiones, ut sanctitas illis introducatur, & lux nostra reluceat coram hominibus, ut Christus loquitur Matth. 5. v. 16. Personale hominem regentem sive conversum & justificatum, qui scilicet capax informationis & directionis, prius enim restaurari debet homo, quam exornari, prius renasci ex Spiritu, quam operari, prius fieri arbor bona, quam ferre fructus, cum nulla mala arbor possit ferre fructus bonos, teste Christo Matth. 7. v. 18.

## VII.

Minus commodè de Objecto materiali Theologiæ Moralis philosophantur Pontificii Doctores, primò, dum maximè substernunt illi actus humanos, qui proprii hominis à voluntate deliberatâ procedunt, ejus homo sit Dominus per liberum voluntatis arbitrium, ut ad finem propositum possit pervenire, de quo videndi Thomas 1. secundæ. q. 1. 6. & 7. Azorius T. 1. cap. 3. Filliucius tract. 21. num. 48. Et nimium viribus arbitrii tribuunt. Secundò, qui cum illis veram sanctitatem negligunt, confictam in variis electitiis inducunt, & vitrum pro margarita substituunt, ut ipsa Tractatio docebit. Tertiò, qui etiam homini irrogenito aliquam libertatem circa supernaturalia assignant, impeditum tantum esse censent, non viribus destitutum, qui cum auxilio gratiæ actualis hoc & illud possit, ut docent Bellarminus, Costerus, Forerus, Stubrokus contra Wendrokium pag. 53. & Martinez de Ripalda passim in suis Tomis.

## VIII.

Finis ultimus Theologiæ Moralis est Gloria DEI, quam supponimus, & ad quam omnia ultimò vergunt: *Vniuersa propter semetipsum operatus est Dominus*, Prover. 16. v. 4. *Ex ipso (DEO) & per ipsum, & in ipso sunt omnia*, Rom. 11. v. 36. Finis medius & internus est perductio ad vitæ Pietatem, Honestatem, & Morum Integritatem, cum enim Theologia se habeat regulariter, ut habitus inherens Theologis, non

A 2

fidei-

Fidelibus, quâ talibus, ideoque internus finis illius erit operatio illa, quâ versatur circa hominem moribus informandum, honestate Christianâ poliendum, quemadmodum Medicus pro fine habet perductionem ad sanitatem, Philosophus moralis introductionem honestatis; externus intermedius est ipsa vitæ integritas, charitas scil. de corde puro & conscientia bona & fide non ficta, 1. Timoth. 1. v. 5. quæ consummantur in Beatitudine. Hic enim sumus in perpetuo profectu, nec Imago DEI uno momento, sed sensim reparatur, usque dum deposita omni imperfectione ex carne plena in nobis refulgeat, secundum illud Pauli: *Depanite vos, secundum pristinam conversationem veterem hominem; qui corrumpitur secundum desideria erroris. Renovamini autem spiritu mentis vestra, & induite novum hominem, qui secundum DEUM creatus est in iustitiâ & sanctitate veritatis, Eph. 4. v. 22, 23, 24.*

## IX.

De Fine non dextrè sentiunt primò, qui cum Pontificiis exactionibus nostris merita faciunt, & Beatitudinem æternam illis respondere tanquam mercedem opinantur, quos pridem castigavit Nicolaus Lyra, scribens in cap. 10. Johan. Gloriz cœlestis non propriè dicitur merces, sed tantummodo largè, in quantum omne, quod redditur in præmium laboris, dicitur merces. Secundò, qui vitam æternam asserunt simpliciter esse finem Theologiæ Moralis: ambigua enim est hæc phrasis, atque vel ita intelligitur, quod finis Theologiæ moralis sit vita æterna, in quantum illa honestas & vitæ sanctitas, quam exponit, sit medium quoddam causale, aut conditio necessariò præ requisita, à qua suspendatur ipsa Beatitudo essentialis, atque ita nequit admitti in sinceriori Theologia hæc Opinio, aut quod finis illius sit vita æterna, in quantum tenditur per viam crucis & Lucis, pietatis & honestatis ad vitam æternam tanquam ad exoptatam Metam & Terminus, ab inchoata sanctitate ad consummatam, atque eo perducit Theologia, & ita largimur, posse dici finem, quorsum etiam respeximus in Descriptione. Probare autem non possumus, quæ scribit aliàs celeberrimus Theologus in Theol. Moral. pag. 3. thesi 6. Finis igitur ultimus hujus, uti universæ Theologiæ, salus & beatitudo est æterna: intermediū verò conservatio fidei & sanctimonia vitæ, quæ legibus & voluntati DEI conformetur; sive potius, accuratè loquendo, finis hujus partis adæquatus est conservatio fidei salvificæ & status gratiæ, in quantum à studio pietatis &

sanctimonia vitæ pendent. Et iterum pag. 4. Neque nunc medium ipsum, à quo consequutio finis secundum hanc considerationem pendet, ignorari poterit. Id videlicet est sanctitas vitæ posita in actionibus legi & voluntati divinæ conformibus. Actiones itaque hominis Christiani, quales diximus, media sunt ad rem nostram facientia, quæ propterea potissimas tractationis partes sibi vindicabunt. Hactenus ille. Posito enim opera esse necessaria ad salutem, quod nunquam largimur, ex præcepto, non tamen necessaria essent sub ratione medii, quæ duo distinctissima. Videatur ipse Becanus in Theol. Schol. Tract. de Virt. Theol. cap. 12. Tertio, qui putant cum Cameron, Spanhemio & aliis, nullos fore gradus inter altera vitæ, & pro qualitate sanctitatis atque virtutum, quæ vel magis vel minus refulerunt in hoc vel illo subjecto, nullam fore diversitatem præmiorum, contra illud Pauli: *Et corpora cœlestia, & corpora terrestria: sed alia quidem cœlestium gloria, alia autem terrestrium: Alia claritas Solis, alia claritas Lune, & alia claritas Stellarum. Stella enim & Stella differt in claritate.* 1. Corinth. 15. v. 40. 41. Videatur Augustinus lib. 22. de Civitate DEI capite ultimo.

X.

De Efficiente principali Theologiæ non est ut laboremus, conplanum sit illam esse DEUM in Essentiâ unum, in personis trinum: *Omne datum optimum, & omne donum perfectum, desursum est descendens à Patre luminum, apud quem non est transmutatio, nec vicissitudinis obumbratio.* Jacobi 1. v. 17. Medium vero revelatio divina, unde etiam in definitione meminimus originis, & diximus illam ex Scriptura esse petitam, Matth. 11. *In illo tempore respondens Iesus dixit: Confiteor tibi Pater, Domine Cæli & Terræ, quia abscondisti hæc à sapientibus & prudentibus, & revelasti ea parvulis.* v. 27. *Omnia mihi tradita sunt à Patre meo. Et nemo novit filium nisi Pater: neque patrem quis novit, nisi filius, & cui voluerit filius revelare.* Joh. 1. v. 18. *DEVM nemo vidit unquam: unigenitus filius, qui est in sinu Patris, ipse enarravit.* 1. Cor. 2. v. 14. *Animalis autem homo non percipit ea, quæ sunt Spiritus DEI, stultitia enim est illi, & non potest intelligere: quia spiritaliter examinatur, adminiculorum rationem habent Canones Conciliorum, Scripturæ Patrum, Prudentum & Philosophorum monita & regulæ.*



## XI.

Nimis insolenter & injuriose in ipsum DEUM Johannes Car-  
muel à Lobkowitz primò in Theologia Morali perorat, & dicit : Ad  
Te , Magne Benedicte , mentis oculos subigo , & Tuam summam dis-  
cretionem considerans, Poëta labio utor, & exclamo :

*Is genus indocile & dispersum montibus altis,  
Composuit legesque dedit.*

Tibi Legislatori optimo maximo debetur tota Philosophia & Theolo-  
gia moralis : Tibi enim Jus Canonicum , Tibi etiam Regulare , Tibi  
seculare & Politicum. Gratianus Decretum, quod totius Juris Canoni-  
ci basis & fundamentum, edidit ; & Gratianus , seu Classensis seu Fœli-  
censis fuerit Monachus ; seu utrumque seu neutrum ( nam scriptores  
variant ) Monachus Tuus fuit ; & si vitæ , quæ ex variis excerpta Decre-  
torum volumini præfigitur, creditur, cælum possidet ; quoniam in con-  
versatione regulari tuæ exactissimè consonuit regulæ , & per duodecim  
securissimos gradus Humilitatis ad gloriam divinam ascendit. Jus Re-  
gulare Tuscripsisti , indixisti , observasti ; & à Te morum integritatem  
videntur juniores Patriarchæ , & Ordinum Institutores didicisse. Sed &  
Jus Cæsareum Tuum est ; Nam Justinianus Legislator , nepos fuit Tuus ,  
ipseque gloria Aniciz gentis , à quâ Serenissima Domus Austriaca du-  
cit originem ; quoniam si res debito studio examinetur , ante Rudol-  
phos & Albertos , cum Domus Austriaca audivit Justiniana & Anicia ,  
illa Cæsarum fuit ; à Cæsaribus orta , dedit Europæ Cæsares , & regio-  
nes nobiliores Cæsaribus. A Te , Pater Sanctissime , à Tuo Gratia-  
no , à Justiniano Cæsare etiam Tuo , à Petro Lombardo & Comestore  
doceor , & qualis esse debeat Theologus , qui Vir Doctus nomine-  
tur, addisco. Sic sentio, sic pronuncio, sic assero. *Non est dignus exi-  
mio Viri Docti vocabulo , qui non sit alter Benedicte , alter Gratianus ,  
alter Lombardus , alter Comestor , & alter etiam Justinianus*, rem per-  
tingo. Secundò iniqui sunt Pontificii in Scripturam , quæ principium  
Theologiæ Moralis , vel medium à quibusdam dicitur , tum traditio-  
nes illi exequando , ut constat ex jure Canonico Distinct. II. c. Eccle-  
siasticarum, s. ubi hæc leguntur : Ecclesiasticarum Institutionum quas-  
dam in scriptis , quasdam verò Apostolicâ Traditione per successores  
in Ministerio confirmatas accepimus , quasdam verò consuetudine ro-  
boratas approbavit Usus , quibus par ritus & idem utrisque debetur  
pi-



pietatis affectus. Paria habentur in Concil. Trident. Sess. 4. tum à Pontifice vim Scripturæ suspendendo. Nota sunt illa Stapletoni Controversia quarta, quæst. 1. art. 3. scribentis: DEO loquenti in verbo suo scripto non est credendum, nisi interposito iudicio autoritativo scilicet Pontificis, tum patrum & Conciliorum placita nimis extollendo. Toleratur, inquit Eccius in Enchiridio, Art. de Concil. Conciliorum aut Patrum Authoritas, & omnia in Ecclesia erunt ambigua, dubia, pendencia, incerta: Adde Salmeronem in 1. Job. 5. Disp. 25. §. 3. Durazum contra Wittakerum, pag. 125. & 140. Melchiorem Canum in locis Theol. I. 7. cap. 3. num. 12. Tertiò, piz Antiquitati insultant Eojolitz, dum præferunt recentiorum commenta, & opiniones versatiles Patrum venerandorum gravitati & adstrictiori disciplinæ, unde Pater ille, cum quo Ludovicus Montaltus contulit Epistolâ quintâ opponens Patres, hoc respondit, nã tulomninò cœcutis in istis rebus. Nescis formatiis suorum temporum moribus accommodatos Patres fuisse, à nostrorum temporum moribus longè abhorrere? Non igitur nunc ex illorum Decretis, sed ex recentiorum Casuistarum legibus vivitur, adducto testimonio Cellotii, Reginaldi, Dianæ confirmavit, atque tandem conclusit: His Patres relinquimus, qui positivam, ut ajunt, Theologiam tractant: Nos quibus regendarum animarum cura commissa est, veteribus illis parum utimur, recentioribus contenti: hinc vix alios in scriptis nostris laudari cernas. Exemplo erit meus Diana immensorum Voluminum confector. Hic Scriptorum, quorum in libris suis meminit, Catalogum in limine præmittit, ducentos supra nonaginta sex enumerat, quorum antiquissimum non plus octogintâ ab hinc annis scripsit.

## XII.

Affectiones easdem habet cum Theologia, si de veritate, necessitate, & sanctitate sit sermo: nam & hæc pars Theologiæ vera est, quia hausta ex Revelatione divina, necessaria est ex hypothesi consequendæ honestatis in vita Christianâ; sancta est vel maxime, ut cætera transeamus ex formali, quia sanctitatem intendit hominis & actionum, quæ ab ipso eduntur.

## XIII.

Non hæc gaudet insignibus Theologia moralis Jesuitarum. Deservitur illa veritate, utpote difformis verbo DEI, ut etiam Abbas Cy-

conius Doctrinam moralem vocavit Jesuitarum diabolica dogmata, tam iniquitatis & licentiae doctrinam, nefariam sanctissimorum dogmatum perversionem, atque funestarum opinionum Torrentem. Secundò, Necessitate, si enim non necessaria est scholastica, ut disputat & propugnat Rodericus ab Arriaga tom. 1. disp. 1. sect. 4. §. 32. carere poterimus quoque sorore illius Theologia scil. morali; si pia Antiquitas nihil novit de illo opinionum systemate, & honestè vixerunt Christiani antequam illa commenta Christiano orbi fuerunt obtrusa, quidni illis possimus rejectis studere pietati; si Legis divinae praecepta sufficiunt ad directionem morum, maximè si probè & exactè proponantur & explicentur, quid opus erit hominum adinventionibus, quae pietati adversantur. Tertiò Sanctitate, percurrere Moralistarum libros, deprehendes te adiisse cloacam ex qua omnium vitiorum foetores exhalant, invenias ad quae humani ingenii vim, cordisque malitiam non potuisse pertingere tibi persuasisse, videbis vitia coloribus virtutum incrustari, elevari omnis generis peccata, Atheismum, Polytheismum, idololatriam, profanationem nominis Divini, Festorum vilipendia, parentum contemptum, homicidia, lenocinia, adulteria, furta, mendacia, & quicquid sordium est in Mundo; stare pro impiis sententiis, tanquam pro aris & focis, Caramuelem, Dianam, Baunium, Sanchezium, Garassum, Lessium, Tamburinum, Ferdinandum à Castro Palao, Antonium de Escobar & Mendozam atque alios. Diana certè ab Innocentio Decimo, Caramuele & aliis vocatus fuit ob laxitatem sententiarum & peccatorum excusationem Agnus DEI, qui tollit peccata mundi. Ut meritò repetamus illa Basilii: Subversa sunt pietatis dogmata, turbati pietatis ritus, Ambitio eorum, qui dominium non metuunt, Ecclesiarum Gubernacula invadit. Desierunt, qui gregem Domini pascant cum scientia, dispensationes pauperum ad propria oblectamenta absumentibus iis, qui ambitionis dominandique studio tenentur. Elanguit Canonum exacta diligentia, multa est peccandi licentia. Qui enim humanis officiis adjuti ad Principatum perveniunt, hac ipsa delinquendi permixta licentia vicissim gratificantur. Interiit justum judicium, juxta desiderium cordis sui nemo non ambulat. Malitia omnem excedit mensuram. Fides ipsa in ambiguum vocatur, ignorantia offunditur mentibus: propterea quod formam ad speciem veritatis praelexerunt, qui sermonem versutè adulterant. Silent enim pie docentium ora: resoluta verò est quaevis blasphema lingua: lingua nul-

Ita est exercitiz pietatis, nulla ad Evangelii normam conversationis reverentia, cessarunt doctrinz salubres, occlusa sunt piorum ora, resecrata verò est quzlibet audax lingua eorum, qui adversus DEUM loquuntur injustitiam. Columna & stabilimentum veritatis dissipatur. Quis dabit capiti meo aquas, & palpebris meis fontem lachrymarum? & plorabo complures dies populum perversis doctrinis ad perditionem adductum. In transversum enim rapiuntur simplicium aures, & in consuetudinem transeunt hæretica impietas, in istis impietatis turbinibus educantur Ecclesiz infantes, revera namque insolens est, & vehementer jam rarum, Ecclesiam videre sinceram, quæ nihil à malicia temporum istorum læsa sit, quæ integram & inoffensam servet Apostolicam doctrinam. Vobis igitur à pestiferis contra DEI Spiritum doctrinis caveatis, congressus sane illorum subdolos & ad subversionem audientium instructos declinetis. State in fide, Patrumque fidem infractam ac sanam conservate.

## XIV.

Quamvis autem videatur non ita necessaria hæc pars Theologiæ, utilis tamen & necessaria est partim, quia integrat corpus Theologiæ sinceræ tanquam membrum quoddam, & pertinet ad *ἡπίγνωσις ἀληθείας, τῆς κατ' ἐνσέβειας*. Tit. 1. 3. 1. partim quia Christianismus omnimodo promovendus, qui secundum Cyrillum Catechesi quarta, eorum, qui illuminantis religionem dicit, quæ duobus istis constat, dogmatum piorum accurata notitiâ & bonis operibus: ita ut neque dogmata, sine bonis moribus DEO grata sint, neque opera, quæ absque dogmatibus piis fiunt, DEUS accepta habeat, hæcque nos ducat Dæcalogus veræ & sinceræ sanctitatis & honestatis Prototypon, partim quia non tantum hic occurrunt, quæ Lucem desiderant ex Scriptura & serenationem mentis in praxi, sive agendi, sed etiam propter adversarios, qui jactant in hac Arenâ Magistros, & nihilominus totam moralem Theologiam conspurcant, ut proinde necessaria & utilis merito habeatur illius Tractatio.

## XV.

Non itaque ex vero, quod Remonstrantes tribuunt Reformatis in primis, si ad Lutheranos extendant, versari illos in merè speculativis, nec profectum fuit ex ingenuo Animi sensu illud Petri Bertii dicentis in Oratione sua habita Parisiis: Totum illud, quod est de moribus &

B

conscien-

conscientiæ examine negligere in Scholis Novatores Theologos, & tamen quoties in Templis aliquid ad populum hac de re dicendum est, non aliunde quam à nostris petere argumentum, quibus auditores ad dilectionem DEI & proximi excitari possint. Nec secundo, quod quidam Theologis nostris exprobrabant negligentiam in hoc studii genere, cum non tantum primum post tot corruptelas sincera doctrina revocanda articulorum, & illa maxime fuerit inculcanda, sed & sparsim de argumento egerunt, B. Lutherus, Balduinus, Koningius, Mengerius, Keslerus, & quanquam eum grano salis accipiendus Joannes Arndius. Tertiò, quod quidam putant esse vel inutilem, vel etiam noxiam hanc partem, quod tamen de vera dici plane nequit.

## XVI.

Divisio Theologiæ moralis quamvis à variis variè instituat, nos tamen existimamus posse illam in tres partes distingui, ut prima scilicet agat de sanctitate vitæ, altera de subjecto homine scilicet renato, & objecto æthereali, actibus humanis, ad quos referenda doctrina, de principiis illorum, denique tertia de mediis, lege scilicet divina, maximè in morali & virtutibus illi respondentibus, nec non vitiis adversantibus.

## XVII.

Non placent autem primo ex Pontificiis illi Doctores, qui sunt Martino Bonacina Mediolanensi, Carolo Malleto, Ludovico Abelly Parisino doctrinam de Sacramentis sub Theologiam moralem referunt & primum de illa in ea prolixè agunt. Secundo illi, qui cum Antonio de Escobar & Mendoza, Vallisolitano in septem Sigilla illam dividunt. Tertiò, qui cum Laymanno & Bardoà Conscientia ordiuntur, cum Cammele à Libertate humana, cum Antonio Fernandes de Moure à Legibus & progrediuntur inde ad Sacramenta, ab his ad peccata.

## XVIII.

Notabilis est depravatio Scripturæ & in falsa plane accommodatio ad Theologiam moralem Pontificiorum, quam exhibet Idea operis Escobariani, quæ ita habet: Johannes videns *Apocalypses cap. 5.* methodum, meo operi indulget, ut Theologiæ Moralis tractatio Positivæ sapiat interpretem. Agnus JESUS Theologiæ Moralis librum obsignatum ostendit. Septem Sigillis Leges, Peccata, Justitia, Censuræ, Virtutes, Status, ac Sacramenta occluduntur; quæ quatuor Animantibus, Bovi fortissimo agri veltatori Suarj, volanti Aquilæ Vasquez, pruden-

Alenti juris Homini Molinæ, ac Leoni adversus hæreses rugienti Valentini  
 celebravit. Confident lectores viginti quatuor Jesuitæ, seniores quidem,  
 non ætate solum, sed & Scientia, videlicet, Sanctius, Azorius, Toletus,  
 Henriquez, Lessius, Rebellus, Coninch, Ayala, Reginaldus, Filiucius, Salam,  
 Hurtado de Mendoza, Gaspar Hurtado, Laymannus, uterque Lugo, Fran-  
 ciscus & Ioannes, sanguine ac sapientiâ germani, (hunc virtutes & sa-  
 pientia ad Sacræ Romanæ Ecclesiæ Principatum evexerunt,) Becanus,  
 Fagundes, Granados, Castro Palans, Gordonus, Baldellus, Saa, ac Mara-  
 cius. Legunt & Præpositus, Tannerus, Bellarminus, Gresserus, Turrianus,  
 uterque Polancus, Buscus, Fernandez de Cordua, & alii, si Alcasare Au-  
 thore, numerus ille viginti quatuor Seniorum officii est. Etenim omnes  
 præcelli Ordines Angeli septem appellantur, juxta illud Raphaëlis: *Sun-  
 tus ex septem*. Tob. 12. cum penè sint innumerabiles. Mysteria itaque  
 libri referaturus, libri præmittam Proœmium, principiorum Theolo-  
 gicæ Moralis nonnulla prælibans; nempe de fine ultimo, de Actibus hu-  
 manis, de Conscientia, de Gratia. Mox quidem ad Sigilli primi per-  
 go referationem. *Et vidi (ait Johannes) quod aperuisset Agnus unum,  
 de septem sigillis, & ecce equus albus, & qui sedebat super illum, habebat  
 arcum, Apoc. 6. Christus eques potestatis arcum ostentans, qua & na-  
 turæ author, & Rex, ac Parens Ecclesiæ leges præscribit, præcepta anti-  
 qua indicit, nova præfert: in onerisque sublevationem Privilegia indul-  
 get. Sigillo secundo referato, exivit equus rufus, & qui sedebat super  
 illum, datum est ei, ut sumeret pacem de terra, & ut invicem se interfice-  
 rent: & datus ei gladius magnus. Apoc. 6. Pacis ablegatio, vulnera,  
 interitus undenam ducunt exortum? An non ex peccati gladio animum  
 vulnerante, corpus imminuente? Ita Absbertus, & alii huiusce gladii  
 magnitudinem interpretantur. Exhibet igitur huiusce sigilli Mysterium  
 materias de peccatis in communi, de septem vitiis capitalibus, de uni-  
 versis peccatis mortalibus, quæ possunt à fidei committi. Et cum ape-  
 ruisset (pergit Joannes) sigillum tertium, ecce equus niger: & qui sedebat  
 super illum, habebat stateram in manu sua; & audiivi quasi vocem: *Bile-  
 bris critici denario*. Apoc. 6. Quis non videat hîc Justitiæ manu stater-  
 am gestantis imaginem, ut cunctis suum jus impertiri possit? Porro  
 ex quarto aperto sigillo equus pallidus prodiit, & qui sedebat super eum,  
 nomen illi *Mors & Infernus* sequebatur eum: & data est illi potestas super  
 quatuor partes terræ, interficere gladio, fame, & morte. Apoc. 6. Quam*



appositè mortem peccati, quam inferni contumacia comitatur, Censurarum, ac Poenarum vulnera flagellant. Post quinti sigilli apertionem *Vidi* (ait Joannes) *subtus Altare animas interfectorum propter verbum DEI, & data sunt illis singula stola alba.* Martyres quidem adhuc clamitantes subtus Altare divi amoris igne succensi, Fidei assertores, Speique felicitatis interminabilis, ob quam perituram vitam obtulere, commendatores Theologicarum virtutum Fidei, Spei, ac Charitatis victorias concelebrant, Religionisque gloriæ thura libant. Equidem sexti sigilli rationem terræ sequitur concitatio. *Erecc terra motus magnus factus est, &c.* Apoc. 6. Principes, divites, & fortes terræ montium advolant ad latibula, Agni futuram iram instar Leonis meditantes. Adstant Ecclesiæ Proceres Ordinum signati caractere. Gentes, Tribus, Populi, & linguæ innocentiz amicum Agnum adorant. Dominicæ Reipublicæ tres Status hoc profert sigillum; Clericalem, Regularem, Sæcularem. Quorum obligationes aggrediar exprimere. Denique Apostolus: *Et cum aperuisset sigillum septimum, vidi septem Angelos stantes in conspectu DEI, & data sunt illis septem tuba.* Et alius Angelus stetit ante Altare habens thuribulum aureum: *& data sunt illi incensa multa.* Apoc. 8. Plane Angelus hic Sacerdos Pontifex Ecclesiæ Dominicæ, minister utique Sacramentorum, quæ septem in Tubis, totidem Angelorum, Augustino auctore, signantur. Cui consimilem adornavit Joannes Caramuel, quæ tamen ut dissensum videas in expositione non convenit cum Escobariana. Verba illius pag. 44. ita reboant:

*Iam patet accessus. Lector procede: sigillis  
Olim septenis Erbita clausa fuit.  
Clavibus at dudum referamus singula paucis;  
Inferme illis Vixere: Vive: Vale.*

Inter Revelationes, quas divinitus hausit Joannes Theologus & Evangelista, mirabilis illa est quam Apocalypseos sexto scribit: *Vidi in dextera sedentis supra thronum, ait, librum scriptum intus & foris, signatum sigillis septem.* Et quidem Evangel. Theologo non debebat alius Liber coelitus ostendi, quàm Theol. Liber igitur scriptus intus & foris, Moralit Theologiæ liber est, ut benè notavit Escobar, quamvis conceptum aliter fuerit prosecutus. Porro Scholasticæ speculationes licet internæ & mentales nos attingunt exterius, (eruditionem enim & doctrinam perficiunt, sed forum interius non tangunt) at practica Mora-

lia



itates forum interius & exterius concernunt, & ideo scriptæ interius & exterius dicuntur. Si rem aliè considerem, inveniam Libri interioris faciem (conscientiam humanam subintelligo) debere aperiri, & solere etiam frangi. Olim apud tenebrarum Principem, oraculis circumvenientem populos, solvi aut frangi ab Alexandro nodum Gordianum idem fuit; at apud Lucis Empyrææ Principem, aliud est aperire, aliud rumpere; aliud solvere, aliud frangere. Ruptæ homines conscientiæ sunt, quotquot divini timoris immemores temerè in Theologicas sanctiones impingunt; apertæ verò, qui in angustis dubiorum constituti, clavibus legitimis interpretando & dispensando, solverunt legum vincula & viam benignam aperuerunt. Sed quis est dignus angustias relaxare conscientiæ, & aperire librum & solvere signacula ejus? Profecto nemo potest in cœlo Angelus, nemo in terrâ Homo, nemo sub terrâ spiritus, non solum conscientiam strictam solvere, aut confusam componere, sed neque providere anxie, & prospicere dubie, nisi Agnus-Leo, aut etiam ejus nomine ille, cui claves ipse communicaverit. Sancte Agnus-Deus, Regni cœlestis claves Pontifici summo commisit; at claves Libri scripti intus & foris, non solum ipsi, sed etiam Ecclesiæ Doctoribus, quibus aperire conscientiæ novas easque probabiles vias divinitus concessum est. Cum igitur seræ seu sigilla sint septem, multæ erunt claves, quas juvat proponere & exponere. Sed quæ sunt ista septem Sigilla? Quæ istæ analogè eisdem correspondentes claves? Audiamus ipsum Evangelistam. E primo sigillo aperto ab Agno, ut Apocalypseo sexto Johannes ait, egressus fuit Justitia speculativa; sed unde id scio? ex charactere & symbolo; nam fridebat olim vates: *Phœbus adest; sonuere tabæ, sonuere phatetra: signa Deos nosco per sua, Phœbus adest*, cur non potero ex symbolo justitiam noscere, sed proponitur symbolum: *Eques, qui habebat Arcum; & data est ei corona, & exivit vincens ut vinceret*. Multa interspicio arcana, quæ alibi uberius explicabo: nunc breviter singula perstringam. Porro Arcui est similis Justitia speculativa, flecti debet, ut scopum attingat; & tamen, frangitum flectatur, rumpetur: quo sensu intelligendum est illud Pronunciatum Juridicum *subtilitas nimia nō valet*. Justitia postulat, ut Leges Pietati & publico bono se attemperent, & quando ratio postulat, inflectantur; non tamen ut rumpantur: dantur enim decretorum & legum commutationes, dispensationes & interpretationes, sine quibus tyranni-

his esset, quæ nominaretur *Iustitia*: nam ut est in adagio, *summum jus, summa injuria*; & quidem illud est summum Jus, quod nimium; quod cumpi solet & flecti non solet: quod nullam commutationem aut dispensationem; quodque nullam interpretationem admittit. Pulchre author quidam Junior. [Si omnia ad legum rigorem examinentur, injuria fiet plurimis. Leges enim de factis statuunt, nullâ circumstantiarum varietate definitis: facta verò singula circumstantiis suis descripta sunt, quibus vel mitigantur, vel aggravantur, (imò etiam vel aliquando mutantur specie) quarum cum (penè infinita) sit varietas; nullis unquam legibus illa comprehendi possunt.] Si ad alias facultates oculos convertamus, succurrent tres illustres Artifices, Polycletus, Lesbias & Vitruvius: primus utebatur regulâ ferreâ, quæ frangi prius, quam flecti posset: secundus plumbeâ, quæ se omnibus angulis accommodaret, sed tamen eodem retineret: ultimus ligneâ, quæ flecteretur, cum esset opus, ac causâ cessante ad rectitudinem rediret. Tyranni Polycleto sunt similes, ferro subditos regunt, & malunt crepare quam flecti. Lesbiz autem Principes, quos ignavos & remissos vocamus, ex causâ liberio rem conversationem tolerant, & ea cessante antiquum rigorem non restitunt. Hinc contra leges, mores & consuetudines, hinc præscriptiones, hinc usus, & abusus sunt orti. Ergo peritura est Respublica, si Magistratus regulâ utatur ferreâ aut plumbeâ. Pereunt communitates, cum in plumbum degenerant, non seculares solum, sed etiam Ecclesiasticæ: Monachi enim, qui plumbeâ regulâ probantur, D. Benedicto teste nullâ approbantur, quoniam secundum plumbei naturam mollesci, adhuc operibus servantes sæculo fidem, mentiri Deo per censuram nesciunt. Ergo superest, ut Leges sint similes Vitruvii Regulæ, ut flecti possint, cum ratio & prudentia præcipiunt, & restigio redeant, si cesset causa. Sint arcui similes, habeant inflexionis mensuram, ut dum retorquentur redeuntque, scopum seu finem tangamus. Reipublicæ, quæ tales leges habeat, data est corona; ut ipsa coronetur, & etiam suos cives coronet. Ut coronetur quidem; ejusmodi enim communitas erit omnium Rerumpublicarum Imperatrix, ut suos coronet; nam si præmia absint, languebit virtus, & animo despondebit modestia. At hæc ipsa corona, non inermi & indigno, sed homini capaci, qui possit militare, debetur; Homini, qui sit vincens ut vincat; est enim militia vita, hominis super terram, & in quocunque

dunque statu cum improbis pugnandum est. Dantur præmia victori-  
 & victuro : sequuntur enim & præcedunt merita. Sunt enim præmia  
 & prævia : quæ præmia & virtutes antiquas coronant ; & quæ prævia ex-  
 citant & præformant futuras. E secundo sigillo Justitia Practica ge-  
 neralis exorta est : *Et datum est ei, ut sumeret pacem de terrâ ; & ut invicem  
 se interficerent, datus est ei gladius magnus.* Nam cum agimus de spe  
 æulativis, summa est animorem tranquillitas ; ac verò ubi primùm ve-  
 nimus ad Practica, incipiunt quæstiones & lites. Porro litigantibus  
 datur gladius magnus. An ne ut vincant ? Ne crede. Nam magni gla-  
 dii non sunt homini præsidio, sed oneri : in cuius propositionis confir-  
 mationem succurrit apophthegma ex Plutarcho. [Cum enim Laco-  
 nes non in linguis, sed & in lingulis (gladiis) etiam breviter summam  
 affectarent, iridebantur à nonnullis ; quibus fortiter respondit Agis :  
*His brevissimis ensibus Lacedæmonij assequuntur hostes longissimis arma-  
 tos gladiis.*] Quæ verba me juvant, & verbis Cypriani ad Donatum,  
 si & ista juventur, juvantur. *Paratur gladiatorum ludus, ait Cyprianus ;*  
*sed quando ? quando partes inter se dissentientes litem contestantur ju-  
 ridice. Sed cur ? ut libidinem crudelium luminum sanguis oblectet : omnes*  
*enim avari Judices & Advocati, crudelēs sunt : exsugunt enim clientum*  
*sanguinem. Homo occiditur, aut expoliatur saltem, in hominis volupta-  
 tem, & qui possit occidere, aut expoliare, peritiā est usus : scelus non tan-  
 tū geritur, sed docetur.* Ecce lites Advocatorum sunt & Judicum fre-  
 quentissimæ mundinæ, in quibus hiigantes magnis utuntur gladiis, hoc  
 est, follis ; & tamen semper à Ministris Justitiæ superantur. Nam dum in-  
 ter te cognatumque trunantur iurgia & privatæ aliquæ dissensiones, (pu-  
 ta de hereditate) ad utrum illa pertinet, dubium est : cum autem primùm  
 hic contestatâ incipit tribunalium strepitus, ante omnem sententiam  
 cessat dubium ; illa enim jam hereditas, non ad te, non ad illum pertinet,  
 sed ad Judices & Advocatos : nam dum vos gladiis magnis Jura propria  
 tuemini, Advocati, Senatores, Consules, Judices, &c. parvis aut nullis  
 vos assequuntur, & tandem extunt. Habet nostra ætas multos Stra-  
 doles & Diocles, qui periti erant Juris, & se asserente Plutarcho, ad  
 auream messem invitabant : unde meritò Ludovicus XII. Galliarum  
 Rex, ut in Annalibus Francorum legimus, Tribunalia vocabat *Sen-  
 atorū mundinas*, in quibus multi sub hastâ sententias & jura mercantur.  
 Scio esse multos *Jureconsultos pios ; sed quæ in avaros dicta, viros pro-*  
 bos.

hos non tangunt. Prodiit è tertio *Justitia specialis formalis*; illa, quæ leges ipsas formaliter sumptas considerat, & examinat: *Et habebat statera in manu*; ut doceamur debere leges in pondere numero & mensurâ proferri. In pondere; nam ponderari singulæ circumstantiæ sæpè debent, & onera subditorum viribus commensurari; debet considerari numerus legum & civium; non enim omninò errant, qui dicunt, eò pauciores oportere esse leges, quò plures subditi. Debent leges attemperari & proportionari subditorum viribus & ingenio, omnis enim humana potestas à DEO, & ad publicæ rei conservationem & non destructionem data: quâ qui abuteretur, deberet ad Locrensiū mores & instituta judicari: debebat enim apud ipsos legem laturus, prius collum laqueo inferere, & legem posteriùs pronunciare; acclamatione populi honorandus, si tulisset honestam; sin minus, laqueo constricto suffocandus. Egressa ex quarto fuit *Justitia specialis materialis*: nimirum, quæ legum contemplatur materiam: *Et vidi, & ecce equus pallidus*, (pauper, & languidus) *& qui sedebat super eum, nomen illi mors; & infernus sequebatur eum*. Ecce verbis paucissimis legum omnium materia comprehenditur. Agitur in *Ethicâ* de divitiis, agitur de vitâ, agitur de animâ. E quinto sigillo prodiit *Justitia Canonica*; *Juris Pontificii* Fundamenti insistentis: *Et vidi subtus Altare animas intersectorum propter verbum DEI, & propter testimonium, quod habebant; & clamabant voce magnâ, dicentes; Usque quo Domine Sanctus & verus, non judicas & vindicas sanguinem nostrum de his, qui habitant in terra?* Quoniam Ecclesiastici omnes, si sunt, qui debent, mundo mortui, vivunt DEO. Habitant apud aras; imò infra aras; qui enim supra aras volunt potestatem exercere, non Christi Domini, sed Antichristi sunt. Duo sunt Ecclesiasticorum genera, aliorum enim conversatio est in cœlis, & aliorum in terris; illorum, qui cœlestia diligunt, & despiciunt terrestria, vita & mores implorant DEUM adversus illos, qui sub Ecclesiasticorum nomine & habitu despiciunt cœlestia & sola terrena procurant. Huc pertinent principia etiam Theologica, quæ voco *Axiomata*; huc etiam Regularia, quæ voco *Syntheses*, huc Civilia, quæ *Regula* vulgò vocantur. Hæ Positiones sæpè fuerunt proscriptæ, sæpè dilaceratæ, sæpè extinctæ, ab Heterodoxis, imò & à Catholicis interdum. Sed clamavimus ad DEUM; & jam suscitantur, firmanentur, revocantur. Jam obinent ab omni malæ interpretationis infectione aut suspitione vindicatæ. Et è sigillo sexto *Justi-*

*Iustitia Theologica emerfit : illa nimirum, quæ dilucidat & illustrat Decalogum : Et ecce terra motus magnus factus est , & Sol factus est niger sicut cinis , & Luna tota facta est sicut sanguis , & Stella de celo ceciderunt .* Quando enim ad Decalogi principia devenitur , lumen rationis etsi pulchrum ut Luna sit , aut etiam electum ut Sol , multa obscuritate eclipsatur . Multa sunt præcepta divinitus , quorum obscuræ sunt rationes ; quoniam supra humanam illæ sunt , quibus æternus Legislator mundum rationalem gubernat . Unde merito in sacrâ Scriptura esse dicitur DEUS absconditus , & qui posuit tenebras latibulum suum ; in quo rimemur paucula , & innumerabilia ignoremus . Et tandem ex sigillo septimo prodit Sacramentalis Lex ; *Et factum est silentium in celo quasi media horâ .* Si bene intelliguntur Sacramenta , ascendit fumus incensorum de orationibus Sanctorum de manu Angeli coram DEO : Et si malè vitia pullulant , sylvescunt peccata , & facta sunt tonitrua , & voces & fulgura & terra motus . Et quidem mihi à me imposuit est moralia dicendi & docendi silentium ; non perpetuum , sed quasi mediâ horâ ; non enim multis indiges , AMICE LECTOR , ut singulas propositiones recognoscas ; nec ego multis , ut tuas Recognitiones speculer . Emitto in lucem istum librum , & sicut Cocus Apelles olim , lateo apud Tabulam , & singulos audire desidero ; modò nemo sutor iudicet ultra crepidam ; quoniam subaudire Grammaticos de subtilissimis Theologicis arcanis delirantes , si jocose res agatur , jucundum ; si seriò , durum & intolerabile est . Iudicium tuum , quod spero , recipiam : silebo congruo tempore , quousque subtiles meditationes tuas addiscam : & postmodum à te doctus eloquar , & singula eruditior resumam ,

## XIX.

Languet etiam Excusatio sociorum quam Honoratus Fabri adornavit , negando primò Jesuitas usuras inducere , adducens Alexandrum VII. Pontificem occinentem in societate multos esse , eosque eximios divini verbi præcones , scriptores doctissimos , Magistros & Professores scientissimos , Homines literaturæ omnis generis peritissimos , imò & quod ipse ultrò fassus , Christianis virtutibus & religioz vitz sanctimonia præstantissimos , vix tamen in tanto numero , vel tolerabilem Oeconomum sive Procuratorem esse . Secundò , Simoniz labem abstergendo , à qua instituti Lojolitici homines sint alieni , ut ne stipendia quidem pro sacris Ministeriis rependi solita , vel petere , vel accipere valeant .



leant. Tertiò, homicidia amolendo. Num enim, seribit, vitam hominibus eripiant, qui propriam vitam & sanguinem pro illorum salute profundant? Num diro mucrone Christianos petant ad mortem, qui pectora Mucronibus infidelium objiciant ad vitam anime iis procurandam. Nam primò Barifonius Domus & Collegia Lojolarum nihil aliud esse dicit, quam Tabernas sanctissimæ ejusdam usuræ, in quibus is cui initiandi facta fuerit potestas, modum inveniat omnem affectum absque scandalis evomendi, & sine sorte ullâ maximas commoditates non mediocribus cum divitiis acquirendi, quas invicem possidere, iisque uti frui queant. Quis nescit, quantum proficiant in Bonis illius Ordinis homines. Num benedictio Domini ita ditat absque labore; si Oeconomus laborat societas, cur Pontifex Paulus V. in cura rei familiaris sive constabiliendæ, sive locupletandæ Jesuitarum Procuratore fuit usus, ut docent nos Arcana Societatis pag. 45. Quam etiam fuit opinio, tametsi faciem vix hominis haberet, & nihil admodum literarum didicisset, mox Cardinalem creatum iri, quia videlicet cum secundum pectus concusserit, inveniendi argenti technas instituere, & difficultates nummarias expedire noverit. Secundò, an pro sacris Ministeriis nihil accipiant Lojolitæ Barifonius docebit, qui refert illos libenter recipere divites & leniter tractare, si confessiones audiendæ, ut ad desperationem adigantur; sed potius ut ex opibus illis, quæ ipsis peccandi causam præbuerunt, largas Eleemosynas Domibus & Ecclesiis facientes, & cælum lucrantibus à via, quæ eos ad Infernum ductura erat, declinent. Author Arcanorum Societatis ita differit: Multi quo minus eos admittant, iisque Collegia ædificent, hoc potissimum Metu præpediuntur, ne nunquam satis habituri, sed semper plus petaturi sint, donec nihil quod impetrare queant, reliqui fecerint. Nam tametsi gratis doceant, neo quicquam ipsorum ullius rei Dominus est, quid hinc tamen Principes ac Provincie compendii lucrique faciunt, cum aliter eorum opera uti non possint, nisi maximis impensis Collegia eis construant, & vectigalibus per amplius augeant. Tertiò animarum, num verò cruoris humani sit improdant illa Colonia in Censura: Nisi Lutherana Religio ferro & igne tolleratur, Ecclesia Romana pacem & tranquillitatem habere non potest. Illa Marianæ lib. 1. de Rege cap. 6. Si monitis Princeps non obediat: Consilia erunt explicanda, arma expedienda, pecunie in Belli sumptus subditis inferenda: Princeps etiam privata auctoritate ferro opponendus.



ius, cuius sanæ mentis expendendum relinquimus. Adde, quæ habentur apud Possevinum, Emanuelem Saa & alios.

## CAPUT II.

De

## VITÆ SANCTITATE.

## THESIS I.

**A**D vitæ integritatem vel morum & actionum sanctitatem, conferre Theologiam Moralem supra diximus. Ut enim in Ethicis tenditur ad summum Bonum morale, quod est operatio animæ rationalis secundum virtutem optimam & perfectissimam in vita perfecta: ita in Theologia morali ordinantur cætera, quæ in illa pertractantur ad actionem sanctam, DEO quæ placentem, cum ut Theophylactus loquitur in cap. III. Evang. Johan. Christianismus non solum recta dogmata, sed & honestam vitam exigat. Et secundum Paulum: *Voluntas DEI sit sanctificatio nostra*, 1. Thess. 4. v. 3.

II.

Sanctitas & sanctus à verbo sancio, h. e. confirmo suos habent natales, & complectitur illa primò Emendationem, & absterisionem macularum, vitiorum & sordium, quorsum referimus illa Pauli dicentis: *Christus dilexit Ecclesiam, & se tradidit pro illa, ut eam sanctificaret purgans lavacro aque in verbo, ut sifteret eam gloriosam, non habentem maculam, aut rugam, aut aliquid huiusmodi, sed ut sit sancta & immaculata*, Eph. 5. v. 26. 27. Secundò, segregationem à profano, quo respexit Ezechiel nomine DEI arguens & dicens: *Sacerdotes ejus vim faciunt legi meæ, & prophanant res sanctas meas, inter sanctum & profanum non discernunt, & inter impurum & purum non ostendunt discrimen*, cap. 22. v. 26. Tercio, destinationem ad usum sacrum, ita DEUS dicitur sanctificasse Jeremiam cum nondum prodiiisset ex utero, Jerem. 1. v. 5. Denique puritatis spiritualis & rectitudinis cujusdam communicationem, quo sensu accipiuntur verba Pauli, 1. Thessal. 5. v. 23. *Ipse DEUS pacis sanctificet vos totos per omnia, ut integer spiritus vester, & anima & corpus sine querela, in adventu Domini nostri Iesu Christi serveatur*. De Integritate vitæ vero & sanctitate morum cum quaestio instituitur, quamvis omnia hæc obtineant, cum qui sanctitate fulget, deponat veterem hominem

minem cum sordibus suis, se separet à filiis seculi profanis, usui sacro ex DEI voluntate destinetur, tanquam vas in honorem, sanctificatum, & accommodum usibus Domini, ultimum tamen prævalet, unde etiam Paulus Ephesios monet, ut induant novum hominem, qui secundum DEUM creatus est in iustitia & sanctitate veritatis, Eph. 4. v. 24.

## III.

Inepti sunt Pontificii Doctores primò, qui cum Altenstaigio vocem *ἅγιος* volunt notare extra terram & sanctus quasi sine terra, cum planum sit illam derivari à verbo *ἅλω*, veneror. Secundò, qui cum Stephano Brulifero sanctum propriè dictum illum vocant, qui est in gratia, & nihil habet purgabile, tamen non videt Essentiam divinam, sicut sunt animæ, quæ in Purgatorio fecerunt poenitentiam suam, vel qui decedentes de hoc seculo nihil habent purgabile, ut S. Franciscus. Tertiò, qui cum Alexandro Halensi & Gabriele sanctitatem accipiunt pro confirmatione in bono, atque adhibent verba Psal. 15. in confirmationem, ubi David querit: Domine, quis requiescet in monte sancto tuo, quasi si mons sanctus notaret confirmationem in bono.

## IV.

Actionum autem nomine veniunt illi actus, qui procedunt à Spiritu Sancto in habitante, homine regenito, & quæ comitem habent lætæ conscientiam, de qua Paulus 2. Cor. 1. v. 12. *Gloriatio nostra hæc est, testimonium conscientia nostre, quod in simplicitate & sinceritate DEI, & non in sapientia carnali, sed in gratia DEI conversati sumus in hoc mundo.* Et dulcedinem quandam spiritualetm, quæ mentem perfundit, ut gaudeant, quod benignus sit Dominus, 1. Petr. 2. v. 3.

## V.

Reprehenduntur autem merito primò Pelagiani, qui statuerunt, non indigere hominem peculiari gratia divina ad Bonum faciendum, ut ad malum vitandum, sed sibi relictum sufficere ad omnem actionem bonam, quod Benedictinus Antisloderensis in vitâ Germani ita proposuit, quod satis ad propriam possit conferre salutem arbitrii libertas, etiamsi gratia desit. Secundò Massilienses, qui censebant DEUM interdum conferre Gratiâ propter bonum naturæ usum. Tertiò, veteres Scholastici, qui cum Durando, Scoto, Gabriele & aliis senserunt posse hominem servare omnem legem naturalem non solum brevi, sed etiam longo tempore, sine ullo auxilio gratiæ per Christum, ut quidem recentiores reserunt.

VI. Hæc

## VI.

Hæc actionum sanctitas, hoc exercitium jure secundum mensuram virium divinitus dispensatarum intenditur à Theologo morali, procuratur ab eo; qui ejus ductui & directioni se submittit, atque rationem finis habet; cujus causa 1. Efficiens est Spiritus Sanctus per certum appropriationis modum, sive DEUS Pater, Filius & Spiritus, cum à tali opere nunquam excludantur reliquæ personæ, unde Paulus Tit. 3. v. 5. dicit: *DEVM salvasse nos secundum misericordiam suam per lavacrum regenerationis, & renovationem Spiritus Sancti.* Et nos dicimus *ἐν τῷ Θεῷ Πατρὶ ἡγιασμένοι*, 1. Thels. 5. v. 13. *κλιθεῖντες in Christo Iesu ad bona opera*, Eph. 2. v. 10. *naſti à Spiritu*, Rom. 8. v. 14. sub directorio vero & operatione Spiritus 2. Fideles, qui possunt & solent corpora sua sistere hostiam vivam, sanctam, placentem DEO, rationalem illum cultum Christianorum, Rom. 12. v. 1. & 2. qui possunt & solent deponere veterem hominem, & induere novum, qui secundum DEVM creatus est in iustitia, & sanctitate veritatis, Eph. 4. v. 22. 23. 24. qui denique se sistunt DEO, ut ex mortuis vivos, & membra sua arma iustitia DEO, Roman. 6. v. 12. 13. Media denique Verbum & Sacramenta. Sanctifica, inquit Christus, eos tua veritate, sermo ille tuus veritas est, Joh. 17. v. 17. Consepulci sumus, teste Paulo, Christo per Baptismum in mortem. Et sicut suscitatus est Christus ex mortuis in gloriam Patris, ita & nos novam vitam ambulemus, Rom. 6. v. 4. & 1. Corinth. 12. v. 13. per unum Spiritum nos omnes in unum corpus baptizati sumus & Iudæi & Græci, & servi & liberi: & omnes potati sumus in unum Spiritum. 3. Exemplaris denique est Sanctitas Jchovæ: ut enim DEUS in perpetua vita & actu Sanctitatis, ita nobis præluceat illa atque ipse dicit: Ego Iehova DEVS vester Sanctificate ergo vos ipsos, & estote sancti, quia Ego sanctus sum, & ne polluat is animas vestras in omni reptili, quod movetur super terram. Ego enim sum Dominus, qui eduxi vos de terra Ægypti, ut essem vobis in DEVM, Levit. 11. v. 44 45. 1. Petr. 1. v. 16. 4. *ἀγαπᾶμεν DEI εὐδοκίαν & Gratiā*, quo referunt illa Pauli: DEVS, qui dives est Misericordia, ob multam charitatem, qua dilexit nos, &c. una vivificavit cum Christo, & corresuscitavit, & consedere fecit in cælestibus in Christo Iesu, Eph. 2. v. 4. 5. 6. 5. *ἀγαπάμεν αὐτὸν*, & quidem meritoria Christus, quod voluit indigitasse Christum dicentem: Eorum causa Ego sanctifico meipsum, ut sint & ipsi sancti in veritate, Joh. 17. v. 19.

C 1

VII. Inter



## VII.

Inter calumnias ergo referimus Pontificiorum, quod cum Bozio de signis Ecclesie libro 8. cap. 5. dicere non veretur: Ut æternam salutem consequaris, & sis sanctus, ajunt Protestantes, nihil est necesse nisi aliquid velis, moliaris, aut facias. Christo fidas, impunè quidvis audeas, & ad exitum perducas. Adde, quæ habet Becanus opusc. 42. tom. 1. de Justificatione Calvinistarum. Secundò inter Pseudhermenias Calvinianorum, quod scil. dicta Scripturæ, quæ agunt de ἀγιασµὸς πνεύματος, qui est Ministerium verbi, restringunt ad sanctificationem illam internam, ut suæ opinioni de Electione absoluta serviant. Tertiò inter Heterodoxias Photinianorum, quod sanctitatem non deducunt ex merito & satisfactione Christi, sed tum temporaria, tum æterna bona nobis pacta esse, & ideò tum demum fœdus istud ex nostra etiam parte ratum firmumque fore, si ex Christi mandatis vitæ nostræ statum composuerimus, asserunt.

## VIII.

Latè autem nomen actionis accipiendum: quanquam enim hic maxime de illa Actione sit sermo, quæ illustri modo se pandit, præsupponenda tamen interna illa sanitas, & exercitium illius, de qua Petrus: Dominum DEUM sanctificate in cordibus vestris, 1. Epist. cap. 3. v. 15. quemadmodum hic spectatur, ut refulget etiam in sermone & verbis, de quo Christus Matth. 12. v. 34. 35. Progenies viperarum, quomodo potestis bona loqui, cum sitis mali? ex abundantia enim cordis os loquitur. Bonus homo de bono thesauro profert bona: & malus homo de malo thesauro profert mala. Actionibus, de quo Paulus Rom. 6. v. 19. Nunc membra vestra sistatis serva justitia ad sanctitatem in conversatione. De quo Petrus 2. Epist. 3. v. 11. Sanctis sitis ἐν ἀγαθῇ ἀναστροφῇ in conversationibus, sive omni conversatione, 1. Pett. 1. v. 15. & hisce actibus ostendit regeneratus se esse talem, qui semet servet ἀσπιλον in mundo, Jacobi 1. v. 27. qui studeat esse ἀµώµος, irreprehensibilis in sinceritate, 1. Thess. 3. v. 13. Qui denique se referat ad illos, qui jugiter proficiunt ὁπτι λῆρτες τὴν ἀγιασµὸν, 2. Cor. 7. v. 1.

## IX.

Frustra verò primò Pontificii per immaculatos apud Jacobum intelligunt peculiare genus hominum, quod Religiosos vocant, simile illis, de quibus Johan. 7. v. 48, 49. Nunquid ex Principibus aliquis crediderit

in

in eum, aut ex Phariseis? Sed verba hæc, quæ non novit legem, maledicta sunt: vel illos, qui cum divina gratia immaculatos se se custodiunt à lethali macula, & per Baptismum, pœnitentiæve mundati exhibent se Christo sanctos & immaculatos, absque macula & ruga peccati, præcipue mortalis atque vetustatis; disponunt verò se, ut penitus careant levi culpa quoque ac omni vetustate, cum notum sit, quid nomine peccati mortalis & venialis intelligant. Ita enim Lirinæ ad hunc locum p. m. 88. Hoc loco seculum idem valet, quod seculum alibi, ut dixi, cognominatum nequam, seu mundus in maligno positus; quiq; toties in Test. Novo tam male sonat: & quem diligens, caritate caret DEI, quoniam amicitia ejus inimica est DEO, & in quo quidquid est, aut est concupiscentia carnis, aut concupiscentia oculorum, aut superbia vitæ, cujus sapientia stultitia est, & cujus princeps diabolus; & de quo non est regnum Christi, & pro quo ipse non oravit; & qui Christum non cognoscit. A tali mundo immaculatum se custodire perdifficile, ingredi que sine macula, immaculatum esse cum DEO, immaculatam habere viam, in qua, qui ambulat beatus, seu qui in lege immaculata, quia Domino ministrabit, habereque cor immaculatum in justificationibus ipsius. Huc aspirandum; quoniam elegit nos DEUS in Christo agno immaculatos ante mundi constitutionem, ut essemus sancti, & immaculati in conspectu ejus, in caritate, nec intrabit in cœlestem Jerusalem aliquid inquinatum, ne levi quidem sorde, vel macula, quæ hic interim non potest non contrahi; licet multi cum divina gratia immaculatos se custodiant à lethali macula; & per baptismum, pœnitentiæve mundati exhibeant se Christo Sanctos, & immaculatos absque macula, & ruga peccati præcipue mortalis, atque vetustatis; disponant vero se, ut penitus careant levi quoque culpa, ac omni vetustate, quod hic inchoatur; perficietur in cœlo, ut ait Augustinus, ubi omnes omnino sunt sine macula ante thronum DEI. Index vitæ sine macula hic transigenda candida vestis recens baptizatis imponi solita, de qua Dionysius, Ambrosius, Augustinus, Arnobius, Socrates, Theodoretus, Lactantius, aliusve, Turonensis, Laurentius, Novariensis, Paulus Diaconus, Rabanus, Amalarius, Arator, Constantinus Imp. Cyrillus Jerosolym. Hieronymus, qui vocat Christi vestimenta lineamque vestem, Chrysostomus, Damascenus, Fortunatus, Nyssenus, Ado, Paulinus, Auctor vitæ Lugduni, Auctor Præi Spiritualis, Gregorius

Mor



Methodius, qui poenitentibus post abnegatam fidem vestes novas, ut in baptismo dari præcipit, Metaphrastes, Marcus Gazensis, Beda, Origenes, Rupertus, Severus Alexand. Ordo Romanus, Aponius, Albinus, Glossa Decreti, Theophylactus, Ivo Carn. alii plures. Secundò subdolè Irreprehensibilitatem, quæ affectio & consequens sanctitatis & piorum, rapiunt in occasionem disputandi de perfectione fidelium, & quia Zacharias & Elisabeth dicuntur fuisse iusti ante Deum, incedentes in omnibus mandatis, sine querela, concludunt, Legi diuinæ satisfecisse, ex Lucæ 1. v. 6. de quo videri potest Laurentius Forexus in Manuali. Cum tamen ipse Augustinus prævenit contra Pelagium huic objectioni, docens: dictum esse secundum quandam inter homines conversationem probabilem, atque laudabilem, quam nullus hominum iustè posset in accusationis & criminationis querelam vocare, quam propterea in DEI conspectu Zacharias & Uxor ejus habuisse referantur, quia in eâ homines nulla dissimulatione fefellerint, sed ut apparuerunt hominibus, ita noti fuerint in oculis DEI. Tertiò absurde combinare tentant, renovationis profectum & imperfectionem mandatorum, perfectionem distinguunt in illam, quæ est viatorum & beatorum, quarum illa profectus non sit capax, hæc vero illum admittat, & primam tantum exigi in Lege, posteriorem autem non exigi, in illa per modum medii præstandi, sed indicari solum per modum finis obtinendi asserunt. Videatur Bellarminus de Amissione Gratiæ & Statu peccati, lib. 5. cap. 10. cum tamen, qui profecti nondum Metam attingerit, aliquousque progressus fuerit, iter nondum consummarit, qui in studio Doctrinæ alicujus decurrit, atque in via est, nondum illius consummatus Doctor habeatur; nec Decalogus utpote perfectæ sanctitatis Typus, exactum nostræ cum DEO conformitatis Exemplar acquiescat in illa perfectione viæ, quæ à Pontificiis fingitur, sed requirat illam quoque, quæ est patriæ, non exigit tantum concupiscentiæ suppressionem, sed & absentiam & omnimodam cessationem, adeoque non tantum illam indicet, sed & imperet: *Maledictus enim, qui non permanferis in omnibus, quæ scripta sunt in libro Legis, Deut. 27. v. 26.*

## X.

Solet aliàs illa actionum Sanctitas, morum Integritas, vitæ candor etiam appellari Exercitium virtutum Christianarum, fructuum Spiritus Demonstratio, bonorum operum præstatio, quæ si bona verè censenda

Secunda requirunt ex parte Normæ, ut fiant secundum Legem DEI, ita enim DEUS Deut. 4. v. 1, 2. Nunc ergo, ô Israël, audi statuta & judicia, quæ Ego doceo vos, ut faciatis, ut vivatis: non addetur ad verbum, quod vobis loquor, nec auferetis ex eo: custodite mandata Domini DEI vestri, quæ ego præcipio vobis. Et Christus disertè Matth. 5. v. 19. Quisquis solverit unum ex præceptis hisce minimis, & docuerit sic homines, minimus vocabitur in regno cælorum. Ex parte principii, ut fiant ex fide: Sine fide enim impossibile est placere DEO, Ebr. 11. v. 6. & polluti & increduli nihil est mundum, sed polluta est eorum mens & conscientia. Adde Joh. 15. v. 1, 2, 3. Ego sum vitis vera, & Pater meus agricola est. Omnem palmitem in me non ferentem fructum, tollit, & omnem, qui fert fructum, purgabit eum, ut fructum plus afferat. Iam vos mundi estis propter sermonem, quem locutus sum vobis. Tertio, ex parte finis, ut cedant in gloriam DEI, & aliorum ædificationem: Repleti enim sumus fructibus iustitiæ, quæ sunt per Iesum Christum ad gloriam & laudem DEI, Philipp. 1. v. 10, 11. & splendere debet lux nostra coram hominibus, ut videant nostra bona opera, glorificentque Patrem nostrum, qui est in cælis, Matth. 5. v. 16. Præterea illustre monitum Pauli est: Adhortamini alij alios, & edificate singuli singulos, sicut & facitis. Adde loca Coloss. 3. v. 16. Verbum Christi habitet in vobis abundanter, in omni sapientia: docentes & commonentes vosmetipsos Psalmis, Hymnis, & canticis spiritualibus in gratia cantantes in cordibus vestris. 1. Petr. 3. v. 1, 2. Mulieres sint subditæ viris suis: ut si, qui non credunt verbo, per mulierum conversationem sine verbo lucreant. Considerantes in timore castam conversationem vestram. Jacobi 5. v. 19, 20. Fratres mei, si quis ex vobis erraverit à veritate, & converterit quis eum: scire debet quoniam, qui converterit peccatorem ab errore via sua, salvabit animam ejus à morte, & operiet multitudinem peccatorum.

## XI.

Prævaricantur hic Pontificii primò, dum opera quædam crepant bona, quæ tamen in Lege divina non imperata, divinitus non præcepta, nec huic normæ, sed propriis adinventionibus attemperata; Lutheranos verò comparant servo cuidam, qui cum officii partes consignatas haberet, nec jussus inter cætera esset, ut herum equo lapsum erigeret, hoc idè detrectaverit, quia inter rationes obsequii non extaret. Cum tamen quicquid ab homine exigi, quicquid ab eo etiam integro præstari

D

possit,

possit, expressum sit Deuter. 6. v. 4. 5. 6. DEO dicente : *Audi Israël Dominus DEVS noster Dominus unus est. Diliges Dominum DEVM tuum ex toto corde tuo, & in tota anima tua, & ex tota fortitudine tua. Eruntque verba hac, quæ ego præcipio tibi hodie, in corde tuo, repetitum à Christo Matth. 22. v. 37. 38. 39. 40. Diliges Dominum DEVM tuum ex toto corde tuo, & in tota anima tua, & in tota mente tua. Hoc est maximum & primum mandatum. Secundum autem simile est huic Diliges proximum tuum sicut teipsum. In his duobus mandatis universa Lex pendet & Propheta.* Secundò, dum opera dicunt bona posse fieri moraliter talia, non solum sine fide, sed etiam sine auxilio speciali, si nulla tentatio urgeat, atque illud Effatum Pauli Ebræor. 11. ita exponunt, ut dicant, impossibile esse sine fide placere DEO, ut quis amicus DEI constituatur, & sicut natura humana, ut res aliæ creatæ, quia bona bonitate naturæ non possint non placere DEO, qui summè bonus est, & cui placent omnia Bona : ita etiam opera facta in Bono Naturæ sine admixtione alicujus malæ circumstantiæ bona esse, & DEO placere, tametsi non sint ejus pretii, ut vel gratiam vel vitam æternam mereantur. Quasi verò fides non sit bonorum omnium fundamentum, ut loquitur Fulgentius in Prologo de Fide ad Diaconum, quasi ab homine corrupto possit fieri opus sine admixtione alicujus malæ circumstantiæ; quasi non Prosper disertè edixisset contra Collatorem : Manifestissimè patet, in impiorum animis nullam habitare virtutem; sed omnia opera eorum immunda esse atque prohibita, habentium sapientiam, non spiritualement, sed animalem, non cœlestem, sed terrenam, non Christianam, sed diabolicam, non à Patre Luminum, sed à Principe tenebrarum, dum per ea ipsa, quæ non haberent nisi dante DEO, subduntur ei, qui primus recessit à DEO. Videatur Cornelius Jansenius prolixè contra Socienos disputans ex Augustino & cæteris Pelagii Adversariis Tom. 3. Terriò, dum statuunt, Bona opera homini justo esse necessaria ad salutem, non solum ratione præsentis, sed etiam ratione Efficientiæ, & non minus opera, quam fidem ad salutem suo modo referri, ut loquitur Bellarminus lib. 4. de Justificatione cap. 7.

## XII.

Omniem autem Apparatum operum, omnem splendorem nostrarum virtutum post lapsum rationem Meriti habere, & hunc induere respectum, nunquam admittere possumus. *Qui enim operatur ei Merces,*

*non*

*non imputatur secundum gratiam, sed secundum debitum, Rom. 4. v. 4: Peccati quidem stipendium dicitur Mors, Gratia vero DEI vita æterna, Rom. 6. v. 23. Non condigna, dicuntur passionibus huius temporis, ad futuram gloriam, quæ revelabitur in nobis, Rom. 8. v. 18. consonat Augustinus in Psal. 70. conc. 2. scribens: Tua peccata sunt; merita DEI sunt. Supplicium tibi debetur, & cum præmium venerit, sua dona componabit, non merita tua. Et sermone 15. de verbis Apostoli: Pro nihilo salvos facies illos; nihil invenis, unde salves, & multum invenis, unde damnes. Et iterum de Gratia & libero Arbitrio cap. 9. Maluit dicere Gratia DEI vita æterna, ut intelligeremus, non pro meritis nostris DEUM nos ad æternam vitam, sed pro sua miseratione perducere,*

## XIII.

Frustra itaque se fatigant Pontificii, dum pro Merito operum pugnant, quanquam divisi opinionibus. Nam primò quidam absolute asserunt, omnia opera bona justorum etiam secundum se spectata, ac seclusa omni promissione divina, esse de condigno meritoria vitæ æternæ, quæ sententia tribuitur Richardo, Cajetano, Soto, Clitovio, Lindano, Zumello & Vasquezio. Secundò quidam requirunt promissionem divinam ad meritum, ut opera justorum bona secundum se spectata, & seclusa divinâ promissione, nec dignitatem quidem & valorem seu proportionem habere asserant ad vitam æternam promerendam, cum ratione solius promissionis vim merendi habeant, quæ sententia fertur fuisse Scoti, Gregorii Ariminensis, Guilielmi Okami, Alphonsi à Castro, Bunderii & aliorum. Tertiò quidam mediam commenti statuunt cum Tannero, hominem justum tamen ratione Gratiz sanctificantis seclusâ omni promissione possit dici dignus vita æternâ, quâdam dignitate proportionis quasi connaturalis ipsi Gratiz, eo modo quo res quælibet dici potest digna suo fine connaturali; non posset tamen ita consideratum dici beatitudine dignum dignitate Meriti aut Justitiæ. Præterea etiam ipsa opera hominis iusti, quatenus ex motione gratiz procedunt, etiam seclusa promissione divina habere condignitatem quandam proportionis, seu valorem proportionatum & proportionem æqualem, ad promerendum vitam æternam. Denique habere quidem opera bona justorum, quatenus ex gratia procedunt, proportionem quandam ad præmium vitæ æternæ, unde etiam quandam æqualitatem, non tamen

D 2

abso-



absolutam aut formali actu, sive secundum quantitatem molis, sed solum æqualitatem proportionis, & quasi secundum quantitatem virtutis, ita ut sint æqualia gloriæ non actu formali, sed virtute. Obligationem tamen remunerandi in DEO non oriri, ex solâ dignitate operum, sed imprimis ex promissione DEI, accedente tamen divinâ promissione, opera hominis iusti non solum ratione promissionis divinæ, sed etiam ratione operis, esse & dici de condigno meritoria vitæ æternæ, eum quo ferè, sed non omnino conspirat Bellarminus.

## XIV.

Frustra quoque circa Definitionem abstractam Meriti disputant, quam exhibet præ aliis Oviedo, quod scilicet sit obsequium factum DEO, ex se potens movere ad retributionem Boni supernaturalis. Secundò circa Divisionem, dum volunt aliud esse meritum de congruo, aliud de condigno; dicitur enim aliquis secundum Thomam in 2. Dist. 27. q. 1. art. 3. mereri ex condigno, quando invenitur æqualitas inter præmium & meritum secundum rectam æstimationem; ex congruo autem tantum, quando talis æqualitas non invenitur, sed solum secundum liberalitatem donantis munus tribuitur, quod dantem decet. Tertiò in applicatione generalis conceptus cornicantur, asserendo, meritum de condigno non solum esse potens movere ad retributionem, sed etiam exigere huiusmodi retributionem, non item meritum de congruo.

## XV.

Frustra denique de conditionibus requisitis ad meritum disputant, non quidem si de merito in abstracto sit sermo: illud enim suis esse vestitum proprietatibus non negamus, sed in concreto & applicatè ad hominem lapsum, quasi in tali essent admittenda merita & ex his conditionibus pendenda. Requiritur autem primò ex parte operis libertas, ita ut si meritum vel de condigno, vel de congruo ponatur liberum id esse debeat non solum à coactione, sed & à necessitate, & confirmare satagunt ex Ecclesiastici 31. v. 10. ubi dicitur: *Qui potuit transgredi & non transgressus est; malum facere & non fecit, ideo stabili sunt bona illius.* Et 1. Cor. 9. v. 17. *Si volens hac ago, mercedem habeo.* Atque pro hac conditione stant, Alphonsus à Castro, Fischerus Episcopus Roffensis, Sotus, Vega & Bellarminus lib. 5. de justificat. cap. 10. Impugnant tamen hanc Gabriel in 3. Dist. 18. q. 1. art. 3. dubi. 1. Major, Petrus

Petrus de Aliaco & Holcot in 1. Dist. 17. qui volunt posse acceptari & DEO ad præmiū vitæ æternæ, & fieri meritorium opus hominis, absque libertate contradictionis solum spontè factum, quod ipsi vocant opus liberum libertate complacentiæ. Disputant etiam, an ad meritum sufficiat imperfecta seu semiplena libertas, qualis ad peccatum veniale sufficit, an verò perfecta, qualis est necessaria ad mortale. Ubi affirmativam probabilem censet Rodericus ab Arriaga, & pro eadem refert recentiores quosdam Oviedo. Pro negativa autem stant Suarez, Zumel & Gamboa, si de merito condigni sit quaestio. Denique adhuc dubium est inter ipsos, an libertas ad actus omnino æquales in æstimabilitate morali cum necessitate ad alterum sub distinctione sufficiat ad meritum, affirmativam eligente Granado, Herizio, Hurtado & Lessio libro de summo Bono cap. 23. num. 183. In negativam verò concedente Sanchezio, Palao, Manuele, Rodriquezio, Puente, Lugone & aliis.

## XVI.

Secundò Bonitatem, ut sc. sit opus bonum: *Cum odio sint DEO impius & impietas eius*, Sap. 14. v. 9 sed hic materia litis. Nam primò disputant, an ad merendum apud DEUM requiratur actus positivus, vel an pura ommissio sufficiat, quorum postremum non veritus est probare Martinez de Ripalda Tom. 1. de Ente, supernat. Disput. 44. sect. 8. num. 54. & dis. 70. sect. 2. & seqq. Quanquam negativa sit communis, atque Vega, Suarez, Vasquez, Salas, Montesinus, Arriaga, Oviedo, Gonetius, & alii constanter defendant puram omissionem non esse meritoriam. Secundò, num ad meritum vitæ æternæ sufficiat actus moralis virtutis acquisitæ, elicitus ab homine iusto, quod vult Gabriel Vasquez, negat verò Conink, Montesinus & Lorca. Et impudentissimè Vasquez illud Matth. 12. v. 50. *Qui fecerit voluntatem DEI, hic frater meus & soror mea, & mater est*, allegat pro sententiæ suæ confirmatione, quasi Christus ageret de illo, qui elicit actus bonos virtutum naturalium, quasi ille faceret voluntatem DEI, quasi ille veniret in consortium fraternitatis, &c. cum Christo. Tertiò, num actus virtutum infusarum sing meritorii vitæ æternæ, absque imperio charitatis, in quo puncto iterum dividit. Quidam enim volunt solos actus elicitos à charitate esse meritorios de condigno præmii Beatitudinis essentialis, actibus verò aliarum virtutum infusarum respondere præmium duntaxat accidentale, ut

Bonaventura & Bannés , alii cum Scoto , Durando, Paludano auctus virtutum aliarum infusarum non esse meritorios de condigno vitæ æternæ absque imperio charitatis , quo saltem virtualiter referantur in DEUM, sicque Suarez, Vasquez, Granadus, Meratius, Oviedo, Arriaga, Montanus, Marcus à Serra , auctus virtutum per se infusarum esse meritorios de condigno præmii essentialis Beatitudinis , etiamsi à charitate non imperarentur etiam virtualiter in ordine ad DEUM finem supernaturalem.

## XVII;

Tertiò supernaturalitatem , ita ut opus sit elicitedum vel saltem imperatum à virtute aliquâ infusâ , sive hæc Theologica sive Moralis fuerit, secundum illud Pauli Rom. 2. *ψ. 10. Gloria & honor omni operanti bonum.* Et illud Christi Matth. 19. v. 17. *Si vis ad vitam ingredi, serva mandata.* Sed ex dilectione DEI, quæ primum est mandatum, reliqua omnia imperans. Verum primò hæc conditio secundum plures est superflua, quia scilicet coincidit cum secunda, vel etiam cum illa, quam requirunt ex parte operantis, ut scilicet, merens sit amicus DEI, seu in statu gratiæ, unde etiam à Becano fuit neglecta part. 2. Theol. schol. Tom. 1. tract. 4. cap. 5. q. 1. Secundò, qui statuunt ad meritum vitæ æternæ sufficere auctum virtutis moralis acquisitæ elicitedum ab homine iusto, & auctus virtutum meritorios absque imperio charitatis, non multum solliciti erunt de hac conditione. Tertiò, si auctus aliquis est supernaturalis, procedens à Gratia, eo ipso non erit meritorius, cum omnis vis, pondus, & valor illius non debeat homini, utpote corrupto, & ex labe concupiscentiæ inherente ipsum contaminante, sed soli gratiæ & virtuti Spiritus Sancti, quomodo enim id, quod imperfectum ex homine, nec ei amplius naturale, ut Adamo integro, potest habere rationem operis perfecti & meritorii apud DEUM.

## XVIII.

Ex parte verò operantis, exposcunt primò, ut qui meretur, sit viator secundum illud Pauli ad Gal. 6. *ψ. 10. Dum tempus habemus, operemur bonum.* Et 2. Corinth. 6. v. 2. *Ecce nunc tempus acceptabile.* Johan. 9. *ψ. 4. Venit nox, quando nemo potest operari,* ut & Ecclesiastis 9. v. 5. *Non habent ultra mercedem,* sed & hic aliquis primò occurrit scrupulus, quomodo scilicet, Drexelius in Memoriali æternitatis Patrem precari potuerit per merita sui Angeli custodis, qui tamen non Viator,

vor, sed in termino constitutus. Secundò, ipsi Pontificii adhuc litigant, an status viz requiratur ad meritum vitæ æternæ ex natura rei, vel ex sola DEI Voluntate, & quamvis Vasquez, Turnianus & Meratius putent illum requiri ex natura rei, ita ut nec de potentia absoluta possit homo extra statum viz vitam æternam de condigno promereri, tamen Suarez, Tannerus & Oviedo, ad solam DEI ordinationem illum referunt. Tertiò, quomodo stante hac conditione dici potest cum Vasquezio, Beatos aliquam Gloriam accidentalem sibi, & nobis Bona supernaturalia mereri. Secundò, ut sit amicus DEI, seu in statu Gratiæ, secundum illud Gen. 4. v. 4. respexit DEUS ad personam Abel & Cain; deinde ad munera utriusque. Et Johan. 15. v. 1. & seq. *ut fructum proferat palmes, requirunt ut vivat, ut sit in vite, ut sit vitis in ipso*, quæ non sunt nisi per gratiam justificantem. Disputant tamen hic, num status sanctitatis requiratur ad meritum tantum ordinariè, an verò etiam de potentia DEI absoluta? Ubi negativam defendunt Cajetanus, Sotus, Gabriel, Marsilius, Suarez, Granadus, Montefinus & Tannerus, affirmativam verò Capreolus, Ferrara, Gregorius Martinez, Vasquez, Turrianus, Oviedo, Amicus, Arriaga. Commodè autem hæc conditio secundum quosdam referri potest ad supernaturalitatem, vel hæc da illam.

## XIX.

Denique ex parte DEI requirunt pactum, ut scil. ipse promiserit, se talibus operibus daturum præmium vitam æternam, secundum illud Jacobi 1. v. 12. *Accipiet coronam vite, quam repromisit diligentibus se.* Lucæ 12. v. 32. *Complacuit Patri vestro dare vobis regnum.* Matth. 10. v. 13. *Nonne ex denario convicisti mecum.* Et quo jure alioqui DEUS, Dominus & Creator omnium, obligaretur ex Justitia suis creaturis quidam concludunt, nisi se ipse suâ sponte obligasset. Verum & hic obstrepent alii, nempe Cajetanus, Conradus, Sotus, Marcus à Serra, Vasquez, Turrianus & Moncæus, qui in condignitate operum ad præmium subliant, quibusdam tamen emollientibus hoc crudum assertum, & temperamentum adhibentibus, quod scil. operibus supernaturalibus hominis justitæ antecedenter & independenter à DEI promissione insit valor condignus vitæ æternæ, quasi in actu primo remoto, tamen ut sint meritoria completè, & in actu primo proximo indigere promissione cum Egidio, Medina, Zumello, Suarezio, Granado, Coninkio, Ripalda, Mon-



Montefino, & Gregorio Martinezio opinantur. De quo in superioribus.

## XX.

Quamquam autem ponant has condiciones, & ex illis velint æstimare Meritum, non tamen illas necessarias existimant omnes & singulas ad meritum de congruo, sed vel sufficere solas quinque priores, vel sine quinta, quatuor priores, & sexta, sic e. g. volunt iustum orantem instanter pro peccatore mereri, sed solum de congruo, ut illi dentur gratiæ prævenientes necessariæ ad conversionem, cum desit promissio DEI, Jerem. 15. v. 1. sic peccatorem cooperantem gratiæ DEI excitanti ex fide & spe elicito actum contritionis mereri de congruo gratiam iustificantem, quia utut non sit amicus DEI, tamen hoc divinitus promissum esse, Ezech. 18. v. 30. *Convertimini ad me, & agite penitentiam, & non erit vobis in ruinam iniquitas.* Et cap. 33. v. 14. *Si egeris penitentiam impius, vitâ vivet & non morietur.*

## XXI.

Observant si utem Theologaliâs, quod ad opus propriè meritorium requiratur, ut sit amplè iter nostrum, quod non absolute de nostris dici potest actionibus. Etenim I. Opus propriè meritorium debet esse simpliciter nostrum; id verò nostris operibus, quæ DEI gratiæ sunt adscribenda, non convenit; Ei enim, qui operatur merces non imputatur ex gratia, sed datur seu rependitur ex debito, Rom. 4. v. 4. At DEUS nemini debitor est; nam quis prior dedit illi & reddatur ei? Rom. 11. v. 35. Et quid habes quod non acceperis? Quod si etiam accepisti, quid gloriaris quasi non acceperis. I. Cor. 14. v. 7. Adeo nemo est, qui non debeat illud Paulinum usurpare, Gratia DEI sum id quod sum; & gratia ejus, quæ in me collata est, non fuit inanis, sed amplius quam illi omnes laboravi, non ego tamen, sed gratia DEI, quæ mecum est. I. Cor. 15. v. 10. Eò magis quod non idonei sumus per nos ipsos ad cogitandum quicquam velut ex nobis ipsis, sed quod idonei sumus id ex DEO est. 2. Cor. 11. v. 5. Nam etiam ô Jehova, omnes res nostras consecisti nobis. Esa. 26. v. 12. II. Debet esse indebitum; quod item est alienum à nostris operibus; Quum feceritis omnia quæ edita sunt vobis, quod nemo de se dicere audebit, dicite, servi inutiles sumus, nam quod debuimus facere, fecimus. III. Debet esse præmio referendo proportionatum & condignum.

num : quod etiam de nostris operibus ad vitam æternam obtinendam dici non potest. Hinc Jacob de seipso: *Impar sum omnibus tuis beneficiis, totique illi fidei quam prastitisti servo tuo*, Gen. 32. v. 10. & Daniel: *Penes te Domine est iustitia ipsa, & penes nos pudor faciei*; item penes Dominum *DEUS nostrum sunt miserationes*, quia rebellavimus contra ipsum, Dan. 9. vers. 7. 9. Hinc ultimi qui unam horam opus fecerant in vinea, æquales sunt iis, qui videbantur sibi portasse pondus diei & æstus, Matth. 20. v. 12. & momentanea nostra afflictio, citò prateriens, nullam habet proportionem ad pondus æternum gloria excellenter excellentis, quod illam excipiet 2. Cor. 4. v. 17. nec sunt paria, quæ præsentis tempore perpetimur, sive ut habet V. V. non sunt condigna passionibus huius temporis, gloria in nobis retegenda, Rom. 8. v. 18. Unde glorificatio & salus nostra tam sæpe gratiæ & misericordiæ divini tribuitur; nam *DEUS est, qui vindicat à fovea vitam tuam, qui circumtegit te benignitate & miserationibus*, Psal. 103. v. 4. & beati misericordes quoniam ipsis, misericordia tribuetur. Sed non sanè proportionata merces suis meritis, Matth. 5. v. 7. Etque donum *DEI vitæ æternæ in Christo Iesu Domino nostro*, Rom. 6. v. 23.

## XXII.

Illud incommodè censemus dictum ab Antonio Creguto in Binarum th. 6. p. 630. quod ad quæstionem: An saltem sensu Catholico & respectu gratiæ efficacis illud affirmari possit, bona opera esse meritoria duntaxat ratione pacti? Respondeo audacter, sic bona opera esse meritoria vitæ æternæ; nam cum bona opera dicuntur meritoria ratione pacti, quod quidem non est sancitum à gratia quadam generali & prædeterminatione Thomistarum; sed à gratia efficaci, hoc idem est, ac si quis dicat, bona operum non esse meritoria per se, sed solam gratiam efficacem esse meritoriam, quoniam illud pactum est Evangelicum, quo *DEUS* promittit fidelibus vitam æternam per Christi meritum, unde illos iustificatos statim sanctificat, ut Spiritus sui motione edant bona opera, quæ sint media glorificationis. At contra pactum gratiæ generalis & prædeterminationis Thomistarum nihil est aliud, quam pactum Legale, quod non promittit vitam æternam nisi præstantibus Legem; at nos non sumus sub fœdere Legali, quod teste Apostolo generat filios ad servitutem, sed sub fœdere Evangelico, quod est cum spiritu adoptionis, qui facit clamare: *Abba Pater*, Rom. 8. v. 15.

E

XXIII. Con.

## XXIII.

Consequuntur operationes honestas, pias, & sanctas primò conscientia bona, de qua Salomon : *Secura meus quasi iuge convivium*, Proverb. 15. v. 15. Et Johannes : *Charissimi, si cor nostrum non reprehenderit nos, fiduciam habemus ad DEVM, & quicquid petierimus, accipiemus ab eo*, 1. Epist. cap. 3. Adde illud Pauli : *Gloria nostra hac est testimonium conscientie nostrae, quòd in simplicitate & sinceritate DEI, & non in sapientia carnali, sed in gratiâ DEI conversati sumus in hoc mundo*, 2. Corinth. 1. v. 12. Pronum, inquit, parat habitaculum DEO, cujus nec ratio decepta, nec voluntas perversa, nec memoria fuerit inquinata. Bernhardus in sermonibus. Quamquam supponendum, emendationem conscientiae fieri à sanguine Christi : *Si enim sanguis hircorum & taurorum, & cinis vitula aspersus, inquinatos sanctificet ad emundationem carnis : quanto magis sanguis Christi, qui per Spiritum Sanctum semetipsum obtulit immaculatum DEO, emundavit conscientiam nostram ab operibus mortuis, ad serviendum DEO viventi*? Ebr. 9. v. 13. 14. Dicendum cum Paulo etiam illis, qui sunt laudabilis vitae : *Nihil mihi conscius, at in hoc non sum justificatus*, ex 1. Cor. 4. v. 4. nimisque superbum, vel ideale videtur illud è Stoa profectum : Talis est animus viri sapientis, & nullius mali sibi consci, qualis mundi status super Lunam. Semper illis ferenum est. Sapiens nunquam sine gaudio ; gaudium hoc non nascitur, nisi ex virtutum conscientia, ut Seneca loquitur Epistola 59. Sanè etiam sapientissimi, si ad opera sua reflectant, si carnis maculas & sordes illis adhaerentes expendant, si imperfectiorem & miseriam status considerent, potius humilitatis argumentum ex opere ducunt bono, quam liberius animi spatium, & etiam in Speculo Syrmatis vitiosi ad pedes respicientes omnem fastum deponunt, gloriam demittunt. Secundò, voluptas quædam, dulcedo quædam Spiritus & gaudium singulare, ad monitum Pauli : *Gaudete in Domino semper ; iterum dico : Gaudete. Gaudete, & ut loquitur Bernhardus, quia jam percepistis dona sinistra ; Gaudete, quia jam expectatis præmia dextrae*. *Leva, inquit, dñs sub capite meo, & dextera ipsius amplexabitur me. Lux facta est iusto & rectis animo letitia*, inquit Psalter regius Psal. 97. v. 11. quamquam & hic aliqua occurrat graduum diversitas. Tertiò etiam externa quædam felicitas, quandoque in honore, quandoque in opibus, quandoque in amicis : *Pietas enim utilis est ad omnia, & habet promissionem huius & futurae vitae sive bonorum acriusque*, 1. Tim. 4. v. 8. Et Eliphas ad Jobum cap. 5. *Infame est esse de-*  
morta.

morte, & in bello de manu gladij. A flagello lingua absconderis, & non  
 timebis calamitates, cum venerit. In vastitate & fame videbis, & be-  
 stias terra non formidabis. Sed cum lapidibus regionum pactum tuum,  
 & bestia terra pacifica erunt tibi. Et scies, quod pacem habeat taber-  
 naculum tuum, & visitans speciem tuam non peccabis. Scies quoque, quo-  
 dieris in abundantia sepulchrum, sicut infertur acervus tritici in tempore  
 niam multiplex eris semen tuum, & progenies tua quasi herba terra. Ingre-  
 suo. *ψ. 10. 21. 22. 23. 24. 25. 26.* Nec malè Gregorius lib. 6. Moral.  
 cap. 15. Sancti viri habent contra famem verbi divini pabulum, contra  
 belli gladium contumelie scutum; contra flagellum lingue protectio-  
 num patientie; contra exterioris calamitatis damnum interni amoris  
 adiutorium. Et cap. 21. Qui rectè vivit, pacto se cum lapidibus regio-  
 num jungit; quia in eo, quod Mundi Desideria superat, vitam suam pro-  
 cul dubio ad sanctorum præcedentium imitationem ligat: quanquam  
 nunquam tanta serenitas in externis, ut non Nubes aliqua interveni-  
 rit, nec tanta felicitas piorum, ut non aliqua amaritudine crucis resper-  
 gatur: nunquam bella piis, nunquam certamina desunt, & cum quo cer-  
 tet mens pia semper habet.

## XXIV.

Nondum itaque subscribimus primò Cajetano, qui Paulo tribuit  
 bonam conscientiam, eo quoque tempore, quo persequabatur Eccle-  
 siam, occasione loci Actor. 23. v. 1. ubi Paulus intendens in Concilium  
 dixit: *Viri fratres, ego omni conscientia bonâ conversatus sum ante*  
*DEVM, usque in hodiernum diem.* Cum possit commodè ille locus  
 accipi de toto tempore Apostolatus Pauli, quo erat functus in eum us-  
 que diem, tum quia de eo quaestio erat, an bona cum conscientia Judais-  
 mum cum Christianismo commutasset, q. d. non temere amplexus sum  
 Christianam religionem, deserto Judaismo, sed bonâ cum conscientia,  
 quare ejus rationem reddere paratus sum; unde etiam Ananias statim  
 auditis, his verbis fuit offensus, non verò offensus fuisset, si Paulus  
 dixisset se bona cum conscientia se gessisse in Judaismo antequam  
 Christianismum fuisset amplexus, ut non malè observant Remon-  
 strantes in defensione sententiae circa articulum 5. pag. 27. tum quia vox  
*ἐν παντί* non notat simpliciter conversari, ut privati solent, sed cre-  
 ditum sibi munus administrare atque idem, quod *ἀπατάμεν μετὰ τῆς*  
*συνειδήσεως*, tum quia Dionysius Carthusianus etiam hoc Effatum ad



tempus conversationem illius insequens restringit. Male autem Liber-  
tus Fromondus non tantum de conversatione Pauli in Judaismo hæc  
verba accipit, sed etiam cum Zachariæ & Elisabethæ Elogio comparat,  
de quo, *erant autem iusti ambo ante DEVM, incedentes in omnibus man-*  
*datis & justificationibus Domini sine querelâ*, Luc. 3. v. 6. quasi scil. vi-  
ta Pharisaica & irreprehensibilis piorum ejusdem essent indolis & con-  
ditionis. Alia censetur esse ratio loci, *gratias ago DEO, cui servo à pro-*  
*genitoribus meis in conscientia pura*, 2. Timoth. 1. v. 3. si ad Græcos at-  
tendamus Patres, quanquam inveniantur, qui etiam hoc referant ad  
tempus præsens, aut illud ex quo factus fuerat Christianus. Ponamus  
autem posse tribui alicui conscientiam bonam & puram, qui nondum  
conversus, non tamen egat talis bonitate vel puritate intrinseca & essen-  
tiali, sed tantum extrinseca & finali, quatenus quocumque modo intenditur  
Gloria DEI, non proprium commodum, ut ut oculus desit mentis, agitur  
non tam secundum Mensuram Regulæ præscripti, quam scientiæ, quæ ne-  
bulis quandoque circumsepta. Secundo Pontificiis & imprimis Lorino,  
qui gustum & experimentum spiritualis dulcedinis negat gignere cer-  
tam, sed probabilem tantum noticiam, de spiritualibus ac supernatura-  
libus bonis; de quorum in se præsentia nemo absque revelatione indu-  
bitatam habere fidem prorsus possit. Tertiò Bellarmino, qui eo us-  
que progreditur, ut notam decimam quintam Ecclesiæ ponat, feli-  
citatem temporalem divinitus iis collatam, qui Ecclesiam defenderunt,  
lib. 4. cap. 18. quam etiam Mahumedani allegare solent, & de præro-  
gativa facere Cardinali palmam dubiam: secundum Septemcastrensem  
enim Motivum Turcarum est, Victoria eorum contra Christianos,  
quod aliquos multum movet. Unde victores se nominant, & glorian-  
tur quasi victores totius mundi. Orant etiam pro victoribus specia-  
liter in omnibus congregationibus suis. Superbiunt insuper & Chri-  
stianos sceminas despiciendo nominant, & se viros eorum. Et ut ad  
hoc magis magisque incitentur, antecessorum victorias describunt, de-  
cantant, laudant, ac præconizant. Hætenus ille.

## XXV.

Illud maximè intolerabile in Pontificiis, quod primò gratiæ divi-  
næ & salutis conservationem tribuant operibus, & illud Concilii Tri-  
dentini Canone 24. probent: si quis dixerit Justitiam acceptam non con-  
servari, atque etiam augeri coram DEO per bona opera: sed opera ipsa  
fieri.

fructus solummodo & signa justificationis, non autem ipsius augendæ causam, anathema sit. Secundo, quod cum Costero dicere non verentur in Enchiridio, p. 292. Doctrina Catholicorum & Merita nostra, adeo non extenuant, ut augeant etiam Gloriam Christi, & passionis ejus merita illustriora reddant. Tertio, quod satisfactionem illis adscribunt, & cum Gregorio de Valentia, Tomo 3. Disp. 7. q. 10. nugantur, quod varia opera pia, quæcunque exercent, aut exercuerunt unquam fideles, qui sunt membra Ecclesiæ, præter vim merendi habuerint etiam vim satisfaciendi pro peccata.

## XXVII.

Sanctitati vitæ opponitur exercitium omnis impietatis, impuritatis, malæ arboris mali fructus, de quibus Paulus: *Revelatur enim ira DEI de cælo, super omnem impietatem & injustitiam hominum eorum, qui veritatem DEI in injustitia detinent: quia quod notum est DEI, manifestum est in illis. DEVS enim illis manifestavit. Invisibilia enim ipsius, à creatura mundi, per ea, quæ facta sunt intellecta, conspiciuntur: sempiterna quoque ejus virtus divinitas: ita ut sint inexcessabiles. Quia tñm cognovissent DEVM: non sicut DEVM glorificaverunt, aut gratias egerunt: sed evanuerunt in cogitationibus suis, & obscuratum est insipiens cor eorum. Dicentes enim se esse sapientes, stulti facti sunt. Et mutaverunt gloriam incorruptibilis DEI, in similitudinem imaginis corruptibilis hominis, & volucrum & quadrupedum, & serpentium. (Propter quod tradidit illos DEVS in desideria cordis eorum, in immunditiam: ut contumeliis afficiant corpora sua in semetipsis.) Qui commutaverunt veritatem DEI in mendacium: & coluerunt, & servierunt creatura potius quam creatori, qui est benedictus in secula, Amen. Propterea tradidit illos DEVS in passionem ignominie. Nam semina eorum immutaverunt naturalem usum, in eum usum, qui est contra naturam. Similiter autem & masculi, relicto naturali usu semina, exarserunt in desideriis suis invicem, masculi in masculos turpitudinem operantes, & mercedem (quam oportuit) erroris sui in semetipsis recipientes. Et sicut non probaverunt DEVM habere in notitia: tradidit illos DEVS in reprobum sensum: ut faciant ea, quæ non conveniunt: Repletos omni iniquitate, malitia, fornicatione, avaritia, nequitia, plenos invidia, homicidio, contentione, dolo, malignitate, susurriones, detractores, DEO odibiles, contumeliosos, superbos, elatos, intentores malorum, parentibus non obe-*

dientes, insipientes, incompósitos, sine affectione, absque fadere, sine  
 misericordia, Qui cum iustitiam DEI cognovissent, non intellexerunt,  
 quoniam qui talia agunt, digni sunt morte: non solum, qui ea faciunt,  
 sed etiam, qui consentiunt facientibus, Rom. 1. v. 10. usque 32. Gentes  
 ambulant in vanitate sensus sui, tenebris obscuratum habentes intelle-  
 ctum, alienati à vitâ DEI, per ignorantiam, quæ est in illis, propter cæcitæ-  
 zem cordis ipsorum, qui desperantes semetipsos tradiderunt impudicitia,  
 in operationem immunditiæ omnis, in avaritiam, Eph. 4. v. 19. 20. Gen-  
 tes ambulaverunt in luxuriis, desideriis, vinolentiis, comestationibus,  
 potationibus & illicitis idolorum cultibus, 1. Petr. 4. v. 3. Cujus comi-  
 tes sunt, primò mala conscientia, de qua Philo Sap. 4. v. 20. Veniens  
 in cogitatione peccatorum suorum timidi, & traducunt illos ex adver-  
 so iniquitates ipsorum. Nec male Cicero: sua quemque fraus & suus  
 terror maxime vexat, suum quemque scelus agitat amentiaque adficit;  
 suæ malæ cogitationes conscientiaque animi terrent. Hæ sunt im-  
 piis adiduz domesticæque furia. Adde Juvenalem Satyra sexta. Mor-  
 animi & anxietas mentis, quo respexit Propheta: Ad legem magis & ad  
 testimonium, quod si non dixerint juxta verbum hoc, non erit eis ma-  
 gis lux. Et transibit per eam, corruet & esuriet: & cum esurierit,  
 irascetur, & maledicet Regi suo, & suscipiet sursum. Et ad terram intus-  
 bitur, & ecce tribulatio & tenebra, dissolutio & angustia, & caligo per-  
 sequens, & non poteris avolare de angustia suâ, Eia. cap. 8. v. 20. 21. 22.  
 Denique tertio omnis generis calamitates, & gentium temporales, tum  
 æternæ, quarum Catalogum exhibet Moyses: Quod si non audieritis me,  
 nec feceritis omnia mandata mea, si spreveritis leges meas, & judicia  
 mea contempseritis, ut non faciatis ea, quæ à me constituta sunt, & ap-  
 irritum perducatis pactum meum, ego quoque hæc faciam vobis, visitabo  
 vos velociter in egestate & ardore, qui conficiat oculos vestros, & consu-  
 mat animas vestras. Frustra seretis semen, quæ ab hostibus devora-  
 bitur. Ponam faciem meam contra vos, & corruetis coram hostibus ve-  
 stris, & subjiciemini his, qui oderunt vos. Fugietis nemine persequente.  
 Sin autem nec sic obedieritis mihi, addam correptiones vestras septuplum  
 propter peccata vestra, & conteram superbiam duritiæ vestræ. Daboque  
 vobis cælum de super sicut ferrum, & terram aneam. Consumetur incas-  
 sum labor vester, non proferet terra germen, nec arbores poma præbunt,  
 Levit. 26. v. 14. 15. & seq. Quod si audire nolueris vocem Domini DEI tui,

ut custodias & facias omnia mandata eius & ceremonias, quas ego precipio tibi hodie, venient super te omnes maledictiones istae, & apprehendent. Maledictus eris in civitate, maledictus in agro, maledictum horreum tuum, & maledicta reliquia tua. Maledictus fructus ventris tui, & fructus terrae tuae, armenta bouum tuorum, & greges ovium tuarum. Maledictus eris ingrediens, & maledictus egrediens. Mittere Dominus super te famem & esuriem, & increpationem in omnia opera tua, quae tu facies: donec conterat te, & perdat velociter, propter adinventiones tuas pessimas, in quibus reliquisti me. Adjunger tibi Dominus pestilentiam, donec consumat te de terra ad quam ingrederis possidendam. Compendium facit Paulus scribens: Stipendium peccati mors, Rom. 6. v. 23.

## XXVI.

Impiè Photiniani primò fingunt probitatem quandam naturalem, atque non attendentes corruptionem hominis, perversitatem irrogenitorum, de illa ut Philosophi gentiles philosophantur, cum Volkelio illam describunt per rectæ agendi studium à rectæ rationis judicio profectum, cujus probitatis DEUS in ipsa hominis natura fundamenta jecerit, inferendo rationem, voluntatem & appetitum, inter quæ voluntas media, eaque libera existens jam ad rationem se applicet, & sic causari probitatem illam, jam appetitui obtemperet, & exinde improbitatem emergere, ut ita sit in hominis potestate positum, vel probitatem colore, vel improbitatem consecrari; cum Deus liberum voluntatis arbitrium homini concesserit. Secundò distinguunt inter probitatem naturalem, qua hominis voluntas, quantumvis libera, naturali quâdam inductione magis ad virtutem, quam vitii studium propendeat. Quo pacto & naturalis improbitas sit, quâ hominis voluntas naturali quâdam inclinatione ad flagitia suscipienda, quam ad pietatis sanctimoniarumque officia præstanda paratior promptiorque sit, etiamsi interea, ut ille in vitium, ita hic in virtutem animus flectere nequeat. Et acquisitam, quâ fiat, ut hominis voluntas, etiamsi forte naturaliter ad flagitia sit propensa, assuetudine tamen quâdam ad virtutis studium traducatur, quemadmodum acquisita improbitas illa sit, in quam hominis voluntas ad virtutis exercitium alioqui, si illius naturam spectes propensior, vel prava institutione, vel sceleratissimorum hominum commercio, ac flagitiorum consuetudine impellatur. Bis inepti, statuendo naturalem probitatem, cum Scriptura testetur: *Omne fragmentum cordis humani esse tantum malum*



*Iam à pueritia , Gen. 6. v. 5. arguat omnes defœditi & peccati , Roman. 3. v. 12. & 23. Omnes declinaverunt , simul inutiles facti sunt : non est , qui faciat bonum , non est usque ad unum. Omnes enim peccaverunt , & carent gloria DEI. Eph. 2. v. 1. 2. 3. Dicat esse filios iræ natura & mortuos in peccatis. Præterea in acquisita probitate præclaræ educationi & conversationi tribuendo , quod maximè debetur Gratiz divinæ , cui adminiculantur tantum illa accidentia , quod enim idonei simus ad aliquid boni , id DEO tribuendum , 2. Corinth. 3. v. 5. Non quod sufficientes simus cogitare aliquid à nobis , quasi ex nobis : sed sufficientia nostra ex DEO est. Tertio de Religione pugantur Christiana , quod scilicet hoc habeat Christi disciplina , ut cum in eum hominem incidit , qui virtute delectatur , avidissime soleat arripi ; quasi verò non inventi fuerint gentiles , qui virtute fuerunt delectati , imò in illa summum hominis Bonum posuerunt , qui toto animo aversati sunt Religionem Christianam , Actor. 17. v. 18. Quidam autem Epicurei & Stoici Philosophi differebant cum eo , & quidam dicebant : Quid vult seminatar verborum hic dicere ? Alii verò , Novorum demoniorum videtur annunciator esse , quia Iesum & resurrectionem annuntiabat eis. quasi Religio Christiana attemperata sit phantasiæ Philosophorum , quasi animalis homo non satis luculenter describeretur à Paulo 1. Cor. 2. v. 14. ubi dicit : & δέχεται , non accipit , non suscipit ea , quæ sunt Spiritus DEI , stultitia siquidem illi sunt , nec potest cognoscere , quod spiritualiter iudicatur.*

## XXVIII.

*Non satis dextre etiam primò quidam ex Remonstrantibus statuunt notitiam DEI non ita infixam esse , ut penitus non evellatur , & proinde etiam in ipsam conscientiam arietant. Secundò ex Pontificiis illum mœrorem , tristitiam , & quas sibi ipsis fabricant cruces insulsi Monachi probant , de quo videndus B. Lutherus in Matthæum ad cap. 9. v. 15. Tertio profani Ministri , qui impiis suavia prædicant , placentia dicunt , & sese assimilant illis , de quibus Ezech. 13. v. 18. 19. Vt , qui consueverunt pulvillos sub omni cubito minus , & faciunt cervicalia sub capite universæ ætatis ad capiendas animas , & cum caperent animas populi mei , vivificabant animas eorum. Et violabant me ad populum meum , propter pusillum hordei & fragmen panis , ut interficerent animas , quæ non moriuntur , & vivificarent animas , quæ non vivunt , mentientes populo meo , credenti mendaciis.*

CAPUT

## CAPUT III.

De

## SUBJECTO.

## THESIS I.

**S**ubjectum sive Objectum personale Theologiæ Moralis non est homo convertendus, sed conversus: neque enim dirigi potest in moribus Christianis quisquam, nisi sit Christianus, nec præscribitur Typus agendorum, ni prius credenda mentem imbuerint. Immotum enim est Christi essatum Matth. 7. v. 18. *Non potest arbor bona fructus malos facere: neque arbor putris fructus bonos facere.* Illud Johan. 15. v. 5: *Ego sum vitis, vos palmites, qui manet in me, & Ego in eo, hic fert fructum multum, quia sine me nihil potestis facere:* Adde illud Pauli de morte spiritali, Eph. 2. v. 1. *Et vos cum essetis mortui delictis, & peccatis vestris, &c.*

## II.

In limine hic impingunt primò Photiniani, dum dicunt: tam bonam arborem posse dici hominem non renatum, qui virtutis est studiosus, quam renatum, qui amore DEI virtuti dat operam, licet alius alio magis propriè, ut oves Christi, & populus Christi, tam ii appellantur, qui extra Christum sunt animi probitate præditi, quam qui in Christum credunt, licet hi magis propriè, ut loquitur Smalcus: Cum tamen Christus bonam & malam arborem opponat, per bonam illam intelligat, quam describit David Psalm. 1. v. 3. *Et erit tanquam lignum, quod plantatum est secus decursus aquarum, quod fructum suum dabit in tempore suo.* Jeremias cap. 17. v. 8. *Et erit quasi lignum quod transplantatur super aquas, quod ad humorem mittit radices suas, & non timebit cum venerit aestus. Et erit folium ejus viride, & in tempore siccitatis non erit sollicitum, nec aliquando desinet facere fructum.* Eo ipso quo arbori comparatur ovis Christi, non intelligatur per illam nisi regenitus, quemadmodum nec per ovem Christi alius intelligitur, quam qui describitur Joh. 10. v. 27. *Oves mea vocem meam audiunt, & ego cognosco eas, & sequuntur me.* Dum volunt cum Johanne Ludovico Wolzogenio illud, *χωρίς ἐμῆς*, sine me, significare extra me, à me separati, mecum non

F

con-

conjuncti, sicut palmes cum vite. Et sensum esse fingunt, quod qui prorsus extra Christum sunt, id est, qui de Christo nihil sciunt, vel in eum non credunt, nihil boni possunt facere. Cum tamen posito, quod phrasîς *χωρὶς ἐμὴ* sit accipienda de negatione inexistentiæ, omnia non regeneritus, etiam sit separatus à Christo, nec palmes illius dicendus, imo Wolzogenius paulo post asserat, etiam multos ex Ethnicis, qui à verâ notitiâ non solum Christi, sed & DEI alieni fuerunt præclaris virtutibus ornatos fuisse notum esse, ideoque non carituros omni prorsus remuneratione, ut Paulus doceat Roman. 2. §. 15. *Ostendunt opus Legis scriptum in cordibus suis, testimonium reddente illis conscientia ipsorum, & inter se invicem cogitationum accusantium aut etiam defendentium.* Dum denique de peccatis actualibus quorundam locum, Eph. 2. exponunt. Cum tamen Apostolus loquatur de carentia omnium virium spiritualium, quæ non nisi vivificatione è superis conferuntur.

## III.

Impingunt præterea Arminiani, qui primò putant verba Christi Matth. 7. non ita pressè accipienda esse, quia DEUS etiam hominibus malis, qui progenies viperarum appellantur, adeoque iis ipsis, quos hic arborem malam tacite vocat, mandet, ut fructus bonos proferant: dignos poenitentia: quasi vero illos ferre possit, absque viribus divinitus collatis, nisi DEUS operetur velle & perficere, totumque hominem immutet. Secundò, qui cum Episcopo consent sine Christo & Gratia illius verbo revelata nihil nos posse: quasi vero possimus aliquid posita revelatione, & nondum concessa vita & viribus ex alto intrinsece. Denique, qui elevant mortis profundam vim à Paulo indicatam, quia figurata sit locutio, irregeneriti non sunt ejusdem conditionis omnes, sed quidam omnis vocationis expertes, quidam jam gratia vocati & excitati. Mors denique in Scriptura non semper plenam secessionem & abolitionem vitæ notet. *Qui mortui sumus peccato, quomodo adhuc vivemus in illo? §. 6. hoc scientes, quia vetus homo noster simul crucifixus est, ut destrueretur corpus peccati, ut ultra non serviamus peccato, Rom. 6. §. 2. & 6. & aliis etiam nominibus describatur hominis conversio, quam suscitatione ex mortuis, nempe excitatione è somno & sanatione, Eph. 5. §. 14. Surge, qui dormis, & exurge à mortuis: & illuminabit te Christus.*  
 1. Petr. 2.

*1. Petr. 2. v. 24. Qui peccata nostra ipse pertulit in corpore suo super lignum : ut peccatis mortui iustitia vivamus.* Quasi verò figurata locutio evoluta nequeat argumentum suppeditare in Theologia, analogia observata, vi mortis & vitæ docere miseriam status peccati & restitutionis? quasi verò si irrogeniti variant secundum magis & minus, essentialiter quoad defectum vitæ spiritualis non sint æquales? quasi verò denique excitatio è somno non quandoque sit excitatio è morte, cum constet mortem in Scriptura somnum vocari, vel compellatio dirigatur ad irrogenitos, Eph. 5. & non potius ad languidos in fide, vel sanatio non dicat etiam expulsionem mortis cum ægritudine, si de consummata sit sermo, quam consequimur ex vibicibus Christi in æternâ vitâ.

## IV.

Impingunt denique Pontificii, qui colligunt, si ex malæ arboris conditione sequatur hominem non esse liberum ad operandum bonè, ante conversionem, secuturum, quia post illam sit arbor bona, non posse malè operari, vel liberum esse ad peccandum. Præterea dictum hoc accipiendum de eo, quod sit ut plurimum, non verò semper, cum interdum fiat, ut & mala aliquos bonos, & bona aliquot malos ferat. Nec tandem perfructus intelligi qualiacunque opera, sed tantum meritoria vitæ æternæ. Nam renati nec perfectè boni sunt, nec Christus locutus fuit de illo, quod contingit, sed quod in necessitate nexus inter causam & causatum est fundatum; nec denique loquitur, de fructibus sub habitudine meriti ad vitam æternam, sed de fructibus simpliciter talibus ratione qualitatatum, quas ex arbore ducunt, intrinsecarum. Secundò, qui concludunt, Christum tantum urgere necessitatem Gratiæ Christi, ut opus sit meritorium vitæ æternæ, Joh. 15. nam gratia ad merendum non dispensatur, nec ita homo nihil posset extra Christum, sed aliquid, cum tamen Augustinus observarit, Tract. 81. in Johan. non dixisse sine me parum potestis, sed nihil potestis; & ipse Toletus agnoverit palmitera non manere in vite, ut facilius fructum proferat, sed ut simpliciter fructum edat, utique nullum facturum à vite separatum. Adde Canonem Concilii Arausiacani septimum. Tertiò, qui in mortuo spiritualiter tali defectum quidem admittunt gratiæ justificantis, sed non auxilium gratiæ actualis, quæ sit vis quædam vitalis, nec desit peccatori, cujus beneficio se disponere possit ad vitam spiritualem, prout Ezechiel dicat



cap. 18. v. 27. *Avertentem impium ab impietate sua, vivificaturum esse animam suam.* Nam defectus gratiæ justificantis indicat hominem adhuc spiritualiter mortuum, nec præsentia auxilii, ut illi loquuntur, gratiæ actualis hominem vivum reddit, sed tantum præparat sensim ad vitam, nec homo dicitur vivificare animam suam activè in suam vivificationem influendo, cum hoc impossibile sit mortuo, & si verba ita pressè sumantur, excludi possit gratia, & vivificatio in solidum homini vendicari, quod ipsi Pontificii non admittunt, sed vivificanti DEO non obnitendo, quemadmodum obstetrices in Ægypto dicuntur vivificasse pueros non vitam inhalando, quæ à solo DEO, sed passivè & permissivè sese supposito Decreto Pharaonis de necando, Exodi 1. v. 17. *Timuerunt autem obstetrices DEVM, & non fecerunt juxta præceptum Regis Ægypti, sed conservabant mares.*

## V.

Occurrunt autem etiam in regenito & converso duo spectanda principia, quorum unum dicitur caro, alterum Spiritus, ex quibus Lucta, difficultas, operum imperfectio. Caro autem hoc loco notat hominem veteris Adami moribus imbutum, vel corruptionem & vetustatem illam, quam habemus ex primo parente, & quandoque usurpatur pro pravis cupiditatibus naturæ corruptæ, ut Gal. 5. v. 17. ubi caro, dicitur, *concupiscere adversus spiritum*, vel pro homine non renato, qui dicitur *caro ex carne natus*, Joh. 3. v. 6. vel pro reliquiis vitiositatis naturalis Spiritui repugnantibus, ut Rom. 7. v. 14. 19. ubi Paulus: *Novi quod non habitet in me, hoc est, in carne mea, bonum.* Nam velle adjacet mihi: *perficere autem bonum non invenio*; ut quidam significationes hujus vocabuli evolunt & distinguunt. Per Spiritum autem intelligimus hominem novi Adami viribus instructum, vel primitias Spiritus, quas habent regeniti, de quibus Rom. 8. v. 23. *Nos ipsi primitias Spiritus habentes, & ipsi intra nos gemimus adoptionem filiorum DEI, expectantes redemptionem corporis nostri.* Adeoque sicut caro corruptam hominis naturam, cœcitatē mentis in rebus agendis, obliquitatem voluntatis, pravitatem appetitus, & sensitivi motus, ita Spiritus, inhabitantis Spiritus motus notat mentem illuminando, voluntatem dirigendo, affectus impellendo afficientes: atque hæc duo in unoquoque regenito & converso inveniri patet imprimis ex Rom. 7. v. 14. & seq. ubi Paulus ita: *Scimus, quod Lex spiritualis est & ego autem carnalis sum, vendatus sub*  
pecca-

peccato. Quod enim operor, non intelligo. Non enim, quod volo, hoc ago: sed quod odi, illud facio. Si autem quod nolo, illud facio: consensio legi, quoniam bona est. Nunc autem jam non ego operor illud, sed quod habitat in me peccatum. Scio enim, quia non habitat in me, hoc est, non aui carne mea, bonum. Nam velle adjacet mihi: perficere autem bonum, non invenio. Non enim quod volo bonum, hoc facio: sed quod nolo malum, hoc ago. Si autem quod nolo, illud facio: jam non ego operor illud, sed quod habitat in me peccatum. Invenio igitur legem, volenti mihi facere bonum, quoniam mihi malum adjacet. Condelector enim Legi DEI secundum interiorem hominem: video autem aliam legem in membris meis, repugnantem legi mentis meae, & captivantem me in lege peccati, quae est in membris meis. Infelix ego homo, quis me liberabit de corpore mortis huius? Gratia DEI per Iesum Christum Dominum nostrum. Igitur ego ipse mente servio Legi DEI: carne autem legi peccati. Cui addimus locum ex Epistola ad Gal. 5. v. 17. ubi dicit: Caro concupiscit adversus spiritum, spiritus autem adversus carnem: hac enim sibi invicem adversantur, ut non, quaecunque vultis, illa faciatis.

## VI.

Male autem Photiniani primò cum Prospero Dyfidæo, qui Socinæ sub hac larvâ, Volkelio & Schlichtingio existimant, Paulum induisse personam hominis irrogeniti & profani, atque hæc non de se ipso dixisse, idque, ut Schlichtingius argutatur, ideo, quia qui Corinthios objurget, quod adhuc carnales, 2. Cor. 3. v. 1. Christi discipulos omnes neget esse in carne, & dicat: Nihil ergo nunc damnationis estis, qui sunt in Christo IESU: qui non secundum carnem ambulant. Vos autem in carne non estis, sed in spiritu, si tamen Spiritus DEI habitat vobis. Si quis autem Spiritum Christi non habet, non est ejus. Non enim accepistis spiritum servitutis iterum in timore: sed accepistis spiritum adoptionis filiorum, in quo clamamus: Abba. (Pater.) Rom. 8. v. 1. 9. 10. & sub servitute peccati: Rogo autem, ne præsens audeam per eam confidentiam, quâ existimor audere in quosdam, qui arbitrantur nos, tanquam secundum carnem ambulemus, 2. Corinth. 10. v. 2. ille tanquam renatus & Apostolus Christi in sua persona non possit dicere: Carnalis sum, venditus sub peccato: quasi non etiam regeniti possint dici venundari sub peccato, ita & patiantur inviti vincula, quæ adhuc constringunt,

gunt, peccatum illud circumstans, quod fatigat, de quo Ebræor. 12. v. 1. *Deponentes omne pondus, & circumstans nos peccatum.* Nec frustra Paulus dixit se *παραπύρον* venditum esse, ut distingueret se ab irregenito, qui dicuntur vendere seipsum, quemadmodum de Achabo dicitur *ἄρα οὐχὶ* *semetipsum vendidisti ad faciendum malum in conspectu Domini, Israël & Iuda tradiderunt se, ut facerent malum coram Domino, ut irascarent eum.* 1. Reg. 21. v. 20. ait Achab ad Eliam: *Num invenisti mihi inimicum tibi?* qui dixit: *Inveni, ἐγὼ, quod venundatus sis, ut faceres malum in conspectu Domini.* Igitur non fuit alter talis, sicut Achab, qui venundatus est, ut faceret malum in conspectu DEI. 1. Reg. 17. v. 17. & 1. Reg. 21. v. 20. 25. Nec denique absurdum etiam regenitos dicere carnales, utut non ex toto, tamen ex parte, utut non simpliciter, tamen secundum quid, ut colligitur ex 2. Corinth. 10. v. 3. *In carne autem ambulantes, non secundum carnem militamus.* Malè secundo Remonstrantes de homine non sub gratia existente loqui Paulum censent, sed ut primipilus illorum Jacobus Arminius loquitur, Paulum putant personam in se transtulisse hominis sub lege constituti, quod per Disputationem obtinere vult Veteraquinas ille, vellicans argumentum validissimum, quod talis hinc loquatur homo, qui delectatur Lege DEI, secundum interiorem hominem, qualis esse non possit, nisi regenitus & sub gratia constitutus, reponendo interiorem hominem, neque ex Ety-mo vocis, neque ex usu Scripturæ idem esse, quod novum & regenitum hominem, eumque non esse regenitorum proprium, sed & non regenitis convenire, nec delectari lege DEI esse proprium regenitorum, & sub gratia constitutorum, sed convenire homini sub lege constituto, quæ verè sunt petitiones principii. Non malè hic Coccejus: Socinus, Arminius, alii, interiorem hominem volunt intellectum esse. Sed respondetur non quia versu 23. v. 25. mentis mentionem facit, idèd solum Intellectum intelligat, voluntatis est *velle & delectari.* Est interior Homo. Quod nomen utramq; hominis partem, & omnes facultates comprehendit. Sed idèd novus homo vocatur, quia regimen & ducatus est intra hominem. Sic & *vetustus homo* dicitur *exterior*, non quòd consistat in solis membris, sed quòd in membris sit ducatus. Membra per se & propriè non concupiscunt, sed anima. At membra scandalizant animam Spiritu gubernatore destitutam. Duplicis hominis distinctio non est nisi ex regeneratione. Vide 2. Cor. 4. v. 16. 1. Petr. 3. v. 4. *Occultus homo cordis,*  
Eph. 3.

*Eph. 3. v. 16. det potentiam confirmari quoad interiorem hominem.* Paulus hic non loquitur cum Philosophis, sed voces à Spiritu Sancto docet. Est in irrogenitis oppositio conscientiae & voluntatis, sed non carnis & Spiritus, quorum illa concupiscit, hic facit velle cum DEO & Legē; non oppositio duorum hominum veteris & novi. Tertio, Pontificii quidam, qui cum Toletopremunt vestigia Photinianorum & Arminianorum, aut cum Benedicto Pererio verba illa, quod operor, non intelligo, putant posse referri, & ad hominem peccatorem concupiscentiae suae obedientem atque servientem, & item ad hominem iustum pugnātem cum sua concupiscentia, nec ei assentientem atque obsequentem pag. mihi 672. scil. secundum illorum Herimeneuticam, qui ex Scriptura faciunt Cothurnum, & tractant eam, ut Nasum cereum. Ingentuè hic Augustinus lib. 6. contra Julian. cap. vi. Melioribus, inquit, & intelligentioribus celsi vel potius ipsi, quod fatendum est, veritati, ut viderem in illis Apostoli vocibus gemitum esse Sanctorum contra carnales concupiscentias dimicantium. Qui cum mente sint spirituales, adhuc tamen isto corruptibili corpore, quod aggravat animam, recte intelliguntur esse carnales, qui erunt & corpore spirituales, quando seminatum fuerit corpus animale, & resurget corpus spirituale, & recte adhuc intelliguntur ea parte captivi sub lege peccati, quae desideriorum, quibus non consentiunt, moribus subiacet. Hinc factum est, ut sic ista intelligerem, prout intellexit Hilarius, Gregorius, Ambrosius, & ceteri Ecclesiae sancti varique Doctores, qui & ipsum Apostolum adversus carnales concupiscentias, quas habere volebat, & tamen habebat, strenuè confixisse, eundemque conflictum suum illis suis verbis contestatum fuisse senserunt.

## VII.

Malè etiam quidam apud Chrysostomum in loco ad Gal. 5. per carnem intelligunt corpus, per spiritum Animam, cum hæc duo se non habeant contrariè, sed relativè, ut materia & forma, conspirent, non dissideant. Secundò illi, qui carnem referunt ad historiam & carneum Scripturæ intellectum, qui Allegoriæ & spirituali doctrinæ repugnet, spiritum autem ad sublimiorem sensum, cum Paulus non loquatur de pugna extra nos in Scriptura, quæ quanta quanta est, nullum dissidium admittit, sed de certamine intra nos, de concupiscentia veteris & novi hominis, adeoque merito inter retrimenta Hieronymi & Origenis refer-

CUE

eur hxc ἐξ ἑαυτοῦ. Tertiò, qui cum Dionysio Rikelio, & Adamo Sasboure per carnem intelligunt sensualitatem, per spiritum verò rationem, adeoque de collisione inferiorum & superiorum facultatum, appetitus & mentis hunc locum accipiunt; cum sermo sit Apostolo non promiscuè vel universaliter de quibuscunque hominibus, sed definitè de conversis & fidelibus, quos paulò ante animavit, ut ambulent Spiritu.

## VIII.

Malè denique Hugo Grotius Socini & Arminii vestigiis insistens locum Rom. 7. pervertit, primò putans, Paulum loqui v. 14. de majori parte Judæorum aff. & tibus abrepta, qui ex carne oriuntur, cum Paulus loquatur de se & renatis. Secundò illustrare volens v. 15. exemplo Medæ, de pugna rationis & appetitus sensitivi conquerentis; cum hic sit sermo Apostolo de lucta carnis & spiritus. Denique tertiò sibi persuadens à v. 17. per ἀμαρτίαν inhabitantem intelligi consuetudinem inolitam peccandi, v. 18. phrasin ἐν ἐμοὶ exponit de carne & aff. & tibus ex carne orientibus, in quibus vix quicquam fuerit boni, quanquam in mente fuerit aliqua boni cognitio. Verba v. 19. tribuit Judæo & reliquos conspurcat. Contra quem Coccejus ita pag. 383. In v. 25. valdè se torquent, qui putant, Paulum loqui in persona hominis irrogeniti. Instar omnium sit Grotius. Is primò extenuat illud *servio mente legi*, per *legem bonam fateri cogor*. Imò, si non illud *mente servio* satis emphaticum est, conferantur cætera, addico esse bonam, quia volo hoc, quod lex vult, & ei condelector, ita ut sit lex mentis. Secundò, αὐτὸς ἐγώ, quod valet, ipse ego, vel idem ego, negat ita explicandum. Non, inquit, ipse ego, sed ille ego, id est, is homo, quem sub prima persona nomine descripsi. Ergò αὐτὸς ἐγώ, ipse ego non est ipse ego, sed ὁ αὐτὸς ἐγώ, ille ego, quæ est violenta mutatio verborum, & inepta explicatio. Quis enim dicit ille ego pro ὁ δέγνυ; Patior, Apostolum se nominare in exemplum, sed hominis regeniti, quia illa, quæ dicuntur, non sunt nisi regeniti. Tertiò, Colón primum ponit in parenthesi, ut scil. in eo colo ipse de se videatur loqui, quod sine ratione & signo ullo sit. Neque est commoda locutio, si non idem & antecedentia & sequentia dicit. Provoco ad aures eruditas. Quartiò, initium cap. 8. continuat cum fine cap. 6. quasi non ex proximè præcedentibus, & toto cap. 7. sequatur, quod Apostolus dicit: *Nul-  
lam esse condemnationem ei, qui est in Christo Iesu.*

## IX. Subj.



## IX.

Subiectum quod Theologiz moralis, cum sit homo regeneritus & conversus, tum ratione animæ, tum ratione corporis: DEVS enim pagis sanctificat nos, ὁλοκληρῶς ut integer noster spiritus & anima & corpus ferretur, 1. Thels. 5. v. 23. Purgantque tales se ab omni inquinamento carnis & spiritus, 2. Corinth. 7. v. 1. ideoque dicitur nova creatura, 2. Corinth. 5. v. 17. homo novus, Eph. 4. v. 24. opus DEI creatum in Christo Iesu, in operibus bonis, quæ præparavit DEVS, ut in illis ambulemus, Eph. 2. v. 10. Quemadmodum ex vetustatis reliquiis dicitur adhuc carnalis. Lex spiritualis est, ego autem carnalis sum, venundatus sub peccato, Rom. 7. v. 14. Et ego fratres non potui vobis loqui quasi spiritualibus, sed quasi carnalibus, 1. Cor. 3. v. 1. Subiectum autem quod, sunt facultates hominis regeneriti, nempe Intellectus, quo quidem Paulus respicit Eph. 4. v. 23. dicens: Renovamini spiritu mentis vestra. Et in Epistola ad Colossenses 3. v. 10. ubi hæc leguntur: Induite novum illum hominem, qui renovatur in agnitionem, ad imaginem ejus, qui cum condidit. Voluntas, quam indicat Paulus, scribens, se non facere bonum, quod vult; sed facere malum, quod non velit, & invenire sibi volenti facere bonum hanc Legem, quod sibi malum adiaceat, Rom. 7. v. 19. & 21. Denique Appetitus sensitivus tum concupiscibilis, tum irascibilis, quorsum nos ducit Paulus, qui Eph. 4. v. 22. dicit: Deponite veterem hominem, qui corrumpitur cum affectibus suis deceptoribus, κατὰ τὰς ἡδονὰς τῆς ἀπώτης. Et omne illud, quod reliquum est ex veteri homine inconverso veri peccati rationem habet, sive sit in intellectu, sive in voluntate, sive in affectibus: quicquid enim est Legi divinæ adversum, illud ipsum verè & formaliter est peccatum, docente Johanne 1. Epistola cap. 3. v. 4. Omnis, qui facit peccatum, & iniquitatem facit, & peccatum est iniquitas. Omne autem, quod veteris est hominis, est Legi divinæ adversum, ut Paulus etiam dicat: Lex est spiritualis, ego autem carnalis, adeoque oppositionem instituatur diametralem inter legem & carnem. Ergò. Et ad hoc subiectum quo, referimus corpus, membra & locomotivam, de quibus Paulus: Ne exhibeatis membra vestra arma iniquitatis peccato: sed exhibere vos DEO, tanquam ex mortuis viventes, & membra vestra arma justitiæ DEO, Rom. 6. vers. 13. 19.

## X.

Improbamus itaque merito primò Patres Concilii Tridentini, qui Sessione quinta definiverunt: Concupiscentiam illam, quam aliquando Apostolus peccatum vocat, sanctam Synodum declarare, Ecclesiam Catholicam nunquam intellexisse peccatum appellari, quod verè & propriè in renatis peccatum sit, sed quia ex peccato sit, & ad peccatum inclinet. Si quis autem contrarium senserit, illum anathema esse. Secundò illos ex Doctoribus Pontificiis, qui concupiscentiam non per omnes facultates diffusam admittere volunt, sed illam concupiscentiam carnis dici volunt, quia in appetitu tantum sensitivo locum habeat. Quinque illos, qui volunt concupiscentiam repugnare legi mentis non formaliter, sed tantum naturaliter, suggerendo & obijciendo materiam, quæ si voluntas à consensu non abtineat, in formale peccatum abeat.

## XI.

Differt autem lucta carnis & Spiritus longè à pugna affectuum & rationis. Nam primò differunt causis: illa enim est à gratia divinitus dispensata, & viribus novis contributis, quarum beneficio etiam exiguus David Goliathi tentationi obijcitur: at pugna illa rationis & appetitus est ex lege naturali insita horrore & metu pœnæ, vel qualicunque civili dispositione, quæ appetitui frænum injiciunt, & non patiuntur illum in crassiora & extantia scelera prolabi. Secundò obiectis, habet enim Spiritus, qui carni obviat spiritualia, quæ proponit, quorum notitiam, amplexum & praxin urget, caro vero in oppositum nititur, nec capit illa, quæ sunt spiritus, sed sunt illi stultitia, 1. Corinth. 2. v. 14. In pugna autem rationis & appetitus collisio tantum fit boni alicujus vel mali superioris & menti proportionati, & inferioris sive sensitivi. Tertiò effectu. Lucta enim Spiritus victoriam repugnat, ut regenti non ambulent secundum carnem, sed secundum spiritum, Rom. 8. v. 1. ipsam rationem quoque triumphant, secundum illud Pauli: *Arma militiæ nostræ non carnalia sunt, sed potentia DEO ad destructionem munitio, consilia destruentes. Et omnem altitudinem extollentem se adversus scientiam DEI, & in captivitatem redigentes omnem intellectum in obsequium Christi*, 2. Corinth. 10. 45. & anhelent ad illam quietem, quæ in morte obinetur, ad illa bona, quæ post hanc vitam vincens proviso: *Esto fidelis usque ad mortem, & dabo tibi coronam vitæ: Qui habet aurem, audiat, quid Spiritus dicat Ecclesiis: vincenti dabo Manna absconditum, & dabo illi calculum candidum,*

*Arduum, & in calculo nomen scriptum, quod nemo scit, nisi qui accipit, Apoc. 2. v. 10. 17. Qui vicerit, faciam illum columnam in domo DEI mei, & foras non egredietur amplius, & scribam super eum nomen DEI & nomen civitatis DEI mei novae Ierusalem, quae descendit de caelo à DEO meo, & nomen novum. Qui vicerit, dabo ei sedere mecum in throno meo. Apoc. 3. v. 11. & 22. Qui vicerit, possidebit hac, & ero illi DEVS, & ille erit mihi filius, Apoc. 21. v. 7. At pugna rationis & affectuum plerumque deficit in tristem eventum, secundum illud Medez: Video meliora proboque, deteriora sequor, nec aliquid obtinet, quam quandoque repressionem affectuum, ubi tamen uno domito, alter exsurgit, & hominem iterum contaminat, observante Augustino, & ex illo Cornelio Jansenio, Yprensi Episcopo.*

## XII.

Non possumus hic probare primò sententiam illorum, qui censent voluntatem dependere ita ab intellectu practico, ut in alteram partem per ultimum iudicium necessar.ò determinetur, ut volunt cum Belarmino ex Pontificiis quamplurimi, ex Calvinianis autem Johannes Camero, Maccovius & alii, quorum ille in Collatione cum Tileno eo usque progressus est, ut statuerit pravitatem & malitiam voluntatis nostrae, nisi per illuminationem errari non posse, voluntatem non flecti, nisi à mente illuminata efficaci veri & summi Boni cognitione, & DEUM non regenerare aliter voluntatem nostram corruptam, quam per mentis illuminationem. Respondens etiam Tileno urgenti, quod voluntas stante hac sententia destruat, cum ita moveatur, ut Brutorum appetitus, velut lapides, qui feruntur deorsum impetu naturali, Instantià petiti à voluntate beatorum & Christi: quem ipsi Socii castigant, docendo illum statuere contra Art. 11. cap. 3. Synodi Dordracenae, qui ita conceptus: Ceterum, quando DEUS hoc suum beneplacitum in Electis exsequitur, seu veram in iis conversionem operatur, non tantum Evangelium ipsis externè prædicari curat, & non illuminat tantum potentes mentem ipsorum per Spiritum Sanctum, ut rectè intelligant & dijudicent, quæ sunt Spiritus DEI, sed ejusdem etiam Spiritus renovantis efficaciz ad intima hominis penetrat, cor clausum aperit, durum emollit, præputiatum circumcidit, voluntati novas qualitates infundit, facitque eam ex mortua vivam, ex mala bonam. Contra, secundò, Analogiam fidei: Quid enim, inquit Spanhemius, opus nos petere à DEO, ut cor lapideum

deum tollat, & det carneum, ut voluntatem renovet? Satis enim foret, nos petere potentissimam vel plenam illuminationem intellectus, quippe quam non posset consequi renovatio voluntatis. Sic etiam tota & corruptio primi hominis & sanctificationis ejusdem ratio consistet in intellectu, & in lumine illi vel negato vel indulto. Adde, sic videri actionem intellectus aliquo modo statui transeuntem & terminum actus mentis id velle; quod crudum in scholis Philosophicis, quæ immanentes tantum actus menti assignant. Nec intellectio, potentissima etiam, magis effectivè vel necessariò causat actum voluntatis, quàm sensatio actum appetitus sensitivi. Et quum DEUS immediatione non tantum virtutis, sed & suppositi omnia alia moveat, cur non & voluntatem, nec tantum quæ Ens est, sed etiam reduplicativè quæ voluntas est. Et durum omninò statuere, sive habitum, sive actum intellectuslem generare habitum morale in voluntate. Et quamvis voluntas sit *ὁρεξις καὶ λόγος*, tamen secundum ipsum Aristotelem, ἡ ὁρεξις quandoque, non tantum *κινεῖ* movet, sed etiam *νικά* vincit καὶ τὴν βύλησιν, ut docet Philosophus lib. 3. de Anima. Addit Synodus Articulo 12. modum hujus operationis fideles in hac vita plenè comprehendere non posse. Sitamen hanc sequamur sententiam, nihil in modo istius operationis vel obscuri est, vel alieni ab ordinaria & communi potentiarum operatione. Interim modum istum cum Scriptura Sacra potius exprimendum censemus, quam cum Peripato, per connexionem potentiarum intellectus & voluntatis, & istius per illam determinationem. Contra, tertio, experientiam & rationem. Ita enim Molin. tract. de lib. Arb. Celebris est in Scholis & usu pene contrita sententia. Voluntatem semper determinari, & regi ab ultimo judicio intellectus practici. Quæ tamen sententia longè abest à vero. Nam etsi hoc verum est, quotiescunque intellectus munere suo fungitur, & habet obsequentes appetitus & voluntatem, sæpè tamen accidit, ut intellectus determinetur à voluntate. Multi credunt id, quod volunt credere, & quod cupiditas suadet esse credendum, quales sunt, qui religionem luto metiuntur, quorum mens inservit ventri, & quorum intellectui avaritia aut metus aut sitis honorum interdixit ulteriorem inquisitionem veri, & vetuit aliud sapere aut sentire, quam quod domesticis rationibus est accommodatum. Hi habent fidem imperatam, & factam ad alterius voluntatem, cui subjecerant suam. In his voluntas quidem non movetur

vetur

Vetuit sine aliquo iudicio intellectus practici, sed hoc iudicium imperatum est a voluntate, & voluntas prius determinat intellectum, quam intellectus suadeat voluntati. Aliud est habere rationem ducentem, aliud comitem aut pedissequam. Semperque voluntas est cum intellectu aliquid aut ratione, sed non semper movetur ex ratione. Secundò, sententiam illorum, qui cum Arminianis statuunt: Obedientiæ habitum non potuisse voluntati indi, sed tantum libertatem, quam posset homo vel bonam vel malam facere. Tertiò illorum, qui cum Calvinianis existimant, electum non posse ita succumbere, ut spiritus penitus excutiat: unde Guilielmus Perkinsus in Operibus Theol. pag. mihi 1094. ad questionem: Utrum caro prædominans non extinguat spiritum, & ita hominem a Christo abscindat, usque quo ex integro inseratur, dicit: Solutio in promptu est, sunt duæ Christianorum species: una, quæ externâ forma & nomine tantum tenus Christum profitetur: huiusmodi professor non veriore ratione membrum Christi mystici corporis existit, quàm ligneus pes adjunctus corpori est membrum corporis. Secunda species est illa, quæ in nomine & factò est viva pars & membrum Christi. Si primus Professor excidat, non potest dici quòd amputatur: utpote qui nunquam insitus & plantatus fuit. Sin verò secundus professor cadat, potest fieri ut abscindatur a Christo, & etiam reuera abscinditur, sed in aliqua parte tantum, nimirum respectu (ejus) internæ societatis & communionis cum Christo: non autem quoad vinculum conjunctionis. Humanum brachium apoplexiâ correptum, appendet & adhæret corpori, sed nullum calorem, vitam aut sensum à reliquis membris accipit, aut à capite attrahit, nihilominus unitum & adjunctum corpori permanet, ut emplastris & medicamentis reparari, & ad priorem sensum & vigorem reduci queat. Sic gravissimâ acceptâ calamitate aut prolapsione filius DEI nullam internam pacem & consolationem agnoscit, sed in sua conscientia, propter ejus offensam horrore spiritalis paralyticòs percellitur: & nihilominus respectu conjunctionis cum Christo, in conspectu DEI membrum Christi perseverat, & ad suam pristinam conditionem, post seriam & sinceram resipiscientiam restituetur. DEUS autem has clades ob causas maximi momenti permittit: primò, ut homines spectata sua vili & depravata natura erubescant, & pudore confundantur, & ut præ superbia insolescere & inflari desistant, utcunque gratia DEI ornentur. Paulus testatur,

G 3

quod



quod postquam raptus fuerat in tertium usque cælum, Angelus Satanae missus est, ut colapis caderet eum: & (ut loqui consuevimus) verberibus contunderet, ne supra modum efferretur, 2. Cor. 12. v. 7. Secundò, ut nos ipsos abnegare, & ab intimo corde Domino adhærere discamus. Paulus pronuntiat, quòd ipse (gravissimè ægrotans) apud se decretum mortis habuit, ne consideret in seipso, sed in DEO, qui mortuos suscitaret, 2. Corinth. 1. v. 9.

## XIII.

Non tantum autem homo regentus & conversus se habet, ut subiectum à Morali Theologia informandum & dirigendum, sed etiam aliquatenus activè, adeoque ut principium sub Spiritu Sancti moderamine, impulsu & operatione ad opera bona, quæ edit intellectu, voluntate & appetitu reformati in verum & bonum inclinantibus: factus est enim homo per conversionem *Arbor bona*, quæ proinde etiam fert fructus bonos Matth. 7. v. 17. est palme in Christo, & propterea fert multum fructum, Joh. 15. v. 5 est arbor ad aquas plantata, qua non siliis, sed fructibus illustribus sese commendat, Psal. 1. v. 3. Jerem. 17. v. 8. unde etiam B. Norster Chemnitius rectè in loco de viribus humanis seu lib. arb. cap. 7. Numeratur voluntas humana inter causas bonæ actionis primò, quia potest resistere Spiritui Sancto: *Durà cervice & incircumcisis cordibus & auribus, vos semper Spiritui S. resistitis*, Actor. 7. v. 51. & destruere opus DEI, Rom. 14. v. 20. Secundò annumeratur voluntas humana. Nam filii DEI aguntur Spiritu Sancto, non ut ignorantes aut inviti credant, aut benè operentur; sicut Bileam benedixit: *Quomodo maledicam, cui non maledixit DEVS? Quà ratione detester, quem Dominus non detestatur?* Num. 23. v. 8 & asinus ejus loquitur: *Aperuitque Dominus os asina, & locuta est: Quid feci tibi? cur percutis me ecce jam tertio?* Num. 22. v. 28. Caiphas prophetavit: *Hoc autem à semetipso non dixit: Sed quod esset Pontifex anni illius, prophetavit*, Joh. 12. v. 51. sed gratia facit ex nolentibus volentes, quia operatur velle: *Condelector enim Legi DEI secundum interiorem hominem*, Rom. 7. v. 22.

## XIV.

Illud autem est, quod reprehenderunt Theologi orthodoxi primò in Victorino Strigelio, quod voluntati hominis non dum conversi aliquam causalitatem adscripserit, & scripserit; Necessè esse, retineri discrimen inter liberum agens, & naturaliter agens, quo sublato tollatur discrimen.

discrimen inter DEUM & plurimas creaturas, quæ agunt materialiter, &c. vid. Disp. Vinar. f. 1. p. 22. item f. 2. p. 29. depravationem L. A. agnosco, profiteor & deploro. Sed prorsus ablatum ab homine L. A. non assequor vel intelligo, &c. ut & alibi p. 162. ubi urget velle suum quoad substantiam actus. Spiritum Sanctum non esse in homine efficacem tanquam in Trunco nihil agente, sed ita hominem trahere, vi convertere, ut velit in eo esse aliquam voluntatis actionem, quæ suam efficacem comitetur. Secundò in aliis quibusdam, quod Gratia divina præventum, nondum autem conversum censuerunt, non quidem ex facultate propria, sed viribus tamen desuper acceptis aliquid cooperari ad conversionem, ita ut voluntas nostra *ὁυαγγός* sit, seu divinæ Gratiæ cooperetur, non tantum cum homo jam conversus, renatus & justificatus in fide & charitate crescit, & opera pietatis per gratiam justificantem & inhabitantem facit, sed etiam cum per auxilia Gratiæ prævenientis, præparantis & adjuvantis ad DEUM convertitur, & primum justificatur, sicut enim homo renatus & justificatus cooperari Gratiæ Spiritus S. jam inhabitantis dicitur, dum Dono seu Talento gratiæ justificantis & sanctificantis semel accepto, sedulo negotiatur: ita putant eundem etiam auxiliis gratiæ Spiritus S. adhuc corda nostra nondum inhabitantis, sed ut intret atque inhabitet pulsantis, cooperari, dum auxiliis illis præventus, adjutus & præparatus ad DEUM convertatur, ut justificatus & renatus Templum DEI & Spiritus ejus fiat. Tertiò in Pontificiis, quod stæuerint, hominem per gratiam prævenientem excitatum, & à DEO adjutum ita valere operari, scil. ex viribus Arbitrii, ut possit etiam non operari, quemadmodum Bellarminus loquitur lib. 6. de Grat. & lib. Arbit. cap. 9.

## XV.

Consistit autem sanctificatio, quæ credentes à dominio peccati liberati renovantur in sanctitate & justitia, paulatim intrinsecus in mortificatione & vivificatione, quorum prior est veteris hominis, posterior novi, quæ à quibusdam forma sanctificationis dicitur, quibusdam circumcissione non manufacta, crucifixio carnis, amotio cordis lapidei, renovatio spiritus. Mortificatio est, quæ peccati vis paulatim debilitatur & necatur, de qua Paulus Gal. 5. v. 24. scribens: *Qui sunt Christi, carnem crucifigunt cum affectibus & concupiscentiis.* Facit autem ad illam maxime mors & sepultura Christi tum causaliter, tum exemplariter, Unde

Unde Paulus Rom. 6. v. 2. 3. 4. *Abſit, qui mortui ſumus peccato, quomodo adhuc vivemus in illo? An ignoratis, quia quicumque baptizati ſumus in Chriſto IESU, in morte ipſius baptizati ſumus? Conſepulſi enim ſumus cum illo per baptiſmum in mortem: ut quomodo Chriſtus ſurrexit à mortuis per gloriam Patris: ita & nos in novitate vitæ ambulemus. Si enim complantati facti ſumus ſimilitudini mortis ejus: ſimul & reſurrectionis primus. Vivificatio eſt, quo ſanctitas interna & inchoata ſemper & paulatim augetur, de qua Paulus Eph. 4. v. 23. 24. *Renovamini ſpiritu mentis vestræ, & induite novum hominem, qui ſecundum DEUM creatus eſt in juſtitia, & ſanctitate veritatis. Facite ad illam cauſaliter & exemplariter Reſurrectio Chriſti, unde Paulus Philipp. 3. v. 10. Ut agnoſcam eum, & virtutem reſurrectionis ejus, & ſocietatem paſſionum illius, configuratus morti ejus. Adeoque ſanctificatio duos reſpicit terminos, nempe prout eſt A verſio à malo & mortificatio veteris hominis terminum à quo, in quantum vero eſt vivificatio ſive converſio ad bonum, terminum ad quem.**

## XVI.

Non dextre tamen mentem exponunt primò Calviniani, qui cum Beza in Abſters. Calumn. Heſhufii, ad Gal. 4. cum Martyre in locis cit. de pœnitentiâ, ſect. 3. Muſculo Duſano in loc. p. 554. Bucano loco 30. renovationem volunt eſſe pœnitentiam, cujus partes ſint mortificatio & vivificatio, & nuper Walzus, loco de Reſipiſc. pag. 30. qui diſtinxit ita: reſipiſcentiam aliquando totam hominis converſionem notare, in qua & fides & ſtadium vitæ novæ: aliquando tamen diſtingui ut fontem & rivum, cauſam & effectum proximum; nonnunquam ſynecdochicè comprehendi ſub voce converſionis fidem etiam & novæ vitæ ſtadium: nonnunquam verò ab eo diſtingui, ut fides in Chriſto apprehendat Chriſtum & beneficia ejus, reſipiſcentia doleat ob peccata admiſſa, idque ſecundum DEUM, & contineat in ſe propoſitum firmum conformandi ſe divinæ voluntati, quos tamen deſerit Kekermannus in Systemate lib. 3. cap. ultimo, qui pœnitentiam à ſanctificatione diſtinguit; imò ipſa Veritas, cum renovatio pœnitentiam demum ſubſequatur, nec Apologia Auguſtanæ Confeſſionis cum illis conſpirat. Quando namq; illa & noſtrarum Eccleſiarum Doctores, mortificationem carnis annumerant partibus pœnitentiæ, nihil ea eſt aliud, quam ſerius cordis con-

conscientiæ que dolor, è legalibus comminationibus, ob admissa peccata, virtute Spiritus S. accensus. Secundò non benè colligit Bellarminus, quod renovatio & pœnitentia differant, quia pœnitentia non sit omnium hominum, mortificatio verò & vivificatio omnium; adducens pro confirmatione suæ sententiæ Testimonium Christi, Lucæ 15. v. 7. dicentis: *Gaudium majus est in cœlis super uno peccatore pœnitentiam agente, quam super nonaginta novem, qui pœnitentia non indigent: quasi hodie invenirentur, qui non peccatores, & proinde non indigi pœnitentiæ.* Tertiò, male Photiniani disputant sanctificationem nonnisi in pravæ consuetudinis & vitæ mutatione, atque secundum Doctrinam Christi reformatione consistere. quos tamen arguit & refutat naturæ corruptio, Indigentia Restaurationis.

## XVII.

Insidiosè quoque dictum ab Antonio Creguto in Elucidationibus de Apicibus SS. Theol. p. 635 th. 80. in qua hæc habentur: Sanctificatio secundum suos diversos actus considerata à seipsa distinguitur. Nam in primo momento homo habet se *παθηλὴς*, quia Eph. 2. v. 1. *Mortuus est in peccatis*, atqui mortuus seipsè vivificare non potest. Unde *conversio* vocatur *resurrectio*, quæ est solùm à virtute infinita. Attamen ne intelligas illud *παθηλὴς* absolute, quia primò non est quid passivum merè naturale instar lapidis aut rerum inanimatarum, quoniam homo intellectu & voluntate præditus est; idcirco intelligere potest & velle antequam convertatur. Secundò, ut homo potest physicè intelligere & velle, quod non facit lapis; at respectu actionis moralis seu spiritualis duo sunt distinguendi termini; nam respectu termini à quo homo purum putum cadaver, nec verum intelligere potest, aut bonum velle; sed respectu motus ad terminum ad quem, homo est quid mixtum, nam illius actus est partim *παθηλὴς*, partim *ἐνεργηλὴς*, quoniam patiendo agit, & agendo patitur, nam eodem momento, quo DEUS mentem illuminat, & voluntatem flectit, eodem intellectus clarè concipit, & voluntas benè vult bonum; sicut cum cæcus visum recuperat, eodem momento, quo patitur, agit; quia cum illuminatur oculus, ipse tunc videt, licet duo termini designari possint. Non ergo patitur mens in conversione, ut ille, qui vapulat, cum est sine actione, sed ut patitur, qui credit, intelligit, vult. Quod ex variis Scripturæ locis convincitur,

H

tur,

tur, Psal. 118. v. 8. *Inclina cor meum in testimonia tua.* Psal. 36. v. 23. *A Domino gressus hominis diriguntur, & viam ejus vult.* Proverb. 8. *Paratur voluntas à Domino.* Ezech. 11. v. 19. *Spiritum meum dabo in vobis, & faciam, ut in justificationibus meis ambuletis, & mea judicia observetis & faciatis.* Proverb. 21. v. 2. *Dirigit corda Dominus.*

## XVIII.

Minuuntur itaque vires peccati in Renovatione & sanctificatione, privatio scil. quæ consistit in ignorantia mentis, profunda cæcitas in spiritualibus, & quæ consimilis sunt conditionis, & positivum illud, quod dicitur concupiscentia: *Peccatum enim non dominatur fidelibus: non enim sunt sub Lege, sed sub Gratia*, Rom. 6. v. 14. Quicquid sit de peccati transmissione à parentibus in liberos. Generatio enim non fit secundum primitias Novitatis, sed reliquias vetustatis, & ut in circumcisi ex circumcisis generabantur, ita ex renovatis renovandi: & hoc est, quod docere voluit B. Rungius Disput. 8. de veteri & novo homine, th. 15. & 16. ita pronuncians: Qualis est destructio, tale etiam corpus destruendum hoc loco intelligi oportet: Destructio verò veteris Adami est naturæ nostræ alteratio, quæ corpus peccati servitum altè inhaerens naturæ paulatim aboletur, & succedit donum renovationis, collatum à Spiritu Sancto, quæ in locum *ἀδυναμίας* spiritualis novæ vires agnoscendi & invocandi DEUM divinitus in nobis accenduntur, & expulsis vitiis spiritualibus, cor purgatur, & nova luce, intelligentiæ & bonis motibus illustratur & sanctificatur. Hanc alterationem vocat Paulus crucifixionem & destructionem, ut ostendat, hanc mutationem carni nostræ, hoc est rationi, affectibus, & omnibus viribus ingratam & molestam esse, & simul doceat tenebras mentis plenè discutiendas, & pravos affectus cordis omninò extirpandos esse, si tota hominis renovatio fieri debeat, quod tamen in hac vita propter naturæ imbecillitatem perfecte præstari nequit.

## XIX.

Non placent verò illa Bonaventuræ, quem Gerson præ aliis Doctoribus alias voluit & commendavit idoneum, primò, scribentis: Sicut videmus, quod in culpa actuali est & conversio, & aversio in ipso actu peccandi, & in ipso habitu peccati est privatio habitus boni, & quædam habilitatio ad actum peccati; sic in originali intelligimus esse debita  
justi-



Justitiæ carentiam & concupiscentiam. Et quemadmodum in actuali privatio habilitatis bonæ est ipsum peccatum formaliter loquendo; ipsa verò habilitatio sive pronitas ad actum peccati non est peccatum nisi materialiter loquendo; pro eo, quod non est culpa, nisi quandiu ibi manet privatio: sic intelligendum est in proposito. Et quemadmodum in actuali peccati deletionem, cum Gratia infunditur, statim moritur culpa, in quantum erat Deformitas & privatio, nihilominus tamen simul cum hoc manet quædam pronitas ad actum licet remissa, in his potissimè, qui peccaverunt peccato consuetudinis. Sic quando Gratia baptismatis infunditur animæ, statim removetur originale peccatum eatenus, quæ erat carentia debiti justitiæ, etiam cum statim gratia est in anima, sic & cum ea est etiam justitia, concupiscentia verò non omnino tollitur, sed minuitur pro eo, quod pronitas ad culpam simul potest stare cum Gratia, quia non erat ipsum peccatum loquendo formaliter, sed naturaliter. Secundò illa Durandi de Sancto Portiano concedentis quidem tolli peccatum in Baptismo, passibilitatem autem & necessitatem moriendi, & rebellionem carnis & spiritus asserentis esse conditiones naturæ totam speciem consequentes, & ex principiis naturæ per se causatas, & idè non tolli per Baptismum, sed auferendas in generali Resurrectione, quoniam per Christum ipsa natura liberanda à servitute corruptionis secundum illud Pauli Rom. 8. v. 21. *Et ipsa creatura liberabitur à servitute corruptionis in libertatem gloriæ filiorum DEI.* Tertiò, illa Bonaventuræ dicentis: Dupliciter est loqui de causa originali, aut secundum considerationem unius hominis in se, aut per comparisonem ipsius ad alterum, ex ipso propagandum. Si primo modo loquimur, sic semper cum deletur peccatum originale, deletur etiam causa originalis peccati, quantum ad hoc, ut non possit deinceps peccatum originale causari in anima baptizati. Remittitur enim quodammodo scditas carnis, & per consequens improbitas sive Tyrannis, ratione cuius debebat spiritum in servitutem peccati redigere, quod quidem non potest facere post Baptismum propter auxilium gratiæ, quod ibi datur spiritui, per quod præsidet carni, & ita Effectus illius gratiæ quodammodo redundat in carnem. Si autem loquamur de causa originalis respectu alterius propagandi, sic per Baptismum non deletur originale quantum ad causam sive radicem. Et ratio hujus potissima est, ut credo, quod corruptio, quæ est causa originalis peccati propagandi, est corruptio

naturæ consistens penes vim, quæ habet radicari in carne. Unde originale, prout est vitium personæ, respicit voluntatem, prout autem est vitium naturæ, respicit generativam virtutem & carnem, Gratia autem sacramentalis propriè respicit corruptionem personæ, contra vero corruptionem naturæ non habet ordinari directè, & hinc est, quod cum infunditur Gratia baptismatis, deletur originalis culpa secundum quod erat peccatum ipsius animæ, remanet tamen aliquis languor in carne, quæ est causa originalis in prole. Si autem queratur remedium gratiæ Sacramentalis, ordinatur directè contra originale, prout corrumpit personam. Et non prout corrumpit naturam, dicendum, quod summus Medicus hoc instituit ratione congrua exigente, tum ex parte Medici, tum ex parte ægroti, tum ex parte medicamenti. Ex parte, inquam, Medici, quia sic Dominus debuit nos curare, ut salutem nostram unusquisque ab ipso immediatè recognosceret. Et idè unumquemque voluit curari à suo baptismo immediatè & in se. Et propterea Baptismus delet originale in homine peccatum, secundum quod est individuum, non secundum, quod est alterius principium. Ut ex hoc unusquisque reddat obsequium DEO debitum, & magis recognoscat salvationis suæ beneficium. Ex parte etiam ægroti congruentia erat, DEUS enim neminem vult salvari, nisi salvæ arbitrii sui libertate, & idè talem efficaciam medicamento dedit, ut salva esset libertas, & meritum liberi arbitrii sui libertate, & idè talem efficaciam medicamento dedit, ut salva esset libertas, & meritum liberi arbitrii. Idè etiam ut fides habeat locum, occultat Dominus Sacramenti sui effectum, & idè non curatur naturæ morbus. Ex parte etiam Medicamenti ratio est, quia virtus regenerativa in Sacramento est ipsa fides; unde à fide passionis Sacramenta dicuntur habere efficaciam. Quoniam ergo hæc virtus regenerativa principaliter respicit voluntatem & mentem, virtus autem generativa decisionem carnis à carne. Hinc est, quod Baptismus sanat si ve curat originale peccatum, quod est morbus personæ, dum in ea datur gratia, per quam reëstificatur personalis voluntas, remanente nihiloominus corruptione in carne & in vi generativa, quæ causa est transfundendi originalem culpam. Et sic probatur, quod per Baptismum deletur originale peccatum, quantum ad culpam, non tamen removeatur causa transfundendi originalem in personam alteram, sicut rationes ostendunt, quæ ad secundam partem inducunt. Et idè concedendæ sunt.

XX. Ad-

## XX.

Addere juvat illud Augustini de verâ Religione cap. 16. Tota vita Christi morum disciplina fuit ; satellites voluptatum divitias populi pernitiosè appetebant , pauper esse voluit. Honoribus & Imperiis inhiabant , Rex fieri noluit. Carnales suos filios magnum bonum putabant , tale conjugium prolemque contempsit , contumelias superbissimè horrebant , omne genus contumeliarum sustinuit. Injurias intolerabiles arbitrabantur , quæ major injuria quam justum innocentemque damnari ? Dolores corporis execrabantur ; flagellatus atque cruciatus est. Mori metuebant , morte mulctatus est. Ignominiosissimum mortis genus crucem putabant , crucifixus est ; omnia , quæ habere cupientes non rectè vivebamus , carendo vilia fecit , omnia quæ vitare cupientes à studio deviabamus veritatis , perpetrando dejecit.

## XXI.

Antequam finiamus hoc caput singularem illam opinionem Mosæ Amyraldi notare juvat , qui tria genera hominum sub Oeconomia V. T. constituit. primum illorum , quorum perditam & profligatam vitam Paulus describat Rom. 3. v. 10. 11. Alterum illorum , quorum fidem , pietatem , constantiam invictam , cæterasque singulares virtutes meritis laudibus celebret Apostolus cap. 11. ad Eph. 2. Denique tertium mediorum scilicet inter utrosque , qui vel similes vel prope similes extiterè Paulo , qualem sese descripsit , dixitque fuisse antequam ad Christi cognitionem vocaretur. Testatur enim de se scribens ad Philipenses cap. 3. atque alibi , de se nihil ferè quicquam eorum esse prætermisissimum , quæ ad Legis Moisaicæ impletionem pertinebant. Adeo ut fuerit inter cæteros irreprehensibilis. Studium autem illud sanctimoniz Legalis in eo non fuisse simulatum ; ex eo constare existimat , quod ait Act. 23. *Ego omni bona conscientia me gessi apud DEVM ad hunc usque diem.* Quæ verba pertinere ad superiora tempora , & quæ vocationem ipsius antecesserant , institutum ipsius manifestum faciat. Adde , inquit , quod acrem illum atque immanem animum , quo tum Ecclesiam Christianam persequabatur , zelo ipse attribuit , & inter laudes suas , quibus sese jactare poterat inter Judæos disertè connumerari. Quod cerè non fecisset nisi ad eam truculentiam impulsus fuisset instinctu conscientiz , errantis illius quidem maxime opere , sed tamen putantis sese DEI gloriam ea ratione promovere.

De

OBJECTO REALI, ET QUIDEM  
MAXIME DE PASSIONIBUS.

## THESIS I.

**P**Rogredimur ad Objectum reale, quod duplex, internum & externum, quanquam enim in Definitione supra posita mentionem tantum fecerimus actionum, non tamen hoc intellectum volumus exclusis affectibus, qui intra hominem; imò si velimus satisfacere Regioni huius Doctrinæ, quod amplissimi ambitus, non tantum affectus, sed etiam sensus externi & interni, omnes facultates & membra, nec non affectus sive passionibus erunt eidem subternendæ, cum omnia hæc aliquo modo moralitatis capacia. Nam primò, si totus homo est subiectum Theologiæ Moralis, secundum Animam & corpus, si illius omnia dirigenda ad Honestatem, si quicquid in illo conformabile vel conformandum Legi divinæ, utique non tantum actiones externæ, nec tantum passionibus, sed & ipsæ facultates Intellectus & voluntas imò sensus, qui competunt homini ut animali, erunt submittendi Theologiæ morali. Secundò cum Theologia in id nitatur, ut vetus homo mortificetur, novus vigeat, atque vetustas illa contamineat quicquid est in homine, Spiritus vero stet contra Rationem & voluntatem, passionibus & sensus refrenare, emendare, superare contendat, ut supra demonstratum est, ideoque omnia hæc suberunt huic disciplinæ, in quantum scilicet dirigi, coerceri & regi debent. Luctantur in homine regenito non tantum Ratio & inferior pars animæ, sed totus vetus homo, qui rationem quoque comprehendit, & cæteras facultates cum novo homine, imò ne in Ethicis quidem omne ferunt punctum, qui multa de Lucta rationis & appetitus sensitivi produnt, utut enim illam non negemus simpliciter, supponere tamen videntur tales Rationem sæpè rectam, quæ tamen æque ut Affectus laborat, & quod hi impetu agunt cæcitatibus vitio æquat. Tertio, cum non tantum affectus, sed & sensus, utut ex connexionem cum illis moralitatem aliquam induant, Bonitatis vel malitiæ notis interdistinguantur, errori atque peccato sint obnoxii, ideoque & illi Theologo morali subijcientur; visus, quem ipse Christus, corrigit Matth. 5. v. 28.

Ego

## DE OBJECTO.

Ego dico vobis, quia omnis, qui viderit mulierem ad concupiscendam eam, jam mechatus est in corde suo. Auditis, quem Paulus circumvallat 1. Corinth. 13. v. 33. Nolite seduci, corrumpunt bonos mores colloquia prava. Olfactus, gustus & tactus, quorum Excessum perstringit Ezechiel cap. 8. v. 17. Ecce, applicant ad ramum. Esaias 5. cap. v. 11. *Va*, qui consurgitis mane ad ebrietatem festandam, & potandum usque vespem, ut vino astuetis. Jeremias cap. 5. v. 7. & 8. Saturavi eos, & mechati sunt, & in domo meretricis luxuriabantur. Equi amatores in semina, & emissarii facti sunt: unusquisque ad uxorem proximi sui hinniebat. Nec sensus interni exempti sunt corruptæ sensationi & imaginationi, ex quibus suspiciones, odia & alia possunt oboriri bonæ mentis deliquia, unde non tantum jubemur circumcidere cor nostrum, Jerem. 4. v. 4. sed tenemur etiam circumcidere oculos, ne videant vanitatem, Psal. 119. v. 37. sed sint intenti ad DEUM, Psal. 123. v. 2. aures ne gestiant audire jocos illiberales, sed verbum DEI, & quod honestum, Phil. 4. v. 8. Os & linguam, ne maledicant, blasphemant, mentiantur, Psal. 12. v. 3. Vana locuti sunt unusquisque ad proximum suum: labia dolosa, in corde & corde locuti sunt. Rom. 2. v. 24. Nomen DEI per vos blasphematur intelligentes. sed DEUM collaudent: Domine, labia mea aperies, & os meum annuntiabit laudem tuam, Psal. 51. v. 27. adde illud Davidis Psal. 141. v. 3. Pone, Domine, custodiam ori meo, & ostium circumstantia labiis meis. Manus ne furentur, sed laborent, & Eleemosynas distribuunt, Eph. 4. v. 28. Pedes ne properent ad malum, Proverb. 16. v. 18. Ne in viam impiorum abeant, Psal. 1. v. 1. Omnes itaque facultates hominis tum superiores tum inferiores, sive sint intellectus & voluntas cum omnibus cogitationibus, iudicio, discursibus, extensionibus, inclinationibus, omnes Affectus quocunque veniant etiam nomine, omnes sensus materiam exhibent circa quam Theologiæ morali, non quidem ut una aut altera facultatum refertur Spiritui imbuta ad principia actionum piarum, honestarum & laudabilium, sed in quantum hæc omnia laborant, quibus proinde remedia paranda, in quantum omnia hæc labilia & insultibus peccati obnoxia, quibus Terminus Modusq; figendus. Et sanè in ipsa Ethices doctrina hæc videtur hoc punctum neglectum, quanquam illa tantum formet hominem externe, & quocunque modo bonum, negativamen nequit, præter appetitum, etiam sensus huic disciplinæ materiam suppeditare, & ejusdem esse operæ turbulentum mare passionum.



num compescere, & canales, qui ignem, spiritum & vim inferunt probe  
observare.

## II.

Ut ergo non satis dextre progrediuntur illi, qui materiam circa  
quam occupatur Theologus moralis, nimis restrictè tractant, ut videre  
est apud Pontificios Scriptores. Omnes quidem quos vidi moralium  
Professores, ita cœcitatem quoque suam, in hoc puncto prodiderunt  
primò Philosophi veteres Aristoteles, Hermippus, Eupodus, qui duo  
principia admiserunt, quorum alterum DEUM, alterum *Ναίμανα*  
dixerunt. Ex quibus lucta in homine, certamen in animalium nobilissi-  
mo. Secundò Hæretici veteres Messaliani, qui Satanam vitæ & actio-  
num nostrarum præsidem esse voluerunt; Luciferani & Marcionitz, quo-  
rum illi Deum accusarunt ex eo, quod Luciferum cœlo moverit, hie-  
ro quod Pharaonem dicatur indurasse. Et tandem Manichæi, qui duo  
principia confingerunt infinita & æterna scil. unum causam omnium  
Bonorum, alterum Authorem omnis mali, contra quos inprimis dimi-  
cavit B. Augustinus. Tertiò, Pythagoras & Plato cum suis, qui sese in  
hoc Argumento non potuerunt expedire, hæsitabundi disputarunt, &  
tandem etiam ad duo delapsi sunt principia, quibus accesserunt Stoici,  
qui rogati unde mala? Perversitatem seminarium malorum causati sunt,  
pergit autem Chalcidius: Nec expediunt adhuc, unde ipsa perversitas,  
æu juxta ipsos duo sint initia rerum, DEUS scil. & Sylva sive *ύλη*, mate-  
ria. DEUS summum & præcellens Bonum Sylva ut censent, nec bo-  
num nec malum, de quibus videndus Edwardus Stillingfleet Anglicus in  
Originibus sacris lib. 3. cap. 3.

## III.

Cum autem Affectus multum faceffant negotii etiam regenito, nec  
abs re sit hanc materiam hîc expendere, ideoquæ de illa agemus, ita qui-  
dem, ut constet quid de passionibus, quæ aliàs materia virtutis moralis  
dicuntur, sit sentiendum. Supponimus autem præter sensum tam ex-  
ternum, quam internum dari aliud potentiz vitalis genus, nempe appe-  
titum, qui proprius animalium & cognitione utentium, Pondusq; quod-  
dam dicit in objectum, cum quod quis prorsus ignorat, secundum  
Augustinum lib. 10. de Trin. cap. 1. amare nullo pacto possit, contra  
distinctum appetitui naturali, qui ad unum determinatus, & simplici-  
ter fertur in objectum, ut corpus grave ad suum centrum, nec non ap-  
peti-

petitui, ut vocant rationali. Distinguunt autem communiter Philosophi appetitum illum electivum in concupiscibilem & irascibilem, nixtum authoritate Aristotelis, imprimis lib. 1. Magnor. Moral. cap. 13. ubi hæc leguntur: Tres sunt appetitus, cupiditas, furor, (sive irascibilis) & voluntas; tum ratione, quia hic inveniatur vis ad prosequendum convenientia, & refugiendum nociva, objectum utriusque moraliter diversum, nempe Bonum seu malum absolute, & Bonum seu malum arduum, nec non inveniatur, qui valde apti & proni ad actiones appetitus concupiscibilis, & qui magis propendeant in illa, quæ sunt facultatis irascibilis; tum consensu Philosophorum & Theologorum, Thomæ, Alberti, Bonaventuræ, Henrici, Scoti, Cajetani, Gregorii de Valentia, Toleti, Azorii, & aliorum imprimis Thomistarum.

## IV.

Nondum itaque calculum addimus primò cuidam Viro docto, qui distinctionem negat appetitus sensitivi à rationali, scribens: Quamvis homines ita loqui soleant, & superiorem ab appetitu inferiori distinguere: difficile tamen erit, in naturâ reperire ullas distinctas facultates, in quibus passiones illæ subjeçantur, & à quibus emanant. Desiderium intellectuale & sensuale in eadem facultate fundantur, subiectis non distinguuntur, sed tantum objectis: sunt solum ab, vel ad contraria objecta motus diversi. Cum homo desiderat quod maximè rationi est congruum, aut perfectivum, aut intellectui consonum, appetitus intellectualis aut rationalis appellatur; sed si desideret, quod ipsi animæ nocet, aut quod ejus maximè interest, impedit, & tamen desiderat, quia placet ipsi, æquum est, ut appetitus sensitivus appelletur, quoniam objectum est sensitivum, & eligitur ob rationem sensitivam. *Et paucis interpositis*: Proinde, hic planum est, quod cum caro & spiritus certant, non est inter duas animæ facultates certamen, sed in anima certamen de duorum objectorum electione: non aliter se res habet in hoc, quàm in quavis deliberatione, quando argumenta aliò & aliò respicientia, sibi invicem adversantur. Quem propterea castigat Author Animi Medelæ, sequentia reponens: primò, quoniam inter utrumque appetitum lucta magna & vehemens est, ut in continente; quæ lucta impossibilis esset, si unicus tantum esset appetitus. Quemadmodum medicamenta nonnulla sunt, quæ adversis prædita sunt facultatibus; ut Rhabarbarum, quod & vim astringentem atque cor-

I

robo-

illis esse nequit : quilibet autem in seipso experitur motus vehementes, ad objecta quædam, quos vel non omnino, vel saltem cum magna difficultate reprimere potest, etiam intensiore volitione : qui tamen motus si liberi essent (ut necesse est, si appetitus sensitivus sit rationalis) ipsos refrenare, volenti non esset difficile, quoniam facultati liberæ nihil facilius est, quàm velle & nolle. Tertiò. Intellectus reipsa à phantasia distinguitur : sed appetitus sensitivus immediatè à phantasia, rationalis ab intellectu movetur. Proinde, vel sunt facultates duæ, vel unus appetitus à duplici facultate, intellectu scilicet & phantasia, movetur : quod tamen à ratione alienum est. Nam idem motibus contrariis, iisque vehementioribus moveretur. Verbi gratia : Intellectus continentis ad objectum fugiendum fortiter movet; phantasia ad objectum prosequendum fortiter impellit, atque ita unus & idem appetitus simul & ab objecto, & ad objectum movetur. Vide Aquinatem 1. q. 80. Art. Verùm, qualescunque sint binæ posteriores rationes, prima, etiam sola sufficit. Hinc de sapientis ab affectibus immunitate inter Stoicos & Platonicos, nec non Aristotelicos, controversia orta est. Platonici enim & Aristotelici affectuum moderationem, non eradicationem ; Stoici verò eradicationem præscribunt : Illi quippe rationem seu animum, & appetitum sensitivum, tum irascibilem tum concupiscibilem discriminant : hi verò rationem & affectum reipsa non distinguunt : Ut Seneca de Irâ c. 8. Non separata ista diductasque sedes habent suas, sed affectus & ratio in melius pejusque mutatio est animi. Quem locum Justus Lipsius Manud. ad Stoicam Philosoph. l. 3. c. 7. explicat in hunc modum : Unus animus (inquit) atque una rationalis pars, modò ad melius tendit, & ratio dicitur. Unde non est, quòd Stoicos affectuum omnium eradicationem suadere, miremur : quia affectus universos, non naturales, sed voluntarios & liberos, utpote actus facultatis rationalis, esse existimaverunt ; contra quàm Platonici & Aristotelici senserunt : hi enim affectuum eradicationem non suaserunt, quoniam affectus & naturales, & subjecto ab actibus appetitus rationalis distinctos, seu ab actibus liberis diversos esse, ac proinde non esse in potestate nostra, judicaverunt. Secundò Angelsto in Moralibus cap. 4. Gabrieli in secundum Dist. 16. quæst. unica, & in 3. Distinct. 26. quæst. unica; art. 3. Dub. 1. atque Roderico ab Arriaga, qui Tomo tertio prolixè disputat, non tantum supponens potentias etiam materiales ab anima non distingui, ex quo patet

unitas appetitus, sed & casu, quo appetitus esset ab anima distinctus negans admittendum esse concupiscibilem, & irascibilem, quanquam non male argumenta Tanneri premat & concutiat: existimamus enim distinctionem illam doctrinæ causa posse tolerari, & si non admittenda realis, aliquam tamen esse hic concedendam. Nec ineptè quidam ex Pontificiis Philosophus, postquam dixerat videri eandem appetitum concupiscibilis & irascibilis posse officio fungi, tam, quàm eodem esse dentes, quibus canis unus ossis sui delicias rodit, & quos adversus alterum canem competitorem stringit. Addit, sed in re distinctionis Thomas solet esse similis diviti patrifamilias, cujus culina ac supellex multitudine ac varietate instrumentorum gaudet, ut divisis officiis omnia sine confusione concinnius peragi possint. Nec curat parsimoniam Nominalium, quibus tantum curta & paupertina supellex, ut cum Diogene scutellam abjiciant, si cavæ manu bibere valeant; ingeminantes vulgare illud utique suum: frustra sit per plura, quod fieri potest per pauciora. Tertiò, quibusdam recentioribus, qui appetitum distinguunt in internum & externum, quia e. g. aliquis possit habere exterius delectationem de cibo aut tactu, etiamsi interius displiceat in eo, quod talis cibus ipsi intrudatur; putantibus delectationem & dolorem ad appetitum pertinere, qui etiam eo sunt usque, progressi, ut cum in quolibet sensu, & per totum corpus esse possit & dolor & delectatio, existimârunt per totum corpus diversos appetitus sparsos esse.

## V.

Appetitus verò sensitivus suos habet peculiare Motus, qui aliàs dicuntur passionēs, quod Nomen secundum Thomam quæst. 22. art. 1. tripliciter accipi solet. Primò pro receptione cujuslibet formæ, aer enim dum lucem recipit, pati dicitur. Secundò pro receptione alicujus rei cum alterius abjectione, quo sensu patitur aqua, cum refrigeratur. Tertiò pro receptione rei alicujus cum abjectione illius, quod naturæ patientis erat accommodatum, ut cum aqua calefit, patitur, quia recipit sibi aliquid disconveniens. Primo modo pati dicitur anima, cum sentit & intelligit, quia intelligere & sentire est quodammodo pati; secundò animæ passio convenit ratione corporis; ut & tertiò, quando interveniente sensibili transmutatione corporis, à priori statu per aliquam animi affectionem animal dimovetur, sive hoc modo in meliorem statum transmutetur sive in deteriore, quæ tamen transmutatio

ma-

magis propriè habet rationem passionis : unde Tristitia magis est propriè passio , quam lætitia : quanquam alii in ultima tantum volunt significatione usurpari hoc loco passionem , quia significet illos Motus animi secundum Augustinum lib. 9. de Civitate DEI cap. 4. quos Græci πάθη appellant, ex Latinis quidam, ut Cicero 3. Tusculanarum perturbationes dixerunt, alii affectiones, alii affectus, alii expressius passiones vocaverunt. Quanquam autem de vocabulis nesciri licet moveri placeat, malumus tamen vocabulum affectus sive affectionis usurpare, si de istiusmodi Motibus in præcisione sit sermo, quam passionis, quanquam & hoc sit satis commodum, si sit sermo de illis, quæ in homine corrupto urgent, turbant, abripiunt. Describuntur autem Affectus, quod sint Motus sensitivi appetitus ex apprehensione boni vel mali, cum aliqua mutatione non naturali corporis : cum qua descriptione consonat illa Damasceni lib. 2. fidei orthodoxæ cap. 22. dicentis : esse Motum virtutis appetitivæ sensibilis ob imaginationem boni & mali. Motus nomen adhibetur generis loco, quia sunt actus immanentes, & non receptiones tantum aliquatum formatum, & ut distinguantur, & à facultatibus animæ naturalibus, & ab habitibus consuetudine paratis, sensitivo appetitui appropriantur, ut discernantur à lætitia, tristitia & consimilibus mentis & Spiritus affectionibus, atque volitionibus, sive actibus appetitus rationalis, qui sequuntur bonum intellectu apprehensum, cum actus sensitivi appetitus prosequuntur bonum sensu apprehensum, dicuntur insuper esse ex apprehensione boni vel mali, cum enim appetitus sit cæcus, neque tamen feratur in incognitum, quapropter objecta sensibilia faciunt primùm externos sensus, inde phantasiam appellant, eique proponuntur, ut bona vel mala, unde in appetitu nascitur statim Amor, Desiderium, Gaudium, Odium, Pugna, Dolor. Immutatio autem corporis dicitur comitari affectus, & quidem non naturalis, quia sanguis & spiritus corporis commoventur, e. g. in lætitia ita, ut cor dilatetur, quasi recepturus intra suum complexum illud Bonum, quo delectatur, in tristitia & metu ita, ut contringat, fores quasi occludendo malo imminenti, & cum cor in perpetuo sit motu naturali dilatationis & contractionis, ab illo autem per Excessum aut defectum dimoveatur orto passionis impetu, vel nascente Affectus pulsu, ideo Mutatio illa corporis dicitur non naturalis, hoc est, non ordinaria, sed ab illa aliquantum recedens alteratio.



## VI.

Non satis commodè, itaque primò Pontificii Scriptores loquuntur, qui affectus passionum & perturbationum nomine generaliter insigniunt, tum quia Affectus etiam locum habuissent in statu integritatis, nec tamen perturbationum titulo accusari potuissent: passionis autem vox est ambigua, & nunc accipitur, ut æquipollens perturbationi, nunc ita tantum dicitur ob immutationem corporis, quæ posterior hic tolerari potest, tum quia non nisi in homine lapsa aliquam labem habent affectus, quatenus carnis consentur impetus, vetustatis stimuli, qui hominem excitant, tum quia affectus præscindunt à Bono & malo, & boni quoque dantur, ut communiter admittunt, & Rodericus ab Arriaga illustrare contendit Exemplo Mathathie, qui doluit, cujus renes contremuerunt, cujus furor accensus, 1. Maccab. 2. Josephi amore commoti in Benjaminum, Gen. 43. nec non Christi, cujus anima tristis fuit usque ad mortem, Matth. 26. & propterea Affectum describit per Excitationem appetitus cum commotione aliqua sensibili, siue ea sit excitatio in objectum Bonum, siue in malum, siue in indifferens moraliter: nec obuiat nobis Bonaventura Baro in Scoto defenso Instantiæ petiti à Beatis, in quibus affectus adhuc locum habituri, nec tamen passionibus siue perturbationibus, socios impugnans. Secundò rejicimus Stoicorum sententiam, qui Affectum definiunt per commotionem animi adversam rectæ rationi & contra naturam, nec non Platoniorum, qui descriperunt affectum per motum animi rationis expertem, concitatum ab opinione boni & mali, denique Ciceronis, qui dixit 4. Tuscul. Affectiones esse opiniones judicantis. Prima enim non subsistit, quia non omnes affectus adversantur rectæ rationi, pugnant contra naturam, rebelles sunt cives in corpore humano, sed quidam etiam & satellites adstant, rationis Imperia excipiunt, & exequuntur, Rectoremque nostri, ut Seneca mentem appellat, sequuntur. Altera non est solida, cum affectus etiam excitari possint, præcisâ opinione, sensu & phantasia suum peragente officium, nec desunt Brutis, quæ tamen intellectu destituuntur. Tertia denique ex Stoicorum doctrina hausta non quadrat, quia actus circa bonum & malum non sunt judicia vel opiniones, sed actus appetitivi, possuntque opiniones concipi & fieri animo sine immutatione corporis, & cum languet opinio, passio esse vehemensissima, quanquam non negemus Affectibus conjuncta esse judicia, & qui va-

lum

lum metuit, imaginari malum. Tertio non feliciter impugnare censet  
 tus Bonaventuram Baronem receptam de affectibus sententiam, de ap-  
 petitu sensitivo, apprehensione boni vel mali, & tandem de immutatio-  
 ne corporis. Primumquidem ita, querendo cur passio approprietur ap-  
 petitui sensitivo, & opponendo, nonne cadunt etiam in appetitum ratio-  
 nalem lætitia, tristitia, miseratio & similia? Imò ultima hæc non quadrant  
 appetitui sensitivo, sed soli voluntati, Bruta enim non norunt misereri,  
 sicut nec irridere Miseriam. Secundum verò, dicendo, videri illud pla-  
 nè parergon: utique enim apprehensionem aliquam hic intercedere,  
 tum appetitus sensitivus non possit moveri, nisi præviâ apprehensione,  
 idque sit indispensabile, ut planè non fuerit necesse id interponere ex-  
 presse. Tertium verò reponendo ad illud, non esse id essenziale Affectui,  
 quia anima separata & Angelus possint tangi passionibus, nec tamen  
 habeant carnem, quæ moveatur, aut sanguinem, qui bulliat. Nam pri-  
 mò de affectibus nobis est sermo hic, non in quantum in tantâ ac-  
 ciipiuntur latitudine, sed determinate ut in homine existunt & contradi-  
 stinguuntur facultatibus superioribus. Secundò, si apprehensio bo-  
 ni & mali est necessaria, malè omittitur. Tertio instantia de animâ se-  
 parata & Angelo non ferit, quia disputamus de affectibus hominis.

## VII.

Sedes & subiectum affectuum, ut appetitus sensitivi est Cor, quod  
 docet primò ipsa Scriptura. Ut enim illud quandoque notat Intellectum,  
 Matth. 15. v. 18. *Qua procedunt de ore, de corde exeunt, & ea coinqui-  
 nant hominem, & in primis Proverb. 16. v. 9. Cor hominis disponit viam  
 suam; voluntatem, 1. Chron. 29 v. 16. Domine DEVS, &c. custodi in  
 æternum hanc voluntatem cordis eorum, & semper in venerationem tui  
 mens ista permaneat; & Act. 16. v. 14. Et quadam mulier nomine Ly-  
 dia, purpuraria civitatis Thyatirenorum, colens DEVM, audivit: cuius  
 Dominus aperuit cor intendere his, quæ dicebantur à Paulo. Ita ut sedes  
 & origo affectuum describitur à Christo, dicente: de corde non tantum  
 egredi cogitationes, sed & adulteria, fornationes, cades, furta, falsa te-  
 stimonia, blasphemias, Matth. 15. v. 17. 18. Marc. 7. v. 21. 22. Ab intus  
 enim de corde hominum mala cogitationes procedunt, adulteria, fornic-  
 ationes, homicidia, furta, avaritia, nequitia, dolus, impudicitia, oculus  
 malus, blasphemia, superbia, stultitia: dicente Jacobo in corde esse ava-  
 ritiâ, cap. 3. v. 14. invidiam & irritationem, cap. 3. v. 14. dicente Pau-*

Pau.

Paulo, in corde esse studium aliquid agendi, 2. Cor. 8. v. 16. Secundo Ratio, Cor enim est spirituum officina, vitalium operationum principium, vite animalis Radix, in corde itaque erit appetitus sensitivus, per quem animal sese conservare studet. Unde etiam passione vehementi concussus, in corde sentiunt notabilem alterationem, & ubi quiesco nidulabitur Amor, ira, & consimilia, nisi in corde. Unde fit, ut nimio affectu correpti, quandoque deliquium patiantur etiam ipsius vite, nisi quia cor pulsatur? Unde illa sensibilis pulsus alteratio, nisi à corde affectibus agitato & correpto. Denique Philosophorum consensus, qui Aristotelis placita probant, Peripateticos sequuntur.

## VIII.

Non itaque subscribimus quibusdam primò Medicis, qui appetitum sensitivum collocant in cerebro: nec obstant argumenta Timpleri, quod Affectus sensitivi sunt motus & affectiones animalis, cujus est appetere bonum sensibile, & averfari malum, letari, tristari, amare, odisse, sperare, timere. &c. Non itaque esse cordis motiones. Præterea, si affectus essent motus cordis, sequeretur cor sentire, appetere, averfari, amare, odisse: Atqui falsum consequens: Ergo & antecedens. Quia motus hi sunt animalis, non cordis. Nam confunditur Subjectum denominationis, quod utique animal cum Subjecto inhaesionis, quod cor esse, demonstravimus, è quo spiritus vitales Affectuum ministri, & quavis animal dicatur appetere averfari, non tamen id de corde negandum. Accedit Timplero Claudius Berigardus in Circulis Pisanis, XIX. p. 702. scribens: Hanc Plato posuit in hepate, sicut vim irascendi in corde, cognoscendi verò in cerebro. Aristoteles harum omnium facultatum sedem in corde statuit, sed cum 3. de Anima 29. vim sentiendi & appetendi distinguat sola ratione, illa quatenus judicat sentiens est, ut verò fugit, vel prosequitur, quod judicavit, est appetens. Atqui judicium & appetitionem neque in corde, neque in jecore fieri, sed in cerebro potius ex doctrina veterum arbitrandum est. Quod intelligens Plotinus, ait: cor & jecur apud Platonem non esse sedem primariam, in qua facultates loco se jungantur, sed membra ubi præcipuè illarum fomenta conspicua sunt. Jecur alimenta suppeditans videtur fovere cupiditatem, cor bilem, & iram, tamen res ita se habet, ut nulla sit opus qualitate, quæ sit facultas appetendi & irascendi, sed tantum

tum partibus, quæ ad recipiendas impressiones & afflictionum ortarum à cerebro materiem habeant præparatam. In cerebro igitur sunt, ut dictum est, rerum simulacra, eorumque proprii motus sunt cogitationes, quibus aliquid apprehenditur fugiendum, vel prosequendum, & in iis consistit actus intimi sensus, qui diversa ratione dici potest iudicium & appetitus. Tunc verò præcipuò refert nomen appetitionis, cum ad motionem simulacri naturali consensione fertur spiritus ad partem aliquam corporis incitandam, ubi seminaria continentur illecebrarum, in pudendis quidem venereæ titillationis, in ore ventriculi cupediarum, in corde exandescenz. Inde fit, ut cum aliquid princeps sensus annuñciaverit, fiat accessus vel recessus spirituum, qui in ore ventriculi motum absolvant liguritionis & cupediz, partem illam convellendò peculiari quodam incitamento, cor æstuatiræ vel ambitionis commotione, libidinis aculeo stimulantur partes obscenz, cæteræ quoque sequentes impetum spiritus à simulacro concitati varios cient motus, & actiones etiam progressionis, cujus causas proximas non affert alias Aristoteles in animalibus præter cognitionem & appetitum, quæ ratione differunt, reapse idem sunt. Quare nihil mirum est, si nullam movendi facultatem constituit distinctam ab appetitu, hoc est vi sentiente; quemadmodum enim exurgente spectro rei jucundæ & voluptuariæ spiritus fusi è prioribus cerebri ventriculis accurrunt ad appetitus absolutionem, citra facultatis alterius adminiculum, idque per nervos ad sensum & appetitionem destinatos, sic alii spiritus ejusdem spectri motu concitati, media ac posteriore cerebri parte per alios nervos masculis impertiunt vim motus effectricem. Frustra igitur in corde facultas appetendi collocatur, cum ad progressionem sufficiat apprehensæ rei simulacrum, spiritus, & instrumentum. Velea saltem in capite statuenda esset, ne ventriculus, & pudenda suam quoque vim appetendi vindicarent. Non enim solum cor exultat in lætitiâ, contrahiturque in mœrore, sed idem præstat cerebrum agitatum continuo motu, atque ex ejus appetitione sequuntur cordis & aliarum partium affectus. Observavit Athenæus in Calce lib. 2. hanc fuisse veterum Philosophorum opinionem, ac propterea esum cerebri vetuisse, quod esset sensuum omnium sedes. Apollodorus Atheniensis ait, unum quidem antiquorum ausum fuisse cerebrum appellare proprio nomine *ῥυκίφαλον*: unde Pindarus de Licha projecto ab Hercule in Trachinis

niis vocat albam medullam, λευκὸν μυελόν, declinans, quod religio-  
ne vocari fas non erat. Hinc caput antiquis sacrum habebatur, ac per  
illud jurejurando se obstringebant:

*Per caput hoc juro, per quod pater ante solebat.*

Primus Hippocrates tegendum censuit, veluti dignum veneratione, ut  
referunt quidam apud Glycam annal. 3. parte. Denique Regio, qui  
subjectum & sedem Affectuum statuit esse Cor & Cerebrum, cor, quia  
& quatenus per Affectus illud movetur; cerebrum verò, quia & quate-  
nus etiam illis metus perturbatur. Secundò non Cartesio & illis, qui  
sequuntur eum, statuendi dari affectum quendam, qui Cordi submoven-  
dus, nempe admirationem; ita scribens de passionibus animæ part. 2.  
Art. 70. & 71. Admiratio est subitanea animæ occupatio, quâ fertur in  
considerationem attentam objectorum, quæ ipsi videntur rara & ex-  
traordinaria. Sic autem primum producit ab impressione, quæ ex-  
tat in cerebro, quæque repræsentat objectum ut rarum, & per conse-  
quens dignum maximâ consideratione; tum deinde per modum spiri-  
tuum, qui dispositi sunt ab hac impressione, ut magna vitentur vera-  
sus locum cerebri in quo est, ad eam ibi corroborandam & conservan-  
dam; prout quoque ab ipsa disponuntur ad transeundum inde in mus-  
culos, qui inserviunt retinendis organis sensuum in eodem situ in quo  
sunt, ut ab illis insuper conservetur, si modo per illos formata fuerit.  
Et huic passioni hoc speciatim convenit, quod observari nequeat ul-  
lam mutationem in corde & in sanguine, ut in aliis affectibus evenit,  
eam comitari. Cujus rei ratio est, quod cum non habeat bonum vel  
malum pro objecto, sed solummodo cognitionem rei quam miramur,  
nullam etiam relationem habeat cum corde & sanguine, à quibus per-  
det omne bonum corporis, sed solummodo cum cerebro, in quo  
sunt organa sensuum, quæ inserviunt huic cognitioni. Securè suppo-  
nens, Admirationem ad familiam Affectuum pertinere, referendam in-  
ter numerum passionum, quod non largimur. Nec obstat, quod Da-  
masceus definiit admirationem metum ex imaginatione vehementi,  
metus verò affectio sit appetitus: accepit enim eo loco Admirationem  
paulò latius, sicuti & Aristor. 4. Ethic. cap. 3. cum ait, magnanimum  
non esse admirandum; vel voluit admirationem propterea dici timo-  
rem, quia admirans rei novæ, & insolitæ magnitudine oppressus conside-  
rationem timet, ac refugit, ut Thomas 1. 2. quæst. 41. art. 4. ait.

*Ter-*



Tertiò, quibusdam Philosophis, qui existimant singulorum sensuum externorum Organis inhzere peculiarem illi sensui appetitum, quo objectum conveniens appetat, inconveniens respuat: nec obstat, quod Dolor, qui sensum Tactus torquere dicitur, videatur esse actus elicitus ab Appetitu quodam, qui illi sensui interno in eodem Organo afflatur: id enim, quod in membro sauciato aut ustulato nos torquet, secundum Philosophos non est ipse dolor proprius & formalis ab Appetitu sensitivo elicitus, sed qualitas quædam membro illi disconveniens, quam non solum Tactus cognoscere, sed eminentiori phantasie Tribunali etiam sisti & ab eo judicari debet; quo facto appetitus (ubicumque ille sedem in corpore animalis habeat) eam Qualitatem averfari potest.

## IX.

Liquet etiam, quid censendum ex Disputatis de veterum opinionibus, & quidem Primò Alcinoi in libro de Platonis Doctrina cap. 37. qui ait: Secundum Platonem juniores Deos, qui ornandi humani corporis curam susceperant, cum in capite rationis & sapientie domicilium constituisent, ne pars illa divina inquinaretur, mortalibus passionibus, hoc est, utrique appetitui proprias Provincias designasse: iracundie præcordia, cupidini locum prope diaphragma ibique vim eam quasi furiosum & agreste malum ligasse; quin etiam condidisse pulmones cordis gratiâ molles & ventosos, atque instar fistulæ cavos & spongiæ similes, ut cor iræ ardore nonnunquam æstuans refrigeratione mitigaretur: simulque jecori, ad excitandam concupiscentiam animæ rursusque sedandam, dulcedinem & amaritudinem indidisse. Quibus similia scripsit Apulejus in lib. de dogm. Plat. statuens mentem capitis arcem tenere: irascentiam procul à ratione ad domicilium cordis deductam esse; cupidinem atque appetitus postremam portionem infernas abdominis sedes occupasse, ut popinas quasdam & diversoria nequitie atque luxurie: religatam verò idcirco longissimè à sapientia hanc partem videri, ne importuna vicinitas rationem super constitutam ipsa cognitionum vicinitate perturbaret. Aliorum, qui effectum iracundie in felle constitutum putant, pavoris in corde, lætitiæ in splene. Cui distributioni ea ratio astipulatur, quod è tribus humoribus recrementitiis, qui è chylo secernuntur, bilis ad vesicam fellis demandatur: constat autem bilem irritamentum esse iracundie; unde

& biliosi iracundi esse consueverunt. Ex quo verisimile, iram in felle conceptaculo residere. Inesse autem pavorem in corde, suaderi posse videtur, ex eo, quia qui timent confectum sanguinem & calorem evocant ad præcordia, ubi videlicet trepidatio potissimum est. Item, quia animalia, quæ pro sui corporis magnitudine majus habent cor, timidiora sunt: nimirum quod virtutem pavoris expultricem magis sparsam habeant; cum tamen virtus unita actuosior fortiorque sit, quàm dispersa. Postremò, quod lætitia in splene locum obtinuerit, argumento esse possit: quod (ut Medici tradunt) iis, qui splene laborant, rarus ac difficilis sit risus, quæ lætitiæ & hilaritatis comes est. Tertiò Galeni, qui lib. 3. de loc. aff. & in libr. qui inscribitur, *quod animi mores corporis temperamentum sequantur*: existimat, appetitum concupiscibilem residere in hepate; quod ii, qui multo abundant sanguine, suoque ingenio procliviores sunt ad libidinem; appetitum verò irascibilem ponit in corde. Pro qua parte confirmanda variz adducuntur Rationes. De quibus alio die.

## X.

Brutis quoque competere affectus receptum est inter Philosophos, nec abnuit Scriptura, Ratio & Experientia. Disertè enim Esaias cap. 1. v. 3. *Bos cognovit possessorum suum, & asinus præsepe Domini sui*, nec Ratio abnuit, habent enim animalia Cor, ex quo prodeunt Affectus, phantasmata & imaginationem, ad quam sequuntur, Voluptatem & Dolorem, quibus passionibus stipantur; imò Experientiâ teste lætantur, cum saltant, sperant canes, dum præsens est præda, tristantur, cum feriuntur feles, irasci vitulus adolescens in cornua discit, habet & Musca splenem, & formicæ suæ Bilis inest, nec tamen illi affectus moralitatis, si propriè loqui velimus, sunt capaces, ut in homine: quanquam non negandum, etiam Bestias cicurari, ferocissima animantia mitigari, sed externo hominis imperio, cui se phantasia & memoria submitunt, citra internam aliquam facultatem, cui pondus insit ad Honestatem.

## XI.

In defectu itaque peccarunt Stoici, negantes in Brutis reperiri Affectus, perturbationes adscribentes soli Homini, de quo videndus Seneca lib. 1. de Ira cap. 3. & 4. Secundò Medium, non tenuere quoque illi, qui putarunt in Bruta cadere mediocritatem affectuum, si scilicet, admitatur illa esse disciplinabilia. Tertiò in Excessu, qui ad plantas quo-

quoque extendunt passiones cum Manichæis, de quibus Augustinus lib. de Moribus Manichæorum cap. 17. Quos secutus fuit Patrum nostrorum tempore Desiderius Erasmus, Experientiam falso prætendens, quia scil. Truncus primum securis ictum profundius intra se admittat, & minus resistat, alterum verò validius elidat, & magis resistat, intra se non tam profunde admittendo, quod ex eo sit, quod primus ictus incauto, & damnum præcaventi ligno obveniat, secundus cantiori & malo suo jam edocto, unde se contrahendo & securim metuendo, conetur elidere ictum & minus intra se adigi patiatur.

## XII.

De Bonitate & Malitia Affectuum quæ disputantur, possunt commodè expediri, si dicatur, aut considerari illos in genere naturæ aut morum, & quidem priori modo si spectentur, suam naturam non esse malos aut vitiosos, sed gaudere bonitate physica, si verò considerentur moraliter, neque bonos esse, neque malos, sed bonos, si moderati, malos, si immoderati & superioris imperio sese opponant. Prius constat ex eo, quod affectus ab ipso DEO homini sint concreati, locum habuerint in statu integritatis, ex Jure naturæ & lege divina exigantur in præcepto de proximo diligendo, nec Christo defuerint: *IESVS infremuit Spiritu, & turbavit seipsum, ut vidit Mariam plorantem, & Iudæos, qui venerant cum ea, plorantes. Et lachrymatus est IESVS*, Johan. 11. v. 33. & 35. Posterius ex eo, quia in Brutis neque Bonitate gaudent, neque labe laborant, adeoque in se præcisi sunt à moralitate, in homine vero possunt ferri vel ad bonum, vel ad malum. Hoc quidem certum est ex lapsu primi hominis esse corruptam facultatem appetitivam, verum ut superiores quoque intellectus scil. & voluntas, quæ ut possunt à Spiritu serenari & dirigi ad verum & Bonum, ita quoque illi eodem possunt regi, ut laudabili Exercitio stricturas virtutum imitentur, quod prolixè docet B. Augustinus Tract. 60. in Johannem, scribens: Pereant argumenta Philosophorum, qui negant in sapientem cadere perturbationes animorum. Stultam DEUS fecit sapientiam huius mundi: & Dominus novit cogitationes hominum, quoniam vanæ sunt. Turbetur planè animus Christianus, non miseria, sed misericordia: timeat, ne pereant homines Christo: contristetur, cum perit aliquis Christus: Concupiscat acquirere homines Christo: lateatur, cum acquiruntur homines Christo: timeat, ne sibi pereat & Christo: contristetur pe-

reginari se à Christo : concupiscat regnare cum Christo : lætetur , dum sperat se regnaturum esse cum Christo. Illæ sunt certè quatuor , quas perturbationes vocant , timor & tristitia , amor & lætitia. Habeant eas iusti de causis animi Christiani ; nec philosophorum Stoicorum , vel quorumque similium consentiatur errori , qui profectò quemadmodum vanitatem existimant veritatem : Sic stuporem deputant sanitatem , ignorantes sic hominis animum , quemadmodum corporis membrum , desperatius ægrotare , quando & doloris amiserit sensum.

## XIII.

Non itaque accedere possumus primò Stoicis , qui affectus toto suo genere vitiosos esse asserunt , & proinde excindendos , penitusque tollendos , similes perinde homini , qui cum vicinum conspicius esset , vites & arbores putantem , suas ipse totas , excidit & detruncavit , ut illos Herodes Atticus apud Gellium lib. 9. cap. 12. comparat. Planè contra Davidem Psal. 4. v. 5. *Irascimini , & nolite peccare.* Syracidem cap. 38. v. 16. 17. *Fili , in mortuum produc lachrymas , & quasi dira passus incipe plorare , & secundum iudicium contege corpus illius , & non despicias sepulturam illius.* Propter delaturam autem amarum sepulchrum illius uno die , consolare propter tristitiam ; & fac luctum secundum meritum ejus uno die , vel duobus , propter detractionem. Paulum 1. Thessal. 4. v. 13. *Nolumus autem vos ignorare fratres de dormientibus , ut non contristemini , sicut & ceteri , qui spem non habent.* Animus , inquit ille apud Gellium lib. 19. cap. 13. omninò langueret , & torperet , omnem vigorem & alacritatem bonam & utilem indolem amitteret , nisi his agigaretur motibus , & quasi concitaretur. Secundò Francisco Suarezio , qui Disp. 1. sect. 2. de passionibus putat inter Peripateticos & Stoicos esse tantum quæstionem de nomine , quorum posteriores moderatos Motus noluerint nominare nominibus passionum , sed virtutum. Quanquam enim Seneca Epist. 71. scripserit : Non educo Sapientem ex hominum numero , nec dolores ab illo , sicut ab aliqua rupe nullum sensum admittente submoveo. Memini ex duabus partibus illum esse compositum , altera est irrationalis , hæc mordetur , uritur , dolet ; altera rationalis , hæc inconcussa habet opiniones , intrepida est & indomita. Quanquam Cicero quoque lib. 4. de similibus eo colimarit , nec non Augustinus lib. 9. de Civit. DEI cap. 4. ita censuerit. Aut nihil , aut penè nihil distare inter Stoicorum aliorumque Philoso-

pho-

phorum opinionem de passionibus & perturbationibus animorum. Utrosque enim Mentem rationemque Sapientis ab earum dominatione defendere, & ideo fortasse dicere Stoicos eos in sapientem non cadere, quia nequaquam ejus sapientiam, quâ utique sapiens est, ullo errore obnubilare, aut labe aliqua subvertere possit. Non tamen omnimoda concordia aut consensus evinci potest, quia vetustiores Stoici aperte professi sunt passiones esse morbos, quibus carere debeat sapiens, ut est apud Ciceronem lib. 1. Tusculan. quaest. adde Plinium lib. 17. cap. 19. Præterea, quia etiam moderatiorēs ē Stoa nihilominus quosdam affectus inculcarunt vitii, nempe Tristitiam, Misericordiam, quod tamen à vero & Peripato alienum. Denique Lactantius satis perspicuè lib. 6. divinar. Instit. cap. 15. Stoici furiosi, qui ea non temperant, sed abscindunt, rebusque à natura insitis castrare hominem quodammodo volunt. Quod tale est, quale si velint aut Metum detrahere cervis, aut venenum anguibus, aut iram feris, aut placiditatem pecudibus. Nam quæ singula cunctis animalibus data sunt, ea verò universa homini. Tertio illis Philosophis, qui Affectus dividunt in bonos, malos & neutros, nullus enim Affectus malus est, utpote à DEO insitus, sed si quæ nomina referuntur, quæ pravitatem dicunt, & in censum affectuum ponuntur, non Affectus, sed vitia Affectum erunt censenda.

## XIV.

Insulsum autem planè est illud Roderici ab Arriaga, scribentis. Esto, passiones in eo sensu tertio in malum accipiantur, nihilominus posse dici eas cadere in sapientem; id quod intelligi potest dupliciter. Primo modo materialiter; nam is, qui sapiens est, aliquando potest in aliquo deficere, & habere passiones, sicut dicitur Proverb. 24. septies in die cadere justum: in eo autem facto non se geret tanquam sapiens. Secundo modo in eum cadunt passiones magis propriæ; quia aliquando motus hi seu passiones possunt esse, & verò frequentissimè sunt sine libertate ullâ, & consequenter sine ulla culpa; tunc autem certum est, per eos motus non impediri sapientiam, nec virtutem, non solum in aliis materiis, sed nec in eâ ipsa particulari, in quâ sunt passiones: imò frequenter tales motus sic necessariò excitati solent esse occasio virtutis, humilitatis scilicet vel patientiæ, vel fortitudinis, dum eis superatis homo virtutem consequitur. Nam & Scripturæ sensum non assequitur, sed pervertit & motus peccaminosos fingit absque culpa.

## XV. Præ-



## XV.

Præmissa divisione affectuum in eos, qui consentiunt in prosecutione Boni, & qui in Fuga Mali, communiter discernunt in illos, qui sunt appetitus concupiscibilis & irascibilis: cum enim versentur vel circa Bonum & Malum absolutè sumpta, vel circa illud sub ratione ardui, ideoque sub priori respectu dicuntur esse appetitus concupiscibilis, sub posteriori irascibilis. Bonum enim dupliciter experi potest, & malum repudiari, primò, ut est absolutè bonum aut malum; secundò ut difficile obtineri vel vitari potest, non quod difficultas ipsa sit formalis ratio Objecti, quod terminat appetitum, sed quia Bonum sic experitur aliquando, ut per eam prosecutionem Animal reddatur expeditum ad superandas difficultates, si quæ occurrunt in prosecutione Boni aut fuga mali, de qua Divisione videndi Thomas q. 23. Art. 1. Albertus in summ. de Homine Quaestione de Irascibili. Scotus in 3. Distinct. 26. & 51. Gabriel in 3. Distinct. 26. Franciscus Suarez. Disput. 1. sect. 3. Bonaventura Baro Actione 2. pag. 333. atque alii quamplures. Specialius dividuntur Affectus concupiscibilis & irascibilis Appetitus in undecim, atque ita ut concupiscibilis sint sex; Amor & Odium, Desiderium seu concupiscentia, Abominatio, Delectatio sive Gaudium, Tristitia sive Dolor. Irascibilis verò sint quinque; Spes scil. audacia, Desperatio, Timor, quem Numerum senarium appetitus concupiscibilis colligit Thomas ex similitudine agentium naturalium quæst. 23. Art. 2. hoc modo: In agentibus naturalibus omne movens seu agens trahit ad se quodammodo patiens, vel à se repellit. Trahendo quidem ad se tria facit in ipso. Nam primò trahit inclinationem vel aptitudinem, ut in ipsum (simplici quasi appetitu seu inclinatione) tendat: sicut cum corpus leve, quod est sursum, dat levitatem corpori generato, per quam habet inclinationem vel aptitudinem ad hoc, quod sit sursum. Secundò, si corpus generatum est extra locum proprium, dat ei movere ad locum. Tertio dat ei quiescere in loco, cum pervenerit: quia ex eadem causa aliquid quiescit in loco, per quam movebatur ad locum. Et similiter intelligendum est de causa repulsionis. In motibus autem appetitivæ partis bonum habet quasi virtutem attractivam, malum autem virtutem repulsivam. Bonum ergo primò in potentia appetitiva causat quandam inclinationem, seu aptitudinem, seu connaturalitatem ad bonum; quod pertinet ad passionem amoris: cui per contrarium re-

spondet

spondet odium ex parte mali. Secundò, si bonum sit nondum habitum, dat ei motum ad assequendum bonum amatum; & hoc pertinet ad passionem desiderii vel concupiscentiz; & ex opposito ex parte mali est fuga, vel abominatio. Tertiò, cum adeptum fuerit bonum, dat appetitus ipsius quietationem quandam in ipso bono adepto, & hoc pertinet ad delectationem vel gaudium: cui opponitur ex parte mali, dolor vel tristitia. Ita Thomas; cujus ratiocinatio non videtur contemnenda, & fundatur in hoc principio, quod inclinatio animalis & elicità ad bonum prosequendum, aut malum fugiendum, non minus perfecta sit, quam inclinatio naturalis, & insita rebus naturalibus, ad idem bonum prosequendum, aut malum oppositum fugiendum; tametsi Gregorius de Valentia hic q. 1. pun. 2. cum eam rationem Thomæ exposuisset, subjungit, ejus rei (de numero sex passionum appetitus concupiscibilis) potissimum fundamentum videri in experientia ponendum esse. Irascibilis verò ita: In passionibus irascibilis præsupponitur quidem aptitudo vel inclinatio ad prosequendum bonum, vel fugiendum malum, ex concupiscibili, quæ absolute respicit bonum vel malum; & respectu boni, nondum adepti, est spes & desperatio: respectu autem boni adepti, non est aliqua passio in irascibili; quia non habet rationem ardui; sed ex malo jam injacenti sequitur passio iræ. Sunt igitur etiam in irascibili tres conjugationes (non omnino complete) passionum, scilicet spes & desperatio; timor & audacia; hoc ipsum q. 23. a. 3. fusius explicat; addens, opponi ei solummodo cessationem à motu; sicut Aristoteles lib. 2. Rhet. cap. 3. ait: mixscere opponi ei, quod est irasci. Sed, quod, inquit Thomas, non est oppositum contrarie, sed negative vel privativè. Aliter probat Tannner, scribens: Potest etiam earundem passionum numerus in hunc modum colligi. Cum enim proprium sit appetitus irascibilis versari circa bonum efficaciter fugiendum, ut dictum dubio præcedenti; exclusis tum actibus inefficacibus simplicis amoris vel odii; tum etiam iis passionibus, quæ circa bonum & malum, quia formaliter præsentia sunt, versantur, ut est delectatio & dolor; quandoquidem in neutris ejusmodi actibus eliciendis, est aliqua difficultas; ut notavit etiam Thomas hic quæst. 25. a. 1. duæ tantum generatim esse possunt rationes difficultatis, circa prosequendum bonum arduum, aut fugam mali ardui. Prima difficultas occurrit circa ipsammet efficacem intentionem seu desiderium ejusdem boni vel mali consequen-

ei, vel fugiendi. Quod si ea difficultate boni prosequendi postposita, nihilominus bonum illud efficaciter possibile intenditur vel desideratur, tum constituitur spes; sicuti & timor, cum malum aliquod efficaciter devitandum proponitur. Secunda difficultatis ratio occurrit in ipsa actuali & reali prosecutione boni, aut declinatione mali; eaque difficultas vel oritur ex aggrediendis periculis, quæ circa procurationem boni, aut fugam mali occurrunt; & tunc locum habet audacia: aut ea difficultas nascitur ex impugnatione seu resistentia contrariorum; & tunc enascitur ira, quæ repellit contraria. Aut denique animus difficultate consequendi vel tuendi boni, aut etiam evitandi mali victus, succumbit, adeoque ab infectione boni, aut declinatione mali penitus desistit, ipsummet illud bonum ob difficultatem velut exosus, malumve ultro amplexus; & tunc nascitur desperatio.

## XVI.

Impugnat autem Tannerum Rodericus ab Arriaga, & in senario vult acquiescere, & post producta argumenta ita differit p. 319. §. 32. Mihi probabilius est, in sex solas dividi debere, in tres irascibilis, & tres concupiscibilis, quod P. Suarez sect. 12. bene probat. Videamus nunc, quid pro eo undecimo numero dici possit. Argumentantur ergo sic: Non est minus perfecta inclinatio animalis ad bonum, quam inclinatio naturalis lapidis v. g. in centrum; atqui in lapide eos, quasi undecim actus possumus distinguere, ergo & in animali. Probatur minor: Primò enim agens, quod est supra, dat gravitatem corpori generaliter, ut descendat; ea autem datio respondet amoris seu inclinationi in bonum. Secundò, dat ei moveri deorsum, quod respondet desiderio; jam verò infra existit dat quietem, quæ respondet gaudio. Ecce tres. Jam alii tres contrarii; primus odium in existentiam extra centrum, secundus abominatio ejusdem existentie, & tertius dolor illius. Ex quibus formantur sex illi, qui ad concupiscibilem pertinent in animali. Sed contra, quia ex hac allegorica similitudine nihil potest ad rem nostram solidè deduci; maxime cum odium illud & abominatio in lapide respectu existentie extra centrum nec quidem allegoricè videantur posse distinguui. Secundò, in ea similitudine eam video difficultatem, quod in lapide confundit potentiam locomotivam cum actui ipsius lapidis, & sic efficit illum ternarium numerum actuum: nam potentia locomotiva non est actus lapidis, sed principium actus. In quo sensu in animali respon-

de ipsa potentia concupiscibilis, non verò amor; hic enim jam est per modum actualis tendentiæ in objectum, seu per modum descensus actualis lapidis deorsum; ergo amor & desiderium non habet sibi duos actus in lapide respondentes: ergo ex ea similitudine non rectè hic numerus infertur. Ratione idem numerus fortè posset melius suaderi; quia vel bonum consideratur secundum se, ut præscindens ab absentia & præsentia, & sic constituit amorem; vel consideratur ut absens, & sic constituit desiderium; vel consideratur ut præsens, & sic constituit gaudium: & idem numerus potest è contrario reperiri circa odium. Est tamen adhuc in hac explicatione ea difficultas, quòd licet pro concupiscibili rectè assignentur hæc sex passiones, tunc nullæ manebunt pro irascibili; aut certè sex etiam in illa debebunt eadem ratione poni: quod enim, ait Thomas eo articulo, pro irascibili supponit ex concupiscibili bonum jam amatum, unde credit, irascibilem primò incipere à spe, quæ respondeat desiderio; hoc, inquam, facile rejicitur: nam sicut spes & desiderium licet omnino conveniant in hoc, quod est ferri in bonum absens, quia tamen differunt in eo, quòd illud bonum sit, aut non sit arduum, constituunt tamen duas passiones irascibilis & concupiscibilis; eodem planè modo sine ulla tergiversatione amor ut sic deberet distincta respondere passio ex parte irascibilis: non enim solum inter bona absentia potest considerari ea diversitas ardui seu difficilis, sed inter bona secundum se; prout abstrahunt ab existentia & ab absentia possumus considerare arduum, quia eadem illa habitudo, v. g. quæ est objectum spei, & consideratur ut arduum & absens, potest considerari secundum se connexa cum difficultatibus, & ut sic considerari, ut præscindens ab absentia & existentia; ergo ut sic debeat terminare etiam suum amorem, qui pertineat ad irascibilem; idèd haud immeritò Aristoteles 2. Ethicorum cap. 5. duodecim actus numerat. Fortè respondebitur, omnem arduum necessariò dicere difficultatem in consecutione; ergo si bonum non concipiatur ut absens, non potest concipi ut arduum; ergo arduitas non potest terminare actum amoris secundum se. Sed contra, quia ipsam difficultatem, quâ vestitur objectum, possum ego considerare, ut præscindentem ab existentia, velut existentem; quia etiam ipsa difficultas, sicut cætera entia, potest concipi secundum se vel ut absens, vel ut præsens; ergo eodem modo etiam concipere possum objectum cum difficultate seu cum ea circumstantia, abstrahendo ab eo,

quoddam realiter existat, aut absit; hoc modo: *Esse Regem, licet magnas habeat difficultates, bonum est.* In hoc autem conceptu nihil ego dico de absentia & de presentia regni; ergo ut amem hanc dignitatem secundum se, debet irascibilis incipere ab arduitate, etiam antequam cogitem eam regiam dignitatem à me absentem; & consequenter etiam antequam in desiderium & spem illius prorumpam. Deinde, si ea arduitas in objecto amoris etiam ut tali non constituit diversum actum, qui ad irascibilem pertineat, ergo neque in aliis actibus; quia etiam objecta bona ardua non possunt considerari nisi ut secundum se, vel ut absentia, vel ut presentia; & tunc per solos illos tres actus concupiscibilis explicabuntur omnes, qui ad irascibilem pertinent, adjunctâ solâ arduitate ex parte objecti; & non erit necessum recurrere ad spem, timorem & iram.

## XVII.

Non placet autem, quod primò Gabriel Vasquez arduitatem, quæ vestit objectum appetitus irascibilis, putat consistere in eo, quod res obtinenda pendeat ab alterius voluntate, rationem quoque ardui in objecto spei constituens in illa dependentia. Recte enim Rodericus ab Arriaga contra ipsum concludit, quod scilicet multa sint, quæ pendeant à voluntate alterius, quæ tamen non dicamus sperare, ut victus, vestitus calcei, &c. Si enim adsit pecunia ad emendum, non sperare nos talia, sed quasi certo ea habere; præterea multos sperare se ingenio aliquid inventuros, aut propriis viribus hostem victuros, imò si res bene ponderetur, suppositâ jam voluntate DEI in ordine Gratiae de dan-  
dis nobis auxiliis necessariis, in sola nostra voluntate esse obtinere Gloriam, & tamen eam censerî nobis arduam, & erga illam quasi unicè versari spem, quæ maximè arduitatem requirat: quod postremum tamen inter retributa Theologiae Pontificiae deputamus. Secundò, quod Cartesius novaturiens, rejecta communiter recepta sententiâ, passiones distinguant in primitivas & à primitivis ortas, & prioris generis sex constituat, Admirandam, Amorem, Odium, Cupiditatem, Lætitiam & Moerorem. Ab his autem cæteras oriri, & ex his componi omnes existimet, ita scribens parte 2. de Passionibus. Art. 68. pag. m. 32. Ecce ordo, qui mihi videtur optimus enumerandis Passionibus; in quo non nescio me recedere ab opinione eorum omnium, qui de illis antehac scripserunt; sed non absque fontica causa: Nam derivant suam enumerationem ex eo, quod



quod distinguunt in parte sensitiva animæ duos appetitus, quorum unum vocant *Concupiscibilem*, alterum *Irascibilem*. Et quoniam nullam in anima agnosco distinctionem partium, ut supra dixi, id mihi videtur nihil aliud significare, quam quod habeat duas facultates, unam concupiscendi, alteram irascendi: sed cum similiter habeat facultates admirandi, amandi, sperandi, metuendi, atque sic in se recipiendi singulos alios Affectus, aut ea agendi, ad quæ hi Affectus eam impellunt, non video, cur voluerint eas omnes referre ad Concupiscentiam vel iram. Adde, quod eorum enumeratio non comprehendit omnes præcipuas Passiones, ut hanc meam credo facere. De præcipuis solum loquor, quia plures aliz specialiores adhuc possent distingui, & earum numerus indefinitus est. Et iterum Artic. 69. Numerus simplicium & primitivarum non est adeo magnus. Si enim percurramus eas omnes, quas enumeravi, facile poterit observari, sex tantum tales esse, nimirum Admirationem, Amorem, Odium, Cupiditatem, Lætitiam & Mœrorem; cæteras omnes componi ex quibusdam harum sex, aut earum esse species. Idcirco ne earum multitudo intricet Lectores, tractabo hinc separatim de his sex Primitivis, & postea ostendam, quomodo cæteræ omnes ab illis originem trahant. Cum tamen neque admiratio sit cum sanguinis & spirituum commotione, nec à primitivis excludi posse videntur aliz scilicet passiones, quæ ex primitivis illis oriri nequeunt, adeoque illarum Numerus ampliandus, imò minui possit, cum Lætitia ad Amorem, Mœror ad Odium posset reduci. Tertiò, quod veteres Philosophi in Numero hæreant cum quibusdam recentioribus. Plato, qui in Theæteto dicit, eas passiones, quæ nomen habent, multas esse; quæ carent nomine, innumeras. Item lib. 9. de Republ. Hominem esse quasi Monstrum & Sphingem quandam ex variorum Animantium partibus conflata; & cupiditatem esse partem latissimam, multa Bestiarum, hoc est passionum capita continentem. In Timæo denique sex enumerat perturbationes: Voluptatem & Dolorem tanquam principia, quibus accedant Audacia, Metus, Ira & Spes. Quamquam in lib. 1. de legib. aliter loquatur & dicat, quemlibet nostrum esse unum, & habere in se consiliarios duos contrarios & amentes, Voluptatem & Dolorem, ad quos accedant futurorum Timor & confidentia. Galenus, qui docet, ex veterum sententia passiones esse quinque: Mœrorem, Iram, Excandescentiam, Cupiditatem, Metum; alibi autem sex recenset, Ex-

candescantiam, Iram, Timorem, Mœrorem, Invidiam, & Cupiditatem vehementem, quibus addit Amorem & Odium. Stoici, qui ut ex quanto Tusculan. Ciceronis constat, quatuor constituerunt, Aegritudinem, Metum, Lætitiam & Libidinem. Quibus affinia deprehendas apud Boethium 1. de Consol. Philosophiz, Metro 7. Gaudia pelle, pelle Timorem, spemque fugato, nec dolor adsit. Hieronymum ad cap. 1. Ezech. Augustinum lib. 14. de Civit. DEI cap. 3. qui quatuor illas passiones versu Virg. Æn. 4. exprimit. Hinc metuunt, cupiuntque, dolentque, gaudentque. Ex recentioribus Lælius Peregrinus principales duodecim, minus principales octo. Ludovicus Vives & Hieronymus Cardanus viginti numerant.

## XVIII.

Nec obstat, quod primò intellectus & sensus non multiplicentur ex arduitate objecti cognoscibilis, & propterea etiam appetitus non debet multiplicari. Quod secundò fames & sitis, Nemesis, indignatio, zelus, Æmulatio, Invidia, Verecundia & Misericordia non videantur à passionibus posse excludi. Tertiò, quod desperatio non censeatur versari circa objectum arduum, & propterea non referenda ad appetitum irascibilem. Nam primò objectum, cum bonum sit extra Sphæram potentiz, cognoscetur sub formali sua ratione & motivo, ideoque non multiplicatur ex Bono potentiz cognoscitivæ, multiplicatur autem appetitivæ. Secundò fames & sitis dicunt indigentiam calidi & sicci, frigidi & humidi, reliquæ verò sub recensitis comprehenduntur. Denique tertiò Desperatio irascibili Appetitui rectè accensetur: Non solum negative quasi opponitur cæteris passionibus irascibilis, easdemque ab animo excludit, sed quia simul ex parte objecti versatur circa bonum arduum; id ipsum propter difficultatem refugiendo, tamen si alias ab operante amatum & desideratum. Quia desperatio, ut ait Thomas q. 40. artic. 4. ad 3. presupponit desiderium, sicut & spes. De eo enim, quod sub desiderio nostro non cadit, neque spem, neque desperationem habemus: & propter hoc etiam utrumque eorum est de bono, quod sub desiderio cadit. In fugienda autem re alioquin amata, nobisque sua natura convenienti, non potest non esse difficultas & repugnantia. Accedit, quod desperatio plerumque, ac sua quasi natura animum inclinat ad subeundum aliquid triste, & in se molestum atque adversum operanti; v. g. ad sui ipsius interuersionem, ad abjectionem mediorum & instrumentorum, quibus

bus malum imminens devitari poterat, &c. In his autem rebus, utpote sua natura adversis operanti suscipiendis, non potest non esse difficultas: secus accidit in tristitia, quæ sibi ipsi operanti malum triste non accersit, sed tantum patitur seu dolet illatum.

## XIX.

Multum autem possunt Affectus in homine, & immutare solent Corpus & Animum, de quo non ignobilis Gallus lib. 3. Disp. 2. sect. 2. §. 1. pag. 561. ita. Dico, passiones causare semper mutationem aliquam in corpore, quæ initium semper habet in ipso corde, inde transit ad spiritus & sanguinem, unde totum immutatur temperamentum. Ratio est naturalis sympathia inter potentias ejusdem animæ, ex qua fit, ut appetitu excitato per aliquam passionem, motrix etiam potentia ipsius cordis agat, & in ipso corde motum producat. Nam quia sedes appetitus est ipsam cor, quod continuò movetur per dilatationem & compressionem, servatque spiritus vitales; simul ac exoritur passio, mutatur ipse motus cordis, quod in passionibus prosequutivis dilatur, in avversivis comprimitur. Hinc in spiritibus oritur agitatio, qui sanguini immixti, illum etiam immutant; cumque sanguis toto sit fusus corpore, necesse est totam inde corporis temperiem disturbari; creatique morbos, & ipsam etiam aliquando mortem. Verum non omnes eodem modo passiones corpus immutant; siquidem amor accendit sanguinem & spiritum, & qui amant, ardent & calescunt; hinc ad amandum procliviores sunt, quibus corporis temperies est calidior. Tristitia cor contrahit, sanguinem & spiritum efficit crassiorem; sicut etiam magis ad tristitiam inclinantur, qui crassiori sunt sanguine; quibus autem purior sanguis est, & tenuior, sunt hilariores. In timore sanguis & spiritus relictis exterioribus partibus confugit ad cor tanquam ad arcem ipsius vitæ; unde sequitur in vultu pallor, tremor in externis partibus. Contra verò in voluptate, gaudio & spe ad partes omnes effunduntur; idè in senibus periculosa est lætitia repentina, quia ubi parum est sanguinis & spirituum, vacuatur facilè totum cor. Irà incalescunt spiritus, & effunduntur cum sanguine, ut patebit magis ex sequenti sectione. Non satis est dicere, quod in passionibus spiritus effunduntur vel contrahuntur, incalescunt vel refrigerantur. Dico præterea, passionibus etiam immutari vehementer animam, quatenus per eas primò sic perturbatur vis cognoscitiva intellectus, ut perspicere liquidò nequeat ve-

ritas

ritatem, neque rectè de singulis dijudicare: deinde libertas ipsa voluptatis plurimum imminuitur. Brevius dicam, excæcari mentem, & ob-  
tenebrescere, ligari & captivam fieri libertatem.

## XX.

An autem Affectus sequantur Temperamentum corporis, aliqua-  
tenus ex dictis intelligi potest, & videtur Philosophis & Medicis hinc ali-  
quid concedendum, quia primò diversitas locorum diversos nobis exhi-  
bet homines. Differunt sane, etiam Aristotelis iudicio, Europæi & Asia-  
tici, nec Plato abnuitt, qui ventis expositos censuit esse morosos, qui ægre  
à proposito divellantur, nec Experientia in contrarium militat, sed pro  
nobis stat, quæ non tantum testatur Afros, Asianos & Europæos mul-  
tum differre, sed etiam in ipsa Europa Germanos, Gallos, Hispanos, An-  
glos, &c. fuerunt inter Asiaticos, qui Abderitanæ pectora plebis habe-  
bant, fuerunt Athenis, qui ad sapientiæ studium præ cæteris inclinabant.  
Consulatur hinc Scrutinium Huardi cap. 4. Secundò Copia vel Defe-  
ctus sanguinis multum variare potest in Homine & cæteris animanti-  
bus, unde etiam diversitas sæpè in uno homine deprehenditur, mutata  
ætate. Tertiò Primorum Motuum causalitas referenda videtur in Tem-  
peramentum, ex quo illi subito exsurgunt, & rationem actus antever-  
tunt. Interim nulla necessitas hinc locum habet, quasi aliter homo agere  
non posset, quam inclinatur à Temperamento, quemadmodum Ignis na-  
turaliter & necessariò urit, ita enim Homo assuefactione non posset  
immutari, nec passionibus in illo possent à superiori principio regi, doma-  
ri, compesci: haberet excusationem in peccatis, nec laudem, si opera-  
retur bene, & quanquam Scheggius noster: Materię causa, quæ fiunt,  
ex necessitate fiunt, non quia melius sit. Ut si talis sit temperatio humo-  
rum, necesse erit, aut glaucos aut nigros oculos fieri, albos aut nigros  
capillos, raucam aut claram vocem, procerum corpus aut pumilum, in-  
geniosum aut hebetem; quæ differentię omnes insunt rebus ex necessi-  
tate, propter affectionem & qualitatem materię. Ita tamen hoc capien-  
dum ut propensiones, quidem aliquâ necessitate illigentur, non verò ita  
ut non compesci & edomari possint.

## XXI.

Meritò autem rejicimus primò sententiam Galeni & illorum, qui  
opum sequantur, statuentis Mores simpliciter sequi Temperamentum,  
imo

âmo animam nihil aliud esse nisi temperiem Qualitatum. Cui ex hæreticis subscripserunt Carpocrates, Epiphanes, Prodicus, Cajani & Antitactæ, teste Theodoro in libro de divinis Decretis, quanquam aliqui sentiant, Galenum hîc dubium fuisse & nesciisse, quo se verteret. Secundò nimis exiliter de Temperamento videtur sensisse Gisbertus Voësius, scribens: Merito disquiritur, annon Temperamentum, quatenus executrices partes & potentias corporis afficit ac modificat per prius inclinatur ab animâ, non verò contra, sed quicquid sit de hac distinctione, saltem constat gentilem esse ἀθεολογίαν, quâ Analyſis bonæ indolis seu Docilitatis, & consequenter Conversionis nostræ ad DEUM fit in Temperamentum seu complexionem & in educationem. Num enim Temperamentum non inclinat. Non necessitate enim largimur. Num Anima inclinat illud, quod sicut Venter caret auribus, non excipit imperium Rationis. Num Dispositio naturalis Materiz à Superiori regitur, & anima calorem temperat, frigus emendat, choleram habet in sua potestate, phlegma sub suo Regimine, num aliquid tribuitur Temperamento in Conversione hominis? Num quia ipse Animam præfert, eique Inclinationem, quæ tamen post lapsum corrupta, quanta quantâ peccato infecta, non ita Pelagianismi affinem se reddet, & redibis in ipsum Telum, quod torquere voluit in illos, qui statuunt Temperamentum inclinare. Tertio Arminianis excedentibus non adstri-pulamur, quorum verba in Apologia cap. 10. fol. 118. hæc sunt. Neque verò negandum omnino videtur, conditionem temperamenti ejusque hominis vim magnam habere ad mores animi, ad virtutes & vitia. Pro ratione ejus aptior vel ineptior quisque est ad docilitatem & probitatem animi consequendam, præcipuam tamen vim habent educatio & institutio. Atque inde ferè discrimen petendum est. Non videtur hoc negare Cenſor, ideoque per cautelam addit, *ubi de vera docilitate & de vera probitate, quæ ad res divinas requiruntur, questio agitur.* Atqui docilitas, quæ nos aptos reddit ad virtutes, sive ad honestatem morumque castitatem, quomodo non reddat nos aptos ad res divinas? Docilis probusque animus, quas res citius libentiusque admittat, quam virtutes divinas, utpote æquitati & rationi rectæ maximè consentaneas, & ejusmodi argumento adstrictas, quibus & qualibus cæteræ disciplinæ omnes carent?



## XXII.

Subjicitur quidem Appetitus sensitivus superiori Facultati, verum ita, ut politicum potius sit Rationis in affectus imperium, quam despoticum. In primo quidem Homine omnia sese recte habebant, summaque erat Harmonia inferiorum & superiorum facultatum, nec prebant inferiores tam ex vi prædominii in superioribus, quam ex ipsa integritate, quâ naturaliter imbutæ sanctitate, quam DEUS non tantum intellectui & voluntati, sed etiam Appetitui sensitivo & affectibus indidit. *Creavit enim Hominem rectum*, teste Ecclesiast. cap. 7. v. 30. at nunc omnia sunt turbata, excussa sanctitas omnibus potentiis, ut quamvis ratio quandoque in naturalibus & civilibus aliquid adhuc deprehendat bonum & commodum, affectus tamen ad præmonstrationem illius non rapiantur in obsequium, sæpè illam antevertant, & rebellium civium indolem referant, ut etiam Medes conqueratur: Video meliora proboque, Deteriora sequor.

## XXIII.

Impingunt autem primò Pontificii, qui in primo Homine *ὀψιμαξία* quandam admittunt. Secundò, quidam recentiores, qui inter cetera naturalia in primo homine etiam pugnam referunt Rationis & Appetitus. Tertiò Author Anglus in Animi Medela libr. 2. cap. 3. cujus sunt sequentia: Dicimus primò, affectum sensitivum ante lapsum Adami, ejus voluntati, imperio *despotico* subditum non fuisse, probabile est: quia nonnulli affectus appetitus sensitivi, etiam ante lapsum, voluntatem necessario anticipant; nam, nisi phantasia Adami frustra concessa fuisset, ipsum, ad intellectus sui operationem, phantasie adminiculo secundum ordinem nature, uti oportuit: prior idcirco foret aliqua phantasie operatio, etiam in statu innocentie, quàm intellectus operatio, quâ posterior est voluntatis affectus. Jam verò, nisi appetitus sensitivi operationem, donec intellectus, adminiculo phantasie operantis, operetur, & liberè quoque voluntas consentiat, suspendi existimemus; (quod tamen absurdum videtur, quia appetitui sensitivo, phantasiam sequi, tam naturale est, quam corpori gravi, ferri decorsum) quosdam saltem appetitus sensitivi affectus, etiam in statu innocentie, voluntati, imperio *despotico* nequaquam subditos fuisse, manifestum est. Præterea, inter rationes, ob quas DEUS semen Abrahami, non verò Angelos assumpserit, licet utrique peccaverint, hæc una est: quòd

quod Adamus tentatus, lapsus est; Angeli autem non tentati, lapsi sunt: jam verò, præter appetitus sensitivi *rebellionem*, nulla vel minima tentatio, cui Adamus succubuit, excogitari potest. Nam, quamvis mulier ipsum tentasse dicatur, observandum tamen est, quod (prætermittens allegoriâ, quâ nonnulli per *Evam tentantem*, intelligunt partem animæ inferiorem, (quæ τὸ θῆλυ dicitur) stimulantem & tentantem, partem animæ superiorem, (quæ ὁ ἀνδρῆος nuncupatur) nec mulier, nec quodvis aliud objectum, hominem tentare potest, nisi excitando appetitum sensitivum. Si enim intellectus lumen sit clarum (ut fuit in Adamo ante lapsum) & appetitus sensitivus pacatus, quietus, & voluntati imperio despotico subiectus, nullum est ab objectis periculum, (quod in ipsâ tentationis ratione involvitur) nisi motum aliquem inordinatum appetitus sensitivi excitent. Unde Jacob. i. v. 13. 14. *Nemo, cum tentatur, dicat, quoniam à DEO tentatur. DEVS enim intentator malorum est, (seu, ut alii vertunt) malis tentari non potest) ipse autem neminem tentat. Unusquisque verò tentatur à concupiscentiâ suâ abstractus & illectus: quæ concupiscentia non est peccatum. Nam in v. 15. Concupiscentia, cum conceperit, parit peccatum.* Quidni igitur Adamus à concupiscentiâ seu ab appetitu sensitivo tentetur? Concupiscentiâ enim tentans, abstrahens & illiciens, (quæ absque *rebellionem* appetitus inferioris esse nequit) secum patitur innocentiam; nam non est peccatum, sed ipsum, ut conceptio partum, præcedit, ut docet Apostolus in versu modò citato. Quod si Adamus *rebelli* appetitus inferioris motu, ad peccandum impulsus & stimulatus non fuisset, ratio illa naturam humanam potius, quam Angelicam assumendi, à tentatione desumpta, prorsus corrueret: nam Angeli, qui peccaverunt, & sua habuerunt sibi proposita objecta, non tamen tentati fuerunt. Quia unusquisque tentatur à concupiscentiâ suâ, (ut dicit Apostolus,) quæ in illis non fuit: & sine quâ nihil hominem tentat, nisi omne hominis objectum, ipsius voluntatem tentare dicamus; atque ita, & ipsos Angelos tentatos fuisse negandum non est. Verùm, nomine tentationis hoc modo acceptæ, id est, κατὰ χρηστικῶς, non magis idonea est natura humana, quam Angelica, ut in unionem hypostaticam assumeretur. Quod si homo concupiscentiâ suâ abstractus & illectus peccaverit, (quo modo Angelos non peccasse creditur) ejus quidem peccatum non excusatur, verùm peccatum minus est, quam si abs-

que istiusmodi concupiscentiâ abstrahente & illiciente, istud perpetrasset; atque ita, quia homo minus peccavit, quam Angeli, quia à concupiscentia sua tentatus peccavit: idè ex parte objecti, congrua est *rationis* ratio, propter quam humana natura potius, quàm Angelica; non autem ob quam illa simpliciter assumeretur. Porro, Adamus ex affectu mulierolo, qui probabiliter fuit actus *rebellis* appetitus inferioris, peccasse videtur: quod verò affectu mulierolo peccavit, ex Gen. 3. probari posse videtur: nam in isto capite, de nulla peccati sui ratione motivâ mentio fit, præter mulierem & sociam seu uxorem. Etenim *¶. 6. Dedit viro suo, qui comedit.* Et hanc rationem solam agnoscit Adamus *¶. 12. Mulier (inquit) quam dedisti mihi sociam, dedit mihi de ligno vitæ, & comedi:* Eva quoque, eodem modo ad peccandum, quo & universi ejus posterii, stimulata fuit. Concupiscentiâ nimirum carnis, concupiscentiâ oculorum, & superbiâ vitæ, (de quibus *1. Joh. c. 2. v. 16.*) ad peccandum sollicitata fuit. Serpenti enim dicenti Gen. 3. v. 5. *Erutus fuit Dii, scientes bonum & malum, credidit, ecce superbiâ vitæ!* Et *¶. 6. Vidit mulier quòd bonum esset lignum ad vescendum, ecce concupiscentiam carnis!* Et *pulchrum oculis aspectuque detestabile, ecce concupiscentiam oculorum!* Unde clarissimus vir Thomas Brown, Medicinæ Doctor, Pseudodox, Epidem. l. 1. c. 1. de Adami & Evæ antelapsam deceptionem differens: *Decepti, (inquit) fuerunt sensuum ductu, & tentationibus ab ipso Objecto, quibus etsi facultates intellectiva in veritatis contemplatione non defecerint, inferiores tamen & brutales facultates, rationis motibus contradixere; voluptate & utilitate, honestatis admonitiones iam superantibus, & sensualitate, virtutis juxta rationem impetia, perturbant.*

## XXIV.

Inter Affectus appetitus concupiscibilis primum supra dedimus locum Amori, qui describitur, quod sit affectus, quo cum re amata amur, aut perpetuamus unionem, quamvis hâc in parte optatis nostris fortuna non semper respondeat, ut loquitur Scaliger Exercit. 317. sect. 1. & 2. Brevius ab aliis per actualem propensionem appetitus in Bonum, vel unionem affectivam amantis cum amato, definitur. Et à dilectione, charitate atque amicitia differt, quod amicitia significetur per modum habitus, amor autem & dilectio per modum actus, charitas actum quidem, sed non eodem modo significant; nam amor est quodam

dam commune ad reliqua duo; omnis enim dilectio vel charitas est Amor, sed non è converso: addit enim Dilectio supra amorem Electionem præcedentem, ut ipsum nomen indicat. Unde dilectio non est in concupiscibili, sed in voluntate, & rationali naturâ tantum; charitas autem addit supra Amorem perfectionem quandam Amoris. In quantum id quod amatur, magni pretii æstimatur, ut ipsum nomen designat, discrimen hoc assignante Thomas quæst. 26. art. 3. Esse autem Amorem affectionem sive propensionem, patet ex analogia Amoris naturalis, qui dicit inclinationem pondusque quoddam in Objectum. Amores enim corporum, ut Augustinus docet lib. 2. de Civitate DEI cap. 28. Momenta sunt ponderum, sive deorsum gravitate, sive sursum levitate utantur. Amor itaque vitalis quoque propensio, unitiva affectio, unde iterum Augustinus: Amor meus pondus meum; illo feror quocunque feror. Ut autem Amor ut sic pro Objecto habet  $\Phi\iota\lambda\iota\alpha$  &  $\Phi\iota\lambda\eta\tau\alpha$ , amabilia & pulchra, ut Aristoteles loquitur, sive Bonum generaliter acceptum, ita appetitus sensitivi & Amoris objectum est Bonum quoque ejusdem Generis, nempe jucundum & delectabile, simile & conveniens, videatur Epicharmus apud Laërtium in Vita Platonis. Et dividi solet in Amorem amicitiz & concupiscentiz, quorum ille in Bonum secundum seipsum, & tanquam terminum fertur, hic verò in Bonum respicit, ut relatum in alterum, seu ut alteri applicatum vel applicandum. Nam id, inquit Thomas, quod amatur Amore amicitiz simpliciter, & per se amatur: quod autem amatur Amore concupiscentiz, non simpliciter & secundum se amatur, sed amatur alteri. Causa etiam statuitur Objecti primo Bonitas & Pulchritudo scil. cognita. Pulchrum enim & Bonum, ut loquitur Dionysius cap. 4. de divinis nominibus, omnibus est desiderabile & amabile, & secundum Augustinum lib. 10. de Trinit. cap. 1. Nullus potest amare aliquid incognitum. Secundo, Similitudo Amantis cum amato, ut docet Syracides cap. 13. v. 19. *Omne, dicens, animal diligit simile sibi; sic & omnis homo proximum sibi.* Aristoteles 8. Ethicorum, cujus est illud  $\delta\mu\iota\sigma\iota\sigma\tau\alpha\iota\ \delta\mu\iota\alpha\iota\varsigma\ \iota\ \Phi\iota\lambda\eta\tau\alpha$ , simile appetit simile. Ovidius qui ita: Rusticus agricolam, Miles fera bella gerentem, Rectorem dubiz Navita puppis amat. Experientia quoque suffragante in parentibus, qui natos diligunt in omni genere animantium, & si similitudo odium parit, non hoc est per se, sed per accidens, quatenus duo similes sese impediunt in Affecutione alicujus Boni. Tertiò, ipse Amor. Mon-



Ar. bo, inquit Seneca Epist. 9. tibi Amatorium sine medicamento, sine illius veneficæ carmine, si vis amari, ama. Eff. ctus denique Amoris recensentur à quibusdam, unio amantis cum re amata, rursus in hâc, Elatis, zelus, languor, liquefactio & fervor. Sed illi sunt Amoris generaliter accepti.

## XXV.

Deviant à vero hic primò Scotus cum suis, qui negavit Amorem esse actum vitalem, seu procedere ab intrinseco, quia appetitus hic Amoris non sit liber. Secundò illi ex Pontificiis Scriptoribus non multum sunt attendendi, qui difficultates movent de differentia Amoris & Desiderii, cum maneat Amor, si re amatâ potiamur, sed appetentiâ & desiderium cessent. Quamquam antequam aliquis re quâdam bona potia-  
 // tur, desiderium conjunctum esse amori non negemus, imo si rem asse-  
 // quatur, desiderare possit fruitionis tractum. Tertiò non admittimus illos, qui negant rectè & adzquatè dividi Amorem in Amorem amicitiz & concupiscentiz, & volunt nullum amorem esse, qui non sit benevolentia simul & concupiscentia, quia duplicem Amor quilibet doceat habitudinem, unam ad personam, cui velit Bonum, alteram ad Bonum, quod velit personæ. Secundum priorem habitudinem dicunt esse amorem Benevolentiz, quia velit Bonum, secundum posteriorem concupiscentiz, quia bonum concupiscat personæ. Quod placuit Cartesio, qui parte 2. de Passiõib. art. 81. p. 38. Ita distinguunt vulgo duas species Amoris, quarum prima vocatur Amor benevolentiz, id est, qui incitat ad bene volendum rei quam amamus; Altera vocatur Amor concupiscentiz, id est, qui efficit ut rem amatam cupiamus. Sed mihi videtur hæc distinctio respicere solum effectus Amoris, non ejus essentiam. Nam quam primum quis se voluntate junxerit cuidam objecto, cujus-  
 // unque demum naturæ fuerit, benevolentia quoque fertur in illud, id  
 // est, ei quoque voluntate adjungit res quas ipsi convenientes credit, qui  
 // unus est ex præcipuis Amoris effectis. Et, si judicetur bonum fore illud possidere, aut ipsi associari alio modo quam voluntate, appetitur: quod etiam inter frequentiores Amoris effectus censeri debet. Quem refutat Contrerrenens Philosophus scribens: Immeritò hoc negatur. Ratio est, quia tunc est amor amicitiz, quando ratio volendi bonum est perfectio & meritum personæ; quia scilicet illa digna est tali bono. Tunc autem est amor concupiscentiz, quando ratio volendi bonum

est



est convenientia, seu bonitas ipsa boni, quod volumus cum tali persona; non autem dignitas personæ: ergo illi duo amores habent diversas rationes formales, & sunt specie distincti; amor enim amicitie respicit bonum absolutum, seu meritum personæ; amor autem concupiscentie respicit formaliter bonum respectivum, seu convenientiam ipsius boni. Sed hæc aliàs plenius, ubi ostendi rationem formalem amandi bonum esse distinctivam utriusque amoris, etiam si fortasse in amore amicitie materialiter inveniatur aliqua etiam benevolentia. Sed rationes tamen formales semper sunt distinctæ, ideoque distincti specificè sunt amores.

## XXVI.

Oppositus affectus amoris est Odium, offensio radicata, ut Ludovicus Vives illud appellat, vetus Ira ex pluribus causis collecta, secundum Augustinum, appetitus amovendi rem aliquam, ut vult Scalliger Exerc. 316. Definitur verò, quod sit Affectus quidam appetitus concupiscibilis, quo malum respicitur simpliciter ut malum est, adeoque in conveniens. Differre ab Ira ostendit Lælius Peregrinus multis, p. 409. §. 14. Odium à detrimento accepto. Ira concitatur, si quid in nos aut nostros pravè admittitur, odium ob illa etiam, quæ à nobis longè sunt remota; quâ ratione omnem improbitatem odimus quocunque loco existentem. Ira nascitur ex factis singularibus, & tendit in hunc vel illum; odium ad universa quoque tendit, ad hoc vel illud genus hominum. Ira non faciliè admittit rationem, ob doloris vehementiam; odium magis utitur ratione, quia potest esse absque magno dolore. Ira tempore sanatur facilius: odium deletur difficilius, imò quandoque à naturâ insitum est insanabile. Ira studet asferre dolorem potius, quàm damnum: odium damnatum potius, quàm dolorem. Interim non diffitemur quibusdam hæc non esse ad palatum, qui notant, quod prima differentia non sit perpetua: Tam à detrimento, quàm ab injuriâ est ira: uti & odium tam ab injuriâ, quàm à detrimento, præsertim sæpius allatò. Altera quoque sit lubrica: nam & absentibus longeque remotis irascimur, quos tamen illicò semper non odimus: Etiam si enim omne odium procedit ex quadam offensione & indignatione, tamen non omnis offensio & indignatio post se relinquit odium. Tertia & ipsa non accuratior: Nunquam universa odimus, nisi prius ab universis aliquo modo offensi sumus, iisque indignemur. Unde & ira aliquo modo

modo tendit in universa. Dicitur tamen in universa *odium* tendere, quia in singula fertur individua, quodocunque occurrunt: quod & ira facit. Reliquæ *tres differentie* ipsis videntur rectius constitutæ: quibus *quartam* addunt: quod *odium* ferè sit occultius, *ira* verò *apertior*. Et *quintam*; quod ira magis lædat violentiâ suâ subjectum, quàm *odium*: Et *sextam*, quod *odium* tam repenti non oboriatur, quàm ira: Et *septimam*, quod omne *odium* ex antegressâ oriatur irâ vel offensione, sive leviori, sive graviore. Quanquam disputari possit, an illæ differentie tam sint accuratæ. Unde alii in hisce subsistunt, quod *odium* sine ira esse possit, & illud sit in concupiscibili, hæc verò irascibili appetitu. Ab Invidia verò, differt. *Odium*, quia *Odio* habemus mala potissimum, aut li quæ bona, tamen sub specie mali: *Invidia* plerumque est rerum optimarum. *Invidia* inter homines, *odium* etiam erga bestias & inter bestias. *Odium* sæpè iustissimum: *Invidia* propriè dicta semper turpis. *Odimus* ea, quæ mala esse pergunt: *Invidemus* iis, quorum virtus crescit. *Odium* malefacere cupit, non *invidia*, nisi odio iuncta. Dividi solet in *Odium* abominationis, quo aliquid velut malum à nobis, vel aliis vel conveniens refugimus & detestamur, & Inimicitie, quo alicui nolumus Bonum, sed potius volumus mala: ab aliis in *Odium* bonum & malum, quorsum referunt illud: *Qui diligitis Dominum, odite malum*. Psalm. 97. v. 10. *Timor Domini odit malum*. Proverb. 8. v. 13. Causam ponunt ex parte objecti malum vel tale, vel apparens à nobis apprehensum, ex parte subjecti amorem, cum unius rei amor generet *odium* alterius. Unde Tannerus p. 368. §. 38. Omne *odium* oritur ex amore: nam hoc ipso quod aliquid amamus, fit, ut oppositum ejus odio habeamus. Et sicut in speculatione prior est affirmatio, quam negatio, ita in appetitu prior est actus prosecutionis, quam oppositus fugæ ut docet S. Thomas q. 29. a. 2. Et quamvis ob eam ipsam causam, amor ex se fortior sit & potentior odio, sæpè tamen magis sentitur *odium*, quam amor; quia non est ita secundum naturam animalis, sicut amor. Qua ratione etiam magis sentitur frigus naturali calori animalis contrarium, quam temperatus calor eidem naturali calori affinis, juxta S. Thomam ibidem a. 3.

## XXVII.

Illud hic maxime disputatur, an *odium* sit per modum fugæ, an verò per modum persecutionis. De quo audiendus Rodericus ab Arriaga, Subsecciónem primâ: qui primo Statum Controversie exponit & scri-

& scribit : Pro intelligentia illius adverte, nolitionem hanc non accipi negativè ; eo enim sensu idem esset ac non volitio ; tunc autem odium esset potius carentia actus, quàm actus ; quod ex terminis falsum est : constat enim, odium esse verum & realem actum. Quæstio ergo præsens ut benè intelligatur sic est proponenda, utrum odium doloris, v. g. sit appetitus seu prosecutio carentiæ doloris, ideoque sit formaliter amor carentiæ, dicatur autem odium respectivè ad dolorem, quia amatur contradictorium illius ; an verò sit aliquis actus, qui ad ipsum dolorem verè terminetur, ipsum aversetur, in eoque displiceat. Postea recenset opinionem, & pergit : Aliqui opinantur, omne odium esse formalem prosecutionem : quorum fundamentum est, quia omnis actus potentiz appetitivæ debet esse appetitus. Confirmant primò, odio habere, est, appetitum disjungi ab aliquâ re ; sed hoc est amare illam disjunctionem, ergo. Secundò à simili ex intellectu ; nam ipsum dissentire, est, cognoscere objectum non esse ita ; ergo displicere in objecto est appetere non existentiam illius. Pater Suarez supra sect. 7. ita hanc sententiam approbat, ut dicat, odium quâ tale non consistere formaliter in amore carentiæ ; explicetur tamen à nobis per illam. Tandem definit : Dicendum est in hac quæstione primò, non omne odium, etiam virtualiter, æquivalere volitioni seu amoris carentiæ objecti. Ita Pater Suarez supra ; ubi id inde probat, nam aliquando displicentiam habemus in aliquo malo, nec tamen per hoc volumus illius carentiam : cum enim mihi proponitur res in se mala & turpis, quæ mihi tamen nullum incommodum fert ; quis dubitet, posse me in illâ habere displicentiam per quoddam odium ; per hoc tamen non opto ullo modo ejus carentiam. Quod si dicas saltem tunc, opto separationem ab illâ ; & ex hoc capite ille actus erit formaliter amor. Respondet, idè se dixisse illam rem nullum offerre incommodum odio habenti ; inde enim precluditur via objectioni huic ; non enim est cur ego tunc eam separationem à me optem & amem, si in eâ nullam invenio rationem boni mihi, quandoquidem è contrario nullum malum ea res affert. Nihilominus tamen hæc ratio nullo modo potest sustineri ; quia si tunc non amo rem aut aliquod objectum bonum ; ergo potest voluntas incipere immediate ab odio, si proponatur illud objectum secundum, & voluntati illud displiceat ; hoc autem falsum est ; nam supra dixi, in omni odio semper esse amorem alicujus subjecti, cò quòd nulla res sit essentialiter in se

N

mala,

mala, sed solum respectivè ad alium, ex cuius amore odio habetur talis res; quod & ipse Pater Suarez admittit; inde enim clarè inferur, illud odium debere esse volitionem saltem virtutalem separationis ejus rei male ab eo cui inest, seu cui apprehenditur mala. Ad argumentum respondeo, rectè eam scdam saltem esse molestam nobis, quatenus illam intuemur; ut est molesta auditui mala musica; tunc autem saltem à nobis eam removere cupimus, ne eam intueri aut audire cogamur; est ergo jam virtualiter in eo actus ratio aliqua appetitus; ergo ea ratio pro nostrâ conclusione non est sufficiens. Sufficiens secundò suadetur; nam potest quis odio habere inimicum, esto non optet illum mori; illud autem odium non potest esse volitio virtualis alicujus negationis. Dices, vult illi virtualiter aliquod malum. Sed contrà, quia non est id necessarium semper. Contrà secundò, quia esto ex illo odio & displicentiâ sequatur deinde alius actus, quo illud malum optetur; certè primus actus non id optabat, sed solum habebat displicentiam in eo objecto, id quod magis sequenti conclusione confutamus. Dico ergo secundò, siue odium includat virtualiter volitionem carentiæ, siue non, certissimum debet esse, illud non consistere formaliter præcisè in eâ volitione carentiæ objecti. Hæc est communis, & videtur manifestè inde suaderi; quis alioquin omnis omnino amor esset in tanto rigore odium; hoc autem est evidenter contra omnes, & contra experientiam, ergo. Probo sequelam; nam si odium Petri nihil est aliud quàm amor contradictorii; ergo amor Petri erit odium respectu carentiæ Petri; & sicut ille actus, quia est amor unius contradictorii, dicitur odium respectu alterius contradictorii; ita necessariò omnis amor dicitur odium respectu contradictorii objecti ejus quod amat; quod enim contradictorium sit negativum aut sit positivum, est per accidens ad punctum præsens; cum etiam ipsæ privationes ponantur ut objecta vera & realia amoris & odii. Porro id esse contra omnes, est certum; quis alioquin non dicerent, amorem distingui ab odio, sed omnem amorem esse odium respectu unius contradictorii; & è contrario, odium omne esse amorem respectu alterius objecti. Quod item id rationi seu experientiz manifestè repugnet, patet; experimur enim longè aliter nos ipsos affici actu odii quàm amoris; ille enim affligit, hic recreat; item quando odio habemus, non recurrimus ad eas negationes objecti: quis enim dixit, necessarium esse reflexè nobis negationem Petri proponi

ut bo-

ut bonam; quod si non fiat, non posse nos odio habere Petrum; Certè manifestè contrarium experimur; nam immediatè nobis Petrus ipse proponitur ut malus; imò si negatio illius deberet nobis proponi tunc ut bona, idèd formalissimè, quia Petrus prius propositus est ut malus; in hac autem primà propositione non potest recurri ad negationem Petri, aut ad bonitatem negationis; posità autem eà præcisà cognitione malitiæ, jam voluntas potest odio habere illud objectum; ergo illud odium formaliter non est amor bonitatis propositæ in carentiâ Petri. Hinc magis confirmatur quod in primâ conclusionem dixi, non omne odium esse volitionem etiam implicitam negationis: cum enim ibi non sit proposita per cognitionem negatio ulla, non potest ea nec implicitè amari, nisi valdè improprie: id quod ad questionem de nomine pertinebit, quatenus ratione alterius actus, qui ex eo potest inferri, & quo amari potest ea negatio Petri, primus dicitur implicitè amor negationis non actu, sed virtute. Id quod non gravabor admittere. Secundò probo conclusionem exemplo actuum intellectus. Certum enim est, in intellectu dari duos actus ex ipso positivo modo tendendi diversos; quorum unus sit affirmatio, alter negatio. Quando enim dico, Petrus v. g. non currit, non affirmo tunc expressè quidquam; non enim ille formaliter est idem cum hoc, Exiit negatio cursus: nam licet re ipsâ æquivalent sibi, maxima tamen est in formali constitutivo, imò tanta, ut hunc secundum actum tanquam aliquid de fictione habentem, quatenus apprehendere videtur negationem per modum entis positivi, DEO indignum ferè omnes judicent; & licet ego docuerim, probabilius esse, DEO non repugnare talem modum cognoscendi, certissimum tamen est, illum esse diversum ab altero, quo diceret, *Petrus currit*; ergo pari etiam ratione in voluntate diversus erit actus ille odii, qui dicit, *nolo hoc*, ab eo, qui diceret, *volo carentiam hujus objecti*: nec est major ratio, ut odium dicamus esse voluntatem carentiæ, quàm ut amorem dicamus esse volitionem carentiæ oppositæ objecto, quia tam notus est unus ac alter actus.

## XXVIII.

Non autem probamus primò sententiam Ludovici Vivis, qui offensionem radicatam supponit pro odio, quem refutat Scaliger Exerc. 316. Quanquam non videatur aliis ab odio abesse omnis offensio: Est enim, ut observant aliqui, contrarium amori odium. Ut igitur cum amore



conjunctum offensionis contrarium, ita ab odio non videtur aliena esse offensio. Et quæ causa tandem odio non habendi, quâ nihil occurrat, quod merito averferis, quod nullâ offensione animum & affectum alienet. Quod contra radicationem disputat Scaliger, nempe parum animum illico mendacem odisse; quod verò radicatur ex tempore non nasci, non adeo Vivem urgete volunt. Quia Odium, quo purus animus mendacem illico prosequitur, non natum sit ex tempore. Odit enim purus animus mendacium etiam ante, quam hunc vel illum mentiri novit: ad quem postmodum applicat odium, quod adversus mendacium ex lege DEI vel naturæ gessit ante. Secundo Philippi Melancthonis, qui iram inveteratam urget, quem Scaliger quoque impugnat. Sunt tamen quidam, quibus non sine ira odium videtur esse; quia nunquam sine offensione est: vix autem est, ut offensio absque ira sit. Ab offensione videtur esse ira, vel gradus quidam ejus, ab ira odium: quod, ubi consedit non nihil ira, tamen adhuc durat & stimulat animum, ut subinde recrudescat ira: quæ, durante odio, vix unquam penitus est extirpata. Tertiò Cartesii, qui ut Amor ipsi est commotio aliena producta motu spirituum, qui eam incitat ad se voluntate jungendum objectis, quæ ipsius convenientia videtur, ita Odium definit, quod sit Commotio producta à spiritibus, quæ animum ad id incitet, ut velit separari ab Objectis, quæ illi offeruntur ut noxia.

## XXIX.

Tertia Passio Appetitus concupiscibilis est Desiderium, quod alio nomine dicitur Cupiditas & Concupiscentia, atque describitur per Affectum Appetitus Concupiscentis; quo inclinatur animal in bonum absens sive futurum, vel quod æstimatur futurum. Scaliger Exerc. 317, sect. 2. vult dictum, quasi aliquid de sideribus petamus, & inclinationem dicit esse voluntatis ad habenda Bona, quibus caremus, aut ad exutienda mala, quibus premimur: sed in inferiori occupamur hinc facultate. Distinguitur ab Amore, quod necessario requirat bonum absens, & à Gaudio, quod de Bono possessio, nec non Abominatione, quæ dicit fugam à malo, quatenus imminet, cum desiderium referat prosecutionem objecti, & dividitur in naturale, quo appetuntur, quæ ad naturalem statum animalis faciunt, & non naturale, quod cum ratione conjunctum. Et quidem priores concupiscentias Aristoteles 1. Rhet. cap. 11. vocat irracionales, posteriores verò cum ratione; præterea in Efficax & ineffi-

efficax. Inefficax est, quo quis desiderat quidem habere aliud bonum, non tamen omnino resolutè, idè non applicat media, quæ ad illud consequendum efficacia judicat; quod ex duobus capitibus contingere potest: vel quia non est amplius in potestate intendentis; si enim esset, tunc ea adhiberet: ejusmodi autem desiderium dici solet efficax, quantum est ex parte intendentis, seu secundum se; per accidens verò inefficax; vel quia re ipsâ non adhibet media efficacia: nam licet sit in potestate operantis ea adhibere, pro sua tamen libertate id non vult, seu se ad id non determinat. Causas habet quas Amor: Effectus, lachrymas, suspiria, gemitus, anhelationem. Unde Doctores Effectus Desideriorum dicunt esse primò vexationem incredibilem eorum, qui desiderant. Secundò acueri industriam desiderantium, idèoque fastidiri, quæ in promptu sunt; in vèritate exardescere appetitum. Tertio unum desiderium ex alio pullulare, neque satiati appetitum adoptione rei desideratæ, quia caducum est & leve omne quod desideramus, nisi ad æterna & increata bona figatur desideriorum anchora.

## XXX.

Abominatio, quæ aliàs passio innominata dici solet, est Affectus Desiderio contrarius, quo fugimus Malum nondum præsens, ne id nos corripiat: Et ab aliquibus dicitur *timor*, ab aliis *fuga*, formaliter autem esse videtur desiderium quoddam, quod versatur circa rem malam, ut malam, & ex odio intrinsece nascitur, & patet, nam *contrariorum eadem est ratio*, sicut *quot modis dicitur unum, dicitur & aliud*: ergo sicut ex amore boni sequitur motus in bonum, ut sic, ita ex odio mali sequitur motus ex parte objecti contrarius alteri motui, qui ex amore sequitur: motus vero voluntatis est desiderium. Si queratur, quid desideret voluntas hoc motu. Respondetur primo, & præcipua re ipsa separari ab illo malo, & quia interdum satis est ad satiandum ipsum affectum odii, ideo simpliciter non est necesse aliquid aliud ex vi odii desiderare: si vero odium sit efficacissimum, & intensum, vel malum, quod odio habetur, non possit alter vitare nisi destruendo ipsum, hoc ipsum desiderari potest hoc actu, nam reuera hoc per se pertinet ad istam passionem, quamvis enim sit fuga, non tam id habet ex effectus modo, quam ex modo objecti, quia nimirum præcipua ratio ejus est appetere separationem, quod fieri solet fugiendo. An vero desiderare malum alteri possit sub alia ratione ad alias passiones pertinere alibi

disputatur. Quod vero D. Thomas 1.2. q. 46. art. 2. ad 6. ait hanc voluntatem pertinere ad odium, vel *causaliter* tantum intelligendum est, vel si intelligitur *formaliter*, ut ipse indicat, non satis intelligitur, quid sibi velit, & multo minus, quod Cajetanus commentatur, nam ponit hanc fugam, & desiderium in quibusdam actibus simplicibus, amorem vero, & odium in quadam complexione, quia dum amo, volo bonum alteri, dum odio habeo, volo malum, nam potius videtur contrario modo dicendum esse, ut ex dictis patet.

## XXXI.

**Delectatio est effectus appetitus sensitivi in Bono sensibili presenti acquiescens, aliis dicitur Lætitia vel Gaudium, quod definitur per affectum, quo bonum præsens & obtentum amplectimur, fovemus & tenemus, aliis dicitur complacentia appetitus circa Bonum objectum, vel actus circa Bonum amatum, ejusque objectum primum est Bonum præsens, secundarium verò à quibusdam Bonum præteritum & futurum, quatenus præsens quasi animo exhibetur, atque per hoc objectum differt gaudium à quocunque alio affectu, utpote ad quod tria sequuntur, possessio scil. & præsentia Boni sub ratione convenientis, conjuncti cum potentia possessionis, cognitio & amor illius Boni, quæ tria quoque habent rationem caluz. Effectus autem recensentur à Philosophis quinque: Primò, quod perficiat, & acuat operationem, de quo 10. Ethic. c. 4. & 5. ratio est, quia delectatio complementum quoddam est & terminus operationis: ergo formaliter reddit illam perfectiorem. Deinde suavitas stimulat operantem ad acrius & perfectius operandum. Sed observat tamen Philosophus 6. Ethic. c. 5. & 7. Eth. c. 11. quod delectatio maxime obstat cognitioni, quando est de operatione, quæ non est cognitio; quando enim delectatio est de cognitione ipsa, potius tam acuit, idè delectationes corporis hebetant intelligentiam; vim enim omnem ad se derivant. Secundus effectus delectationis est, quod pariat sitim & desiderium. *Qui bibet ex hac aqua, sitiet iterum.* Duplicem ob causam sic evenit. Prima est ex parte objecti delectabilis, si bonum illud de quo delectamur, imperfectum sit; cum enim illo non satietur appetitus, cujus capacitas infinita est, necesse est ut ille statim ad aliam inhiat voluptatem. Hujusmodi sunt creata omnia bona, quibus degustatis, tollitur statim omnis eorum æstimatio & sapor, nauseatque statim anima super cibo illo le-**

Vissimo. Secunda causa est ex parte possessionis, seu operationis, quod bonum delectabile nobis conjungitur; tamen enim illud sit perfectissimum, si tamen imperfecte tantum possideatur, imperfecta delectatio est. Hujusmodi est gaudium, quod hic habetur de DEO imperfecte cognito; per illud enim quis excitatur illum melius cognoscendi. Dicitur etiam sitim causare perfecta delectatio, eo quod tollat omne fastidium, quale solent habere illi, qui adhuc cupiunt. Hujusmodi enim est gaudium Beatorum in caelo, quod ita satiat, ut conjunctum tamen sit cum siti: *Qui bibunt me, adhuc sitient; & qui manducant me, adhuc esurient.* Tertius effectus est fastidium, quod delectationem quamlibet sequitur perceptam ex creatis bonis. Ratio est, quia delectatio quolibet conjunctum dolorem habet, unde causat displicentiam. Secundo bonum finitum capacitatem infinitam appetitus non implet, sed detinet aliquandiu & occupat; statim autem odium & fastidium sui parit. Aliam rationem addit Philosophus 7. Eth. in fine, petitam ex condicione naturali hominum, quae simplex non est, sed ex multis composita, unde amat veritatem & mutationem: si autem alicujus natura simplex sit, inquit, ei semper eadem actio erit jucundissima, ideo DEUS una semper, & simplici delectatione gaudet. Quartus effectus spectat ad corpus, gaudium enim cor dilatat; appetitus enim insidens cordi amplificatur, & grandescere quodammodo vult ad pleniorum objecti possessionem. Hinc etiam oritur, ut in oculis, totoque homine decorus quidam nitior appareat propter effusionem spirituum, ex qua etiam risus efficitur, & hilaritas ac rubor, propter moderatum calorem.

## XXXII.

Errare vero censemus illos, primo quosdam Scotistas, qui volunt, Gaudium esse putam passionem, aut etiam Qualitatem non vitalem, sed esse potius passionem; ita censuit Subril. 3. d. 15. q. 1. n. 8. 9. 10. & 11. maxime ad item ille 9. ubi palam ait illud, *quod inclinatur, recipere a perfectivo perfectionem, qua dicitur delectatio*: ecce delectationem receptam, non vero productam secundum Scotum; unde ibidem statim: *Qua quia non est in potestate passivi in praesentia agentis, dicitur passio, &c.* Si enim non sit actio, nihil relinquitur quod sit, nisi passio. Patere probatur ex eo, quod delectatio non sit in potestate sensus, nec sentientis, quantumvis liberi; ut vero si foret actio, esset in potestate agentis, ergo. Major experientia convincitur: sed quia dici potest ideo delectatio

delectationem non esse in potestate hominis, quia operatio jam elicta non est in potestate ejus, ostendere conantur Scotistæ delectationem & similia non eatenus esse necessaria quatenus actio producat necessarid recipitur; quia cessante actione non cessat delectatio vel dolor, nam qui passus est magnum damnum, v. g. mortem patris sui, etsi non cogitet de mortuo, & consequenter non habeat nolitionem actualem ejus, adhuc dolet, & est tristis, ergo jam hæc secundum illos non sunt necessaria necessitate solius actionis, sed necessitate sua, quæ est passionis. Deinde notant sæpe optare posse cæcercere læticiam, timorem, &c. nec tamen posse; adeoque manifestum esse ea non esse nobis libera; sed si essent actiones certissime essent libera, ergo signum esse censent, quod non agamus hæc, sed patiamur. Secundò, qui cum Guilielmo Occamo putant læticiam posse oriri, nullo præcedente amore, quia in appetitu sensitivo nullus actus sit medius inter objecti notitiam & delectationem, seu læticiam ejusmodi & in voluntate, & aliquis mutari possit, immediate de objecto, quod cognoscit jucundum, nec non adesse actionem, ex qua tamen delectationem nolens hauriat, ut exemplo virginis per vim compressæ constet. Primum enim supponit, in appetitu sensitivo non esse medium actum inter objecti notitiam & delectationem, secundum itidem petit principium, nempe posse aliquem immediate lætari de objecto, ut & tertium: nec exemplum virginis aliquid demonstrat, si enim delectetur virgo compressa, actu venereo non delectatur, absque omni amoris affectu. Tertiò, qui cum Barone volunt supervacuum esse resolvere & vix possibile, quid sit voluptas & delectatio. Cum enim objiceret sibi, quod Voluptatem vitaliter percipiamus. Vita autem non consistat in passione, imò si delectatio vera esset passio, mortuo inesse posse pressus difficultate agnovit non posse solvi hoc per omnia.

## XXXIII.

Agmen claudit Dolor, qui opponitur delectationi, quique alio nomine dicitur Tristitia, quanquam hæc non tam ad appetitum sensitivum, quam rationalem referatur. Describitur quod sit Affectus, quo appetitus sensitivus cum molestia malum jam præsens averlatur. Vel quod sit motus animæ motus ex perpeffione; quæ sit in corpore vel ex perceptione exterioris sensus, vel etiam interioris, ut est phantasia, in æternum dum tribuitur corpori, seu sensui externo secundum Augustinum,



non nisi causaliter illud erit intelligendum, quia causa doloris in corpore, seu externo sensu scilicet cum patimur aliquod motivum in corpore, cum tamen motus doloris semper sit in anima, quia corpus dolere non potest, nisi dolente anima, ostendente hoc Augustino lib. 12. super Genes. cap. 24. unde duplex dolor secundum Thomam. Alius enim causatur ab ipsa sensatione dissona seu lésione sensus externi, tactus, ut cum aliquis vulneratur; alius causatur à sola apprehensione interiori; ille absolute vocari solet dolor, hic vero proprie tristitia: qui duo dolores ita inter se comparantur, & ut per se & ex suo genere major & vehementior sit dolor internus, quam externus, ut docet S. Thomas hic q. 35. a. 7. Et quamvis ex suo genere & quasi materialiter omnis dolor quandam habeat oppositionem cum gaudio seu delectatione, formaliter tamen & secundum specificam rationem non item: ut docet idem S. Thomas hic q. 35. a. 3. & 3. part. q. 84. a. 9. ad 2. ubi addit: *Tristitiam & gaudium non compari sese mutuo quidem, ut sunt passionis in sensu, non solum ex eodem objecto, sed etiam ex diverso, ex parte motus cordis: quia gaudium est cum dilatatione cordis, tristitia verò cum distractione, &c. sed ut sunt motus voluntatis, non pugnant, inquit, inter se, nisi circa idem objectum, &c.* nisi quod summa delectatio de quovis objecto naturaliter excludit omnem dolorem & tristitiam, juxta Aristotelem 7. Eth. cap. ult. & 1. 10. c. 5. ut pluribus Vasquez hic disp. 16. num. 13. Objectum autem Doloris est vel remotum, e. g. malum præsens, vel id, quod sensui disconvenit, quale quid in tactu divisio continui, combustio & similia; vel proximum, quale quid perceptio, seu actio sensus percipientis objectum illud inconveniens. Causæ verò Doloris recensentur I. bonum amissum, vel malum conjunctum. II. Concupiscentia, si objecto obstaculo retardetur, ne quis concupitum adipiscatur. III. Naturalis appetitus unitatis ejus, in qua consistit perfectio naturæ, si quid huic unitati contrarium accidat, ut fit per incisionem continui, juxta Aristotelem 10. Ethic. c. 3. & Augustinum 3. de arbitr. c. 23. ubi ait: *Ex dolore, quem bestia sentiunt, satis apparet, in regendis animandisque suis corporibus, quam sint animæ appetentes unitatis. Quid enim est aliud dolor, nisi quidam sensus, divisionis vel corruptionis impatiens.* Sed hæc causa sub prima comprehenditur. IV. Causa doloris non objectiva, sed efficiens, est de natura boni c. 20. *In animo dolorem facit voluntas resistens potestati majori; in corpore dolorem facit sensus resistens corpori*

*potentiori. Resistentem intelligit repudiantem seu averfantem : Si enim non resisteret, sed cederet consentiendo, non sequeretur dolor, sed delectatio. De qua teplura S. Thomas q. 26. Effectus à quibusdam recenseri solent sequentes : Primò enim rectè dictum est à S. Bernharðo lib. de interiori domo, c. 52. tristitiam impedimentum esse omnis boni ; nam turbat & impedit omnem operationem rationis, & intelligentiæ, si fuerit immodica ; tunc enim, cum tristitia mentem occupat, nihil vel intelligere, vel rectè concipere potest animus, eo quod objectum doloris totam ad se trahat vim intelligendi, absumat spiritus, corpus aggravet. Deinde appetitum etiam totum occupat, trahitque ad se voluntatem, adeo ut nec placere possit virtus, neque rectum ullum consilium rectè suscipi, mente undique obfessa, fatigato appetitu, corpore debilitato. Sicut enim tinea vestimento, & vermis ligno, sic tristitia cordi nocet, ut habetur Proverb. 17. Secundò nocet etiam corpori, sit enim maximè contrahit, adeo ut aliquibus post mortem inventum sit cor non latius membranâ. Causat etiam sanguinis & spirituum contractionem ad Cor, & sic eos avocans ab instrumentis sensuum ; unde sequitur macies, & cissum exsiccatio, eo quod evocentur spiritus ad cor, quod cum illis gravetur, erumpunt suspiria, & sic cor levatur ; erumpunt etiam lachrymæ, quia cerebrum etiam contrahitur, videturque per eos quasi tubos ipse dolor quodammodo evaporare, ut ait Basiliius homilia de gratiarum actione. Denique qui dolent, societatem hominum fugiunt, amicorum solatia illis sunt molesta, nihil eis placet præter cogitationem rei, de qua dolent. Aliis Effectus doloris sunt primò, quod sæpenumero, si admodum intensus sit, aufert omnem addiscendi seu studendi voluntatem & facultatem ; ut suo exemplo ex dolore dentium testatur Augustinus lib. 1. Soliloquiorum c. 12. Secundus effectus doloris est, quod cum ex malo præsentis contingat, animum deprimat & aggravet, & quandoque etiam simul & corporis, & animi motum impediat, juxta illud 2. Corinth. 2. *Ne forte abundantiori tristitia absorbeat.* Tertius juxta Aristotelem 10. Ethic. cap. 4. Sicut Delectatio perficit operationem, ita è converso tristitia impedit ac debilitat. Quartus denique tristitia per se ac ex suo genere magis nocet corpori, quam ullæ aliæ animi passiones ; eo quod vitalem cordis motum ac influxum in cætera membra constringit & impedit ; cum è contrario passiones, quæ in prosecutione consistunt, eum motum ac influxum potius promoveant.*

Id quod etiam Scriptura sæpius indicat Proverb. 17. v. 22. *Animus gaudens eratem floridam facit; spiritus tristis exsiccat ossa.* Et Proverb. 25. v. 20. *Sicut tinea vestimento, & vermis ligno, ita tristitia viri nocet cordi.* Et Eccl. 38. v. 19. *A tristitia festinat mors, & cooperit virtutem, & tristitia cordis flectit cervicem.* Addit Thomas hic q. 37. a. 4. ad 3. ipsam etiam tristitiam quandoque auferre; sicut patet, inquit, in his, qui propter dolorem, in melancholiam, vel maniam incidunt.

## XXXIV.

Dissentiunt primò hic Doctores Pontificii in distinctione Doloris & Tristitiæ, inprimis circa verba Thomæ, de quibus Rodericus ab Arriaga pag. 332. sub sect. 1. scribens: Circa differentiam inter dolorem & tristitiam observat D. Thomas art. 2. illum dolorem, qui causatur ex apprehensione interiori, dici tristitiam; illum verò, qui præcisè causatur ex exteriori, dici dolorem sine addito. In qua doctrina eam ego difficultatem invenio, quòd omnino dolor videatur causari ex apprehensione interiori; ergo ea distinctio nulla est. Probo antecedens; nam dolor omnis (de quo hic agimus) est actus potentiz appetitivæ; atqui potentia appetitiva interior non regitur immediatè cognitione sensus communis (ut suppono ex libris de Anima) nec videtur Thomæ nomine potentiz interioris intelligere solam animam quæ rationalis; sic enim faciliè dici posset, dolores animæ rationalis quæ, tales, dicuntur tristitiam, dolores verò corporales retinere illud commune doloris. Non, inquam, in eo sensu agit D. Thomas; nam ibidem ad secundum expressè videtur ostendere, nomine potentiz interioris se intelligere vel sensum communem, vel animam rationalem, quod magis declarat art. 7. in corpore. Arbitror, D. Thomam non sic intelligendum, ut velit dicere, aliquem dolorem solùm dirigi cognitione externâ; id enim jam ostendi falsum: mens ergo illius est, quòd illi dolores, qui saltem mediatè causantur ex sensatione externâ, licet eam immediatè etiam percipiat sensus internus, non vocentur tristitia, sed dolor; tristitia verò vocentur, quando non est sensatio ulla exterior disconveniens, sed de objectis solâ interiori imaginatione propositis tristatur homo: sic non solet homo dici tristis, quando dolent illi vehementer dentes, v. g. aut patitur aliquam aliam corporalem afflictionem; tunc enim dicitur dolens, patiens; at quando ex apprehensione vel mortis amici vel alterius rei est afflctus, dicitur propriè tristis. Quod sufficiat pro

questione de voce. Secundo, singularis est Author Medelæ Animæ qui libr. 3. cap. 1. pag. 367. ita perorat: *Doloris objectis*, ut causis non nobismet ipsis *dolores* nostros universos imputamus, sed immerito. Objecti in actus voluntatis influxus *physicus* est. Nullum objectum voluntati *dolendi necessitatem* imponit. Voluntas est *αὐτεκίνητος*, movetur *αὐτῆς ἑαυτῆς*. & *ἡδυνάται* (inquit Simplicius in Epict. Ench. c. 1.) *ἑαυτὴν αὐτῆς τὴν αἰσθεῖν*, id est, *Voluntas extrinsecus moveri non potest*. Objecta acculamur. Quid ita? An quia *dolor*, nostræ voluntati ut origini ipsum imputando, augetur? An quia ipsum retinendo, ejus tamen causam objectis ascribendo, levatur? Si objecta ratione forent prædita, ad hunc modum suas instituerent vindicias: Nobis, ô homo, aliqualis in corpusculum, in reculam potestas concessa est; hanc nobis permittito. *Libertas* tua est, per ipsam extra & supra omnem nostram ditionem constitutus es; hanc Tibi permittimus. Nostra potestas cæcenda non est, quia Tu tuam non exerces; nec nostri domini limites ignores, nec Tuæ dignitatis obliviscaris. An aded vilis tibi *libertas*, ut eam rerum pessimiarum imperio subicere non pudeat? Nobis, nos pro actuum tuorum dominis & causis agnoscendo, non tam gratificaris, quam nobis *dolorem* tuum imputando calumniaris. *Libertas* rerum etiam tuo ipsius judicio vilissimarum prostibulum facta, nostrum opprobrium est. *Quamobrem non inconcinne* (meherculè) hæc super re hujusmodi ab Æsopo narratur Apolegus, quod scilicet, cum genitis à se Diis honores & munia singulis ascriberet Iuppiter, accessitque ad eum cum aliis etiam luctus, sibi que hujusmodi quippiam exposulasset, Iovem dixisse, hoc se illi concedere munus, ut solis scilicet iis, qui voluissent, & illum elegissent, semper adesset. Et profecto ita se res habet: principio enim unusquisque mæiores luctusque ad se advocat, & admittit, qua assuetudine postmodum, si neglecta fuerint, & tempore confirmata, ceu domestica animis familiarique jam effecta, haudquaquam faciliter inde dejici extrudique possunt. Nicolaus Leonicus de luto compescendo. Tertiò, non ita benè philosophatur Renatus des Cartes, qui in libro de passionibus parte secunda, art. 92. pag. 44. Tristitiam dicit esse Languorem ingratum, in quo consistat incommoditas, quæ obvenit animæ ex malo, aut defectu, quem impressiones cerebri ipsi repræsentet ut suum. An autem Dolor exterior sit major, quam interior, disputat Rodericus ab Arriaga pag. 333. sub sect. 2. Ratio du-

bitan-

bitandi est, quia habent inæquales causas: exteriores enim desumuntur ex his, quæ repugnant appetitui ipsi solum mediata, quatenus repugnant sensibus; at dolor interior desumitur ex his, quæ repugnant immediate ipsi appetitui. Deinde apprehensio imaginationis fortior est, quam apprehensio sensus; ergo dolor interior, qui sequitur apprehensionem interiorem, vehementior erit quam exterior, qui sequitur exteriorem. Confirmatur à posteriori, quia sæpè quis libenter sustinet dolores exteriores, ut evitet interiores. Ego in hoc discursu invenio in primis difficultatem, quam supra tetigi, quodd videatur D. Thomas supponere, dolorem exteriorem non dirigi apprehensione imaginativâ; id quod jam dixi falsum esse. Secundo, si loquamur propriè de imaginativa v.g. in bruto, aut in homine, quæ est animal, rarissimi dolores sunt in appetitu, qui non desumantur saltem indirectè ex sensibus; unde vix invenio dolores immediate contrarios appetitui; brutum enim vel quia læditur in aliquo sensu, vel quia læditur in aliquo sensu, vel quia aufertur ei aliquid, quo fruebatur per sensus, dolet; ergo ibi non habet locum ea differentia de oppositione immediatâ vel mediata cum ipso appetitu: si verò loquamur in homine, quæ rationalis est, tunc posset habere locum ex parte ea doctrina, licet adhuc universaliter non sit vera; quia etiam homo spiritualiter dolet, non solum de his, quæ sunt immediate contraria potentia volitiva, sed etiam soli animæ, sicut per imaginationem dolet de his, quæ sunt contraria corpori; deberet autem tunc reddi ratio, cur vehementius doleat de contrariis animæ, quam de contrariis corporis; & ibi dici posset, quia anima nobilior est corpore, & magis immediata seu intima sibi, quam sit ei corpus, quidquid tamen de hoc sit. Præterea dico, regulam generalem in hoc puncto assignari non posse; quia licet ex se, cæteris paribus, mala spiritualia sint majora, non tamen idè quodlibet spirituale est majus quolibet corporali. Certè cum amor pecuniæ ad potentiam spiritualem, quæ talem pertineat, juxta D. Thomam; non idè magis, quis dolet se amisisse decem florenos, quam si aduratur ei manus; quod pertinet ad materialem dolorem & externum: & idem dicam de ipso honore; non enim fugit fortius quis decrementum alicujus honoris, dummodò non reddatur nullo modo infamis, quam perpetuos dolores calculi, aut alios similes; ergo talis libentius fugiet eos cruciatu, quam eam carentiam, quæ pertinet ad interiores potentias rationales. Constat ergo in hoc puncto



non posse generalem regulam tradi. Alii verò ita pag. 440. Tristitia & dolor exterior est, qui oritur ex lésione corporis, adeoque repugnat appetitui propter corpus: Interior ab alio objecto excitatus, & per imaginationem vel rationem apprehensus repugnat appetitui sine respectu ad corpus. Hinc *affirmativa* quæstionis eligitur & probatur primò, quia interior dolor repugnat appetitui per se, exterior verò propter corpus. Atqui magis repugnat, quod per se, quàm quod per & propter aliud repugnat. Secundò, quia apprehensio rationis & imaginationis altior est, quàm apprehensio sensus tactus. Atqui dolor interior apprehenditur per rationem & imaginationem, exterior per sensum tactus. Tertiò, quia dolores exteriores, quandoque voluntariè suscipiuntur, ut evitentur interiores: adeoque illi per comparisonem appetitui interiori non repugnant, sed sunt quodammodo jucundi. Ut si quis suam affligat carnem, ut illibatam retineat mentis & conscientie tranquillitatem. Quartò, quia Ecclesiastici 25. v. 17. *Plaga cordis omni plagâ major dicitur: illa verò tristitia animi interior est.* Et graviter Chrysostomus Epist. 8. ad Olymp. *Tristitia animarum crudele tormentum est, dolor quidam inexplicabilis, & iudicium omni iudicio vindictæque deterius. Nam & vermi similis est venenato, non solum carnem, sed & animam ipsam perimens, & tinea non solum ad ossa, sed ad corda pertingens, & perpeius quidam carnifex, non animam dilacerans, sed vires anima consumens, & jugis nox & tenebra profunda, & tempestas & turbo, febris, & non apprens, omni igni validius incendens, & pugna requiem non habens.*

## XXXV.

Ad Appetitum irascibilem refertur primò Spes, quæ est passio appetitus irascentis, quâ animal fertur in Bonum absens, difficile & arduum, apprehensum tamen sub ratione possibilis. Dicitur passio appetitus irascibilis, scil. prout distinguitur à Spe infusa, & illa, quæ aliàs sedem suam habet in voluntate, unde etiam in Brutis deprehenditur; si enim canis videat leporem, inquit S. Thomas ibidem a. 3. *aut accipiter avem nimis distantem, non movetur ad ipsam; quasi non sperans se eam posse adipisci; si autem sit in propinquo, movetur quasi sub spe adipiscendi: difficultas tamen est, qua ratione animalia bruta apprehendant rationem futuri, quæ secundum Thomam in objecto spei includitur.* Ad hoc respondet S. Thomas ibidem ad 1. *quævis bruta animalia non cognoscant*

*scant futurum, tamen ex instinctu naturali moveri animal ad aliquid futurum, ac si futurum praevideret.* Sed quia obijci potest, hac ratione etiam lapidem, dum ad suum locum movetur, ad aliquid futurum moveri, ideo recentiores quidam respondent, bruta proprie & formaliter cognoscere futurum. Sed nec istud probatur; quia cum futurum ut futurum comparate dicatur ad praesens, non potest id formaliter cognosci, nisi per comparativam notitiam, quae brutis non convenit. Dicendum igitur, rationem futuri, in objecto spei inclusam, nihil aliud significare, quam absentiam ejusdem objecti, quam utique etiam bruta cognoscunt. In Bonum autem dicitur ferri absens arduum possibile: absens, quia quod actu possidet, non speratur, Spes enim desiderium quoddam est, & intentio finis. Arduum, quia Spes pertinet ad appetitum irascibilem, & per hoc differt à simplici desiderio, quod tendit in bonum absolute sumptum. Possibile, quod nimirum judicamus posse obtineri; nam quae judicamus non posse obtineri, non sperantur, sed de his desperatur. Quia verò bonum illud, quod speratur, superat vires ipsius sperantis, nec sine alterius auxilio est possibile, hinc fit ut spes saepe connotet auxilium alienum, tanquam aliquid necessarium ad possibilitatem objecti sperati, atque addò ut hoc auxilium sit unum ex objectis speratis. Hujusmodi est Spes Christiana, quae sic respicit DEUM remuneratorem, ut respiciat etiam auxiliatorem, id est omnipotentem & fidelem ad praestandum auxilium, quod promittit, sed indirectè tantum & secundariò id respicit. Tertiò, Spes est motus in bonum, quod aliquo modo apprehenditur futurum; non enim ad rationem spei satis est, ut possibile judicetur esse, id quod speratur, sed requiritur etiam, ut judicetur futurum. Nemo videlicet sperat, quod judicat se non adepturum; sed neque sperantur ea, quae judicantur infallibiliter futura; nemo v. g. sperat solem cras oriturum, sed ea, quae sub aliqua probabilissima opinione judicantur futura; ita tamen ut possint non esse futura. Addit Thomas futurum, cum non sufficiat ad rationem spei, ut possibile aestimetur id, quod speratur, sed requiratur etiam, ut judicetur futurum, cum nemo speret illa, quae judicat se non esse futurum. Unde Thomas quaest. 40. art. 4. Non enim est spes de praesenti jam habito. Et per hoc differt spes à gaudio, quod est de bono praesenti. Praeterea requiritur, quod sit aliquid arduum, cum difficultate adipiscibile: non enim aliquis dicitur aliquid sperare minimum, quod

quod statim est in sua potestate, ut habeat; & per hoc differt spes à desiderio vel cupiditate, quæ de bono futuro absolute, unde pertinet ad ad concupiscibilem, spes autem ad irascibilem. Insuper quod illud arduum sit possibile adipisci; non enim aliquis sperat id, quod omnino adipisci non potest; & secundum hoc differt spes à desperatione. Sic ergo patet, quod spes differt à desiderio, sicut differunt passionēs irascibilis à passionibus concupiscibilis; & propter hoc spes præsupponit desiderium, sicut & omnes passionēs irascibilis præsupponunt passionēs concupiscibilis. *Causa spei generatim sunt ea, quæ suppeditant facultatem ad bonum arduum assequendum, vel æstimare faciunt, posse bonum aliquo obtineri. Speciatim vero primo est Experientia confirmata boni sæpius obtenti, juxta Aristotel. 3. Eth. c. 8. ubi dicit: quosdam esse bonæ spei, propter ea multoties & multos videri. Et Vegetius lib. 1. de re militari: Nemo, inquit, facere nequit, quod se bene didicisse confidit. Secunda est bona de se ipso ac suis viribus existimatio. Tertia est in-  
 experientia impedimentorum & defectuum, itemque inconsideratio periculorum vel defectuum. Et propter has causas posteriores ab Aristotele 3. Ethic. cap. 8. Violenti & libro secundo, Rhetoric. capit. 12. Juvenes dicuntur bene sperantes: in quibus utrisque etiam hæc causa accedit, quod calore & spiritibus abundat, quibus cor quasi ampliat-  
 tur & laxatur, ut prompte & animose ad ardua tendat, ut docet Sanctus Thomas cit. quæstion. 40. articulo quinto & sexto. Sicut autem amor boni sperati causa est Spei, ita vicissim spes est causa amoris erga eum, à quo nos bonum aliquod consecuturos confidimus. Nec dubium, spem vel maxime conferre ad operationem; tum quia ex parte appetitus est quasi quoddam ejus principium; tum quia adjunctam habet delectationem, uti & omnes passionēs, quæ in prosecutione consi-  
 II sunt, ut recte notavit Thomas ibidem artic. 7. & 8. Effectus autem Spei præcipuus est, operationem expeditam reddere: quod facit excitando animi attentionem ad illam. Excitat autem attentionem tum proponendo bonum possibile, quod alligit ad se animum, tum causando delectationem per æstimationem boni possibili, quasi præsentis: delectatio autem trahit animum ad operandum. Effectus etiam Spei conveniunt cum effectibus amoris & desiderii. Deinde dicitur  
 II spes lenire omnes labores, unde in mediis carceribus dicit Apostolus, *Gloriamur in spe gloria filiorum DEI.* Præterea diligentiam ad operandum*

*dum incredibiliter acuit; unde Philo spem ait Antistitem & Edictum esse Palatii, quod inhabitant virtutes omnes.*

## XXXVI.

Non subscribimus primò quibusdam Scotistis, qui spem ex numero passionum expungunt, vel etiam illis, qui putant, illam potius referendam ad appetitum concupiscibilem, quam irascibilem, quos tamen Thomas melius erudire posset, scribens prima secundæ quæst. 23. artic. 1. Passiones respicere bonum vel malum absolute, vel sub ratione ardui: illud *concupiscibilis*, hoc *irascibilis* facultatis objectum esse. Cum igitur spes sit boni ardui, desiderium boni absolute dicti: palam utique esse illam esse *irascibilis*, hoc *concupiscibilis* facultatis: sequitur illum *Peregrinus*, qui ad *concupiscibilem* refert, gaudium, tristitiam, amorem, odium, &c. ad *irascibilem*, audaciam, timorem, spem, &c. Secundo, qui Brutis negant inesse spem, quicquid sit de ratione illius additâ à Thoma, unde etiam Rodericus ab Arriaga, quamvis vellicet illam, tamen concedit in illius sententiam, alia in medium productâ, p. 339. sect. 2. §. 9. usque 11. scribens: Nihilominus D. Thomas respondet, in Brutis esse spem; quod inde probat: Nam canis, & avis, quando videt leporem procul, ubi cum capere non potest, non movet se in sequendum illum; quando autem videt propè, illum insequitur; ergo quis sperat se posse illum consequi. Ad argumentum de futuritione respondet, DEUM, qui prævidet futura, infundere brutis instinctum, perinde ac si noscerent futura. Ego quidem conclusionem hanc veram judico, haud tamen puto sufficienter eo argumento probari; nam qui negare vellet brutis spem, responderet, brutum non idè in vicinum leporem moveri, & non in valde absentem, quia habeat spem, sed quia in uno casu species non excitant in illo sufficientem cognitionem ad appetendum eam insecutionem; excitant tamen, dum viciniorem videt; vel quia, quando videt propè, putat se assecuturum, non autem quando videt procul: hoc autem potest esse sine spe, quia (ut ipsemet D. Thomas docet, & paulò ante insinuavimus,) id quod certò putat quis se obtenturum, non sperat, potest autem optimè dici in brutis tunc excitari apprehensionem quasi certam, quòd sint obtinenda ea objecta. Quod item responderetur de instinctu à DEO immisso, magnam habet difficultatem; vel enim intelligit D. Thomas, DEUM illis veram cognitionem apprehensivam futuritionis infundere; & hoc non videtur esse verum: dare

enim brutis cognitiones per se infusas, est recurrere ad miracula sine  
 ullâ causâ; vel negat Divus Thomas tales cognitiones; & tunc, cum  
 brutum verè non habeat, nec à se, nec infusam à DEO cognitionem pro-  
 babilem futuritionis, si movetur in rem futuram quasi cæco & mortuo  
 modo, ut movetur lapis in centrum, quod non cognoscit, non potest  
 ullâ ratione sufficere ad salvandam rationem spei; ergo per instinctum  
 à D. Thomâ positum nullatenus satisficit difficultati. Conclusionem  
 ergo sic probarem: Quidquid ad spem requiritur, potest in brutis re-  
 periri, ut ostendam respondendo argumentis in contrarium; & aliun-  
 de non est, cur talis modis operandi dicatur excedere eorum capacita-  
 tem; imò experientia, quam D. Thomas affert, supposito, quòd aliun-  
 de non repugnet eis spes, valde probabiliter idem persuadet, etsi non  
 omnino evidenter, ergo. Jam per partes probo, in eis omnia, quæ ad  
 spem requiruntur, reperiri; nam in primis est cognitio boni. Secundò  
 absentis. Ubi adverte, quando ad spem dicitur necessaria cognitio rei  
 futuræ, non esse sermonem de futuritione verâ rei in se, sed de obje-  
 ctâ absentia respectu operantis; hanc autem absentiam nobilissimè cogno-  
 scunt bruta: nam hæc absentia consistit in eo, quòd objectum sit à se  
 distans; certum est autem, quòd bruta videant ubicationes rerum, &  
 distantias rerum à se, sive id fiat per ipsos oculos, ut probavi in libris de  
 animâ, & meo judicio evidenter, sive fiat per ipsum internum sensum;  
 ergo absentiam seu futuritionem, prout ad spem requiritur, sufficienter  
 cognoscant. Pro quo non est necessarium recurrere ad instinctus di-  
 vinos eis infusos. Dices, per hoc opponitur Augustino, qui lib. 9. de  
 Genesi ad literam cap. 14. ait bruta solis visis moveri. Respondeo, Di-  
 vum Augustinum eo loci nihil agere de hac quæstione; solùm enim do-  
 cet, bestiis ut adducerentur ad Adamum, non datum fuisse à DEO ali-  
 quod speciale mandatum, cui obedirent, sed Ministerio Angelorum  
 fuisse congregatas. Adde, nos solùm docere, bestias moveri objecto  
 viso, & distantia illius etiam visâ. Tertiò illis, quicum Gabriele Vas-  
 quezio, non tantùm dicunt, spem ad Desiderium addere credulitatem  
 eventus futuri, sed & necessarium esse, ut nitatur ope alienâ, cum alias  
 objectum non dici posset arduum; cum tamen ad spem, quemadmodum  
 ad desiderium, sufficiat judicium de possibilitate rei: ita ut probabile  
 æstimeretur bonum speratum, hâc & nunc omnibus spectatis posse à spe-  
 rante obtineri, secundum Socios, qui ipsum impugnant: præterea indi-  
 gent



gentia auxilii alieni non dicat ut sic rationem aliquam boni, imò multa speremus propriis viribus obrinenda, e.g. vincere hostem. Denique manifestè hoc adversetur ipsi Thomæ q. 40. art. 2. ad secundum, ubi hoc ipsum potius vult tribui Expectationi, quam spei.

## XXXVII.

Alter Affectus Appetitus irascibilis est Desperatio, quæ itidem est passio appetitus irascentis, quæ recedit animal ab appetitione futuri boni ob rei difficultatem apprehensam. Et non importat, ut Thomas observat, solam privationem spei, sed & quendam recessum à re desiderata propter æstimatam impossibilitatem adipiscendi, opponiturque spei secundum contrarietatem accessus & recessus respectu ejusdem termini, boni nimirum ardui.

## XXXVIII.

Objectum illius dicitur esse bonum impossibile, non tamen malum sub ratione mali. Etsi enim desperatio sit actus averfativus, qui versari non potest circa bonum ut bonum; versari tamen potest circa objectum materiale: objectum autem formale illius est impossibilitas, vel difficultas illius boni superans vires proprias; desperatio enim est propriè nolitio, & odium boni sub ratione impossibilis aut difficilis: bonum ergo, de quo desperamus, sæpe cupimus absolute, sed averfamur tamen illud ut impossibile, ac difficile. Sæpè tamen solum adest iudicium intellectus de impossibilitate boni, quæ non est desperatio, nisi accedat nolitio boni ut difficilis. Communiter enim dicitur, eum, qui certus esset de sua damnatione, non posse desperare, id est, non posse nolle beatitudinem, licet judicaret se nunquam illam assequuturum. Causa autem desperationis est Opinio quædam de rei difficultate concepta, quam sum animi contractio parit, tum hominum opinio sæpe adauget. Multa, quippe sunt, quæ quia difficillima judicantur, in desperationem adducunt, cum verò hujusmodi non sint, communi tamen opinione talia putentur. Erroneum est primo quod Almainus libro secundo Moral. cap. 3. Desperationem negavit actum esse appetitus, & putavit esse potius negationem actus spei, ortam ex cognitione difficultatis comparandi bonum

num amatum aut desideratum, adeoque statuit esse actum Intellectus circa bonum aliquod nunquam futurum; cum tamen consensu Doctorum Desperatio sit passio aliqua, & ut spes refertur ad appetitum, eo quoque spectare videatur. Secundò quod Theophilus Raymundus desperationem ponit formaliter in actuali quoque prosecutivo, cæteris sententiis magis communibus improbatis, cum tamen actus prosecutivus magis conveniat spei, quæ desperationi opposita, præterea illa fuga & recessus præsupponat quidem aliquem affectum prosecutivum circa bonum appetitum & amatum, sed tamen formaliter sit recessus, sive fuga ex deprehensione arduitatis vel impossibilitatis, quæ illam circumstat. Tertio quod quidam Scotistæ & Nominales plerique asserunt, malum ut malum posse appeti, de quo Hugo Cavellus Disp. 2. de Anima sect. 3. Faber, Heribarne, Vulpes, & alii.

## XXXIX.

Spei incertæ & vanæ anteambulatrices sunt Temeritas & Scultidia. Comites, Sollicitudines & Cura: Pedissequæ, Infelicitas & Frustratio, quæ omnia uno quasi fasciculo complexus est Plato, qui *specem vigilantium somnium esse dicebat*, *Ælian. lib. 13. variar. histor. His ipsis sacra quoque suffragantur. Psal. 146. Nolite confidere in Principibus, in filiis hominum, in quibus non est salus. Jerem. 17. Maledictus, qui confidit in homine, & ponit brachium suum in carnem. Cicer. lib. 3. de Oratore: O fallacem hominum specem, fragilemque fortunam, & inanes nostras contentiones, quæ in medio spacio sæpe franguntur, & corrunt, & ante in ipso portu obruuntur, quàm portum conspiciere potuerint.*

## XL.

Tertius Affectus est Timor sive Metus, qui dicitur Passio appetitus irascentis ex opinione Mali futuri difficilis & nocivi orta. Inveniuntur tamen, qui cum Scaligero distinguunt Metum à Timore, formidine, pavor, quod scilicet Timor sit Expectatio censuræ eorum, qui in dignitate constituti sunt *τοῦ τοῦ τιμῶν*, unde *τῆς τιμῶν*. Formido à formis, hoc est, à spectris, ita dicatur, quod foras hinc animi motus feratur. Varr. lib. 5. de Ling. Lat. Pavor, seu percussio, cum animus quasi verberatus imminentis mali opinione: à Græco *παῖος*, hoc est, pavere, cedere, percutere & percellere. Hujus summum fastigium est *Confernatio*, quoties ex percussione concidimus, & spe & consiliis abiectis.

jectis. Atrocior tamen exanimatio, quæ omnem vim animi adimit, seu omnem sapientiam ex animo expectorat. Differt ab Odio ex eo, quod Metus aversetur Malum futurum, à Fuga simplici, quod Metus respiciat Malum arduum proxime imminens, à Tristitia, quod Timor aversetur Malum, quod ægrè potest evitari. Objectum illius dicitur esse Malum arduum, futurum, seu imminens: Passio appetitus irascibilis est Timor; qui cum circa malum arduum ac evitatu difficile versetur, non sine quadam anxietate animi, & contractione cordis, juxta Damascenum lib. 3. fidei cap. 23. propriissimè etiam passionis rationem habet, ut docet Thomas quæst. 41. a. 1. Est autem timor, efficax fuga mali ardui futuri seu imminētis, ut colligitur ex eodem Thoma a. 2. ibidem: *Sicut enim, inquit, objectum spei est bonum futurum arduum, possibile adipisci; ita objectum timoris est malum futurum difficile, cui resisti non potest.* Sed hoc intelligendum, juxta explicationem, quam Thomas ibidem adhibet. Ad 3. de quadam difficultate vel arduitate, ut ei resisti vix possit. Si enim opinione ipsius operantis, ei malo resisti non posset, jam non posset esse fuga efficax ejusdem mali, quia non possumus efficaciter fugere, seu quod reipsa tantundem est, velle evitare malum, quod scimus à nobis vitari non posse. Timor opponitur Spei, non quidem secundum accessum vel recessum ab eo objecto, sed secundum contrarietatem objectorum, scilicet boni & mali, ut docet S. Thomas quæst. 40. a. 4. ad 1. Et quamvis timor per se ac directè versetur circa malum, ut dictum, indirectè tamen & per accidens, respicit etiam bonum, quod sua virtute potest infligere malum. Et per hunc modum, inquit Thomas quæst. 42. a. 1. *DEVS timetur ab homine, in quantum potest infligere malum, vel spirituale vel corporale. Et per hunc etiam modum timetur potestas alicujus hominis, maximè quando est laesa, vel quando est injusta; quia hic in promptu habet nocumentum inferre.* Ita etiam timetur, super alium esse (ut loquitur Aristoteles 2. Rhetor. 5.) id est, imitari alij; ut scilicet in ejus potestate sit constitutum, nobis nocumentum inferre. Sicut ille, qui est confcius criminis, timetur ne crimen revelet. Causas Timoris aliqui ponunt duas: quibus causa timoris primò est amor boni, cui opponitur malum, quod timemus; juxta Augustinum lib. 83. quæst. 33. ubi ait: *Nulli dubium est. non aliam esse metuendi causam, nisi ne id, quod amamus, aut adeptum amittamus, aut non adipisci amur speratum.* Secunda causa timoris, est defectus virtutis, seu imbecillitas timentis. Quia contrarietatem

contraria sunt causa. Ergo sicut divitiæ, & robur, & multitudo amicorum, & potestas excludunt timorem, juxta Aristotelem 1. Rhetor. cap. 3. ita ex horum defectu necesse est effici timorem. Alii quatuor, nempe Amorem Boni, Malum imminens, frigidiorē corporis Temperiem, & occultam sæpe quandam inimicitiam. Quidam septem, quibus prima, & principalior est malum futurum, & probabiliter saltem imminens. Vocat hujusmodi mala Philosophus terribilia; ea scilicet, quæ magnos dolores, aut corruptiones inducunt: imò signa illorum terribilia sunt & timentur, ut inimicitia & ira potentium; nam cum non lateat velle ac posse ipsos, propè ad jam faciendum sunt. Item Injustitia vires habens. Similiter in potestate alterius esse, timorem infert, quam obrem conscii aliquid quempiam fecisse, timentur, ne aut dicant, aut deferant. Potentes illis terribiles sunt, qui possunt injuriis affici, homines enim ut plurimum, cum possunt, inferunt injuriam. Timentur quoque, qui passi sunt injuriam, aut pati se putant; semper enim expectant opportunitatem. Qui item injuriam intulerunt, terribiles sunt; timent enim, ne par referatur: ad hæc, qui de iisdem certant, cum utrisque simul eadem esse non possint. Ex affectis injuriæ non timentur ii, qui sunt acutæ iræ, ac minaces, sed tranquilli, & dissimulatores. Cuncta verò, quæ timeantur, terribiliora sunt, si cum erraverint, corrigi non possint. Denique terribilia sunt ea, quæ quoties in alios fiunt aut imminēt, sunt miserabilia. Secunda causa timoris est amor; res enim est solliciti plena timoris amor, quia qui amat, displicere metuit dilecto, vel etiam timet jacturam rei amate. Tertia defectus potestatis ad resistendum potentioribus. Quarta, mala conscientia. Magna enim, inquit Tullius, vis est conscientia, ut neque timeant, qui nihil commiserunt; & penam semper ante oculos versari putent, qui peccaverunt. Quinta cognitio periculi præsentis; sic enim noctambuli si subito excitentur, turbantur, & sæpe pereunt. Sexta vehemens desiderium alicujus boni, quod magni fit. Septima frigiditas sanguinis cum magna copia atræ bilis; qui enim habent hujusmodi temperamentum, ii vehementer sunt timidi. Effectus iidem varii recensentur. Primum contractio caloris & spirituum ad interiora; juxta Damascenum lib. 3. fidei, cap. 23. secus tamen quam in iratis accidit. Nam in iratis propter calorem & subtilitatem spirituum, quæ proveniunt ex appetitu vindictæ, interius fit spirituum motus ab inferioribus ad superiora; & ideo congregantur spiritus & calor circa cor ex quo



magis à corde fugiunt ; & propter hoc timentes non promptè invadunt, sed magis refugiant. Ita Thomas quæst. 44. artic. 1. ex Aristotele Problem. sect. 27. num. 3. & 5. Eademque de causa, quod intimentibus calor ex quo sequitur, quod irati redduntur prompti & audaces ad invadendum. Sed in timentibus, propter frigiditatem ingrossantem, spiritus moventur à superioribus ad inferiora : quæ quidem frigiditas concipit ex imaginatione defectus virtutis ; & ideo non multiplicatur calor, & spiritus cor, sed for interior, ac spiritus à corde moventur ad inferiora, timor adversatur formationi vocis, quæ fit per missionem spirituum ad superiora per os ; cum è contrario dolentes vix à clamore se contineant ; quia multiplicatis spiritibus introrsum, & calore, &c. ad repellendum nocivum, necesse est, ut emittantur per vocem, ut ex eodem Aristotele Problem. sect. 27. n. 9. notavit Thomas ibidem ad 2. Diversa quoad hoc est ratio verecundia, quæ faciei ruborem inducit, quia cum exterius de malo arguitimeat is, qui verecundatur, hinc natura quasi auxilio futura, contra malum ejusmodi ab imaginatione conceptum, spiritum & calorem ad exteriora diffundit ; ita ut quia malum, quod timet verecundia, non opponitur naturæ, sed solum appetitui animali, ideo solum contradictio quedam sequatur, secundum ipsum appetitum, non autem secundum naturam corporalem, ut ait Thomas ibidem ad 3. post Aristotelem 4. Ethic. c. ult. Secundò timor facit consiliativos, juxta Aristotelem 2. Rhetoric. cap. 5. non quod ipsam facultatem bene consultandi perficiat, cum ex se potius impediat ; sed quia in re ardua impellit voluntatem ad curam & sollicitudinem bene consultandi, ut docet Thomas quæst. 44. art. 2. Tertiò timorem sequitur tremor, pallor dentium strepitus ; ut ait Cicero libro 4. Tusculanarum quæst. Ratio est ; quia propter contractionem spirituum & caloris, exteriora frigida remanent ; quo fit, ut ex debilitate virtutis continens membra, ob defectum caloris orta, accidat tremor ; maxime verò cordis & membrorum, quæ habent aliquant connexionem ad pectus, ubi est cor. Unde timentes maxime (etiam) tremunt in voce propter vicinitatem vocalis arteriæ ad cor ; tremunt etiam labium inferius, & tota inferior mandibula propter contuminitatem ad cor. Unde & strepitus dentium sequitur ; & eadem ratione brachia & manus tremunt. Vel etiam quia hujusmodi sunt magis mobilia ; propter quod & genua tremunt timentibus, secundum illud Isaia 35. Confortate manus dissolutas, & genua tremencia roborate. E contrario quia per timorem calore ab exterioribus



erubescencia, verecundia, admiratio, (improprie sic dicta) stupor, & agonia; quas declarat Thomas quaest. 41. a. 4.

## XLII.

Discedunt à nobis primò, qui cum Barone censent, timorem aut nullatenus aut difficillimè explicari posse, cujus sunt sequentia: Aristoteles refert antiquorum definitionem, quod sit: *Expectatio malorum*; sed malam, quia falsam: non enim timere est expectare, sed oppositum ejus: expectatio siquidem est spes, quæ non versatur circa mala. Unde carpitur & merito Virgilius, quod cecinerit

*Tantum potuit sperare dolorem.*

Ipsæ autem Arist. aggressus explicationem, definivit timorem esse ex imaginatione futuri mali corruptivi, aut dolorem inferentis perturbationem aut dolorem. Nec tamen videtur satisfacisse; quia perturbatio videtur ad intellectum pertinere, timor autem ad affectum: vel si de affectu loquatur, tum non explicat definitum, sed effectum ejus. Itaque existimo non solum difficile, sed supervacaneum esse cudere definitionem hujus, propter jam dicta, si tamen lector fortasse proterviat, ut aliquam necessariò audire velit, dicatur timor esse impulsus appetitus, quo ab imminente malo avertitur. Explicabo ipsam breviter per partes, & tum resolvam alias difficultates. Dixi esse impulsus, quia hoc significat affectum pati ab extrinseco. Dixi esse aversionis, quia si sit conversionis, erit quasi spes. Volui malum esse imminens, quia si sit procul, non generat timorem, quod probat quispiam cum Aristotele citato, eo quod omnes sciunt se morituros, verum quoniam non prope, idcirco non curant. Sed (venia illius) non videtur ratio sufficere probationi, nam quod mors non timeatur, est alia causa, scilicet inevitabilitas illius, quia vitari non potest, & ita non timorem, sed tristitiam causat, timor enim est permixtus spei; at nulla est spes evadendi mortem. Secundò, qui putant non esse simplicem passionem, sed affectum compositum ex spe, quos tamen ipsi socii refutant, quia motus contrarii non possunt se componere, qualis scil. sint spes & timor. Tertio, qui statuunt Objectum Metus esse bonum, quia timeamus DEUM, potestates superiores, cum tamen timor DEI in fidelibus non sit Passio Appetitus sensitivi, nec metuatur potestas superior quàm talis, sed qua armata gladio, & malum quoddam pœnale transgressoribus Legum infert. Ita Author Animæ Medelæ: Ut malum existens, non est doloris (prout supra proba-

tum est, ) ita nec futurum, timoris causa est; præsertim cum quæ non sunt, innoxia sint, & quæ non existunt, haudquaquam damnum inferre queant: verum opiniones nostræ sunt illæ procellæ, quibus mens agitur. An credimus mala futura, ut perturbationis nostræ avidæ, sed imbecilliora, quàm quæ ipsam excitare possint, opiniones quasi metæde conductas præmittere, quæ animum ante ipsorum adventum perturbarent; quod nos, utpote jam præparati perturbatione timoris, ipsis adventantibus faciliùs & graviùs læderemur? Opiniones quidem sunt tantum idola, imagines seu simulachra objectorum; sed DEUS bone! quot & quantas tragedias excitant hæc simulachra? Opiniones de malo futuro, sunt מַחֲשָׁבִים id est, & simulachra & terricula,

*Verum ubi vehementi magis est commota metumens;  
Consentire animam totam per membra videmus:  
Sudores itaque, & pallorem existere toto  
Corpore, & infringi linguam, vocemque aboriri:  
Caligare oculos, sonare auris, succidere artus.  
Denique concidere ex animi terrore videmus  
Sæpe homines. — — Lucr. 3.*

Ex quibus, quanta sit mentis, quam timor occupavit, tumultuatio, seu perturbatio, constat. Denique Franciscus Suarez, qui Disp. 1. sc. 11. in fine scribit: Spem esse Motum, quo prosequimur Bonum, & ideo certitudinem Boni futuri, non solum non impedire, sed firmare illam, Timorem verò esse fugam mali, & ideo si hæc fuga apprehendatur, ut impossibilis, obrui quasi timorem: quem castigat Rodericus ab Arriaga, scribens: Hæc doctrina mihi nullo modo placet; & in primis D. Thomas (ut vidimus) passim docet, necessariam esse ad spem aliquam dubitationem de futuritione. Secundò, disparitas assignata non videtur esse ullo modo sufficiens: nam illæ voces firmat & obruitur, vel supponunt id, quod P. Suarez deberet probare, vel certè nihil dicunt. Nos enim dicimus, eam certitudinem tollere potiùs quàm firmare spem: sicut timor obruitur seu tollitur per certitudinem mali. Deinde sicut timor est fuga, ita spes est accessus; ergo sicut fuga impeditur, quando judicatur impossibilis; ita accessus impeditur, quando judicatur jam certò illud bonum meum. Adde, fugam illam, quæ in timore includitur, non esse nisi odium seu displicentiam in eo objecto: hæc autem displicentia hand dubiè habet locum etiam, quando est certitudo; imò tunc vide-

videtur esse major. Quòd si ideò dicatur, præter eam displicentiam debere esse voluntatem adhibendi media, quæ sunt in potestate operantis, ne veniat illud malum, hanc autem voluntatem non habere locum, quando impossibilis est fuga; eodem modo dicam, quando jam aliunde mihi constat, me obtenturum bonum illud, non esse locum pro adhibendis novis mediis, quibus rem illam obtineam: præterquam quòd jam ostendi, non esse necessarium, ut in spe includatur voluntas efficax boni, neque è contrario in timore includatur voluntas inefficax fugiendi; quia sæpè, ut ostendimus, sperantur bona, quæ non sunt in potestate sperantis, & è contrario timentur mala, quæ etiam non sunt in potestate ejusdem; tunc autem nec timor, nec spes possunt includere voluntatem simpliciter efficacem, quia de re, quæ non est in mea potestate, non possum ego habere voluntatem efficacem simpliciter. Dixi suprà simpliciter efficacem, quia efficacem, quantum est ex mea potestate, haud dubiè possum habere; in hoc autem sensu etiam de re, quam jam non possum fugere, possum habere voluntatem, quantum est ex mea voluntate, efficacem eam vitandi; ergo etiam ex eo capite posset esse timor, nisi ad hunc requireretur ea incertitudo, sicut ad spem. Constat ergo, eandem esse de utroque actu rationem quoad punctum probabilitatis, tam in vitando malo, quàm in amittendo bono; licet fortè ad timorem requiratur minor probabilitas de evasione, ad spem verò sufficiat probabilitas etiam major de acquirendo; licet hoc ipsum meritiò in dubium revocari posset: & denique, ut uno verbo concludam, dico, & in timore spem, & in spe timorem includi, modò supra explicato.

## XLIII.

Quartus Affectus Appetitus irascibilis est Audacia, quæ talis Passio appetitus irascentis, quæ adversus malum imminens difficile, quod tamen propulsari potest, se armat, vel Motus appetitus sensitivi, quo fertur in Bonum, ita ut Malum imminens, & pericula negligat. Differt à spe, quod hæc versetur circa finem immediatè, ut quidam observant, audacia verò circa Executionem Mediorum difficilium, in quibus est periculum. Objectum ejus materiale est Malum vel periculum imminens, formale est illud, prout obtinet rationem Medii, quod obtinendæ rei speratæ est accommodatum, sub qua formalitate induit conditionem Boni. Supponit enim & consequitur audacia spem, juxta Aristotelem 3. Ethic. c. 8. Ex hoc enim, quod aliquis sperat superare terribile imminens,

Q

dens,

mens, ex hoc audacter insequitur ipsum : sicut è contrario ad timorem insequitur desperatio : ideo enim aliquis desperat, quia timer diffinitatem, quæ est circa bonum sperandum. Sicut tamen ex timore non semper sequitur desperatio, sed quando fuerit intensus ; ita ex spe non semper sequitur audacia, sed quando fuerit vehemens. Ita Thomas 2. 2. in corpore & ad 2. Proinde quæcunque apta sunt *causare spem, vel concludere timorem, etiam causa sunt audacia*, juxta Aristotelem 2. Rhetoric. cap. 5. Speciatim verò ex parte dispositionis ipsius corporis, *causatur audacia, per provocationem spei, & exclusionem timoris, ex his, quæ faciunt caliditatem circa cor.* Quare Aristoteles lib. 3. de part. animal. cap. 4. docet : Eos, qui habent parvum cor secundum quantitatem, esse audaciores ; è contrario animalia habentia magnum cor, esse timida ; quia calor naturalis non tantum potest calefacere magnum cor, sicut parvum : sicut ignis non tantum potest calefacere magnam domum, sicut parvam. Adeoque causas habet, quas Spes : referunt tamen inter illas quidam, abundantiam caloris in corde, quidam plures recensent ex Philosopho lib. 2. Rhetor. cap. 5. & volunt, illos esse maxime audaces, primò, qui rectè se habent erga divina, quia certò sibi pollicentur DEI auxilium, per quod superare possint difficultates. Secundò dicunt, illos, qui acceperunt injuriam, esse maxime audaces, quia communis persuasio, DEUM iis opitulari, qui affecti sunt injuriâ. Tertiò illos, qui sæpè subierunt pericula, & evaserunt. Duplicitè enim audaces fieri solent homines ; aut quòd experti non sint, aut quòd auxilium habeant. Quartò, si terribile illud periculum non sit à potentioribus, sed à paribus, aut minoribus, & quibus meliores se esse putant. Quintò, si plura & majora sibi putant inesse, quibus cum excedant, timendi sunt ; ea sunt pecuniz, magnitudo, vires. Sextò, si neminem injuriis affecerunt, aut non multos, aut non ejusmodi, quos metuerent. Nam ex ea parte, qua cum desiderio communicat, ejusdem rationis causas habet, nam quidquid desiderium auget, quantum in se est, auget audaciam, & similiter auget estimationem boni ; propter quod subeundum est periculum : quia vero audacia versatur in malo, quidquid minuit estimationem mali, vel periculi, audaciam confert, & tribuit potestatem, aut robur ad superandum illud malum : & hoc modo divitiz, vel amicorum auxilia augent audaciam. Unde Aristoteles 2. Ethicor. cap. 5. dixit audaciores esse, qui melius se habent ad divina, quia paratiorum DEI

protectionem sibi pollicentur, & eos, qui passi sunt injusta eadem ratione audaciores esse, quia sperant DEI favorem affuturum, præter hæc experientia auget audaciam, quamvis nonnunquam minuat, nam in experti temere aggrediuntur pericula, experti prudentius, & constantius. Effectus etiam sunt ejusdem rationis cum supradictis de desiderio, & spe, commotio cordis, & delectatio, &c. quia in hac passione confortatur appetitus ad vincendum malum, calor etiam, & spiritus revocantur ad cor, & tunc solent exteriores partes fugere: hinc etiam sanguineus humor, & cholericus, spirituumque abundantia conferunt audaciam. Et Aristoteles Problemate 4. sect. 27. dicit, habentes magnum pulmonem esse audaciores, quia spiritibus, & sanguine abundant, & ex eadem radice provenire (inquit) homines vino deditos esse audaces.

## XLIV.

Difficultatem movent hæc primò illi, qui audaciam deducunt ex desperatione, & illud Curtii ingeminant: Desperatio magnum ad hominem moriendum incitamentum. Secundò illi, qui audaciam negant esse contrarium Metui, quia illi opponatur Spes. Denique terriò, qui volunt in Christo fuisse sanguineum sudorem ab audacia, de quo Lucæ 22. v. 44. *Et factus est sudor ejus, sicut gutta sanguinis decurrens in terram.* Et à causa deducunt naturali, consensu Theologorum Pontificiorum, quos allegat Theophilus Raynaudus, Philosoph. Moral. dict. 3. q. 4. artic. 2. num. 383. In primis verò de sudore Christi sanguineo prolixè ex professo Franciscus Collus, Doctor Mediolanensis, de sanguine Christi lib. 3. disput. 3. 4. 5. 6. 7. 8. ubi disputationis 5. cap. 3. rationib. 5. demonstrat sudorem hunc naturalem fuisse: & contrarias rationes cap. 43. solvere conatur. Quomodo autem illud, quod audaces sint alacriores in principio, quam in fine, sit accipiendum, multis explicat Rodericus ab Arriaga sect. 3. p. 352. & primò concludit: Quodcumque in ipsis periculis homini proponitur difficilius victoria, quam antea crediderat, per se loquendo, semper redditur minus promptus, quam fuerat in initio; & hoc solumputo D. Thomam intendisse. Ratio est manifesta; nam tunc spes evadendi minuitur: diximus autem audaciam foveri spe; in hoc enim contradistinximus supra audaces à desperatis, quòd hi pericula aggrediuntur, quia non curant mortem vel vitam; illi verò eadem aggrediuntur, quia sperant se victores evasuros, non aggressuri alioquin: ergo ea omnia, quæ spem vel omnino, vel ex parte tollunt, tollunt etiam audaciam.



audaciam proportionaliter ; ergo ea experientia , quæ in periculis facit apparere difficiliorem victoriam , facit , ut audax sit minus promptus ; hoc autem sæpè contingere , nemo dubitabit. Secundò concludit : Quando è contrario in ipsis periculis homo experitur se victorem evadere , augetur communiter audacia & promptitudo ; & quidem sæpè etiam id verum est , licet pericula appareant majora quàm antea ; & hæc est ratio , cur in exemplis paulò ante allatis multi ipsâ consuetudine reddantur audaciores , & minus timidi , quia scilicet experiuntur se feliciter evasisse. Dixi sæpè , *licet appareant pericula majora* ; nam sæpè contingit , ut licet majus appareat periculum , homo tamen experiatur in se etiam tunc majores vires ad illud vincendum , & ex hoc capite magis sperat victoriam ; ergo est promptior.

## XLV.

Quintus Affectus Appetitus est Ira , quæ est Passio Appetitus irascens circa Malum jam præsens , in quantum cum aliqua difficultate illius est repellendum. Differt ab Odio , Inimicitia & simplici desiderio ; Ab odio hujus , primò quòd ira licet occasionemumat ab ipso damno illato , velitque alteri damnum , sicuti odium inimicitiz ; peculiari tamen quodam modo velit illud malum sub formalitate compensationis & vindictæ ; non autem odium inimicitiz , cujus aliquam veluti particulam esse iram , docet Philosophus lib. 5. Polit. cap. 10. Quia odium est generalius , quàm ira ; imò si durat ira , degenerat in odium. Præterea , inquit idem Philosophus , odium magis ratione utitur quàm ira ; nam ira cum dolore fit , ideò non faciliè ratione utitur ; odium verò lentius est , cum sit sine dolore. Deinde ira semper aliquid respicit singulare , non autem odium ; nam omnes & furem oderunt , & calumniatorem. Odium versatur circa malum , ira respicit bonum : odium est sine dolore , ira prævium dolorem supponit , & ex eo nascitur ; ob eum enim reponere vult vindictam , & quasi dolorem dolore compensare. Ideo etiam ipsa dulcissima est , & ut notat Philosophus , defluente melle dulcior in virorum pectoribus gliscit. Ex amaro igitur oritur suavitas , quia gratum est consequi , quod exoptas ; idcirco etiam immoramur in cogitatione ulciscendi ; quæ imaginatio , inquit , voluptatem similem ei facit , quæ in somnis accidit. A desiderio differt , quia desiderium non supponit necessariò dolorem ; ita tamen supponit : unde non quicumque vindictam experit , irascitur , sed quicumque irascitur ob dolorem ; nam etiam ira desiderium quod-

quoddam est. Objectum illius materiale est malum illatum, formale verò ratio boni, quo ira percitus delectatur. Quicumque enim irascitur, querit vindicari de aliquo: & sic motus iræ tendit in duo, scilicet in ipsam vindictam, quam appetit & sperat, sicut quoddam bonum, unde & de ipsa delectatur; tendit etiam in illum de quo querit vindictam, sicut in contrarium & nocivum; quod pertinet ad rationem mali. *Quo fit, ut cum ira respiciat unum objectum, secundum rationem boni, scilicet vindictam, quam appetit, & aliud secundum rationem mali, scilicet hominem nocivum, de quo vult vindicari, idcirco passio ira quodammodo composita ex contrariis passionibus.* Causa hæc ex parte objecti semper est aliquid *factum contra ipsum qui irascitur*, ut ait S. Thomas quæst. 47. a. 1. Intelligendum verò, siue malum id re ipsa sit perfectum, siue attentatum: sæpe enim, & homines & bruta irascuntur, suæ defensionis causa, etiam cum malum re ipsa nondum illatum, sed solum intentatum est: nisi quis ipsam intentionem mali malum aliquod esse dixerit. Id verò quod *contra aliquem factum iram* potest conciliare, reducit ad *parvi pensionem*, juxta Aristotelem 2. Rhetoric. cap. 2. qui ait: *iram esse appetitum cum tristitia punitiois, propter apparentem parvi pensionem, non convenienter factam.* Qui etiam 2. Rhetoric. cap. 2. tres species parvipensionis commemorat, scilicet *despectum, epiriasimum*, id est, impedimentum voluntatis implendæ, & *contumeliationem*. Et ad hæc tria, inquit S. Thomas q. 47. art. 2. *Omnia motiva ira reducuntur*, speciatim illa, quæ etiam refert Aristoteles 2. Rhetoric. cap. 2. nimirum *oblivio, exultatio in infortuniis, denuntiatio malorum, impedimentum consequenda propriæ voluntatis*. Et denique quodcumque nocumentum nobis inferatur (siue intetur) in quantum excellentiæ derogat, videtur ad parvipensionem pertinere; siquidem ex omnibus bonis nostris aliquam excellentiam querimus, inquit S. Thomas ibidem. Ob quam etiam causam, secundum Aristotelem 2. Rhet. c. 3. homines non irascuntur, *si putaverint, se ab iis, qui laeserunt, esse juxte passos*. Item si putemus, aliquos vel per ignorantiam, vel ex passione nobis *incurisse injuriam, vel non irascimur contra eos, vel minus irascimur*, ut ex eodem Aristotele 2. Rhet. c. 3. notavit S. Thomas cit. a. 2. Intelligenda vero est hæc parvipensionis causa proprie de hominibus; bruta enim nec honoris rationem, nec excellentiam, nisi materialiter cognoscunt: quod tamen ad ejusmodi passionum rationem

facis

atis est, ut notat Gregorius de Valentia, quæst. 1. p. 2. Secunda causa iræ, ex parte irascentis, est tum ejus excellentia; juxta Aristotelem 2. Rhetoric. cap. 9. sic enim id quod patitur, majorem rationem habet injuriæ & contemptus; tum infirmitas aut egestas, aut alia quævis adversitas, juxta eundem, 2. Rhetoric. cap. 2. quia tunc magis sentitur nocuumentum illatum; & quo plura adversantia concurrunt, eo facilius animum ad impatientiam ac indignationem pertrahunt. Tertia causa iræ, ex parte ejus cui irascimur, est vilitas personæ, quæ nos offendit, juxta Aristotelem 2. Rhetoric. cap. 2. quia hæc, ut auget rationem injuriæ & contemptus, ita etiam auget iram; & ideo nobiles irascuntur, si despiciantur à rusticis, vel sapientes ab insipientibus, vel domini à servis, ut ait S. Thomas qu. 47. a. 4. qui ibidem ad 3. addit, etiam despectionem, quæ est ab amicis, cum videatur esse magis indigna, facere ad augmentum iræ, sive despiciant nocendo, sive non juvando, juxta illud Psalm. 56. Si inimicus meus maledixisset mihi, sustinuissem utique. Effectus est, fervor sive Ebullitio sanguinis circa Cor, atque ad extimas partes diffusio, Rubor, pallor, ille quidem, si adsit Spes cum Desiderio referendæ injuriæ, hic verò si adsit Tristitia cum Metu, ne qui offendit elabatur, inconditi motus, verba fumantia & minæ, morbi, verbera, cædes. Alii itaque Effectus iræ primus, delectatio; nempe cum vindicta in opus re ipsa deducitur, aut deducta est, juxta illud Aristotelis 2. Rhetoric. 2. *Ira multo dulcior melle distillante, in pectoribus virorum crescit.* Recreat quidem etiam Spes ipsius vindictæ, & cogitatio; sed hæc delectatio non est perfecta, quæ tollat tristitiam (ex illato modo) & per consequens iram, ut ait S. Thomas qu. 48. a. 1. Secundus effectus iræ est fervor ejus, qui circa cor est, sanguinis; ex evaporatione fellis ortus, ut ait Damascenus libro 2. fidei capit. 26. Unde etiam alia perturbati animi indicia oriuntur, de quibus Gregorius 5. Moral. cap. 31. ait: *Ira sua stimulis accensum cor palpitat, corpus tremat, lingua se præpedit, facies ignescit, exasperantur oculi, & nequaquam cognoscuntur noti: ore quidem clamorem format, sed sensus quid loquatur, ignorat.* Alia tamen est ratio furoris seu caloris, qui iram, alia ejus, qui amorem consequitur. Nam furor amoris, inquit S. Thomas qu. 48. a. 2. *est cum quadam dulcedine & lenitate: est enim in bonum amatum; & ideo assimilatur calori aëris & sanguinis: propter quod etiam sanguinei sunt magis amativi; & dicitur, quod cogit amare jecur, in quo fit quadam generatio sanguinis.*

cor autem ira est cum amaritudine ad consumendum, quia tendit ad punctionem contrarij; unde assimilatur calori ignis & cholera. Et propter hoc Damascenus lib. 2. fidei, cap. 16. ait iram procedere ex vaporacione fellis, & felleam nominari. Tertius effectus iræ est, quod inter cæteras passiones maximè impedit aut perturbat usum rationis, juxta illud Psalmi 30. *Conturbatus est in ira oculus meus.* Et Gregorium 5. Moral. cap. 31. Id quod fit ob vehementem perturbationem corporis, quæ etiam ad organa & vires sensitivas intellectui deservientes extenditur. Quare etiam iracundus ab Aristotele 7. Ethic. cap. 6. *Manifestus* seu apertus dicitur, non quia ipsi manifestum sit, quid facere oportet; sed quia manifestè operatur, non querens aliquam occultationem; quod partim contingit, propter impedimentum rationis, quæ non potest discernere, quid sit occultandum, & quid manifestandum, nec etiam excogitare occultandi vias; partim verò est ex ampliatione cordis, quæ pertinet ad magnanimitatem, quam facit ira. Unde & de magnanimo Philosophus dicit in 4. Ethic. cap. 3. quod est manifestus osor, & amator, & manifestè dicit & operatur. Concupiscentia autem dicitur esse latens & infidiosa; quia ut plurimum delectabilia, quæ concupiscuntur, habent turpitudinem quandam & molliem, in quibus homo vult latere. In his autem, quæ sunt virilitatis & excellentiæ, cujusmodi sunt vindictæ, querit homo manifestus esse. Ita Thomas quæst. 48. art. 3. Quartus effectus iræ est, quod nonnunquam taciturnitatem inducit; sive hoc fiat judicio quodam rationis, impetum iræ cohibentis, ne foras erumpat juxta Gregorium 5. Moral. cap. 31. sive hoc accadat, ob vehementem perturbationem corporis & organorum, ita ut etiam lingua ab usu loquendi impediatur. Alioquin iram per se clamosam esse, satis constat. Alii ita recensentur, & dicunt, effectus iræ plurimos esse ac perniciosissimos. Primus est furor quidam cordis cum quadam amaritudine, unde à pluribus etiam ira definitur sanguinis effervescencia circa cor. Secundus est incompositus totius corporis status. *Ira sua stimulis*, inquit Gregorius, *incensum palpitat cor, corpus fremis, lingua se præpedit, facies ignescit, asperantur oculi, &c.* Arnobius lib. 1. *Quid ergo sequitur necessarid, nisi ut ex illius luminibus scintilla emicent, flamma astuent, anhelum pectus spiritum jacias, ex ore & ex verbis ardentibus labiorum siccitas inalbescat.* Tertius est delectatio ex vindictæ spe, & obscuratio rationis. Qui irascuntur, inhiant in vindictam. *Per viscera ipsa quare supplicio viam,*

R

si vi-

*si vivis, anime.* Iram exsuscitant eorum comparationes, qui vel minori, vel pari de causa irati sunt. Injuriam acceptam extollant; vix ipsa tantum, vix adhuc creditur malum. Ab ira se nunquam discessuros profitentur, nunquam concitatus cessabit in pœnas furor, crescetque semper: queruntur quòd tardiores sint in ulciscenda injuria. In seiplos irascuntur ob amissam ulciscendi occasionem. Ebullitionem sanguinis circa cor sentiunt, seque vellicari ad ultionem; manea eorum oratio est ad declarationem iræ. Eos, quibus irascuntur, despiciunt. *Ejectum litore, regentem excepi, & regni demens in parte locavi.* Partes corporis omnes incitant ad sumendam vindictam, furoris arguunt mediocritatem, videntur in amentiam versi, hortantur se ad majora. Indicant facilia omnia esse ad vindictam. Profitentur se moliri magna. Iram extollunt, à persona læsi & lædente. Illatam injuriam narrant & exaggerant. Lætantur tanquam ultionem viderent. Eorum omnia causa est, quia bilis cum accendatur insurgente motu iræ, accendit etiam spiritus, unde statim turbatur ratio, quia spiritus esse debent temperati & tranquilli, ut sint idonei mentis functionibus. Excitantur etiam vapores ab eadem bile effervescente, qui caput opplent & offuscant. Denique idem humor biliosus calefactus passionem etiam iræ auget per sympathiam, indeque totum immutat corpus, quia est valde calidus; unde cum spiritibus & sanguine simul foras sese prodit in oculis & vultu, veluti una in hostem ruiturus. Dividiturque in moderatam & immoderatam. Speciesque habet secundum Damascenum lib. 2. cap. 16. *fel, maniam & furorem*; quæ distinctio desumitur ex iis, quæ ad augmentum iræ faciunt. Id enim ex triplici capite spectari potest. Primò ex *facilitate ipsius motus*; & talis ira vocatur *fel*, quia cito accenditur. Secundò ex *parte tristitiæ causantis iram*, quæ diu in memoria manet; & hac pertinet ad *maniam*, quæ à *manendo* dicitur. Tertiò ex *parte ejus, quod iratus appetit, scilicet vindictæ*; & hac pertinet ad *furorem*, qui nunquam quiescit donec puniat. Unde Philosophus 4. Ethic. cap. 5. quosdam irascentium vocat *acutos*, quia cito irascuntur; quosdam *amaros*, quia diu retinent iram; quosdam *difficiles*, qui nunquam quiescunt, nisi puniant.

## XLVII.

Nondum autem satis liquidum videtur, primò, an Ira sit Affectus mixtus ex tristitia & cupiditate ulciscendi, ut voluit Philippus Melanchton, cujus sententiam probare annisus fuit Rodericus ab Arriaga, ita scribens:



Probabilius videtur iram componi intrinsecè ex Doloze & Desiderio vindictæ, sive illi duo sint actus realiter distincti, sive unus æqualiter æquivalens duobus; ita ut præter dolorem & affectum, qui sit ira. Fundamentum hujus doctrinæ est, quia, positis illis duobus affectibus, aut uno duobus illis æquivalente, sufficientissimè intelligitur conceptus iræ prout distinctæ à cæteris aliis affectibus: salvantur item omnia, quæ nos in nobis experimur in affectu iræ. Deinde non est explicabile, in quo possit tertius ille alius actus consistere; ergo non est querendus. Consequentia est bona. Antecedens patet quoad secundam partem, quia omnis affectus voluntatis est per modum fugæ aut accessus, vel per modum recessus, ergo & ira debet effectalis, nec est alius modus, quo possit voluntas in objectum tendere; si autem ad unum ex his duobus debet reduci, certè vel debet esse dolor, vel gaudium, vel amor, vel desiderium; è contrario in recessu vel debet esse odium, vel displicentia, vel tristitia, vel fuga per desiderium, ne eveniat: neque video quæ aliter explicari possint affectus voluntatis; nam & timorem & spem & desperationem ex præcedentibus componi, adjunctâ probabilitate futuritionis boni aut mali, suprà probatum est fusè à nobis; ergo ira debet esse vel unus ex illis affectibus, vel certè componi ex illis, unus solus esse non potest, quia respicit bonum & malum, ut statim dicemus, ergo debet esse duplex, vel formaliter, vel saltem æquivalenter. Quid verò per illos duos sufficienter declaratur diversitas iræ ab aliis, & simul ea, quam in nobis experimur; quod ad primam partem antecedentis suprà positi spectat; faciliùs adhuc suadetur; quia licet illi duo actus seorsim sumpti pertineant ad alios affectus seu passionem, ea tamen combinatio duorum simul nullum alium affectum constituit quàm iram. Deinde, per displicentiam & dolorem rectè explicatur, quid sit ea indignatio, quam in nobis experimur; per desiderium autem seu volitionem vindictæ ultimò completur ira; & ex hoc capite oriuntur actus illi externi puniendi impatientiæ, &c. quos videmus in iratis. Quamquam enim connexio aliqua admittatur, non tamen mixtio & compositio, quæ stante expungendus esset hic Affectus ex numero passionum, nec cæteris contradistinctus. Secundò nondum satis sese expediverunt, qui cum Bartholomæo Keckermanno iram deducunt unicè ex fervore sanguinis circa cor. Ipse enim geminum in irâ cordis motum supponit *unum contractionis*, quo à molestiâ se abjungere cupit: & quasi intra se

confugit, ut in tristitia: alterum dilatationis, quo compressum cor semel  
 lætitiā quandam & vindictæ cupiditatem effundit. Uque in priorē  
 motu calor & spiritus, sub initia tristitiæ, ad interiora confugiunt cor-  
 di opem latūri: Unde inter initia iræ plerunque se pallor in vultu prodit:  
 Ita in posteriori quasi è cordis thalamo se effundunt, & ad extimam cu-  
 tem secum sanguinem rapiunt. Unde irati in progressu impensè ru-  
 bent, & quasi ardentes habent oculos, propter fervidorum spirituum in  
 illis partibus confluxum. *Rationem hanc adducit Scaliger, Exer. 313.*  
 Quia injuriæ illatæ labem non nisi inimicorum sanguine putamus elui  
 posse, idcirco spiritus exeunt, quasi suppetias instrumentis latūri. Pro-  
 ducunt enim semusculi ad idū inferendum, in fortibus, ut in *Achille*,  
 in imbellibus & *Ciceroni* similibus ad linguæ arma. In his igitur con-  
 trariis & subitaneis spirituum & sanguinis motibus à partibus exteriori-  
 bus ad interiores, & ab interioribus ad exteriores, vehementer inca-  
 lescere sanguinem, probabile est. Unde ex hoc reciproco motu cum  
 in toto corpore, tum præcipuè in corde effervesceat & ebulliat, versusque  
 principium suum, epar, regurgitat, & fellis vesiculam sollicitat: hinc  
 assumptâ calidâ bile tenuior leviorque factus ad cerebrum enititur, sen-  
 susque & rationis officinam turbat. Hinc veluti furore concitantur  
 irati, natumque hinc tritum illud, *ira furor brevis est*: Quam in senten-  
 tiam *Cicero*: *Quid est, quo non progrediatur eodem ira, quod furor? Iraque*  
*iratos proprie dicimus exisse de potestate, id est, de consilio, de ratione,*  
*de mente.* Tertiò, illud quoque adhuc controversiæ obnoxium, an  
 scil. ira magis sit naturalis homini, quàm concupiscentia. Respondet  
 D. Thomas art. 5. distinguendo: Si enim, inquit, loquamur de causis  
 ex parte objecti, magis naturalis est concupiscentia; quia cibi & res ve-  
 nereæ, quæ per concupiscentiam appetuntur, sunt magis connaturales  
 homini quàm vindicta: si item consideretur homo in quantum animal,  
 sic etiam magis connaturalem esse concupiscentiam, quia magis ex na-  
 turâ suâ homo propendit in conservationem vitæ; si verò consideretur  
 homo ut est rationalis, magis est ei connaturalis ira, quia hæc petit ra-  
 tionem, concupiscentia vero non: pro quo citat Philosophum lib. 4:  
*Ethic. cap. 2*: ubi ait, humanius esse punire, quod pertinet ad iram, quàm  
 mansuetum esse: unusquisque enim insurgit naturaliter contra nociva  
 & contraria: si denique consideretur complexio propria hominis, ait  
 naturaliorē esse iram, quia in homine prædominatur complexio cho-  
 lerica,

serica, ex qua ira provenit. Rem hanc credit Lucrobienſis Theologus, poſſe univerſaliter decidi uno verbo, ſi dicamus, concupiſcentiam ſimpliciter & abſolute eſſe magis connaturalem quam iram: quod probare intendit, & quidem ex eodem D. Thomâ, quia (ut ſuprà vidimus) hæc quaſt. art. 1. ad 3. & art. 3. ad 3. docet, iram habere ſemper cauſas pertinentes ad concupiſcentiam. Quæ doctrina in ſe eſt veriſſima; non enim homo unquam irſcitur, niſi quia illud, quod amat, ei auferitur, aut quod odit, ei inſtigitur: quæ enim penitus nec amo, nec odio habeo, non curo, ſive ponantur ſive non, ut ex ſe conſtat; inde argumentor, ergo nunquam excitatur actus iræ, niſi ſimul ſit actus concupiſcentiæ, vel præceſſerit; ergo non poteſt eſſe magis naturalis ira, ſed potius minus, quia concupiſcentia ſemper debet eſſe prius ſaltem ratione, ſæpè autem hæc eſt ſine irâ, ergo. Quod dicit D. Thomas, ideo iram eſſe magis connaturalem homini quâ rationalis eſt, quia ira petit iudicium rationis, concupiſcentia verò illud non petit; hoc, inquam, habet difficultatem, juxta paulò antedicta; nam offendimus, iram ex conceptu ſuo tam benè reperiri in brutis carentibus ratione, quam in illis reperiatur concupiſcentia. Præterea, ſi non recurratur ad rationem à nobis datam, vix videtur poſſe defendi, quod dicit de cauſis concupiſcentiæ & iræ ex parte ob- jecti, ſcilicet, ideo iram eſſe minus naturalem, quia magis ſunt connaturalia objecta concupiſcentiæ, v. g. cibi & venerea, quam objecta iræ: hæc, inquam, ratio vix habet locum; nam illa eadem objecta, ſi auferantur violenter, ſunt cauſæ iræ; ergo ex parte ob- jecti non poteſt una paſſio magis eſſe connaturalis alterâ, cum unum idemque objectum ſit cauſa utriusque: & idem dico de alterâ conſideratione hominis quatenus eſt animal; quo ſenſu, quia magis propendet in conſervationem vitæ, dicit D. Thomas, ei eſſe connaturaliorem concupiſcentiam: facile enim eo modo, quo paulò antè urgeo, eadem conſervatio vitæ eſt motivum iræ contra illos, qui ei vitæ nocere volunt; ſemper ergo in omnibus his recurrendum eſt ad rationem à nobis datam, quod ſcilicet ſemper debeat aliquis amor, qui ad concupiſcentiam pertinet, præcedere affectum iræ, unde inferitur, univerſaliter eſſe magis connaturalem affectum concupiſcentiæ quam iræ; nam *propter quod unumquodque tale, & illud magis.* Per hoc tamen non nego, ſi de diverſis objectis loquamur, aliquos homines eſſe magis propenſos ad motus iræ, quam ad concupiſcentiam aliorum objectorum; v. g. multos

esse, qui venerea & cibos vix appetunt, tamen si in honore vel in aliis rebus tangantur, vehementer proni sunt ad iram; comparando ergo affectum illum concupiscentiæ ad ea diversa bona, illis hominibus minus est connaturalis quàm ira: at in illo eodem affectu ira est affectus alius concupiscentiæ, qui necessario debet esse tam naturalis minimum quam ipsa ira; ille autem est amor erga proprium honorem, aut erga rem illam, quam non patitur quis ullo modo tangi vel violari; unde semper conclusio à nobis supra posita, quòd absolute concupiscentiæ sit connaturalior, verissima est.

## XLVII.

Quamquam verò non diffiteamur, nos aliquid hic desiderare, & melius forsan posse dispesci, ordinari & disponi hos affectus largiamur, nolimus tamen aliquid innovare, sed receptam sententiam explicare, & ab Erroribus quorundam liberare: illud, antequam ad alia progrediendum, hic monemus, passiones has ita tribui appetitui sensitivo, ut consimiles Motus in facultate etiam superiori admittamus. Nam primò ipsi Philosophi distinguunt vocabulum affectus, ut dicant quosdam mentales, quique etiam in anima separata locum habent, quosdam sensitivos, qui nobis cum Brutis communes, de quibus hæcenus egimus, & rationales, qui & corporis & animi commotionem dicunt. Alii verò sollicitè distinguunt inter Affectus propriè & ἀναλόγως sic dictos. Quidam denique ita hanc materiam pertractant, ut pateat eos abstrahere quasi communem conceptum, vel loqui de passionibus, ut tantum locum habent in homine. Secundo negari nequit etiam in animabus Bestorum esse amorem, odium, spem, &c. in Angelis, imò ipso DEO, qui tamen passionum nomine, & quidem Appetitus sensitivi venire nequeunt. Tertiò Scriptura his hominibus utitur ita, ut quandoque non tantum Motus à Spiritu S. productos illis designet, qui non competunt, nisi illis, in quibus ipse operatur, sed & voluntatis sive superioris facultatis concitationes: ita Amor tribuitur spiritualis Sponso & Sponsæ mysticæ: *Oleum effusum nomen tuum, idèò adolescentulæ dilexerunt te. Exultabimus & letabimur in te, memores uberum tuorum super vinum*, Cant. 1. v. 3. & 4. ita impurus amor spiritualis Idololatris, *Esaia 57. v. 8. iuxta me discoperuisti, & suscepisti adulterum, dilatasti cubile tuum, & pepigisti cum eis sedus, dilexisti stratum eorum manu aperta.* Et *Jeremias 2. v. 25. Dixisti, desperavi, nequaquam faciam, adamavi quippe alienos, & post eos ambulabo.*

*labo. Adde illud 1. Pet. 1. v. 8. Iesum Christum cum non videritis, diligitis, in quem quoque non videntes creditis, credentes autem exultatis letitia inenarrabili & glorificata. Sic odium quoddam transcendit appetitum sensitivum, & describitur: Nonne, qui oderunt te. Domine, ode-ram: & super inimicos tuos tabescam? perfecto odio oleram illos, & ini- mici facti sunt mihi, Psal. 139. v. 21, 22. Hi odient fornicariam, & de- solatam facient illam & nudam, & carnes ejus manducabunt, & ipsam igni concremabunt, Apoc. 17. v. 16. Desiderium tribuitur Angelis: In- revelata desiderant Angeli prospicere, 1. Pet. 1. v. 12. Prophetis & Re- gibus: Dico enim vobis, quod multi Propheta & Reges voluerunt videre, quae vos videtis, & non viderunt: & audire, quae vos auditis, & non au- dierunt, Lucæ 1. v. 24. Pius & fidelibus: Sicut modò geniti infantes, ra- tionabile, sine dolo lac concupiscite, 1. Pet. 2. v. 2. atque de impiis dici- tur, quod desiderent Lucas: Erubescetis super bovis, quos elegeratis, Esaia 1. v. 29. Abominatio requiritur falsitatis à veri DEI cultoribus: Iniquitatem odio habui, & abominatus sum, Psal. 119. v. 163. Idolorum: Abominatis idola, Rom. 2. v. 22. & reprehenditur in primoribus Israë- lis: Audite hoc Principes domus Jacob, & Iudices domus Israel, qui abo- binamini iudicium, & omnia recta pervertitis, Michæ 3. v. 9. Delecta- tio & Gaudium piis competit, qui in DEO latantur: Quid enim mihi est in caelo, & à te quid volui super terram? Defecit caro mea, & cor meum, & pars mea DEVS in aeternum, Psalm. 73. v. 25. in lege DEI: Condele- ctor Legi DEI secundum interiorem hominem, Roman. 7. v. 22. in lapi- dibus Sionis: Quoniam placuerunt servis tuis lapides ejus, & terra ejus miserabatur, Psalm. 102. v. 15. quemadmodum de impiis dicitur quod delectentur Mendacio: Perantamen pretium meum cogitaverunt repel- lere, cucurri in fiti: ore suo benedicbant, & corde suo maledicebant, Psalm. 62. v. 5. & in sceleribus suis: Hec omnia (mala) elegerunt & in- abominationsibus suis anima eorum deleta est, Esaia 66. v. 3. Dolor annunciat de Josepho & Maria: Fili, quid fecisti nobis fili? Ecce, pa- ter tuus & ego dolentes quarebamus te, Lucæ 2. v. 48. de Paulo: Tristi- tia mihi magna est, & continuus dolor cordi meo, Rom. 9. v. 2. DEVS misertus est mihi, ne tristitiam super tristitia habere. Festinantis ergo misillum, ut viso eo iterum gaudeatis, & ego sine tristitia sim, Phi- lip. 2. v. 27. 28. ipsi Christo: Et dederunt ei vinum bibere cum felle mi- sum. Et cum gustasset, noluit bibere, Matth. 27. v. 34. Spes tum hu-*

mana



mana tum divina designatur : (Abraham) contra spem in spem credidit. Rom. 4. v. 18. adde : Debet in spe arare, qui arat, & qui triturat, in spe fructus percipiendi, 1. Cor. 9. v. 10. & eadem Epistola prima : Caritas omnia sperat, cap. 13. v. 7. Desperationis, quæ superabat appetitum sensitivum, Scriptura meminit de Saule : Dixitque Saul ad armigerum suum : Evagina gladium tuum, & percutem me, ne forte veniant incircumcisi isti, & interficiant me illudentes mihi. Et noluit armiger ejus, fuerat enim nimio terrore perterritus, arripuit ita Saul gladium suum, & irruit super eam, 1. Sam. 31. v. 5. de Achitophel : Achitophel videns quod non fuisset factum consilium suum, stravit asinum suum, surrexitque & abiit in domum suam, & in civitatem suam : & disposuit a domo sua, suspendio interivit, 2. Sam. 17. v. 23. de Juda : Proiecit argenteis in templo, recessit, & abiens, laqueo se suspendit, Matthæi 27. v. 5. Timor quoque superiores facultatem corripere dicitur : Adam ait : vocem tuam audiivi in paradiso, & timui, ed quod nudus essem, & abscondi me, Gen. 3. v. 10. Et audientes discipuli, ceciderunt in faciem suam, & timuerunt valde, Matth. 17. v. 6. & Centurio autem, & qui cum eo erant, custodientes Iesum, viso terra motu, & his quæ fiebant, timuerunt valde, cap. 27. v. 54. adde : Ut timeas Dominum DEVM tuum, & v. 13. Dominum DEVM tuum timebis, Deut. 6. v. 2. & 13. nec non Deut. 13. v. 11. Ut omnis Israel audiens timeat, & nequaquam ultra faciat hujus rei simile. Audaciam sibi tribuit Paulus in negotio Spiritus : Audacius autem scripsi vobis, fratres, ex parte, tanquam in memoriam vos reducens, Rom. 15. v. 51. fidelibus : Ut plures ex fratribus in Domino, confidentes in vinculis meis, abundantius auderent sine timore verbum DEI loqui, Philip. 1. v. 14. Ira denique superioris ordinis fuit in Phineas : Quod cum vidisset Phineas filius Eleazari, filij Aaron sacerdotis, surrexit de medio multitudinis, & arrepto pugione ingressus est post virum Israelitam in lupanar, & perfodit ambos simul, virum scilicet & mulierem in locis genitalibus, Numer 25. v. 78. Idcirco furore DEI plenus sum, laboravi sustinens : effunde super parvulum foris, & super consilium juvenum simul : vir enim cum muliere capietur, senex cum pleno dierum, Jeremiz 6. v. 11. nec non in ipso Christo : Et circumspiciens eos cum ira, contristatus super cecitate cordis eorum. Deut. 13. v. 11. quid, quod non tantum affectus sensitivæ partis sint corrupti & contaminati in homine post lapsum, sed & ipsi & superiores facultates & illarum motus, non tantum satellites inordi-

ordinem sint redigendi, sed & ipsi Principes Animæ nostræ directione indigent, ne exerrent, frango spiritus, ut coërceantur, & voluntas nostra, quæ tanquam Regina præsidet, vel sibi relicta in Malum feratur, vel superioris Gratia in Boni propensionem flectatur.

## XLVIII.

Disputant hic Doctores primò de Admiratione, & sunt, qui referunt illam ad Metum, describuntque, quod sit Timor magni Mali, cujus non possit facile reperiri Exitus, vel dicunt esse passionem voluntatis, cum tamen Admirationi nihil sit commune cum Timore, non versetur circa Malum, sed verum, sit actus aliquis intellectus, non voluntatis, de novitate alicujus rei, cujus rationem & causam non comprehendimus. Secundò de Delectationum materialium & spiritualium prærogativa, in quo argumento pro spiritualium eminentia pugnat Thomas, cujus tamen arma retunduntur à Roderico ab Arriaga scribente: Thomas respondet, spirituales delectationes esse majores, quod probat primò, quia magis æstimamus nos esse cognoscitivos rationaliter quàm materialiter; unde si quis deberet vel visum vel intellectum amittere, mallet visum perdere quàm intellectum. Hæc tamen ratio non tam probat de ipsis delectationibus, quàm de objecto illarum: etenim etiam de ipsis sensibus materialibus potest esse delectatio spiritualis & materialis: & adhuc ibi restat tota difficultas, quæ scilicet ex illis sit major. Secundò modo dicit etiam spirituales esse majores, hoc est secundum se; quia & bonum spirituale est majus quàm corporale. Verùm hæc ratio pertinet ad præcedentem, & non videtur esse pro præsentis quæstione, ut dixi; nam etiam delectationes spirituales possunt esse de objecto materiali, licet non è contrario materiales de objecto spirituali. Tertiò, quia conjunctio spiritualis est major: etenim sensus solùm sistit circa exteriora accidentia; at intellectus penetrat usque ad rei essentiam: est item perfectior conjunctio, quia delectatio materialis est conjuncta cum motu sensibili, qui dicit imperfectionem: est etiam firmior et conjunctio, quia bona materialia sunt corruptibilia, spiritualia verò sunt permanentia. Hæc tamen rationes videntur habere eandem difficultatem, quam prima; nam in eis semper reditur ad objectum; cum (ut dixi) etiam de ipso objecto materiali, seu de solo ipso accidenti externo possit homo habere delectationem spiritualem per voluntatem; ergo inter illam & sensitivam non explicatur sufficienter differentia per objectum, cum sit idem

triusque. Quarta ratio est, quia rationales reperiuntur in meliori subiecto, scilicet in animâ rationali, materiales verò in corpore. Hæc ratio, si intra eundem hominem fiat comparatio, etiam est difficilis; quia (ut suppono ex libris de animâ) omnes etiam sensationes recipiuntur in animâ rationali immediatè, & ex eâ solâ parte percipiuntur ab homine. Huic quæstioni respondendum est, duas comparationes posse fieri inter has duas delectationes; Primam in perfectione physicâ, utra scilicet sit absolutè nobilior: & in hoc sensu probabile est, omnem spiritualem actum esse nobiliorem in homine omni actu materiali; ideoque etiam delectationes spirituales meliores esse in esse entis materialis, sive habeant idem objectum, sive non; & sive materialis sit de nobiliori objecto, v. g. de objecto visus, & spiritualis sit de ignobiliore, v. g. de sapore; qui est objectum tactus seu gustus. Dico id esse probabile; nam licet omnino certum sit, conceptum rei materialis ex genere suo esse minus perfectum quàm conceptum spiritualis, non tamen propterea evidenter sequitur, omnia materialia esse minus perfecta omnibus spiritualibus, ut sæpe dixi. Et sanè ego non dubito, quin visio materialis albedinis sit entitas simpliciter perfectior, quàm spiritualis ubicatio volitionis spiritualis. Sicut ergo hic compensatur ille excessus spiritualitatis, posset etiam fortè compensari inter duas delectationes, unam materiale, alteram spirituale; ut licet hæc ex conceptu spiritualitatis haberet maiorem perfectionem alterâ, quia tamen haberet nobilius objectum, aut ex alio capite esset simpliciter perfectior, vel saltem non imperfectior; non est ergo adeò certum omnem spiritualem esse nobiliorem. Nihilominus merito dixi id esse probabile & probabilius, quia inter eas delectationes non possumus de facto invenire aliud caput, unde fiat compensatio, quàm ex objecti aliquâ maiori nobilitate; quæ tamen non est in præsentî sufficiens; nam omne objectum delectationis materialis est materiale & accidentale; inter duo autem accidentia materialia, quæ respicerentur, unum à spirituali, aliud à materiali delectatione, non potest esse tanta diversitas, ut inde possit delectatio materialis ob nobilius objectum maior esse in genere entis quàm spiritualis; licet in aliis rebus possit ea compensatio fieri, ubi sint plura capita, ratione quorum res materialis possit æquare spirituale. Et hæc de primâ comparatione earum delectationum quoad perfectionem simpliciter. Secunda ergo comparatio sit intra rationem ipsam delectationis, quæ

fit fortior, seu quæ magis recreet subjectum. Et in hoc sensu dicendum est, aliquando spirituales esse majores, aliquando è contrario minores: etenim si comparamus delectationem, quæ ex DEO viso in beatis provenit, haud dubie ea quodammodo infinites est major quàm ulla materialis esse possit, nisi fortè ipsa etiam materialis esset de eodem DEO viso; quia dixi alibi, non esse adedò certum, nullam potentiam materialem divinitus possibilem esse capacem visionis DEI. Sed quidquid de possibili sit, quoad præsentem res est clara ob rationem datam: Aliquas verò è contrario materiales esse majores aliquibus spiritualibus, videtur certum: si enim comparem gaudium spirituale, quod quis habet de re parvi momenti, quod scilicet invenerit unum cruciferum, cum delectatione materiali, quam habet quis de re venereâ aut de delicatissimo aut sapidissimo cibo, aut de hauſtu gratissimo post ingentem sitim; quis negabit, majorem esse in genere voluptatis hanc materialem illâ spirituali; Aliquas item esse æquales etiam est probabile; quia contingere poterit, ut objectum illud materiale non caussset adeo magnam delectationem materialem, neque è contrario spiritualis sit adedò exigua, ideoque æqualis cum eâ materiali. Tertio, de Specie scil. incertitudo Boni sperati futuri necessaria sit pro Actu spei, quod communiter aliàs affirmatur à Pontificiis Scriptoribus, prolixè autem conatur repellere Conink Disp. 19. Dub. 7. Tum ex eo, quia secundum Thomam part. 379. artic. 4. Christus habuerit spem de Beatitudine corporis sui, quam tamen sciverit certò futuram, tum quia etiam certa Bona possint esse ardua absentia & futura, ut proinde nihil ipsis desit ad terminandam veram spem, tum ex eo, quia animæ purgatorii veram habeant spem Beatitudinis, quam tamen certo sciant se acquiras, nec dissentit à Coninkio Franciscus Suarez, Tomo 2. in 3. part. q. 15. art. 7. in Commentario, & Vázquez 1. p. Disput. 43. cap. 5.

## CAPUT V.

De

## REMEDIIIS AFFECTUUM.

## THESIS I.

**R**emedia compescendis Affectibus apta generalia & specialia, à quibusdam indicantur. Illa quidem Meditationem pulchritudinis & dignitatis illius eminentis, quam homo affectuum Repressionem parare possit; cum quicunque secundum Synesium rationis expertes animæ partes cicuratas & tractabiles reddens rationi obsequentes efficiat, & ad cujus principatus sapiens moderamen multitudinem componat, hic verè divinus, sive Rex, sive privatus homo sit. Secundò considerationem perfectæ & regis libertatis, quâ gaudeat homo passionibus domitis & subjugatis, quod Epictetus apud Arrianum lib. 2. c. 1. indicet ita pronunciando: Nullus aut timidus, aut mœrore affectus, aut alio perturbatus modo pro libero est habendus, qui ergo liberatus est à mœstitia, metu, perturbatione, cum eadem viâ ex servitute in libertatem vindicari etiam certum est. Tertiò attentionem ad maximam & purissimam voluptatem, quæ Affectuum Moderationem comitetur, de qua Seneca lib. 7. de Benef. c. 2. Ista est voluptas & homine & viro digna, non implere corpus nec saginare, nec cupiditates irritare, quarum tristissima est quies. Quartò momentum utilitatis, quæ ad illos derivetur, qui affectibus imperant, cum improbitatis fontes secundum Tyrium Maximum sermone 17. primaquæ Mali hujus causa ex Illuvie quasi & exundatione existat, quotiescunque ille affectuum fervor animum accendit, quoties pullulantem quasi & efflorentem rationis vim confundit, non aliter quam hyberni torrentes solent. Quintò cautionem circa initia passionum, quæ reprimenda secundum vulgatum illud. Principiis obsta serò Medicina paratur. Sextò Aversionem Imprudentiæ admittentium passiones, cum protestatione de iis postmodum excludendis, unde Epictetus apud Arrianum lib. 4. cap. 12. Quando dixeris in crastinum adhibebo diligentiam: id abs te dicescito, quod nimirum velis hodie imprudens, importunus, abjectus esse. Septimò Examen sui ipsius quotidianum circa repressas vel impeditas passiones, quod maxime suadet Epictetus apud Arrianum: Si iracundus, inquit, esse noles, habi-



habitum illum ne foveris. Nihil ei adijeio, quod succrescat, initio conquiesco & innumerato habeo dies illos, quibus iratus non fueris. Olim quotidie commovebar ira, postea altero duntaxat die, deinde tertio quoque die. Quod si tunc intra dies triginta iratum te non senseris, DEO sacra facito. Habitus enim à primis diebus languescit: posterius verò omnis dissolvitur & evanescit. Nec hodie nec heri passus sum me aliquo moerore affici, nec postea per tres, aut quatuor Menses. Sed animum adverte, si visa oblata tibi fuerint, quibus provocari possis, utrum decenter te geras. Octavo sensum Remotionem & Intellectus, ut objectis irritantibus. Cum enim secundum Hieronymum per quinque sensus, quasi per quasdam fenestras, victorum ad animum introitus sit, non potest ante Metropolis & Arx Mentis capi, nisi per portas ejus intraverit hostilis exercitus. Horum perturbationibus anima pręgravatur & capitur aspectu, auditu, odoratu, sapore, tactu. Et hæc interna dicuntur esse remedia. Externa generalia sunt Numinis imploratio ad occursum passionis & phantasmatis, quod rectam rationem in discrimen adducere posset. DEI ubique præsentis & omnia intuentis recordatio, exemplorum illustrium attenta inspecti Convictus illorum, qui moderati sunt animi, Usus pharmacorum, concentus Musicus. Verum ut quod res est dicamus, primò omnia illa remedia ita sunt comparata, ut illis nimium tribuatur & fingere fingantur hominem, qui sit instar maris pacati & tranquilli, stoicis principiis affinia habent, superbiam & fastum produnt, qualia in primis illa de perfecta & regia libertate, cum tamen ipsi regenti illa non gaudeant, conquerente de hoc malo ipso Apostolo Paulo: *Scimus enim quod lex spiritualis est: ego autem carnalis sum, venundatus sub peccato, quod enim operor, non intelligo, non enim quod volo bonum, hoc ago, sed quod odi malum, illud facio, Rom. 7. v. 14. 17. & seq.* Secundò à gentilibus maximam partem sunt tradita, & subministrata pro gentilibus, qui si meditatione unius & alterius motivi represserunt quocunque modo passionem, in aliam inciderunt, illa ipsa repressione & vanæ gloriæ stimulo titillati sibi, non DEO litarunt, ex illa quam sibi imaginabantur victoriam reportata. Unde Jansenius libro primo de Gratia Salvat. cap. 18. Sed quæ illa tandem gratia, sub qua sunt, quæque possunt implere, & implent legem, & sine qua implere non possum? Audi subjuncta: *Ad Iudæos dicta est Lex ministratio mortis, ad quos & in lapide scripta est, ad eorum duritiam figurandum quoniam ad*

eos, qui legem per charitatem implent. Plenitudo enim Legis est charitas. Et inferius: Mortui sumus legi damnanti, liberati ab eo affectu, quem lex punit & damnat. Sed per quid liberati? Itaque idem præceptum timentibus lex est amantibus, id est, charitatem habentibus, gratia. Et paulò post: Lex littera est eis, qui non eam implent per spiritum charitatis, quo pertinet Testamentum Novum. Et rursum: Ab ejus ergo damnatione liberantur, qui per Spiritum innovantur, ut jam non sint obligati litteræ ad penam, sed intellectui per justitiam copulati. Sed quæ est illa Spiritus innovatio? Audi sequentia: Littera occidit, Spiritus autem vivificat. Lex enim tantummodo lætæ, & non intellectæ, vel non impleta utique occidit. Tunc enim appellatur littera. Spiritus autem vivificat, quia plenitudo Legis est charitas, quæ fusa in cordibus nostris per Spiritum Sanctum, qui datus est nobis. In istis omnibus locis, aliisque plurimis, quæ proferri ex Augustino possent, semper hoc agit, ut intelligamus libertatem, qua quis à dominante concupiscentia liberatur, ut ei non consentiat, eique jam servienti dominetur: itemque animi fortitudinem, qua quis adversus concupiscentiam importunissime tumultuantem robustus fiat, ut eam & oppugnare possit, & vincere, nullam esse aliam, nisi charitatem, quæ per Spiritum Sanctum diffunditur in cordibus nostris. Illa quippe sola est, quæ affectum tribuit spiritalem, quæ liberat, quæ innovat, quæ robustum faciat animum, concupiscentiæque dominantem: quâ si caret, non affectu spiritualis, sed carnalis est, non innovatus, sed vetustus, non robustus adversus cupiditatis impetum, sed infirmus, non liber ab ejus dominatione, sed servus, cui tanquam imperioſæ dominæ serviat necesse est: trahitur ab ea, capitur, possidetur tanquam venundatum concupiscentiæ mancipium: cui non tantum resistere non valet, sed quo surgere sibi videtur altius, eo gravius alliditur, & ex una in aliam semper ei serviendo præcipitur, hoc est ut, Prosper vigilantissimè dicit:

— In vulnera vulnere surgit.

Impossibile est enim ut extra DEUM pedem, hoc est, affectum figat, nisi in creaturam: quo affectu extra creaturam exire nullo pacto potest. Ille quippe affectus in creaturam fixus quo surgere conatur, & concupiscentiæ compedes dissolvere, ut ejus dominatum fugiat, est alius subtilior ejusdem concupiscentiæ dominantis motus. Affectum autem in justitiam præcepti figere, seu affectu benefaciendi benefacere,

sicut

sicut necesse est, juxta S. Augustinum, ut sit voluntas libera & actus ejus bonus, est ipsissima dilectio tam celebrata charitatis, quemadmodum jam diversis locis diximus, & ex professo alibi prolixèque demonstravimus. Hæc ergo fundamentalis ratio est, extremaque radix, cur neque lex, neque doctrina, neque ulla illustratio, vel revelatio veritatis quantumcunque clara, neque ulla intellectus cogitatio, quantumcunque etiam fingatur congrua, sufficere possit ad liberationem voluntatis. Nam & terminum a quo liberationis tollere, & terminum ad quem ponere cujuslibet cognitionis atque cogitationis longissime superat potentiam. Unde Augustinus dicit: *Inest sanctæ legis scientia, nec tamen sanatur vitiosa concupiscentia.* Et, charitas non ex hominibus, vel ex lege humanaque cogitatione, sed ex DEO est. Quamvis itaque hujusmodi supradicta vulnerum humanorum Epithemata vim aliquam habere possint, ut divertant animum ab illo singulari malo perpetrando, quod proponitur, quod & timor pœnæ non solum futuræ, sed & præsentis frequenter facit, nihil tamen eorum idoneum est, ut concupiscentiæ universæ vires frangat, & ad verum bonum transferat diligendum: id est, nihil eorum sufficit, ut animum ab omni omnino creaturæ dilectione divellat, & ad præcepti justitiæ diligendam subvehat, cujus solius dilectione fit liber. Hoc enim & nihil aliud est juxta doctrinam Augustini celeberrimam & fundatissimam, quam inspirare veram illam evangelicam charitatem DEI, qua sola arbitrium voluntatis à concupiscentiæ dominatione liberatur: hoc est, fit liberum, & ad benè faciendum expeditum: *Charitas enim facit liberum ad ea, quæ bona facienda sunt.* Illud verò nulla omnino cognitio, vel revelatio, vel cogitatio quascunque efficere potest, sed sola illa interna & occulta gratia voluntatis, quæ ideo humanis cordibus tribuitur, ut *cordis duritia primis auferatur.* Nam ista gratia non solum instruit intellectum, ut facit quælibet revelatio atque cogitatio, sed sanat voluntatem, quæ *justitiæ libere diligitur.* Tertiò pleraque hæc non tam remedia, quæ ex alia officina petenda, quam adminicula, nec illorum consideratio & adhibitio procurat interioris hominis augmentum, quam honestati & disciplinæ externæ ancillatur, & si quædam faciunt ad bonum, etiam in verbo DEI præscripta nobis esse deprehenduntur.

## II.

De Musica, cujus Mentionem supra fecimus, aliquid monendum. Temperare illam affectus, in nobismetipsis experimur, & jucundis demulceri modulis homines, tristibus dejici, Experientia testatur, nec Scriptura abnuat: dixerunt enim servi Saul: *Ecce Spiritus DEI malus exagitat te, jubeat Dominus noster (Rex) & servi tui, qui coram te sunt, quaerant hominem, scientem psallere cithara, ut quando arripuerit te, super te venerit, Spiritus Domini malus, psallat manu sua, & levius feras, & benè sit tibi*, 1. Sam. 16. v. 15. 16. Ipse Saul dixit ad servos: *Providete ergo mihi aliquem bene psallentem, & adducite eum ad me*, v. 17. Denique concluditur vers. 23. *Igitur quodocunque Spiritus Domini (malus) arripiebat Saul, veniebat super Saulum, tum David tollebat citharam, & percutiebat (ludabat) manu sua, & resocillabatur Saul, & levius, (benè) habebat, recedebat ab eo spiritus malus.* Confirmata legimus 2. Reg. 3. vers. 15. ubi Elisa dicit: *Nunc adducite mihi Psalterem: Cumque caneret Psalter, facta est super eum manus Domini.* In quæ verba Caspar Sanctius ita commoratur: Cum res Israëlita premente sui foret angustior, accinxit se statim ad opus Helisæus, nihil cunctandum ratus, & quo à Domino responsum acciperet, & quod esset opus facto doceret, acciri jubet Psalterem, cujus se numerofo cantico ad accipiendum à Domino responsum præparet. Mira est harmonicæ pulsationis, & ad numeros Musicos temperatæ vocis, vis & potestas ad effectus omnes vel incitandos, vel remittendos. De quibus externi plurima. Vide Plutarchum in lib. qui de Musica inscribitur, Aristotelem lib. 8. Politicorum, & alios plurimos, quos videre est promptum. Illud notissimum, notata ab antiquis quædam sonorum genera, quæ variis serviunt animorum affectibus, Lydium, Dorium, Lesbium, Phrygium, qui mirificam in animos potestatem habent. Quidam acres, & bellicos ingenerant impetus, alii mitiores, & ad pietatem accommodatos magis. Alii immoderatiùs exultantes animos contrahunt, componuntque ad religionem, & modestiam. Alii contractos solvunt & exhilarant. Est ergo ad pietatem aliquod Musicæ genus opportunum, quale est illud, quod ad sacrum officium adhibet Ecclesia, quod, ut experientia ipsa norunt viri pii, animos quodammodo abstrahit à terrenis & rapit ad cœlestia. Sanè August. in Confession. mirè se affici dicebat cum Canticum audiret Ecclesiasticum; sic autem ille lib. 9. Confession. cap. 6.



cap. 6. *Quantum fleui in hymnis & canticis tuis, suave sonantis Ecclesie tue vocibus commotus acriter, voces illa infuebant auribus meis, & eliquabatur veritas tua in cormenm, & ex ea astuabas affectus pietatis, & currebant lachryma, & bene mihi erat cum eis. Neque alios numeros aut cantus audivit Helisæus, quam modò qui religioso coetu in Ecclesia cantantur. Ut enim docet Theod. q. 11. Psalter ille, qui suo cantu excitavit spiritum, & ad excipiendum divinum afflatum apte disposuit, Levita fuit, qui Psalmos cecinit Davidicos: David, inquit, Levitas uti iussit citharis, & tibiis, & cymbalis, & aliis instrumentis. Vtebantur autem ipsi spiritualis Davidis modulatione. Ex his unum iussit accersiri Propheta, illo autem psallente, quod erat agendum, significavit gratia Spiritus. Ut autem Psalmus malum è Saule spiritum pell. bat, aut sedabat, (nam suos tunc Psalmos cecinisse Davidem, verisimile est) sic etiam Psalmus bonum Spiritum advocare potuit. Qua de re vide Gregor. Hom. 1. in Ezech. ubi per psalmodiam dicit omnipotenti DEO ad hominum corda iter aperiri. Unde etiam cum caneret Psalter ad Musicos numeros, soporati sunt Helisæi sensus, & animus magis à corporeis impedimentis solutus, sicut in somno contingit, se ipsum ad cœlestium rerum contemplationem afflatumque divinum excitavit. Tunc autem nova rerum cognitione illustratus à DEO, & id quod quærebat assecutus. Ut itaque Musica vires habet in Affectus sub naturali inā indole consideratos, ita Musica sacra, si facta Deo, si Spiritus virtute fecunda, si ex Scriptura imprægnata & verbo divino stipata, vim quoque spirituales exercet in animos. Nota sunt, quæ de Orphei & Amphionis Musica referuntur, saxa scil. movisse illum sono testudinis, quanto magis, quod sæpe in saxum obriguait Cor Musica divini ore expugnabitur. Seditione laborante Sparta, Terpendri ope animi fuerunt deliniti & seditio sedata, ut in Proverbium abierit, *κατὰ λέσβιον ὦδον*, quanto magis tumultuantes passiones compescet Lyra Davidica, plectrum Regis Jessei. Si Clinias Pythagoricus, Ira effervescente, arrepto Instrumento Musico, *παύσμαι* ingeminavit, mitigari se sensit, quanto magis frænabit Excessus passionum & mitigabit lenis aura verbi divini, cum canitur & Psallitur Domino. Huc digitum intendit Apostolus scribens: Nolite inebriari vino, in quo est luxuria, sed implemini Spiritu (Sancto,) loquentes vobismetipsis (in) psalmis & hymnis, & canticis spiritualibus, cantantes & psallentes in cordibus vestris Domino, Eph. 5.*

T

vers.



vers. 18. 19. & si Martianus Capella Musicam introduxit loquentem ita :  
 perturbationibus animorum corporeisque morbis medicabile crebrius  
 carmen insonni. Nam phreneticos Symphonia resonavi. Cur modu-  
 lis sacris non potiora tribuamus, adde quæ habet Seneca lib. 3. de Ira c. 9.  
 scribens : Asclepiades Medicus phreneticos, mente imminutâ & vale-  
 tudine animi affectos nulla re magis quam Symphoniam & vocum con-  
 centu ac modulis resipiscere & sanitati restitui censuit. Fertur quoque  
 Ismenias Thebanus plures Bæotiorum ischiadicos & coxendicum do-  
 lore laborantes in centione tibiarum bonæ valetudini restituisse, tanta homi-  
 nis naturæ cum harmonia consensus est. Optimè Basilii de legendis li-  
 bris Gentilium : Oportet, inquit, nec oculos spectaculis, nec vanis præ-  
 stigiatorum ostentationibus tradere, nec per aures animarum corruptri-  
 cem melodiam haurire. Hoc enim musicæ genus servitutis, & igno-  
 bilis fructus parere, præterea libidinum stimulos acueri solet. Alia  
 nobis musica longe melior existit, & ad meliora nos excitans sequenda;  
 David sacrorum canticorum Poëta, cythara ex insania Saulem Regem  
 liberavit. Dicitur & Pythagoras in ebrios olim incidens jussisse tibi-  
 cinem convivio luxurioso præsentem mutare harmoniam, ac dorum  
 ipsis canere; atque hoc modo melodia illos ad sobrietatem reduxisse,  
 qui ejectionis de capite coronis, sane omnes erubere. Hac de re non pau-  
 ca Cassiodorus lib. 2. Variarum 40. Musica, inquit, tristitiam noxiam  
 jucundat, tumidos furores attenuat, cruentam sævitiam efficit blandam,  
 excitat ignaviam, soporantemque languorem vigilantibus reddit salu-  
 berrimam quietem. Sanat mentis tædium bonis cogitationibus sem-  
 per adversum.

### III.

Non probamus autem primò sententiam illorum, qui Spiritum ne-  
 quam, qui Saulem exagitavit, recte quidem exponunt de malo Spiritu, si-  
 ve Dæmone, sed putant Saulem ab ipso fuisse obsessum atque energume-  
 non, pro qua sententia adducuntur Gregorius, Isidorus, Rupertus, Eu-  
 cherius, Lyra, Tostatus, Dionysius, Hugo, Serarius, Mariana, Vatablus,  
 & Franciscus Vallesius. Secundò illorum, qui cum Cajetano expo-  
 nunt de duplici passione immisâ à DEO, altera corporis, in motu Spi-  
 ritus melancholici mali, id est nocivi; altera animi, quoniam ex motu  
 Spiritus melancholici formabantur in internis sensibus apparitiones  
 exterrentes Saulem. Tertiò, qui cum Martino Delrio, morbum sub-  
 stituunt,

Situant, quibus alii quoque accedunt, & imprimis Episcopus, qui ita  
 disputat, renitente Josepho, Chrysostomo, Ambrosio & Nazianzeno,  
 qui de Spiritu Damone locum accipiunt: Per Spiritum scribens, malum  
 hic metonymicè intelligendum esse morbum aliquem melancholicum,  
 quo cerebrum & temperamentum Saulis, sive ex animi ægritudine, sive  
 alia ex causa naturali, sive à Deo ipso usq; adeo vitabatur, ut mentem ejus  
 traheret in consensum, adeo ut ad sana & salutaria sibi ac regno suo con-  
 silia capienda, durante morbi istius paroxysmo, non esset idonea, textus  
 non obscure indicat, quando dicit, & *terrui sum spiritus malus*. Ter-  
 ror enim iste morbi melancholici aut signum aut effectum est, quando  
 ejus remedium à Musica quæsitum & acceptum fuisse testatur, vers. 16,  
 & 23. Morbus ergo ille peccatum non fuit, nec mala peccandi aut sce-  
 lus aliquod committendi voluntas. Nam tum non à Musica, sed à re-  
 sipiscencia, remedium quæri & accipi debuisset ac potuisset. Sed nec  
 morbus iste talis morbus erat, quem necessario sequebatur peccandi  
 voluntas. Nam quæcunque ex morbo tali voluntas oritur, ea non po-  
 test esse voluntas peccandi, quia morbi talis vehementia voluntatem li-  
 beram esse non sinit. Ratio enim in consilium adhiberi non potest,  
 quando mens atrabilis fuligine turbata & obnubilata est. Attamen, di-  
 ces, videmus morbum istum consecutam esse in Saule malam & perversam  
 voluntatem contra Davidem. Resp. malam & perversam illam vo-  
 luntatem in Saule idcirco tantum malam & perversam voluntatem fuisse,  
 quia in Saule erat ac manebat, cessante morbi paroxysmo. Morbus  
 enim iste habere solet, & habuit in Saule lucida quædam intervalla, qui-  
 bus mens & ratio homini sua bene constat. In istis intervallis libera est  
 hominis voluntas, & quod tum facit, libere facit. Istis ergo positis, &  
 subinde redeuntibus, poterat ac debebat Saul implorare gratiam divi-  
 nam, pro morbi istius sui remedio, & in eam, quæ ex morbo isto nata  
 fuerat, voluntatem non consentire, atque ita à peccato proprie dicto  
 sibi cavere: quod quia non fecit, idcirco recte dicitur, mala sua contra  
 Davidem voluntate peccasse. Morbum autem hunc *Spiritum malum*  
 appellari, non mirabitur, qui morbum illum, quo mulier illa incurva  
 per octodecim annos: *M* & fuerat, Luc. 13. v. 11. *Spiritum infirmis*.  
 11 appellari legit: & insaniam, *Spiritum vertiginis*, & mundanam sa-  
 pientiam ac disciplinam, *Spiritum mundi*, 1. Corinth. 2. vers. 12, &c.

## IV.

Commodius commendatur nobis, ut supra strictim monuimus primò Verbi Divini Lectio, Auditio, Meditatio frequens. Hoc enim non tantum docet, quomodo Affectus sint temperandi, Vetus homo exuendus, secundum illud Pauli: Deponite vos, secundum pristinam conversationem, veterem hominem, qui corrumpitur secundum desideria erroris. Renovamini autem spiritu mentis vestra, & induite novum hominem, qui secundum DEVM creatus est in iustitia & sanctitate veritatis. Propter quod deponentes mendacium: Loquimini veritatem, unusquisque cum proximo suo, quoniam sumus invicem membra. Irascimini, & nolite peccare. Sol non occidat super iracundiam vestram. Nolite dare, neque datis locum diabolo. Qui furabatur, iam non furetur: magis autem laboret, operando manibus suis, quod bonum est, ut habeat, unde tribuat necessitatem patienti. Omnis sermo malus, spurcus, ex ore vestro non procedat: sed si quis bonus est, ad adificationem opportunitatis, necessitatis, ut det gratiam audientibus. Et nolite contristare Spiritum Sanctum DEI, in quo signati estis in diem redemptionis. Omnis amaritudo, & ira, & indignatio, & clamor, & blasphemia tollatur à vobis, cum omni malitia. Estote autem invicem benigni, misericordes, donantes invicem, sicut & DEVS in Christo donavit vobis, Eph. 4. vers. 22. 21. 24. 25. 26. 27. 28. 29. 30. 31. 32. Sed etiam in ipsa lectione sub ipsa meditatione vim divinam exserit, exerrantia pathemata reprimat & coercet, quod excedit temperat, quod deficit & languet, erigit & confirmat, non tantum ostendit discrimen honestorum & turpium, sed & à turpitudine nos retrahit, & ad pietatem nos animat, flectit & intendit, reprimat illa licentiam, cujus causa omnes deteriores sumus agnoscite Comico. Unde etiam David: Legem pone mihi, Domine, viam justificationum tuarum, & exquiram eam semper. Da mihi intellectum, & scrutabor Legem tuam, & custodiam illam in toto corde meo. Deduc me in semita mandatorum tuorum, quia ipsam volui. Inclina cor meum in testimonia tua, & non in avaritiam, Psal. 119. v. 33. 34. 35. 36. Si verbis Oratorum graviter dicentium inest vis persuadendi, flectendi animos, compescendi Motus, quanto magis verbo DEI Eloquio τῆ λόγῃ, sermoni Spiritus S. de quo Esaias cap. 55. v. 10. &c. Quomodo descendit imber & nix de caelo, & illuc ultra non revertitur, sed inebriat terram, & infundit eam, & germinare eam facit, & dat se-

men

*men ferenti, & panem comedenti: Sic erit verbum meum, quod egredietur de ore meo, non revertetur ad me vacuum, sed faciet quacunque volui, & prosperabitur in his, ad quæ misi illud. Et Paulus: Virus est enim sermo DEI & efficax, & penetrabilior omni gladio ancipiti, & pertingens usque ad divisionem animæ & Spiritus, compagum quoque & medullarum, & discretor cogitationum & intentionum cordis, Ebrzor. 4. v. 12.*

## V.

Secundò consideratio præsentis divinis illius, qui omnia videt, omnia penetrat, omnia etiam recondita perscrutatur, cujus oculis omnia sunt resupinata, Ebrzor. 4. v. 13. qui enim DEUM habet præ oculis, expendit illum præsentem, ille non facile designat aliquod scelus ac peccatum, sed reveretur illum, qui est ipsa sanctitas, & dicit: *Sancti estote, quia ego sanctus sum, Dominus DEVS vester, Levit. 19. v. 2.*

## VI.

Tertiò Passionis Dominicæ Contemplatio. Exhibuit quippe Salvator noster Speculum Patientiæ, cum extrema illi essent subeunda, nec potest non crucifigere carnem, qui spectat Christum crucifixum, deliciarî, qui intuetur spinas coronæ, superbire, qui paludamentum vile, quo ipse amictus, considerat, niti suis viribus, qui arundinem in manu Christi oculis subiecit, unde Paulus: *Mihi autem absit gloriari, nisi in cruce Domini nostri Iesu Christi, per quem mihi mundus crucifixus est, & ego mundo. In Christo Iesu enim neque circumcisio aliquid valet, neque præputium, sed nova creatura. Et quicumque hanc regulam secuti fuerint, pax super illos, & misericordia & super Israël DEI, Gal. 6. v. 14. 15. 16. Et Petrus: in hoc vocati estis, quia & Christus passus est pro nobis, nobis relinquens exemplum, ut sequamini vestigia ejus. Qui peccatum non fecit, nec inventus est dolus in ore ejus, qui cum malediceretur, non maledicebat, cum pateretur, non comminabatur, 1. Epistolâ c. 2. v. 21. 22. & iterum Paulus: Ideoq; & nos tantam impositam habentes nubem testium, deponentes omne pondus & circumstantes nos peccatum, per patientiam curramus ad propositum nobis certamen, aspicientes in auctorem fidei, & consummatorem Iesum, qui proposito sibi gaudio sustinuit crucem, confusione contempta, atq; in dextera sedis DEI sedet. Recogitare enim eum, qui talem sustinuit à peccatoribus adversum semetipsum contradictionem, ut ne fatigemini, animis vestris deficientes. Nondum enim usque ad sanguinem restitistis, adversum peccatum repugnantes, Ebrzor. 12. v. 1. 2. 3. 4.*

## VII.

Quartò Spiritus inhabitantis Animadversio : Dispensat hic vires contra Insultus , & nos munit : quanquam enim nullæ ex nobis , ex ipso tamen in nos exundant , quanquam concupiscentia sit operosa in suis Motibus , uttanquam Mare æquans , in quo fluctus fluctum comitatur , Affectus excipiat affectum , & ex corde corrupto semper prodeant cogitationes mala , homicidia , adulteria , fornicationes , furti , falsa testimonia , blasphemia , Matth. 15. v. 19. Spiritus tamen , qui inhabitat pios , Templum illos sibi legit & sanctificat , potentior undis superior est omnibus affectibus & tumultum compescit , ut etiam Paulus dicat : *Quicumque enim Spiritu DEI aguntur , ii sunt filij DEI. Non enim accepistis spiritum servitutis iterum in timore : sed accepistis Spiritum adoptionis filiorum , in quo clamamus ; Abba , Pater. Ipse enim Spiritus testimonium reddit spiritui nostro , quod sumus filij DEI. Si autem filij , & heredes , heredes quidem DEI , cohæredes autem Christi* , Rom. 8. v. 14. 15. 16. 17.

## VIII.

Quintò Baptismi nostri reminiscencia & commemoratio. Est ille *testimonium bonæ conscientie erga DEVM* , 1. Petr. 3. in quo DEO porrigente dextram manum dedimus , Diabolo , Mundo & carni renunciavimus ; quoties igitur affectus insurgunt carnis , si recordamur , quid promiserimus , cui fidem dederimus , subsidebunt turbulenti illi motus , quod Paulus egregie docet : *An ignoratis , fratres , quia quicumque baptizati sumus in Christo Iesu , in morte ipsius baptizati sumus ? Consepulti enim sumus cum illo per baptismum in mortem : ut quomodo Christus surrexit à mortuis per gloriam Patris , ita & nos in novitate vitæ ambulemus. Si enim complantati facti sumus similitudini mortis ejus : simul & resurrectionis erimus* , Rom. 6. v. 3. 4. 5. Nec malè Rabanus : Baptizati utuntur albis vestibus ; utpote quorum nativitatis faciem vetusti Erroris pannus fuscaverat , habitus securæ regenerationis Gloriæ præferat indumentum. Tegitur post sacram unctionem caput ejus mystico velamine , ut intelligant se diademate Regni & sacerdotali dignitate potiri , Adde Cœnæ sacræ usum , qui nos in bono confirmat.

## IX.

Sextò , Fidei præsidium & illius scuti apprehensio , quo tela retunduntur , cui jungenda reliqua armatura , de qua Paulus : *Induite vos ar-*

Mal.



armaturam DEI, ut possitis stare adversus insidias diaboli : quoniam non est nobis colluctatio adversus carnem & sanguinem : sed adversus Principes, & potestates, adversus mundi rectores tenebrarum harum, hujus seculi, contra spiritualia nequitia in cœlestibus. Propterea accipite armaturam DEI, ut possitis resistere in die malo, & omnibus perfectis stare. Stare ergo succincti lumbos vestros in veritate, & induiti lorica iustitie, & calcanti pedes, in preparationem Evangelij pacis : In omnibus, super omnia autem (arma) sumentes scutum fidei, in quo possitis omnia tela nequissimi ignea extinguere. Et galeam salutis assumite, & gladium spiritus, quod est verbum DEI, per omnem orationem & obsecrationem, orantes omni tempore in spiritu : & in ipso vigilantes, in omni instantia & obsecratione pro omnibus sanctis, Eph. 6. v. 11. 12. 13. 14. 15. 16. 17. 18.

## X.

Septimò frequens & assidua Oratio. Nihil magis hominem red-  
dere potest certum de Exauditione, quam quæ ex fide proficiscitur Ora-  
tio. Huc collimat Christus : Petite, & dabitur vobis, querite, & inve-  
nietis, pulsate, & aperietur vobis. Omnis enim, qui petit, accipit, &  
qui querit, invenit, & pulsanti aperietur. Aut quis est ex vobis homo,  
quem si petierit filius suus panem, nunquid lapidem porriget ei ? Aut si  
piscem petierit, nunquid serpentem porriget ei ? Si ergo vos, cum sitis ma-  
li, nostis bona dare filiis vestris, quanto magis Pater vester, qui in cœlis  
est, dabit bona petentibus se ? Matth. 7. v. 7. 8. 9. 10. 11. hoc indicat Johan-  
nes : Et in illo die me non rogabitis quicquam. Amen, amen dico vobis, si quid  
petieritis Patrem in nomine meo. Petite, & accipietis, ut gaudium ve-  
strum sit plenum, Johan. 16. v. 23. & 24. hoc medio usus fuit maxime  
Paulus : Propter quod ter Dominum rogavi, ut discederet à me, 2. Co-  
rinth. 12. v. 8. hæc si pura, si casta fuerit secundum Augustinum, cœlos  
penetrans vacua non redibit, cum sit oranti subsidium, DEO sacrificium,  
dæmonibus autem flagellum.

## XI.

Premiorum & pœnarum cumulus, quæ vel sequuntur illum, qui  
DEUM amat, vel comitantur eum, qui licentiosè peccat, de quo Pau-  
lus : Fide, Moyses grandis factus negavit se esse filium filie Pharaonis,  
magis eligens affligi cum populo DEI, quàm temporalis peccati jucundi-  
tatem habere majores divitias, estimans thesauro Ægyptiorum, impro-  
perium.

perium Christi. *Aspiciebat enim in remunerationem, Ebr. 11. v. 24. 25. 26. & de pœnis: Voluntariè enim peccantibus nobis post acceptam notitiam veritatis, jam non relinquitur pro peccatis hostia. Terribilis autem quædam expectatio iudicij & ignis amulatio, qua consumptura est adversarios, Ebr. 10. v. 26. 27. Ipse DEUS ita: Ego sum Dominus DEVS tuus fortis, zelotes, visitans iniquitatem patrum in filios, in tertiam & quartam generationem eorum, qui oderunt me, Exod. 20. v. 5.*

— — — — proclivior Vfus,  
*In pejora datur, suadetque licentia luxum  
 Illecebrisque effrena favet: tunc vivere castè  
 Asperius cum prompta Venus: tum durius ira  
 Consulimus, cum pœna pater.*

## XII.

Nonò laboris indefessi studium, industria in viis officii divinitus commissi, citra Exerrationem ad aliena, vel otium, quod pulvinar Satanz, quorsum respexit Salomon monens: *Quodcunque facere potest manus tua, instanter operare: quia nec opus, nec rationes sapientia, nec scientia erunt apud inferos, quò tu properas, Eccl. 1. v. 10. otiosus, inquit Augustinus, Esau amisit Primatus Benedictionem, quia maluit cibum accipere, quàm quærere. Nec malè Lucanus lib. 1. variam semper dant Otia Mentem.*

## XIII.

Decimò, Status nostri Expensio: Sumus Christiani, & in Militia constituti, idem ergo nostrum esse symbolum, quod Helvii Pertinacis, Militemus. Contra Affectus depugnemus. Si in Gentilismo honestioris conditionis homines non plena dedere ventis vela, non permiserunt fræna Affectibus, quanto minus Christiani debent laxare Animum, quorum est se sanctiori disciplinz conformare: sumus Arbores Justitiæ, repressa itaque injustitia, repletos nos exhibeamus *fructibus Iustitiæ*, Phil. 1. v. 11. sumus abluti, sanctificati, justificati, Officium igitur nostrum erit secundum Petri monitum illud: *Vos autem curam omnem subinse-  
 gentes, ministrare in fide vstra virtutem, in virtute autem scientiam, in  
 scientia autem abstinentiam, in abstinentia autem patientiam, in pacien-  
 tia autem pietatem, in pietate autem amorem fraternitatis, in amore au-  
 tem fraternitatis charitatem. Hac enim si vobiscum adsint, & superent,*  
 non

*non vacuos, nec sine fructu vos constituent in Domini nostri Iesu Christi cognitione, 2. Epist. c. 1. v. 5. 6. 7. 8. Spiritu regimur, vitanda ergo opera carnis, & studendum erit fructibus Spiritus, qui recensentur ab Apostolo scribente: Charitas, gaudium, patientia, benignitas, bonitas, longanimitas, mansuetudo, fides, modestia, continentia, castitas, Gal. 5. v. 22,*

## XIV.

Specialia Remedia, speciebus parantur, & quidem primò Amori, quem peccatum inficit Devitatio Desidiz. Otia enim, si tollas, perire Cupidinis Arcus, cedit amor rebus, res age, tutus eris. Remotio cogitationum à re amata perverse, vel etiam cogitatio de fœditate peccati. Consideratio incommodorum ex amore turbulento. Temperantia in cibo & potu, nec non, quod maximè commendatur, Oratio seria ad DEUM pro Spiritu Castitatis & suspiria, quale illud Davidicum: *Cor mundum crea mihi DEVS, & spiritum rectum innova in visceribus meis. Ne proijcias me à facie tua, & Spiritum sanctitatis tue ne capias à me. Redde mihi gaudium salutis tue, & spiritu voluntario confirma me,* ex Psalmo 51. v. 12. 13. 14. Odio, si sit perversum, medetur illa eximia virtus, qua levius fit Patientia quicquid corrigere est nefas. Aversio à malitia, quæ odio inest, & Expensio illorum incommodorum, quæ secum vehit. Quantumcunq; in persona aliqua, scribit Augustinus, seges odii plurima obijciatur, cavendum tamen est, ne odium illud, si rationis prætergrediatur lineam, fiat dolosus Arcus, qui in nos ipsos sagittam excitet. Nec inimici homines, qualescunque fuerint, odio sunt habendi; ne cum odit Malus, qui patitur malum, sint duo mali. Diligat bonus, & quem patitur malum, ut vel unus sit malus. Consideratio nostræ fragilitatis, quid enim absurdus, quam mortales immortales Affectus & odia fovere adversus proximum. Tertio, Desiderium compescit primò prudens cautela, ut in iniuriis opprimatur, in semine, ut Hieronymus loquitur, elidatur. Cum secundum Senecam omnis Affectus primò sit imbecillis, deinde ipse se concitet, facilius excludatur, quàm ejiciatur. Secundò meditatio ex unâ parte, quod Natura paucis sit contenta, ex altera, quod multum varietatis habeant Desideria, quæ sine Ratione & Spiritu feruntur. Tertiò attentio ad Mortalitatem, quæ nos ubique comitatur, & tandem appetente termino omnia desideria præscindit, Honesti Dignitatem, inhonesti turpitudinem, sensibilem Bonorum vilitatem & transitoriam durationem, Cruciatu animi, qui sequuntur, maximè si consideremus

cupiditates tanquam abeuntes ac quasi fessas, quæ implent animum  
 amaritudine, cum recedunt. Quartò Abominationem corrigimus re-  
 spiciendo ad DEUM, cujus Dexterâ omnia mutare potest, ad nos me-  
 ipsos, quorum conditio est post lapsum Mali urgeri & exerceri, ad na-  
 turam Mali, quod potest cedere in commodum, cum illis, qui DEUM  
 diligunt, omnia cedant in Bonum, Rom. 8. v. 29. Quintò Delectatio-  
 nem & Gaudium moderatur cogitatio de Gaudii temporalis indole,  
 quod nullum illime, nec ulla sincera voluptas, sollicitumque aliquid læ-  
 tis interveniat, misceatur plerumque mœroris poculum, inde Poëta: ha-  
 bet hoc omnis voluptas, stimulis agit furentes, apumque par volan-  
 tum, ubi grata mella fudit, fugit, & minus tenaci ferit iusta corda morsu.  
 Secundò cogitatio de fugacitate & brevitate omnis lætitiæ, quæ hanc  
 vitam interdistinguit, & quod plerumque extrema Gaudij luctus occupet,  
 Proverb. 14. v. 13. Tertiò Cogitatio de lætitiæ sinceritate, quæ plerumque  
 expectat, ad quam omnis hæc, quam hic persentiscimus Umbra, Bulla,  
 nihilum. Dolor five Tristitia sextò tollitur, cum depellimus primò  
 à nobis opinionem Mali, ob quod tristamur. Secundò, si præmeditati  
 excipiamus illud; cum tela prævisa minus noceant. Tertiò, si expendamus,  
 quæ ex adversis bona oriantur. Malo, inquit Seneca Epistola 86.  
 me fortuna in castris suis, quam in deliciis habeat. Ludovicus Vives  
 lib. 2. 3. de Anima ita differit: Tollitur Tristitia vel malo sublato, vel  
 redditur amisso Bono, aut rebus lætis majoribus affluentibus, quas plu-  
 res æstimamus, quam illas, quarum absentia nolebamus. Diluitur etiam  
 illis, quæ sepe faciunt atram bilem, ut libis calidis & sumenribus, vino  
 potissimum, quo de est in sacris literis: Da vinum mœsto. Item oble-  
 scementis quoque visus & auditus, ut cœlo aperto, Musica; item aver-  
 satione cogitationis, ut in negotiis & narratiunculis lepidis, recto quo-  
 que judicio, nempe reputatione, non esse Malum, nec tanti esse, ut nos  
 affligamus. Theologica ex Scriptura possunt depromi. Meditatio status  
 nostri, quod, qui Christiani, non possint esse à malo immunes, confor-  
 mari debeant Christo, qui crucem patienter in se suscepit & tollit, signum  
 exinde concipere disciplinæ paternæ: Qui non accipit crucem suam, inquit  
 Christus: & sequitur me, non est me dignus, Matth. 10. v. 38. Scimus, dicit  
 Paulus: quoniam diligentibus Deum omnia cooperantur in bonum, Rom. 8.  
 v. 29. Quem enim diligit Dominus, castigat: flagellat autem omnem filium,  
 quem recipit, in disciplina perseverato. Tanquam filiis offert vobis se DEVS,  
 Ebræor. 12.

*Hebræor. 12. v. & seq. 6. Adde illud : Quia acceptus eras DEO, necesse fuit ut probatio tentaret te, Tob. 12. v. 13. Oratio seria & ardens ad DEUM : Trifatur quis vestrum ? orat, Jac. 5. v. 3. Spes futuri Boni : Gloriamur in tribulationibus, scientes, quod tribulatio patientiam operatur, patientia autem probationem, probatio verò spem. Spes autem non confundit, quia charitas DEI effusa est in cordibus nostris, per Spiritum S. qui datus est nobis, Rom. 5. v. 3. 4. 5. Id enim, quod in presenti est momentaneum, & leve tribulationis nostræ, supra modum in sublimitate æternum gloriæ pondus operatur, non contemplantibus nobis, quæ videntur, sed quæ non videntur, quæ enim videntur, temporalia sunt : quæ autem non videntur, æterna sunt, 2. Cor. 4. v. 17. 18. Septimò Spes incerta, quæ aliàs ut Plato dixit, vigilantium somnium figitur promissionibus, & si de aliquo Bono ex manu divini expectando, Verbo DEI. Unde Paulus : Gloriamur in tribulationibus, scientes, quod tribulatio patientiam operatur, Rom. 5. v. 5. Impia & turpis, de qua Prov. 11. v. 7. Mortuo homine impio nulla erit ultra spes, & expectatio sollicitorum peribis, tollitur emendatione vitæ per Spiritum, & depulsione illius ab Animo sperantis, juvenilis denique consilii illorum regitur, qui possent Experientis. Octavò, Desperatio avertitur Meditatione amplissimi Favoris & Assistentiæ divini. Attentione ad exempla illorum, qui in arduis constituti vicerunt, in profundum projecti emerferunt. Vocationis denique nostræ Sanctitate & Robore. Hinc Hyrcides 10. v. 31. 32. Fili, in mansuetudine serva animam tuam, & da illi honorem secundum meritum suum. Peccantem in animam suam quis iustificavit ? & quis honorificabit exhonorantem animam suam. Nondò, Metum & Timorem frenat imminutio cupiditatum : qui enim nihil habet, quod cupiat, metuit quoque nihil. Desinis timere, inquit Seneca Epistola 5. si sperare desinis. Opinioni Mali, quod metuitur, Excusio : plura enim sæpè sunt, quæ nos terrent, quam quæ premunt, & sæpius opinione, quam relaboramus. Inutilitatis Consideratio, quæ in Metu malorum, quæ ante tempus sine fructu cruciant. Quæ illa dementia est, scribit Seneca Epistola 98. Malum suum antecedere, miserum esse ante tempus, cum illa, quæ velit imminuentia expavisti, fortasse nunquam futura sint. Certè nondum venerunt. Maximum autem Remedium est Spes de Auxilio divino, de quo Paulus : Sine moris sine avaritia, contenti presentibus. Ipse enim dixit : Non te deseram neque derelinquam. Ita ut confidentes dicamus : Dominus mihi adiutor, non timebo, quid faciat mihi*



homo, Ebr. 13 v. 5. Adde illud Davidis: *Diligam, te Domine fortitudo mea, Dominus firmamentum meum & refugium meum, & liberator meus. DEVS meus, adjutor meus, & sperabo in eum. Protektor meus, & cornu salutis mea, & susceptor meus. Quoniam quis prater Dominum? & quis DEVS prater DEVM nostrum? DEVS pracinxit me virtute, & posuit immaculatam viam meam. Qui perfecit pedes meos, tanquam cervorum, & superexcelsa statuens me, Plalm. 18. v. 2. 3. 4. 33. & seq. Dominus illuminatio mea, & salus mea, quem timebo? Dominus protektor vita mea, à quo trepidabo? Psalm. 27. v. 1. & seq. &: Nonne DEO subiecta erit anima mea? ab ipso enim salutare meum. Nam & ipse DEVS meus, & salutaris meus, susceptor meus, non movebor amplius, Psalm. 61. v. 2. 3. & seq. Decimò Audaciam temperat primò moderata de se & viribus suis Opinio, si scil. quis non nimium sibi ipsi confidat, secundò Sobrietas, quæ prudentiæ comes est, & tertio Depositiò vilipendii, quod in animo sedem locare voluit, de imbecillitate adversarii. Nihil enim tuto in hoste despicitur, quem spreveris, valentior em negligentia facies, attende ad illud Domini: Numquid gloriabitur securis contra eum, qui secat in ea? aut exaltabitur ferra contra eum à quo trahitur? quomodo si elevetur virga contra elevansem se, & exaltetur baculus, qui utitur lignum est? Esaia. 10. v. 15. Undecimo Ira tepescit, si spatium des animo, nec scintillam confestim in incendium promovere gestias, si removeas opinionem contemptus, sive injuriæ acceptæ, si modeste & demisse de te sentias & proprios attendas defectus & imbecillitates, nec multum inquiras, quid de te dicatur: multæ enim nos injuriæ transeunt judicio Senecæ, ex quibus plerasque non accipit, qui nescit. Male dicta spreta exolescunt, inquit Tacitus, si irascaris, agnita videntur. Præterea observandum quam multis Ira nocuerit. Alii nimio fervore rupere venas, & sanguinem supra vires elatus Clamor egestus, & Luminum suffudit aciem in ocnlos vehementius humor egestus, & in Morbos ægri recidere. Et vel maxime illud: *Ira viri justiciam DEI non operatur, Jacobi 1. v. 20.**

## CAPUT VI.

De

## SIGNIS AFFECTUUM.

## THESIS I.

**D**E Signis Affectuum aliquid etiam monendum, quæ indicia sunt cadentia in sensum, ex quibus homo deducitur in cognitionem virtutum, quæ exsurgunt, & mentem perturbare aut confundere solent, Distinguit illa Scipio Claramontius Cæsenas in communia & propria. Communia dicit, quæ pluribus affectibus conveniunt. Propria, quæ uni. Hæc autem quæ propria sunt, alia ipsi sunt simplicia, alia coacervata. Simplicia dicit, veluti truces oculos in ira. Videntur enim illi forsan soli iræ convenire. At coacervata erunt, quæ simul sumpta unico affectui conveniunt. Veluti in Ira congeries illa Senecæ: *Flagrant & micant oculi; multas ore toto rubor, exastuante ab imis præcordiis sanguine: labia quatuntur: dentes comprimuntur: horrent & subjiciuntur capilli: spiritus coactus & stridens: articulorum seipsos torquentium sonus; gemitus mugitusque: & parum explanatis vocibus sermo præruptus; & complosa sæpius manus: & pulsata humus pedibus: & totum concitum corpus, magnasque minatur agens: sæda visu & horrenda facies depravantium se atque intumescen-  
tium.* Congeriem hanc signorum dicit signum coacervatum; singula signa cum convertuntur, dicit signa propria simplicia. Tria itaque signorum genera sejungit; signa communia; signa propria coacervata: signa propria simplicia.

## II.

Et quidem dari istiusmodi signa, ipsa Scriptura insinuat, imprimis vero Salomon Rex sapientissimus ita scribens: *Homo apostata, vir inutilis, graditur ore perverso, annuit oculis, terit pedes, digito loquitur, pravo corde machinatur malum, & in omni tempore jurgia seminat,* Proverb. cap. 6. v. 12. 13. 14. ubi quidem Vulgatus habet homo Apostata, Chaldæus Calumniator, Rab Levi mendax, alii vero cum Bernhardo intelligunt superbum & arrogantem, quidam cum Gregorio Anthorem jurgiorum & discordiæ, alii denique Scortatorem, sed recte secundum textum originarium in quo habetur *הוֹמֹן אֲפֹסְטָא* homo impius, co-

jis deinde pravitatis indicia ponuntur. Cui symphona prodit Ecclesiasticus. *Annuens oculo, fabricat iniqua, & nemo eum abjiciet; in conspectu oculorum tuorum conculcabit os suum, & super sermones suos admirabitur. Novissimè autem pervertat os suum, & in verbis tuis dabit scandalum,* cap. 27. v. 25. 26. Patres secundo attestantur. Ita enim Hieronymus Epistola ad Rusticum Grunniū reprehendens ob factum: cum Mensa positā, inquit, exposuisset librorum struem, adducto supercilio contractisque naribus, ac fronte rugatā, duobus digitulis concrepabat, hoc signo per summam ostentationem ad audiendum Discipulos, provocans. Nec male Ambrosius lib. de Elia & jejuniō, cap. 10. Vultus quidam, scribit, cogitationis arbiter, & tacitus Cordis Interpres. Index facies est plerumque Conscientiæ, & quidam tacitus sermo mentis, cum aut peccato compungimur, aut integritate lætamur. Conspirat Bernhardus, Tractat. de Gradibus Humilitatis, ubi hæc leguntur: Primus superbiæ gradus est curiositas. Hanc autem talibus indiciis deprehendes, si videris Monachum, de quo prius benè confidebas, ubicunque stat, ambulat, sedet, oculis incipientem vagari, caput erectum, aures portare suspensas, & motibus exterioris hominis, interiorē immutatū agnoscas. Vir quippe perversus annuit oculo, terit pede, digito loquitur, & ex insolentis corporis motu recens animæ morbus deprehenditur, quam dum à sui circumspectione torpescit, incuriā sui curiosam in alios facit. Tertiò ex profanis Marcus Tull. lib. 3. de Orat. Omnis, inquit, motus animi suum quendam à Naturā habet Vultum, & sonum & gestum: animi imago Vultus est. Nam hæc una pars corporis est, quæ quot animi motus sunt, tot significationes & commutationes possit efficere. Est speculum mentis facies, oculique revelant, qualis sit intus mens, animusque viri.

## III.

Specialia signa Affectuum & quidem voluptatis, ponit Claremontius primò oculos hilares, frontem exporrectam genas colore & habitu vividiori, os ridens; Nec abnuat Scriptura. Ita enim Syracides: cap. 13. v. 31. *Cor hominis immutat faciem illius, sive in bona sive in mala: adde illud: Quare vultus tuus tristis est, cum te agrotum non videam? Nchemiz 2. v. 2. Conspirat etiam Ambrosius, qui scribit: Exterminat faciem suam, quia aliud corde gerit, aliud foris fronte prætendit. Non nos velut quodam peripetasmate operiamus, quod intus est, foris luceat, quod*  
foris

foris est, intus operetur. Attestantur è profanis Cicero scribens: Vultus ac frons animi Janua est, quæ significat voluntatem abditam ac retrusam. Hæc quam difficile est crimen non prodere vultu, secundum Ovidium, nec male Seneca in Hercule:

*Licet ipsa neget*

*Vultus loquitur quodcumque regis.*

Ex pulsu etiam sumi possunt signa lætitiæ; nam suus lætitiæ pulsus tribuitur. Galenus tribuit pulsum magnum, rarum & tardum; at nullam in vehementia differentiam suscipientem lætitiæ non excedentis: nam si excesserit, tum exsolvitur virtus ad mortem usque interdum, ut pulsus idcirco exolvantur ipsi quoque, contrarii saltem fiant memoratis. Vidimus enim in lætitiâ cor primigenia alteratione calore augeri, eoq; blando & moderato. Vidimus quoque ex spirituum moderato effluxu ex corde calorem itidem intendi; motus siquidem à materia, moderatus tamen, ignem auget, ut in lætitiâ idcirco non immodica pulsus ob augmentum calorem augeri debeat, ut dicit Galenus. Cum blandus tamen sit calor ejusmodi, minus fuliginum, illæque minus acres excitantur; unde minus quoque irritatur virtus ad eas expellendas. Ut frequentia pulsus à lætitiâ non augeatur; quod idem Galenus tradit. Eademque ratione non augetur vehementia. Cum enim virtus non irritetur, non etiam acrius insurgit ad percutiendum; unde vehementia, quæ in ea percussione consistit, non augetur. Prorsus ergo respondent Galeni doctrinæ hæc. Addit Ciaramontius Canones sequentes. Pulsus magnus, rarus, tardus, at non vehemens, lætitiæ est index. Patet ex dictis. Si manu cujuspiam pulsui admota sentiamus, ad cujuspiam personæ, aut rei commemorationem vel præsentiam, pulsum magnitudine augeri, at non celeritate, aut vehementia, intelligemus hominem ea lætari. Ut scilicet tum innotescat affectus lætitiæ, unaque causa ejus. Multa tamen diligentia opus est in hac ex pulsibus indagine affectuum. Nam videndum est, ne contractio ipsa pulsus, pro qualitate personæ, quæ tangitur, & ejus quæ tangit, pro scilicet intercedente amore, vel odio, vel reverentia, vel contemptu, vel alio ejusmodi affectu erga contractantem, varietur pulsus. Ita enim interdum affectus ex præsentia, vel commemoratione objecti, occultetur. Plato in secundo de Legibus asserit: Dum lætamur, non quiescere, non valere. Quod res ipsa indicat, cum eâ tamen exceptione, nisi voluptas ex solâ commen-

tatio-

tatione nascatur. Tum enim immoti potius consistunt: sique profunda fuerit, quasi exstatici. Verum tamen non posse consistere, non est signum cum lætitiâ convertibile; nam & anxii quiescere nequeunt, sed usque deque feruntur. Trepidantis hominis, & coram iudicibus constituti speciem describit Apulejus: *Tunc pedes incertis alterationibus commovere, modò hanc, modò illam partem scalpere capitis, & ore semiclauso balbutiens nescio quas affanias effutire.* Motus ergo & loci hucilluc variatio non est signum peculiare lætitiæ, sed commune etiam anxietatis. Verùm si motus sit gestiens, & cum exultatione, veluti cum saltatione & lusu, signum est lætitiæ. Sit itaque canon. Motus gestiens & cum exultatione, cum saltatione nempe & lusu, signum est lætitiæ. Dico, cum sponte sua sit. Nam aliqui interdum ex occasione saltant, qui variis, & acerbis curis premuntur. Item qui saltant ex officio, ut olim Saliarum, Fidicinæ, Chorauli, non rapiebantur, concitabanturque à lætitiâ ad saltum, sed ex officio studioque quæstus. Cum ad signa lætitiæ ex vultu accedunt motiones corporis non consistentes in eodem loco, efficacius tum argumentum lætitiæ nascitur, & habetur. Patet ex dictis. Non convertitur tamen signum. Lætitiæ enim ex meditatione & commentatione interiore solum corpus potius à motu prohibetur, quam quod in motum concitet. Quod superioribus coherens est. Vox, quæ lætitiâ significat, est præsertim risus, sicut fletus dolorem. At risus non unius est generis. Nam & irridere, & subridere dantur, quæ sunt risus quædam species. Aliæ præterea sunt risus species. Est enim cachinnus, id est risus solutus. Est risus sine cachinno. De quibus Cicero ait: *Ut si ridere concessum sit, vituperetur tamen cachinnatio.* At fortè exactior erit divisio, si dicamus, risum vel in solâ figuræ oris consistere, vel figuræ ejus sonum adjungere. Sonus autem vel reddit vocalem A, vel vocalem E, vel vocalem I, vel vocalem O, vel vocalem U, Apertior & solutior, qui A reddit. Huic proximus, qui sonat O. Depressior, qui E. At hoc depressior, qui sonat I. Qui vero U reddit, non ore sonat, sed naribus. In singulis tamen ejusmodi differentiis est sonus, & vehementior & lenior. Cum sonus est vehementior cachinnus est, & præsertim cum A & O resonat. Cum nullus sonus, vel cum lenis est sonus, à cachinno abest, & præsertim cum vocales summissiores E, I, V, resonat. Verum risus V eo magis abest à cachinno abest, quod ore non sonet, ut nihil hiet os. Cachinnus verò sine

hiatu



hiatu aliquo esse nequit. Canones nunc subjiciamus. Rîsus vehemē-  
tior, qui præsertim vocales A, O, resonet, concitatiorem ac solutiorem  
voluptatem significat. Rîsus lenior non æque concitatam, blandiorem  
tamen voluptatem indicat. Unde illud Lucretii:

*Suaveridens Venus.*

Hic autem rîsus est merum voluptatis signum. At rîsus superior & ca-  
chinnus potest præterea signum esse derisionis. Rîsus, qui sonat U, re-  
missiorem voluptatem, vel magis tectam significat. Neque enim rîsus  
ex ore nisi figura prodit, non etiam sono. Non convertitur autem si-  
gnum. Nam lætitia ex meditatione graphicaque rerum jucundarum  
descriptione, taciturna est, & absque rîsu ut plurimum. Vox gravior  
facta lætitiæ animi novam, vel obauctam significat. Ex doctrina Ari-  
stotelis Probl. 15. Vult enim ex remissione corporis, quæ in voluptate  
fit, gravitatem gigni vocis. Ut ea doctrina, nedum ad rîsum, qui ibi  
exprimitur, sed ad reliquam etiam vocem pertineat. Verum gravitas  
ipsa auctæ vocis, non est per se signum lætitiæ. Nam aliis etiam ex causis  
vox gravescere potest. Sed si aliis lætitiæ signis accedat etiam gravitas  
vocis obauctæ, argumentum lætitiæ intenditur. Sicut contra acumen  
tristitiæ. Unde Lydiæ acutæ & Mixolydiæ harmoniæ, quæ acutæ erant,  
mœstæ habebantur, mœstisque cantibus accommodabantur, ac que-  
rulis. Plato in 3. de Republ. *Quanam igitur querula harmoniæ sunt, dis-*  
*mibi. Tu enim Musicus es. Lydia mixta, Lydiæque acuta, ceteræque bu-*  
*jusmodi.* Hæc Plato. At idem voluptuarias ac molles harmonias re-  
missas ac relaxas asserit, adeoque graviore, nam ex remissione gravitas.  
Audiamus Platonem: *Quæcunque χαλάραι vocant?* Vocem autem  
χαλάραι Ficinus tribus vocibus exprimit, scilicet remissæ, relaxæ ac  
resolutæ. Homerus & ipse acumen mœstis vocibus tribuit. Nam fle-  
ntibus Ulyssi & Telemacho, acumen tribuit, ut paulò prius vidimus.

*Flebant autem stridulæ abundantius, quam aves*

*Aquila, vel vultures, &c.*

#### IV.

Dolorem manifestant indicia contraria: Pro rîsu ergo erit fle-  
tus: pro voce graviore erit vox acutior; pro motu erit quies corpo-  
ris immoti. Ut scita sit commentatio, quâ Niobe extremo victa dolo-  
re in saxum mutata traditur, ut in dolore immotus habitus corporis si-  
gnificetur, &c.

*Dirigitque malis ; nullos movet aura capillos ;  
In vultu color est sine sanguine : lumina mæstis  
Stant immota genis : nihil est in imagine vivum ?  
Ipsa quoque interius cum duro lingua palato  
Congelat , & vena desistunt posse moveri,  
Nec flecti cervix , nec brachia reddere gestus ,  
Nec pes ire potest.*

Excipitur tamen , si cum dolore misceatur trepidatio aut anxietas ; tum enim est in agitatione & corporis motu animal. Pulsus est , teste Galeno , parvus , languidus , tardus , & rarus. Oculi item tristes , contracta frons , demissæ genæ , os gemebundum vel compressum saltem. Suspiria accedunt reliquis doloris signis. Quæ , quo profundiora fuerint , quoque difficiliora , eo majorem significant dolorem ; majorem enim indicant cordis angustiam & compressionem , ob immodicum scilicet in ipsum confluxum caloris spirituumque. Ipsa Scriptura hoc probat , Salomone dicente , Proverb. 17. v. 22. *Animus gaudens aeternam floridam facit : Spiritus tristis exsiccat ossa.* Ad stipulatur Chrysostomus Homilia 10. in Epistol. ad Philip. Mœrores & sollicitudines , cum præter modum animam distrahunt , suo robore illam privant. Nec male Comicus : Nihil sic perinde animam ut cura exedit.

## V.

Signa Amoris ponuntur primò rem aliquam instantibus ac procacibus , oculis inspicere præsentem , ejus rei cupiditatem indicat , sive res Venerea , sive cupidiosa , sive pecuniaria fuerit. Exemplum penes Plutarchum in vita Pyrrhi Oplaci Ferentani ; qui diu intentissimis oculis cum inspexisset Pyrrhum , ipsum quoque hasta invasit ; ut invasurum ex eo ipso defixo obtutu conjecerat , Regique prædixerat Leonatus. Non convertitur tamen canon : ut quicumque cupit , procacibus oculis inspicat , atque instantibus. Pudor sæpe retinet , præsertim puellas. Nam , ut dicit Ovidius de fœmina :

*Vir male dissimulat ; rectius illa cupit.*

Et modesti demum homines cohibent se , nec cupiditates suas aperte indicant. Si præter oculorum instantiam etiam rubor in ore accendatur , argumentum intenditur cupiditatis inspectæ rei. Ex dictis patet. Si instant.

stantibus oculis , vel persona , vel instrumentum Veneri aptum aspiciatur , ruborque præterea accendatur in ore , & labellum spumet , ut dicit Juvenalis , est præsentissimum libidinis signum. Quod si oculi , tum instantes , tum natantes sint , confirmatur multo magis signum incensæ Venereæ cupiditatis. Augetur adhuc , si vicissitudo linguæ inter labra accedat. Si oculi lubrici & natantes sint , rubor in ore , discursus vagus & varius , labrum spumans , in absentia etiam objecti Venerei , cupiditatem tamen Veneream significat ; præsertim si agitatio illa linguæ inter labella accesserit. De quâ supra non semel. Ad ciborum præsentiam vel commemorationem salivam deglutire , argumentum cupiditatis illiusmodi ciborum. Admotâ pulsui manu , si sentiatur ad præsentiam vel commemorationem cuiuspiam rei pulsus acutus magnitudine , altitudine , vehementia , celeritate , crebritate , & non appareant iracundie signa , intelligitur hominem incensum esse cupiditate rei oblata vel memorata. Ad amorem erga personam transeamus , qui duplex. Alter amor finis cui , adeoque amicitia veræ ; Alter potius à quo , seu causa effectricis utilitatis , aut voluptatis nostræ. Amor , ex quo amatores dicimur , Italiceque *inamorati* , est hujus postremi generis ; de eoque nunc dicamus. Nam ideo amant homines amicas , quod voluptatem ex eis Veneream cupiant & expectent. Ferventis itaque ejusmodi amoris , ac furiosi ferme , signa adducamus. Distinguere tamen primum oportet amorem , ut habitum significat , utque significat præsentem actum ; Nam amator dicitur , non qui nunc solum amat , sed qui radicato amore amavit , & amabit etiam post præsentem actum. Rem quoque antea distinximus : in præsentem verò negotio confunditur uterque amor , imò verius pro amore habitu sumitur. Ejusmodi enim amorem in Antiocho Erasistratus , in muliercula Galenus detexerunt. Ita sumpti Amoris signa adducamus , sunt autem effectus amoris , tum in animum , tum in corpus. Quicumque ex illis observationi nostræ patent , signa evadunt amoris. In corpore ergo (dum amor jam ad summum evaserat) erat macies , in omnibusque ejus membris , præterquam in oculis ; qui quidem profundi sunt , attamen magni , & turgidi , quoniam fit multa in ejusmodi affectu evaporatio ad caput propter suspiria sequentia , ut Avicenna docet. Pallor quoque consequitur amorem , noctes insomnes , inappetentia cibi , suspiria , gemitus frequentes. Ovidius , cujus etiam supra attulimus carmina :

*Fugerat ore color, maciesque adduxerat artus,  
 Sumebant minimos ora coacta cibos:  
 Nec somni faciles, & noxerat annua nobis.*

Et hoc ipsum quoque docet Jobus, qui propterea: *Pepigi fœdus cum oculis meis, ut ne cogitarem quidem de virgine*, cap. 31. v. 1. quod & Syracides confirmat: *Virginem ne conspicias, ne forte scandalizeris in decore illius*, cap. 9. v. 5. unde Nazianzenus: *Virgo sis oculis, sis ore atque auribus ipsis*. Nec malè Beda, oculi petulantes cordis luxuriosi sunt proditores. Notarunt id quoque profani, unde apud Apulejum Fotis, discede, ait, miselle, à foculo discede: nam si te vel modice meus igniculus afflaverit, ureris intime. Audi Poëtam ita canentem:

*Sepibus in nostris parvam te roscida mala,  
 Dux ego vester eram, vidi cum Matre legentem:  
 Alter ab undecimo jam tunc me coeperat annus,  
 Iam fragiles poteram à terrâ contingere Ramos:  
 Ut vidi, ut perij, ut me malus abstulit Error.*

Adeoque fixum illud Propertii:

*Si nescis, oculi sunt in amore duces.*

Claramontius cum aliis signa amoris erga personam facit scribens: Si quem cogitabundum observemus, ac in ea cogitatione licet defixum, at tamen non mœstum aspiciamus, verùm cum excitatur, in suspiria erumpat, multò magis si erumpat in lachrymas & fletus, argumentum id reputemus ac signum amoris æstuosi ac confirmati. Multò evidentius signum est, si inter cogitandum aliquis lætitiæ radius effulgeat. Ratio pendet ex dictis. Nam dum amator amatam defixe cogitat, voluptatem ex ea recipit, at intimam & reconditam, ut non erumpat facilè. At tamen eousque potest permovere animam, ut aliquid ejus ex ore vel ex oculis subluceat. At cum expergiscitur ex cogitatione amator, tum falsam agnoscens, quam sibi prius repræsentaverat amatæ præsentiam, in suspiria & lachrymas procedit, instar somniantium divitias ac felicitatem, qui experrecti vacuos se ab omni bono inveniunt & ingemiscunt. Paulus Ægineta amantibus tribuit oculos concavos, qui non illachrymant, sed tanquam voluptate pleni apparent, lib. 3, c. 17. Difficile est distinguere habitum yvukus cogitabundi, læti interiore & obducta lætitiæ, atque

atque cogitabundi, mœsti interiore mœstitia. Uterque enim vultus est obductus. Attamen distingui potest. Ille enim vultus serenitatem aliquam, licet obditam, præ se fert, interdumque aliquos ceu radios lætitiæ aperit, (hoc tamen non semper) hic autem tetricam contractionem continet, & depressiorem obductionem. Quoad usum autem, ab observatione frequenti solum potest acquiri prudentia agnoscendarum ejusmodi differentiarum. Si misceri in quopiam intelligamus suspicia & lætitiā, credendum est ipsum amore cujuspian teneri & affici. Asserit hoc Marsilius Ficinus in *Conviv. Platon. c. 6. Orat. 2.* Verba sunt: *Amore illaqueati vicissim suspirant, & gaudent.* Pendet verò ex dictis. Nam amor melle & felle fœcundior est. Cum amor jam desperatione abundat, adeoque mœstitia, non amplius gaudio fovetur, nisi cœlestica consideratione, ac commentatione amati objecti. Non est vicissitudo post suspiria gaudii. Talis fuit Rotolandi penes Areostum habitus post agnitum Angelicæ ac Medori amorem. Non ergo signum convertitur. Scilicet non omnis, qui amat, vicissim suspirat & gaudet. Sed num omnis, qui vicissim suspirat & gaudet, est amator? Et non videtur; nem quicumque inter spem ac metum degit, versatur pariter inter lætitiā & mœstitiā; unde vicissim lætari, & suspirare potest. Dicendum est ergo, non esse veram in universum propositionem: qui vicissim suspirat & gaudet, est amator; ut sit signum hoc commune, non *πρὸς ἕνα*. Eget ideo aliis adminiculis ad certio rem conjecturam. Frequens mentio alicujus personæ, quæ cum nullum sit negotium, ex quo nascatur occasio frequentis commemorationis, probabile est signum amoris. Dico probabile. Nam etiam odium potest esse causa commemorationis frequentis personæ exorsæ ad ultionis spem, vel perditionis ejus. Sæpe etiam ob timorem. Quocirca Nero, postquam descivit Vindex, sæpe illud inculcabat: *si per Vindicem licebit.* Augetur & roboratur signum, si odium nullum subesse, aut iram, aut timorem, conjiciatur. At confirmatur adhuc magis, si suspiria vicissim & lætitiā commisceantur. Tum enim certum evadit timoris signum, etiam si tectè mentionem faciat. Nam interdum, quos pudet memorare personam, memorant exercitia ejus, ut hominis ita sibi obversetur, clamaliis, simulacrum. Ita penes Euripidem in Hippolyto, Phœdra venatum & equestrem exercitationem loquebatur, ut sibi referret Hippolytum.



*Mitte me in montem: ab eo ad sylvam,  
Et ad pinus, ubi fericida  
Canes lustrant,  
Variis cervis appropinquantes:  
Per Deos cupio canes infremere. Et;  
Praeset Sancta o Diana Limna,  
Et Gymnasiorum pulsatorum ab aquis,  
Vtinam essem in sua area,  
Equos venetos domans.*

**Vel in mentione odium simuletur.** Quippiam tale est penes Ovidium dum Cypassis ancillam Corinnæ re ipsa amat, at dicto spernit & abhorret.

*Dū melius, quàm sic mihi sit peccasse libido;  
Sordida contemptæ sortis amica iuven.  
Quis Veneris famula connubia liber inire,  
Tergaque complecti verberare secta velit?*

Inordinatus vitæ habitus, ut modò scilicet sit lætus, modò absque apparente causa tristis, modò immotus, modò inquietus, modò audax, modò pudibundus, erga scilicet peculiarem personam, modò impudens erga alios, amoris incensionem significat. Patet ex dictis. At signum evidentius redditur, si homo suapte natura non inconstans in ejusmodi inconstantiam transeat atque inordinationem. Penes Euripidem in eodem loco Phœdra non eundem corporis situm retinebat nec habitum: & modò detegere sibi caput, modò operire famulabus jubebat. Si ad notā manu pulsui, cujuspiam sentiamus pulsus sub adventum aliqujus personæ vehementer alterari, ac inordinatò, idque non semel observemus, idemque accadat ad ejusdem personæ factam commemorationem; credendum est, hominem, cujus pulsus alteratur, amore teneri personæ, quæ accedit vel cujus mentio incidit. Erasistratus hoc modo amorem Antiochi deprehendisse dicitur, & Galenus asserit se deprehendisse amorem mulierculæ quam invisebat, cujus historia infra in praxi reponetur. At interdum amor non tegitur, sed palam aperitur, vel aspectu cupido & instante, vel vocis confessione ac protestatione. Tum itaque solùm, aut dispiciendum, num subsit fictio, aut gradus amoris inquirendus. Quorum primum ex superioribus regulis deprehenditur, secundum ex signis nunc traditis, pro intensione eorum  
atque

atque aggregatione. Amora<sup>m</sup>amicitia<sup>m</sup>, licet ipse quoque affectus sit (in partem enim sentientem refunditur) attamen, cum præsertim in appetitu rationis voluntateque resideat, ideo indago ejusmodi amoris, ut in parte sentiente non æque eminentis, potius ad morum indaginem redigi debet, ex ejusque procedere principiis, quam vel ad indaginem affectuum, exque principiis hujus. Id autem præcipuum in amore amicitia<sup>m</sup> videtur, ut eum nemo dissimulet. Unde contra simulationem potius, quam contra dissimulationem præmunire inquisitionem & indaginem oportet. Procedendum nempe est ex consideratione actionum, quæ amicitia<sup>m</sup> veræ conveniunt. Ea si absint, intelligemus, amorem amicitia<sup>m</sup> non adesse. Si adsint autem, dispiciendum est, num omnis absit fictio ac simulatio. Ea enim nisi suberit, verum amicitia<sup>m</sup> amorem inesse, credi jure merito poterit. Ad excludendum verum amicitia<sup>m</sup> amorem satis erit, si causa turpis amorem conglutinaverit. Non enim turpi fundamento, adeoque instabili, potest solida amicitia<sup>m</sup> honestas superstrui. Quâ ratione adductus Aristoteles solam amicitiam honestam permanere pronunciavit, eo quod virtus, cui innititur, stabilis est.

## VI.

Odium sua quoque habet indicia, de quibus Claramontius : Aversio aspectus signum est odii. Ita penes Euripidem Hecuba non sustinebat aspicere Polymnestorem ; excusabat verò, falsò scilicet, ne id ipse odio tribueret.

*Neque queam intueri te rectis oculis,  
Sed hoc ipsum ne malevolentiam existimes tui.*

Et Virgilius de Didone in inferno Æneam perosa :

*Ille solo affixos oculos averſa tenebat.*

Non est signum convertibile tamen, nam & pudor, & timor urgentes ab aspiciendo avertunt. Verum si pudorem & timorem non inesse conjiciamus, qui affectus evidentiores sunt, tum ex eo signo odium arguere licebit. Aspectus retractus signum est odii, saltem offensionis ; cum nempe necesse est aspicere, neque licet avertere oculos. Eo aspectu patibulum jam præsens respiciunt damnati, non instante scilicet & prociaci, sed (uti voco ipse) retracto. Non tamen convertitur signum, cum & timor, ac pudor, ac reverentia aspectum ejusmodi possint efficere : ut antea diximus. Si ergo argumenta habeamus excludendi ejus-

mo-

modi alios effectus, odium potest ex eo aspectu inferri. Aspectus torvus signum est odii. Virgilius de Didone adversus Æneam:

*Talibus Æneas ardentem & torva tuentem.*

Torvus aspectus signum est vel odii, vel iræ. At in ira aspectus torvitas cum majore corporis commotione, & alteratione conjungitur, quam in odio. Ut utrius affectus sit signum, non difficile sit dignoscere. Maledicta, detractionesque, præterea etiam dicta minacia odium indicant, vel iram. Si ex impetu nempe, iram; si sedatè, odium significant. Sed suadere etiam cuipiam sermone, ut alium perimat vel lædat, est odii signum.

*Erat Numani in Teucros odij signum cum illis maledicebat,*

*O vere Phrygia, neque enim Phryges.*

Minacia Pandari dicta odium in Turnum præ se ferebant;

*Castra inimica vides, nulla hinc exire potestas.*

Cum Sejanus ea in Agrippinam, & Neronem, ac Drusum ferebat, quibus demum exarsit in eorum cædes Tiberius, erat id penitissimi odii signum. Significant verò odium, cum sedatè dicuntur: iram, cum ex animi impetu. Facta contra dignitatem, aut utilitatem, aut salutem cujuspiam, odium in illum significant, aut iram. Si subito nempe, & ex impetu, iram monstrant; si sedatè & meditato, odium. Oportet tamen fictionem præcavere. Nam interdum aliqui simulant odium & inimitiam in quempiam, ut alium, qui illum verè oderit sibi obnoxium reddant. Latiaris dum amorem in Germanici domum, odium in Sejanum simularet, Tit. Sabinum pervertit. Dum Syrus, alia licet de causa, odium vel iram simulans in Ctesiphonem, decepit Demeam.

— — *Non puduisse verberare hominem senem,*

*Quem ego modo puerum tantillum in manibus gestavi meis.*

Conspirat Scriptura, quæ introducit fratres Josephi: Qui cum vidissent eum procul, antequam accederet ad eos, cogitaverunt illum occidere. Et mutuo loquebantur: Ecce somniator venit. Venite, occidamus eam, & mittamus in cisternam veterem, aliquam, dicemusque, fera pessima devoravit eum, Gen. 37. v. 18. 19. 20. Et versu 4. Videntes autem fratres ejus, quod à patre plus cunctis filiis amaretur, oderant eum, nec poterant ei quicquam pacifice loqui. nec non Esavum dicentem: Veniens dies luctus patris mei, & occidam Jacob fratrem meum, Gen. 27. v. 41. Patres, quorum princeps Episcopus Mediolanensis, describit leviter excedentes & servantes

vantes insidias, in corde inclusas, atque addit multum inter est, inter turbatum oculum, & extinctum: festuca turbat, trabs extinguit. Denique etiam profani, qui fugam posuerunt signum odii, & de Melanione prodiderunt, quod odio mulierum in solitudinem migrarit, atque per avia montium cane comite feras sectatus fuerit, neque unquam Domum redierit.

## VII.

Signa iræ hæc ponuntur à Claramontio: primò quidem secundum Galenum dicit, iræ pulsum esse altum, magnum, vehementem, celerem, crebrum. Quæ congruant illis etiam, quæ aliàs de ira scripserit, lib. de Ira, c. 19. ubi etiam viderit rubescere corpus, spirationem vehementem reddi, tremere labium inferius, & quibusdam totum corpus. At nonnullos esse, qui pallent. Sermonem quoque parum explanatis vocibus præruptum; interdum etiam silentium sequi intelligi. Alios præterea iræ effectus, nec non & causam ipsorum ex eodem loco peti posse; cum præsertim potiora nunc signa attulerit. Conspirat Salomon, qui ita: *Fatuus statim indicat iram*, Proverb. 12. vers. 16. & Syracides cap. 28. v. 11. scribit: *Vir iracundus incendit litem, & vis peccator turbabit animos, & in medio pacem habentium immittet inimitiam.* Patres Ecclesiæ; ita enim Augustinus: Ira est, cum inest opinio turbulenti appetitus inferendi ea, quæ facilitatem actionis impediunt. Idcirco plerumque non hominibus tantum, sed calamo irascimur in scribendo, eumque collidimus atque frangimus: & aleatores tessera, & pictores penicillo, & cuicunque instrumento, quilibet ex quo difficultatem se pati arbitratur: ac etiam assiduitate irascendi fel crescere Medici affirmant, incremento autem fellis rursus & facile & prope nullis causis existentibus irascimur. Graphicè iudem Poëta Persius:

*Nunc face supposita fervescit sanguis & ira  
Scintillant oculi; dicisque facisque quod ipse  
Non sani est hominis, non sanus juret Orestes.*

Et Flumineus Naso:

*Ora cunient Ira nigrescunt sanguine vena,  
Lumina gorgoneo savius ungue micant.*

## VIII.

Timoris indicia ponuntur varia & signa. Hujus perturbationis effectus in corpus referunt, qui præsertim signa ejusdem evadunt. Effectus etiam in animam sentientem signa esse possunt timoris, etsi multò minus conspicua quàm qui in corpus cadunt. Sunt itaque effectus, etiam signa. Tremor labii inferioris, & reliqui corporis.

— — Gelidusque perima cunctis  
Ossa tremor.

Præceptum autem est signum timoris, cùm *genua labant*, ut dicit Virgilius. Nam tremor inferioris labii, & reliqui corporis est signum commune etiam iræ; & dentium crepitus signum timoris manifestarium est. Sunt item signa: Corporis refrigeratio, & rigor pallorque interdunt, quæ arrectæ comæ. Quæ Poëtæ quoque agnoverunt:

— — — — Dirigere metu.  
— — Concrevit frigore sanguis.  
Illi membra novus solvit formidine sanguis,  
Arrectæque horrore coma.

Galenus, ut vidimus, omnia conjungit. *Sab eo & calor abit, & perfrigerantur, & rigent, tremuntque ac pulsus sunt parvo.* Tremor vocis, interdum verò & suppressio signum timoris est. De tremore vocis alibi. De suppressione est illud Virgilii:

Arrectæque horrore coma, & vox faucibus hæsit.

Sunt autem in voce ob timorem tres gradus alterationis: 1. Tremor. 2. Oratio non sese explicans. 3. Oratio suppressa. Secundus gradus est, quem describit Apulejus in scelesto servo, quem Medicus in concione beneficii attentati accusabat. *Trepidans enim is ad indicia vehementia, ore semiclauso, balbutiens nescio quas affanias* (Apulejus dicit) *effuribatur.* At oratio suppressa est postremus gradus timoris. Cum perfrigeratione enim vehementi vocalis virtus concidit, seu cum principium vocem efficiens perfrigeratum emarcuit, vocem tum nullam potest reddere. Pulsus parvus & depressus immò minimus, & maximè imbecillus, prout Galeno proximè diximus, & nunc quoque. Ratio verò patet ex

jactis



jectis principiis ; cum cordis calor ferme exsolvatur , corque ipsum fluctet & concidat. Palpitatio cordis magna ( non morbosa scilicet ) timoris est signum presentissimum. Scitum illud Plauti de Tyndaro cum ob indicium Aristophontis jam fallacia ejus detecta ferme esset :

*Quin quiesce decretum cor meum, & suspende te.  
Tu suffultus, ego miser vix asto praeformidine.*

Diximus lib. de timore cap. 10. de hoc cordis motu , ejusque causam attulimus. Timor interdum & excrementa efficit , ut antea diximus , causamque ex Aristotele attulimus , lib. de Timore cap. 32. In magno timore stupet vultus , stupentque oculi. Nempe , retractsus est aspectus & defixus. Virgilius de Androgeo , cum sensit se in medios Trojanos delapsus.

*Obstupuit retroque pedem cum voce repressit.*

Vulgo nos dicimus quempiam habere oculos exterritos ; cum scilicet stupentis instar eos defixos alicubi tenet , ac retractos. Nec absimilia tradit Scriptura , ita enim Eliphas Jobi cap. 4. v. 13. 14. *Pavor tenuit me , & tremor , & omnia ossa mea perterrita sunt. Et cum spiritus me praesente transiret , inhorruerunt pili carnis meae.* Nihil enim est timor quam proditio cogitationis auxiliorum : Cum sit timida nequicia , dat testimonium condemnationis. Semper enim praesumit sava perturbata conscientia , Sap. 17. v. 11. nec male Ambrosius lib. 2. de Cain & Abel , cap. 9. evidens generalisque ratio , ait , quod trepidant timidi , quia omni improbo mala adsunt , & affutura sunt , quae adsunt Tristitiam operantur , quae futura formidines adde Virgilium , qui ita :

*Tum verò ancipiti mentem formidine pressus.*

— — — — *Obstupui,*

*Steteruntque coma & vox faucibus haesit.*

IX.

Pudoris signa sunt erubescere ore , oculorum demissio. Virgilius de Didone :

*Tum breviter Dido, vultum demissa, profatur.*

Vocem orationemque perturbari ac impediri. Ita plerunque advenientes Principes ac Potestates summas vox destituit : saltem oratio illis deficit,

fioit, antea premeditata. Multa sunt exempla eorum, qui hanc ob causam defecerunt indicendo. Consimilia prodit Scriptura, quæ confusionem adscribit peccato: *Pro anima tua ne confundaris dicere verum: est enim confusio adducens peccatum, & est confusio, adducens gloriam & gratiam*, Syrach. 4. v. 24. 25. & Gregorius lib. c. 1. Ezechiel. homilia 10. erubescere malum Sapientia est, bonum verò erubescere fatuitatis, adde Silium Italicum lib. 1. de Bello punico canentem:

*Tum pudor accendit mentem, nec conscia fallis virtus pressa loco.*

## X.

Spei vestigia recensentur Constantia aspectus, & vocis, & orationis, calor quoque, erga bonum operosum ac difficile; item adversus malum imminens, signum est spei; quam, cum adversus malum imminens est, audaciam peculiari nomine dicimus. At cum spei adversus bonum desiderium jungitur, tum fervor & acumen cupiditatis signorumque ejus supervenit, atque adjungitur constantia signorum spei. Quam constantiam & idcirco alterat, in suasque partes aliquo modo trahit. Nempe signa cupiditatis adsunt, sed explicatiora & latiora. Ut spes voluptatem affert, in lætitiæque animum continet. Cum verò audacia desiderium pugnae adjungitur atque invasionis motus, etiam signa iræ illi plus minusve annectuntur, quæ ex lib. de Spe supra cap. 9. in solutione 2. dubitationis patent. Sunt verò signa iræ & cupiditatis pugnae tum latiora & alacriora: nam spes semper voluptatem adhibet.

## XI.

Antequam hinc abeamus, notamus tantum audax & superbum Cartesii pronunciatum, artic. 50. afferentis: Nullam tam imbecilem esse animam, quæ non possit cum bene dirigitur acquirere potestatem absolutam in suas passiones, addit: Prodest verò hic scire, quod ut jam supra dictum fuit, etsi unusquisque motus glandulae videatur connexus esse per naturam singulis ex nostris cogitationibus ab initio nostræ vitæ, aliis tamen per habitum jungi possint: ut experientia ostendit in verbis, quæ excitant motus in glande, quæ secundum institutionem naturæ nihil animæ repræsentant præter suum sonum cum voce proferuntur, aut figuram suarum literarum cum scribuntur, & quæ tamen per habitum, qui fuit acquisitus cogitando de eo, quod significant

erant, postquam auditus fuerit eorum sonus, aut eorum literarum inspicere, solent efficere, ut concipiatur hæc significatio potius quam figura literarum aut sonus syllabarum. Prodest etiam scire, quod etsi motus tam glandis quam spirituum & cerebri, qui repræsentant animæ certa quædam objecta, sint naturaliter juncti cum iis, qui excitant in illa quasdam Passiones, possint tamen per habitum inde separari, & jungi aliis valdè differentibus; Imò quod hic habitus possit acquiri per unicam actionem, nec longum usum postulet. Sic cum reperitur ex inopinato res quædam valdè sordida in cibo, qui magno cum appetitu comedeatur, inopinatus ille casus ita potest mutare dispositionem cerebri, ut postea nequeat videri talis cibus nisi cum horrore, cum antea comederetur cum delectatione. Quin idem in bestiis potest observari: Nam etsi ratione careant & forte omni cogitatione, omnes tamen motus spirituum & glandis, qui excitant in nobis Passiones, in illis quoque sunt, & inserviunt conservandis & confirmandis, non ut in nobis Affectibus, sed motibus nervorum & musculorum, qui eos comitari solent. Sic cum canis videt perdicem, naturaliter fertur ut in eam incurrat; & cum audit sclopetum displodi, ille strepitus naturaliter eum ad fugam incitat; at tamen ordinario ita instituuntur canes venatici, ut visâ perdice subsistant, & ad dislosionis strepitum quem postea audiunt, ad eam eurrant. Hæc autem scire refert, ut quisque contendat regere suos Affectus: Nam cum hæud ita magnâ industriâ mutari possint motus cerebri in animalibus ratione destituis, evidens est id melius in hominibus posse fieri, & eos ipsos, qui imbecilliores animas habent posse acquirere imperium absolutissimum in omnes suas Passiones, si

sat industriæ adhiberetur ad eos instituendos & dirigendos.

## CAPUT VII.

De

## ACTIBUS MORALIBUS.

## THESIS I.

**H**Actenus de Affectibus : nunc progredimur ad actus illos in quibus Honestas Christiana refulgere debet, qui, si sint externi bonorum operum nomine plerumque veniunt, & exercentur à natura rationali, discernunturque tanquam motus humani ab actibus hominis, cum actus hominis illi dicantur, qui à facultatibus animæ vegetativæ & sensitivæ prodeunt & homini cum Brutis sunt communes, humani vero, qui ab homine quæ tali proficiuntur, quem DEUS instruxit & ex Ornamento harum Facultatum cæteris animantibus eminere voluit, neque de illis tantum hic est quaestio, sed prout habent rationem Honestatis Christianæ, quæ vera demum Honestas, sanctæ, quæ conformis est voluntati divinæ sanctissimæ, secundum illud : *Sancti estotes quia ego sanctus sum Dominus DEVS vester*, Levit. 19. v. 2.

## II.

Principium autem vel Causa primaria horum actuum est, DEUS in Essentia unus & personis Trinus Pater Filius & Spiritus Sanctus. Pater quidem, quia ipse plantat bonam plantam, Matth. 13. v. 13. Filius, quia vult ut ipsum tanquam Lucem Mundi, in sequamur : *Dicit Iesus, ego sum lux mundi, qui me sequitur, non ambulat in tenebris, sed habebit lumen vitae*. Joh. 8. v. 12. Spiritus Sanctus, quia ipse ducit excitat & agit : *Quicumque enim Spiritu DEI aguntur, ij sunt filij DEI*, Rom. 8. v. 14. & quidem primo volendo, mandando, approbando : *Propterea nolite fieri imprudentes, sed intelligentes, quæ sit voluntas DEI*, Eph. 5. v. 17. *Hæc est enim voluntas DEI sanctificatio vestra*, 1. Thess. 4. v. 3. *Obsecro itaque vos fratres per misericordiam DEI, ut exhibeatis corpora vestra hostiam viventem sanctam, DEO placentem, rationabile obsequium vestrum*, Rom. 12. v. 1. Secundò phylice & realiter causando. DEI enim factura sumus, creati in Christo IESU ad Bona opera, quæ preparavit DEVS, ut ambulemus in illis, Eph. 2. v. 10. Tertiò exemplariter prælucendo, ipse enim sanctus est & nos ad illius Exemplar parati esse debemus : *Sancti estote,*

*estote, quia ego sanctus sum, Dominus DEVS vester, Levit. 19. v. 2. reliquit Christus nobis ὁ ἀγαπᾷν secundum illud Petri: Christus passus est pro nobis, relinquens nobis exemplum, ut sequamini vestigia eius, qui peccatum non facit, nec inventus est dolus in ore eius, 1. Epistola 2. v. 21. 22. prælucet misericordia: Estote ergo vos perfecti, sicut & Pater vester coelestis perfectus est, Math. 5. v. 48. Estote misericordes, sicut & Pater vester misericors est, & Luc. 6. v. 36. nec malè Nyssenius ἡριστὰν ἰσχυρὸς ἐστὶ τῆς θεοῦ φύσεως ψυχῆς. Christianismus est divinæ naturæ imitatio. Et quidem non ut extrinsecus se habens circa hominem, per motus gratiæ prævenientis præparantis & excitantis, qui occupantur circa hominem convertendum, sed ut inhabitans, de quo: Vos estis templum DEI vivi, sicut dicit Deus: quoniam inhabitabo in illis, & inambulabo, 2. Cor. 6. v. 16. neque enim fructum ferre possunt, nisi illi, qui palmites in Vite Christo, Johan. 15. v. 5. neque agere possunt, nisi membra viva connexa capiti: Nescitis quoniam corpora vestra membra sunt Christi? 1. Cor. 6. v. 15. & Eph. 4. vers. 15. Crescamus in illo per omnia, qui est caput Christus, neque in Ecclesiæ commodum laborare, nisi Spiritu imbuti & instructi: Vnicuique autem datur manifestatio Spiritus ad utilitatem, 1. Cor. 12. v. 7. & ut operans etiam auxiliorum actualis gratiæ concursu, quæ transeunter se habent, quibus pii & sancti, ad pia & sancta, quæ interiori homini conformia excitantur, stimulantur, adjuvantur: DEUS enim dat velle & perficere, teste Paulo Philip. 2. v. 13.*

## III.

*Mile verò primò Pontificiū disputant, an solus DEUS sit causa principalis gratiæ sanctificantis, ex qua bonæ actiones prodeunt excludendo ab influxu & causalitate illius Humanam Naturam, videatur Thomas quæst. 112. artic. 1. in Corpore & ad 2. Mitius sentientibus tamen Medina & Crabrera, quanquam etiam non absque errore, & adhibita forma loquendi, quæ Typo saniorum verborum non satis consona. Secundò an illa Gratia educatur ex potentia animæ, sive naturæ Intellectualis, quod volunt Zumellus, Curiel, Montefinus, Gregorius Martinez, Valentia, Conink, Granadus, Tannerus, Oviedo, Gomedus, Marquezus & alii, ut renitentur Vega, Fonseca & Faber, qui defendunt illam immediate à DEO produci per creationem, circa quod tamen punctum etiam dividit, dum quidam statuunt illam increari cum*  
Con-



Conrado, alii non ipsam creari, sed hominem secundum ipsam creari, quæ phrasis quoque occurrit, apud Thomam qu. art. 2. ad 3. alii denique eam non quidem creari, sed in ejus productione aliquid de creatione misceri, ut loquitur Cajetanus parte 3. quæst. 62. art. 1. & prima 2da. q. 112. art. 1. Tertiò an illius gratiæ causa finalis sit vita æterna, ut definit, Concilium Tridentinum sessione 6. c. 7. quod Franciscus Suarez, vocat certissimam veritatem, quia grãtia naturâ suâ sit fons aquæ salientis in vitam æternam, Joh. 4. addens: Hunc finem esse maximè proprium & con- naturalem, & quasi intrinsecum gratiæ, cum sicut rationalis naturæ finis intrinsecus sit naturalis, beatitudo ejus, ita intrinsecus finis gratiæ sit vita æterna, quæ in clara DEI visione consistit; quanquam hic more solito ab ipsis confundatur gratiæ justificationis cum illa, quæ principium est distinctum operationum sanctarum.

## 17.

Operari autem solet DEUS hic mediate per Verbum scil. Scriptum & Sacramenta. Verbum scriptum enim hic concurrere passim docetur, cum sit *semen illud*, quod qui in corde bono retinent, virtute illius fructum afferant in patientiâ, Lucæ 8. v. 11. & 15. agit illud partim præscribendo, quid agendum, quid omitrendum: Finem loquendi pariter omnes audiamus: DEVM time, & mandata ejus observa: hoc est enim omnis homo, Ecclesiastis 12. v. 13. Indicabo tibi, ô homo, quid sit bonum, & quid Dominus requirat à te, utique facere judicium, & diligere misericordiam, & sollicitum ambulare cum DEO tuo, Michæ 6. v. 8. Voluntariè (enim) genuit nos verbo veritatis, ut simus initium aliquod creature ejus, ut simus primitia aliqua creaturarum ejus. Itaque fratres mei dilectissimi, sit omnis homo velox ad audiendum: tardus autem ad loquendum, & tardus ad iram. Ita enim viri justitiam DEI non operatur. Propter quod abjicientes omnem immunditiam & abundantiam malitiæ, in mansuetudine suscipere insitum verbum, quod potest salvare animas vestras. Estote autem factores verbi, & non auditores tantum, fallentes vosmetipsos: quia si quis auditor est verbi, & non factor, hic comparabitur viro consideranti vultum nativitatæ suæ in speculo: consideravit enim se, & abiit, & statim oblitus est, qualis fuerit. Qui autem perspexerit in legem perfectam libertatis, & permanserit in ea, non auditor obliviosus factus est, sed factor operis, hic beatus in facto suo erit. Si quis autem putat, se religiosum esse inter vos,

vos, non refrenans linguam suam, sed seducens cor suum, hujus vana est religio. Religio munda & immaculata apud DEVM & patrem hac est: visitare pupillos & viduas, in tribulatione eorum: & immaculatum se custodire ab hoc seculo, Jacobi 1. v. 18. 19. 20. 21. 22. 23. 24. 25. 26. 27. partim physice instruendo: fructificat enim illud in cordibus: Verbum veritatis Evangelij pervenit ad vos, sicut & in universo mundo est, & fructificat & crescit, sicut in vobis, ex eâ die, quâ audistis & cognovistis gratiam DEI, in veritate, Colofs. 1. v. 6. efficaciam suam exlerit: Gratias agimus DEO sine intermissione, quoniam cum accepissetis à nobis verbum auditus DEI, accepistis illud non ut verbum hominum, sed (sicut verè est) verbum DEI, qui operatur in vobis, qui credidistis, 1. Thels. 2. v. 13. est semen illud, quod si in aliquo manet, causa est, ut non peccet, 1. Johan. 3. v. 9. partim exemplis incitando, movendo: Quacunq; enim scripta sunt, ad nostram doctrinam scripta sunt, ut per patientiam & consolationem Scripturarum spem habeamus, Rom. 15. v. 4. adde, quæ habet Syracides cap. 44. 45. 46. 47. 48. 49. 50. & quæ leguntur 1. Macc. 2. v. 49. Et appropinquaverunt dies Mathathie moriendi, & dixit filiis suis: Nunc confortata est superbia, & castigatio, & tempus everisionis, & ira indignationis. Nunc ergo, ô filij, amulatores estote legis, & date animas vestras pro testamento patrum vestrorum, & memento operum patrum nostrorum, quæ fecerunt in generationibus suis: & accipietis gloriam magnam, & nomen æternum. Abraham nonne intentatione inventus est fidelis, & reputatum est ei ad justitiam? Ioseph in tempore angustia sua custodivit mandatum: & factus est Dominus Ægypti. Phinées, pater noster, zelando zelum DEI, accepit testamentum sacerdotij æterni. Iesus dum implevit verbum, factus est dux in Israel. Caleb dum testificatur in Ecclesia, accepit hereditatem. David in sua misericordia consecutus est sedem regni in secula. Elias dum zelat zelum legis, receptus est in cælum. Ananias, & Azarias, & Misael, credentes, liberati sunt de flamma. Daniel in sua simplicitate liberatus est de ore leonum. Et ita cogitate per generationem & generationem quia omnes, qui sperant in eum, non infirmantur, & quidem directe Verbum Legis agenda proponit atque ostendit: Et ecce unus accedens ait illi: Magister bone, quid boni faciam, ut habeam vitam æternam. Et cap. 22. 37. ait illi Iesus: Diliges Dominum DEVM ex toto corde tuo, & in tota anima tua, & in totâ mente tuâ, Matth. 19. v. 16. & cap. 22. v. 37. Evangelium verò vires confert & una

suppeditat modum inferendi ad sectandam pietatem, morumque Honestatem, ut patet ex Philip. 1. v. 17. *Tantum dignè Evangelio Christi conversamini, ut si ve cum venero, & videro vos, si ve absens, audiam de vobis, quia statis in uno spiritu, unanimes, collaborantes fidei Evangelij.* Tit. 2. v. 11. 12. *Apparuit enim gratia DEI, Salvatoris nostri, omnibus hominibus, erudienti nos, ut abnegantes impietatem & secularia desideria, sobriè & justè, & piè vivamus in hoc seculo.* 1. Petr. 2. v. 1. *Deponentes igitur omnem malitiam, & omnem dolum, & simulationes, & invidias, & omnes detractiones, sicut modò geniti infantes rationabile, sine dolo, lac concupiscite.*

V.

Detrahunt Verbo scripto primò Pontificii tum necessitatem impugnando cum Nicolao Cusano, qui in Epistola ad Boëmos Scripturas dixit tantum de Benè esse Regiminis Ecclesiæ, nequaquam autem de Essentia ejus existere posse, tum officium normativum elevando, & ad Ecclesiam, si ve ut habet ipsorum Resolutio ad caput illius Pontificem recurrendo, qui cum sit homo peccati, non nisi mala præscribere potest & imperare, tum efficaciam illius tollendo, cum Capreolo, qui non veritus est scribere: prædicationem exteriorem requiri ad determinationem credendorum, & ad proponendum intellectui suum materiale Objectum, non autem ad causandum assensum. Secundò Calviniani, qui cum Massonio part. 2. Anat. cap. 19. approbant Marci Beumleri effatum, quod DEUS virtutem suam non verbis externis aut voci orali Concionatoris, infuderit & communicarit, verum quia omne, quod verbum annunciat, manifestat, promittit, & significat, virtute & operatione Spiritus S. unâ in cordibus electorum præstetur, impleatur & communicetur; & M. Casparis Boleri scribentis, quod si vis salvandi verbo DEI inesset, sicut herbæ vis sanandi, tum omnes salventur, qui illud audiunt; nec non Gualteri dicentis: Non in externa verbi prædicatione salus nostra fundata est, sed in fide, quâ Christum apprehendimus. Adde, quæ de morali operandi modo prodit Marcus Fredericus Wendelinus. Tertiò Suenckfeldiani, Weigeliani, Libertini, quorum proles Guakeri moderni, qui volunt, DEUM sine illo verbo externo solo Spiritus S. instinctu, velle dicere & docere, quæ credenda sint & facienda, unumquemque statuunt debere sese suo spiritui ducendum permittere, & verbum externum Rudimentariis in Christianismo relinquendum.

VI. Sa-

## VI.

Sacramenta ad pietatem conficere haud obscurum, si revelationi attendamus. De Baptismo ita perorat Gentium Apostolus: *An nescitis, quia quicumque baptizati sumus in Christo Iesu, in morte ipsius baptizati sumus? consepulti enim sumus cum illo per baptismum in mortem ut quomodo Christus surrexit à mortuis per gloriam Patris, ita & nos in novitate vitæ ambulemus*, Rom. 6. vers. 3. & 4. & in Epistola ad Titum 3. vers. 5. *Cum autem apparuit benignitas & humanitas salvatoris nostri DEI, non ex operibus iustitiæ, quæ fecimus nos, sed secundum misericordiam suam salvos nos fecit, per lavacrum regenerationis & renovationis Spiritus S. quem effudit in nos abundè per Iesum Christum Salvatorem nostrum.* Disertè illum appellat lavacrum non tantum regenerationis, sed & renovationis nec male Basilii lib. de Spiritu S. c. 15. scribens: Cum duo fines in baptismo propositi sint; abolere scilicet corpus peccati, ut non ampliùs mortis fructum ferat; & vivere Spiritu, fructumque habere in sanctificatione: aqua quidem mortis imaginem exhibet, velut in sepulchro corpus recipiens; spiritus autem vivificans vim immittit, à morte peccati ad vitam ab initio animas nostras renovans. Hoc igitur est ex supernis natum esse, ex aqua & spiritu: nimirum dum mortificatio nostra perficitur in aqua, & vitam nostram operatur spiritus. De Eucharistia loquitur Paulus: *Quæ immolant gentes, demoniis immolant, & non DEI; nolo autem vos socios fieri demoniorum: non potestis calicem Domini bibere, & calicem demoniorum: non potestis mensa Domini participes esse & mensa demoniorum*, 1. Cor. 10. v. 20. 21. Itaque quicumque manducaverit panem hunc, vel biberit calicem Domini indignè, reus erit corporis & sanguinis Domini. Probet autem se ipsum homo, & sic de pane illo edat, & de calice libat, 1. Cor. 11. v. 27. 28. Etenim in uno spiritu in unum nos omnes baptizati sumus, sive Iudæi, sive Gentiles, sive servi, sive liberi, & omnes in uno Spiritu potati sumus, 1. Cor. 12. v. 13. prohibet itaque sacra Communio omnem communionem cum Diabolo & illius operibus, cibus est & potus, qui confert vires spirituales, & dignè sumptus exserit, ex passionis dominicæ consideratione incentiva pietatis ministrat, deniq; Unionem illam mysticam membrorum Ecclesiæ stabilit & firmat. Nec malè Cyrillus lib. 4. Non quidem negamus, re. & a nos fide charitateque sincerâ Christo spiritualiter conjungi; sed nullam nobis conjunctionis ra-

tionem secundum carnem , cum illo esse , id profecto pernegamus , & à divinis scripturis alienum id esse dicimus. Non ignota nobis mystice benedictionis virtus , quæ corporaliter quoque facit , communicatione carnis ejus , Christum in nobis habitare. Unde Salvator : Qui manducat carnem meam , & bibit sanguinem meum , in me manet , & ego in eo. Unde considerandum est , non habitudine solum , quæ per charitatem intelligitur , Christum in nobis esse , verum etiam participatione naturali. Nam quemadmodum , si quis igne liquefactam ceram , alii ceræ similiter liquefactæ ita miscuerit , ut unum quid ex utroque factum videatur ; sic communicatione corporis & sanguinis Christi ipse in nobis est , & nos in ipso.

## VII.

Impudenter itaque quamplures ex Scholasticis primò statuunt , quod DEUS tantum operetur ad præsentiam Sacramentorum , ut hæc nihil ad productionem gratiæ , regenerationis , renovationis , vel operum efficiant , sed tantum concomitanter aut præcedant instar Bullæ , quæ præbenda alicui acquiritur , aut plumbei signi à Rege instituti , quos etiam sequuntur Calviniani. Secundò Calviniani , qui Baptismum volunt tantum servire Spiritui significando , Eucharistiam non exhibere , quod nutriet & vires conferat , sed corpus Christi tantum abesse à nobis clamitant , quantum cælum à terra. Videantur Beza , Apellius , Sadeel , Massonius , Gutberlethus , Ursinus , Pierius , Eilshemius , Scarpus , Polanus , Steinius , Alstedius & alii quamplures. Tertiò Suenkofeldiani & illius furfuris homines , qui , ut Beatus Proavus in Centuriâ Ecclesiastica 16. p. 115. refert , dixerunt Baptismum externum , nihil facere ad hominis regenerationem , ideoque non esse ad salutem hominis necessarium , usum illius esse adiaphorum , in Cœna corpus Domini & sanguinem illius non exhiberi cum pane & vino.

## VIII.

Principium minus principale & causa secundaria actuum honestorum est Homo regeneratus justificatus & renovatus , cum facultatibus suis Intellectu voluntate & Appetitu. Quanquam enim hæc omnia sint Objectum & Materia , in quantum scilicet corrupta , veteri de homine participant ,



pant, & mortificanda, tamen infimul in quantum gaudent Spiritu, participant de novo homine & DEO causaliter concurrunt, atque voluntati producunt interne motus, qui aliqua gaudent sanctitate, sed & ad extra opera & actus, in quibus refulget pietas, sanctitas, atque Christiana Honestas. Docet hoc ipse Christus asserendo bonam arborem ferre fructus bonos: Math. 7. vers. 18. hominem bonum de Thesaurorum cordis sui depromere bonum: Lucæ 6. v. 45. *Palmitem manentem intra vitem cælestem ferre fructus multos*, Johan. 15. v. 5. & ut Principium quod bonarum actionum est homo regeneritus, ita Principium, Quo illarum Facultates ipsius, & quidem Intellectus, unde Christus: *Lucerna corporis tui est oculus tuus. Si oculus tuus fuerit simplex, totum corpus tuum lucidum erit: si autem nequam fuerit, etiam corpus tuum tenebrosum erit. Vide ergo, ne lumen, quod in te est, tenebrae sint*, Luc. 11. v. 34. 35. Voluntas; unde regenerito tribuitur velle Bonum: *Velle adiacet mihi, perficere autem bonum, non invenio. Non enim quod volo bonum, hoc facio, sed quod nolo malum, hoc ago*, Rom. 7. v. 18. 19. Appetitus, qui affectibus sanctis concitatus timet: *Ioseph nequaquam acquiescens operi nefario, dixit ad eam: Ecce, Dominus meus omnibus mihi tradetis, ignorat, quid habeat in domo sua. Nec quidquam est, quod non in mea sit potestate, vel non tradiderit mihi, prater te, quæ uxor ejus es; quomodo ergo possum hoc malum facere, & peccare in DEVM meum?* Gen. 39. v. 8. 9. Audet. Respondet Elias: *Zelo zelatus sum pro Domino DEO exercituum, quia dereliquerunt pactum Domini filij Israël*, 1. Reg. 19. v. 10. Concupiscit: *Quemadmodum desiderat cervus ad fontes aquarum: ita desiderat anima mea ad te DEVS. Sitivit anima mea ad DEVM fontem vivum: quando veniam, & apparebo ante faciem DEI?* Ps. 42. v. 2. & 3. Nec excludendum corpus, cujus membra instrumenta virtutum & operationum honestarum, quo quidem respicit Paulus, Rom. 6. v. 19. *Humanum dico, propter infirmitatem carnis vestra. Sicut enim exhibuistis membra vestra servire immunditia, & iniquitati ad iniquitatem: ita nunc exhibere membra vestra, servire justitia in sanctificationem. Et cap. 12. v. 1. Obsecro itaque vos, fratres, per misericordiam DEI, ut exhibeatis corpora vestra hostiam viventem, sanctam, DEO placentem, rationabile obsequium, rationalem cultum vestrum.*

## IX.

Ceterum ut intellectus ceteris facultatibus præest, ita quoque divinitus illuminatus in homine regem aliis præfulget, & ut oculus dirigat viatorem, Consiliarius Regem, Orator auditorem, sic intellectus hominis illuminati officium Oculi, Consilarii, & Oratoris administrat: proponit illa, quæ ex verbo excipit de voluntate DEI, & ille &c. spiritu instructus voluntatem, cui ceteræ potentie funulantur. Huc respexit Augustinus lib. 1. de libero arbit. cap. 8. scribens: Illud est, quod volo dicere, hoc quicquid est, quo pecoribus homo proponitur, sive mens, sive spiritus, sive utrumque rectius appellatur, (nam utrumque in libris divinis invenimus,) si dominetur, atque imperet ceteris, quibuscunque homo constat, tunc esse hominem ordinatissimum.

## X.

Non satis commodè verò primò Thomistæ quidam Cajetanus, Dominicus à Soto, Gregorius de Valentia Intellectui transcribunt Imperium, & illud dicunt esse actum illius formaliter. Secundò, qui contra Vasquezium, disputant, quod necessarium sit ponere imperium in ordine ad proprios actus, cui hæc sententia non fuit visa probabilis, qui proinde ita: Mihi difficile: semper visum est, primum talem actum in nobis esse necessarium, aut ut voluntas eligat, aut ut facultates exequentes nutu voluntatis operentur, aut denique ut ipsa voluntas, aut alia facultas aliquo modo eliciat aliquam actionem suam; cujus sententiæ est Adrianus quodlibet. 4. artic. 1. litera A. circa finem. Deinde difficile adhuc mihi visum est, talem actum in nobis posse habere aliquem effectum, etiamsi eo intellectus uti velit. Prior pars de necessitate talis actus sic ostenditur: primum, quia actus imperii, si est in intellectu, non videtur necessarius, ut ceteras potentias moveat quoad exercitium, etiam eodem S. Thoma teste quæst. 9. artic. 1. est voluntas: intellectus autem solum est primum movens quoad specificationem, hoc est, quoad propositionem objecti, & directionem, neque necessarium est imperium, ut primum principium movens quoad specificationem, quia, ut inferius dicemus, per iudicium consultationis, quod præcedit electionem, sufficienter diriguntur operationes quoad specificationem. Quod verò nonnulli dicunt, in imperio esse derivatum aliquam virtutem à voluntate, quæ possit movere quoad exercitium alias potentias, commentitium plane est: Nam, ut ostendimus Disput. 34. ex voluntate nihil

hil derivatur in reliquas potentias, aut actiones earum, nec ipsa voluntas concurrat, ut effectrix cum aliis potentiis ad earum operationes. Quare, si esset ex imperio in nobis moveri reliquas potentias, ita esset accipiendum, ut voluntas sola esset primum movens quoad exercitium, intellectus autem imperio suo tantum dirigeret insinuando propositum voluntatis. Præterea, etiamsi concedamus in imperio virtutem motricem quoad exercitium, comparatione aliarum potentiarum, nihilominus non videtur talis actus necessarius, ut reliquæ facultates operentur, etiam libere ex impetu voluntatis. Nam sicut in brutis posito affectu alicujus operis, statim absque ulla insinuatione per modum imperii potentia motrix secundum locum operatur, cur etiam statim, postquam elegit voluntas, absque ulla alia insinuatione imperii, non poterit imperari? Neque obstat, si dicas, voluntate nostra reliquas potentias libere, appetitione autem in brutis reliquas facultates necessario moveri, & ideo in homines requiri imperium, in brutis vero non item: hoc, inquam, nihil obstat, quoniam posita semel in nobis libera intentione, & electione, operatio alterius facultatis, quæ ipsam electionem confestim sequeretur, esset eodem modo voluntaria ratione voluntatis liberæ, à qua sine imperio procederet non minus, quam si per imperium fieret. Tertiò, qui statunt ad nullum actum voluntatis sufficere primam apprehensionem, sed requiri iudicium Intellectus practicè practicum, prout videre est apud Medinam, Valentiam, Suarezium, quibus se opponunt Scotus, Capreolus, Oviedo & Arriaga.

## XI.

Voluntas autem dicitur regnare & imperare, & cæteras movere potentias, intellectum scil. quoad Exercitium, Motus Appetitus sensitivi, qui rationem non prævertunt, de quo Gabriel Vasquez. in primar. secundæ Tom. 1. disp. 49. cap. 2. Mihi semper placuit sententia S. Thomæ in hoc art. quæ affirmat, imperium esse actum intellectus, supposita motione voluntatis. Hanc vero opinionem S. Thomæ docuerunt etiam Cajetanus, Conradus & recentiores Thomistæ in hoc art. idem etiam Cajetanus infra q. 38. a. 4. & q. 60. a. 1. Antoninus 1. p. tit. 4. cap. 10. Dominicus Sor. lib. 1. de justitia q. 1. a. 2. Corduba lib. 2. q. 10. cum quibus etiam faciunt Ricard. in 4. d. 15. art. 4. q. 1. & Gab. in canone Missæ lect. 61. litera H. & sequentibus, qui cum S. Thoma

S. Thoma 2. 2. q. 93. a. 1. & Cajetano ibidem affirmant, orationem communiter usurpari pro actione elicitā ab intellectu ex aliqua motione voluntatis : eadem autem omnino videtur ratio imperii, & orationis. Ut enim inferius dicemus, hoc solo differunt oratio, & imperium, quod oratio est inferioris, & indigentis directā ad superiorum, & potentem, imperium autem contra est superioris directum ad inferiorem. Id, quod de imperio diximus, de lege etiam, quæ est imperium quoddam, sentit Dominicus Sot. & nos dicemus infra disput. 150. cap. 3. Hæc tamen sententia non eodem modo ab omnibus confirmatur, & explicatur. Nunc autem solum nobis confirmanda est de imperio in universum, hoc est, tam de imperio, quod est unius hominis ad alium, quam de imperio, quod à quibusdam ponitur inter actus ejusdem hominis ad seipsum. Primum itaque probari solet prædicta sententia ex Aristot. 6. Ethic. cap. 10. ubi sic ait : *Non est autem idem sagacitas, & prudentia, prudentia namque præceptiva est, finis enim ipsius est quidnam sit agendum, aut non agendum præcipere : sagacitas autem uti judicandi duntaxat* : Prudentia autem est habitus, & virtus intellectus, ergo imperium, quod est actus prudentiæ, est elicitum ab intellectu. Verum, quam parum confirmari possit hæc sententia hoc Arist. testimonio, videbimus cap. 5. Deinde alii eandem sententiam probant ex illo Prov. 8. ubi de sapientia dicitur : *Per me Reges regnant, & legum conditores iustā deservunt : per me Principes imperant, & potentes decernunt iustitiam.* Ubi tribuitur imperium sapientiæ, quæ est virtus intellectus : hoc tamen parum probari potest prædicta sententia. Nam quamvis lex, & imperium formaliter essent actiones elicitæ à voluntate, nihilominus recte dicerentur Reges, & Principes per sapientiam iuste, & recte imperare, sicut etiam per sapientiam dicuntur servare iustitiam, & recte operari, eo quod sapientia, & prudentia est virtus intellectus, quæ viam demonstrat moralibus virtutibus, quæ sunt in voluntate : posset igitur hac ratione rectum imperium tribui sapientiæ. Postremo alii ita suadent prædictam opinionem, si imperium esset actus solius voluntatis, hoc ipso quod alicui inferiori nota esset voluntas sui superioris absque ulla alia insinuatione ex parte intellectus, deberet ei parere : hoc autem falsum est, ergo in sola voluntatis actione non consistit lex, & imperium. Quam rationem fusius persequemur infra disp. illa 150. cap. 3. ut probemus legem esse actionem intellectus, non voluntatis. *Omnia igitur alia*

aliis rationibus , & fundamentis , quæ ibidem adducemus , ad probandum , legem esse actum rationis ex motione voluntatis , hæc unica , quæ usus est S. Thom. in hoc art. nostram sententiam de imperio in universum confirmemus. Imperare est substantialiter insinuare voluntatem superioris inferiori , hoc est , proponere inferiori aliquid faciendum ex voluntate superioris , quod vulgo dici solet intimare : atqui insinuare , proponere pertinet substantialiter ad intellectum , supponit autem voluntatem , cui proponit , & insinuat , ergo imperium substantialiter est actio intellectus , & supponit. In hac quidem ratione nulli dubium esse potest , quin insinuare , & proponere pertineat ad intellectum : est enim locutio , & enuntiatio quædam , quæ est opus intellectus , & rationis , & hoc assumitur in minori propositione. Porro autem imperare idem esse , quod insinuare , & proponere voluntatem superioris , quod assumitur in majori propositione , non probat S. Thom. facili tamen ratione confirmari potest , quia imperium semper dirigitur ad aliquem capacem rationis , qui possit percipere , quod imperatur , & jubetur : ergo debet esse actus intellectus , & non potest esse actus solius voluntatis : nam si esset solus voluntatis , sequeretur effectum superioris , quo efficaciter movet ad opus , quod fieri vult , esse imperium : si enim deberet esse aliquis effectus , maxime esset effectus efficax , ac proinde , cum Angelus voluntate sua efficaciter movet lapidem , diceretur obedire , quod videtur absolum : quia obedire proprie solum convenit creaturæ rationali audienti , & percipienti imperium superioris. Respondet aliquis , ideo lapidem proprie non obedire , nec Angelum propriè lapidi imperare , quia lapis omnino passivè se habet , imperium autem debet respicere aliquem , qui non tantum patitur , sed exequatur , & operetur id , quod jubetur. Caterum licet hæc solutio admitatur , adhuc prædictam rationem alio exemplo confirmare possumus , quia saltem sequeretur voluntatem DEI , quæ movet irracionales , & inanimatas creaturas ad suas operationes , proprie esse imperium , & ipsas propriè DEO obedire , quod tamen est falsum , quia obedire , quod relate dicitur ad imperium , est solius creaturæ rationalis , intelligentis , & percipientis id , quod jubetur : nam obedire est quasi superioris vocem , & imperium audire : ergo imperare etiam est substantialiter actus intellectus. Porro autem id sequi in creaturis irrationabilibus operantibus , patet , quia hæc non tantum patiuntur , sed reversa operantur etiam , quan-



quando moventur. Eadem ratione probatur orationem esse actum intellectus, ut docet S. Thomas 2. 2. qu. 83, art. 1. qui quidem actus est inferioris ad superiorem, nullus enim inferior censetur orare superiorem, ut faciat aliquid, etiamsi illud ipse inferior summopere desideret, quousque superiori hanc suam voluntatem denunciaret & explicet. Id quod usque adeo verum est, ut etiamsi superior satis perspectam habeat voluntatem inferioris, & quodammodo dicatur illum audire, cum concedit ei id, quod desiderat, juxta illud Psal. 9. *Desiderium pauperum exaudivit DEVS*, &c. inferior tamen non dicatur orare, quousque interiorius, aut exteriorius loquatur, & exprimat affectum suum: loqui autem est actus rationalis facultatis, sive locutionem internam comprehendas, sive etiam externam, hæc enim à ratione ducit originem, & interpretæ ejus est. Modus autem, quo voluntas movet, Imperiumque exercet probabilior ille visus est Doctoribus, quod scilicet fiat per suum actum imperantem illos applicando, & determinando, novo imperio ad operandum, cui obedire teneantur, ex vi sympathiz potentiæ, ex eo, quod radicentur in eadem animâ, ex qua radicatione & sympathiz oriatur, & æternæ potentiz imperio voluntatis, tanquam potentiz superioris & inclinationis universalis totius suppositi debitam præstent obedientiam, quod probant Bannes, Salas, Lorca, Granadus, Montefinus, Gregorius Martinez, Caspar Hurtado, & Oviedo.

## XII.

Improbabiliter itaque primò disputant illi ex Pontificiis de genere influxus, qui cum Scoto asserunt in 2. Dist. 42. quæst. unicâ, non solum quasdam potentias speciatim moveri à voluntate, eo quod ab ipsa per motum localem applicentur ad operandum, de quo non est difficultas; sed etiam insuper omnes facultates eo saltem moveri à voluntate, quod, dum voluntati placent earum operationes, ipsæ potentiz in iis firmentur & perficiantur, adeoque perfectius & intensius operentur. Quod non solum asserit de operationibus intellectus, sed etiam de sensibus, imo & potentiis vegetativis. An autem præterea voluntas aliqua peculiari efficientia, concurrat ad aliquas operationes quarundam potentiæ, dubitat. Sed hæc sententia communiter, ac merito rejicitur. Tum quia frivolum est existimare, potentiam videnti, v. g. eo ipso præcise perfectius & intensius operari, quod voluntas eandem vult operari, ejusve operationes approbat. Tum quia volun-

tas movet potentias sibi subjectas, non solum ad operandum intensius, sed etiam ad simpliciter operandum; idque etiam nonnunquam secluso motu locali, ut videre est in applicatione seu motione intellectus, vel phantasie, ad hoc vel illud cogitandum. Id autem qua ratione fiat, non explicat ea sententia. Secundo Thomistæ recentiores, in quibus Medina hic cit. quæst. 9. art. 1. docent, potentias voluntati subditas esse, intellectum, sensum, appetitum, & potentiam locomotivam: quam quidem ita effective moveri à voluntate docent, ut hæc quoque sit causa efficiens motus localis; ipsa vero potentia locomotiva tantum sit potentia passiva: alias vero potentias supradictas moveri à voluntate asserunt, quatenus sunt causa applicationis earundem ad operandum. Sed nec ista sententia probatur. Tum quia sine ratione, & contra ipsummet Thomam opusc. 43. cap. 5. negat, potentiam locomotivam esse effectivam sui motus; quod simul etiam est contra communem & receptam philosophiam. Tum quia non explicat, nec facile explicare potest, quænam sit illa applicatio à voluntate producta, loquendo de applicatione, quæ sit actus distinctus, tum ab ipso actu elicitō voluntatis, tum ab actu imperato. Imo cum in quibusdam potentiis, ut in intellectu, nulla cernatur actio prævia, qua ad operandum applicentur, saltem distincta ab actu elicitō voluntatis, impossibile est, quin causa efficiens applicationis, sit etiam causa efficiens ipsius operationis. Tertiò alii quidam præterea recentiores apud Vasquium disp. 34. cap. 3. qui docent, eatenus à voluntate moveri cæteras potentias, quatenus voluntas physicè, cum singulis potentiis sibi subjectis, operatur ac producit easdem operationes. Sed nec istud placet. Quia frustra, & contra receptam philosophiam, potentiis animæ denegatur vis in suo genere sufficientis & proportionata, ad suas operationes connaturales efficiendas.

## XIII.

Actus voluntatis verò numerantur à Doctōribus sex, si de elictis sit sermo, nempe velle, intendere, frui, eligere, consentire, uti, ad quos reliquos voluntatis actus adducunt, nempe amorem, delectationem, spem, desiderium, gaudium. Hæ autem voluntatis operationes quædam circa finem, quædam vero circa ea, quæ sunt ad finem, exponuntur. Quia objectum voluntatis est bonum, bonum autem

est duplex, absolutum & respectivum: illud propter se expetitur, & Finis vocitatur: hoc expetitur propter aliud, & dicitur medium ad finem, v. g. sanitas est bonum absolutum quod propter se expetitur: medicamentum verò amarum, bonum est in ordine ad sanitatem, & propter illam expetitur. Azor. *tom. 1. l. 1. c. 19.* Becan. *de aët. hum. c. 3. n. 1.* Actus voluntatis, qui sunt circa finem, tres recensent, amare, intendere, frui. Quia bonum absolutum potest tripliciter considerari, absolute, ut absens, ut præsens; si absolute, nascitur amor: si ut absens, nascitur intentio: si ut præsens, fructio exoritur. Becanus *de aët. hum. c. 3. n. 6.* Equidem amor est prima voluntatis inclinatio in bonum propositum tanquam ex se expetibile, abstrahens à præsentia & absentia, v. gr. considerans quis sanitatem, ille afficitur propter intrinsecam convenientiam, quam habet cum natura animalis, ibi sistendo. Vocatur hic actus etiam voluntas; quia est primus motus voluntatis in finem, qui nullum alium præsupponit: sicut cognitio primorum principiorum vocatur intellectus, qui est simplex motus intellectus, non præsupponens aliam intellectionem, ex cujus vlexoriatur. Dicunt, ibi sistendo, quia si amor ad expetenda media, quibus queat comparari finis, progreditur: alius jam erit motus voluntatis. Valen. *10. 2. disp. 3. quest. 2. punct. 1.* Tanner. *10. 2. disp. 2. quest. 3. num. 20.* Intentio autem est volitio finis, quatenus per media comparabilis. Dux enim sunt in fine rationes, prima quod sit bonum quoddam per se amabile, & sic in illud tendit voluntas tanquam in suum objectum; secunda quod sit bonum quoddam per media comparabile: & sic est objectum intentionis, ut ex nomine intelligitur; quia intendere, nihil aliud est, quam in aliquid tendere. Unde hic actus tantum versatur circa bonum absens, sub seque desiderium, ac spem comprehendit. Valen. *tom. 2. disp. 2. quest. 7. punct. 1.* Azor. *tom. 1. l. 1. cap. 13.* Fructio denique est actus voluntatis in bono adepto quiescentis. Quia frui est fructum capere, fructus autem est id, quod ultimum expleta cum delectatione percipitur: ergo fructus operis seu possessio boni desiderati est fructio, seu delectatio voluntatis: Unde fructio proprie circa finem ultimum versatur: quia eo non adepto, voluntas manet inquieta, donec ejus vacuitas penitus expleatur. Nihilominus secundum Scripturæ phrasim, & communem loquendi usum, aptè dicimur sine intermedio frui, voluptate scilicet, vitæ hujus usura, &c. Tanner. *Tom. 2. disp. 2. q. 3. n. 26.* Enim verò tres sunt actus

actus voluntatis circa id, quod est ad finem, *eligere, consentire, uti*. Quia bonum utile, seu respectivum potest à voluntate approbari, & præ aliis eligi, mandarique executioni. Si approbetur, & acceptetur tanquam conveniens ad finem obtinendum, erit *consensus*: Si ab aliis mediis separaretur, erit *electio*: Si tradatur executioni, erit *usus*. Becan. *de act. hum. c. 3. q. 1. n. 61*. Planè *consensus* est actus voluntatis liberè acceptantis bonum à ratione propositum, sive propter se expectatur, sive propter aliud. P. opriè autem consensus usurpatur à S. Thoma 1. 2. q. 25. a. 1. pro actu voluntatis acceptantis certa media, quæ post perfectam deliberationem judicata sunt convenire ad aliquem finem obtinendum. Valent. *tom. 2. disput. 3. q. 10. punct. 1*. Becan. *de act. hum. c. 3. quest. 1*. *Electio* autem est efficax volitio medii particularis inter multa ad aliquem finem obtinendum. Dicitur *volitio*, quia est actus voluntatis deliberationem insequens intellectus. Dicitur autem *medij*, quia *electio* non veritatur circa finem, sed circa id, quod est ad finem. Dicitur *particularis*, quia ad media in communi se etiam extendit intentio: sed *electio* propius accedit ad executionem, quæ in singularibus consistit. Dicitur *inter multa*, quia eligere nihil aliud est, quam unum ex multis separare, illud reliquis præferendo. Dicitur demum *ad obtinendum finem*, quia *electio*, & deliberatio versatur circa ea, quæ in nostra potestate. Azor. *Tom. 1. l. 1. cap. 25*. Tanner. *tom. 2. disput. 2. q. 3. dub. 3. n. 32. 33*. *Vsus* denique est voluntatis actus applicantis potentias executrices ad operationem. Unde *uti* nihil aliud est, quam rem aliquam ad suam operationem, vel finem applicare. v. g. utimur oculis, dum videmus: pecunia utimur, dum expendimus. Hujusmodi usum duplicem exponunt, *activum*, qui est actus ille elicitus voluntatis, & absolute nomine usus intelligitur: *passivum*, qui est ipsamet executio potentiarum voluntati ministrantium. Valent. *tom. 2. disput. 3. quest. 11. punct. 1*. Tanner. *tom. 2. disp. 2. quest. 3. num. 37*. Planè inter *uti*, ac *frui* id discrimen cum D. August. *l. 10. de Trin. cap. 11* urgent, quod *frui* sit, in bono desiderato & obtento cum delectatione suaviter, ac jucunde acquiescere, ita ut bonum illud sit finis simpliciter ultimus: ac proinde solo DEO nobis persfruendum. *Vti* vero sit actus, quo voluntas aliquid boni adhibet ad aliud consequendum, ac propterea rebus creatis nobis utendum. Unde pateat usum non esse de fine, ut finis est, sed tantum de medio. Quia *uti* est applicare rem ad operationem.

rationem, atque adeò rem alio referre. Azor. *Tom. 1. l. 1. c. 271 quest. 2.*

## XIV.

Non tamen difficultate caret Numerus, quanquam tollere illam moliantur. Prima enim ratio, ut ipsi Doctores Pontificii observant, difficultatis est; quia in ea divisione seu enumeratione actuum voluntatis, nulla ratio habita est eorum actuum, qui in fuga consistunt; & tamen nullum est dubium, quin illis ipsis actibus prosecutionis, à Thoma commemoratis, similes actus à voluntate elicitii respondeant, qui in fuga circa malum oppositum versantur. Sicut enim circa bonum, triplex actus prosecutionis distinguitur, nempe voluntas simplex, intentio seu desiderium efficax, & fruitio seu delectatio; ita etiam circa malum oppositum totidem actus admittendi sunt, nimirum odium seu displicentia simplex, fuga seu abominatio efficax, & tristitia. Quare etiam Cajetanus hic in Commentario seu dubiis ad questionem 46. 47. & 48. docet, ad octonarium numerum reduci omnes actus voluntatis, scilicet ad velle, nolle, frui, intendere, eligere, consentire, uti, & tristari; ex quibus septem priores expresse etiam refert Thomas in hac materia, ultimum autem, scilicet tristari, insinuat, nominando fruitionem, cui tristitia opponitur; siquidem oppositorum eadem est disciplina. Eandem Cajetani doctrinam approbant Medina Tract. de Pass. in fine, nempe post questionem 48. & Gregorius de Valentia disput. 3. q. 11. punct. 3. Secunda difficultas est; quia hæc divisio actuum voluntatis non respondet apte divisioni passionum appetitus sensitivi, idque dupliciter; tum quia actus appetitus irascibilis in ea divisione actuum voluntatis penitus videntur omitti, nimirum spes, desperatio, timor, audacia, & ira; cum tamen omnibus actibus appetitus sensitivi respondeant similes in voluntate, ut colligitur ex S. Thoma quest. 22. art. 3. Tum quia in senario illo numero actuum voluntatis, recensentur aliqui, qui in passionum numero non comprehenduntur, ut consensus, usus, &c. Tertia difficultas est; quia in eadem divisione actuum voluntatis non comprehenduntur actus ejusdem voluntatis conditionati; & tamen negari non potest, dari ejusmodi quosdam actus conditionatos voluntatis, etiam elicitos, tam in fuga, quam in prosecutione positos, quos explicare solemus per verbum *vellem* aut *nollem*. Quarta difficultas est; quia recensiti sex actus eli-



eliciti voluntatis aut specie distinguuntur, aut solum numero. Non specie; quia sæpe habent idem & objectum, & ad eandem specie virtutem seu vitium pertinent. Neque videntur omnes numero distingui, tunc enim necesse foret, eos omnes inter se in eodem subiecto realiter distingui quod de quibusdam non videtur posse dici, ac speciatim de intentione ac electione; siquidem unusquisque horum actuum simul circa finem & media versatur, cum & intendamus finem per media, eligamus media ad finem, seu propter finem; qua de causa re ipsa etiam nonnulli docent, eundem actum voluntatis simul versari circa finem & media. Idem dici potest de voluntate seu amore simplici & desiderio efficaci ipsius finis, quando re ipsa etiam Cajetanus in fine tractatus de pass. in voluntate amorem simplicem à desiderio non videtur distinguere. Accedit, quod distinctio numerica actuum in præsentia eorum divisionem non sufficit: alioqui enim longe plures actus voluntatis numerandi forent. Accedit præterea quinto, quod nec actus intellectus, qui recensitis actibus voluntatis à S. Thoma & Aristotele adiunguntur, sufficienter enumerari videantur. Cum enim singuli actus voluntatis præquirant prævium actum intellectus objectum proponentem, sane videntur non duo tantum actus intellectus, consilium scilicet & imperium, fuisse enumerandi, sed totidem plane, quod actus voluntatis numerati fuerunt. Diluere tamen has difficultates tentant, & ostendere, quomodo ratio & totius divisionis actuum voluntatis sibi constet. Notandum itaq; secundum illos est primò, actus voluntatis ab actibus seu passionibus appetitus sensitivi, duobus modis differre; primò quod illi hominis seu intelligentis creaturæ proprii sunt, hi verò brutis etiam animalibus communes sunt, secundò, quod illi sunt actus spirituales & incorporei, sicut & ipsa voluntas, à qua eliciuntur, spiritualis & incorporea est, adeoque ut philosophi loquuntur, potentia inorganica; passionibus vero appetitus, sunt actus corporei & materiales, sicut & appetitus ipse potentia corporalis, materialis, & organica, actusque corporis est. Ex hoc discrimine sequitur, aliam esse rationem divisionis actuum voluntatis elicitorum, adeoque hominis seu intelligentis creaturæ propriorum, aliam passionum appetitus sensitivi, quas homo cum brutis communes habet. Nam quia proprium est hominis agere propter finem, omnesque adeo actiones humanæ voluntatis, siue in aliquo modo respiciunt, siue ut proprium objectum, siue ut terminum,

rum, ad cuius consecutionem ordinantur; siquidem omnes actus voluntatis aut sunt circa finem, aut propter finem, ideoque divisio actuum humanorum ab Aristotele & Thoma merito desumpta est à varia habitudine ad finem. In quo quidem genere, initio hæc universalis differentia occurrit, quod aliqui actus voluntatis elicitè immediatè ac directe versantur circa finem, velut proprium objectum, alii cum directe & immediate solum versentur circa media, respiciunt finem, non ut proprium & immediatum objectum, sed potius velut terminum. Atque ob hanc causam Thomas initio quæstionis octavæ, distinxit actus voluntatis, quibus voluntas movetur in finem, ab illis actibus, quibus voluntas movetur in ea, quæ sunt ad finem. Rursum verò cum finis in voluntatis prosecutionem cadere possit sub triplici ratione, nimirum ut est præsens, ut absens, seu ut ita dicam, acquisibilis, & ut abstrahens ab utroque, ideoque circa finem tres constituuntur actus voluntatis, non plures nec pauciores, nimirum fructio seu delectatio, intentio seu desiderium efficax, & simplex voluntas seu amor; qui tribus illis considerationibus finis ordine respondent. Eandemque ob causam S. Thomas loc. cit. ait: *Actus autem voluntatis in finem, videntur esse tres, scilicet velle, frui, & intendere.* Nec obstat, quod finis etiam considerari potest, ut præteritus; quia ut sic non potest movere voluntatem ad peculiarem actum prosecutionis. Bona enim præterita, sub ea formali ratione, non cadunt sub appetitum, sed solum ut vel præsentia aliquo modo sunt, saltem secundum imaginationem, vel ut abstrahunt à ratione præteriti; qua ratione etiam amamus defunctos. Et ratio est; quia esse præteritum, respectu objecti boni & convenientis, non habet rationem boni, sed potius rationem mali: unde dolemus bona præterisse, non gaudemus, nec volumus. Alia ratio est boni absentis, si spectetur non qua formaliter & præcisè absens est, sed qua possibile est, seu acquisibile, ut dictum; sub ea enim ratione plane habet rationem boni & appetibilis; qua ratione etiam intentio ad bonum absens terminatur, ut dictum. At vero quod attinet ad actus voluntatis, qui versantur circa media, cum hoc omnibus commune sit, ut supponant finem nondum possessum seu acquisitum, sed potius futurum seu possibilem; siquidem mediis, aut appetitioni mediorum non est locus, ubi finis iam re ipsa præsens & possessus est; fieri prorsus non potest, ut eorundem divisio desumatur ex varia consideratione finis, secundum rationem præsentis,

sentis, aut futuri, vel ab utroque abstrahentem. Quare necessario desumenda est, ex varia habitudine ad media, ordinata ad finem, velut terminum, quæ pro objecto habent. Hæc vero media tripliciter spectari possunt; primo secundum communem rationem, qua inter se omnia conveniunt, quatenus videlicet generatim sunt accommodata & utilia ad finem consequendum; secundo quoad specialem rationem singulorum, quatenus secundum efficacem animi destinationem & inclinationem, ad executionem ordinatam, unum alteri, seu certa quædam aliis omnibus præferenda & anteponenda sunt; tertio, quatenus jam re ipsa motione voluntatis, per applicationem potentiarum executivarum, executioni mandari debent, & quasi incipiunt. Atque secundum hanc triplicem considerationem mediolorum constituendi sunt iidem tres actus voluntatis elicitæ, nec plures, nec pauciores; nimirum consensus, electio & usus. Consensus enim est complacentia simplex de omnibus mediis, quatenus utilia sunt ad finem consequendum; electio ex propositis mediis unum alteri, secundum efficacem animi designationem seu inclinationem, præfert; usus re ipsa incumbit in executionem electi medii, movendo potentias executivas ad actuale eorum executionem. Ob quam causam Thomas initio quæstionis 13. dixit actus voluntatis, *qui sunt in comparatione ad ea, quæ sunt ad finem, esse tres, eligere, consentire, & uti.* Atque hæc est formalis & adæquata ratio divisionis omnium actuum voluntatis. Longa autem diversa ratio est divisionis actuum seu passionum appetitus sensitivi, quæ homini cum brutis sunt communes. Quia enim ex una parte bruta non agunt proprie propter finem, uti nec appetitus sensitivus, si secundum se præcise spectetur; ex alia vero parte passionibus appetitus sunt actus corporei, qui proinde realiter afficiunt & immutant corpus, idcirco earum divisio desumi nec potuit, nec debuit ex varia habitudine ad finem, sed potius ex quadam diversitate objectorum, secundum quam varia immutatione corpus afficiunt. Quo in genere cum diversimode affici solet corpus, quando objectum, circa quod versantur, est arduum seu difficile, vel non arduum; idcirco pro hac varietate objecti, licet alioqui solum materialiter se habente ad rationem moris, seu virtutis ac vitii, distinguuntur generatim duo genera passionum, nimirum earum, quæ versantur in appetitu concupiscibili, & aliarum, quæ sunt in appetitu irascibili, sive interim duo isti appetitus inter se realiter differant,

ferant, siue non. Notandum secundo, in recensendis actibus elicitis à voluntate, non fuisse à Thoma, uti nec ab Aristotele, habitam rationem actuum voluntatis, qui in fugiendo seu averfando consistunt, sed solummodo actuum prosecutionis; idque non immerito, propter duas causas. Prima est, quia propositum illis fuit, eos solum actus voluntatis enumerare, qui per se ordinantur aut conducunt ad finem consequendum, quales soli actus prosecutionis, non fugæ; hi enim per accidens solum conducunt ad finem consequendum, quatenus removeant seu averfantur mala & obstacula opposita fini, non per se, & proprio ac positivo influxu. Secunda causa est, quia actus fugæ, cum in suo genere, & servata proportionem, assimilentur actibus prosecutionis, non habebant opus spe enumeratione & declaratione, sed satis poterant ex oppositis actibus prosecutionis intelligi; quia oppositorum eadem est disciplina, ut ex Cajetano constat. In quo rursus diversa est ratio passionum appetitus sensitivi. In his enim, cum pro diversa ratione prosecutionis aut fugæ, circa obiectum conveniens, aut disconveniens, diversimode contingat affici & immutari eorum, necessario etiam pro diversitate ejusdem rationis duplicis, prosecutionis scilicet aut fugæ, distinguendæ erant passionem. Secus se res habet respectu voluntatis seu actuum ejusdem, in quibus immutatio illa corporalis non attenditur, ut dictum. His positis, ad primam difficultatem, ejusque confirmationem, ex Cajetano, patet responsio ex iis, quæ diximus notatione secunda. Nam inter illos octo actus voluntatis à Cajetano recensitos, exclusis duobus illis, qui in fuga consistunt, remanent sex actus eliciti voluntatis, quas ex S. Thoma & Aristotele retulimus. Cur autem ex actibus fugæ, Cajetanus duos solum numeraverit, nimirum nolle & tristari, omisso illo, qui propriè respondet desiderio, ipse viderit. Quod si hoc ideo fecit, quia supposuit non dari actus voluntatis distinctos, quorum unus sit fugæ simplicis, simplici voluntati respondens, uti in quarta difficultate ex eodem relatum, manifeste deceptus est, ut inferius dicetur. Rectius omisit actus fugæ respondentes consensui & usui; quia his actibus non respondent actus similes circa malum versantes; sed potius ad fugiendum malum, iidem illi actus conducunt, quatenus iis mediantibus voluntas fertur in media & executionem mediorum, quibus malum devitetur. Ad negationem vero actuum, v. g. ad hoc, ut manus aliave membra corporis non extendantur, vel adhibeantur ad operandum malum, per se ac pro-

proprie non datur actus, qui sit usus, aut usui respondeat; uti nec ad non consentiendum malis mediis datur actus positivus consensui respondens. Ad secundam difficultatem, conceditur quidem, differre distinctionem actuum voluntatis à distinctione passionum: id vero optima & necessaria ratione fieri, nimirum quia ratio & principium distinguendi non est utrobique idem, ut dictum est notatione prima. Eandemque ob causam, non est in voluntate distinguendum appetitus irascibilis & concupiscibilis, adeoque nec admittenda divisio actuum voluntatis, secundum duplicem ejusmodi appetitum; ut docet etiam Thomas 1. parte quaest. 82. articulo 5. quia hæc distinctio desumitur ex quadam diversitate objectorum, cum respectu ad diversam immutationem corporis, quæ in passionibus utriusque appetitus accidit; in voluntate autem ejusque actibus locum non habet, ut ibidem dictum. Præterquam quod in naturis rerum hoc frequens, & consuetum est, ut quæ in rebus seu principis inferioribus solent esse dispersa, in superioribus sint unita, ut videre est in intellectu comparato cum sensu; & in sensu interno, comparato cum sensibus externis: esto interim, assignari etiam in ipsa voluntate possint actus singulis passionibus appetitus sensitivi respondentes. Quod si quis abstrahendo, tum à varia consideratione finis & mediorum, per quam actus voluntatis distingui diximus; tum à varia immutatione corporis, ex qua passionibus appetitus distinguuntur, distinguere velit utriusque generis actus, solum pro diversa ratione quasi materiali ipsius objecti, secundum rationem vel præsentiam, vel absentiam ejusdem objecti, aut abstrahentem ab utroque, is quidem omnes actus tum voluntatis, tum appetitus, hoc senario numero facile comprehendere poterit, nempe simplici amoris, desiderii efficacis, & delectationis circa bonum; item simplicis odii, efficacis fugæ, & tristitiæ circa malum. Nam sub istis comprehenduntur omnes actus voluntatis & appetitus; intentio quidem & electio sub desiderio efficaci, fructio sub delectatione, consensus sub simplici voluntate seu amore, denique usus rursum sub desiderio efficaci; siquidem is nihil aliud est, quam actus desiderii, pro objecto habens mox faciendam executionem mediorum. Eodem modo timor nihil aliud est, quam efficax fuga mali imponentis, audacia desiderium aggrediendi pericula, ita desiderium vindictæ seu propriæ defensionis; desperatio denique fuga opposita desiderio, circa bonum difficile, aut impossibile. Cætera



per se patent. Ad tertiam difficultatem concedo, in ea distinctione actuum voluntatis, prætermisissos fuisse actus conditionatos ejusdem, non quod tales actus nulli dentur, ut nonnulli existimasse videntur, contra communem, quam tradunt, Thomas quæstion. 13. articulo 5. ad 1. Cajetanus, Conradus, Medina ibidem, Scotus in 1. distinctione 47. quæstione un. & in 2. distinctione 6. quæst. 1. Gabriel quæst. un. art. 3. dub. 2. Major. quæst. un. Angelstus in Moral. cap. 3. dub. 3. Fonseca 9. Metaph. cap. 2. quæst. 5. sect. 5. Gregorius de Valentia hic quæstion. 8. punct. 2. sed tum quia ex sua ratione sunt actus admodum imperfecti; tum quia eorum ratio satis ex divisione actuum absolutorum voluntatis intelligi poterat: non quod tot actus positivi & reales, simulque conditionati, distingui possint, quot sunt actus absoluti ejusdem voluntatis; sed quia omnes actus conditionati, ad solam voluntatem simplicem pertinent, neque adeo re ipsa alium, quam simplicis voluntatis actum in ipsa voluntatis potentia constituunt. Ratio est: tum quia actus conditionati omnes sunt inefficaces: Ergo solum ad voluntatem vel fugam simplicem pertinent. Tum quia licet ab actu voluntatis, sub conditione futuro, quem pro objecto habent, aliquando nomen accipiant, re ipsa tamen actus illos, quos pro objecto habent, puta intentionis, electionis, fruitionis, &c. in voluntate præsentis non constituunt, sed solam simplicem voluntatem & affectum erga eundem: sicut nec ille, qui dicit, vellem pingere aut ædificare, hoc pingit, aut ædificat, sed solam simplicem voluntatem ædificandi habet. Ex quibus etiam colligi potest, quinam actus universim nomine velleitatis, seu voluntatis conditionatæ comprehendantur. De qua re non eodem modo loquuntur. Et omissa sententia Ariminensis in 1. dist. 45. quæst. un. qui dubitat, utrum velleitas sit actus rationis, an vero voluntatis; utpote futuri, si conditio impleretur; seu quod idem est, ut solummodo significet judicium de ejusmodi futuritione: ita ut quo sensu v. g. dicere solemus, si fuisset natus inter Ethnicos, aut si ad religionem non essem vocatus, non minus peccarem, quam Gentiles, aut seculares, &c. eodem sensu etiam accipiat, vocula *Vellem*, hoc est futurum esset, ut vellem peccare, &c. Sed hic tamen modus loquendi non est proprius & usitatus; dicimus enim tunc potius, hoc essem factururus; sed non proprie, vellem hoc facere. Secundo ita usurpari potest, ut præterquam quod futuritionem actus voluntatis posita conditione futuri, siue judicium de eadem futuritione

ne

ne significat, etiam significat complacentiam & affectum simplicem erga eundem actum posita conditione futurum, tanquam obiectum scilicet ipsius velleitatis, seu conditionatæ voluntatis. Quo modo dicere solemus, si essem Pontifex, aut Imperator, vellem hoc, vel illud, pro iustitia, aut pietate statuere. Hoc enim loquendi modo non tantum significamus futuritionem ipsam ejusmodi constitutionis sive legis, impleta conditione, sed etiam affectum simplicem erga eandem. Idem fieri potest, circa obiectum ex se indifferens, aut malum. Ut si quis dicat, si non essem voto castitatis obligatus, vellem ducere uxorem, aut si non esset peccatum, vellem furari. Tertio significari etiam potest nomine velleitatis, præsens affectus simplex erga ipsum obiectum voluntatis, sub conditione futuræ, quo sensu v. g. homo flagitiosus, in carcere aut triremi victus, dicere solet, si essem liber, vellem indulgere ventri, &c. Quæ tria significata ipsius velleitatis licet sæpenumero soleant esse conjuncta, & quidem secundum raro inveniatur sine tertio, absolute tamen prius potest consistere sine posteriori; non tamen posterius sine priori, ut satis colligi potest ex allatis exemplis. Et vero est, quoad rationem culpæ, magnum sæpe discrimen, inter triplicem illum velleitatis modum, etiam respectu ejusdem obiecti. Si quis enim primo tantum, aut secundo sensu dicat, vellem furari si non esset malum, aut peccatum, is quidem eo ipso non peccat; si autem juxta sensum tertii modi velleitatis loquatur, is eo ipso peccat, quia habet voluntatem simplicem erga furtum, adeoque peccatum, quæ si deliberata sit, utique peccatum est, ut suo loco de peccatis dicetur. Quo autem modo vel sensu vocabulum illud *Vellem*, in quovis particulari casu accipiat, id unusquisque de seipso quidem, ex proprio affectu æstimabit; de aliis vero judicium fieri poterit, ex circumstantiis personarum, item subiectæ materiæ, & conditionis, modique vel occasionis loquendi. Atque juxta hanc doctrinam accipio, quod docet Gregorius de Valentia hic quæstione 8. punct. 2. nimirum hoc verbo *Vellem* tres actus significari; primo præsens judicium de ipsa futuritione rei, si conditio impleretur; secundo ipsam futuritionem actus volendi, si conditio subesset; tertio præsentem approbationem seu voluntatem simplicem, circa hanc ipsam volitionem sub conditione futuram. Si enim proprie usurpetur vocula *Vellem*, semper includit affectum simplicem saltem erga ipsam volitionem sub conditione futuram: licet absolute primum & secundum

dum significatum velleitatis à Valentia allatum (quæ nos superius simul conjunximus) stare possit sine tertio, sicut & tertium à Valentia assignatum, sine actu aut voluntate simplici erga ipsum objectum futuræ sub conditione, quod velleitatis significatum nos superius tertio loco commemoravimus. Ad modum etiam explicatum intelligendum est, quod dicit Cajetanus infra quæstione 62. articulo 5. ad 2. per actum velleitatis deliberare aliquem, sic electurum & facturum, si sibi ita conveniet. Hoc enim ita accipiendum est, quod non solum hoc judicium seu deliberatio animi per velleitatem significetur, sic enim velleitas esset solum actus rationis, non voluntatis, quod est contra communem & certam doctrinam, superius explicatam, sed quod hoc sane judicium de futuritione voluntatis, si conditio impleretur, includi solet in omni velleitatis actu, tametsi proprie loquendo, semper etiam simul simplicem actum voluntatis includat sive erga volitionem futuram, sive etiam erga objectum ejusdem volitionis. Ita etiam intelligo, quod dicit Angelus citato cap. 3. moral. dub. 3. *Velle conditionale dupliciter posse accipi, uno modo objective, ita ut in totali ejus objecto implicetur conditio, cujusmodi est totius conditionalis volitio. Alio modo, ut reipsa nunc, gratia alicujus conditionis (puta ob impossibilitatem) infir actus (simplex voluntatis;) sine qua conditione haberetur efficax & absolutus. Cognito enim, inquit, operis impedimento, dicitur volitio operis inefficax, loco cujus sine tali impedimento elicta fuisset alia efficax.* Prior enim modus hic velleitatis ab Angello assignatus, videtur comprehendere solummodo primum, vel ut summum simul etiam secundum significatum velleitatis à nobis explicatum; secundus vero Angelli etiam tertium à nobis commemoratum. Atque hæc de velleitate, seu conditionata voluntate, cujus deinde sæpius facienda mentio est, non importune hoc loco dicta sunt. Ad quædam difficultatem responderetur, sex illos actus voluntatis elictos non differre solo numero, uti recte probatum est. Neque tamen etiam per se differre videntur specie essentiali, ex formali objecto desumpta, adeoque nec in ratione virtutis aut vitii: quia simplex complacentia seu voluntas, intentio, fructio, consensus, electio, & usus, citra idem objectum certæ alicujus virtutis, aut vitii, sunt ejusdem speciei, ut ex communi suo loco dicetur. Differunt tamen inter se specie accidentali, ex conditione quasi materiali ipsius objecti desumpta, puta finis, vel medii, præsentis, vel absentis, &c. ut superius de-

declaravimus. Qua in re etiam Gregorius de Valentia disputatione 3. quaestione 11. punct. 3. ex Cajetano quaestione 48. notavit, actus voluntatis differre à passionibus; quod hæc omnes inter se specie distinguuntur; illi non item: excepta delectatione seu fruitione, & tristitia. Quis quæ in inferioribus sunt divisa, unita sunt in superioribus; atque ita differentia objectorum, quæ distinguunt specie actus appetitus sensitivi, non sufficiunt ad distinguendos specie actus voluntatis. Sed hæc ratio simul probat, nihil excipiendum de delectatione & tristitia voluntatis. Deinde etiam passiones inter se specie essentiali non differre, nisi in ratione entis, dicetur quaestione sequente, dubio 2. Interim vero negandum non est, plerosque ex recensitis actibus plerumque inter se etiam numero & realiter distingui, ut plane ponit Thomas, cum eos absolute tanquam actus diversos recenset, ut ex ejus verbis superius relatis patet: idemque est communis sensus Doctorum in hac materia; ut proinde plane falsum sit, quod non nemo asseruit, in unicum numero actum humanum voluntatis per se quinque actuum specie differentium rationes concurrere, nempe simplicem voluntatem, intentionem, consensum, electionem, usum; idque docere Thomam hic à quaestione 8. usque ad 16. Quia saltem simplex voluntas cum re ipsa sit actus inefficax, nulla ratione potest idem realiter actus esse cum voluntate efficaci utriusque intentio, electio, &c. ut ex communi recte docet Adrianus quodlibeto 10. & supponit Thomas quaestione 8. articulo 1. & 2. Medina & Conradus ibidem, Gregorius de Valentia & Fonseca locis cit. & alii communiter, quando simplicem voluntatem tanquam actum distinctum ab intentione & electione constituunt, eumque etiam circa impossibile versari docent, ut dictum quaestione 1. quicquid Cajetanus in contrarium objectus dixerit; qui nec sibi in ea re constat, nec Thomæ consonat. Eodem modo intentionem & electionem, saltem ordinariè esse actus realiter distinctos omnes communiter supponunt: imo inter Doctores controversia est, an unquam ullus actus voluntatis simul esse possit circa finem & media, ut dubio 4. dicetur. Ad quintam difficultatem respondetur, Thomam & Aristotelem, in recensendis actibus intellectus, qui una cum actibus voluntatis in prosecutione finis interveniunt, eorum tantum habuisse rationem, quicum & proprium nomen, ac specialem usum, cæteris actibus minime communem, in eo genere sibi vendicent, propria & speciali etiam declaratione indigebant, quales solut-

modo

modo sunt actus consilii & imperii. Ceteri vero tum ex communi ratione actuum intellectus, tum ex actibus voluntatis, quibus præsentis, satis intelliguntur.

## XV.

Liberè autem operatur voluntas post regenerationem, justificationem & renovationem, quos enim Filius liberat, illi verè liberi, Joh. 8. v. 36. ita tamen, ut illa libertas non sit consummata, sed inchoata tantum, cum difficultate carnis conjuncta, de qua Paulus: *Scio enim, quia non habitat in me, hoc est in carne meâ, bonum. Nam velle adjacet mihi, perficere autem bonum, non invenio. Non enim quod volo bonum, hoc facio: sed quod nolo malum, hoc ago*, Rom. 7. v. 18. 19. tum libertate illa, quæ dicitur specificationis, tum illa, quæ est contradictionis, unde ipse DEUS: *Testes invoco hodie cælum & terram, quod proposuerim vobis vitam & mortem, benedictionem & maledictionem. Elige ergò vitam, ut & tu vivas, & semen tuum: & diligas Dominum DEVM, atque obedias voci ejus, & illi adhæreas*, Deut. 30. v. 19. 20. Nam qui statuit in corde suo firmus, non habens necessitatem, potestatem autem habens suæ voluntatis, & hoc judicavit in corde suo servare, 1. Cor. 7. v. 37.

## XVI.

Frustra hic disputant Pontificii primò, qui cum Durando Libertatem Intellectui transcribunt, quia Theologi liberum arbitrium definiant, quod sit facultas rationis & voluntatis. Secundò qui cum Thoma & sequacibus voluntatem quidem admittunt esse formaliter liberam primo & per se, intellectum verò radicaliter. Tertio qui propugnant libertatem esse extrinsecam actibus elicitis voluntatis, ut quidem constat ex Molina, Vasquezio, Arriaga & aliis.

## XVII.

Malè itidem statuunt Thomistæ voluntarium reperiri in omni naturâ cognoscitiva. Illudq; probare satagunt, autoritate Aristotelis 3. Ethicorum c. 1. ubi dicit, quod *pars & bruta animalia communicant voluntario*. Et ex Augustino l. 5. de Civitate Dei, cap. 9. Gregorio Nyssæ l. 5. Philosophiæ c. 4. Damasceno l. 2. de fide c. 24. & tandem Thoma hic a. 2. ubi hoc probet ex professo hac ratione: *Ad rationem voluntarij requiritur, quod principium actus sit intra cum aliqua cognitione finis; ita quod imperfectam cognitionem finis sequitur voluntarium* (intellige proprie, & non



& non tantum metaphoricè dictum) secundum rationem imperfectam, prout scilicet apprehendens finem non deliberat, sed subito movetur in ipsum: Imperfecta autem cognitio finis, quæ in sola finis apprehensione consistit, sine hoc quod cognoscatur ratio finis, & proportio actus ad finem, reperitur in omni natura cognoscitiva, etiam in brutis animalibus per sensum & æstimationem naturalem: unde voluntarium proprie dictum reperitur imperfecte, sive secundum rationem imperfectam in omni natura cognoscitiva. Secundo illi, qui volunt divisionem voluntarii in necessarium & liberum, esse generis in species: Ita Lorca, Vasquez, qui putant, liberum, & necessarium esse differentias essentielles actuum elicitorum voluntatis, quibus alii sese opponunt statuendo, illam esse divisionem subiecti in accidentia: Ita Alvarez, Montelinus, Valentia, Discal, Salmant, Philippus à Sanctis, Trinit, Oviedo, & alii, quorum Ratio est: quia differentie essentielles constituunt species essentialiter diversas. Sed liberum, & necessarium non constituunt actus voluntarios essentialiter, aut specificè diversos, ut patet in amore libero charitatis viæ, & in amore necessario charitatis patriæ, qui sunt ejusdem speciei, juxta communem sententiam. Ergo secundum illos liberum, & necessarium non sunt differentie essentielles, sed accidentales actuum etiam elicitorum voluntatis. Ergo actus voluntarius dividitur in liberum, & necessarium tanquam subiectum in sua accidentia. Tertiò Mestertius, qui contra Seldenum disputat, & cum objecisset D. Seldenus *de jure nat. & gent. l. 1. c. 4.* Quod non possit esse propriè dictum, jus ubi non est libertas: at licet in brutis aliqua absoluta & simplex concipi possit: quæ naturalis facultas est ejus, quod cuique facere lubet. §. *& libert.* *Instit. de jure person. l. 5. D. de statu hominum*, & cui proprium sic vivere, ut velis, Cicero *de officiis 1.* non tamen est libertas restricta & cum hoc temperamento, quod in definitione, (quæ est *d. l. 5. D. de statu hominum. & §. & libertas. Instit. de jure personarum*,) sequitur: *nisi si quid vi aut jure prohibetur*, quod omnino necesse erat. Respondet ea libertate, quæ in *d. l. 5. D. de statu hominum. & §. & libertas. Instit. de jure personarum*, definitur, bruta quoque gaudere. Probareque nititur ex mente Ulpiani in *l. manumissiones. 4. D. de iustitia & jure.* & Justiniani in *princ. Instit. de Libertis*, ubi libertatem ad jus naturale, prout à jure gentium & civili distinguitur, referunt. Denique falsum esse dicit, quod ad hunc locum vis, quatenus in-

juria in ea contineatur non spectet. Vis enim absolutè posita in malam partem, ac pro ea, quæ injuriam in se continet, accipitur. *arg. l. ut vim. 3. D. de iustitia & jure. l. scientiam. 45. §. ult. D. ad leg. Aquil. l. extat. 13. D. quod metus causæ. tot. tit. D. & instit. de vi bonor. rap. tot. tit. D. quod vi aut clam. Item de vi & vi armata. Cod. unde vi. §. recuperanda. Instit. de interdictis. cum infinitis similibus.* Sensus ergo horum verborum secundum illum: *Nisi si quid vi*, hic est, nisi si quid vi injustè illata prohibeatur, quominus fiat quod lubet: tunc enim libertas retinetur quamvis usus ejus impediatur: veluti si quis victus à latronibus vel piratis detineatur. At ubi quid vi justè illatà prohibetur, libertas amittitur: veluti si quis ab hostibus capiatur. *§. 3. & 4. Instit. de jure personarum.* Hæc autem verba, *aut jure prohibetur*, nihil aliud volunt, quam posse quid jure prohiberi, quominus fiat quod lubet, & tamen illibata manere libertas: Hinc Tullius pro Cluentio: *Legum*, inquit, *idcirco omnes servi sumus, ut liberi esse possimus.* Et Papinianus: *Quæ ledunt pietatem, existimationem, verecundiam nostram, & ut generaliter dixerim, contra bonos mores fiunt: nec facere nos posse credendum est. l. filius. 15. D. de condit. instit.* Obedientia enim, quæ juri debetur, non pugnat cum libertate, sed eam tuetur: Enimverò brutorum facultas vivendi, ut velint, solo jure naturali attemperatur; at hominum, non solum naturali, sed etiam gentium & civili: nam quod sibi jus gentes universæ vel civitates singulæ constituerunt, ad bruta animantia non pertinet, *arg. §. 1. & 2. Instit. de jure nat. gent. & civil. arg. l. ult. D. de iurisdictione.* Quapropter pleniori ac magis integra libertate bruta gaudent, quam homines: Naturali enim facultate ejus quod ipsis facere lubet, bruta raro abutuntur: quippe in ipsis est magna moderatio appetituum & actionum: magna innocentia, securitas, requies, & vitæ tranquillitas: circa res naturales & licitas, sine pudore, metu ac cerimonia versantur. At homines (proh pudor) magnâ illâ animi prærogativâ, & , quæ cæteris animantibus præstant, vivacitate, subtilitate ac ingenii solertiâ abutuntur creberrime: hinc tanta in ipsis constantia, irresolutio, superstitio, anxia circa res futuras sollicitudo, ambitio, avaritia, invidia, curiositas, detrectatio, mendacium, mundus inordinatis appetitibus, offensionibus ac aegrimoniis repletus: Ita ut non solo jure naturali, sed etiam gentium & civili tanta quasi licentia refræanda fuerit.

## XVIII.

Intellectui opponitur ignorantia, quæ varii generis: Prima, per ordinem ad scientiam, quæ privat: secunda, per ordinem ad objectum, quod ignoratur: tertia est ad voluntatem ut ad principium: quarta per ordinem ad peccatum, cujus est causa. Dividitur itaque primò in ignorantiam pravæ dispositionis positivam, estque error intellectus; & in ignorantiam negativam, ac privativam: negativa datur in pueris, & amentibus: privativa in iis, qui carent notitiâ, quam scire quis potest, & debet. Secunda divisio ex parte objecti dividitur in ignorantiam Juris, & facti: de qua Scotus in quarto dist. 6. q. 8. n. 1. & 2. dist. 13. q. 2. n. 10. & de hac divisione extat titulus in Jure civili ff. qua lex ignoratur, quando scilicet ignoratur, an aliquid præcipiatur à Jure, sive divino, sive naturali, sive positivo. Magis tamen ignoratur Jus divinum, quam naturale, & facilius Jus positivum, quàm divinum. Ignorantia facti est qua res præcepta ignoratur: ut si quis ignoret, in die aliquo esse præceptum jejunium, laborat ignorantia Juris: si vero ignoret ipsam diem jejunii, ignorantia facti laborat: utraque ignorantia subdividitur à Sanchezio lib. 1. decalogi cap. 16. num. 4. in invincibilem, & vincibilem ignorantiam. Tertia divisio ex habitudine ad voluntatem, fit in invincibilem, & vincibilem. Ignorantia invincibilis dividitur in antecedentem, & comitantem: ignorantia vincibilis, quæ etiam dicitur consequens, dividitur in ignorantiam ex electione, quæ dicitur crassa, sive supina: idem enim est, quidquid Suar. disp. 4. sect. 1. num. 10. & in ignorantiam ex negligentia. Hæc divisio secundum Doctores Pontificios est eadem cum illa, qua ignorantia dividitur in inculpabilem, & culpabilem; inculpabilis est invincibilis, culpabilis verò vincibilis. Quarta divisio per ordinem ad peccatum, versatur circa ea, quæ peccata sunt ex ignorantia. De his omnibus, & aliis divisionibus latè agunt Doctores, Castro lib. 2. de lege penali, Cordub. in quæst. lib. 2. quæst. 1. Valentia tom. 2. disput. 6. quæst. 6. Suar. tract. 2. in 1. 2. disput. 4. sect. 1. Salas, & m. 1. tract. 3. disp. 4. sect. 1. Sanches citatus, Azor. 1. p. lib. 1. cap. 12. quæst. 1. Aravio 1. 2. quæst. 76. art. 4. dub. 1. Sayro in clavi lib. 2. cap. 2. Zamel. 1. 2. quæst. 76. art. 3. disp. 2. Jacob. Gordon. in Theologia Morali, tom. 1. lib. 1. quæst. 8. Tanner. 1. 2. disp. 4. quæst. 9. Layman. lib. 1. tract. 2. cap. 4. Castro Palans in opere morali, tom. 1. tract. 2. disp. 1.

## XIX.

Voluntati verò repugnat involuntarium, & impeditur usus libertatis, tum per ignorantiam, tum per violentiam, tum per concupiscentiam, tum per metum, tum per peccatum, & dicitur Involuntarium primò negativè, secundo privativè, tertio positivè : primo modo dicit solummodo voluntarii negationem, & propterea hæc usurpatio impropriissima est, convenit enim inanimatis, & agentibus naturaliter operantibus, quæ voluntate non agunt. Privativè importat privationem voluntarii, atq; adeo connotat subiectum capax volendi : & hæc usurpatio etiam impropria est, siquidem ad illam non exigitur, rem fieri contra positivum impetum voluntatis, sed satis est, non esse ex consensu illius, cum tamen possit consentire : unde etiam ex circumstantiis colligeretur voluntatem in tali eventu consensuram. Proprie ergo involuntarium solum contrariè accipiendum est, nimirum quando fit contra internum impetum voluntatis, & de hoc maximè sermo est. Ex Aristotele 3. Ethicorum c. 1. sumenda est definitio involuntarii : duo, autem ibi Philosophus requirit ad rationem formalem involuntarii. Primum est, quod sit à principio extrinseco : ita enim habet eo loco juxta interpretationem Argyropili, *at quorum principium est in ipso, ea agere, vel non agere, in ipso est suum, talia igitur sua sponte quisque agit* ; id est, quæ sponte fiunt, & voluntarie procedunt à principio intrinseco quod in ipso operante est : quod verò involuntarie agitur, procedit à principio extrinseco, quod in ipso operante non est : secundum, quod requirit, est, ut involuntarium non sit ex inclinatione, sed contra inclinationem appetitus, causetque molestiam, & dolorem, ita toto illo capite. Ex quibusea erit definitio involuntarii in communi : *Involuntarium est à principio extrinseco contra inclinationem appetitus, id est veniente appetitu, vel quod in idem recidit, expressitque Philosophus loco citato : Involuntarium est, quod quisquam invitatus agit.* Divisiones verò occurrunt apud Doctores variaz : Prima est in involuntarium perfectum, & imperfectum : perfectum est, quod accidit contra voluntatem deliberatam, vel cum formali cognitione mali, quod evenit : imperfectum fit contra voluntatem indeliberatam, ut in motibus primo primis, brutis, & amenibus videre est. Secunda in involuntarium in se, & in alio : involuntarium in se est id, quod voluntas per propriam nolitionem detestatur, ut pœnæ damnatorum : Involuntarium in alio est id, quod voluntas detestatur in causa necessario connexa

cum

cum suo effectu : qui enim venenum fugit immediate , in eo simul mortem , quæ est illius effectus , abhorret. Ubi notant , quando involuntarium in alio fieri postulat à diversis causis , non sufficere , quod quis nolit unam ex causis , ad hoc ut censetur nolle effectum , licet ut actus sit voluntarius in alio , sufficiat velle unam ex causis , à quibus procedere potest effectus , dummodo prævideatur futurus : & ratio discriminis est , quia , ut effectus producat , sufficit velle unam causam sufficientem ad existentiam effectus , ut verò non existat effectus , requiritur nolle omnes causas , quia licet nolit hanc causam , potest velle aliam , negatio quippe cum sit malignantis naturæ , omnem excludit virtutem , affirmatio verò stare potest cum qualibet virtute ; ex quo à fortiori inferitur , nullum esse involuntarium in causa per accidens , sive detur , sive non detur præceptum. Tertia est celebris divisio involuntarii in involuntarium simpliciter , & in secundum quid : involuntarium simpliciter est contra actum voluntatis efficacem , sive est contra actum , qui cum opposito actu efficaci coherere non potest : exemplum sint poenæ damnatorum , quæ involuntariæ sunt simpliciter damnatis , eo quod sunt contra actum voluntatis efficacem , per quem illis poenis renituntur : involuntarium secundum quid est contra actum simplicem , & inefficacem , qui cum opposito actu efficaci stare potest : exemplum sit projectio mercium in mare , quæ involuntaria est secundum quid , eo quod est contra voluntatem inefficacem non projiciendi illas. Hæc divisio coincidet cum illa alia , qua dividitur involuntarium in involuntarium purum , & in mixtum : purum coincidet cum involuntario simpliciter , mixtum verò cum involuntario secundum quid. Subdividitur autem hæc divisio tam involuntarii simpliciter , quam secundum quid ; nam involuntarium simpliciter dividitur in involuntarium per vim , & in involuntarium per ignorantiam ; involuntarium vero secundum quid dividitur in involuntarium ex metu , & involuntarium ex concupiscentia : cujus divisionis membra quamplurimis difficultatibus involvuntur , de quibus consulantur Scholastici.

## XX.

Impii vero sunt illi ex Pontificiis , qui primo statuunt , pro longo tempore dari posse præceptorum Decalogi invincibilem ignorantiam : Quia multi , v. gr. pueri invincibiliter ignorant pollutionis malitiam annis aliquot , quam postea crescente rationis discursu dignoscunt. Sic Cor-



du. l. 2. quæst. 4. Vasqu. t. 2. disp. 122. c. 2. Sanch. l. 1. Decal. cap. n. 33. quibus subscribit Escobar & addit, Decalogi hæc præcepta aliquibus vestita circumstantiis apparenter excusantibus posse non jam longo tempore solum, sed & per totius vitæ decursum invincibiliter ignorari. Nimirum licere furtum, ad eleemosynam erogandam: vel perjurium ad propriæ vel alienæ vitæ tuitionem. Videatur Vasqu. citat. Qui contrariam sententiam refert, & refellit, narrans se vidisse rusticum existimantem, pium esse, morti proximos in alteram versare partem; ut citius obirent, ne diu agnone laborarent: ac se judicasse rusticum illum invincibili ignorantia affectum. Secundò male quidam negant actus voluntatis non posse produci à solo Deo. Tertiò non probantur, qui simpliciter asserunt concupiscentiam minuere voluntarium. Quarto, qui statuunt merum gravem excusare in Legis naturalis observantia. Quia legis transgressio, gravi metu instante, non sit absolute malum admittere, sed deterius, ac gravius malum evitare. Sic Eustrat. super. 3. Ethic. c. 2. Glos. in l. pecul. D. si familia furtum fecisse dicatur, dicens servum patrantem aliquod delictum, ne pereat, nisi domino pareat, non peccare, Concinnunt Jalon. §. si minus. n. 17. Inst. de actio. Cynus. in l. 1. C. unde vi. q. penult. Salicet. in eadem lege. Bartho. in l. si servus D. de noxa. lib. action. qui plane censent, excusari eum, quem dominus aut tyrannus metu mortis adigit ad alium occidendum injustè. Quinto qui docent, quod homo existens in peccato mortali, possit habere usum liberi arbitrii circa opera moralia, non solum quoad exercitium, sed etiam quoad speciem boni. Priorem partem de exercitio concedi ab adversariis dicunt. Et meritò. Nam si peccator non posset pro suo arbitrio exercere aut omittere opera virtutum moralium, frustra darentur illi præcepta de iis exercendis: frustra essent monitiones, terrores, pœnæ, præmia. Posteriores, de specie boni, probare satagunt, quia peccator potest facere quædam opera moralia, quæ quidem non sunt meritoria vitæ æternæ, sed tamen moraliter bona seu rectæ rationi consentanea. Hoc secundum illos patet 1. ex dictis, quia mala opera non solent præcipi, sed bona; ac peccatori jure naturali ac divino præcipitur ut faciat opera justitiæ, temperantiæ, misericordiæ, ergo hujusmodi opera, quatenus præcipiuntur, bona sunt. Hoc autem præceptum potest impleri à peccatore, alioqui frustra illi daretur: Ergo peccator potest facere opera moraliter bona ac honesta. 2. Quia opera virtutum moralium sunt bona ex objecto: Ergo si fiant pro-

propter bonum finem , non possunt esse mala : At possunt fieri à peccatore propter bonum finem , nempe propter honestatem , aut conformitatem cum recta ratione. Ex eo autem , quod fiant ab homine peccatore, non possunt fieri mala. Nam quando is, qui dat eleemosynam, facit hoc propter bonum finem, jam non facit ut peccator , sed ut homo utens recta ratione. Hoc ostendere volunt in exemplo. Nam si homo impudicus det pauperi eleemosynam, non facit hoc ex impudicitia , sed ex misericordia. Unde fit, ut opus illud per accidens tantum sit hominis impudici ; per se autem misericordis. Quod ex eo patet, quia si opus illud inquinaretur ab impudicitia hominis impudici , jam eleemosyna hominis impudici esset peccatum contra pudicitiam ; quod est absurdissimum. 3. Quia constat ex Scripturis , DEUM sæpè remuneratum esse opera infidelium & peccatorum ; cum ergo DEUS sit justus , & non soleat remunerari mala , sed potius punire : necesse est , non omnia opera infidelium & peccatorum esse mala , sed quædam moraliter bona. Exodi 1. legimus , quod DEUS benefecerit obstetricibus Ægyptiis, eò quod clam conservassent infantes Hebræorum , quos Pharao Rex jusserat interfici. Et Augustinus in lib. contra mendacium cap. 25. disertè addit, DEUM benefecisse obstetricibus, non quod mentitæ essent, sed quod in populum DEI misericordes fuissent. Similiter Ezechiel. 29. legimus , quod dederit mercedem exercitui Nabuchodonosoris , eò quod fideliter suo Regi servisset in bello justo contra Tyrum. Et de Davide constat , quod hortatus fuerit Nabuchodonosorem ut faceret eleemosynas , qui DEI iram placaret. Quod si eleemosyna hominis infidelis hoc efficere potuerunt , certè bona opera erant , non mala, quia hæc non placent iram DEI , sed magis accendunt. Eodem sensu dixit Augustinus lib. de Prædestinat. Sanctorum, cap. 7. & lib. 1. de Baptismo contra Donatistas , cap. 8. eleemosynas Cornelii , antequam in Christum crederet fuisse DEO acceptas. Et lib. 5. de Civit. DEI. c. 15. DEUM dedisse Romanis tam amplum imperium , ut in hac vita remuneraretur bonas eorum virtutes. Denique sexto Doctores Pontificii deviant , qui asserunt , quod homo existens in peccato mortali, si habeat gratiam excitantem , possit habere usum liberi arbitrii circa opera supernaturalia fidei , spei charitatis, non modo quoad exercitium, sed etiam quoad speciem boni. Priorem partem, de exercitio patere disunt ex Concilio Trid. Sess. 6. c. 5. & alibi probare nituntur. Posterio-

rem

rem, de specie boni, negari non posse, nisi dicamus DEUM authorem peccati. Nam si peccator, quando excitatur à DEO ad opera supernaturalia, non potest bene operari, sed tantum male, plane sequitur, illum à DEO ad male operandum excitari, quod impium est. Deinde, si actus fidei, spei, & charitatis boni non sint, præsertim quando sunt ex gratia DEI, quomodo profint ad justificationem impii? An actus, qui revera mali & inquinati sunt, ad salutem prodesse possint? Nemo sanus id dicturum.

## XXI.

Cum autem actus, quos exercent regeneriti, sint supernaturales & spirituales, ideoque Intellectus & Voluntas non simpliciter illos exercent, sed prærequirunt Fidem, fixum enim illud Pauli, Rom. 14. v. 2. *Quicquid non est ex fide, peccatum est*, & illud: *Impossibile est sine fide placere Deo. Credere enim oportet accedentem ad DEUM, quia est & inquirentibus se remunerator sit*, Ebrzor. 11. vers. 6. & Jacobus: *Scientes, quod probatio fidei vestra patientiam operatur. Patientia autem opus perfectum habeat, ut sitis perfecti & integri, in nullo deficientes*, c. 1. v. 3. 4. *Nam in Iesu Christo neque circumcisio aliquid valet, neque præputium; sed fides, quæ per charitatem operatur*, Gal. 5. v. 6.

## XXII.

Quantum hic prævaricentur, Adversarij notum est, tum fidem per Assensum tantum definiendo, tum inter dispositiones ad justificationem referendo, tum ex numero principiorum actuum supernaturalium expungendo.

## CAPUT VIII.

De

## MORALITATE.

## THESIS I.

Cum de actionum Christianarum & honestarum principiis egerimus; nunc ad affectionem, seu Modum illarum progredimur, qui dicitur Moralitas; potest enim actus humanus dupliciter spectari, vel in genere naturæ, cum scil. præcise, secundum naturam & Entitatem consideratur, vel in genere moris, in quantum scil. vel laudabilis, vel culpabilis, vel boni vel mali particeps, quæ moralitas deprehenditur, tum in actibus internis, tum externis, distinguiturque in Moralitatem objectivam & formalem, quarum illa est objecti primarii, quod est specificativum actus & circumstantiarum, hæc autem ipsius actus; & quanquam dubitari possit, num detur Moralitas quædam objectiva, videtur tamen satis illa pellucere, tum ex eo, quia objectum aliquod aliàs indifferens potest aliquam induere rationem prohiberi, & sub legem quasi revocari, adeoque moralitate affici, tum quia, si in potentiis & habitibus admittitur Moralitas, quia sunt causæ actuum, cur non in Objecto, quod prima causa & radix moralitatis est in humanis actibus, tum ex eo, quia actus in genere naturæ & actus in genere moris, formaliter imò genericè distinguuntur, unde & Objectum in esse naturæ, & in esse moris distinctum esse colligitur. Et hæc moralitas objectiva non solum est specifica, sed etiam datur generica, indifferens scil. ad Bonitatem & Malitiam, cum enim talis invenitur in Actibus humanis, præter specificam, objecto non erit deneganda, atque in objectis intrinsecè malis aut bonis est intrinseca, in objectis verò ex sua specie indifferentibus, sive extrinsece bonis aut malis est extrinseca, dicitque ut sic habitudinem quandam Objecti ad Regulam Morum.

## II.

Non admittenda itaque primò Opinio, quam tuetur Lorca l. 2 d. 2, disp. 21. sect. 2, quod scil. nulla detur Moralitas objectiva, quanquam

Dd

enim

moralitatis : ad eandem enim potentiam ad quam spectat producere entitatem actus, spectare dicunt producere modos terminativos ipsius, sive etiam respectus, sine quibus actus existere non potest. De Effectibus quoque ita ratiocinantur : Effectus dicitur moralis non solum ex modo emanationis à causa libera, & subijcibili rectæ rationi, sed etiam quia elicitur à voluntate per ordinem ad objectum subijcibile rectæ rationi : quapropter effectus moralis non solum est liber, sed etiam subiectus rectæ rationi. Effectuum moralium duplex est genus : unum effectuum, qui simul sunt phyfici ; alterum effectuum, qui solum sunt pure morales. Ad primum genus spectant omnia entia physica, quæ procedunt à causa physica ; à morali tamen causa vel imperantur, vel fiunt : ut occisio hominis in se est physica, & ab occidente physice procedit, e comparata tamen cum voluntate imperante, vel suadente, est effectus moralis. similiter, præmium in entitate, potest esse aliquid physicum procedens à voluntate præmiante physice, respectu tamen meriti, est effectus moralis, cum meritum non influat in præmium physice, sed tantum moveat præmiantem : idem de pœna sentiendum est, & de similibus. Unde in his effectibus duo considerantur, entitas physica, & ratio moralis : hæc est denominatio extrinseca desumpta ex modo operandi potentie, sive consulentis, sive præmiantis, sive ordinantis unam rem ad aliam, sive excitantis causam physicam, &c. Secundum genus effectuum, qui sunt pure morales, nullam in se habent entitatem physicam, licet enim supponant entitatem aliquam physicam in se, nec sunt nec includunt aliquid physicum : ut obligatio orta ex voto, promissione, aut contractu : dominium in matrimonio ortum ex consensu conjugum : valor rerum, qui oritur ex legatante : meritum, demeritum, peccatum habituale, infinitus valor, opera Christi Domini, laudabilitas operis, & similia, quæ tantum sunt quid pure morale. Et si dicas : non esse entia physica ; ergo rationis, vel fictitia. Respondent negando consequ. sunt enim entia moralia, sive denominationes extrinsece provenientes à formis realibus, id est, ab actibus moralibus, quæ licet physice non sint præsentis, tamen moraliter secundum communem hominum æstimationem præsentis esse censentur.

## IV.

Scopum non contingunt illi primò, qui censent actum moralem  
 & actum propriè & perfectè humanum, seu perfectè voluntarium dici



ad convertentiam , quia eo ipso quod humanus , capax sit rectitudinis & contrarii defectus. Secundò illi , qui putant actum morale aliquid addere , supra actum humanum , actualem scil. libertatem. Tertiò illi qui volunt , ut actus aliquis voluntatis moralis sit , necesse esse , ut procedat ex perfecta Delectatione rationis , de quo videndus Franciscus Suarez. tract. 3. disp. 1. sectione primâ.

## V.

Ordo autem ille , in quo consistit formaliter Moralitas , est Relatio quædam secundum dici. Moralitas enim essentialiter dicit respectum ad aliud , nectamen primario , sed secundario ; non itaque erit Relatio secundum esse , sed dici.

## VI.

Frustra ergò disputant illi , qui rationem formalem moralitatis quærunt in ipsâ Entitate absoluta actus , vel modo aliquo absoluto superaddito actui. Secundò , qui Ordinem illum volunt esse tantum respectum , vel relationem rationis , quæ sententia fuit Melchioris Cani , & Gabrielis Vasquezii. Tertiò , qui formam moralitatis dicunt Denominationem extrinsecam , ut Sayrus in Clavi regia , lib. 2. cap. 4. numero 1.

## VII.

De Regula autem , ad quam Moralitas dicit respectum , disputari potest. Si ponatur illam esse Judicium practicum proxime & immediate , nihilominus quærenda erit Regula illius etiam Judicii extrinseca , quam dicimus esse legem Divinam decem præceptis adstrictam , est enim illa perfectissima boni & mali sequestra , quicquid præscribitur in Lege Naturæ perfectius ab illa imperatur , neque ullam partem vitæ aut actionum relinquit , quam non circumscilbat , adeo ut , *qui fecerit ea , vivat eis* , Levit. 18. v. 5. *qui contra fecerit , maledictus audiat : Maledictus , qui non permanet in sermonibus legis hujus , nec eos opere perficit. Et dicet omnis populus , Amen* , Deut. 27. v. 27. & Gal. 3. v. 10. *Scriptum est enim : Maledictus omnis , qui non permanserit in omnibus , quæ scripta sunt in libro legis , ut faciat ea , & sicut Objectum personale hujus legis est omnis homo , quamvis in particulari non unicuique innotuerit , & gentes lege naturæ regantur , teste Paulo : Cùm enim gentes , quæ legem non habent , naturaliter ea , quæ legis sunt faciunt , ejusmodi legem non habentes , ipsi sibi*

*sibi sunt lex, qui ostendunt opus legis scriptum in cordibus suis, testimonium reddente illis conscientia ipsorum, & inter se cogitationum accusantium aut etiam defendentium, Rom. 2. v. 14. & 15. ita dicat, tum, quæ lex naturæ exigit in statu lapsus, tum, quæ sanctior voluntas in illa præmonstrat,*

## VIII.

Displicet autem primò sententia Vasquezii, qui Moralitatis terminum constituit ipsam naturam rationalem, atque scribit Tomo 1. in primam secundæ disp. 95. cap. 10. §. 46. Dico totum genus moris in relatione rationis positum esse, ac proinde bonitatem in relatione convenientiæ, malitiam vero in relatione inconvenientiæ, aut oppositionis cum natura rationali consistere, quæ cum sint species generis moris, debent etiam esse relationes rationis. Hanc sententiam tradidit Canus, quem superiore capite memoravi, quam ille duplici ratione probabat: prior est: Relatio mensurabilis ad mensuram est rationis, & extrinseca ex Aristotele 5. Metaphys. c. 15. malitia autem consistit in ratione mensurabilis, illa enim dicitur bona actio, quam recta ratio metitur, illa vero mala, quæ non cadit sub mensuram rectæ rationis: ergo illi respectus sunt rationis in ipso actu. Posterior ratio, actus aliquando est malus ex ordine ad finem non existentem, imo ad aliquid impossibile, atqui ad non existens, aut impossibile solum est relatio rationis, ergo bonitas, & malitia actus moralis est solum relatio rationis. Hæ tamen rationes mihi non probantur, non prior, quia, ut infra ostendemus disputatione 97. non omnia peccata ideo sunt mala, quia non cadunt sub mensuram rectæ rationis, aut legis, sed ideo aliqua sunt mala, quia ex se naturæ hominis disconveniunt, quatenus rationalis est: non posterior, quia pauca sunt ejusmodi peccata, ex ordine ad finem non existentem, aut impossibilem, ac proinde hac ratione non probatur de omnibus in universum. Mihi vero his rationibus prædicta sententia probatur. Primo in iis, quæ sunt mala, quia prohibita, oppositio cum natura rationali pendet ex libera voluntate ferentis legem, ea enim libere posita, idem actus sit peccatum, qui antea non erat, & definit esse ea ablata; relatio autem, quæ pendet ex libera voluntate ferentis legem, non est realis, ergo nec malitia moralis, & ratio peccati, sicut relatio rationis, quæ vox ad suum significatum refertur, non potest esse realis, quia ex libera impositione hominis pendet. Secundò in iis, quæ sunt peccata jure naturæ, non

semper potest esse relatio realis, nam multæ circumstantiæ pendent ex libera alterius voluntate, ex quibus sequi non potest relatio realis oppositionis cum natura: furtum enim, ut sit peccatum, debet esse rei alienæ, quæ in alterius dominio est, esse autem in alterius Dominio, pendet ex libera hominum voluntate, debet etiam fieri contra voluntatem Domini: in adulterio similiter malum pendet ex eo, quod sit uxor conjuncta matrimonio ex mutuo consensu voluntatis, quare manere potest totum, quod reale est in illo actu, & affectu, sine malitia & cum illa, quia sola mutatione voluntatis alterius non mutatur id, quod reale est in actu, ergo absque mutatione reali potest ei inesse malitia, & abesse, ac proinde malitia, non erit relatio realis. Tertiò tandem in universum de omni genere peccati commissionis id probatur: nam malitia moralis sive in iis, quæ sunt juris positivi, sive in iis, quæ sunt juris naturalis, pendet ex attentione, & libertate operantis, in cujus operatione etiam interiori potest incipere malitia moralis ex sola consideratione rationis, quia si ne illa antea operatio non erat libera; posset etiam amittere malitiam, si ratio non sufficienter consideraret, ut si in amente maneret, ex eo autem, quod ratio advertat, seu consideret, vel non, si affectus circa novum motivum non varietur, nihil reale in actu mutatur: ergo, cum sic mutatur malitia, non erit aliquid reale actui inherens: potest autem voluntas perseverare in actu suo ex eodem motivo, variata solum consideratione, ergo potest manere secundum idem omnino reale. Ex quibus etiam constat bonitatem moralem in actu non esse aliquid inherens reale, sed respectum extrinsecum, siquidem liberum, quod est totum fundamentum generis moralis, & ex sola consideratione rationis, & absentia illius adest, aut abest, non est aliquid reale actui inherens. Notandum tamen est, frustra aliquos torquenti contendentes malitiam moralem debere esse alicubi intrinsece, ut inde possit actum moralem intrinsece denominare, putant enim omnem intrinsecam denominationem provenire à forma ejusdem nominis intrinsece in alio existente, sicut paries dicitur dexter à dexteritate in animali intrinsece inherente: frustra tamen laborant, licet enim hoc aliquando contingat, non tamen semper necessarium est, quinimo contingere solet, ut denominatio proveniat à forma alibi existente opposita rationis, & nominis: nam creator dicitur à relatione creaturæ, quæ opposita est, & res visa dicitur à relatione videntis: dicitur etiam aliquis Dominus servi, & ta-

men

nihil nulli bi est intrinsece relatio realis dominii; eodem modo dicitur  
 etiam maritus, & uxor: hæ autem denominationes extrinsecæ desumun-  
 tur ex variis rebus etiam absolutis concurrentibus simul, ut dominus  
 ex eo, quod aliquem sibi emit pecunia, aut cepit in bello: uxor ex eo,  
 quod voluntate cum alio contraxit: sit ergo peccatum ex eo dicitur,  
 quod fiat libere, aut existente lege superioris prohibentis, aut sine illa:  
 quia ergo talis naturæ est factum cum libertate, naturæ rationali, ut  
 rationalis est, dicitur inconueniens, ac proinde malum. Ex quo sequi-  
 tur primum, verè dici peccatum reipsa esse, quia reipsa sunt omnia, ex  
 quibus intellectus in actu ipso considerat relationem illam rationis, &  
 id significat modus ille loquendi absolute, sicut dicimus uxorem, & ma-  
 ritum esse in reipsa, & DEUM etiam creatorem esse, & opera Christi  
 fuisse infiniti valoris, & dignitatis apud DEUM, & infinite DEO pla-  
 cuisse, cum tamen infinitas dignitatis sit respectus rationis ex infinitate  
 personæ Christi: eodem modo humanitas respectu rationis à divinitate  
 proveniente dicitur in Christo sanctificata, & homines in peccato  
 manere ex respectu ad actum præteritum non retractatum, ut disp. 139.  
 cap. 5. dicemus; & tamen humanitas dicitur sancta reipsa, & homo  
 in peccato esse reipsa, & ratione illius DEO inimicus, & odio habitus,  
 sicut etiam humanitas, & opera illius ratione extrinseci respectus dicun-  
 tur DEO placere: dicitur enim aliquid DEO placere conjunctum cum  
 tali & tali circumstantia, licet secundum se non ita placeat, & displic-  
 ere similiter. Et in peccato omissionis, quod secundum omnem sen-  
 tentiam in privatione sola formaliter consistit, hoc eodem modo omnes  
 philosophari debent: nam omissio Missæ non displiceret DEO secun-  
 dum se, hoc est quatenus est sola negatio reipsa, sed quatenus est con-  
 tra præceptum, & esse liberam ut supra ostendimus, est extrinseca tan-  
 tum denominatio ex circumstantiis realibus desumpta. Hoc eodem  
 modo dicere debemus peccatum, & gratiam opponi ex natura rei ra-  
 tione realium circumstantiarum, ex quibus desumitur à nobis talis de-  
 nominatio actus, ut dicatur malus, idque commune est in omnibus de-  
 nominationibus extrinsecis, ut aliquid dicatur realiter tale sine alio ad-  
 ditamento ex circumstantiis realibus extrinsecis, tametsi adhuc in eo  
 modo loquendi sub illa denominatione denotetur semper respectus, &  
 ordo ad intellectum utentem tali denominatione, qua significat con-  
 ceptum suum, ut l. p. disp. 120, cap. 6. notatum est. Deinde sequitur  
 id.

id, quoddiximus disp. 73. cap. 4. & 5. malitiam primo consistere in actu exteriori ex objecto, & circumstantiis, non quia in eo sit intrinsece, nam etiam in actu exteriori malitia est intrinseca denominatio, sed quia hæc denominatio mali ex objecto, & circumstantiis primo convenit actui exteriori, & deinde secundo derivatur in interiorem. Secundo Sententia Suarezii, qui rectam rationem substatuit, *Disputation. 1. section. 2. §. VII. VIII. IX. X.* Opinio esse potest, hoc esse morale actus esse respectum quendam ad rectam rationem, id est, legem ut regulantem actum voluntatis: est enim actus voluntatis conformis, vel difformis rei, quæ conformitas, vel difformitas in relatione consistit: sicut similitudo & dissimilitudo. Unde sicut ab his relationibus potest abstrahi quidam conceptus communis relationis fundatus in qualitate, ita ab hac relatione conformitatis, vel difformitatis potest abstrahi conceptus communis respondens ad rectam rationem, quæ potest appellari *regulabilitas*. Fundamentum esse potest, quia *esse morale* dividitur per bonum & malum morale, tanquam per differentias per se, ut colligitur ex D. Thoma 1. 2. *quest. 9. artis. 1.* sed bonitas, vel malitia moralis consistit formaliter in conformitate, vel difformitate ad rationem rectam: ergo communis ratio *esse moralis* debet consistere in ratione respectiva communi abstrahibili ab illis membris, quæ non potest esse alia nisi *esse regulabile* per rationem rectam. Hæc sententia est insufficiens ad rem explicandam, & est in rigore falsa: & primo quidem supponit bonitatem moralem consistere in conformitate illa respectiva, quod valde dubium est, & magna indiget explanatione. Deinde supponit, à bonitate & malitia formaliter sumptis posse abstrahi conceptum communem alicujus relationis, quod forte etiam falsum est, quia illa duo privative opponuntur, si de eis formaliter loquamur: inter privationem autem & habitum nulla est convenientia communis: unde actus moralis bonus & malus possunt quidem convenire quasi materialiter in communi ratione actus, vel positivæ habitudinis ad objectum per rationem propositum: tamen formaliter ratione malitiæ & bonitatis sunt primo diversi. Sed hæc omitto, quia pendunt ex infra tractandis. Duobus igitur modis potest intelligi hoc *esse regulabile* per rectam rationem. Prima ut recta ratio habeat rationem veram præcepti, aut legis respectu voluntatis, quod non potest ratio habere ex se, quia non habet potestatem superioris respectu voluntatis;



tatis : neque idem homo habet proprie jurisdictionem in se ipsum , ut se possit proprie per legem obligare , & eo modo , quo se potest obligare , necesse est , ut oriatur id ex voluntate . Ratio ergo ut ratio , & ut regulans voluntatem non inducit propriam rationem legis , nisi quatenus participat , vel applicat præceptum alicujus superioris , scilicet DEI , vel alterius , qui participat potestatem ejus . Secundo modo potest intelligi hic respectus ad rectam rationem : non ut præcipientem proprie , sed ut proponentem & judicantem de ipsis objectis secundum eorum naturam , seclusa lege superioris , sicut judicat ratio , mentiri esse malum & disconveniens naturæ rationali ut sic , etiamsi à nullo superiori sit prohibitum . Si ergo loquamur in priori sensu , sic esse regulabile per rationem , vel legem , non potest esse ipsum esse morale : Primo , quia in DEO ipso potest intelligi actus , vel actio moralis , sicut in eo intelligitur libertas & honestas , quidquid enim DEUS operatur , bonum est , & ipsa operatio , ut est ab ipso , potest dici moraliter bona bonitate justitiæ , aut misericordiæ , aut veritatis , propter quod non tantum est dignus honore , sed etiam laude : DEUS autem est supra omnem legem : ergo absque respectu ad legem intelligitur esse , & bonum morale . Unde est reperiri in hoc aliquid singulare in DEO , quia cum operatur in libero , nullum esse reale liberum in ipso ponitur , sed tantum in actione ad extra , & ideo si quid est moralitatis in actibus DEI , magis est in actibus externis , quam in actu interno , quamvis in illo etiam considerari possit esse terminatum ad extra . Secundò etiam in hominæ intelligitur recte esse morale absque respectu ad legem , nam , ut dicebam , hæc conditionalis est vera , si per possibile , vel impossibile , homo non haberet superiorum , vel ab eo non gubernaretur per legem , nihilominus per rationem judicando dare elemosynam esse per se conveniens natura , homicidium autem esse disconveniens , libere operando juxta hæc discrimina , operaretur moraliter , & bene , aut male : ergo moralitas operationis humanæ non est sumenda per se primo ex respectu ad legem . Tertio etiam nunc posita lege non ideo actus est moralis , quia regulatur per legem , sed è contrario potius , quia homo est morale agens , & non habet voluntatem indefectibilem à bono , ideo indiget lege superioris inclinantis in bonum , & avertentis à malo : ergo esse regulabile per legem , supponit potius esse morale , quam illud constituat , & ideo nullus actus necessarius potest vere ac proprie per legem regulari , quia non est moralis ,

E c

sed

sed naturalis, de naturalibus autem non dantur præcepta. Unde confirmatur, nam supposita in actu voluntatis habitudine intrinseca ad suum objectum, & sua principia, *esse regulabilem per legem*, nihil ei addit præter denominationem extrinsecam à potestate legislatoris: non potest autem *esse morale* poni in hac denominatione, tum quia illa est omninò ab extrinseco, esse autem morale debet esse aliquo modo ab extrinseco: tum etiam, quia quod actus sit regulabilis hoc modo, non provenit ex potestate hominis, sed DEI & superioris: esse autem morale debet esse in actibus humanis & hominis, ideo enim esse meremur, vel demoremur, laudamur, vel vituperamur. Quarta si in hoc respectu consisteret esse morale, tam primario conveniret actibus externis sicut externis voluntatis: consequens est contra communem sensum Philosophorum moralium, & Theologorum, quia mores hominum ut sic, per se primo pendent à voluntate. Sequela probatur, quia lex tam per se primo regulat actus externos, sicut internos, imò nonnunquam lex non prohibet, vel præcipit internum, nisi ob externum, ut patet de lege non furandi, vel dandi elemosynam, quod est signum, hanc regulabilitatem, seu hunc respectum non esse proprium actus moralis ut talis est, sed per se extendi ad objectum moralium actuum. Tertiò quorundam recentiorum, qui dicunt formam moralitatis esse ordinem quendam ad voluntatem ut principium est morale, sive ut subordinatur Regulationis, quibus fivet Richardus in 2. Dist. 41. art. 2. q. 4.

## IX.

An autem ad moralitatem præquiratur Libertas in agente, si liberum & moraliter non formaliter coincidunt, à Doctoribus disputatur. Si de tã morali actionum illarum honestarum, quæ ab homine renato justificato & renovato prodeunt, sit sermo, facilis est Decisio: cum enim non operetur nec illas producat, nisi qui gaudet Spiritu, libertatem illæ utique præsupponunt, sin vero de moralitate ut sic, non una eademque est omnium sententia, nec dubitamus posse dari aliquid, quod certa ratione sit morale, nec tamen formaliter liberum.

## X.

Quamvis Pontificii hîc quamplures requirant libertatem, utpote Azorius, Lessius, Sanchez, Herrera, Franciscus Felix, Granado & alii, non tamen simpliciter illis subscribimus. Secundo utut Montesi-

dus,

nus, Gregorius Martinez, Philippus à S. Trinitate & alii statuunt libertatem non se habere, ut primam conditionem, sed ut fundamentum proximum moralitatis, tamen etiam in hoc illis abnuimus. Tertio quamvis ad moralitatem quidam requirant & libertatem contrarietatis & contradictionis, non tamen hinc nostrum merentur calculum.

## XI.

De libertate autem actuum ita philosophantur: nempe statuendum esse, actus humani libertatem in eo consistere, ut eliciatur, vel imperetur à libera voluntate, ut sic; seu quatenus libera est, & libere operatur, illa autem voluntas dicitur libera, & libere operari, quæ nullam in agendo neque coactionem, neque necessitatem patitur; sed positis omnibus ad agendum prærequisitis, libera semper manet, indifferens, sive quoad exercitium, sive quoad specificationem actus, seu ad agendum, vel non agendum; ad hoc vel illud agendum. Hæc assertio duas habet partes: in prima dicitur, actum illum liberum esse, qui elicitur, vel imperatur à libera voluntate: libertas enim proprie & primò ipsi voluntari competit, & ex illa in actum derivatur, quod per se patet. In secunda parte dicitur, libertatem voluntatis in eo consistere; quod voluntas nullam neque coactionem neque necessitatem patiatur; sed positis omnibus ad agendum prærequisitis, libera maneat, & indifferens ad agendum vel non agendum, ad hoc vel illud agendum. Hanc propositionem, (quam de fide esse asserit Isam. Dis. 1. de libero arb. a. 2.) probant 1. ex Script. Deut. 30. *Testes invoco hodie cælum & terram, quod proposuerim vobis vitam & mortem, &c. Elige ergo vitam*, 2. Reg. 24. *Hæc dicit Dominus: Trium tibi datur optio, elige unum quod volueris ex his*. Probant 2. ex S. Athanas. orat. ad Gentes, *Anima*, inquit, *cognoscens liberum sui arbitrium, videt se posse uti corporis partibus ad utraque, ad bona, & ad mala*. S. Cyrillo Alexand. lib. 4. in S. Joan. *Librum est*, inquit, *& propria electionis in hominibus in utrumque deflectere, aut in dextrarum partem aut in sinistram; in virtutem dico, vel vitium*. S. Cypr. epist. 55. *Homo*, inquit, *libertati sue relictus, & in arbitrio proprio constitutus, sibi met ipse vel mortem appetit, vel salutem*. Et S. Anselmo in priori parte libri de concordia lib. arbitr. cum præscientia DEI & prædestinatione, ubi expresse dicit. *DEVM velle hominis voluntatem nulla necessitate cogi, aut prohiberi ad volendum, vel non volendum*.

Ec 2

Ibi.

Ibidem fusè explicat , & probat necessitatem antecedentem , qua voluntas ad unum quid determinatur , libero arbitrio adversari ; docetque voluntatem indifferentem esse ad oppositorum alterum eligendum ; quamvis , postquam unum re ipsa delegit , necessitatem quandam ipsa sibi faciat , quam consequentem vocant Theologi , quæ ex ipsa effectus positione sequitur.

## XII.

Motus & actus regnitorum non tantum gaudent moralitate , sed etiam supernaturalitate , producuntur enim à principio supernaturali , nempe Spiritu S. & voluntate renovata , teste Paulo : *Quicumque enim Spiritu DEI aguntur , hi sunt filij DEI* , Rom. 8. v. 14. & versantur circa supernaturalia , quæ viribus propriis & naturalibus non possumus attingere , cum eodem Paulo teste eodem capite , prudentia carnis sit inimicitia adversus DEUM , versiculo 7. & 8. Prior denominatio , si præcise consideretur , dicitur extrinseca quia actus , qui producitur à supernaturali in homine principio , non necessario & essentialiter ab eo dependet , cum DEUS possit supplere principii supernaturalis concursum . Posterior verò intrinseca , quia actus suam sumit speciem & essentiam ab objecto formali , si itaque objectum illud in Entitate suâ supernaturale , etiam actus in Entitate censetur esse supernaturalis.

## XIII.

Insufficienter verò primò Lumel. l. 2. quæstion. 110. art. 4. disp. 5. parte 2. distinguit supernaturale à naturali , quod supernaturalia DEUM ut tritum , naturalia vero ut unum respiciant , cum tamen etiam supernaturaliter , fide scil. DEUS ut unus attingatur . Secundò Johannes Vincentius , Relatione de Gratia Christi , q. 1. fol. 34. Curiel , Albelda , Herrera & Sossa supernaturalia describunt , quod sint ea , quæ participant divinam essentiam aut attributa , prout sunt in se ; naturalia verò , quæ illa participant prout sunt in alio , quod late refutat Herice p. d. 48. n. 27. Tertiò Antonius Perez in Laurea Salmantina , certamine quarto scholastico , Entia supernaturalia dicit , quæ ordinem divinum spectant , naturalia , quæ extra ordinem illum constituta , quia non satis & sufficienter explicat discrimen inter naturale & supernaturale , nec formale declarat . Quartò Albertinus excellentiam Entis supernaturalis explicat per ordinem ad DEUM , ut actum purum , qua DEUS  
ut



ut actus purus naturæ ordinem potentialitati immersum excedat. Quintò Fasolus, qui putat supernaturalitatem Entis creati esse ordinem essentialem in DEUM ut extremum, cui immediatè substantia creata conjungatur, sive hæc conjunctio per cognitionem immediatam, sive per immediatum amorem, sive per unionem hypostaticam contingat. Sextò Salas & Coninck, qui dicunt esse perfectionem tali ordini naturæ superadditam & indebitam. Septimò Herice, qui statuit perfectionem absolutam rerum supernaturalium, consistere in connexionem aliqua immediata DEI ut est in se, sive illa Unio sit physica, sive intentionalis. Octavo, Hurtado definit supernaturalia esse, quæ pertinent ad ordinem videndi DEUM, naturalia, quæ ab ordine illo remota. Nono denique, qui cum Salmanticensibus remotioribus existimant, propriam donorum supernaturalium conceptam connexionem esse quidditativam cum gratia sanctificante, physicam intentionalem immediatam, aut mediatam, antecedentem aut consequentem.

## XIV.

Distingunt autem tò supernaturalia in tale quoad rem, & tale quoad modum & observant Doctores, ad supernaturalitatem quoad modum requiri, ut acquisitio, seu productio rei non solum ejus creaturæ, cui res acquiritur, seu producitur, sed naturæ etiam universæ facultatem & exigentiam vincat. Tum à priori: quia supernaturalia quoad modum cum excessum supra naturam postulant secundum modum perfectionis, quem postulant supernaturalia quoad substantiam secundum entitatem ipsorum. Sed supernaturalia quoad substantiam exigunt entitatem, quæ superet industriam, & exigentiam totius naturæ, Ergo dona supernaturalia quoad modum, requirunt modum, qui non solius subjeçti, cui ei donantur, sed omnium naturarum industriam, & exigentiam vincat. Tum à posteriori: quia alias calor in aqua productus, cogitatio honesta sufficiens amicorum admonitione parata, salus Medicorum industria acquisita, & alia hujus generis bona essent supernaturalia quoad modum, quia subjeçti cui inhzrent industriam, & debitum excedunt. Igitur non subjeçti solum, sed totius universæ naturæ vires, & exigentiam trar scendat, necesse est, modus productionis, qui ad supernaturalia quoad modum, est necessarius. Supernaturale vero secundum substantiam illud est ipsis, cujus Entitas excedit omnem continentiam & exigentiam naturæ.



## CAPVT IX.

De

## BONITATE ET MALITIA.

## THESIS I,

**D**ividitur Moralitas in Bonitatem & Malitiam adæquatè, cum enim illud, quod respectum dicit ad Regulam, vel sit conforme illi, vel disforme, ideoque omne illud, quod morale, vel ad Bonum assurgit, vel ad malum declinat, & ut Bonitas vel Malitia in naturalibus & artificialibus consistit in adæquatione, vel inadæquatione cum Regula Nature aut Artis, ita in moralibus cum Regula Morum, nec abnuunt præcipui ex Doctoribus Lorca, Montescinus, Curiel, Salmanticenses & alii, & quidem ut receptior habet sententia, moralitas dividitur in Bonitatem & Malitiam tanquam Genus in species, vel conceptus latior in strictiores: cum enim conceptus moralitatis ut sic, præcindat à Bonitate & Malitia, & ab illis æqualiter participetur, & absque dependentia unius ab altero, non videtur negari posse, moralitatem Bonitatem & Malitiam sub se complecti tanquam species, quod etiam placet Cajetano, Medinæ, Zumello, Montescino, Curieli, Martincio, Gometo & Salmanticensibus.

## II.

Non probatur itaque illis primò Sententia Gabriellæ Vasquezii, quem sequitur Granadus & Gregorius Martinez, qui negant moralitatem adæquatè dividi in Bonitatem & Malitiam, & proinde tertiam addunt speciem, nempe indifferentiam seu actum adiaphorum secundum speciem. Secundò Opinio, quam Valentia & Salas proponunt, quod scilicet hæc divisio non sit essentialis, sed potius dividi actum humanum, seu liberum, in Bonum & Malum tanquam subiectum in accidentia, prout corpus dividitur in album & nigrum. Tertiò Definitio illorum, qui fateantur quidem divisionem illam esse essentialem, non tamen univocam, sed analogi in analogata, pro quâ referuntur Bonaventura, Alexander Scotus, Durandus, Gabriel, Ockham, Marsilius, Alumin, Salas, Lorca, Granadus, Meratius & alij.

## III. Bo-

## III.

Bonitas dividitur in objectivam & formalem ; dari autem in Objectis aliquam Bonitatem, patet tum ex eo, quia Objectum Voluntas est Bonum sub ratione Boni, adeoque bonitas movens voluntatem non provenit ab ipsa voluntate, sed supponitur in Objecto, alias Voluntas non supponeret, nec requireret Objecti Bonitatem, sed faceret, & sicut voluntas prærequirit Bonitatem in Objecto, ita & actus bonus, prout quoque iudicium præsupponit veritatem in Objecto : præterea, si aliquid est intrinsece bonum, & ideo præcipitur, quia de se habet honestatem, utique in ipsis Objectis erit Bonitas vel honestas antecedenter ad omnem actum, & si actus speciem accipit ab Objecto, ex Objecti Bonitate derivabitur aliquid in ipsum actum, admittuntque tanquam hanc objectivam bonitatem plerique ex Doctoribus, Montesinus, Aravius, Salas, Arriaga, Franciscus de Lugo, Martinecz de Ripalda, libro 3. de Ente supernaturali, disp. 62. tota sectione prima, quamvis nondum liquidum sit, & definitum, in quo consistat formaliter illa Bonitas objectiva, quibusdam statuentibus bonitatem objectivam consistere in conformitate, cum lege æterna DEI, quod placuit Medina, Curieli, Martinezio & Alvarezio, quibusdam docentibus illam consistere in convenientiâ cum rectâ ratione, quo inclinant Azorius, Aravius & Rainaudus, quibusdam concludentibus, consistere eam in conformitate, cum natura rationali quâ rationalis est, ut volunt Granadus, Ægidius de Conink, Laymanus, Arriaga & alii.

## IV.

Illud est, quod hic improbatur, primò quidem in Lorta, quod objectis humanorum actuum ut objecta sunt, negat inesse aliquam bonitatem objectivam. Secundò, quod disputant contentiose Doctores, an bonitas aut malitia moralis objecti sit formalis, an virtualis tantum, pro prima sententia, pugnante Medina, Cajetano & Martinezio, pro secunda Coninkio, Granado, Montefino, cum facile hæc lis componi possit. Tertio in Montefino, quod habitus virtutum & vitiorum statuit tantum esse causaliter bonos & malos.

## V.

De Bonitate formali magis solliciti sumus : dari autem actionem humanam bonam operose non probandum, cum planum sit in  
Scri

Scriptura, nobis commendari illas à Christo: *Luceat lux vestra coram hominibus, ut videant vestra bona opera*, Matth. 5. vers. 16. *fructus Spiritus recenseri: Fructus autem Spiritus est charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas*, Gal. 5. v. 22. laudari Philippenles ex proximi pietatis: *De cetero fratres, quaecunque sunt vera, quaecunque pudica, quaecunque iusta, quaecunque sancta, quaecunque amabilia, quaecunque bona fama, si qua virtus, si qua laus disciplina, hac cogitate, quae & didicistis & accepistis, & audistis, & vidistis in me, hac agite, & DEVS pacis erit vobiscum*, cap. 4. v. 8 9. 10.

## VI.

Iniqui verò sunt Pontificii in veritatem & nostram professionem primò, dum de fide esse dicunt, non solum ab homine in Gratia existente, sed etiam in peccato, fieri posse aliquem actum bonum, ut definitum à Concilio Constantiensi, Sess. 15. & Tridentino Sess. sexta cap. 7. Secundò dum statuunt, hominem non ad eò destitutum mansisse post lapsum Protoplastorum, ut non possit uti ratione discernente inter bonum & malum, quia uti possit, quia non semper dentur impedimenta, & si aliquando dentur, illa tamen per auxilium gratiae tolli. Tertiò dum dicta Scripturae de profunda corruptione post lapsum eludere tentant, reponendo Scripturam loqui per exaggerationem, vel comparisonem ad DEUM, juxta illud, nemo bonus, nisi DEUS.

## VII.

Illud quoque recte improbatur in Cajetano, quod doceat in actu interiori bonitatem esse causaliter, in exteriori autem formaliter, ut sanitas in animali est formaliter, in Medicina verò causaliter, pro quo notandum est, tribus modis considerari posse actum humanum. Primò, ut versatur circa objectum, quod non est actus humanus, sed materia circa quam, ut amor DEI. Secundò, ut versatur circa objectum, quod quidem est actus humanus, sed non causatur necessario ab actu interiori, ut simplex complacentia dandi eleemosynam. Tertiò, ut versatur circa objectum, quod quidem actus humanus est, & necessario conjungitur cum actuali causalitate, ita ut & hic actus externus fiat ex vi illius actus interioris: Quibus positis, sit conclusio: Nullo ex his modis actus interior definit esse formaliter bonus, ac proinde opinio Cajetani

veritatem non habet. Probatur 1. de primo modo, quo actus interior versatur circa objectum. Amor DEI bonus est: atqui non bonitate objecti; ergo propria; ergo formaliter. Minor probatur, quia bonitas DEI, qui est objectum, est infinita & creata. Probatur 2. de secundo modo, quo actus interior versatur circa objectum. Actus interior non causat illum actum exteriorem; ergo jam actus interior non dicitur bonus causaliter; ergo formaliter. Antecedens supponitur, consequentia patet, quia solum dicitur actus interior (juxta oppositam sententiam) bonus causaliter, qui causat bonitatem actus exterioris. Ultima etiam consequentia probatur, quia ille actus interior est bonus, non causaliter, ergo formaliter. Tertio probatur de tertio modo, quo actus versatur circa objectum: primo, quia in actu interiori duplex datur habitudo ad actum exteriorem, una ut ad objectum, altera ut ad effectum: atqui per primam, actus interior est bonus formaliter; ergo per secundam non collitur formalis bonitas, quam habet. Minor patet, quia actus specificantur per ordinem ad objectum, & per ordinem ad illud habent formaliter suum esse; ergo & bonitatem, de quo amplius se& subsect. 7. à num. 109. Consequentia autem probatur, quia ex eo actus ille bonus est, quia causat actus interioris bonitatem, imo ideo causat illam bonitatem, quia bonus est (prius est enim esse, quam causare.) sed actus interior habet suum esse per ordinem ad objectum, & ut sic prius est, quam causet actum exteriorem ergo in illo priori bonus est, & quia bonus causat, & per consequens actus exterior, causatus, non potest tollere bonitatem formalem actus interioris, non enim causae dum operantur, privant se virtute causandi, quin potius illam virtutem perficiunt, qua de causa tantum abest, quod actus interior amittat bonitatem formalem, quam habet, dum causat bonitatem actus exterioris, quod per illam causalitatem perficiatur bonitas formalis actus interioris.

### VIII.

Consistit Bonitas formalis in Convenientia cum Lege divina moralis, cui subordinantur Dictamen quoddam practicum, quod proxime se se habeat: Cum enim lex aeterna sit omnino extrinseca, & creatura intellectualis ab intrinseco per suos actus liberos se moveant in ultimum finem, necessaria est alia vicinior regula intrinseca, quae sit participatio legis

legis æternæ, ejusque quædam impressio, ac intimatio, quæ proximè regulentur actus humani in ordine ad ultimum finem, continuè in eis suggerens, & enunciens, quid prosequendum, quidve fugiendum sit; & hæc proxima regula est dictamen rectæ rationis. Huic proxima regulæ si actus liberi consonent, itidem consonant & legi æternæ, cujus virtute illa dirigit, & obligat; adeoque sunt moraliter boni. Si dissonent, etiam dissonabunt legi æternæ, eruntq; moraliter mali. Ergo est proxima moralitatis regulæ, quam semper sequi tenemur, quod Pontificii extendunt ad errorem invincibilem usq; in factum, aut in jure. Illud enim censetur esse moraliter bonum, quod convenit Regulæ Moralitatis. Præscripta autem DEUS, præceptaque dedit quondam, quibus omne officium erga DEUM & proximum comprehenditur, quorum generis ratio in Lege quoque naturæ ostenditur, quæ debitum erga DEUM & socium quemvis exigit, nec quicquam mali moralis nomine venit, nisi quod non convenit legi morali, in quâ fundatæ quoque leges ceremoniales & forenses, quæ quondam populum Judaicum adstiterunt, nunc vero cessaverunt & abrogatæ sunt, teste Paulo: *Umbra enim habens lex futurorum bonorum, non ipsam imaginem rerum: per singulos annos eisdem ipsis hostiis, quas offerunt indefinenter, nunquam potest accedentes perfectos facere: Alioquin cessassent offerri, ideo, quod nullam haberent ultra conscientiam peccati, cultores semel mundati: sed in ipsis commemoratio peccatorum per singulos annos fit. Impossibile enim est sanguine taurorum & hircorum auferri peccata: ideo ingrediens mundum, dicit: Hostiam & oblationem noluisse: corpus autem aptasti mihi: Holocaustumata, & pro peccato non tibi placuerunt. Tunc dixi: Ecce, venio: (in capite libri scriptum est de me:) ut faciam, DEVS voluntatem tuam. Superius dicens, quia hostias & oblationes, & holocaustumata, & pro peccato noluisse, nec placita sunt tibi, quæ secundum legem offeruntur: Tunc dixi: ecce, venio, ut faciam, DEVS, voluntatem tuam: auferi primum, ut sequens statuas.* Ebræor. 10. v. 11 & seq.

## IX.

Inter opiniones itaque deputamus primò illorum sententiam, quæ cum Curiele & aliis quibusdam, Bonitatis formalis rationem dicunt, esse modum quendam absolutum, superadditum Entitati actus liberi, distinctum a omni respectu ad Regulam rationis, sive illa sit Lex, sive natura rationalis, sive recta ratio, sive objectum. Secundò illorum, qui



qui cum Vasquezio rationem formalem bonitatis formalem existimant consistere in Denominatione extrinseca, desumpta à Regula rationis, Tertiò illorum, qui dicunt formalem Bonitatis formalem rationem esse respectivam, ita tamen ut dividantur in hoc, num illa sit relatio rationis, ut vult Molina, an verò realis & prædicamentalis, ut disputat Herrera, an verò transcendentalis, quod placet Filliucio, Pesantio, Grnado, & Roderico ab Ariaga.

## X.

Disputari tamen permittimus, num Bonitas formalis non consistat in ordine transcendentali ad Objectum consonum regulæ suæ, cum actus moraliter bonus dicat ordinem ad objectum conforme suæ Regulæ, saltem prius ratione, quam ad aliquid aliud, de quo recentior quidam Hispanus, Academix Conimbricensis Professor, ita: Probatur hæc sententia, quia actus moraliter bonus dicit ordinem ad objectum conforme suæ regulæ, saltem prius ratione, quam ad aliquid aliud: sed ut dicat talem ordinem præcise, est moraliter & formaliter bonus: ergo in illo ordine consistit. Consequentia patet, quia effectus formalis non est prior sua causa formali. Major probatur, quia ex eo actus est conformis suæ regulæ, quia tendit in tale objectum, & illa tendentia est causa conformitatis inter actum, & regulam; sed causa est prior effectui; ergo prius actus dicit ordinem ad objectum, quam ad aliquid aliud. Major principalis argumenti probatur, quia ille actus, verbi gratia, amor DEI, in illo priori accipit à suo objecto aliquam speciem; sed hæc non est mali; ergo boni. Dices actum sumere speciem ab objecto in genere naturæ, non moris: sed contra, quia actus sumit speciem ab objecto: hoc autem est bonum, & morale; ergo & species. Minor probatur primò, quia objectum est consonum rationi; ergo bonum & morale. Secundò, quia objectum illud est causa conformitatis moralis in actu; sed effectus moralis postulat causam moralem; ergo objectum illud, ut tribuit speciem actui, est morale. Tertiò quia principium, ut causat actum, & tendit ad objectum, est morale, id est voluntas subiecta regulæ rationis; ergo actus, quem causat, moralis est.

## XI.

Necessarium verò est ad bonitatem formalem, ut actus illi substra-

ctus referatur ad DEI Gloriam, ut vult Christus: Sic luceat lux vestra

teram hominibus, ut videant opera vestra bona, & glorificent Patrem vestrum, qui in cœlis est, Matth. 5. v. 16. Quorsum digitum intendit Paulus Coloss. 3. v. 16. 17. scribens: Verbum Christi habiet in vobis abundanter in omni sapientia, docentes & commoneutes vosmetipsos in psalmis & hymnis, & canticis spiritualibus, in gratia cantantes in cordibus vestris Domino. Omne quodcunq; facitis in verbo, aut in opere, omnia in nomine Domini nostri Iesu Christi facite, gratias agentes DEO & Patri, per ipsum. Et ad 1. Corinthios 10. v. 31. Si ergo manducatis, sive bibitis, vel aliud quid facitis, omnia in gloriam DEI facite. Philip. 1. v. 11. Hoc oro, ut sitis repleti fructu iustitia, per Iesum Christum in laudem & gloriam DEI. 2. Pet. 4. v. 11. Si quis loquitur quasi sermones DEI loquatur. Si quis ministrat, tanquam ex virtute, quam administrat DEVS, ut in omnibus benedicatur DEVS per Iesum Christum, cui est gloria & imperium, in secula seculorum, Amen. Secundò ut objectum sub ratione honesti formaliter & directe cognoscatur: Est enim oculus lucerna corporis, tui est oculus tuus, Matth. 6. v. 22. Tertiò ut non propter aliud voluntas velit objectum, quod vel vanam gloriam, vel lucrum, vel aliud quodcunque commodum temporale refert, de quo Paulus Philip. 3. vers. 17. 18. 19. Imitatores mei estote fratres, & observare eos, qui ita ambulant, sicut habetis formam nostram. Multi enim ambulant, quos saepe dicebam vobis, nunc autem & flens dico, inimicos crucis Christi, quorum finis interitus, quorum DEVS venter est, & gloria in confusione ipsorum, qui terrenum faciunt.

## XII.

Male verò Pontificii, qui cum Medina, Pefantio, Lorca & aliis non requirunt, primò intentionem formalem ad hoc, ut actus dicatur bonus, satisque cruda illa Bonaventuræ probant in 2. dist. 41. art. 1. quæst. 3. scribentis: nec DEUS requirit ab homine in tali statu distractionis & miseræ, quod omnis, quæ facit, referat ad se, requirit tamen quando est locus, & tempus, & tunc, si homo non referat, omittendo peccat, nec secundò relationem virtuale in ultimum finem, ut disputat Scotus, nec tandem Relationem habitualem, ut docet Vega & cæteri, non attendentes ad illud Augustini, lib. 19. de Civit. DEI cap. 25. Virtutes feribentis, quas sibi Mens habere videtur, nisi ad DEUM retulerit, etiam ipsæ vitia sunt potius, quam virtutes. Quanquam Doctores Pontificii in illa relatione ad ultimum finem implicent meriti rationem, quo-

qui-

quidem sensu verissimum, ad essentiam formalem bonitatis non requiritur relationem, in ultimum finem. Secundò curiosè magis quam frivole disputant, an ad hoc, ut actus sit formaliter honestus, præter cognitionem illam honestatis, quæ datur, quando cognoscitur objectum honestum, requiratur amplius, quod Intellectus reflexè tendat in illud objectum, judicans illud esse honestum, ita ut actus ille Intellectus judicet, de honestate objecti formaliter, in illamque formaliter tendat per actum diversum ab illo, quo cognoscitur objectum honestum, de quo videndi Azorius, Salas & Raynaudus. Tertiò dividuntur etiam in hoc de honestate intenti propter se, quorum quidam cum Pefantio, Perezio & Loreo negant absolute, ad hoc ut actus sit formaliter honestus, necessarium esse, quod voluntas velit objectum formaliter & directe propter ipsam honestatem, quidam absolute affirmant, inter quos Aravius, Herrera, Martinez, quidam verò temperant & concedunt, quidem cum Egidio de Coninck, actus extrinsece bonos egere ad sui honestatem formalem, quod honestas objecti propter se intendatur à voluntate, negant verò hoc esse necessarium ad actus intrinsece bonos.

## XIII.

Bonitas autem actus desumitur primò ex objecto, quod insinuat ipse Christus, exhibendo summam legis Matth. 22. v. 37. 38. 39. 40. *Diliges Dominum DEUM tuum ex toto corde tuo, & in tota anima tua, & in tota mente tua, hoc est maximum & primum mandatum. Secundum autem simile est huic: Diliges proximum tuum sicut teipsum. In his duobus mandatis, universa lex pendet & Propheta. Propheta Ezechiel describendo virum probum cap. 18. v. 5. 6. 7. 8. 9. Vir si fuerit justus, & fecerit judicium & justitiam, in montibus non comederit, & oculos suos non levaverit ad idola domus Israel, & uxorem proximi sui non violaverit, & ad mulierem menstruatam non accesserit, & hominem non contristaverit, pignus debitori reddiderit, per vim nihil rapuerit, panem suum esurienti dederit, & nudum operuerit vestimento, ad usuram non commoda verit, & amplius non acceperit, ab iniquitate averterit manum suam, & judicium fecerit inter virum & virum, & in preceptis meis ambulaverit, & judicia mea custodierit, ut faciat veritatem, hic justus est. Denique Augustinus, tract. 2. in Johannem graviter pronuntiando: si terram diliges, terra es: si DEUM diligis, quid dicam? DEUS eris. Et probant hoc Doctores, quia bonum, & malum in rebus attenditur, quoad*

plenitudinem essendi, vel defectum ejus, primum autem quod ad plenitudinem essendi pertinere videtur, est id quod dat rei speciem. At sicut res naturalis habet speciem ex sua forma, ita actio habet speciem ex objecto, tanquam motus ex termino. Quare sicut prima bonitas rei naturalis attenditur ex sua forma, quæ dat ei speciem, ita & prima bonitas actus moralis attenditur ex objecto convenienti. Et quemadmodum in rebus naturalibus primum malum est, si res genita non consequitur formam specificam, ita primum malum in actionibus moralibus est, quod ab objecto procedit. Ex quo discursu nonnulla quoque colligunt, & quidem 1. Actus humanos sumere bonitatem, vel malitiam ab objecto, quod non debet ita intelligi, ut bonitas vel malitia per veram & realem efficientiam, actibus humanis communicetur ab objecto. Per spicuum enim est, objectum, cum sit res aliqua externa, in actus voluntatis eo modo non influere, sed ita ut prædicta sumantur ab objecto, tanquam à forma extrinseca, complente potentialitatem, quam actus dicitur eo ipso quod est quædam via, & tendentia ad ipsum. Colligunt 2. primam bonitatem, vel malitiam actus moralis sumi ab objecto; quod ita intelligunt, ut cum actui morali, ut moralis est, variaz bonitates, aut malitiaz competere possunt, ut ex dicendis perspicuum fiet, illa quæ sumitur ab objecto, sic omnium prima in eo genere, adeo ut aliz hanc necessario præsupponant. Quemadmodum in iisdem actibus, secundum entitatem naturalem spectatis, est quidam ordo inter perfectiones iis competentes, & una præsupponitur ab alia. Scilicet in eo genere: nam cum genus moris præsupponat naturalem, bonitas quoque moralis quæcumque sit, supponit bonitatem naturalem, & entitativam. Ex quo intelligunt, quæ hic docet Thomas, non repugnare iis quæ habet art. 4. cum ait; quadruplicem esse bonitatem in actione humana, quarum primam ait esse secundum genus, & sumi ab entitate, aliam secundum speciem, quam petit ab objecto convenienti; tertiam secundum circumstantias, quasi secundum accidentia quædam. Quartam denique secundum finem, quasi secundum habitudinem ad bonitatis causam. Colligunt 3. Bonitatem aut malitiam, quam actus sumit ab objecto, esse specificam quoad gradum speciei ultimum: quamvis enim ab objecto dicatur sumi bonitas, aut malitia ex genere, monet tamen Thomas, debere tunc sumi genus pro specie, sicut quando totam humanam speciem vocamus, genus humanum. Neque refert, quod bonitati aut malitiaz ex objecto  
super-

superveniat bonitas, aut malitia ex circumstantiis; quia cum actus sit constitutus in specie completa, per ordinem ad objectum, bonitas aut malitia superveniens ex circumstantiis, non eum contrahit, eo modo quo differentia contrahit genus; illud complendo in esse specifico, sed eo modo quo accidentia speciem jam constitutam determinant, & perficiunt.

## XIV.

Secundò sumitur etiam ex circumstantiis, quarum recensent septem; quis, quid, ubi, quibus auxiliis, cur, quomodo, quando. Quomodo in rebus naturalibus non invenitur tota plenitudo perfectionis, quæ debetur eis, ex forma substantiali, quæ dat speciem, sed multum superadditur ex supervenientibus accidentibus, quorum si aliquod desit ad decentem habitudinem, consequitur malum. Ita plenitudo bonitatis actus non consistit tota in sua specie, sed aliquid additur ex his, quæ adveniunt tanquam accidentia quædam, quales sunt circumstantiæ debite. Unde si aliquid desit, quod requiratur ad debitas circumstantias, actio erit mala. Ut autem ista melius innotescant, circumstantiarum, observandum nomine hic intelligi quædam accidentia actuum moralium, quæ supponunt eos esse jam constitutos in sua specie, per ordinem ad objectum; quæque proinde sunt extra eorum substantiam, illosque veluti circumstant. Ita tamen, ut non modo actus morales comitentur, sed etiam eos quodammodo attingant, & afficiant, adeò ut ad eorum bonitatem, vel malitiam conducant. Præterea observandum, nullum esse actum moralem, qui non accipiat aliquid bonitatis, aut malitiæ à quibusdam circumstantiis; siquidem nulla est actio humana, in qua, præter rationem illius specificam, sumptam ab objecto, non possit observari aliquid accidentarium, spectans vel ad modum agendi, magis aut minus intensè; vel ad quantitatem objecti, quod sit parvum, aut magnum, & sic de aliis. At dubium non est, quin hæc conducant ad bonitatem vel malitiam humanæ operationis, nam si operatio bona est ratione objecti, melior erit si fiat cum majori intensione, quam si fiat cum minori. Contra verò: actus malus ex objecto, eo pejor erit, quo intensior. Ut prædicta accidentia dent bonitatem, aut malitiam actui voluntatis, debent esse per illum volita, ergo jam se habent ut objectum voluntatis, non autem ut circumstantiæ supponentes objectum; adeoque repugnat quod circumstantiæ, ut sic, dent bonitatem, aut malitiam actui.



actui voluntatis. Respondent istud non sequi, nam ut circumstantiis dependent bonitatem aut malitiam, satis est quod secundario, aut concomitantur sint volitæ, ac proinde quod sint objectum secundarium voluntatis. Sic autem distinguuntur ab objecto primario, circa quod voluntas directe fertur. Si ulterius pergatur: Continuatio est circumstantia actus moralis, at hæc saltem non tribuit illi bonitatem, aut malitiam; quia cum actui illicito respondeat in primo instanti moralitas determinata, & in qualibet temporis parte instantia sint infinita, si mera actus continuatio ad bonitatem, aut malitiam conducere, sequeretur actum humanum, vel ex eo præcisè quod per brevissimum tempus continuaretur, bonitatem, aut malitiam infinitam habiturum. Respondent negando minorem, actus enim per se loquendo eo melior, aut peior est, quo amplius protenditur. Et ad probationem dicunt, etsi bonitas, aut malitia respondeat per se actui in primo instanti, non tamen in instantibus continuativis partium temporis, quo actus durat, cum voluntas non velit actum continuare in illis instantibus, nisi per accidens, seu quatenus vult, ut duret per partes temporis, iis instantibus copulatas. Quare etsi instantia illa dicantur infinita, non inde sequitur, bonitatem aut malitiam actus fore infinitam. Quod si instes, argumentum posse restaurari, de ipsis partibus proportionalibus temporis, quia cum sint infinitæ, sequeretur moralitatem actus ipsis respondentem, esse quoque infinitam. Dicunt hinc ut summum colligi, quod sicut in tempore quo durat actus bonus, vel malus, non sunt actu partes infinitæ, sed potentia duntaxat; ita ei respondet unus quidam gradus bonitatis, aut malitiae, qui est in potentia divisibilis in alias, & alias partes bonitatis, vel malitiae in infinitum.

## XV.

Tertiò ex fine: Et ratio est, quia in actu humano duplicem finem possumus considerare, unum proximum, qui & dicitur finis operationis, alium remotum, seu extrinsecum, qui etiam finis operantis appellant. Si agatur de priori fine, cum ille nihil aliud sit, quam ipsum objectum humanæ operationis; non magis dubitari potest actum humanum ab eo, quam à proprio objecto sumere speciem. Si verò questio sit de posteriori, certum etiam est bonitatem, vel malitiam actus humani ab eo pendere, cum inter circumstantias illius numerari soleat. Imò sit præcipua inter illas, cum aliæ se habeant tantum per modum accidentis, finis

finis verò sit etiam causa ad .i. Si quærat. An actus habeat duplicem speciem bonitatis, quæ ob objectum est bonum & finis operantis bonus. Respondent Doctores cum distinctione: nam si homo non operatur, nisi propter finem intrinsecum ipsius operis, ut si castitatem servat, propter solum amorem ipsius castitatis, tunc actus habet tantum speciem & bonitatem temperantiz, si autem operatur ex bono fine extrinseco, in quem operatio per se non ordinatur, ut dum quis vult castitatem colere, ex amore DEI, in eo casu actus bonus est in duplici specie bonitatis, nempe castitatis, & amoris DEI. Rationem affert Thomas, art. 7. quia, quando objectum non est per se ordinatum ad finem, differentia specifica, quæ est ex objecto, non est per se determinativa ejus, quod est ex fine, necè converso. Unde una istarum specierum non est sub alia, sed tunc actus moralis est sub duabus speciebus quasi disparatis. Unde dicimus, quod ille, qui furatur, ut mœchetur, committit duas malitias in uno actu. Ex quo exemplo patet, doctrinam traditam esse veram, etiam in actibus malis, quando non modo objectum malum est, sed etiam refertur ulterius ab operante, in finem malum extrinsecum. Si quærat. 2. Quid sentiendum sit, quando objectum est bonum & finis malus, aut vice versa, objectum malum, & finis bonus? Respondent. 1. in priori casu actum esse simpliciter malum, adeoque non constitui in duabus speciebus, bonitatis scilicet & malitiz, sed duntaxat in specie malitiz, ut quando aliquis erogat eleemosynam sceminae egenti, eo fine ut facilius eam ad consentiendum peccato inducat. Ratio est, quia etsi objectum secundum se bonum sit, non tamen hic & nunc, cum non operetur sub ratione boni, sed quatenus præcisè ordinatur ad malum finem, quæ ratione malum est. Dices, nonne potest homo operari ex habitu virtutis, verbi causa, dare eleemosynam ex misericordia, esto talem actum referat in finem vanæ gloriæ? In eo ergo casu actus ut à virtute procedens, erit bonus, ut autem relatus ad vanam gloriam, erit malus, sicque habebit simul speciem bonitatis, & malitiz. Respondet suppositionem illam esse impossibilem, cum enim virtus moralis non inclinet ad actum, nisi ut honestum, repugnat ab homine ut virtute prædico, elici actum relatum in finem malum, eò quod talis relatio intrinsece repugnat honestati actus. Instabis, confessionem fidei procedere posse à fide supernaturali, etsi fiat ob vanam gloriam, ut communiter docent Theologi 2. 2. quæst. 4. art. 5. Verum oppositum longè proba-

bilius esse alii volunt. Et quamvis id daretur, posset dici, virtutes intellectuales, qualis est fides, non ferri per actum in bonum morale, sed in verum; adeoque etsi earum actus in malum finem ordinetur, non sequi duplicem speciem moralem, aliam bonitatis ex objecto, aliam malitiae ex fine illis competere. Respondent 2. Quando objectum est malum, & finis operantis bonus, actum esse simpliciter malum; adeoque non habere speciem bonitatis, & malitiae, sed malitiae duntaxat, ut si quis fureretur ex intentione dandi eleemosynam. Ratio est, quia etsi dare eleemosynam sit bonum secundum se, est tamen simpliciter malum dare eleemosynam ex bonis furto sublati, cum hoc recte rationi repugnet. Quare actus quo quis vult furari, ut det eleemosynam, neque ex objecto, neque ex fine bonus esse potest, sed undequaque est malus. Dices actus bonus, sumit speciem boni ex bono fine, ut ostensum est. Quare ergo idem sentiendum non erit de actu malo? Respondent causam discriminis esse, quia bonum est velle obtinere finem bonum, per medium bonum; malum autem, cum velle assequi per medium malum, & lege prohibitum. Respondent 3. Actum ex objecto malum non sumere speciem malitiae ex fine bono, sed tantum ex objecto, adeoque non habere nisi unam speciem malitiam. Ratio est, quia cum finis ex se bonus sit, quod autem in eo casu sit malus, id non habeat nisi ratione objecti, quatenus nempe per medium malum acquiritur; hinc fit, ut actus in eum tendens non aliam habeat malitiam, quam quae oritur ex tendentia in objectum malum. Confirmatur, nam verbi causa, velle privata auctoritate occidere proditorem, ut avertatur no-eumentum Reipublicae, non repugnat nisi praecepto non occidendis. Quare actus ille non habet nisi malitiam homicidii. Neque refert, quod velle occidere ex intentione furandi, sit in duplici specie malitiae, nempe homicidii, & furti: non enim est par ratio, quia furari per se malum est, & prohibitum; at dare eleemosynam non est malum, & prohibitum, nisi quatenus hoc fit ex bonis alterius, iuncto Domino, erogatis.

## XVI.

Quantum situm sit in circumstantiis, de quibus supra, & quod bonitatem aliquam conciliant actibus, vel maculam adspargant, ex Scriptura doceri potest. Nam, e. g. vinum bibere actio est indifferens, sed primo evadit mala ex conditione personae, si Reges sese ingurgitent, quibus prudentia regere populum commissum, secundum illud: *Noli regibus, & Le-*  
*mus,*



enuei, noli Regibus dare vinum : quia nullum secretum est, ubi regnat ebrietas, neq. consiliariis siceram, Prov. 31. v. 4. Secundò ex conditione actus, siquæstio de tñ, quid moveatur, scil. si nimium bibatur, ut constat 1. Tim. 3. v. 8. Diaconos similiter pudicos, modestos, non bilingues, non multo vino deditas, non turpe lucrum sectantes. Tertiò ex conditione loci, siue ubi, si scil. in Templo hoc fiat secundum illud : Et super vestimentis pignoris accubuerunt iuxta omne altare : & vinum damnatorum, mulctatorum, bibebant in Domo DEI sui, Amos 2. vers. 8. Quartò ex conditione adminiculorum, si scil. illa sunt vitiosa vel illegitime adhibita, ut patet ex Dan. 5. vers. 1. & 2. Balsasar Rex fecit grande convivium optimatibus suis mille : & unusquisque secundum suam bibebat etatem, Ducibus : & contra Duces bibebat vinum. Precepit ergo (Balsasar), iam temulentus, ut afferentur vasa aurea & argentea, quæ asportaverat Nabuchodonosor, pater ejus, de templo, quod fuit in Ierusalem : ut biberent in eis Rex, & optimates ejus, uxoreque ejus, & concubina. Quintò ex conditione cause, si scil. bibatur inebriandi causa & inflammationis Amore, lætitiæ excessu, de quo Esaia 5. vers. 11. 12. *Va, qui confurgitis mane ad ebrietatem sectandam, & potandum usque ad vespem, ut vino astuetis. Cithara, & lyra, & tympanum, & cybia, & vinum in conviviis vestris : & opus Domini non respicitis, nec opera manuum ejus consideratis.* Sextò ex conditione modi secundum illud : Bibentes vinum in phialis, & optimo unguento delibuti : & nihil patiebantur super contritione Ioseph, Amos 6. v. 6. Septimò ex conditione temporis, si scil. cum lugendum est bibitur, vel al. às intempestive suscipitur, de quo videndus Ecclesiastes cap. 10. v. 16. 17. *Va tibi terra, ejus Rex puer est, & ejus Principes mane comedunt. Beata terra, ejus Rex nobilis est, & ejus Principes vescuntur in tempore suo ad residendum, & non ad luxuriam.*

## XVII.

Operosè disputant Doctores hic primò an Bonitas ab Objecto desumpta, sit species infima & ultima in gradu essentiali, quod tamen nullam videtur habere difficultatem, quamvis sententiam contrariam, quod scil. bonitas ex objecto sit tantum generica, tribuant Scoto, Cajetanus, Medina, Valentia & alii. Secundò quomodo actus bonus specificetur ab objecto, quæ tamen quæstio magis est Philosophica, quam Theologica, de qua videndi Malderus, Montelinus, Hieronymus de

La Rua , Tomo 2. Contr. 6. p. 2. Dub. 2. Tertiò an ab uno objecto materiali , sub pluribus formalibus sumatur una species bonitatis , de quo consulantur Vasquez. 1. 2. quæst. 18. art. 7. Ægidius Lusitanus, Tomo 1. de Beat. lib. 2. quæst. 5. art. 5. num. 12. Granadus, Tract. 8. disp. 4. num. 3.

## XVIII.

Disputant quidem hic primò Doctores, an circumstantiæ sint accidentia respectu actus humani in genere naturæ , non vero in genere moris : ita Durand. in 4. dist. 16. q. 3. Nav. in cap. considerat. de pœnitentia dist. 5. Secunda sententia docet nullo modo circumstantias esse accidentia respectu actus in genere naturæ , nam actus in genere naturæ nullas habet circumstantias. Ita Granad. controvers. tract. 10. disp. 3. num. 6. & 8. Tertia sententia affirmat circumstantias esse accidentia respectu actus exterioris , non verò interioris , id est , quod actus aliarum potentiarum à voluntate habent circumstantias , non actus voluntatis. Ita Ocham. in 3. quæst. 20. num. 4. & quodlibero. 3. quæst. 15. Gabriel in 3. dist. 23. quæst. 1. art. 1. Durand. in 2. dist. 38. quæst. 1. Martinus de Magistris , quæst. 2. de luxuria. Conrad. 1. 2. quæst. 19. art. 2. Cajet. 1. 2. quæst. 18. art. 4. & de circumstantia modi , id est , quomodo ; idem docent Valentia 1. 2. quæst. 14. disp. 2. puncto 2. Becan. tract. 1. cap. 4. quæstion. 4. numer. 4. Quarta sententia docet circumstantias esse accidentia respectu actus secundum speciem , non verò in individuo : Ita Valentia 1. 2. disput. 2. quæstion. 7. puncto primo , vers. sed ut recte , & 3. p. disput. 7. quæstion. 1. puncto 11. vers. in primis. Ultima sententia asserit circumstantias esse accidentia respectu actus humani , tam in genere naturæ , quam in genere moris , interioris , & exterioris , sive sumatur secundum speciem , sive in individuo. Ita communiter Doctores. Secundò an omnes circumstantiæ augeant bonitatem actus , cujus negativa solet tribui Durando in secundam dist. 38. & Conrado quæst. 19. art. 2. affirmativa prævalente, quam probant à priori. Per causas , per quas res produci-  
tur , accipit augmentum : atqui bonitas produci-  
tur ex circumstantiis ;  
ergo etiam per easdem augetur. Quia ut se habent accidentia in naturalibus, ita se habent in moralibus : atqui accidentia in naturalibus, quæ non conferunt aliquam perfectionem , vel imperfectionem subjecto naturali , non dicuntur accidentia respectu illius ; ergo similiter acciden-  
tia



tiæ moraliæ, quæ non tribuunt perfectionem, id est, malitiæ, non sunt accidentia, & circumstantiæ respectu actus moraliæ. Tertio, quia diversi modi efficiendi in actu voluntatis, ut intentio, duratio, & similia, sunt veræ circumstantiæ augentes bonitatem actus. Probat, quia hic actus, volo colere DEUM, bonus est, majori conatu melior, per diuturnum tempus optimus: similiter largitio elemosynæ bona est, in magna quantitate melior, occultè optima. 4. Quia ex circumstantiis Physicis augetur bonitas, & malitia physica, mala enim diuturna magis timentur, bona verò desiderantur. 5. Quia ex circumstantiis augetur ratio meriti vel demeriti, pœnæ vel præmii; ergo etiam bonitas, vel malitia. Patet consequentia, quia non potest augeri proprietas, quin augeatur essentia: atqui meritum & demeritum, pœna vel præmium, sunt proprietates bonitatis & meriti; ergo si illæ augetur, etiam hæc. Ant. patet, quia plus punitur, qui diu perseverat in peccato, & plus præmiatur, qui diuturnius in bonitate persistit. Tandem probatur ex discursu, quem per omnes circumstantias ducunt, quis, aggravavit peccatum Judæ, eo quod esset unus ex supremo Apostolorum senatu. Innuat hoc Matthæus cap. 26. *Tunc abiit unus de duodecim*, ubi Chrysostom. homilia 8. Divus Leo homilia de passione Domini, notant à qualitate Judæ aggravatam esse ejus malitiæ. Eadem circumstantiâ aucta est bonitas Samaritani, eo quod alienigena esset Lucæ 10. vers. 33. *Samaritanus autem quidam*; & eadem qualitas illius alienigenæ, qui solus reddidit gratiam apud Lucam cap. 17. vers. 18. *Non est inventus, qui rediret, & daret gloriam DEO, nisi hic alienigena*, illius auxit bonitatem, de quo late Chrysostom. homilia 77. in Matthæum. Circumstantia, quid, multum aggravat malitiæ & bonitatem, ideo juvare Sanctos, vel peregrinos auget bonitatem, ob primum enim laudatur Philemon à Paulo, & ob secundum pii laudantur à Joanne in sua secunda Canonica: Ideo etiam contumelia in Sanctos major est, quam in alios homines, de quo Greg. 15. Moralium cap. 19. & Chrysostom. homilia 47. in Genesin, ac proinde si circumstantia, quid, denotat qualitatem personæ, ut communiter volunt Doctores, auget bonitatem & malitiæ actus, vel ut verius posui, hæc qualitas personæ pertinet ad circumstantiam, quis, & eodem modo auget bonitatem materiæ, verbi gratia, si detur elemosyna in magna quantitate, vel maximum damnum inferatur, non dubium est augeri bonitatem, vel malitiæ actus. Circum-

stantia, ubi, etiam addit bonitatem. Laudatur Job, quod fuerit *iustus in terra Hus*, Job. cap. 1. vers. 1. *Vir fuit in terra Hus*, bonus inter malos, verus DEI cultor inter gentiles! maximis extollitur laudibus fortitudo Bananiz, qui secundo Regum cap. 23. *interfecit leonem in cisterna*, de quo Chrysostom. homilia 21. ad populum: à Paulo secunda ad Thessalonicenses 2. vers. 4. notatur maximum sceus Antichristi ex eo quod se colit in templo, qui adversatur, & extollitur supra omne quod dicitur DEUS, aut quod colitur, ita ut in templo DEI sedeat. Circumstantia, quibus auxiliis, etiam addit bonitatem: hac de causa laudatur fortitudo Bananiz secundo Regum cap. 23. quia virga interfecit Ægyptum, & fortitudo David primo Regum cap. 12. quia non aliis armis, quam saxo Gigantem interemit. Eadem circumstantia aggravat malitiam, ex ea enim notatur malitia Judæorum ab Isaia cap. 22. qui auxiliis humanis, non divinis civitatem ab hostibus obsessam defendere tentabant. Circumstantia, cur, extra quæstionem, augeat bonitatem, vel malitiam; ut si quis det elemosynam ob amorem DEI; illa elemosyna plurimum ex motivo augeatur: si quis furetur, ut committat adulterium, majus committit peccatum; quam si furetur, ut splendidus vivat; & quamquam circumstantia, cur, tribuat novam speciem actui, etiam augeat bonitatem primæ speciei desumptæ ab objecto, de quo infra. Circumstantia, quomodo, addit malitiam actui, vel bonitatem: Abrahami enim bonitas crevit ex modo, quo hospitibus occurrit. Genesis 18. vers. 2. *Cucurrit in occursum eorum ab ostio tabernaculi*, & à Christo Domino apud Luc. cap. 7. laudibus elata est conversio Magdalenz, quæ intensissimè dilexit, quoniam dilexit multum: impiorumque malitia reprehenditur ex promptitudine ad malum, in illo Psalm. 13. vers. 3. *Veloces pedes eorum ad effundendum sanguinem*. Tandem circumstantia, quando, multum augeat malitiam actus; inde Herodis scelus, qui sanctissimum Baptistam decollavit, majus notatur ex die, qui erat natalis tui, ut bene Chrysostom. homilia 27. in Mattheum; Judæorum malitia, quæ magna fuit, major notatur ex tempore, scilicet Paschatis, in quo Christum Dominum crucifixerunt, ut eleganter Leo serm. 7. de passione explicans illud Joan. 13. vers. 1. *Ante diem festum Pasche sciens Iesus, quia venit hora ejus*, & ex eadem hora commendat Evangelista Christi charitatem, quæ instante mortis hora ad talia in ultima cæna peragenda, compellit Christum Dominum; Bonitas etiam auge-

augeatur ex illa circumstantia, inde prudentes virgines, quia in tempore opportuno sumpserant oleum secum: inde sanctus latro laudabilior, quia in tempore, quo alii blasphemabant, ipse à laudibus DEI non cessavit. Alias probationes effrunt Carmelitani, quæ videri possunt tract. 11. disput. 4. dub. 2. §. 3. Tertiò frustra disputant, qui non merum illarum circumstantiarum vellicant, & addi volunt octavam, scilicet quoties, qua denotatur numerus actuum peccaminosorum, qui semper in confessione sit aperiendus, secundum definitionem Concilii Tridentini sessione 14. Si quis dixerit, in Sacramento Pœnitentiæ ad remissionem peccatorum necessarium non esse jure divino, confiteri omnia, & singula peccata mortalia, quorum memoria cum debita & diligenti præmeditatione habeatur, etiam occulta, & quæ sunt contra duo ultima Decalogi præcepta, & circumstantias, quæ peccati speciem mutant: sed cum Confessionem tantum esse utilem ad erudiendum, & consolandum pœnitentem, & olim observatam fuisse tantum ad satisfactionem canonicam imponendam: aut dixerit, eos, qui omnia peccata confiteri student, nihil relinquere velle divinæ misericordiæ ignoscendum: aut demum non licere confiteri peccata venialia, anathema sit. Cum ipse Thomas reduxerit hanc circumstantiam, quomodo & alii ad circumstantiam quando.

## XIX.

Disputant denique prolixè, primò an electus propter bonum finem habeat duplicem bonitatem, alteram ex objecto bono, & alteram ex fine bono, cujus negativam amplexus est Vasquez, Coninck, Meratius & Oviedo, affirmativam verò tutiorem judicant Cajetanus, Medina, Montefinus & alii. Secundò utrum finis bonus augeat bonitatem electionis, & ita definiant: Ista electio in parte augeatur ex bonitate, in parte minuitur, quando fit propter bonum finem. Prima pars, quod scilicet augeatur, constat ex illis, quæ hæc diximus, cum enim finis sit una ex circumstantiis, nimirum circumstantia cur, & omnes circumstantiæ augeant bonitatem, necessario finis intentio augebit bonitatem: aliter à numero circumstantiarum ejicietur. Faciunt etiam pro hæc parte, quæ diximus habet namque electio, quando imperatur à fine, duplicem bonitatem: ex objecto unam, ex fine alteram: verbi gratia, qui elargitur elemosynam propter charitatem, electio elemosynæ, & misericordiæ & charitatis

bet bonitatem, indeque oritur, quod quo finis melius fuerit, maiorem communicabit electioni bonitatem; non enim datur major ratio, cur bonitas finis communicetur, non verò major bonitas illius. Secunda verò pars etiam videtur certa: quam probant Carmelitani disput. 5. dub. 4. §. 1. Minuitur enim bonitas electionis ex intentione boni finis, & magis minuitur ex intentione melioris finis, non quidem ratione objecti aut essentialis perfectionis, cum eodem modo se habeat bonitas electionis ex objecto desumpta, si fiat propter hunc, vel propter illum finem, sed ratione minoris voluntarii, namque minus voluntariè elicitur electio, si fiat propter aliquem finem, quam si illi nullus apponitur finis. Ratio; quia electio elicitur ex intentione finis, & eligitur propter finem: ergo illud quod voluntas magis intendit, & quod illi magis voluntarium est, est finis; ergo voluntas illi fini intenta remittit circa electionem voluntarium. Ex quo sequitur, si finis fuerit melior, magis minuendam esse electionis bonitatem, cum melior finis plus attendatur à voluntate; ratione enim hujus appretiationis voluntas plus rapitur in illum meliorem finem, quam in bonum finem: & per consequens, minus attendit electionem: multotiesque contingit tantam esse finis appretiationem, ut propter eam detur ignorantia invincibilis de malitia media, ut si eligatur furtum ad succurrendum parentibus: minuit ergo finis bonus electionis voluntarium, & ratione minoris voluntarii illius bonitatem moralem: est tamen adeo parvi momenti hæc diminutio, ut non possit comparari cum augmento bonitatis, quod provenit ex fine. Circa finem malum, eadem resolutio adhibenda videtur; nimirum quod electio mali objecti propter malum finem, partim augeatur, partim minuat; ex eodem fundamento propter quod idem asserunt quidam circa bonum objectum propter bonum finem: augetur enim ex eo, quod electio propter malitiam objecti fortitur etiam finis malitiam, minuitur ratione voluntarii, eo quod magis afficitur circa finem mali voluntas. Tertiò, an electio mala possit oriri, ex intentione formaliter honesta, & oriri non posse quidam concludunt. Ita Vasqu. disp. 68. c. 1. n. 3. §. cæterum. Pefantius q. 19. art. 7. disp. 1. concl. 3. Becan; tract. 1. tom. 1. Summ. cap. 5. quæst. 3. num. 5. Peres l. 1. Examinis. part. tert. cap. 18. Martinez. quæst. 19. art. 7. dub. 1. §. conclus. ergo. Belan dub. 41. n. 132. non renuit Montefin. disp. 27. quæst. 6. num. 114. ubi ait intentionem honestam discontinuari vel mutari;

tari, quando eligitur medium malum, & num. 113. asserit finem tunc formaliter esse malum; quæ etiam est doctrina Suarii, disp. 8. sect. 1. n. 26. Videatur etiam Granad. tract. 10. disp. 6. sect. 4. n. 38. ubi ait, tunc intentionem bonam non esse causam per se electionis malæ. Probatur primo autoritate Augustini in Enchirid. cap. 15. & lib. 3. contra Julianum cap. 3. ubi ita: *Licet ex homine oriri possit bona, vel mala voluntas, tamen ex mala voluntate non potest oriri bonum opus, nec ex bona malum*; & Div. Bernard, lib. de dispensatione, & præcepto cap. 17. quo loco duo ait requiri, ut intentio sit bona: unum est charitas in intentione, id est, propositum virtutis; alterum est veritas in electione, id est, ut ex illa intentione nihil contra rationem eligatur.

## XX.

Bonitas autem formalis non tantum est affectio æctus, in quantum dicit physicam quandam Entitatem, sed etiam omissionis, quæ ad æctus moraliter loquendo refertur. Non enim DEUS tantum in lege sua indicat quid faciendum, sed etiam quid omittendum: unde etiam præcepta Decalogi verbis prohibitivis maximam partem enunciantur, & hoc docuit David, qui utrinque requisivit, nempe *re declinare à malo, & facere Bonum*, Psal. 34. v. 15. Adde illud Ecclesiastici cap. 37. v. 10. & 11. *Qui potuit transgredi, & non est transgressus, & facere mala, & non fecit. Ideo stabilita sunt bona illius in Domino, & elemosynas illius enarrabit omnis ecclesia Sanctorum*. Ipsa, inquit Prosper, ratio docet eam creaturam bonam esse, quæ in potestate habet illicitam delectionem ita cohibere, ut non solum de actibus licitis, recteque factis, verum etiam de ipsius parvæ delectionis coercitione letatur.

## XXI.

Frustra autem disputatur primò, an omissio pura elicita ex cognitione Objecti, & ex Aff. ætu virtutis sit moraliter honesta, in quo puncto affirmativam amplectuntur D. dacus Ruiz de Montoya Disput. 37. de Provid. sect. 2. Martinçz de Ripalda Tom. 1. de Ente supernat. Disput. 70. sect. 2. Oviedo de Anima controvers. 9. punct. 1. §. 3. negativam, & quidam rectius Palatius, Herrera, Vasquez, Medina, Montefinus & Curiel. Secundò malè disputatur utrum omissio pura, nec ex affectu, nec ex imperio virtutis elicita, sit moraliter honesta, quod quidam recentiores affirmant. Tertiò superbe nimis dum statuunt

H h

quidam



quidam & propugnant omissionem, non quidem esse meritoriam præmii supernaturalis, ex defectu relationis in finem supernaturalem, esse tamen meritoriam præmii naturalis, ut vult Ruizius, Granadus, Angelus & alii, quidam verò esse meritoriam præmii etiam supernaturalis, quia habeat omnes condiciones requisitas ad meritum supernaturale, secundum illud Matth. 19. v. 17. *Si vis ad vitam ingredi, serva mandata.*

## XXII.

Quamvis secundum Augustinum Malum non sit in rebus ipsis, sed in Usu peccantium, tamen hoc tantum accipiendum de Malo absoluto, sive de rebus secundum se sumptis, non de Malo relative tali, vel rebus comparatis per ordinem ad actus voluntatis, adeoque non negat malitiam objectivam; sicut enim datur Bonitas objectiva, ita etiam Malitia præprimis si attendatur, dari quendam intrinsece bona, quæ nulla ratione possunt cohonestari, distincta ab illis, quæ tantum extrinsece ex prohibitione scil. Superioris dicuntur mala, & hæc ipsa consistit in difformitate objecti cum Regula. Malitia verò formalis dicit Difformitatem actus cum lege divina Morali, & iudicio illo, quod debebat ex illa deduci.

## XXIII.

Adversantur hic Veritati primò Nominales, quorum princeps Ochamus, qui objectivam Malitiam sollicitant, & putant, omnem pravitatem pendere ex prohibitione extrinseca saltem divinâ, quam putant esse liberam, quia pendeat ex voluntate DEI, quæ libera est in omnibus effectibus ad extra, ex quibus est prohibitio seu præceptum. Secundò Libertini, qui nullum agnoscunt discrimen inter bonum & malum, atque omnia referebant ad opinionem, & si quis putaret se peccasse, peccasse censendus, si non existimaret se peccasse, ullum peccatum commisisse. Tertiò, qui dicunt, Regulam à qua abscondit Malitia objectiva esse rectam rationem, sive naturam rationalem.

## XXIV.

Positivum quid aliquatenus esse Malum, prolixè offendit Petrus Molinæ in Disputat. scribens: Quemadmodum in naturalibus id, quod malum dicitur, ut dolor & morbus, non sunt meræ præ-

privaciones, sed qualitates & passionēs inherentes subiecto, ita in moralibus & in labe spiritali animæ, malum & peccatum est aliquid reale. Ad verò liquidò conspicitur in vitiis pravisque habitibus, qualis est avaritia, crudelitas, hypocrisis, superbia, intemperantia, furacitas. Hæc enim vitia sunt habitus & qualitates, ac proinde non sunt privaciones, nullus enim habitus est privatio. Cumque virtus sit qualitas & habitus, vitiumque sit contrarium virtuti, oportet vitium sit qualitas & habitus. Contraria enim sunt, quæ sub eodem genere plurimum distant. Ac profectò tota vis errant, qui putant, virtutem opponitantiùm vitio, ut habitum privationi; Cum privatio virtutum, veluti liberalitatis aut iustitiæ, possit esse sine vitiis oppositis, id est, sine avaritia & iniustitia, ut videre est in morionibus & mente captis. Fidem sententiæ astruit, quod privaciones non agunt nisi improprie & per accidens, ut cùm cecitas causa est cespitationis. At vitia & mali habitus producunt per se effectus vitiosos, suntque summæ efficaciz. Neque enim scelera, quæ patrantur ascribenda sunt solis potentiis naturalibus, sed habitibus vitiolis, quæ infederunt istas potentias, easque ad malum applicant. His adde, quod privaciones meræ non recipiunt magis nec minus, proprium enim hoc est qualitatum posse intendi vel remitti. At vitia in uno eodemque homine crescunt aut minuuntur, intenduntur aut remittuntur, ut hominum alii aliis sunt nequiores, & magis ad scelus obfirmati. Tum privationis meræ nulla est forma, cùm privatio sit absentia formæ. At vitiolorum aliqua est forma, per quam unumquodque vitium est id, quod est, & aptum ad agendum hoc modo. Ideoque potest definiri. Idipsum evincunt pœnæ, quæ peccatum consequuntur. Nam pœna, quam DEUS infligit peccatoribus, non est tantum pœna damni, sed etiam est pœna sensus; nec tantum est privatio voluptatis & *aiavōnōia*, sed etiam dolor urens, ac passio actu inherens. Ac profectò, qui peccatum volunt esse nihil, meramque privationem, aniam præbent profanis expostulandi cum DEO, quod puniat homines ob nihil, & ob defectum, non ob effectum. Et quod ob rem non existentem actu pœnas infligit reales & actuales. Ratio enim videtur postulare, ut privatio iustitiæ sine habitu malo, nulla privatione felicitatis, non verò æternis cruciatibus puniatur. Quemadmodum ergo in naturalibus propensio gravium ad centrum non est tantum privatio levitatis, aut propensionis ad superiora, sed naturalis potentia; sic nec proclivitas ad pec-

condendum est tantum privatio proclivitas ad jussè agendum, sed & animi labes & habitus effectivus malorum actionum. Ad stipulatur Scriptura, subinde vocans peccata maculas & labes, quas DEUS abstergit & eluit, Psal. 51. v. 4. Zachar. 13. v. 1. Apocal. 1. v. 6. Nam privationes elui aut abstergi nemo sanus dixerit. Nempe, qui peccatum meram esse privationem censent, respexerunt ad solas actiones malas, non vero ad habitus vitiosos, in quibus primò & præcipuè est peccatum. Nam quidquid est in actione mali, fluit à malo habitu, & animi ad malum propensione. Quocirca DEI justitia postulat, ut homines magis ex habitibus quàm ex actionibus judicentur. Sæpenumero enim accidit, ut à deterioribus pauciores malæ actiones committantur, occasionis aut virium penuria, vel quia vis major, ut metus pœnæ, vel violentius aliquod vitium, actionem minoris vitii avertit. Ut cum aliquem ab adulterio aut cæde meditata, avaritia aut ignavia & trepidatio absterret. Nihil efficiunt, qui dicunt omne ens esse expetibile. Malum verò non esse expetibile, ac proinde malum non esse ens, sed privationem entis. Omne enim ens non est expetibile, alioqui dolor esset expetibilis. Et teste Christo, Judæ optabilius fuisset non nasci, ac proinde non esse. Et in summis cruciatibus ἀναισθησία est expetenda, quæ tamen est mera privatio sensus. Tum plurima mala appetuntur sub ratione boni. Et demones toto feruntur appetitu ad peccatum, quod sciunt esse malum. Et malum plerumque appetitur ob bonum aliquod adjunctum, ut expetitur ustio, & sectio, & jactura mercium ad vitæ conservationem. Minus enim malum, per quod conamur pervenire ad majus bonum, boni speciem induit. Denique illud Axioma, omne ens esse expetendum, cujus sensus est, nullam esse speciem entis naturalis, nullumque gradum entitatis, qui non sit res per se bona, & potius expetenda, quam nihilesse, dogma est Metaphysicum, quod moralibus, & iis, quæ ad salutem animæ pertinent, aptari non potest. Omne quidem ens bonum est, quia naturale, ac non necessarium est, bonum esse quicquid sit aut accidit præter naturam. Frustra sunt, qui censent malum non esse ens, quia omne ens factum est à DEO, & à DEO sustentatur. Malum verò non esse factum à DEO, nec à DEO sustentari, quia non est author mali. Scimus quidem, omne ens naturale à DEO creatum esse, & omnes substantias, & omnia propria & accidentia fluentia ex formis rerum, esse DEI opera, & à DEO sustentari. Sed plurima sunt accidentia non natura-

lia,

lia, quæ non sunt facta à DEO, ut formæ artificiales, ut picturæ, ut poemata, cantilenæ: tum mali habitus, ut DEI odium, impietas, hypocrisis, denique omnes prævæ qualitates, quas humana voluntas usu contrahit, aut mala consuetudo affricat. Ejusmodi entia DEUS non efficit, sed tantum efficit subjecta, & facultates animæ, quibus isti habitus inhaerent: deditque vires naturales, per quas homo se ad hæc aut illa applicat. Nec aliter DEUS vitia sustentat, quam sustentando subjecta & facultates naturales, quibus ista inhaerent. Eodem planè modo quo DEUS sustentat figuram Cæsaris in lapide, dum sustentat substantiam lapidis, ejusque duritiem & consistentiam conservat. Quæ substantia lapidis ut non potest esse sine aliqua figura, ita nec voluntas hominis sine virtute vel vitio. Quæ virtus, ut est opus DEI & effectus Spiritus Sancti, sic ex adverso habitus virtuti contrarius est opus hominis, aut diaboli, non verò DEI.

## XXV.

Nimis exister videntur attendere ad naturam mali, primò Ægidius Romanus, Ricardus, Alexiodorensis & alii, qui rationem formalem malitiæ putant consistere in privatione, de cujus formali tamen magnæ lites, ingentes dividia, Lombardo illam explicante per privationem Gratiæ, & pro pensionis ad bonum. Bonaventura per privationem Justitiæ, sive obligationis voluntatis, Marsilio per privationem actus boni debiti inesse voluntati, Molina per privationem rectitudinis debiti inesse voluntati, Bargo per privationem rectitudinis debiti inesse actui. Secundò excedere videntur, qui in solo positivo ponunt malitiam formalem, qui tamen in explicatione iterum dividuntur, quibusdam asserentibus illam esse denominationem extrinsecam desumptam à Lege, quibusdam esse relationem quandam prædicamentalem, quibusdam relationem rationis, sive dissonantiam cum recta ratione vel cum lege, vel cum natura rationali. Tertiò quamvis malum privativum quid dicat & positivum maximè, si de habitibus vitiosis & originali malo sit sermo, & de peccato commissionis, milium tamen terebrare videntur illi, qui cum Nazario supposita hæc sententia disputant, num malitia formalis æqualiter constituatur ex positivo & privativo tanquam genere & differentia, vel cum Ferrariensi, an constituatur ex privatione formaliter & in recto, atque ex entitate positiva, ut ex connotato & in obliquo ac materialiter.



## XXVI.

Quemadmodum ex objecto, circumstantiis & fine estimatur bonitas, ita malitia quoque ex objecto penitur, nec male Suarezius, idem velle furari malum, est, quia furari objectivè malum est. Secundò ex circumstantiis, si scil. vel addantur positivæ circumstantiæ repugnantes, vel omittantur conditiones actui debitz: bonum enim ex integra causa, malum ex quovis defectu. Tertiò ex fine, si enim intentio sit mala, etiam ipse actus vitatur ex illa.

## XXVII.

Disceptant hic primò Moraliū Doctores, non tantum an specifica peccatorum distinctio accipienda sit à Legibus, non verò ab Objectis, quæ tamen non ita opposita sunt, ut conciliari nequeant, sed etiam an numerica peccatorum distinctio ab objectis desumatur, in quo affirmativam tenent Salas, Sayrus, Lessius, Malderus, Raynaudus & alii, non tantum ex eo, quia specifica distinctio, ex objectis desumitur, adeoque etiam secundum illos numerica, sed etiam quia ex opposito, qui uno actu totam occideret familiam, in qua Clericus aliquis foret, unum tantum committeret peccatum, cum tamen & homicidio & sacrilegio se contaminaret, negativam Bonacina, Magalla & Laymannus ex eo, quia qui gregem ovium furatus esset, tot peccata committeret, quot oves furatz fuissent, qui domum incendit, tot peccata committeret, quot essent partes domus, qui Bibliothecam surriperet, tot committeret peccata, quot libros surriperet, quæ tamen conciliatione gaudent inter ipsos Doctores etiam Pontificios. Secundò de circumstantiis disquirunt, an scil. ut conferat novam speciem malitiæ necessarium sit, ut sit directè voluntaria in se, & ut indicat rationem motivi, de quo videatur Cajetanus ad 2. d. q. art. 6. & quæst. 72. art. 9. vel an requiratur saltem, ut circumstantia daret speciem actui, sit in se volita saltem, ut materiale objectum, vel an satis sit, si circumstantia sit indirectè voluntaria, & det malitiam specie distinctam, quæ sententia communis. Tertiò disputatur, an illa differentia inter Bonitatem & Malitiam sit solida, quam assignant quidam ita: quia finis bonus, si non sit remotus, & imperans, sed proximum motivum, dat primam, & essentialem bonitatem, & tunc actus nullam habet ex objecto, etiamsi alias bonum sit: at vero in actu malo, etiamsi finis sit proxima, & tota ratio volendi objectum aliquod de se turpe, non impedit, quominus actus præter malitiam ex fine, habeat propriam



malitiam ex objecto, ut qui vult mentiri, ut proximum infamet, non solum habet malitiam injustitiæ ex fine, sed etiam mendacii ex objecto, & ratio est, quia ut objectum det malitiam, non est necesse, quod sit formaliter intentum, sed satis est, quod sit materialiter volitum. Atque ex hoc aliam deducunt differentiam, scilicet quod actus ex objecto bonus non habeat bonitatem ex fine, nisi per denominationem ab alio actu; actus autem malus possit illam habere, & isto modo, & præterea immediate per seipsum, & ita posse habere duas malitias suo modo intrinsecas, unam ex fine, & aliam ex objecto. Quærent insuper, quæ illarum sit essentialis, seu, quæ magis intrinseca, quod etiam quæri potest de omni specie malitiæ sumpta ex circumstantia & objecto, & respondent, cum malitia ut sic, non sit de essentia actus, non esse necesse aliquam illarum esse simpliciter essentialem, sed unamquamque posse dici essentialem actui, ut constituto in tali specie, quomodo videtur loqui D. Thomas 1. 2. q. 18. art. 10. dicens, circumstantiam specificantem, sub hac ratione transire in rationem objecti, utramque vero posse dici accedere actui, ut constituto in alia specie, quod etiam potest sumi ex eadem 1. 2. q. 88. art. 5. & in 4. dist. 16. q. 3. art. 2. quæstiuncula 3. & 4. Quia vero objectum est propinquius actui, & inseparabilius, ideo secundum illos malitia, quæ ex illo sumitur, censeri potest magis intrinseca, & quasi essentialis moraliter: quomodo in voluntate furandi propter mortem malitia furti est prima, & maxime intrinseca, quæ vero illarum major sit, non potest certa regula assignari, nam pro ratione materiæ & præceptorum, potest una excedere, interdum vero alia: considerato tamen modo operandi, illa malitia, quæ ex fine, est gravior, quia est magis directe intenta, quomodo exponi posset illud, quod ex Aristotel. communiter refertur, qui furatur propter mortem, magis est mortuus, quam fur. Solum potest obijci hoc ejus testimonium, nam verba ejus non sunt, quæ communiter circumferuntur, sed hæc, qui lucrandi causa facit adulterium, & accipit pecunias injustas, non intemperans esse videbitur. In quibus verbis videtur excludere omnem malitiam ex objecto, sed non possunt intelligi verba, ut sonant de malitia, sed de effectu positivo, & quasi directe operantis, nam hic totus tendit in finem, & ideo maxime, atque simpliciter ab illo operans denominatur, quia ab intentione finis cætera pendent, & species actus positiva ab illo deducitur, quomodo loquitur D. Thomas 1. 2. quæst. 18. art. 6. Quia vero

vero, ut sæpe dictum est, ad malitiam sufficit quodlibet voluntarium, hoc non impedit, quominus talis actus ex materiali objecto habeat propriam malitiam interdumque graviolem, quamvis minus intentam. Tertio an unus idemque actus possit esse simul bonus ex objecto, & malus ex fine, aut è converso, e. g. si quis det eleemosynam ex inani gloria, ubi actus videtur esse bonus, malitia autem esse in fine, vel si quis furatur, ut det eleemosynam, ubi electio furti mala ex objecto, bona verò videtur esse ex fine, in quo puncto affirmativam tenent Lorca, Granadus, Cordula Ripalda, recte verò negativam præeligunt, Medina, Montefinus, Oviedo & alii, cum in casu proposito volitio eleemosynæ, non habeat bonitatem misericordiz ex medio, sed tantum malitiam inanis gloriæ ex fine.

## XXVIII.

Præter actus bonos & malos dari indifferentes disquisitioni subicitur. Non autem hic de illa ἀδιάφορος sermo est, quæ Animi dicis indifferentiam, atque sæpe convenit cum Scepticorum ἐμχῆ, quorum respexit Clemens Alexandrinus lib. 3. Stromat. cap. 6. scribens: Quoniam autem, qui introducunt indifferentiam, paucas quasdam Scripturas detorquentes titillanti suæ voluptati eas suffragari existimant; sed nec de illa, quæ est rerum, quo sensu divitiz dicuntur indifferentes, ut etiam Chrysostomus observat homilia 29. in 1. Epist. ad Corinth. ita scribens: Propterea frequentes hæc interrogationes, quod quæ indifferentia sunt, pertinere sibi multi arbitrantur, non ut animo propriorum nullam faciunt rationem; verum de illa, quæ est actuum humanorum. Constat autem talem esse admittendam, primò ex Scriptura, Christus enim dicit: *Nolite judicare & non judicabimini*, Matth. 7. v. 1. Paulus etiam ita decernit, Rom. 14. v. 3. *Qui manducat, non manducantem non spernat, & qui non manducat manducantem non judicet*. Adde 1. Cor. 7. v. 36. *Si quis autem turpe se videri existimat super virgine sua, quod sit super adula, & is oportet fieri, quod vult faciat, non peccat, si nubat*. Ex testimonio Patrum. Ita enim Augustinus lib. 2. de Sermone Domini in Monte cap. 28. Sunt quædam facta media, quæ possunt bono vel malo animo fieri, de quibus est temerarium judicare. Nec abnuit Hieronymus Epist. 89. scribens ad Augustinum: Bonum est continentia, malum est luxuria: inter hæc datur medium, ut ambulare, inter utrumque indifferens ambulare, digerere alvi stercorea, capitis naribus purga-

gamenta projicere, sputum reumata jacere, hoc nec bonum nec malum est. Tertiò, ex ipsa attentione ad actus, quorum quidam ita comparati, ut abstrahant à bono & malo.

## XXIX.

Dextrè tamen explicandum est, quomodo detur actus indifferens, cum illa adiaphoria possit considerari vel secundum speciem, vel vel secundum individuum, & quidem priori modo dari actus indifferentes patet ex eo, quia cum natura actus dependeat ex indole objecti circa quod versatur, si objectum datur indifferens secundum speciem, quod abstrahit ab honesto & inhonesto, & vel ad illud vel ad hoc determinari potest, etiam actus humani indifferentes admittendi erunt, prius autem constat, quia ambulare, edere, bibere, & alii actus de se nullam dicunt objectivam vel honestatem vel turpitudinem. Adde illa, quæ in antecedenti thesi proposita.

## XXX.

Non subsistit autem primò sententia quorundam, qui affirmarunt omnes actus esse indifferentes secundum speciem, quæ antiquorum, quos tacitè referunt Magister in 2. dist. 42. & Thomas dist. 40. q. 1. art. 5. quest. 2. de Malo, art. 4. Secundò non probatur à Doctoribus sententia Joannis Duns, Scoti, qui in 2. dist. 7. q. unica negavit dari ullum actum indifferentem, & ut ille peccavit negando, ita Martinez de Ripalda affirmando disp. 69. de Ente supernat. cum Arriaga disp. 21. se& 3. subf. 1. dari posse actus supernaturales indifferentes secundum speciem, quos vide. Tertiò Concilium Constantiense quidem Sessione 15. inter alias propositiones Joannis Hufsi damnavit decimam sextam, quæ asseruit, nulla esse opera indifferentia, quem Errorum etiam impingit illi Salas & Aravius. Verum an verè tributus fuerit tanto Heroi & Martyri veritatis, merito dubitatur, tum quia si de operibus fuit loeutus, utique nullum datur opus indifferens, cum omnia sint vel consona vel dissona Legi, procedant vel ex spiritu vel ex carne, & propterea redoleant suam originem, tum quia ipsi Pontificii agnoscunt nullum dari actum indifferentem, in individuo, adeoque propositionem ita laxè positam admittere suam restrictionem, tum quia ipse Petrus Corneus, Pontificius Doctor observavit non fuisse hunc Errorum Hufsi, quem tamen agmine facto contra ipsum Doctores Pontificii ipsi impingere solent. Illud quoque inter illos, quibus

otium, disputari solet, an datus aliquis actus, qui ex sua specie sit neque bonus, neque malus, neque indifferens, ut vult Medina a. 8. conclusione ultima, Bannes secunda secundae q. 40. a. 1. dub. 1. quod tamen rectius negant Montesinus, Salmanticenses & alii, quorum vergunt illa Armetii: Actiones quaedam ita sunt hominis, ut non sint proprie humanae, illae sunt, quae procedunt ab imaginatione nuda, & non à ratione deliberata, ut fricare manus, aut barbam, scalpere caput, levare festucam, &c. dum aliud aliquid agimus. Huiusmodi actiones non sunt moraliter bonae aut malae: quia non sunt in genere moris constitutae, dum omni consilio destituuntur. Quamvis enim istis etiam possit quis peccare, ut si tempore precum vagari sineret imaginationem suam, & huiusmodi nugis indulgere, ipsae tamen actiones per se neque malae sunt neque bonae. Subiiciuntur quidem istiusmodi motus imperio arbitrii humani: sed ita subiiciuntur, ut possint exerceri nullo rationis actu praeviente: neque ulterius illas ratione praevire tenemur, quam ut castius non obfint. Sicut in oculorum palpebris movendis, moderandi potestatem habet ratio & voluntas: sed non est opera pretium observare quoties conivemus, si modo caveatur, ne praeter decorum aut officium aliquid in istis admittatur.

## XXXI.

In individuo utrum actus sit indifferens, disputatur quidem, sed expeditur facile pernegationem primò ex Scriptura. Verba enim Christi sunt satis clara: *Dico vobis, quoniam omne verbum otiosum, quod locuti fuerint homines, reddent rationem de eo in die iudicii*, Matth. 12. v. 36. Si itaque omnis actus otiosus est malus, ut verbum otiosum ex defectu ordinationis in finem, omnis actus ille, qui caret debito fine, malus erit, & proinde non indifferens; unde etiam Hieronymus, si de verbis otiosis redditur ratio, quanto magis de operibus, quae maioris momenti sunt. Secundò ex testimonio Patrum: unus sit nobis instar omnium B. Augustinus, qui libro de peccatorum, meritis & remissa, cap. 18. ita definit: *Quaquam voluntas mirum sit, si possit in quodam medio consistere, ut nec bona nec mala sit? Aut enim iustum diligimus, & bona est, & si magis diligimus, magis bona; si minus, minus bona: aut si omnino non diligimus, nec bona est.* Quis verò dubitet dicere, voluntatem nullo modo iustitiam diligentem non modo esse malam, sed etiam pessimam voluntatem, Adde Hieronymum Tomo 2. Epist. 89.

ad Augustinum: Tertiò ex ratione. Nam tenentur homines ex præcepto, finem honestum apponere suis actionibus; ergo actiones, quæ illo carent, malæ erunt. Antecedens probatur primo, quia sicut agentia naturalia suis inclinationibus determinantur ad proprios actus, ita etiam agentia libera determinantur ad proprios actus liberos ex obligatione præcepti; sed agentia naturalia acceperunt à DEO inclinationem tendendi in finem convenientem suis naturis; ergo etiam agentia libera habent præceptum, ut tendant in finem sibi convenientem; ergo in finem rationi consentaneum, qui est illius proprius. Major probatur, quia non minus convenit Authori naturæ, dare determinationem naturalem agenti naturali, quam dare determinationem moralem agenti libero; ergo sicut impressit agentibus naturalibus inclinationes in omnes actus suos ad finem proprium, ita etiam impressit hanc obligationem agenti libero. Secundo quia artifex, eo ipso quo artifex est, non potest in genere artis operari indifferenter sine vitio, ergo similiter nec agens morale, in genere morali sine vitio operabitur indifferenter. Adde Circumstantias tertio, de quibus insuperioribus.

## XXXII.

Obstantur assertioni nostræ primò omnes illi, qui cum Bonaventura, Halensi, Scoto & Almaino dicunt, dari actum indifferenter in individuo, qui inter recentiores quidem sunt Gabriel Vasquez, Oviedo & Arriaga, qui prolixè affirmativam defendit, & dictum Christi vellicat, scribens: Ad Christi testimonium respondeo primò cum Patre Vasquez, cap. ult. verbum otiosum usurpari pro verbo nocivo, detractivo, mendoso aut calumnioso, idè nihil inde inferri contra indifferenter. Occurrit huic expositioni Pater Suarez: nam esto, Chrysostomus id ita explicuerit; reliqui tamen Patres distinguunt verbum otiosum ab omni alio, quod habet specialem malitiam injustitiæ, falsitatis, &c. & in genere peccatorum, quæ in verbis consistunt, minimam habet malitiam: Hieronymus enim, Basilus, Bernardus & Gregorius præcisè illud explicant per hoc, quod crearet utilitate rationabili, causa, &c. & textus ipse id videtur exigere: nam si Christus per verbum otiosum intellexisset nocivum aut malum in qualibet materia, non rectè inde à fortiori intulisset, verba blasphemiarum gravius puniendæ. Respondeo tamen in primis, etiam si duo vel tres alii Patres ita explicaverint eum locum, non continuo sequi, eam esse illius explanationem, & non posse nos acquie-



scire explicatione Chrysostomi. Bernardus item, qui in contrarium citatur, non aliud docet, quàm non esse parvipendendum tempus, quod infumitur verbis otiosis: quod longè potiori titulo dicitur, si per verba otiosa intelligantur verba calumniosa, nociva, mendacia, &c. quod verò Suarius dicit, magis esse è mente Christi, eo loco significare verbum otiosum, mihi videtur valde dubium, & crediderim contrarium esse longè probabilius. Ex sanè Maldonatus, inter præcipuos Evangeliorum interpretes merito annumerandus, cum retulisset ea testimonia Patrum, quæ Suarez postea citavit, addidit tamen, sibi videri longè magis ad contextum accedere alteram Chrysostomi & Theophylacti explicationem, quod ego meo iudicio confirmo efficaciter. Nam immediate ante ea verba hæc dixerat Christus: *Progenies viperarum, quomodo potestis bona loqui, cum sitis mali? ex abundantia enim cordis os loquitur. Bonus homo de bono thesauro bonum profert, &c.* Et tunc: *Dico autem vobis, quoniam omne verbum otiosum, quod loquuti fuerint homines, &c.* Et subiungit: *Ex verbis enim tuis justificaberis, & ex verbis tuis condemnaberis.* Certe ex toto hoc contextu duo apparent intentum à Christo: unum, quod ex verbis homo dignoscitur, siue bonus, an malus; alterum, quod verba etiam puniuntur in die iudicii: ad neutrum autem ex his duobus intentis est commoda ea explicatio de verbis purè inutilibus; non quidem ad primum intentum: ut enim dignoscatur, quid homo moliat, siue bonus, an malus, an fraudes, an lites, an odia, &c. foveat in pectore, penitus nihil facit, quod unum vel alterum verbum inutile proferat: neque de sanctitate, neque de malo quidquam tale verbum indicat. Neque item ad secundum intentum necessaria est ea explicatio; nam Christus, ut ex causali immediate additâ constat, solum vult verba esse puniendâ; non autem intendit ibi denotare, quæ sint mala, quæ bona, sed nullum malum sine poena abiturum; ergo nomine otiosi non tam significatur inutile quàm omne verbum malum: utrum autem inutile sit malum, nec ne, non est decidendum ex hoc loco; hoc enim ibi planè erat extra intentum Christi in parabola arboris facientis bonos fructus; quàm immediate ante præmiserat. Constat ergo, eam explicationem esse valde probabilem & sufficientem pro eo loco. Secundo respondeo cum eodem Vasquez, verbum illud, quod nullam habet utilitatem, non solum honestam, sed nec naturalem seu physicam, esse malum, otiosum & peccatum, & de eo intelligi sententiam Christi Domini;

mini; inde tamen non sequi, dari non posse verbum aliquod indifferens ad otiosum, nec bonum, nec malum: nam sicut levare festucam, pulicem à facie tollere, aut pellere culicem, sunt actiones indifferentes; ita eodem modo, si quis moneat alium ut pulicem tollat, vel ut deambulet ad pellendum frigus, non poterit ullâ ratione ab ullo prudenti tale verbum dici otiosum. Et sane in hoc puncto non persuadebit mihi, & credo ulli alii, Suarez, Christum Dominum in eo sermone, ad probandum, cum malum interiorem animum ex verbis colligi, sicut ex fructibus colligitur arbor bona, tum hominem justificandum vel damnandum ex verbis, ad hoc, inquam, intentum accepisse illud verbum, quo ego alteri dico, ambulemus parum, ut frigus pellamus; vel Lava faciem quam habes maculatam: nec unum producet Patrem, qui talia verba doceat otiosa; & tamen nec sunt bona, nec mala moraliter; ergo non bene sequitur, eo quod de verbo otioso redditori sumus rationem, non dari verbum aut actionem indifferentem in individuo. Obijciat tamen quis fac difficulter contra hanc solutionem, quia nullum potest esse verbum otiosum, quod non habeat aliquam physicam utilitatem; ergo si ob hanc non dicuntur otiosa ea, quæ in solutione attulimus, nulla plane erunt pure otiosa, & ex eo capite mala. Confitemur: Voluntas nihil amat nisi sub ratione boni; ergo vel in eâ locutione apprehendet rationem boni moralis, & jam erit honestum verbum; vel apprehendit rationem boni physici, & tunc non erit otiosum, sicut diximus, frigoris expulsionem, deambulationem, &c. non esse actiones otiosas & malas. Forte aliquis ex Vasquez responderet, verba esse instrumenta, quibus humanus convictus conservari debet, his autem uti non licere sine fructu aliquo spiritali vel nostro, vel alieno. Hæc tamen solutio non videtur sufficiens, quia si ex eo, quod verba sint ad humanum convictum ordinata, debemus spirituales finem apponere, nostrum vel alienum; ergo, quando alteri dico, ut mecum ambulet ad pellendum frigus, peccabo venialiter, quia utor verbis ordinatis ad convictum humanum; & eis bonum finem spirituales nec meum nec alienum appono. Contra secundò, quia si (ut dixi paulo ante) non est ulla obligatio apponendi finem spirituales actionibus, ergo neque erit apponendus ipsis verbis; possum enim in verbis invenire bonitatem physicam, quæ sufficiat ut actio liberetur à ratione peccati, dummodo non habeat finem in se malum, non minus quam ipsis actionibus. Respondendum ergo aliter ei objectioni, & admitterem

adum, posse esse aliqua verba etiam quæ inserviant ad humanum consi-  
 -etum, non tamen habeant spirituales finem, nec tamen idcirco sint otiosa,  
 quod evidenter ostensum est ex replicâ contra secundam solutionem.  
 In quo puncto non acquiesco Vasquezio; quo posito dico, illa tantum  
 esse verba otiosa, quæ non ordinantur ad commodum, nec quidem phy-  
 -sicum hominis, sed, ut sæpe contingit, dicuntur tantum animo loquen-  
 -di, nullâ aliâ in eis autentâ bonitate quàm loquendi: ejusmodi autem es-  
 -se otiosa ex terminis constat; esse item mala, colligo ex eo testimonio,  
 quo Suarez & adve. sarii utuntur, ad probandum, omne verbum otiosum  
 malum esse. Ego enim in hac solutione solum ostendo, (quod puto me  
 -clare præstare) duo genera verborum inter se diversa; unum ob garru-  
 -litate sine utilitate physicâ; & hoc vocatur communiter ab omnibus  
 otiosum; & de hoc intelligo locum Christi Domini: alterum ordina-  
 -tum ad commodum naturæ, ut dum dico famulo, accendas ignem ut ca-  
 -lesciam me; quod verbum à nemine dicitur otiosum; & tamen non  
 est honestum moraliter. Quod si rationem jam velimus dare, cur ver-  
 -ba otiosa sint mala, ea erit, quia homo, qui rationalis est tenetur opera-  
 -ri ob aliquem finem bonum saltem physicè, si non moraliter: atque ea  
 verba otiosa nullum habent ejusmodi finem, ut ostensum est, cum nec  
 sint honesta, nec utilis naturæ, sed solum ex animo loquendi proveniunt,  
 -ergo. Dices primò: unde constat, quod homo teneatur talem finem  
 adhibere? Respondent, id ex ipsis terminis constare; operationes enim  
 sunt in pers. etionem subjecti; ergo humanæ debent esse in bonum ali-  
 -quod hominis, sive quatenus spiritualis, sive quatenus corporalis est;  
 -ergo si id non habeant, eo ipso erunt viciosæ, & contra naturam: id quod  
 verum est, sive verba sint sive alia opera. In quo etiam dissentio à Patre  
 Vasquesa, qui solum in verbis eam otiositatem admittere videtur; ex im-  
 -mediate enim datâ solutione constat, etiam aliis actionibus talem defe-  
 -ctum posse convenire; unde etiam paulo post probabo, aliquas actiones  
 -externas non esse indifferentes, quæ ab aliis multis ut indifferentes ad-  
 -mittuntur, nec videtur admittendum illud. Amesh: Circumstantia una aut  
 -altera actionis alicujus humanæ potest esse indifferens, ut si studiosus unus  
 -cum alio sermonem conferat, indifferens est læpenumero, utrum vernacu-  
 -culo utatur sermone, an Latino: sed sermo ipse, cum omnibus suis cir-  
 -cumstantiis, vel bonus est, vel malus. Ratio est, quia determinatio actio-  
 -nis non pendet ab una circumstantia seorsim, sed ab omnibus conjunctim.  
 Tertiò omnes illi, qui eoqueque progrediuntur, ut etiam habitus indiffe-  
 -rentes cum Palatio Curie & Granado admittant.

## CAPITULUM

DE

## CONSCIENTIA.

## THESIS I.

**A**ctus hominis rehati dirigit Conscientia notitiis practicis instructa, & solet Intellectus hominis, quatenus ad praxin se componit, alias illo nomine insigniri, quanquam si velimus accurate loqui, potius dicendum sit, conscientiam subiectari in Intellectu, ibique sedem suam posuisse, ut præsint negotiis humanis, & è throno suo imperet, gubernet atque jus dicat. Quam dari probat Scriptura V. & N. Testamenti: Illa quidem, dum nomine cordis illam exprimit: *In simplicitate cordis mei, & mandatis manuum mearum feci hoc*, Gen. 20. v. 5. *Omni custodia serva cor tuum, quia ex ipso vita procedit*, Proverb. 4. v. 23. *Secl. & cunctis sermonibus, qui dicuntur, ne accommodes cor tuum, ne forte audias sermum maledicentem tibi*. Scis enim conscientia tua, quia & tu crebro maledixisti aliis, Ecclesiast. 7. v. 23. Etc. 10. v. 20. *In cogitatione tua, regi ne detrahatur, & in secreto cubiculi tui ne maledixeris diviti*. Quem modum loquendi quoque secuti Scriptores N. Testi. imprimis Johannes 1. Epist. cap. 3. v. 21. *Charissimi, si cor nostrum non reprehenderit nos*. Quo quidem sensu accipiunt locum Proverb. 18. vers. 14. *Spiritus vires sustentat imbecillitatem suam, spiritum vero ad irascendum faciliem, quis poterit sustinere*. Nec Paulus videtur refugisse illam notionem, sed probasse potius, cum dixit: *Quis novit, quae sunt hominis, nisi spiritus hominis, qui est in eo*, 1. Corinth. 2. v. 11. Libri signati in iudicio aperiendi, Dan. 7. v. 10. Ubi respondet Phraasis N. T. quam adhibet Johannes Apoc. 10. v. 11. *Et libri aperti sunt, & alius liber apertus est, qui est vita, & iudicari sunt mortui ex his, quae scripta erant in libris, secundum opera eorum*. Hæc verò dum meminit cogitationum accusantium, ait etiam defendentium. Ita enim Paulus Roman. 2. v. 14. 15. *Gentes, quæ legem nos habent, naturaliter ea, quæ legi sunt, faciunt, eiusmodi legem non habentes, ipsi sibi sunt lex: qui ostendunt opus legis scriptum in cordibus suis, testimonium reddente illis conscientia ipsorum*.



rum, & inter se invicem cogitationum accusantium, aut etiam defendentium. Chirographi, ex quo Baldunus pro Conscientia colligit. Coloss. 2. v. 14. quod adversus nos erat chirographum decretis, quod erat contrarium nobis. ουειδὴς ὄρας, 1. Pet. 2. v. 19. Hec est enim gratia, si propter DEI conscientiam sustinet quis tristitiam, patient in iuste. De cujus loci varia expositione consule ex Pontificiis Lorinum, ex Calvinianis Bezam & Heinsum. Secundò Patrum testimonium: Sufficiat nobis in presentiarum Augustinus scribens: Quid obest illi, si de illa Tabula cum humana vult debere ignorantia: Secundum de libro viventium nunquam propria deleat conscientia. Nam et si bonum, quod de nobis dicitur in mente non invenitur, magnam debet in nobis tristitiam, generare, & contra si malum, quod de nobis dicitur, in nobis non invenitur, in magnam non debemus lætitiā profilire. Cui facem prætulit Ambrosius, inquit: Sunt tibi necessaria conscientia & fama, conscientia propter DEUM, fama propter proximum. Succenturiamus Dorotheum Archimandritam, qui hæc habet: Cum formavit DEUS hominem, immisit illi nescio quid divinum, mentem scilicet quandam illustrem ac fervidam: quæ ipsum instrueret bonum à malo secernere, eaque conscientia vocatur, quæ naturalis Lex est. Adde ex profanis Ciceronem, Senecam, Horatium, Ovidium, Plautum, Juvenalem, Statium, qui lib. 3. Thebaid. Invigilant animo scelerisque patrati supplicium exercent curæ, tunc plurima versat pessimus in dubiis timor. Tertio exemplorum series. Sisto tibi ex multis Adamum fugientem: Et cum audissent vocem Domini DEI deambulantis in paradiso ad auram post meridiem, abscondit se Adam & uxor ejus à facie Domini DEI in medio ligni paradisi, qui ait: vocem tuam audiui in paradiso & timui, ed quod nudus essem, & abscondi mei, Gen. 3. v. 8. & 10. fratres Iosephi, paventes: Locuti sunt ad invicem: merito hæc patimur, quia peccavimus in fratrem nostrum, videntes angustiam animæ illius, dum deprecaretur nos, & non audivimus: idcirco super nos venit ista tribulatio, Gen. 42. v. 21. Iacobo mortuo, timentes fratres Iosephi, & mutuo colloquentes: ne forte memor sit injuriæ, quam passus est, & reddat nobis omne malum, quod fecimus, cap. 50. v. 15. Saulem desperantem: ait Saul: coartor nimis, siquidem Philistiim pugnant adversum me, & DEVS recessit à me, & exaudire me noluit, neque in manu prophetarum, neque per somnia, vocavi ergo te, ut ostenderes mihi, quid faciam, 1. Sam. 28.

v. 3. 15.



*v. 3. 15. Dixitque Saul ad armigerum suum : Evagina gladium tuum , & percutite me , ne forte veniant incircumcisi isti , & interficiant me , illudentes mihi. Et noluit armiger eius , fuerat enim nimio terrore perterritus. Arripuit ita Saul gladium suum , & irruit super eum. cap. 31. v. 4.*

## II.

Summum itaque attingunt facile impietatis apicem primò illi , qui conscientiam tam profunde insitam excutere & eradicare omnibus modis laborant , in quo genere peccati Itali infames sunt , quorum vox est teste Luthero ad Gen. 43. usitata , oportet conscientiam occidere , & dicere , quod sit nihil. Secundò , qui indirectè conscientiam suffodiunt , docentes non esse peccatum contra conscientiam , religionis causa , imminente periculo , veritatem dissimulare , de quo ita Justus Natolius in libro de fide hominis , qui in mundo rectè vivere velit , scribens : Sane judico , ait , posse quempiam , si renunciare suæ nolit religioni , nihilominus cum adversariis conversari , & quidem familiariter , eorum templa intrare , concionibus interesse , iisdemque uti ceremoniis , & ita se simulare , ac si ab eorum staret partibus. Nam ceremoniarum usus non facit alienationem in fide , cum ipsæ ceremoniarum mutationem quidem externam religioni inducere , fidem tamen mutare nequeant. Deinde scandalum hoc modo excitari potest , à quo serio nos dehortatur Salvator. Et tandem periculum , in quod facilè quis possit incurrere , si istis ceremoniis se accommodare nolit , sed illas contemnere , & vel irridere , hoc pacto effugere potest. Multis siquidem in locis mos hic viget , ut si ignotos quosdam videant , in illorum fidem accuratè inquirent , & examini subiciant. Illud ne contingat alicui , licebit ipsi externis saltem gestibus imitari alios : corde tamen adhuc poterit ista omnia repudiare. Quod si verò aliquis rigidè examinetur , v. g. in Hispania publicæ Inquisitioni subiciatur ? dico , posse aliquem illæsa conscientia veritatem dissimulare , apud adversarios confiteri , in solennibus Missis comparere ; quia melius est officioso quodam mendacio vitam servare , quàm veritatem profitendo mori. Nec desunt nobis exempla : Rahab , quæ dicitur meretrix , cum fuerit cauponaria , mentiendo servata est : & obstetrices Ægyptiorum à DEO beneficiis sunt affectæ , quod Pharaonis jussui non obtemperaverint , eumque mendaciis comitis deceperint : ut vel exinde unicuique obviam esse possit , iudice quoque Marco Marullo , licere in religionis causa veritatem celare. Tertiò , Pseu-

lis hominibus, sed etiam in eodem homine pro diverso tempore, 2. Differt à *Synteresi*. Quia hæc in genere dictat bonum prosequendum, malum fugiendum, neque ullam admittit ignorantiam, errorem, dubium, &c. 3. Differt à *Scientia morali*: quod hæc universales; conscientia autem particulares conclusiones practicas inferat, 4. Differt aliquantulum à *Prudentia*. Quia hæc tanquam virtus moralis absolute accipitur pro habitu, & semper est de veris & bonis practicis, conscientia autem, præterquam, quod possit etiam esse de falsis practicis, ac moraliter mala seu culpabilis, ut videbitur: absolute semper à Doctoribus Pontificiis accipitur pro actu, & non pro habitu acquisito. Conscientia enim debet esse immediata regula actus humani. Denique quamvis prædicta maxime differant à conscientia, omnia tamen ad conscientiam formandam necessario concurrere, secundum illos. Unde nec mirum videri debet, & Patres & Doctores tam varie appellare conscientiam. Certè D. Hieronymus in caput 1. Ezechielis conscientiam etiam vocat *synteresin*, legem corporalem, scintillam rationis, que in Cain quoque peccatore non extinguitur, &c. Accipiant enim conscientiam non præcisè & formaliter, quatenus est immediata actionis humanæ Regula, sed altius, vel causaliter pro præcipuis concurrentibus ad formandam conscientiam in homine.

## IV.

Verum paulo profundius rimanda natura conscientie, & observandum primò, Conscientiam esse vel habituales, vel actuales. Ut enim Scientia nunc notat habitum nunc actum, ita & conscientia, quæ ita dicitur vel respectu habito ad DEUM, quasi dicas conjuncta cum DEO cordium scrutatore scientia, vel ad res scitas, quæ plures, quia conscientia scientiam scientiæ conjungit universalem scil. particularium, vel respectu habito ad facta & omissa, quia conscientia novit unà cum illis, quæ Regula legis urget, quid factum vel omissum, quid recte, quid male perpetratum. Habitualis, ut docet ipsa nominis explicatio, secundum mediam rationem jam à nobis allatam includit Synteresin, quam supra descripsimus prudentiam, quæ applicare Intellectus principia & conclusiones universales ad actiones in particulari, atque dirigere solet illas ad debitum suum finem. Et tandem facultatem judicandi, quæ vel antecedens vel consequens, ut patet ex seq. Actualis consimiliter tres

actus involvit principiorum & il. practicum Notitiam, applicationem illorum ad agenda vel actus, & iudicium designans, atque decisivam promens. Secundò observandum Conscientiam, aliquando à Doctozibus, accipi pro ultima conclusione tantum syllogismi practici, quo sensu ultimum dicitur iudicium, vel pro notitia principii ex quo aliquid inferitur, vel pro toto discursu practico constante legitimo aliquo syllogismo. Unde variant sententia de indole conscientia, & prout respectus habetur ad hanc vel illam significationem, diversimode pronunciat. Tertiò observandum Conscientiam dividi in antecedentem & consequentem, velut alii malunt loqui, in illam, quæ præteritorum, præsentium & futurorum actuum, de quâ Divisione Doctores ita: Priori modo loquimur communiter de conscientia cum dicimus conscientiam examinare, & habere, vel non habere conscientiam peccati, juxta illud: *Hæc est gloria nostra, testimonium conscientia nostra*: si enim proprie dicitur conscientia mundari, seu liberari à peccato, quo modo agebat Paulus, *Nihil enim mihi confectus sum*: non certò, quia nihil se commississe existimaret, sed quia credebatur se liberum & mundatum à culpa: quocirca licet conscientia hoc modo consistat in memoria præteritæ actionis, & iudicio illius, tamen maximè proprie dici videtur, quando actus præteritus, vel moralis status ex eo relictus adhuc durare moraliter censetur, non enim dicitur homo proprie habere conscientiam peccati, solum quia iudicat se peccasse, sed quia inde adhuc timet, & iudicat se esse in peccato, atque hoc modo dici potest conscientiam respicere aliquo modo præsentem hominis statum. Secundò vero modo dicitur esse conscientia proprie de præsentanea actione, ut quando homo operatur actus iudicando actionem suam, & hoc modo dicitur propriissime homo agere contra conscientiam, vel obedire conscientia, & sic etiam proprie conscientia mordet, vel reprehendit; fere eadem ratione. Tertiò respicere potest conscientia futuram actionem, ut quando homo iudicat de his, quæ postea est acturus, & secundum hunc respectum dicitur proprie conscientia obligare: unde secundum aliam considerationem omnis conscientia aut est præteriti, aut futuri saltem secundum naturæ ordinem, quia dictamen conscientia, aut antecedit actionem saltem natura, & sic respicit illam, ut futuram, aut supponit actionem, si non respicit illam, ut effectum, sed saltem, ut obiectum iudicatum, & sic respicit, ut jam factam, & ut sic licet.

licet reprehendat, accuset, vel mordeat, non tamen obligat, vel dirigit proprie, nisi quatenus ex præcepto oriri potest obligatio ad aliquid agendum. Unde hæc conscientia prætorum minus est practica, quia non proprie mover ad opus; altera vero est proprie practica & regulagendum, de qua hic est sermo, quæ ulterius subdividi potest in conscientiam consiliorum, vel præceptorum, aut prohibitorum, & aliis similibus modis, qui consummantur in solo materiali objecto, possunt facile multiplicari. Quod postremum tamen non simpliciter placet. Conscientiam antecedentem dari autem evincit locus Pauli Roman. 13. vers. 5. ubi ita pronunciat: *Quapropter oportet esse subditos non solum propter iram, sive ex metu pæne, quod servile, sed etiam propter conscientiam,* quæ dicitur scilicet hoc principium generale Ordinis ad imperandum divinitus constituto esse parendum. Et cap. 14. v. 23. graviter concludit: *Quis quid ex fide non est, peccatum est,* ubi illi sermo est de conscientia hominis repositi, credentis & ex illâ ad agendum obligati. Et Tit. 1. v. 15. ibi iterum: *Omnia munda mundis: coinquinatis autem & infidelibus nihil est mundum; sed inquinata sunt eorum Mens & Conscientia?* In quæ verba Augustinus tract. in Psal. 103. Cur infidelibus nihil est mundum & si nihil illis mundum, nec DEUS. Nisi puritatis forte mundum videri DEUM illi, qui quotidie blasphematum. Et lib. 301. contra Faustum c. 1. Infidelis sive comedat, sive abstineat, non sanctè vel justè comedit vel abstinet, quia prava opinione utrumque facit. Secundò Patrum testimonium. Basilii enim illam sistit, ut naturale Judicatorium, Chrysostomus vocat illam incorruptum judicem. Nilus Lucernam, quâ utendum in omnibus actionibus, Damascenus lib. 2. de fide cap. 12. Legem intellectus nostri. Tertiò, Ratio quoque docet dari talem conscientiam antecedentem, quia admittit synteresin, & ad illam dictamen practicum judicans aliquid agendum, ut bonum honestum, vel fugiendum, ut malum inhonestum, ad illam discussum, cujus majorem subministrat synteresis, e.g. Synteresis ponit hanc majorem: Malum est fugiendum, subsumit ratio, Adulterium est malum, de motivo naturali vel supernaturali nondum disputamus, scientia moralis concludit, ergo adulterium est fugiendum, particulariter vero conscientia, prudentiæ actus sive concludens, scientia mihi hic cum hac non licet rem habere. Ex annon deprehenditur circa bonum agendum in presenti inclinatio, approbatio, confortatio, circa malum re-

prehensio, recalcitratio, ob obmurmuratio,annon circa bonum futurum  
consilium, excitatio, circa malum retractio.

## V.

Frustra primò disputant primo Doctores Pontificii, ad quem ha-  
bitum reducat judicium seu dictamen practicum conscientie, qui-  
busdam cum Vasquezio, illud referri non posse ad ullam specialem ha-  
bitum, sed pro materialium diversitate ad diversos spectare habitus. cen-  
sentibus. Alii verò cum Corneio & Joanne à Thoma ad prudentiam  
acquisitam vel infusam reducentibus. Secundo non sufficienter natu-  
ram conscientie expendunt Corduba, Covarruvias & Suarez, qui vo-  
lunt, conscientiam esse actuale & practicum Judicium intellectus discer-  
nentis de rebus agendis inter bonum & malum, turpe & honestum præ-  
ceptum vel prohibitum. Quibus accedit Amesius c. 1. §. 1. thes. Judi-  
cium appello scribit: conscientiam, primò ut ad intellectum eam per-  
tinere ostendam, non ad voluntatem. Nomen ipsum hoc ostendit: &  
inde idem probatur, quia omnes actiones illæ, quæ conscientie homi-  
nis in Scripturis tribuuntur, pertinent propriè ad vim & facultatem ali-  
quam rationis. Est tamen inclinatio quædam voluntatis, qua apta na-  
ta est, & imperare judicium intellectui, & idem, etiam sequi: quæ ineli-  
natio à quibusdam Conscientia vocatur, ab aliis pars conscientie, sed  
minus rectè addit. Quidam sunt inter Scholasticos, qui conscientiam  
volunt esse habitum. Scot. Bon. Dur. Quod quamvis concedi possit, de  
aliqua parte vel principio conscientie: simpliciter tamen de illo toto,  
quod conscientie nomine propriè designatur, non potest concedi. Ha-  
bitus enim quæ talis, officium unicum est, inclinare ad prompte agen-  
dum: sed conscientia alias habet operationes, quas immediatè exer-  
cet. Nec satis accurate Perkinsus, qui per facultatem seu naturalem po-  
tentiam describit: Rationem etiam subjungit suæ sententie: quia  
nempe actus accusandi, consolandi, & perterrefaciendi, non pos-  
sunt conscientie adscribi, si ipsa esset: sed plane secundum ipsum  
Amesium invalidam: quoniam effecta istiusmodi tribuuntur in Scri-  
pturis ipsis cogitationibus, de quibus non potest dubitari quin sint  
actus Rom. 2. vers. 15. *Cogitationibus sese mutuo accusantibus, aut  
etiam defendentibus.* Ratio est, quia res motu factæ, non tantum sunt  
effecta moventis, sed etiam ipsius motus. Perzerea D. P. eodem lo-  
co &



co & ordine conscientiam ponit cum intelligentia, opinione, scientia, fide ac prudentia: sed nemo hæc ita definiret, ut habeantur pro distinctis animæ facultatibus. Tertiò, nondum subscribimus illis, qui negant conscientiam antecedentem, sed tantum admittunt conscientiam consequentem, quanquam enim facile largiamur usurpari frequentius scientiæ de illa, quæ nostros actus subsequitur, non tamen propterea Nomen Conneganda conscientia antecedens.

## VI.

Causa Conscientiæ efficiens est DEUS, qui illam indidit hominibus, & ablata etiam Imagine divinâ, ad quam primus conditus, adhuc illam conservat, superstitem esse vult, præsidere, & ita sibi subicere hominem in actionibus suis: *Scriptum enim est opus Legis in Cordibus hominum*, etiam extra pomœria Ecclesiæ constitutorum, scilicet præceptum, à quo, nisi Deus, scilicet ipsum quo, nisi à digito Dei, Rom. 2. v. 15. & quidem, si attendamus Martino Bressero Boxtellano, pender conscientia à Deo non tantum tanquam à causa efficiente, quia ipse conscientiam atque animam conscientia præditam condidit, quod nulla creatura potuit, sed & tanquam à causa exemplari, quia lumen conscientiæ homini indidit, quasi quandam particulam & radium, imò inicitur DEO illa, ejusque providentiæ cognitiæ vel creditæ tanquam fundamento illam ejusque pondus ac vim sustentanti & confirmanti. Subjectum vero illius est omnis homo, ut denique constat ex Rom. 2. v. 15. quanquam autem Angelis non negetur conscientiam, bonis scilicet, ex qua operantur & in qua etiam latantur, malis vero ex Reflexione ad DEUM iratum, deflectionem profundam, peccatas, quas consummare sustinebunt post diem pantocriticum, nunc infernum suum, ubi ubi sunt, circumferentibus, secundum illud: *Ecce calaverunt dicentes: Quid nobis & tibi, Iesu fili DEI? venisti huc ante tempus torquere nos?* Matth. 8. v. 29. *Nescitis quoniam Angelos judicabimus?* 1. Cor. 6. v. 3: *Tu credis, quoniam unus est DEUS.* Bene facis: & demones credunt, & contremiscunt, Jacob. 2. v. 19, non tamen circa illam occupatur Theologia Moralis, & ut Subjectum quod; homo, ita quo hominis Intellectus practicus: Conscientia enim dicit scientiam, & præterea pertinet ad Intellectum, cui omnis notitia transcribenda: Objectum verò à quibusdam moraliter operabile constituitur, quanquam Dorotheus ad materiale plus respiciendo, constituerit illius objectum DEUM, proximum & res ipsas scribens: *Rationem habet*

habemus conscientiz, ad DEUM, ad proximum, & ad res. Ad DEUM, ne quis scilicet ejus pręcepta contemnat, etiam in iis, in quibus eum mortalium nemo videt, nemo reperit, nemo judicat. Custodiat ipse conscientiam DEO in abscondito: ut e. gr. neglexit orationem, ascendit prava cogitatio in cor ejus, nec sobrius fuit, nec repressit se ipsum, sed oblectationi obsecutus est. Vidit proximum quippiam vel agentem vel dicentem, statimque illum cum suspitione judicavit, & ut concludam breviter, ad omnia diligentia opus est, quę sunt à nobis in abditis perpetrata, quęque nullus hominum, nisi DEUS & conscientia nostra, conspexit. Hęc nimirum est ad DEUM conscientia. Erga proximum autem conscientia habetur, si nemo quippiam omnino faciat, quod intelligat, quamvis minimam molestiam & afflictionem proximo afferre. Non re, non verbo, non animo, non signo, non aspectu. Sunt enim signa quędam, ut sæpe dixi, quibus proximum lædamus, sunt aspectus, quibus eundem affligamus, & molestia non parva afficiamus. Et ut breviter dicam, quibuscunque sepe serit homo molestiam sese proximo afferre, ab iis omnibus jubet abstinere conscientia. Quod si contra faciat, commaculatur, & rea est, non ignara ea à se studiose agi, ut noceat, ut affligat. Et hoc est, quod dicimus, erga proximum conscientiam, est, re nulla abuti omnino, ut scilicet non sinat foedari rem; projicis, sed cum viderit quippiam projectum, non negligat, etiam si sit vile, sed corripiat potius, & in locum suum statim reponat.

#### VII.

Inepte Origenes ergo primò, si vera illius sententia, ut passim tribuitur, conscientiam statuit, esse quandam substantiam separatam extra nos existentem, & nobis per modum Angeli custodis assistentem, libro 2. in Epistol. ad Roman. nec secundo satis solidè Henricus, quodlibet. quęst. 18. & ex parte Durandus in 2, dist. 39. quęst. 18. conscientiam dixerunt esse inclinationem quandam elicitam à voluntate ad operandum secundum rectam rationem. Tertiò non addimus Calculum Roberto Sanderfono, Professori Regis Oxoniensis Theologo, qui recte quidem infidelitatem asserit etiam impuram reddere conscientiam, Tit. 1. v. 15. quam purificet & emundet fides, Actor. 15. v. 9. sed incommode addit, fortassis haud incommode dici posse, fidem etiam ipsam evangelicam inter operabilia moralia censendam esse: quia ita Serva-

tor noster Christus disertissimis verbis : *Hoc est opus DEI , ut credatis in filium* , Joh. 6. v. 29. & Johannes Apostolus similiter : *Hoc est mandatum ejus , ut credamus in nomine filij sui Jesu Christi , & diligamus sicut ipse mandavit nobis* , 1. Johan. 3. v. 23. quanquam enim homo obligetur in Conscientia, secundum ipsam ad agenda , quæ sunt sui officij quatenus homo est , & ad credenda mysteria illi in verbo DEI revelata , quatenus homo Christianus , non tamen fides evangelica , qua talis inter operabilia moralia est referenda , nec dicta allegata illud evincunt , non enim si fides est opus DEI erit opus morale , aut si mandatum est , ut credamus in nomine filij , fides in opus transibit morale sub illa nozione , qua apprehendit suum objectum justificum. Unde ipse Gregorius etiam in Bivrium thes. 17. 18. Ex hac fidei definitione in primis observandum est unum , quod in hac tota dissertatione erit valde operæ pretium , & ubi Pontificij graviter & simul frequenter impingunt ac halucinantur ; videlicet fidem non hinc sumi absolute & ethicè , sed potius relative & Theologicè , non quatenus est habitus intellectualis seu opus hominis fidelis , sed quatenus est instrumentum apprehendens & sibi applicans meritum Christi ; idcirco non consideratur fides justificans ut est fructus sanctificationis , sicut alia bona opera , nam sic non posset nos justificare non magis quam alia opera , sed ut consideratur in justificatione , quatenus sumitur *ἡ πίστις* , & est instrumentum nostræ justificationis , absque quo nulla esset justificatio. Et hoc patet tantum abest ut fides sit opus , ut potius operibus *ἀντιδιανοημένως* opponatur ; hinc fit ut in Scriptura homo dicatur justificari *Ἀλλ' ὁ πρὸς τὴν πίστιν* per fidem , Rom. 3. vers. 22. non *Ἀλλ' ὁ τὴν πίστιν* propter fidem. Imò si propriè loqui velimus , fides haud ritè opus vocabitur , quod patet exemplo sensus , quod enim est sensus in corpore , illud est fides in anima ; ut igitur cum fulgurat , visus potius patitur quam agit : Ita cum Sp. S. fide mentem illustrat , hic animæ motus passionem magis quam actionem redolet. Nam utrobique potentior est ratio agentis , quam actio aut qualitas hominis recipientis , qui non videtur reagere , in primis cum agens & patiens sint naturæ remotissimæ , & patiens longè sub sphaera agentis & sub illius activitate subsidit , ut patet in naturalibus quoque scilicet corporum celestium & sublunarium , item spirituum & corporum , inter quæ non datur reactio & repassio , sicut etiam in sympathijs & antipathijs. Tamen quædam fidei merito tribuitur efficien-

ria, ut patet ex ipsa Pauli definitione Heb. 11. v. 1. quia non est inane spectrum, & mens ac voluntas illius sedes, non sunt potentia inanes non solum physicè, sed etiam ethicè & Theologicè. Hæc non modo distinctio fidei & operum, sed etiam oppositio ita est certa, ut etiam ipsi Pontificii vel imprudentes distinctionem admittere coacti fuerint; cum nos partim fide, partim operibus justificari asseverent. Nam cum fides Joh. 6. v. 29. vocatur opus DEI, τὸ ἐστὶ τὸ ἔργον τοῦ Θεοῦ ἡ πίστις, ἡ ἐν ᾗ ὁ ἀπίστευτος ἐκτείνῃ τὸν ὄντα, ἀπὸ τῆς πίστεως ἐκτείνῃ. Id fit per allusionem ut Paulus fidem vocat Legem, Rom. 3. v. 27. per quam legem? operum? non: sed per legem fidei. Ubi de industria dixit μὴ μὴ πικρῶς legem fidei pro fide, quod adversarii gratia perpetuò in ore haberent legis nomen. Ita & fides vocatur opus DEI, loco prælaudato, quia illud DEUS ab hominibus flagitat; nequaquam enim illic fides consideratur ut habitus effectum, id est ipsum credere. Vehementer igitur hallucinantur illi iustitiiarii, qui ex hoc loco eliciunt fidem esse opus, & nos per opera justificari.

## VIII.

Regula Conscientia est Lex divina, voluntas DEI in verbo revelata. Si enim solus DEUS habet merum & directum Imperium in conscientias: si omnes homines ex naturali illa dependentia, ex qua sunt creaturæ rationales, illi sunt subiecti, utique illius voluntas revelata erit illis norma agendorum, ut Principis voluntas subditis, Domini Mandatum servis, & si peccat, qui contra voluntatem agit revelatam, utique illa erit Norma. Et Regula conscientia, & quæ ex illa prodeunt, cum peccatum nihil aliud sit, quam aberratio à Regula sive ἀνομία, 1. Joh. 3. v. 4. Et hoc voluit Jacobus, dicendo: *Vnus est Legislator, qui potest servare & perdere.* Et quidem, si Lex divina ita accipitur, ut legem Naturæ includit, quæ libere sunt potestatis divinæ, & dispositionis circa cultus speciem in genere sub primæ Tabulæ præceptis proponit, potentiam illorum, qui in Eminentia constituti sunt, & κύριον habent in Republica, vel alio modo præsumunt, stabiliat, atque in genere docet superioribus esse parendum, Leges illorum & Mandata, si non sint adversa DEO, esse reverenter excipienda, ut quidem Explicatio quarti præcepti docet, sub qua Latitudine supra quoque accepimus, non veremur asserere Legem divinam revelatam esse Regulam adæquatam conscientia, si velò pres-

sibi accipiat, melioris distinctionis causa dicimus Regulam Conscientiæ esse partim legem Divinam revelatam, partim legem Naturæ inscriptam; partim legem etiam humanam, Lex quidem divina secundum illud: Omnis anima potestatibus sublimioribus (supereminentibus) subdita sit: non est enim potestas, nisi à Deo que autem sunt potestates à Deo ordinatæ sunt. Itaque, qui resistit potestati, DEI ordinationi resistit. Qui autem resistunt, ipsi sibi damnationem, acquirunt. Nam Principes non sunt timori boni operis, sed mali. Vis autem non timere potestatem? Bonum fac, & habebis laudem ex illa. DEI enim minister est, tibi in bonum. Si autem malum feceris, time. Non enim sine causa gladium portat. DEI enim minister est, vindex in iram, ei, qui male agit. Ideoque necessitate subditi estote, non solum propter iram, sed etiam propter conscientiam. Ideo enim & tributa præstatis. Ministri enim DEI sunt, in hoc ipsum servientes. Reddite ergo omnibus honorem debita: cui tributum, tributum: cui velligal, velligal: cui timorem, timorem: cui honorem, Roman. 13. v. L. 2. 3. 4. 5. 6. 7.

## IX.

Ambigue loquitur primò Robertus Sanderson, dum ita stylum informat: Est Scriptura quoad supernaturaliter credenda sola & adæquata fidei Regula: eoque eadem, quoad agenda etiam, quatenus sunt Spiritualia & ad finem supernaturalem ordinata, sola & adæquata Morum Regula; atque ita ex consequenti, agendorum Regula principalis, & ut ita dicam Architectonica. Sed cum ad Conscientiam spectat circa res agendas inquirere, non eâ duntaxat ratione quâ sunt Spirituales, an fiant ex charitate, & in finem supernaturalem dirigantur, sed eâ etiam qua Morales sunt, sintne bonæ vel malæ, licitæ vel illicitæ, liberæ vel necessariæ: ut de his rebus ritè judicetur, non ex sola Scriptura, sed & aliunde etiam petenda sunt opportuna adjumenta. Si enim per finem supernaturalem intelligit vitam æternam, ut quidem plerique Calviniani in hac materia, non potest admitti, actiones finem supernaturalem respicere, cum solius fidei sit consequi Beatitudinem quam actiones serenatæ Conscientiæ tantum ornant & subsequuntur. Secundò non commode in quarta propositione, ubi asserit propriam & adæquatam Conscientiæ Regulam esse DEI voluntatem qualitercunque hominibus revelatam, distinguit inter voluntatem signi & Beneplaciti, procul dubio in sensu Calvinistico, & addit: Prior illa propria



pria & adæquata Conscientiæ Regula DEI voluntas est, qualitercunque hominibus revelata. Hanc alii Legem DEI, alii Legem æternam dicunt; vocabulis pro suo cuiusque arbitrio, sed eodem sensu. Huius conclusionis singulæ particulæ expendendæ sunt. Dico primò, Voluntas DEI. Cujus Voluntatis notissima est illa distinctio, (quam tamen à Scriptoribus aliquoties animadverti aut non recte explicari, aut non ritè applicari,) in Voluntatem Beneplaciti, & Voluntatem Signi. Prior illa, quam Beneplaciti vocant, ea est, quâ DEUS ab æterno apud se constituit quid ipse velit facere: Altera quam signi appellant, ea est, quâ nobis legem præstituit, significando quid velit à nobis fieri. Quarum illa proprie & univocè Voluntas DEI est; hæc improprie & ἀναλόγως sic dicta. Voluntas illa Beneplaciti est ipsi quidem DEO (si de tantâ Majestate καὶ ἀνθρώπων loqui fas sit,) quodammodo agentis Lex; semper enim ille facit quod ipsi complacitum est: sed non est DEO nobis in Legem data, ut sit Conscientiæ nostræ regula, solum quod ad res agendas attinet. Pertinet illa quidem aliquomodo ad Conscientiam respectu perfectionum: à posteriori scilicet, & hoc sensu, quod obligamur in conscientiâ, quodcunque contigerit, id omne æquò animo ferre, postquam nobis ex eventu constiterit, id DEUM voluisse; quia hoc dicit recta ratio, non debere nobis divinæ providentiæ ordinem displicere, qui nil velle potest, nisi quod est rectissimum. Reliquum est ergo, ut sit Conscientiæ nostræ regula Voluntas illa, quæ signi dicitur. Cum enim DEUS præcipiendo & prohibendo, quid à nobis fieri velit & non fieri, significaverit: nostri est officii ipsius Voluntati voluntates nostras simpliciter conformare. Multa apud Scholasticos disputantur inutili subtilitate, an & quatenus teneatur voluntas creaturæ rationalis conformare se voluntati creatoris, in re volitâ? quum possit, quod instituto nostro & ad vitæ usum sit satis, res tota aperte & breviter uno verbo confici; nimirum, teneri nos semper id velle, quod DEUS vult nos velle. Ut cum præcepisset Abrahamo DEUS, ut filium Isaacum ipsi offerret in holocaustum, etsi DEUS voluntate beneplaciti (utimox ex eventu patuit) vel tum, cum ei hoc faciendum præcepit, id fieri noluerit: tenebatur tamen Abrahamus id ipsum velle, quia DEUS præcipiendo significaverat, se velle ut Abrahamus id vellet. Quanquam enim possit tolerari hæc distinctio, si scilicet non disparate voluntates, vel contradictoriæ sub illa compareantur, sed signum refe-

ratur

fatur ad rem signatam, & ambæ ita comparantur, ut quod voluntas signi in verbo prodit, interius DEUS conceperit, voluntas Beneficentis elegerit & præfixerit, nunquam tamen in sensu Calvinianorum, qui DEUM hypocritam fingit, admitti potest. Tertiò, malè & contra Scripturam statuendo gentes, quibus Evangelium non est prædicatum, nec obligari credere Evangelio, aut ad fidem in Christum, quia nemo teneatur ad impossibile. Impossibile est autem ei, cui Evangelium non fuerit prædicatum, nec qui de Christo quicquam inaudiverit, credere Evangelio & Christo, cum lumen rationis non possit eò pertingere; juxta illud Apostoli, Rom. 10. vers. 15. *Quomodo credent ei, de quo non audierint? Quomodo audient absque præcone?* Nec idem Apostolus æquum esse censeret, ut per Legem judicentur alii, quàm qui in Lege peccaverunt, Rom. 2. vers. 12. Imò verò nec illud per se sufficere ad inducendam obligationem in Conscientiâ, Voluntatem DEI esse alicui revelatam, nisi insuper ei revelata sit ut Voluntas DEI quoad ipsum. Adeo ut si quis ex Gentibus ἀδόφυλ<sup>ο</sup> incidisset forte in libros Moïsis, atque ex eorum lectione percepisset mandata Hebræo populo inibi data; non mox obligatus esset ad ea præstanda, licet essent ei revelata, quia ad ipsum non pertinebant, sed erant illi populo peculiariora; & scitum est legem non obligare omnes quibus cognita est, sed omnes & solos quibus data est. Bis falsus, primum in eo, quod nec omnibus gentibus prædicatum fuerit Evangelium contra effatum Pauli: Sed dico, nunquid non audierunt? Et quidem in omnem terram exiit sonus eorum, & in fines orbis terra verba eorum, Rom. 10. v. 18. Et: *Verbum Evangelij pervenit ad vos, sicut & in universo mundo est*, Coloss. 1. v. 6. Secundò in eo, quod nemo teneatur ad impossibile, quod Effatum si obtineat, inanus erunt porrigendæ Pelagianis, Pontificiis & Synergistis.

## X.

Ulterius progreditur Robertus Sanderfon, & Regulam proximam & immediatam Lumen Mentis, ut primariam & supremam Verbum DEI scriptum, propriam & adequatam voluntatem DEI, qualitercunque revelatam, & scribit: Sciendum est, triplex esse Lumen Mentis, prout DEUS creaturæ rationali voluntatem suam tribus modis patefecit; Lumen scilicet innatum, lumen illatum, & lumen acquisitum; si-  
velux naturæ, Scripturæ, Doctrinæ. Primum illud lumen, quod in-

natum dixi, è lege Naturæ oritur. Indidit enim DEUS in prima mundi creatione, ut creaturis brutis & inanimatis instinctum naturalem, quo inclinantur ad ea facienda, quæ sunt congrua naturæ suæ, & ejus conservativa, quæ est ipsis instar Legis, proptereaque & Davidi Lex dicitur, Psal. 148. v. 6. *Dedit illis Legem quam non transgrediantur.* Ita & homini legem quandam Naturalem, naturæ suæ ut rationalis creaturæ suæ ut rationalis creatura est proportionatam, hoc est sublimiorem multò, & nobiliorem, & si fas dicere diviniorem, quàm quæ aliis inferioris hujus orbis creaturis, data est; quæ ipsum ad ea agenda impellat, quæ sunt naturæ suæ congrua, quatenus homo est, animal nempe ratione præditum; hoc est, ut verba dicam, ad vivendum secundum rationem. Est autem hæc Lex naturalis impressio quædam, & quasi *ἐκτυπω* Legis illius archetypæ & æternæ, quæ in mente divina; estque pars illius divinæ imaginis ad quam dicitur homo primùm conditus & efformatus, Genes. 1. per quam certo cognoscentes aliqua esse ex DEI creatoris voluntate rationali naturæ nostræ congruentia, alia autem secus; statuimus illa bona esse, & à nobis fieri oportere, ista mala, & propterea non oportere. Ex hac lege ortum lumen, in gravi illa naturæ humanæ ruinâ, quæ lapsum Adæ infecuta est, admodum obscuratum est: unde crassæ illæ erroris & ignorantie tenebræ, in quibus dum hic vivimus, omnes ejus posterì affiduè versamur. Ita tamen sapientissimè providente Deo, ut ea communi naufragio illæ reliquæ aliquantò evaserint, quàm aliæ pleræque facultates. Nempe voluit DEUS quasdam propositiones & principia practica, quas *κεῖναι ἐννοίας* & *πρὸς λήψεις φυσικὰς* vocant Philosophi, *ἐγχεκρυμμένον ἡμῖν πρὸς ὅρα* scilicet Basilii, quasi conservatam ex tanto incendio inter med. os cineres & favillas ignis divini Scintillulam, in nobis remanere; ut haberet in intimis pectoribus nostris voluntatis suæ præcones. Sunt hæc *κεῖναι ἐννοίαι*, Lex illa DEI, quam Apostolus Rom. 2. *Scriptam*, ait, *in cordibus hominum;* prorsus ut Leges Civitatum aut Principis tabulis æneis inscribi solitæ sunt. Habent enim rationem Legis sive regulæ nobis à DEO impostæ; sicut Voluntas Legislatoris publico instrumento significata & populo proposita, Legis nomine censetur. Constat autem hæc Lex Naturalis ex variis principiis practicis; quæ tamen ad unam primam & universalem Legem, quæ reliquas complectatur, revocantur, videlicet hanc bipertitam; Bonum esse faciendum, malum fugiendum; Sicut omnia præcep-

præcepta decalogi ad unam legem universalem, eamque bipartitam, reducantur illam, scil. quæ est de Dilectione DEI & Proximi. Huic universali legi in Synteresi conservatæ, subijciuntur aliæ; seu leges particulares, ex eâ derivatæ, ut conclusiones ex præmissis: quarum aliæ sunt de primo (ut loquuntur) naturæ dictamine, & principali illi legi proximè conjunctæ; aliæ quæ remotius ei appendent, nec nisi secundariò, & virtute illarum propinquiorum. Quæ sunt de primo naturæ dictamine, simul ac menti nostræ & cogitationibus offeruntur, fidem nostram statim imperant, coguntque nos eis assentiri, propter summam earum evidentiam. Neque enim fas est alicui de ipsarum veritate dubitare, neque possibile est quenquam, cui satis perspecta sit ipsarum vocum significatio, circa eas errare. Audito DEUM esse colendum, injuriam nemini faciendam; acquiescit statim animus, & sine ambago præbet assensum. At in posterioribus illis, propter discrepantiam, quæ potest oriri ex circumstantiis, & dubitare sæpiissime contingit, & errare, & quo remotiùs à primis illis principiis receditur, eo proclivius est in errorem labi. Prima enim & Universalia tantò certiora sunt posterioribus & particularibus, quanto sunt minùs circumstantionata. Nam *ὅτι πειρασέων πλάνη*, ut dici solet; & descendendo contigit errare. Ejus generis præcepta sunt, honorandos esse parentes, liberos alendos, conservandam proximivitam, de positum reddendum. Quæ utut communiter & *ὡς πρὶ τὸ πλὸν* observanda sunt, non tamen simpliciter & absolutè, si res & locus (quod fieri potest) aliud postulent. Nam & parentum jussa præ DEI amore spernenda sunt, & justa potest esse causa abdicandi liberos, & vitam proximo adimendi; nec est gladius furioso restituendus. Affois huic distinctioni est illa Ciceronis, à Stoicis accepta, officiorum distributio. Aliud enim est ipsis Rectum & Perfectum Officium, quod Græci *καθόρθωμα*; aliud Medium & Commune, quod *καθήκον* vocant. Quare ut Conscientia de rebus propositis, quantum ad hanc Regulæ suæ partem attinet, quæ sit DEI voluntas, rectiùs & certius judicare possit; opportunum erit eâ ad universalissimam, quam fieri potest præcepta, & ad prima illa & *αὐτόπιστα* axiomata revocare atque exigere. Sed de hac Naturæ Lege, quia ad alia properandum est, quum non liceat plura dicere; accipite quæso illa Ciceronis, quæ ex amissis ejus de Rep. Libris affert Lactantius VI. Instit. 8. Est quidem verò Lex recta ratio, naturæ congruens, diffusa in omnes,

omnes, constans, sempiterna, quæ vocet ad officium jubendo, vetando à fraude deterreat. Huic legi nec obrogari fas est, nec derogari ex hac aliquid licet, neque tota abrogari potest. Nec verò aut per Senatum aut per populum solvi hæc lege possumus. Nec est quærendus expla-  
 mator, aut interpretus ejus alius: Nec erit alia lex Romæ, alia Athenis; alia nunc, alia posthac: sed & omnes gentes, & omni tempore, una lex & sempiterna & immortalis continebit. Unusque erit communis quasi Magister & Imperator omnium DEUS ille legis hujus inventor, disceptator, lator, cui qui non parebit, ipse se fugiet, ac naturam homi-  
 nis aspernabitur; atque hoc ipso luet maximas pœnas, etiam si cætera supplicia, quæ putantur effugerit. Insignis sane locus, & qui hujus la-  
 natiluminis naturam & vim luculentissimè explicat, adeò ut nihil opus sit plura in hanc rem adjicere. Secundum lumen, quod menti illatum diximus, ei ab extra advenit, oriturque à revelatione divinâ: nempe ab illâ luce, quam DEUS nobis subministravit in Sacra Scripturâ, in quâ voluntatem suam humano generi uberius adhuc patefecit; nequid ei deesset adminiculi, quod ad mores regendos & beatitatem consequen-  
 dam esset necessarium; quum ad ista non sufficeret lumen internum na-  
 turale, ut jam ante ostendimus. Differt autem hoc Lumen à Naturali, non origine solum, sed & perfectione: Primò, quia voluntatem DEI manifestat in his, ad quæ non potest lumen naturale pertingere. Se-  
 cundò, quia actus morales à naturali lumine dictatos ad finem sublimio-  
 rem ordinat. Tertiò, quia cum lex mentibus insculpta à DEO tan-  
 quam authore Naturæ instituta sit, lex ista in verbo revelata est ab eo instituta tanquam authore Gratæ & Salutis. Ergo ubi aut deficit, aut debile est Naturæ Lumen, (deficit autem in his, quæ sunt extra orbem  
 suum, ejusmodi sunt mysteria fidei; debile verò est in his, quæ ab uni-  
 versalissimis præceptis sunt aliquantò remotiora: ) ad Lumen Verbi re-  
 currendum est, sicut ad lucernam in loco caliginoso fulgentem, 2. Pet. I, 19.  
*Ad legem & ad Testimonium: si non laquantur secundum hoc verbum,*  
*non est eis Lux, Isai. 8. v. 20. Lucerna pedibus meis verbum tuum, & lu-*  
*men gressibus meis, Psalm. 119. 105.* De hujus legis perfectione & utili-  
 tate si sermonem instituerem, nullus esset dicendi finis. Videte sodes  
 in hanc rem Davidis Psalmum decimum nonum, ubi multa paucis &  
 contractius; ac Psalmum etiam centesimum decimum nonum, ubi e-  
 dem pluribus & diffusius exposita reperietis. Porro hujus legis duæ  
 partes



partes sunt : Lex propriè dicta, & Evangelium. Legem verò & Evangelium non hic intelligo in eo sensu, quo plerumque à Theologis sumuntur, pro binis DEI initis cum humano genere fœderibus; operum scil. & Gratiz : Sed populariùs, pro Scripturæ Libris Veteris & Novi instrumenti. Patres, ad nostrum saltem institutum non incommodè, Legem Veterem & Novam dixerunt. Utramque Legem, & Veterem illam Mosis in universum, & novam Christi quantum ad illam partem, quâ Moralia continet, ut inutilem prorsus, & Christiani hominis curâ studiove (postquam adultæ in Christo ætatis fuerit, & unctiōe Spiritus perfusus) indignam exagitant; nec nisi fidei Legem & Spiritus dictamen admittunt, nostri seculi Antinomi, Anabaptistæ, Enthusiastæ, & reliqua id genus prodigiosa nomina. Quos non est nunc refutandi locus, alia agentibus : neque est id profectò multum necessarium; quum in istiusmodi errorum monstra ita gladium jam olim strinxerit Jacobus Apostolus, ut videri possit spiritu quodam prophetico eorum refutationem datâ operâ suscepisse. Legis Veteris, quæ & Mosaica dici solet, notissima est illa distributio, quâ in tres partes distinguitur; Moralem scil. Ceremoniarum, & Judiciorum: De quibus singulis multa à multis variè disputantur. Quibus prætermisiss, quid de earum obligatione mihi sentiendum videtur, salvo tamen suo cuique judicio, breviter proponam. Dico igitur primò, nullam omninò latamâ Mose Legem obligare Christianorum conscientiam, directe formaliter & per se; quatenus scil. est à Mose lata aut tradita. Ratio est, quia omnis Lex Mosaica, quâ talis, fuit positiva: & Lex positiva non nisi eos obligat quibus posita est. Cum ergo Lex à Mose tradita, ubi tantum genti Hebræorum posita sit, ut vel ex ipso statim exordio, audi Israel, & toto insequentis sermonis caractere, facile quisquis animum adverterit intelliget; non poterit ad eos, qui extra illius gentis censum sunt, ita pertinere, ut eo nomine quod sit à Mose tradita, eos obliget. Quod si qua pars illius Legis nunc obliget Christianos, (ut certè obligant præcepta Decalogi) ex accidente id sit, & ratione materiz: non quia sic Moses præceperit, sed quia id, quod ab eo sic præceptum est, aut est Legi Naturæ consentaneum, aut à Christo est in Lege Novâ confirmatum. Dico secundò, Legem Mosis ceremonialem obligasse quidem Judæos in conscientiâ ante prædicatum ipsis Evangelium Jesu Christi: non item alios, nisi qui profelyti fierent Cultus & Religionis Judaicæ: qui cum

essent duorum generum, Profelyti scil. Portæ & Profelyti Justitiæ Judæis dicti, obligabantur ad præcepta ritualis observanda; pauciora quædam illi prioris generis, hi, pariter ac ipsi Judæi, universa. A Christi autem morte & resurrectione, ex quo tempore cœpit Judæis solis primum, dein post paulò & Gentibus, prædicari Evangelium, usque ad everisionem Templi Hierosolymitani & Politicæ Judaicæ, fuisse hanc legem (ac post Augustinum loqui amant) mortuam, sed non mortiferam: hoc est, amisisse quidem vim obligandi; non tamen fuisse ritus à Mose traditos prorsus illicitos, sed liberæ observationis; ita ut fas esset homini cuivis, prout res postularet, habitâ interim prudentiæ & charitatis justâ ratione, ipsis pro arbitrio vel uti vel non uti. Quam fuisse B. Pauli mentem, ex ipsius constanti tum doctrinâ tum præxi manifestius est, quam ut probari debeat. Post everisionem Templi denique à plerisque dici solere, non moruam solum esse hanc legis Mosaicæ partem, sed & mortiferam. Quod subvereor ne ingeniosius dictum deprehendatur quam solidius; nisi dextrè explicetur & cum adhibita distinctione. Non enim sunt omnia Ceremonialia pari loco habenda: sed illa quæ sunt Ordinis, & decentiæ, ab illis quæ futurum Christum figurabant, prudenter separanda. Ceremonias illas figurativas, quæ à DEO institutæ sunt, ut essent typi Christi redemptoris in carne venturi, ejusmodi fuisse Circumcisionem, Sacrificia, & aliam nonnulla similia, certum est ex quo Christus omnia illis ceremoniis typicè figurata reipsâ adimpleverit, & omnia ritè esse adimpleta universo orbi per Evangelii sui præcones sufficienter annuntiaverit, nullum jam ultra usum habere posse, proinde non solum ut emortuas & putidas è medio tollendas esse, sed ut pestiferas & exitiosas ab omni verè Christiano summopere fugiendas. Illud præsertim studiosissime cavendum, ut ne cum aliquâ necessitatis opinione observentur: juxta illud, Gal. 5. v. 2. *Ego Paulus dico vobis, si circumcidamini, Christum vobis nihil profuturum esse.* At illæ Ceremoniæ, quæ ad externum tantum decorem & cultus divini solennitatem, quandam pertinebant, etsi præstaret fortasse non usurpari, ubi saltem subesse potest justus scandali metus; non sunt tamen simpliciter dammandæ, ut illicitæ, hoc solo nomine, quod pædagogicæ Mosaicæ pars essent. Dico tertio, ut nonnulli distinguant inter Leges Moïsis Politicas eas, quæ erant Juris communis, quarum etiam notas quosdam assignant & *νεμερα*, & eas, quæ erant Juris particularis; non esse

neces-

necessarium ista sic distingui : imò rotundè affirmare posse , ex iis Legibus Moſis , quæ Politicæ aut Judiciales dicuntur , nullam omnino obligare Chriſtianos Magiſtratus in utramvis partem : quin ut iſſis liceat , pro arbitratu ſuo , & prout incolumitati & utilitati Reipublicæ videbitur expedire , eandem ſpud ſubditos ſuos ſancire , vel non ſancire . Dico quare , Legem Moralem , à Moſe traditam , hoc eſt præcepta Decalogi , obligare omnes Chriſtianos pariter ac Judæos , ad eam obſervandam . Et hoc quidem omnes , quod ſciam , Proteſtantes uno ore conſentunt : quo majorem nobis injuriam ſcit Bellarminus , qui nos fingit in eo ponere Chriſtianam libertatem , ut nulli legi ſubj: cti ſimus in conſcientiâ , Moſes autem cum ſuo decalogo nihil ad nos pertineat . Viderit quomodo ſe calumnia liberet ; ſuesque ( ſi nos in hac culpa ) eodem crimine . Agitur enim hæc controverſia inter ſuos Scholaſticos , teneantur Chriſtiani præceptis Decalogi , quatenus ſunt declaratiya Legis Naturæ tantum , an etiam quatenus ſunt Moſi à DEO , DEIque jūſſu à Moſe populo DEI tradita , & in ſacros Codices relata ? aliis utrumque affirmantibus , aliis è duobus alterum negantibus ? Eſt & in noſtris Eccleſiis eandem reperire hæc de re ſententiarum , ( ſi tamen ſententiarum , & non verborum potius ) diverſitatem . Cæterum cum & illi inter ſe , & nos cum illis in eo , quod rei caput eſt , hæcenus conſentiamus ; habere ſimilem legem eam , quæ à Moſe tradita eſt , & in præceptis Decalogi continetur , vim obligandi noſtras Chriſtianorum conſcientias : forteſſe non eſt operæ precium , unde illam obligandi vim obtineat , multum litigare . Conſultius tamen mihi loqui videntur , qui dicunt , Legem illam Moſis non obligare Chriſtianos formaliter , & quâ talis , hoc eſt quatenus à Moſe tradita eſt ; ſed tantum ratione Materiæ , quatenus declaratiya eſt legis Naturalis : & proinde vim ſuam obligandi omnem non ab authoritate Moſis eam ſive ferentis ſive tradentis derivare , ſed ab ipſo Naturalis legis dictamine , quam DEUS mentibus noſtris & inſeivit in prima creatione , & ut voluntatis ſuæ monitorem in iſſidem etiam poſt lapſum voluit permanere . Hæc de Lege vetere & Moſaica . Lex Nova ſive Chriſti , hoc eſt , Evangelium tria iſta continet : Myſteria fidei credenda , ſub quo capite complector , & promiſſiones DEI gratuitas ; Judicia Sacra Ceremonialia & Eccleſiaſtica : & præcepta demum Moralia . De quibus dico , & primum de omnibus univerſim , Evangelium non obligare niſi vocatos , id eſt , eos ſolos , quibus annunciatum eſt . Quia ubi Lex non eſt , nec transgreſſio eſſe poteſt : moraliter autem ,

tem, præsertim in supernaturalibus idem est non esse, & non apparere, sive non ita sufficienter proponi, ut possit iis innotescere. Disertè Servator ipse, Johan. 15. v. 22. *Si non venissem, & locutus essem eis, peccatum non haberent*: i. e. non rei essent sprete Evangelii. Obligare tamen omnes, quibus prædicatum est, ad obedientiam tum fidei, tum vitæ, ita ut teneantur omnes, quibus Evangelium annunciatum est, & in Christum credere ut Redemptorem, & ipsi ut Legislatori parere: quod utrumque ni fecerint, in neglecti officii supplicium, pœnas æternas luent. Dico secundò, obligari Ecclesiam Christianam ad Instituta Sacra, (hoc est ad verbi prædicationem, Ministrorum Evangelii ordinationem, & Clavium tum scientiæ, tum potestatis, exercitium) in iis omnibus, quæ ad ipsorum essentiam pertinent, juxta institutionem Christi & Apostolorum: ita ut non liceat ei, multò verò minùs particulari alicui cœtui aut personæ, inde quicquam sponte vel imminuere vel immutare. Cæterùm externas Sacrorum Institutorum circumstantias ita esse liberas, ut possit Ecclesia quævis particularis, pro ratione locorum prout ex usu fuerit populi DEI, & ut ædificationi videbitur expedire, ita de eis statuere. Dico tertio, Novi Testamenti Moralia Præcepta, eadem esse quoad substantiam cum Moralibus Veteris Testamenti: & utraque ad Legem Naturalem, quæ in decem Præceptis Decalogi continetur, esse revocanda; sicut omnia entia realia revocantur ad decem Prædicamenta. Esse tamen præcepta Christi in lege nova, ut Sancti Ecclesiæ Patres ubique testantur, præceptis Moysi in Veteri Legge, quoad aliqua multò præstantiora; non eo solum respectu, quod plenius, clariùs & explicatiùs proponuntur; sed quatenus etiam altiùs assurgunt, & ad eminentiorem perfectionis gradum Christianos provocant: idque efficacissimis utrinque *ῥητιμαίσις*, proposito scilicet eis ex unâ parte Exemplo Christi præterito, ex alterâ amplissimo regni cœlestis futuro præmio. Ut in duobus illis magnis vitæ Christianæ officiis vel maximè patet, de diligendis inimicis, & tollendâ cruce, in lege novâ imperatis. Neque enim sunt illa, sicut aliqui somniant, eo duntaxat loco habenda, ac si Consilia tantum essent vitæ perfectioris; quæ sint omnibus proposita quidem sub conditione præmii amplioris, neminem tantum obligent sub peccato, nisi siqui se voto ad ea observanda obstrinxerint. Quinimo verè Præcepta sunt, eaque propriè dicta, & universaliter obligatoria: ad quorum observationem, sub gravi peccati culpâ (abnegati scilicet Christi,) & æternæ damnationis (ni resipiscant)



piscant) pœnâ obligantur, quocunque Christi fidem nomenque pro-  
 fiteantur. Et hæc de secundo mentis lumine dicta sunt. Tertium re-  
 stat, quod Lumen Acquisitum diximus. Quod sanè nihil aliud est,  
 quam ἀπὸ λείψμα quoddam & incrementum illius luminis (sive Na-  
 turæ, sive Revelationis) quod ante menti inerat, quoad aliquem chari-  
 tatis gradum: Cum scil. Voluntas DEI, cujus cognitio mentibus no-  
 stris hæcenus illuxit, (sive internè impressa in lege naturæ, sive externè  
 in verbo revelata,) aut propriâ meditatione, aut alienâ institutione,  
 clariùs adhuc nobis innotescit. Cum media præcipua sunt; Discursus  
 Rationis, & Autoritas, (hoc est iudicium & praxis Ecclesiæ) de  
 quibus nec patitur tempus, ut multa dicam; nec ut multa dicantur, res  
 ipsa postulat. E Lege Naturæ deducuntur per discursum Rationis  
 ad usum Conscientiæ, multæ particulares de rebus agendis Propositio-  
 nes; velut Conclusiones ex suis Principiis. Quâ in re, nisi à prima  
 ab ultimam ritè procedatur, proclive est errare; ut ante dictum est.  
 Quare diligenter videndum, ut in singulis partibus discursus legitimus  
 fiat processus, utque posteriora quæque à prioribus aptè pendeant, &  
 ex eis necessario consequantur; ne Conscientia in errorem prolapsa vo-  
 luntati aliud aliterve, quam oportuit, dicat. Periculum iidem est, ne  
 in applicandâ Sacrà Scripturâ ad usum Conscientiæ similiter erretur;  
 nisi & rationis iusta ratio habeatur, & Autoritati suæ constet autori-  
 tas. Pontificii, dum in illam partem omnia studia sua conferunt, ut ne-  
 quid Ecclesiæ suæ auctoritati decedat, parum deferunt Rationi; Soci-  
 niani ex adverso, dum rejectâ omni auctoritate fidem solâ ratione me-  
 tiuntur, id tandem agunt, ut cum Ratione insaniant. Unus utrisque  
 error: sed variis illudit partibus. Vitabitur uterque scopolus non ali-  
 ter commodius, quam si cum ratione auctoritas, cum auctoritate ratio,  
 scitè & prudenter conjungantur. Hæcenus ille. Sed in eo hallucinatur pri-  
 mò, quod putat legem naturalem esse partem illius divinæ Imaginis, ad  
 quam dicitur homo primum conditus & efformatus, Gen. i. illa enim con-  
 sistens in iustitia & sanctitate veritatis, Eph. 4. v. 24. totaliter est amissa,  
 nec reliquæ illius animæ super sunt in homine lapsa, alia verò est ratio, si  
 Imago Dei accipitur laxè & in sensu ecclesiastico, quo modo & respectu  
 Theologi ad reliquias illam legem retulerunt. Secundo quod statuit le-  
 gem Moysi non obligare Christianos formaliter & præcepta nova ad-  
 mittit in Lege nova. Tertiò denique quod ad Lumen acquisitum addit  
 auctoritatis præcipuum Usus.



## XI.

Dividitur communiter Conscientia in rectam, erroneam, probabilem, dubiam & scrupulosam, & hoc ex eo, quia quinque potissimum modis contingat Intellectum ex principiis communibus judicare, vel se habere circa actionem in particulari. Aut enim concludit ex principiis veris & certis, & erit conscientia recta, aut ex principiis falsis, creditis tamen pro veris & certis, & erit conscientia erronea, aut ex probabilibus seu vero similibus tantum & erit conscientia probabilis, aut Intellectus nihil concludens, suspensus manet, circa honestatum actionis, & erit conscientia dubia, aut denique Intellectus inani motivo titubans malum solum suspicatur & timet, & est conscientia scrupulosa.

## XII.

Verum num hæc divisio sit adæquata & satis concinna, merito dubitari potest. Nam primò ipse Caramuel in plura segmenta propendet, & tale Schema exhibet in Theologia intentionali, lib. 3. Ita differens: Bonæ Conscientiæ mala opponitur, & quia ipsa suos habet bonitatis gradus, oportebit considerare oppositos gradus malitiæ.

## CONSCIENTIÆ GRADVS

(non enim sunt species) ad hanc pos-  
sunt Categoriam reduci.

## CENSURA.

		CENSURA.		
		Si hæreat.	Si asserat.	Si neget.
CON- SCIEN- TIA.	DUBIA	Secura & Prudens.	Temera- ria. Et impro- babilis.	Prudens, & sibi consulens.
	PROBABILIS	Prudens.	Minus probabilis.	Magis proba- bilis.
		Prudens.	Æquè probabilis.	Æquè proba- bilis.
		Prudens.	Magis probabilis.	Minus proba- bilis.
CER- TA		Imprudens.	Indubita- ta moral.	Temeraria: Im- probabilis.
		Imprudens.	Indubita- ta real.	Temeraria: Im- probabilis.
		Periculo- sa.	De Fide.	Hæretica.

Sed & dari solent dictamina confusa, & ex præcedentibus mixta.

Dixi

Dixi Dubia-negative nullam conscientiam opponi, hæc enim hæsitabunda est, & in nullam contradictionis terminum inclinans: videtur abstractorum naturam sapere; Animal enim ut sic, nec opponitur rationali nec irrationali, & dubium negativum nec errori nec scientiæ: si conscientia dubia subiecto accidentis contrariorum compareretur, stabit similitudo, nam sicut ligno accrescit calor aut frigus, sic & dubio scientiæ aut error: & tamen, sicut nec calori nec frigori lignum opponitur, sic nec scientiæ nec errori dubium. Lignum accedente alterutra qualitate nil positivum, sed solam privationem perdit, accedente scientiâ aut errore nil positivum intellectus dubius, sed solam certitudinis aut erroris privationem amittit. Timidæ audax opposita, & utraque in morbo consistit. Melancholia tristitiaque sæpè timorem, nonnunquam audaciam, imò temeritatem, & contemptum aut desperationem pro materiæ quantitate parturiunt. Scrupulosæ audax & temeraria etiam opponitur. Sanè scrupulosa cauta, ab opere abstinere, quod vel levi conjectura apparet illicitum: Audax autem, aut temeraria, quia semper arrogans & præceps est, cum vel levissima ratione excusari se judicat, illicitas actiones committit. Probabili opponitur improbabilis, & magna differentia à Non probabili, Audaci, & Temeraria distinguitur; nam Non probabilis est illa, quæ probabili ratione caret, vel quod nullam habeat, vel nullam robustam. Si nullam omnino, conscientia taliter Non probabilis, à dubia negativè non differt; aut saltem ab audaci, si aliqualis accidat præsumptio aut desperatio ex melancholia aut merore suborta: si habeat rationes aliquas, sed nullam gravem, temeraria est. Cum autem aliud sit te non videre, rationes esse, probabiles, aliud & omnino diversum, te videre non esse probabiles: temerariam dicam, conscientiam illam, quæ operatur ubi saltem probabilitatem non videt; improbabilem, quæ etiam, ubi videt non esse probabilitatem. Erronea contrævidentem militat; ubi enim altera contradictionis pars est evidens, altera sine errore defendi non potest. Hæretica contra assertum fidei: nam circa objectum, de quo nihil revelatum, hæresis versari non potest. Secundò datur etiam conscientia mollis, & cauteriatæ, quæ occalluit. Secundum Scripturam, 1. Tim. 4. v. 2. Tertio dubia & scrupulosa conscientia non videntur mereri nomen & essentiam conscientiæ, tum quia omne Judicium videtur dividi posse in verum, probabile, & erroneum, tum quia si conscientia dicitur

judicium,

judicium, qui dubitat & nescit utri contradictionis parti accedere debeat, non judicat, sed judicium suspendit, tum quia alii etiam Doctores videntur illis derogare, nec admittere tanquam species sub genere conscientiz contentas.

## XIII.

Conscientia recta illa dicitur, quæ conformis est Regulæ, seu quæ id faciendum aut omittendum dicat, quod cum legibus divinis vel naturæ, vel etiam humanis verè convenit aut disconvenit; adeoque Basis rectæ conscientiz primariæ & immediata est lex divina & naturalis, secundaria & mediata lex humana, & sicut antecedens circa facienda & omittenda occupatur, ita consequens circa facta vel omissa, quæ Bonitatem vel Malitiam aliquam involvunt. Modus autem dicendi est, vel per modum Imperii, vel suasionis, ille quidem obtinet in illis, quæ absolute sunt facienda vel omittenda, hic verò in illis, quæ sub ratione melioris offeruntur, utrobique autem homini nil nisi Obsequii gloria relicta. Nec male Bernhardus in libro de interiore Bono, c. 20, quanquam alio paulo sensu: Recta conscientia est, cui suum peccatum displicet, & alieno non consentit, nec propter hanc peccatorem dimittit, nec ejus peccatum dissimulat, & cum corripit, non insultat. Tranquilla est, quia omnibus dulcis est & nulli gravis, utens amico ad gratiam, inimico ad patientiam, cunctis ad Benevolentiam, & quibus potest ad Beneficentiam,

## XIV.

Non autem probanda videtur nobis primò Sententia quorundam Doctorum in Papatu Conscientiz rectæ triplicem gradum secundum triplicis generis principia, ex quibus procedere debet, assignantium, ita, ut Conscientia recta primi gradus ac naturalis sit dicenda, quæ formatur ex principiis legis naturalis, v. gr. mihi non esse furandum, quia quod tibi non vis fieri, alteri nè feceris; secundi gradus sit, quæ formatur ex principiis legis divinæ positivæ per Scripturam, vel traditionem infallibilem propositis intellectui, quæ quidem sicut contingat ignorari vel variis opinionibus involvi, unde tot hæreses & opiniones etiam in rebus fidei & morum, ideo conscientia inde deducta varia & etiam erronea invincibilis esse possit; tertii gradus sit, quæ formetur ex legibus positivis humanis. Nam primus gradus potius tribuendus esset illi Conscientiz, quæ ex principiis legis divinæ formatur, agnoscante nostro Balduino,

duino , qui ita cenſet : Lex naturalis obligat conſcientiam , ſed non tam propriè ut verbum DEI , quia licet cum verbo congruat , imbecillis tamen , languida & imperfecta eſt poſt lapſum. Præterea ſupponit hæc ſententia , quæ verbi divini ſunt , eſſe tantum legis divinæ poſitivæ , ſuppoſita procul dubio falſa illa hypotheſi , quod Decalogus & lex naturæ coincident , denique traditiones ſubdole adjunguntur , quæ ſcil. ſecundum Concilii Tridentini Decretum pari pietatis affectu cum Scriptura exoſculandæ , quas perfectioni Verbi derogare abundanter noſtri Theologi oſtenderunt. Secundò ſententia Bellarmini , quem cæteri quoque ſequuntur , qui lib. 4. de Romano Pontifice accenſet legibus poſitivis conſcientiam , regulantibus leges eccleſiaſticas à Papa & Epiſcopis ſancitas. Tertiò ſententia quorundam Pontificiorum , inter quos recenſetur Oviedo , tract. 5. controverſ. prima punct. 3. num. 22. qui deſumunt veritatem vel falſitatem practicam conſcientiæ à conformitate vel difformitate cum appetitu recto , ita ut tunc actus conſcientiæ dicatur practicè verus , quando actus voluntatis ab illa regulatus eſt rectus & honeſtus.

## XV.

Judicium autem ſeu Dictamen Intellectus poteſt eſſe verum ſive rectum , vel falſum dupliciter , ſecundum Doctores , ſpeculativè & practicè. Speculativè verum illud dicitur , quod eſt conforme , falſum verò , quod eſt difforme objecto ſuo , adeoque ita dictat vel enunciat agendum ſicut revera ſe res habet , aut aliter quam res ſe habet. Judicium verum practicè eſt , quod conforme rectæ rationi formatum ſcil. ex motivo rationabili ac prudenti ſecundum conditionem perſonæ operantis , practicè autem falſum eſt , quod difforme rectæ rationi , practicæ formatum ſine ſufficienti & rationabili motivo , ſecundum conditionem operantis. Applicatio autem principii ad concluſionem practicam , primò poteſt aliquando eſſe vera & ſpeculativè , & practicè , & tunc emerget conſcientia ſimpliciter vera & recta. Talis fuit conſcientia Jacob petentis ingredi ad ſponſam ſuam Rachelem Gen. 29. veluti ratiocinantis. Honeſtum & juſtum eſt ingredi ad ſponſam & uxorem ſuam propriam. Principium veriſſimum. Sed Rachel hæc eſt uxor mea propria , deſponsata ſeptennali ſervitio jam abſoluto. Applicatio etiam veriſſima , & ſpeculativè , quia conformis ſuo objecto ; & practicè , quia conformis rectæ rationi , fundata ſcilicet rationabili & liquidò motivo con-

N n

tractus

erroris legitimi facti. Ergò rectissimâ conscientia infert Jacob : Honestum & justum est ingredi ad hanc , dicens : Da mihi Rachel uxorem meam , pro quâ servivi tibi. Secundò Applicatio illa potest esse speculativè quidem falsa , practicè tamen vera , & tunc similis sequetur conscientia , dicta erronea invincibilis. Talis fuit conscientia ejusdem Jacob ibid. ingredientis ad Liam loco Rachelis suppositam à socero Laban , ac ita fortè ratiocinantis. Justum est ingredi ad suam. Principium verum. Atqui hæc est mea uxor : applicatio hæc , seu minor etsi speculativè falsa , quia difformis suo objecto , practicè tamen vera fuit , quia ex sufficienti & rationabili motivo sic judicavit , & secundum rectam rationem nec debuit , nec potuit judicare aliter. Non enim debebat , nec licitè poterat , sine causa de proximo suo , præsertim consanguineo & socero Labano judicare , vel suspicari malam fidem & fraudem in re tam gravi. Ergò , licet speculativè falsa & erronea , practicè tamen omninò verâ conclusionem & conscientia intulit Jacob : Licet mihi ingredi ad hanc. Et dicitur hæc conscientia erronea , invincibilis & inculpabilis : quia error ille speculativus , eo ipso , quia ex rationabili motivo processit , ut recta ratione aliter judicari non possit vel debeat , censetur moralis studio non posse vinci vel deponi , nec consequenter culpabilis. Tertio denique applicatio illa potest esse etiam practicè falsa , & nascetur conscientia erronea vincibilis , qualis potuisset esse conscientia Jacob ingredientis ad Liam , si à viro gravi & fide digno de fraude admonitus , aut ipse fraudulentiam soceri sæpius expertus fuisset , & tamen sine alia adhibita diligentia inquirendæ veritatis ad Liam intrasset : Esto enim verum principium : Justum est ingredi ad suam , at applicatio : Hæc est mea : falsa fuisset , non tantum speculativè , quia difformis suo objecto , sed etiam practicè , quia difformis rectæ rationi practicæ : quia sine sufficienti rationabili motivo ita judicasset , si habitâ probabili suspitione fraudis , aliam diligentiam cognoscendi veritatem non adhibuisset : consequenter conscientia speculativè & practicè falsâ & erroneâ ad Liam intrasset & peccasset. Et dicitur talis conscientia vincibilis & culpabilis : Quia eo ipso , quo absque sufficienti motivo sine debita diligentia inquirendi veritatem , erratur , censetur error moralis studio vinci ac deponi potuisse , adeoque culpâ non vacare in re quam scire debemus : Ut si licet jejunii dubitans de præcepto , absque alia inquisitione tibi persuadeas non esse jejunium , licet vesci carnibus , &c. Conscientia erronea



ronea vincibilis & culpabilis esset, nec excusaret à transgressionis peccato: ut exponunt Doctores Pontificii.

## XVI.

Divisi verò sunt primò fratres circa iudicium Conscientiæ, quale scil. requiratur ad Bonitatem vel malitiam actus humani. Quidam enim cum Cajetano & Navarro ad bonitatem moralem requirunt iudicium practicè certum excludens omnem formidinem partis oppositæ, quidam verò, qui laxiores, sufficere putant iudicium probabile practicè dictans aliquid licere, tamen cum formidine partis oppositæ, quod maxime placet Salasio, tract. 8. seq. 4. Lorcæ disp. 34. Vasquezio disp. 62. cap. 5. Montelino disp. 29. quæst. 5. & Thomæ Sanchezio lib. 1. summæ cap. 9. num. 18. Secundò divisi sunt in eo, an contra conscientiam agere sit peccatum speciale, quod affirmat in 4. quæst. 4. & Angelus in moralibus cap. 7. Dub. 3. communiter vero negant, cum Medina, Corduba, Valentia, Granada, Azorio, idque ex eo, quia si agere contra Conscientiam esset speciale peccatum, secuturum, quod quoties quis peccat peccato furti, e. gr. toties duplex peccatum committeret. At hoc non est absurdum, & gemellum argumentum illi, quod contra votum Baptismi urgent Pontificii, quod scil. si promissio in Baptismo votum esset proprie dictum, omnia Christianorum peccata essent duplicia, quia contra legem & contra votum, quod tam absurdum nostris non est, ut ambabus manibus amplectantur sententiam illam, de duplici peccato, prælucente non tantum Origene homilia 12. in Jerem. sed & Nizianzeno Oratione 40. cujus sunt sequentia. Nam cum ad mutua hominum pacta firmanda DEUS medius adhiberi solet, quantum quæso periculum est, ne fœdera cum ipso contracta perfergisse reperiamur, ac præter alia peccata ipsius quoque mendacii, apud veritatis Tribunal rei peragamur: quid annon satis clarum illud Christi Lucæ 12. vers. 47. *Servus, qui scit voluntatem Domini sui & non facit eam plagis vapulabit multis*: unde autem nisi ex multiplicato peccato. Tertio, divisi sunt circa obligationis in conscientia Dispensabilitatem, quibusdam cum Andrea à Castro novo & Corduba, illam admittentibus malè, quibusdam verò & quidem rectius, negantibus.

## XVII.

Erronea Conscientia illa dicitur, quæ difformis est Regulæ sive Legi, vel cujus Iudicium à jure divino aut humano discedit, & quæ

dictat faciendum vel omittendum, quod faciendum vel omittendum non est, de qua disquiritur, num obliget, ita ut peccet, qui contra illam agit? ubi confestim distinguendum inter ignorantiam & errorem, vincibilem, qui scilicet ab homine debitam adhibente Industriad & operam evitabilis, utpote, qui ignorat, quæ scire poterat ac debebat, & invincibilem, qui nulla opera humana caveri aut declinari potest, & utraque vel juris vel facti esse dicitur, nec non vel de re per se bona aut mala vel etiam de aliqua indifferenti, si error est vincibilis, atque de re bona aut mala per se tali peccat sanè tamquam secundum, quam, qui contra conscientiam errantem agit, prius in errorem consentiendo, & id ad quod tenetur deponere, non deponendo, non diligentiam debitam adhibendo. Posterius animo suo vim inferendo, utut animalis actio in se spectata legi non repugnèt, interim quia mens hominis hîc quoque venit consideranda, eo ipso, quo contra illam agit, peccare censendus erit, & hoc docet Paulus: *Scio & confido in Domino Iesu, quia nihil commune per ipsum, nisi ei, qui existimas quid commune esse, illi commune est*, Rom. 14. v. 14. si vero error invincibilis sit, ut de re indifferenti, censent Doctores peccare, qui contra conscientiam errantem agit, non verò, qui secundum eam, qui enim contra conscientiam errantem agit ex eo malè agit, quia actio ejusmodi conjuncta est cum peccandi & leges transgrediendi voluntate. Non autem peccat, qui secundum illam agit, quia sequitur normam agendorum, utut conscientia ignorantia vel errore nulla humana diligentia superabili laboret.

## XVIII.

Nimis vero laxè hîc sunt Pontificii Doctores, qui primò cum Francisco Bardi, Jesuita in Collegio Panormitano Professore statuunt, Conscientiam etiam erroneam invincibilem actum sibi ea conformem honestum, seu moraliter bonum efficere, imo ut alii addunt, meritorium. Atque hanc communem esse sententiam tradunt & confirmare satagunt. Ratio ipsis est, quia actus humanus sumit suam specificationem adeoque honestatem, seu bonitatem & malitiam moralem ab objecto, non secundum se, prout est à parte rei, sed ut proposito seu representato ab intellectu per dictamen rectæ rationis, si non speculative, saltem practice verum: cum enim voluntas potentia cæca, non possit tendere in objectum nisi ut propositum ab intel-

intellectu : intellectus autem noster pro hoc statu difficulter cognoscat singularia , præsertim practica , ob eorum diversissimas circumstantias , nec ratio , nec bonitas divina permittit voluntatem in honestè operando dependere ab objectis prout sunt in se ; sed prout rationabiliter proponuntur ab intellectu : atqui etiam conscientia erronea invincibilis practicè verè proponit aliquid esse bonum honestum , v. g. *mentiendum officiosè pro servanda vita proximi : furandum ditiori ut des egenti* , &c. ergò voluntas in sua operatione sequens conscientiam etiam erroneam invincibilem efficit actum honestum seu bonum moraliter , illius nimirum virtutis , cuius esse rationabiliter putatur : adeoque tunc mentiri vel furari erit verus actus moralis misericordiæ vel charitatis , & tunc etiam meritorius : sicut econtra , non sequens vel contra faciens efficit actum peccaminosum , contra illam virtutem. Secundò frustra quidam distinguunt inter ligare & obligare cum Durando , Gregorio , Angelto , Almaino , statuentes conscientiam erroneam non obligare , sed ligare , quia nulla possit esse obligatio ad faciendum id , quod in se sit illicitum de quâ Judicium. In hac Opinione judicant alii non hærendum , quia solâ voce dissentire possit ab aliis : in uno enim sensu verè dicit , non obligare conscientiam ; nam absolute loquendo non teneor illam sequi , sed potius debeo eam deponere , in eodem tamen sensu debuisset dicere Durandus , nec eam ligare ; quia si possum me ab ea expedire , non sum propriè illâ ligatus. Quod si , quatenus non possum contra eam , seu eâ durante , facere contrarium ei , quod dicat , dicenda sit ligare , ut etiam videtur innuere Thomas in 2. dist. 39. art. ult. in corp. dum ait , obligationem conscientiz nihil esse aliud , quàm vinculum quoadstringimur , ut non possimus sine peccato aliud operari : si , inquam , in hoc sensu explicetur illa vox *Ligare* , sine dubio verum dicit ; quoad latinitatem verò deficit , quia sicut illud vocatur ligamen secundum quid , ita etiam secundum quid debuisset dici obligare. Tertiò , Gabriel Vasquez reprehenditur ab Arriaga , quod disput. 60. num. 4. ut explicet , quo pacto conscientia erronea obliget , doceat in Mente illius , quæ eam habet duo esse diversa judicia : quando v. g. putat se teneri ad mentiendum propter tutandam vitam innocentis : Unum , dicit , necessarium est mentiri ; alterum , peccatum est non mentiri. Primum iudicium ( ait Vasquez ) non obligat , si verò secundum. Cui subiicit sententiam suam crismâ his Verbis : Ego tamen nulam agnosco inter ea

duo judicia differentiam; nam primum, quod dicit, necessarium est mentiri, non id dicit per modum imperii; bene enim alibi ipse Vasquez talia imperia rejicit: nec item dicit physice, necessarium est mentiri, agnoscit enim homo se esse liberum physice ad non mentiendum; ergo solum potest dicere illud judicium, moraliter necessarium est mentiri, hoc est, ne peccem necessarium est mentiri: hoc autem dicit formalissime secundum illud judicium, & nihil amplius; ergo non duo, sed unum sunt; ideoque non minus unum quam alterum obligat. Nec video, quomodo ibi Vasquez differentiam invenerit; forte fuit error calami, vel typographi, & loco necessarium debeat scribi licitum; & sic recte apparet & diversitas judiciorum, & quo pacto primum non obliget; nam dicere, licitum est mentiri, non inducit obligationem; non enim omnia, quæ sunt licita, sunt eo ipso obligatoria. Vel certe alius fuit error, ut, loco necessarium dici debuisset, malum est mentiri; per secundum verò judicium etiam d. catur, malum est non mentiri. Et hic sensus videtur ibi fuisse magis intentus à Vasquez, ut explicet, quomodo talis homo per conscientiam erroneam utrumque judicat esse peccatum. Primum autem judicium non obligat ad mentiendum, potius retrahit seu obligat ad non mentiendum.

## XIX.

De Conscientia erronea vincibili statuunt Doctores, illam non obligare positive ad sui sequelam, sed negative tantum ad non agendum, contrarium, quamdiu durat. Non obligat positive ad sui sequelam. Ratio est. Quia nulla potest esse obligatio ad malum formaliter: sed actus factus ex conscientia erronea vincibili, culpabiliter dictante bonum, quod revera malum est, & ipse formaliter malus est, & indirecte saltem voluntarius in sua causa, scilicet errore vincibili: Eo ipso enim quo, cum potuisses & debuisses vincere errorem inquirendo veritatem, culpabiliter neglexisti, sicut indirecte saltem voluisti ipsum errorem, ac voluntarie malum pro bono habuisti: ita operando censuris indirecte saltem voluisse ipsum malum voluntarie ignoratum: Ego conscientia erronea vincibilis non potest obligare positive ad sui sequelam, quin potius actum sequentem formaliter malum efficit. Obligat negative ad non faciendum contrarium quam diu durat. Ratio est. Quia nunquam licet agere, id quod actu proponitur esse malum; sed conscientia erronea etiam vincibilis, falso licet, dictans aliquid esse agendum.

dum ut bonum debitum, v. g. pejerandum ad liberandum hominem: hoc ipso dicat ejus oppositum, utpote, nolle pejerare ad liberandum hominem, esse malum contra misericordiam vel charitatem: ergo conscientia erronea vincibilis quamdiu durat & dicat, obligare negativè ad non faciendum oppositum: idque pro ratione dicamini.

## XX.

Oritur autem conscientia erronea secundum Doctores, ex duplici genere causæ, quorum aliud formale aliud eff. Activum: formale autem appellant modum quemdam, sub quo generatur, illumque declarat Thomas quæst. 17. de verit. artic. 1. & Antoninus in summa part. 1. titul. 3. cap. 10. §. 3. & ajunt esse duplicem, quia conscientia, cum sit quædam applicatio scientiæ ad aliquem specialem actum, ipsa applicatio poterit esse deficiens, vel quia id, quod applicatum sit falsum; vel quævis verum sit, malè tamen applicatur: quemadmodum in rebus speculativis conclusio deficiens esse potest, vel quia ex falsis præmissis infertur, vel quia veræ præmissæ non rectè disponuntur secundum formam syllogisticam; exemplis omnia explicant: primò autem modo conscientia error accidit ex applicatione falsi, & quoniam, ut ex dictis est manifestum, conscientia synteresis notitia utitur, quæ errare nequit, cum sit circa principia per se nota, idcirco in majori propositione notitiam hanc continente non contingit error, in minori vero juxta primum hunc modum assumpta invenitur falsum, atque adeò conscientia erit falsa, quia conclusio, in qua ipsa conscientia sita est, talis erit. V. G. si intellectus hoc principio practico, & per se noto utatur, quod synteresis subministrat: Omne, quod à DEO prohibetur, est malum; & ratio superior subministret minorem ex falsa sacrarum literarum intelligentia: Omne juramentum à DEO prohibetur, dum Jacobi 5 dicitur; *Nolite jurare, neque per cælum, neque per terram, neque quodcunque aliud juramentum, &c.* Ex his præmissis falsum concludat: Ergo omne juramentum est malum; conscientia ista in conclusione erit erronea per assumptionem minoris, quam subministrat ratio superior, vel si dicas: Nullus contractus habens æqualitatem justitiæ est prohibitus, iste contractus inter me & Titium habet æqualitatem justitiæ; ergo non est prohibitus. Si autem per assumptionem eveniat, ut ille contractus sit usurarius, conscientia concludens erit errans per assumptionem minoris subministratæ à ratione inferiori, major erit vera, & manifesta.

## XXI. Se.



## XXI.

Serenat autem Conscientiam Ignorantia, vel Errore involutam Verbum Domini, quod Lucerna pedibus nostris, Psalm. 119. neque melius agere potest, quam si ad illam deponat ignorans vel errans illam, de quo tamen contendunt. Ut videre est apud Tamburinum lib. 1. §. 119. 11. 12. scribentem: Non peccaret quis ex Conscientia erronea, si errorem relinqueret, seu à se illum removeret. Docet ergo Cajetanus, p. 2. q. 19. 2. 5. posse huiusmodi errorem removeri sine ulla nova superveniente ratione, sed solum per exclusionem iudicii erronei. Errat, v. gr. quis putando hodie esse diem festivum; iudicet non esse, & sic laboret. Vasquez 2 p. 2. d. 67. c. 1. num. 5. vero docet debere adesse rationem, quæ vincat ill. m. errorem, non quancumque, sed efficaciorē illā, per quam conceptus est error. Putavit quis v. g. hunc diem feriz esse diem festivum ex dicto unius testis fide digni, non potest deponere hunc errorem nisi vel per plures testes eadem fide dignos, vel per testem digniorem certior fiat de contrario. Ajo enim primò contra Cajetanum, necesse, ut error deponatur ex vi alicujus rationis saltem probabilis. Ratio est, quia secus, temerariè prius illud iudicium licet in se erroneum, sed à te non ut sic cognitum relinqueres. Adde, si nulla affulget ratio contra ejusmodi prius iudicium, non posse intellectum judicare contrarium, quancumque à voluntate imperetur; intellectus enim est potentia necessaria, quæ objecto cuilibet non assentitur, nisi ex vi alicujus tandem veritatis visæ in aliqua ratione saltem probabili. Limitant nonnulli Merolla aliique quos citat. sequiturque Bardi de consc. disc. 3. c. 11. n. 5. Pergit secundò contra Vasquez, ad depellendum errorem, de quo loquimur, satis esse rationem probabilem, nec necessarium esse sive probabiliorem, sive efficaciorē. Ratio est ducenda ex eo principio quod infra §. seq. 2pe repeterur, nimirum posse quemlibet moveri ad prudenter operandum ex qualibet ratione probabili: Si igitur unus dignus fide asserat hodie non esse diem festivum, alter verò eadem dignus fide neget, cur in tanta æqualitate illi potius, ut contendit Vasquez, fides habenda sit, quam huic; Cerrè, vel neutri, vel probabiliter alterutri, ut maluerō. Vide etiam Bardum.

## XXII.

Probabilis Conscientia illa est, quæ facienda vel omittenda dicat cum formidine aliqua oppositi. Quæ probabilis dicitur, quia ex  
prop-

principiis probabilibus tantum procedit, ut enim cum sub principio *autentico* ratio subsumit aliud principium certum, nascitur conscientia recta, ita quum eadem Ratio assumit per opinionem probabilem principium incertum, quidem cognitum & cui falsum subesse possit, atramen certo verisimile ac probabile, oritur Conscientia probabilis seu opinativa, requiriturque hic assensus, ut scil. Intellectus assentiatur objecto, & ad unam contradictionis partem ob certas rationes aliquas declinet, quaratione à dubia distinguunt, ubi merum ancipitium, nec non præter illum assensum formido oppositi, non quidem dubitativa, quia ad alteram contradictionis partem inclinat jam conscientia, sed assertiva, quæ scil. non exclusiva determinati assensus, cum rationes sunt in proclivi Assensus, verum ex defectu evidentiz aut certitudinis ex quo fieri potest ut opposita pars sit vera. Duo autem illius secundum Bardum capita sunt universalialia, seu fundamentalia nempe Autoritas & Ratio est scribentem: Hoc fundamentum duplex, extrinsecum omnino, & talis est auctoritas; vel connexum, & aliquo modo intrinsecum, & tales sunt rationes adinventæ ad probabilitatem suadendam, & opinionem ipsam: proinde opinio aliqua dici solet probabilis per principia extrinseca, & intrinseca, vel alterutro ex his, modo explicato, siue magis, siue minus juxta qualitatem fundamenti, in quo se fundat opinio. Obligat hæc conscientia probabilis in rebus indifferentibus, vel etiam moralibus & cœlitus in verbo DEI non determinatis cum conditione tacita, si scil. aliud non affulgeat melius; si vero sermo sit de rebus fidei, probabilis conscientia nec sufficit, nec sequenda, etiamsi pro illa stent Conciliorum Canones, Pontificum Decreta, communis Doctorum sententia, consuetudo adulta, & quæcunque possunt habere rationem vel argumentorum vel auctoritatis alicujus. Manet enim fixum illud: 2. Petr. 1. v. 19. *Habemus firmiorem propheticum sermonem, cui benefacitis, attendentes, quasi lucerna, lucenti in loco caliginoso; donec dies illucescat, & lucifer oriatur in sordibus vestris*, Exod. 23. v. 2. *Turbam ad fugiendum malum ne sequitor, nec in judicio plurimorum acquiesces sententia, ut à vero devies.*

## XXII.

Illud autem est, quod primò in Pontificiis Doctoribus detestamur, quod asserunt probabilem omnem Opinionem etiam falsam, & legi divinæ contrariam à peccato coram DEO excusare, quam impugnant

runt multis Parochi Parienses : Quam doctrinam illi , teste Montalto ex Thoma hauserunt , & egregio illius loco confirmarunt , quem non pigebit hic attexere. Respondeo , inquit Quodlib. 8. art. 13. dicendum , quod duobus modis aliquis ad peccatum obligatur : uno modo , faciendo contra legem , ut cum aliquis fornicatur : alio modo , faciendo contra conscientiam , etiamsi non sit contra legem ; ut si conscientia dicat alicui , quod levare festucam de terra sit peccatum mortale. Ex conscientia autem obligatur aliquis ad peccatum , sive habeat certam fidem de contrario : ius , quod agit , sive etiam habest opinionem cum aliqua dubitatione. Illud autem , quod agitur contra legem , semper est malum ; nec excusatur per hoc , quod est secundum conscientiam : & similiter , quod est contra conscientiam , est malum , quamvis non sit contra legem. Quod autem nec contra conscientiam , nec contra legem est , non potest esse legum. Dicendum est ergo , quod quando duæ sunt opiniones contrariæ de eodem , oportet esse alteram veram , & alteram falsam. Aut ergo ille , qui facit contra opinionem Magistrorum , ut pote habendo plures præbendas , facit contra veram opinionem ; & sic cum faciat contra legem DEI , non excusatur à peccato , quamvis non faciat contra conscientiam : sic enim contra legem DEI facit. Aut illa opinio non est vera , sed magis contraria quam iste sequitur , ita quod verè licet habere plures præbendas ; & tunc distinguendum est : quia aut talis habet conscientiam de contrario ; & sic iterum peccat , contra conscientiam faciens , quamvis non contra legem : aut non habet conscientiam de contrario , sed certitudinem ; sed tamen in quandam dubitationem inducitur contrarietate opinionum : & sic si manente dubitatione plures præbendas habet , periculo se committit ; & sic procul dubio peccat , utpote magis amans beneficium temporale , quam propriam salutem : aut ex contrariis opinionibus in nullam dubitationem adducitur ; & sic non committit se discrimini , ne peccet. Nihil illo loco planius , nil evidentius. Loquitur enim de ea sententiâ , de quâ diffidebant inter se Theologi. Inveniuntur enim , inquit quodlib. 9. art. 15. de ista questione Theologi , & Juristi Juristas contraria sentire : & tamen de hac questione sic controversâ pronuntiat , non utramque opinionem esse securam ; sed contrâ , cum ex duabus alterutra tantum sit vera , cum qui contra veram opinionem facit , quia facit contra legem DEI , certissime peccare. Idem quod dixerat quodlibeto 8. art. 13. repetit quodlib. 9.

lib. 9. art. 15. Non minus significantibus verbis, nec minus cum vulgari Casuistarum doctrinâ pugnantibus. Respondeo, inquit, dicendum, quod omnis quæstio in quâ de peccato mortali quæritur, nisi expresse veritas habeatur, periculosè determinatur: quia error quo non creditur esse peccatum mortale, quod est peccatum mortale, conscientiam non excusat à toto, licet forte à tanto. Error verò quo creditur esse mortale quod non est mortale, ex conscientia ligat ad peccatum mortale. Præcipuè autem periculosum est, ubi veritas ambigua est, quod in hac quæstione accidit. Postremò quodlib. 3. art. 10. eandem rursus doctrinam tradit his verbis: Respondeo dicendum, quod diversæ opiniones Doctorum Sacræ Scripturæ, siquidem non pertineant ad fidem & bonos mores, absque periculo auditores utramque opinionem sequi possunt. Tunc enim habet locum quod Apostolus dicit ad Rom. 14. Unusquisque in suo sensu abundet. In his vero, quæ pertinent ad fidem & bonos mores, nullus excusatur, si sequatur erroneam opinionem alicujus Magistri. In talibus enim ignorantia non excusat. Quem locum non puduit Jesuitas, ut ante notavimus, insigni perfidia adulterare, quasi scripsisset: In moralibus quilibet excusatur sequens opinionem erroneam Magistri. Secundò quòd è duabus opinionibus probabilibus minus probabilem & minus tutam amplecti quis possit secundum illos, de quo ipsi ita: Et si minus probabile & tutum censum germanicum esse licitum. Circumstantias aggravantes tantum, non esse confitendas, tamen licet hoc, ita enim contra Gerson. Henric. Antonin. Gabriel. Major. Cordubam Angel. Armill. Conrad. Sotum & alios, quos novissimè late citat & sequitur Candidus Philaletus lib. de opinionum praxi. c. 5. Docet modo communis Doctorum. Navarrus si in c. quis autem. d. 7. de Pœnitentia. Sanch. Vasq. Laym. suprâ citati. Tanner. tom. 2. disp. 2. q. 4. dub. 3. Et quinquaginta duos citans Pasqualigus Decisionum Moralium Decis. 5. num. 3. alii apud Franc. Bardî hic discept. 4. c. 40. Ratio sumitur ex dictis. Quia quilibet potest prudenter sequi opinionem vere probabilem, quæ scilicet, nixa ratione alicujus momenti vel auctoritate gravi, non est aliena à recta ratione: & verè tutam, quæ nimirum excludat verum peccandi periculum: Atqui opinio etiam minus probabilis & minus tuta, est & manet verè probabilis & tuta: nihil obstante, quod alia opinio opposita sit, vel appareat probabilior ac tutior: quia major illa probabilitas & securitas oppositæ sententiæ non destruit probabilitatem & securitatem, quamvis

minorem, opinionis alterius, quin maneat verè probabilis & tuta. Sic ut major bonitas unius actus virginitatis, e. gr. non destruit minorem bonitatem alterius actus conjugalis, quin sit & maneat verè bonus & tutò amplectendus, ergo, &c. Adde: quod alia opinio appareat probabilior, sæpe esse apprensus tantum, vel ex subtilitate, vel pompâ Doctòrum assentientium. Et sæpe, quæ apparent minus probabilia, sunt magis vera, & contra verum est illud: Multa falsa sunt probabiliora veris. Est sane consilii & perfectionis in actionibus moralibus sequi semper id quod optimum atque tutissimum videtur, non tamen id est præcepti vel obligationis, sed sufficit sequi quod est verè bonum & tutum: alioquin consilium non differet à præcepto: & nimis gravis obligatio homini operaturo incumberet. Non ergo hic locum habet illud: In dubiis tutior pars est eligenda. Et, Oportet tenere certum, & dimittere quod incertum est. Quia licet hic intellectus maneat dubius & incertus speculative de veritate vel falsitate hujus opinionis, non tamen manet dubius, sed omninò certus est de ejus probabilitate, atque practice è certo se resolvit licere sic operari conformiter ad opinionem verè probabilem & tutam, etiamsi minus probabilem & tutam, quam ejus opposita. Et hanc sententiam prolixè defendit Franciscus Bordonus, Parmensis contra Candidum Philalectum Presbyterum Genuensem, qui vînginti argumenti in contrarium nititur, p. 37. & 46. Tertiò quod statuunt etiam, si quis propriam opinionem probabiliorē habeat, & tutiorem visam, non tantum licere sequi probabilem Opinionem, sed etiam aliquando debere. Concludunt enim tum quoque licere. Adde etiamsi rationem in solubilem pro ea se habere credat: v. g. Vir doctus pro se habere opinionem, quam ex principiis intrinsicis, non tantum probabiliorē, sed etiam omninò veram judicat, utpote in recitandis horis requiri devotionem, & attentionem internam: nihilominus in praxi poterit sequi oppositam sententiam, quam ipse non modo minùs probabilem, verum etiam speculative falsam arbitratur. Vasq. Azor. Sanch. Tann. alii citati. Ratio est. Quia cum hoc, quod suam sententiam probabiliorē vel omninò veram, atque oppositam falsam judicet speculative & ex principiis intrinsicis seu rationibus, quæ ipsi apparent insolubiles, adhuc stat, quod oppositam sententiam aliorum auctorum, extrinsecè saltem censet vere probabilem practice, & tutò sequendam in praxi, suasque ab aliis esse solubiles vel solutas, etsi ipsi solutio non occurrat. Nec valet ob-  
jectio. Nullus licitè potest agere id quod probabiliter putat esse illicitum

tum



tum : sed loquens opinionem minus probabilem & tutam æstimatam, probabiliter imò probabilius putat esse illicitum id quod agit : Ego, &c. Resp. Distinguendo Majorem. Nullus potest agere id, quod putat esse illicitum practicè : Concedo M. quod putat esse illicitum speculative tantum : Nego M. & similiter distinctâ min. consequentiam. Quamvis enim talis juxta suam sententiam probabilior, speculative judicet oppositum esse illicitum : v. gr. voluntariè distrahi in horis : quia tamen oppositam sententiam censet verè esse probabilem, inde practicè certò se resolvit, licitum esse sic operari hic & nunc, & nullo modo illicitum, quod valde notandum est. Unde rectè inferunt Doctores citati, quod vir doctus alteri consilium petenti, consulere possit, non tantum ex propriâ opinionè, quam ipse ut probabilior, & tutior tenet, sed etiam ex opposita probabili aliorum sententiâ. Addit Laym. cit. cap. 5. §. 2. num. 9. Etiam si Doctot ille oppositam aliorum sententiam omninò improbabilem vel falsam judicet, eamque ipse in praxi sequi non possit, posse tamen consilium petenti significare, talem opinionem ab aliquibus viris doctis & gravibus defendi, quam proinde ipsi sequi liceat. Cum enim consulens in re dubiâ jus habeat se conformandi opinionì, quæ à viris doctis ut probabilis defenditur, præsumendo, quod rationabili fundamento nitantur, non obstat, quòd alij contrâ dicant, poterit doctus consultus hoc ipsum jus consulenti significare. E quandoque etiam debet seu tenetur quis sequi opinionem minus probabilem vel minus tutam, etiam contrâ propriam, &c. Ratio est : quia quilibet tenetur satisfacere suæ obligationi, quando id sine peccato præstare potest, sed potest contingere quòd quis obligetur satisfacere suo officio, non obstante opinione minus probabili & minus tutâ secundum ejus judicium : ergò cum talem opinionem sine peccato sequi possit, ut probatum est, etiam sequi tenebitur. M. est certa. Minor constat maxime in subdito & Confessario.

## XXIII.

Illud præterea maximè improbamus, quod etiam ad res fidei illam probabilitatem extendant. Unde etiam Montaltus : Nihil in totâ probabilitatis doctrinâ perniciosius est, quàm quod latissimum ad omnem impietatem aditum pandit. Vidimus jam horrendos illius scetus. Quidquid enim his Litteris exhibetur, quidquid in Parochorum continetur excerptis, quidquid à Montaltio & à Parochis vel pudore vel prudentiâ com-

preſum eſt, ex hoc potiſſimum fonte profluxit, ex hoc maximam veneni ſui partem trahit. Nam ex privatis ſingulorum erroribus habent opinio- nes quod probabiles dicantur; ſed ex generali probabilitatis doctrinâ id habent, quod tutæ, quod innoxie, & ſecuræ, & in praxi uſurpandæ exi- ſtimantur. Nemo illis, quæ jam prodierunt, opinionum portentis Ec- cleſiam deſunctam putet: imminent alia longe majora pericula; nec hic conſiſtet iſta pernicies. Tam late funduntur ſcelerati dogmatis rami, ut in totius Religionis aperte graſſentur exitium, & in omnium denique Religionum horrendam permixtionem tendant. Caveant Je- ſuitæ, qui alios negatæ Incarnationis nefariè accuſant, ne, quamquam præter mentem & propoſitum ſuum quandoque dicantur Deſtarum Principes. Omnia ſunt incerta, inquit Cicero, cum ſemel à jure diſceſ- ſum eſt: omnia nutantia, fluxa, mobilia, cum ſemel fidei ac veritatis retinaculis abruptis, omnia erraticæ rationis arbitrio permiſſa ſunt; Permittuntur autem omnia hoc ſemel dogmate ſuſcepto: Fallum pro- babile à peccato excuſare, & ad honeſtandam actionem ſufficere. Ec- cui enim non ſuus error probabilis eſt, non in moribus modò, ſed & in fi- de? Quam multæ hæreſes plus coloris habent, quam illæ, quæ dicun- tur ab iſtis probabiles opiniones? nec invenient unquam Jeſuitæ limi- tes ullos quibus iſtius opinionis perniciem cœceant. Nunquam di- cent quod falſum probabile excuſet, quod non excuſet: eadem enim in omnibus ratio. Video quidem illos ad oram præcipitii delatos, ali- quando territos reſilire, & neſcio quas cauſationes afferre. Sed longe falluntur, ſi voluntariis exceptionibus, nihil firmitatis habentibus, ſu- ſtineri poſſe præcipitantis ingeniû impetum ſperent, præſertim ad au- dendum tam præclaro ſecuritatis oblatæ præmio incitati. Non vanas hæc formidines objicimus, nec id ex hoc dogmate noſtro ingenio eli- cimur. Iſi Caſuiſtæ quàm hoc ſit conſequens agnoſcunt; iſi totius impietatis fundamenta locant: iſi expetitum illud impiis dogma: Ad ſalutem in ſua quemque Religione, quàm probabilem putet, poſſe per- venire: non informant modò, ſed penè perficiunt; ut illi non niſi ex- trema manus addenda ſit. Quo tendit enim illud Thomæ Sanchez ab Eſcobario relatum Theol. moral. p. 39. In fidelem cui proponitur noſtra fides, ut magis credibilis, dum ejus ſecta probabiliter adhuc credibilis, appareat, non teneri ad recipiendam noſtram fidem extra mortis arti- culum? Quam poſtremam exceptionem removent Sancius & Diana, qui

qui putant, ut ait idem Escobarius, mortis articulum haud novam regulam operationum inducere moralium, & consequenter afferunt infidelem illum nec in mortis articulo teneri ad credendum. Quis hæreticus jam propter hæresim damnari poterit, cum nullus sit pene, qui non affirmare possit, sibi sectam suam visam esse probabilem; nec modo probabilem; sed probabiliozem fide Catholica; Quod si sine peccato in illâ hæresi permanere potest, potuit etiam sine peccato illam amplecti; & sic nihil ad salutem interest catholicus sis, an hæreticus. Quod ita certissimè cum iis principiis coheret, ut Caramuel in probabilitatis dialecticâ intelligentissimus, & edè deterior, quod ex falsis principiis accuratius consecutiones elicit, imparem se agnoverit ad hanc dubitationem solvendam, totamque in medio reliquerit; si hoc est in medio relinquere aliquod dogma, hinc validis rationibus stabilire, illinc nec verbum quidem pro alterâ parte proloqui. Locus quem indico, extat p. 472. Quis Basilanomenus Lutheranorum filius, & in Lutherani urbe natus, inter Lutheranos nutritus, magistros habuit & prædicantes Lutheranos; sic ubi primum P. Valerianus, Magnum Capucinorum decus, & alios audivit inculcantes, vel esse redeundum ad Romanam Ecclesiam, vel recedendum à Christo, fervidè insurrexit & dixit: Christianismus probabilissima Religio est, & sub ipso dantur sectæ antiquiores, juniores, severiores, benigniores, universaliores, minus universales (& præcipue Romana, Lutherana, Calviniana,) quæ sunt vere probabiles. Ergo mihi Lutheranò non est necessario redeundum ad Romanam Ecclesiam, aut secedendum à Christo. Nam præter Romanam Religionem, cui probabilitatem non nego, etiam Lutherana est Christiana, & probabilis, & multo Romanâ benignior. Vim rationis jam penetras; jam vides quo respiciat hæreticus. Tenet primò esse probabile, quod DEUS mentiri nequeat; Secundò esse probabile quod revelaris sacram paginam, & si velit ut sic loquar, dictaverit; Tertiò esse probabile quod eandem Romanâ Ecclesiâ benè exponat; & tamen addit, his non obstantibus harum antitheses esse probabiles. Resolutionem hanc sic ille confirmat & dilucidat Doctrinâ Aristotelis, inquit, prout hodie traditur in Academiis Italicis, Hispanicis, Gallicis, probabilissima est: nec contra hanc ipsam probabilitatem militat mundi æternitas, & animæ rationalis mortalitas. Nam isti & similes errores sunt expuncti, nec jam traduntur à Christianis Philosophis. Hæc ipsi do-

ctina.

Arina & schola Aristotelis in tres sectas dividitur, Thomisticam, Scoti-  
 ticam, & Nominalem; omnes probabiles, omnes celebres, omnes  
 plausibiles. Dicant Dominicani (nostra schola Aristotelica est, &  
 antiquior Nominali & Scoticâ; ergo redeundum ad ipsam, vel sece-  
 dendum est ab Aristotele.) Quid inde? Nam à Franciscanis ridebun-  
 tur, qui æquo jure reponent, (vel admittendam esse Scoti scholam, vel  
 relinquendum Peripatum) tunc enim argumentatio urgeret, cum vel  
 una sub Christo Religio, vel una sub Aristotele schola demonstratio-  
 nes produceret. Nam si una secta demonstraretur esse vera, reliquæ  
 demonstrarentur esse falsæ; & in nostro casu, Basanomenus, omnes  
 has Religiones (Romanam, Lutheranam, Calvinianam) esse Chri-  
 stianas & probabiles judico; & omnes has scholas (Thomisticam, Sco-  
 tisticam & Nominalem) esse Aristotelicas & probabiles censeo: &  
 hanc ob rem ratiocinio illo disjunctivo, vel redeundum est ad Ro-  
 manam Ecclesiam, vel secedendum est à Christo, convinci aut urgeri  
 non possum. Nec antiquitatem ipse & Concilia generalia morabi-  
 tur: hæc enim, ut ait, probabilia argumenta, & non evidentia mi-  
 nistrat: quoniam schola Aristotelis Christi Religione multò antiquior,  
 & Academiæ Peripateticæ multò numerosiores magistros habent quam  
 generalia Concilia, & si licet P. Magno doctrinam Peripateticorum de  
 errore & tyrannide arguere, cur non licebit Basanomeno esse & cau-  
 tiori? Cur non dicere, Romanam quidem Ecclesiam esse probalissi-  
 mam, adeoque in foro interno esse securissimam; & tamen hoc ipso  
 non obstante, Lutheranam quam ipse profitetur, esse etiam probabilem,  
 atque æque Christianam ac securam: imo securiorem omnino, quo-  
 niam minus probabilis sententia si benignior, etiam securior est? Cur  
 non licebit addere, se esse in quietâ conscientia apud Lutherum, adeo-  
 que non teneri redire ad Ecclesiam Romanam, nec à Christi Religio-  
 ne secedere? Sic discurrit etiamnum Basanomenus, & deberet à te, Le-  
 ctor erudite, compesci. P. Valerianum Magnum audivit, & alios audire  
 desiderat. Notandum est autem initio istius dubitationis, ac multarum  
 hujus generis, hæc verba à Caramuele præfixa: Ad solamen illorum,  
 qui in Germania habitant, & multos viros, alias probos, infectos do-  
 lent hæresi, aliquas periodo scribo, & verius ex selectissima Auctori-  
 bus exscribo. At quod timide Caramuel, asseveranter & audacter  
 Eradus Billius, Jesuita tradidit. 3. c. 1. de fide. Sic etiam puer bapti-  
 zatus,



zatus, quia fides quam suscepit in Baptismo, suis non est ad profitem-  
dam fidem, nisi & proponantur mysteria fidei, & explicentur, non pec-  
cabit credendo hæresi sibi propositæ, & quam à parentibus edoctus est,  
nisi habeat argumenta convincentia & probabilitatem excludentia suæ  
sectæ. Quamdiu enim probabilis est, non peccat eam sequendo. Quo-  
fit ut multæ puellæ usque ad vigesimum annum vix censeri possint hæ-  
reticæ. Quis enim dicet eas non habere argumenta probabilia suæ se-  
ctæ: at nemo peccat sequens opinionem probabilem, quantumcunque  
ad Cœnam, ut appellant, accedant. Dices: Multi sunt etiam senes,  
qui putant se bene facere. Respondeo hoc non esse satis proiis, qui  
inter Catholicos vivunt: sed in Suecia & Dania, extremaque Germa-  
nia, ubi nullus est usus Catholicæ Religionis, possunt salvari, si non  
peccent; aut posito quod peccaverint, si conterantur, aut actum amo-  
ris exerceant. Cæterum quod negat sufficere hoc inter Catholicos,  
sine ratione à suis ipse sensibus discedit; & ideo hæc exceptio merito à  
Diana & Sanctio rejicitur. Quid ad hæc Jesuitæ? Nempe, ut cum eo-  
dem Caramuele loquar, vel omnia debebunt transglutire, vel à princi-  
pali opinione discedere, qua falsum probabile à peccato excusare asse-  
runt. Quia illis etiam devorandæ sunt omnes illæ infamiz, quas simul  
Parisienses congefserunt in egregiâ probabilitatis Synopsis Episcopis  
oblatâ: nec se unquam ex istis laqueis expedient, nisi se à duobus illis  
ducibus, quos in Theologiâ sequuntur, abjunxerint: humanâ scilicet  
autoritate, humana ratione, quibus quandiu id juris dabunt, ut aliquid  
tutum ac securum possint efficere, nihil fere tam absurdum est, quod  
possit ab illis recusari. Nam si, quod necessario sequitur ex probabi-  
li, probabile esse necesse est, nihil jam est quod improbetur. Nihil est  
enim quod ex aliquâ opinione, quæ ut probabilis circumferatur, elici  
non possit: cujus rei argumento sunt probabilitatis consecutiones à Pa-  
rochis in ipsâ Synopsis jam indicatâ collectæ. Adde quod de Sacramentis  
docent, nullam injuriam fieri Sacramento, etiamsi administretur secun-  
dum opinionem minus probabilem reliquâ probabiliori, & tutiori; adeo-  
que ex hoc capite usum opinionis minus probabilis non esse illicitum;  
absolutè tamen id non licere Ministro Sacramenti, qui lege charitatis te-  
netur uti tutiori viâ, ne suscipiens Sacramentum ejus fructu defraude-  
tur. Ita Thomas Sanchez, lib. 3. de matr. disp. 20. num. 4. & lib. 1. Sum.  
cap. 4. num. 33. Vasquez, disp. 63. cap. 1. & 3. Villalobos tom. 1. Sum.  
tract. 2.



tract. 1. difficult. 13. num. 1. & 2. Granadus tract. 12. disp. 4. sect. 4. Becanus cap. 4. qu. 9. noster Basilius Legionensis lib. 4. de matr. cap. 25. num. 9. Joannes Sanchez in selectis disp. 44. Lorca disp. 39. membr. 1. Arriaga disp. 24. sect. 4. & alii.

## XXIV.

Denique illud maxime reprehensione, quod non tantum asserunt ; licere Theologo ex opinione probabili, quam falsam putat consilium dare. Non tantum enim in Lryniano sequentia lego : Ex duabus contradicentibus probabilibus opinionibus, quæ versantur circa actionem humanam, an elicita sit nec ne ; quisque in praxi, sive operatione sequi potest, quam maluerit ; etsi ipsi operanti speculative minus probabilis videatur. Ita Navar. in cit. c. si quis autem, disp. 7. de pœnit. Medina 1. 2. qst. 19. a. 6. dub. penult. Arriag. 1. 2. quaest. 63. a. 4. ibid. Salon. contr. 2. Lopez. p. 1. instr. cap. 1. 26. Suar. t. 3. disp. 40. l. 5. Azor. tom. 1. lib. 2. cap. 16. q. 1. & 4. Gutierrez, l. 1. can. qq. c. 13. n. 23. Sanchez. lib. 2. de matrim. disp. 41. n. 9. & l. 1. mor. c. 9. n. 14. Henric. l. 14. c. 3. n. 3. contra Gl. in c. Capellanus, de feriis. Cajet. ver. opinionis usus, Angelum, & Armillam ver. opinio, Syl. eod. ver. q. 1. Joann. Majorem in Prologo 4. sentent. q. 1. concl. 3. & 4. Conradum q. ult. de contract. conclus. 1. arbitantes, sequendam esse opinionem probabiliorem, vel quam operans veram esse judicat. Probatur assertio ; opinionem, quæ non est aliena à recta ratione potest aliquis prudenter sequi ; ergo potest eam aliquis prudenter sequi. Major est clara. Minor declaratur ex definitione opinionis probabilis, quam dixi esse eam, quæ vel gravi auctoritate, vel non modici momenti ratione nititur. Confirmatur : Cum in moralibus non facile reperire sit exactam veritatis certitudinem, sed ferme solam verisimilitudinem ; sufficit sequi quod est probabile. Etenim valde difficilis, & prope impossibilis obligatio foret, si quisque examinare semper debeat ; utra duarum probabilium opinionum efficaciori ratione, vel plurium aut peritiorum Doctorum auctoritate falsa sit : Sed & sequentia : Doctor alteri consulenti consilium dare potest non solum ex propria, sed etiam ex opposita probabili aliorum sententia, si forte hæc illi favorabilior seu exoptatior sit. Quæ de re Vasqu. disp. 62. cap. 9. num. 47. Sanchez. cit. c. 9. num. 20. Sairus lib. 1. clavis regiz, cap. 6. num. 11. Lopez. p. 1. instr. cap. 120. Imò arbitror, nihil à ratione alienum fore, si Doctor consultus significet consulenti, opinionem à

qui.

quibusdam viris doctis tanquam probabilem defendi, quam proinde sequi ipsi liceat: quamvis idem Doctor ejusmodi sententiam speculative falsam esse certo sibi persuadeat, ut proinde ipsemet in praxi eam sequi non possit. Cum enim consulens in re dubia jushabeat se conformandi opinioni, quæ à quibusdam viris doctis defenditur; nihil obstante, quod aliqui alii contradicant, & speculative sententiam improbabilem judicent; hoc ipsum jus consulenti Doctor iudicare non prohibetur. Atque hinc existit, quod vir doctus diversis, secundum oppositas probabiles sententias, opposita consilia dare possit; servata tamen discretionem ac prudentia. Apud alios hæc occurrunt: non esse à rasonare propositum variis adeundi Doctores donec inveniam mihi, qui ad libitum respondens ut docent Sanchez. l. 1. Decal. cap. 9. num. 4. ratione alienum etiam Castro Palao, t. 1. tract. 1. d. 2. pract. 3. Zumell. 1. 2. q. 76. a. 2. d. 4. Si itaq; ad Gasparum Caramuelem & illum eligas, in causa Concilii respondebit, benignissime in Theol. fundamentali. Legisti hanc doctrinam, & inquis, an homo Religiosus, qui fragilitati cedens fornicariam vilem cognovit, quæ honori ducens se prostituisse viro tanto, rem enarrat, & eundem infamat, possit illam occidere? Quid scio? At audiui ab eximio Patre N. S. Theol. Doctore magni ingenii & doctrinæ Viro. (Potuisset amicus hanc resolutionem omisisse: at semel impressam debet illam tueri, & nos eandem defendere: doctrina quidem est probabilis, sed quâ posset uti Religiosus, & Pellicem occidere, ne se infamaret, &c.) Tu rem accuratè perpende. Hanc quæstionem doctissime & eruditissime pertractat Diana, part. 8. tract. 7. resol. 48. & adducit Patrem Decastillum, qui de Just. & Jur. lib. 2. tract. 1. disp. 10. dub. 6. num. 74. affirmativam partem judicat speculative esse probabilem. P. Casparem Hurtadum, qui tract. de Just. & Jur. disp. 11. diff. 11. mordicè eandem propugnat, & ait. (Victoria Resolutione de jure belli. num. 5. Navarrus cap. 15. num. 4. Rodriquez. cap. 136. num. 11. Mercadus in summ. lib. 6. Lopez, 2. part. cap. 61. Henriquez. de irregul. rit. cap. 10. & Petrus Navarra lib. 2. cap. 5. num. 380. docent id esse licitum percussio; quantum sit necessarium, ut percussus non maneat ignominia affectus: quod etiam sentit Bonacina de restitut. disp. 2. quæst. ultim. sect. 1. punct. 10. & meritò; quia statim repercutere fit in actuali ipsa congressione, antequam invasor ad alia divertatur, aut jam alibi quietus existat, quia adhuc saltem moraliter, &c. & honor nondum

est saltem moraliter in facto esse amissus, sed tantum est amissio illius inferri, & inchoatio amissionis, & repercussione amissio honoris non perficitur, quia et percussione impeditur, ne sit in facto esse: Ergo id est licitum percusso.) Hanc sententiam probabilem vocat Diana part. 8. tract. 7. resol. 48. Adde quod asserant ad probabilitatem extrinsecam opinionis sufficere, auctoritatem unius Doctoris. Ita quippe illi, Ut faciliore negotio dignoscas, quæ nam sit ejusmodi præsertim practica probabilitas. Dubitabis primò. An auctoritas unius Doctoris sufficiat ad probabilem practice, & proximè opinionem constituendam, scilicet, ut tuto, & sine peccato ex vi ipsius in actionem prorumpamus. Respondeo. Tunc solum puto sufficere unum, tametsi contra innumeros Doctores, Azor. p. 1. lib. 2. c. 17. quæst. 6. Vasquez. p. 1. tom. 1. disp. 62. cap. 4. num. 12 aliisque, is docet, quando idem est doctus, rem ex prof. sso tractat, firmamque rationem pro se habet, nec apparet contra ipsum aliquid convincens. Ratio est, quia ex tali auctore sic vallato nascitur merito prudens judicium. Quod si ejusmodi Doctor ratione alicujus momenti non fulciatur, idque tu doctus animadvertas, non vales illius sententiam regulariter accipere, nec illam aliis amplectendam proponere cum tamen possit indoctus. Ratio est, quia tibi non potest tunc innasci judicium prudens, indocto potest, vel certè illum sequi, eidem indocto, qui sine culpa ei doctori fidem habet, culpæ non dabitur.\* Dico, regulariter: nam potest contingere, ut ille sit ad eò doctus, ut tibi liceat prudenter judicare, rationem illius firmam esse, sed minus à te penetratam, vel notam, & item judicare, ipsum, rationem incontrarium tibi probatissimam facile posse diluere, in hoc enim eventu, ejus opinionem utpote extrinsece probabilem, si amplectaris, prudenter geres.

## XXV.

Remedium autem paratur Conscientiæ probabili, si homo deponat illam formidinem oppositi, quorsum quidem Paulus manuducit: *Qui autem discernit si manducaverit, damnatus est, quia non ex fide. Omne autem quod non est ex fide, peccatum est*, Rom. 14. vers. 23. Ubi non malè observante Stegero, in cujus dissertationem nuper incidi, τὸ ἄλγεος ἡρώδης juxta Chrysostomum, & qui eum sequuntur Theophylactum & Occumenium, est dubitare, & contra conscientiæ dictamen edere. Ex quo patet, omnibus actionibus nostris, præcipue sacris du-

cem



semprare debere fidem, dubitationi oppositam. Sic enim Jac. i. v. 6. *ἡ δὲ δοκίμη ἡζὲς* seu fluctuatio, dubitatio & fides sibi opponuntur. Ac Es. 28. v. 16. dicitur: *Qui credit, non festinabit, titubabit.* Fides enim est *πίστις*, Ebr. n. vers. 1. est noticia, assensus firmus, *πληροφορία* seu fiducia, Hebr. X. v. 22. quā non solum firmiter in Christum recumbimus, sed etiam clarē & distinctē per eundem cognoscimus, à DEO dictatum esse, & divinæ voluntati ac sapientiæ consentaneum, quod suscipimus. Ex quā solā (scil. fide) bona & tranquilla (qualem Apostolus requirit) conscientia gignitur. Hinc ex eod. loc. Paulino ipsimet Moral. ita, ac imprimis Laymann. l. 1. Theol. Mor. Tr. 1. cap. 5. §. 1. & cum illo plures alii, quos citat, communiter asserunt, ad rectē seu honestē operandum requiri iudicium practicū moraliter certum, quo excludatur omnis formido oppositi. Et probat: Quicumque deliberatē committit se periculo peccandi, is peccat: sed quicumque operans practicē certus non est, utrum rectē & honestē operetur, is committit se periculo practicē errandi seu peccandi: Ergo, &c. Adeoque stat hęc Laymanni Assertio, quam statim primo loco posuit: *Agere vel omītere aliquid cum dubio propriē practico, semper est peccatum.* Ex hanc esse communem sententiam ait, quæ probetur ex Rom. 14. *Quod non est ex fide, peccatum est.* Porro idem Paulus Cap. eod. 14. ad Rom. vers. 5. præcipit: *ἕκαστος ἐν τῷ ἰδίῳ νοὶ πληροφορείσθω*, i. e. unusquisque in animo suo plane certus esto. Scio equidem, Vulgatum reddere: Unusquisque in sensu suo abundet, Sed malē. Quippe quæ versio, fatente ipso Justiniano, occasionem præbuit errandi. Et abundare suo sensu, vitii est & præfractæ frontis, asserente Salmerone. *Πληροφορείσθω ἐν ἰδίῳ νοὶ* non est abundare suo sensu, sed certum habere in animo suo, & notat firmissimam mentis cognitionem & persuasionem, ut animus planē ἀμειψίῳ sit in ea cognitione, ut hęc vox usurpatur Luc. 1. v. 1.

## XXVI.

Dubia conscientia est, cū Intellectus de re agenda vel non agenda suspensus manens, nequit se in unam vel alteram partem resolvere. Unde non est Conscientia accuratē loquendo, sed potius privatio conscientiæ, circa quam observant Doctores: Dubium dici suspensionem mentis inter duo contradictoria, ut in neutram partem, nec assentien-

do, nec dissentiendo se resolvere possit. Aliud dicitur negativum, aliud positivum, duplici ratione, ex parte actus, & ex parte motivi. Ex parte actus. Dubium negativum, seu, ut vocant, in actu exercito est, dum quis apprehensâ utraque parte, v. g. an aliquid liceat, vel non liceat, neutri parti assentiens, absque ullo actu positivo, suspensus manet. Dubium positivum, seu, ut vocant, in actu signato est, dum quis apprehensâ utraque parte, neutri volens vel potens assentiri, vel dissentiri, actu aliquo positivo judicat, ac veluti signat rem esse dubiam vel incertam de veritate vel falsitate. In proposito perinde est: At in materia fidei multum interest. Nam si negativè solum dubites in materia fidei per se non peccas: at si positivè dubites, & peccas, & accedente pertinacia, hæreticus es. Ex parte positivi. Dubium negativum dicitur, quo intellectus (utrovis modo prædicto) suspensus manet inter utramque partem, ex eo, quod nullum omnino occurrat motivum vel medium, nulla ratio sive assentiendi, sive dissentendi, sed intellectus merè ignoranter se habet. v. g. An homines in hac civitate sint pares vel impares. Dubium positivum dicitur, quo intellectus suspensus manet inter utramque partem ex eo, quod occurrant motiva seu media omnino æqualia pro una & pro altera parte, & sic dum ambæ partes, velut trahentes ad se intellectum, se mutuò impediunt, manet ipse intellectus velut suspensus in æquilibrio, quousque occurrat potior ratio pro una, quam pro altera parte, aut voluntas suo libero imperio intellectum ad unum potius, quam alteri partem assentiendum determinet, vel inclinet. Dubium merè speculativum est, quo dubitatur præcisè de veritate aliqua. v. g. An mundus potuerit esse ab æterno: An si Adam non peccasset, nihilominus verbum incarnatum fuisset, &c. Dubium practicum est, quo dubitatur de re operabili, seu ipsâ operatione, ejusve honestate, secundum se in abstracto, abstractendo scilicet à circumstantiis particularibus, & sine immediato ordine ad operationem seu praxin, ut: in matrimonium ne contractum sit validum? An census germanicus sit licitus? An die festo liceat bellare, pingere, iter agere? An die jejunii liceat sumere collationem vespertinam? &c. Aliud dicitur dubium propriè, seu practicè practicum, quo dubitatur de actione, ejusve honestate in particulari, seu hic & nunc exercendæ in suis circumstantiis particularibus. Ut: An debeam hanc confessionem repetere? An hic & nunc liceat mihi pugnare, ludere, comedere? Atque in hoc dubio forma-

liter



hinc consistit conscientia dubia. Dubium juris dicitur, quo dubitatur de aliquo jure, lege, præcepto, statuto, &c. præsupposito ad honestatem actionis exercendæ. Ut: An sit lata talis lex, quomodo obliget, an hunc etiam, vel illum casum apprehendat? An hic & nunc me in his etiam circumstantiis obliget? &c. Idque rursus dividunt in speculativum & practicum. Dubium juris speculativum vocant, quo dubitatur, non immediate de honestate actionis alicujus, sed de aliquo alio legitimo secundum jura & leges. Ut an Baptismus collatus in nomine Christi sit validus? An matrimonium contractum sit validum? An bellum, in quo milito, sit justum? An quis in tali casu sit irregularis, v. g. Si percussit Clericum non gestantem habitum? An res, quam possides, mea sit, an aliena? &c. Dubium juris practicum dicitur, quo dubitatur de obligatione, vel facultate legitime agendi, seu de ipsa honestate actionis, an licita sit: nec ne? Et hoc rursus aliud est generale & abstractum, id ipsum, quod diximus speculative practicum: aliud est particulare seu de hic & nunc: & est ipsum supradictum dubium propriè seu practice practicum. Dubium facti denique dicitur, quo dubitatur de aliquo facto, ejusve conditione aliqua spectante ad honestatem actionis exercendæ. Ut: An votum emissum sit: An solutum? An horum recitate? an peccatum commissum sit mortale vel veniale? An jam confessum, nec ne? Conscientia autem dubia propriè dicta, nimirum formaliter & intrinsece dubia, consistit in ipso dubio practice practico, seu dubio juris particularis, quando nimirum intellectus de honestate actionis hic & nunc exercendæ, an scilicet honesta sit, vel licita, nec ne, omnino manet suspensus, & in neutram partem se resolvit. Conscientia objectivè seu extrinsece dubia (posses dicere conscientiam dubiam speculative, nisi nomen conscientie quid practicum sonans repugnaret) dicitur, quando intellectus solum de ipso objecto secundum se manet dubius, dubio scilicet speculativo juris vel facti, non vero de ipsa honestate actionis hic & nunc, dubio practico, v. gr. dubitas speculative, an res quam possides sit tua? practice vero an restituere tenearis? factis diligenti inquisitione, nec inventa ullâ ratione potiori pro una, quam pro alterâ parte, sed perseverante dubio, an res sit tua, nec ne: denique ex illo principio, in dubio melior est conditio possidentis: relolvit te: non debere restituere, posse licite retinere, usurpare, &c. Conscientia hæc manet dubia objectivè & extrinsece, stan-

te scilicet adhuc dubio speculativo, an res reversa tua sit: at formaliter & intrinsicè non est dubia, sed resoluta: excluso scilicet dubio pratico.

## XXVII.

Rectè autem dicitur prius, ex dubitante conscientia non esse agendum, non tantum quia, quod non sit ex se, est peccatum, sed etiam, quia omnes sciens, & volens, exponens se periculo peccati, peccat, quidem eodem genere peccati, cujus periculo se exponit; ut docet communissima Doctorum pars, cum Thoma, Quodlibet. 8. artic. 13. Soto in 3. disp. 25. quest. un. & alibi. Navar. in c. Qualitas. disp. 5. de poenit. Ex illo Eccles. 3. *Qui amat periculum, peribit in illo.* Atqui agens cum conscientia intrinsicè seu practicè dubia, de honestate actionis hinc & nunc exercendæ, vel saltem periculo peccato annexo, is sciens & volens exponit se periculo peccati, eligit enim actionem indiscriminatam, sive bonam, sive malam, quasi dicat, sit peccatum, vel non sit, perinde est: ego volo agere, &c. ideoque eo ipso implicite censetur eligere malum: ergo eo ipso peccat, pro ratione materiæ, de qua agitur: & pro ratione dubii. Ut si dubitet, an talis actio vel ommissio sit peccatum mortale, & tamen operans vel omittens, peccabit mortaliter: Si verò dubitet de veniali, tantum venialiter, ut volunt Pontificii. Quòd si dubitet generatim & indistinctè, an sit peccatum vel malum, dic eodem modo, quo dictum est supra de conscientia erronea. Atque sic maxime locum habet, & commodè explicandum venit, celebre illud dictum. In dubiis tutiorem partem esse eligendam: Dictum hoc habent variis locis juris Canonici. an audientiam. c. significasti. c. petitio tua. tit. de homicidio. Ubi in dubio de facto homicidio à Clericis, & irregularitate inde contracta Pontifex semper respondet: Tutiorem eligendum esse. Item. c. juvenis de sponsalibus. In alio casu matrimonii dubii. Respondet Pontifex: in his, quæ dubia sunt, certius est tenendum. Dictum hoc sine dubio universaliter & semper verum est, secundum Pontificios, quantum ad consilium & perfectionem, semper enim consiliarius & perfectionis est, in quovis dubio eligere partem tutiorem: at certè non semper necessarium, seu de præcepto vel obligatione: hoc enim nullus scilicet Pontificiorum dicit. Unde ante omnia in dicto illo tutior pars, non debet accipi comparativè ad positivum, scilicet tutior, quam tuta: quasi sensus esset, quando utraq; pars dubii est tuta,

tuta, adhuc tutiorem partem eligendam esse. Quod quamvis sit perfectioris, non tamen potest esse necessarium, cum liceat in operando sequi quamlibet partem verè tutam; sed tò tutior accipiendum est comparative ad oppositum, scil. tutior, quàm non tuta, non secuta, periculosa, &c. Ut sensus sit: Quandounque una pars dubii est certa, tuta, secuta, verum scilicet periculum excludit, altera autem pars non est certa, tuta, secuta, sed dubia vel periculosa de peccato, ejusve periculo, tunc illam tutiorem eligendam esse. Et sic sine dubio verum est. Quemadmodum etiam, si utraque pars dubii appareat periculosa de peccato, ut contingit in Sacerdote, qui ex officio tenetur baptizare, dubitat annon infans æger aqua conspersus moriturus sit, ex mente Pontificiorum minus malum, & periculum eoque quasi tutius eligendum est, scil. mortis corporalis potius, quàm damnationis. Tertio, practice certum præferendum incerto speculativo: Certum, scribunt Pontificii, est apud omnes, necessariò tutiorem partem eligendam esse in dubio propriè seu practice pratico, scilicet de actionis hic & nunc exercendæ honestate, an hic & nunc aliquid liceat, nec ne. v. g. Hodie comedere carnes, &c. Stante enim tali dubio, una tantum pars tuta est, scil. abstinere. Altera autem pars: scil. comedere carnes, simpliciter est non tuta, sed periculosa de peccato. Certum etiam esse debet, tutiorem partem eligendam esse in dubio speculativo, versante circa valorem vel efficaciam actionis exercendæ, juxta communia, de Ministro Sacramentorum, Medico-Judice, &c. Ulterius etiam tutiorem partem esse eligendam in aliis dubiis speculativis juris & facti (excepta materia justitiæ, ubi melior est conditio possidentis) aded, ut stante dubio speculativo, v. gr. an hodie sit indictum jejunium: necessario aut jejunandum sit, aut dubium speculativum deponendum, docent Vasquez, Turtianus, Sayrus, alii apud Sanchez l. 1. Moral. cap. 10. num. 10. Ratio est. Quia alioquin adhuc te exponeres periculo peccati. Deinde Pontifices in Canonibus citatis in resolvendis casibus allegant illud dictum: in dubiis tutior pars, via, semita tenenda vel eligenda est, tanquam regula universalis.

## XXVIII.

A veritatis tramite recedunt primò illi Juniores apud Vasquezium l. 2. Disp. 65. cap. 1. num. 5. qui putant, non sufficere ad conscientiam dubiam directam dubitationem, vel necessariam esse dubitationem,

expressam per iudicium reflexum, ut dicatur quis operari cum iudicio practice practico. Secundo non satis commodè ad conscientiam, quæ cum Sanchezio, Fillucio, Diana & aliis, non tantum in Materia iustitiæ, sed etiam in materiis aliarum virtutum titulum possessionis esse sufficientem ad deponendum in praxi dubium speculativum, & ad formandum iudicium practice certum possidentem in dubiis non teneri ad sequendam tutiorem partem asserunt. Tertiò, qui in Dubio facti putant posse eligi in omni materia partem minus tutam, quando pro illa sit possessio, quæ sententia tribuitur Francisco Suarezio & aliis.

## XXIX.

Conscientia scrupulosa est, cum intellectus inani ratione apprehensis, cum anxietate quâdam metuit peccatum, ubi tamen non est peccatum. Est inani ratione nixa, seu ut alii loquuntur, ex debilibus, levibus, incertis, conjecturis, rationibus, fundamentis. Ex quo capite tripliciter potest fieri scrupulus: Primò, cum iudicio determinato aliquod esse peccatum, quod reverà non est. Quod iudicium falsum, quatenus ex inani motivo procedit, animumque affligit & anxiat, potest sanè dici scrupulus, vel conscientia scrupulosa; latè loquendo: Propriè verò est conscientia erronea vincibilis, ut secundum Ignatium in fine libelli exercitiorum de scrupulosis. Secundo potest fieri scrupulus cum vero dubio practico, sit ne hoc peccatum nec ne, ex inani motivo suspicando fortè esse peccatum, absque ullo determinato iudicio, quod sit, vel non sit peccatum. Et sic rursus est scrupulus latè sumptus, propriè autem est dubium, vel conscientia dubia. Tertiò, & propriè fit scrupulus, cum, habito vel sufficienter proposito iudicio determinato, aliquid non esse peccatum, solà ex levi motivo apprehensione peccati mens anxietur & timet, fortè esse peccatum. Et hinc dicitur inani ratione nixa apprehensio. Scrupulus enim vel conscientia scrupulosa propriè dicenda est, quando intellectus neque determinatè iudicat: neque dubitat practice aliquid esse peccatum: sed potius habito iudicio non esse peccatum, solà apprehensione, vel suspitione mali, ex inani motivo titubet, fluctuat, anxie formidat esse vel fuisse peccatum, v. g. fortè se consensisse tali suggestioni, &c. Uti advertit Gregorius de Valentia 1. 2. hic q. 14. pu. 4. dicens: Etsi scrupulus nonnunquam accipitur, tam pro dubitatione de malitiâ, quàm pro opinione, quod quid sit malum: tamen propriè conscientiam scrupulosam nihil aliud esse, quam

quam anxiam quandam formidinem, ne fortè id ipsum sit malum, quod tamen licitum existimatur. Ratio sumenda est ex communi affirmatione hominum scrupulum proprie ita intelligentium. Unde notat Layman. hic cap. 6. num. 1. Judicium hominis verè scrupulosi esse, si contra sapientium, imo & proprium judicium, tale quidpiam agere peccatum non esse, nihilominus inquietus sit. Solà scilicet apprehensione mali timens & formidans, ne forte peccet, aut peccarit. Unde scrupulosi plerunque in aliena causa rectè judicare solent sine formidine, & alios absolvere à peccato: at vero, si idem casus ipsis eveniat, statim formidare incipiunt peccatum subesse. Ex quo jam patet differentia conscientie scrupulosæ ab aliis conscientiis hæcenus explicatis. Indeque natus metus, seu anxietas mentis. Quamvis enim, secundum omnes conscientia scrupulosa seu scrupulus formaliter & principaliter consistat in actu intellectus modo explicato: non tamen in eo sistit: sed complete consistit in tali intellectu apprehensione, suspitione, vacillatione, seu titubatione alicubi peccatum esse, quatenus simul involuntate causat, & conjunctum habet merum, formidinem, anxietatem, &c. de eodem peccato. Unde scrupulus adequate sumptus, spectat ad utramque potentiam, intellectum scilicet & voluntatem. Quà ratione intelligitur doctrina Cajetani, tom. 1. opusc. tract. 31. Resp. 13. dub. 7. Scrupulum contingere posse, aliquando ex parte appetitus, uti evenit, quando quis timet in aliquo actu peccare, & ignorat causam: ex sola nimirum præviâ vanâ apprehensione mali, sæpe enim scrupulosus non potest addere rationem vel motivum timoris & anxietatis suæ. Aliquando ex parte rationis, cum oritur ex aliquâ ratione apprehensa & apparente: inani tamen, levi, futili. Alicubi peccatum esse, vel fuisse ubi revera nihil est. Sicut enim quilibet conscientia, ita & scrupulosa, quamvis principaliter versetur circa actiones hic & nunc exercendas, tamen hæc maximè se extendit ad actiones etiam præteritas: dum scilicet inaniter apprehendit, & anxie metuit, forte se peccasse, forte suggestioni consensisse, forte alicubi peccatum fuisse, fortè peccata præterita nondum remissa esse, etiam post debita adhibita remedia: forte ipsa media doloris, confessionis, non sufficienter adhibita fuisse. Quem actum communiter remorsum scrupulosum vocant, & plerunque vitiosus est. Et advertit Vasquez, cit. disputat. 67. cap. 2. num. 8. scribens: Sunt aliqui nimirum scrupulosi circa præterita



peccata, de futuris autem cavendis parum solliciti, In quem sensus etiam dixit Sylvester, v. scrupulosus initio. Scrupulosus est duplex. Quidam enim est scrupulosus in recognoscendis peccatis præteritis, & timoratus in vitandis futuris; & iste communiter bene finit. Quidam vero est scrupulosus in recognoscendis præteritis, & in cavendis futuris negligens & effractus; & iste videtur æternæ damnationi propinquus. Causæ naturales intrinsece corporales plures sunt: una autem ex præcipuis est frigida complexio apta ad fovendos scrupulos, & ratio est, quia sicut metus causat frigiditatem, ut docet Aristoteles lib. 2. de partibus animal. cap. 4. versus medium; ita etiam ad metum fovendum maxime confert frigiditas, quæ cum soleat constringere, impedit dilatationem, quæ est constrictio, dilatationi opposita & constringendo cor, prohibet ne nimium dilatetur, atque adeo ne transmittat spiritus ad alias partes, eo modo, qui requiritur ad animositatem, proinde dum obijciuntur scrupuli, frigiditas complexionis facit, ut homo nimium timeat, & præsertim deficiente vigore ad timorem propulsandum. Alia causa corporalis est Melancholia, quæ suapte natura est frigida, cum terræ naturam participet, idcirco reddit hominem formidolosum, ut Aristoteles docet in problematibus sec. 30. paulo post principium; licet per accidens interdum possit ipsa atrabilis valde calefieri, & magis quam flamma, ut evenit cum aqua, ferrum, lapis, & similia, quæ terræ, & frigida sunt secundum propriam naturam; interdum tamen calefiunt plusquam flamma, & carbo ignitus, ut ibidem ipse Philosophus testatur. Rursus melancholici maxime moveri solent phantasmatibus, juxta doctrinam Aristotelis in parvis naturalibus, cap. 4. de memoria & reminiscet. & ibidem Thom. loc. 8. cujus rei rationem reddit Doctor, dicens id provenire ex eo, quod tales homines terrestrem naturam habent, ideoque magis in ipsis phantasmatum impressiones formantur; igitur cum eisdem repræsententur scrupulorum phantasmata, intensius scrupulos, vanosque timores apprehendunt ob majorem phantasmatum radicationem, adjuvante ad hoc timiditate, quam pati solet ob terream, & frigidam complexionem ad timorem valde propensam. Hæc esse possunt causæ corporales intrinsece, quæ ad scrupulos gignendos, & fovendos valde concurrunt. Aliæ etiam esse possunt causæ intrinsece corporales, à quibus scrupuli procedunt, ut debilitas capitis, læsio imaginativæ, seu æstimatoriæ facultatis,

vel

Vel aliæ similes infirmitates, quarum cûratio ad medicos spectat. Causæ autem intrinsecæ spirituales hujus morbi non desunt, quarum una est ignorantia, quæ non finit, ut homo, urgente scrupulo, rationibus contrariis illum dissolvat, & repellat, experientia enim hoc nos docet, quosdam, qui priusquam studiis operam dederint, scrupulorum molestis sæpe cruciabantur: postea vero in scientiis etiam mediocriter versati facillime scrupulos objiciebant, ita ut tandem à tali passione liberi omnino evaserint. Respondent autem, non negari, interdum posse per accidens in viris doctis scrupulos aliquos insurgere, qui non excitarentur, si in talibus hominibus inscitia reperiretur: hoc tamen est valde per accidens. Nam in sapientibus, si alioquin ob alias causas, scrupulorum morbo minime laborent, non solent inveniri scrupuli, sed potius rationes dubitandi cum fundamento in re, à quibus facillime se expediunt, eas, beneficio doctrinæ, quam callent, dissolventes, & si à seipsis id facere formidant, aliorum sapientum consilium adhibent, & sic quiescunt. Ignorantia vero est causa, ut scrupuli irrationabiles frequentè insurgant, à quibus liberi viri docti inveniuntur. Enumeratur etiam inter causas intrinsecas spirituales superbia, & inordinatus sui ipsius amor: homo enim superbus, ita proprio judicio confidit, ut intellectum nolit aliorum consilio submittere, & ex hac nimia sui judicii fiducia oritur negligentia recurrendi ad DEUM, mediis orationibus, & aliis operibus piis, quibus DEUS homines ita superbos punit, eos scrupulis affligendo, ut cognoscant propriam vilitatem. Rursus inordinatus amor est causa, ut homo nimia sollicitudine non curet vitare omnes, quantumvis levissimas, culpas, à quibus in hac vita nemo omnino liber esse potest: Præterea, ut inordinate curet media extraordinaria, putans veluti interpretativè se posse sua industria perficere ea, quæ ad salutem spectant, & ideo non recurrit, ut debet ad cœlestem Medicum, neque humilitate se eidem subjicit, neque adhibet remedia, quæ à prudentibus, & spiritualibus proponuntur, & per consequens nolens ambulare in via Domini, modo consueto, & ordinario, in pœnam à DEO scrupulorum molestis punitur.

## XXX.

Hæc Conscientia non obligat, Remedium autem parat Amicus, cujus sunt sequentia: primò scrupulum dicit esse formidinem animi, circa suam praxin, quæ conscientiam vexat, instar lapilli exiguï in calceo latentis, qui

Q3

pedem

pedem ex cruciat. Secundò dicit, quamlibet formidinem non proprie dici scrupulum, sed illam, quæ exoritur ex levibus argumentis, vel nullis. Tertiò scrupulosum aliquem esse, vel in discutiendis actionibus præteritis, vel in futuris instituendis. Quartò oriri Deo sic ordinante, vel ut puniat, vel ut probet, aliquando ex diaboli suggestione, alias ex scientiæ defectu, alias ex melancholia, vel simili aliqua corporis constitutione, alias ex confortio hominum scrupulosorum. Quintò scrupulosam conscientiam in eo differre à dubia, quod conscientia dubia neutri parti quæstionis assensum præbet; scrupulosa vero uni parti assentitur, sed in alteram partem cum vexatione quadam sollicitatur. His constitutis respondet ad quæstionem, primò gratia DEI constanter implorata, diligentia est adhibenda, ut scrupuli illi, qui ratione possunt eximi, justo examine removeantur. Tum enim conscientia maxime quieta redditur, cum certa nititur cognitione. Secundò juvat multum, juvare (si commodè fieri possit) cognitionem de illis rebus, unde scrupuli oriuntur. Quando semel enim movetur phantasia, multi motus consequuntur, qui sine magna difficultate non possunt compesci, sicut in lateribus ordine contextis, uno cadente, cæteri sequuntur; & hinc multiplicentur scrupuli in conscientiis (ut loquuntur) timoratis. Tertiò multi scrupuli cum non possunt commodè tolli contraria ratione, deponi debent quasi violentia quadam, dum excluduntur ab omni consultatione. Scrupuli enim, dum actu non applicantur, non sunt molesti. Et quidam sunt adeo molesti, ut imbecilliores & minus periti non possint alia ratione ab ipsis liberari. Attentio enim ad scrupulum ratione tollendum, scrupulum sæpe vel parit, vel augeat. Exempli causa, norunt omnes, DEI nomen esse quotidie invocandum, potest quis tamen iræ vexari impiis cogitationibus, ut inde scrupulus exoriat, ipsi, an debeat orare? non tutum hic semper examinare istas cogitationes, neque diu de ista quæstione disputare, sed quasi violenter abjicere debet istam formidinem, & ad preces, ut potest, se accingere. Quartò si non possint amoveri, quin adhuc sint molesti, licitum, & consultum est agere contrariummodi scrupulos, e. gr. si quis sit, cui suæ indignitatis consideratio sit adeo molesta, ut vix audeat ad mensam Domini accedere, quamvis sentiat in semetipso sinceram fidem & resipiscenciam, potest, & debet, hoc scrupulo non obstante, accedere ad Cœnam Dominicam. Neque hoc est agere contra conscientiam, sed secundum conscientiam.

Sextò

Scrupulus enim est formido temeraria, & sine fundamento, atque ideo non potest obligare. Imo ex consuetudine agendi contra huiusmodi scrupulos, conscientia ipsa redditur firmior.

## XXXI.

Inter lites autem Doctorum Pontificiorum referimus illud, quod quidam volunt Conscientiam scrupulosam includere Assensum, seu iudicium tenue de malitia actionis elicitum ob rationes levissimas cum nimio terrore, & cordis anxietate, & si hoc iudicium est speculativum, esse compossibile cum iudicio practico, quod hic & nunc prudenter iudicetur, illam actionem esse licitam non obstante illo scrupulo & formidine. Ita Vasquez, Granadus, & Petrus Cornejo, Thomas Sanchez, lib. 1. Summæ cap. 9. num. 2. Joannes Sanchez, disput. 4. num. 2. & alii. Quod alii docent Palao tom. 1. tract. 1. disputat. 4. puncto 1. Oviedo, in præsentî, scrupulum non importare formaliter, & intrinsece iudicium, sed quandam apprehensionem de malitia actionis cum timore illam committendi, quæ apprehensio comitari solet iudicium practicum, & prudens, quod dicat hic & nunc illam actionem esse licite exercendam; quod iudicium intrinsece sit conscientia saltem probabilis, dici tamen solere extrinsece scrupulosam propter apprehensionem malitiæ, & timorem, quæ illud comitantur. Porro si scrupulosa conscientia importaret intrinsece iudicium de malitia actionis, dicunt, hoc iudicium fore falsum, adeoque dicunt constitueret conscientiam errantem, & non scrupulosam.

## CAPUT XI.

De

## LEGENATURÆ.

## THESIS I.

**D**iximus Moralitatem involvere respectum ad Regulam, Boni naturam ex conformitate ad illam expendimus, ipsam conscientiam dicere faciendam vel omittendam, ut subest directioni superioris, clarum esse censemus, in naturam itaque & varietatem legum inquirendum, Primò omnium aliquid de Lege Naturæ dicendum, quam dari Scriptura docet Paulo disertè ita pronuntiante, Rom. 2. v. 14. 15. *Si gentes, quæ legem non habent, naturaliter ea, quæ legis sunt, faciunt, ejusmodi legem non habentes, ipsi sibi sunt lex: qui ostendunt opus legis scriptum in cordibus suis, testimonium reddente illis conscientia ipsorum, & inter se invicem cogitationem accusantium, aut etiam defendentium.* Secundò igniculi illi & semina honestatis, quæ pellucunt ex dictis & scriptis gentilium, virtutum stricturis & operum Demonstratio nibus, quæ quamvis sint absque illa radice ex qua DEO placemus, tamen externam speciem & honestatis Typum præ se ferunt, siquidem teste Ambrosio lib. 1. de officiis ab ineunte ætate, ubi primum sensus in fundi cœperit vitam amemus, tanquam DEI munus, patriam, parentesque diligamus, deinde æquales quibus sociari cupimus. Hinc charitas nascitur, quæ alios sibi præfert, non querens, quæ sua sunt, in quibus est principatus Justitiæ. Denique tertio Testimonia Patrum Origenis: Quantum ego capere possum, loquitur, hoc loco, Paulus de Gentibus nondum credentibus, Gentilis enim legem non habens, ipsi sibi est lex, ostendens opus legis, in corde suo, & naturali ratione doctus & persuasus, multa facit convenienter rectæ rationi & virtuti. Videmus enim nonnullos in Gentibus justitiam religiosè custodire, castitatem & temperantiam servare, prudentiâ excellere, & laudabili esse animi modestiâ, & in verbis factisque moderatione. Isti, licet alieni sint à vita æterna, quia non credunt Christo, nec renati sunt ex aqua & Spiritu Sancto, ideoque intrare non possunt regnum cœlorum, videntur



tur tamen secundum id, quod docet hoc loco Paulus, bonorum operum Gloriam & Pacem minimè perdituri. Si enim Paulus condemnat Gentes, èd quod naturali intelligentia cognoscentes DEUM, non sicut DEUM glorificaverunt; quomodo non putabimus, quod etiam colaudet eos, qui cognoscentes DEUM, sicut DEUM glorificaverunt? Dubitari igitur non puto, quod is, qui pro malo opere condemnari meruisset, idem si operatus fuerit bonum, remuneratione boni operis dignus habendus sit, dicente Apostolo, nos omnes stare oportere ante tribunal Christi, ut reportet unusquisque propria operis prout gessit, sive bonum, sive malum: unde & hoc ipso in loco dixit Apostolus, quod non est acceptio Personarum apud DEUM.

## II.

Peccat hic in rectam rationem primò Carneades, qui asseruit Jura sibi homines pro utilitate sanxisse, scil. varia pro moribus; & apud eosdem pro temporibus sæpe mutata: Jus autem naturale esse nullum; omnes & homines & alias animantes ad utilitates suas docente natura ferri: proinde aut nullam esse Justitiam, aut si sit aliqua, summam esse stultitiam; quoniam sibi noceret alienis commodis consulens. Eandemque sententiam fuisse Archelai & Aristippi, notat Diogenes Laërtius in vitis illorum. Secundò Syddlovius, & qui illum sequuntur, qui negat fluere aliqua præcepta à Natura DEI, quia alias voluntas DEI non esset prima Regula Justitiæ, quod absurdum. Denique Thomas Hobbes, Malmerburienfis, qui Jus nihil aliud esse vult, quam libertatem naturalem à Regibus non constitutam, sed relictam, Legemque naturalem dictamen rectæ rationis circa ea, quæ agenda vel omittenda sunt ad vitæ membrorumque conservationem, quantum fieri potest diuturnam, primamque & fundamentalem Legem Naturæ esse hanc: quærendam esse pacem, ubi haberi potest, ubi non potest quærenda, inesse pacem, ubi haberi potest, ubi non potest quærenda esse Belli consilia. Per rectam autem rationem ipse intelligit ratiocinationem, cujusque hominis circa actiones suas, quæ aliis vel prodesse vel nocere possunt.

## III.

Rationes autem, quæ retardarunt quosdam in assensu circa Jus Naturæ recenset Dn. Mevius, scribens: Quinque sunt quæ utuntur, quæ naturalis juris essentiam impugnant. Primum, quod nihil fere reperitur

R. r

omni-

omnibus gentibus in usu & sic commune, ut naturæ communis effectus haberi possit. Secundum, quod quæ juris naturalis dicimus, apud multas aliter obtinent, & ab iis in contraria disceditur, id quod à naturalium immutabili conditione alienum reputatur. Tertium, quod cum naturalia velut ingenita omnibus obvia esse deberent, nihil forte incertius magisque in obscuro sit, quam quid juris naturalis sit, ita ut nec inter sapientissimos & diligentes ejus scrutatores de isto conveniat. Quartum, quod non pauci nec postremi sapientiæ Professores nonprehenderunt secum istius existentiam, ideo negarunt; quæ, si esset, non innotuisse impossibile videretur. Quintum, quod naturæ jus sine vi obligandi, quæ sine nomen inane, res nulla. Sed addit leviora hæc sunt, quam ut ad tantam absurditatem tegendam vel excusandam sufficiant, quæ ex orbe jus naturale tollit. Diluentur hæc objecta, per ea, quæ in sequentibus de juris naturalis proprietate, vi & constantia, nec non noscendi difficultate in his primordiis scribentur. Non eo minus universale & commune hoc jus est, quod aliquæ, imo multæ gentes, ab illo exorbitant. Transgressionem sunt, ex depravatione opinionum & morum, quæ non magis illud imminuunt, quam peccata civiles constitutiones. Similiter nec mutabile jus naturale efficiunt. Difficultas noscendi non ex juris conditione, sed ex hominum aut injuria aut perverso indagandi modo proficiscitur. Et hic peperit varias sententias & perie contrarias, quæ non magis facient negari jus, quam res, de quibus aliis per adversas & diversas sententias disputatur non entia. Vicia & corruptelæ hominum male afferuntur ad examen juris, per quod illa emendanda sunt. Vim ejus autem, qui non sentiunt, illi fatentur vel crassam ignorantiam, vel nondum sentiunt conscientiam. Per quam vel modice excitatam ista cuivis attendenti nota erit. Quæ ejus juris naturalis testis, judex, executor in hominis mente existit,

## IV.

Essentia legis Naturæ Definitione exponitur sequenti, quod scilicet sit Regula à DEO naturaliter Menti insita, ostendens bonum & malum, dirigens homines in vita & actionibus, suis, atque obligans ad bonum faciendum, malum vero vitandum.

## V.

Non itaque putamus esse satis commode selectum Genus à Pontificiis Doctoribus Actum, illumque vel nomine ordinationis, vel di-

ctami

dictaminis aut dictati exprimentibus, de quo videndi Dominicus à Soto, Gregorius de Valentia, Adamus Tannerus, Rodericus ab Arriaga, Antonius de Escobar & Mendoza, Hugo Grotius & alii, qui ipsum sequuntur. Posito enim admittendum esse dictamen quoddam, quod proximè attingit actum moralem, Lex tamen naturæ non sub ratione illius dictaminis, vel actus commode & adæquate repræsentatur; Scriptura illam delineante nobis tanquam aliquid habituale, ut etiam observarunt nostri Theologi. Secundò non exprimit indolem Juris naturæ feliciter illa communis, quæ circumfertur definitio Justiniani §. 1. Instit. de Jure nat. Gentium & Civili, quod naturalis ratio inter omnes homines constituit. Tertiò, nec illa satis exacta censetur esse Descriptio, quam Martinus Bonacina aliis prætulit, quod scil. Lex naturalis sit ipsamet convenientia, seu disconvenientia rei cum recta ratione.

## VI.

Immutabilis est Lex Naturæ, diffusa scil. in omnes, constans, sempiterna. Huic Legi nec nec prorogari fas est, nec derogare ex hoc aliquid licet, neque tota abrogari potest, ut Ciceronis & Lactantii nostra faciamus, neque etiam in Mentibus hominum ita opprimi potest, aut deleri, ut non illius literæ hæreant, ut Paulus docet: *Cùm enim gentes, quæ legem non habent, naturaliter ea, quæ legis sunt, faciunt, ejusmodi legem non habentes, ipsi sibi sunt Lex: qui ostendunt opus legis scriptum in cordibus suis, testimonium reddente illis conscientia ipsorum, & inter se invicem cogitationum accusantium aut etiam defendentium, Roman. 2. v. 14. 15.*

## VII.

Impingunt hic itaque, qui primò cum Guilielmo Okamo & aliis putant, DEUM posse dispensare in omnibus Præceptis Decalogi, imò posse abrogare totam illam Legem, auferendo omnino ejus obligationem, vel prohibitionem, nec posse tantùm DEUM non prohibere ea, quæ mala, quæ Lex Naturæ nunc prohibet, sed etiam præciperet, ut fiant, cui opinioni sua fœda enunciata superstruxit Zydlovius in Vindictis quæst. aliquot diffiic. cap. 9. & 10. Secundò Scotus & illi, qui ipsam sequuntur, qui censet, Præcepta primæ Tabulæ non admittere dispensationem, at non parem esse rationem Præceptorum secundæ, in Præcepto de Sabbatho aliquid insuper positivum agnoscens. Durandus in

Ar 2

quarto

quarto Præcepto dispensari posse à DEO, & certa ratione in negativo de non occidendo, cetera autem esse indispensabilia. Major affirmativa dispensabilia dicit negativa excepto quinto negat. Terriò non videtur satis caute pronunciaffe Dn. Mevius, qui in Prodromo Jurisprudentiæ Despect. 1. num. 38. pag. 108. ita: Etsi qua DEUM immutabiliter bonum, justum, sapientem, jus est immutabile, non tamen supra DEUM sic erectum, ut DEUS ei subsit, & aliquando ex malo bonum efficere non possit. Non sibi, sed hominibus DEUS id condidit, seu potius indidit. Non se submisit: Ex potestate sua nihil ideo imminuit. In se ut infinito Numine, potentiam & voluntatem indefinitam, & erga homines gratiæ & vindictæ arbitrium reservavit. Quæ naturæ jus in DEO simile est, quod circa civiles leges conditoribus tribuimus, quod illorum persona excepta creditur. Hilarius lib. 9. de Trinit. pag. 196. *Non subiacet natura legibus, à quo legem omnis natura sortitur.* Hieronymus in Epist. ad Vetal. *Nihil valet natura, contra natura Dominum.* Tertullianus de Resurrect. Carnis pag. 87. de Christo idem ait, quod *potentior est omni lege corporum.* Dispensando potest DEUS indulgere, quæ alias naturaliter improba, imò & injungere, multo magis facere: sicut talium aliqua Sacer Codex in extraordinariis habet exempla. Qualia & sunt pleraque Heroum ex divino afflato facta. Si homo ex se faceret mala, cum DEUS voluit, bona sunt, quia hic semper bonus, ille nisi ut hic voluit, bonus esse nequit. Quod quis male ageret contra DEI voluntatem & legem, bene facere potest ex illius voluntate, quia legis gratiam facere potest, lege salvâ. Ut autem hæc DEI singularia non sunt juris naturalis congrua argumenta, Cyrillus lib. 1. ad Regin. *Vbi DEVS vult, ibi natura vertitur ordo:* Ita nec justæ sunt de DEI actionibus, ex naturalibus humani juris regulis censuræ. Justinus quæst. 117. *Fieri non potest, ut eorum, quæ supra naturam divina sunt potentia, ratione naturali fruatur assertio.* Peculiaris eorum ratio & astricta personæ executio non admittit imitandi facultatem, nec cognoscendi facilitatem: Arcana plerumque talium ratio est, non tamen ideo, quia nos latet, apud DEUM nulla.

## VIII.

Intolerabilis verò est Glossa, quæ in c. à nobis. de decis. verbo exceptor. & alibi docet, expressè fieri posse in lege naturali dispensationem per potestatem humanam. Quod etiam tenuit Abbas ad prædict. c. & alibi

Abbi. Angelus V. Papa num. 10. Thom. Sancti. l. 8. de matrim. D. 6. n. 5. ubi alios non paucos refert. Nituntur tum ratione, quia dispensatio ordinatur in bonum animarum. Tum variis casibus, in quibus ajunt de facto fuisse dispensatum. Verum bono communi satis consulitur per exceptiones ab ipsa lege naturæ factas, secundum ipsos Doctores Pontificios, quas Adversarii minus bene vocant dispensationes. Videamus aliquos casus in specie. 1. Est de divisione dominiorum, quæ est contra jus naturæ. Dicunt plerique communitatem bonorum solum esse permissam jure naturali, non præceptam. Alii verò ita discurrunt: Si jus Gentium potuit id licite mutare, eo ipso rationem naturalem necessariò dictasse, posse illud fieri à jure Gentium. Ergo necessum esse, ut ipsamet ratio permittens hoc juri Gentium dicat, dum prohibet divisionem dominiorum, nisi Gentes contrarium statuunt, tunc autem non esse dispensationem in eo jure, sed positionem ejus conditionis, quam jus naturale requisivit, ut ea divisio sit licita. 2. De matrimonio rato, quod tamen jure naturæ indissolubile est. R. Legem naturalem non omninò prohibere eam dissolutionem, sed solum ne fiat privatâ auctoritate, & solâ ipsorum contrahentium voluntate, si enim, ut volunt Adversarii, licitum est illud dissolvere per supremam potestatem, ratio naturalis ab initio hanc exceptionem fecerit, necesse est. 3. Est de impedimentis irritantibus matrimonium jure naturæ, in quibus tamen sæpe dispensat Pontifex. R. Si sint talia, in quibus Pontifex dispensare possit, tunc jure naturæ non fuisse irritantia simpliciter, sed cum limitatione, nisi supremum Reipubl. Caput permiserit, quæ permissio non est dispensatio respectu juris naturæ. Quod si tamen ea licentia Pontificis communiter vocetur dispensatio, fieri istud respectu legis positiva, ibi præter naturalem intervenientis. 4. Est de votis & juramentis promissoriis, quæ jure naturæ obligant, & tamen Papa in iis dispensat. Respondent plerique, non remitti per dispensationem in jure, sed per cessionem alterius, cui obligabatur; Perinde autem, si DEUS remittat per se, si per suum Vicarium. Posse etiam conformiter prioribus dici, eam obligationem, si fieri possit, permitti ab ipso jure naturæ in ea circumstantia, quod scil. Caput Reipubl. det licentiam ad non implendum illud votum aut juramentum, adeoque jam non fore dispensationem. Atque hanc genuinam Responsionem putant applicari posse ad omnes excogitabiles casus, ut proinde plures asserre minimè sit necesse.



## IX.

Denique non salvantur Scotus & Durandus, quorum ille in 3. D. 37. q. unic. putat, DEUM posse dispensare in 7 posterioribus Præceptis Decalogi: iste verò in 3. D. 47. q. 4. ait, posse à DEO dispensari in præceptis affirmativis, quia possit DEUS cum homine nolle concurrere ad ullum actum positivum, quasi in solo fere modo loquendi dissentiant à communi doctrina; nam quod ipsi vocant dispensationem, admitti communiter re ipsâ posse à DEO fieri, negari tamen illam dicendam esse dispensationem; quia sit mera mutatio materiæ, ratione cuius jam non contineatur actus ille sub jure illo naturali, v. g. præceptum honorandi parentes eousque juvandi non mandat id pro omnibus circumstantiis & occasionibus possibilibus, sed cum hac limitatione, nisi grave inde damnum Reipubl. sequatur, aut nisi ille, qui fuerit Dominus vitæ & mortis tuorum parentum, id impediat; quando ergo postea Princeps cogit aliquem, ut relicto parente succurrat Reipubl. extremè periclitanti, non dispensat in jure illo naturali, sed potius utitur illâ licentiâ sibi à jure prætali occasione data. A fortiori quando DEUS, ut Dominus vitæ & necis, mandat filio, ut parenti neget cultum, neget alimentum, imo ut occidat, non dispensat in jure naturali, sed potius hoc utitur, quatenus illud jus dicit, omnia creaturæ bona esse DEO subjecta, ideoque DEUM pro libitu uti illis posse. Item in lite cum Durando clariùs constare nam DEUM negare concursum homini ad operandum, non esse dispensare cum illo, sed reddere illum physicè incapacem operationis, & consequenter ex eo capite liberare ab obligatione, sicut includens aliquem carceri non dispensat cum eo in obligatione eundi die festo ad templum.

## X.

In lege naturali Epiykeja plures admittunt Authores, quos refert & sequitur Salas D. 5. n. 67. in contrarium tamen propendit Suarez l. 2. de leg. c. 16. num. 7. Arriaga D. 8. n. 42. & alii. Si Epiykeja propriè sumatur pro correctione legis aliquem casum excipiente, in quo obligare foret contra æquitatem, licet legislator eum non exceperit, eam non posse cadere in legem naturæ statuunt, utpote quæ talis correctionis capax non est, & ab initio statim distinguit inter hanc & illam occasionem, atque in una obligationem agnoscit: in altera negat. Si verò Epiykeja latè sumitur pro quavis interpretatione legis, ita locum in ea habere potest, quia præcepta naturalia, ut nobis proponuntur, egent frequen-

ter aliquā interpretatione, v. g. præceptum non occides, sic interpretandum est, ut non obliget, quando ob justam defensionem necesse est, alterum occidere. Atque hoc tandem etiam concedit Salas num. 8. cum ita communem sententiam limitet, ut planè contrarium sentiat.

## XI.

Dividitur lex Naturæ in generalem & specialem. Prior respicit hominem quæ talem, omnes & singulos obligat, in quacunque etiam vivunt societate. Posterior vero hominem in speciali aliqua societate agentem dirigit, nec ad omnes, sed ad certā quadam Qualitate vel relatione affectos pertinet, prout scilicet sunt vel in societate conjugali, paternæ herili, vel etiam civili vivunt, & limitibus status sunt circumscripti, atque ad peculiaria officia tenentur.

## XII.

Non possumus probare autem primò Divisionem illam in jus permissivum & obligativum, quæ passim invaluit: cum omne jus prout æquipollet Legi, inducat obligationem, nec Modestini Eßatum nobis obesse possit. Secundò etiam illa vacillare videtur Distinctio in Legem naturalem primariam & secundariam, quæ quidam abutuntur. Tertiò penitus rejicimus illam in jus cum brutis commune & proprium, quam stabilire nititur Guilielmus Alvernus, Episcopus Parisiensis part. 1. de Univers. part. 3. cap. 8. Diligentem considerationem faciens per singula invenies, nihil vacare à creatoris justitia: quando & ipsas belluas pene omnia genera animalium invenies, quandam exercere justitiam & jura sua defendere. Attende, qualiter ursa rapinam vel necem catulorum suorum vindicet: Similiter & Leo, qualiter pro uxoribus, pro nidiis, pro oscis & pro pullis seu foetibus suis pugnet: quanta justitia labores suos masculi & foeminae invicem partiantur, ut foemina remanente in nido vel spelunca, masculus ad perquirendum cibum atque reportandum foeminae suæ & foetibus egrediatur & regrediatur. Tempore etiam meo Ciconia tanquam de adulterio convicta per olfactum masculi sui congregata multitudine Ciconiarum, nescio qualiter accusans masculo, vel detegente ejus erimen, à tota illa multitudine deplumata atque dilacerata est, tanquam concilio aut judicio omnium esset adulterii judicata. Narratur de equo, cum ignoranter cum matre sua concubuerat, postquam deprehendit, propriis dentibus sibi genitalia abscidisse,

scidisse, tanquam in seipsum vindicans incestum, quem commisisse sibi videbatur licet ignorans eo quod operimento abscondita fuisset ei mater, dum ascendebat.

## XIII.

Nec satis solide primò distinguitur inter jus naturæ & jus naturale. Boni Autores his vocibus promiscuè utuntur, nec contra bonam latinitatem peccant. Propriè tamen & accuratè locuturi eadem non sunt, reipsa differunt. Jus naturæ est, quod per istam rerum naturalium proprium redditum, seu his ipsis cum aliqua necessitate aut proprietate inest. Nec aliud est, quam facultas naturalis, quæ rei cuique inest. Ita rebus etiam inanimatis jus tribuitur, quod est ingenuina eorundem condicione. Seneca lib. 3. Natur. quæst. cap. 29. ait: *Legem barbe & canorum nondum natus infans habet. Aristophanes multas avium leges esse dicit.* Frequenter legimus apud Scriptores, de jure animalium, legibus astrorum. Naturales motus eadem voce designantur. Eo modo animalibus ratione carentibus juris vox applicatur, indicans quod ipsis naturale. Sic naturalis unicujusque animantis & rei facultas pro jure habetur. Aliter cum jure naturali comparatum, quod est vinculum mentis cum ratione inditum, ad observandum honesta & congrua, vitandum turpia atque iniqua. Quod consistit in aliquo dictamine & præcepto connatæ rationis, multumque differt à rerum proprietatibus. Quæ per naturam vitæ, sanguinis, ætatis, sexus, corporis, animæ propria, naturalia istorum jura sunt, at non qua hominem omne quod in his factum fuit, jus naturale seu vinculum habet ad perpetuam observantiam, sed saltem quod ex iis vel juxta ista dictat naturalis ratio. Unde & fit in iis aliquando diversa, & pene contraria accidere. Naturæ jus est in sanguine, ut conservetur, at idem non semper jus naturale, per quod fas effundere pro nostra aliorumque defensione, & pro avertenda noxa comuni, ut in pœnis capitalibus evenit. Corporis multa sunt propria, velut jura ejus, at per naturale jus contra illa & licet multa pro usibus nostris aut societatis. Huic subest jus naturæ ut regulæ, ceditque in normam justæ. Nec secundò cum Hugone de Roy in libello de eo, quod justum est, inter rationale & animale. Nec tertio cum Fortunio Garciz in Jus Gubernans & Gubernatum, quorum illud sit hominis, hoc verò Brutorum.

## XIV. Usus

## XIV.

Usum legis Naturæ constituimus primò Numinis Inquisitionem, quod cultu aliquo & Reverentiâ prosequendum, secundum illud Pauli: *Quarere DEVM, si forte attrahent eum aut inveniant, quamvis non longe sit ab unoquoque nostrum*, Actor. 17. v. 2. Quia cum cognovissent DEVM, non sicut DEVM glorificaverunt, aut gratias egerunt, sed evanuerunt in cogitationibus suis, & obscuratum est insipiens cor eorum, Roman. 1. v. 21. Secundò honestatis promotionem, quæ scil. intenditur à DEO per Legem illam inscriptam, de qua Paulus: *Cum enim gentes, quæ legem non habent, naturaliter ea, quæ legis sunt, faciunt, ejusmodi legem non habentes, ipsi sibi sunt lex*, Rom. 2. v. 14. Denique Justitiæ & disciplinæ externæ in honestate hominum conservationem, quorsum referri possunt illa Christi: *Prout vultis, ut faciant vobis homines, & vos facite illis similiter*, Lucæ 6. v. 31.

## XV.

Excedunt hic circa primum Usum Franciscus de Vi&toria, Perez rius, Casalius, Maldonatus, & ex recentioribus maximè Eduardus Baro Herbert de Cherbury, qui nimium tribuunt Cultui DEI naturali, quibus consimilia prodidit Marcus Antonius de Dominis lib. 7. cap. 9. de Republ. Eccles. §. 14. Secundò circa secundum Moses Amyr aldus, qui existimat, si gentes honestati operam dedissent ad præscri ptam Legem naturæ, excusabiles futuras, quem castigavit Georgius Re veau, Consiliarius & Advocatus Regius in Dicasterio Rupellensi. Ter tiò circa tertium Bellarminus cum sociis, gentilibus tribuens, quod possint sine fide bonum morale per ficere.

## CAPVT XII.

De

## LEGEMORALE

## THESIS I.

**L**ex moralis diuina longè altioris est ordinis quam Lex Naturæ, ut  
 Lex existit in hominibus post lapsum corruptissimis; est enim il-  
 la repetitio illius, quæ in primo homine, qui rectus conditus, Isachar  
 Num. 23. v. 10. quod LXX. Interpretibus notat aliàs *δικαιον*, Deut. 12.  
 v. 28. Proverb. 17. v. 27. *Αγαθόν*, Job. 22. v. 3. *καθαρὸν*, Jerem. 31. v. 9.  
 adeoque dicit perfectissimum Sanctitatis Exemplar, describiturque,  
 quod sit Regula à DEO immediate promulgata hominique præscripta,  
 quæ exigit omnimodam puritatem omnium facultatum & actionum, ut  
 homo sese conformet DEO suo, & totus pendeat ex illius voluntate.  
 Et quidem Authorem illius nobis indicat, Iacobus scribens: *Vnus est*  
*legislator, & iudex, qui potest perdere & liberare*, cap. 4. v. 12. manudu-  
 cuntque ad caput. Exodi 20. v. 1. & seq. Locutusque est Dominus cum  
 Moyses sermones hos, *ego sum Dominus DEVS tuus, &c. non habebis deos alios*  
*nos coram me, &c.*

H.

Vapulant merito itaque primò Manichæi, qui non veriti sunt di-  
 cere, DEUM, qui legem per Moſen dedit, non esse verum DEUM,  
 sed unum ex principibus tenebrarum. Secundò, Ptolemæus quidam,  
 qui Legis Authorem dixit non fuisse unum, sed tres, opificem scil.  
 mundi, Moſen, & Seniores. Tertiò, Pontificii, Photiniani & Armi-  
 niani, qui loquentem è Sinai & Legem illam promulgantem dicunt fuisse  
 angelum creatum.

III.

Lata autem fuit Lex hæc Judæis, quos DEVS eduxit à terra Ægypti,  
 & de domo seruitutis, Exod. 20. v. 1. & 2. nec illis tantum, sed etiam Pro-  
 felytis, imò certà ratione omnibus hominibus: cum enim omnis homo  
 censendus sit obligatus ad reverentiam Numinis, ad opera, quæ Domino  
 suo placent, quæque imperat & commendat, nullus non erit subditus  
 huic Normæ, nullus non exceptus ab hac Regula, sed potius cuiuscun-  
 que dignitatis nationis vel status eidem adstrictus.

IV. II.



## IV.

Illud autem controversum hic : Num omnes homines, tantum Legi huic sint obnoxii in quantum spectatur, ratione materiz & quoad substantiam præceptorum, an vero etiam quatenus illa à Mose data & proposita. Prius censemus esse ita liquidum, ut multum contra illud nequeat moveri. Posterius autem disputatur majori animorum contentione, in negativam euntibus Dominico à Soto, Molina, Salmerone, Gregorio de Valentia, Barradio & aliis.

## V.

Præmittimus nos in hac Controversia I. confundi à quàm plurimis distincta; aut enim disputatur, num Lex moralis in quantum à Mose data omnes homines respexerit, & obliget ad observantiam, ex quo à Mose data, vel num Lex moralis quatenus per Moysen lata Christianos etiam stringat in N. T. nec censenda sit abrogata; Posterior controversia facilius habetur, prior intricatior, posset enim aliquis affirmare Legem moralem etiam stringere Christianos, utpote qui illam tanquam Doctrinam à DEO revelatam veperantur, nec esse abrogatam in N. T. sed quotquot velint Ecclesiz accenseri, hujus Regimini, & directorio sese debere submittere. Qui autem in priori Affirmativam amplecteretur, non tantum respectu filiorum Ecclesiz vel Candidatorum Regni DEI in terris, teneretur Universalitatem obligationis defendere, sed simpliciter ratione omnium post promulgationem Legis hujus in Orbe vel præsentium vel futurorum. Utrobique autem in affirmativam propendimus, & quidem primam quæstionem, ut in sequentibus explicabitur, affirmativè decidimus. II. Notamus vocabulum quatenus esse ambiguum, & tepebras facile offundere, si non debite evolvetur, Moses enim considerari potest dupliciter, aut ut Minister DEI simpliciter, qui voluntatem illius patefecit etiam ad modum scriptionis usque in æternum perennaturæ progrediens, aut ut Minister DEI determinatè ad hunc populum Judaicum scil. cui præfuit, quibus oracula pandit, quem rationibus etiam speciatim illum stringentibus ad obsequium animavit, quæ distinctionis ratio vel ex eo animadverti potest, quia Moses proposuit quædam communia Universitati hominum, quædam specialia & propria Judaicæ genti, Doctor fuit totius Orbis, Oceanus Prophetarum, & Theologiæ Universæ, & insimul populi Israëliti-

si Magister speciali quadam ratione & modo ; Si itaque quaestio acci-  
 piatur ita : Num Lex moralis in quantum à Mose data , tanquam Mini-  
 stro DEI , intendentis erudire per illum vel oraliter proponentem vel  
 scribentem , non tantum Judæos , sed omnes respiciat , Universalitatem  
 hominum post promulgationem factam sibi succedentium , in affirma-  
 tivam videatur concedendum , neque enim Legem suam DEUS , qua  
 ratione materiz fixa , & universalis , voluit arctatam ad Gentem tantum  
 Judaicam , sed vinculo hoc laxius porrecto etiam constringere illos , qui  
 extra terram degebant Sanctam , quò referimus illa Philonis dicentis :  
 Legem Moysis usque ad terræ fines celebrari , illa Grotii in Com-  
 mentario ad Epistolam Pauli ad Romanos cap. 10. v. 18. qui ita : LXX.  
 Interpretes in Hebræo legisse  $\text{וְהָיָה}$  pro  $\text{וְהָיָה}$  diximus ad Pl. imi locum.  
 Cælum astriferum uno in loco est : & tamen ejus vox & verba ubique  
 locorum audiuntur , id est , vis ejus intelligitur. Pari modo cum Apo-  
 stoli in illustrioribus urbibus fuerint , ibique & prædicaverint , & mira-  
 cula fecerint , ut Hierosolymis , Caesare , Joppæ , Antiochiæ , Ephesi ,  
 Corinthi , Thessalonicæ , inde fama rerum tantarum pervenit ad omnes  
 terras , in quibus habitabant Judæi , idque sufficit. Sic Agrippam negat  
 Paulus ignarum esse posse eorum , quæ ab Jesu gesta erant , quia scilicet  
 illa non in angulo aliquo , sed in locis illustribus contigissent , Act. 26.  
 v. 26. Hanc esse causam diximus , cur Apostoli non permisi in Asiam  
 ite , quia ex P. sidia & Pamphiliæ urbibus fama satis clara illuc pervenire  
 potuerat. In Latino  $\text{ὁ λόγος αὐτῶν καὶ τὰ ῥήματα αὐτῶν}$  refertur ad  
 $\text{ἀγαθούς}$  , quod Hellenistæ pluraliter enunciant , ut Hebræi  $\text{וְהָיָה}$  etiam  
 ubi aut de solo aëre , aut de solo astrifero cælo mentio est. Simile est ,  
 quod de Lege Moysis dixit Philo :  $\text{τῶν νόμων τὸ κλέος εἰς ἀπλήθειαν}$   
 $\text{ἀλλὰ πᾶσι τῆς αἰκαμένης ἄξει , καὶ τῶν τῆς γῆς πρῶτων ἐφῆκεν.}$   
 Vide , quæ de Romanorum fide supra dixit Paulus I. 8. & Act. 7. v. 6. &  
 Coloss. I. 6. Clemens de Paulo :  $\text{δικαίως αὐτῷ διδάσκει ὅλον τὸν κόσμον.}$   
 Bla Menasseh Ben Israël , scribentis : Pia sanè sunt , quæ R. Ame in Jalcut  
 supra Psalmos observat : DEUS benedictus , ait , Legem in deserto , non  
 in terra sancta dedit ; nam si hoc fecisset , potuissent Israëlitz dicere gen-  
 tibus mundi , nullam illis partem in lege esse. At quando lex dabatur in  
 deserto , loco omnibus communi , ostendebatur omnibus per eam labi-  
 vis fieri licere. Fortassis inde sumum est , quod Rabi Jehuda Levita  
 narrat : Habentem Regi Cozar respondisse , quotcumque legem susci-  
 perent ,

perent, præmio non carituros. Eandemque ob causam supra nominatus R. Ame existimabat, quando Lex dabatur, fulgure, ac tonitribus cælum commotum fuisse, eaque per omnes mundi plagas audita, adeo ut ignorantibus rei causam paganis nationibus, multi Reges Bithunum, Prophetam suum percunctati sint, quæ miraculi ratio esset, & pararetur DEUS novo diluvio mundum obruere? Quibus ille fieri id non posse ob juramentum DEI respondit: sed strepitus illos edi ob Legem in monte Sinai datam. Idque facile iis persuasit, unde exclamarunt: Dominus robur populo suo dabit, Dominus benedicet populo suo cum pace. Hæc propriè, an allegoricè accipienda sint, quia ad institutum nostrum hæud faciunt, inquirere non libet: id modò dicimus, quamvis in libro Regum legamus, DEUM magis silentio delectari, tamen id nequaquam eum observasse, cum legem daret; sed voluisse, ut non solum præsentès, verum & absentes, datam eam intelligerent, quo nemo veritatem ejus negare posset. Unde cum alii hanc rem vidissent, alii audiissent, evenit ut omnes nationes confiterentur Legem à DEO datam esse populo Israëlítico, per manus Mosis servi ejus; eoque respiciens S. Scriptura, ut notat R. J. eiben Sueb in Olat Sabat ait: Vox magna neque ulterius perrexit; quia neque lex alia, neque vox huic similis unquam edita est. Quin & in Rabot ait R. Johanan vocem decem præceptorum divisam fuisse in LXX. linguas, ut quæque natio eam in lingua propriâ audiret. Si verò id quatenus determinet M. sis officium peculiare ad hunc populum & in illo, & sensus sit: Num lex Moralis in quantum à Mose, ut Ministro non tantum DEI, sed & hujus populi data est, obliget universos, negativa prævalebit: ita enim tantum curavit, quæ erant Israëlitis propria, ita tantum direxit eos, qui inspectioni concediti, ita specialibus etiam quandoque monitis & rationibus illa, quæ generalia sunt, fulcivit, & confirmavit. III. Lex moralis quatenus per Mosen data, manifesta est non eodem modo & gradu respectu Judæorum & Gentilium; hinc ulterius distinguendum esse censemus inter modum patefactionis solennem, & minus solennem, clarum & obscurum, intensum, & remissum. Si sermo sit de modo solenni, graduque intenso, plauum est ita Judæos præ cæteris obligatos fuisse ad observantiam Legis moralis, quatenus per Mosen fuit lata, quod enim solennius, abundantius, Lex aliqua per aliquem promulgatur, promissur, explicatur, eò magis etiam censorialis ad exquisitam observantiam

etiam esse adstrictus, cum verò dimanarit à Lege Divina morali per Moysen data aliquid etiam ad extraneos per famam, vel librorum Mosaicorum versionem, & Communicationem, ideoque etiam gentiles analogica illa promulgatione non penitus destituti, censendi sunt obligati Lege morali quatenus per Moysen data, lata, & promulgata.

## VI.

Statuimus Legis Moralis Formam esse Regulam divinitus communicatam. Subjectum hinc est Lex Moralis, quæ quomodo distinguatur à cæteris legis speciebus, alibi ostensum. Hujus Formam sive Essentiam dicimus esse Regulam, scil. eâ ratione, quâ Forma istiusmodi Generi Entium tribuitur, & ut pressius aliquatenus agamus, addimus divinitus communicatam scil. per Revelationem cœlestem, in quo à Lege naturæ differt, quæ non est ex Revelatione externâ, sed interna inscriptione in Corda, docente Paulo Rom. 2. v. 12. 13. 14. 15. Patet id primò ex eo, quia si Legis ut sic forma est Regula, Legis Moralis forma erit Regula talis, ostendimus autem prius alibi, consequens itaque erit posterius, quia Scriptura est Canon, Norma & Regula Fidei & Morum, dividitur autem illa in Legem & Evangelium, ut itaque Evangelium, quod Lex Fidei dicitur, Paulo est Regula credendi, ita Lex quæ dicitur Lex operum, erit Regula agendi, quia denique peccatum oppositum Legis consistit in difformitate quadam & Recessu à Regula, si itaque illud dicit quandam anomaliam formaliter, Lex utique erit Regula illa formaliter, cujus illud Recessus, cui opponitur, cui non convenit, à qua differt. Secundò ostenditur intentum ex eo, quia quàm plurimi, etiam diversæ Religionis Theologi, in hoc puncto conspirant. Nihil dicimus de Philosophis ex veteriorum & juniorum Ordine, quorum quàm plures possemus producere, qui vel in terminis hoc habent, quod volumus, vel æquivalenter illud dicunt. Sufficiat nobis Chrysippus, qui Legem ita definit: Νόμος ἐστὶ κανὼν δικαίων καὶ ἀδικίων, καὶ τῶν φύσει πολιτικῶν ζώων, προσαλκύν μὲν αὐτῶν πεινῆτιον, ἀπαγορεύει δὲ τῶν ἐμπειρίων: Lex est Regula justorum & injustorum, & eorum, quæ natura civilia sunt, præceptrix quidem faciendorum, prohibitrice autem non faciendorum. Nihil de Patribus, qui calculum suum addunt, sed subsumimus in testimonio modernorum, diversæ Religionis Theologorum,



gorum, qui veritati hęc dextras jungunt. De quibus in Typo Legis Moralıs.

## VII.

Variant hęc devii. Quidam enim putant illam esse præceptum. Hinc Arriaga Legem definit: Quod sit præceptum stabile, justum, commune ad faciendam aut omittendam rem aliquam obligans. Alii patefactionem voluntatis divinæ, cum Zanchio, qui Legem describit, quod sit patefactio voluntatis divinæ, quā quid fieri ab hominibus velit, quid vetari, tūm doceat, tūm id ut fiat, atque vitetur, præcipiat ad sui Gloriam & omnium hominum bonum, cūm privatum, cūm maxime publicum instituta. Alii doctrinam, quo quidem sensu Philippus Melancthon Legem divinam accepit & delineavit ita: Quod si doctrina à DEO per Moysen tradita præcipiens, quales nos esse, & quæ facere, quæ omittere oporteat, & requirens perfectam obedientiam erga DEUM, & promuncians irasci DEUM, & punire æternā morte non præstantes perfectam obedientiam. Sunt, qui scribunt, formam Legis esse quandam Ordinationem Rationis. Sunt alii, qui statuunt, Animam Legis, & velut Formam esse Obedientiam, quæ à creatura rationali exigitur sub promissione præmii, & comminatione poenæ. Sunt denique, qui dicunt, formam Legis esse bonorum præceptionem, malorum interdictionem, & permissionem indifferentium, secundum sanctitatis & libertatis voluntatis modum.

## VIII.

Finis Legis moralis primus est Vita æterna sub conditione perfectæ Obedientiæ, Levit. 24. v. 9. succedaneus verò est infirmitatis nostræ Demonstratio: Quod impossibile erat Legi, infirmabatur per carnem, Rom. 8. v. 3. Denique ad Medicum Animarum Deductio: Lex Pedagogs noster fuit in Christum, Gal. 3. v. 24. maximum verò usum habet circa regenos, dum scil. ostendit illis, quid faciendum, quid omittendum, dirigit ipsorum vitam & Mores, unde Christus: Noli reputare, quia veni solvere Legem aut Prophetas. Non veni solvere, sed implere, Matth. 5. v. 7. Si vis ad vitam ingredi, serva mandata, cap. 1. v. 17. Verbum sanum, irreprehensibile, ut is, qui ex adverso est, vereatur, nihil habens malum dicere de nobis, Tit. 2. v. 8.

## IX. De



## IX.

Deviant hîc primò Antinomi , qui eousque progressi sunt , ut dixerint , Legem non esse dignam , ut vocetur verbum DEI , Decalogum ad curiam pertinere , non ad suggestum , quibus cum Mose res est , ad diabolum tendere , proinde Mosen ad patibulum relegandum , quos secuti sint superiori Seculo Anabaptistæ. videatur B. Lutherus Tomo Wittenb. lat. fol. 554. Secundò Pontificii , qui cum Suarezio finem ultimum per illam Legem à DEO principaliter intentum fuisse spirituale & supernaturalem felicitatem asserunt contra illud Pauli : *Nam si ex Legge hereditas jam non ex promissione. Abrahæ autem per repromissionem, donavit DEVS. Quid igitur lex? Propter transgressionem posita est, donec veniret semen, cui promiserat, quod promissum erat: ordinata (lex) per angelos in manu Mediatoris. Mediator autem unus non est: DEVS autem unus est. Lex ergo adversus promissa DEI? Absit. Si enim data esset Lex, qua posset vivificare, verè ex lege esset iustitia*, Gal. 3. v. 18. 19. 20. 21. Tertiò Photiniani , qui putant Legem etiam in hoc statu posse servari. Unde Volkelius : Nos primò generatim respondemus : Nequaquam absque insigni divini Numinis injuria tantam ipsius legibus maculam adspergi posse, ut prorsus impossibiles esse dicantur : cum sic DEO iustissimo atq; sapientissimo turpissima (horret animus dicere) iniquitatis stultitiæ nota necessarîo inuratur , ut qui non solùm eam legem hominibus imposuerit , quam servare nullo pacto possint ; sed etiam , qui eam non exequuntur , pœnam ab illis gravem expetat. Quod si eâ ratione legem præstitum impossibilem dicere velis , qua v. g. Christus impossibile esse ait , divitem intrare in regnum cœlorum , h. e. aded difficile, ut ægrè id queat fieri, & hominum vires quodammodo superet ; (Matth. 19, 26. conf. vers. 24.) facile concedimus , impossibile esse legem opère implere, si perfectior ejus sensus spectetur. Animadvertendum est enim, duplicem esse legis moralis , de qua potissimum disputare, sensum : alterum perfectiorem , quem non ratò ipsa legis verba per se sumpta postulare videntur , ut patet ex præceptis illis generalibus de DEO & proximo diligendo ; itemque de concupiscentia vitanda ( Deut. 6, 5. Lev. 19. 18. Exod. 20, 17.) alteram imperfectiorem , accommodatum statui populi Judaici adhuc rudis & carnalis : qui quidem inserviebat partim exercendo illi populo in cultus divini rudimentis , partim civili honestati & tranquillitati publicæ , atque adeo terrenæ felicitati , quam DEUS populo

pulo promiserat, conservandæ. Hoc posteriori modo legem servare & poterat & debebat, quisquis promissis illis terrenis potiri cupiebat; præsertim cum certa esset proposita ratio, leviora quædam delicta expiandi, ita ut ea nequaquam obstarent, quominus quis promissa scædænis adipisceretur.

## X.

Affectiones illius sunt primò perfectio, quam Christus stabiliz. Nolite putare, quia veni solvere Legem & Prophetas. Non veni solvere, sed adimplere, Matth. 5. v. 17. Secundò Spiritualitas: Scimus, quod Lex spiritualis est, Rom. 7. v. 1. Tertiò perpetuitas: Nolite putare, quoniam venerim solvere Legem aut Prophetas. Non veni solvere, sed adimplere. Amen quippe dico vobis: Antequam transeat cælum & terra, jota unum, aut unus apex non præteribit à Lege. donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno cælorum, Matth. 5. v. 17. & seq. Legem ergo destrui- mus per fidem? Absit: sed legem stabilimus, Rom. 3. v. 31.

## XI.

Improbamus itaque primò sententiam Photinianorum, qui legem moralem imperfectionis alicujus accusant: Catechismus Rati- coviensis cap. 1. de Præceptis Christi, quæ legi addidit, hæc habet: Quæritur: Quæ nam sunt perfectæ mandata DEI per Christum pate- facta? Et respondetur: Pars eorum continetur in Præceptis à Mose traditis unà cum iis, quæ sunt in Novo scædere addita: Pars verò con- tinetur in iis, quæ peculiariter ipse Christus præscripsit. Succinit Ostorodus asserendo: Præcepta divina Christum Matth. 5. non repurgasse à falsis Phariseorum & Legisperitorum interpretationibus, uti putati- vi Christiani opinentur, cum illarum falsarum glossarum nullo ibi ver- bulo fiat mentio, & Christus verba sua verbis legis simpliciter oppo- nat. Ex recentioribus Ludovicus Wolzogenius pag. 213. ita disserit: Antequam ipsa verba explicemus, indicandus nobis est crassus valde & perniciosus error, qui fere omnibus interpretibus à Papismo alienis com- munis est, veræque pietati, quam Evangelium exposcit, vim omnem adi- mit: quodd scilicet Christus nova sua præcepta, non Mosaicæ Legi, sed tantum falsis interpretationibus Scribarum & Phariseorum opposue- rit. Credunt enim, Legem Mosaicam fuisse tam perfectam, & tam san- ctam,

tum, ut nulla in parte potuerit emendari. Quod quidem verum est, si intentio & scopus ejus spectetur, non autem ipsa præcepta considerentur. Primam hujus suæ opinionis rationem petunt ex his verbis: Audivistis dictum fuisse. Quæ verba indicare dicunt, Christum non antiquos Judæos opponere illis, qui tunc temporis vivebant Judæis, sed sensum esse, quasi dicat: Audivistis, & etiamnum quotidie auditis à vestris Magistris, dictum est antiquis, non occides. (Nimirum contendunt, hæc non Christi verba esse, sed Phariseos ac Scribas solitos fuisse ea promittere & præfigere suis doctrinis ac interpretationibus, ut eis auctoritatem antiquitatis conciliarent.) Istis ergo Phariseorum verbis: Dictum est antiquis, ajunt, Christum verba opponere: Ego verò dico vobis, ne nudis verbis ac litera Legis, vel vestrorum Magistrorum interpretationibus in hæreatis, neque puteris, solum homicidium, prout illi docent, in Lege interdictum esse, sed scitote Legem requirere multo plura, nempe ne prorsus irascamini, neve convitiemini. Verum ratio hæc tam subtilis & arguta est, ut vix percipi queat. Quomodo, quæso, probari potest, verba ista, dictum est antiquis, non Christi, sed Phariseorum verba esse? Quis ea re convinci potest, quam ille simpliciter negat ac inficiatur? Eadem hæc verba leguntur v. 27. 31. 33. 38. 43. neque in ullo horum locorum exeat vel minimum indicium, quod hæc verba Phariseorum ac Scribarum sint. Ex adverso autem, sensus est clarissimus & facillimus, nec ullo modo coactus, si tota hæc oratio pro Christi verbis accipiat. Quibus Anabaptistæ & Pontificii pollicem premunt: In Colloquio enim Franckenthalensi publicè professi sunt, non tantum Christi doctrinam non esse conformem Mosaicæ, sed & plenius docere Christum Legem quam Moïsen, perfectiorem tradidisse V. T. Ministro, idque patere ex Matth. 5. Legem umbram habere futurorum bonorum non imaginem veram, neque accedentes posse perfectos facere, & proin doctrinæ Christi assimilare. Cornelius à Lapide apertè: Christus hic componit, opponit & antepōnit se suamque doctrinam tum Scribis & Phariseis, qui per suas *ὑποπόσεις*, id est, traditiones Pharisaicas legem interpretabantur, ut patet ex v. 20 & 23. tum ipsi Legi & Moysi. Christus enim Legi addidit præcepta fidei explicitè de DEO Trino & Uno, deque Christi incarnatione, passione, redemptione, &c. Item consilia Evangelica; ad hæc clariorem & expressiorem legis Naturæ sive Decalogi

logi explicationem, & hoc ultimum maximè intendit. Iñ. Christus, ut patet ex sequentibus. Licet enim lex Naturæ semper extiterit, omnesque obligarit tum eos, qui fuerunt ante diluvium, tum eos, qui post id vixerunt, tamen obscurior mansit, nec planè expressa, ideoque paucis plenè cognita ante Christum, veritatis, iustitiæ & perfectionis Magistrum, qui eandem hinc clarè, planè & plenè explicat. Ita disertè S. Augustinus lib. 1. Retract. cap. 22. S. Hilarius, Chrysostomus, Theophylactus, Euthymius, & alii. Licet nonnulli cum Maldonato censeant, Christum hinc tantum agere contra perversas Phariseorum Legis interpretationes, ideoque ipsum hinc non se opponere Legi & Moyse, sed tantum Scribis & Phariseis eorumque Legis interpretationibus: sed prius, quod dixi, verius est, scilicet Christum tam Legi, quam Scribis se opponere, & utrorumque imperfectiones & defectus supplere. Lex enim Moysi fuit rudis & imperfecta, utpote rudibus Judæis data, quam proinde Christus per legem Evangelicam expolivit & perfecit. Secundò sententiam Photinianorum, qui in spiritualitatem insurgunt. Ita enim Catéchismus Racoviensis: Nonne eadem promissa comprehensa fuerunt in Lege Moysi. Resp. Imò nullum eorum comprehensum fuit, etenim nusquam in Lege Moysi reperies vel vitam aut donum Spiritus Sancti obedientibus præceptis Legis promissum: quemadmodum in lege per Christum data promissa esse constat. Et paulò post: Ergò quoad promissa vitæ præsentis exæquatum est novum fœdus veteri. Cum ex aliis scripturis constet hominem Christianum acquiescere debere iis tantum, quæ ad vitam tuendam sunt necessaria, 1. Timoth. 6. v. 8. apparet promissa vitæ huius sub novo fœdere facta etiam plenissima, sic accipi debere, ne Christiano homini desit quicquam, quod ad hanc vitam tuendam necessariò requiratur. Verum sub veteri fœdere non solum quærere licuit & possidere plura, quam vitæ huius usus requireret; sed etiam à superfluo voluptates, & alia, sine quibus esse in hac vita possumus parare, modo sine alterius fieret injuria. Propterea promissa vitæ huius sub veteri fœdere non contrahenda sunt, sed, ut verba sonant, accipienda. Unde etiam cernere est vitam æternam in veteri fœdere non fuisse promissam; alioqui novum fœdus non haberet præstantiora promissa, quam habebat vetus, contra quam supra docuimus. Tertiò, sententiam Judæorum, qui per perpetuitatem Legis moralis etiam ad Legem ceremonialem & judicialem ex-

tendunt. Difertè in hanc rem Moyſes Maimonides in More Nevochim part. 2. c. 39. Sic fundamentum Legis noſtræ eſt, quòd in æternum non fit finem habitura vel abolenda : ac propterea etiam ex ſententia noſtra, alia Lex nec unquam nec fuit, nec erit, præter unicam hanc Legem Moſis Doctõris noſtri p. m. Probatur hoc inde, quia neque in Prophetis, neque in Cabbala invenimus, quòd Prophetæ aliquis aut Patriarcha ante Moſen, quales fuerunt, Schem, Eber, Noach, Mathuſalem, & Enoch, ad cœtum & congregationem aliquam hominum dixerit ; DEUS miſit me ad vos, & præcepit mihi, ut vobis ſic vel ſic dicam ; vel, mōnet vos, ne ita faciatis ; aut præcepit vobis, ut ſic faciatis : de hac inquam re neque in Lege, neque in Cabbala ullum teſt. monium reperimus ; ſed obligit iſtis Prophetia eorũ modo, quem expoſuimus. Cui autem copioſè elargita fuit influentia illa, veluti Abrahamo p. m. is congregavit homines, & per modum doctrinæ, inſtructionis & informationis ad veritatem vocavit, quam apprehenderat. Ita docere ſolebat Abraham, & per demonſtrationes ſpeculativas oſtendere, quòd Mundus habeat DEUM unum ſolũ, quod is creaverit omnia alia, quæ extra vel præter ipſum ſunt, & quod non ſit ſerviendum figuris iſtiusmodi externis aut ulli creaturæ ; ad iſta ſermonibus blandis, ſuavis & jucundis, beneficiis denique homines allexit & attraxit. Nunquam verò dixit ; DEUS miſit me ad vos, præcepit mihi, aut hortatus eſt me. Sic cum mandatum à DEO accepiſſet, ut ipſe, & filii, & ſervi ejus circumciderentur, circumcidit ; nequaquam verò homines ad hoc vocatione Propheticâ vocavit. Nonne enim vides, quid Lex de eo dicat ; Quia novi eum : præterea præcipiet filiis ſuis, &c. Unde vides, quod per præcepta ſolitus fuerit omnia ſua peragere. Hoc pacto vocãunt homines Iſaac, Jacob, Levi, Kehat, Amram. Sic dicunt ſapientes noſtri de Prophetis, qui antecceſſerunt ipſum ; Domus Judiciĩ Methuſalemi, Schola Methuſalemi, omnes fuerunt Prophetæ, & docebant homines inſtar Concionatorum, Doctõrum, Præceptorum, non verò, quod dixerint, & dixit Dominus ad me, loquere ad N. ſic comparatum fuit ante Moſen. Malè etiam philoſophantur Pontificii, de abrogatione legis Moſaicæ. Sic enim recentior quidam : Lex vetus quoad præcepta ritualia, ac judicialia jam pridem omnino ceſſavit. Eſt communis ac certa hæc aſſertio definita ab Apoſtolis & ſenioribus, Actõr. 15. v. 6. & ſeq. Atque idem tradit Apoſtolus ad Gal. 3. v. 24. lex, inquit, pædagogus noſter



stet firmiter in Christo, ut ex fide iustificemur, at ubi venit fides, jam non sumus sub pedagogo. Item ad Heb. 7. v. 12. translatio enim sacerdotio necesse est, ut & legis translatio fiat. Ratio est, quia lex vetus ceremonialis erat figura novæ & Mosis in ea promissi: hoc ergo præsentē frustra mansissent figuræ. Lex vero judicialis spectabat ad peculiare regimen & statum Politicum Republ. Israëliticæ, quod regimen cum Christus sustulerit, qui fecit utraque unum ad Ephes. 2. v. 14. non erat, cur lex illa maneret. Quod si ex his Ecclesia non pauca habeat, quæ pro Republ. Christiana judicavit utilis, non obligant ista judicialia, nisi eadem Ecclesia suâ lege, quæ humana est, illa præcipiat; antiqua enim obligatio omnino perit. Immo lex eadem vetus cessavit etiam quoad præcepta moralia, si ea sumantur præcisè ut inclusa in lege Moysaica. Ita D. Thom. hic quæst. 38. art. 5. in corp. Cardinalis Tolet. ad Rom. 3. annotat. 15. Salmeron. Rom. 7. disp. 6. Barradius. Tom. 1. L. 2. c. c. 21. Valentia, Suarez, Salas, Granadus, Tanner, Ariaga, & plures alii contra Cardin. Bellarminum L. 4. de Justific. c. 6. Vasquez hic D. 186. c. 3. qui docent, legem Decalogi, etiam prout à DEO olim per Moysen tradita fuerat, ad omnes Christianas gentes spectare. Sed probatur assertio nostra. Tum quia S. Scriptura & Patres de abrogatione legis veteris generaliter & absolute loquuntur, ut videre est apud citatos Dd. nec apparet ratio eorum locutiones restringendi ad sola præcepta judicialia & ritualia. Ergo, &c. Tum quia nec nos, nec ceteri Gentiles unquam præceptis hisce ut à Moysè promulgatis obligati fuimus: nemo enim obligatur lege, nisi is, cui lex imponitur; nobis autem lex Moysis nulla ex parte unquam fuit imposita. Tum quia, ut bene argumentatur Suarez L. 9. c. 11. num. 7. lex illa tota erat data, donec veniret semen. Ergo tota cessavit, maxime Christo renovante ea præcepta; quippe non erat æquum, ut duæ obligationes divinæ circa eandem materiam in Ecclesia existerent. Diximus, si ea sumantur, ut inclusa in Lege Moysaica; si enim spectentur, ut sunt de lege naturæ, vel etiam ut denuò tradita & confirmata à Christo per legem Evangelicam, extra controversiam est, omnes iis hodieque astringi. Nec obstat dictis, quod lex vetus sæpe in Scriptura vocetur pactum, præceptum vel fœdus perpetuum, sempiternum, æternum; nam dicitur tale vel relate ad præcepta moralia, quæ sunt juris naturæ immutabilia atque æterna: vel etiam quoad ceremonialia, hæc enim li-

et in seipsis sint abolita, manent tamen & durant æternum quoad rem figuratam: vel denique dicitur æterna usitato Scripturæ loquendi modo, quo res diu duraturas vocare solet æternas. Urget Vasquez absurdum ratus celsasse eam legem ideo, quod DEUS illam non tulerit, nisi ad certum tempus. Sed nihil prorsus in hoc apparet absurdi, imo decentia magna, cum videret à Christo illa præcepta renovanda, ut beate Arriaga d. 10. num. 40. Lex vetus prius mortua fuit, quam mortifera: atque adeo licuit aliquanto post abrogatam tempore uti ejusdem ritibus ad cultum DEO præstandum, non quidem tanquam vivis & ad sui observationem obligantibus, aut etiam tanquam figuris adhuc venturi Messie, sed tanquam mortuis, bonis tamen & à DEO ad sui cultum iustitatis. Ita D. Thomas hæc quæst. 103. art. 4. Cardin. Baronius Anno Christi 44. & 58. Valentia, Suar 2, Tanner & communissime T. T. cum August. Epist. 19. contra Hieronymum Epist. 89. quæ est inter Augustinianas 11. ubi celebrem illam inter hos duos Doctores controversiam de ceremoniis legibus ita Hieronymus disputat, ut ritus omnes Judaicos continuo à morte Christi contendat fuisse mortiferos; nec adhiberi ab ullo licite potuisse cum animo colendi per eos DEUM: potuisse tamen usurpari simulate ad finem honestum, atque laudabiliter fecisse Apostolos, ut eo pacto facilius Judæos ad Christiana sacra traderent, aut in iisdem confirmarent. Prob. assertio nostra. Quia Apostoli post Christi mortem adhuc plures è Judaicis ritibus adhibuerunt, v. gr. Paul. Actor. 16. circumcidit Timotheum. Idem 18. sibi torondit more Nazæorum caput cap. 21. ex consilio Jacobi cum quibusdam Judæis Judaico ritu se purificavit ante ingressum in templum, & sacrificia obtulit, &c. quod utique facturi non fuissent, si ejusmodi ritus jam tunc fuissent mortiferi. Nec satisfacit responsio Hieronymi, quod animo solum simulate ob finem honestum id fecerint. Nam, ut rectè doce D. Augustin. loc. cit. simulatio falsi cultus seu religionis, quæ nempe usurpantur ejusmodi facta vel verba, quæ per se significativa sunt falsæ religionis, nunquam est licita, ut ex communi docetur in materia de fide. Si ergo prorsus illicitum erat, ejusmodi ceremonialia usurpare, sub ratione cultus Moysæicæ legis, nunquam sane poterant ab Apostolis nec simulate quidem velut sub ratione cultus usurpari. Arriaga disp. 10. num. 4. consentiens D. Hieronymo, quod illæ ceremoniæ jam re ipsâ essent mortiferae, admittere tamen no-

lens

lens prædictam simulationem, ait: Apostolos iisdem ceremoniis ex ignorantia invincibili fuisse usos. Sed hæc opinio & singularis est, quia contra communem PP. & TT. & dura nimis, quia turpem ignorantiam sacris orbis Doctoribus affingit. Confirmatur igitur assertio nostra, quia valde conveniens erat, ut ceremoniæ illæ à DEO traditæ & sanctæ non simul & semel in momento abolerentur & redderentur mortiferæ, sed, uti ipsa Synagoga, paulatim sepelirentur cum honore. Hinc infertur Petrum serio ac sine culpa legalia observasse, quem nihilominus Paulus bene reprehendit, ut ipsemet enarrat ad Galat. 2. non quidem ob factum ipsum secundum se, sed secundum id, quod ex eo per accidens & præter intentionem, adeoque etiam sine culpa Petri consecutum est apud Gentiles, sinistram de necessitate ceremonialium opinionem concipientes; ut prolixè tuctur & explicat Baron. tom. 1. An. Christi 51. & sequuntur Suarez, Vasquez. & plerique alii Theologi, in quo Discursu misceri putamina baccis evidenter patet.

## XII.

Lutulenta quoque sunt, quæ de Evangelicâ lege Pontificiæ produnt, quod scilicet sit positiva à DEO per filium suum Jesum Christum verum DEUM & hominem data universo generi humano, ut per observantiam illius in hac vita peccatorum veniam ac gratiam, in altera beatitudinem consequamur æternam. Dicitur illis lex divina, quia Christum verum DEUM Authorem habet, cujus divinum imperium internum: non verò hominis solum essentialiter involvit. Dicitur rursus nova, quia post Moyseicam data: item Evangelica, quia per evangelicam prædicationem innotuit. Appellatur denique lex gratiæ, quod abundantiora gratiæ auxilia DEUS in ea conferat. De hac evangelica lege loquens DEUS per Jeremiam Prophetam ait c. 31. v. 33. *Feriam domui Israël & domui Iacob fœdus novum*, id quod versu sequenti sic declarat: *Dabo legem meam in visceribus eorum, & in cordibus eorum scribam eam.* Unde quaerunt AA. quomodo nova lex præ antiqua dicatur in mentibus fidelium scripta? Fusc de hac quaestione agunt Suarez l. 10. cap. 3. Salas disp. 24. c. 3. Tanner. de leg. quæst. 4. num. 3. & alii. Probabilius nobis videtur, hanc prærogativam legi novæ præ veteri convenire tum ob uberiora auxilia ad eam implendam concessa, tum maxime ob majorem ipsius memoriam & frequentiore de illa cogitationem, ac intensiorem in eam affectum, sicut de

re, quam vehementer amamus, vel quæ nostræ assiduo obversatur menti, dicere solemus, quod eam habeamus impressam in phantasia, voluntate, &c. Atque hinc Thom. q. 106. art. 1. in corp. dicit, legem novam principaliter esse legem inditam: secundario autem scriptam. Lex Evangelica multiplicia præcepta continet, præsertim vero triplicia, quorum alia sunt Moralia: alia spectant ad actus supernaturales fidei: alia demum ad sacramentorum administrationem, susceptionem & ritus. Lege morali prohibuit Christus Dominus omnia, quæ naturâ suâ mala erant, quæ etiam fuerant prohibita in lege veteri seu Decalogo. Quod si vindicta Judæis olim fuerit permessa: nunc autem prohibita, fecit hoc Christus auferendo jus in bona & vitam alterius; unde statim jus naturale eam vindictam prohibuit. Non plura etiam moralem legem Christi præcepisse, quam ratio naturalis dicitur, & de se ad rationem virtutis spectent, tradunt communiter TT. cum Thoma quæst. 108. art. 1. & 2. & bonam valde congruentiam ex suavitate legis gratiæ desumunt. Non obstat, quod teneamur nunc credere explicite Trinitatem, incarnationem, ac passionem Christi: item per hunc sperare remissionem peccatorum, gratiam & gloriam, ad quæ & alia non pauca ex natura rei non obligamur. Non obstat, inquam, siquidem hæc præcepta non sunt positiva; suppositâ enim elevatione ad ordinem gratiæ ex natura rei ad ea tenemur, ut bene Arriaga disp. 12. num. 12. ubi num. 16. addit, legem specialis dilectionis à Christo latam obligare etiam ex natura rei suppositâ inter se ejusdem religionis ratione. Hinc clare patet, legem Christi moralem præcipere actus internos fidei, spei, &c. & hos directe sub obligationem cadere; neque in hoc est difficultas, cum Christus directam habuerit potestatem in illos. Tota materia ceremonialis legis gratiæ reducitur ad septem sacramenta, etsi non obligemur ad omnem hanc materiam, nec semper, ut per se patet. Præcepta judicialia Christus Dominus nulla dedit, non civilia, quia noluit exercere temporalem jurisdictionem, etsi posset: Ecclesiastica vero maluit fieri per Vicarios suos, dirigente eos invisibili Spiritus S. gratiâ & illuminatione; sic autem statuit, quia consultius & connaturalius omnibus expensis videbatur.

## CAPUT XIII.

De

## LEGIBUS POSITIVIS.

## THESIS I.

**L**Ex positiva est vel divina vel humana, divina vel universalis, vel lata unâ populo Ebræo, vel Ceremonialis vel Forensis. Videatur Exod. 25. v. 1. & seq. & Exod. 21. vers. 1. & seq. Differunt ambæ à lege morali secundum nostros, primò Respectu patefactionis. Lex enim moralis in prima statim creatione mentibus hominum fuit implantata, & per Moysen tantum repetita, sed leges Ceremoniales ac Forenses tempore Moysis datæ, & minus solenniter latæ Deut. 5. v. 30. 31. non à DEO, sed à Moysè scriptæ Deut. 31. v. 9. nec in arca fœderis exemplo Decalogi asservatæ Exod. 25. v. 16. & c. 40. v. 18. Deut. 5. v. 30. 1. Reg. 8. v. 9. Heb. 9. v. 4. sed custodiæ duntaxat Sacerdotis & Regis commendatæ fuerunt Deut. 17. v. 18. 19. cap. 31. v. 9. Secundò Respectu obligationis. Nam lex moralis est regula universalis omnes omnino homines & ipsos Angelos obligans: Leges Ceremoniales & Forenses autem solos Judæos concernunt, eosque obligant. Evidentissimè hoc evincunt verba illa Levit. 23. v. 14. *Panem & potentiam & pulres non comedetis ex segete usque ad diem, quo offeratis ex DEO vestro, & quæ sequuntur v. 21. Legitimum sempiternum erit in cunctis habitaculis & generationibus vestris*, quanquam id, quod in talibus est morale, ad omnes in universum homines pertinet. Insuper proselyti ex gentibus oriundi unâ cum Judæis circumcisionem suspiciebant, & legis Ceremonias spontè servabant, quibus tamen Cornelius incircumcissus, qui DEUM Israël colegebat, annumerandus non est Act. 10. v. 22. & 28. Tertiò Respectu qualitatis. Lex enim moralis erat spiritualis Rom. 7. v. 14. hoc est, non tantum externam, sed etiam internam obedientiam requirebat, leges autem ceremoniales & forenses externo tantum officio & obsequio, quod præscribebant, contentæ erant. Quartiò Respectu durationis, quia lex moralis est faciendorum & fugiendorum norma perpetua, semper immobilis & immutabilis mansura, leges verò ceremoniales & forenses tantum spectant ad Vetus Testamentum, quod fœdere novo antiquatur

V u

quatur



quatur Jerem. 31. v. 31. & Ebr. 8. v. 13. Quintò Respectu finium diversorum. Præter usum enim Politicum finis illius fuit convictio de peccato, Rom. 3. vers. 20. & doctrinalis. Leges verò Ceremoniales & Forenses propter Rempublicam Judaicam promulgatz fuerunt, ut ea esset primò officina divinarum patefactionum, Psal. 76. v. 2. 3. & Esa. 31. v. 9. Secundò Academia & Schola, in qua sonaret incorrupta doctrina, & exerceretur orthodoxa vel religio, Psal. 122. v. 3. 4. & Psal. 147. v. 19. 20. unde vera cognitio Dei peteretur, & ex Hierosolyma tanquam orbis umbilico ad exteras quoque nationes dimanaret. Tertiò Bibliotheca, id qua Mosis & Prophetarum scripta asseverentur, & ad posteritatem transmitterentur Rom. 3. v. 2. Quartò hospitium Messiaz venientis Gen. 49. v. 10. & nascentis Joh. 4. v. 22. Rom. 9. v. 4. docentis Luc. 19. v. 47. & Joh. 18. v. 20. patientis & morientis Luc. 9. vers. 31.

## II.

Juxta ejus collationem constitutio de pœna idololatrarum Exod. di 22. v. 20. & Deuter. 13. v. 5. ad Præceptum primum; lex de pœnis sagarum, & similis farinæ hominum Exod. 22. v. 18. Lev. 20. v. 27. & cap. 24. v. 15. 16. ad secundum; pœna capitalis Sabbathi, violatoribus irroganda Exod. 35. v. 2. itemque sanctio, de septimi unni Sabbatho Exod. 23. v. 10. Lev. 25. v. 4. ad tertium spectat. Quarti præcepti lacinia est primò lex de manumissione servorum Exod. 21. à v. 2. usque ad v. 11. inclusivè, nec non Lev. 25. v. 39. 41. (qui conferendus est cum loco Exod. 21. v. 6.) 46. 47. 49. Deut. 15. v. 13. 14. Secundò constitutio de pœna injuriæ, vel contumeliæ parentibus illatz Exod. 21. v. 15. & Lev. 20. v. 9. Tertiò Pœna contumacis filii Deut. 21. v. 18. 19. 21. Appendix quinti Præcepti est constitutio primò de civitatibus refugij Exod. 21. v. 13. Num. 35. v. 9. Deut. 19. v. 2. & seq. Secundò de ritus expiandæ terræ, in qua inventum fuit cadaver hominis interfecti, ubi autor cædis ignoratur Deut. 21. v. 1. & seq. Tertiò de jure belli Deut. 20. v. 5. 6. 7. 8. Quartò de pœnis homicidii, & cujuscunque læsionis Exod. 21. à v. 18. usque ad v. 32. inclusivè. Quintò de operibus misericordiæ peregrino, viduæ, pupillo, adeoque & hostibus præstandæ Exod. 22. v. 21. 22. & cap. 23. v. 4. 5. Ad sextum præceptum referatur constitutio de pœnis primò stupri Exod. 22. v. 16. & Deut. 22. v. 28. 29. Secundò adulterij Deut. 22. v. 22. 23. 25. Tertiò impudici contactus Deut. 25.

Deut. 25. v. 11. 12. Et tertio nefandarum libidinum, e.g. bestialitatis Exod. 22. v. 19. Ad septimum præceptum pertinet poena primò plagii Exod. 21. v. 16. & Deut. 24. v. 6. Secundò furti simplicis Exod. 22. v. 1. 3. 4. Tertiò pauperiei à quadrupede factæ Exod. 21. v. 35. & cap. 22. v. 5. Quartò damni dati Exod. 21. v. 33. 34. & cap. 22. v. 6. Eo quoque referri debent alia quædam statuta, nempe de deposito Exod. 22. v. 7. 8. 10. 11. 12. 13. de amisso ibid. v. 9. de commodato & inducō ibid. v. 14. de mutuo & usuris ibid. v. 25. Lev. 25. v. 36. Deut. 23. v. 19. 20. de pignoribus Exod. 22. v. 6. 10. 11. 12. Octavi Præcepti appendiculae sunt constitutiones primò de repudiando unius testimonio Deut. 17. v. 6. & cap. 19. v. 15. de poena falsa testimonii Deut. 19. v. 16. 17. 18. 19. 21. de poena calumniæ & falsæ accusationis Deut. 22. v. 13. 14. 15. 18. 19. quæ tamen statuta magis pertinere ad legem moralem, quidam hîc monent. Ab honoribus porro publicorum officiorum Deut. 23. vers. 1. arcetur is, qui fractos aut abscissos habet testiculos, cui tamen sacris inter-esse licuit Psal. 56. v. 4. 5. Sic lex de spurio Deut. 23. v. 2. dispensationem admittit Jud. 11. v. 11. quod etiam lex de Ammonita & Moabita congregationem Domini non ingressuris Deut. 23. v. 3. Limitate accipienda sit ex verbis Exod. 12. v. 48. liquet. Conferatur locus Deut. 23. v. 7. Hæ leges ita generales sunt, ut ad speciale aliquod Decalogi præceptum vix referi possint. Denique cum populus Israëliticus esset populus *σκληροτάτη* Exod. 32. v. 9. Deut. 9. v. 13. & cap. 33. v. 3. Act. 7. v. 51. tanquam durus nodus duro opus habuit Cuneo, propter eandem tamen duritiem toleravit DEUS libellum repudii Matth. 19. vers. 16.

## III.

Quædam leges forenses ex mente Thomæ, præscribunt certum ordinem justitiæ inter Principem & populum, quædam inter ipsos populares inter se, quædam inter populum & extraneos, quædam inter domesticos ejusdem familiæ, ut inter parentes & filios, inter maritum & uxorem, inter servum & dominum. Sunt insuper, qui jura forensia ad tria revocant capita, nempe ad personas, res & actiones, cum in illis omne jus consistere dicatur. §. omne autem, Inst. de I. N. G. & C. Sed enumeratio juxta præceptorum Decalogo comprehensorum fini legum forensium primario, qui est externæ disciplinæ conservatio, & Politicæ Judaicæ constitutio, ex assè respondet.

Vñ 2

IV. Lc.

## IV.

Leges forenses abrogatas esse in N. T. patet primò , quia p<sup>ri</sup>ma est sublatu<sup>s</sup> Gen. 49. v. 10. Secundò , quia nec in V. T. eadem gentiles conversos extra Judæam habitantes obligârunt, nec Daniel Regnum Persicum gubernans leges patrias introduxit , nec in N. T. conversis onus legum forensium fuit impositum Matth. 8. v. 13. Luc. 3. v. 14. Act. 10. v. 8. & cap. 13. v. 12. Tertiò , quia Respublica Judæorum fuit eversa Hofe. 3. v. 4. neque Sanhedrim uspiam apparet. Quartò , quia non minus parendum est legibus civilibus , quàm ipsi Magistratui , Matth. 22. v. 21. Rom. 13. v. 15. 1. Petr. 2. v. 13. 14. Quiu<sup>to</sup> , quia regnum DEI non venit cum observatione Luc. 17. v. 29. unde Politias non abrogat idem regnum spirituale, cujus typus in N. T. meritò cessat. Sextò , quia Paulus Actor. 25. v. 10. 25. leges Romanas haut obscurè probat.

## V.

Leges Ceremoniales nomen sunt sortitz ab objecto , seu materia circa quam versantur : agunt enim de ceremoniis seu ritibus Ecclesiasticis in externo DEI cultu observandis. Hebræis usitatum est leges hasce ceremoniales vocare Chukkim, in regimine Chukkè, in forma feminina , Chuhkoth (præsertim si jungatur vocabulum mispatim, quo constitutiones politicæ denotantur) à radice Chakak , constituit rei alicujus formam, impressit imaginem : quia Ceremoniæ Leviticæ fuerunt typicè Christum & beneficia ejus potissimum adumbrantes, LXX. vocabulum Chukkim reddiderunt per τὰ δικαιώματα justificationes Deut. 4. 1. &c. Non quod ceremoniarum observatio fuerit Israëlitarum cum DEO justitia, sed quia typi & umbræ fuerunt Christi & beneficiorum ejus : Qui factus est nobis à DEO justitia , 1. Cor. 1. v. 31. λατρείας nomine denotari videntur Rom. 9. v. 4. Hebr. 9. v. 1. Cum fuerint externa divini cultus exercitia. Sunt ergo Ceremoniæ Leges à DEO ad cultus instituti celebrationem latæ, ad formam Reipublicæ Israëliticæ olim accommodatæ, ut essent quædam umbræ, symbola ac typi Messie bonorumque ipsius in populo Judaico , tantisper dum adveniret tempus διαφώσεως, atq; ipse sol justitiæ illucesceret. Coloss. 1. v. 17. Hebr. 10. v. 12.

## VI. Lex



## VI.

Lex judicialis sive forensis est, quæ officia Magistratum & subditorum Reipublicæ Israeliticæ, certis constitutionibus civilibus determinat, easque poenis corporalibus in rebelles sancit, juxta decalogi normam. Vocantur leges judiciales, *misphatim*, *מִשְׁפָּטִים*, quia erant norma judiciorum in foro politico, 1. Paral. 34. v. 31. Videntur appellari *gnédoth*, testimonia; cum ibidem conjungantur præcepta, statuta & testimonia, id est, leges Morales, Ceremoniales, & forenses; siquidem hæ non minus quam reliquæ fuerunt testimonia divinæ voluntatis, qualiter Israelitarum politia constituenda sit, & judicia eorum exercenda.

## VII.

Humana est gentium vel civilis. Quærum priorem à Legge naturali distinctam esse eo ipso, quod non immediate ut jus naturæ originem suam à DEO ducat, sed in gentium consensum se refundat, nec ita obliget, ut qui illi se non conformet in omnibus, scelere se implicet, cum possit populus aliquis etiam non admittere legatos, nec mittere, nec denique plane sit immutabile, ut lex naturalis: à jure autem civili distinguitur, quod hoc sit certæ Reipublicæ & peculiare, profectumque à potestate legislativa, quæ in illo, qui *αρχὴν* habet in civitate aliqua: Jus autem gentium tripliciter ferè ab Authoribus accipitur, quarum dux priores acceptiones sunt laxiores & improprie, ultima est stricta & propria, 1. est, quæ jus gentium usurpatur pro eo, quod hominibus à natura institutum iisdem omnibus & solis commune est, quomodo jus gentium sumitur à plerisque Juristis, & cum lege naturæ, quam vocant T. T. coincidit. 2. Pro eo, quod omnium gentium consensu aliqua permittit, ad quæ tamen faciendâ non obligat, hoc sensu videtur sumere Vasquez D. 157. cap. 3. docens jus gentium nihil esse aliud, quàm aliquas permissiones seu concessiones licitè agendi aut non agendi aliquid, sine ulla tamen obligatione. 3. Pro eo, quod ubique servari omnibus vel certè plerisque gentibus placuit cum mutua ad id obligatione, juxta quam acceptionem asserunt: Jus gentium esse, quod liberâ omnium aut ferè omnium nationum consensione atque usu receptum vim obligandi accepit. Ita ferè Suarez L. 1. de Leg. c. 18. & seq. Molin. de Just. tr. 1. D. 3. & 5. Valent.

sent. Tom. 2. T. 7. q. 5. pun. 2. Salas de l. g. D. 2. f. 3. n. 21. Bonac. D. 4. de L. G. q. 1. p. 1. n. 15. Palao tr. 3. D. 1. n. 2. & alii, quibus nonnulli ex R.R. Juristis consentiunt. Probatur 1. autoritate, tum Imperatoris Justiniani in §. jus autem. Instit. de jure naturali & civili, ubi sic loquitur: Jus autem gentium omni humano generi commune est, nam usu exigente & humanis necessitatibus gentes humana quædam jura sibi constituerunt; tum Thomæ hic q. 85. art. q. jus gentium inter leges humanas censentis. Probatur 2. ratione, quia jus in assertionem descriptum est verum jus civile, lex. (nam juris & legis nomen hic pro eodem sumuntur.) Atqui hoc jus non pertinet ad aliam speciem juris, quam gentium. Ergo, &c. Maj. patet. M. n. ostenditur. Nam neque spectat ad jus naturæ, quia obligat independententer ab humana constitutione; neque ad jus humanum civile strictè acceptum, vel Ecclesiasticum, quia neutrum horum per se loquendo est commune omnibus gentibus aut fere omnibus. Restat igitur, ut pertineat ad jus gentium. Diximus 1. in assertionem libera consensione receptum; neque enim ad jus gentium sufficit, ut plures seorsim & independententer ab invicem ad privatum bonum suæ Reipubl. eas leges condant, quæ juris gentium non censentur, sed debent easdem communi autoritate & consensu ad bonum omnibus commune statuere animo se ultro citroque obligandi, id, quod facere possunt, non quatenus distinctis legibus & Rebus publ. secerantur, sed, prout retinent communionem quandam & unitatem moralem fundatam in mutua communicatione & auxilio ad commune gentium bonum. Diximus 2. usu receptum; quamvis enim jus gentium absolute loquendo posset scripto constare, sicut ordinariè constant jura civilia, defacto tamen non scripto, vel simili solennitate, sed moribus & usu est introductum; id quod eò facilius fieri potuit, quò pleraque omnia hoc jure sancita sunt conformiora naturæ humanæ, & omnium quasi nationum genio ac propensione magis consentanea, ut mirum non sit in ea sancienda communi omnes usu conspirasse. Diximus 3. vim obligandi accepit, quod enim singulis quidem gentibus placuit, sed sine obligatione, id propriè jus gentium dici non potest; hoc enim jus, cum veri nominis lex sit, sine obligatione constare non potest; esse autem veram legem, inde teste Arriaga bene ostendit Salas, quòd jus (pro lege sumptum) communiter ab omnibus dividatur in jus naturæ, gentium, & civile. Atqui lex ut talis propriè obligat. Ergo & jus gentium



gentium quæ tale est obligativum, & non purè concessivum, ut Vasquez putat. Et licet aliquando jus gentium non tam obligare videatur, quàm quædam permittere, eo tamen casu non omni obligatione caret; etenim prohibet, ne una natio aliam in hac vel illa re impunè facienda impediatur. Hinc inferitur, jus gentium esse veram legem humanam, & essentialiter à lege naturæ distingui; licet enim huic sit valde finitimum, & in eo conveniat, quòd omnibus aut fere omnibus gentibus sit commune, differt tamen ab eadem, quòd hæc obliget independentè à libera hominum constitutione: illud verò ab humano consensu tacito vel expresse dependeat.

## VIII.

Certum autem est requiri secundum Doctores in legislatore humano, à quo validè & cum obligationis effectu lex ferenda, auctoritatem sive potestatem ferendi, quæ in Principe vel superioribus residenti duobus potissimum circumscribitur, quorum unum est, ne quid mandent subditis non suis; alterum, ut quod mandant, ejusmodi sit, quod cum bona ratione mandari possit. Lex enim est recta agendorum ratio, ab habente publicam potestatem subditis denuntiata, cum voluntate eos obligandi. Concurrunt igitur in ferendis legibus hæc tria: 1. Judicium practicum in mente legislatoris, aliquid ex usu publico fore; 2. Voluntas ejusdem subditos suos obligandi; 3. Imperium à prudentis profectum, quod oratione subditis declaratur, quum dicitur: Hoc facite. Hinc Aristoteles *ὁ νόμος αἰαγκαστικὸν ἔχει δυνάμιν λόγου ὡν ἀπὸ πινυφρονήμου καὶ νῦν*. Lex cogendi vim habet, quum ex prudentia quadam & mente profecta oratio sit. Conditiones & requisita bonæ legis, quæ Isidorus olim commemoravit, merito ab interpretibus unanimiter approbantur. Sunt autem hæc: Erit, inquit, lex honesta, justa, possibilis secundum naturam & patriæ consuetudinem, loco temporique conveniens, necessaria, utilis, manifesta quoque, ne aliquid per obscuritatem in captionem contineat, nullo privato commodo, sed pro communi civium utilitate conscripta. Et ut verissimum, ita quoque adscribi dignum est effatum Augustini: Ubi justitia vera non est, nec jus potest esse. Quod enim jure fit, profectò justè fit. Quod autem fit injustè, nec jure fieri potest. Non enim jura dicenda vel putanda sunt iniqua hominum constituta: quum illum etiam ipsi jus esse dicant, quod de justitiæ fonte manaverit; falsumque esse, quod à quibusdam non re-

Q̃

Quæ sentientibus dici solet. Id esse jus, quod ei, qui plus potest, utile est. Nempe apud Platonem primò de Republica affirmat Thrasymachus: *Πασι γὰρ εἶναι τὸ αὐτὸ δίκαιον, τὸ ἑ κρείττονι συμφέρον.* Sed eam definitionem Socrates rejicit & refutat.

## IX.

Nondum autem accedimus primò illis, qui Jus gentium simpliciter repudiant, inter quos agmen ducit Thomas Hobbes, qui cum jure naturali illud confundit, & de cive, cap. 14. præcepta utriusque eadem esse scribit, sed addit, quia civitates semel institutæ induunt proprietates hominum personales, lex, quam loquentes de hominum singulorum officio naturalem dicimus, applicata totis civitatibus, rationibus, sive gentibus, vocatur Jus gentium. Secundò illis, qui cum Hugone de Roy omnia, quæ sunt juris gentium ad duo summa capita referunt, quorum primum sit res dividere, secundum punire fontes. Tertiò illis, qui cum Seldeno dividunt jus gentium in imperativum & interveniens, quorum illud à DEO præscriptum, hoc ab ipsis Hebræis superinductum videatur, hb. 2. de jure N. & G. cap. 5. p. 115. adeo hic annotata ad Grot. p. 226. & seq.

## X.

Lex civilis illa dicitur, quæ est Regula qua civitas aliqua utitur, quanquam hodie illius nomine, si presse, accipiatur veniat Jus Romanum § 2. Inst. de jure naturæ & gent. Originem suam ducit à potestate legislativa, quæ ad Majestatem pertinet, de quo videri potest Paulus: *Omnis anima potestatibus superioribus subdita sit, non est enim potestas, nisi à DEO ordinata sit, itaque qui resistit potestati, DEI ordinationi resistit, qui autem resistunt, ipsi sibi damnationem acquirunt, ministri enim DEI sunt, in hoc servientes; Rom. 13. v. 1. 2. 6. & versatur in rebus indifferentibus atque à natura non determinatis, quæ talis, finemque habet *εὐδαιμονίας* felicitatem civilem salutem Reipublicæ, & est vel communis, vel particularis, quantum prior ad omnes sese porrigit in Republica, illosque obligat, particularis autem, quæ vel provincialis vel municipalis tantum adstringit illos, qui vel in provincia aliquâ agunt, vel in oppido quodam colliguntur.*

## XI. Gra-

## XI.

Graviter autem hic errant primò Pontificii Doctores, Dominicus à Soto, lib. 1. de Justitia quæst. 1. art. 3. Covarruvias in practicis, cap. 1. conclus. 1. Navarrus in cap. Novit. de Judiciis Notabili 3. n. 119. qui potestatem legislativam, ex sola rei natura in nullo singulari homine existere, sed in hominum collectione opinantur. Secundò iidem, qui cum Suarezio, Tannero & cæteris hanc potestatem negant esse immediate à Deo, sed tantum datam esse per modum proprietatis consequentis naturam eo modo, quo dando formam dat consequentia ad formam, asserunt. Tertiò iidem, qui statuunt, quod licet hæc potestas sit veluti proprietas naturalis perfectæ communis hominis, nihilominus in eâ non sit immutabiliter, sed per consensum ipsiusmet communis, vel per aliam viam justam posse privari & in alium transferri.

## XII.

Præterea nequeunt probari illa Francisci Suarezii : Lex positiva habet efficaciam constituendi materiam suam in tali specie virtutis, & præscribendi medium necessarium ad honestatem talis virtutis. Item : Postquam illud medium constitutum est, absolute in eo consistit virtus, & ideo ab illo recedere peccatum est. Leges humanæ non de singulis actionibus singularum virtutum præcipiunt. Itaque præcipiant de singularum virtutum aliquibus : non tamen de singulis omnium. Ut si verbi gratiâ dixerimus : in materia fortitudinis præcipit lex humana Rempublicam defendere etiam cum mortis periculo : non autem sic defendere amicum : sed hoc relinquit naturæ. In materia temperantiæ præcipit Ecclesia certis diebus jejunia : non autem in reliquo temporis anno moderate comedere, quod facit lex naturæ. In materia religionis jubet certos dies divinis dedicare, ac sacris interesse : non autem ad alias cogit orationes liberas. In materia justitiæ, & liberalitatis præcipit in gravi necessitate & parentibus alere filios secundum suum statum, & nonnunquam filiis vice versâ parentes. Extra illos autem casus reliqua ad legem naturæ & divinam remittit de honore parentibus deferendo. In Summa, lex humana ea duntaxat præcipit officia, quæ ad bonum commune referuntur : vel per se, & proximè, ut ad publicum

blicum bellum arma indui : vel mediâ , (ut ajunt) ut illa , quæ ad bonam attinent disciplinam , per quam cives ad bonum justitiæ & pacis instituantur,

## XIII.

Denique non potest probari sententia primò , quam fovit Fortunius Garcias , Jureconsultus Hispanus , qui contendit suadere , finem juris civilis esse eundem cum fine juris Canonici , habereque eandem originem , eademque principia. Unde multa infert. Nam de hac opinione quatenus comparisonem facit inter utrumque jus , quia non explicato prius utroque extremo , non potest eorum comparatio fieri aut intelligi. Hic ergò solùm de potestate , ac jure civili absolute spectato in ordine ad suum finem Opinio hæc tractatur ab aliis. Sentit ergo Fortunatus finem juris civilis esse non solùm externam pacem , & justitiam Reipublicæ , sed etiam veram , & internam hominis felicitatem , ac salutem. Ubi eundem finem juris Canonici posuerat , & inde concludit esse eundem finem utriusque juris. Unde necesse est , ut vel sentiat , finem Canonici juris esse tantùm externam Politiam humanam , quod valde absurdum est , vel oportet , ut sentiat , finem juris civilis non sistere in humana Politia , & externa pace , ac justitia Reipublicæ , sed etiam tendere ad veram felicitatem humanam. Secundò sententia Navarri , qui quidem largitur ipsam potestatem Civilem se non extendere in illum finem , nihilominus ut conjunctam fidei in illam referri posse & debere : Quæ Opinio statim apparet incredibilis intellecta de jure civili , & de potestate ferendi illud , prout esse potest in pura natura. Tertiò sententia communis Pontificiorum , qui potestati civilis curam sacrorum derogant , atque concludunt primò : Imperatorem quidem posse leges civiles condere ; non tamen posse per illas obligare totam Ecclesiam , sed tantùm Provincias imperio Romano subiectas. Prior pars certa est apud omnes , quia Imperator in suis terris est Princeps supremus quoad jurisdictionem temporalem directam : ergo maxime ferre potest leges civiles. Et hoc constat ex jure communi Cæsareo , quod auctoritate Imperatorum institutum est : eandem enim auctoritatem habet nunc Imperator in terris sibi subiectis , quam olim habebant Imperatores in suo latiori imperio : Imperator autem non solùm hanc potestatem habuit , sed etiam illi DEUS leges subiecit , eamque



animatam constituit, ut Justinianus in Authentica de Consulibus, circa finem. Imò in l. 2. C. de veter. jure enucl. Soli Imperiali auctoritati (ait) leges condere, & interpretari esse concessum. Et idem fere habet in l. 1. & ult. C. de legibus. Loquitur tamen in ordine ad populos sibi subiectos, (ut sæpius aliis locis declarat) nam in suo imperio se tantum agnoscebat in temporalibus supremum: eadem ergo potestas nunc est in Imperatore cum eadem proportionem. Unde facile etiam patet altera pars ex dictis: nam ostensum est, non habere Imperatorem Romanum propriam jurisdictionem temporalem in universam Ecclesiam: ergo non potest totam illam suis legibus obligare, sed tantum Provincias sibi subiectas; ita tamen, ut etiam particulares Ecclesias illius potestati subducant.

## XIV.

Requiritur autem ad legem civilem, ut Voluntas illius summæ potestatis innotescat illis, qui illa obligari intenduntur, absque hac enim nondum constare potest de voluntate Legislatoris. Nomine autem promulgationis (de facto, non ex natura rei, ut Arriaga advertit disp. 4. s. 4.) non intelligitur locutio aut manifestatio quæcunque, qua legislator etiam ut privata persona voluntatem suam subditis declarat, sed ea quæ ut persona publica & potestate jurisdictionis pollens iisdem denuntiat, quid fieri velit, sive id scripto, sive voce, sive alio signo externo faciat; ut enim ait Aristot. L. 10. Ethic. cap. 9. scriptæ ne sint leges, an non scriptæ, nihil referre videtur. Sed controversum, utrum ista promulgatio sit essentialis pars legis intrinsece hanc constituens: an vero sit tantum conditio? Prius tenent Salas disp. 1. sect. 10. num. 70. & R.R. non pauci. Posterius volunt Granadus de ll. contr. 7. tr. 1. disp. 7. Tanner. de ll. quæst. 2. dub. 1. & alii plures, quibus, loquendo de lege ut proxime obligante, alii quoque subscribunt. Nam cum omnes fere homines distinguant inter legem & promulgationem, manifeste constat contra nonnullos, eam vocem ne quidem partialiter dicere promulgationem. Aliud ergo est lex secundum se; aliud ut actu obligans, sicut aliud est causa secundum se: aliud ut actu causans, aut ut proxime potens causare; etenim approximatō non est pars causæ, proprie loquendo, sed conditio causæ potentis proxime operari, ita dicimus sine promulgatione dari posse veram legem, eo ipso, quod si vera volitio obligandi, addimus tamen, non esse tunc proximam obligationem, quia ad hanc requiritur promulgatio. Hæc ergo promulgatio



est conditio legis, ut proxime obligantis, quod solum volunt Thomas, & alii, qui promulgationem in definitione legis ponunt, ut præter alios recte advertit Layman, de II, cap. 2. num. 1. Non obstat cap. 1. de promulgatione Prælatorum, ubi Innocentius III. distinguens inter solennem editionem constitutionis, & publicam promulgationem ait: constitutio solenniter editur, aut publice promulgatur, &c. quæ oratio disjunctiva videtur falsa, si promulgatio ullâ ratione necessaria est ad legem. Non obstat, inquam, quia tantum significatur, legem interdum obligare eo in loco, in quo non est solenniter publicata, modo solenniter sit edita, hoc est, loco requisito promulgata.

## XV.

Variant autem hic quidam, nec omnes dextrè incedunt. Selva: Quod sine scriptura, sine publicatione valet lex, & ligat statim, si conditor velit, & citat Glossam in Clement. 2. de hæreticis. At vero illa Glossa in verb. ex tunc, statuit, non dicit sine publicatione, sed statim à promulgatione, quod longe diversum est, ut alii observant. Neque aliter loquuntur Doctores in rubr. de constit. quos etiam Selva refert. Unde etiam ille forte in eodem sensu loquutus est, per publicationem intelligens illam, quæ longo tempore, vel certa solemnitate fit: hæc enim potest per principem immutari. Explicandum vero est, quæ & qualis debeat esse hæc solemnitas, seu publica propositio, quæ solet communiter promulgatio vocari. Falinus Benig Imola: Legem humanam statim, ac publicè promulgatam in loco competente, obligare in toto territorio, in quo potest obligare: juxta potestatem, & jurisdictionem legislatoris, nisi per ipsum legislatorem suspendatur, vel differatur obligatio. Hoc videntur supponere communiter Doctores, qui temporis dilationem in hac obligatione juxta voluntatem legislatoris, vel jus positivum putant esse regulandam: nam inde inferri videtur seclusa hujusmodi quasi suspensione positiva, legem de se statim ubique obligare. Et ratio esse potest, quia lex sufficienter promulgata est perfecta lex, & habet omnia requisita ad obligandum, & est quasi agens naturale, quod statim agit, quantum potest. Atque hinc à fortiori sequitur: si legislator expressè declaret, se velle statim obligare sine ulla mora à promulgatione, statim obligari illo modo, quia si taciturnitas, vel negatio suspensionis, ut lex obliget propter indefinitam, & absolutam voluntatem legislatoris sufficit; multò magis sufficeret illa voluntas.

luntas ita expressa. Et è contrario etiam sit optimum argumentum : nam legislator potest hoc modo obligare, si id expressè velit, & declaret ; ergo ille modus obligandi non est contra rationem naturalem ; ergo eo ipso, quod lex per voluntatem humanam non limitetur, nec impeditur, absolute lata, & promulgata ita obligavit. Atque hoc modo possunt etiam pro hac sententia citari auctores dicentes, ex nunc, vel ex tunc, aut aliquid æquivalens, post promulgationem statim obligare omnes, seu in toto territorio.

## XVI.

Promulgata lex humana, si sit iusta, obligat conscientiam ad parandum, secundum illud Pauli : *Itaque qui resistit potestati, DEI ordinationi resistit. Ideo necessitate subditi estote, non solum propter iram, sed etiam propter conscientiam*, Rom. 13. v. 2. & 5. *Subditi igitur estote omni humane creature propter DEUM : sive Regi, quasi præcellentis, sive Ducibus, tanquam ab eomis ad vindictam malefactorum, laudem verò bonorum*, 1. Petr. 2. v. 3. neque lex proprie dicta esse potest, quæ crearet potestate & vi obligativa, sin vero lex sit simpliciter iusta, & contra DEUM ejusque verbum & voluntatem, non obligare in conscientia censendum, secundum illud : *Obedire oportet DEO magis, quam hominibus*, Actor. 5. v. 29: quanquam alia sit ratio legum injustarum secundum quid, quæ obligationem inducere possunt.

## XVII.

Vapulat ipsi Pontificiis hic primò Gerson negans : Possè Magistratus civiles per leges suas in conscientia obligare, & alii, qui à fortiori negant esse in Principibus veram potestatem ad leges ferendas atque volunt : Solum DEUM possè dare præcepta affirmativa, vel negativa, obligantia sub poena mortis æternæ. Unde infert Coroll. 5. & sequa. Quoties peccari videtur contra legem humanam, non incurri culpam alibi ex transgressione legis humanæ, sed divinæ, quæ ibi conjungitur. Unde non videtur aliquid tribuere legi humanæ, nisi explicationem ejus obligationis, quæ continetur in lege divina, ut patet ex exemplo medici, quoritur. Nam cum medicus imperat alicui, ne bibas vinum purum, alias morieris, statim oritur obligatio non bibendi, non quia illam medicus imponat, sed quia in ipsa lege divina continebatur. Et quamvis de culpa mortali semper loquatur, rationes tamen ejus, & omnia, per quæ dis-

currit, si quid valent, & que probant de omni culpa, & de omni obligatione in foro DEI. Eandem sententiam quoad leges civiles tenet Almain. de potest. Eccles. cap. 12. inter Canonistas inclinare videtur in eam sententiam Decius in Can. nam concupiscentiam. de constit. circa finem lectionis primæ, & Joan. Imol. cap. 2. de majorit. & obedient. & in cap. cum contingat, de jurejur. & Roman. in l. is, qui bonus. ff. de verbor. significat. Unde Mencha. lib. 1. illustr. quæst. cap. 19. num. 12 & Soto, Castro, & alii non censent tam certum, leges civiles obligare in conscientia sicut Ecclesiasticas. Secundò illi, qui negant Legem civilem obligare vel obligare posse sub reatu mortalis culpæ, in quo puncto ut observat Suarez clarius videntur loqui Gerson & Almain. negantes Magistratui civili hanc potestatem. Idemque à fortiori tenent, qui de legibus Ecclesiasticis hoc docent: Aliqui etiam Canonistæ docuerunt, non esse peccatum mortale, non parere legibus civilibus secluso contemptu. Imol. in repet. cap. cum contingat. de jurejur. col. 17. cujus doctrinam in hac parte valde commendat Felin. in ca. 1. de sponsal. n. 9. unde videtur supponere, ex vi talium legum non sequi per se talem obligationem. Hi verò auctores nullam novam rationem, vel probationem afferunt, qua ostendant, excedere efficaciam potestatis, ac legis civilis, attingere hunc gradum præcepti, seu obligationis, & omnes, quæ afferri possunt, reducuntur ad eas, quæ in cap. 20. positæ sunt. Tertiò illi, qui cum Driodone libro 3. de libert. Christiana legem humanam statuunt obligare sub mortali tantum in materia gravi. Cujus Assertio ita concepta legitur: Temerarie mandantium intentiones pro quibuslibet rebus parvi ponderis non obligant subditos, ut teneantur obedire sub pœna criminis illius, quod ipsi volunt subditos incurrere.

## XVII.

Illud adhuc superest, an etiam potestas legislativa sit in personis Ecclesiasticis, Prælati, Episcopis & Pontifice Romano, quod Lutherani negant Pontificiis, qui pro hac sententiâ tanquam proaris & fœcispugnant, Orthodoxi enim dicunt, de cultu Dei interno nec Magistratus nec Ministerium Ecclesiastic. novas leges ferre posse, quippe quas DEUS in verbo suo jam ante perfecte ac sufficienter præscripserit, eas igitur Magistratus debere custodire, ac idoneos Ministros, qui eas

dem populum doceant, constituere, sed de exercitio cultus divini externo Magistratum pium ac Christianum posse & debere leges ferre, ut omnia in Ecclesia fiant *ἐκ νόμων καὶ κατὰ τὴν*, 1. Cor. 14. v. 40. Cum enim non posterioris solum, sed & prioris Decalogi tabularum custodia Magistratui sit commissa, utique etiam posse leges Ecclesiasticas, quæ sunt legum divinarum ad priorem tabulam pertinentium appendices & custodes, promulgare & ceremonias ad Ecclesie ædificationem spectantes modo legitimo introducere. Ita Moses populi Israëliti Dux mandato divino non solum forenses & judiciales, sed etiam ceremoniales sive Ecclesiasticas leges tulit complures. David promulgat legem de reducenda DEI arca 1. Paral. 13. v. 5. de distributione officiorum inter Levitas 1. Paral. 23. v. 6. Josaphatus Sacerdotibus certa præscribit mandata 2. Paral. 19. v. 8. indicit jejunium publicum tempore calamitatis publicæ 2. Paral. 20. v. 3. quod & à Ninivitarum Rege factum Jon. 3. v. 7. in N. T. pii Imperatores proposuerunt leges utiles & præclaras ad Christianam religionem & Ecclesie ædificationem spectantes, quæ extant in Codice sub tit. de summ. Trin. & fide Cathol. de S. S. Eccl. de Episc. & Clericis, de Episcopali audientia, de hæreticis & Manichæis, &c. Item in Constitutionibus Leonis, in Novell. Justiniani, &c. Gloss. decreti dist. 84. dicit, quod amplius 800. à nativitate Christi annis Imperatores II. de rebus Ecclesiasticis tulerint, quodque eis Ecclesia obediverit.

## XIX.

Errant itaque Pontificii, qui istiusmodi potestatem firmare contendunt, & ita definiunt. I. Summus Pontifex habet immediate à Christo potestatem condendi leges canonicas universam Ecclesiam obligantes, ut ex communi Catholicorum asserto tradit P. Suarez. l. 4. de ll. c. 2. sumiturque ex universali potestate Petro concessa Matth. 16. vers. 19. *Quodcumque ligaveris super terram, erit ligatum & in cælis: & quodcumque solveris super terram, erit solutum & in cælis*; ubi cum non tantum potestas solvendi, sed etiam ligandi & obligandi, (quod per leges fit) stabiliter concedatur: nec tamen immediate Ecclesie detur, ut ipsa eam, cui veller, communicaret, absque dubio illam penes summum Ecclesie Prælatum Petri successorem residere oportet; unde etiam defuncto Pontifice non est in Ecclesia illa potestas. Ergo potest Papa pro  
tota



totæ Ecclesiæ leges Ecclesiasticas ferre, & quidem absque Concilio Generali; imo absque Concilio Cardinalium, aut aliorum Episcoporum, ut post plures Arriaga de ll. D. 18. num. 4. quia Christus soli Petro ejusque successoribus eam potestatem concessit, nec constituit alios Compastores; quamvis ut varia jura indicant, congruum sit, ut horum consilia exquirat. Idem tamen summus Pontifex non habet potestatem ferendi leges civiles obligantes universum orbem, aut etiam totum populum Christianum, sed solum habet potestatem ferendi leges obligantes terram sibi temporaliter subjectam, ut contra nonnullos Canonistas civilem Papæ potestatem plus æquo extollentes recte Cardin. Bellarm. l. 5. de Pontif. cap. 2. & seq. Covarr. l. peccatum. 2. p. 5. 9. num. 7. Molina tr. 2. de Just. disp. 19. Suarez. l. 3. de ll. cap. 6. num. 3. Salas disp. 7. dell. f. 4. num. 30. & plerique alii. Nam ad leges civiles ferendas pro universo orbe requiritur potestas & jurisdictio civilis ac temporalis, quæ se in omnes simpliciter extendat. Atqui Papa non habet talem jurisditionem, quia potestas illa à DEO in universum orbem concessa est spiritualis, quæ se non extendit ad externam & politicam gubernationem: temporalis verò, quam more aliorum quorundam Principum habet, minime se extendit in totum orbem, (liquidem de infidelibus, qui foris sunt, nihil habet judicare. Cor. 5. v. 12.) sed nec in omnes Christianos, verum in eos duntaxat, qui temporali ejus dominio ab Imperatoribus aliisque Principibus per donationem accepto subjecti sunt. Et hanc temporalem jurisditionem non repugnare, quo minus in eadem persona Ecclesiastica cum spirituali consistat, patet etiam in Episcopis Germaniæ, qui nemine repugnante utramque de jure retinent potestatem. Interim non negamus, posse Pontificem aliquando declarare jus naturæ, quod re ipsa fecit, declarando malz fidei possessorem nunquam præscribere posse, cum tamen per leges civiles ei præscriptio permittatur; quo casu non exercet jurisditionem, sed clavis scientiæ utitur, ostendendo, quid sit peccatum, quid non, ut notat Arriaga disp. 13. n. 24. II. Episcopi jure ordinario possunt condere leges obligantes totam suam Diocesim. Atque idem de Archi-Episcopis respectu propriæ Ecclesiæ asserimus ex communi AA. juxta cap. 2. de majorit. & obed. cap. 2. de constitut. in 6. & alia jura. Rationem inquit Paulus Actor. 20. v. 28. ajens: Spiritum S. posuisse Episcopos, regere Ecclesiam DEI. Ergo conveniet ipsis potestas legislativa ad  
eam



eam gubernationem valde utilis. Adhuc Episcopi sunt Pastores animarum. Ergo habere debent jurisdictionem, ut eis possint præcipere, ordinare, ac statuere, quæ ab illis fieri oporteat. Cæterum si ne ista potestas de jure divino, & data Episcopis immediatè à Christo, necne? Dubium est. Affirmat cum quibusdam Vasquez 1. 2. D. 152. c. 3. Dependenter tamen à Pontifice quoad materiæ & subditorum assignationem. Negant probabilius Suarez l. 4. de ll. num. 6. Palao D. 1. de ll. pun. 23. num. 4. Arriaga D. 18. num. 27. & plerique alii RR. ac multi Antiqui à Suarezio addicti. Nam licet Christus voluerit Ecclesiam suam per Episcopos tanquam Principes gubernari, noluit tamen eis potestatem jurisdictionis determinatam, ac maximè legislativam actu competere, nisi mediante & concedente summo Pontifice, ut colligitur ex c. ita Dominus. 19. dist. quia sic major subordinatio Episcoporum cum suo capite existit, magisque firmatur inter hæc concordia, quæ faciliè perturbari potuisset, si utrique æquè immediatè potestatem legislativam accepissent. Quare possunt Episcopi ferre leges, & quidem (exceptis casibus in jure expressi) independentes à consensu Capituli & Cleri, ut contra nonnullos docent Suarez L. 4. c. 5. & plerique alii, qui tamen Episcopus à Capitulo & Clero eligatur, ejus tamen electi potestas non dependet à Clero; Non tamen id possunt Episcopi absque subordinatione ad Papam, tanquam superiorem, adeoque non possunt quidquam decernere contra universales leges & consuetudines Ecclesiæ, nec etiam cum diminutione juris aliorum, nec denique quidquam statuere in causis gravioribus, quas sibi reservavit Pontifex, nisi fortè in aliquo particulari casu vel necessitas vel justa causa facultatem non tam dispensandi quàm interpretandi exegerit. Archi-Episcopi possunt quidem condere leges totam Provinciam sive metropolim obligantes, sed non nisi in Synodo Provinciali. patet ex cap. nullus Primas, causa 9. quæst. 3. Legatus Pontificis seu Nuntius Apostolicus potest ferre leges intra terminos suæ Legationis seu Nuntiaturæ, quæ totam Provinciam obligent, non tantum tempore legationis, sed etiam eo finito. colligitur ex c. ult. de offic. Quousque autem in particulari potestas hæc se extendat, pender ex voluntate Pontificis tantam vel tantam concedentis. III. Prælati habentes jurisdictionem quasi Episcopalem possunt condere leges in loco suæ jurisdictionis v. g. Cardinales in Ecclesiis sui tituli. Est assertio hæc communis Dd. limitanda tamen, nisi ob-

stet specialis prohibitio vel consuetudo. Caterum an declarationes & decisiones Cardinalium sacre Congregationis habeant vim legis, aut tantum sententiarum doctrinalis, pendet à potestate, quam habent à Papa, de qua quamdiu non constat, præsumendum est, inquit P. Paulus Lysman. de leg. c. 7. q. 7. num. 26. eas non habere vim legis, cum authenticè non promulgentur. Idem tenendum de sententiis SS. Patrum, ac Doctorum corpori juris Canonici à Gratiano insertis, nisi à Papa canonizentur, ut tradit ex communi Palao pun. 23. cit. num. 13. Potest Concilium Generale leges condere obligantes totam Ecclesiam, ut habet communis DD. & patet ex praxi Ecclesie, & Conciliorum fere omnium Ecclesie generalis, quæ propterea generantur, ut Canones & Leges pro tota Ecclesia constituent, quod facere non possent, nisi publicam & universalem haberent potestatem Ecclesiasticam; debent tamen legitimè esse congregata, autoritate scilicet Papæ, qui si per Legatum solum illis interfuerit, non obligabunt ante ejusdem confirmationem. IV. Concilia particularia (id est, Nationalia, quando Archiepiscopi & Episcopi sub uno Primate seu Patriarcha; Provincialia, quando Episcopi sub uno Archiepiscopo; Diocesana, quando sub uno Episcopo inferiores Ecclesiarum Rectores congregantur) habere potestatem condendi leges pro suo territorio, indubitatum est; nam si quilibet Prelatus seorsimà suo Clero potest ferre leges, multo magis ex hujus consensu, sicut colligitur ex c. Catholica. ii. dist. & aliis juribus; istæ tamen leges non obligabunt universam Ecclesiam, nisi pro hac à summo Pontifice approbentur, & vi hujus approbationis vim legis universalis induant; id quod non conjiciendum ex eo præcisè, quod in Decreto Gratiani contineantur, sed ex aliis Decretis Pontificum, vel ex traditione, ut docent Valent. Suarez l. 4. c. 6. n. 8. Salas D. 8. l. 15. n. 79. & alii. V. Capitulum Ecclesie Cathedralis non potest, vivente Episcopo & absque ejus consensu, leges condere pro aliis: potest tamen pro se in rebus minoris momenti etiam sine Episcopi consensu, ut habet communis sententia, quia Capitulum quoad multa est distinctum ab Episcopo, habetque aliud caput, scilicet Decanum, aut Præpositum; Jurisdictio ad hæc necessaria vel manat à Papa, vel habetur ab ipso met Episcopo jam per consuetudinem. Mortuo Episcopo & sede vacante posse Capitulum leges totam Diocesim obligantes ferre, contra Arriagam D. 13. num. 62. probabilius judicant quidam cum Suarez. l. 4. de ll. c. 6. n. 14. Palao D. 1. pun. 23. n. 22. & aliis.

& aliis. Nam Capitulum succedit mortuo Episcopo in omnem jurisdictionem in spiritualibus & temporalibus, ut patet tum ex c. cum olim de majorit. & obed. & aliis juribus, tum ex Trid. sess. 24. c. 16. de re-form. nisi aliquid expresse caveatur, ut de præbendis tradit Gloss. in cit. cap. cum olim. Ergo succedit etiam in vi legislativa, quæ sæpe necessaria est ad statuendas leges aliquas, quæ etiam post electum Episcopum stabilitatem habeant. VI. Inferiores communitates v. g. confraternitates, sodalitates, &c. secluso privilegio non possunt leges condere. Quare si quid decernant, quod obliget in conscientia, obligatio non oritur ex vi instituti, sed ex pacto vel juramento. Ordines Religiosi, eorumque summi Prælati habent potestatem legislativam, quæ varia est pro varietate instituti & privilegiorum, ut communiter sentiunt Doctores. Secundò, qui disputant, an hæc potestas sit propria Legis Gratiz, vel etiam sit de lege Naturæ, & fuerit inscripta, atque afferunt Vestigium aliquod, seu participationem aliquam hujus potestatis ante Legem Gratiz, atque adeo semper in Ecclesia fuisse; perfectam autem potestatem, prout nunc est in Ecclesia, propriam esse legis Gratiz, & à Christo Domino suo collatam. Denique tertio, qui dicunt, potestatem hanc immediatè esse datam Petro à Christo: quæ assertio ipsis est de fide, & secundum illos præcipuè fundatur in illis duobus testimoniis Math. 16. & Joan. 21. nam licet Matth. 18. generaliter dixerit Christus: *Qui Ecclesiam*, id est, Pastores Ecclesiarum, non audierit, &c. & subjunxerit etiam generaliter: *Quæcunq; ligaveritis*, &c. tamen c. 16. specialem promissionem fecit Petro, dicens: *Tibi dabo claves regni cælorum. Et: Tu es Petrus, & super hanc petram ædificabo Ecclesiam meam*; ergo singulari, & speciali modo hanc potestatem illi promisit. Postea verò implendo promissum, etiam ostendit hanc singularem concessionem, & ideo prius illum publicè interrogavit Christus, an se diligeret plus quàm cæteri, significans, plus etiam fuisse accepturum, & deinde subjungit: *Pasce oves meas*, Joan. 21. ubi in verbo pascendi, potestas regendi, & leges ferendi significatur, & colligitur optimè ex 2. Reg. 5. *Tu pasces populum meum Israël, & eris Princeps super eum*. Dum autem indefinitè dixit: *Oves meas*, ostendit potestatem supremam, & Monarchicam etiam super alios Apostolos: nam illi etiam erant oves Christi. Et ideo dicitur in cap. in Novo Testamento, dist. 21. & cap. ita Dominus, dist. 19. Petro esse datam potestatem ut capiti, cæteris ut membris. Idem habetur in cap. cum



beatissimus. & cap. loquitur. cum multis aliis. 24. q. 1. Ex quo loco, & ex dist. 96. & multis aliis locis Decreti colligi potest evidens traditio Pontificum, Conciliorum, & Patrum hanc veritatem confirmans, quam Bellarm. etiam supra copiose prosequitur. Ratio vero propria fuit voluntas Christi; congruentia autem est, quia oportuit, & decuit in Christi Ecclesia esse perfectam unitatem mysticam, & perfectissimum regimen, & instituit illam per modum monarchiæ, & supremam potestatem uni contulit, ad quam Petrum elegit sua altissima prædestinatione.

## XX.

Causa hujus Legis est DEUS summus Monarcha, qui illam primum homini iniecit, & adhuc in statu lapsus aliquid primæque confirmavit, quod potius umbram refert, quam speciem illius conservat, ut docet Paulus: *Quia, quod notum est DEI, manifestum est in illis. DEVS enim illis manifestavit*, Rom. 1. v. 19. Cum enim gentes, quæ legem non habent, naturaliter ea, quæ legis sunt, faciant, ejusmodi legem non habentes, ipsi sibi sunt lex. Qui ostendunt opus legis scriptum in cordibus suis, testimonium reddente illis conscientia ipsorum, & inter se cogitationum accusantium, aut etiam defendentium, c. 2, 14. 15. de quo puncto ita D. Maximus: Principia hujus juris scrutaturos discernere oportet ea, quæ essendi, & quæ cognoscendi principia cum Philosophis dicimus. Illa ad rei existentiam, hæc ad notitiam deducunt. Illorum summum & verum DEUS est, ut naturæ, sic & cum ista inditi juris unicus autor. Indidit autem homini cum illo spiraculo, quo animam rationalem primum condito cum ea facultate inspirabat, ut transiret in omnem progeniem. Inde illud dictamen rationis etiam voce Spiritus DEI continetur Gen. 6. v. 3. Nam se non sinere regi Spiritu DEI, ibi est, contemnere ductum rectæ rationis, (ita ille quidem, verum non satis commode.) Intellexere eorum gentiles. Euripides in supplicibus hoc appellat νόμον θεομόριον, Deorum legem. Sophocles jura non conscripta, sed nutu Deum concessa. Dion Chrysostomus Διὸς θεσμὸν, Jovis sancitum. Demosthenes εὐρημα καὶ δῶρον Θεοῦ, inventum & donum DEI. Socrates jus patrium, quo omnes homines inter se utuntur, non quasi ab humana natura condito, sed tanquam imperato à divina potentia. Hierocles τῷ ὀρθῷ λόγῳ καὶ τῷ Θεῷ πάντα εἶναι, ut à DEO velut opifice prodiret natura, sic & quidquid naturæ est proprium & veluti connexum atque inseparabile.

parabile. Hesiodus τὸν γὰρ αὐθρώποισι νόμον διέταξε Κρονίον, legem hominibus constituit Jupiter. Philosophis inde familiare naturales leges vocare divinas. Chrysostomus 1. ad Corinth. 11. v. 3. ὅταν γ' εἰπῶ τὴν φύσιν Θεὸν λέγω : ὃ γὰρ τὴν φύσιν δημιουργήσας, αὐτὸς ἐστίν, cū naturam dico, DEUM dico : Ipse enim est naturæ opifex. Ut verò justitia divina in humanis omnia juste fieri voluit, ita de justitia sensum, ad eam propensionem & præcepta mentibus iniecit, ut ab ipso jûris origo recoleretur, in factis ille respiceretur. Justinianus Imp. §. 11. Insti. de l. N. G. & C. jura naturalia divina providentia ait constituta. Ita de justitiæ origine Chrysippus 3. de Diis : Οὐ γὰρ ἐστὶν εὐρεῖν τῆς δικαιοσύνης ἀλλῶ δέχην ἢ δὲ ἀλλῶ γένεσιν, ἢ τὴν ἐκ τοῦ Διὸς καὶ τὴν ἐκ τῆς κοινῆς φύσεως. Ἐντύθεν γὰρ οἶμαι πᾶν τὸ πικρὸν τὴν δέχην ἔχειν, εἰ μέλλομεν τι εἶναι περὶ ἀγαθῶν καὶ κακῶν, non potest inveniri principium aliud aut origo justitiæ, quam ab Jovē & communi natura. Inde enim initium duci debet, ubi de bonis malisve discernendum est. Et ea fuit omnium Stoicorum sententia, ab ipso Jovē natum jus. Unde & Latini hoc nomen duxisse creduntur. Seneca lib. 4. de benefic. 7. Quid aliud est natura, DEUS & divina ratio, toti mundo & partibus ejus inserta. Jus natura à DEO datum est. Ex origine ista & vis obligandi conceavit DEUS jus, ut legem, quæ perpetuo servaretur. Eadem veterum opinio effecit, ut qui spretis naturæ legibus in scelestâ prouerent, ipsis θεόμαχοι & scelerum sæδα θεομαχίαι dicerentur.

## XXI.

Ambiguè verò primò Cajus Jureconsultus l. 9. ff. de just. & jure loquitur jus naturale illud appellans, quod naturalis ratio inter omnes homines constituit. Secundò Michaël Piccartus, qui Principia non à natura nobis insita esse, sed facultates tantum quasdam, quibus velut adminiculis ad eorum notitiam deveniamus, asserit, quem secuti sunt alii, etiam Author Anonymus in Epistola de justo & decoro. Tertiò illi, qui jus naturale esse dicunt, quod cum ipso genere humano rerum natura produxit. Ita Zanchius. Lex naturæ, inquit, est omnium hominum mentibus à DEO ipso immediate etiam post peccatum inscripta. Et paulò post : Non idcirco lex naturæ vocatur, quòd ea per Adamum in nos naturaliter propagetur,



sed quod Deus illam ita impressit in animis nostris. Verum ut observant nostri, fluu. hęc opinio ex falsa hypothesis, de immediata animarum creatione, quam pręsupponit Zanchius. Equidem, si ab ipso DEO *animę* infunderentur animę, à Deo etiam naturales notitias inscribi concederemus. Cum autem probetur, animas non immediate creari, sed à parentibus traduci, ultro sequitur, & naturę legem naturaliter propagari. Qui enim dat formam, dat omnia formę consequentia & concomitantia. Quare sicut ipsę animę & facultates, sic & notitię istę, (quoniam inherant animę,) per generationem, adeoque naturaliter propagantur & imprimuntur. Adde, quod alię reliquię imaginis divinę appellari non possent. Quod enim de novo plantę & *animę* inscribitur, illud ipsum etiam nova notitia, non veteris alicujus pars reliqua est; non secus ac novum dicitur ædificium, si penitus destructo veteri recenter ædificetur, licet veteri quodammodo correspondeat: & ad formam illius constructum sit.

## XXII.

Materia sive Objectum legis Naturę est id, quod intrinsecè honestum non tantum in primis principiis, sed etiam deductis ex illis, quod probat Suarez lib. 7. cap. 7. ita discurrendo; Dicendum est, jus naturale complecti omnia pręcepta, seu principia moralia, quę evidentem habent honestatem necessariam, ad rectitudinem morum, ita ut opposita moralem inordinationem, seu malitiam evidenter contineant. Hęc est mens Thomę quęst. 91. art. 2. q. 94. art. 2. & 4. q. 95. art. 2. & q. 100. art. 1. 2. & 3. ubi Cajetan. & Conrad. & alii expositores idem sentiunt, Soto lib. 1. de justit. quęst. 4. art. 2. & q. 5. art. 1. & 2. & lib. 3. q. 1. art. 2. & 3. & idem sumitur ex Theologorum allegatis, & ex Turrecr. in cap. jus autem. d. 1. per plures articulos. Covarr. in regula. Peccatum. 2. p. 5. 11. num. 4. Idem sumitur ex Arist. 5. Ethic. cap. 7. ubi omne jus in naturale, & legitimum distinguit, sub naturali comprehendens omne illud, quod necessariam, & immutabilem habet veritatem. Eademque est sententia Ciceronis lib. 2. de invent. ubi definit, jus naturę esse, quod nobis non opinio, sed quędam innata vis affert, vel religionem, pietatem, &c. Idem sensit Isidor. 5. Etymol. cap. 3. ubi aliis exemplis jus naturale declarat. Item August. lib. 1. de libero arbitr. cap. 3. quatenus adulterium ponit, esse contra jus naturę: nam eadem ratio est de omnibus.

bus similibus. Deniq; sumi hoc potest ex illo Ps. 48. *Quis ostendit nobis bonum? signatum est super nos lumen vultus tui Domine.* Nrm inde recte colligimus, omnia, quæ lumen naturale evidenter manifestat, pertinere ad legem naturæ; (quanquam hoc incongruè addatur). Et confirmari potest ex illo Pauli ad Rom. 2. *Gentes, quæ legem non habent, naturaliter ea, quæ legis sunt, faciunt.* Unde infert, eos sibi ipsis esse legem: illa autem, quæ evidenter cognoscuntur lumine naturæ; sive cum discursu, sive absq; illo cognoscantur, recte dicuntur naturaliter fieri: Ratione etiam declaratur assertio, nam ea, quæ naturali ratione cognoscuntur, in triplici genere distingui possunt: quædam sunt prima principia generalia morum, ut sunt illa, honestum est faciendum, pravum vitandum, quod tibi fieri non vis, alteri ne feceris, & similia, de his nullum est dubium pertinere ad legem naturalem; alia sunt principia magis determinata, & particularia, tamen etiam per se nota ex terminis, ut justitia est servanda, DEUS est colendus, temperatè vivendum est, & similia, de quibus etiam nulla est dubitatio, & à fortiori patebit ex dicendis. In tertio ordine ponimus conclusiones, quæ per evidentem illationem, ex principiis naturalibus inferuntur, & non nisi per discursum cognosci possunt: inter quas quædam facilius, & à pluribus cognoscuntur, ut adulterium, furtum, & similia prava esse: aliz majori indigent discursu, & non facile omnibus notæ, ut fornicationem esse intrinsece malam, usuram esse injustam, mendacium nunquam posse honestari, & similia. De his ergo omnibus intelligitur assertio posita: nam omnia hæc ad legem naturalem pertinent. Quod si id probatum fuerit, etiam de conclusionibus, cujuscunque gradus, dummodo evidentiz gradum certum attingant, à fortiori erit probatum de reliquis. Probatur ergo primo inductione: nam præcepta Decalogi sunt de jure naturæ, ut est indubitatum apud omnes, & tamen non omnia continent principia per se nota, sed aliquo indigent discursu, ut etiam est clarum. Multoque id clarius est de multis præceptis naturalibus, quæ in illis continentur, ut est præceptum prohibens simplicem fornicationem, usuram, vel vindictam de inimico propria auctoritate, de quibus secundum doctrinam Catholicam certum est, esse de jure naturali. Et similiter in præceptis affirmativis, servare verum, vel promissionem, dare elemosynam ex superfluo, honorare parentes, naturalia præcepta sunt non solum secundum fidem, sed etiam secundum Philosophos, & omnes recte sentientes.

fientes, & tamen non sine discursu, & interdum multa ratiocinatione concluduntur. Secundò argumentor ratione, quia omnia illa, quæ in illis membris comprehenduntur, præcipiuntur, quia honesta sunt, vel prohibentur, quia mala sunt, & non è converso; ergo illa non pertinent ad legem positivam; ergo ad naturalem. non enim est aliud membrum legis. Primo consequentia patet, quia illa est propria lex positiva, quæ addit necessitatem, præter id, postulat intrinseca natura materię: nam, ut dixit Aristot. lex positiva est de his rebus, quæ non referunt, priusquam lex ponatur. Antecedens autem patet, quia veritas principij non potest stare sine veritate conclusionis, quando illa necessario elicitur, & ideo si conclusio pertinet ad honestatem, necessario sequitur ex principiis naturæ, per se, & ab intrinseco, habet honestatem, etiam seclusa lege extrinseca: ergo quod adhibetur lex; ideo est, quia illud objectum necessariam habet honestatem, & idem est è contrario de malitia, & prohibitione. Tertiò, de primis generalibus principiis nemo dubitat: ergo nec de particularibus dubitari potest, quia etiam illa per se, & ex vi terminorum habent convenientiam cum natura rationali, ut talis est; ergo nec de conclusionibus ex his principiis evidenter elicitis dubitandum est, quia veritas principij in conclusione continetur, & qui unum præcipit, vel prohibet, necessario prohibet id, quod in illo continetur, vel sine quo subsistere non potest. Imo si proprie loquamur, magis exercetur lex naturalis in his principiis, vel conclusionibus proximis, quam in illis principiis, universalibus, quia lex est, proxima regula operationis: Illa autem communia principia non sunt regula, nisi quatenus per particularia determinantur ad singulas species actuum seu virtutum. Denique hæc omnia præcepta necessitate quadam procedunt à natura, & à DEO, quatenus auctor est naturæ, & tendunt ad eundem finem, nimirum ad debitam conservationem, & naturalem perfectionem, seu felicitatem humanæ naturæ; ergo omnia pertinent ad naturale jus.

## XXIII.

Nimis laxè itaque primò illi ex Jureconsultis, qui cum Ulpiano leg. 1. §. jus patendo. ff. de just. & jur. Materiam legis ratione ad efferunt, quæ natura docuit omnia animantia, cujusmodi procreatio solibus, educatio, &c. quasi scil. bruta etiam legis capacia. Secundo, qui cum Gratianus Distinct. 1. illa omnia volunt esse juris naturalis, quæ in

Lege



Lege & Evangelio continentur. Tertiò illi ex Pastoribus Pontificis, qui cum Durando sola generalia principia volunt esse juris naturalis, quos tangit Rodericus ab Arriaga Disput. 7. de lege naturali creata sect. 2. refutat Suarez cap. 7. quanquam latius serpsit dividià hic, ut docent alii : Nam Ulpian. lib. 1. §. jus naturale. ff. de just. & jur. materiam hujus legis ad ea sola videtur restringere, quæ natura docuit omnia animalia, cujusmodi sunt procreatio proles, educatio, &c. Verùm hic loquendi modus meritiò rejicitur à TT. tum quòd bruta nec juris nec legis propriè dictæ capacia sint, tum quòd latitudinem objecti nimis arctent. Contra verò citari solet Gratianus Dist. 1. in princip. quasi legis hujus amplitudinem nimis extendat, atque ad jus naturale revocet omnia, quæ in Lege & Evangelio continentur, cum tamen multa sint præcepta tam in Lege veteri ceremonialia ac judicialia, quam in nova de Sacramentis, quæ ad positivam Dei legem : non autem naturalem immediatè pertineant. Sed nec Theologi hic inter se omnino conveniunt ; imprimis enim nonnulli videntur ea solum dictamina objectiva vocare ad legis hujus materiam, quæ præcipiuntur per universalis principia morum lumine naturæ nota v.g. quod tibi non vis fieri, alteri ne feceris. Alii verò docent, conclusiones quoque, si necessariò ex principiis dictis sequantur, esse de lege naturæ ; addit tamen Scotus in 3. Dist. 37. q. unica. §. ad quæstionem igitur. præcepta secundæ tabulæ decalogi non esse conclusiones ejusmodi, ac proinde non esse strictè de lege naturæ. Alii denique volunt, omnia prædicta dictamina practica, sive sint principia prima moralia, sive magis determinata, sive denique conclusiones inde naturali discursu, sive facili, sive difficili deductæ, ad legem naturæ pertinere. Ita Thom. quæst. 91. art. 2. Suarez. lib. 2. de leg. c. 7. num. 4. Arriaga D. 6. sect. 2. & plures alii, cum quibus asserunt alii generationem loquendo omnem actionem intrinsecè malam seu dissensantem naturæ intellectuæ quæ tali : omnem item intrinsecè ita honestam, ut ex vi ipsius naturæ rationalis sit necessaria ad restitutionem morum, esse materiam legis naturæ. Nam lex naturalis distinguitur à positiva, quòd illa ad actiones à se præceptas obliget ex ipsa met natura rationali quæ tali independentè ab omni alia superaddita libera voluntate aut constitutione alicujus Superioris : hæc verò ad suum objectum non obliget, nisi tali constitutione interveniente. Ergo actiones, quæ ex vi ipsius naturæ intellectuæ, quæ talis sunt illicitæ, vel in-

taliter debita, sunt legis naturalis obiectum. Quare ad præcepta Legis naturæ non solum spectant universalia principia morum, quorum veritas facili ex ipsis terminis absque discursu innotescit, sed etiam alia, quorum veritas non sine discursu, eoque sæpè difficili ex principis prædictis inferitur; quæ tamen varietas præceptorum non obstat, quò minus jus naturale dici unicum possit, cum omnia ad unum generale revocari possint, videl. operari secundum naturam intellectualem quæ talem. Hactenus illi.

## CAPUT XIV.

De

## PECCATO IN GNERE.

## THESIS I.

**N**aturam peccati concisè, sed perfecte expressit Johannes Apostolus per *ἀνομία*, sive *deflexionem à lege* 1. Johan. 3. v. 4. cui Definitioni, consimilem habet Ambrosius libro de Paradiso, cap. 8. scribens: Peccatum est divinæ legis prævaricatio, & cœlestium Inobedientia mandatorum. Illa autem Augustini Tomo 6. lib. 32. contra Faustum cap. 27: quod scil. sit dictum vel factum, vel concupitum contra legem æternam, ad materiam magis spectat, secundum priora, quoad posteriora autem cum Johanne & Ambrosiana conspirat, unde etiam Thomas: In definitione hac Augustinus posuit duo, unum quod pertinet ad substantiam actus humani, quod est quasi materiale, cum dicit dictum, factum, concupitum: aliud quod pertinet ad rationem mali, quod est quasi formale in peccato, cum dicit contra legem DEI æternam.

## II.

Vapulant merito Theologis nostris Pontificii Doctores, qui primò statuunt, peccatum veniale non esse contra legem, sed præter legem cum Thoma quæst. 88. art. 1. quem alii certatim sequuntur. Secundò, qui cum Gregorio de Valentia, Tomo 2. disp. 6. quæst. 1. definiunt per defectum quandam voluntarium perfectionis debitæ ex lege DEI ad

con-



consequendum beatitudinem. Terrib, qui cum Scoto, Durando, Richardo, Rubeone, Gabriele, Gregorio, Palatio, quorum vestigia ex modernis premit Rodericus ab Arriaga, malitiam peccati negant consistere in oppositione ad legem, sed ponunt in contrarietate ad naturam rationalem.

## III.

Continet illud Aversionem à DEO tanquam ultimo fine, & conversionem ad creaturam tanquam finem, ut docet Jeremias cap. 2. v. 19. quoad aversionem ubi hæc leguntur: *Arguet te malitia tua, & aversio tua increpabit te*, cap. 8. v. 1. *Hæc dicit Dominus: Nunquid, qui cadit, non resurget, & qui aversus est, non reverteretur?* quoad conversionem vero constare potest ex Matth. 10. v. 37. *Qui amat Patrem & Matrem plusquam me, non est me dignus. & qui amat filium aut filiam super me, non est me dignus*, Johan. 22. v. 42. 43. Et ex principibus crediderunt multi in eum (Iesum): sed propter Phariseos non confitebantur, ut è synagoga non ejicerentur, dilexerunt enim gloriam hominum magis, quam gloriam DEI. Aversionem vero à DEO ut ultimo fine explicant Doctores Pontificii ita. Quod sc. sit à DEO ut ultimo fine cuius & cui & ita explicant: Ultimus finis hominis cuius est beatitudo æterna: formalis quidem est beatifica DEI visio ac fructio: objectiva vero est DEUS, ut summum bonum nostrum, homini super omnia amandum amore concupiscentiæ, ex virtute spei Theologicæ, cuius consequendi gratiâ omnia operari debemus tanquam media ad illum finem, saltem ex præscripto legis divinæ necessaria. Finis vero ultimus hominis cui est idem DEUS Opt. Maximus ut summum & infinitum bonum in se, ex virtute charitatis Theologicæ, super amandum amicitia, scil. propter seipsum, ipsamque ejus intrinsecam infinitam bonitatem: cui proinde per charitatem omni actione nostrâ uniri debemus, non quidem semper positive, omnes actiones nostras in ipsum, ejusque in gloriam referendo, quod pro hoc statu impossibile: sed semper saltem negative, nihil unquam agendo contrarium contra legem DEI, cuius observantia necessaria est ad illam charitatis conjunctionem, conservandam conjunctionem cum DEO per charitatem & gratiam, & obtinendam beatitudinem (illam enim tollit, ab hac excludit, uti ex fide constat) ergo omne peccatum mortale continet aversionem à DEO ut ultimo fine cuius & cui, implicitam saltem. Constare putant enim peccatum mortale non semper

continere formalem & expressam à DEO aversionem, hoc enim esse peccatoris desperatissimæ malitiæ, & non posse esse in peccatore invincibiliter ignorante DEUM: sed sat nimium esse, quod semper contineat virtutalem & implicitam aversionem à DEO. Ut dum quis peccat mortaliter ex infirmitate, vel etiam malitia, formaliter quidem & directe non velle, sed potius nolle averti à DEO: hoc ipso tamen, quò libere vult peccatum mortale, quod scit repugnare DEO, convinci virtualiter & implicate velle aversionem à DEO. Et qui etiam transiente actu peccati, nihilominus malitiæ peccati in anima habitualiter perseverat, donec per pœnitentiam deleatur, plene sequi aversionem illam à DEO durare, quamdiu homo in statu peccati mortalis perseverat, ut verissime dicatur talem hominem non habere DEUM, pro suo, quæ extrema, & homini viatori incomprehensibilis malitia & miseria est.

## IV.

Conversionem ad creaturam ut ultimum finem cuius & cui sic explicant. Ultimus finis cuius universum dicitur illud bonum, quod propter se tantum amatur: & appetitur in operatione, & non in ordine ad aliud, quàm omnibus aliis præfertur. Ultimus vero finis cui dicitur persona vel suppositum illud, cui propter se tantum appetitur tale bonum. Atqui omnis peccans mortaliter appetit creaturam propter se, & omnibus aliis anteponit vel eò ipso, quia anteponit ipsi DEO summo bono omne bonum eminenter continenti. Dum enim ejus legem violat, gratiam & amicitiam respuit amore creaturæ, hoc ipso plus amare creaturam, quam DEUM convincitur. Et sane ipsa aversio à DEO, cum metum malum sit, per se non est appetibilis directe, sed solum indirecte propter aliud bonum appetitum bono divino contrarium, & plus illo dilectum. Unde significantissime Apostolus Ephes. 5. Avaritiam vocat Idolorum servitutem. Et Philipp. 3. De gulosis & carnalibus dicit: Quorum DEUS venter est. Quo spectat acutissimum illud dictum D. Augusti in l. 83. Q. Q. quæst. 30. Omnis humana perversio est fruendis uti velle, atque utendis frui. Quæ omnia significant peccatorem, posthabito DEO fruendo, hoc est, propter se tantum appetendo, constituere sibi ultimum finem creaturam, imo DEUM vel potius Idolum quoddam, cum illam appetat propter se, contra, atque adeo supra DEUM: cum tamen creatura, uti tantum debeamus,

non

non scilicet velle vel appetere propter se, sed propter DEUM & in ordine ad DEUM tanquam verum ultimum finem. Ergo omnis peccans mortaliter, aversus à DEO convertit se ad creaturam tanquam ultimum finem cuius & cui. Ultimus finis cuius semper est aliqua voluptas peccandi. Heu, quam momentaneum, quod delectat. Ultimus finis cui ordinatæ est ipse homo peccans, qui sibi ipsi, ex improbo amore sui, inordinarie appetit frui illicitâ voluptate creaturæ contra legem DEI: ut patet in omnibus peccatis, maxime luxuriâ, & avaritiâ. Unde amor sui verissime dicitur peccatum capitale generalissimum, fons, origo, radix, omnium omnino peccatorum. Quo sensu pulcherrimè Augustin. l. 4. de civit. DEI, cap. 28. dixit. Quod duas civitates fecerunt duo amores. Civitatem Diaboli amor sui usque ad contemptum DEI: Civitatem DEI amor DEI usque ad contemptum sui. Dicunt ordinariè. Contingit enim aliquando, ut homo peccans seipsum, vitam, animam, omnia referat aut referre paratus sit ad creaturam aliam, v. gr. concupitam Venerem, Divitias, liberorum exaltationem, aut etiam ipsum Diabolum more sagarum, &c. ut finem sui. Hi nimirum ne tantum peccent, etiam insanunt.

## V.

Non probare itaque possumus, primò sententiam Tanneri, cuius est hæc Assertio. Specialem ac formalem malitiam offensæ divinæ, prout à malitia disconvenientiæ cum recta ratione distincta est, non habent peccata eorum, qui invincibiliter DEUM ignorant. Advertendum est, sæpe fieri, ut actio quædam humana re ipsa offendat ac lædat alium hominem, & tamen rationem ac malitiam formalis offensæ, seu iniuriæ erga alterum, adjunctam non habeat; quia nempe offensio illa præcognita & voluntaria non est, &c. Ita in proposito dico, cum ipsa ratio offensæ divinæ in se ipsa, & prout malitia quædam distincta ab ipsa disconvenientia cum recta ratione, non sit ullo modo voluntaria homini habenti ignorantiam invincibilem ipsius DEI, ideo non potest formalis ac specialis illa malitia offensæ divinæ ejus peccato inesse. Neque existimò, authores pro secunda sententia relatos contrarium sensisse; sed solum juxta mentem primæ & secundæ assertionis esse loquutos: certe plus ipsi nec probant, nec tuentur. Ita ille quem Lugo insequitur & cum illo alii. Secundò sententiam Arriagæ, qui dicit: Illud malum morale cum ignorantia DEI invincibili, sive vocetur peccatum, sive non,

non, non esse condignum poenâ aternâ: nam licet ex objectis illis agnitis  
 ut contrariis naturæ rationali derivaretur aliqua malitia moralis, nullo ta-  
 men modo videtur tanta illa futura, ut actiones illæ haberent eam gra-  
 vitatem, ex quâ prudenter possent judicari esse dignæ poenâ aternâ, &  
 naturaliter incompenſabiles per humanam satisfactionem: hæc enim  
 omnia fundantur in ratione offensæ DEI, quæ in infinitate personæ of-  
 fensæ & vilitate offendentis constituitur, infinitâ (ut multi volunt) vel  
 saltem in altiori ordine supra omnia mala creata; unde D. Thomas 2.  
 2. quæst. 10. art. 3. docet, si posset esse conversio ad bonum commuta-  
 bile sine aversione à DEO, etiamsi esset inordinata, non tamen esset  
 inordinata, non tamen esset peccatum mortale; ergo casu quo igno-  
 reretur invincibiliter DEUS, non erit peccatum mortale, seu dignitas  
 poenæ aternæ, etiamsi sit aliqua malitia moralis in tali actione. Con-  
 firmatur: A illuc admittâ ratione injuriæ seu offensæ divinæ, vix pos-  
 sumus solidâ ratione explicare, cur furtum unius floreni, v. gr. quod  
 est peccatum mortale, non puniatur sufficienter horribili inferni poe-  
 nâ, durante per decem aut centum aut bis mille annos, sed necessaria  
 sit ejusdem poenæ æternitatis; hanc enim veritatem sola fide cogno-  
 ſcimus; quomodo ergo eo fundamento divinæ offensæ cessante, qui-  
 jam supponimus, non esse offensam divinam tale furtum, dicere pote-  
 rimus, tam gravem poenam æternam illi eo casu responsuram? quod  
 ad satisfactionem attinet, etiam est res manifesta, quia ex eodem  
 capite infinitatis personæ offensæ oritur repugnantia condignæ sa-  
 tisfactionis à puro homine pro mortali; ergo ubi supponitur non  
 offendi DEUM, non potest esse necessitas satisfactionis tam alti  
 ordinis. Explicat hoc argumentum: In homicidio injusto facto  
 contra solam Republicam rationalem nullus deest tantam esse ma-  
 litiam contra eam Republicam, ut non sufficienter puniatur, si oc-  
 cisor etiam ipse gravi supplicio afficiatur, & vitâ privetur; interfecto  
 justissime hoc solo supplicio satisfacit pro talibus delictis. Quod si ma-  
 lum moraliter non fuisset nisi furtum unius floreni, audebunt aliquis  
 dicere, attentâ solâ Republicâ rationali, illud furtum non puniri suffi-  
 cienter, si cogerebatur homo reddere mille? vel quod si fur exponeret  
 se ipsum evidenti periculo vitæ, pro eo à quo furatus est florenum, ad-  
 huc tamen non illi ad æqualitatem satisfaceret, nec reconciliationem  
 promeretur? ergo malum morale, secludendo offensam DEI, nec me-  
 reretur



reretur penam æternam, nec esset à puro homine incompen-  
sabile; quæ duo ad rationem peccati mortalis prout ab illis accipitur,  
requiruntur; ergo sine transgressione formalis legis DEI, & consequen-  
ter sine offensa DEI non potest esse peccatum mortale. Tertiò Tanno-  
ti, qui ita philosophatur: in statu puræ naturæ, peccatum grave conti-  
net quidem aliquam aversionem à DEO fine supernaturali; sed  
non talem, & eo modo, quo nunc. Est ex mente authorum secundæ  
sententiæ. Probatur & declaratur; quia averteret à fine supernatu-  
rali non solum quatenus nemo potest aversus esse à DEO ut fine na-  
turali, nisi etiam consequenter sit ab eodem aliquo modo aversus  
ut fine ac bono supernaturali; sed etiam quatenus peccatum ejusmodi  
vere promeretur iram & odium DEI, etiam ut authoris boni superna-  
turalis; adeoque debitum importaret non habendi gratiam & charita-  
tem supernaturalem qua homo DEO conjungi posset. Differret ta-  
men à peccato in hoc statu commissio; quia peccatum illud in statu pu-  
ræ naturæ perpetratum, nec specialem illam malitiam aversionis habe-  
ret adjunctam, qua nunc per peccatum mortale DEUS etiam ut bonum  
supernaturale scienter aliquo modo postponitur bono creato; nec  
etiam contineret negationem seu privationem gratiæ & charitatis tan-  
quam perfectionis debiti, aut secundum constituentiam à DEO legem,  
se ipsa possibilis inesse homini. Quocirca haberet etiam tunc pecca-  
tum aversionem à fine supernaturali, quasi implicite & per modum ne-  
gationis, non autem formaliter, & per modum privationis gratiæ.

## VI.

Dividitur peccatum in tale quod est omissionis, & quod est com-  
missionis, quorum prius dicitur privatio actus debiti ex præcepto ali-  
quo DEI affirmativo, quale generaliter dictum est, non amare DEUM  
vel proximum, cujus utriusque Amor imperatur: *Ait Iesus: Diliges Do-  
minum DEVM tuum ex toto corde tuo, & in totâ mente tuâ. Hoc est  
maximum & primum mandatum. Secundum autem simile est huic, dili-  
ges proximum tuum sicut te ipsum, Matth. 22. v. 37. 38. 39.* Posterius vero  
est actus aliquis malus factus contra præceptum negativum, quale quid  
est omne id quod comittitur, contra primam & secundam Tabulam,  
præcepta illa, quæ obligant semper & pro semper, adeo ut nunquam li-  
ceat nec ullo momento tale quid omittere, quod universaliter est pro-  
hibitum. Ita dicitur, *non habebis DEOS alios coram vel præter me, non*  
astu-



*Assumes nomen Domini in vanum, non occides, non machaberis, non foraberis, quæ præcepta ita sunt comparata, ut si aliquid de signis contra illa, peccato te polluas commissionis.*

VII.

Fatigant sese hic Doctores Pontificii primò in Disputatione hæc disputando, num possit dari pura omissio formaliter libera, ut moraliter mala, ubi quidam cum Zumello, Alvarezio, Martinezio, Gometo, Lorca & Puteano negativam sequuntur, quidam vero affirmativam amplectuntur inter quos Azorius, Meratius, Hurtadus, & Didacus, Ruitz de Montoya, disp. 37 sect. 1. num. 13. Secundò an omnis actus, qui fit eo tempore, quo actus præceptus omittitur, sit peccatum, ubi iterum quidam negativam eligunt, quidam vero in affirmativam propendent, pro qua posteriore sententia laudantur Durandus, Marsilius & Hervæus. Tertio an omnis actus etiam concomitans impossibilis, tamen cum ademptione præcepti vitietur malitiâ omissionis, ubi affirmativa placet Granado & Lorca, negativa Montelino & Gometo.

VIII.

Ut autem hæc divisio secundum Doctores est peccati secundum materiale considerati, ita secundum intensionem & remissionem, vel etiam conditionem reatus distinguuntur peccata in illa, quæ graviora, minus gravia, nec non in mortalia & venialia, quæ tamen distinctio non coincidit, quædam enim peccata sunt capitalia seu mortalia, quædam quotidianæ incurvationis, ut loquitur Tertullianus in libro de pudicitia, Mortale nobis Scriptura proponit: *Qui cum iustitiam Dei cognovissent, non intellexerunt, quoniam, qui talia agunt, dignum sunt morte: non solum, qui ea faciunt, sed etiam, qui consentiunt facientibus, Rom. 1. v. 32. Si secundum carnem vixeritis, moriemini, cap 8 v. 13. nec non: Concupiscentia cum conceperis, parit peccatum. Peccatum vero cum consummatum fuerit, generat mortem, Jacobi 1. v. 15. in regnitis autem venialia designantur ex poenitentia quotidiana: Pro remissione peccati orabit ad te omnis sanctus in tempore opportuno, Psal. 32. v. 6. & Spiritu vincente: Qui autem sunt Christi, carnem suam crucifixerunt cum vitiis & concupiscentiis, Gal. 5. v. 24.*

IX. Male

## IX.

Male vero explicant Pontificii Doctores distinctionem peccati venialis & mortalis, dum scil. propugnant dari peccatum quoddam veniale ex natura sua, quod hominem usque in reatum perpetuæ mortis non gravet, veram tamen poenam mereatur, sed facile indulgeatur, ut loquitur Lombardus lib. 2. sect. dist. 42. adde Thomam 1. 2. quæst. 77. art. 8. ad 1. & quæst. 88. art. 1. ad 1. Durandum lib. 2. dist. 42. quæst. 7. Bellarminum lib. 1. de Auxiliis Gratiæ cap. 3. de cuius divisione ex Thoma hæc habet Bellarminus, quod scil. triplex sit, unum veniale ex genere suo habens pro Objecto rem malam & inordinatam, sed, quæ charitati DEI vel proximi non repugnat, quale sit verbum otiosum, Risus nimius & alia id genus, alterum ex subreptione, & quod non est perfecte voluntarium, ut subditi Motus cupiditatis, iræ, invidentiæ & alii similes, tertium ex Materiæ parvitate, ut furtum unius oboli, quod neque proximum notabiliter lædit, neque ejusmodi est, ut apud æquos homines amicitiam tollere queat. De hoc ultimo scribit, quod sit quidem perfecte voluntarium, sed non perfecte contra legem. Lex enim non prohibet furtum unius oboli, in specie, sed prohibet furtum in genere. Et quia finis præcepti est charitas, quia prohibet furtum, prohibet injuriam & læsionem proximi. Et furtum quidem rei notabilis, quo simpliciter proximus læditur; Furtum rei minimæ, quo proximus non læditur, nisi secundum quid. Quod autem de lege prohibente furtum exempli causâ diximus, idem de cæteris similibus legibus intelligendum est. Quare peccatum veniale ex imperfectione operis, non est perfecte contra legem, proinde nec perfecte peccatum. Hætenus ille. Nec non secundo suo more philosophantur de differentia à peccato mortali. Peccatum dicunt mortale & veniale communissime differre in hoc: quod mortale avertat à DEO ultimo fine simpliciter, veniale autem non avertat, nisi secundum quid. Differre in hoc, quod mortale simpliciter tollat charitatem, quæ est conjunctio cum DEO ultimo fine: Veniale vero non tollat, sed solum minuat charitatem. Unde peccatum mortale dicitur ipsis mors animæ, veniale vero languor & infirmitas tantum. Et hoc ipsum est dicere: quod peccatum mortale simpliciter sit aversio à DEO, ut ultimo fine, quatenus nimirum ejus gratiam, amicitiam & conjunctionem per charitatem omnino destruit: Veniale vero non sit

aversio à DEO ultimo fine simpliciter : quia illam conjunctionem non destruit , sed solum minuit , faciendū ut homo minus fervide feratur in DEUM ultimum finem per charitatem. Differre in hoc , quod peccatum mortale sit contra præceptum , simul & finem præcepti , scil. charitatem , quam tollit ; ( finis enim legis dilectio ) peccatum vero veniale sit quidem contra præceptum aliquod , non tamen contra finem præcepti , scil. charitatem , quia illam non tollit , licet ejus fervorem minuat. Secundum omnes Doctores Pontificios differunt in reatu poenæ : quoddam nimirum peccatum mortale mereatur per se poenam æternam : veniale vero temporalem tantum. Atqui his omnibus priorem quidam & potiore assignant , differentiam. Ideo enim peccatum mortale meretur poenam æternam , quia est aversio simpliciter à DEO : & eatentis est aversio à DEO , quatenus destruit charitatem , seu conjunctionem cum DEO ultimo fine : & ideo destruit charitatem & conjunctionem illam cum DEO , quia est contra legem vel præceptum , cujus observantia est simpliciter necessaria ad conservandam gratiam , & salutem finalem seu beatitudinem consequendam : non sic peccatum veniale. Denique non satis congrue discurrunt , de Regulis intrinsicis & extrinsecis distinguendi peccatum mortale & veniale , sequentibus Propositionibus. I. Omne peccatum cedens in gravem DEI , seu honoris & cultus DEO debiti injuriam , mortale est. Ut sunt omnia peccata contra virtutes Theologicas , fidem , spem , charitatem , rem contra religionem. II. Omne peccatum graviter lædens charitatem & justitiam erga proximum in bonis animæ , corporis , famæ , fortunæ : seu cedens in grave nocumentum spirituale vel temporale , mortale est : si leve nocumentum , veniale censeferi debet. III. Omne peccatum cedens in grave nocumentum salutis propriæ spiritualis , vel corporalis , mortale est , ut peccata luxuriæ , & ebrietatis perfectæ. At vero secluso gravi detrimento salutis spiritualis vel corporalis , omnia peccata commissa contra proprium bonum , per se venialia sunt. Ut inordinata dispositio bonorum temporalium , prodiga profusio , negligens cura : aut nimia sollicitudo , tenacitas , &c. Nimia cura vel neglectus propriæ famæ & honoris , infamatio sui ipsius , &c. Quæ tamen per accidens sæpe fieri mortalia , nimis notum est. Ex communi Azorius 10. 1. 4. cap. 9. quæst. 8. Sanchez l. 1. Moral. cap. 24. IV. In his ipsis discernendis semper tria attendenda sunt. 1. Natura actus peccati. 2. Materia peccati gravis vel levis , tam

ex objecto, quàm ex fine, & circumstantiis. 3. Perfecto & imperfectio-  
nibus. In quo se perspicaciores ostendunt Ignatio Lojola, & primis  
illius Discipulis, qui hic habebant, ut notat Ribadeneira in vitâ Lojola  
lib. 1. c. 15.

## X.

Male itidem ex Calvinianis quidam cum U. sino parte primæ Ex-  
plicationis Controv. quæst. 3. rejiciunt hos terminos, quasi minus com-  
modos. Ego, inquit, laudatus ille U. sinus pro peccato mortali & ve-  
niali malim dicere dicere peccatum regnans, primò quia Scriptura his  
appellationibus utitur. Secundò quia vocabula illa mortalis & venia-  
lis peccati ambigua sunt & obscura. Tertiò propter Pontificios.

## XI.

Male denique Edmundus Campianus B. Lutherum accusat quia  
omnem distinctionem peccati sustulisset, & omnia delicta paria fecis-  
set, quem errorem tribuunt alii Scriptores Ecclesiastici Joviniano,  
ex occasione scil. quod omne peccatum mortale suâ naturâ pronuncia-  
vit. Ipse enim Bellarminus agnoscit, Lutheranos non dicere virtutes  
esse pares, aut paria esse peccata, neque negare hominem crescere posse,  
Spe, dilectione aliisque virtutibus.

## XII.

Ratione subiecti peccata dividuntur in interna & externa, cordis,  
oris, operis, aut enim cogitationibus aut sermone, aut opere peccamus,  
ut loquitur Hieronymus in Ezech. cap. 43. quanquam, si quis dixero-  
mus præferat, in prima divisione possit subsistere, cum peccatum cor-  
dis sit internum, oris autem & sub externum referatur, & in hoc non  
differant.

## XIII.

Probare autem non possumus primò sententiam Pontificiorum de  
Motibus primò primis, quos statuunt esse sine peccato atq; ita discurrunt.  
Sunt, qui ex apprehensione objecti convenientis, vel inconvenientis ex-  
citantur naturaliter in appetitu sensitivo, vel ipsa voluntate, ante omnem  
tamen ad vertentiam, vel deliberationem rationis superioris: Nam  
sicut

sicut ex imaginatione, seu apprehensione sensitiva objecti convenientis, vel disconvenientis, ob naturalem subordinationem potentiarum, statim movetur intellectus ad cognoscendum vel cogitandum idem objectum sub eadem ratione convenientis vel disconvenientis sensibilis præcise, hoc est, secundum rationem inferiorem: ita etiam ex motu appetitus sensitivi, v. gr. delectationis, tristitiæ, &c. ob eandem sympathiam potentiarum, statim solet moveri voluntas ad similes motus delectationis vel tristitiæ, circa idem objectum, & secundum eandem rationem convenientis vel disconvenientis sensibilis, hoc est, secundum portionem inferiorem. Quamdiu tamen intellectus non advertit ad eos motus secundum rationem superiorem, quatenus scilicet sunt mali, inhonesti, vel prohibiti, tamdiu manent motus primo-primi. Hi ergo Motus primo-primi, cum nullo modo sint voluntarii, sed omnem voluntatis liberum assensum, omnemque advertentiam ac deliberationem rationis superioris præveniant, nullo modo peccata esse possunt. Nullo enim modo est in potestate voluntatis, quæ vel ex actibus sensuum externorum, & phantasiz, vel ex naturali dispositione qualitaturn, vel etiam operante Diabolo in sensualitate, & ob naturalem connexionem ac sympathiam etiam in voluntate secundum portionem inferiorem, excitentur, vel continuentur; etiam post ad advertentiam vel deliberationem rationis superioris, ipsa voluntate maxime nolente, abhorrente, repugnante, secundum portionem superiorem, & rationes æternas: quod etiam viri sanctissimi experti sunt, & experiuntur. Secundo de motibus secundo primis, quos venialis tantum pronunciant, de quibus illi ita. Sunt, qui in appetitu sensitivo, vel ipsâ voluntate excitantur, cum aliquali quidem, sed imperfecta tantum, & semiplena advertentiâ, ac deliberatione rationi superioris: qualis fere est in semidormientibus, semiebriis, distractis, turbatis variis & vehementibus passionibus: qui licet malitiam moris vel actus sui aliquo modo advertant, non tamen possunt perfecte attendere ad regulas rectæ rationis & honestatis, ut plene ac perfecte judicent esse malum vel inhonestum, quod agunt, vel quo occupantur. Hi ergo motus secundo primi, etsi jam subsint aliquali & semipleno dominio voluntatis, ut teneatur eos impedire, ne, facta deliberatione, ad plenum consensum pertingant; quod licet voluntas negligat, & complaceat vel consentire videatur, tamen ob imperfectionem advertentiæ & deliberationis,



is, non potest esse perfectus & liber consensus in malum, utpote non sufficienter propositum: ideoq; non nisi leviter & venialiter peccare censeri potest. Tercio de motibus deliberatè admissis, quod illi tantum sunt mortales, de quibus ita pronunciant. Motus omnino deliberati dicuntur, qui post plenam deliberationem, intellectu secundum rationem superiorem jam plene advertente ac proponente malitiam eorum, à voluntate pleno & libero consensu admittuntur, aut etiam, quod deterius est, ex proposito & directo imperio excitantur. Hi motus ita admissi vel quæsi, utpote libere & directe voluntarii in materia mortali, v. gr. odii, vindictæ, libidinis, sine controversia peccata mortalia sunt, quia voluntarie tendunt in objecta mortalia: Quod si porro ejusmodi motus deliberati sint indirecte tantum vel Interpretative voluntarii, scilicet in causâ positâ vel non ablata v. gr. turpia cogitando, aspiciendo, legendo, loquendo, audiendo, tangendo, aliamve actionem exercendo, unde vel jam de facto sentis oriri, vel oriturum prævides motum delectationis inhonestæ, tunc applicanda est generalis doctrina: Nimirum, si causa posita vel non ablata licita, aut venialiter tantum mala sit, & absit periculum consensus pleni atque directi, etiam motus illi liciti, aut venialiter tantum mali erunt. Aut ergo exerces talem actionem ob causam honestam necessariam, vel utilem, ut studendo, confessiones audiendo, medendo, naturam subtrahendo, &c. tunc motus illi, excluso consensu directo, culpâ vacabunt. Aut 2. exerces talem actionem ex curiositate, levitate, joco, & iterum absit periculum consensus, motus illi venialem culpam non excedent: uti etiam docet Sanchez l. 9. de matrim. disp. 46. Nisi actiones illæ secundum se & ex objecto essent valde turpes, & ad libidinem provocantes; seu notabiliter influentes in commotionem veneream; tunc enim sine justâ causâ exercere, seu non desistere, mortale est, secundum omnes. 4. Si advertis adesse periculum proximum consentiendi in ipsum motum vel opus turpe, & nihilominus pergis, vel non abruptis actionem, censeris interpretative omnino consentire in peccatum, & peccare mortaliter, secundum omnes.

## XIV.

Nec admittere possumus, quæ de Desideriis & propositis malis docent Doctores Pontificii, primò quod conditionata sint licita.

Aaa 3

defi-

desideria & proposita conditionata, omnesque volitiones, velleitates, simplices complacentiæ, &c. sub conditione revera auferente malitiam actûs propositi per intellectum, etsi reipsa non subsistente. Idque non tantum in iis, quæ solo jure positivo prohibentur, ut vellem hodie comedere carnes, nisi esset dies Veneris, nisi prohibitum, nisi peccatum esset, &c. Cum enim comedere carnes, (sic de cæteris) sit intrinsecè, & secundum substantiam bonum ac licitum, conditio illa appositæ auferit omnem malitiam: Verum etiam de iis, quæ sunt intrinsecè mala, ita tamen, ut in aliquo statu vel casu possint esse licita & bona; si nimirum desiderantur sub conditione talis statûs vel casû: conditio enim rursus auferit malitiam actûs propositi. Unde culpa foret graviore vocabunt hujusmodi actus. Vellem prædari, si DEUS permetteret: Vellem hunc suspendere, hunc inimicum bene ita meritum occidere, si judex essem, ducerem hanc atque cognoscerem, nisi antea uxoratus, nisi sacerdos, religiosus, voto astrictus essem, &c. Communis doctrina, Sanchez. l. 1. Moral. c. 2. num. 24. Vasq. disp. 110 c. 2. Layman. l. 1. tract. 3. c. 6. num. 10. Ratio est: Quia actus isti inefficaces tendunt in actum externum, non ut finem vel terminum fiendum à parte rei, sed præcisè, ut in objectum propositum per intellectum, idque ab eo non plus malitiæ sumunt, quam proponatur per intellectum: atqui intellectus proponens objectum sub tali conditione auferente omnem malitiam actûs, nullam in actu malitiam proponit; ut patet: ergò nullam inde sumit malitiæ ejus desiderium vel volitio conditionata, & inefficax. Unde, quamvis tibi jure naturæ interdicti sint isti actus externi, v. gr. Religioso ducere & cognoscere uxorem: quia tamen non desideras absolute & efficaciter, sed solum sub conditione, sufficit tibi matrimonium revera cogitari posse in eo statu, quo tibi interdictum non esset. Secundò, quod scrupulose disputant, quod dupliciter possint illa desideria conditionata sumi. Primò optative, ut significet actualem effectum voluntatis actu volentis, desiderantis, ac optantis talem actum malum, sub dicta conditione: & hoc peccatum esse. Secundò enunciative tantum, ut solum significet propensionem voluntatis ad talem actum, nisi hæc conditio obstaret: & hoc non esse peccatum. Afferamus exempla: Primò, frangerem jejunium, si carnes vel cœnam haberem: Vellem inebriari, scortari, mœchâri, si pecunias vel occasionem haberem. Adulterium cum hac com-

mitterem, nisi poenam, vel infamiam timerem. Hoc scelus patrarerem, si nemo me aspiceret. Vellem furari, fisealas, vel instrumenta haberem, &c. In sensu optativo, & actuali affectu in tale peccatum, liquidò peccata mortalia sunt. Secundò vellem fornicari, occidere, me ulcisci, &c. si Sacerdos vel religiosus non essem: aut nisi rationem mei status haberem, &c. Similiter mortalia sunt, si offerantur optativè cum actuali affectu in illa peccata, à quibus præcise ob rationem tui status te cohibes. At si solum proferantur enunciativè, ut sensus sit: Ego infirmitatem meam agnoscens fateor, nisi ab hoc sacro vel sublimi statu meo reprimerer, me omninò ita peccaturum, &c. nulla suberit culpa. Eadem est ratio, cum aliqui dicere solent: Si hoc mihi antea fecisses, quando adhuc junior, studiosus, secularis, miles fui, vindictam sumerem, occiderem, in duellum provocarem, &c. Item: Si adhuc essem junior, fornicari cum hac vellem, &c. si quidem ad sit vera voluntas fornicandi, ulciscendi, occidendi, dummodo occasio priori tempore accidisset; aut quis ad eum malum finem verè optet adesse modò adhuc prius tempus, verè lethale est; sicut si optares te non esse Sacerdotem, vel religiosum, quo fornicari vel occidere posses. At si sensus iterum sit enunciativus: priori tempore talis eram, ut, accepta tali injuria, omninò vindictam sumerem: oblata tali occasione omninò peccassem, &c. modò autem nullus adest voluntatis consensus, neque culpa ulla aderit. Memini ait quidam Pontificius simplicissimè atque optimi Seniculi, qui subinde à junioribus irritatus: excussis lachrymis, manum in pugnum contractam ostendens dicere solebat vernacule in hunc sensum. O tu ingratus age DEO, quod non sim, qualis antea eram; quàm vellem tibi modò dare unum rotundum par alaparum? Credo ipsum, ultra morum forte venialem iræ, præterea in quinto præcepto, nihil deliquisse, & solum enunciativè locutum. Tertiò vellem peccare, furari, carnes comedere, &c. nisi timerem DEUM: optativo sensu, cum actuali affectu peccandi, nisi servilis DEI timor absterret, lethale est, at, sensu indicativò, significare suam tantum infirmitatem, & propensionem in peccatum, utpote, credo me omninò peccaturum, nisi timor DEI refrenaret, malum non est: resolvitur enim in hanc causalem; Quia DEUM timeo, nolo peccare, aliàs fortè peccaturus. Et si quidem sit timor filialis ex motivo charitatis, & metu offensæ DEI super omni amati, sum-

mè

me meritorius erit ; si servilis tantum ex metu poenae , saltem non malus. Atque eadem prorsus ratione dicere : Peccarem non mortaliter , si infernus non esset , &c. optative , volendo peccatum , & quasi optando infernum non esse , ut liberius peccare possis ; mortale est sine dubitatione : quia conditio appositae nullomodo aufert malitiam actus. At enunciative tantum ostendere pronitatem in peccatum , nisi metus poenae coërceret : ut sensus iterum sit : Nolo peccare , quia infernus est ; alioquin facile peccaturus , nec tentationem praesentem superaturus , &c. culpa vacat. Recte enim Castropalaus apud Tamburinum cit. 5. §. n. 4. dicit. Nunquam est peccatum velle relinquere peccatum ob timorem inferni , vel ob amissionem honoris. Ob quemcunque enim finem peccatum relinquatur , peccatum non est. Quin communi doctrinam Catholicorum , attritio ad Sacramentum poenitentiae sufficiens , utique non mala , fundatur in ejusmodi timore. Si DEUS vellet Petrum mori , gauderem ? Si significes affectum antecedentem ad divinam voluntatem , quia scilicet velles , ut DEUS vellet Petrum mori ; idem erit , ac optare ipsam mortem Petri , ideoque , si injuste , peccatum mortale. At vero , si significes affectum solum consequentem ad voluntatem divinam : quod nimirum , postquam DEUS voluisset Petrum mori , cum gaudio velles voluntatem tuam conformare cum divina , de se actus optimus est , secluso omni maligno affectu in Petrum , vel complacentia de malo ipsius : quod securum est , si persona e hara sit , suspectum valde , si persona sit alia exosa. Tertiò quod de Delectatione morosa & sensibili proponant , & sic ratiocinantur : Simplex complacentia voluntaria de re illicita , sine intentione eam opere implendi , ideoque sic dicta : non à mora temporis , cum etiam fieri possit in instanti , sed à mora ac immoratione consensus , quod nim. voluntas libero consensu in solo motu delectationis circa opus cogitatum imporetur & acquiescat , absque intentione ulterius tendendi in opus ipsum. Duplex est ; rationalis , & sensibilis. Delectatio morosa rationalis , potius gaudium , vel complacentia dicenda est , quae exurgit in ipsa voluntate ex cogitatione intellectiva rei illicitae : & potest esse , aut speculativa , de ipsa cogitatione vel cognitione mali actus , vel modi mirabilis : ut si videns amicum ridicule cadentem ex equo rideas , non lapsum , quem doles , sed solum lepidum vel ridiculum cadendi modum : aut practica , & de ipsa revel actione illicita cogitata , ita ut obiectum formale & ratio delectandi sit ipsa res , vel

vel actio mala cogitata, cogitatio verò, seu cognitio sit solum conditio applicans objectum delectationis. Item potest esse, aut absoluta de re cogitata, aut sub conditione aliqua. Delectatio morosa sensibilis, & propriè delectatio dicenda, est, quæ ex imaginatione phantastica rei vel actionis illicitæ delectabilis exurgit in appetitu sensitivo, seu sensualitate; fitque cum aliqua alteratione, vel immutatione corporis, per motum spirituum vitalium circa pectus, & in venereis, per motum spirituum generationi servientium in parte inferiori. Quamvis autem delectationem rationalem & sensibilem de eadem re distinguere sit difficillimum: propter naturalem enim connexionem, & sympathiam voluntatis cum appetitu sensitivo, exurgente delectatione in una potentia, statim movetur & excitatur etiam delectatio in altera: re ipsa tamen distinguere certissimum est; & sufficit posse distinguere in ratione voluntarii. Constat enim sæpè delectante appetitu, non delectari, sed tristari voluntatem secundum portionem superiorem; & de multis delectari voluntatem, de quibus non delectatur, sed abhorret appetitus. In delectatione ergò morosâ hic ferè processus esse solet. Primò, voluntas vult vel permittit intellectum cogitare de re illicita, v. g. copula. Secundo, de copula sic cogitata complacet vel gaudet: & hic est delectatio morosa rationalis. Tertiò, Voluntas etiam vult vel permittit phantasiam imaginari illam rem, & per species sensibiles velut præsentem facere, ex quo naturaliter sequitur motus in appetitu sensitivo. Quarto voluntas etiam vult, consentit, vel permittit appetitum sensitivum ita delectari, eamque delectationem accipit, approbat, complacet: & hæc est delectatio morosa sensibilis. Omnis delectatio morosa rationalis, sensibilis, voluntaria ac absoluta de re cogitata formaliter mala, est peccatum, pro ratione materiz, mortale vel veniale. Communissima doctrina in his terminis. Thomas 1. 2. q. 74. a. 8. a. 3. Navarr. c. 11. num. 13. Lessius l. 4. de iustitia c. 3. dub. 15. Sanchez l. 1. Moral. c. 2. Layman. tract. 3. c. 6. Marchant. Tribun. p. 1. tract. 3. tit. 2. q. 4. concl. 4. Regula 2. Diana p. 1. tract. 17. resol. 33. alii apud ipsos.

## XV.

Peccatum ex causa est vel Ignorantiæ, vel Scientiæ. Illud est, quod ex caligine Mentis obrepit, de quo David: *Delicta quis intelligit? ab occulis meis munda me*, Psal. 19. v. 13. hoc verò est, quod cum scientia prævia committitur, de quo Jeremias 44. v. 16. *Sermonem, quem locu-*



*fusus ad nos in nomine Domini, non audiamus ex te.* Vel voluntarium vel involuntarium, illud procedit ex *negociis*: Consideratur porro peccatum voluntarium, vel in ordine ad iudicium intellectus practici; vel in ordine ad propositum voluntatis. Priori respectu peccatum voluntarium aliud est contra conscientiam rectam, aliud contra conscientiam erroneam, aliud contra conscientiam probabilem, aliud contra conscientiam dubiam. Peccatum contra conscientiam rectam est, quando quis aliquid agit vel omittit, quod tunc in se, tunc ex ipsiusmet peccantis iudicio, cum iure divino aut humano, certo & indubitato consentit vel pugnat. Peccatum contra conscientiam erroneam est, quod quis aliquid agit vel omittit, quod agendum vel omittendum non erat, ipse tamen, agendum vel omittendum esse per errorem vincibilem firmiter statuit. Est vero error hic vel de re per se mala, vel de re indifferenti. Si objectum per se malum sit, peccat, tunc qui contra conscientiam vincibiliter errantem agit, tunc qui iuxta eam agit. Si indifferens fuerit, non peccat, qui secundum conscientiam agit, Rom. 14. v. 6. peccat, qui contra eam agit, cap. 14. v. 14. 15. Peccatum contra conscientiam probabilem est, quando quis aliquid agit, vel omittit, quod iudicium intellectus practici hic & nunc agendum, vel omittendum esse, ob rationes sive probabiliores, sive tutiores statuerat. Peccatum contra conscientiam dubiam est, quando quis aliquid agit, vel omittit, de quo ipse an agendum id, an minus, dubitat. Et talis graviter omnino peccat: nihil enim faciendum, vel omittendum, habitante conscientia, Rom. 14. v. 23. 1. Corinth. 8. v. 7. In ordine ad propositum voluntatis spectatum peccatum voluntarium, aliud ex mera malitia & voluntate plane libera; aliud ex voluntate vi metue & circumstantibus periculis inclinata est, ut abnegatio Petrina, Matth. 26. v. 70. 72. 74. Marc. 14. v. 68. 70. 72. Luc. 22. v. 57. 58. 60. Joh. 18. v. 25. 27. Hoc vero, quod non a sciente & volente patrat, sine proposito obrepit ex incogitantia vel precipitantia oboritur, de quo Gen. 16. v. 5. Dixitque Sarai ad Abram: Inique agis contra me? ego dedi ancillam meam in sinum tuum, quae videns quod conceperit, despectus me habet. Rom. 7. v. 15 & seq. Quod enim operor, non intelligo. Non enim, quod volo, hoc ago, sed quod odi, illud facio. Si autem, quod nolo, illud facio: consentio legi, quoniam bona est. Nunc autem jam non ego operor illud, sed quod habet in me peccatum, nec non Gal. 6. v. 1. Fratres, estis praecipitatus faci-

rit homo aliquo delicto, vos, qui spirituales estis, huiusmodi instruite in spiritu lenitatis. Distinguunt alii Ignorantiam in simplicem & affectatam. Simplex illis ignorantia est, cum quis post summam diligentiam adhibitam, maximosque exardatos labores Ignorans permanet: Hæc ignorantia nullum hominem excusat; siquidem earum rerum sit, quas unusquisque scire tenetur. Ex eo enim, quod Christus Lucæ 12. dicit: *Servus, qui voluntatem Domini sui novit, nec tamen facit, pluribus plagis cadetur; ritè colligitur: Servum, qui voluntatem Domini sui non fecerit, propterea, quod eam ignoraverit, nihilominus tamen plagis cadendum esse, licet paucioribus.* Hanc ob causam ipsimet Ethnicæ, qui DEUM non noverunt, inexcusabiles sunt, quia cum agnoscere obligantur. Adamus enim perfectam DEI cognitionem, naturæ suæ impressam habuit, eamque propria sua culpa, pro se, & posteris suis perdidit. Est quoque hoc expressum DEI mandatum, cui omnes tenentur obedientiam præstare, DEUM cognoscere, id est, voluntatem & verbum ejus. Ex quo major hæc simplex Ignorantia est, eo minus est peccatum: Hinc enim est, quod Petrus extenuavit, & quodammodo excusavit peccatum Judæorum, qui Christum crucifixerant, propterea quod per Ignorantiam id fecissent. Ita quoque D. Paulus, qui Ecclesiam Christi persequutus fuerat, hoc suum peccatum minuit, & excusat, dum ait: *Nam ignorans id faciebam, fidei expertus.* Sed hæc dextræ sunt explicanda: Ut autem istiusmodi peccatum, talibus mediis minui, extenuative possit, nihilominus tamen peccatum, & quidem æterna damnatione dignum permanet. Hinc enim Paulus dicit 1. Corinth. 4. vers. 4. *Nullius enim rei mihi sum conscius, sed per hoc non sum justificatus, quasi diceret: Etiam si ex ignorantia peccata mihi obrepserint, nec ea cum feci, peccata esse expressè & distinctè noverim, non tamen idcirco à damnatione exemptus sum.* Hinc etiam Regius Propheta David Psalmo 19. precatur: *Ab occultis libera me Iehovah, id est, à peccatis, ex ignorantia commissis, quæque notitiam meam fugiunt.* Affectata Ignorantia est, cum quispiam ignorantia sua delectatur, & data opera ignarus esse vult: non adhibendo, sed contemnendo media, quibus Cognitio & Intelligentia haberi, augeri que potest: aut saltem negligenter, & sine cura iis utendo, quia nec peccatum, quo oblectatur, relinquare, nec prævum, ita cursum, quem amat, deserere cupit. Hoc

eorum est peccatum, qui apud Jobum capite 12. v. 14. dicunt: *Recede a nobis; nam notitia viarum tuarum non delectamur.* Eorum item, de quibus David conqueritur Psalmo 36: v. 24. *Qui blandiuntur sibi in oculis suis, & desiderunt adhibere diligentiam ad benefaciendum.* Hæc Ignorantia planè diabolica est, & execranda: tantumque abest, ut hominem excuset, ut potius peccatum aggraver augeatque, imò plurimum gravissimarumque enormitatum procreatrix sit, & mater. Ad hæc, Ignorantia duplex est, nimirum vel Legis, vel ejus Rei, quam Lex ipsa postulat. Legis seu Juris Ignorantia est, cum quis tam Legis DEI scriptæ, quam Legis Naturæ igharus est. Hæc quidem Ignorantia peccatum aliquantum minuere, sed excusare hominem non potest: Naturalis enim est, ad eamque cognoscendam unusquisque obligatur. Ignorantia Rei, in ipsa Legge requisita, est & dicitur ignorantia facti: Eaque est Agentis vel cum culpa vel sine culpa. Ignorantia culpæ, est ignorantia alicujus facti, quod prævenire quis potuisset: e. g. Sit aliquis, qui vino inebriatus, aliam interfecerit: Is, quia in isto facto nescius est quid egerit, simul etiam ignorat, quod offenderit: nihilominus tamen, quia ebrietatem suam prævenire potuisset, culpam habet, peccatique reus est. Ignorantia sine culpa est, cum tale factum est commissum, quod nec præsciri, nec evitari poterat. Exemplum hoc esto: Si alicui, ligna cadenti, ferrum sive securis e manibus excidat, aliquem e prætereuntibus inærimat: ibi quidem homicidium est, non tamen destinata, aut voluntaria cædes, quia res est, quam evitare nequibat, neque ejus culpa evenerat. Atque hæc Ignorantia excusari potest.

## CAPUT XV.

De

## VIRTUTE CHRISTIANA.

## THESIS I.

**V**irtus latinis dicitur à viro, inde Varro L. de LL. Virtus ut viri vis à virilitate, cui consonat Cicero 2. Tuscul. quæst. & Scaliger. Augustinus lib. 4. de Civit. DEI cap. 21. scribens: Ars ipsa bene re- & que vivendi virtus à veteribus definita est. Unde ab eo, quod Græce *ἄρετή* dicitur virtus, *ἄρετή* vocata fuit ab *ἀρεσκω*, quod placeat & forma illius si conspiciatur, omnium oculis & animis se insinuet, quam alii præferant, quod derivata sit ab *ἀρης* sive Marte, quasi illa Robur aut fortitudinem primò designet, alii ab *ἀρω*, congruo, adapto, quia sit convenientia cum recta ratione, alii ab *ἀρω*, tollo, quod animum erigat, vel ab *ἔργω*, amo, quod virtus maxime sit amabilis, vel ex *οἷς* & *πῶς*, quod perpetuò sunt, vel ab *αἰρέω*, eligo, quod maxime eligenda, aut non sine *μεγαλειότης* deducant. Variè accipitur, ut videre est apud Altenstaigium in Lexico pag. 950 951 952. 953. usque ad pag. 959. Hebræis dicitur *מִדָּה*, Mensura à *מד* metiri, & *לXX*, quod LXX. reddunt quandoque per *דוֹחָא*, quandoque per *דְּעִתָּא*. Christiana verò, utpote de qua solliciti sumus, vocatur, quia ex inexistencia Christi in mentibus fidelium efflorescit, Christianis adhæret, eosque maxime decet & exornat, quorum digitum intendit Paulus: *De cætero, fratres, quaecunque sunt vera, quaecunque pudica, quaecunque iusta, quaecunque sancta, quaecunque amabilia, quaecunque bona fama, si qua virtus, si qua laus disciplina, hæc cogitate*, Philipp. 4. v. 8.

II.

Non solidè illi disputant, qui primò virtutem volunt dictam à Vigore. Secundò, qui cum Durando illam derivant à Vi sive violentia. Tercio, qui quia *ἄρετή* ipsis descendit ab *ἀρης*, propriè virtutem, fortitudinem notare volunt.

## III.

Illud insuper Religionem sapit semipaganam, quod Johannes Crellius sive Crellius in Ethica Christiana vult vocem virtutis, quæ Græcè est *ἀρετή*, tribus potissimum modis sumi in sacris literis, primum pro qualitate quâdam excellenti, seu perfectionem quandam ejus, de quo agitur, subjecti, in se continente, quo pacto ipsi etiam DEO virtutes adscribantur à Petro 1. Epistola cap. 2. v. 9. *Vos autem genus electum, regale sacerdotium, gens sancta, populus acquisitionis: ut virtutes annuncietis ejus, qui de tenebris vos vocavit in admirabile lumen suum.* Per quas intelligendæ sint insignes illæ DEI proprietates, quas in universo salutis nostri negotio exeruerit. Secundò, strictius pro virtute sanctorum, quo sensu occurrat Philipp. 4. vers. 8. Et 2. Petr. 1. *Quomodo omnia nobis divine virtutis sue, qua ad vitam & pietatem donata sunt, per cognitionem ejus, qui vocavit nos propria gloria & virtute.* Tertio strictissime pro fortitudine, nempe 1. Petr. 1. v. 5. *Vos autem cum crucem omnem subincentes, ministrare in fide vestra virtutem, in virtute patientiam, &c.* Nam primò absurdum est tribuere DEO qualitates, qui tamen Ens est simplicissimum. Subjectum fingit, & illud, quod inest Subjecto. Crellius, quod non nisi in creatis locum habet. Saniora videntur illa Jona Schlichtingii commentantis ad hæc verba: *Ut virtutes, &c. ostendit semen istorum omnium, quæ de illis asserunt.* Virtutes, i. e. sapientiam, bonitatem, misericordiam, potentiam, & omnia Virtutum istarum effecta. Annuncietis, i. e. publica confessione & voce quam maximè celebretis. Virtutum vocem per Metaphoram de DEO usurpat, præsertim, quod beneficia ejus in homines collata ex libera illius voluntate proficiantur. Secundò peccat circa significationem secundam allegando locum ex 2. Petr. 1. v. 3. Supponendo ibi *ἀρετήν* notare virtutem in strictiori illa significatione, cum plerique Interpretes per *ἀρετήν* hic intelligant vel virtutem divinam, qua nos recuperavit, vel Evangelium, quod est potentia DEI ad salutem omni credenti, Rom. 1. v. 16. vel *Φιλαδελφίας* & misericordiam divinam, ut 1. Pet. 2. v. 9. agnoscante ipso Crellio, quæ de prædicatur, Tit. 3. v. 4. *Cum autem benignitas & humanitas apparuit Salvatoris nostri DEI.* Contrarium lege apud Schlichtingium, qui ita: per gloriam ac virtutem, i. e. per gloriosissimam virautem, nempe iterum *ἐν δόξῃ δυνάμει*. Ipsius virtus gloriosissima ipsum impulit, ut nos vocaret. Intelligit autem DEI justitiam,



nitiam, quam vers. 1. DEI bonitatem, clementiam, misericordiam, omni laude, gloria, deprecatione dignissimam. Hic & priore Epistola DEO virtutes tribuit, nosque populum adquisitionem dicit, ut virtutes deprecemur ejus, qui nos ex tenebris vocavit in admirabilem suam lucem, DEI virtutibus nostri vocationem similiter tribuens, 1. Petri 2. v. 9. Tertio restringit significationem in acceptione ad fortitudinem contra Mentem Apostoli & Interpretes nobiliores: nam per *ἀρετήν* illo in loco notatur generaliter virtus in aliis operibus illustrata, quæ aliàs exponitur per *pietatem*, 1. Tim. 4. vers. 8. per *castitatem*, 1. Thess. 4. v. 4. per *charitatem*, Gal. 5. v. 6. adde venerabilem Bodin & B. nostrum Lutherum. Oppositum Crellius Commentarium addimus ex Schlichtingio, Virtutem, id est, Justitiam, Bonitatem, eodem quo vocem hanc de DEO accepit sensu, nisi quod de hominibus agens communi ac populari significatione vocem istam hoc loco usurpet, qua virtute præditi dicantur, qui ea, quæ manifeste sunt iusta & bona, & honesta & recta sectantur, & his contraria vitant, nec dum ad exactiorem & perfectiorem recti & honesti notitiam progressi. Merito autem fidei addit virtutem. Nisi enim post fidem suppeditetur virtus quid proderit ipsa fides sterilis & virtute destituta.

## IV.

Insufficienter denique Crellius Christianam Virtutem vult ita dictam in oppositione ad Artes & scientias generatim omnes, ut prudentiam civilem, & circa terrena tantum occupata: addens insuper, quædam scientiarum, & aliquam etiam prudentiæ civilis particulam ad Christiani hominis perfectionem, & sic ad virtutem quoque Christianam spectare.

## V.

Rarius occurrere vocem *ἀρετήν* in Scripturâ nolumus negare, frequentius autem nomen Bonorum operum, Matth. 5. v. 16. Eph. 2. v. 10. Jacob. 2. v. 14. 17. 18. 20. 21. 22. 24. 25. 26. quæ aliàs quoque exprimuntur nomine fructuum Spiritus, Gal. 5. v. 22. Eph. 5. v. 9.

## VI.

Interim merito dubitamus, an firmiter concluderit Marcus, scribendo *ἀρετήν* dici ab *ἀρε*, id est à Marte, ut virtus à vi, & primam illius signi-

significationem ultra virtutem bellicam non protendi. Partim quia supra primam Etymologiam ostendimus esse dubiam, partim quia altera non probatur Viris doctis, sed rejicitur, partim quia, si hæc esset causa, quod virtutis nomine tam infrequenter uteretur Scriptura, plane non debuisset illā uti, sed in totum à profano & Spiritu S. indigno vocabulo abstinere.

## VII.

Causa virtutis Christianæ principalis est, DEUS unus in Essentia, & trinus in personis. *DEVS* est, qui operatur & effecit ipsum velle & operari, sive agere pro sua Benevolentia, Philipp. 2. v. 13. conditi sumus in Christo Iesu ad opera bona, quæ præparavit *DEVS*, ut in eis ambulemus, Eph. 2. vers. 10. Fructus Spiritus dicuntur virtutes Christianæ, ab Apostolo Gal. 5. vers. 22. scribente: *Fructus autem Spiritus est charitas, gaudium, pax, patientia, benignitas, bonitas, longanimitas, &c.*

## VIII.

Non satis commodè Chrysostomus primo putat Mentem Apostoli esse: non idè istud dixi cum timore & tremore, ut desperes, ut virtutem incomprehensibile quidpiam putes, sed ut attendas, ne te ipsum dissolvas ac remittas; hoc si fuerit, DEUS omnia operabitur, tu bono sis animo; contra scopum Pauli, qui est deprimere, non commendare. Secundo Gregorius Nazianzenus, ut est apud Theophylactum, qui verba illa Eph. 2. ubi conditi dicimur ad bona opera, refert ad primam creationem, cum tamen dicamur conditi ad illa in Christo. Tertiò Theophylactus, qui censet in loco Pauli ad Galatas bona opera & virtutes dici fructus Spiritus, quia non tantum nostra cura indigeant, verum etiam superna cooperatione, tanquam à nobis deur semen sive propositum, quod autem fructum ferat, in DEO situm sit, contra illud Joh. 3. v. 9. *Quod ex carne natum est, caro est & effatum.* Gen. 6. v. 5. *Videns autem Dominus, quod multa malitia hominum esset in terra, & cuncta cogitatio cordis intenta esset ad malum omni tempore, & omne figmentum cogitationum cordis ejus tantummodo malum esset omnibus diebus, & num ex corde nostro, cujus figmentum tantum malum est.* Num autem ex corde nostro, cujus figmentum tantum malum, semen quoddam bonum? num fructus Gloria tantum redundat aliquatenus in DEUM, cum omnia in *αὐτοῦ* nostra sit ex illo, 2. Cor. 3. v. 5.

## IX. Nec

## IX.

Nec ad Mentem Spiritus S. qui cum Leonbardo Lessio lib. de Auxiliis Gratiz cap. 4. dicunt, sic DEUM operari velle & perficere, ut scilicet agat per sanctas inspirationes, illuminationes, affectiones, ostendendo bonum, ad illud alliciendo & trahendo, absque tamen illa Impressionem, quæ voluntatem prædeterminet, vicina quippe illi Pelagii Exegetæ, scribentis in Commentario; Velle operatur DEUS, suadendo & præmia pollicendo. Secundò, qui cum Pontificiis reprehendunt Erasmus, quod verba Eph. 2. verterit ad opera bona, & non in operibus bonis tanquam Effectibus DEI creantur, adeoque sensum esse voluit: Creati à DEO per meritum Jesu Christi, quantum ad opera bona, quia scilicet ipsa opera bona sunt in nobis à DEO. Tertiò, qui cum Toletò distinguunt inter opera bona, virtutes ipsas, & inter opera bona, sive virtutes frugiferas, quasi illæ possint dari etiam in illis, quicarent Spiritu, hæc verò tantum in illis, qui Spiritu aguntur.

## X.

Denique Photiniani à sensu genuino dictorum recedunt, dum primò cum Jona Schlichtingio à Bukowiz dictum ad Philippeneses enervant, accipiendo illud de administratione omnium, quæ pertinent ad id, ut aliquid velit, & ut quod velit operetur, duo statuunt efficacissima media, per quæ DEUS in nobis operetur velle & operari, gratiam scilicet DEI salutarem & mortem Christi, atque ita explicant, quod nec gratiæ divinæ esset, id est, æterna Salus, cuiquam contingat, nisi volenti & operanti bona, & morte sua Christus pro nobis & peccatis nostris, non solverit proprie loquendo debita nostra DEO, sed & DEUM ad illa nobis, si sancte in posterum vivamus, remittenda penitus obstrinxerit, nosque de illorum Remissione sub eadem conditione, plane certos reddat: & vicissim sibi & DEO penitus adduxerit, ac manciparit. Dum secundò cum Crellio & illius Discipulo Jona Schlichtingio, ita creatos nos esse commendunt ad bona opera ut in iis ambulemus, tanquam in viâ à DEO præparata, & ad vitam æternam ducente. Tertiò dum fructus Spiritus cum Crellio putant, dici oppositæ ad opera, ut hæc ipsa appellatione ostenderetur, hæc opera, quæ ex Spiritu proficiuntur, esse quippiam bonum, contra ejusmodi non sit lex, nullam habeat vim damnandi hominem, in quo tales virtutes reperiantur: & plus habere has virtutes virium ad hominem ejusmodi absolvendum, quam lex ad damnandum.

## XI.

Litigant hic Pontificii quoque inter se, quibusdam asserentibus Virtutes supernaturales fieri influxu physico gratiæ, ab eaque physice effluere, sicut physice fiunt proprietates naturales à naturâ, secundum Thomam 12. quæst. 110. art. 4. ad h. alii, utpote Suarezio, Zamello & Curiele negantibus, quorum tamen rationes non sunt solidæ, nempe, quod virtutes supernaturales sint infusæ à DEO, quod habitus fidei & Spei conserventur in Absentiæ gratiæ, quod gratia justificans angelica & humana sint ejusdem speciei, & quæ sunt aliæ.

## XII.

Causa sub DEO virtutis Christianæ est homo regeneritus, qui scilicet jam habet inexistentem DEI Spiritum, qui filios DEI agit & impellit, Rom. 8. v. 14. cum enim regeneritus sit *Arbor bona*, ideoque etiam *fructus feræ generosos, bonos & indolis congruos*, secundum illud Christi, Matth. 7. v. 18. cum sit vivificatus, qui antea mortuus in peccatis, ideoque Mortuus quoque vitales producit, Eph. 2. vers. 4. & seq. *DEVS autem, qui dives est in misericordia, propter multam charitatem suam, qua dilexit nos, & cum essemus mortui peccatis, convivificavit nos in Christo, (cujus gratia estis salvati,) & convivificavit, & consedere fecit in celestibus, in Christo Iesu: ut ostenderet in seculis supervenientibus, abundantes divitias gratiæ suæ, in bonitate super nos, in Christo Iesu. Gratiæ enim estis salvati, per fidem, & hoc non ex vobis. DEI enim donum est, non ex operibus, ut ne quis gloriatur. Ipsius enim sumus factura, creati in Christo Iesu, in operibus bonis, quæ præparavit DEVS, ut in illis ambulemus. Cum sit non carnalis, sed spiritalis, in quo Spiritus DEI habitat, ideoque etiam virtutes spirituales spirat, & talem, qualis est, revera se demonstrat, Rom. 8. vers. 9. Vos autem in carne non estis, sed in spiritu, & quidem ita, ut quamvis voluntas ejus sit subordinata DEO, potiores tamen partes sint DEI, quam hominis. Unde Augustinus de Gestis Palagii, qui liber seorsim editus cum imperfecto opere contra Julianum, Lutetiae apud Sebastianum Chappellet Anno 1617. ad illud supra allegatum ex Rom. 8. notat: plus est agi, quam regi. Qui enim regit aliquid, agit, & à DEO regitur, ut rectè agat; sed qui agitur, agere aliquid, ipse vix intelligitur; & tamen tantum præstat voluntatibus nostris gratia Salvatoris, ut non dubitet Apostolus dicere, quosquos Spiritu DEI aguntur, hi filij DEI. Nec aliquid in nobis libera*

*vera voluntas melius agere potest, quam ut illi se agendam commendet, qui male agere non potest, & hoc cum fecerit, ab illo, se ut faceret ad-  
gutam non dubitet, cui dicitur in Psalmo: DEVS meus, misericordia ejus  
præueniet me.*

## XIII.

*Omnis vera virtus radicatur in fide, sine qua impossibile est placere DEO, teste Paulo Ebræor. xi. v. 6. quæ per charitatem ἐκάρχηται, ut idem Apostolus loquitur Gal. 5. v. 6. atque sine qua omnia sordent, quia quicquid non est ex fide, peccatum est, secundum illud generale pronunti-  
atum Rom. 14. v. 23.*

## XIV.

*Insultum autem est primò, quod Martinez de Ripalda Tomo I. de Ente supernaturali lib. 1. sect. 22. dicit primò, fidem ad salutem necessariam non esse fidem illam strictam, quæ movetur ex revelatione DEI, sed fidem latam, quæ sit cognitio supernaturalis & infusa, perti-  
nens ad habitus supernaturales intellectus conferentes integram & perfectam notitiam mysteriorum fidei. Secundò, posito, illam fidem strictam necessariam esse, tamen non esse necessariam in re exhibita, sed  
aut in re, aut in voto, ut de Baptismo, pœnitentia, spe & aliis, similem necessitatem in sacro textu expressam interpretentur Theologi. Ter-  
tiò, posito, fidem strictam elicitam ab habitu fidei in re esse necessariam, tamen non improbabili-  
ter posse dici, cognitionem enim DEI in creaturis elicitam esse ab habitu fidei, & habitum fidei non solum ad Revelationem DEI factam per verbum ipsius, sed etiam factam Ministerio  
creaturarum extendi posse. Perspicuum enim est ex textu, Paulum pri-  
mò loqui de illa fide, quæ inextitit Enocho, per quam placuit DEO, at fides revelationi innixa atque salvifica fuit in Enocho, DEO eundem  
gratum & acceptum reddidit. Secundò, num sufficit fides in voto, ut  
aliquis DEO placeat? num non addit Apostolus, credere oportet ac-  
cedentem ad DEVM, ad quem nullus nobis accessus nisi per Christum,  
qui via, veritas & vita, Joh. 14. v. 6. num talis in potentia fides fuit in  
Enocho? & num fides etiam in Voto datur in gentili, qui extra Eccle-  
siam constitutus? Tertiò, num cognitio DEI in creaturis elicitæ ab  
habitu fidei potest dici, quæ tamen fidei contradistinguitur? num ha-  
bitus fidei ad cognitionem illius Ministerio creaturarum factam exten-  
di potest? Cum hæc sit evidens notitia & scientia propriè sic dicta, il-*



le autem dicat notitiam inevidentem Testimonio & Authoritate dicentis subnixam, hæc sit in & à natura, ille verò non nisi à Gratia divinis medicinali. Gemella habet Amyraldus, duas species prædicationis, scilicet fidei statuens, quarum ut illa fiat Ministerio Apostolorum & istorum, quibus prædicatio commissa est, &c. Altera per solam administrationem providentiz divinæ, conservantis Mundum, non obstante illius iniquitate, &c. Ita hanc putat esse vel fiduciam de Misericordia DEI manifestatam in magno illo Salvatore, conjunctam cum distincta cognitione Salvatoris illius, vel de Misericordia DEI, destitutam quidem vera & dilucidâ cognitione Redemptoris, de quo Evangelium nobis prædicat: nihilominus tamen sufficientem, ut homines fruantur ea salute, cujus DEUS Author est.

## XV.

Malè itidem Pontificii Interpretes vocem *ἐκ τῆς χάριτος* passivè accipiunt, ac si sensus esset, fidem per charitatem animata, acta, motus incitata ad opus, quasi dicat, quæ per charitatem constituitur in actum, quamque charitas non sinit esse torpentem & otiosam, ut multis contendit quoque Turrianus, cum tamen agnoscentibus ipsis Pontificiis vox *ἐκ τῆς χάριτος* sit verbum medium, non passivum, nec fides perficiatur charitate tanquam forma, sed formale suum habeat in Receptione Salvatoris, Gal. 2. v. 20 *Vivo autem jam non ego, vivit verò in me Christus. Quod autem nunc vivo in carne, in fide vivo filij DEI, qui dilexit me, & tradidit semetipsum pro me.* Nec denique Lex actum justificationis ingrediatur, sed cum omni habitu & operibus illo excludatur, teste Paulo Gal. 2. v. 16. *Scientes autem, quod non justificatur homo ex operibus legis, nisi per fidem Iesu Christi: & nos in Christo Iesu credimus, ut justificemur ex fide Christi, & non ex operibus legis: propter quod ex operibus legis non justificabitur omnis caro.*

## XVI.

Denique non satis dextrè Pontificii Interpretes, qui locum Pauli Rom. 14. accipiunt de fide conscientiz, sive dubitante Conscientia exclusive, quasi notaret d & tamen tantum mentis, quo quis censeat tale quid sibi hic, nunc & sic licere. Quanquam enim admitti possit ille sensus aliquatenus, & nos ipsi quandoque in illo cum nostris Theologis illud adhibeamus effatum, non tamen negandum, generalem quandam hic

hic sententiam promi, & loqui Paulum, primò de fide vera & salvifica, non tantum quia vox fidei in Scriptura non usurpatur de D&amine Conscientiæ, sed etiam quia versus decimus quintus docet, Paulum loqui de illa fide & persuasione, quam fideles habet circa libertatem Christianam, de quo vide Origenem & Augustinum.

## XVI.

Liquet, quid de Virtutibus Gentilium & irrogenitorum sit habendum, nempe esse simulacra Pietatis & Honestatis, non ipsum Corpus, nec aliter sensit ex Veteribus Origenes, qui ita ad cap. 1. Jobi: Ubre- viter dicam, atque audenter, omnia quæcunque fecerunt homines, sive in virginitate, sive in abstinencia, sive in corporis castitate, sive in bonorum suorum Distributione, omnia gratis faciunt, si non in fide fecerint; omnem enim severitatem & omnem justitiam quam fecerit quis foris à vera DEI fide, frustra facit, in perditione facit, non prodest ei, non adjuvat eum in diem Iræ; ad quod testis est Paulus dicens: *Omne quod non est ex fide peccatum est.* Augustinus, qui satis luculenter de nuptiis & concupiscentiâ cap. 3. postquam probavit pudicitiam esse Donum DEI: Quid ergo dicimus, quando & in quibusdam impiis invenitur pudicitia conjugalis, utrum eo peccare dicendi sint, quod dono DEI male utuntur, non id referentes ad cultum ejus à quo acceperunt, an forte nec dona DEI putanda sunt ista, quando hæc infideles agunt, secundum Apostoli sententiam dicentis, omne quod non est ex fide peccatum est, anima enim & corpus, & quæcunque bona animæ & corporis naturaliter insita, etiam in peccatoribus dona DEI sunt, quoniam Deus non isti ipsa fecerunt. De iis autem quæ faciunt, dictum est, omne quod non est ex fide, peccatum est. Cum igitur faciunt hæc homines sine fide, quæ videntur ad conjugalem pudicitiam pertinere, sive hominibus placere quærentes, vel sibi vel aliis, sive in his rebus quas vitiose concupiscunt, humanas molestias devitantes, sive dæmonibus servientes, non peccata coercerentur, sed aliis peccatis alia peccata vincuntur. Absit ergo pudicum veraciter dici, qui non propter DEUM veram fidem connubii servat uxori. Denique Anselmus Cantuariensis, cujus sunt sequentia: Omnis infidelium vita peccatum est, & nihil bonum sine summo bono; ubi deest agnitio veritatis æternæ, falsa virtus est etiam optimis moribus: opera quæ videntur probabilia præter fidem, sic sunt, ut magnæ vires & cursus celerissimus extra viam.

## XVIII.

Nihili est omne illud, quod quidam ex Pontificiis reponunt, vocari virtutes gentilium peccata, quia fere omnes fiant ob malum finem ut in cultum falforum Deorum, vel ad inanem gloriam. Adeoque tribui omnibus, quod maximè parti convenerit. Præterea intelligi ab Augustino non solum id, quod est proprie peccatum, & cui debeatur poena: sed illud etiam quod careat omni illâ perfectione, quam habere potuisset, quodque sterile & inutile sit ad veram Beatitudinem consequendam. Partim quia Augustinus non locutus est non particulariter, sed universaliter, partim, quia alibi etiam de eminentioribus stricturis virtutum in gentilibus ita pronūciat, partim quia illas virtutes & opera elevat non tantum ex aberratione à scopo, sed etiam ex mala radice, quia fiant malè sive malâ voluntate. Præterea peccatum utique est proprie illud etiam, quod caret perfectione debitâ, aut enim est aliqua virtus perfecta & amissata legi, aut non; si prius, erit proprie virtus & opus bonum, atque quod illi opponitur Malum morale, si non, proprie peccatum erit, & cui debetur poena; *Maledictus enim, qui non permanserit in omnibus, quæ scripta sunt in libro Legis*, Deut. 27. v. ult. Unde etiam Augustinus contra Julianum colligentem ab absurdo: Erunt ergo in damnatione sempiterna, in quibus erat justitia, respondet: O vocem impudentia majore præcipitem! Non erat, inquam, in eis vera justitia, quia non actibus, sed finibus pensantur officia.

## XIX.

Addam locum prolixiorē ex cap. 3. l. 4. contra Julianum: Si gentilis, inquit, nudum operuerit, numquid, quia non est ex fide, peccatum est? Obj. & hoc erat Pelagiani. Respondet Augustinus: Prorsus in quantum non est ex fide, peccatum est, non, quia per se ipsum factum, quod est nudum operite, peccatum est: sed de tali Opere non in Domino gloriari solus Impius negat esse peccatum. Quod ut intelligas, quamvis jam inde fuerit disputatum, tamen, quia magna res est paulisper ausculta. Ecce eadem commemoro, quæ ipse posuisti, si gentilis, qui non vivit ex fide, nudum operuerit, periclitantem liberaverit, ægri vulnera soverit, divitias honestè Amicitiz impenderit, ad testimonium falsum nec tormentis potuerit impelli, quæro abs te, utrum hæc opera bona bene faciat an male? Si enim quamvis bona tamen male facit, negare non potes eum peccare, qui male quodlibet facit. Sed, quia



quia eum non vis, cum facit, ista peccare, prof: & dicturus es, & bona facit & bene. Fructus ergo bonos facit arbor mala, quod fieri non posse veritas dicit: Noli precipitare sententiam, diligenter considera, quid Te respondere conveniat. Tum post pauca, cum disputavit, hominem fidelem non esse arborem bonam. Vide itaque, inquit, utrum infidelem voluntatem audeas dicere bonam voluntatem, sed forte dicturus es, misericors voluntas bona est. Rectè istud diceretur, si quemadmodum fides Christi, i. e. fides, quæ per dilectionem operatur semper est bona. Si autem reperitur & Misericordia mala, qua personæ pauperis accipitur in iudicio, propter quam postremo Rex Saul meruit à Domino, utique misericors damari, quia contra ejus præceptum captivo Regi per humanam pepercit affectum, attentius cogita, ne forte misericordia bona non sit, nisi quæ hujus bonæ fidei fuerit. Imò respondeo, ut hoc sine dubitatione perspicias, utrum bonam misericordiam existimes infidelem. Porro si vitium est malè misereri, procul dubio vitium est & infideliter misereri. Quod si & ipsa per se ipsam naturali compassione opus est bonum, etiam illo bono malè utitur, qui infideliter utitur, & hoc bonum malè facit, qui infideliter facit, quis autem malè aliquid facit, prof: & peccat. Ex quo colligitur, etiam ipsa bona opera, quæ faciunt infideles, non ipsorum esse, sed illius, qui bene utitur malis. Ipsorum autem esse peccata, qui & bona malè faciunt, quia ea non fidei, sed infidei hoc est stulta & noxia faciunt voluntate. Qualis voluntas, nullo Christiano dubitante arbor est mala, quæ facere non potest nisi fructus malos, id est, sola peccata. Omne enim, velis nolis, quod non est ex fide, peccatum est.

## XX.

Habent tamen, quod ogganniant Adversarii, nec deest luseiniæ suæ cantus, quanquam non semper ad Regulam. Nam primò, si Scripturam consulimus, testatur illa etiam Ethnicos salutare Fratres, adeoque signa Benevolentiae erga suos posse ostendere, quæ ad regionem virtutum referenda, Matth. 5. v. 46. 47. *Gentes, quæ legem non habent, naturam iter ea, quæ legis sunt, faciunt, ejusmodi legem non habentes, ipsi sibi sunt Lex*, Rom. 2. v. 14. Denique DEUM remuneratum fuisse istiusmodi virtutum Exercitia in obstericibus Ægyptiis, Exod. 1. v. 20. In Exercitu Nabuchodonosoris, qui quia Regi servierit contra Tyrum in præ-

præ-

præmium acceperit à DEO spolia Ægypti, Ezech. 29. v. 20. Secundò planum est opera & virtutes gentilium non proficisci ex odio adversus DEUM, non esse dicta facta vel concupita contra legem, esse potius conformia legi naturali, metum Gehennæ & Iræ DEI in Gentili esse bonum, imò si etiam illud, quod virtutis nomine resplendet in Gentilismo foret peccatum, neminem nec convertendum à peccatis fore, quia per naturalia sua tantum haberet, quod peccat, nec inferni poenas comprehensibiles fore animo. Tertiò si Patres evolamus, Greci stant pro virtutibus gentilium, & ex latinis non tantum Hieronymus, sed ipse Augustinus, qui duplex constituat Genus Virtutum & operum, unum cum auxilio speciali DEI, alterum absque illo: de priori agere, contra Julianum lib. 4. cap. 3. de virtutibus Infidelium. Quomò tolerabilius illas, quas dicas, in impiis esse virtutes divino munere potius, quam eorum tribueris tantummodo voluntati, licet ipsi hoc nesciant, de posteriori in libro, de perfectione Justitiæ contra Celestium.

## XXI.

Sed ut virtutes gentilium speciem habent boni, profundius lustrata vaneſcunt & deprehenduntur, præter nomen nihil haberi reliqui, ita argumenta, quæ pro illis militant vanitate splendent, veritate vero franguntur. Primò enim Scriptura non potest vocari in subsidium, quæ passim corruptionis profunditatem & universalitatem potenter adstruit, ut in primis videre est apud Paulum: Sicut scriptum est: *Quis non est iustus quisquam: ne unus quidem, non est intelligens, non est requirens Deum. Omnes declinaverunt, simul inutilis facti sunt: non est, qui faciat bonum, non est usque ad unum. Sepulchrum patens est guttur eorum, linguis suis dolose agebant. Venenum aspidum sub labiis eorum. Quorum os maledictione & amaritudine plenum est. Veloces pedes eorum ad effundendum sanguinem. Contritio & infelicitas in viis eorum: & viam pacis non cognoverunt: non est timor DEI ante oculos eorum*, Rom. 3. v. 10. 11. 12. 13. 14. 15. 16. 17. 18. adeo quidem ut etiam regentis sit ingemiscendum cum Paulo: *Novi non habitare in carne meâ bonum*, Rom. 7. v. 18. frustra autem urgetur illud, Matth. 5. nam primò longe aliud est signa Benevolentiz esse indicia virtutis, aut alicujus boni moralis in se, præscindendo ab operante, & aliud esse virtutes, si fiant à corrupta voluntate, nec reformatâ, ab arbore mala, nec reddita bona per Spiritum, quæ Christi effuso non nisi malos producere potest fructus, aliud officium in se, aliud præstare



Ritum ab impura manu. Secundò illa signa benevolentiz non tam fuerunt moralis virtutis, quam naturalis affectus, solet enim etiam canis suos amare catulos & fovere. Tertiò, Christus totus est in elevandis illis operibus gentilium & publicanorum, diligunt enim tales non inimicos, sed amicos suos, non propter DEUM, quia alias etiam inimicos dilecturi, sed propter se, adeoque viciòse, & cur quæso, negat Christus istiusmodi operibus mercedem, nisi quia non sunt bona, sive non bene exercentur. Frustra secundò illud Pauli Rom. 2. adducitur. Nam si Vasquezium, Estium & alios vellemus sequi in Interpretatione illius loci, ne speciem quidem pro hac sententia possent obtendere Antimachi. Secundò posito, quod Paulus agat de gentilibus inconversis, & quidem ut nos hunc hunc locum explicavimus potius de opere præcepto quam præstito erit accipiendus, fuerunt enim, qui videbantur strictissimi inter gentiles ordinis Philosophi gravi sententia, sed ignavà operâ, & illius temporis Politici, qui imponere solebant simplicioribus honestis regulis, intercute vitio profundè laborantes. Tertiò, quid quæso Paulus dicit, num gentes facere νόμον, legem? Planè non, sed τὰ ἔννομον, illa, quæ sunt legis, adeoque nonnisi materialiter bona, & quoad ipsius officii naturam, non autem Executionis modum, quædam externæ honestati congrua, non tamen absque Gloria mundi & recessu à DEO, in quem omnia referenda. Tertiò, Remuneratio illa nihil probat, cum non negemus opera etiam illa, quæ peccata dici merentur, temporalem posse habere Mercedem, scil. si ratione generis & officii in se spectati sint bona, nec non comparatè ad scelera & flagitia. Rectè enim Augustinus libro 5. de Civitate DEI cap. 15. quibus ergò non erat DEUS daturus vitam æternam, si neque hanc eis terrenam Gloriam excellentissimi Imperii concederet, non redderetur Merces bonis artibus eorum, id est virtutibus, quibus ad tantam Gloriam pervenire nitébantur. De talibus enim, qui propter hoc aliquid boni facere videntur, ut ab hominibus glorificentur, etiam Dominus dicit: *Dico vobis, perciperunt Mercedem suam.* Secundò, si ponamus obstetrices illas, de quibus Exodi 1. fuisse gentiles. Hebræas enim & fideles fuisse volunt, Hieronymus, Rupertus, Thomas, Pererius, Cornelius à Lapide, vel egisse ex supernaturali timore & amore DEI, quid quæso, DEUS remuneratus fuit, nisi officium, quomodo, nisi temporali commodo. Tertiò, cum etiam Milites profani in castris Nabuchodonosoris fuerunt vir-

eorum est peccatum, qui apud Jobum capite 12. v. 14. dicunt: *Recede a nobis; nam notitia viarum tuarum non delectamur.* Eorum item, de quibus David conqueritur Psalmo 36: v. 24. *Qui blandiuntur sibi in oculis suis, & deservunt adhibere diligentiam ad beneficiendum.* Hæc Ignorantia planè diabolica est, & execranda: tantumque abest, ut hominem excuset, ut potius peccatum aggravet augeatque, imò plurimum gravissimarumque enormitatum procreatrix sit, & mater. Ad hæc, Ignorantia duplex est, nimirum vel Legis, velejus Rei, quam Lex ipsa postulat. Legis seu Juris Ignorantia est, cum quis tam Legis DEI scriptæ, quam Legis Naturæ ignarus est. Hæc quidem Ignorantia peccatum aliquantum minuere, sed excusare hominem non potest: Naturalis enim est, ad eamque cognoscendam unusquisque obligatur. Ignorantia Rei, in ipsa Lege requisita, est & dicitur ignorantia facti: Eaque est Agentis vel cum culpa vel sine culpa. Ignorantia culpæ, est ignorantia alienius facti, quod prævenire quis potuisset: e. g. Sit aliquis, qui vino inebriatus, aliam interfecerit: Is, quia in isto facto nescius est quid egerit, simul etiam ignorat, quod offenderit: nihilominus tamen, quia ebrietatem suam prævenire potuisset, culpam habet, peccatique reus est. Ignorantia sine culpæ est, cum tale factum est commissum, quod nec præsciri, nec evitari poterat. Exemplum hoc esto: Si alicui, ligna cadenti, ferrum sive securis emanibus excidat, aliquem è prætereuntibus incutiat: ibi quidem homicidium est, non tamen destinata, aut voluntaria cædes, quia res est, quam evitare nequibat, neque ejus culpa evenerat. Atque hæc Ignorantia excusari potest.

## CAPUT XV.

De

## VIRTUTE CHRISTIANA.

## THESIS I.

**V**irtus latinis dicitur à viro, inde Varro L. de LL. Virtus ut viri-  
vis à virilitate, cui consonat Cicero 2. Tuscul. quæst. & Scaliger.  
Augustinus lib. 4. de Civit. DEI cap. 21. scribens: Ars ipsa bene re-  
ctæque vivendi virtus à veteribus definita est. Unde ab eo, quod  
Græce *ἄρετή* dicitur virtus, *ἄρετή* vocata fuit ab *ἀρετῶνα*, quod placeat  
& forma illius si conspiciatur, omnium oculis & animis se insinuet, quan-  
quam alii præferant, quod derivata sit ab *ἀρης* live Marte, quasi illa Ro-  
bur aut fortitudinem primò designet, alii ab *ἀρω*, congruo, adapto,  
quia sit convenientia cum recta ratione, alii ab *ἀρω*, tollo, quod ani-  
mum erigat, vel ab *ἡρώ*, amo, quod virtus maxime sit amabilis, vel ex  
*αἰς* & *πεως*, quod perpetuò sunt, vel ab *αἰρεσις*, eligo, quod maxime  
eligenda, aut non sine *ἀρεσις* deducant. Variè accipitur, ut videre est  
apud Altenstaigium in Lexico pag. 950 951 952. 953. usque ad pag. 959.  
Hebræis dicitur *מדה*, Mensura à *מד* metiri, & *לxx*, quod LXX. red-  
dunt quandoque per *דוגמא*, quandoque per *דגל*. Christiana ve-  
rò, utpote de qua solliciti sumus, vocatur, quia ex inexistencia Christi in-  
mentibus fidelium efflorescit, Christianis adhæret, eosque maximè de-  
cet & exornat, quorum digitum intendit Paulus: De cætero, fratres, qua-  
cunque sunt vera, quacunque pudica, quacunque iusta, quacunque san-  
cta, quacunque amabilia, quacunque bonæ famæ, si qua virtus, si qua laus  
disciplina, hæc cogitate, Philipp. 4. v. 8.

II.

Non solidè illi disputant, qui primò virtutem volunt dictam à  
Vigore. Secundò, qui cum Durando illam derivant à Vi live violen-  
tia. Tercio, qui quia *ἄρετή* ipsis descendit ab *ἀρης*, propriè virtutem,  
fortitudinem notare volunt.

Bbb 3

Bbb 3

## III.

Illud insuper Religionem sapit semipaganam, quod Johannes Crellius sive Crellius in Ethica Christiana vult vocem virtutis, quæ Græcè est *ἀρετή*, tribus potissimum modis sumi in sacris literis, primum pro qualitate quâ iam excellenti, seu perfectionem quandam ejus, de quo agitur, subiecti, in se continente, quo pacto ipsi etiam DEO virtutes adscribantur à Petro 1. Epistola cap. 2. v. 9. *Vos autem genus electum, regale sacerdotium, gens sancta, populus acquisitionis: ut virtutes annuncietis ejus, qui de tenebris vos vocavit in admirabile lumen suum, Per quas intelligendæ sunt insignes illæ DEI proprietates, quas in universo salutis nostri negotio exeruerit. Secundo, strictius pro virtute sanctorum, quo sensu occurrat Philipp. 4. vers. 8. Et 2. Petr. 1. Quomodo omnia nobis divine virtutis sue, qua ad vitam & pietatem donata sunt, per cognitionem ejus, qui vocavit nos propria gloria & virtute. Tertio strictissime pro fortitudine, nempe 1. Petr. 1. v. 5. Vos autem cum crucem omnem subinsecuentes, ministrare in fide vestra virtutem, in virtutibus misericordiam, &c. Nam primò absurdum est tribuere DEO qualitates, qui tamen Ens est simplicissimum. Subjectum fingit, & illud, quod inest Subjecto Crellius, quod non nisi in creatis locum habet. Saniora videntur illa Jona Schlichtingii commentantis ad hæc verba: *Ut virtutes, &c. ostendit semen istorum omnium, quæ de illis asseruit. Virtutes, i. e. sapientiam, bonitatem, misericordiam, potentiam, & omnia Virtutum istarum effecta. Annuncietis, i. e. publica confessione & voce quam maximè celebretis. Virtutum vocem per Metaphoram de DEO usurpat, præsertim, quod beneficia ejus in homines collata ex libera illius voluntate proficiantur. Secundo peccat circa significationem secundam allegando locum ex 2. Petr. 1. v. 3. Supponendo ibi *ἀρετήν* notare virtutem in strictiori illa significatione, cum plerique Interpretes per *ἀρετήν* hic intelligant vel virtutem divinam, qua nos recuperavit, vel Evangelium, quod est potentia DEI ad salutem omni credenti, Rom. 1. v. 16. vel *Φιλαδελφίας* & misericordiam divinam, ut 1. Pet. 2. v. 9. agnoscante ipso Crellio, quæ de prædicatur, Tit. 3. v. 4. *Cum autem benignitas & humanitas apparuit Salvatoris nostri DEI. Contra-rium lege apud Schlichtingium, qui ita: per gloriam ac virtutem, i. e. per gloriosissimam virautem, nempe iterum *ἐν δόξῃ αὐτοῦ*. Ipsi virtus gloriosissima ipsum impulit, ut nos vocaret. Intelligit autem DEI justitiam,***



ritiam, quam vers. 1. DEI bonitatem, clementiam, misericordiam, omni laude, gloria, deprecatione dignissimam. Hic & priore Epistola DEO virtutes tribuit, nosque populum acquiritum dicit, ut virtutes deprecemur ejus, qui nos ex tenebris vocavit in admirabilem suam lucem, DEI virtutibus nostri vocationem similiter tribuens, 1. Petri 1. v. 9. Tertio restringit significationem in acceptione ad fortitudinem contra Mentem Apostoli & Interpretes nobiliores: nam per ἀρετήν illo in loco notatur generaliter virtus in aliis operibus illustris, quæ aliàs exponitur per pietatem, 1. Tim. 4. vers. 8. per castitatem, 1. Thess. 4. v. 4. per charitatem, Gal. 5. v. 6. adde venerabilem Bonum & B. nostrum Lutherum. Oppositorum Cressius Commentarium addimus ex Schlichtingio, Virtutem, id est, Justitiam, Bonitatem, eodem quo vocem hanc de DEO accepit sensu, nisi quod de hominibus agens communi ac populari significatione vocem istam hoc loco usurpet, qua virtute præditi dicantur, qui ea, quæ manifeste sunt justa & bona, & honesta & recta sectantur, & his contraria vitant, nec dum ad exactiorem & perfectiorem recti & honesti notitiam progressi. Merito autem fidei addit virtutem. Nisi enim post fidem suppediteat virtus quid proderit ipsa fides sterilis & virtute destituta.

## IV.

Insufficienter denique Cressius Christianam Virtutem vult ita dictam in oppositione ad Artes & scientias generatim omnes, ut prudentiam civilem, & circa terrena tantum occupata: addens insuper, quædam scientiarum, & aliquam etiam prudentiæ civilis particulam ad Christiani hominis perfectionem, & sic ad virtutem quoque Christianam spectare.

## V.

Rarius occurrere vocem ἀρετήν in Scripturâ nolumus negare, frequentius autem nomen Bonorum operum, Matth. 5. v. 16. Eph. 2. v. 10. Jacob. 1. v. 14. 17. 18. 20. 21. 22. 24. 25. 26. quæ aliàs quoque exprimentur nomine fructuum Spiritus, Gal. 5. v. 22. Eph. 5. v. 9.

## VI.

Interim merito dubitamus, an firmiter concluderit Maresius, scribendo ἀρετήν dici ab ἀρε, id est à Marte, ut virtus à vi, & primam illius signi-



significationem ultra virtutem bellicam non protendi. Partim quia supra primam Etymologiam ostendimus esse dubiam, partim quia altera non probatur Viris doctis, sed rejicitur, partim quia, si hæc esset capsa, quod virtutis nomine tam infrequenter uteretur Scriptura, plane non debuisset illâ uti, sed in totum à profano & Spiritu S. indigno vocabulo abstinere.

## VII.

Causa virtutis Christianæ principalis est, DEUS unus in Essentia, & trinus in personis. *DEVS* est, qui operatur & efficit ipsum velle & operari, sive agere pro sua Benevolentia, Philipp. 2. v. 13. *conditi sumus in Christo Iesu ad opera bona, quæ præparavit DEVS, ut in eis ambulemus*, Eph. 2. vers. 10. Fructus Spiritus dicuntur virtutes Christianæ, ab Apostolo Gal. 5. vers. 22. scribente: *Fructus autem Spiritus est charitas, gaudium, pax, patientia, benignitas, bonitas, longanimitas, &c.*

## VIII.

Non satis commodè Chrysostomus primo putat Mentem Apostoli esse: non idcirco istud dixi cum timore & tremore, ut desperes, ut virtutem incomprehensibile quidpiam putes, sed ut attendas, ne te ipsum dissolvas ac remittas; hoc si fuerit, DEUS omnia operabitur, tu bono sis animo; contra scopum Pauli, qui est deprimere, non commendare. Secundò Gregorius Nazianzenus, ut est apud Theophylactum, qui verba illa Eph. 2. ubi conditi dicimur ad bona opera, refert ad primam creationem, cum tamen dicamur conditi ad illa in Christo. Tertiò Theophylactus, qui censet in loco Pauli ad Galatas bona opera & virtutes dici fructus Spiritus, quia non tantum nostra cura indigeant, verum etiam superna cooperatione, tanquam à nobis deur semen sive propositum, quod autem fructum ferat, in DEO situm sit, contra illud Joh. 3. v. 9. *Quod ex carne natum est, caro est & effatum*. Gen. 6. v. 5. *Videns autem Dominus, quod multa malitia hominum esset in terra, & cuncta cogitatio cordis intenta, esset ad malum omni tempore, & omne figmentum cogitationum cordis ejus tantummodo malum esset omnibus diebus, & num ex corde nostro, cujus figmentum tantum malum est. Num autem ex corde nostro, cujus figmentum tantum malum, semen quoddam bonum? num fructus Gloria tantum redundat aliquatenus in DEUM, cum omnis inavóτης nostra sit ex illo, 2. Cor. 3. v. 5.*

## IX. Nec

## IX.

Nec ad Mentem Spiritus S. qui cum Leonbardo Lessio lib. de Auxiliis Gratiæ cap. 4. dicunt, sic DEUM operari velle & perficere, ut scilicet agat per sanctas inspirationes, illuminationes, affectiones, ostendendo bonum, ad illud alliciendo & trahendo, absque tamen illa Impressionem, quæ voluntatem prædeterminet, vicina quippe illi Pelagii Exegetæ, scribentis in Commentario; Velle operatur DEUS, suadendo & præmia pollicendo. Secundò, qui cum Pontificiis reprehendunt Erasmm, quod verba Eph. 2. verterit ad opera bona, & non in operibus bonis tanquam Effectibus DEI creantur, adeoque sensum esse voluit: Creati à DEO per meritum J. su Christi, quantum ad opera bona, quia scilicet ipsa opera bona sunt in nobis à DEO. Tertiò, qui cum Toletò distinguunt inter opera bona, virtutes ipsas, & inter opera bona, sive virtutes frugiferas, quasi illæ possint dari etiam in illis, qui careant Spiritu, hæc verò tantum in illis, qui Spiritu aguntur.

## X.

Denique Photiniani à sensu genuino dictorum recedunt, dum primò cum Jona Schlichtingio à Bukowiz dictum ad Philippenſes enervant, accipiendo illud de administratione omnium, quæ pertinent ad id, ut aliquid velit, & ut quod velit operetur, duo statuunt efficacissima media, per quæ DEUS in nobis operetur velle & operari, gratiam scilicet DEI salutarem & mortem Christi, atque ita explicant, quod nec gratiæ divinæ effectus, id est, æterna Salus, cuiquam contingat, nisi volenti & operanti bona, & morte sua Christus pro nobis & peccatis nostris, non solverit proprie loquendo debita nostra DEO, sed & DEUM ad illa nobis, si sanctæ in posterum vivamus, remittenda penitus obstrinxerit, nosque de illorum Remissione sub eadem conditione, plane certos reddat: & vicissim sibi & DEO penitus adduxerit, ac manciparit. Dum secundo cum Crellio & illius Discipulo Jona Schlichtingio, ita creatos nos esse contendunt ad bona opera ut in iis ambulemus, tanquam in viâ à DEO præparata, & ad vitam æternam ducente. Tertiò dum fructus Spiritus cum Crellio putant, dici oppositæ ad opera, ut hæc ipsa appellatione ostenderetur, hæc opera, quæ ex Spiritu proficiſcuntur, esse quippiam bonum, contra cujusmodi non sit lex, nullam habeat vim damnandi hominem, in quo tales virtutes reperiantur: & plus habere hæc virtutes virium ad hominem ejusmodi absolvendum, quam lex ad damnandum.

## XI.

Litigant hic Pontificii quoque inter se, quibusdam afferentibus Virtutes supernaturales fieri influxu physico gratiæ, ab eaque physice effluere, sicut physice fluunt proprietates naturales à naturâ, secundum Thomam 12. quæst. 110. art. 4. ad h. alii, utpote Suarezio, Zumello & Curiele negantibus, quorum tamen rationes non sunt solidæ, nempe, quod virtutes supernaturales sint infusæ à DEO, quod habitus fidei & Spei conserventur in Absentiâ gratiæ, quod gratia justificans angelicæ & humanæ sint ejusdem speciei, & quæ sunt aliæ.

## XII.

Causa sub DEO virtutis Christianæ est homo regeneratus, qui scilicet jam habet inexistentem DEI Spiritum, qui filios DEI agit & impellit, Rom. 8. v. 14. cum enim regeneratus sit *Arbor bona*, ideoque etiam *fructus ferat generosos, bonos & indoli suæ congruos*, secundum illud Christi, Math. 7. v. 18. cum sit vivificatus, qui antea mortuus in peccatis, ideoque *Mortuus quoque vitales producit*, Eph. 2. vers. 4. & seq. **DEVS autem, qui dives est in misericordia, propter multam charitatem suam, qua dilexit nos, & cum essemus mortui peccatis, convivificavit nos in Christo, (cujus gratia estis salvati,) & convivificavit, & consedere fecit in cælestibus, in Christo Iesu: ut ostenderet in seculis supervenientibus, abundantes divitiis gratiæ suæ, in bonitate super nos, in Christo Iesu. Gratia enim estis salvati, per fidem, & hoc non ex vobis. DEI enim donum est, non ex operibus, ut ne quis gloriatur. Ipsius enim sumus factura, creati in Christo Iesu, in operibus bonis, quæ preparavit DEVS, ut in illis ambulemus. Cum sit non carnalis, sed spiritalis, in quo Spiritus DEI habitat, ideoque etiam virtutes spirituales spirat, & talem, qualis est, revera se demonstrat, Rom. 8. vers. 9. Vos autem in carne non estis, sed in spiritu, & quidem ita, ut quamvis voluntas ejus sit subordinata DEO, potiores tamen partes sint DEI, quam hominis. Unde Augustinus de Gestis P. lagii, qui liber seorsim editus cum imperfecto opere contra Julianum, Lutetiæ apud Sebastianum Chappellet Anno 1617. ad illud supra allegatum ex Rom. 8. notat: plus est agi, quam regi. Qui enim regit aliquid, agit, & à DEO regitur, ut rectè agat; sed qui agitur, agere aliquid, ipse vix intelligitur; & tamen tantum præstat voluntatibus nostris gratia Salvatoris, ut non dubitet Apostolus dicere, quod quot Spiritu DEI aguntur, hi filij DEI. Nec aliquid in nobis libera**

vera voluntas melius agere potest, quam ut illi se agendam commendet, qui male agere non potest, & hoc cum fecerit, ab illo, se ut faceret ad-  
gutam non dubitet, cui dicitur in Psalmo: *DEVS meus, misericordia ejus  
præveniet me,*

## XIII.

Omnis vera virtus radicatur in fide, sine qua impossibile est placere DEO, teste Paulo Ebræor. 11. v. 6. *quæ per charitatem ἐκρηγνύμην,* ut idem Apostolus loquitur Gal. 5. v. 6. atque sine qua omnia sordent, quia *quicquid non est ex fide, peccatum est,* secundum illud generale pronunti-  
atum Rom. 14. v. 23.

## XIV.

Insultum autem est primò, quod Martinez de Ripalda Tomo 1. de Ente supernaturali lib. 1. sect. 22. dicit primò, fidem ad salutem necessariam non esse fidem illam strictam, quæ movetur ex revelatione DEI, sed fidem latam, quæ sit cognitio supernaturalis & infusa, perti-  
nens ad habitus supernaturales intellectus conferentes integram & per-  
fectam noticiam mysteriorum fidei. Secundò, posito, illam fidem stri-  
ctam necessariam esse, tamen non esse necessariam in re exhibita, sed  
aut in re, aut in voto, ut de Baptismo, poenitentia, spe & aliis, similem  
necessitatem in sacro textu expressam interpretentur Theologi. Ter-  
tiò, posito, fidem strictam elicitam ab habitu fidei in re esse necessariam,  
tamen non improbabiler possè dici, cognitionem enim DEI in crea-  
turis elicitam esse ab habitu fidei, & habitum fidei non solum ad Reve-  
lationem DEI factam per verbum ipsius, sed etiam factam Ministerio  
creaturarum extendi possè. Perspicuum enim est ex textu, Paulum pri-  
mò loqui de illa fide, quæ inexistit Enocho, per quam placuit DEO,  
at fides revelationi innixa atque salvifica fuit in Enocho, DEO eundem  
gratum & acceptum reddidit. Secundò, num sufficit fides in voto, ut  
aliquis DEO placeat? num non addit Apostolus, *credere oportet ac-  
cedentem ad DEVM*, ad quem nullus nobis accessus nisi per Christum,  
*qui via, veritas & vita*, Joh. 14. v. 6. num talis in potentia fides fuit in  
Enocho? & num fides etiam in Voto datur in gentili, qui extra Eccle-  
siam constitutus? Tertiò, num cognitio DEI in creaturis elicitæ ab  
habitu fidei potest dici, quæ tamen fidei contradistinguitur? num ha-  
bitus fidei ad cognitionem illius Ministerio creaturarum factam exten-  
di potest? Cum hæc sit evidens notitia & scientia propriè sic dicta, il-

hic sententiam promi, & loqui Paulum, primò de fide vera & salvifica, non tantum quia vox fidei in Scriptura non usurpatur de D&amine Conscientiæ, sed etiam quia versus decimus quintus docet, Paulum loqui de illa fide & persuasione, quam fideles habent circa libertatem Christianam, de quo vide Origenem & Augustinum.

## XVI.

Liquet, quid de Virtutibus Gentilium & irrogenitorum sit habendum, nempe esse simulacra Pietatis & Honestatis, non ipsum Corpus, hec aliter sensit ex Veteribus Origenes, qui ita ad cap. 1. Jobi: Ut breviter dicam, atque audenter, omnia quæcunque fecerunt homines, sive in virginitate, sive in abstinentia, sive in corporis castitate, sive in bonorum suorum Distributione, omnia gratis faciunt, si non in fide fecerint; omnem enim severitatem & omnem justitiam quam fecerit quis foris à vera DEI fide, frustra facit, in perditione facit, non prodest ei, non adjuvat eum in diem Iræ; ad quod testis est Paulus dicens: *Omne quod non est ex fide peccatum est.* Augustinus, qui satis luculenter de nuptiis & concupiscentiâ cap. 3. postquam probavit pudicitiam esse Donum DEI: Quid ergo dicimus, quando & in quibusdam impiis invenitur pudicitia conjugalis, utrum eo peccare dicendi sint, quod dono DEI male utantur, non id referentes ad cultum ejus à quo acceperunt, an forte nec dona DEI putanda sunt ista, quando hæc infideles agunt, secundum Apostoli sententiam dicentis, omne quod non est ex fide peccatum est, anima enim & corpus, & quæcunque bona animæ & corporis naturaliter insita, etiam in peccatoribus dona DEI sunt, quoniam Deus non isti ipsa fecerunt. De iis autem quæ faciunt, dictum est, omne quod non est ex fide, peccatum est. Cum igitur faciunt hæc homines sine fide, quæ videntur ad conjugalem pudicitiam pertinere, sive hominibus placere quærentes, vel sibi vel aliis, sive in his rebus quas vitiose concupiscunt, humanas molestias devitantes, sive dæmonibus servientes, non peccata coercantur, sed aliis peccatis alia peccata vincuntur. Absit ergo pudicum veraciter dici, qui non propter DEUM veram fidem connubii servat uxori. Denique Anselmus Cantuariensis, cujus sunt sequentia: Omnis infidelium vita peccatum est, & nihil bonum sine summo bono; ubi deest agnitio veritatis æternæ, falsa virtus est etiam optimis moribus: opera quæ videntur probabilia præter fidem, sic sunt, ut magnæ vires & cursus celerrimus extra viam.



## XVIII.

Nihili est omne illud, quod quidam ex Pontificiis reponunt, vocari virtutes gentilium peccata, quia fere omnes fiunt ob malum finem ut in cultum falforum Deorum, vel ad inanem gloriam. Adeoque tribui omnibus, quod maximè parti convenerit. Præterea intelligi ab Augustino non solum id, quod est proprie peccatum, & cui debeatur poena: sed illud etiam quod careat omni illâ perfectione, quam habere potuisset, quodque sterile & inutile sit ad veram Beatitudinem consequendam. Partim quia Augustinus non locutus est non particulariter, sed universaliter, partim, quia alibi etiam de eminentioribus stricturis virtutum in gentilibus ita pronūciat, partim quia illas virtutes & opera elevat non tantum ex aberratione à scopo, sed etiam ex mala radice, quia fiunt malè sive malâ voluntate. Præterea peccatum utique est proprie illud etiam, quod caret perfectione debitâ, aut enim est aliqua virtus perfecta & amissata legi, aut non; si prius, erit propriè virtus & opus bonum, atque quod illi opponitur Malum morale, si non, propriè peccatum erit, & cui debetur poena; *Maledictus enim, qui non permanseris in omnibus, quæ scripta sunt in libro Legis*, Deut. 27. v. ult. Unde etiam Augustinus contra Julianum colligentem ab absurdo: Erunt ergo in damnatione sempiterna, in quibus erat justitia, respondet: O vocem impudentia majore præcipitem! Non erat, inquam, in eis vera justitia, quia non actibus, sed finibus pensantur officia.

## XIX.

Addam locum prolixiorē ex cap. 3. l. 4. contra Julianum: Si gentilis, inquit, nudum operuerit, nunquid, quia non est ex fide, peccatum est? Obj. Quid hæc erat Pelagiani. Respondet Augustinus: Prorsus in quantum non est ex fide, peccatum est, non, quia per se ipsum factum, quod est nudum operite, peccatum est: sed de tali Opere non in Domino gloriari solus Impius negat esse peccatum. Quod ut intelligas, quamvis jam inde fuerit disputatum, tamen, quia magna res est paulisper ausculta. Ecce eadem commemoro, quæ ipse posuisti, si gentilis, qui non vivit ex fide, nudum operuerit, periclitantem liberaverit, ægri vulnera soverit, divitias honestæ Amicitiz impenderit, ad testimonium falsum nec tormentis potuerit impelli, quæro abs te, utrum hæc opera bona bene faciat an male? Si enim quamvis bona tamen male facit, negare non potes eum peccare, qui male quodlibet facit. Sed, quia

quia cum non vis, cum facit, ista peccare, profectò dicturus es, & bona facit & bene. Fructus ergò bonos facit arbor mala, quod fieri non posse veritas dicit: Noli precipitare sententiam, diligenter considera, quid Te respondere conveniat. Tamen post pauca, cum disputavit, hominem fidelem non esse arborem bonam. Vide itaque, inquit, utrum infidelem voluntatem audeas dicere bonam voluntatem, sed forte dicturus es, misericors voluntas bona est. Rectè istud diceretur, si quemadmodum fides Christi, i. e. fides, quæ per dilectionem operatur semper est bona. Si autem reperitur & Misericordia mala, quæ persona pauperis accipitur in iudicio, propter quam postremo Rex Saul meruit à Domino, utique misericors damari, quia contra ejus præceptum captivo Regi per humanam pepercit affectum, attentius cogita, ne forte misericordia bona non sit, nisi quæ hujus bonæ fidei fuerit. Imò respondeo, ut hoc sine dubitatione perspicias, utrum bonam misericordiam existimes infidelem. Porro si vitium est malè misereri, procul dubio vitium est & infideliter misereri. Quod si & ipsa per se ipsam naturali compassione opus est bonum, etiam isto bono malè utitur, qui infideliter utitur, & hoc bonum malè facit, qui infideliter facit, quia autem malè aliquid facit, profectò peccat. Ex quo colligitur, etiam ipsa bona opera, quæ faciunt infideles, non ipsorum esse, sed illius, qui bene utitur malis. Ipsorum autem esse peccata, qui & bona malè faciunt, quia ea non fidei, sed infidei hoc est stulta & noxia faciunt voluntate. Qualis voluntas, nullo Christiano dubitante arbor est mala, quæ facere non potest nisi fructus malos, id est, sola peccata. Omne enim, velis nolis, quod non est ex fide, peccatum est.

## XX.

Habent tamen, quod ogganniant Adversarii, nec deest lusciniæ suæ cantus, quanquam non semper ad Regulam. Nam primò, si Scripturam consulimus, testatur illa etiam Ethnicos salutare Fratres, adeoque signa Benevolentiz erga suos posse ostendere, quæ ad regionem virtutum referenda, Matth. 5. v. 46. 47. *Gentes, quæ legem non habent, naturaliter ea, quæ legis sunt, faciunt, ejusmodi legem non habentes, ipsi sibi sunt Lex*, Rom. 2. v. 14. Denique DEUM remuneratum fuisse istiusmodi virtutum Exercitia in obstetricibus Ægyptiis, Exod. 1. v. 20. In Exercitu Nabuchodonosoris, qui quia Regi servierit contra Tyrum in  
præ-

ritum ab impura manu. Secundò illa signa benevolentiae non tam fuerunt moralis virtutis, quam naturalis affectus, solet enim etiam canis suos amare catulos & fovere. Tertiò, Christus totus est in elevandis illis operibus gentilium & publicanorum, diligunt enim tales non inimicos, sed amicos suos, non propter DEUM, quia aliàs etiam inimicos dilecturi, sed propter se, adeoque vitiosè, & cur quæso, negat Christus istiusmodi operibus mercedem, nisi quia non sunt bona, sive non benè exercentur. Frustra secundò illud Pauli Rom. 2. adducitur. Nam si Vasquezium, Estium & alios vellemus sequi in Interpretatione illius loci, ne speciem quidem pro hac sententia possent obtendere Antimachi. Secundò posito, quod Paulus agat de gentilibus inconversis, & quidem ut nos hunc hunc locum explicavimus potius de opere præcepto quam præstito erit accipiendus, fuerunt enim, qui videbantur strictissimi inter gentiles ordinis Philosophi gravi sententia, sed ignavà operâ, & illius temporis Politici, qui imponere solebant simplicioribus honestis regulis, intercute vitio profundè laborantes. Tertiò, quid quæso Paulus dicit, num gentes facere νόμον, legem? Planè non, sed τὰ τῷ νόμῳ, illa, quæ sunt legis, adeoque non nisi materialiter bona, & quoad ipsius officii naturam, non autem Executionis modum, quædam externæ honestati congrua, non tamen absque Gloria mundi & recessu à DEO, in quem omnia referenda. Tertiò, Remuneratio illa nihil probat, cum non negemus opera etiam illa, quæ peccata dici merentur, temporalem posse habere Mercedem, scil. si ratione generis & officii in se spectati sint bona, nec non comparatè ad scelera & flagitia. Rectè enim Augustinus libro 5. de Civitate DEI cap. 15. quibus ergò non erat DEUS daturus vitam æternam, si neque hanc eis terrenam Gloriam excellentissimi Imperii concederet, non redderetur Merces bonis artibus eorum, id est virtutibus, quibus ad tantam Gloriam pervenire nitèbantur. De talibus enim, qui propter hoc aliquid boni facere videntur, ut ab hominibus glorificentur, etiam Dominus dicit: *Dico vobis, perceperunt Mercedem suam.* Secundò, si ponamus obstetrices illas, de quibus Exodi 1. fuisse gentiles. Hebræas enim & fideles fuisse volunt, Hieronymus, Rupertus, Thomas, Pererius, Cornelius à Lapide, vel egisse ex supernaturali timore & amore DEI, quid quæso, DEUS remuneratus fuit, nisi officium, quomodo, nisi temporali commodo. Tertiò, num etiam Milites profani in castris Nabuchodonosoris fuerunt vir-

tutibus inclyti, quæ DEUS debuit remunerari. Dicuntur quidem Rex & milites servisse DEO, verum non ex Animi intentione, aut studio erga DEUM, sed præter Mentem, ut ferra servire dicitur ducenti illam, ut virga furoris DEO irato contra gentem, ut Attila, cujus ferocia DEUS usus fuit ad edomandum populum rebellem, adeoque non formaliter, sed tantum materialiter, complendo id, quod DEUS completum optabat & volebat. Dicitur etiam DEUM dedisse spolia Egypti pro servitio & labore, sed quale servitium, tale præmium; plane Nabuchodonosor libabat suæ ambitioni aggrediendo Tyrum, milites suæ ferociz indulgebant, Egyptus itaque illis cessit in mercedem materialiter talem, in quantum voluit DEUS & statuit, ut ipse, qui voluntatem suam in Tyro puniendâ compleverat, ornaretur & honoraretur Regno Egypti, ut ipse Cornelius à Lapide agnoscit.

## XXI.

Rationes non concludunt: ambigüe enim dicitur istiusmodi opera non proficisci ex odio DEI, quod si de directo & formali & explicito dicatur, non negamus, at nihilominus proficiscuntur à concupiscentia dominium obtinente in sensu carnis, de quo Paulus, quod omne *Φρόνημα* illius sit *ἐχθρὰ εἰς Θεόν*. Secundò utique gentilium virtutes & opera, si spectantur, ut actu præsentia possunt dici, facta & concupita contra legem. Sunt enim *τελήματα τῆς σαρκὸς καὶ τῶν ἀλαστον*, Eph. 2. Conformitas cum lege naturali tandem, neque est exacta, neque ipsa Regula, Lex scilicet naturalis perfecta, nec in illis absque contaminatione. Tertiò, metus ille gehennæ & iræ DEI comparate bonus dici potest, absolutè nunquam, quia aliàs etiam in Phariseis fuisset bonus, Matth. 3. v. 7. *Videns autem multos Phariseorum & Sadduceorum, venientes ad Baptismum suum, dixit eis: Progenies viperarum, quis demonstravit vobis fugere à ventura ira? & quorsum, quæso, ducit ille Metus, removendo gratiam, nisi in desperationem, pice torrentes, atraque voragine Ripas.* Nec homo convertitur naturalibus suis, sed gratia DEI, nec nobis examinandæ sunt pœnæ infernales, sed DEO relinquendum Judici, quod unicuique impiorum assignabit.

## XXII.

Denique non negamus primò Patres Græcos ante Certamina cum Pelagio, quandoque securius fuisse locutos. Secundò Augusti-  
dum



num distinguere opera infidelium, in ea, quæ fiebant cum speciali auxilio, & ea, quæ a- s- que eo, demonstrari nequit, cum omnia illa, quæ boni rationem habent, speciali auxilio DEI deputer. Quod vel ex Exemplo de Polemone adducto evidens. Terriò aperte Augustinus loco ex libro 4. contra Julianum hæc addit: Licet ipsi hoc nesciant, donec si ex illo sunt prædestinatorum numero, accipiant Spiritum, qui ex DEO est, ut sciant, quæ à DEO donata sunt eis. Sed absit, ut in aliquo vera sit virtus, nisi fuerit justus, absit autem, ut sit justus verè, nisi vivat ex fide: justus enim ex fide vivit.

## XXIII.

Subjèctum Virtutis Christianæ, si de Denominationis sit sermo, est totus homo, ut principium actionum ex illa prodeuntium, ita tamen ut in Anima sedes sit quærenda illius, & quidem maximè in voluntate, quod satis solidè ostendit Paulus Rom. 7. v. 14. 15. 16. 17. 18. 19. 20. 21. 22. *Peccatum enim vobis non dominabitur: non enim sub lege estis, sed sub gratia. Quid ergo? Peccabimus, quoniam non sumus sub lege, sed sub gratia? Absit. An nescitis, quoniam cui exhibetis vos servos ad obedientiam, servi estis ejus, cui obeditis, sive peccati ad mortem, sive obediencie ad justitiam? Græcias autem ago DEO, quod fuistis servi peccati, obedistis autem ex corde in eam formam doctrinæ, in quam traditi estis. Liberati autem à peccato, servi facti estis justitiæ. Humanum dico, propter infirmitatem carnis vestra. Sicut enim exhibuistis membra vestra servire immunditie & iniquitati ad iniquitatem, ita nunc exhibere membra vestra, servire justitiæ in sanctificationem. Cum enim servi essetis peccati, liberi fuistis justitiæ. Quem ergo fructum habuistis tunc in illis, in quibus nunc erubescitis? Nam finis illorum mors est. Nunc verò liberati à peccato, servi autem facti DEO, habetis fructum vestrum in sanctificationem, finem verò vitam æternam. Non excluso penitus appetitu sensitivo, ad quem sese porrigit & extendit. Secundarium autem est corpus & membra illius, quæ animæ divinitus virtute instructæ ad Executionem subserviunt, ut iterum docet Paulus Rom. 6. v. 12. & 13. *Sed neque exhibeatis membra vestra, arma iniquitatis peccato; sed exhibete vos DEO, tanquam ex mortuis viventes, & membra vestra arma justitiæ DEO. Nec non v. 19. adde monitum illud Rom. 12. v. 1. Obsecro itaque vos, fratres, per misericordiam DEI, ut exhibeatis corpora vestra hostiam viventem, sanctam, DEO placentem, rationabile obsequium vestrum.**

D d d 2

XXIV. Non



## XXIV.

Non subscribimus primò Cajetano & Medinae, qui existimant virtutes, quæ ad alterum referuntur potissimum esse in voluntate, illas autem, quæ ad ipsum operantem spectent, atque in moderandis passionibus occupantur, sedem habere in solo appetitu sensitivo. Secundò illis, qui cum Gabriele statuunt, omnes virtutes quidem esse in voluntate, quibus tamen in appetitu sensitivo respondeant quidam habitus, qui etiam absolutè possint dici virtutes. Tertiò denique Piccolomineo Senensi Philosopho, qui Gradu quarto, cap. 10. & 11. contendit virtutes morales residere in appetitu sensitivo. sanè videtur ὑπερλόγως fieri in hac sententia, à Pontificiis Doctoribus, nempe peccati originalis primum & principale subjectum esse sensualitatem, intellectum & voluntatem melioris conditionis existente, & proinde maximè appetitus sensitivo medendum, perturbationibus in illo & ex illo resultantibus occurrendum.

## XXV.

Inter quæstiones itidem potius curiosas, quam fructuosas referimus illam, quam Pontificii operose tractant, an scil. subjectum virtutis supernaturalis sit substantia rationalis sive anima immediate scil. an verò potentia ab anima distincta: qui priorem sequuntur sententiam, supponunt animam à potentiis suis realiter non esse diversam, ut tota controversia hæc tandem in litem aliquam philosophicam terminetur, de quo Physici in libris de Anima.

## XXVI.

Forma virtutis Christianæ consistit in habitu conformi Legi divinæ; ex eo enim, quod Virtus Christiana virtus est, habitus naturam refert, unde Paulus quoque ab hac voce non abhorruit, sed illam usurpavit, atque Christianos firmiores descripsit tanquam illos, quia *Ἀλλὰ τὴν εἰρήνην, propter habitum sensus habeant exercitatos ad discretionem boni & mali*, Ebrzor. 5. v. 14. ex eo verò, quod Christiana est respectum dicit ad Legem, non qualemcunque, naturalem scil. vel aliam, sed divinam in verbo propositam, ad quam Christiani respiciunt, cui unice tanquam lucerna lucenti in caliginoso loco attendunt, usque dum *Phosphorus oriatur in cordibus illorum*, ut Petrus loquitur 2. Epist. cap. 1. v. 19. & quia in Christianis existit per gratiam renovationis.

## XXVIII. Non

## XXVII.

Non tamen dissimulandum, virtutem Christianam sita dici habitum, ut languor illius etiam sit agnoscendus, adeoque in hac vitâ potius esse dispositionem, quam habitum, ob frequentes insultus concupiscentiæ, quæ non extirpatur, sed in Dominio tantum refringitur, homine non aliter se habente, quam ægro, qui ex Morte convalescit, in quo nondum Typus perfectæ sanitatis, sed tantum initia, quæ Spiritu desuper dato promovenda.

## XXIX.

Longè à veritatis Scopo Telum jecit primò Bernardinus Telleus, qui statuit virtutem esse passionem sive affectum, quia medium sit ejusdem generis cum extremis. Secundò Joannes Duns Scotus, quòt ut aliqui Mentem illius exponunt, negavit virtutem moralem formaliter & essentialiter esse habitum, atque per convenientiæ relationem cum natura rationali descripsit, ita quidem quasi id esse habitus non ad Esse virtutis requiratur formaliter, sed tantum velut subiectum seu fundamentum, cui relatio conformitatis ad rectam rationem adveniat, cum homo utitur illo habitu, ad studiosas actiones exercendas. Tertiò Socratici, qui virtutem esse voluerunt esse scientiam, ut quidem, si fides Aristoteli attestigianus illorum statuit, qui & finem vitæ dicitur constituisse virtutem cognoscere.

## XXIX.

Sed quid de sententiâ communi Peripateticorum habendum, qui statuunt, virtutem consistere formaliter in mediocritate, & cum Aristotele definiunt, quod sit habitus electivus in mediocritate consistens secundum nos definita per Rationem, & ut prudens definierit. Tolerari illam posse quondam in Observationibus ad Grotium, si commodè explicetur, diximus, & relinqui posse Philosophorum Scholis, in quibus quasi sedem fixit, docuimus, verum si de virtute in generali conceptu, aut de Virtute Christiana sit sermo, non facile aptarit, quis istiusmodi Definitionem vel Generi, vel speciei, de qua nobis sermo, quod vidit quoque Guilielmus Amesius in Instit. Theol. lib. 2. cap. 2. Antonius Walzrus in Ethica Christiana, quanquam argumenta utriusque non tam firma esse censeamus, ut non aliquid reponi possit. Illud hic maxime observandum, quod Medium dicatur relativè ad extrema, adeoque naturam & Essentiam virtutis non exprimat, sed saltem sub illâ Re-

latione describat , quemadmodum aliàs etiam , quæ in medio vel participante de utroque Extremorum , vel negante illa , consistunt , nec definienda propterea formaliter per Medium , quod Ratio constituat , quæ mediocritatem illam definiat , cum post lapsum sit corrupta , quod denique prudentis Judicio vel Arbitrio ipsam subjiciat , tanquam Regulæ , quod tamen admitti nequit , ut taceam alias difficultates , quæ ipsi Philosophi movent , & quibus sese non facile extricant.

## XXX.

Denique quamvis Cartesiani existiment , se acu tetigisse virtutis punctum , nihilominus Assensum illis negamus , quia veritati non consona illorum opinio , quam Ludovicus de la Forge ita pingit : Maximum autem & summum omnium bonorum in seipso considerari potest sine relatione ad aliud , ac tum evidens est , DEUM esse summum bonum , aut spectari potest , cum relatione ad unumquemque nostrum , & tum non video aliud esse posse , quam rectum liberi nostri arbitrii usum . Nam inter omnia bona non nisi ea sola sunt , quæ per nos ipsos possidere sine auxilio aliarum creaturarum possumus , quæ nos vera satisfactione interna efficere , & omnino contentos reddere possunt . Quæ & bona fortunæ , quæ absolute à nobis non dependent , sanitas corporis & cognitio mentis , quæ sæpissimè extra hominis potestatem sunt , æstinari non possunt pro maximo omnium bonorum , quo cum homo capax est . Nihil superest nisi nostra voluntas , quæ absolute nostra est , cujus rectus usus cum omnino à nobis dependeat , maximum esse bonum debet , quod possidere possumus , & solum quod nos vera satisfactione efficere & beatitudinem nostram naturalem efficere potest . Hoc pacto facile est , ut dicit D. Des Cartes , Zenonem cum Epicuro conciliare circa virtutem hujus summum bonum , quoniam revera in recto usu liberi arbitrii consistunt omnes virtutes , in quibus Zeno beatitudinem suam posuit , idemque illud est , ex quo maxima & certissima voluptas resultat , in qua Epicurus suum summum Bonum situm esse prædicabat . Quemadmodum liberum arbitrium nobilissima est Animæ facultas , sic etiam præcipue ipsi debetur , quod imaginem DEI geramus , ejusque similes simus . Verum notandum est , quod quemadmodum recto ejus usu virtutem acquirere , nosque beatos efficere possumus , sic etiam per ejus abusum nos ipsos reos & infelices reddamus .

## XXXI. Ma-

## XXXI.

Materia circa quam Virtutis Christianæ est omne id, quod DEO debetur per modum Cultus & Amoris præcepti, nec non proximo sub ratione charitatis, & illi substratum, ipsa tamen quoque voluntatem & Affectus hominis dirigit, moderatur & ornat, nec non actiones externas illustrat & condecorat.

## XXXII.

Unde imperfectionis arguimus Philosophiam practicam Aristotelis, qui Affectus & Actus objecit virtuti, & quidem illos tantum, qui mediocritatem admittant. Non omnis actio, scribit ille 2. Ethic. c. 6. neque omnis affectio mediocritatem admittit. Sunt enim quædam, quæ statim cum ipso nomine vitium connexum habent, ut Malevolentia, Impudentia, Invidia: & in actionibus adulterium, furtum, cædes. Hæc enim omnia, quæque sunt ejusdem generis, quod ipsa per se vitiosa sint, sic dicuntur, non quia Excessus & Defectus eorum mala sunt. Nunquam igitur iniis rectè factum, sed semper peccatum ex istis; nec in talibus bene aut non bene versari licet, &c. Quanquam enim hæc sana sint in Philosophia Aristotelica, nimis tamen restrictum illud, quod actiones & affectus illos tantum virtutis constituit Materiam, & quidem illos, qui Mediocritatem admittat.

## XXXII.

Finis Virtutis Christianæ est vel ultimus, nempe Gloria DEI, quorsum respexit Salvator noster Matth. 5. v. 16. *Sic luceat lux vestra coram hominibus, ut videant opera vestra bona: & glorificent Patrem vestrum, qui in cælis est.* Vel condecoratio status nostri. Unde etiam Virtuti Christianæ maxime studendum, & opera danda, ut illa Lumina Spiritus è nobis exsplendescant, non tantum quia DEUS præcepit: De cætero, fratres, quæcunque sunt vera, quæcunque pudica, quæcunque iusta, quæcunque sancta, quæcunque amabilia, quæcunque bona fama, si qua virtus, si qua laus disciplina, hæc cogitare. Phil. 4. v. 8. & 1. Petr. 1. v. 5. Qui in virtute DEI custodimini, per fidem in salutem, paratum revelati in tempore novissimo. Sed etiam, quia illæ sunt indicia vivæ fidei: Sicut enim corpus sine Spiritu mortuum est; ita & fides sine operibus mortua est, Jacobi 2. v. 26. notæ, ex quibus dignoscuntur beati: *Beati pauperes spiritu: quoniam ipsorum est regnum cælorum. Beati, qui lugent: quoniam ipsi consolabuntur. Beati mites: quoniam ipsi possidebunt terram.* Beat i-



Beati, qui esuriunt & sitiunt iustitiam : quoniam ipsi saturabuntur. Beati  
 misericordes : quoniam ipsi misericordiam consequentur. Beati man-  
 do corde : quoniam ipsi DEVM videbunt. Beati pacifici : quoniam ipsi  
 filij DEI vocabuntur, Matth. 5. v. 3. 4. 5. 6. 7. 8. 9. Documenta iusti-  
 ficationis : Abraham, pater noster, nonne ex operibus iustificatus est, offe-  
 rens Isaac, filium suum, super Altare ? Vides, quoniam fides cooperatur  
 illius : & ex operibus fides consummata est ? Et suppleta est Scriptura,  
 dicens : Credit Abraham DEO, & reputatum est illi ad iustitiam, & ami-  
 cus DEI appellatus est. Videtis, quoniam ex operibus iustificatur homo,  
 & non ex fide tantum ? Similiter & Rahab meretrix, nonne ex operibus  
 iustificata est, suscipiens nuncios, & alia via ejiciens, Jacobi 2. v. 21. 22  
 23. 24. 25. Si vivimus Spiritu, Spiritu & ambulemus. Testimonia com-  
 munionis cum DEO : Nihil ergo nunc damnationis est his, qui sunt  
 in Christo Iesu, qui non secundum carnem ambulant, sed secundum Spi-  
 ritum. Vos autem in carne non estis, sed in Spiritu : Si tamen Spiritus DEI  
 habitat in vobis, Rom. 8. v. 1. & 9. Fructus autem Spiritus est charitas,  
 gaudium, pax, patientia, benignitas, bonitas, longanimitas, &c. &  
 1. Joh. 2. v. 6. 7. Qui dicit, se in ipso (Christo) manere, debet, sicut ille am-  
 bulavit, & ipse ambulare. Fratres, non mandatum novum scribo vo-  
 bis, sed mandatum vetus, quod habuistis ab initio. Mandatum vetus,  
 est verbum, quod audistis ab initio. Imò, quia debemus DEO virtuo-  
 sum servitium : Humanum dico, propter infirmitatem, vris vestrae. Si-  
 cut enim exhibuistis membra vestra servire immunditie, & iniquitati ad  
 iniquitatem : ita nunc exhibete membra vestra, de iustitia in sanctificatio-  
 nem, Rom. 6. v. 19. Nec non Christus hic Exemplo suo prælucet : Tol-  
 lite jugum meum super vos, & discite à me : quia mitis sum & humilis cor-  
 de ; & invenietis requiem animabus vestris, Matth. 11. v. 29. Exemplum  
 enim dedi vobis, ut quemadmodum ego feci vobis, ita & vos faciatis.  
 Joh. 13. v. 15. & 1. Petr. 2. v. 21. In hoc enim vocati estis, quia & Christus  
 passus est pro nobis : vobis relinquens exemplum ut, sequamini vestigia ejus.

XXXII.

Plus iusto tribuunt Virtuti Christianæ primò, qui cum Leonhar-  
 do Lessio Beatitudinem dicunt consistere primario in virtutibus divi-  
 nis seu Theologicis, nempe in fide, spe & charitate ; Secundario in ez-  
 teris virtutibus Christianis, quæ ex illis dependent. Secundò, qui cum  
 Joanne Stearne Anglo statuunt, virtutes beate eatenus nos in hac vi-

ta



ta, quatenus sint causæ veri & perfecti gaudii, quod ab ipsis in præsentia vita procreetur: idque duplici ratione. Priorem esse, quoniam optima sit hominis virtutibus supernaturalibus imbuti vita, posteriorem esse, quoniam sint semen & Radix Gaudii futuri maximi, & in æternum duraturi. Tentiò, cum Photinianis, Crellio inprimis Beatitudinis præmiū illis assignant, verba illius sunt sequentia: Quia in plerisque hominibus, ne dicam omnibus, amor hic virtutis nudæ imbecillior est, quam ut hominem ad eam re ipsa colendam, & factis constanter exprimendam adigere queat, ideo DEUS adjecit virtuti præmiū, ut ejus desiderio virtutem redderet amabiliorem, & sic hominem ad ejus studium excitaret atque exigeret. Ut tamen ita DEUS hanc rem temperavit, ut nemo certam istius præmii spem concipere posset, nisi virtutem per se aliquo amaret, & desiderium istius præmii atque Amor amorem per se consideratæ non exstingueret, ita ut altera ex parte imbecillitati humanæ succurreretur, altera verò ex parte virtuti suæ constaret Integritas, & ejus, ut ita dicam, meritum non prorsus periret, essetque præmio locus, ut in contrario periret. Nam cum perfectæ virtutis præmiū in hac vita esse non posset, siquidem perfecta virtus in morte ipsa subeunda cernitur, ejusque officium est, omnium hujus vitæ bonorum jacturam justitiæ causa non detrectare, ac præterea præmiū virtutis perfectæ & DEO agonothera dignum tale esse oporteret, quod desiderium hominis, natura ipsi insitum planè expleret, non poterat id non esse æternum, & à doloribus sejunctum, animique voluptatibus solidis affluens, inter quas jucundissimus DEI aspectus ac contemplatio locum obtinet primum. Nam quodcumque præter hoc constituas virtuti perfectæ præmiū, id desiderium hominis naturale, quod frustra illi insitum non est, satiare atque explere penitus nequit. Etenim cum boni desiderium infinitum sit, nisi æternum homini bonum proponas, id illius desiderium explere nequit. Omne finitum intellectus noster, & hinc etiam voluntas, desiderium, transit, & defectum boni aliquando desituri sentit, ac dolet, cum nullum possumus cogitare tempus, quo nobis bene esse non cupiamus. Æternum autem bonum desiderium nostrum & satiat & superat. Nam quicquid ab intellectu capitur, re ipsa finitum est. Quod autem præterea superest, infinitum est. Verum tamen ipsa æternitas non sufficit, nisi præterea sit jucunda, nec jucunda simpliciter, nisi etiam jucundissima, nempe pro Naturæ nostræ conditione.

sione. Jucundissima autem illa demum est, quæ DEI ipsius conspectum habeat conjunctum. Nam ea demum vita est jucundissima, quæ occupatur in actione præstantissimæ nostræ patriæ excellentissima. Præstantissima autem nostræ patriæ pars est mens & Intellectus. Hujus porro Actio excellentissima est contemplatio, quæ per se est expetibilis, & contemplatio ea rursus excellentissima est, quæ est objecti optimi non impedita, objectum autem illud est, non nisi DEUS.

## XXXIV.

Generaliter Pontificii hic non incedunt ad Normam verbi divini, qui statuunt, quod finis intrinsecus virtutum infusarum sit vita æterna, esse enim virtutes potissima media, quæ DEUS nobis præviderit ad consecutionem Gloriæ, de quo videndus Martinez de Ripalda disp. tract. 1. §. 2.

## XXXV.

Dividuntur alias virtutes ex Mente Aristotelis in morales & diaceticas sive intellectuales, quarum quinque vulgo numerantur, nempe Intelligentia, Scientia, Sapientia, Prudentia & Ars. Secundò à Doctoribus Pontificiis in infusam & acquisitam, Infusa iterum in intellectualem & appetitivam. Tertiò in Theologicam & moralem, illam Fide, Spe & Charitate circumferunt, hanc alius, de quibus agitur in Philosophia morali, hancque subdividunt, in illam, quæ respicit alium, ut Justitia, & in eam, quæ versatur circa passionem, ut Temperantia & Fortitudo, nec non in Prudentiam, Justitiam, Temperantiam, Fortitudinem, tanquam in principales Differentias, quæ sub se alias plures complectuntur, inde etiam Cardinales appellantur.

## XXXVI.

Non tamen satis accuratè videntur illæ Differentiæ. Non primò, quia Scriptura nunquam nomine virtutis coronat illos habitus diaceticos, quos Philosophi virtutes intellectuales appellant, & cum quis illis uti vel etiam abuti possit, non erunt essentialiter boni, quemadmodum virtus, quæ in oppositum fit. Si nequit, nec beatum semper reddunt hominem, in quo existunt, ubi enim deficit pietas, omne id, quod speciem habet alicujus perfectionis vanescit, & collabescit. Quia secundò virtutes diaceticæ morales secundum Philosophos distinguuntur subjectis, ita ut diaceticæ sint in Intellectu, moralis verò in Appetitu

situ sensitivo, verum ostendimus subiectum virtutum moralium non esse appetitum sensitivum, sed voluntatem, nec absurdum videtur ipsas quoque aliquatenus docere in existere intellectu, imprimis si attendatur, quod fides statuitur virtus Theologica, quæ sanè est quoque in intellectu, & prudentia, quæ sub diaceticis comprehenditur, semper habeat voluntatem directam & eligentem. Terriò, quia longè aliud est facultas quædam sive habitus, aliud virtus, quæ bene effectum reddit & opus ornat atque perpolit, ut ipse loquitur Aristoteles Ethic. II. v. 6. Non itaque nisi *ἀκρίβης* diaceticus habitus virtutes dicuntur, & potius ex recepto usu atque consuetudine, quam fundamento solido significationis nativæ.

## XXXVII.

Secunda Divisio etiam aliquid habet, quod redolet Pontificiam Theologiam. Nam primò in ipso vocabulo infusum magna est ambiguitas, tum quia Pontificii volunt ita infundi ipsas virtutes, ut non proxime & causaliter ex verbi prædicatione existant, tum quia dicunt illas infundi cum gratia justificante, adeoque justificationem in infusione Gratiz, & harum virtutum collocant. Quanquam disputent, an habitus illi infusi antecedant primam infusionem Gratiz, in affirmativam inclinante Lorca, Bannelio, Medina, Pelsentio. Oppositam verò sententiam amplectente Almaino, Alberto & Vega, tum quia explicat distinctionem virtutis infusæ ab acquisita, quod illa eliciat actus meritorios, acquisita verò non meritorios, quod tamen impugna Vasquez disp. 86. cap. 4. statuens etiam actus virtutum acquisitarum esse meritorios in iusto, & impetratorias in peccatore.

## XXXVIII.

Tertia Divisio itidem laborat. Nam primò Fides, Spes, Caritas utique in Decalogo comprehenduntur, à DEO in illo nobis imperantur, in prima & secunda Tabula proponuntur, quæ nobis præscribunt, quid faciendum obligant, & obstringunt; Est autem Decalogus Regula morum, cui itaque non possint quoque Fides, Spes & Caritas dici virtutes morales, rationem nullam videmus. Secundo, cum Caritas se diffundat per omnia præcepta virtutum moralium, quomodo potest tanquam virtus quædam Theologica distincta à virtutibus moralibus accenseri fidei & spei, atq; ab illis dividi, annon aliz quædam vir-

entes recenseri possunt, quæ Theologicæ vocandæ, atque ad cultum divinum referendæ, de quibus vide sequentia in Expositione Decalogi? Annon commodius forsitan diceretur, si charitas de Amore DEI accipitur, fidem, spem, charitatem esse virtutes Tabulæ primæ, reliquas autem e. g. temperantiam, liberalitatem, justitiam, esse referendas ad Tabulam secundam. Tertiò, cur illæ virtutes, quæ morales dicuntur Pontificiis, non possint dici quoque Theologicæ nullam omnino rationem invenio. Annon enim Theologia moralis quoque de illis agit? Annon illæ æquæ ex Gratia renovationis, ut spes, charitas & fides efflorescunt? An non ipsi Pontificii statuunt, illas morales virtutes esse per se infusas. Videantur Tanner, Granadus, Conink, Vega, Perez, Cuius, Lorenz & alii? Annon ipse Prosper contra Collatorem cap. 19. promiscue virtutes recenset, dicendo: Perdidit primus homo primitus fidem, perdidit continentiam, perdidit charitatem, spoliatus est sapientiâ & intellectu; Caruit consilio & fortitudine, & impiè altiora sectandi in veritatis scientiâ, & obedientia ac pietate dejectus est. Divisio autem virtutum in Cardinales & non Cardinales similis nobis videtur divisioni personarum Ecclesiasticarum in Cardinales & Episcopos titulares.

## XXXIX.

Expendendam autem relinquimus Pontificiis sententiâ Augustini, qui omnem virtutem circumscribit Amore DEI, quam luculenter explicavit Cornelius Jansenius T. 3. lib. 5. de Gratia Christi cap. 3. productis enim Testimoniis B. Patris ex libro de Moribus Ecclesiæ cap. 15. dicentis: Quod si virtus ad beatam vitam nos ducit, nihil omnino esse virtutem affirmaverim, nisi summum Amorem DEI. Ex Epistolis, Epist. 29. scribentis: Ut generaliter breviterque complectar, quam de virtutibus habeam notionem, quod ad rectè vivendum attinet, virtus est charitas, quæ id, quod diligendum est, diligitur. Hæc in aliis major, in aliis minor, in aliis nulla est. Denique in Epistola ad Macedonium, quæ est 52. concludentis: quanquam & in hac vita virtus non est nisi diligere, quod diligendum est. Quid autem eligamus, quod præcipuè diligamus, nisi quo nihil melius invenimus: Hoc DEUS est, cui si diligendo aliquid vel proponimus, vel æquamus, nos ipsos diligere nescimus. Tanto enim nobis melius est, quanto magis in illum imus, quo nihil melius est. Imus autem non ambulando, sed amando. Fundamenta ponit sequentia, quia virtus sit in proposito voluntatis, unde



necesse sit, ut per eam aliquid diligatur. Virtus itaque secundum Au-  
 gustinum est propositum seu dilectio, qua id, quod diligendum est, di-  
 ligitur. Quid verò Christiano rationali diligendum, nisi unus & solus  
 DEUS. Quia secundò virtus non sit aliud, nisi voluntas bona, utpo-  
 te quæ reddat animam optimam, bona autem voluntas nihil aliud est,  
 nisi DEI charitas, quam Scriptura nobis clamat esse ex Deo, quia tertio,  
 quisquis rectè vivere constituit, quod virtutis officium ei necessum sit,  
 animum Regulis quibusdam incommutabilibus, in quibus videat, quid  
 cavendum & faciendum sit, adhibeat, easque dirigat & sequatur. Ta-  
 les autem Regulæ & quasi Lumina virtutum immutabilis, & sempiter-  
 na non sunt aliud, quam lex æterna, qua in ipsa æterna DEI veritate  
 splendet, quam proinde diligendo, non aliud diligit, nisi ipsum DEUM,  
 seu veritatem & justitiam illius incommutabilem à quo promanat, &  
 ex ejus refulgentia lucis fulget, quicquid velut justum & rectum appro-  
 bamus, sive facimus. Omnis itaque virtus secundum B. Patrem in DEI  
 ipsius, tanquam veritatis & justitiæ incommutabilis dilectione versatur,  
 & ex illa rationem virtutis trahit. Voluntas, inquit, cum inhæret in-  
 commutabili bono, eique communi non proprio, sicuti est illa, de qua  
 multum locuti sumus, & nihil indignè diximus, Veritas, tenet homo-  
 beatam vitam: eaque ipsa vita beata, id est animi affectio inhærentis  
 incommutabili bono proprium & primum est hominis bonum. In eo  
 sunt etiam virtutes omnes, quibus malè uti nemo potest. Et statim ad-  
 jecit homines fieri prudentes, fortes, temperantes, justos, coaptando  
 animum illis incommutabilibus Regulis, luminibusque virtutum, quæ  
 incorruptibiliter vivunt in ipsa veritate, Sapientiaque communi, quibus  
 & ille coaptavit & rexit animum, quem istis virtutibus præditum sibi  
 ad imitandum proposuit. Et porro: Itaque ad rei definitionem ac-  
 cedens; An illud, quod vident, veritas est interior præsens animo, qui  
 eam valet intueri, nec omnes valent? Et qui intueri valent hoc etiam,  
 quod intuentur, non omnes sunt; hoc est, non sunt etiam ipsi justiani-  
 mi, sicut possunt videre ac dicere, quid sit justus animus. Quod unde  
 esse potuerunt nisi inhærendo eidem ipsi formæ quam intuentur, ut in-  
 de formetur, & sint justi animi, non tantum cernentes aut dicentes  
 justum esse animum, qui scientia atque ratione in vita ac moribus sua  
 cuique distribuit, sed etiam ut ipsi justè vivant, justèque morati sint sua  
 cuique distribuendo, ut nemini quicquam debeant, nisi ut invicem di-



ligant? Et unde inhzretur illi formæ nisi amando? Cur ergo alium di-  
 ligimus, quem credimus justum, & non diligimus ipsam Formam, ubi  
 videmus, quid sit justus animus, ut & nos justi esse possumus? An verò  
 nisi & istam diligeremus, nullo modo eum diligeremus quem diligimus  
 ex ista? Unde respondet Augustinus ergo contingit, quod non sumus  
 etiam justī, si justum animum non nisi ex ista diligimus? Sed dum justī  
 non sumus, minuseam diligimus, quam ut justī esse valeamus. Homo er-  
 go, qui creditur justus, ex ea forma & veritate diligitur, quam cernit &  
 intelligit apud se ille, qui diligit: Ipsa verò forma & veritas non est,  
 quomodo aliunde diligitur. Neque enim invenimus aliquid tale præ-  
 ter ipsam, ut eam, cum incognita est, credendo diligamus ex eo, quod  
 jam tale aliquid novimus. Quicquidenim tale aliquid perspexeris ipsa  
 est; & non est quicquam tale, quoniam sola ipsa talis est, qualis ipsa est.  
 Denique quia virtus non est aliud, quam Affectio animæ bona, cum ita-  
 que affectio amoris erga creaturam non possit esse bona, necesse esse  
 concludit, virtutem esse affectionem animæ erga Creatorem. Si enim  
 ipse virtutem aliquoties in operibus suis circumloquitur, ut libro duo-  
 decimo de Genesi ad litteram: *Propter animæ affectionem bonam, quæ  
 desiderio melioremundatæ multas interficit cupiditates, &c.* Propter illam  
 ergo affectionem animæ bonam, etiam in somnis quædam ejus me-  
 rita clarent. Hanc verò affectionem virtutem esse declarat inferius, quan-  
 do dicit: Omnis animæ affectio bona, cui contraria sunt ejus vitia, quæ  
 recte culpantur, atque dampnantur in hominibus. Jam verò affectio  
 amoris erga creaturam non potest esse bona, sed potius est mala, & ma-  
 gnum animæ vitium: necesse est igitur virtutem esse affectionem ani-  
 mæ erga Creatorem. Nam propter malitiam affectionis animæ erga  
 creaturas generaliter Augustinus tradit: Amor inferioris pulchritudi-  
 nis animam polluit, non quasi inferior quæcumque pulchritudo sive  
 substantiarum, sive qualitatum, sive actionum passionumve mala sit, sed  
 quia illius dilectione affici malum est, sicut Augustinus ibidem docet.  
 Quod illam sordidat, non est malum, quia etiam corpus creatura DEI  
 est, & specie suâ, quamvis infima decoratur; sed præ animæ dignitate  
 contemnitur; sicut auri dignitas etiam purgatissimi argenti commix-  
 tione sordescit. Res enim bona amari potest, amore non bono. Affe-  
 ctio igitur animæ erga creaturam non est bona, & ideo virtus hominis  
 postquam in creaturarum affectiones per peccatum primi hominis præ-  
 cipi-

elipitanti sumus, non est aliud nisi perpetua quædam istius affectus mundatio per se affectionem erga creatorem. Hac quippe dilectionis virtute inferiora ordinat, nec ab inferioribus sordidatur. Itaque S. Augustinus gradus & actus percuriens, quibus anima pertingit ad summam sapientiam, de actu quarto dicit: Quartus virtus dicatur, quem in eo constituit, ut sese abstrahat à sordibus, totamque emaculet, ac mundissimam reddat. Et in lib. 6. Musæ, postquam exposuerat iniquationem & aggravationem animæ, quam creaturatum affectibus contraxerat: liquidissimè docet, non aliter emundari posse, nisi per dilectionem DEI. Videamus, inquit, quænam illi actio divinitus impertitur, qua purgata & exonerata revolet ad quietem, &c. Et illam affectionem afferens: Quid me putas hinc distius debere dicere, cum divinus Scripturæ tot voluminibus, & tantâ auctoritate & sanctitate præditi, nihil nobiscum aliud agant, nisi ut diligamus DEUM, &c. Cum igitur virtus sit affectio animæ bona; affectio vera erga creaturam non sit bona, sed unicum ejus vitium, quo sordida polluitur, à qua pollutione per dilectionem DEI mundatur, perspicuum est, virtutem non aliud esse; aut esse posse, nisi amorem DEI.

## XL.

Nihil itaque causæ rationabilis fuit primò Pontifici Romano dantanti propositiones Michaelis Bay, consonas Doctrinæ Augustinianæ in Bullâ; & quidem trigessimam nonam *hoc fulmine*, quæ ita concepta: omnis amor creaturæ rationalis, aut vitiosa est cupiditas, qua mundus diligitur, quæ à Johanne prohibetur, aut laudabilis illa charitas, quæ per Spiritum Sanctum in corde diffusa DEUS amatur, & vigesimam sextam: omnia opera infidelium sunt peccata & virtutes philosophorum sunt vitia, nec non decimam septimam, quæ ita se habet: non est vera Obedientia legis, quæ sit sine charitate. Secundò illis Doctoribus Pontificiis, qui impugnant sententiam hanc, quod scilicet virtutes morales non distinguat ex objectis formalibus, sed materialibus tantum, quatenus scilicet eadem charitas variis officiis virtutum propter DEUM prosequendi incumbat. Tertiò, qui cum Thoma, Magistro, Richardo & aliis colligunt hoc modo: Dantur verè virtutes morales Justitiæ, misericordiæ, temperantiæ, fortitudinis, obedientiæ, Religionis & similes à charitate distinctæ. Ergo sunt virtuosus affectus à charitate non elijci. Quia virtutes distinctæ à charitate eliciant virtuosos affectus.

Affectus absque concursu charitatis, quia ut distincte à charitate vim obtineant elicitive suorum actuum.

## XLL

Conformiter hisce principiis Charitas dicitur Justitia, prout servat æqualitatem propter DEUM, misericordia prout subvenit alienæ miseriæ propter eandem bonitatem divinam, patientia, quia propter DEUM sustinet mala, Religio, quia ex eodem motivo exhibet cultum DEO. Obedientia, quia propter DEUM legibus & præceptis pareat & sic de reliquis virtutibus, quæ charitatem in variis officiis repræsentant, & huc referimus illud Augustini tomo primo de moribus Ecclesiæ Catholicæ cap. 15. scribentis: Temperantiam esse amorem DEO sese integrum, incorruptumque servantem; fortitudinem amorem omnia propter DEUM facile perferentem, Justitiam Amorem DEO tantum fervientem, ut & hoc bene imperantem, quæ homini subiecta sunt: prudentiam amorem bene discernentem ea, quibus adjuvetur in DEUM, ab his, quibus impediri potest.

## XLII.

Milium terebrant primò Philosophi morales, qui proluxe disputant, num virtus possit distribui in species, adeoque differat virtus à virtute specie, quorum plerique illud propugnant, quibus tamen ex veteribus adversantur Menedemus, Ariston, Zeno & alii, quos laudat Foxius, Marzillus Hispalensis; qui cum Platone distinguunt in purgatorias, civiles & exemplares, qui denique aliis pro arbitrio utuntur distinctionibus. Secundò insulse colligunt Pontificii Doctores: quot sunt virtutes & peccata, tot sunt Sacramenta, utpote remedia contra peccata, at septem sunt virtutes, fides cui Baptismus, Spes cui confirmatio, charitas cui Eucharistia, Justitia cui poenitentia, fortitudo, cui extrema Unctio, Prudentia cui Ordo, & temperantia cui Matrimoniorum inservit. Totidem sunt peccata, originale, cui Baptismus; actuale mortale, cui poenitentia, veniale cui extrema unctio, Ignorantia cui Ordo, infirmitas cui Confirmatio, malitia cui Eucharistia, concupiscentia, cui matrimonium tanquam remedium opponitur. Eja plusquam Seraphicam sapientiam, eja Nexum elegantissimum ubi omnia cohererent, ut in pallio mendici centones. Tertio frustra se fatigant Philosophi in numero virtutum moralium assignando, quibusdam cum

Art-

Aristotele undecimum numerantibus, nempe Fortitudinem, Temperantiam, Liberalitatem, Magnificentiam, Magnanimitatem, Modestiam, Mansuetudinem, Comitatem, Veracitatem, Urbanitatem, Justitiam, aliis mirificè illum Numerum augentibus, ut videre est apud Keckermannum, Thomam, Campanellam & alios.

## XLIII.

Regula virtutis est Lex divina Moralis, ad quam Moses imo DEUS nos alligavit: *Quod præcipio tibi. hoc facito, nec addas quicquam, nec minuas ex eo*, Deut. 12. v. 32. quæ imperat Amorem DEI & proximi, atque hanc unice urget Deut. 6. v. 4 5. *Audi Israël, Dominus DEVS noster unus est. Diliges Dominum DEVM tuum, ex toto corde tuo, & ex tota anima tua, & ex tota fortitudine tua.* Repetente ipso Christo Nam Legis divinæ summam Matth. 22. v. 37. 38. 39. 40. *Diliges Dominum DEVM tuum, ex toto corde tuo, & in tota anima tua, & in tota mente tua. Hoc est maximum & primum mandatum. Secundum autem simile est huic: Diliges proximum tuum sicut teipsum. In his duobus mandatis universa Lex pendet & Propheta.* Quorsum referenda illa Pauli Rom. 13. v. 9. 1. Johan. 2. v. 10. 11. cap. 3. v. 14. 15. & cap. 4. v. 7. 8: Quæ denique ubique regnare debet dicente Paulo, *finem præcepti esse charitatem ex puro corde & conscientia bonâ, & fide non fictâ*, 2. Timoth. 1. v. 5.

## XLIV.

Patet quoque ex hoc puncto quanta sit Differentia inter Virtutem, prout tractatur ab Ethicis, & quæ aliàs attribuitur quoque Gentilibus & inter virtutem Christianam, quam Theologia considerat. A veritate enim Tramite aberrant illi Philosophi, qui specificam utriusque diversitatem negant, cum Danzo, Keckermanno, Timplero opinantur, moralem Christianâ tantum gradibus perfectionis differre, non secus ac lucem matutinam à luce meridiana, aut teporem à fervore, cum tamen etiam habeat virtus Christiana Normam, nempe Legem moralem revelatam, aliud principium, nempe Spiritum Sanctum, aliam Formam, nempe congruentiam cum sanctitate divina, alium Finem, nempe DEI Gloriam, virtute gentilium in propria terminata, & proinde Aversio-  
à DEO, & Conversionem ad creaturam indicante.

## XLVI.

Attributa Virtutis Christianæ variz possunt constitui. Nos breviter ponimus primò officiorum Affinitatem. Ita enim illa connexa sunt, ut qui charitatem habet, in aliis non deficiat, quod vidit Thomas, & ante illum Ambrosius 5. lib. in Lucam, Augustinus l. 6. de Trin. c. 4. Hieronymus super Esaiam c. 16. & 56. Gregorius lib. 22. Moral. cap. 1. Secundò intensio & Remissio. Languet sæpè virtus etiam in Christiano homine, nec in eodem semper est statu & colore, ut opus sit stimulo: Solitudine, non pigri: Spiritus ferventes, Domino servientes, Rom. 12. v. 11. Effulget quandoque & robor caput, ex spiritu in habitante, ut simus in Domino validi, secundum illud Eph. 6. v. 10, & seq. *De cætero, fratres, confortamini in Domino, & in potentia virtutis ejus. Induite armaturam DEI, ut possitis stare adversus insidias diaboli; quoniam non est nobis colluctatio adversus carnem & sanguinem: sed adversus principes, potestates, adversus mundi rectores tenebrarum, contra spiritualia nequitia in cælestibus. Propterea accipite armaturam DEI, ut possitis resistere in die malo, & omnibus perfectis stare. State ergo succincti lumbos vestros in veritate, & indui loriceam justitiæ & calceati pedes, in preparationem Evangelij pacis: in omnibus, super omnia autem sumentes scutum fidei, in quo possitis omnia tela nequissimi ignea extinguere. Et galeam salutis assumite, & gladium Spiritus, quod est verbum DEI. Tertio Amissibilitas; de virtute quidem Gentiles ita senserunt, quod sit inter cætera Bona maximè constans, quod nec eripi possit, unquam, nec naufragio, nec incendio amitti, nec tempestate, nec temporum vicissitudine transmutari, taliter loquendum de illa, si ex sacris paginis sapere volumus, unde Paulus: *Itaque, qui se existimat stare, videat, ne cadat*, 1. Corinth. 10. v. 12. & tristia Exempla satis docent, quam facilis sit descensus Averni, quam nemo insistet cubo in hac mortalitate, ut non possit concupiscentia frangi, Tempestatibus dimoveri.*

## XLVII.

Ipsis itaque etiam Pontificiis improbatur Scoti Opinipasserentis, virtutes non esse connexas, quem consecuti sunt Gabriel, Ocham & Alain, Tract. 3. cap. 7. quos meliora potuisset docere Chrysippus apud Diogenem Laërtium, Plato in Protagora, & Cicero lib. 2. quæst. Tuscul. Secundò displicet Philosophis illud Stoicorum, qui ad Mentem Senecæ Epistolæ 67. asserunt. Nihil recto rectius, non magis, quam ve-



cius vero, quam temperato temperatius? Omnis in modo est virtus, modus certe mensura est, quid accedere perfecto potest? Nihil: aut perfectum non erit, cui accessit. Ergone virtuti quidem, cui, si quid adjici potest, deficit. Crescere posse imperfectæ rei signum est. Et iterum nihil est divino divinius, cœlesti cœlestius, mortalia minuuntur, cadunt, deteruntur, crescunt, exhauriuntur, implentur, itaque illis in tam incerta sorte Inæqualitas est, divinorum una natura est. Tercio non admittuntur à nobis, qui cum Joviniano negant hominem scilicet mel justificatum per Christi lavacrum à Dæmone posse subverti, ut Hieronymus nos docet libro 1. contra Jovinianum, vel fidem & spem scilicet mel habitam posse amitti.

## XLVIII.

Virtuti opponitur vitium morale, quod omnino fugiendum, tum propter DEUM, qui prohibet & vult ut declinemus ab illo: Propter qua venit ira DEI, super filios incredulitatis: in quibus & vos ambulastis aliquando, cum viveretis in illis, Coloss. 3. v. 5. Dico autem in Christo Spiritum ambulate, & desideria carnis non perficietis, Gal. 5. v. 16. tum propter statum nostrum quem dedecet omne illud sordidum: Vos autem non ita didicistis Christum: si tamen illum audistis, & in ipso edociti estis, sicut est veritas in Iesu. Et nolite contristare Spiritum Sanctum DEI, in quo signati estis in diem redemptionis, cap. 5. v. 7. Nolite ergo effici participes eorum. Confitentur, se nescire DEVM: factis autem negant, cum sint abominari & incredibiles, abominabiles & inobedientes, & ad omne opus bonum reprobi, Tit. 1. v. 16. tum propter pœnas: Quem ergo fructum habuistis tunc in illis, in quibus nunc erubescitis? Nam finis illorum mors est, Rom. 6. vers. 21. Si enim secundum carnem vixeritis, moriemini. Si autem spiritu facta carnis mortificaveritis vivetis, neque fures, neque avari, neque ebriosi, neque maledici, neque rapaces, regnum DEI possidebunt, 1. Corinth. 6. v. 10. Manifesta sunt autem opera carnis, quæ sunt adulterium, fornicatio, immunditia, pudicitia, luxuria, idolorum servitus, veneficia, inimicitia, contentiones, amulationes, ira, rixa, dissensiones, secta. Fructus autem est charitas, gaudium, pax, patientia, bonitas, benignitas, longanimitas, Gal. 5. v. 19. 20. 22. Hoc enim scitote, intelligentes, quod omnis fornicator, aut immundus, aut avarus, qui est idolorum servus, non habet hereditatem in regno Christi & DEI, Eph. 5. v. 5. Nunc autem depo-

site & vos omnia, iram, indignationem, malitiam, blasphemiam, turpem sermonem de ore vestro, Coloss. 3. v. 6. 8. Timidis autem & incredulis, & execratis, & homicidis, & fornicatoribus, & veneficis, & idololatriis, & omnibus mendacibus, pars illorum erit in stagno, ardenti igne & sulphure, quod est mors secunda, Apoc. 21. v. 8. Et cap. 22. v. 15. Foris autem canes & venefici, & impudici, & homicida, & idolis servientes, & omnis, qui amat, & facit mendacium. Nec non simulata virtus, qualis est hypocritarum, de quibus Christus: *Va vobis Scribae & Pharisei, hypocritae, quia similes estis sepulchris dealbatis: quae à foris apparent (hominibus) speciosa, intus verò plena sunt ossibus mortuorum, & omni spurcitia.* Sic & vos à foris quidem apparetis hominibus iusti: intus autem pleni estis hypocrisis & iniquitate, Matth. 23. v. 27. 28. Habentes speciem quidem pietatis, virtutem autem ejus abnegantes. Et hos devota, 2. Timoth. 3. v. 5. Denique virtus gentilium & irrogenitorum, de qua illud Pauli accipere Confiitentur, se nosse DEVM: factis autem negant, cum sint abominati & incredibiles, abominabiles & obedientes, & ad omne opus bonum reprobi, Tit. 1. v. 16.

#### XLXIX.

Liquet ex disputatis primò quid censendum, de definitione virtutis & vitii quam adornavit Crellius in Ethica Christiana scribens: Virtus Christiana est habitus animi ad hominis perfectionem in Christi Doctrina descriptam spectans, & vitium ei contrarium est habitus animi cum Doctrina Christi pugnans. Secundò quid de Ethica prout tractatur in scholis, nempe illam esse mancã & mutilam, adeoque optandum ut in Scholis Christianorum elaboratius quid proponeretur Juventuti Scholasticæ, quæ si Ethicam audivit, tantum scit, quantum, qui per compendium aliquis alicui in deambulatione narrare potest, tractaretur Ethica Christiana, quæ virtutis Christianæ naturam indolem & attributa exponeret, ageretur de istiusmodi argumentis, quæ etiam in hoc genere difficilia jucunda & utilia, qualia sane per multa, nondum ne tacta quidem, multo minus absoluta. Non male Dn. Felder in Elementis Juris parte tertia cap. 1. dum hæc scribo, venit mihi in mentem tot numero in papatu esse Clericos, totque quotannis non auri tonnas, sed milliones absumere, nec hæcenus in facultates animi melius penetrasse. Agnovit illam imperfectionem Guilielmus Amesius scribens. Ethica Philosophia primò, Civilitatem tantum quandam morum exter-

rum,

sum, in sua perfectione requirit; non penetrat ipsa cordis penetra-  
 lia, quemadmodum Ethica Christiana in Scripturis tradita. Secun-  
 dō, Moralis Philosophia non rapit hominem extra semetipsum, sed  
 tantum invitat ad bona nostra recognoscenda, quibus inaniter confis-  
 si ad facilitatem contendamus, unde fit, (ut observat Calv.) quod ina-  
 ni fiducia homo intumescat, & superbia inficiatur. Theologia nobis in-  
 spiciendam proponit paupertatem, ignominiam, turpitudinem, imbe-  
 cillitatem nostram. Tertiō, Philosophia illa nobis subsistendum esse  
 docet in nuda virtutum actione nulla habita ratione principii & finis  
 omnium actionum, fidei nempe aut gloriæ divinæ. Unde factum est,  
 ut nonnemo Theologorum dixerit, virtutes Ethnicorum nihil esse,  
 quam splendida peccata. Longè alias Proprietates Practici suæ morum  
 doctrinæ solent tribuere, quæ tamen in solidum morum doctrinæ in  
 Scripturis traditæ coveniunt. Dicunt e. gr. Ethicæ finem esse legi  
 Naturæ & rationi rectæ congruenter vivere, id est, (ut ego interpre-  
 tor) congruenter Decalogo; seu legi Naturæ in hominum cordibus  
 scriptæ, quæ sine dubio in Scripturis est explicata. Secundō tradunt  
 Subjectum Ethicæ esse moderari hominum actiones & passionēs, non  
 repugno, modo eadem æquitate & mihi concedant, Scripturam esse  
 omnium actionum nostrarum (cujuscunque tandem generis sint) qua-  
 tenus vitam nostram respiciunt) unicam regulam ac normam. Tertiō,  
 Ethicam volunt tradere omnium actionum humanarum, quæ tales ve-  
 ra principia, id est principia sine fundamento, actiones sine fide, præ-  
 terea quidquid tandem tradunt de istiusmodi principiiis. illud plerun-  
 que solent ex Physicis describere Tautologia satis onerosa. Quartō,  
 pollicetur etiam eadem nobis felicitatem, plumbeam aut ligneam cre-  
 do: sola Theologia veram describit. Quintō, ultimō Ethicam di-  
 cunt tradere omnium civilium Virtutum naturas ac descriptiones. Quod  
 etsi falsum, cogentur tamen vel inviti concedere Scripturam illas ipsas  
 Virtutes & multo plures tradere. Quod ut pateat obiter percurramus  
 Aristotelicarum virtutum formulas. Aristoteles igitur & qui ipsum  
 & ~~ad id~~ sequuntur, has decem virtutum formulas habent. 1. For-  
 titudinem. 2. Temperantiam. 3. Liberalitatem, Magnificentiam.  
 4. Magnanimitatem. 5. Mansuetudinem, Clemenciam. 6. Affabi-  
 litatem. 7. Veracitatem. 8. Comitatem. 9. Verecundiam, Neme-  
 sin. 10. Justitiam. Quorum 1. 3. 4. prout ab Aristotele describuntur,  
 Ecce 3 omni-

omnibus nequaquam conveniunt, non nisi bellicosis, divitiis, aut ambitiosis. 6. 7. 8. 9. ab ipso Aristotele pro virtutibus propriè dictis videntur censerì. Has igitur virtutes omnes, & multò plures, si manifestissimis Scripturæ testimoniis non evicero in Codice extare, digitum tollam. Cum igitur omnium prædictarum virtutum insignita essent in Scripturis doctrinalia exempla (ex quibus ad imitationem nostram præcepta sint extruenda) nemo debet ægrè ferre, quod in subiecta Scripturarum enumeratione intermiscantur. Antonius Walæus, qui in Ethica Christiana ostendit Legis moralis, ita enim loquitur præcepta imperfectæ hinc trahi, de præceptis primæ Tabulæ parum aut nihil agi, nonnullas quoque virtutes secundæ Tabulæ præteriri utpote, misericordiam, obedientiam superioribus debitam, &c. Imò quædam vitia vix tutum loco haberi, ut vindictam aliquam sui ipsius, primos etiam affectus inter vitia non poni, denique Aristotelem verum principium & verum finem verarum virtutum ignorasse. Denique Franciscus Baro de Verulamio, Vice Comes Sancti Albani, summi quondam Angliæ Cancellarii & magni sigilli custodis, qui ita: In hujus Scientiæ pertractatione, qui de ea scripserunt perinde mihi fecisse videntur, ac si quis scribendi artem tradere pollicitus, pulchra tantum exhibeat exemplaria literarum tam simplicium quam copulatarum de capitulo vero ducendo, aut modis characteres efformandi, nihil præcipiat. Ita isti proposuerunt nobis exemplaria bella & luculenta atque descriptiones sive imagines accuratas boni, virtutis, officiorum, felicitatis, tanquam vera objecta & scopos voluntatis & appetitus humani. Verum quomodo quis possit ad hos scopos (excellentes sane & bene ab illis positos) collimare, hoc est, quibus institutis animus ad illa assequenda subigi & componi possit aut nihil præcipiunt, aut perfunctoriè & minus utiliter. Differamus quantum libuerit, virtutes morales in animo humano esse habitualiter, non naturaliter Distinguamus solenniter inter spiritus generosos & vulgus ignobile, quod illi rationum momentis, hi præmio aut pœna ducantur. Præcipiamus ingeniosè animum humanum, ut rectificetur instar bacilli in contrariam partem inclinationis suæ flexi oportere, aliaque insuper hujusmodi hinc inde spargamus, longe tamen abest, ut hæc & alia id genus absentiam rei excusent, quam modo requirimus.

## L.


Liquet tertiò quid de Theologica morali Pontificiorum sit habendum, de quo supra: Christophorus Haunoldus Lojolita inter argumenta præcipua convincentia Religionem suam esse, quæ omnibus aliis præferatur, etiam hoc ponit & quidem secundò loco; evidens scilicet esse nullam Religionem nominare posse, tot egregios & sinceros virtutum mortalium sectatores, quot possit numerare & probare Religio Pontificia. At si neque in Ethica aliquid moliti sunt ultra Aristotelem, quem etiam hic Tubingæ ex Ambone Sacro voluerunt prælegere populo, neque in Theologia morali, nisi illud quod passim prostat, non tam moralium virtutum verarum & sincerarum, quam umbrarum sectatores numerabit Ecclesia Pontificia, & si qui fuerunt honestioris vitæ, non vi principiorum, quæ inter Jesuitas vigent, quam Gratia divino Beneficio tales existerunt.


## LI.

Cessabit omne vitium, omnis languor in alterâ vitâ, & in eâ demum omnis virtus nostra, quæ hic in semine, æternum florebit & perennabit in fructu. Ut quod *vidimus per Speculum in enigmate, coramintuebimur*, 1. Cor. 13. v. 12. Ut mortale induet immortale & complebitur in corpore nostro illud Pauli: *Sic & resurrectio mortuorum. Seminatur in corruptione. Seminatur in ignobilitate, surget in gloria. Seminatur in infirmitate, surget in virtute. Seminatur corpus animale, surget corpus spirituale. Si est corpus animale, & est spirituale*, 1. Cor. 15. v. 42. 43. 44. ita vel maxime Virtus animæ tunc erit perfecta, consummata, & immutabilis, DEUM quippe dilecturi ex corde, Sanctis Angelis & fratribus nostris adhæsurus illi affectu, & *sicut portavimus imaginem terreni, ita portabimus imaginem cælestis*, 1. Cor. 15. v. 49. interea dum hîc peregrinamur luctandum, cum peccato, agnoscendum, id quod deest bono in nobis ex insultibus mali illius adhærentis, de quo Ebræor. 12. vers. 1. *deponentes omne pondus & circumstantes nos, tenaciter inharens peccatum, per patientiam curramus ad propositum nobis*



*nobis certamen, in proposito nobis certamine.* Cum Hyda  
 peccatorum agendum & caput, post caput amputandum;  
 depugnandum secundum illud Tertulliani lib. ad Martyr.  
 c.3. Vocati sumus ad militiam DEI vivi, jam tunc, cum in sa-  
 cramenti verba respondemus. Nemo miles ad bellum cum  
 deliciis venit, nec de cubiculo ad aciem procedit, sed de  
 papilionibus expeditis & substrictis, ubi omnis duritia &  
 imbonitas consistit. Etiam in pace labore & incommo-  
 dis bellum pati jam ediscunt. In armis deambulando,  
 campum decurrendo, fossam moliendo, testudinem desic-  
 cando. Sudore omnia constant, ne corpora atque animi  
 expavescent. De umbra ad Solem, de Sole ad cœlum, de  
 Tunica ad Loricam, de silentio ad clamorem, de quiete ad  
 tumultum. Proinde vos benedictæ quodcunque hoc du-  
 rum est, ad exercitationem, virtutem animi & corporis de-  
 putate. Bonum agonem subituræ estis, in quo Agono-  
 chetes DEUS vivus est, Xystarches Spiritus Sanctus, co-  
 rona æternitatis brabeum, Angelicæ Substantiæ  
 politia in cœlis, gloria in secula  
 seculorum.





PARS SPECIALIS  
De  
THEOLOGIA MORALI.

PRÆLOQUIUM.

**I**Nter prærogativas populi Ebræi non minima fuit Legis Divinæ possessio. Manifestaverat enim DEUS præ cæteris huic genti, tanquam peculio suo, voluntatem suam, & quid faciendum vel omittendum, luculenter exposuit, nec tantum formam cultus ad tempus duraturam præscripsit, Justitiam forensem in Republica illustri stabilivit, sed & totum hominem, secundum omnes facultates & vires, ubi ubi ageret, quocunque temporum ordine viveret, informare voluit solenni illa decem verborum promulgatione. Unde ipse Moses, *Deuteronomij quarto, versiculo septimo: Quæ est alia Gens sic inclyta, ut habeat Cæremonias, justaque judicia, & universam Legem, quam ego proponam hodie ante oculos vestros.* Ipse Apollo Delphicus ex Tripode, ut ut putamina Mendacii miscens bac-



*Μῆνοι χαλδαῖοι σοφίην λάχον, ἡδ' ἄρ' ἑβραῖοι.*

Cum itaque generatim spectaverimus Naturam & Indolem Legis moralis, nunc, per singula præcepta ambulaturi, primùm semitam veritatis signabimus, & dein devia Heterodoxiæ ostendemus; scrupis etiam ex viâ, quæ remo-

*Pars Specialis.*

A

rari

rari possent Conscientiam, remotis. Affulgeat cœptis Divina Gratia, & benedicat è Cœlo Meditationibus nostris, qui docet nos facere voluntatem suam, & cujus Spiritus bonus deducit nos in Viâ rectâ.

## VERBA TEXTUS.

אֲנֹכִי יְהוָה אֱלֹהֶיךָ אֲשֶׁר  
הוֹצֵאתִיךָ מֵאֶרֶץ מִצְרַיִם מִבֵּית  
עֲבָדָי:

*Ego Dominus Deus tuus, qui  
eduxi te de Terrâ Egypti, è  
domo servorum.*

### THESIS I.

**I**N limine verborum, quæ Deus locutus est ad populum Judaicum, liticula mota fuit inter eruditos: Sunt, qui volunt hæc verba, *Ego sum Dominus Deus tuus*, esse præceptum, & quidem primum in ordine Legis Divinæ: Sunt, qui existimant, hæc verba non præceptivè esse accipienda, sed esse præfamen ad illud, *Non habebis Deos alienos coram me*. Primam sententiam amplectuntur ex recentioribus Philo & Josephus; ille quidem in libro de Decalogo pag. mihi 472. scribens: Decem cum sint præcepta, in quina dividuntur, inscripta duabus tabulis, prior quinarium habetur potior, secundas inferior, utraque bona sunt & ad vitam utilia, vias latas in unum finem competentes sternentia, per quas anima, summi Boni cupida, inoffensum iter faciat. Ille igitur potior quinarium de Monarchia loquitur, qua Mundus regitur, de statuis simulacrisque & id genus manufactis operibus, de non assumendo in vanum Dei nomine, de observatione religiosa diei septimi, de honorandis parentibus & ambobus & singulis. Hic verò lib. 3. *Antiquitatum* c. 4. Docet nos primum præceptum, Deum esse unum & hunc solum colendum, secundum nullius animalis simulacrum adorandum, tertium non temerè jurandum, quartum septimi diei serias nullo opere profanandas, quintum parentes &c. Ex junioribus Maimonides, qui fundamentum primum Religionis ponit *Existentiâ Creatoris* excelsi, quod nimirum existat ibi perfectus omni modo perfectionis, & sit supra quælibet existentia, atque ab eo perpetui-

tatem

tatem eorum esse. Et, si concipias, *scribit*, illum non existere, cessabit existentia cujuslibet Entis: Sin verò tibi imagineris, nulla inveniri existentia præter illum solum, tum ille solus existet, neque desinet aut deficiet existentia Dei, quia ipse in Existentia sua non opus habet alio præter seipsum, sed quicquid præter illum est, sive sint Intelligentiæ separatæ, sive orbes, aut quod infra illos, istud necessario dependet ab ejus Existentia. Hoc autem primum fundamentum discimus ex dicto, *Ego sum Dominus Deus tuus*, & hoc est præceptum affirmativum, cui paria ferè promunt & hunc sequuntur certatim alii ex Ebraeis, observante Tostato Episcopo Abulensi, *Tom. 2. quest. 2. pag. 269.* Ex Christianis acceperunt huic Opinioni partim Patres Irenæus *lib. 2. cap. 42.* Athanasius *Tomo 2. pag. 67.* Hieronymus *in caput 10. Osee*; Pontificiorum ex ordine Cajetanus, cui non planè adversari vult Lorinus; Calvinianorum ex nomine Martyr, Sohnius & Musculus, qui *Locorum communium parte de Legibus pag. mibi 55.* hæc habet: Primum hoc præceptum non solum ordine primum est, sed & tale, ut sine illius observantia reliqua omnia sint irrita. Comprehendit enim, quod caput est veræ religionis, veræ pietatis, & omnis justitiæ. Propositio illius hæc est: Me unum habebis Israel, ac solum adorabis & coles, Dominum Deum tuum. Hujus duo sunt membra. Unum, quòd se Deum Israelis esse dicit: alterum, quòd ab illo requirit, ut se unicum ac solum Deum suum sincero ac fideli corde complectatur, observet, colat & adoret. Ad primum pertinet, quod dicit, *Ego sum Dominus Deus tuus*: ad alterum, quod adjungit: *Non habebis deos alienos coram me.* Spiritus horum verborum est: *Ero tibi solus & unicus Deus: Me solum & unicè coles & adorabis: à me solo pendebris: mihi soli adhærebris.* Etenim si verba urgeas, fieri potest, ut nequeas de eo accusari, quòd deos alienos coram vero & unico Deo habeas, & interea tamen me verum & unicum Deum observes & colas: perinde atque mulier reperiri potest, quæ nec legitimo suo marito fideliter adhæreat & obediat, nec adulterii cum alienis perpetrati convinci queat. Quare mens hujus præcepti non hoc tantum ab Israël requirit, ut abstinere à diis alienis, sed ut illud, unico ac vero Domino Deo suo adhærendo, faciat.

## I I.

*Alteram* sequuntur Tostatus Episcopus Abulensis, Canisius in opere Catechistico, B. Brentius, & Osiander in Commentariis, Polanus & Vossius in Disputationibus de hac Materia; cui sententiæ nos quoque subscribimus. Nam *primò* illa verba præmittuntur à Deo tantum, ut expriment Objectum cultus genuini: ut autoritas præceptis sequentibus concilietur: ut Beneficiorum representatione ad attentionem populus animetur. Unde rectè B. Brentius noster: Principio ait: Ego sum Dominus Deus tuus, qui te eduxi de terrâ Ægypti, de domo servitutis. Hæc est præfatio Decalogi, qua Deus commendat præcepta, quæ sequuntur, sua ipsius autoritate. Solennis enim consuetudo magistratus est, ut mandaturus aliquid subditis suis publicè, commemoret in exordio Autoritatem & Majestatem suam, quò subditi mandatum reverenter excipiant. Sic Imperator Carolus in mandatis & edictis suis ita præfari solet: Nos Carolus, Dei gratia Rom. Imperator, semper Augustus &c. Hunc morem observat etiam Dominus Deus noster in promulgando Decalogo, ut majestate nominis sui commendet observationem Decalogi. Assumit autem Deus hoc epitheton: Qui te eduxi de terra Ægypti, quod optimo jure, veluti Victor quispiam ac Triumphator, sibi vendicat: quia, ut Scriptura loquitur, liberavit Israelitas ex Ægypto, brachio excelso, & judiciis magnis. Atque hoc epitheto breviter complectitur non solum omnia beneficia, quæ exhibuit Israelitis in liberatione ex Ægypto, verum etiam omnia miracula, quibus hætenus Majestatem nominis sui illustravit. Maluit autem hoc epitheton usurpare, quàm dici Deus, qui est immensæ & imperscrutabilis Majestatis, ut avocet nos à scrutanda essentia sua, & assuefaciat nos cognoscere ipsum ex operibus suis. Sic apud Patriarchas, qui præcesserunt Abrahamum, dictus est Deus, qui creavit cælum & terram. Sic apud posteros Patriarcharum dictus est Deus, qui apparuit Patribus. Postea autem, quum Israelitæ ex Ægypto liberati sunt, dictus est Deus, qui eduxit Israël ex Ægypto. Sic postquam misit Deus filium suum Christum, & liberavit nos à morte per Christum, dicitur Deus Pater Domini nostri Jesu Christi, qui redemit nos ab omnibus malis. Avocemus igitur nos à curiosa investigatione divinæ Majestatis, & meditemur opera ejus revelata, &



ta, & ad cognoscendum proposita. Sic enim fiet, ut ad veram cognitionem Dei perveniamus. Deinde sequuntur præcepta Decalogi. Horum sunt decem. Unde Hebræi vocant ea עשרת הדברים, hoc est, decem verba. Et Græci δεκάλογον. *Secundò* modus proponendi hæc verba non redolet naturam præcepti, quasi hisce verbis aliquid imperaretur populo Judaico, sed assertionem refert; affirmat enim Deus de se, quòd sit Dominus Deus, populi Israelitici præses supremus, qui eduxerit illos ex Ægypto. *Tertiò* nihil practici ostendi potest in his verbis, quod aut mandatum aut prohibitum; ubi autem cessat morale quoddam, vel mandatum vel prohibitum, ibi sanè etiam ipsa ratio præcepti & vinculi obligatorii cessabit.

I I I.

Nititur autem prima Sententia falsa Hypothesi illa, de divisione præceptorum, ut ex Josepho & Philone videre est, quam in *Disputationibus de Lege morali* excussimus, Burgensis refutavit, nec non alii absurdis presserunt, addito quoque hoc, quod cum priora præcepta pluribus verbis tradita sint, & non videatur prætermissum ullum verbum eorum, quæ in monte recitata fuerunt, commodius fuisse, tria priora tabulam unam occupare, reliqua septem alteram. Nec obstat *Primò*, quod dici posset, quamvis in primis illis verbis non præcipiatur aliquid explicitè, implicitè tamen aliquid mandari, cum enim Deus asserat Majestatem suam, seq; Deum verum & Dominum dicat, eo ipso imperare cultum, quem servus debet Domino, Creatura Deo, cum non nisi huic debeatur cultus & adoratio; *secundò*, quia tantundem Deus dixisse videatur, ac volo & jubeo, ut credatis, me esse Dominum Deum vestrum; quia *denique*, Beneficium educationis ex Ægypto adducatur & verbis hisce jungatur, ut intelligerent Judæi, obstrictos sese esse ad præstandum Deo omnia, quæ ab ipso præcepta & injuncta. Nam *primum* non stringit, cum longe *aliud* sit, fundamentum Cultus ponere, *aliud*, præceptum formale edere: *primo* fit repræsentatione Majestatis Divinæ thetica. *posterius*figuratione verborum ad modum præceptionis vel prohibitionis, neque ab illo saltus consequentiæ admittitur ad hoc. Et, si dicendo, *Ego sum Dominus Deus tuus*, dicere voluisset Deus, Ego sum colendus & adorandus; etiam dici posset, eum voluisse indicare, non esse alienos Deos colendos coram se, cum ad Deum verum spectet, ne ullus a-

lius, nisi ipse colatur. *Alterum* non concludit; qui enim dicit, *Ego sum Dominus Deus tuus*, is, si primore conceptu inhæreamus verbis illius, non hoc vult, ut credamus: ipsum esse Dominum Deum nostrum, licet fides nostra consequens esse debeat ad illud verbum Numinis. *Tertium* denique non convincit, quia longe *aliud*, motivum inducens ad submissionem, *aliud*, præceptum submissionem exigens.

## IV.

Quapropter meritò opponimus Judæis & Maimonidi Rabbi Chaldæi Effatum, qui ita pronuntiavit: Crassum erravit, qui statuit, *Ego Dominus Deus tuus* esse præceptum, quia præceptum est ex relatis, nec absque Deo præcipiente potest concipi, atque idè cum statuitur fides Existentiæ Dei esse præceptum, jam constituatur fides Existentiæ Dei ante fidem Existentiæ Dei, atque sic procederetur in infinitum, ac erit aliquod Principium sui ipsius, quod omne est valde vanum atq; absurdum. Pontificiis Johannem Lorinum, qui, utut concedi posse existimet, pertinere hæc verba ad primū præceptum, exsertè tamen statuit, præfationem esse quodammodo ad sequentia Decalogi præcepta. Calvinianis Amandum Polanum, qui scribit: Exordium Decalogi continetur his verbis, *Ego sum Jehova Deus tuus, qui eduxi te de terra Ægypti, de domo servorum*. Hoc Exordium est vice proæmii cujusdam in totum Decalogum, continens descriptionem Legislatoris, ut ne vagemur hinc inde mentibus nostris in quærendo Legislatore, & Deo, quem colamus, neve nobis temere fingamus novum aliquem Deum, derelicto Deo vero, sed ut certò sciamus, quis sit verus ille Deus: tum ut sciamus perfectæ justitiæ regulam à Deo nobis traditam, nec præcepta cultus Dei & morum alia quærenda, quàm quæ à Deo ipso emanarunt; tum ut æterna concilietur Decalogo autoritas, quæ nos ad perpetuum obsequium validè permoveat. Quatuor autem argumentis Legislator se describit, quæ totidem sunt obligationes ad obedientiam & observationem Decalogi: *Primum* est, quòd sit JEHOVA, id est, qui solus verè & propriè est, qui ab æterno in æternum est, à quo omnia quæ sunt, habent quòd sunt, à quo proinde & nos habemus, quòd sumus, qui facit, ut sit, quicquid dicit, promittit, comminatur, ac propterea jus & potestatem habet præcipiendi nobis, & leges præscribendi, & cui

& cui à nobis, ut Domino à servis, necessariò obedientia debetur. *Secundum* est, quòd sit Deus, id est, essentia ac natura suprema, quæ omnia condidit & providentiâ suâ gubernat: ac proinde tanquam supremus Gubernator & Judex mundi condere legem & prævaricatores punire possit; cui idcirco nos, velut subditi Judici, parère tenemur. *Tertium* est, quòd sit Deus noster, id est, qui nobiscum fœdus iniit, qui nobis æternam beatitudinem promisit, & nos peculiariter delegit, ut populus ipsius essemus & mandata ejus observaremus. Sic ratione pacti ulterius Deo ad obtemperandum obligati sumus. *Quartum* est, quòd populum Israeliticum de terra Ægypti è terra servitutis eduxerit; cui proinde obtemperandum, ad gratitudinem pro beneficio redemptionis declarandam, & evitandum detestabile ingritudinis flagitium. Ita ad alias obligationes, etiam hæc obligatio gratitudinis accedit. Adstipulatur Grotius, scribens: Quod hoc loco dicitur, non est Lex, sed Legis præfatio; Subsistimus itaque in B. Proavi paraphrasi & Epicrisi in hæc verba. Hæc est præfatio, quæ Authoritatem conciliat mandatis sequentibus, utpote profectis, non à Monarcha aliquo hujus mundi; sed à Domino, qui educendis Israelitis ex Ægypto (editis priùs magnis & stupendis miraculis) & liberando eosdem ex tristissimâ servitute, Omnipotentiam & Majestatem atque Bonitatem suam Israelitis declaraverat, pro quibus Beneficiis æquum erat, ut Israelitæ obedienti observatione mandatorum ipsius, gratos se exhiberent.

V.

His in antecessum discussis, ipsa verba expendimus. Occurrit autem *primò* vox אֲנִי *Ego*; qua notatur ille, ad quem antea Moyses ascenderat; qui Israelitas in peculium elegerat, atque mandaverat præparationem solennem ad excipiendam Legem; qui denique loqui instituebat & Voluntatem suam exponere populo præfenti; indicat vero hac ipsa voce præfixa Unitatem suam summam, qua indivisus in se, divisus vero à quolibet alio; Majestatem suam, qua solus omnibus eminet: Personarum Trinitatem, quæ Pater Filius & Spiritus S. designantur. *Primum* patet, quia non loquitur Numen quoddam אֱלֹהִים, sed Deus Israël, ille qui dicitur אֱלֹהֵינוּ *Jehova*, Jacob 4. v. 12. *Alterum*, quia loquitur modo eminenti & ad-

& admirando. Loquitur ille, qui dicitur **אני הוה** *Ego sum*, sc. Deus solus, extra quem omne illud, quod videtur habere esse, non tam habet, quam caret, non habet esse ex se, sed à me, non necessario, sed contingenter existit. Undè Augustinus: suspexi cætera infra Te, & vidi, nec omnino non Esse, nec omnino Esse. Esse quidem, quoniam à te sunt, non esse autem, quoniam id, quod Tu, non sunt; id enim verè est, quod incommunicabiliter manet. *Tertium* denique liquet, quia non loquitur Numen aliquod, quale sibi gentiles ex proprio confinxerunt cerebro, sed ille Deus, qui se revelavit in Verbo, eduxit potenter Israelitas ex Ægypto, qui & Pater & Filius & Spiritus S. juxta illa verba, *Esaiæ 63. v. 8, 9, 10, 11, 12, 13, 14.*

## VI.

Explicatiùs hæc pandunt sequentia, quæ prædicati rationem habent. Legitur enim *secundo loco* vox **יהוה** quæ à Radice **יה** descendit, Rabbini nomen est Substantiæ; Nomen est explicatum sive separatum; Nomen denique est quatuor literarum, propriumque esse soli Deo, quotquot dextrè sentiunt, pronuntiant. *Primum* stabilit interpretatio *Johannæa Apoc. 1. v. 4.* cum Theologus ille, ad originem respiciens, ait, *εἰς ἃν ὁ πνεῦμα, ὁ ὢν, καὶ ὁ ἐρχόμενος*; ut frustra fuerit Hieronymus ab Oleastro, qui ex radice **יהוה** ærumna, natales venerandi Nominis ducere voluit; *Alterum* docet ipsa *Inspectio* illius, de quo audire juvat Johannem Melchiorum Maderum, qui in *Oratione de Ternario*, scribit: *πλεγματισμῶν* apud quatuor gentes, Hebræos *Jehovab*, Arabes *Allabo*, Americanos *Zimi*, Bohemos *Buob*; apud reliquas plerasque itidem *πλεγματισμῶν*, sed non essentielle. Syriacè *Alobo*, Chaldaicè *Alobo*, Æthiopicè *Emlach*, Assyriacè *Adad*, Abyssinè *Ogzio*, Persicè *Coda*, (convenit cum nostro **ΘΩΞΞ** / ut alia multa Persicè, ) Turcicè *Alla*, Africanicè *Alba*, Punicè *Ille*, Armenicè *Asuz*, Ægyptiacè *Tout*, Saracenè *Abgd*, Japanicè *Cogi*, Græcè *Θεός*, Doricè *Σεός*, Æolicè *Σιός*, Tyrrhenicè *Εἰς*, Latinè *DEUS*, Antiquè *Dius*, Hispanicè *Dios*, Gallicè *Dieu*, Germanicè **ΘΩΞΞ** / Belgicè *Godt*, Anglicè *Good*, Dalmaticè *Bogh*, Valachicè *Zeul*, Zingennis *Odel*, Magis *Orse*, *Rothswelsch* *Adon*, Cambricè *Duvv*, & quæ sunt aliæ gentes ejusmodi. Hebræorum tamen præ reliquis, ratione Unitatis & Trinitatis, confide-

siderandum arbitror. Quanquam non omnia hic sint probæ Monetae, nec rectè tinniant, nec dextrè distinguantur, quæ avarâ Manu, ex diversis linguis fuerunt corrasa. *Ultimum denique* ostendit Grammatica & Scriptura, illa quidem, dum requisita Nominis propria ponit, quæ huic commode possunt aptari; incipit enim non ab Hedemonstrativo, quod alias communia figit & determinat, neque à fine recipit pronomina affixa, nec aptum est statui regiminis, aut Numero plurali, ut ludibrium debuerit doctis Matthæus Döring, qui contra Burgensem, Tetragammaton non destitui plurali, asseruit, quem non sine indignatione castigat Sixtinus Amama *Dissertatione de nomine Jehova*, Tb. 17. pag. mihi 300. hac vero, dum DEUM loquentem introducit: *Hoc est nomen meum in seculum & hoc memoriale meum in omnem ætatem. Exod. 3. v. 5.* dum appropriat soli Deo *Psalmo 83. v. 19.* dum Deum loquentem sistit & dicentem: *Ego sum Jehovah, illud est Nomen meum, Esaia 42. v. 8.*

VII.

Significatio hujus Nominis ex dictis colligi potest; Notat enim Ens independenter existens. Quanquam enim pelagus sit perfectiorum divinarum, primò tamen independentē Existentiā arbitramur eò notari. Demonstrat id 1. *Origo vocis* de qua supra; est enī illa vox ab יהוה fuit, pro qua Ebræi nunc adhibent verbum יהי, ut Latini pro antiquo *Fuo* nunc utuntur verbo *sum*, quo ipso notatur *Essentia* *independens*, Essentia Independenter Esse suum habens, hinc Altingius: *Origo*, quæ ex literis semper petenda, certa est, videlicet יהוה fuit, ut denominationem ab essendo vel existendo sortiatur, Quæ tamen significatio concinnè & cum emphasi quadam variatur, juxta varietatem punctorum, quæ literis illis legitimè adscribi queunt. Non minus enim ex Hiphil formatio derivari potest, quam ex Kal, & priori modo transitivam vim habebit, posteriori intransitivam. Ex Hiphil quidem dicetur יהי יהוה vel יהי יהוה *esse faciet*, (quomodo nonnullos olim legisse, quæ apud Græcorum aliquos occurrunt *Ιαω* & *Ιαβι*, testatum reddunt:) designabiturque hoc pacto, quod sit Essentiator, ut sic loquar, sive Essentiæ largitor & productor, quia ab ipso cum alia omnia esse suum habent, Act. 17. v. 24. 25. 28. cum sigillatim promissiones ipsius consequuntur essentiam & com-



plementum : quo suum istud nomen referendum docuit Deus ipse Exod. 6. 2. Ex Kal autem mutatâ punctatione, & præteritum & præsens & futurum exhibebitur, הָיָה *fuit*, הוּיָה *existens*, & יִהְיֶה *erit* : quocirca omnes temporum differentias complecti non immeritò asseritur : quemadmodum & huic, & alteri אֱהִיָּה eas vendicat R. Bechai in *Legem* fol. 65. col. 4. & sic exprimitur in quâdam Judæorum precatiunculâ : מַעַחַר בְּאֵהִיָּה אֲשֶׁר אֱהִיָּה הוּא הִיָּה : *qui propriissimè significatur pro Ero qui ero, ipse fuit, & ipse est, & ipse erit.* Atque hoc pacto explicatum quoque est à Johanne Apoc. 16. v. 4. ὁ ὢν, ὁ ἦν, ὁ ἔσμεν & qui est, & qui erat, & qui futurus est, vel ὁ ὢν, ὁ ἦν, ὁ ἔρχμεν & qui est, & qui erat, & qui venturus est, Apoc. 1. v. 4. 8. cap. 11. vers. 17. 2. Scripturæ V. & N. T. Harmonia; Notanter enim ipse Deus Esaiæ 43. v. 10, & 11. ut sciatis & intelligatis quia אֲנִי הוּא *Ego ipse sum, ante me non est formatus Deus, & post me יְהִיָּה לא Non erit, Ego Ego sum הוּיָה*, nec non *Apocalypseus* cap. 1. v. 4. ibi gratiam precatur Johannes ὡς τὸ ὢν frustra Erasmo soloecismum arguente, nec observante Allusionem ad Locum Exod. 3. Judæorum & Patrum consensus; illis enim dicitur hoc Nomen, *Nomen Substantiæ*, quia denotat Ens à se existens ab æterno & in æternum, bisce vero *Ens*, Ipse sui Origo suæque Causa Substantiæ.

## VIII.

Audiamus Amstelodamensem Compilatorem, Menasseh Ben-Israel, qui testimonia suorum adducit & scribit : R. Jehuda Levita in Cuzari, de divinis attributis tractans, hunc in modum scribit : cætera nomina quidem sunt attributa Deo, pro variis actionibus, quibus vim suam in homines exserit. Sed nomen המפורש *a-me-foras*, id est: explicatum, nimirum ineffabile Tetragrammaton, proprium est Dei nomen, & naturam ejus explicat : Idem sentiens R. Moses in Directore suo ait, quando Dominus Mosem jussit populo denuntiare se ab אֱהִיָּה *Ebjè* missum esse, non voluit eum solum nomen indicare Israelitis. Etenim si jam illud ante audierant, nihil novi dicturus erat; si ignorabant, certum erat, non satisfacturum iis Mosem, dicendo, tale nomen me misit. Quin penitus sibi persuasuri erant, eum subdolo apud se commento uti. Itaque  
ne nu-

ne nudum iis nomen diceret, latius naturam ac significationem ejus illis exponit. Quoniam autem illis temporibus universi gentiles erant, & idolorum cultui addicti, qui nescirent, esse aliquid incorporeum, eoque cogitationibus suis cœlum non transcenderent? Deus, cupiens populo suo hunc errorem eximere, dixit Mosi: abi & dic illis: Ero qui ero misit me ad vos, quæ vox Ehie (Ero) existentiam denotat, & ab היה *fuit* deducitur: perinde ac si dixisset: monstra illis, contra qui sentiunt, & validis argumentis proba, me esse, qui sum; hoc est, meam essentiam à se ipsa subsistere, nec ab alio dependere, ut cætera omnia, quæ existunt, quia à me provenerunt; & ita sunt, ut potuerunt, & adhuc possint non esse. Adeo ut vox אהיה *Ero* denotet ipsam divinam existentiam; quâ non solum Deus ei nomen revelavit, verum & certissimas rationes, ex quibus colligeretur, eum esse fontem omnium eorum, quæ existunt: id enim hoc vocabulum denotat, uti & Tetragrammaton: quod eam ob causam, testante eodem R. Moïse in *Sipbre & Guemard Sota*, appellatur שמ המפורש *nomen explicatum*, nimirum quoniam eo exprimitur divina essentia. Etiam appellatur שמ המיוחד *Sem bameiuchad* (nomen proprium) quia, diversum à cæteris nominibus, soli divinitati proprium est, nec quidquam nisi necessitatem existentiae divinæ significat. Quod & R. Joseph Albus affirmat in *Icarim*, apud quem aliam quoque etymologiam vocis שמ המפורש *bameforas* legere est. Nam deducit eam à פרוש *Parus*, id est, separatus, segregatus, unde colligit, solum hoc nomen verè primæ causæ competere. Unde probat R. Jehuda Levita, si quis quærat, quis Deus colendus sit; Sol, Luna, cœli, stellæ, planetæ, signa, ignis, aër, an genii, aut similia, quia cuique horum suum imperium & sua vis sit in generatione & corruptione rerum? respondendum esse: Domino Tetragrammato; perinde atque Rubenem, ac Simhonem, & mortalium alios propriis nominibus à cæteris distinguimus. Quamvis autem non videatur, ex nomine cognosci posse is, cujus natura occultata & incomprehensibilis est, ut rectè observat R. Moses, dictitans faciem Domini, id est, substantiam ejus, videri aut cognosci non posse; nihilominus ei vocabulum imponitur, nequaquam ex cognitione aut scientiâ naturæ ejus, quod fieri nequit, sed quod nobis revelatum est. Etenim Dominus cum Adamo collo-

cutus, præcepta sua, & postea sanctum nomen suum ei; ille Caino & Habelo, tradidit: à quibus ad posteros ipsamque tandem Noachum, à Noacho ad Abrahamum, Ishacum, Jacobum, denique & Mosem, ac posteritatem reliquam pervenit. Adeoque & hi revelatione, illi traditione acceperunt, potueruntque tribuere Primæ Caussæ nomen, quod eam denotaret. Etiam R. Joseph Chequitilla in Guinat Egoz, eandem fovens opinionem, pluribus locis demonstrat, hoc vocabulum non nisi ipsam essentiam divinitatis denotare, cum cætera nomina pro variis effectibus Deo tribuantur. Ideoque primo cap. Geneseos אלהים *Eloim*, non ineffabile illud nomen usurpari, quia reliqua nomina novata sint cum operibus Beresit, excepto hoc uno, quod æternitatem & existentiam Dei significans, ante creatum mundum fuerit. Quò respexisse veteres nostros sapientes putat, cum dixerunt, ante creatum mundum Deum & nomen ejus tantum existisse. Nimirum hoc nomen, eos non dicere, quia solum vocabulum Tetragrammaton in creatione universi non acceperit, (idque etiam observavit R. Moseh) quippe quod nequaquam ab effectibus impositum sit, ut supra monuimus. Hinc etiam Lex ait; sacrificans *Eloim* excindetur; tantum Adonai illi soli: nam nomen *Eloim* etiam aliis tribuitur, sacrificium autem non nisi illi nomini offerri debet, quod Primam Caussam, nec præterea quidquam significat: quomodo etiam interpretatus est Ishac Abravanel, qui in Misalot *Eloim* ait: in opere suo Laacat a-nebihim se id probasse variis argumentis, atque autoritatibus; quin eadem quoque in opinione fuerunt R. Ishac Arama, & Philo Judæus. Etiam Hobat a-Lebabot, & R. Abraham Salon statuunt: Ehie, & Tetragrammaton Divinæ essentiae vocabula esse: quod esse clarissime demonstrat doctus Aben Ezra ad III. cap. Exodus, & VII. Eccles. dicens esse שם העצם nomen substantiæ. Et quia tale juxta regulam Grammaticæ (ut recte observat in libro suo Mozne Laffon a-codes) non admittit הא חדיעה *He demonstrativum*; etenim non dicamus ישראל *Israel*, nec אברהם *Abraham*; ideo & hoc vocabulum non recipit *He demonstrativum*: quod tamen in cæteris nominibus sæpe usurpatur, ut cum dicimus אלהים *Deus* &c.

IX.

Ex Christianis verò Iustinum Martyrem in Parænesi ad Gentes, qui ita: Deus se nominavit participio quodam, quod se unum solumque Deum significaret, dicens, Ego sum ens ille, videlicet ad differentiam eorum, qui vocantur, nec sunt Dii, ut scirent, qui per idololatriam seducti fuerant, se non veris Deis fuisse deditos, sed iis, qui non sunt. Gregorius Nazianzenus illud אֱלֹהִים אֶשֶׁר אֵלֵינוּ ita explicat oration. de Nativ. Dom. Deus & erat semper, & est, & erit, vel ut rectius loquar, semper est. Nam erat & erit, nostri temporis, fluxæque naturæ segmenta sunt. Ille autem semper est, atque hoc modo seipsum nominat, cum in monte miraculum Mosi edidit. Universum enim id, quod est, in se complectitur, nec principium habens, nec finem habiturum, quasi pelagus quoddam essentiae immensum, & interminum, omnem tùm temporis tùm naturæ cogitationem superans. Aug. in *Psal. 9. v. 11*. Dominus dixit ad Moysen, Ego sum, qui sum; sperent igitur in te, qui cognoscunt hoc nomen tuum, ne sperent in rebus, quæ temporis volubilitate præterfluunt, nihil habentes, nisi erit, & fuit. Quoniam quod in illis futurum est, cum venerit, fit statim præteritum, & expectatur cum cupiditate, amittitur autem cum dolore. In Dei autem naturâ non erit aliquid, quod nondum sit, nec fuit aliquid, quasi jam non sit, sed est tantum id, quod est, & ipsa est æternitas. Hieronymus de illo, Ego sum, qui sum, in *cap. 3. ad Ephes.* ita differit: Quomodo nomen commune substantiæ sibi proprium vindicat Deus? Ob eam profectò causam, quod cætera, quod sint, Dei sumere beneficio, Deus verò, qui semper est, nec habet aliunde principium, & ipse sui origo est, suæque causæ substantiæ, non potest intelligi aliunde habere, quod subsistit.

X.

Convenit hæc expositio non tantum cum veritate, sed & Pontificiorum Doctorum nobiliorum Sententia, qui observant primum conceptum quidditativum scil. Dei in ratione Essentiæ, esse Ens à se, tum quia in illo constituenda sit Essentia Dei, nostro concipiendi modo, ex quo jam aliunde cognito & affirmato deducuntur cæteræ perfectiones. Esse autem Ens *Esse à se* sive independenter existere, est tale prædicatum, ex quo supposita Existencia omnes cæteræ per-

fectiones deriventur *E.tum* quia hoc prædicatum radix cæterorum in Deo, adeoq; constitutivum, ut sic loquamur, Essentiæ Divinæ, quod immediatè & formaliter illi prædicato, quod in creaturis est radix omnium imperfectionum, opponitur: *Radix* autem *omnium imperfectionum in Creaturis* est, quod sit Ens dependens, cum hæc dependentia formaliter dicat, quod creatura ex se nihil sit, unde omnes defectus, *tum* quia prædicatum Intellectionis actualis vel actus primi, quem Vasquez, Molina, Mæratius, Granado, Arriaga, Comptonus pro quidditativo vindicant conceptu, suas patitur difficultates, à modernis rejicitur, nec non Sententia Cardinalis Sfortiæ Pallavicini, qui conceptum metaphysicum & quidditativum Essentiæ Divinæ exprimit Ens, quod continet æquivalenter Omne Ens, singularis est, vero dissona, & à sociis refutata. Unde Martinus Esparza ab Artieda *quest. 5. Art. 9. pag. 20.* existimat, non posse admitti ex eo hanc sententiam, quia hic conceptus sit comparativus Dei cum omni alio ente, ideòque sit posterior; quàm quilibet alius conceptus comparativus, cum quolibet ente, aut cum quolibet particulari entium genere, seu determinatè, seu vagè considerato. Quandoquidem quodvis totum, & quævis collectio est posterior quibuslibet ejus partibus. Unde istiusmodi conceptus distat plus à conceptu essentiali Dei, quàm quilibet alius proprius, & distinctivus ipsius Dei,

## X I.

Sunt tamen quidam, qui non tam Independentiam putant expressam primò per Nomen illud J E H O V A H, quam Gratiā & Veritatem, nec tam *ἀνταυτὸν*, ut Scaliger Deum vocat, immediatè & formaliter esse designatum illo, quàm constantem in promissis & opere ipso adimplentem verborum vel promissorum vim. Placuit illa sententia Johanni Coccejo, qui jucunda quidem promit, nec simpliciter rejicienda, non tamen satis solida, dum ita scribit in Lexico: Quod ad vim ejus attinet, plerique existimant Nominis hujus rationem esse æternitatem. Nec caret ea cogitatio fundamento. Attamen, quia *Exod. 6. v. 3.* ipse Deus dicit, se non cognitum esse patribus nomine suo יהוה (quum tamen vocabulum hoc & *αἰδία δυνάμεις αἰνέει* ipsis incognita non fuerint) iccirco putamus, aliam insuper rationem nominis hujus esse, quæ æternum illud ens faciat



faciat amabile, etiam peccatori, & reverendum maximè. Ea est gratia & veritas, quibus maximè triumphat. Idèd dicit *Exod.* 34. v. 6. 7. Jehovah, Jehovah, Deus (potens) misericors & graciosus, longanimis & amplius gratia ac veritate: custodiens gratiam milibus, condonans pravitatem & defectionem & peccatum: & non impunè sinens abire, &c. Id dicit Mosè, volens ei declarare nomen suum, ut est *c.* 33. v. 19. *Esa.* 45. v. 20. Nonne ego sum Jehovah, & non est præter me Elohim, Deus? El, Deus justus & salvans. *Esa.* 43. v. 11. solo *salvans* contentus est.

XII.

At quamvis insigni Viro in Philologia sacra, nolimus detrachere, utrum tamen hic inceserit pede recto, meritò dubitamus, sæpius enim intricare se solet, & confundere distincta, quod & hic animadvertimus. Nam *primò* dicit, plerosque existimare nominis hujus rationem esse æternitatem, at si hoc formaliter accipiat, videtur falli, *aliud* ostendunt Testimonia Rabbinorum suprà allegata, *aliud* explicatio Patrum ibidem observata, *aliud* denique nostrorum Theologorum concentus, qui Divinam Essentiam independentem hoc nomine exprimi censent, cum qua identificatur æternitas; verum *aliud* est ipse conceptus primus, formaliter conformis huic Nomini, *aliud* negotiatio mentis consequens. *Primus conceptus*, qui fertur in hoc nomen, haurit ex illo independentem essendi rationem, quam barbarè *Aseitatem* dicunt, cum verò impossibile sit Ens aliquod à se Esse, ut non sit necessarium in ratione existendi & æternum, ut careat essendi initio & fine, ideoque concepto Ente Independente, etiam Ens æternum concipitur, ita ut *primus* conceptus se habeat formaliter, *alter* connotativè: sed respexit forsan ad gregales suos Philologus, cum Sixtinus Amama scripserit, optime dici nomen illud denotare Dei æternitatem & veracitatem: illum enim verè esse, qui æternus est, qui est primus & ultimus, *Aroc.* 1. v. 9. pro quo *Aroc.* 16. v. 5. δ ὢν, καὶ ὁ ἐσόμενος, quomodo istum locum restituit Beza. Quam æternitatem simili periphrasi Gentiles suo quoque Jovi adscripserunt; Illi enim, teste Pausania, hoc versu accinuisse Vatem

Ζεὺς ἦν, Ζεὺς ἔστι, Ζεὺς ἔσεται, ὦ μεγάλε Ζεὺς.

XIII.

*Secundò* dicit, aliam insuper rationem hujus Nominis esse, quæ

quæ æternum illud Ens faciat amabile peccatori & reverendum maximè. Eam autem esse Gratiam & Veritatem, quibus maximè triumphat: Verum an plures sint rationes hujus Nominis & quidem formales vix videtur *εξαρτῆσθαι* esse. Sanè unitas signi unam formam innuit, *aut* igitur de ratione hujus nominis formali, *aut* virtuali est sermo, *si primum* hujus Nominis unam tantum rationem formalem esse asserimus, *si secundum*, largiter conceditur, hoc Nomen ob perfectionem suam & signati rationem ita esse comparatum, ut ad omnia attributa & perfectiones divinas possit extendi: quod enim notat Ens à se sive independents, illud quoque notat Ens æternum, Infinitæ Gratiae & Veritatis. *Præterea* necessariam esse præter significationem formalem, aliam, quæ faciat Ens illud amabile, non evincitur, imo ipsa Eminentia Aseitatis sive Independentiae, ex qua cætera omnia in Deo derivantur, sufficiens fundamentum amabilitatis exhibet; & si dicamus, non tantum hoc indicari voce JEHOVAH, sed & *relatè*, quod sit Essentiator, sive tale Principium, quod omnibus rebus Esse largiatur: annon amabilitas eo ipso stabilita erit? non potest enim non amabile esse illud Ens illi, quod ab eo ipsum Esse & quæ illud consequuntur, adeoque omnia habet & possidet. *Tandem* qui probabitur, rationem talem esse quærendam in Nomine JEHOVAH, quæ illud faciat etiam amabile peccatori, & venerandum maximè, qui se per peccatum ab illo divisit, cum *libertatis* Divinæ sit, misereri peccatoris; *Necessitatis* verò à seipso & independentem existere, ut Deus sit maneatque JEHOVAH, perennet tanquam Ens quoddam maximè reverendum, posito quod peccatorem non admittat nec gratiam velit dispensare illi, qui suo vitio ab incommunicabili BONO recessit imò hoc nomen illi competat ante ullius peccatoris existentiam & relationem ad illum, etiam fuerit Deus Jehova, primis hominibus integris.

## XIV.

*Tertio* fundamenta quidem substernere laborat suæ sententiæ, sed quæ non sustinent, quod Manus Doctoris ejusdem superstruit; Nam *primò* dicit quidem, Deum non cognitum fuisse Patribus Israelitarum, in Ægypto gementium nomine suo JEHOVAH. Sed quo sensu hæc verba accipienda sint, adhuc inter Eruditos controvertitur: ut plures prætereamus sensus, sive planè confusos sive quocun-  
que

que modo aptatos; *sunt* qui de ipso nomine hoc accipiunt, ut sensus sit, Patriarchis quidem obvia fuisse Nomina El Schaddai, Adonai, Elohim & similia, verum hoc nomen *πτερυγίσματα* hactenus fuisse occultum. *Sunt* qui de publico usu hujus nominis & gradu manifestationis hæc verba exponunt, quasi hoc innuat Moses, non ita frequentatum fuisse hoc Nomen, ut cætera in anterioribus temporibus, vel nondum claram & perspicuam habuisset Patres Numinis notitiam, quam quæ nunc revelatur hoc ipso nomine. *Sunt* denique, qui de ipso Effectu & experimentalis notitia interpretantur hæc verba, ut mens sit, promissi quidem patribus splendida, & in omnibus dixi ad eos: Ego sum Deus omnipotens, atque ita docui me posse ipsis præstare promissionem Terræ Chanaan, at in Nomine *יהוה* non innotui illis, nondum præstiti ipsis quod promissi, nunc demum cognoscetis vim hujus Nominis, videlicet, cognoscetis me non solum *יהוה*, sed & *יהוה* quod promissi, quod mihi factu possibile esse Abrahamo declaravi, jam tandem faciam ut existat, jam præstabo. At si *prima* stet Sententia, quæ est Cornelii à Lapide & Wolfgangi Franzii, nihil accedit Coccejo, quia ipse addit hoc vocabulum & *יהוה* pluribus non fuisse incognitam. Si *altera* præferatur, itidem nihil lucrabitur Vir eruditus, quia à rariore & frequentiore usu vocis graduque Manifestationis ad aliam rationem significandi nulla fuit consequentia. Si denique *tertia* allubescat, videtur quidem favere, sed revera non favet; concesso enim, quod Deus patribus potentiam suam manifestarit Nominis El Schaddai, veritatem autem promissionis nomine JEHOVAH, plus non sequitur, quam Veritatem & Constantiam in promissis hoc nomine fuisse indicatam, quò verò modò, qua conceptuum serie, quo perfectionum Ordine, nondum est in liquido, cum verba hæc, stante etiam hoc sensu, quem tamen universaliter nostri non probant, possint ita accipi: Apparui quidem Abrahamo, Isaaco & Jacobo nomine El Schaddai, id est, Dei Omnipotentis, at in Nomine JEHOVAH non innotui illis, nondum præstiti quod promissi, cum hoc Nomen JEHOVAH, ab Esse derivatum, sit Basis quoque & fundamentum omnis existentiae in Creaturis, veritatis in promissionibus; at longè aliud est Ens à se ipso hoc ipso fundare etiam alia extra se existentia, & veritatem ostendere Numinis, a-

*Id* Nomen ipsum ita formaliter exprimi per veritatem & gratiam contradistinctè ad potentiam.

## XV.

Non autem opus esse existimamus, ut tantum largiamur dissentienti, cum expeditior nobis sit via, quam si insistamus, scrupulus omnis cessabit, & oppositum potius erit concludendum, si sc. particulam **ל** non negativè accipiamus, sed affirmativè pro Nonne, ut sensus sit; Ego in Infallibilitatis Indiciū Patriarchis allegavi Nomina mea El Schaddai, cum promitterem Terram Chanaan, imò, ut nil deesset ad tantarum rerum plenam fidem, apparui in nomine Dei fortis & sibi sufficientis, & in nomine meo **י** EHOVAH nonne sum cognitus illis? Sane militare videntur omnia in textu pro hoc sensu; nam *primò* cum antecedentia & consequentia verba affirmativè sint concepta, quī hęc intermedia commodè exponi poterunt negativè? *Secundò* Deus totus est in deprædican-  
dis beneficiis, quæ Patribus præstitit, & consolidandis Israelitis, illorumq; posteris, repræsentatione illorum cum Favore continuandi, qui autem commodè hęc verba intelligerentur inserta, si negativè essent exponenda, cum dicant suspensionem revelationis & defectum quendam inter Patriarchas anteriores illis? *tertiò* distinguit ipse Deus tædus gratiosum ab hoc nomine, Educationis futuræ Beneficiū *versiculo quarto, quinto & sexto*, quomodo itaque dici poterit, hoc nomine voluisse illa maximè signare & non immutabilitatem in promissionibus generaliter eodem connotare & præmittere? quod si Deus respiceret ad verba illa *Gen. 15. v. 7.* cum dicit Abrahamo, *Ego JEHOVAH, qui Te ex Chaldaa eduxi, ut semini tuo hancce Terram possidendam darem*, annon affirmativus sensus præmittendus foret negativo? Nec obstat vox **ל**, percurrantur enim Concordantiæ, & patebit ex illis, sæpius eam usurpari etiam affirmativè, sufficiat in præsentiarum ex hoc ipso libro *Exod. 8. versiculus vigesimus sextus*, ubi **לֹא יִסְּקִינּוּ אֵלֵינוּ** non lapidabunt nos, quæ non possunt aliter accipi quam affirmativè, & explicari nisi hoc modo: *Nonne lapidabunt nos*, quo etiam respexerunt LXX. Interpretes, licet citra interrogationem.

## XVI.

*Secundum fundamentum ex Exod. 34. v. 6. & 7. petittum pin-*  
*git.*

git quidem nobis Deum JEHOVAH Deum potentem & misericordem; verum de hoc non disputatur. Nam *primò* quæritur, quid Nomen JEHOVAH designet, non quid res hoc Nomine signata comprehendat. Quis enim neget Deum essentielle Ens, quod infinito perfectionum ornamento undique resplendet? *Secundò* potius oppositum videtur posse colligi, cum JEHOVAH præponatur, Radix sc. Essentiæ Independentis, atque submittantur attributa, & ab illa distinguantur. *Tertidò* si sequentia se habent exegeticè ad nomen JEHOVAH, etiam vox El, quam ille exponit potens, sese ita habebit; qui itaque supra potuit distinguere Nomen El Schaddai à Nomine JEHOVAH, quod illud notet potentiam, hoc verò Gratiam & Veritatem intimet, quibus Deus maximè triumphat; Neque obstat, quod addit, id dicere Mose, Deum declarare volentem Nomen suum *Exod. 33. v. 19.* cum enim Deus dicit: *Ego ostendam omne bonum Tibi & vocabo in Nomine Domini coram te;* aliud enim est nomen quod Deus inelamaturus, aliud omne Bonum, quod attributorum recensione aliqua ex parte est adumbratum, quod notavit non malè Religionis Socius Andreas Rivetus scribens: Quod autem dicit, se inelamaturum nomen Domini coram Mose, rectè etiam explicant Septuaginta, ut sit sensus; cùm transiero, clamabo Dominus, id est, Jehova, est coram te, subaudiendo, qui transit: Hoc volunt eorum verba: καὶ καλέσω ὄπι τῷ ὀνόματί μου, κύριος ἐναντίον σου; Et vocabo in nomine meo, Dominus coram te. Hoc igitur statuendum, quæcumque habentur v.6. & 7. esse verba ipsius Jehovæ, de quo id dicitur, quod invocavit, vel clamavit, in nomine Jehova; quemadmodum promiserat, præcedenti capite; Et clamabo in nomine Jehova coram te. Quomodo autem id factum fuerit, vers. 6. indicatur, Et transivit Jehovah super facies ejus, id est, coram Mose; Et clamavit, nempe idem qui transivit, Jehova Jehova; ubi repetitur nomen tetragrammaton, quod hic Interpres Latinus vertit, Dominatorem Dominum, cùm debuisset pro more suo vertere, Dominus Dominus; ut LXX. κύριος κύριος ὁ θεός. Clamavit (ait Oleastrius) quasi indicans transitum suum Mose, & bis clamavit, ut attentum eum redderet; ut sensus sit, Jehova Jehova, scilicet, ego sum; vel transit.



## XVII.

*Tertium* denique fundamentum Divinitatis filii non stabilit Nominis significationem prætentam; largimur enim *primò*, in Christo fuisse Nomen JEHOVAH, quia scil. ejusdem Essentiae & Majestatis Independentis cum Patre, neque enim refugimus dicere Christum *αὐτῆς*, contra Bellarminum & Ariminum, si *ἀντιθέτως* opponitur dependentiae, & Nomen JEHOVAH esse in Angelo illo sive Salvatore nostro, non præcisè de attributione Nominis secundum formale significatum, sed de Inexistentia omnium perfectionum divinarum, quæ hoc Nomen de se fundit, est accipiendum. Concedimus *secundò*, Christum fuisse plenum gratiae & veritatis, non tantum quatenus in ipso carne habitabat Divinitas, tanquam in proprio Templo, sed & quatenus fons & origo omnis Gratiae & Veritatis atque Perfectionis Evangelicæ; sed *aliud* est dicere, quid in Christo fuerit, quid signatum Nomine JEHOVAH ipsi tributo complexum fuerit, *aliud* quid ipsum Nomen formaliter *primò* menti nostræ sistat, quæ diversæ quæstiones non confundendæ nec miscenda conchylia turdis. Denique liberaliter admittimus, gloriam unigeniti à Patre esse illam, quam Deus Mosi ostendit, *Exod. 33 v. 18. 19.* Sed hæc est gloria Divinitatis, quam Nomen JEHOVAH subministrat, figendo talem conceptum, qui infinitæ Gloriæ radix & origo.

## XVIII.

Cætera, quæ Coccejus adjicit, satis sana sunt, si ut consequenter deducta dextrè exponantur & accipiantur; quanquam sint qui præferant interpretationem illam, qua notat Ens Independentem existens technicè Eriturus, de quo nolumus ferram contentionis cum quoquam reciprocare: institimus autem tenaciter huic tramiti vel ideo maximè, quia Crellius Photinianorum facillè Princeps in devia ducere nititur, & de origine & significatione *ἀναλόγως* superius excussis differit, cujus verba hand pigabor adscribere, ut cuivis de sensu illius constare possit. Ita autem ille: Origo & significatio vocis hujus genuina rectè à viris quibusdam doctissimis eruitur ex tertio Exodi capite: causa verò, ob quam id nomen sibi Deus imposuerit, ex ejusdem libri capite sexto. In priori enim loco Deus quærenti Mosi, quid respondere debeat Israelitis interrogantibus

tibus, quodnam sit nomen Dei illius, à quo se missum assereret, ita, si ex Hebræo locum veritas, respondet: Ero qui Ero: quibus subjicit: Sic dices filiis Israël, Ero misit me ad vos; & iterum: Sic dices filiis Israël: Jehova Deus Patrum vestrorum, Deus Abrahami, Deus Isaaci, & Deus Jacobi, misit me ad vos: hoc est nomen meum in seculum, & hoc memoriale meum in generationem & generationem. Ubi vides, cum primum sese appellasset Deus, Ero qui ero, deinde concisus Ero; eundem postea verba, quibus Moses ad populares suos uti debeat, formantem, & sic in tertia persona de se loquentem, pro Ero ponere vocem Jehova. Satis autem liquet, Deum in sequentibus verbis non aliud prorsus nomen pro eo, quod prius sibi indiderat, reponere, sed idem, pro personæ loquentis ratione, diversimodè formatum repetere. Cum ergò in prima persona de se loquens, sese vocarit Ero qui ero, vel una voce Ero: certè nunc in tertia persona de se ipso per Minesin loquens, & simplici voce utens, Erit seipsum appellasse censendus est. Id autem Hebræis est Jehoveh, vel Jihveh, in qua voce sunt quatuor illæ literæ, ex quibus id, de quo agimus, nomen apud Hebræos constat: Puncta vocalia, quæ mutata esse suprâ diximus, alia sunt; sed ea, ut notum est, in literarum censum apud illos non veniunt. Hoc ut fiat planius, non nihil adhuc addendum est, sed ita, ut quantum ejus fieri potest, etiam iis consulamus, qui Hebrææ linguæ prorsus sunt ignari. Cum Deus seipsum appellavit Ero, Hebraicè dixit Ehieh. Hujus tertia persona singularis, masculini generis, si & literas & puncta vocalia nostro more efferas, est Jihieh, id est, Erit. Verùm quia hæc vox Hebraica in familiari usu magis versatur, ideò, ne Dei ipsius nomen promiscuo usu quodammodo profanaretur, sed à verbo illo vulgari faciliùs discerneretur; cognatum Jeheveh vel Jihveh ejus loco fuit substitutum, quod & minùs esset frequens, & ejusdem tamen cum illo significationis, ac unâ tantùm ab illo literâ distaret. Nam loco penultimæ literæ Jod est v. quæ quidem literæ apud Hebræos nec signrâ multùm distant, & inter se facillè commutantur. Tantum autem videtur effecisse nominis divini reverentia, ut Jeheveh in vulgari etiam ac genuina significatione frequentari desierit. Neque enim hucusque ullum videre locum in sacris literis memini, ubi ea vox, literæve illius omnes extent, nisi ubi Deum, aut qui ejus



personam sustinet, designat. Observatur à viris doctis locus apud Ecclesiasten, (*Eccles. 11. v. 3.*) ubi reperiatur tertia futuri persona singularis masculina verbi Haval, quæ debebat esse Jeheveh vel Jihveh; sed iidem notant, formam ejus prorsus ibi esse anomalam, non modò punctis vocalibus, sed & literâ ultimâ mutatâ. Quod non alia de causa factum videtur, quàm ne cum divino nomine conveniret; legitur enim ibi Jehu. Quare nihil dubitamus, veram istius vocabuli pronunciationem esse Jeheveh vel Jihveh, idque suâ naturâ Grammaticis verbum esse, quod significet Erit: usu autem nominis induisse naturam. Qua ratione etiam prima hujus verbi persona Ehieh id est Ero, aut integra oratio Ero qui Ero, quâ se appellavit Deus, in nomen quoddam migrat. Verumtamen non ita vox illa, qua de agimus, nominis æmulatur ingenium, ut non suum etiam magna ex parte retineat. Nam nec variationem aliis nominibus usitatam admittit, nec particulas sibi affigi patitur, quas idem istud verbum aliàs respiceret. Eo tamen etiam appellativorum, quæ vocant, nominum indolem imitatur, quòd sæpè vocem Zebaoth, id est, exercituum, regere deprehenditur. Hoc enim illud est, quod in sacris literis, præsertim apud Prophetas, frequenter occurrit, Dominus, vel, cum vox Adonai præcedit, Deus exercituum. Inventâ origine, & propria hujus vocis significatione; videndum nunc porro est, cur id nominis sibi Deus imposuerit? Id verò nobis aperiet alter Exodi locus, quem capite 6. extare diximus. In eo Deus sic in Hebræo alloquitur Mosen: Ego sum Jehova: apparuique Abrahamo, Isaaco, & Jacobo, in [nomine] Dei omnipotentis: at [in] nomine meo Jehova non sum cognitus illis. Et etiam (vel etenim) statui pactum meum cum eis, quòd daturus essem eis terram Canaan, terram peregrinationum ipsorum, in qua peregrinati sunt: & etiam (vel porro autem) audiivi clamorem filiorum Israel, quos Ægyptii servitute premunt: & recordatus sum pacti mei. Idcirco dic filiis Israël: Ego sum Jehova, & educam vos ab oneribus Ægypti, & eruam vos è servitute ipsorum, & redimam vos brachio extenso, & judiciis magnis: accipiamque vos mihi in populum, & ero vobis in Deum: ac scietis, quòd ego sim Jehova Deus vester, qui educo vos ab oneribus Ægypti. Introducam quoque vos in terram, pro qua levavi manum meam, me daturum illam Abrahamo,

mo, Isaaco & Jacobo; daboque eam vobis in hæreditatem: Ego Jehova. Ex quibus verbis satis apparet, ideo Deum sese appellare Jehova, vel potius Jihveh aut Iehveh, id est, Erit, quia id præstiturus sit Israelitis, quod ipsorum patribus olim promiserit. Unde futurum sit, ut experimento ipso cognoscant, eum esse Iehveh seu Erit; id quod patres ipsorum nondum, præsertim plenè, fuerint experti. Hoc enim esse videtur, quod ait, se iis in nomine suo Jehova non fuisse cognitum. Illud ergo Erit, vel Ero, quod plenius antea dixerat, Ero qui Ero, nihil significat aliud, quàm reipsa is ero, quem me futurum dixi; seu, reipsa eum me præstabo, quem præstiturum promisi. Paulò enim aliter atque aliter vox Ero bis posita, in eadem oratione sumitur per antanaclasin, figuram & frequentem satis, & elegantem: prius de factò ipso; posterius de jure, seu, si mavis, de obligatione. Fidem nempe suam ac Constantiam in servandis promissis, eo nomine potissimum declarat Deus: simul tamen etiam Potentiam, quâ res promissas, licèt alioqui difficillimas, præstat, quamque impedire nulla vis, quantumcunque renitatur, possit. Quia verò tanta Potentia non nisi in eum cadit, qui summus sit rerum omnium Dominus ac Monarcha; ideò eadem vox vim nonnunquam habere videtur nominis Elohim, id est, Dei, aut Adonai, Domini, cùm id *אֲדֹנָי* Deo summo tribuitur. Hoc pacto sumitur, cum nomen exercituum regit. Unde idem explicatius interdum dicitur, Jehova Deus (Hebr. Elohe) exercituum (2. Sam. 5. v. 10. 1. Reg. 19. v. 10. 14.) Significatur enim, eum esse Dominum rerum omnium, quæ copiarum instar ad nutum ipsius adsint, & pro ipso veluti militent: vel, eum legionum angelicarum summum esse Ducem atque Imperatorem. Cui autem angelici parent exercitus, si huic non parent? Quare nomen hoc unum Deum ita significat, ut diversa ejus attributa, naturæ vinculo inter se colligata, animis nostris insinuet; quodnam verò eorum potissimum, ex ipsorum locorum ratione cognoscendum est.

XIX.

Sed progredimur ad tertium, quod in hoc Aphorismo apparet Vocabulum, Nomen scil. Elohim; circa quod observamus disceptari inter Philologos de origine illius. *Quidam* illam deducunt à radice *יָרָא* juravit, execratus est, vel quod per solius Dei nomen ju-  
ran-

randum, *vel* quod solus Deus possit benedicere & execrari, *vel denique* quod in juramentis, adjurationibus & execrationibus nominis divini mentio fiat. Quidam malunt illam esse surculum vocis לָא quæ Fortitudinem indicat, quia revera Deus potentissimum Numen, ad quem omnis virtus creata mera impotentia. Quidam denique illam petunt ex obsoleto verbo Arabico لَئِلَ quod notat colere, revereri, adorare, quod referunt illa Beidavii ad verba Sura-tæ 2. vers. 159. Et Deus vester Deus unicus est, scribentis, qui colitur à vobis meretur, unus est sine socio, convenit etiam, ut colatur, appellaturque Deus. nec non consensum linguæ Æthiopice, de quo audire juvat Ludovicum de Dieu, qui in Appendice ad Evangelium Matthæi, sequentia habet: Alterum nomen est מֶלֶךְ de quo idem Caninius, Emlac βασιλεύς Rex ille: quod mihi ab Hebræis mutuati fuisse videntur, qui Meléch vocant, qui Æthiopice vocatur נֶגֶס Négus. Hæc rursus ille; quibus addo, מֶלֶךְ pro Θεός usurpari, & id ipsum significare; non ab Hebræo מֶלֶךְ, rex, sed ab Æthiopico מֶלֶךְ quod colere significat, ut ex eodem hoc versu liquet; plane ut apud Hebræos Deus dicitur אֱלֹהִים, apud Syros אֱלֹהִים, apud Arabes אֱלֹהִים, ab Arabico أَلِهَ, coluit, adoravit. Subscribit huic ultimæ recentior Philologus Altingius, qui hæc habet: Originem vocum Eloah & Elohim arcessimus non ab לָא fortis, & κατ' ἐξοχήν Deus fortis; nam hujus tzeri tolli nequit, quia est compensativum quiescentis Jod ex לָא fortitudo: ast in illis sub Aleph est character fægol. Non ab אֱלֹהִים exsecratus est, juravit; nam hujus He quiescens est, in illis verò occurrit mobile, quod non ejusdem cum isto est ordinis. Sed ab אֱלֹהִים inusitato hodiè apud Hebræos, cujus tamen usus adhuc obtinet apud Arabes. His significat אֱלֹהִים adoravit, coluit, unde אֱלֹהִים sive אֱלֹהִים Iláhon quod colitur, Numen, Deus, & cum articulo אֱלֹהִים Allaho pro אֱלֹהִים Alilaho O' Θεός Deus ille Opt. Max. Nomen igitur אֱלֹהִים notat objectum religioso cultus, sive illum, cui cultus adorationis debetur, præposterove hominum affectu defertur; & pluralis אֱלֹהִים plures eodem religioso adorationis cultu prosequendos. Quo sensu tribuitur sæpissimè Diis gentilium idololatrarum, infinitis propemodum numero, quæ cunctis



cunctis cultum divinum præstabant adorationis, sacrificiorum, festorum, templorum, &c. Debetur autem uni soli Deo, qui solus adorandus, *Deuteron. 6. v. 13. cap. 10. v. 20. Matib. 4. v. 10.* adeoque solus אֱלֹהִים Nomen adorandum: debetur pluribus personis in eadem illa subsistentibus, quas & plures esse, & singulas adorandas, plurali אֱלֹהִים significatur. Juxta illud *Job. 5. v. 23. ut omnes honorent Filium, quemadmodum honorant Patrem: qui Filium non honorat, neque honorat Patrem, qui eum misit.* Quodd verò etiam Angeli dicuntur אֱלֹהִים *Psalms. 8. v. 6. & Psalm. 97. v. 7.* collatis cum *Hebr. 2. v. 7. 9. & cap. 1. v. 6, 7.* nec non *Judices Exod. 21. v. 6. cap. 22. v. 9.* item *Psalms. 82. v. 1, 6.* collatis cum *Job. 10. v. 34. seq.* fit id per *καταχρησιν*, connotando cultum, non religiosum vel adorationis, sed qualis debetur iis, qui aut vice Dei funguntur in terris, quod Magistratum est *2. Chron. 19. v. 6.* aut nomine Dei legationem obeunt, quod convenit Angelis *Hebr. 1. v. 14.* Nam isti dicuntur ab ipso Deo אֱלֹהִים, ex interpretatione Christi, *Job. 10. v. 35. ad quos sermo Dei factus est:* communicatione appellationis, ut autoritas conciliaretur legationibus muneribusve per istos obeundis; sic tamen, ut jam nomen illud homonymum fiat, eam differentiam honoris connotans, quæ verbo הַשְׁתַּחֲוִיָּה, de civili non minus quam religioso cultu usurpato, continetur. *Prima opinio impugnatur ex eo, quia הַמַּפְּיָקִים servile esse nequit; altera ex eo rejicitur (utut Marcus Marinus in Arca Noe illam probarit, nec alienus sit Isaac Abarbanel,) quia itidem natales genuini ostendi nequeunt & deductio sincera, nec non in priori הַהֶמְמָנִיכִים esse potest.* Tertia denique displicet Coccejo crisim adornanti atque primam sententiam ultimæ præferenti: אֱלֹהִים inquit: Exsecratio, *Sluch/deg,* cum aff. אֱלֹהִים. Plurale in utroque statu אֱלֹהִים. Id notat verbum, quo maledictus declaratur, qui hoc aut illud fecerit. Quod verbum est solius Dei principaliter. Nam is est unicus legislator, & solus iudex. Igitur id verbum significat naturam Dei, quæ est hæc, ut, qui est opus ejus ad imaginem ejus factum, si non servet in omnibus ipsius similitudinem, vel Sacerdotium & sacrificium, in quo & per quod peccator possit habere pacem cum Deo, ut justus, atque ita justitiam Dei, negligat, non possit esse participes

*Pars Specialis*

*D*

*Dei*

Dei & bonorum ejus, sitque sub execratione. **הַלֵּל** ist das Wort Gottes/ womit er bezeuget/ daß der/ der sein Ebenbild nicht bewahret/ oder in dem wahren Priesterthum und Opfer/ damit Gott versöhnet wird/ die Gerechtigkeit Gottes nicht suchet/ mit ihm kein Theil haben könne/ darumb daß er sich selbst nicht verleugnen kan. Ita *Deut. 29. v. 14.* Non tantum vobiscum ego pango fœdus hoc & **הַלֵּל הַלֵּל** execrationem hanc, h. e. hoc fœdus execratione sancitum. Diesen Bund und diesen Fluch/ das ist/ diesen Bund/ welcher mit dem Fluch befestigt ist. & *vers. 19.* Quum audierit vocem **הַלֵּל** hujus execrationis, & dixerit in corde suo, Pax mihi erit, quum in duritie cordis mei ambulabo, ad adaugendum sitim sitienti, &, cum satietatem & **πλεῖσμον** abnegandum, tum servitutem satiatis imponendum, & fideles satiatis & gratias agentes persequendum. (De satietate vide *Jer. 31. v. 14. 25.*) *vers. 20. 21.* Et incumbet in illum omnis execratio scripta in hoc libro, juxta omnes execrationes fœderis. *Zach. 5. v. 2, 3.* **הַלֵּל הַלֵּל**. Hæc (nempe volumen volans) est execratio, quæ erit in faciem totius terræ. h. e. Ira, quæ manet infideles. *Esa. 24. v. 6.* Idcirco **הַלֵּל** adjuratio vel execratio denunciata infidelibus consumsit terram. *Jer. 23. v. 10.* **הַלֵּל מִפְּנֵי** propter adjurationem luget terra. *Levit. 5. v. 1.* Si quis audierit vocem **הַלֵּל** adjurationis, h. e. Execrationis legalis justè in nomine Dei propositæ; atque is testis rei alicujus fuerit, sive viderit, sive resciverit; si non indicaverit, secundum legem Dei execratione sancitam. confer *Prov. 29. vers. 23.* Hinc Deus vocat execrationem suam. *Deut. 29. v. 12. Ezech. 17. v. 29.* Sed & dicitur execratio ejus, qui eam proponit sive fert in aliquem. *Ez. 17. v. 16. Gen. 24. v. 21.* Animam alicujus petere in execratione est alicui impecari dira, *Job. 31. vers. 30.* Jemandes Seele fordern mit dem Fluch. Inter quos est fœdus, inter eos est **הַלֵּל** execratio, in casum perfidiæ. *Gen. 26. v. 28.* Intrare in execrationem & juramentum est se juramento obligare sub pœna execrationis, sich mit einem Eid verbinden unter der Straffe des Fluchs / *Neb. 10. v. 30.* **הַלֵּל שְׁבוּעַת הַלֵּל** *Num. 5. v. 21.* juramentum execrationis, est approbatio execrationis legis, quæ fit dicendo Amen *ibid. v. 22.*

XX.Eß

XX.

Est etiam ex nostris Non nemo, cui Arabia displiceat & Criticos remeare jubet in Terram Ebræorum; verba illius sunt: Radix nominis Divini frustra arcessitur ex Arabia: supponitur enim omnium vocum verbale Thema, nec dari Nomina radicalia, quod falsum; igitur nec שמים nec ארץ: nec huic ipsi אלהים radicem damus in Arabicâ: quin potius אלה Arabicum, (eadem ratio superiorum) ut כסם Syriacum כהק Chaldaean אלה Arabicum, vel ab hoc אלה vel à concipiendo in foro Hebraico Themate arcessimus.

XXI.

Divisit hæc circa Originem hujus Nominis Controversia eruditos quoque quoad significationis vim & proprietatem. Dum alii volunt illam notare eum, qui execrari possit & soleat, unde Coccejus propriè inquit: Notat eum, cujus est אלה, h. e. cujus est execrationem pronunciare, atque ita obligare conscientiam ad sui questionem sub comminatione judicii. Idei tantum competit, in quo est vita & bonum hominis, & est Dominus hominis, & iudex. Atque ita est nomen auctoritatis divinæ. Quæ non nisi una est. Ideo Deus unus esse dicitur, & vetantur plures haberi dii, &, quibus tribuitur hoc nomen præter Deum verum, qui unus est, iis ita attribuitur, ut appareat metaphora. veluti Exodi 7. v. 1. date Pharaoni in Deum. sive pro Deo. Ideoque tales ab eo, qui est Deus, distinguuntur, ut ἀεζομενοι θεοὶ appellati Dii, q. d. solo nomine tenus dii. Non igitur vox אלהים est communis multis in proprio significato. אלהים wird eigentlich genennt der / dem da zukompt die אלה den Gluck zu erkldren über dem / der ihn nicht sucht: und daß man bey ihm schwere / seinem Gluck und Gerichte zustimme / seinen Namen nenne / als des Herren / und in dem unser Gut / unsere Hoffnung und Ruhm ist. Quando à peccatore hæc Dei dignitas consideratur, necesse est in eo existeretimorem & expectationem iræ: ita tamen, ut non possit negare, Deum, propter divitias suas, posse fieri Deum etiam peccatoris, salva אלה execratione fœderis. Quum peccatori dicit, Fiam tibi אלהים Deus, vel se Deum illius, qui peccator est, appellat, significat, se, salva execratione fœderis violati,

lati, velle habere fœdus cum peccatore, h. e. se velle fieri iustitiam ejus, eumque justificare & sanctificare, & sic pacem, amicitiam & communionem cum ipso habere, utin ipso delictari, gloriari, & ei gratias agere possit. Hoc tantundem valet, ac si diceret; Opere demonstrabo, me tibi posse & velie, ut Deum, benefacere, ut credas in me, omnia bona à me expectes; & mihi, legem gratitudinis dicenti, Amen, h. e. fiat, dicas. Hoc verbum explicat Testamentum, sive Decretum hæreditatis dandæ, quod fœderis more sit ratum. ibid. & *vers. p. v. 10.* Consequens autem est, ut peccator, audito sermone Testamenti, & stipulationis sub אֲמֵן execratione, Deum, qui talia de se dicit, pro Deo habeat, h. e. ei attribuat sufficientiam hanc & divitias, secundum quas potest peccatori fieri in Deum (atque hoc est, credere, Deum esse, *Hebr. 11. v. 6.* sive credere attributa Dei omnia, & nominatim sufficientiam justificandi improbum) deinde, ut credat, verbum hoc Dei verum esse, & eum quærat, & ad eum accedat, ut talem, sive ut esuriat iustitiam, & Deum amet ac glorificet, ut dignus est, qui divitias suas peccatori proposuit; & si denique in ipso gloriatur. Non potest autem hoc de se promittere, neque talem promissionem præstare, nisi summus & unus Deus. Solus Deus potest benedicere & maledicere, sive execrationi subicere. Solus Deus potest petere, ut sibi Amen dicatur, quando verbum vel benedictionis ad gratiarum actionem, vel execrationis ad timorem proponit. Quare & Dacalogus cavet ante omnia, ne Israel alium unquam Deum habeat, h. e. ne ullas divinas proprietates, præcellentias, & nominatim divitias gratiæ & sanctificationem ulli non Deo det. *Exod. 30. v. 3.* Non erit tibi Deus alius. Igitur Idololatria est, etiam viribus suis aut operi suo attribuere id, quod solus Deus efficit aut præstat ac donat. Alii volunt notare eum, qui omnia possit, quod vergit quoque illa Abarbanelis sententia, hoc nomen attribui Deo ut productori omnium, & primū significare Authorem omnipotentem, probatque ex illis Scripturæ locis, in quibus frequenter, ubi ut prima Causa describitur, hoc titulo insignitur; explicat vero ita mentem suam: Deus sub duplici notione à nobis consideratur מצדנו respectu nempe nostri, אֵל אֶחָד אֱלֹהִים מצדו cum non nisi una sit ex parte Dei; primò מצדו ומהותו Respectu Essentiæ & quidditatis ejus simplicissimæ &



mae & perfectissimae, שהוא בלתי מושג לזולתו, quae incomprehensibilis est aliis, prout in se est. De hac docet Nomen Tetragrammaton יהוה deinde מצד השפעתו לכל זולתו Respectu Influentialiae (activè seu transitive, ut Philosophi quandoque Verbum influere, & Nomen Influentialiae sumunt, pro Immissione seu Communicatione influentiarum) omnibus aliis, quae influentiam ab ipso accipiunt secundum perfectionem ejus. De hac docet Nomen אלהים ELOHIM; quia scilicet hæc Influentialia sit secundum potentiam ejus infinitam: Nomen hoc אלהים significat המושפיע והממציא Influentem & Existere facientem (h. e. Producentem, Efficientem) omnia per potentiam suam magnam & immensam, juxta id quod Propheta Elaias dicit, "אלהי עולם" ELOHE Deus (i. e. ex ejus mente, Effector, Creator) mundi, Deus creans fines terrae, *Jesa. 40. v. 28.* Item; Ego sum primus, & ego ultimus, & præter me non est אלהים ELOHIM (q. d. Influens; Efficiens per Influxum) *Jesa. 44. v. 6.* Item; Scitote, quod DOMINUS ipse sit ELOHIM Deus, ipse fecit nos, *Psal. 100. v. 3.* In his enim & aliis similibus locis plurimis Deo attribuitur Nomen אל & אלהים sensu Effectiois, Productionis & Creationis. Alii denique volunt notare adorandum & colendum illum, cui devotio debetur & Reverentia, & eo sensu tribui sæpissimè Diis gentilium Idololatrarum infinitis propemodum Numero, quæ cunctis cultum Divinum præstabant adorationis, sacrificiorum, festorum, Templorum &c.

X XII.

Omniū verò longissimè à Scopo Telum jecit Crellius, qui ita Philosophari voluit ad mentem Ebræorum &c. Cæcos cæcorum Ductores sequi: Nomen Eloah & ejus plurale Elohim, propriè Judicis & Vindicis habere significationem, & potestatis atque imperii esse nomen: quanquam illius potissimum est, quod naturæ limites supergreditur, & illis, qui ei se subiciunt, est salutare. Observant ex iis nonnulli, doctissimum Hebræorum (R. David Kimchi) ad illa Davidis verba, Deus justitiæ meæ; (*Psal. 4. v. 1.*) ubi extat vox Elohim, annotasse: Omne Elohim significationem Judicis habere: ita ut Deus justitiæ alienjus, sit judex ac vindex justitiæ, vindex justæ, quam quis habeat, causæ. Ethinc est, quod



judices alique principes, qui sanè omnes judicandi potestatem habent, Elohim seu Dii in sacris litteris appellantur: (*Exod. 21. v. 6. c. 22. v. 8, 9, 21. Psalm. 82. v. 1. 6. Job. 10, v. 34, 35. 1. Sam. 28. v. 13, 14.*) & cui in alterum potestas quædam sublimis est, Elohim seu Deus ipse esse dicatur, ut Moses Pharaonis; (*Exod. 7. v. 1.*) & Deus summus, (*Gen. 24. v. 3, 7.*) Elohim cœli, & Elohim terræ, ob summam, non in ipsum tantum cœlum & terram, sed etiam in omnia, quæ illorum amplexu continentur, potestatem, quo sensu alibi Dominus cœli & terræ appellatur. (*Gen. 14. v. 19. 32. Matth. 11. v. 25. Act. 17. v. 24.*) Quanquam enim ideo interdum quispiam alicujus Deus esse dicitur, vel quia singularis ipse sit benefactor, vel quia ab eo colatur, ut in explicatione nominis *ה'י* dicitur: (*infr. c. 13.*) in illis tamen locis potestatis habetur ratio, quæ hoc nomine præcipuè significatur. Non desunt tamen, qui id nominis, perinde ut El, virium ac potentie significationem habere censeant. Nos prius illud verius existimamus: ita tamen, ut haud negemus, id robur etiam ac vires interdum designare, & sic vim obtinere vocis El: quemadmodum vice versa El, nonnunquam vim habere videtur nominis Elohim, & principatium atque imperium denotare. Græci sane interpretes Elim nonnunquam *ἀρχόντης* (*Exod. 15. v. 15. Ezech. 31. v. 11.*) aut *ἡγούμενος* (*Ezech. 17. v. 12.*) reddiderunt. Accidere id videtur ob rerum, quæ iis nominibus propriè designantur, conjunctionem quandam. Vires enim imperio adsunt; & tantò quidem majores, quantò ipsum est majus. Unde & *דורסאי* dicuntur, qui potestate atque imperio pollent: quin & illi, qui præcipui sunt imperiorum alienorum Administri. Contrà etiam viribus, saltem iis, quæ naturalium rerum vim excedunt, aliqua adhæret potestas sublimior.

## XXIII.

Protrivit hanc sententiam ipse Abarbanel, sequentes eidem ad-movens arietes. Quomodo admittere potest Intellectus, ut Nomen *אלהים* ELOHIM *בראשונה* & *בעצם* propriè & primò dicatur de Judicibus, *ואדרך השאלה* & metaphoricè de Deo Benedicto; cum statim in initio Legis aliquoties de Deo dicatur, & postea per universam Scripturam multis millenis vicibus; è contra autem de Judicibus rarissimè & paucissimis in locis? *ידע הוא שמה שהוא על הרוח*

הרוב ושנמצא בכתוב תהלה הוא הנחה הראשונה לא מה  
 Constat enim, id quod in Scriptura  
 frequentius, & statim ab initio reperitur, pro propria significatione  
 esse habendum, non quod rarius occurrit & posterius. Si Scriptores  
 accuratè examinare & considerare velimus, deprehendemus, hoc  
 Nomen fortassis de Judicibus planè non reperiri; saltem maximo-  
 perè hoc apud me est dubium; Quamvis enim Onkelos, & pluri-  
 mi cum ipso Interpretes, hanc vocem ita acceperint & interpretati  
 sint; tamen mihi videtur, secus se rem habere; Nam Scriptura sem-  
 per, quando de Judicibus loquitur, eos vocat nomine שופטים Ju-  
 dicum, aut זקנים Senum, *Deut. 16. v. 18. Deut. 17. v. 9. Deut. 19.*  
*v. 18. Deut. 21. v. 2. &c.* Quod verò ista loca attinet; Quem con-  
 demnaverunt אלהים ELOHIM, עד אלהים ad ELOHIM, *Exod. 22.*  
*v. 8. 9. &c.* Responderi potest, non esse in illis mentem & inten-  
 tionem Scripturæ, Judices Nemine אלהים ELOHIM designare; sed  
 indicare, quòd omnia judicare debeant בדין האלהי Judicio Dei,  
 quod Judicium, quia Dei est seu Divinum, secundum Legem & Præ-  
 cepta, Scriptura vocat אלהים ELOHIM, juxta id quod scriptum est;  
 ELOHIM Deus stat in congregatione Dei, in medio ELOHIM judicat,  
*Psal. 82. v. 1.* Etenim sic inter alios quoque populos imitatum &  
 consuetum est, ut de Judicibus regionis ac provincię alicujus, quan-  
 do jus dicunt secundum Leges regni, dicatur, quòd Rex hoc man-  
 daverit, vel hunc puniverit: quinimò Locus quoque Judicii, seu Di-  
 casterium ipsorum vocatur הצר המלך Camera regia vel Imperia-  
 lis, licet Rex non illic præsens sit. Eodem ergò modo explicari po-  
 test illud; Tunc adducet eum herus suus ad האלהים Haëlohim,  
*Exod. 21. v. 6.* & similia; nempe, למשפט האלהים Ad Judicium  
 Elohim Dei. Evidens hujus rei testimonium est *Deuter. 19. v. 17.*  
 ubi legimus; Tunc stabunt duo illi homines, quibus est lis coram  
 יהוה DOMINO. Num enim hic quoque dicemus, quòd Sacerdotes  
 atque Judices Scriptura vocet Nomine Dei proprio Tetragramma-  
 to? Sanè hoc in rei veritate dici nequit. Quid obstabit ergò, quo-  
 minus dicamus, eandem esse superiorum locorum & similium, quæ  
 hujus, rationem? Certè Onkelos hic nomen " intactum reliquit,  
 neque per Judicem, ut reliqua, transulit. Optimo autem jure sic  
 vocatum fuit Judicium; quia Judicium Dei est, ut Moses loquitur  
*Deut.*

*Deut. 1. v. 17.* In quem sensum etiam Josaphat Judicibus dicit; Videte quid faciatis: non enim Homini judicatis, sed ליהוד DOMINO, & vobiscum est in negotio Judicii, nempe Deus, 2. *Paralip. 19. v. 6.* Ex quibus apparet, quando Scriptura de negotio Judicii usurpat Nomen אלהים ELOHIM, per hoc Nomen intelligi Deum ipsum, non Judices. Quod si verò quis omnino statuere velit, Judices vocari ELOHIM, dicendum est, ut multi faciunt, hanc tamen nequaquam esse propriam & primam vocis istius significationem, sed metaphoricam, quia scilicet Judices Dei loco sunt, ad judicium ejus judicandum in terra, quemadmodum Legatus nomen Principalis sui accipit: Et quia Judicium & regimen ipsorum sit, aut certè fieri debet secundum Legem Divinam, hinc vocantur ELOHIM, q. d. Influens gubernationem Divinam è manu Dei Benedi&i. Huc respexisse videtur AbenEsra *Exod. 21. v. 6.* vocem אלהים ELOHIM explicans per מקמי מצוות אלהים בארץ Stabiiientes præcepta Dei in terra. Sic igitur hoc quoque modo evertitur sententia Majemonidis, quòd Nomen hoc significet primò & propriè Judicem; metaphoricè verò ad Deum transferatur. Sic iterum Abarbenel, quibus hoc addit Buxtorfius, cum ipso consentire alicubi Septuaginta Græcos; Nam illi *Exod. 21. v. 6.* pro אלהים אל Ad ELOHIM (Deum) habent, Θεὸς τὸ κριτὴριον ἔστι Θεὸς Ad Tribunal Dei. *Exod. 22. v. 8.* ἐνώπιον ἔστι Θεὸς Coram Deo, sic *v. 9.* ibidem. Meritò enim dubitari posset, an Judices Numero singulari Θεὸς Dei indigitare voluerint.

## XXIV.

Quicquid autem sit de tribus primis Sententiis, de quibus litigant Grammaticorum filii, liquet ex omnibus, Nomen hoc non esse commune, sed proprium illi, qui omnes creaturas transcendit; nam & solus Deus execrari potest, atque ita obligare conscientiam ad sui Quæstionem sub comminatione judicii, & solus Deus est Omnipotens, qui ut omnia ex nihilo produxit, ita potenti Manu quoque conservat & in nihilum redigere potest, & solus est objectum cultus Religiosi, juxta illud *Deuteronomii 6. v. 15. 10. cap. v. 20.* & *Matth. 4. v. 10.* Dominum Deum tuum adorabis, & illi soli servies, cumque in plurali hic occurrat, nec singulari destituatur, ut docent loca *Deuter. 32. v. 13.* & *17. Job. 3. v. 4.* *Psal. 18. v. 22.* & im-

pruden-

prudenter Abarbanel contra Prædecessores suos, qui Christianis non litem moverunt de pluralitate hujus nominis Elohim, sed varias tantum conquissiverunt rationes minus congruas pro Explicatione illius, illud defendere ausus fuerit, quapropter Deum unum hic notari existimamus ita, ut tamen pluralitatem personarum non excludat, quæ quousque sese extendat vel restringat, ex verbo revelato & collatione locorum Scripturæ facile dignosci poterit, ubi Anagnostes pius ea, qua potest dexteritate & solertia attenderit.

XXV.

Liquet ex dictis, quid sentiendum sit de illa Grotii Paraphrasi: Respondet *κύριος* Dominus, in Hebræo *יהוה*, ut plerumq; ob eam quam diximus causam. *θεός* *εσ*, Deus tuus autem in Hebræo *אלהים*. Ubicunque est *אלהים* in Hebræo, significatur imperium. Est vox attributa & Angelis ut *Psal.* 82. v. 2. & magistratibus eximiis ut *Exod.* 21. v. 6. c. 22. v. 26 ita ut in *Psal.* 82. v. 1. & 81. v. 1. dubium sit inter Hebræorum doctissimos, ver Angelos an magistratus intelligantur? At quoties cum singulari conjungitur plurale *καὶ ὁ θεὸς ὡς* per appositionem, sed *καὶ ὡς*, defectivam, non dubium est, cum intelligi, qui & Angelis & Magistratibus cunctis præsidet summo cum imperio. Sæpe autem ei voci addi sæpè casus possessivus, quo significatur, ei summo Deo, præter jus quod in cunctos habet, jus aliquod peculiare in hos aut illos competere per beneficia non communia. Est enim ea beneficiorum natura, ut semper in eum, qui beneficium accepit, det aliquid novi juris ei, qui beneficium præstitit. Et hæc causa est, cur hic non conditi humani generis fiat mentio, sed earum rerum, quæ Jacobi posteros proprie spectabant, & quidem maxime recentium, quorum memoria firmitus & efficacius animis inhæret. Confer causam servandæ legis, quam parentes tradere filiis jubentur *Dent.* 26. v. 120. & seqq. Est autem quod hoc loco dicitur, non lex, sed legis præfatio. Seneca non probat legem cum prologo, quod imperare ea nata sit, non suadere. At aliter censuere Philosophi, Zaleucus, Charondas, Plato, Philo; media via optima est, ut breve sit, quod præmittitur, auctoritatem non disputationem præferens. Numerus denarius gentibus ferme cunctis numerandi finis est, qui enim sequuntur numeri, composita habent nomina, aut sono, ut undecim, duodecim, *Pars Specialis* *E* aut

aut significatu, ut centum, mille. Nimirum per digitos numerare mos antiquissimus, qui homini decem. Quare & in his præceptis, quæ supra cætera memoriæ infigenda erant, hunc numerum elegit Deus, in quo omnes numerorum diversitates, omnes *ἀριθμοὶ*, omnes, quæ ad numeros referuntur, figuras geometricas reperiri, latè ostendit Philo de decem præceptis, & Martianus Capella: Decas verò ultra omnes habenda, quæ omnes numeros diversæ virtutis ac perfectionis intra se habet. Neque alia de causa, in decem classes, quæ vulgo Categorix vocantur, rerum genera Pythagorici & eos secuti Peripatetici retulere. Tum verò non in lege tantum, sed & ante legem Decimæ Deo votæ, qui mos ad gentes etiam transiit. Vide Livii & Plutarchi historiam de Camillo; meminit ejus moris ut antiquissimi & Herodotus. Data autem lex in locis incultis, ut & remotus ab urbium contagio populus, & rebus duris purgatus, & per miracula doctus à Deo, non à rebus conditis penderet, ac ad eam, quam Deus moliebatur, rempublicam præpararetur. Dicit autem lex *tuus*, & deinceps imperans ac vetans unitatis numero singulos alloquitur, ut ostendat, non aliam hic esse viam principis, quam minimè de plebe Hebræi conditionem.

## XXVI.

Quantum, quod expendi meretur in hoc præfamine, est illud appropriativum Tuus; dicit enim Deus: *Ego sum JEHOVAH, Elohecha Deus tuus*, quæ loquendi ratio sua non caret Emphasi, quam paucis quoque expediemus. Deus Tuus autem consideratur *vel Objectivè*, adeoque notat id, quod nobis supra omne amabile, desiderabile, honorabile; id enim nobis Deus est, in quod vota nostra & desideria propendent, quod supra omnia colimus & amamus, Scopus Cordis & virium nostrarum, *vel Effectivè*, in quantum mediis & motivis agit, nosque sibi nectit, & ita notat illum, qui nos creavit, conservat & concursu jugi dignatur; *speciatim* autem illum, qui redemit, in fœdus gratiæ recepit & æternæ Beatitudini consecravit, *vel denique correlativè*, qui exigit à nobis fiduciam unicè huic Basi inhaerentem, Affectum indivisum, qualem Sponsa Sponso debet, spem radicatam, flantibus & reflantibus quibuscunq; etiam adversitatum ventis.

## XXVII.



XXVII.

Agnovit hoc aliquater Wolffgangus Musculus, qui in locis p. 55. scribit: Tertio, nec illud transeundum est, quod vox pluralis  $\text{אלהיך}$ , id est, si propriè reddas, Dii tui, cum pronomine singulari, Ego, conjungitur. Usurpatur quidem hæc vox in forma pluralis numeri pro singulari, ac legitur, Ego sum Dominus Deus tuus. Verum interea pulcherrimè convenit ista loquutio mysterio tam unitatis, quam Triadis in vera divinitate. Quoniam quod essentiam attinet, unus tantum est Dominus ac Deus verus Jehovah. Rectè non dicit, Nos sumus Domini: sed Ego sum Dominus. Rursus, quoniam tres sunt veræ divinitatis hypostases ac personæ, omnium commodissimè non dicit, Ego sum Jehovah  $\text{יהוה}$ , id est, Deus vel fortis tuus: sed, Ego sum Jehovah  $\text{אלהיך}$ , id est, Dii tui, vel fortes tui. Ne dicas, sic plures deos constitui: obstat quod in singulari dicit, Ego Jehovah. Iterum ne si unam unius Dei essentiam statuas, ut Triadem personarum neges, occurrat quod in plurali dicit  $\text{אלהיך}$ .

XXVIII.

Quintum, quod præfatio hæc complectitur, est Beneficii memoria, dicit enim, *Ego sum Dominus Deus tuus, qui eduxi te à Terra Ægypti, à domo servitutis.* Terra hæc, è qua eduxit Israelitas, vocatur Terra Mizraim à Deo, per quam Ægyptum intelligi tam clarum est, quam solat esse in Meridie, sic Josephus lib. 1. *Antiq. cap. 7.* Ægyptum Messen & Messæos Ægyptios vocamus, quotquot eam Regionem incolunt. Eusebius lib. 1. *Chronici Metstre*, unde Ægyptii. Hieronymus de nominibus Ebræis, sciendum quod Misraim Ægyptus appelletur: succinunt laudatis Doctoribus Epiphanius, Isidorus, Zonaras, Constantinus, Manasses, Suidas, Cedrenus, imo Johannes Leo in Descriptione Africæ lib. 8. disertè docet, ipsam Ægyptum Mesrem, incolas Chibth, tam Arabum, quam sua lingua adhuc hodie dici. Adde præter Bodinum Ariam Montanum, Martinum Delrio, Cornelium à Lapide, Fungerum, etiam Benjamin Tudelensem, qui in Itinerario in Misraim inquit, unde quatuor itinera conficiuntur in urbem magnâ juxta Nili ripas sitam, ex qua toti Regioni nomen factum, in qua Judæi bis mille sunt. Comprobat ipsa Historia Sacra; unde enim quæsoeducti sunt Israëlita, nisi ex Ægypto, quæ fuit domus servitutis, quam periphras-

fin hic addere Deus voluit, nisi Terræ Cham, ut alias dicitur *Psal.*  
106. v. 23. & 27.

## XXIX.

Dictam autem existimant hanc Regionem à Mitsrajim Filio Cham, Nepote Noe, eumque *Osirin* fuisse, quidam conjiciunt; at non hæc omnibus sapiant, *partim* quia Misrajim non sit nomen hominis, cum non patiatur id forma dualis, & propterea quando filius secundus Chami dicitur Misrajim, aliquid subaudiunt & nomine hoc intelligunt partem Incolarum Terræ Misrajim, id est Ægypti, cujus Metropolim Alcairo hodieque Arabes *مصر* *Meser* vocant, unde Mensem etiam in Anno primum Ægyptii dixerunt *mesor* *Mesori* scil. vetustiores, *partim* quia significatio minus congruit personæ, melius loco aptatur, ut constabit ex sequentibus, *partim* quia Osiris juxta quosdam fuit Josephus *Ὀσίρις* & Ædilis Ægypti, quod videtur posse colligi *tum* ex nomine Serapis, quod Bovem notat, *tum* ex titulo Arsaphr, quo Osiris vocabatur, teste Plutarcho, levi commutatione ex Joseph facta, *tum* ex Hieroglyphicis, quibus Osiridem designarunt, figura scil. vituli, notis Lunæ & Solis insigniti, juvenisque imberbis cum Modio & Calatho in Capite, quæ in Josephi Ætatem Boves & Spicas & Astrologiæ peritiam examusum quadrant. Quicquid itaque Annii Viterbiensis, Genebrardus, Reineccius, Chytræus & alii dicant, cominum nititur mera similitudine, quibus prævalent dicta, & ex nostra parte stantes, Clemens Alexandrinus, Ruffinus, Augustinus, Julius Firmicus. Videatur Baronius ad Annum 362. & 389. Gerhardus Vossius *lib. 1. de Idol. cap. 29.* qui ita: Nostra ea est opinio, Apim Ægyptium fuisse symbolum Josephi Patriarchæ: uti *Μηνιν* regis Menis sive Menæ, de quo capite dictum superiori. Ac primum moveor veterum quorundam autoritate, qui ad hanc sententiam præiverunt, sive particulatim nominando, sive universè sic describendo, ut non alter melius intelligatur. Quippe Julius Maternus, qui temporibus Constantini M. & liberorum ejus vixit, clarè ait, Apim fuisse symbolum Josephi. Favet quoque Rufinus *lib. 11. Historiæ Ecclesiasticæ cap. 23.* ubi de Serapidis templo agens, Quidam, inquit, in honorem nostri Joseph, formatum perhibent simulacrum, ob divisionem frumenti, qua famis tempore subvenit Ægyptiis. Subjun-

git

git deinde quædam, prompta ex gentili historia; quæ etsi in aliquibus exorbitent, multum tamen ex vero trahunt: Alii, inquit, repertum in historiis Græcorum veteribus ferunt, Apim quendam patremfamilias seu regem in Ægypto Memphis positum, cum famis tempore frumenta apud Alexandriam defecissent, ex proprio assatum civibus alimenta præbuisse. Quo defuncto, in honorem ejus instituerint apud Memphim templum, in quo bos quasi indicium optimi agricolæ nutritur, habens quædam honoris insignia, qui ex nomine ejus Apis appelletur. Ubi spissus ille est error, quod Alexandriæ ait fuisse frumenti penuriam: cum ea urbs sit opus Alexandri Magni: Apis autem ab Ægyptiis millenis, & multò amplius annis ante Alexandrum, cultus fuerit ab Ægyptiis. Quod verò dubitat, num paterfamilias, an rex, populum paverit, hoc fortasse inde est, quia ex granariis regiis populus aleretur; sed omne hoc post Deum Josephi deberetur providentiæ: cujus nomen, ut solent, immutarint in sacris, quo augustius videretur numen. B. quoque Augustinus, sive, quisquis ille auctor libri de mirabilibus Scripturæ, prodit, Ægyptios, juxta sepulchrum Josephi, ob causam quam diximus, bovem statuisse. Deniq; apud Suidam etiam, in voce Σάργις, legas, traditum nonnullis, Apim fuisse symbolum Josephi, vel alterius hominis opulenti, aut Memphitici regis, qui in fame maxima de frumento prospexerit Ægyptiis: mortuo verò templum exstructum, ἐν ᾧ βὲς ἐτρέφετο, σύμβολον φέρων τὸ πωργῖν in quo bos nutriretur, symbolum agricolæ præferens. Quod verò idem famem illam fuisse ait Alexandriæ, facile diluitur ex iis, quæ dixi de Rufino.

X XIX.

Significationem quod attinet, putavit Hieronymus esse *Hofes*, sive *Mensuram*, nisi legendum *pressura*; communis est sententia notare *angustias* sive *tribulationes*, & carpit Bodinus in *Methodo historica* Melanchthonem, quod rebellem fuerit Interpretatus, cum *Misrim* sint *angusti*; Nondum tamen assensum universalem impetravit hæc sententia, aliis Misraim ex singulari מִסְרַם *Masor* deducuntibus, quod munitum notat locum, nulla enim Regio Naturali situ tutior; habet illa ab occasu desertum inaccessum, à Meridie Nili Cataractas, & montes, ab ortu item Eremum & barathra & paludem Serbonidis, ab aquilone Mare propè importuosum; nam à Joppe Phœni-

ciz usque ad Parætonium Libyæ nullus est portus præter Pharium; *Quamvis* ergò quidam volunt, Deum adhibita hac descriptione voluisse alludere ad tribulationes, quas sustinuerunt Israelitæ, ad angustias in quas fuerunt arctati, *non tamen* censemus, hoc esse necessarium, cum terram Mizraim potuerit ita dicere, à Munitione illa Naturæ, quam adstruunt quoque Diodorus *lib. 1. & 15.* nec non Strabo *lib. 16.* adfirmat ipsa Scriptura, alibi Ægyptum sub nomine *Mafor* exhibens, 2. Reg. 19. v. 24. *Esaia* 19. v. 6. *Micha* 7. v. 12. prætereasi concedamus, dictam esse Ægyptum מצור *Mafor* ab angustiiis quia צור *Tzur* notat *coarctari*, non confestim id accipiendum erit de angustiiis, in quas compressi sunt Israelitæ, sed de naturali conditione loci; angusta est enim Ægyptus & à mari Syenem usque tota patet in longitudinem, quò respexit quoque *Esaia* 18. v. 2. *Denique* sufficienter exprimitur status Israelitarum in terra Misraim additione illa, quæ hanc ipsam Regionem relate ad Incolas Israelitas, ut Domum servitutis, repræsentat, unde etiam Ravanella nobis accedens scribit: Ægyptus est Regio media inter Africam & Asiam, Hebr. dicitur מצרים, à *Mitzrajim*, filio Chami, nepote Noe (ut testatur Joseph. antiq. l. 1. c. 8. & consentiunt ferè omnes alii) à quo Ægyptii perhibentur exorti, ait Isidorus Orig. l. 9. c. 2. ubi etiam dicit, Ægyptios lingua Hebraica interpretari affligentes: & verò, vox illa Hebræa, qua Ægyptus & Ægyptii appellantur, atque adeo, qua appellatus fuit nepos ille Noe, derivari potest à radice צור, quod est affligere seu angustiiis afficere, sed non est tamen recipiendum, quod Isidorus subjungit, Ægyptios sc. lingua Hebraica affligentes esse dictos, eò quòd affligerint Dei populum, priusquam Israelitæ divino auxilio liberarentur, cum constet Ægyptios Matzrajim fuisse vocatos, etiam antequam populum Dei affligerent: itaque videtur Isidorus potiùs alludere ad illam etymologiam, quàm veram illius rationem tradere, sed & ad eam videtur, secundùm quosdam, alludi, *Esa.* 30. v. 6. cum ibi Ægyptus paraphrasticè denotatur per terram oppressionis (Hebr. צרה) & angustiarum, quia pro auxilio, quod ex ea sperabant Judæi, oppressionem & angustiam, iusto Dei iudicio, eis esset allatura. Nostro tempore Ægypti regnum Turcico Imperatori paret, ac à Selymo, patre Solymanni primùm occupatum est, ex quo Campfene Sultano & Singam Fr. in Syria,

ria, anno 1516. die 26. Augusti, & paulò pòst Tomumbejo, qui Campsoni successerat, ad portam urbis Alcairi, strangulato, anno 1517. die 13. Aprilis. Ægypti metropolis est Alcair, seu Memphis, in qua, ut Jovius scribit, hodierno die templum & crypta ostenditur, ubi Maria virgo, Herodis sævitiam effugiens, cum infante Christo latuerit, *Matth. 2.* Abest autem Memphis, (cujus longitudo 61. 50. latit. 29. 50.) ab oppido Bethlehem, circiter 54. miliaria germanica. In hac profectioe Mariam & Josephum, decem aut duodecim dies consumere, & per Idumeam, seu Arabiam Petræam plenam latronum, iter facere oportuit, in quo tamen mirabiliter eos Filius Dei comes itineris defendit, sicut ante annos 1510. populum Israel per eadem loca iter facientem, nube & flamma protexerat, & sicut eodem tempore, quo Maria in Ægyptum concessit, sanctam anum Elizabeth, cum Johanne Baptista infante fugientem trans Jordanem, in spelunca montis aliquantisper abscondit, & umbra manus suæ protexit.

XXX.

Describitur hæc Terra *hic loci*, tq. domus servitutis sive servorum juxta Textum primigenium. ut enim, Interprete aliquò, servi tenentur in una domo, ut ibi operentur, & postea noctu clauduntur in carceres, ne effugere possint, ita omnes Ebræi videbantur teneri in tota Ægypto, quasi in una domo, in qua servirent, *alibi* dicitur ferrea fornax, *Deut. 4. v. 20. vel* quia, ut vult Oleaster, ibi Israelitæ decoqui simul cum lateribus, quos decoquebant, videbantur, *vel* quia ita confracti erant, ut lateres in fornace, *vel* quia gravior erat illorum afflictio, quo pacto apud *Esaïam, cap. 48. v. 10.* dicitur Caminus paupertatis vel afflictionis. Fornax autem audit non ratione *Materiæ* sed *duritiei*, ut indicetur, durissimè fuisse habitos Israelitas & afflictos, *tandem* describitur sub figura Catenarum, cervicibus inhærentium, *Levit. 26. v. 13.* ductâ metaphorâ *vel* à jumentis juga ferentibus, & ab illis ligaminibus, quibus duo parva ligna jugi ligantur, *vel* à virgis, quibus jugata animantia cædi solent & pungi; nec difficile est colligere, quam dura fuerit servitus Israëlitarum, non tantum ex descriptione Ægypti, operum impositorum Mole, sed & ex Ingenio ipsorum Ægyptiorum, qui male audiunt etiam apud profanos; Vopisco illos vocante furibundos & injuriosos,



fos, Ammiano genus hominum controversum & affuetudine perplexius litigandi semper latissimum, Curtio gentem vanam, novandisque quam gerendis rebus aptiorem.

## XXXI.

Deprædicat jure itaque Deus hoc beneficium, quod eduxerit Israelitas ex Ægypto à domo servorum, quòd grande fuit *ratione termini à quo*, cum durissimæ hætenus servituti fuerint subiecti, *ratione termini ad quem*, quia in libertatem fuerunt perducti perpetuam, quæ eminebat illi, qua gavisi fuerunt quondam Patriarchæ, qui in terris, quibus immorabantur, Regum Imperio erant subiecti, *ratione denique Objecti*, nec enim unum & alterum hæc calamitate eripuit, & ad pileum vocavit, sed ingentem multitudinem, totum populum, tot millia hominum, cum antea beneficia fuerint exhibita singularibus personis, Abrahamo, Isaaco, Jacobo, vel familiis illorum non adeo amplis.

## XXXII.

Quamvis verò hoc beneficium videatur respicere tantum Israelitas, nihilominus etiam ad nos referri debere, præter Theodoretum, qui adumbrasse Deum per ea, quæ Israelitis acciderunt, omnium hominum salutem, asserit; ex nostris docet B. Osiander, scribens ad hæc Verba: Dominus Deus, qui educendis Israelitis ex Ægypto (editis prius magnis & stupendis Miraculis) & liberando eosdem à tristissimâ servitute, Omnipotentiam & Majestatem atque Bonitatem suam Israelitis declaraverat, pro quibus beneficiis æquum erat, ut Israelitæ obedienti observatione mandatorum ipsius, gratos se exhiberent. Idem Deus misit nobis unigenitum Filium, nosq; à faucibus Diaboli & Inferni eduxit, quo nomine non minorem illi obedientiâ, quàm Israelitæ debemus. Ex Calvinianis Musculus, cujus sunt sequentia: Quoniam ad nos, qui ex Gentibus in Christum credimus, particula ista non pertinet, qua dicit: Qui eduxi te de Ægypto, de domo servitutis: videndum est, quid nobis hoc sit loco cogitandum, quærendumque, an non & nos ex aliqua simus servitute liberati, cujus figura in Ægyptiaca captivitate præcesserit? Duplicem hic servitutem invenio: peccati unam, Satanæ alteram. Utraque sanè Ægyptiacam gravitate sua multis nominibus excellit. De servitute peccati extat testimonium Christi *Johan. 8.* Qui facit peccatum, inquit, servus est peccati. De servitute Satanæ meminit *Paulus*

*Ius 2. Tim. 2.* cum dicit, Nequando det illis Deus resipiscenciam ad cognoscendam veritatem, & resipiscant à Diaboli laqueis, à quo captivi tenentur ad ipsius voluntatem. Et *Ephes. 2.* in principio capituli: Ab utraque servitute liberati sumus à Deo per filium ejus Christum Jesum, Servatorem ac Dominum nostrum. De liberatione à peccato dixit angelus ad Joseph *Matth. 1.* Ipse liberabit populum suum à peccatis eorum. Et *Joan. 8.* Christus ipse: Si vos filius liberavit, verè liberi eritis. De liberatione à regno Satanæ dixit Christus *Luc. 11.* Cum fortis armatus custodit atrium suum, in pace sunt omnia, quæ possidet. Cum autem fortior eo superveniens vicerit eum, universa arma ejus auferet, & spolia ejus distribuet. Et Apostolus *Coloss. 1.* Qui eripuit nos, inquit, de potestate tenebrarum, & transtulit in regnum filii dilectionis suæ. Quare non debemus cogitare, non esse tam luculento experimento declaratum erga nos, Dominum esse Deum ac Redemptorem nostrum, quantum est declaratum erga Judæos. Quanto enim durior est peccati & Satanæ servitus, quam fuit servitus Ægypti: tanto illustriori argumento nobis constat, habere nos Deum Redemptorem ac Servatorem. Quapropter & nobis proposita sunt liberationis nostræ monumenta, non solum in verbo Evangelii, sed & publica Dominicæ cœnæ cæremonia, ne tanti beneficii obliviscamur: deinde ut liberatoris nostri voluntati ac cultui perpetuò simus addicti: tertio, ne unquam revertamur in Ægyptum, hoc est, ne spreto tantæ liberationis beneficio, ad contumeliam Servatoris ac sanguinis pro nobis effusi ad regnum peccati & Satanæ relabamur. Etenim si relapsi fuerimus, & cœlesti gratiæ contumeliam tam detestandam & inextinguibilem intulerimus, non accidet nobis, quod Judæis contigit, ut dicere possimus: Vivit Dominus, qui eduxit nos de gehenna & igne inextinguibili, sicuti Judæi dicere potuerunt: Vivit Dominus, qui eduxit nos de terra Aquilonis. Vide *Ebr. 6. & 10.* sed absque omni spe secundæ redemptionis, perpetua Satanæ servitute & captivitate detinebimur.

XXXIII.

● Summatim itaque Deus hoc vult in hac præfatione, Ego qui loquor Tibi, sum JEHOVAH, illud Ens primum & Independens, à  
*Pars Specialis* F quo

quo cætera suum esse habent, *Deus Tuus* & Summum Bonum, quæ te à terra Ægypti à Servitute durissima liberavit, quæ non male exposuit Polanus pag. 1126. Cujus Verba suprâ produximus.

## CAPUT I.

## VERBA PRÆCEPTI PRIMI,

לֹא־יִהְיֶה לְךָ אֱלֹהִים אֲחֵרִים *Non habebis Deos alienos coram facie meâ.*  
עַל־פָּנַי

Th. I.

**S**ingula verba hic sunt pondera, quapropter probè exponenda. proponuntur enim *primò* אֲחֵרִים *Elobim Acherim*, *Dii alieni*. De voce *Elobim*, alibi egimus, & paulo ante in præfamine; vox vero אֲחֵרִים *acherim* diversimodè accipitur. Pagninus vertit *alii*, quidam malunt *alieni*, quia major sit emphasis in voce latina *alieni*, cum in aliis rebus aliquid ponat esse aliud, quod tamen alienum dici non debeat; nobis perinde est sive veritas *alieni* sive *alii*, quanquam posteriorem versionem probet ipsa vox אֲחֵר *acher*, quæ notat *alium* vel *alterum*, ἄλλος ἄλλος, qui non ipse. & LXX. Interpretū consensus, qui adhibuerunt vocem ἑτέρος. Præterea Testimonium Doctissimorum Interpretum & Philologorum, Pagnini, Merceri, Buxtorfii, Cocceji, quid quod distinguantur aliàs in Ebræo vox אֲחֵר & זָר *zar*, excludatur omnis Deus, qui non est ipse, sc. JEHOVAH. Potuit quis habere Deum coram JEHOVAH alium, qui tamen non sit alienus, hoc est à populis extraneis pro Deo habitus, ut serpens æneus à Mose factus, cui populus Israeliticus adolere ceperat, agnoscantibus ipsis Calvinianis.

II.

*Secundo* dicitur לֹא־יִהְיֶה *lojijeb* quod Vulgatus vertit: *non habebis*, ex hebræo alii reddunt ad literam: *Non erit*; ubi observandum genus loquendi Syllepticum, q. d. non erit aliquis Deorum aliorum sive alienorum, non erit ullus Tibi ex alienis Diis, non peregrinum assumes, aut ulla ratione persuaderi Tibi patieris alium, ut à me ad illum declines. Et quidem hic modus loquendi in Scripturis

pturis frequenter occurrit; ita Gen. 1. v. 14. dicitur יהי מארות *Jehi meordth* ut Luminaria præsent, sive fiat unumquodque Luminarium, quo sensu etiam quidam accipiunt prima verba capitis primi *genesis*, ubi dicit: in Principio ברא אלהים *creavit Elobim*, hoc est, unusquisque, seu una quævis Deitatis Persona creavit. Lutherus reddidit, du solst nicht haben, ad genium scil. linguæ vernaculæ, quæ vix admittit aliam phrasin, quanquam Chaldæus Ebræo proximius verterit: non erit tibi, & LXX. Interpretes quoque, ἐκ τούτοις οὐ θεοὶ ἕτεροι maluerint εἶναι, quam verbum ἕτεροι adhibere.

## III.

Tertiò prohibetur ἢ habere Deos alienos אלפנאי *alpanai*, super facie vel coram faciebus Domini. Quidam exponunt hanc phrasin *præter me*, idque juxta versionem LXX. Interpretum, qui exponunt Ebræam אלף עמי, ut scil. prohibeatur alius undecunque ascitus Deus, & lateri junctus; favet etiam Chaldæa paraphrasis: quanquam autem illam non plane rejiciamus, neque negare velimus, prohiberi hic omnem cultum collateralem, tamen quia stante hac pleonasmus admittendus, cum voce *alius* omnis excludatur Deus præter Deum, phrasin etiam אלפנאי hebræa non prematur, & notanter LXX. Interpretes adhibuerint phrasin οὐ προσώπῳ μου, ideoque malimus præferre illorum sententiam, qui vertunt *coram*, spectante scil. me, adeo ut Deus ad profunda cordis humani respiciat, officinam illam, in qua Idola fabricantur primùm, & vel intra recessus illius manent, vel etiam in exteriora simulacra se effundunt, & cum Deus maximè detestetur illud adulterium spirituale, illum cultum alieni Dei, ut ostenderet, quam sibi displiceat illa interna effigatio, adhibere voluit phrasin *coram me*, in præsentia mea, in conspectu meo, in radiis meorum oculorum, qui omnia lustrant, atq; ea prohibere, ne è regione collocentur eidem adversi, consulantur in confirmationem loca 1. Sam. 2. v. 35. Ps. 54. v. 14 Jobi 6. v. 21. Dextrè B. noster Chemnitius *locorum Theol. part. 2 p. 88.* Significat Deus per אלפנאי se in primo præcepto accusare non tantum externam idololatriam, quæ exercetur coram mundo, quam etiam Philosophi riserunt: sed præcipuè interiorem cordis idololatriam, quæ sæpè summæ pietatis speciem habet in oculis hominum, coram Deo autem abominatio est. Hæc Grammatica enarratio vocabulorum magnum habet usum, sicut jam videbimus.

## IV.

Hoc itaque vult Deus in hoc primo Decalogi membro : Tu homo, quisquis es, *non habebis Deos alios coram me*, non agnosces alium, non confides ulli, non coles quenquam extra me Deum, scil. patefactum, non subicies te ulli, non amabis ullum, non sperabis ab ullo bonorum liberalitatem, & quidem non tantum tibi nullus erit Deus alius, quem in hominum conspectu externo opere gestibus & verbis venereris; sed & in animo tuo, intra Mentis tuæ penetralia, cum omnia mihi pateant, omnia sint denudata coram me, sed unum solum verum Deum, qui sese omnibus opponit, agnosces, amabis, coles, & te illi totum mancipabis. *Deorum* aliorum meminit, non quod revera sint Dii extra ipsum, sed quod effingantur tales; *alium* sive *alienum* Deum vocat id omne, in quo præter Deum homo animi sui fiduciam, & cor suum fixum habet, ut loquitur B. Lutherus, cui attributa & opera divina, utut non convenient, nec debeantur, adscribuntur. Dicit: *non erit Tibi*, quia talis Deus revera non est Deus, sed tantum illi, qui in ipso confidit, illum colit, eidem se submittit. Et loquitur quidem in futuro; Verum non per modum *prædictionis*, sed *severe prohibitionis*, obligationem intimans, ab omni Deastro fugiendum, & solum verum Deum colendum, prout alias concipi solent ab Ebræis præcepta in futuro, & in sequentibus Decalogi verbis stylus Spiritus S. sese consimiliter habet. Tandem addit: *coram me*, ante faciem meam, seu coram facie mea, ne scil. vel minima cogitatione aut molimine conceptus alium edolare Deum desideret, ante oculos meos, quibus etiam intima cordium sunt perspecta & explicata.

## V.

Uti constat, quid de nostra expositione sit sentiendum, subjicimus Explanationem Catechismi Romani, qui ad quæstionem, *Quid complectitur in se primum præceptum?* Priorem in Decalogo locum obtinere, quæ ad Deum pertinent; posteriorem verò, quæ ad proximum, docebit Parochus, quia eorum, quæ proximo præstamus, causa Deus est, tum enim ex Dei præcepto proximum diligimus, tum propter Deum diligimus: ea verò sunt in priori tabula descripta. Secundo loco in verbis iis, quæ proposita sunt, duplex contineri præceptum ostendet: quorum alterum jubendi, alterum prohi-



prohibendi vim habet. Nam quod dicitur: [Non habebis Deos alienos coram me,] eam habet sententiam conjunctam: Me verum Deum coles, alienis diis cultum non adhibebis. Ita respondet, prohibet ac damnat Idololatriam &c. Deinde Interpretationem B. Lutheri, qui breviter melius & nervosè ita: Debemus Deum supra omnia timere, diligere, & illi confidere; denique Exegesi Catechismi Palatini adornatam ab Ursino, qui sequentia subjicit, Præceptum est: non habebis Deos alienos in conspectu meo. Finis hujus præcepti est cultus Dei immediatus internus, hoc est, ut solum verum Deum in Ecclesia patefactum agnoscamus, eique debitum honorem mente, voluntate & corde tribuamus. Porro hoc præceptum ita negativum est, ut contineat in se affirmativum: *non habebis Deos alienos: sed me Jehovah illum in Ecclesia patefactum, solum habebis Deum.* Est autem *habere Deum*, agnoscere, quod sit Deus, quod sit unus, quod sit talis, qualem se in Ecclesia patefecit, & quod etiam erga nos sit talis: proinde ipsi soli fidere, summa humilitate & patientia, timore ac reverentia se illi subicere, ipsum amare, & ab eo solo omnia bona expectare. In his consistit obedientia hujus præcepti, cujus partes sunt virtutes, quæ mox sequuntur. *Deus alienus* est res omnis, cui propria attributa & opera veri Dei tribuuntur, cum tamen illa non habeat, neque ei convenient. *Habere Deos alienos*, est non habere verum Deum, hoc est, aut nullum, aut plures, aut alium, quam patefactum Deum habere, aut Deum non agnoscere talem erga se, qualem se patefecit, aut non fidere Deo, nec se Deo subicere vera humilitate & patientia, non ab ipso solo omnia bona sperare, ipsum non amare aut revereri. Hujus impietatis partes sunt vitia virtutibus, quæ mox sequuntur, opposita. *Coram me vel in conspectu meo*, quasi dicat: non tantum in conspectu hominum gestibus vel verbis; sed ne quidem intus in arcano recessu cordis tui? quia coram facie mea nihil est occultum, sed mihi cordium & renum scrutatori omnia patent, & prorsus sunt manifesta.

## VI.

Si autem inquiramus, cur Deus statim in primordio Decalogi hoc verbum voluerit extare, *hanc Legem tabulis fœderis in frontiforcio inferere*, non absque ratione factum esse Theologi pronunciant, & quidem sequentes Wolfgangus Musculus voluit colligere, qui

ita scribit: Prima est, quod in hac fidei integritate situm est fœderis caput, quo rupto, rupta sunt omnia. Eadem enim est fœderis, quæ conjugii ratio. Nam sicuti caput & primum est in lege conjugii, quod ab uxore ante omnia requiritur, ut marito suo hanc fidem servet, ne alios coram illo viros admittat, nisi tanquam adultera repudiari velit: ita & in fœdere Dei hoc caput est, ut uni ac soli adhæreamus, alioqui prorsus è fœdere abjiciendi. Et sicuti mulier adultera nihil juris habet amplius erga maritum, & quæ mariti sunt, propter primariæ legis hujus transgressionem, & connubialis fidei prævaricationem: ita revera nihil juris habent amplius in fœdus Dei, qui, quod primum illius caput est, per cultum alienorum deorum violarunt, & fidem, uni Deo debitam, fregerunt. Quare nec tabulæ istæ fœderis ad eos pertinent, quæ non nisi ei sunt populo præscriptæ, qui sincera & illibata fide unico suo Deo constanter adhæret. Secunda causa ingenium populi hujus concernit, quo mirum in modum ad cultum alienorum deorum propendebat: id quod & postea re ipsa sæpenumero declaravit. Tertia ad præcedentem consuetudinem referenda est, qua Israelitæ in Ægypto alienorum deorum cultui fuerant assuefacti, unde & proclivis erat ad consueta & inolita relapsus. Quare mihi perinde à Deo factum hac in re videtur, atque si quisquam è medio prostibulo prostitutam mulierculam eximat, in conjugem accipiat, & ad hunc illi modum cum primis præscribat: Si vis in hac conjugii nostri societate permanere, cum primis necesse est, ut ab omnibus aliis viris abstineas, ac mihi uni conjugii fidem sinceram & infractam serves. Alioqui non poteris mihi esse conjunx, neque ero tibi maritus, si juxta me admiseris alios, & ad consuetam scortandi fœditatem recurreris. Quodd autem Israël diis alienis servierit in Ægypto, Josuæ ultimo videre est, ubi sic legimus: Auferte deos, quibus servierunt patres vestri in Mesopotamia, & in Ægypto, ac servite Domino. Itaque ob has causas non est lex ista temerè mox in principio Decalogi posita, quam utinam ii, qui primores sunt in Ecclesia Christi, penitus introspicerent: & ad illam non solum cultus illos externos, sed & fidem, quam hodie Catholicam vocant, ritè conferrent,

## CAPUT I.

*De Atheismo.*

## Th. I.

**U**T granum exiguae quidem molis est, virtutis verò non contemnendæ, quæ in plures fructus luxuriat; ita verba Legis hujus concepta sunt quidem concisè, sed ambitu suo multa completuntur, & quidem improbant *primum* & prohibent Atheismum. *Qui* enim dicit, *non habebis Deos alienos coram me*, ille eo ipso ostendit se esse Deum, illud Numen & Bonum summum omnibus præponendum, & consequenter agnoscendum, colendum; *Qui* sibi opponit omne id, quod est extra suam Essentiam, & removet ab illo cultum & venerationem, ille eo ipso solus vult agnosci, coli & pro vero Deo haberi; *qui* coram se non patitur ullum Deastrum, etiam in corde fabricatum & fictum, ille eo ipso se exhibet Omniscium, Cardiognosten, Ens perspicacissimi Intellectus, & consequenter venerabile, amabile, sancta cordis respondentis devotione timendum; unde eo ipso exigit, ut agnoscat illius *Existentia*, quòd scil. non sit figmentum cerebri malefani, sed verè existat, citra omnem nostræ mentis operationem illius supereminens Essentia, quòd scil. omnes Deos, quicumque sint extra ipsum, despiciat, longo intervallo post se relinquat, incomparabiliter tanquam creaturas & figmenta transcendat; illius *Majestas*, quòd scil. polleat infinita potentia, qui hominem tanquam creaturam suam à se ex nihilo productam possit obligare ad indivisibilem sui cultum; nobilissimum in universo corporum Ens, tanquam in solidum ab ipso dependens, sibi mancipare, & sicubi à cultu suo remittat vel deviet, punire pro merito; infinita Bonitate, qui non tantum ita gratiosè sese revelarit suæ creaturæ, patefecerit eidem suam voluntatem, de decenti & debito obsequio, sed etiam ab omnibus peregrinis Diis, qui meræ vanitates, quorum cultus nihil nisi mærores gignit, cujusque extremum æterna occupat scabies, revocare ad se tanquam summum Bonum, tanquam illum, qui Cultores suos æternum præmiare possit & velit, &, si quis fecerit hæc, quæ in

Deca-

Decalogo scripta, vita æterna beare, felicitate perenni coronare intendat; infinita Sapientiâ & perspicaciâ, qui etiam occulta cordis molimina penetret, prima conceptuum lineamenta pervideat, initiales desideriorum motus in alium præter se penitissimè cognoscat, nec tantum hoc, sed & quod omne id, quod extra ipsum ex creaturis in Idolum edolatur, sive interiori & occulto, sive exteriori Instrumento & Manu, sit Deus Stercoreus, βδελυγμα abominandum, vanitas omnibus vanitatibus contemptibilior, Mali Corvi malum ovum, & venenatæ radices fructus pestifer, Deus contradictorius, qui colatur corde, cum tamen ex illo fluxerit, dependeat, adeoque eo ipso propter illam dependentiam non Deus, sed Monstrum, sed figmentum cordis humani, quod tantum malum à pueritia. Gen. 6. v. 5.

## I I.

Vox ἄθεος non nisi semel legitur in Scripturis N. T. Paulus quippe describens statum miseræ, in quo Ephesii ante Conversionem, ita loquitur, *mementote, vos quondam gentes in carne, qui dicebamini praputium ab ea, quæ vocabatur circumcisio in carne, & quæ manibus fit, vos inquam illo tempore fuisse absque Christo, alienos à Republica Israelis, & extraneos à pactis promissionis, spem non habentes, ἄθεοι ἐν τῷ κόσμῳ*. Ubi gentiles dicuntur ἄθεοι & speciatim Ephesii, non tam ratione simplicis abnegationis, quasi inficias irent, esse aliquod Numen in orbe, quàm ratione Ignorantia veri scil. Dei; qui enim filium non honorat, non honorat patrem, 1. Johan. 2. v. 23. & incompetentis cultus; quem enim debuerunt vero Deo, illum traduxerunt sinistrè in Dianam Ephesinam. Unde omnes homines propter Naturæ corruptionem, cum non sint meliores Ephesiis ante conversionem, dici possunt Athei, quia pariter ignorant verum Deum, aliud οὐρανίου substituunt, & Creaturæ serviunt præ Creatore, qui est Deus benedictus in secula, Rom. 1. v. 25. quia præterea Apostolus disertè de gentibus dicit 1. Thess. 4. v. 5. *sciat unusquisque vestrum, vas suum possidere in sanctificatione & honore, non in passione cupiditatis, sicut gentes, quæ non norunt Deum*; quanquam enim gentibus attribuat aliquam Dei notitia, τὸ γνωστὸν τῷ Θεῷ φανερόν ἔσται in illis dicatur, & invisibilia Dei à vel ex Mundo condito perspicui posse, æterna scil. Potentia & Divinitas, adeo ut sint inexcusabiles, asseratur ab

tur ab eodem Apostolo, *Rom. 1. v. 20.* nihilominus firmum manet, gentiles omnes esse Atheos; quanquam enim impressum sit, firmiter esse Deum, nec ex corde hominis eradicari possit hæc *θεὸς ὁ αἰσθητός*, quanquam etiam Creaturæ jugiter suscitent & adspirent sensum de Deo Conditor universi; nihilominus ab irrogenito sibi relicto, & extra Revelationis Lumen in tenebris constituto, omnis illa anticipatio torquetur, & ad Numen, quod sibi fingit Gentilis, sinistrè & perversè obliquatur, flectitur.

## III.

Gerhardus, Johannes Vossius, in opere erudito de origine & progressu Idololatriæ *cap. 3. pag. 17.* ita differit: *ἄθεός* dicitur nobis, quandocunque non agnoscitur Deus, & providentia ejus erga singulos, & in hac vita, & futura. Ita quadruplex est *ἄθεός* genus, aliud alio nequius. Primum committitur illo, si quis eò furoris deveniat, ut, ad tempus saltem, quia non videt Deum, eò in animum suum inducere possit, nec esse Deum. Deinde si non colitur, vel saltem non nisi ob naturam præstantem; non verò, quia quis opem ab eo, vel gratiam expectet; quippe qui neminem amet, neminem curet, unde *ἀσέβης* dicti; qualis Epicureus omnis,

Parcus Deorum cultor & infrequens, ut Horatio describitur. Exinde si existimetur, uti summates viri summorum curam gerunt; imis & minutis, alios præficiunt: ita Deos cœlestes de Procerum rebus laborare, non sperare illas homulorum: quod Cæsar tumultuanti ait militi apud Lucanum in quinto belli civilis. Semiepicureos, puto, non incommodè dixeris. Denique si Deus solum colatur, ut remunerator in hac vita: quæ Sadducæorum mens erat; ut ostendimus in dissertatione de Rabbiorum temporibus.

## IV.

An autem dentur Athei, non illius generis communis, quos Paulus arguit, sed speciatim tales, qui non esse Deum pronuntiant, inter eruditos disquiritur; prædicti quidem tales esse, vix dubitari potest, si attendatur, Religionem degenerasse in umbram, pietatem in Schema, Honestatem in prætextum libidinis, imò si ad scelera respiciatur, quæ passim grassantur, etiam inter illos, qui in Christianorum volunt esse numero & censu, quò referunt illa *Psal.*



14. v. 1. & 2. *Timoth. 3. v. 4. 5.* nam in allegato loco Psalmi eò nos ducit primum vox *Nabal*, quæ juxta Augustinum notat *imprudentem*, juxta Chaldaum *pinguem*, *obesum* & *crassum*, adeoque talem, qui non speculando excutiat sensum de Deo, sed imprudentiâ & defixo animo ad terrena, ventrem habens pro Deo suo; *Secundò* nomen *Elohim*; non enim adhibuit *Essentiale* Jehovahi David, quod *Ens* *Entium*, sive *Primum* ratione suæ *Essentiæ* sistit, sed *אֱלֹהִים Elohim*, quod Deum sub ratione *Judicis* repræsentat, ut intelligatur, non quidem tales *negare Deum existentem*, sed *peccaminolo motu versari circa illius providentiam*, & dicere, non esse *Elohim*; unde etiam paraphrasis Chaldaica: *non est potestas Dei in terra.* *Tertiò* verbum dixit *אמר Amar*, quod non tantum notat conceptus alicujus effigiationem, sed & affectum præprimis connexum, cum corde, sede desideriorum, ita ut dicere, non esse Deum, idem sit, atque optare, velle, desiderare non esse Deum, qui videat, quæ patrant impij, qui curet res humanas, qui puniat & vindicet, videantur loca *Exodi 2. v. 1. 4. 2. Sam. 21. v. 16. 1. Reg. 7. v. 12.* Accedit, quod nisi accipiatur de Atheis *practicè talibus*, cum procedat Psalter ad corruptionem universalem, nec non Paulus eò referat verba hæc, *Rom. 3. v. 10. & 11.* consequens sit, omnes homines in statu corruptionis fore Atheos *speculativè tales*, qui sensum de Deo non habeant, persuasi sint, nullum esse in Orbe Numen; quod oppidè absurdum! In loco autem allegato & laudato, ex 2. *Timoth. 3.* præter evidentiam verborum, pro nostra sententia militat catalogus vitiorum moralium ab Apostolo recensitus, descriptio illorum quos inculsat, qui *φιλήδονοι μωρόν η̄ φιλόθεοι*; & si Gnostici notantur, ut volunt Interpretes, planum est, non notari Atheos *speculativè tales*, sed *practicos Borboritas*, & in omni cæno voluptatum sese volutantes, atque eo ipso ostendentes, sese à cælo esse averso animo; Expressio denique *Typi* præscripti sufficientis, non tantum ad notitiam Dei qualemcunque, sed etiam salutarem. Dicit enim Apostolus, illos habere *μόρφωσιν ενσέθεν*, Formam & Normam præscriptam Veritatis, Scripturam scil., prout de Hypocritis dicitur, *Rom 2. v. 19. & 20.* quod habeant *μόρφωσιν τῆς γνώσεως*, & vim nihilominus & valorem ejus abnegent. Vel, si placet *μόρφωσιν* accipere de specie pietatis, Apostolus hoc intendet, tales quidem lu-

dere

dere specie virtutis & umbrâ, prætexere titulum speciosum pietatis actionibus suis, opere verò esse perversissimos, atque ita vim illius ipso facto abnegare & evertere.

## V.

Num verò *speculativè* tales dentur aut dari possint, majoris videtur esse difficultatis. Nam *primò* Notitia Dei Naturalis tum instituta tum acquisita, cum sit in ordine accidentium, habitus cujusdam superadditi potentie, vel etiam dispositionis rationem habeat, videatur posse excuti & aboleri, prout multa in mente possunt deleri, obliterari, vel neglectu exercitii, vel mora temporis & oblivionis, somno vel alio aliquo casu extraordinario, aut violentia. De Beza sanè refert Thuanus, Eum, antequam moreretur, præsentium memoriam debilitata mente amisisse. *Secundò* cum nemo sciat, quid sit in homine, præter Spiritum illius, qui est in ipso, nemo profundos illos recessus cordis humani penetrare valeat, ~~an~~ illam impietatis ex corruptione illa universali perspicere, præter solum Deum, non videtur esse negandum, eoque figmentum cordis humani, quod tantum malum à pueritiâ, posse assurgere, ut etiam Deum esse non credat, neget, inò impugnet, aut ad minimum in suspenso relinquendum hoc *ζήτημα* censeat, propter defectum fundamenti, & temeritatis posse argui illum, qui hic simpliciter definit, imprimis quia Empectæ, qui forsan aliquandiu, aut per annos integros, de Deo non cogitant, nisi per ludibrium, ita in Malo hujus impietatis per Imprudenciam confirmari possint. *Tertiò*, quis nescit fuisse quam plurimos, omni ferè ævo hoc vitio infames, Diagoram Molium Poetam, Prodicum Coum, Euhemerum Tegeatem, Critiam, Theodorum Cyrenæum, Protagoram, Abderitam, Epicurum, & alios, quis nescit esse nostrò tempore Aretinos, Rablesios, Vaninos, & alios istius furfuris homines, Machiavellistas ex Politicis, Scepticos spinosos ex Philosophis, tepidos ex Theologis. Julius Cæsar Scalliger, qui in Galliâ vixit, infinitum penè numerum Atheorum se novisse testatur, Mersennus verò in Lutetia, anno hujus seculi vigesimo tertio, 50000 numerari scripsit, vocanturque tales in Regno illo Deistæ & Degruës. Priori quidem nomine insigniuntur, quia præferunt aliquam notitiam Numinis, Providenciam verò & Justitiam Divinam negant, posteriori verò indicant, se non esse grues,

unde etiam dicuntur *Esprite forts*, confirmati scil. ad nihil credendum, nè forsitan fallantur, sed animum à periculo omnis illius erroris præmuniant.

## VI.

Ex adverso militare videtur iterum unum atque alterum argumentum; nam *primò* *πᾶσι τῷ Θεῷ* omni homini venienti in hunc Mundum est per Naturam insitum, teste Paulo *Rom. 1.* Occursu creaturarum iugiter excitatur, quæ nihil aliud sunt, quam vestigia Numinis Sapientissimi, potentissimi, optimi Maximi. Prostitutione Universi stimulat, quæ Musicum Dei organum. Operum Propositione roboratur, quæ semper, plusquam porticus Olympia ἐκείνη, reboant Deus, Deus. Deus. *Secundò*, si ad illum gradum Impietatis homo pervenire posset, posset etiam excutere legem Naturæ, prima principia practica & theoretica evertere, & abolere conscientiam, imò talis homo esset peior ipsis Diabolis, qui credunt esse Deum, sed contremiscunt, Jacobi 2, v. 19. Denique ut opponitur *Experientia*, quæ testatur, aliquot fuisse Atheos, ita *Experientia Consensum gentium universalem* ostendit, quæ in hoc conspirant, esse Deum, esse Authorem quendam omnium, esse Rectorem universi; omnes enim, ut Aristoteles testatur, de Deo ἐπιλαμβάνειν, seu, ut Cicero ex Epicuro loquitur, quandam sine doctrinâ anticipationem Dei sive prænotionem habent in animo, nec ulla gens tam fera, nemo omnium tam immanis, cujus mentem non imbuerit Deorum opinio. Legatur ex profanis Seneca, *Epistola 117.* Maximus Tyrius, *Differt. 38.* Plutarchus in *Colote*, ex Christianis verò Clemens Alexandrinus, Lactantius, Arnobius & alii.

## VII.

Tantum autem non est distantia inter has Sententias, ut nullo medio coire queant, nullo veritatis glutine adhibito ita temperari, ut, quod unaquæque habet sinceri, in alterum conspiret. *Prima* hoc tantum evincit, posse dari Speculative Atheos, qui scil. *ad tempus* sensum illum reprimant, in argumentis quibusdam confictis contra Existentiam Numinis hæreant, & vel negent, vel etiam impugnent illud principium de Existentia primæ Causæ; nec argumenta satis sunt solida, si ultra concessionem nostram extendantur. *Primum* enim non concludit, quia *primò* etiam illud, quod

habet



habet rationem Accidentis vel superadditi, ita potest esse infixum, ut naturaliter separari non possit, quod liquidum in illorum Sententia, qui Intellectum & Voluntatem ab Anima rationali distinguunt. *Secundò*, quid fiet de primis principiis theoreticis & practicis itante hac sententia, de *Conscientia* & *Judicio* tum antecedente tum subsequente actuum moralium? neque par ratio habituum acquisitorum, & potentiarum superadditorum studio & industria hominum, & illorum, qui primitus concrediti, infixi, cum facultatibus naturalibus insiti. *Tertiò* homo non debet tantum considerari, ut *Ens quoddam Naturale*, sed etiam, ut ita loquamur, tanquam *Ens morale*, quamvis enim non repugnet, extingui notitiam naturalem in illo, in quantum spectatur secundum esse Naturale, cum non implicet; tamen si consideretur secundum esse morale, in quantum præ cæteris creaturis irrationalibus in ipsa creatione & à primordio sui esse in illum deductus est statum, ut nexu indissolubili obligatus fuerit ad agnitionem & cultum Dei, instructus iis præsidiis, quæ faciunt ad finem, superiorem fini omnium aliorum animantium, impossibile censeamus, hoc sese nexu posse exsolvere, vel illa, quæ faciunt ad illum, penitus excutere & delere, &, ut de Beza refert Thuanus *lib. 134.* præsentium memoriam debitata mente amisisse; ita præteritorum, dum valebat ingenio, impressam servasse, unà testatur. *Alterum* Argumentum itidem nervis caret & robore. Nam *primò* si ex eo, quod nemo scit, quid sit in homine, concludi poterit, dari Atheos Speculativè tales, sive dari posse, pariter concludi poterit, dari vel ad minimum dari posse homines, qui careant etiam primorum principiorum theoreticorum vel practicorum notitia, & quæ ab omnibus circumfertur conscientia. *Secundò* si nemo scit, quid sit in homine præter Spiritum hominis, potius concludendum ex hoc principio, occultum esse, quod Atheismus Speculativus niduletur, aut foveri possit in Corde humano, vel ad minimum relinqui hoc ex utraque parte in suspenso, attendendo ad hoc præcisè principium. *Tertiò* utut non possimus scire, quid in homine, Cor illius inspicendo, latebras Mentis perscrutando, possimus tamen pronuntiare de illo *partim* ex Revelatione Divina, *partim* à posteriori ex indiciis & vestigiis, quæ ad occultos recessus viam parant & ostendunt; cum itaque Scriptura urgeat *ὁ γινώσκων τὸ Θεόν*, illud firmiter fixum indicet,

cet, cum Creaturarum Speculum semper reflectat, cum Conscientia nunquam non, si non vivida, in languens, hominem comitetur, cum insuper nulla gens adeò extra leges moresq; projecta, teste Seneca, ut non aliquos Deos credat, ideoq; partim Scripturæ præsidio, partim Consensus illius Universalis adminiculo, ducimur ad anatomiam cordis humani, quod, ut Ignatii per Spiritu habuit inscriptum JESUM crucifixum, ita per digitum Dei, esse Deum, inscriptum habet, quicquid exterius dicatur, agatur, simuletur, iustitia in injustitia detentâ, nec temerarium illud effatum, quod Scriptura & ratione nititur, & in solido fundatum subsistit; quemadmodum nullius temeritatis argui potest, qui dicit: *omne figmentum Cordis humani tantum esse malum à pueritia*, etsi nullus alterius cor inspexerit, cum sufficiat, Deum hoc dixisse, nec experientiam abnuere, quæ de abominandis fructibus luculenter testari potest. *Tertium* non obest; nam *primò* posito, recensitos fuisse Atheos *speculative tales*; non tamen fuerunt *tales per Naturam*, // *sed per excitationem, nec per omne tempus, sed secundum intervalla*, nec *fixo conceptu*, cum abolitione omnimoda oppositi, sed volatitio dubio aut etiam interciso. *Secundò* non unius ejusdemq; generis fuerunt recensiti; quidam enim mitiores, quidam rigidiores fuerunt, & num paucillos illos tanti aestimabimus, ut aliquo eos loco habeamus, præ infinitâ illorum copia, qui contrarium docuerunt? præsertim cum quanto quisq; vir melior fuit, tanto minus de eo dubitarit. *Deniq;* credibile potius, illos Philosophos fuisse Idolorum contemtores, quàm Atheos; *Socrates sanè* Deaestros Atheniensium sprexit, plus Divinitatis tribuens suo Hirco, quàm Jovi lapideo, *Diagoras* contra Herculis statuam sieviit, & illâ in ignem conjectâ dixit, hunc quoq; post tot tantosq; exantlatos, laborem eidem esse subeundum. *Euhemeris* Deorum genealogias risit, & demonstravit, illos, quos colerent ut Numina, fuisse homines & ex mortalium censu. legatur *Philippus Mornæus de Veritate Religionis Christianæ cap. 1. p. 12.* qui sequentia habet: Inter doctos, etiam se&arum olim non erat modus, Atheos nominavit Antiquitas *Diagoram* Melium poetam, *Theodorum Cyrenæum*, *Euhemerum Tegeatem*, & alios per paucos. Quos sanè, si accuratius examines, *idola & gentilitios Deos risisse potius, quàm Deum negasse videas.* Novimus verò & ejus generis multos, in vestigando mendacio, retegendâve superstitione,



ne, sagaces & argutos; veritatis interim perquirendæ parum studiosos, & in religione examinanda aut observanda hebetes & supinos. De Diagora scitum est illud, cum Herculis statnam foco apponeret: In hoc decimotertio agone, ut quondam Eurystheo, mihi inservias oportet. Sic in lignum Deum jocabatur. At idem poema suum sic orditur: Quod à Numine summo reguntur omnia. Narratur alius quidam, Ægyptios his verbis increpasse, si dii sunt, cur plangitis? Si mortui, cur adoratis? Et hic quoque vanitatem idolorum arguebat. Ad Euhemerum Tegeatem quod attinet, constat Atheum cognominatum, quod gentilitiorum deorum historiam, genus, originem verè scripsisset; nimirum Reges, Magnates, Heroes fuisse, quorum statux in idola, res gestæ in ludos annuos, honores tandem in divinum cultum, tractu temporis & gliscente posterorum adulatione aut ambitione, degenerassent. Ecquis verò non idem hodie & credat & profiteatur? Objiciuntur Sceptici; qui non tam negant, quàm assensum, ut in omnibus, sustinuerunt. Convellunt verò hi ex professò omnes disciplinas, etiam quæ in demonstratione consistunt, & sensuum iudicium suspectum habent; quin etiam, existant ipsi necne, pronuntiare verentur. Audiamus tamen, quid hoc insipientiæ genus adversus hanc fidem, quam Mundus prædicat, Populi adorant, Sapientes venerantur, comminisci tandem possit. In summa, ajunt isti: Qua ratione Deum credere debeamus, quem non videmus? Stulte, quicunque hanc sectam aut sequeris aut imitaris; & eò magis, quod tibi ipse sapiens videris; credis Solem in ergastulo, in imo barathro, quia radios per rimulas spargit: Deum, cujus splendor in Solem, in Lunam, in astra diffunditur, quo aer, terra, mare collucet, quo ipse tu & vides & videris, non vides, non credis, non asseris? Arborem nunc primum videris; te statim mens tua ad radicem ducit, quæ terræ subest. Amnem spectes; raperis continuo ad scaturiginem; & hæc fortè longissimè dissita est. Homuncio, ut te arbor à ramis ad radicem duxit, non te & radix ad nucleum ducet, & nucleus ipse ad eum, qui nucleo vim dedit? Ut te amnis ad scaturiginem, non te scaturigo ad originem suam evehet; præsertim cum quicquid fluit, capite principioque carere non possit? Cogita te in Indiam, in oram aliquam incultam & sylvestrem appellere, occurrit tibi casula ex avulso cespite.

cy. Athei.

cespite. Quid illico tibi in mentem venit? Insula hæc, ais, non caret incolis; hæc domo aliquis transiit: progrediendum ulterius, num aliquem invenire possimus, nimirum vestigia humani ingenii vides, etiam pedum nulla apparent. Scis autem, ibices, quos obiter de rupibus pendentes vidisti, nihil ejusmodi aut facere aut excogitare posse. Jam prodis tu in hanc lucem: obvia sunt passum, quæ non potest homo fecisse, non toto vitæ tempore aut intelligere aut cognoscere. An non statim concludere debes, an non vel ab ipso lumine in hæc verba mirabundus erumpere? Hæc spiritus Domini transiit, hæc Deus iter fecit; aliquid homine superius, homine præstantius sit, necesse est. Legimus, quibusdam, qui non nisi visa crederent, arte magicâ dæmonas exhibitos: his conspectis, Deum etiam credidisse. Præposterum erat, diaboli manu ad Deum deduci. At ex his, quæso, quæ credis, quantula vides, quantula conspicua sunt? Stirpes anima prædita credis (quis enim diffiteatur?) facultate, inquam, qua vigeant, augeant, vireant. Stirpes vides, in stirpibus hos effectus: hanc animam, hanc facultatem, & ubi sit, non vides, & ubi lateat, ignoras. Credis & animalia animâ prædita, qua moventur, qua sentiunt; nihilo magis eam vides. Credis denique te mente pollere, excellentiori inquam, qua de animalibus, de homine, de teipso ratiocineris & differas. Excute vita functum, nil mutatum in partibus, nil exemptum toti corpori animadvertes. Agedum, ubinam latebat hæc facultas, & ubi tandem animam vidisti? Si credis, quia effectus vides, quos causam præcedere necesse sit; & ego te per effectus obtestor. Sin oculos tantum testes habere vis; nec absente animâ quicquam oculi vident; nec præsentem, qua omnia vident, videre possunt. Denique faciem tibi esse credis, quam non nisi in speculo cernis; Deum, cujus vultum vel in minimis splendentem vides, aut negas, aut ambigis, aut asserere cunctaris? Quidam, ut argutuli videantur, sic disputant: Si Deus est, anima est: alioqui sensibus non frueretur: & si sensibus fruatur, mutatur; & si mutatur, corrumpitur: & si corrumpitur, perit. Bruta vero animalia, quæ præter brutum, nil concipere possunt. Alii: Si Deus corpore caret, caret & anima: si anima, & proinde actione. Sin corporeus est, etiam corporis mutationibus obnoxius est. Quasi non anima sola agat, non sola actio-



nis compos sit in corpore. Corpus autem quid, nisi moles, quæ animæ impulsu nutrive agitur & movetur? Rursum: Si Deus est, beatus est: si beatus, virtutibus certè, imprimis continentia. Quod si continens est, appetit, & appetitu tentatur: quod de Deo cogitare absurdum est. His absurdis, ad absurdissimum illud, quod Deus non sit, imperitos deducere volunt, qui aut non advertunt, aut certè advertere nolunt, quod rectè Plutarchus docuit, non esse propriè virtutem, Continentiam, sed iter ad virtutem, nimirum Temperantiam. Contingens enim qui dicitur, affectus suos fræno compescit; Temperans nutu regit, & dicto audientes habet. Est verò in Deo longè sublimius quid, cum & Deus ipsa Ratio sit, & extra Deum Ratio nusquam verè esse possit. Itaque elegantissimè de ejusmodi hominibus Xenophanes, si animalibus, inquit, pingere daretur, Deum procul dubio sibi similem fingerent: quia scilicet nihil animal animali superius cogitare potest. Sunt hæc Scepticorum argumenta vel pueris ridicula: at qualia adversus tam apertam & manifestam veritatem cogitari & fingi poterant: Nec asserere verentur, suos sibi elenchos & paralogismos satis notos fuisse; verum his, de omnibus ambigere, ac nihil planè certi habere, religio quodammodo erat.

*Hy. & Ratio. i.  
2. R. secundum  
vix. & R. d.  
R. i. & p. s.*

## VIII.

Facile his expeditis judicatu est, quid de posterioris ordinis Argumentis sit censendum; si enim consueque urgeantur, quasi hominum Impietas non possit consueque progredi, ut neget esse Deum, ut ad aliquod tempus, etiam intus in ipso Animo, à sensu divinitatis cesset, rationes contra Existentiam vel Providentiam, partim pravitatis abundantia, partim Diaboli potentia conquirat, illis inhæreat, illas non admittimus, si verò eum in finem producantur, ut hominem accusent de Divinitatis sensu, contra tot stimulos neglecto, contemptum habito, & per vim ad tempus represso, intendantque non dari tales Atheos, qui fingere possint mentem in hoc conceptu: Non est Deus, omnem abolere notitiam & sensum, habitu plane opposito se obfirmare, manum jungimus. Quicquid enim homo moliat, non poterit excutere sensum de Deo simpliciter, quicquid dicat exterius & blasphemet, non poterit rudera residua evertere, quicquid obstrepat vel Scripturæ vel Experientiae & communi con-

*Pars Specialis*

*H*

*sen.*

sensui populorum, non poterit Conscientiæ fibras evellere & negare Deum; præprimis si digitum illius sentiat pulsantem in forulis animi, præidentem huic tribunali, atque ad rationes vocantem, judicantem & condemnantem, de quo Paulus *Rom. cap. secundo.*

## I X.

Patet *primò* ex disputatis hætenus, impium & temerarium sese exhibuisse Caramuelem, qui *lib. 2. Theologiæ moralis, numero 1301.* sententias suorum retulit, quod scil. quidam asserant, posse dari invincibilem Dei Ignorantiam, quoad aliquod Tempus saltem breve, & illi ferè sint Scholastici omnes; paucos verò qui admittant, posse dari hominem bono judicio præditum, qui invincibiliter tota vita Atheus sit; pauciores verò qui concedant, dari posse Rempublicam, quæ invincibiliter Deum ignoret, & non subobscurè subscripsit, addens, sanè multas Respublicas fuisse, & quidem bene gubernatas, à quibus omnis Deorum cultus proscriptus, apud excellentissimos Authores videri, Exemplo petito à Veteribus Hispaniarum Galliciæ & noviter subactis Indiarum aliquot populis. *At primò*, quomodo potuit vel unius alicujus hominis, nedum integræ Reipublicæ Ignorantia esse invincibilis? *cùm γυναι τς Θς Paulus* asserat manifestum esse in Gentibus, radium hunc de Dei existentia micare etiam in tenebris, prima inter Principia principatum obtinere; *cùm* universum hoc omnibus proponat, tanquam Speculum summi Architecti, nec Creaturam occurrere velit, nisi cum vestigio Divinitatis. *Secundò* quomodo probabit, absque Numinis sensu Respublicas illas fuisse benè gubernatas, expunge sensum omnem de Deo, & attende, num non confestim nexus ille, qui est inter superiores & inferiores, ordo Imperantium & parentium laxetur, quomodo benè gubernabuntur Respublicæ, si fulcra Regiminis subtrahantur? Qui ad felicitatem contendet Civis, cujus Rector nihil de felicitate novit, nec illum eo destinat, nec quam optimum reddere gestit? *Tandem* qui sunt illi Excellentissimi Authores, qui testantur multas Respublicas, & quidem benè gubernatas, à quibus omnis Deorum cultus proscriptus? contrarium docent ipsi focii ex profanis & Sacris Scriptoribus, Plutarcho, Cypriano, Tertulliano, quorum ille ita contradicit: Peregrinantibus multas contingit occurrere absque mœnibus urbes, absque studiis litterarum, absque Regibus, absque auri argentique usu,

usu; quibus ignota prorsus theatra, & gymnasticæ omnes exercitationes: quinetiam quibus nullæ sint domus, sed tuguria duntaxat, & mapalia. Nusquam autem extat urbs aut oppidum, quibus nullus sit Deus, nulla juramenta, nullæ preces, nulla sacrificia ad bona curanda, & mala impendentia prævertenda. Talem urbem nemo unquam vidit, aut verò videre potuit: potiusque sine Sole, quam sine Deo ac religione, urbem quis conspexerit. Hi enim sunt nervi totius humanæ societatis, & fundamenta, sine quibus nullæ leges, vigere, nulla politia consistere queat. Iste ita: Vulgus, inquit Cyprianus, in multis Deum naturaliter confitetur, cum mens & anima sui Authoris & Principis admonetur. Dicit frequenter audimus, ô Deus, &, Deus videt, &, Deo commendo, &, Deus mihi reddet, &, quod vult Deus, &, si Deus dederit. Atque hæc est summa delicti, nolle agnoscere, quem ignorare non possis. Hic vero in Apologetico *cap. 17.* Quod immensum est, inquit, soli sibi notum est: hoc quod est, Deum æstimari facit, dum æstimari non capit. Ita cum vis magnitudinis & notum hominibus objecit, & ignotum. Et hæc est summa delicti nolentium cognoscere, quem ignorare non possunt.

## X.

Liquet *secundo* minus dextrè sese gessisse Renatum de Cartes, & qui illum sequuntur, dum scilicet permiserunt homini Dubitationem de Existentia Dei; nam *ita* licitè agetur contra id, quod de Deo manifestum est in nobis, & veritas in injustitia detinetur, quod Paulus detestatur & reprehendit; *Ita* Menti nostræ, quæ aliàs pro-na est in dubitationem post lapsum, frigida suffundetur, ut intendat excutere sensum divinitatis, diaboli tentationibus sese subjiciat, ut tandem in consummatum quasi Atheismum ruat. *Ita denique* contra obligationem primi præcepti permittetur, id quod tam sanctè exigit Legislator, tam severè præcipit, tam studiosè commendat. Neque commodè effugium quæritur, si dicatur, suaderi dubitationem, ut ad certitudinis Metam hac viâ contendatur, & liquidius innotescat, quod hætenus confusum, tenebrisque circumseptum; Non enim finis à dubitante intentus ipsi operi, quod in se putidum, adflabit Bonitatem, colores & Lumina dispensabit, *cum*, quæ benè intenduntur, etiam debeant bonis procurari mediis, nec faciendæ



sint mala, ut eveniant bona, præsertim in tali casu, ubi vis infertur ipsi Naturæ, ipsi lumini divinitus infuso.

## XI.

Constat *Tertiò*, injuriam passos Christianos veteris Ecclesiæ, dum accusati fuerunt Atheisimi, ut constat ex Arnobio, *lib. 1, 2, 3, 4.* Verùm *primò*, qui Athei illi, qui agnoverunt Deum Legislatorem, attenderunt ad illud: *Ego sum Dominus Deus tuus, non habebis Deos alienos coram me?* *Secundò* Athei ne sint illi, qui neque ædes sacras ad officia construunt, nec Deorum simulacra constituunt, nec altaria fabricant & aras, nec cætorum animantium sanguinem aut thura frugesque salsas, non denique vinum liquens paterarum infusionibus inferunt? num illi Athei, qui Tempia Deorum, sana gentilium, ut busta, despexerunt? Num illi Athei, qui Deos despexerunt, Jovis aut Apollinis simulacro assistentes maledixerunt illi: ex quibus quidem causis constat Christianos habitos fuisse Ἀθεοί. *Tertiò* vanum fuisse id omne, quod objectum Christianis, dilucide ostendit Justinus Martyr in Apologia ad Antonium scribens: Ο μολογῶμεν τῶν ποίτων νομιζομένων Θεῶν ἄθεοι εἶναι, ἀλλ' ἐχὼ δ' ἀληθεύοντες, καὶ πατρὸς δικαιοσύνης, καὶ σωφροσύνης, καὶ τῶν ἄλλων ἀρετῶν, ἀνεπημίχιστα κακίας Θεῶ. ἀλλ' ἐκ εἰνόν τι, καὶ τὸν παρ' αὐτῶν ἦν ἐλθόντα, καὶ διδάξαντα ἡμᾶς ταῦτα, πνέοντά τε τὸ πνεῦμα ἡμῶν καὶ πρὸς κοινῶν, Profitemur, nos istos, qui pro talibus vulgo habentur, Deos haud agnoscere, eorumque intuitu Atheos esse; at non respectu verissimi illius Dei, Patris videlicet Justitiæ, castitatis, aliarumque virtutum, ab omni vitiorum admixtione alieni. Sed hunc ipsum, & qui ab eo venit, atque ista nos docuit, Filium, Spiritumque Propheticum, colimus & adoramus.

## XII.

*Secundò* incusant hæc verba Polytheismum; nam si non sunt habendi Dii alii vel alieni, eo ipso exclusi erunt Dii omnes, præter unum; si non alii vel alieni, omnis is, qui alius, qui non Deus Israelis, non erit σέβασμα divinum; si non habendi Dii alii, vel alieni, nulli præter quam uni deferendus erit cultus, nullus nisi verus Deus agnoscendus, amandus, amplectendus erit; adde, quod hæc verba sequuntur illud illustre procemium, *Ego sum JEHOVAH Deus tuus, qui eduxi te à Terra Ægypti, à domo servorum; qui itaque non est JEHO-*

JEHOVAH, Ens quoddam Independens, omnibus Esse tribuens; qui non est Deus populi Israelitici, Bonum suæ Ecclesiæ; qui non eduxit brachio potenti è terrâ Ægypti, è domo Servitutis, ille eo ipso submovetur ab illa Eminentia, quæ Deum sistit, cultus religiosi objectum fundat, cumque ut ipse Deus Israël loquitur: *Dominus Deus hujus populi sit JEHOVAH unus Deut. 6. v. 4.* multitudo cum illa unitate indivisa indivisibili erit impossibilis. Inde rectè Athanasius in Oratione contra Idola: Multitudo Numinum Nullitas est Numinum.

## XIII.

Latissimè autem hoc malum grassatum fuit, & olim & hodie, atque ut ipse Atheismus certa ratione cœpit in Paradiso, Protoplastis à vero Deo deficientibus, ita Polytheismus illi connexum eodem tempore invexit Diaboli versutia; *Primò* enim calumniatus fuit Serpens, ut loquitur Cyrillus Alexandrinus, supremam atque ineffabilem Naturam, & multitudinis Deorum doctrinam animis primorum hominum immisit; *tum* promovit sese in familia Caini, quæ ut separavit sese ab Ecclesia vera, ita à vero unius Dei cultu dilapsa fuit, ad Mentis propriæ Phantasma; *Denique* post diluvium ad Idololatriam etiam externam progressus, vires acquisivit in posteritate Chami, præsertim verò Sabæis, qui tempore Serungi emergere cœperunt; imò ipse Cham, per multa secula cultus fuit sub nomine Jovis Ham seu Hammonis; unde Herodotus in Enterpe, Ammon Ægyptii Jovem vocant, & Lucanus *lib. 9.*

Quamvis Æthiopum populis Arabumque beatis  
Gentibus, atque Indis unus sit Juppiter Ammon.

## XIV.

Percurramus autem Catalogum Deastrorum, quem partim ipsa Scriptura, partim Historia profana etiam suppeditat. Apud Assyrios in veneratione fuerunt ASIM A, quem quidam voluerunt, cum Esra Levimin Tischbi, expositum sub forma Simiæ vel Cercopitheci; quidam verò cum cæteris Ebræis & Grotio, sub Imagine Hirci; quidam denique cum Seldeno *in xxxi.* ADRA ME LECH, qui vel Muli habuit speciem, juxta Thalmud Babylonicum; vel Pavonis, secundum Hierosolymitanum, atque cum Molecho Deastro Ammonitarum summam habuit cognationem, utut figura fuerit illi diversa, qui, ut vult Grotius, fuit Saturnus, cui præluserunt Mor-

næus & Drusius, secundū alios Mars, quò inclinat Kircherus. ANA-  
MELECH, quem *quidam* asserunt fuisse ipsum Molochum, *alii* cum  
Grotio Jovis Stellam, quibusdam nubes sive protectio contra Molo-  
chum, benignum sydus maligno oppositum; cultus autem fuit ille *vel*  
sub specie Phasiani, ut docet Thalmud Hierosolymitanum, *vel* cotur-  
nicis *vel* Equi, Martis Vectoris. NERGAL, qui *vel* splendida Solis  
imago, *vel* figura Galli, secundum Kircherum; denique NISROCH,  
de cuius forma nihil pronunciare vult Seldenus, Kircherus verò  
statuit, Naviculæ fuisse Imaginem, in memoriam Arcæ, quæ quon-  
dam vexit Noachum cum suis, quanquam alii malunt Aquilam  
notari, *vel* Avem Noachi; nec negari potest, Assyrios in *decolat-*  
*tionem* fuisse pronos. Denique inveniuntur, qui Nisrochum provin-  
ciarum Regem sive Heliogabalum interpretantur. legatur *cap. deci-*  
*mus septimum, 2. Regum. à versiculo vigesimo septimo usque ad versi-*  
*culum trigessimum primum & Commentatores ad illum locum.*

## XV.

Pergimus ad Ægyptum, in quo, si unquam alibi, vilis fuit an-  
nona Deorum. Occurrit autem hîc primū REMPHAN, de quo  
variarum veterum conjecturæ. *Quidam* suspicati sunt illum Lunam no-  
tare, *alii* Syrium, quo cum Sole Oriente Nilus exundat; Græca  
enim vox Κών canem designat, à cuius exortu cosmico annum Æ-  
gyptii inchoabant; *alii* Jovem altitonantem. Capellus vult, fuisse  
Remphim Regem, qui Josephum Ægypto Regem præfecit, & pro  
Deo cultum eundem cum Api, quem bovis figura, ob somnium  
vaccarum, adoratum asserit. Ludovicus de Dieu originem vocis  
quærit in Arabia, atque exponit virtutem, quæ movendo & agi-  
tando super omnes res, eas quasi excludit & existere facit. Præferen-  
da verò videtur omnibus Sententia Salmasii, de quo ipse Ludovi-  
cus uno verbo nos expedit, docens vocem esse Ægyptiam, in eâ  
enim linguâ Saturnum significat, quod ostendit Alphabetum Æ-  
gyptiacum; consulatur Lucas in Actis Apostolorum, *cap. 7. v. 43.*  
Succedit THAMUIZ, cuius mentio fit Ezechielis *cap. 8. v. 15.* hunc  
verò fuisse Osiridem Ægyptiorum, qui vicina voce Ammuz Hero-  
doto, & Plutarcho; Maimonides & Kimchi conjiciunt, fuisse illum  
Magum insignem & PseudoProphetam, Hieronymus Adonidem.  
Videantur Junius, Seldenus, Grotius, Kircherus. Fuit autem Ido-  
lum,

lum, quod intrinsecus calefecerunt, cujus oculi plumbei, qui calore ita liquefacti sunt, ut visi fuerint lachrymare, tunc dicentibus Mulieribus; *Ecce, Munus postulat!* si fides Salomoni Jarchi. Sequitur APIS, qui Bovis retulit Imaginem, & ex auro fuit fabrefactus; quanquam Ægyptii etiam vivos Boves coluerint, de quo videndi Eusebius, Strabo, Plutarchus, & præprimis Plinius *lib. 8. cap. 46.* Quidam confundunt hoc cum Thamutz; quidam statuunt, fuisse Numen averruncum à Magis Pharaonis, ad constellationem certam cœli fabrefactum, quo terrerentur Israelitæ, & remearent in Ægyptum, de quo videatur Athanasius Kircherus in Oedipo.

## XVI.

Moabitarum Regio, ut pinguis, ita nec sterilis in Deorum cultu; venerati quippe sunt hi Lothigenæ BAALPEOR, cujus meminit Moses *Num. 25.* quique dictus ita à distensione *vel* ipsius Idoli, quod hiantis oris, *vel* cultorum, qui aut plane nudi illud accesserunt, distentis atque revelatis vestimentis sacra celebrarunt nefanda, *aut* diductis faucibus oscula fixerunt, *aut* coram illo foramen podicis distenderunt; neque aliud fuit, quam Priapus, quod docere potest locus allegatus ex *Numer. c. 25. v. 1. & seq.* nec non *Josue c. 22. v. 17.* adde *Apoc. c. 2. v. 14.* præter hoc cultus fuit quoque CAMOS sive Cemosch, de quo *Jeremia c. 48. v. 13.* quidam volunt notare palpantem, quidam absconditum, quidam properantem; ex occasione etiam derivationis in diversa abeunt; probabile autem est, notatum fuisse hoc nomine Saturnum *vel* tetricum *vel* absconditum. Hinc referunt Idolum ASTAROTH, cujus derivatio est in ambiguo, quibusdam à gregibus, quibusdam ab imaginibus factis ad formam Ovium, quibusdam à victimarum multitudine, aliis à forma Regina Astharoth, aliis à loco seu urbe Asteroth in dimidia tribu Manasse, in qua reperti fuerint fabricatores hujus Idoli, deducuntibus. Præferunt tamen moderni Kircheri sententiam, qui *vel* ab Arabum Phœnicio זרתה id est Venere *vel* ab Ægyptiaco *ex-por* hanc vocem derivat, de quo *Judic. 2. v. 13. 1. Sam. 7. vers. 4. 3. Reg. 11. v. 5.* Lunam verò sive Venerem sub hoc nomine cultam fuisse eruditi conjiciunt, nec tantum apud unum populum, sed quamplures, Ægyptios scil. Zidonios, & Philistæos, ad quorum Deastros properamus, submittentes illud Plauti in Mercatore.

Diva

*Diva Astarte hominum deorumque vis, vita, salus, rursus eadem quæ est  
Pernicies, mors, interitus, mare, tellus, cælum, sydera  
Jovis, quæcunque templa colimus, ejus dicuntur nutu, illi obtemperant,  
Eam spectant: quod illi displicet, facile excludunt ceteri.  
Quicquid complacitum, id sequuntur quæ vivunt omnia, atq; sentiunt.  
Alios enecat, extinguit, alios suo lacte fovet, atq; erigit, sed quos enecat,  
Hi vivunt, & sapiunt: quos properat alere, ac rigere,  
Hi quidem confestim pereunt, atque male sapiunt miseri &c.*

## XVII.

Philistæorum Numina fuerunt: BAALSEBUB, qui in Scripturis Accaronitis tribuitur 2. Reg. 1. & à Musca fuit dictum, *vel* quodd illas abigere sit solitus, *vel* quod hac sub imagine diabolus fuerit cultus, ab Accaronitis, *vel* quod ita dictus à Judæis in contemptum. In N. T. eidem respondet nomen Baalzebul, sive Deus stercoreus, Matth. 12. v. 24. DAGON, 1. Sam. 5. v. 4. Azotensium fuit Deaster, cujus nominis origo *vel* est [11], quod frumentum significat, *vel* 17 piscis; quamvis autem aliqua propriore sententia videantur militare argumenta, præfertur tamen posterior derivatio, quia ipsa figura illius desinit in piscem, in quo conspirant Kircherus, Abarbanel.

## XVIII.

Syri in Deum sibi legerunt GAD, quæ vox occurrit Gen. 30. v. 11. quam quidam accipiunt de sidere Fortunæ, quidam de stella Jovis, quidam de Marte, qui victoriam largiatur, & præcinctis militibus spolia dividat: allegato autem in loco eò respexisse Leam doceri nequit, nec admittunt promiscuè Interpretes illam versionem: venit Fortuna; sed præferunt quidam illam: venit Turma scil. filiorum. Interim non negandum, Esaie cap. 65. v. 11. sub ratione cujusdam Idoli usurpari hoc Nomen, cui jungitur MENI. De quibus ita Grotius in Commentario: QUI PONITIS FORTUNÆ MENSAM] 71 in Oriente, id est, Hebræis, Chaldæis, Arabibus, fortunam significat, sive bonam, sive malam, sed sæpius bonam. Inde factum est nomen idolo, quod Idumæi maximè, si Hebræis credimus, coluerunt. Vide, si libet, Beresith Rabba ad Genes. 27. v. 31. & adde quæ multi interpretes dixerunt ad Genes. 30. v. 11. Hieronymus



ronymus ad hunc locum. Est autem in cunctis urbibus, & maximè in Ægypto, & in Alexandria idololatriæ vetus consuetudo, ut ultimo die anni & mensis eorum, qui extremus est, ponant mensam refertam varii generis epulis, & poculum mulso mistum, vel præteriti anni, vel futuri fertilitatem auspicantes. Hoc autem faciebant & Israëlitarum, omnium simulachrorum portenta venerantes. **ET LIBATIS SUPER EAM** ] In Hebræo: Et impletis Meni libamen. Id est, *Jeû Mlwl*, quem deum cultum in Armenia & Phrygia discimus ex Strabone: meminit ejus & Jamblichus in vita Pythagoræ, quia autem id nomen proximè accedit ad מנח, quod est *numera-re*, ideò hic sequitur. Jungimus hisce illud Idolum, cujus mentio fit, 2. Reg. 5. v. 18. RIMNON dictum, quod Scaliger de Jove tonante accepit, alii de Saturno.

## XIX.

Huc referimus TERAPHIM in Domo Labanis Syri, de quibus Gen. 31. v. 20. Simulacra sive Imaginulæ, quæ ad certum stellarum positum factæ, ut apud Arabes *Talisman*. Mersennus ex Ebræis refert, quod caput fuerit acceptum alicujus pueri Idolis sacrificati, & sale & aromatibus conditum, atque super linguam ejus lamina aurea Dæmonis nomine insignita posita, sicque consulentibus responsa fuisse data; quæ tamen fabulosa videntur. Quamquam enim Laban non ab omni labe superstitionis fuerit immunis, eousque tamen impietatem in illius familiâ processisse, in quâ sibi Jacobus Conjuges legit duas, vix videtur probabile.

## XX.

Monstruosum verò planè fuit Ammonitarum מלכא, MOLO-CHUS scil., Milchom, aliàs dictus Rex devastationis, quem *quidam* pro Saturno, *quidam* cum Vossio pro Sole, *quidam* pro Marte habet, cui pueri mactati & cremandi oblati, de quo Levit. 18. v. 21. cap. 20. v. 2. & 3. & 2. Reg. 23. v. 10. nec tantum februasse filios suos, quò vergunt illa Maimonidis dicentis: accensus igne magno partem sui seminis accipiebant, quam dein sacerdotibus ignem servantibus tradebant. At sacerdotes, ubi filium accepissent, eum patri restituebant, quo ipse ex sententiâ suâ per ignem traduceret. Igitur pater filium permissu sacerdotum per ignem agebat. Pedibus autem jubebat transire, donec, flammæ quicquid erat, emensus foret, sed & ad minimū quosdā flammis

ustulatos tamdiu fuisse, donec expirarent, alii ex Rabbiniis asserunt, maximè Nachmanides; Ita enim ille: Volunt R. Salomo Jarchi & R. Moses filius Maimon: quod illum (pater) non combusserit, sed quod cuitus in hoc constiterit, ut traduceret eum tantum; & quod, postquam eum more illorum traduxisset, reatum contraxerit. Sed R. Moses filius Naahman statuit, quod per ignis flammam tamdiu eum traduxerit, usque dum egressa fuerit anima ejus. Rationes ejus extant in comment. Pentateuchi, quæ adornavit. Patet hoc tum ex *Psalm. 106.* tum ex ritu Idololatriæ hujus, de quo ita Hebræi: Pater tradebat eum, filium, sacrificulis, nomine Idoli, eo modo, quo scriptum est de legitimis sacrificiis: Et dabit ea sacerdoti, *Lev. 15. vers. 14.* Fieri autem potest, ut vel ventilent illam vel adducant Molocho, posteaque reducant Patri. Tunc ignem accendunt magnum, coram Molocho, acceptumque filium suum pater traducit per flammam ignis. Unde dicunt in Hierosolym. Non reus fit, usque dum tradiderit eum sacrificulis, eumque projectum traduxerit; Sed & ustulandos exhibuisse asserunt, tum ex origine hujus Cultus, fuit enim illa κακοζηλία ex Exemplo Abrahami detorto, de quo Eusebius *lib. 1. & 4.* non tantum autem traducendos, nec non Brentium in Caput *Exod. 24.* adde illud Christi *Matth. 5. v. 21, 22.*

## XXI.

Transimus ad Deastros cæterarum nationum, Græcorum, Romanorum, Germanorum; Græci sanè tam dediti fuerunt superstitioni, ut etiam idololatra gentilis ἱερεὺς sive Græcus dicatur, oppositè ad Judæum, verum Dei cultorem, *Gal. 2. v. 28.* Romani tam insani fuerunt in cultu Deorum, ut etiam Cicero, in tribus de Natura Deorum libris, contra Gentiles suos agat, atque Deum Epicuræorum, Deos Stoicorum planetas scil. & alios, & tandem Deos populares oppugnare laboret. Germani non tantum quædam propria Numina coluerunt, sed & aliudè asceverunt, nè inopia laborarent, Eusebius *lib. 5. præparationis Evangelicæ*, τὴν πᾶσαν θεονομίαν turbam omnium Deorum in septem classes dispescit, primò recensens sidera, secundò & tertio homines demortuos, quarto Affectus & Facultates hominis, quinto, quæ hominibus in usu vitæ sunt,

sunt, *sexto & septimo* Dæmones bonos & malos. Quid Gentium Apostolus desiderarit in Atheniensibus, liquet ex *Act. 17. v. 22.* quid accusarit, culpavit, reprehenderit in Gentilibus, patet ex *Rom. 1. v. 23.*

## X XII.

Non tantum autem Hesiodus in Theogonia triginta millia Deorum in Theatrum produxit, sed & Romani suos habebant Deos electos majorum Gentium, & populares Indigetes, Semones & minorum Gentium Deos selectos, quos Consentes vocabant, quia ab æthere usque ad Lunam descenderint duodecim Numero, quos hisce complexus est versuulis Ennius :

*Juno, Vesta, Minerva, Ceres, Diana, Venus, Mars,  
Mercurius, Jovis, Neptunus, Vulcanus, Apollo.*

Hisce juncti fuerunt octo illi populares, quorum cultus ab antiquo populo notus & frequens, Janus scilicet, Saturnus, Orcus, Liber; Indigetes dicebantur ab honore invocationis publico, & fuere tales juxta Ciceronem, qui *aut fortes, aut clari, aut potentes*, & post mortem ad Deos pervenerunt, quosque precari & venerari solebant Gentiles *vel* ob partam victoriam, *vel* Inventum quoddam hominibus utile, habitantes inter terras Lunæque meatus

*Semidei, quos ignea virtus*

*Innocuos vite patientes ætheris imi*

*Fecit, & æternos animum collegit in orbes.*

Quibus addendi Semones, infra cælum depressi, & Genii apparitores Deorum. JUNO Cretensium fuit Regina, Jovis maximi soror & uxor, de qua videatur Polydorus Virgilius *lib. 10. & 12.* Favit hæc conjugio, unde Jugatina dicta & Pronuba, Cinxia & Domiduca, Fluonia, Muneta, Lucina, Levuna, Cunina, Rumina, Nundina, Fabulina, Matrona, Sospita, Marturna, cui Iris fidissima Nuncia vocis; alterum *εὐκαρπία* ex prima Classe fuit VESTA, quæ *vel* Saturni Conjungem *vel* filiam illius designavit, prior erat Tellus, & quod vi stare, Vesta dicta, altera Domina Ignis & majori in veneratione. MINERVA è cerebro Jovis oriunda, Inventrix oleæ & Lanificii Magistra fuit. CERES Jovis ibidem Soror & Pellex, quæ, secundum Virgilium:

*Prima olim ferro mortales vertere terram  
Instituit, cum jam glandes, atque arbuta sacra  
Deficerent, Sylva & vitum Dodona negaret.*

Filiam habuit Proserpinam, quæ compressa à Plutone & merfa ingentis tristitia notas animo matris impressit. Et hæc est ipsa quæ etiam DIANA, & præses inferorum cum Raptore suo venationum Dea credita fuit, quia viva sylvas secuta & inhostita terqua ferarum: Vicaria etiam in partu ipsius Junonis, & aliis Munis, quam diversam fuisse voluit ab illa, quæ in tota Asia culta, in templo Ephesi structo, & 127. Columnis sustentato; de quo *Aëtior.* 19. v. 28. Non enim hæc venatrix, armata Arcu & sagittis, ut Hieronymus monet in *proæmio Epistolæ ad Ephesos*, sed illa, quam Græci Multimammiam vocabant. Sequitur VENUS, Jovis filia, quæ è mari dicebatur nata tanquam matre; unde Ausonius

*Concursum pelagi nuper genitalibus undis  
Cyprin Apellæi cerne laboris opus,  
Ut complexa manu madidos salis æquore crines  
Humidulis spumas pingit utraque comas*

Hæc fecunditatis parens, Spumarum fons, Myrto digna, stipata filio, ex Mercurio suscepto, Cupidine, qui sagittis instructus & Igne, quo pectora hominum succendit & perurit. MARS, Gradivus pater aliàs dictus, Jovis Filius, & ad exemplum patris impuris amoribus & homicidio infamis. MERCURIUS itidem Jovis famosi fuit filius, è Maja genitus, versatilis ingenii, dictus Cyllenia proles, Deorum Interpres, furum præsidium, Mendaciorum & Mercatorum patronus. JUPITER Cretensum Monstrum, Rex quondam, in sidera post mortem relatus, educatus in partibus Montium Cretæ, quos Diæte dicebant, pluribus, ut Juno Uxor, nominibus insignitus, pluribusque cultus à populis. Videatur Bochartus in *Phaleg. partè prima de Jove Ammonio*. NEPTUNUS, Jovis fuit frater, Maris Domitor & Piratarum princeps. VULCANUS, Junonis fuit filius, Lemnum occupavit & Maris Tyrrhenii vicinas Insulas, officinas ferrarias construxit, arma & alia instrumenta parare docuit. APOLLO, Jovis & Latonæ filius, Musica se commendavit Arcadibus, divinationibus credulæ Turbæ, Medicinâ, carminum inven-

inventione, & Regimine pecudum; nec non jaculandi peritia, ferturque cum Vulcano Mœnia Trojæ exadificasse.

## XXIII.

Dii verò populares fuerunt JANUS Filius Cœli, quem Noachum conjiciunt, profectum ex Oriente in Italiam, quanquam Vossius Janum non tam hominem, quam Solem designasse existimet; Bochartus autem in *Phalæg. lib. 1. cap.* Saturnum demonstrari velit fuisse Noachum sequentibus: Quia 1. Omnium qui post diluvium vixerunt, communis parens sit Noe. Ita Saturnus in Orphei hymnis *πρωτογενέτης & γενάρχης* appellatur. Et ejus uxor Rhea,

*Μήτηρ υἱὲν θεῶν ὑδὲ θεῶν αὐτογενέτης.*

2. Noe non justus modò, sed & justitiæ præco sedulus, cum eo vixerit sæculo, quo hominum mores erant perditissimi, nihil non egerit, ut illos ad veræ pietatis normam verbo & exemplo reduceret. Saturnum itidem regem justissimum fuisse volunt, adeoque pro virili homines sui temporis ex agresti vita ad humaniorem cultum transfuisse, & propterea magnos honores consecutum, multa orbis loca peragrasse, & omnes ad justitiam & animi simplicitatem induxisse: Diodori verba sunt lib. 5. Bibliothecæ. Neque aliter Aurelius Victor in libro de origine gentis Romanæ: Feros homines & raptò vivere assuetos ad compositam vitam traduxit. Quibus hæc summi poetæ consona Aet. lib. 8.

*Is genus indocile & dispersum montibus altis*

*Composuit, legesque dedit.*

3. Inter diluviū tempus & Phalegi nativitatē annī centum intercesserunt, per quos, orbe nondum diviso, Noe in universum genus hominum, ut pater in liberos, naturale habuerit imperium. Hæc est scribit Poëtarum ætas aurea sub regno Saturni, qua homines, ut fabulantur, omnia in commune possidebant: Rex Saturnus (inquit Trogus apud Justinum lib. 43.) Tantæ justitiæ fuisse fertur, ut neque servierit sub illo quisquam, neque quicquam privatæ rei habuerit, sed omnia communia & indivisa omnibus fuerint, veluti unum cunctis patrimonium esset. Et Virgil 1. Georgic.

*Nec signare quidem aut partiri limite campum*

*Fæc erat.*



Et Ovidius lib. 3. Amorum Eleg. 7.

*Signabat nullo limite fossor humum.*

Quod de eadem ætate habetur in Hesiodo,

*Cælorum imperium dum Rex Saturnus habebat,*

*Diis similes summâ degebant pace, nec ullus*

*Hic labor aut erumna fuit.*

Id, inquam, videtur sumptum ex vaticinio Lamechi de Noâ Gen. 5. v. 19. Iste consolabitur nos de labore nostro, & de dolore manuum nostrarum, de maledictione, quâ dominus terræ maledixit: Eodem pertinent hæc Telecliidis apud Athenæum lib. 6.

*Primum quidem omnibus pax fuit, ut manibus aqua,*

*Nec quæ metum afferrent, nec quæ morbum terra generent.*

Et quæ de Saturno habet Martialis lib. 12. Eigr. 63.

*Antiqui Rex magne poli, mundique prioris,*

*Sub quâ pigra quies nec labor ullus erat.*

5. In eodem sæculo terra tota unius erat sermonis, teste Propheta Gen. 11. v. 1. Quod fabularum confarcinatores extendunt usque ad bestias. Inde est, quod sub Saturno volunt communem aliquam fuisse linguam homini & brutis. Plato in Politico: Saturni alumni tanto otio & facultate non solum cum hominibus, sed & cum bestiis colloquendi, hisce omnibus ad philosophiam utebantur. 6. Noe Gen. 9. v. 20. appellatur אֱדֹמִי vir terræ, id est agricola. Tale vir belli, pro milite Jos. 5. v. 4. vir brachii pro robusto Job. 22. v. 8. vir sanguinis, pro sicario vel homicidâ, 2. Sam. 16. v. 7. vir pecoris, pro opilione Gen. 46. v. 23. vir verborum, pro diserto, Exod. 4. v. 10. vir labiorum, pro multiloquo, Job. 2. v. 2. vir linguæ, pro maledico, Ps. 140. v. 12. Nulla phrasis usitatio. Tamen de Noâ, vir terræ, sic fuit sumptum à Mythologis, ac si terram sive Tellurem Deam duxisset in uxorem: Tellus enim eadem, quæ Rhea Saturni uxor. 7. Sed cum alios non lateret ad agricolæ & vinitoris descriptionem hæc pertinere, Noe cepit esse vir terræ, & plantavit vineam, Saturno etiam agrorum & vitium cultus tribuerunt. Aurelius Victor suprâ: Isque primus agriculturam edocuit. Plutarchus in *Pæmænis quest.* 42. fructuum virtuti aut agriculturæ Deus ille præest, hoc enim falx significat. Et in ejusdem parallelis Saturnus Icarium docuisse legitur vini usum & vitis cultum. Sic apud

apud Macrobiū Saturnal. lib. 1. cap. 6. Huic Deo institutiones sarculorum, pomorumque educationes, & omnium ejuscemodi fertilitium tribuunt disciplinas, Et Janus ibidem à Saturno edoctus peritiam ruris, ejus simulachro falcem insigne messis adjecit. Ita de Jano Servius in S. Æneid. Quem cum docuisset Saturnus usum vinearum & falcis &c. 8. Quinetiam quia vir sanctus vino succubuit semel, fortasse nondum expertus ejus vires, in ejus facti memoriam, Saturnalibus more receptum erat, multo mero se ingurgitare, & Saturnus ebrietati præesse credebatur. Proinde in Luciano dicit Saturnus, sibi curam esse commissam plausus, cantus & ebrietas: Et Saturnalium septem diebus sibi non licere serium quicquam aggredi, sed inebriari & bibere & vociferari. 9. Eodem Saturni festo, ut refert Athenæus lib. 14. Romanis in more fuit, ut servos convivio exciperent, & servilia ministeria ipsi obirent. Quod ipsum non Romæ solum & in Græciâ, sed & Babylone usurpatum, docet ibidem Athenæus ex Beroso. Noe videlicet Chamum execratus prædixerat, fore ut ejus posterī servi essent servorum: Atque id impletum in Chananæis, tum cum subire coacti sunt Israelitarum jugum, qui Ægyptiis diu servierant. Sed Chami posterī, quos Græci postmodum & Romani imitati sunt, seriam maledictionem convertere conati sunt in rem ludicram, quasi oraculum impleturi, aut elusuri verius, hâc servitutis imagine. 10. Occasio anathematis à Noâ in Chamum contorti hæc fuit; quod vidisset אֲנִי עֵרֹת אָבִי patris sui verenda nuda, atque oculos suos hoc spectaculo pavisset. Fuit id ex parte notum Poëtis, qui latam à Saturno legem esse fingunt, quâ sancitur, ne quis Deos nudos impunè contempletur. Proinde in Callimachi hymnis Minerva, cum Tiresiam occæcasset, quâ lavantem illam viderat, apud Tiresiæ matrem factum ita excusat.

— non per me perdidit ille oculos.

*Nec mihi luminibus pueros orbare voluptas;*

*Ast à falcigero lex sene lata jubet,*

*Ut pœnâ graviore luat temeraria, quisquis*

*Audet in invitos lumina ferre Deos.*

11. Etiam id notandum, quod in Timæo Platonis, Saturnus & uxor Rhea, & qui cū eo fuerunt, ex Oceano & Thetide nati dicuntur, Noe scilicet cum suis ex aquis diluvii tanquam ex matrice emerfit. 12.

Itaque

Itaque navem prisca Romani Saturni symbolum esse voluerunt. Quò quidem recentiores navim illam significari statuunt, quā in Italiam scilicet advectus est. Ovidius lib. 1. Fastorum:

*Et bona posteritas puppim signavit in ære,  
Hospitis adventum testificata Dei.*

Macrobius ubi de Jano: Quum primus quoque ære signaret, servavit & in hoc Saturni reverentiam; ut quoniam ille navi fuerat advectus, ex una quidem parte sui capitis effigies, ex altera verò navis exprimeretur: quo Saturni memoriam etiam in posteros propagaret. Æs ita fuisse signatum hodieque intelligitur in alex lusu, cum pueri denarios in sublime jactantes, capita aut navim (Gall. croix eu pile) lusu teste vetustatis exclamant. Eadem legere est in Aurelii Victoris libello, quem citavimus de origine gentis Romanæ. Plutarchus ita in Πρωγονισ ad quæstionem: cur nummi veteres ab una parte habuerint Jani bifrontem imaginem, ab altera, navigii puppim aut proram insculptam? à plerisque asseri dicit, id fieri, in Saturni honorem, qui navi in Italiam trajecerit. Quod tamen docet post modum, à se non probari satis, quia cum multis aliis Saturno commune id fuit: Janus etiam & Evander, Æneas mari in Italiam appulerunt. Itaque videntur veteres symbolo navis aliud significasse, nempe arcam Noe, quā cum suis servatus est ab universali Cataclysmo. 13. Neque id Assyrios prorsus latuit, quamvis facti veritatem commentis suis obscuraverint, ut gloriæ uni Saturno, id est, Noë debitæ portionem aliquam Regi suo Xisuthro tribuerent. Sub illo nimirum narrat Alexander Polyhistor, magnum fuisse diluvium, & servatum fuisse Xisuthrum, cum ei, quid futurum erat, Saturnus prædixisset, fabricandam ipsi arcam, & in eā cum volucris, reptilibus atque jumentis esse navigandum. Ita etiam in Abydeno, Saturnus quidem præsignificat magnam imbrium vim futuram. Sed Xisuthrus Rex in Armeniam navigavit, ut cum eò contenderet, vera esse deprehendit, quæ Deus prædixerat. Tertia autem die, postquam remiserat tempestas, aves quasdam emisit, experimentum capturus, an ex terræ aliquid visuræ essent ex mari extans: illæ verò ab immenso pelago exceptæ, cum deesset locus ubi confiderent, ad Xisuthrum retro rediere, & post eas aliar.



aliæ. Ita uterque scriptor diluvii vatem Saturnum ab eo distinguit, qui implevit vaticinium, cum in Scripturâ idem Noe, qui à Deo monitus diluvium prædixerat, etiam arcam fabricaverit. Sub Xisuthro verisimile est, Tigrim & Euphratem in Babyloniâ aliquanto plus solito exundasse, atque huic inundationi ea tribuisse Assyrios, quæ contigerant sub generali diluvio. Sic in particulari Theffaliæ diluvio Deucalionem etiam in arcâ evasisse, & ex eâ columbam emississe, tradunt Græci scriptores. In his ita Plutarchus: columbam ajunt ex arcâ emissam Deucalioni indicem fuisse, cum rediret, tempestatis, cum avolaret, sereni cœli. Quod pænè omiseram, ad diluvium id quoque pertinere puto, quod Saturnum Poëtæ vorasse omnes liberos, præter tres illos *πλυβρυχῆτους*, Jovem inquam, Neptunum & Plutonium, qui soli superstites orbem universum inter se dividerint finxerunt. Noe quatenus Propheta & Pastor aliquomodo pars fuit etiam mundi prioris: quem damnavisse legitur *Hebr. 11. v. 8.* quia vaticinio suo diluvii pœnis addixit. Quippe ex Scripturæ phrasi Prophetæ dicuntur id facere, quod futurum prænuntiant. Sic *Gen. 49. v. 7.* Divisi eos in Jacob, & dispersi in Israel: Divisi & dispersi, id est prædixi dividendos & dispergendos. *Ezech. 43. v. 3.* Quando veni ad perdendum civitatem, id est ad prænuntiandum perdendam, ut rectè Junius. Hinc Deus legitur cedere per Prophetas *Os. 6. v. 5.* & præfecisse Jeremiam gentibus & regnis ad extirpandum & destruendum & disperdendum & dissipandum. Eo sensu Noe consumpsit omnes homines, id est prædixit consumendos. Tres solum superfuere, nimirum Sem, Cham & Japhet, qui orbis imperium inter se distribuerunt. Hi sunt tres Saturni liberi quos habuit in regno successores. SATURNUS itidem cœli filius dictus à satu, secundum Festum & Macrobius, qui Cretam incoluisse dicitur, & victimis humanis Aras cruentasse; cum Adamo, primo parente Generis humani, quidam illum confundunt, & nomine *ΓΝΩ* quod latere significat, Imperii conditionem, agriculturæ studium & alia urgent; Justinus illum Regem Italix facit, cujus tempore omnia fuerunt communia omnibus, veluti unum cunctis patrimonium esset. GENIUS quem à prima origine homini, & quidem masculo, assistere finxit cœca Gentilium ratio, de quo Tibullus *lib. 2. Elog. 2.*

*Pars Specialis*

*K*

*Ipse*

*Ipse suos adfit Genius visurus honores ,  
 Cui decorant comptas mollia farta comas ;  
 Illius puro destillent tempora Nardo ,  
 Atque satur libo fit madeatque mero .*

& ut hominibus associavit Genios , ita & Regionibus , Montibus , Vallibus , Aquis & cæteris locorum generibus. SOL, qui Mithra Persis, Orcus sive Jupiter stygius , Bacchus sive Liber pater, Filius Noctis ac Erebi, vel potius Jovis è Semele De quo consulendus Natalis Comes , Ægypti Princeps & Victor Indorum, iucundæ Consitor Uvæ. TELLUS Saturni Uxor, cum qua in Cretam ex Oriente movit, & Latium deinde, cui servierunt Ambubajarum collegia, Nolæ, Cymbala, Tibiæ, Tympana, Tubæ. LILIANA, quam cum Junone quidam confundunt, quidam eandem volunt cum Diana & Proserpina, non videtur multum diversa ab Astarthe Dea Phœnicum; credita fuit à Plutone post mortem in maroris temperamentum ad reditum sollicitata, sed frustra, & in ordinem syderum relata.

## XXIV.

Succedunt Indigetes & Semones, quorum illi fuere HERCULES, Jovis & Alcumenæ filius, Lustrator Orbis, purgator terrarum, Gentium domitor, Princeps ἡρώων; CASTOR & POLLUX fratres è Leda, socii Herculis & commilitones. Meminit illorum Lucas in Actis. Hodie duo Ignes sive flammæ, adhærentes antennis navium tempestate desæviente, ita appellantur, oppositi Syderi Helenæ, quæ ut Græciæ excidium attulit, ita infortunii indicium à Nautis habetur, & signum imminentis periculi; illis vero post Cœlum & Mare confusum apparentibus, Spes affulget serenæ tranquillitatis post nubila emerfuræ, de quo videatur Illustris Radzewil, in scripto Germanico de suscepta peregrinatione in Terram sanctam. ÆSCULAPIUS Apollinis filius, Nepos Latonæ, qui à Patre edoctus Medicinam, professione inclaruit, primum hanc Artem exercuit Epidauri, postea ulterius ad Græcos & Insulanos progressus mira præstitit, relatustandem inter Sydera & Serpentario signatus. QUIRINUS à Quiri sive hasta ita dictus, qua se armavit, ille credebatur Martis pullus, quem Julius Proculus jovit, affirmando, se vidisse forma illustri in Cœlum receptum, & armatum in Deo-

FIN



rum numerum assumptum, cum Consensu Senatus fuisset occisus, de quo Liv. lib. 1. Hi verò, VERTUMNIS, ex Hetruscis oriundus, qui condente Romam Quirino, multitudine hominum auxit Ponriopolim, Vinearum & Hortorum culturam curavit, & Mercimonia instauravit, quo Beneficii genere ita devinxit suos, ut etiam illi inter Deastros aliquem locum facerent. PRIAPUS Bacchi proles & Veneris, ut quidam volunt, Hortulanus & custos furum, atque avium cum falce saligna; Portumnus alias quoque dictus, & eruditus ostendere navigantibus portus contra injurias maris & cœli, qui meticulosos exciperent. CABIRI & CURETES Deorum fabri, periculorum ex procellis & fulminibus oriundorum Averrunci, ut hodie Dæmones, quorum periapta sibi aptant milites contra ictus ensium & globos bombardarum; addimus GANYMEDEN, egregium Deorum pocillatorem,

*quem præpes ab Ida*

*Sublimem pedibus rapuit Jovis armiger uncis,*

Trois Phrygiæ Regis filium, quem piratæ subduxerunt, & Jovi donaverunt.

## XXV.

Superfunt Dii rusticani, Satyri scilicet & Sileni, Magorum coluvies & appendix Turbæ Liberi patris, Nymphæ aquarum præfides & incolæ, nec non Montium Numina, Spectra & Dæmonum imagines, Faunique, originem ducentes à FAUNO Mercurii filio, Satyris affines. Unde Poëta:

*Cornipedes Satyri, sylvestria Numina Fauni,*

in Sylvis & aliis quandoque locis apparentes, unde Silvani nomen, de quo Virgilius,

*Silvano, fama est, veteres sacrâsse Pelagos*

*Arvorum pecorumque Deo lucum.*

Tritones Aquis innatabant, quorum Dux PROTEUS & NEREUS Oceani filii; referebat TRITON hominis hirsuti faciem ad inferiora, quæ desinebant in piscem, cærulâ conchâ exterrens fretum; In rei veritate autem nihil erant illi Tritones, quam spectra marina, Diaboli sub figura descripta apparentes, homines terrentes, & sui cultum affectantes. PAN, Deus Arcadiæ, Filius Mercurii, sanguineis ebuli baccis minioque rubens: Ultricularius, pater tibia-

rum, quibus ludere solent & tempus fallere pecudum Custodes, hic Syrma habuit & satellitium hispidum Faunorum & Satyrorum, qui agminatim ipsum insequabantur. Memorabile est, quod Eusebius recenset *lib. 5. præparationis Evangelicæ cap. 9.* Thirannum quondam, cum tempestate pulsus appulisset Insulam Pazas, audivisse vocem: quando juxta paludem fueris, annuncia tunc, Pana magnum mortuum esse, quod relatum ab illo, ingentem mortem & dolorem cum lachrymis in Italia concitaverit.

## XXVI.

Germani veteres, qui quondam quoque peregrini & extra Rempublicam Israelis sacram, destituti promissionibus Testamentorum, ut solent homines sibi relictæ, ad Numina conficta animum applicuerunt, & nunc hoc, nunc aliud Idolum, vel in mente, vel etiam extra illam in signo exteriori sibi fabricarunt. Julius Cæsar, *lib. 6. de Bello Gallico*, Germani, inquit, Deorum numero illos solos ducunt, quos cernunt, & quorum opibus aperte juvantur, Solem & Vulcanum & Lunam, reliquos ne famam acceperunt. Collegit Cluverius, priscos Germanos unum verum æternum Deum in Trinitate coluisse sub Solis Lunæ atque Ignis nominibus. Tacitus, *libro de Germanorum moribus*, scribit, Germani Deorum maximè Mercurium colunt, cui certis diebus humanis quoque hostiis litare fas habent. Herculem & Martem concessis animalibus placant; pars Suevorum & Isidi sacrificat. In commune ERTHAM, id est, terram matrem colunt, eamque intervenire rebus hominum, inveni populis, arbitrantur. Quanquam verò Cæsar Mercurii non meminerit, tamen de Gallis vicinis refert, Deum maximè Mercurium colere, hujus esse plurima simulacra, hunc omnium inventorem artium dicere, hunc viarum atque itinerum Ducem, hunc ad quæstus pecuniæ mercaturasque habere vim, maximè arbitrari.

## XXVII.

Coluerunt itaque Germani Solem, quem alii Apollinem dixerunt, Plato enim, Macrobio teste, Solem *ἡλιόθεον* cognominatum scribit *ἡλίου τὸ πῦρ καὶ τὰς ἀστέρων*, id est, à jactu radiorum. Vulcanum sive Martem Armorum inventorem & fabrum, qui, secundum Homerum, hominum occisor, Urbium populator, & Geticis præ-

præsidere arvis creditus, qui Celtarum Taran, cuius Lucanus meminit lib. 1. Pharf.

*Et Tharanis Sæhytica non mitior arca Dianæ*

Germanorum DONNER / unde Donnerstag / Latinorum Jupiter. Lunam denique, unde quidam Julium Cæsarem propè Lunæburgam montem vicinum per amica silentia Lunæ investigantem & Arcem superstruentem statua posita asininis auribus vestita, & Lunæ imaginem manu tenente, cultum illius in istis locis stabilivisse opinantur, quod tamen in medio relinquimus.

### XXVIII.

Nec negari potest, in cultum Mercurii illos quoque pronos, & vel maximè illi honorem divinum detulisse. Nam, si Ægyptii & Græci, quem Romani dixerunt Mercurium, vocarunt Θιῶν, *Theuth* vel *Teutatem*, ut constat ex Platone, Cicerone & Lucano, nomen inde duxerunt Teutones, sive ἑρμῆς Græcis dictus, sanè inde erunt nomina Germanorum Herminones, Arminii, Irmines, Hermanni, Irminfridi, Irmingarii, Irmingildi, &c. Deniq; est GODAN, qui præcipuus fuit DEUS, unde adhuc vocabulum GODAN / *Godan*, unde Godanus sinus, Godanum sive Dantiscum: consulantur Lactantius lib. 1. cap. 21. Minucius Felix, Adam Bremenensis, Abbas Urspergensis, Evedius in sermone quodam de Antonio Valeriano, ad ripam Danubii Cive. Ardentes fuerunt in hoc cultu Franci Orientales & Heruli, processit quoque hoc malum & latè serpsit, arâ erectâ Mercurio in Galliis, quam Maternus demum evertit, in Hispania depresso Tumulo Mercurii Teutatis à Scipione, de quo Livius lib. 26. Addam quædam de Toth sive Taauto Phœnicum & Ægyptiorum Doctore, à quo in cultu instituti sunt, qui ad Græcos à Cadmo Agenoris filio delatus, ex Sanchuniatone, qui ita scribit: Natus est Misore, Scriba Saturni fuit, Cælo geniti &, quia artibus magicis præstabat, earum ope juvit Saturnum cum patre belligerantem. Nam Hermes ille artibus magicis Saturnios milites instruit, ut commisso prælio victoriam reportaverint, fugatoque Urano, id est cælo, Saturno vacuam possessionem regni fecerint. Is regno suscepto Byblum condidit, & triginta duobus annis cum Urano exule bella gessit, tum parentem per insidias cepit, eique virilia exsecuit in ultionem ejus rei, quod Terræ matris Saturni conjugio dehonestato

stato è multis pellicibus genuerit. Durante bello Saturnus Atlantem fratrem in foveam ingentem demissum terra injecta vivum obruit. In quo facinore Taanti hujus consilio usus esse dicitur. Hæc in Phœnice gesta sunt, quæ deinde gentiliū Theologi & Poætæ ænigmatis involverunt. Hæc sunt Saturni secula, de quibus Poeta: *Aurea (sic perhibent) illo sub rege fuerunt Sacula.* Divina in illum vindicta sæviit, cum Jupiter Belus hunc Saturnum parentem suum regno ejecit & in Italiam usque persecutus est. Sceleratissimi regis servus impiissimus Hermes ille Trismegistus erat, ut quidam conjiunt, unde meritò inscitiam aut incogitantiam detegimus eorum, qui ipsum divinum hominem fuisse & Mosi prope parem scribunt. Sit sane peritus Physiologicæ, fuerit homo versutissimus, fuerit ingenio magno & multiplici sapientiæ; At magus, Satanæ mancipium, Apostasiæ præceptor, scelerum denique officina fuit. Concedam eum Diabolicæ Astrologices, quæ signis & characteribus virtutes siderum evocare & in idola illigare profitetur, insignem fuisse artificem, sed hanc à Satana magistro hausit. Verum est, à patribus illi multa adsignari, quæ omnem admirationem superant. Ea ferè sunt supposititia. Nam superfuere quidem illis temporibus, cum dæmonum cultui sese tradiderant, insignes reliquæ Patriarchicæ doctrinæ, quia prima idololatria non mera, sed junctim cum Summi Dei cultu, ab illis suscepta erat. At nemo credat, Hermetem illum similem fuisse Balaami, qui quamvis prophetiæ donum haberet, tamen idolis & dæmoniis simul cum Deo vero servivit. Nihil enim fani superfuisset in profano homine Sanchuniatho abunde testis est.

#### X X I X.

Martem quoque in precio fuisse, Historia docet. Testis esse potest è Sacris Scriptoribus Lactantius, ex profanis Caesar *lib. 4. Comment. Bell. Gall.* qui de Celtis scribit, illos Martem bella gerere arbitrari. Tacitus *in lib. de Moribus Germanorum* Martem concessis animalibus placant, addit illi Herculem, qui forsan ille ALEMANNI CUIS, Pharaoni submergenti Ebræorum pueros *מִצְרַיִם*, qui è vivis excedens inter Deos relatus & cultus fuit, conditor censetur esse Bojorum, cujus insigne Leo fuit æreum signum, in Reichauw Cœnobio Sueviæ hæctenus servatum Lucanus *lib. 1. Pharsal,*

*Et qui-*

*Et quibus immitis placatur sanguine caso*

*Teutates borrensque feris altaribus Hesus.*

Ex junioribus Scriptoribus Petrus Albinus refert, cives Urbis Mersburg usque ad tempora Caroli Magni duos veneratos fuisse Dea-  
stros, Martem scil. & ZUTTIBERUM, cui posteriori Lucum con-  
secrarunt sive Quercetum, ex quo nemini ne ramum quidem de-  
cerpere fas fuerat, singulisque annis stato die ingentem copiam ho-  
minum ad hunc locum & Lucum confluisse, duravitque hæc ne-  
fanda idololatria usque ad tempora Wigberti tertii Episcopi hujus  
Urbis, Henrico Imperatore circa annum Christi 1007. excindente  
Dæmonolatriæ dicatam sedem: ipsum sanè oppidum, à Marso Re-  
ge Germanorum extructum, cognationem aliquam cum Marte in-  
sinuat sive vocem Mars sive *Arens* consideres; vestigia hujus Cul-  
tus adhuc deprehendunt in nomine *Dinstag*/ quam Dani *Thindag*,  
alii *Dingestag* vocant. *Ding* verò sive *Ting* forum judicum &  
litem significavit priscis.

### XXX.

Nec suffecit etiam Gradivus, sed addidere Venerem Mers-  
burgenses, unde adhuc Mons Veneris in vicinâ; Magdeburgenses  
maximè illam sibi voluerunt esse propriam; unde referunt Historici  
ex Crantzio & Albino, quod propè Arcem fuerit Templum Vene-  
ris, quod vel Julius vel Drusus, qui illam suam Partheniam vocavit,  
extruxerit, in quo steterit super curram nuda femina: huc respexisse  
videtur Tacitus scribens: pars Suevorum & Isidi sacrificat; quam-  
vis enim quidam de Luna vel Minerva vel etiam Diana hoc acci-  
pant, commodius tamen dicitur, illam designasse Venerem. Culta  
fuit illa maximè à Vindelicis, unde forsan insigne Urbis Augusta-  
næ nux pinea; cui Isis habita sit magna Denm Mater, cui pinus sa-  
cra; supersunt quoq; vocabula, quæ FREAM vel Fredam à Germa-  
nis dictam arguant scil: *Freyen*/ *Fryen*/ *Freyden*. addimus ea, quæ  
habet Lindebrogius in *Vita Caroli Magni* pag 68. scribens: Die An-  
nales oder Jahr-Bücher der Stadt Magdeburg berichten/ daß diese  
Abgöttin zu Magdeburg in dem alten Römischen Schlosse/ so des  
Burggrafen Schloß hernach geheissen / an der Elbe/ dahin nach-  
mals S. Marien Magdalenen Kloster gebauet worden/ auff dem  
alten runden Ziegelfteinern Thurn gestanden sey/ den man sonst  
auch



auch den hohen Thurn heist / und noch heut zu Tage stehet / und für den alten Schloß oder Burgethurn / so allda vom Druso erbauet worden / gehalten wird. Andere / wie auch Brotuff / schreiben / daß die Abgöttin Venus etwas weiter von der Burg hinauff nach der Elbe warts / in einem besondern Tempel gestanden / welcher auch hernach / da gleich der Flecken und die Burg Magdeburg von den Hunnen und Wenden zerstöret / dennoch umb der Göttin Veneris willen / stehend geblieben. Denn auch die Heyden der Tempel / umb ihrer Götter willen / in den Kriegen verschonet / und sie unbeschädigt gelassen / daß demnach auch der Tempel Veneris allda übergeblieben / und die Venus darinn von den Bölckern und Sachsen / so zwischen der Elbe und Saale gewohnet / geehret worden / bis zur Zeit Caroli Magni, der diesen Tempel mit der Veneris zerstöret / und stadt desselben eine Kirche in die ehre S. Stephani erbatet haben soll. Es soll auch ein Fanum Veneris zu Siburg oder Sieburg in Westphalen gewesen sein / dertwegen es etliche von Syba der Abgöttin verstehen / und das Wort sein daher deriviren, da es vielleicht besser castellum victoriae heist; wie auch unter Werben in der alten Marck dergleichen Name sein soll.

## XXXI.

Non alieni etiam fuerunt à cultu Saturni, qui Crodo Saxonibus: in Arce enim Hartesburg ad Sylvam Herciniam juxta montem Meliboci den Brocksberg / & Urbem Goslariensem incolæ loci & vicinarum partium illam coluerunt, qui à Lindebrogio ita describitur: Des Bildnus in eines alten Mannes Gestalt auff einer Seuf gestanden / in einem Hemde / Barfuß / und auff einer Persele oder Parsfisch / mit einem leinen Schurz gegürtet / hat in der linken Hand ein Rad gehalten / in der Rechten einen Eimer voll Wassers / darinnen Rosen / Item allerley Früchte / als Äpfel / Birn / &c. geschwommen. Durch die Blöße des Hauptes und Herzens / haben sie dem Bilde und Gottesdienst Saturni nachgeschlachtet / und zugleich daneben anzeigen wollen / daß ihm / als einem Gotte / mit entblößtem Haupte und aller Keberens / auch unbedeckten und unverholenen Herzen / gedienet werden solle.

Durch

Durch die freyschwebende Kleidung und Fessel/ erinnerten sie sich ihrer Freyheit/ dafür sie mit Darstreckung Leibs und Gutes streizten/ und sich wider ihre Feinde/ gleich wie der Barsch gegen dem Hecht streuben/ und wehren sollten. Dazu dann von nöten/ daß sie gleich wie ein Rad sich miteinander folgerden/ in einen bund schlossen/ und für einen Mann zu hauff hielten/ wie durch das Rad in der lincken erinnert ward. So vermante sie auch das weisse/ und mit den Fessel oder Bande umschurzte Kleid/ das sie in ihrem Verbundniß und Freundschaft/ rein/ ohne Flecken/ Betrug und Falsch seyn/ und unauflöslich zu hauff halten sollen. Der Eymmer aber mit Wasser/ Rosen und andern Blumen und Früchten gefüllet/ bedeutete daß Saturnus und Crodo, wol ein Ursach der Kälte:/: wie dann der Planet Saturnus gemeintiglich Kälte bringt:/: aber dennoch ein Gott der Fruchtbarkeit wäre/ der die blüende Rosen und andere Früchte wachsen liesse/ darumb man ihn umb gut Gedeihen aller Früchte/ und für Abwendung schädlicher Kälte anrufen sollte. Der Ort da der Crodo gestanden/ soll noch heutigs Tags gesehen werden im Eingang des Schlosses/ wann man zur rechten hinauff steigt. Also ist dieser Abgott Crodo auch von den Sachsen und Hargländern/ so zwischen der Saale/ Unstrut/ Bode und Oker gefessen/ für einen Gott gehalten worden. In der altnordischen Chronicken wird berichtet/ daß man diesen Abgott Crodo auch zu Garleben neben der Isis angesbetet/ und die Statt davon Crodonleben/ genant habe. Welcher Name unrecht/ dann es von der Garde oder custodia bellica den Namen hat/ und wird von Saturno verstanden. Woher der Name Crodo komme/ kan man eigentlich nicht wissen/ allein weil die Sachsen damit dem Saturno nachgeahmet/ welcher Griechisch Κρόνος heißt/ daher dann seine Festa die Griechen Chronia/ die Lateiner Saturnalia nennen/ ist vermuthlich/ daß von diesem wort Κρόνος der Name Crodo durch Wandlung des n. in d. und Wegwerffung des letzten Buchstabens gekommen sey. Unde alii quoq; observant, quod locus, in quo stetit illud Idolum, adhuc ostendatur in aditu arcis ad dextram: forsan dictus est illis ita, quia Saturnus græcè vocatur Κρόνος, unde facilis, exemto n. & substituto d. adjecta etiam litera finali, delapsus in Crodo: à Saturno antiquum, Satertag/ hodie

Sambstag. Sublatus est Crodo à Carolo M. nomine adhuc superstite & in detestationem adhibito rei pessimæ.

XXXII.

TRIGLA Vandalorum & Stetinenſium fuit Idolum, cui Templum in Monte Harlingorum dedicatum. Pirnensis refert, ſuo adhuc Tempore circa Annum Chriſti 1526. Idolum illud, cui caput erat tribus Imaginibus formatū & Luna curvata in manibus, ſtetiſſe, cujus Ideam exhibuit Lindenbruch, addens: Trigla iſt fürnemlich der Wenden umb Brantenburg Abgott geſeſen/ dem ſie auch auff der Harlunggerberg einen Tempel gebauet/ da hernach ein Kloſter/ Præmonſtranz-Ordens/ daraus gemacht worden. Pirnensis ſchreibt / daß man noch zu ſeiner Zeit/ als umb das 1526. Jahr / ein Bild das ſelbſt geweiſet/ ſo empor in einem Winckel geſtanden/ welches ein Haupt und drey Angeſichte/ Item/ wie wir ſonſten berichtet werden/ einen halben Monden in der Hand gehabt. Juſtus nennet die Kirche zu unſer lieben Frauen / ſo von Primislao der Wenden König/ kurz vor deſſelben Tod geſtiftet/ und darinnen er begraben. Wie der Brotuff meynet/ daß aller Wendischen Abgott Tempel daſelbſt in der Burg von Brandone gebauet/ da jezt der Thum ſtehet/ geſeſen ſey/ wievol er anders wo ſolcher Götzen auch auff dem Berge gedendet. Sabious thut dieſen Bericht davon / in dem Büchlein de Brandeburgo Marchie Metropoli: Sed nihil perinde ornat utranque civitatem, ut illud temp'um Beatæ Virginis, quod Imperator Henricus Auceps extruxit, &c. Eo in fano ſtabat triceps Idolum Trigla dictum, quod olim Venedi ſumma veneratione coluerunt. Id Dianæ fuit ſimulachrum. Aber nichts zieret die Statt ſo ſehr/ als der Jungfrau Marien Kirchen/ welche Keyſer HENRICUS AUCEPS, zum Gedächtnis ſeines Sieges wider die Wenden / auff der Harlungger Berge fundirt und geſtiftet 2c. Vorzeiten war in dieſer Kirchen ein Dreyköpffiger Abgott TRIGLA genant/ den die Wenden höchſt geehret haben. Es war aber ein Bildnus der Abgöttin Dianæ. Dann der Griechiſche Scribent Euthathius meldet/ daß Diana ehemals Trigla ſey genant worden. Darzu dann der Mond/ ſo dieſes Bild/ wie jezo gemeldet/ für ſich ſoll gehalten haben/ klärlich ſtimmet. So haben die Wenden ſonſten auch einen Monden in ihren Wapen geführt/ wie Enzelius ſchreibt.

schreibt. Warum aber die Diana mit dreyen Köpfen gemahlet worden/ wird von etlichen diese ratio fürgebracht/ daß eben dieselbe Göttin am Himmel Luna genennet worden/ auff Erden Diana, in der Höhle Proserpina. Dem Herrn M. Petro Albino gibt es die Gedanken/ wie er schreibt: Weil/ wie wir zuvor erwehnet/ so wol der Suevorum Isis, als der Slavorum Trigla, von der Diana aufgelegt wird / ob sie einerley gewesen/ und die Wenden ihre Triglam von den Suevis, in derer Lande sie zwischen der Elbe und Oder kommen/ bekommen haben. Sabinus schreibt/ daß Christiern König in Dennemarck/ als derselbe im Elende herum gezogen/ dieses Idolum von Brandenburg mit sich hinweg genommen. Designata fuit hac Imagine Diana in terra, Luna in Cælo, Proserpina in inferno. Triglam hanc putat Albinus fuisse eandem cum Germanorum Iſide. Sustulit illud Idolum Christiernus Rex Daniæ, cum esset in exilio; nec tantum Brandenburgi, Stetini & Venedorum in tractu triceps hoc monstrum fuit adoratum, sed & in Misnia non obscura repræhenduntur vestigia illius cultus, & inventi sunt lapides, quibus consimilis forma trium capitū fuit insculpta. Præter Triglam Venedi venerabantur FLINZIUM, cujus Imago lapidi institit instar cadaveris pallio amicti prolixo, alterâ manu ferens baculum, cujus superior pars ardebat, alterâ verò Leonem humero sinistro incumbentem; crediderunt autem Leonem hunc suscitaturum demortuos. Lotharius Imperator & Adelgottus, Episcopus Magdeburgensis, aboleverunt. Flinß ein ander Abgott der Wenden/ wird also beschrieben/ daß er auff einem Stein/ welchen Pirnenſis und die Sachsen Chronick ein Flinsstein nennet/ sonsten gestanden/ wie ein todter Körper/ mit einem langen Mantel/ in seiner Hand ein Stab mit einer brennenden Blaz/ und auff der linken Schulter ein auffgerichter Löw. Welches Pirnenſis und die Sachsen Chronick also auflegen/ daß sie geglaubt/ der Löw solte sie/ wann sie gestorben/ vom Tod wider auferwecken. Disen Abgott haben Keyser Lotharius und Bischoff Adelgotto zu Magdeburg/ bey den Lausniger Wenden zerstöret/ da sie zur selbst Zeit die Christliche Religion von sich geworffen/ und disen alten Abgott wider auffgerichtet und angebetet hättē. Fuit insuper Idolum vicinis Aldenburgensibus Slavus PRONE sive Prono, de quo referunt, quod probè auritum fuerit, ut Asini, & Coronam habuerit in Capite, cujus Nomen deducunt quidam à græcâ voce



67. Folenzii & Rhedarii in tractu Winutorū, præprimis in Irbe  
 Kathre, coluere RADEGASTUM, cujus simulacrum ex auro, Lectus  
 ex ostro, Clypeo habuit munitum pectus, in Manu bipennem, in Ca-  
 pite avem, quem etiā alii adierunt & adorarunt, de quo Helmoldus  
*lib. 1. cap. 63.* Adamus Bremenſis *lib. 2. & 4.* Albertus Crazius *lib.*  
*2. cap. 20.* Polabis Herulorum Genti in veneratione fuit SIEBA ſive  
 Syba, altera manuum, quas tergo impositas gerebat, aureum malum,  
 alterā uvas, virenti pampino adhærentes, geſtabat, Coma ad ſuras  
 uſque dependebat. Sanguine Chriſtianorum litabatur huic Mon-  
 ſtro. Deſtruxit illud Viceſimus Epiſcopus Lubeccenſis, ut & Rade-  
 gaſtum. Apud Rugianos, populus Maris Balthici ad littus, SUIAN-  
 TEVITUS ſive Schwantennis fuit, teſte Emſero, Deus Deorum, ad  
 cujus reſponſa totos ſe compoſuerunt, quibusdam videtur fuiſſe San-  
 ctus Vitus; Emſerus verò aliter exponit, atque in Sclavonica Lin-  
 gua vult notare ſanctum: Schwantenis ſoll/ wie Emſerus be-  
 zeuget/ den Vorzug unter allen Slavoniſchen Abgöttern gehabt  
 haben/ alſo daß ſie ihn einen Gott der Götter genennet/ und nach  
 ſeinen oraculis alle Ding angefangen. Iſt alſo ihr höchſter guter  
 Gott geweſen/ dann ſie auch etliche böſe Götter geehret / derhal-  
 ben daß ſie ihnen nicht ſchaden ſolten / gleich wie ſie von den guten  
 aller Wohlthat und Gutes gewärtig waren. Sie ſollen ihm jähres  
 lich einen Menſchen geopfert haben / da etliche hinzu thun / Es  
 hab ein Chriſtenmenſch ſeyn müſſen. Wie dann Emſerus auch  
 hievon ſchreibt. Cumque Magorum conſtans ſit ſententia, dæmo-  
 nia ſanguine invitari: Sacerdos tamen Swantewizi perſuadebat ſuis,  
 hunc niſi Chriſtiano cruore placari non poſſe: Unde quotannis illi  
 hominem Chriſtianum, quemcunque ſors objecit, litare conſueve-  
 rat. Auch wird dieſes Abgotts gedacht bey Helmoldo. Bocerus ſetzt  
 den Urfprung aus demſelben *lib. 1. cap. 6.* Item *lib. 2. c. 12.* alſo:  
 Es ſoll dieſer gar alte Abgott der Wenden auch bey den Ranis  
 oder Rugianis, in der Inſul Rügen bey Pommeren / fürnemlich  
 und anfänglich ſeyn geehret worden / und daher entſtanden/ daß  
 zur Zeit Ludovici deß Caroli Magni Sohn/ S. Zeit von Corbeya  
 zu demſelben Rugianis gezogen / ſie in dem Chriſtlichen Glauben  
 unterwiſen. Da ſie aber von der Religion wider abgefallen/ ſol-  
 len ſie demſelben Märterer S. Zeit für einen Gott auffgeworf-  
 fen/



fen/ und angebetet haben/ und ihn also Schwantewig/ für Sanctus  
 Virtus oder S. Zeit/ genennet. Besiße Cranzium lib. 2. cap. 25.  
 in Vandalia. Aber Emserus legt diesen Namen in der Slawischen  
 Sprach auß/ und sagt zwar auch/ Swante sey so vil/ als sanctus  
 heilig/ Wig so vil/ als Lumen, wie dann solches nicht ungläublich/  
 weil sonst solcher Wendischen Namen sehr vil/ so auff das Wig  
 außgehen/ als Carlwig/ Caroli lumen, Hugwig/ so vil als Hugo-  
 nis lumen, Wolckwig/ Volconis, oder Volcardi lumen, Gorsewig/  
 Gregorii lumen, Zernewig/ nigrum lumen, Belswig/ album lu-  
 men, Starewig/ vetus lumen, Janewig/ Iani lumen, Doberwig/  
 bonum lumen, Schlawig/ gloriosum lumen. Wiewol andere das  
 Wörtlein Wig außlegen/ es soll so vil heißen/ als ein Grund/ in  
 welcher Bedeutung Schwantewig so vil wäre/ als ein heiliger  
 Grund/ gleich wie etliche die Stadt Zerbst oder Zerbis interpretirn/  
 Schwarzer Grund/ Zernewig/ davon der Herz M. Petrus Albi-  
 nus anderswo weitläufftiger zu handeln verheiffen. Dieser Ab-  
 gott war ein sehr groß Menschen: Bild/ mit vier Angesichtern/  
 deren zwey vorn hinauß und zwey hintersich hinauß sahen/  
 doch auff die rechte und lincke Seiten gekrummet/ das hätte in der  
 rechten Hand ein Horn voll Weins/ und in der lincken ein Bogen  
 an die Seit angezogen/ es war ihm der Bart abgeschoren/ und die  
 Haar etwas abgenommen/ daß du sehen möchtest/ daß der Weis-  
 ster auß Fleiß die Kleidung und Gestalt des Volcks habe wollen  
 vorbilden/ nicht fern davon war ein Baum mit einem Sattel/  
 Stisseln und Schwert/ nicht allein groß/ sondern auch von Sil-  
 ber ansehnlich auffgehecket. Ein mal im Jahr/ nemlich nach  
 der Erndte/ hielt das Volck ein grosse Wirtschaft vor diesem Ab-  
 göttischen Tempel/ so in der Rügen fürnehmsten Stadt Archon  
 auff einem grossen Platz stund. Wann der Abgöttische Priester in  
 Tempel gieng/ und machet alle Ding zurecht/ muß er dieweil ver-  
 halten seinen Athem/ und wann er dann Luft schöpfen wolte/  
 gieng er zu der Thür/ damit er den Abgott mit seinem Athem nicht  
 erzürnet. Wann aber das Volck vor dem Tempel zusammen kam/  
 so gieng der Priester am ersten Morgen darein/ besahe vor allen  
 Dingen das Horn/ war es noch voll/ wie er es gefüllt hat/ so ver-  
 kündte er ein reiche/ zukünftige Erndte/ war etwas minder im

Horn/ vermahnete er das Volk/ daß man die Frucht zusammen hiele/ dann es war ein Kornhetwung vorhanden. Er schüttet auch den Wein auß zu des Abgotts Füßen/ und füllet das Horn widerumb mit newein Wein. Er macht auch solche grosse runde Kuchen/ die mit Mett angerühret waren/ daß ein Mensch sich dahinder hätt mögen verbergen. Fanum primarium & statua illius fuit in Metropoli Arcona, quam describit Saxo Grammaticus *Lib. 14. Historie Danice*, quotannis Christianus ibi fuit sacrificandus, de quo Lindebrogius ita: Anno Christi 1186. richt Waldmarus König zu Dennemard ein gewaltigen Zug zu/ wider die Rügen/ und belagert Archonam ihre Hauptstat/ drang sie dahin/ daß sie sich ihm müßten ergeben. Da fiel das Kriegsvolk mit grosser Ungeßümigkeit in Tempel/ warffen den Abgott zu boden/ und verbrandten ihn/ lerneten das Volk/ und beredten es zum Christlichen Lauff. Die Stadt Archon/ von deren man doch jetzt nichts mehr findet/ war gelegen auß einem gehen Meer. Gebürg/ und stieß das Meer von Orient und Mittag daran/ war so hoch hinauff/ daß ein Armbrustschuß kaum sein Höhe mocht erreichen/ aber von Occident hätte sie sonst grosse und hohe Munition, dadurch sie beschützt ward. Innwendig in der Stadt war ein grosser Platz/ und darauff stund/ wie gemelt/ ein Abgöttischer Tempel/ der des Abgotts halben weit und breit berühmte war.

## XX XIII.

Accensendi huic veniunt RUGIENUS sive Rudianot, in cuius capite septem facies, humanæ similitudinis, conspiciebantur & totidem gladii lateri adjuncti evaginato octavo, quem in Manu gestabat, quidam Martis effigiem fuisse volunt. POREVITUS quatuor capitibus sub pileolo effigiatus, quinto eminente ex pectore. HASEBUNDIUM alii pro Porevito substituunt, quem Regem Borearum, Anthyrii primi Vandalorum & Obotritarum Regis filium fuisse conjiciunt. ZEDUITT verò sive Jedutte multà antiquitate illustre Idolum, de cuius origine referunt sequentia: Zedut oder Jedutte ist also auffkommen. An dem Ort/ da Herzog Lotharius zu Sachsen den Keyser Henricum V. geschlagen/ derents halben daß er ihme die Churfürstliche Würde/ so ihm von Henrico dem Vierten war gelihen worden/ wider nehmen/ und Graf Hoyer

Honern von Mansfeld geben wollen/ welches bey dem Welphe-  
 Holz geschehen/ auff dem Lerchenfeld/ da in die 45 tausend Mens-  
 chen bliben / ist hernach ein Sieges-Zelchen und Edul von den  
 Sachsen auffgerichtet/ auch ein Cappell zum Gedächtnus solcher  
 That gebauet worden / wie dann zur selben Zeit nach der alten  
 Gewonheit/ nach welcher auch Harminio ein Edul in Westpha-  
 len gesetzt worden/ davon droben / im brauch gewesen/ und wird  
 also beschrieben: Auff der Edul ist gestanden ein geharnische Bild/  
 welches in der rechten Hand eine Keul gehabt mit eisern Zacken/  
 in der linken Hand aber einen Schildt / darauff das Sächsische  
 Wappen/ nemlich ein weisser Hengst im roten Felde. Spalatinus  
 schreibt aus Cranzio, es sey das Sächsische Wappen zu beyden  
 Seiten gewesen. Darnach über etliche Jahr haben die Batvers-  
 leut solch Bild angebetet/ in meinung / daß die Schlacht von den  
 Sachsen mit Hülff solches Abgottes/ den sie Zedut oder Zedutte/  
 wie Brotuff darzu setzt/ genennet/ gewonnen worden. Dabey zu  
 mercken / daß es eigentlich das teutsche Wörtlein Gedutte oder  
 Gedeute/ quasi signum, monumentum oder significatio rei gestet,  
 ein Ding so darzu auffgerichtet/ daß es etwas bedeuten soll/ seyn  
 kan. Aus welchen nachmals Zodutt und Zodut worden. Dann  
 daß etliche das Wörtlein Zeter/ und das man auch ein Zeterges-  
 schrey sagt/dannenhier ziehen wollen/können die Gelehrten nit pro-  
 bieren. Dann sie solches Zeter vil lieber von dem Lateinschen/ci-  
 tiren, her deriviren wollen / dannen man das Zetergeschrey ge-  
 nennt/ in welchen die Rei oder beklagten/ gleich als zur Verant-  
 wortung oder Entschuldigung citirt werden / von welchem Wort  
 villeicht nachmals/ weil es ein abscheulicher AAus ist/ und die Leu-  
 te auff Leib und Leben angeklagt werden / herkommen ist/ daß  
 man breuchlich gesagt / Er hat Zeter über ihn geschrien. Wel-  
 ches wir allhie obiter anziehen. Es hat aber diese Abgötterey  
 gedwähret/ biß es Bischoff Werner zu Mersburg verstorret/ wie  
 Fabricius schreibt/ welches doch nicht recht/ dann die Schlacht un-  
 ter ihm geschehen. Aber ein Bischoff von Halberstatt hat solchen  
 Mißbrauch und Abgötterey abgethan / Hievon besitze das Büch-  
 lein Spangenbergii, so er im Jahr 1555. hievon außsagen lassen.  
 Reinerus hält aber darfür / daß Zedutte eines seyn soll mit dem  
 Abgott

Abgott S. Jodutte, und setzt einen andern/auch dieses Namens/darzu/ so in dem Ländlein Delbrück geehret worden / daselbst man ein sonderlich Lied von ihm gedichtet / dessen Anfang: S. Jodutte war ein heiliger Mann/ wie der Feind kam/ gieng er vorn an/ &c. Daher erachtet/ daß dieses Götzens Namen gewesen/ und dann in gedachte Liede auch Heiliger Jo/ auff Oberdeutsch Wlord Jo / soll außgeredet werden/ und ist zwar das Geschrey: Zeter/ Morodio/ bey den Meißnern sehr im Brauch/ daß aber das Zeter von Zedut seyn soll / und das Zedotte von Jodutte herkommen / kan man wegen jeso eingeführter Etymologia nicht glauben. Nur weil sonderlich bey den Weibern in exclamationibus noch im Brauch ist Zedaute, Zedaute, haben wir dieses Geschreyes Ursprung also hiemit setzen müssen. Duravit hujus cultus usque ad tempora Weneri Episcopi Marsburgensis, vel, quod Chronologiz conventius, alicujus Episcopi Halberstadiensis, qui sustulit abominationes illas.

## XXIV.

Non prætereundus quoque Hammonius, unde quidam daunt Nomen Urbis celeberrimæ & Emporii nobilissimi Hamburg, cujus honori ædificata, verum fabulosa; aliam quippe originem & Nominis & Urbis hujus produnt Historici. Interim negare nolumus, devenisse Idolum Jovis ad Saxones, quod ex Chronico Saxoniz, Alberto Cranzio lib. 2. cap. 16. Petro Albino & Entzelio, ita describitur: Er ist gefessen in Gestalt eines Königs auff einem Stul/ hat in der lincken Hand einen Scepter/ in der rechten ein bloß Schwerdt gehabt / umb welchen rings herum zwölff Götter gefessen/ nemlich/ sechs zu der Rechten/ als Neptunus, Pluto, Vulcanus, Mars, Mercurius, Apollo, und sechs zur Linken/ als Juno, Ceres, Vesta, Pallas, Diana, Venus. Auß Hammonis Munde ist zur Rechten Hand ein größlicher Bliß gangen/ zur Linken ein Donner mit feurigen Funcken/ auff dem Haupt hat er einen goldenen Adler gehabt/ unter den Füßen einen Teuffel. Es gehet aber dieses alles auch darauff/ daß der Nam der Stadt Hamburg von diesem Hamnone von etlichen hergeführt wird/ da doch sonst der Wahrheit ähnlich ist / daß diese Stadt von einem nahen Wald/ der Hamin genant/ so noch vorhanden / und einer alten Burg



Burg genennet worden/ daß man also nicht Ursach haben würde/ die Etymologiam so fern aus der antiquitate her zu holen / wie gleichfalls dafür gehalten wird / daß dieser Stadt Namen/ sey das corrupt Gambrivium von den Gambriis, so auch für einerley mit den Cimbris und Sicambris gehalten werden. In der alten Marti bey dem Dorff Kogebiv / ist auch eine Kirche / die Hammon Clause genant/ darinn man Hammonem soll angebet haben/ wie Enzelius schreibt/ daselbst wird auch angezeigt/ daß ein Wald und Wässerlein/die Hamney genant/ vom Gott Hammago, oder Jove Hammonio, vel à Jove cum Maia den Namen habe. Welches wir aber auch an seinen Ort wollen gestellet haben. Nec tantum cultus fuit apud Saxones, sed & Hassos. In ditione Schönbergensi, ubi nunc est Geismaria, inferioris Hassiæ oppidum, ingentem quercum, quam Jovis Arborem appellarunt, deprehendere licuit, quam teste Baronio exscindi curavit Bonifacius. SOLIS quoque imaginem fuisse venerabilem in Marchiâ, unde Urbs Goldtweil denominata, nisi malimus illam dictam Soltquell à salinis, cum fontes hic salis abundant; de Forma hujus Idoli hæc prodit Albinus: Sein Form ist gewesen eines Menschen/ so für seiner Brust mit beyden Händen ein Rad gehalten / und ein breiten Schein mit Stralen gehabt. Aus welchem nicht übel abzunehmen/ daß es auff Solem gedeutet worden. Dann Wedel sonsten ein Schwanz oder zötiges Ende eines Schwanz/ als am Löwen und andern Thieren / in der teutschen Sprach genennet wird / dero wegen villeicht die Sonne also wegen der Stralen / propter radios circumfusus in pictura, genennet worden. Die Gelehrten aber achten/ es sey Soltwell so vil als ein Salzhauß / wie dann Weel und Wedel in der alten teutschen Sprach so vil ist als Hauß / und wird sonderlich von einem Hauß aus Leimen gebatwet verstanden. Daher auch noch Weller / so vil heißt als ein Kleber / in der alten teutschen Sprach. Sie lesen auch eines theils Soltquell / und verstehen es von Salzbrunnen oder Quellen / so etwan das selbst sollen gewesen seyn.

## XXXV.

CASTOR & POLLUX sacri fuerunt Naharvalis, de quibus Tacitus: Apud Naharvalos, inquit, antiquæ Religionis lucus ostenditur

Pars Specialis

M

ditur



ditur. Prælidet Sacerdos muliebri ornatu, sed Deos interpretatione Romani Castorem Pollucemque memorant. Ejus numinis nomen Alces. Nulla simulacra, nullum peregrinæ superstitionis vestigium, ut fratres tamen, ut juvenes venerantur. Unde origo peregrini sacri, non facile patet; cum ipse Tacitus, accuratissimus alias scriptor hæsitet, & silentio rem involvat. Lindenbrogius de hoc hæc habet: Bey den Eutlingern ist deß Neptuni Bildnus gefunden worden/ so jecho unter der Erzhertogen zu Oesterreich alten monumentis seyn soll. Deß Alemanni, dahin sich villeicht deß Taciti Hercules gezeucht/ Bildnus oder statua ist bey Constens zusehen gewesen/ wie Irenicus schreibt. Von der Losung/ so bey den teutschen Weibern gebräuchig gewesen/ schreibt Cæsar lib. 1. de Ariovisto, so Strabo lib. 7. von der Cimbrorum Weiber in specie referirt und erzehlet/ Welcher Sortium auch andere gedencken / als Middendorpius &c. so sie auß gescheleten Stäben zugerichtet. So ist im Alexandro Sardo und andern zuffinden / daß die alte Teutschen in ihren heiligen Wälden/ derer zuvor gedacht / sonderlich heilige Pferde gehabt / auß derer Geschrey sie geweissaget / als durch welche sie glaubten/ daß die Götter mit ihnen redeten. TIBULLIUS, cujus meminit Tertullianus in *Apol. cap. 23.* qui quibusdam der Teuffel / Noricis in pretio fuit, quanquam alii malint Belenum, qui olim placuit Celtis seu Gallis, unde Cæsar lib. 6. de *Bello Gallico*, Apollinem colunt, quem morbos depellere arbitrantur. KRUTZMANNUS, cujus effigiem exhibet Schadæus, Treboccorum fuit Idolum, quod religiose coluerunt & ut quidam conjiciunt Mars fuit.

## XXXVI.

Numina quoq; fuerunt vel fatidicæ Mulieres, aut etiam Reginæ: Irmenseul, Velleda, Aurinia, Lunica, Hera, Zera, Getza, Vechta, Basana, Byfa, Hortella, Ova. De prima hæc legimus: Irmenseul wird von etlichen auch Armesul außgesprochen/ von andern auch Hermesseul, also daß es teutsch wäre/ und entweder Hermetis, das ist/ Mercurii Seul oder vilmehr Hermans, darzu dann stimmt/ wann man Armesul liest: Dann auff solche weis verstehen es etliche/ es sey ein Heidnisch Tempel und solche Columna dem fürtrefflichen Helden Hertog Arminio zu Ehren/ nach dem er der Teutschen Freyheit

gerettet/ und der Römer bestes Kriegsvolk unter Augusto erschla-  
gen/ auch er selbst endlich durch Verrätheren der seinen umkom-  
men / zu Heresburg oder Cresburg / welches die Thüringische  
Chronick Herzberg/ Crantzius Merßburg oder Marßburg nen-  
net/ in Westphalen an der Lippe gelegen/ von den Sachsen/  
damit man seiner nicht vergessen/ gebauet/ auffgerichtet und  
gesetzt worden / zu welchem groß Zulauff und Wahlsarten der  
Sachsen gewesen/ darumb auch Carolus Magnus als er dahin ge-  
kommen ein trefflich Gut am Gold und Silber und andern / so  
die Sachsen dahin gelobt und gegeben hatten/ gefunden / es weg-  
genommen / und den Tempel angezündt und verbrandt hat. Con-  
similia alii quoque produnt: quidam hanc Vocem ab *ἑρμῆς* derivant,  
quidam Armeful pronunciant, quidam Hermessul, quidam in  
diversa abeunt & volunt fuisse vel Hermetis adeoque Mercurii  
statuam, vel Hermanni, quod confirmat pronuntiatio Armeful, qui-  
dam Irmenful retinent, quali Jedermansful commune Asylum,  
sive quod ab omnibus cultum fuerit hoc Idolum; Non displicet  
crisis Vossii, qui hæc habet *lib. 2. cap. 32. p. 476.* Quid si, quæ  
Georgii Spalitini erat conjectura, statua hæc fuerit constituta Her-  
manno, sive, ut Romani vocitabant, Arminio, inclyto, ac fortissi-  
mo Germaniæ Heroi? Potuit ea statua primitus esse posita heroici  
honoris ergo, quæ postea cesserit in divinum: qualia superiori li-  
bro aliquot retulimus exempla. Magis saltem hoc placet, quàm  
ut dicatur, quasi irmen:ful; atque hoc sonet Luci Dei stabulum:  
prout derivat, ac exponit, magnum Hornæ suæ, ac totius Hollan-  
diæ, ornamentum, Hadrianus Junius, Bataviæ suæ cap. 8. Quod  
si de Arminio placet, mixto cultu in Arminio venerati sint Mar-  
tem, vel Herculem: cujus cultum esse Arminio vetustiore, ex  
Cæsare, & Tacito, non obscurè cognoscimus. Vide, quæ dixi-  
mus lib. 1. cap. 37. Sed esto sanè, ut, quemadmodum commu-  
nior est opinio, Irmen:ful/ sit Irmi, sive Hermæ, hoc est, Mer-  
curii statua, vel asylum: non tamen hoc loco tam Mercurii stellam  
intellexerint, quàm Solem: cujus rei causæ ex illis petendæ, quæ  
primo dicebamus libro. Atque ex his itidem dilucet, quid judicii  
quoq; ferri debeat de ara Mercurii à Gandavenfibus, postquam eos  
S. Amandus converterat, dejecta: ut in S. Bavonis Vita refert Theo-  
doicus.

doricus, abbas S. Trudonis. Item liquet inde, quid statui debeat de Mercurii simulachro in Walachria, quod S. Wilibrodus sive Clemens destruxit; ut est apud Bekam in ejus vita: ac rei ejusce meminit quoque Alcuinus in vita ejusdem; sed contentus est vocare antiqui erroris idolum. Id simulachrum fuisse Westcapellæ Walachriæ in Zelandia pago, constat ex Chronico vetusto, Belgicis rhythmis conscripto: item Chronico eâdem linguâ Gaudæ in Batavia excuso, anno dñi cccc lxxxviii. Uterque autem eorum ait, Mercurii fuisse. Jacobus Eindius, Haemstedæ dominus, in Chronico Zelandiæ lib. 11. meminit Chronici MSI in bibliotheca Corbejensi, interque libros indice Expurgatorio prohibitos adservati. Unde hæc verba adducit: Testes quoque sunt Ecclesiæ, quas per singula loca construxit. Et sicut Walacriæ idolum Mercurii, Walcher, nomine, rejecit, Ecclesiam Dei consecravit; ut illic Westcapellis, ubi idolum adhuc ostenditur, patet. Vbi videmus, ut in Walachria idolum Mercurii Walcher nominatum dicat. In quo si non fallit, rectè conjectat Eindius, Mercurio id nomen fuisse ex eo, quia tutela illi insulæ sive litorum esset commissa. Nam quid Walcher aliud ac Walcheer, hoc est, litorum potens, sive dominus litoralis? Quippe walle est agger aquis oppositus; item litus, ripa, sive crepido aquæ. Ipsum simulacrum exhibet Chronica Saxonum Lindebrogius & alii. Erat autem armati toto corpore effigies, cujus in dextra signum militare, nostri vexillum vocant, præferens rosam; cujus ut breve momentum, & facilis ortus & interitus: ita eventus præliorum. In sinistra libram expandit, dubiam pugnantium sortem facile huc aut illuc inclinantem. Pectus inermersum præferebat, internum bellatorum animum insinuans. In clypeo Leo, qui bestiis imperitat, invictum ad fortia facta impetum monstrat. Floribus consito campo, in quo stabat: quod nihil jucundius solet videri fortibus, quam in acie virtutem ostendere. De loco Crantzius & Ditmars non conveniunt, ille enim vult in Westphalia prope Lippam Hermopoli, Heresburg, Herßberg/sive ut ipse exprimit, Mersburg positum ibidem, ut &, à Saxonibus cultum fuisse; hic verò Mersburgi ad Salam; quidam volunt Corbeii, inventum esse simulacrum cum hac subscriptione: Dux ego gentis Saxonum victoriam certam polliceor me venerantibus, Et re-

æ



Et quidem. Quippe in honorem Harminii columna hæc erecta fuit; Hermans-säul præcis vocata; quod vocabulum postea corruptum, & ab ignaris hujus rei posteris Irmans-säul dicta; Hic enim Harminius, Dux Cheruscorum fuit, vir fortis bello & consilio promptus, qui Romanos gravi cæde affecit. Quidam volunt etiam in Franconia olim fuisse tale Idolum, unde Lindenbrogius: Andere wollen aus etlichen antiquitatibus und alten Dingen berichten/ daß die alte Sachsen / sonderlich was Kriegerleute gewesen/ haben geharnischt / oder mit einem Küris angethan / mit einem Schwerdt begürtet / und in der Hand einen Streit-Kolben mit langen Zacken führende / für dem Bild Irmensul auff sonderliche Tag und Fest / wechseltweise umb und umb reiten/ etliche auch wol dafür in ihrer Rüstung nieder knien müssen / daher endlich die Wahlfarten und Abgötterey gekommen/ und Irmensule zum Abgott worden. Und daß auch für etlichen hundert Jahren/ in Franconia ein Bild solcherley Art gestanden.

## XXXVII.

De VELLEDA & AURINIA hæc habet Tacitus: Vidimus sub divo Vespasiano Velledam diu apud plerosque numinis loco habitam, sed & olim Auriniam, & complures alias, venerati sunt, non adulatione, nec tanquã facerent Deas; prioris etiam meminit Statius *lib. 1.* Non vacat Arctonas acies Rhenumq; rebellem, Captivæque preces Velledæ, cui maxima nuper Gloria. Forsan sacerdotii partes subiit, quas sæmineo sexui deputarunt Veteres Germani: de Vaticinandi facultate sese probavit; subvenit hic Reinerus Rein-eccius *parte 2. Hist. Jul.* scribens: per idem tempus, belli scilicet civilis Batavici, floruit Velleda, Bructeræ nationis virgo fatidica. Cujus inde potissimum auctoritas crevit, quod cum prosperas res popularibus, adversas Romanis legionibus prædixisset, eventus responderet. Quare & ipsa majestatem sibi angere, & cum in editam turrim se abdidisset, per delectos è propinquis responsa dare. Permanit in hoc statu, usque ad Petilii Cerealis victorias. Nec constat, quid porro eâ factum. Nisi quod à Cereali sollicitata est, ut belli adversam fortunam, opportuno erga populum Romanum merito mutaret. Sustulit illud Idolum Carolus Anno 772. qui Saxoniam aggressus Eresburgum castrum cepit & Idolum Saxonum, quod vo-

cabatur Irmensul destruxit. De Aurinia disputant Critici, num locus Taciti non sit corruptus, quam alii malunt pronunciare Fluriniam, alii Altermunam, vel Altrunam, quasi dicas Sagam vetulam, & murmurantem ad similitudinem vocis Kerunam susurrare, alii Hellerunam, cum Inferno & Diabolis secreto murmurantem, alii Aliitumam ab opinione sanctitatis, cum Halii veterum lingua sanctum indicet. Denique sunt qui Alironia censeant dicendum, cum Aliironiæ formiæ dictæ fuerint, quæ Vaticinia procurarunt, & de futurorum Eventu prospexerunt.

## XXXVIII.

Non immunis etiam fuit ille Tractus, qui hodie Wirtenbergia dicitur, ab hoc fædo cultu & Deastrorum prostitutione. Prope Turingam, ad extrema pagi Messingen in Colliculo, Fanum adhuc conspicitur, in quo quondam Diabolus fuit cultus; vidimus ipsi in facie illius supra portam figuram hominis, divaricatis cruribus insidentem tripodi & circumcirca amputata capita vitulorum & boum, quæ in Sacrificium cesserunt, Locus dicitur Belsen, ni conjectura nos fallit, *αιαλόγος* ad vocem Beelsamen, qui Phœnicibus fuit Sol, unde Eusebius de illis, cum siccitas obtigisset, sustulisse eos manus in Cœlum ad Solem. Hunc enim solum Deum existimabant, eum vocantes Cœli Dominum Beelsamen. In vicina Urbe Imperiali Reuttlunga abominandum simulacrum apud Nosodochium Marti simile expressum, & cultum quondam ab Incolis illius loci, cum adhuc Gentilismo dediti, sub quo hæc verba.

Da man zahlt 1111. Jahr

War diese Figur gemacht & siltwahr.

Mars G. M. C. XI.

Vor Zeiten war diß ein Abgott/

Ietz ist bey den Christen ein Spott.

Consimilis figura in lapide invenitur Kuppingæ prope Herebergam.

## XXXIX.

Pauca, antequam ad alia progrediamur, circa recensita notamus. Et primò quidem, quodd sæpè uni Deastro plura Nomina fuerint imposita, & sub diversis idem Numen cultum, de quo ita Schedius: Et hæc de *Πολυνουμια* Dææ adducere visum fuit: cujus intricata enodatio, minus tunc temporis cognita, authores quandoque



que coëgit, ut minus certi sacrorum, variis nominibus, & quidem sibi met notioribus, Deam appellarent, & venerarentur. Hinc haecenus Isis, & Ertha, & Luna, à quibusdam Germanarum rerum scriptoribus diversæ creditæ: quas tamen unum numen esse, nostra dissertatio probat. Venus siquidem, Urania, Vesta, Minerva, Mater magna Deum, Astarte, Erthus, Isis, Luna, Diana, Juno, Lucina, Hecate, unum numen sunt, pro diversis virtutibus positum. Et hoc ita certum est, ut idcirco Isis illa *μεινύμα* dicta sit. Præsertim cum & omnia numina gentilia masculorum Deorum ad unum Solem referantur, ut Macrobi. l. 1. Saturn. vult. Optimo itaque jure fœminei sexus numina ad unam Lunam ut redigantur, conveniens est. Sic enim Aristotel. lib. *πεὶ κόσμος ἢς ὁ ὅν, πλυνύμβ, ἐστ, καπονομάζομεν τοῖς πάθεσι πᾶσιν, ἀπὸ αὐτοῦ νεοχημῖ*, id est, unus vero Deus existens, multis nominibus dictus est; denominatus ab omnibus effectibus, quorum specimen edere ipse solet. Plura autem de Luna seu Cœlesti videantur apud Apul. Flor. iv. Ammian Marcell. lib. xxii. Capitolin. in Pertinace & Macrino, Trebell. Pollion. in Celso, Salvian. cap. viii. de Provident. Dei. D. Augustin. lib. ii. de Civit. Dei. cap. ix. Turneb. Advers. libro xxii. capite xxiv. Verba etiam Taciti, qui Germanos dixit Deorum omnium maxime Mercurium coluisse, cum loco illius lib. 4. *Historiæ* Tencteri Martem vocent præcipuum communium Germaniæ Deorum, Eruditi conciliant ita, ut in diversis Germaniæ populis censeant alios Martem, Mercurium alios præcipuo habuisse loco. *Secundò* non unam eandemque Idolorum rationem fuisse, quædam enim non tam à Germanis, quàm à Romanis duxerunt originem, quod vel nomina docere possunt, cum Luce Historiæ conjuncta; Drusus enim Martis Idolum Mersburgensibus obtrussisse dicitur & Veneris Magdeburgensibus, Germanicus etiam filius Drusi Fratris Tiberii paria cum patre fecisse dicitur, ad Lacum enim qui Dummer dicitur in Comitatu Dieffholt cæsis Germanis, lapidibus compositis & aggestis hæc inscripta fuerunt. Debilitatis inter Rhenum Albimque nationibus, Exercitus Tiberii Cæsaris hæc Monumenta Marti & Jovi Augusto sacravit, & quæ vi non fuerunt introducta, ex familiaritate cum Romanis, ut quidem de Hermunduris constat, fuerunt spontè suscepta; alia autem Germanorum fuerunt propria &

Ve.

Venedorum, qualia supra recensuimus & quæ ipsa produnt Nomina. Maxima pars Suevorum HERTHUM, hoc est, die Erden coluit, unde etiam veteres Rudingi, Aviones, Angli, Varini, Eudoes, Herthani Deam habuerunt, quam Terram Matrem vocarunt, quibus addimus Crisin Lindebrogii: Es seynd aber unter diesen erzehleten alten der Teutschen Abgöttern die Herta oder Herthus, dergleichen die Sonne/ Feur und Monde/ Item die Pferde ohn zweiffel die Eltesten und rechte teutsche Götter. Tertio nunquam nos posse probare, quæ ex Cluverio supra produximus; repugnat enim status Germanorum, quanquam enim à Japeto per Alcenas, secundum Ebræos, duxerint originem, vel, ut alii volunt, per Thorgarma, & aliqua Lipsana sacra superfuerint, in primis Gentis hujus conditoribus; sensim tamen defecisse credendum est, nec fuerunt alii, quam quales describuntur à Paulo *Eph. 2. v. 12*. Irregeneriti scil. qui quidem ex Lumine Naturæ deprehendere potuerunt, esse aliquem Deum, sed ad hunc Solem, qui unus in Essentia & trinus in personis, non pertingere potuerunt, sed fuerunt ut Nycticoraces ad hoc Lumen, quod non nisi in Scripturis radiat. Repugnat Numerus Deastrorum (non enim acquieverunt in ternario, sed alios quoque venerati sunt, tum proprios tum quos Romana suppeditavit superstitio,) ex dictis costare potest. Repugnat deniq; Conveniētia cum Trinitate; ponamus cum Cæsare, tres tantum fuisse cultos, reliquos ne fama quidem accepisse, quo nunquam deveniendum, sanè Sol, Vulcanus & Luna nihil commune habent cum Trinitate, quam Ecclesia Christiana adorat, nam & Peruani, teste Josepho Acosta, tres statuas posuerunt per omnia similes. Apointi, Churiinti, Intiquoquæ, hoc est, pater Sol, filius Sol, frater Sol, & coluerunt Deum, quem TANGA-TANGA appellarunt, & dixerunt, esse in uno tres & unum in tribus. Num autem, cum longè luculentiora videantur hæc vestigia, dicendum? Peruanos Trinitatem agnovisse ex statuis soli positis, num patri respondet Sol, Filio Vulcanus, Luna Spiritui Sancto; Num aliud per Solem intellexerunt, quam *solis* illud admirabile, quod aspicimus? Per Vulcanum aliud quam ignem? per Lunam aliud quam Noctis præsidem, annon etiam in Germanos quadravit illud *Sap. 13. v. 2.*

CAPUT

## CAPUT II. PRÆCEPTI PRIMI,

Th. I.

**H**ABemus spectavimus extra fines Ecclesiæ, quæ adversa Majestati Divinæ sunt adoptata Numina; pergendum itaque ad Templum Dei, in quo quidem ipse solus colendus, adorandus, laudandus, interim hominum sive Imprudentiâ sive Malitiâ non satis verbo revelato attendentium collateralia Numina introducta sunt, ita ut abundant & cultum unius quasi obruant, populo ad tot opitulatores ablegato. Ut itaque ordine procedamus, per Classes erit eundum, atque ostendendum, qui præter Deum in papatu, sive Spiritus sive Homines, & quæ res passim in Templis suspensæ & prostitutæ religiosè colantur, adorentur.

I I.

*Prima series*, quam educere libuit, est Angelorum sive Spirituum Cœlestium. Statuunt enim Pontificii, Angelos esse religiosè adorandos, non quidem *Latria*, sed illa specie, quæ *Dulia* vocatur, & inferior est eo cultu, qui Deo debetur, superior verò illo, qui hominibus in hac vita solet exhiberi; fundant autem hunc cultum *primò* in Angelorum notitia, quam ad gemitus, desideria & cogitata cordis nostri usque extendunt. Unde Drexelius in *Horologio*, Quid precemur, facillimè sciunt, aut nostri aspectu, aut Dei; quis est, qui oret & non simul gemat & suspiret, pectus tundat, etsi verba non formet, sagacissimis spiritibus hic facillè est assequi, quid clausum sit animo: at nihil penitus in nobis observent, in Deo certo rerum omnium obstupescendo speculo vident omnia, ea præsertim, quæ ad sui clientis curam pertinent. Becanus cognitionem tribuit precum nostrarum, per novas revelationes; Carolus Franciscus Abba de Raconis *part. 5. Tractat. 11. Art. 2.* postquam expendisset quæstionem de facto & jure, transit ad potentiam, & ita concludit: Ex opposito statuendum, Angelos ex se posse cognoscere cogitationes intellectus, & affectiones voluntatis, quando sunt præsentés sine ulla directione, atque adeò, quod illas non cognoscant ante directionem, aliunde provenire. Unde ergò, inquires? Respondeo, ex altero

*Pars Specialis*

N

è dup-

è duobus istis capitibus, quæ necessario ab eodem principio oriuntur, quod nempe Deus propter rationes jam allatas, & mille alias nobis ignotâs, postquam statuit cogitationes à creaturis intellectuales efformatas, à nullo cognosci citra earum consensum, aut non dat species, nisi dum diriguntur, aut posito, quod species illarum concesserit, licet & aliarum rerum, non concurrat cum illis, nisi facta illa directione; itaque directio illa est conditio sine qua vel Angeli non habent species harum cogitationum, vel Deus ad illas cognoscendas non concurrat; nam ex alterutro defectu, aut quod Angelus careat speciebus illarum, aut quamvis habeat, Deus tamen subtrahat concursum, continget, non posse tales cogitationes aut affectiones cognoscere ante directionem, quæ tamen spectato intellectu Angelico, ipsis etiam cogitationibus, æquè videntur posse ab Angelis cognosci, ac cæteræ res naturales. Becanus tract. de Angelis, quæst. 10. agens de hac materia, non potest concipere hanc concursus subtractionem ex parte Dei, ne Angelus præsentis intellectus cogitationes agnoscat, antequam ad illum dirigantur, quia, inquit, sine ulla necessitate recurritur ad miraculum, quale contigit olim igni Babylonico, qui per subtractionem divini concursus tres pueros mediis in flammis illæsos reliquit. Sed 1. demus hanc concursus subtractionem, respectu cogitationum intellectus, esse miraculum, sane non sine causa ad illud recurreremus, quia multæ rationes suadent, Angelos illas actu non cognoscere, antequam ad illos dirigantur, posse tamen illas cognoscere: ergo recurrendum est ad modum aliquem extraordinarium, qualis est hæc concursus subtractio. Secundò dico, hanc concursus subtractionem, respectu cogitationum Angeli, sine directione non esse miraculosam, quia frequenter evenit: at verò miraculum debet esse rarum & infrequens, ut Theologi docent, imo etiam, quia hæc concursus subtractio, qua impeditur Angelus, ne alterius cogitationes agnoscat, debetur societati Angelorum, quæ sane melius conservatur, dum cuique liberum stat alteri, suæ mentis arcana patefacere. Idem Becanus instat eodem loco, si subtractio concursus esset ratio, qua Angelus impeditur, ne cognoscat alterius cogitationes, Deo concursum non denegante, actu illas cognosceret, sicque non foret signum divinitatis Christi, quod Phariseorum cogitationes perspectas habuerit

buerit. Respondeo: Ponamus, Deum statuisse, non denegare concursum Angelis ad cognoscendas cogitationes, sicut nec denegat ad alia cognoscenda, tunc recurrendum erit ad secundum modum, seu ad defectum specierum, quas Deus tantum post directionem cogitationum illis indidisset; nam duos modos tradidimus æquè probabiles, Angelos scilicet non cognoscere mentis & voluntatis arcana ante directionem, aut quia ante speciebus carebant, aut, quia Deus cum illis non concurrebat. *Secundò* in Angelorum singulari præsentia & Naturæ celeritate; uti Bellarminus. Alii dicunt, Angelos esse mirâ quâdam celeritate Naturæ quodammodo ubique, & per se audire preces supplicantium; *Tertiò* in precum oblatione, Angeli enim vel preces nostras, vel bona opera Deo offerunt, juxta Bellarminum *lib. 1. de Beatit. Sanct. cap. 6* Pinedam in *Jobum Becanum Tom. 1. opus. 14. cap. 16.* Unde in Litania: per sanctos Angelos tuos te rogamus, audi nos.

## III.

Constat verò hic cultus *primò* generali veneratione religiosa, interno Animi Affectu ex externis devotionis signis probatâ & declaratâ. Ita enim Drexelius in *Horologio Horæ XII. Consideratione 1. cap 2. pag. 475.* Angeli eo honore cultuque possunt affici, quo cæteri Divorum, quos precibus, stipe, jejuniis, tanquam Dei amicos deveneramur. Angeli Deum assiduis frequentant laudibus; hoc crebrior apud nos æmuletur oratio: Angeli criminis omnis purissimi castissimam integritatem absque nævo traducunt; huic illorum virtuti æmulandæ frequentiora nos juvabunt jejunia; Angeli beneficiorum in nos largissimi sunt; id eleemosynis nostris piè imitari conemur. Speciatim *primò* votorum nuncupatione, de quibus Drexelius *cap. 5. p. 477.* Sunt qui templa variis muneribus colant: Hi ceram, illi oleum, isti cereos, alii aras, pretiosam vestem, artificiosas imagines, calices aureos donant. Augustinus: *Æquum est, inquit, monitos nos à Psalte regio, & VOVERE & REDDERE: duplici modo id fiet.* Sunt qui ceram, oleum, telam, similam, odores, aurum dent; Sed hæc nisi à ditioribus non expectes. Nobiliora his munera habemus, è pauperum etiam arculis depromenda, quæ Angelis oblata, non poterunt non esse gratissima. Ea verò sic ordine numerat Augustinus, auro prorsus & cedro scribenda. 1. Quicun-



que iram in alterum conceptam subtrinxerit, & Dei amore illatam injuriam oblitteraverit; votum obtulit iste, oleum purissimum. 2. Si quis luxuriæ cœno volutari consuêrit, resipiscat tandem, & excutiat sordes suas, & ex animo ad Deum secretius clamet: Benignissime Domine, misericordissime Deus; sufficiat hactenus luisse tecum: huc usque peccavi, te contempsi, legem tuam abjeci, carnis meæ fortoribus satisfeci: nunc, ô mi Deus, ad te redeo, & voveo nequitiam meam, me desitutum. Et hic obtulit candidissimam virginem ceram, utique carissimum munus Angelis. 3. Si quis invidiâ laboraret, ærumnis aliorum exhilaretur, felicitate alienâ tabescat, quod est peccatum, inquit Augustinus, usque ad mortem, promittat & ipse animo, actus amoris potius, quàm livoris & invidiæ se meditaturum. Et iste votum obtulit, calice aureo donavit Angelos. 4. Si quis injuriam intulerit alteri, aut etiam cædem fecerit, animum veneno plenum abstinentiâ cruciet & luctu, nec panem Angelorum tangat, dum se Deo, læsos sibi reconciliarit integrè. Et hic votum offert: collapsam restaurat aram Angelis. 5. Si quis aliorum actiones carpere, suas non inspicere, omnium honori detrahere, maledicos dentes nemini non infigere sit solitus; Deo & Angelis se voveat: Huc usque de aliis dixi, me non inspexi: ego eram misero, & alios miseros existimabam. Satis, ô mea lingua, satis meque aliosque perdidisti; arctioribus te posthac vinculis constringam; ferid lasciviam tuam emendabo. Et hic obtulit votum: grandem ex optimo ære statuam locavit Angelis. 6. Si quis se observet eleemosynæ parcum, in egenos asperum, in domesticos tenacem, in omnes iracundum, voveat hic Deo & Angelis mansuetam liberalitatem. Iste quoque munificum solvit votum, sacrificam ex auro vestem dedit Angelis. 7. Si quis se humanæ laudis percupidum, arrogantem, jactabundum, insolentem advertat: voveat is submissionem & modestiam. Peristromata hic offert & tapetia Angelorum æstimatione pretiosissima. 8. Si quis vino plus æquo indulgeat, & caliculis epotandis studeat, voveat is sobriam & frugalem mensam. Grande votum obtulit & iste; aliquot vini veteris urnas sacravit Angelis. 9. Si quis languidum se fractumque, & ad exercitia enervem & lentum sentiat, alacritatem is voveat, & ad divina fervorem. Pretiosum & hic votum obtulit, argenteam, balsamoque ardentem

dentem lampadem suspendit Angelis. Devota hæc Angelis munera ejusdem Augustini verbis consigno. Et cum hæc omnia, inquit, feceritis charissimi, offertis Deo votum placitum, & quasi remuneratis Christum. Et posthæc veniet vobis benedictio, & vota vestra offerentur ante tribunal Christi. Putamus, quàm dulce erit, quando vota nostra talia, qualia dixi, Angeli ante conspectum divinæ Majestatis obtulerint. *Secundò*, juramentorum præstatione; unde Justinianus tale exigit juramentum, sive per Deum omnino omnipotentem & filium ejus unigenitum Dominum nostrum Jesum Christum, & Spiritum S., & per sanctam & gloriosam Dei Genetricem, & sempervirginem Mariam, & per quatuor Evangelia, quæ in manibus meis teneo, & per sanctos Archangelos, Michaellem & Gabrielem, puram conscientiam Germanumque servitium me servaturum Sacratissimo Imperatori. Adde Carolum Stengelium, in *Gabriele cap. 13*. *Tertiò* Templorum Erektione, de quâ ita Breanus: Quæstio est, an liceat Angelis aut aliorum Sanctorum templa ædificare? Affirmant Catholici (ita enim vocat hæreticos) negant hæretici. (ita vocat Catholicos) possumus, inquit paulo post, eadem Templa, quæ Deo principaliter ad sacrificandum erecta sunt, quasi secundariò referre in honorem alicujus Sancti h. e. ad memoriam illius ibi recolendam vel ad patrocinium invocandum: Ita & Drexel. Horol. p. 274. ait, Constantinum Imp. apud Constantinopolin in utroq; maris Euxini littore duo illustrissima Templa Michaelis Archangeli honori; Justinianum verò eidem Archangelo aliisque sanctis sex magnifica Templa è fundamentis erexisse.

## I V.

Quanquam verò plura possint produci argumenta contra hunc polytheismum, cum sit cultus ἀγροφῶ, qui Angelis defertur, nullum Ens, præter Deum, sit nobis habendū objectū venerationis religiosæ, è quo expectandum, quod Deus dispensat, ab ipsis Angelis fuerit repudiatus, tamen brevitatis studio seligimus locum illum ex *Epistolâ ad Colossenses 2. v. 18*. Ibi Apostolus dicit: μηδεις υμᾶς καταβραβεύτω, θέλων ἐν ταπεινοφροσύνῃ καὶ θρησκείᾳ τῶν ἀγγέλων, ἃ μὴ ἐνέχουσιν ὑμᾶς τίνα, οἷα ἢ φυσικῶν ἢ ἐπὶ τῇ νοεῖ τῆς σαρκὸς αὐτῶν, Nemo vos seducat &c. Agit hic Apostolus non obscure contra Angelorum

cultum, rationum radiis ex ipso textu micantibus. *Primò* latet in verbis illis, μηδὲς ὑμᾶς καταβιβέντω θεῶν; si enim hæc ita accipiamus: nullus voluntarius Moderator de vobis statuatur, vel ut Cornelius à Lapide exponit, nemo studio & datâ operâ, sive de Industriâ contra vos dominetur, quia βιβέντω teste Budæo notat propriè regere, dominari, imperare, & versiculo, 16. dictum, Nemo vos judicet, sensus erit, nemo in Religionis negotio cultum præscribere potest, conscientias obligare & constringere, quapropter in jura Dei involat, qui vobis dominari hic vult, ex propriâ voluntate aliquid statuere, quanquam à quamplurimis illud θεῶν ad sequentia referatur, vel ad humilitatem cum Augustino, vel ad ambulans, quasi dicas, volens ambulare; à quibusdam etiam exponitur: nemo præripiat vobis jam partum palmarum θελοταπεινώθρων καὶ ἐθελοθρησκῶ secundum Scaligerum. Si *secundò* expendamus verba, in ea que non vidit se ingerens, ἐμβαίνων vel incedens, similitudine ductâ à tragicis cothurnis, qui ἐμβαΐεις dicuntur, vel inculcaus, vel denique pedem ponens, patet ex eo quoque, rejici illam θρησκίαν ἀγγέλων, quia non data ex Revelatione, ex unico veritatis cœlestis principio, sed ex non auditorum & visorum substitutione, ingestione, occupatione. *Tertiò* si attendamus ad verba, frustra inflatus sensu carnis sue, neque tenens caput, liquet rejici istum cultum, ex eo quoque, quod nitatur opinione humanâ, sensu carnis, quam fastus attollat, quoque in Christum, caput Ecclesiæ, & conjunctionem illius cum corpore mystico peccetur.

## V.

Est autem hic actus θρησκίης ἀγγέλων à Paulo hisce argumentis impugnatus. Vocem θρησκία Thracibus originem debere volunt; θρηκή enim Thraciam significat, ubi Orpheus θρησκίαν *primò* tradidisse, cultusque Deorum invenisse creditur; Sumitur in bonam & malam partem, hic verò posteriori modo; notat enim superstitionem, vitium Religioni contrarium, quasi superfluum institutionem dicas, quia est sententia contra fidem, ratione adinventionis, quæ reprehenditur, amovetur ab Apostolo, à qua dehortatur, coincidit cum ἐθελοθρησκία, cujus meminit Paulus *versiculo vigesimo tertio*; agnoscitur ab ipsis Pontificiis, carpi ut vitium, Estio & cæteris; per ἀγγέλους autem non stellæ intelliguntur, ut placuit Ambrosio,  
cum

cum insolens sit vocis significatio, nec Paul<sup>9</sup> egerit adversus Gentiles, hoc errore fasciatus, sed Pseudoapostolos; nec hæretici, contra quos egit, etiam ad stipulantibus pontificiis Interpretibus, de stellarum, sed Angelorū cultu fuerunt solliciti; nec appositum Hypocrisear, hīc attendimus, quasi sensus esset, nemo vos seducat Hypocrysi Angelica illorū planorum, quasi cum Angelis conversati, eorumq; visione & alloquio uti fuerint, quod maxime quadraret in vitam Eremitarum & Monachorum, Philippus Melanchton voluit, & probavit noster Balduinus; aliud enim *Θρησκεία*, aliud hypocrisis Angelica, sed retentā proprietate vocis per *Ἀγγέλους* intelligimus Spiritus ministratorios illos, qui in Scripturis passim ratione Essentiæ & proprietatum delineātur & per *Θρησκείαν Ἀγγέλων* consequenter nihil aliud, quam religiosum illorum cultum, venerationem, & adorationem.

## VI.

Hic verò existimant Pontificii Interpretes & Doctores, uti Belarminus *lib. 1. de Sanctorum Beatitudine cap. 20. pagina mibi 1987.* Primò non tangi Pontificios, sed Simonianos, quapropter hæc addit: Dico, ibi Apostolum damnare hæresin Simonis Magi, qui Platonicos sequutus docuit, quosdam Angelos adorandos quasi minores Deos, qui & mundum fabricarunt, & per Prophetas loquenti sunt, nec posse ullum placare summum Deum qui invisibilis est, nisi per hos Angelos. Vide de hac hæresi Irenæum *lib. 1. capite 20.* Tertullianum in *lib. de præscriptione*, & Epiphanium in hæresi Simonis. De hac idololatria, sive magia, qua adorantur Angeli loco Dei, vel Christi, exponunt hunc locum omnes interpretes. Joannes CHRYSOSTOMUS homilia 7. in epistolam ad Colossens. Sunt nonnulli, inquit, qui dicunt, non oportere per Christum reconciliari, & ad Patrem accedere, sed per Angelos. Propterea Paulus sursum, ac deorsum, quæ de Christo sunt, versat. Ita etiam exponit Oecumenius & Theophylactus; Ambrosius in hunc locum putat eos notari, qui adorant stellas. Cum verò Theodoretus pro Orthodoxis militat, & tamen illius verbis aliquem vult inducere colorem, ne veritas transpareat, & sequentia subjicit. Quod verò Theodoretus dicit de oratoriis sancti Michaëlis, duobus modis potest intelligi. Uno modo, quòd velit dicere, hæreticos ædificasse oratoria S. Michaëli, ut cum ibi colerent secundum hæresim Simonis,

nis, ei sacrificando, &c. Altero modo, quòd significare voluerit, templa ab hæreticis exstructa ad sacrificandum malis Angelis, esse conversa à Catholicis in oratoria S. Michaelis, & ex multitudine talium locorum colligi, quàm multum hæresis Simonis ibi olim grassata fuerit. Quòd enim templa idolorum olim conversa sint in basilicas Martyrum, & aliorum Sanctorum, certum est ex ipso Theodoro lib. 8. de Martyribus, & adhuc Romæ videtur templum omnium Deorum conversum in templum omnium Sanctorum, ac templum Castoris & Pollucis, in templum Sanctorum Cosmi & Damiani. & Gregorius lib. 2. Dialagorum, cap. 8. scribit à S. Benedicto conversum fuisse fanum Apollinis in oratorium S. Martini, & ipse B. Gregorius lib. 19. epist. 71. ad Mellitum, præcipit Augustino Episcopo Anglorum, ut fana idolorum non destruat, sed aqua benedicta aspergat, & Reliquiis Sanctorum ornet, ac demum in templa Dei veri convertat.

## VII.

At quis non videt aquam hærere Pontificiis? Docet id 1. *Interpretationum variarum conquestio*, ut enim Navi fracta nunc hanc nunc aliam prensare student Tabulam Naufragi, ut enatent, ita ipse Bellarminus adducit Irenæum, Tertullianum, Epiphanium, qui de hæresi Simonis Magi hæc verba exponant; illis relictis Dein accedit ad Chrysostomum, qui indefinitè loquitur, postea arripit Interpretationem Ambrosii, qui per ἀγγέλους, stellas intelligit, quam supra excussimus; tandem in Hieronymo subsistit & Haymone, qui docent reprehendi eos, qui sacrificarunt Angelis, non dissentiente Theodoro. 2. *Ipsius Exceptionis inconsequens Conditio*. Ponamus primò Apostolum respexisse hic Simonianos & Platonicos, hæresin huius Magi damnasse & improbasse, num propterea Pontificios non notare dicendus erit? num quia Apostolus 1. *Timoth. 3. v. 3.* Marcionem & Tatianum, juxta Tertullianum & Hieronymum, damnat, propterea non damnare voluit Manichæos, de quibus Augustinus hæc verba accepit; & si hoc voluit, non Pontificios, qui paria docent, utut ex alia causa, qualis paralogismus ab ipsis committitur. *Secundò*, Apostolus nullam mentionem facit Simonis Magi, nec vestigium quidem ostendit, determinatè se agere contra hunc



hunc Impostorem, & si antecedentia considerentur, *versiculo decimo sexto & septimo*, patet potiùs agere contra illos, qui non tam manifestè impii & impudentes, ut Simon Magus, quam illos, qui sub Titulo Apostolorum & Doctorum, specie pietatis, & Sanctitatis opinione, ex Judaismo retenta, imponere voluerunt Colossensibus; solebat enim, ut loquitur Baronius, suis Epistolis insectari illos hæreticos, qui Christiano nomine in Ecclesiam Catholicam grassabantur. *Tertio* Apostolus reprehendit *θησικίαν ἀγγέλων*, cultum Angelorum, aut itaque in Papatu admittitur ille cultus, aut non; si prius, hic erit prædamnatus, si non, cadet quod Doctores hætenus propugnarunt, praxis passim corroboravit, & ut damnavit hæresin Simonis Magi *θησικίαν* Angelorum introducentis, ut Cerinthi, quemadmodum alii volunt easdem tibias infantis ex generali loquendi ratione, ita quoque Pontificiorum; qui enim dicit, mæchari esse malum, non tantum asserit, hoc malum esse in Gentilibus, sed etiam in Monachis, cum Monialibus nimis familiariter agentibus; qui docet Angelorum cultum esse reprehensibilem, ex eo, quia procedit ex Dominio in conscientias, quia est illorum, quæ non visa vel audita, & tamen pro oraculis substituta, quia est carnis fructus, ille eo ipso non tantum Simonem Magum perstringit, sed omnes, quotquot hoc laborant morbo, qui volentes Moderatores, jactantes non visa, vel audita, & carne turgidi, opinionibus propriis intumescunt. 3. *Falsi pro vero substitutio*, dicit notari illos, qui Angelos adorant & coluerunt, secundum Simonem Magum, sacrificando, atqui de Simonianis hoc falsum; dicit de hac Idololatria seu Magia, quæ diversa sunt exponere hunc locum omnes Interpretes; at aliter accipiunt hæc verba ex patribus Anselmus, ex Pontificiis Lyra & Cajetanus; dicit damnari hæresin Simonis Magi, at ut hoc falsitatis arguit Cæsar Baronius, *Tomo primo ad Annum Christi 60. pagina mihi 571. & 572.* scribens: Quænam fuerit dicta hæresis, ipse non nominat, nec in suis, quos scripsit, libris hæreticarum fabularum explicat: quamobrem mirati sumus, errorem ejusmodi tribui Simoni Mago; cum, quæ de Angelis ipse dixerit, longius ab his discrepent: quippe qui traderet (ut auctor est Irenæus, Epiphanius, idemque Theodoretus & alii) se esse divinam potentiam, quæ Judæis ut Filius apparuisset, à seque per mentis suæ primam compre-

hensionem, quam Helenam esse dicebat, creasse Angelos, à quibus mundus esset creatus, in ipsam Helenam fuisse commotos, ipsamque affecisse ignominia, ad quam redimendam & ab Angelis vindicandam ipsum descendisse, ac in Judæa hominem apparuisse, tradebat. Sic igitur nullus à Simone Angelorum cultus introductus habetur: qui dicebat se in mundum descendisse, ut Angelos malos, moderantes terrarum orbem, corripere. Nec his insuper aptari possunt, quæ Simonis discipuli dixerunt de Angelis, quibus licet creationem rerum tribuerint, tamen, quod perperam agerent, Christum ad eos debellandos missum esse, jactarent, quod Basilidis proprium dogma fuit. Porro tantum abest, ut hi Angelos adorandos esse docuerint, ut pugnandum esse suaderent adversus Angelos mundi fabricatores, idque horum affinis Carpocras tradiderit, potius itaque vult Cerinthi Dogma fuisse notatum, quem sequitur Johan. Gabriel Bisciola, *pagina mihi 52.* ita scribens: Tangit Cherinti dogma, asserentis Christum esse tantum hominem, & illi Angelos præferentes, per quos & mundum creatum diceret. Monet igitur, ne seduci se sinant in humilitate, scilicet Christi, id est abiectione Christi, cum tantum hominem eum confiteantur, & religione Angelorum, cum Angelos scilicet naturæ opifices esse jactarent. Cornelius à Lapide, qui consimilia prodit. *Tertio*, origo & occasio hujus erroris videtur fuisse hæresis Cherinthi, qui in Christo Deum dividebat ab homine, dicebatque Jesum fuisse purum hominem, sed in eum descendisse Christum Dei Filium, ac in passione rursus ab eo in cælum recessisse. Inde enim inferebat Jesum inidoneum, & indignum esse mediatorio Dei & hominum officio: cumque ipse Deus & Dei Filius mediator esse non possit, necessario consequi, angelis, qui inter Deum & homines natura sunt medii, hoc mediatoris officium uti debitum, ita & tributum esse à Deo.

## VIII.

Sed quid de patribus dicendum, qui adducuntur, num illi, quæ in caducum inclinant parietem sustinent? Num Pontificiorum Elusiones stabiliunt? *Minimè.* nam *primò* quod in acie locatur Chrysostomus, quasi aureo ageret contra nos flumine, non satis prudenter factum. Chrysostomus enim putavit, Apostolum agere contra quosdam, qui dicunt non per Christum, sed per Angelos accedendum esse

esse ad patrem, verum hoc ab ipsis Pontificiis scriptoribus non admittitur; nam utut Estius Græcorum hanc sententiam extenus admittat, quatenus à quibusdam hæreticis Angelorum quendam cultum introductum fuisse, affirmat; eâ tamen parte, quâ dicunt, id factum ex humilitate erga Majestatem CHRISTI, velut longè excellentioris, quam cui officium Mediatoris competeret, nullo modo convenire cum scopo Apostoli asserit, cujus studium sit in hac Epistola & eâ, quam scripsit ad Ephesios, CHRISTI dignitatem extollere supra Angelos, ut censendum sit, egisse illum contra eos, qui minuerunt dignitatem Christi & depresserunt infra Angelos, asserit. *Secundò* num Pontificii non etiam rei sint illius Erroris, Angelos esse Intercessores nostros, utut Christo non hoc officium, quod nimis propudiosum esset, derogant? Audiamus Drexelium ita orantem: Te rogo suppliciter, ut, Angelicis pro me intervenientibus suffragiis, omnia opera mea placatus suspicias, & ad salutem meam provenire concedas: Item: O æterne Deus bonitatem tuam per omnium sanctorum Angelorum atque Archangelorum preces & merita humiliter imploro, ut quod meo in te amorideest, illorum in te ardentissimus amor compenset: Item: Humiliter te Domine deprecamur, ut quod nostris meritis non valeamus, ejus (Michaelis) intercessione consequamur. *Tertiò*, si Paulus sursum ac deorsum, quæ de Christo sunt, versat, ut loquitur Chrysostomus, si totus est in illius Majestate propugnanda, Angelos subjicit, tanquam Creaturas, eidem *cap. 1. vers. 16, 17.* non Angelorum cultum admisisse censendus erit, qualemcunque Religiosum, sed Majestati Divinæ Christi omnem religiosam venerationem adæquasse. Hieronymus non favet Bellarmino, ut & ante illum Ambrosius, post verò Haymo; Nam in *Questione decima ad Augustinam* docet, pugnare Apostolum contra Judæos; non contra Simonis Magi hæresin, ut supponit Cardinalis, & demonstrare intendit: Verba Hieronymi sunt: Loquitur universaliter contra eos, qui credentes ex Judæis in Dominum salvatorem Judæicas ceremonias observare cupiebant, docet agere Apostolum contra illos, qui cum Angelis Solem, Lunam, omnemque cœli militiam adorabant, Theodoretus verò totus noster est, qui in Verba illa: Nemo vos seducat volens in humilitate & religione Angelorum, quæ

non vidit ambulans, &c. sic scribit: Qui legem defendebant, eos etiam ad Angelos colendos inducebant, dicentes legem per eos datam; mansit autem diu hoc vitium in Phrygia, & Pisidia. Quocirca Synodus quoque, quæ convenit Laodicæ, quæ est Phrygiæ metropolis, lege prohibuit, ne precarentur Angelos, & in hodiernum usque diem videre licet apud istos & eorum finitimos oratoria S. Michaelis: illi ergo hoc consulebant, utique humilitate tentes, dicentes, universorum Deum nec cerni, nec comprehendere, nec ad eum posse perveniri: & oportere per Angelos divinam sibi benevolentiam conciliare.

## IX.

Concilium Laodicenum frustra laudatur, quasi non damnet quamlibet venerationem Angelorum, sed eam, quæ Deo propria est; nam adhibetur ad elucidandum Theodoretum à Bellarmino, qui Simonianos (quanquam falsum hoc esse ex supradictis constet, & paulò post demonstrandum quoque) notari vult dicentes: Deum apprehendi non posse, sed per Angelos esse placandum; At quis admittat, Concilium Laodicenum Canonem constituisse adversus Simonem Magum aut Simonianos? quis non asseveret, loqui illud de Christianis, qui derelicta Ecclesia abeunt? Quis non concludat, etiam Angelorum cultum religiosum esse Idololatriam, quia omne id idolum est, quod tanquam *ἰδωλολατρία* sibi homo fingit, extra Deum veneratur & adorat, sive sit Angelus sive alia creatura. Theodoretus itidem de Simonianis non loquitur, quia loquitur de illis, qui Legem defendebant; nec illud de Oratoriis quadrat, quasi posset vel ita intelligi, hæreticos ædificasse oratoria S. Michaeli, ut eum ibi colerent sacrificando, vel Tempia ab hæreticis extructa ad sacrificandum malis Angelis, esse conversa à Catholicis in Oratoria Michaelis; ex multitudine talium locorum colligi, quàm multum hæresis Simonis ibi olim grassata fuerit: atqui hæretici Simoniani nec Oratoria Michaeli ædificaverunt ei sacrificando, nec Tempia illa ab hæreticis Simonianis extructa ad sacrificandum malis Angelis conversa sunt in Oratoria Michaelis; visa enim sunt illa Oratoria apud illos, apud quos vitium mansit in Phrygia & Pisidia, non apud Catholicos, convertentes hæc Tempia, quales finguntur, ut Mendacio ædificetur. Attendamus autem ad Conflictum duorum Cardinalium.

lium. Bellarminus afferit, secundum Theodoretum & Concilium Laodicenum, hæreticos erexisse S. Michaeli Archangelo Oratoria; at Theodoretum carpit, & Sententiam improbat, tanquam in Concilio fundatam Laodicensi. Cæsar Baronius verò ita declamitat *Tom. 2. ad Annum Christi 60. pag. 573.* Ex his videas, Theodoretum haud feliciter affectum esse Pauli verborum sensum: dum in hujus ad Colossenses epistolæ Commentariis dicat, hæc à Paulo esse scripta, quòd tum grassarentur hæretici, qui Angelos colendos esse jactarent. Quinam hi fuerint, dicat ipse, qui omnium antiquorum hæreticorum fabulas egregie perpetuæ memoriæ commendavit? Sic ergo errore semel lapsus, in alium graviolem impegit, ut diceret, canonem trigessimum quintum Laodicensi Concilii de his hæreticis esse intelligendum, qui Angelos colendos esse docerent; quique in eadem regione Asiæ oratoria erexissent Sancto Micheli Archangelo: incautè nimis, quæ à Catholicis essent antiquitus instituta, hæreticis, quorum nulla esset memoria, tribuens. Quæ nam verò essent in ea provincia Asiæ antiquiores memoriæ Michaelis Archangeli, & à quibus fuerint institutæ, repetere operæ pretium ducimus. Haud enim frustra hæc propensius tractanda suscipimus, cum Novantes hæretici adversus Catholicam veritatem, Theodoretum sententiam usurpent simul cum testimonio concilii Laodicensi, quo ab Ecclesia Catholica Angelorum pium cultum abjiciant. Sane quidem nullum à Cherinthianis hæreticis erectum fuisse in honorem S. Michaelis Archangeli oratorium, ex nuper dictis satis superque liquet: Cum enim ipse Judæorum Deum Cherinthus diceret fuisse Angelum, haud de alio, quàm de Michaelle potuit intellexisse, quem ex Daniele favisse populo Judæorum, optimè nosset: verum cum illum ipsum, quem affirmaret esse Deum Judæorum, malum diceret; nulla prorsus subest ratio, ut in honorem Michaelis erexerint oratoria: at nec alios hæreticos, de quibus est facta mentio, id præstare potuisse, quæ jam sunt dicta, demonstrant. Quanquam & hæc non sint solida, tum quia Theodoretus procul dubio novit, quid suo tempore in vicinia Phrygia & Pisidia factum, & quidem melius Baronio, tum quia non est consequens, Tempia illa non fuerunt erecta à Cherinthianis, ergò erecta fuerunt à Catholicis, tum quia Martyrologium Græcorum & Emanuelis constitutiones deferriis, nec



non Metaphraſtes tanti non ſunt, ut ſecurè ipsis accedere poſſimus.

X.

Ni itaque omnia nos fallant, Paulus perſtringit opinionem Platonicojudaicam illorum, qui Angelos cultu religioſo fuerunt proſecuti; Colligimus id *primò* ex Hieronymo ſupra adducto, ab ipsis Pontificiis in ſubſidium vocato; *Secundò* ex Theodoro, qui apertè teſtatur, illos ad Angelos colendos induxiſſe, qui Legem defendebant, dicentes Legem per eos fuiſſe datam; *Tertiò* ex Pontificiis Scriptoribus, qui aſſerunt Judæos orationes ſuas quoque dirigere ad Angelos; undè liquet, ovum ovo, lac lacti non tam ſimile eſſe, ut cultus Angelorum in Papatu, & ille quem perſtringit in Judæis vel Semijudæis & Platonizantibus; neque enim illi adorarunt Angelos, aut coluerunt ut ipſum Deum, qui illis præſidet, (qualem cultum tantum Pontificii putant eſſe vitioſum) ſed ut inferiores, & ſub Deo inferiori cultus genere, nec Platonici eoſque (quos notari vult Cornelius à Lapide) progreſſi ſunt, ſed Plato *lib. 4. de Legibus*, poſt Deos tutelares dæmones colendos demùm præſcribit, & in *Epimenide* Dæmones, *inquit*, colere oportet, quia medium locum obtinent inter Deos & homines, & funguntur Interpretum officio; colendi ergò *ἡς τοφίμης ἀλαφρείας χάριν*, ob fauſtam & felicem eorum interceſſionem inter Deum & homines. Obſignamus hunc locum verbis B. Chemnitii, *parte quartâ Examinis Concilii Tridentini*: Quia Philo dicit, quosdam ob amorem *σοφίας*, neglectâ corporis curâ per triduum, imò per ſex dies vix deguſtare aliquid, hoc Paulus ita exprimit: Habent ſpeciem *σοφίας*, non habentes curam corporis. Et quod Philo dicit, ipſos *σωματικὰς ἀνάγκας* non dignas ducere, quibus aliquid temporis in die tribuant, hoc Paulus vocat *ἐφιδίαν σώματος*, gloriabantur enim, ſe ſoli animæ vivere. Philo dicit, ipſos inſtitutum ſuum vocaſſe *θεραπείαν*, h. e. cultum, & ſe *θεραπευταίς*, h. e. cultores. Illud verò Paulus in eo loco *θελοθρησκείας*, cultum propriâ voluntate inſtitutum & ſuſceptum vocat. Cumque illi ſe vocarent *ἱερείς*, ſicut titulus Philonis habet, quaſi ſupplices ratione humilitatis: Paulus ided ſpeciem *ταπεινοφροσύνης* taxat. Ipſum etiam verbum *δύμνησις* quod Paulus ibi uſurpat, ex Philonis deſcriptione ſumptum eſt, qui *Εἰς* exercitia vocat *σοφίας δύνμωτα*. Et illa ipſa Mimēſis Pauli, *μη γέως* ne guſtes, ad id reſpicit,

spicit, quod Philo dicit: vix post sex dies *Σμυρίωνος* necessarium cibum. Sicut & vocabulum *ἀνηγορεύς*, quod in descriptione illa Philonis extat, Paulus eo in loco usurpat; Et quia Philo de theoriis ipsorum grandia philosophatur, ita ut concludat, ipsos esse cœli cives, & Patri ac Creatori omnium verè assistere: idè Paulus dicit: Inflatus mente carnis in his, quæ non vidit, *ἐμβανύων*. Josephus etiam scribit, Essæos jactare nomina quædam Angelorum, idè Paulus in illo loco Angelorum etiam mentionem facit. Cumque *ἑσχατοῖς* illa multis arrideret, & magnis præconîs extolleretur, Paulus *1. Timoth. 4.* dicit: Corporalis exercitatio ad modicum prodest, pietas verò ad omnia utilis est. Rationes etiam Essæorum de abstinentiâ à carnibus & potu, quasi usus vini & carnum per se (aliud enim est loqui de crapulâ & ebrietate) sit venenum clementiæ, & irritamentum concupiscentiæ carnis: Paulus quasi ex professo refutat, cum Timotheo præscribit, ne amplius aquam bibat, sed modico vino utatur propter stomachum: & cum de cibis dicit: Omnis creatura Dei bona est, & nihil rejiciendum, si cum gratiarum actione sumatur. Vides igitur, Paulum & verbis & sententiis ostendere, se de Essæorum potissimum instituto loqui, quod tantis encomiis Philo evehit.

## X I.

Addamus Testimonia Antiquitatis Orthodoxæ. Extat apud Eusebium *lib. 4. Ecclesiast. histor. cap. 14.* epistola orthodoxæ Ecclesiæ Smyrnenfis, in qua fideles adversus Judæorum calumnias ajunt, se *ὡν ἱεροῦ ἡμεῖς οἱ θεοὶ*. Similiter Justinus Martyr in *Apologia secunda pro Christianis*, commemorat, in doctrinis Christi fuisse solum Deum adorandum. Sic Patres plerique de ea pietatis parte, quæ *προσευχή* oratio dicitur, agentes sentiunt præter Deum invocandum neminem. Ex innumeris aliquot producendi testes, Cyprianus *lib. 2. epist. 2.* ad Donatum ait, *orare est cum Deo loqui*. Clemens Alexandrinus *lib. 7.* Stromatum simili modo loquitur. Origenes *lib. 7.* contra Celsum ait, *Christianos recusare colere quicquam præter Deum universorum Dominum, & verbum ejus primogenitum totius creature*. Et *lib. 8.* *Non distrabitur Christianus à Deo, ut aliud colat simul cum eo*. Sed quid illustrius testimonio Eusebii, quod extat *libro 4. cap. 21. de vita Constantini*, ubi preces Constantini Magni ita describit; *μὲν*

ὁ μόνος τῷ αὐτῷ προσωμίλει Θεῷ, *solus cum solo DEO colloquebatur.* Eandem ob causam Græci Patres Basilius magnus & Gregorius Nyffenus *lib. 2. de oratione Dominica*, excludentes ab invocatione Dei Angelos, Sanctos & quasvis creaturas, adorationem definiunt, τὴν πρὸς τὸν Θεὸν ὁμιλίαν. Denique Pontificiis expendendum linquimus elegans dictum Lactantii *libro 1. divinarum institut. capite 20. Religio & veneratio nulla alia nisi unius Dei tenenda est.* Cogitent Pontificii, nil nisi Patrum auctoritatem crepantes, quomodo hæc cum Romanæ apostaticæ Ecclesiæ doctrina & praxi conveniant? Oportet sane nocturnæ instar ad claram solis lucem cœcutire, qui non videt nostram sententiam verbo Dei, praxi Sanctorum, & Patrum aureis dictis ex asse respondere.

## XII.

Non possumus autem discedere, discussis specialibus exceptionibus ad locum Epistolæ ad Colossenses, nisi diluamus generalem illam distinctionem inter *Latriam* & *Duliam*, quam semper in ore habent Pontificii, quâ fideiā omnium argumentorum robur & speciem dealbare nituntur, quam infra fortasse uberius excutiemus; hujus enim præsidio, putant, se posse quoque amoliri cultum angelorum, Deo injuriosum, quia sit tantum *Δυλεία*, tantum inferior & huic Excellentie par veneratio. *Verum* quicquid vel fingant vel pingant Pontificii, transparet falsum & figmenti vanitas. Nam *primò* frustrâ distinguuntur, quæ in idem recidunt. *Dulia* enim non tantum notat cultum creaturarum, sed & ipsius Dei, ut constat ex *Matth. 6. v. 24. Actor. 20. v. 19. Rom. 7. v. 6 & 25. Latria* verò & λατρεία de tali cultu quoque usurpatur, qui homini exhibetur; sic *Deuteronomii 28. v. 48.* dicitur λατρεύετε τοῖς ἐχθροῖς ὑμῶν apud *LXX.* Interpretes. Adde loca *Exod. 12. v. 16. Levit. 23. v. 3. Num. 28. v. 19.* *Secundò* ipsi Pontificii se produnt, & falsitatis reos faciunt; neque enim venerantur tantum Angelos, & religiosè adorant & invocant, sed censent quoque, vota ipsis esse nuncupanda, jura-menta per Angelos esse præstanda, imò Tempa erigenda: at hi ædus non sunt *Dulie*, sed *Latriæ*, agnoscentibus ipsis Pontificiis. *Tertid*, jugulum hujus distinctionis petit effatum Angeli, prohibitio illa notabilis, quæ legitur *Apoc. 19. v. 10.* Nam Johannes vel voluit Angelum illum adorare ut Deum, exhibitione *Latriæ*, vel ut Ange-

Angelum exhibitione Dulia; prius non potest dici; quamvis eò confugiant Pontificii, dicendo Johannem existimasse, præsentem esse filium Dei, *tum* quia nullum vestigium illius in textu, *tum* quia Johannes noverat, Angelum istum esse unum de septem Angelis, habentibus phialas septem *Apoc. 15. v. 5, 6, 7. cap. 16. v. 1. cap. 17. v. 1.* Et quid opus fuisset in correctione dicere, *Deum adora; tum* quia ipse Lorinus Jesuita in *caput decimum Actuum* scribit: Cæterum nullo pacto existimo, Johannem ignorasse, Angelum fuisse, quem hoc ipso nomine etiam exprimit, & Angelo, quamvis Deum repræsentanti, non deberi Latrariam, ne non tam ad Deum, quam ad Creaturam videatur ejusmodi adoratio referri; accedit, *inquit*, quod semel admonitus non iterum id intendisset, nisi ex quadam tantum urbanitate prohibitum se contendisset. Posterius si admittatur, aut illa dulia fuit *cultus civilis*, aut *religiosus*: non prior, quia hic Angelos, non dedecet, neque prohibuisset Angelus se adorari, quamvis sit Johannis conservus & fratrum ejus, habentium Testimonium JESU; Spiritualis enim illa connexio uti non abolet Ordinem inter homines, ita nec civilis cultus exhibitionem; *religiosus* itaque fuit, adeoque compar illi cultui, quem hodie Pontificii Angelis deferunt. Prohibuit autem Angelus hunc cultum severo dicendi genere: *ὅχι μὴ, vide ne feceris*, quæ verba præstruunt omni urbanitati, neque enim severæ prohibitiones Repulsæ sunt urbanitatis & modestiæ, & adjecit trinam rationem, *quia* sit σύνδουλός, & consequenter, ne Δεῖνός, prosequendus quidem, *quia* sit frater, quæ ratio ex majori æqualitatis vinculo ducta, cum frater fratrem religiosè, ubi æqualitas inter illos, non adorare soleat, *quia* denique Deus adorandus. Quicumque itaque non Deus, illum non adorandum esse Johannes censuit; unde patet, quam vanum sit dicere, si Johannes putavit esse Angelum, & tamen adoravit, cur Pontificii reprehendantur, qui faciant quod Johannes? Annon enim Johannes fuit propterea severè reprehensus? Annon rationibus dehortantibus pressus? Annon eo ipso lapsus, quod tam non repugnavit Johanni magnitudine revelatorum & splendore Angelico abrepto, quam non repugnavit Petro ex affectus cujusdam prædominio se subducere gentibus in Gratiam Judæorum, de quo *Gal. 2. v. 12.*

## XIII.

Argumenta Pontificiorum non concludunt; non illa, quæ ex Scripturis ducuntur, ab Exemplis & Dictis. *Gen. 18.* Angelus ille, stipatus duobus Angelis comitibus, fuit Angelus increatus, filius scil. Dei, ut patet ex nomine Jehovah sibi tributo, & æteris circumstantiis textus. Angeli venientes Sodomam, coram quibus se incurvavit Lothus *Gen. 19. v. 1. 4. 20.* fuerunt creati, quibus Lothus detulit cultum civilem, ad modum gentis & morem receptum, quibus accessit dein iterum filius Dei, de quo *versiculo 16. & 17. nec non vigesimo quarto.* Jacobi Adversarius, cum quo luctatus fuerat, itidem in creatorum ordinem redigi nequit, quia Israel dictus fuit ex hac lucta, & agnovit, illum esse Angelum, qui eruerit ipsum de cunctis malis, & benedicere possit nepotibus, *Gen. 32. v. 24. & seqq. & cap. 48. v. 15. 16.* Angelus apparens Josuæ, fuit princeps militiæ Jehovah, qui locum sanctificavit, adeoque filius Dei *Josua, 5. v. 14.* cum quo confer locum *Numer. 10. v. 35.* Angelus Jehovah, *Zacharia. 1.* est Christus intercessor, cui alii ministrant angeli, quique Hierosolymæ Murus igneus circumquaque, & Gloria in medio ejus, Jehovah qui elegit Jerusalem, *cap. 2. & 3.* Septem Spiritus, à quibus Gratiam & pacem precatur Johannes, *Apoc. 1.* non sunt Angeli, sed Spiritus S. septiformis Munera, agnoscente ipso Pererio, qui non improbare audet hanc sententiam à tot & tantis viris, Justino, Victorino, Prinasio, Ambrosio, Beda, Haymone, Ruperto probatam & traditam. Angelus denique *Apoc. 8. v. 3.* stans ante aram, habens thuribulum, clarè designat Christum, cui soli competit sacerdotium propriè sic dictum *N. T. Ebr. 5.* qui contradistinctus septem Angelis stantibus coram Deo, & ministrantibus & concinentibus.

## XIV.

Transimus ad cultum Sanctorum, qui maximè in invocatione illorum, Papæis frequentissimâ, deprehenditur. Quamvis autem & hic abundet argumentis Orthodoxia, atque impugnari possit sententia opposita, defectu omnis Testimonii & Exempli in sacris, fidei & orationis nexu. Quomodo enim invocabunt, in quem non crediderunt? inquit Apostolus *Rom. 10. v. 14.* Præscriptio.



scriptione formulæ precationis ad patrem nostrum in cœlis unice directæ, tamen cum ipsum primum præceptum, *Ego sum Dominus Deus tuus, non habebis Deos alienos præter me*, sufficiat excludendo omni, qui non est Jehovah verus & æternus Deus; explicetur *Deut. 6. v. 13.* & à Christo repetitum exponatur Diabolo *Matth. 4. v. 10.* Quapropter ita concludimus: Quicumque non est Deus verus & æternus, ille non est invocandus & religiosè colendus, atqui Sancti defuncti non sunt verus & æternus Deus; Ergò. Majoris Connexio liquet ex effato Christi, Testimonio è Sacris Paginis deprompto, & in primo præcepto decalogi fundato, Dominum Deum tuum adorabis καὶ αὐτῷ μόνῳ λατρεύσεις, & illi soli servies.

## XV.

Nihil verò tam clarum, nihil tam evidens, quod non obscurare soleat fumus Abyssi; utit enim hoc effatum solis sit radio scriptum, à quovis simplice, præjudiciis non fascinato, de cultu soli Deo debito intelligatur, à Sophistis tamen voluntariis distinctionibus eludi solet, sed citra successum apud illos, qui textui attendunt; Coccysmum suum primo repetunt Pontificii, distinguendo inter latrariam & duliariam; cum enim dicatur, Deum adorabis καὶ αὐτῷ μόνῳ λατρεύσεις, prohiberi opinantur tantum latrariam, ad alios obliquandam, non duliariam deferendam sanctis, cujus nulla fiat in textu mentio, quæque inferiori Excellentix amussitata, imò retorquent, quia latraria soli Deo propria, adoratio autem communis & etiam creaturis deferenda. *Secundò* posito, quod scriptum esset, illi soli δαλεύσεις, non verò propterea exclusam fore duliariam Sanctis exhibendam, sed ita accipienda verba: Servies illi soli, certo quodam genere servitutis, non autem absolutè illi soli servies, siquidem in textu Ebraico sit עבדת, & tamen inveniatur, non obstante hoc præcepto, dictum Jacobo ab Isaaco, *Gen. 27. Serviant tibi populi, & adorent te filii matris tue*: ubi sint illa verba, עבדו & חננו. *Tertiò* nihil concludi ex voce μόνῳ; nam, sicut legatur hic: illi soli servies, ita legi *1. Timoth. 6. Qui solus habet immortalitatem*, & tamen notum esse, Angelos & animas esse etiam immortales suo modo.

## XVI.

At nebulæ hæc facile dissipantur. Nam *primò* distinctio inter Latriam & Duliam est merè commentitia, nec in Scripturis fundata, ut *supra ostensum*. *Δουλεία* enim plus dicit quam latria, designat enim servitutem, cùm Latria saltem notet cultum & venerationem, dicit relationem quandam ad Dominum, quales non sunt Sancti respectu credentium in terris, sed *σύνδουλοι*, & si admittenda hæc distinctio, membra illius non sunt accipienda, ut analogata unius cultus religiosi, sed *Latria* notabit cultum religiosum, *Dulia* verò civilem sive officiosum, juxta quem alter alteri ex mensura charitatis subvenit, servit, membrum in corpore mystico membro ministrat. Quo quidem sensu adhibuit Augustinus hanc distinctionem, dum Duliam voluit illud esse officium, secundum quod præcipit Paulus servis, ut Dominis suis sint subditi, & quo etiam in hac vitâ Sancti colantur homines; neque obstat, quod vox *λατρεύετε* occurrat, cum promiscuè usurpentur *λατρεύειν* & *Δουλεύειν*, & in Scripturis permutentur, & quod dictum, Deum adorabis & illi soli servies, non solum Deum *adorabis*, quia ex qua causa prohibetur Latria aliis exhibenda, ex eadem etiam causa Adoratio remota esse censetur ab omnibus extra Deum; & sicut non licet colligere, quia in Deuteronomio non additur posteriori membro præcepti vox *soli*, propterea cultum Latriæ non deberi soli Deo, ita utut absit in priori membro particula exclusiva, non tamen propterea invocatio communis erit admittenda. Latria verò Deo soli propria tantum statuenda. Unde Justinus in *Apologia*, *ὡς ὅτι τὸν Θεὸν μόνον δεῖ προσκυνᾶν*, quod Deus solus sit adorandus, sic docuit, dicens: Maximum præceptum est: Dominum Deum tuum adorabis & illi soli servies. *Secundò* quicquid sit de distinctione hac, non quadrat illa præsentī loco, quia Christus adhibuit hæc verba ad diabolum refutandum, qui *προσκύνησιν* postulabat, & dixerat: hæc omnia tibi dabo, si cadens adorabis me; finge Christum, ex hoc medio, Dominum Deum tuum adorabis & illi soli servies, conclusisse, tantum Latriam deberi Deo, non *δουλείαν*, aut alium alterius generis religiosum cultum, consequens foret, Christum malè disputasse, infirmiter conclusisse, abrogando diabolo tantum supremum cultum, qui Deo debetur, non verò excludendo alium quemcunque religiosum, quique Dulia nomine

nomine apud Pontificios exprimitur, quia Diabolus non expetiit cultum illum summum, cum apud Lucam *cap. 4. vers. 6.* professus fuerit, hæc, quæ pollicebatur, sibi tradita esse, ἐξουσίαν suam se aliunde & à superiore habere, ut planè absurdus sit Bellarminus, dicens: Diabolum postulasse à Deo προσκύνησιν, in signum Latriæ, & proinde postulasse Latriam, & propterea à Domino illi fuisse responsum: Dominum Deum tuum adorabis & illi soli servies. Tertio, quamvis Pontificii Sanctis assignent Δεξιάν ratione *Excellentiæ propriæ & intrinsecæ*, non tamen excludunt illos etiam à λατρείᾳ ratione *habitudinis ad divinam Excellentiam extrinsecæ*. Unde Leonhardus Lessius, *Libro secundo cap. 36. Dubitatione tertia de Religione*, ita definit: Notandum, dupliciter Sanctos posse coli, primò, propter excellentiam intrinsecam ipsius Dei, ad quam ipsi aliquem respectum habent, quod potest rursum fieri dupliciter: vel enim eo modo coluntur, ut ipsi sint integer terminus cultus, vel eo modo, ut Deus sit terminus & objectum principale illius cultus, illi verò secundarium. Dico primò. Si Sancti colantur propter excellentiam increatam Dei, ad quam ipsi aliquem respectum habent, sic eadem virtute coluntur, qua colitur Deus. Probatur, Primò de eo cultu, qui non sistit in Sanctis, sed transit immediatè in Deum, quia dum hoc modo coluntur, non tam ipsi coluntur quàm Deus in ipsis, tanquam in suis templis, tabernaculis, imaginibus; tunc enim Sancti considerantur, non ut ipsi sunt cultus capaces, sed sicut res inanimæ spectari solent, per quas Deus nobis repræsentatur. Unde etsi externum signum cultus ad ipsos dirigatur, tamen ibi non sistit: nam interior submissio fit Deo, quem in ipsis spectamus, ac proinde exterior etiam cultus, ut subest interno, ad Deum transit. Hic enim cultus omninò similis est cultui crucis & imaginis Christi, quæ non coluntur, nisi per accidens & cultu materiali, quatenus externum signum cultus, sed per illa colitur Deus, sicut dum res amici, v. g. equus, benè tractatur propter amicum, hic actus non est formaliter benevolentia aut beneficium in equum, sed in amicum, quamvis materialiter equo fiat, & sic etiam respectu illius, benevolentie actus & beneficentia, & beneficium dici possit. Idem confirmari potest à simili in charitate; nam eadem est virtus, qua diligitur Deus propter se, & qua diligitur proximus & omnes creaturæ



propter Deum, ut dum proximo & omni creaturæ benè volumus, cuique pro sua conditione & capacitate propter Dei gloriam: ergò etiam eadem est virtus, qua Deus colitur in seipso propter suam excellentiam increatam, & qua Sancti coluntur ut aliquid Dei, ejus excellentiam nobis exhibente: hoc enim nihil est aliud, quàm colere Deum in Sanctis, tanquam in suis templis & imaginibus. Sicut enim, cum volo proximo bonum propter Deum, illa dilectio non est formaliter dilectio & benevolentia in proximum, ed quòd ipsius bonum non diligatur ut est ipsius, sed in Deum: ita hic honor, quo honorantur Sancti, ut Deum nobis repræsentant, formaliter est honor Dei, & latria. Secundò, probatur de cultu, qui ipsis Sanctis tanquam integris terminis propter excellentiam divinam tribuitur: quia tota ratio hujus cultus est excellentia increata Dei, ad quam ipsi certum respectum & conjunctionem habent: ergo procedit à virtute religionis, quæ excellentiam divinam tanquam rationem sui cultus spectat. Omnis enim virtus, respiciens aliquam rationem formalem objectivam seu motivum principale, extendit se ad omne id, cui illa ratio formalis aliquo modo communicatur vel conjungitur, ut patet inductione. Altera responsio audaciam prodit Jesuiticam; nam *primò*, si posito quod verbum *δουλέω* fuisset adhibitum, non propterea Sancti excluderentur ab honore religiosæ *Δουλείας*, voce *λατρεύω* hic adhibitâ posset pariter quis dicere, non excludi illos à participatione Latriæ. *Secundò*, ita *δουλεία* non erit honor sanctis proprius, non notabit cultum inferiorem in Religione, uti tamen Pontificii asserunt & ita Latriæ contradistinguunt. *Tertidò*, si sequeretur, posita etiam voce *δουλέω* servies Deo certo quodam genere servitutis soli, non exclusis sanctis, consequens foret, *Δουλείαν* quoque distinguendam in *Duliam* religiosam superioris & inferioris ordinis, si verò in Ebræo est *עָבַד* quod notat *servire*, & in græco *λατρεύω* colligitur, vanam esse distinctionem inter Latriam & Duliam, atque utrumque cultum esse prohibitum; Verbum autem hoc promiscuè usurpatur in Sacris de servitute & cultu, ut constat ex *Gen. cap. 29. v. 25. & Malach. cap. 3. v. 14. & 18.* & hoc tantum sequitur, quum dicitur: Soli Deo servies, non excludi vi vocis generaliter acceptæ, aliam servitutem, quæ exhibetur Principi, Hero, vel proximo in vivis; non verò si intelligatur, ut hic intelligi debet de cultu

cultu & servitute religiosa, illam Soli Deo non esse propriam. *Tertio*, quæ particulæ exclusivæ opponuntur, sponte suâ corruunt; nam *primò*, posito immortalitatem ita tribui Deo hic, ut non excludantur Angeli & animæ, num par erit ratio hujus effati & illius Christi? probet prius Doctor Pontificius, cultum religiosum esse divisibilem, esse communem, quemadmodum immortalitas, sub diverso tamen modo, *mihi* & commune est Dei & Spirituum, & dein particulam *solum* in loco Matthæi vellicet. *Secundò* posito, immortalitatem hic notare vitæ perpetuitatem, nihilominus, quando Deus dicitur habere immortalitatem, non illa notatur, quæ communis est creaturis, sed Deo propria, Immortalitas scil. per Essentiam, quod vel ex serie attributorum constare potest, antecedentibus titulis & sequentibus, dum Rex Regum, Dominus dominantium dicitur, nec non habitans Lucem inaccessibilem. *Tertio* per immortalitatem hic non tantum negatio desitionis & mortis intelligitur, sed omnis mutationis & mutabilitatis, per quam Deus non tantum à Regibus terrenis, qui mortales sunt, sed & ab omni re creata distinguitur, cum omnis in deterius mutatio mortem quandam dicat; at num non solus Deus immutabilis? Num non solus dicere potest, *Ego Deus & non mutor*? Num non Jacobus de illo solo prædicat, quod nulla apud ipsum transmutatio, nec vicissitudinis obumbratio? Num etiam Angeli & animæ in consortium hujus perfectionis admixtæ? Atque de hac immortalitate sive immutabilitate intellexerunt hunc locum Augustinus, Bernhardus, ex Pontificiis Estius & Cornelius à Lapide.

## XVII.

Haftenus contra Cultum, Adorationem & Invocationem Sanctorum generalem; at si ad illam nos convertimus, quæ in Papatu viget, longè plura occurrunt, quæ censuram merentur. Nam ut non dicam; statuere illos, defunctos esse adorandos, quo sternunt ipsi segetem Argumentorum propriam ex Dictis & Exemplis illorum, qui viventibus aliquem exhibuerunt cultum, sanctos defunctos N. T. qui in Cælo, quo ipso sanctos V. T. vilipendunt, & quos purgatorii ignis adhuc angit & tangit, illos demum volunt esse idoneum Cultus adorationis & invocationis Objectum, qui à Papa canonisati & numero divorum adscripti. Quò suspectam redeunt omnem  
hanc



hanc Religionem ; nullis quippe infallibilibus argumentis aut indi-  
ciis demonstrari potest, canonizatos fuisse Sanctos, vel esse, ut  
consequenter semper hæsitandum, num atrum non pro albo colamus,  
ut quidem contigit tempore Martini, agnoscente ipso Bellarmino.  
Historiam prodidit Sulpitius Severus *in vita hujus Episcopi* pag. 474.  
§. 8. scribens : Sed ut reliquas virtutes ejus, quas in episcopatu e-  
git, aggrediar, erat haud longe ab oppido proximus monasterii lo-  
cus, quem falsa hominum opinio, velut conscriptis ibi martyribus,  
sacraverat; nam & altare ibi à superioribus episcopis constitutum  
habebatur. sed Martinus non temere adhibens incertis fidem, ab  
his qui majores natu erant presbyteris, vel clericis, flagitabat sibi  
nomen martyris, vel tempora passionis ostendi: grandi se scrupu-  
lo permoveri, quod nihil certi constans sibi majorum memoria tra-  
didisset. Cum aliquamdiu ergo à loco illo se abstinuisset, nec dero-  
gans religioni, quia incertus erat, nec auctoritatem suam vulgo  
accommodans, ne superstitio convalesceret, quodam die paucis se-  
cum adhibitis fratribus, ad locum pergit. Deinde super sepulcrum  
ipsum astans, oravit ad Dominum, ut quis esset, vel cujus meriti se-  
pultus, ostenderet. Tum conversus ad lævam, vidit prope assiste-  
re umbram sordidam, trucem: imperat, nomen meritumque ut lo-  
queretur; nomen edicit, de crimine confitetur, latronem se fuisse, ob  
scelera percussum, vulgi errore celebratum, sibi nihil cum Martyri-  
bus esse commune; cum illos gloria, se pœna retineret. Mirum  
in modum vocem loquentis, qui aderant, audiebant: personam ta-  
men non videbant. Tum Martinus, quid vidisset, exposuit: jussit-  
que ex eo loco altare, quod ibi fuerat, submoveri: atque ita popu-  
lum superstitionis illius absolvit errore. Hactenus ille: Ut autem  
incertitudo hæc premit ex parte illius, qui colitur, ita ex parte co-  
lentis quoque illam luculenter deprehendere licet; si enim nemo de  
se ipso pronuciare potest, num sit in statu salutis nec ne, quia nul-  
lus scit, num amore vel odio dignus sit, quæ in Papatu recepta O-  
pinio, multominus vel Papa Canonizans, vel homo colens certus  
esse poterit de salute & Beatitudine alterius, quàm alias Scriptura  
asserat, Spiritum hominis nosse, quid sit in Spiritu hominis, 1.  
*Corinth. 2. vers. 11.* non autem, quid sit in alio. Denique ti-  
tubante pede hic versari Pontificios, natate citra tabulam in hoc sa-  
lo in-

lo incertitudinis, liquet ex medio, quo Pontifex nititur in Canonizatione sanctorum; est enim illud Testimonium humanum horum vel illorum, qui de integritate vitæ & miraculorum splendore deponunt.

## XVIII.

Sudat hic cum Sociis Rodericus ab Arriaga, *Tomo quinto, Tract. de fide divina Disp. 9. Sectione quinta*, saxum volvit, nec proficit hulum discursu, qui ita habet; *pag. 148.* Infertur non posse errare Pontificem in Canonizatione Sanctorum. Ita ex dictis infertur *Primò*, quod & in materiâ de Legibus tradidimus, Pontificem non posse errare, imperando toti Ecclesiæ aliquid mali sub prætextu boni honesti: *Primò*, quia id quodammodò esset definire falsum: *Secundò*, quia id esset contra sanctitatem Ecclesiæ: si enim ei obediret, jam tota erraret; si non obediret, videretur suo Capiti manifestè opponi, id quod esset grave in Ecclesiâ scandalum; Hæc tamen, secunda ratio non videtur admodum efficax. Nam posse Pontificem injustam aliquam legem condere, hoc est, non necessariam, & nimis gravem aut indiscretam, expressè tradit Bellarminus lib. 4. de Romano Pontifice cap. 5. & Suarez post ipsum sect. 8. n. 7. In talibus autem legibus fortè non tenerentur subditi obedire; ergo eâ solâ ratione omisâ prima sufficiat. *Secundò* infertur, non posse errare Pontificem in Canonizatione Sanctorum. Ita D. Thomas quod lib. 9. a. vult. Antoninus 3. p. l. 12 cap. 8. Canus lib. 5. de Locis Theologicis cap. 5. Bellarminus lib. 1. de Sanctorum beatitudine cap. 5. Azor Tom. 2. lib. 5. cap. 6. q. 5. Valentia Tom. 3. disp. 1. q. 1. p. 7. §. 40. Suarez disp. 5. sect. 8. Tannerus quæst. 4. à n. 277. & Ludovicus de Torras disp. 16. dub. 3. Ratio hujus est prima, quia ea Canonizatio est definitio quædam, seu declaratio, quòd talis persona sit in gloriâ: quod ut probet Torres suprâ, citat Bullam Canonizationis S. Francisci de Paulâ apud Surium mense Aprili, in quâ Leo X. usus est his verbis: Decernimus & definimus esse receptum in gloriâ. Ego verò non solum in eâ Bullâ, sed in multis aliis similia verba reperio; in Bullâ pro Canonizatione sancti Hyacinthi; item pro sancto Raymundo; pro sanctâ Francisâ Romanâ; pro sancto Carolo Borromæo; pro sancto Ignatio Patre nostro, & sancto Xaverio. In antiquioribus verò Clemens IV. de

S. Hedwige: Decrevimus adscribendam in Sanctarum numerum, imò verius denuntiavimus jam adscriptam. Clarius Nicolaus V. de omnipotentis Dei misericordiâ, qui non deserit Ecclesiam suam, decernimus, declaramus & ordinamus, S. Bernhardum inter Sanctos Dei ab universâ Ecclesiâ debere deputari. Ubi nota, eum velle, ut omnes ita sentiant, seu credant, seu reputent; non potest autem rem falsam omnibus credendam aut judicandam proponere. Bonifacius verò IX. de sanctâ Brigittâ: Decernimus, declaramus, definimus, sive pronuntiamus, sanctam Brigittam Sanctam esse, & ab universali Ecclesiâ coli debere. Cælestinus item III., in Canonizatione S. Ubaldi, clarè insinuat, mediâ Spiritus sancti revelatione eam Canonizationem fieri: etenim loquens cum eo, qui pro canonizando Ubaldo egerat, ait: Suspendimus desiderium tuum aliquamdiu, ut, quid Nobis agendum esset, Spiritus sancti gratia revelaret; tua igitur tandem, &c. & Clemens VII. in Canonizatione sancti Antonini, Bullam edens nomine prædecessoris Adriani Sexti ait: Considerant idem Adrianus, quòd in eadem Canonizatione non permissurus esset Deus eum errare, &c. Honorius III. in sancto Laurentio Archiepiscopo Dublinensi: Divinum secuti iudicium, per quod ejus glorificatio argumentis tam evidentibus innotuit. Joannes verò XV. anathematizat eos, qui refragati fuerint Sanctitati S. Udalrici à se tunc canonizati: id quod non nisi contra negantes veritatem Fidei fieri unquam solet. Ac denique Eugenius III. in Canonizatione sancti Henrici Imperatoris ait, eam non solere fieri, nisi in Concilio generali; additque, Auctoritate tamen sanctæ Romanæ Ecclesiæ, quæ omnium Conciliorum firmamentum est, &c. Ubi duo pondero; Primò eum supponere, eam definitionem esse talem, quales solent esse, quæ in Conciliis generalibus fiunt, quæ sine dubio ad Fidem spectant: Secundò, ipsum ibi dicere se eadem auctoritate, quæ dat Conciliis firmamentum, uti ad Canonizationem; ea autem auctoritas omnino est ad definiendum de Fide; ergò definitio illa de sanctitate Henrici seu Canonizatio illius est de Fide.

## XIX.

At quam infirma hæc & lubrica. Dicit Arriaga, i. ex his omnibus modis loquendi tot Pontificū colligo, Papam in Canonizationibus

bus non solum errare non posse, sed id esse de fide. Quomodo colligit? ex testibus in propria causa? quo quidem modo Diaboli vincere possunt: quid supponit *sestione quarta* nempe Pontificem esse vicarium Christi, successorem S. Petri, & Regulam fidei, quæ loqui possit, atque veram doctrinam à falsa discernere? quousque extendit suam conclusionem? nempe ad esse eam de fide. Probet prius Arriaga, nempe Pontificem non posse errare in Canonizatione; dein progrediatur ad Qualitatem hujus propositionis & demonstret; illam esse de fide. Tàm audax sanè non fuit Thomas, qui judicium hoc Pontificis voluit esse medium, ut ipse eundem adducit. Dicit *secundò*, constare esse de fide, quia Papa decernat, mandet; transeant formulæ illæ fastuosæ Pontificis, & premant illos, qui sub Tyrannide illius malunt servire, quàm libertati Evangelicæ accedere. Quid hoc Monstri est, quòd concludit: Materia hæc non minùs directè gubernationem Ecclesiæ concernit, quàm aliarum multarum, quæ definitæ sunt. Imò longè magis, quod enim Justificatio fiat per infusionem, est veritas purè speculativa, ob quam nec melius nec pejus nos operabimur, & tamen habet Pontifex auctoritatem illam definiendi &c. Verùm num Justificatio fiat per infusionem nec ne, annon in Scriptura definitum, & quidem ita, ut constet, non consistere illam in infusione, sed peccatorum remissione, & Justitiæ Christi Imputatione? quomodo itaque penes Pontificem erit potestas definiendi illius, cujus oppositum vel à Spiritu Sancto in Scripturis definitum? num nos justificari per infusionem vel imputationem, est veritas mere speculativa, ob quam nec melius nec pejus operamur? At si credas te justificari per infusionem donorum habitualium, ad quam præventus Gratia concurras, annon operaberis sub ratione & opinione meriti, & cum Pharisæo expones publico opera, quæ splendent in oculis hominum, sordent in facie divina *Luc. 18.* si verò credas, te justificari per remissionem peccatorum, non propriâ sed Christi Justitiâ imputatâ, nihil habere te ex te, esse te per naturam filiû iræ, & in peccatis mortuum, quicquid sit in te; Gratia & Favori Divino esse deputandum, annon operaberis, attendendo quanto te Amore complexus sit Pater, dum vivificavit, Filius, dum se ipsum pro Te tradidit, & sua tibi appropriat, Spiritus S., dum in Evangelio tibi omnia bona &

dona gratiæ obtulit, exhibuit, atque ex motivo gratitudinis erga tantam Charitatem tot Beneficia, tibi planè indigno collata, in humilitate vera fidem tuam ostendes per strîcturas & radios, Lumina Charitatis & Misericordiæ, tanquam filius Dei, qui Spiritu Dei agitur & impellitur. Quanti denique fructus, qui ex canonisationis veritate resultantes recensentur, scilicet Canonizatio debet stimulare ad virtutes; quasi desint alia media, quasi illa non esset rara & infrequens, nostro præsertim tempore, nec facilè contingat adire cuiquam hoc Pontificii Regni Axioma; debet stabilire invocationem & cultum Sanctorum, quem Scriptura ignorat, Deus severè prohibet; debet nos certificare & monere, nè oremus pro illo, quia jam exemptus purgatorio vel orationes non eidem conducant, in quo multum scilicet situm. Quid verò, num Pontifex errare non potest, mandando toti Ecclesiæ rem injustam, ac si esset justa? num Caiphas non mandavit occisionem Christi, & num propterea Nicodemus, Josephus & aliæ piæ animæ inductæ fuerunt in eandem impietatem, & sanguinariæ definitionis communionem? Dicit *tertiò*, non ob stare defectum revelationis, suppositionem corporum, Thomæ iudicium. Verum petit *primò* principium, Pontificem habere auctoritatem definiendi, quod talis aut talis sit sensus Scripturæ, nec opus illa, cum de veritate hujus vel illius sensus Scripturæ non demum sit definiendum, sed definitum ipsâ structurâ verborum clarè propositorum, quam Anagnostes sedulus adhibitis adhibendis citra pontificis, cui quandoque cum Innocentio decimo pronunciandum: Io non so Theologo, Auctoritatem & definitionem investigare potest & eruere; petit principium, cum asserit, Deum ita assistere Pontifici, ut non permittat eum errare; quasi deliquia Cathedræ & errores Pontificum non sint in propatulo; petit principium, cum probat illam Erroris immunitatem ex Bullis Pontificum, quas tanti facimus, quanti Bullas aquæ ex aëre evanido concitatas, & in ipso partu evanescentes. *Secundò* quicquid sit de Es-fato illo, ipse Bellarminus non negat factum, sed adducit ipse, quid Martino contigerit circa venerationem damnati Latronis; quid tempore Alexandri tertii circa hominem in ebrietate occisum, quem pro Martyre venerabantur istiusmodi superstitiosi; præterea si pungit nostros, quasi illud ut dictum Augustini objecissent, falsum dicit.

Beatus



Beatus enim Chemnitius in parte tertia examinis ad Concilium Tridentinum de veneratione Sanctorum plus non dicit, quàm hoc usitatum fuisse in ipso Papatu dictum, multorum reliquias coli in terris, quorum animæ ardeant in inferno. Audiamus Junium Tomo 2. p. 1602. qui ita scribit: Non adfert Chemnitius auctoritatem Augustini, sed famosum dictum & in Papatu celebre; atque ex fama publica optimè concludit, quàm incerta ista sanctorum veneratio. Adversus autem hoc celebre dictum non valent Bellarmini exceptiones. 1. non esse Augustini: nam cujuscunque auctoris olim fuerit, est jam famæ publicæ. 2. Agi de impiis, qui honorantur superbissimis sepulchris: nam sermo est de religioso cultu reliquiarum, ac non de sepultura solummodò corporum. 3. Agi de corporibus sanctorum non canonizatorum: nam agitur de cultu publico & religioso, qui erga sanctos illos minimè traditur permittiturve apud gentem Pontificiam: & quorsum illis obscuris, incertis, ignotis procurentur, cum tot habentur sanctorum canonizatorum myriades? 4. Agi de corporibus fraude suppositis pro corporibus sanctorum: quis hoc Pontificius de reliquiis Pontificiorum dicat, quas in templis, altaribus, thecis, antiminiis, sive portalibus (ut vocant) auctoritate publica constat depositas? 5. Agi de martyribus Donatistarum: nam Donatistæ jam olim exoleverunt, illud autem vulgi dictum ad rem præsentem pertinet: falsa itaque disputatoris, quò se cunque verset, defensio. De scriptorum autem Pontificiorum, quorum nomina subjunguntur, messè illi viderint, qui novam sementem quotidie serunt. Nec, si loquatur hoc dictum de corporibus per errorem suppositis, non premit Pontificios, sed quid fieri possit, & actu ipso factum sit indicat; agit de corporibus, quæ honorantur in terris, quæ in Templis Pontificiorum sunt reposita; non verò loquitur de corporibus principum & magnatum; sermo enim est de cultu religioso, non de sepultura splendida principum. Denique calumniatur Arriaga, quasi dictum hoc esset de Hussitis colentibus Hussum, aut Lutheranis, qui venerantur Lutherum ut sanctum; nullo enim Religioso cultu vel Hussitæ Hussum, vel Lutherani Lutherum prosequuntur: neque agitur de non Canonizatis in hoc Effato, sed de cultu publico, qualis non obtinet in Papatu, nisi supposita Canonisatione. Tertiò impugnando Thomam pro

nobis *partim* militat. Nam quamvis canonisatio dicatur professio fidei de Sanctorum Gloria, atque ita aliquatenus à factis particularibus discrepet, convenit tamen cum illis ratione fallibilitatis Testamentum quibus nititur, *partim* quia frustra in subsidium vocatur providentia Divina citra revelationem, dirigens Pontificem in opere Deo displicente, cujus nulla promissio, *partim* quia Ecclesie nomen obtenditur, & sub illo filius peccati intelligitur, ejusdem errori cavetur, cum tamen ipsum Antichristum admiserit, & privilegium, quod universali competit ad speciale vel potius individuum in illa detorquetur.

## XX,

Ne autem Opinionis hujus fœditas transpareat, & simplicioribus imponatur, Pontificii *primò* comminiscuntur, tot esse species adorationis sive cultus, quot sunt species Excellentie, *secundùm Thomam* 22. pag. 103. art. 3. honor enim, sive cultus debetur personæ propter excellentiam ejus. Sed, quod ad præsens institutum pertinet, tres sunt species excellentie. Prima est excellentia divina, & infinita, cui respondet prima species cultus, qui à Theologis dicitur Latria. Secunda est excellentia humana, seu naturalis, quæ posita est in humanis virtutibus, dignitatibus, gradibus, &c. Cui respondet secunda species cultus, quæ dici potest cultus civilis, & observantia quædam humana, quanquam hæc in alias multas species dividi potest, ut Aristoteles docet, lib. 9. Ethic. cap. 2. nam alius honor debetur patri, alius principi, alius præceptori, alius sapienti, vel erudito, &c. Tertia est excellentia quædam media inter divinam & humanam, qualis est gratia & gloria Sanctorum; ista enim sunt dona supernaturalia, & excellentissima, & huic excellentie respondet tertia species cultus, quam Theologi vocant duliam; & qua inter sanctas creaturas humanitas Christi, si seorsim consideretur, singulariter excellit propter unionem ad verbum; & similiter B. Virgo, ut mater filii Dei, ita præstat aliis Sanctis, ut dici possit Domina & Regina nostra, quod aliis Sanctis non convenit, nisi admodum imperfectè; ideo Theologi hanc tertiam speciem, quam vocant duliam, dividunt in duliam propriè dictam, & hyperduliam, tribuentes illam Sanctis cæteris, istam soli humanitati Christi, &

sti, & matri ejus. *Secundò* mitigare videntur cruditatem sententiæ dicendo, non licere à sanctis petere, ut nobis, tanquam auctores divinorum Beneficiorum, Gloriam vel Gratiam aliaque ad Beatitudinem media concedant, scribentes: Notandum, non debere peti à Sanctis, ut orent pro nobis, tanquam auctores divinorum beneficiorum, gloriam vel gratiam, aliaque ad beatitudinem media, atque hoc munire se intendunt contra calumniam Calvinistarum, probantque Primò ex Scriptura, *Psalm. 83. Gratiam, & gloriam dabit Dominus.* Et *Psalm. 120. Levavi oculos meos in montes, unde venit auxilium mihi, auxilium meum à Domino, qui fecit cælum & terram.* Montes ipsis sunt homines sancti, ut exponit Augustinus in hunc Psalmum, & fusiùs tract. 1. in Joannem, & libro de Pastoribus, cap. 8. jubemur ergo levare oculos ad montes, id est, ad Sanctos, & ab eis auxilium expectare, sed ut intelligamus, ab eis auxilium expectandum esse, non ut ab auctoribus, sed ut ab impetratoribus, ideò statim subditur: *Auxilium meum à Domino, qui fecit cælum & terram.* Item *Jacobi 1. Omne datum optimum, & omne donum perfectum desursum est descendens à Patre luminum.* *Secundò* probant ex usu Ecclesiæ; nam in orationibus, quæ leguntur in Missa, vel in officio, vel in celebratibus Sanctorum, nihil unquam aliud petimus, quàm ut eorum precibus à Deo nobis beneficia concedantur. *Tertiò* ratione; nam ea, quibus indigemus, superant vires creaturæ, ac proinde etiam Sanctorum: Ergo nihil debemus à Sanctis petere, nisi ut à Deo impetrent, quæ nobis utilia sunt. *Quartò* ex Augustino *lib. 8. civit. Dei. cap. ult. & lib. 22. cap. 10.* & ex Theodoro *lib. 8. ad Græcos*, qui disertè docent, Sanctos non esse invocandos ut Deos, sed ut qui à Deo impetrare possunt, quod volunt. *Tertiò* addunt, ne injuriam videantur velle inferre Christo hac cultus specie, Sanctos non esse immediatos intercessores nostri apud Deum, sed quicquid à Deo nobis impetrant, per Christum impetrare, & notant, tres personas posse considerari, quando nos Deum oramus; unam ipsius Dei, à quo petimus beneficia; alteram Christi, per cujus meritum ea cupimus nobis dari; tertiam ejus, qui petit beneficia per Christum. Ex his tribus personis non potest prima Sanctis tribui, secundum illos; nec secunda, sed solum tertia. Itaque Sanctos dicunt se invocare ad hoc solum, ut faciant

ciant id, quod nos facimus, quia melius & efficacius ipsi facere possunt quàm nos, & melius illi & nos simul, quàm nos soli.

## XXI.

Atqui si *primum* spectes, quod huic cultui substernunt, suspensum te tenebit defectus Testimonii divini. Nihil enim in universa Scriptura de Tribus Excellentiss, nihil de Speciebus adorationis sive cultus, iisdem respondentibus, sed eo ipso, quo Deus dicit: non habet alios Deos præter vel coram me, omne Ens excludit à participatione cultus religiosi, quod est à se diversum. *Secundò*, divisio illa adorationis & cultus non potest esse in species sive univocas sive analogas, quia cultus civilis non comprehenditur, nec comprehendere potest, sub cultu religioso, tanquam genere, cum nihil participet de illo; sed est divisio æquivoci in sua æquivocata, neque honor rebus creatis competens, quem dulia dicunt, ex ratione objecti & excellentiæ dividendus, quia non *species* rectè ex illa constituitur, sed *gradus*, ad eandem speciem religiosi cultus, ex mente Pontificiorum, pertinens; neque Aristoteles loco laudato, ut observant quidam, agit de honore, sed de amicitia: quam non per objecta, ut iste facit, sed per fines ipsius dividit; prout actiones morales formam suam à fine plerumq; obtinent. Forma autem ea est, quæ speciem constituit formaliter. Amicitia, inquit, genus est, & speciem triplicem à fine sortitur: nam aut propter Voluptatem, aut Utilitatem, aut denique propter Virtutem conciliari solet: tres ergò sunt species illius. *Tertiò* fundamentum hoc Excellentiarum, & modus colendi sanctos ut intercessores, non auctores Beneficiorum, non consistit. Nam si sancti intercedunt & orant pro nobis per Mediatorem Christum, non nititur aliqua Excellentia illorum ista precatio, sed merito Salvatoris & divina promissione; quemadmodum si auditores in his terris intercedunt & orant pro pastoribus suis per Christum Oratione oblata, non opus est Eminentia fundatrice cultus in auditoribus, sed unica illarum Basis est Dignitas Mediatoris. *Præterea*, si dulia est modus vel species cultus religiosi, utut à Latria distincta, si fundatur in Excellentia media inter divinam & humanam, si vi illius Eminentia sancti verè & réaliter religiosè coluntur præter Deum, Idololatriæ vitium abstergeri nequit, utut non eo gradu cultus gaudeant sancti, quo Deus, sed inferiore, ut quidem sensit Gregorius de Valen-

Valentia, negans divinum cultum Creaturæ exhibitum esse Idololatriam, nisi deferatur illi ut Deo. Nam primò perinde id est, ac si quis dicat: fœminam non esse adulteram, etli carnaliter cum alio conversetur, nisi cum eo tanquam marito conversetur. Res hic spectatur, non verba aut prætextus. 2. Quia sic Libertinismus introduceretur. Nam quivis, Idololatriam coram Idolo Gentilitio cõnitens, posset excipere, se id non tanquam Deo, sed tanquam Soli aut Lunæ, aut defuncto Imperatori tribuere, & interim facere, quod Idololatræ faciebant. Cûr ergo Socii Danielis noluerunt Regis simulachrum colere? aut cur Paulus 1. Cor. 8. & 10. non patitur, ut in Idolæo accumbant cum Idololattris Christiani? qui dicebant Idolum nihil esse, ac proinde eo factò id non ut Deum habebant aut colebant. Et sancti Martyres omnes potuissent sic facile martyrium evadere. 3. Sic idololatræ nulli essent, qui profiterentur se verum Deum colere, licet hoc facerent per creaturas; ut Israëlitarum coluerunt Deum in vitulis; & Gentiles, qui Creatorem mundi per ignem aut aërem, aut cœlum, aut terram &c. colebant; quos tamen vere Idololattras fuisse certum est. Si dicatur: quomodo Idololatræ dici possunt, qui tota mente in Deum feruntur? Resp. Quia Deus non tantum vult mentem, sed etiam omnia corporis membra in suum cultum intenta esse: quemadmodum fœmina adulterium committens eo non excusatur, si dicat, tota mente se in maritum suum fuisse intentam, dum adulterium committeret. 2. Quia ejusmodi mens nulla esse potest, cum faciat contra Dei expressum mandatum. Quomodo enim tota mente in Deum ferri potest, qui præcepta Dei violat? non magis quam tota mente maritum suum potest diligere, quæ se adultero sub quocunque prætextu prostituit.

## XXII.

Frustra simplicioribus *secundò* glaucoma objicitur, cum dicitur, non licere petere à Sanctis, ut nobis, tanquam auctores divinorum beneficiorum, gloriam vel gratiam aliaque ad Beatitudinem media concedant; nam *primò* Concilium Tridentinum, *Sessione vigesima quarta, in decreto de invocatione, veneratione & reliquiis Sanctorum, & sacris imaginibus*, non tantum invocationem Sanctorum probat, ut orantium, sed bonum & utile esse asserit, ad opem quoque & auxilium illorum confugere; quamvis enim præmittatur,

Pars Specialis

R

bonum



bonum atque utile esse, suppliciter eos invocare, & ob beneficia imploranda à Deo, per filium ejus JESUM Christum Dominum nostrum, qui solus Redemptor & Salvator est, ad eorum orationes, opem auxiliumque confugere; quo videtur innui, confugiendum esse ad Sanctos, non ob beneficia ab illis impetranda, sed à Deo per ipsos mediantibus precibus & intercessionibus illorum; tamen hoc non intendi liquet, quia consilium utile & bonum esse censet, ad opem & auxilium Sanctorum præter orationes illorum confugere, neque etiam supposito, auxilio Sanctorum ad nos descendente, propterea beneficia impetranda à Deo non in nos defluunt, cum causa proxima auxilii & beneficiorum non opponatur causæ remotæ, sed subordinetur, neque nobis auxiliis subvenire possent sancti, nisi deducta facultate à Numine, cui subsunt. *Secundò* Concilium *eodem loco* dicit, sancta corpora à fidelibus veneranda esse, per quæ multa beneficia à Deo hominibus præbeantur; num autem corpora Sanctorum ad beneficiorum dispensationem concurrunt orando? Si itaque non intercedendo, non orando, sed cooperando, ad beneficiorum largitiones concurrunt, quis negabit hæc animabus defunctorum? quis non concludet, ut facultas quædam tribuitur auxiliandi corporibus Sanctorum, cujus vi beneficia in nos descendunt, ita quoque facultas quædam conveniet, & quidem multò magis beneficia distribuendi, conferendi in necessitatibus, opitulandi animabus, ipsâ beatitudine jam & visione Dei fruentibus, & annon noster Gabriel Biel, *lectione 32. in Canonem Missæ*, Sanctos disertè vocat dispensatores quorumlibet bonorum, tum corporalium tum spiritualium? *Tertio*, si ad sanctos confugiendum ut orent, cur itaque officia opitulandi inter illos dividuntur? Oratio sanè commune quid est, auxilia autem pro diversitate Objeutorum variant, unde suos habent Patronos distinctos, Regiones, Civitates, Episcopatus, Artes, Morbi & alia. Regiones; Germanis datus Patronus S. Martinus & S. Bonifacius, quos peculiariter colant; Hispanis S. Jacobus; Gallis Michaël & S. Dionysius; Anglis Thomas Cantuariensis & Georgius; Helvetiis S. Virgo Maria & S. Gallus; Lusitanis Sebastianus; Siculis Agatha & Lucia; Polonis S. Stanislaus; Moscovitis S. Nicolaus; Scotis S. Andreas; Suecis Brigitta; Bohemis S. Wenceslaus; Hungaris S. Maria; Suevis S. Conradus;

Ea-

Bavaris S. Wolfgangus; Franconibus S. Kilianus; Pomeranis S. Otto; Hassis S. Elisabetha; Prussis S. Albertus; Austriacis S. Florianus; Carnis S. Ruprechtus. Civitates multæ peculiare habent Patronos. Colonia tres Reges & S. Ursulam; Venetiæ S. Rochum; Mediolanum S. Ambrolium; Lutetia virginem Genoveam; Augusta S. Ulricum; Basilea S. Panthaleonem; Norimberga Sebaldum; Ratisbona Wolfgangum; Erphordia Severum; Argentoratum Ottiliam; Constantinopolis S. Mariam; Neapolis Thomam Aquinatem; Antverpia Eligium & Nordbertum; Mechlinia Rumoldum. Episcopatus multi suos habent Patronos. Romanus S. Petrum & Paulum; Magdeburgensis Mauritium; Halberstadiensis Stephanum; Pragensis Vitum; Salisburgensis Ruprechtum; Herbipolensis Kilianum; Bambergensis Henricum, & fortasse alii alios. Artium tum liberalium, tum mechanicarum studiosi suos habent Patronos: Theologi Thomam; Jurisconsulti Ivonem; Medici Cosmum, & Damianum; Studiosi Gregorium & Catharinam; Pictores Lucam; Musici Cæciliam; Pharmacopœi Cosmum; Sartores Guthmannum; Sutores Crispinum; Figuli Goarum; Fabri lignarii Wolfgangum & Josephum; Ferrarii Leonhardum; Lanarii Michaëlem; Venatores Eustachium; Piscatores & nautæ Nicolaum. Morbis curandis diversi Sancti erant destinati. Contracti invocant Wolfgangum; Febricitantes Petronellam; Epileptici Valentinum; Demoniaci Romanum; Nephritici Liborium; peste correpti Sebastianum & Rochum; Herniosi Symphorianum; Contra dentium dolores Apolloniam; contra oculorum vitia Claram & Ottiliam; contra sacrum ignem Antonium; contra fistulas Quirinum; contra canis rabidi morsum Hubertum. Cancro medetur Martinus; ulceribus Nicolaus; morbis gutturis Blasius. Sed & aliis aliarum rerum cura commendabatur. Vitium cura Urbano; Anserum à multis Martino, ab aliquibus Gallo; Equorum Eulogio; Ovium Wendelino; Bovum Pelagio; Porcorum Antonio; Segetum Marco & Walburgi. Protasius & Gervasius detegebant fures; Vincentius & Helena amissa restituebant; Lupus prohibebat martes à gallinis; Ulricus pellebat glires.

## XXIII.

Denique distinctio inter immediatum intercessorem & mediatos, tam infirma est, ut in crura sponte recidat. Non dicam, quod pari

ratione aliquis nugari posset, per Sanctos mediatè nos in Christum credere debere, ut mediatè contendimus ad ipsum per Sanctos orantes, deprecantes. Non dicam, supponi, Sanctos defunctos melius & efficacius facere posse, quam nos in invocatione, id quod requiritur ad illam, cum melius nos sciamus, quâ parte urgeat calceus, quam illi qui rebus humanis exempti; Non dicam etiam, hoc esse falsum, melius & illos & nos simul ita facere, quam nos solos, cum præsupponatur, eos intercedere pro nobis, & quidem non tantum *in genere*, sed & *in specie*; de quo in sequentibus. Hoc urgeo, frustra dici, nihil à Sanctis peti posse, nisi ut intercedant apud Deum, quo meritum Christi nobis applicetur, & per Christum gratiam & gloriam consequamur, *partim* quia Sancti non sunt tantum intercessores, quorum oratione meritum Christi, immediati Mediatoris & Intercessoris, applicetur, sed tales Intercessores, qui propriis quoque meritis stipantur, & proinde audiri volunt à Deo, non tantum propter Christum, sed & propter se ipsos, non tantum applicari illius meritum, sed & propria. Unde evidens, constitui illos in papatu non tantum mediatos, sed & immediatos mediatores & intercessores, utpote qui non sola Christi, sed & sua merita interponant, exaudiri etiam velint propter seipsos; quod sanè in injuriam illius cedit, qui unus est Mediator Dei & hominum Jesus Christus, *1. Timoth. 2. partim* quia illa subordinatio & dependentia Mediationis, quam Pontificii defendunt, complanat viam ad ipsum Axioma Redemptionis sanctis tribuendum. Si enim, quia Sancti dependenter & mediatè intercedunt, nulla sit Christo injuria in actu intercessionis, etiam non repugnabit, illos esse Mediatores Redemptionis, quia similis obverti potest dependentia etiam in hoc Actu. Hinc ipse Bellarminus *de indulgentiis, libro 1. cap. 4.* non absurdum esse putat, si sancti Viri Redemptores nostri aliquo modo dicantur; *partim* si supponamus, sanctos non esse immediatos intercessores nostros apud Deum, sed quicquid impetrant, ab eo impetrare per Christum; tamen & hoc non fundatum est in Scriptura, quæ nullum Mediatorem intercessionis commendat, sed oppositum commendat Christus & generaliter loquitur: *Nullus venit ad Patrem nisi per me, Job. 14. v. 6. per illum habemus aditum ad Patrem, per unum Spiritum Eph. 2. v. 18. Ipse est Advocatus noster ad Patrem, 1. Joh. 2.* & qui-



& quidem unicus, exponente Augustino, si, inquit, S. Johannes diceret: hoc scripsi vobis, ut non peccetis, & si quis peccaverit, mediatorem me habetis apud Patrem, & ego exoro pro peccatis vestris, sicut Parmenianus quodam loco mediatorem posuit Episcopum inter Deum & populum, quis eum ferret bonorum atque fidelium Christianorum? Quis sicut Apostolum Christi, & non sicut Antichristum intueretur? & tamen lacus detriti, fumosam aquam, istorum superbiam ferunt, & Spiritum Sanctum continere non possunt, ut servant unitatem spiritus in vinculo pacis, & IN OMNIBUS ORATIONIBUS SUIS, de uno mediatore securi sunt. Ideo quoque idem Pater ad Angelos ire noiebat. Quem invenirem, ait, qui me reconciliaret tibi, adeundum mihi ad Angelos? quâ prece, quibus sacramentis? multi conantes ad te redire, neque per seipsos valentes, sicut audio, tentaverunt hæc, & inciderunt in desiderium curiosarum visionum, & digni habiti sunt illusionibus. Rectè itaque Jacobus Faber Stapulentis. Omnis fides stulta & inanis est præter eam, quæ filii Dei est; & qui alterius fide & fiducia incedit, extra viam, veritatem & vitam incedit; Et si extra viam incedit, errat; si extra veritatem, fallitur: Si extra vitam tendit in mortem. Virgo Maria, quæ est beatorum beatissima, est admodum sancta, omnes Angeli admodum sancti, & omnes Martyres sub altari Dei exuvias immortalitatis expectantes admodum sancti; sed neque singuli, neque omnes simul via sunt, etsi sunt in termino viæ. Quod si liceret eos interrogare, an per ipsos eundum sit ad totius sanctitudinis Patrem, dicerent profectò: Nos non sumus via, veritas & vita. Nos non sumus via, etsi non erravimus; non veritas, etsi non seducti sumus; non vita, etsi vivimus; non per nos incessimus; non ex nobis peependimus; nos non respeximus. Incedite ergo non per nos, sed per viam, quâ incessimus. In Deum credite & in Christum.

## XXIV.

Discussis his distinctionum Tenebris, ad Argumenta Pontificiorum nos conferimus. Duo autem intendunt probare, nempe *& adorationem Sanctorum, & invocationem: Illam*, plurimâ levioribus argumentis, ex Psalm. 99. vers. 5. *adulate Scabellum pedum ejus, quia sanctum est.* Falsum verò adoratam fuisse arcam, sed ad arcam, versus illam, coram illa, ut constat ex 1. Reg. 8. v. 29. & 30. Psalm.

138. v. 2. Ex hoc ipso textu, qui explicationem dilucidis verbis nobis suppeditat; Loci ex *Genes. 18. & 19.* supra excussi sunt, nec non ille *Josue 5.* Saul non adoravit animam Samuelis, sed se prostravit & adoravit, coram Dæmone. Filii Prophetarum exhibuerunt Eliæ vivo cultum, quem debent discipuli Magistro; Nabuchodonosor religiosè non coluit Daniele, qui non admisisset hoc, optimè sciens, solum Deum esse adorandum. Ethnici, Judæi & Hæretici non semper impeerunt Christianis cultum Sanctorum, sed Ecclesia ad illum decipiente, non tantum accusarunt illos ex hoc capite, sed plura alia tribuerunt, quod Solem, quod Asini caput, quod & cætera colerent; num itaque hoc Ecclesiæ fuit consuetum? ut non dicam, repudiatam fuisse hanc opinionem, rejectam, & negatum à Christianis, se hujus criminis reos esse; videatur Eusebius, *lib. 4. cap. 15.* Denique absurdè concluditur, quia honor civilis civili cultui debeatur, plusquam civilem deberi supernaturali; hoc enim totum est ex suppositione diversarum Excellentiarum, quasi illæ diversum fundarent cultum, cum extra verbum præscriptum hic non sit philosophandum; nî etiam velimus ex hoc supposito inferre, Sanctis viventibus, imò omnibus renatis, deferendum esse cultum religiosum, & per rationes undecunque conquisitas aliquid stabilire, cujus contrarium habetur in Revelatione divina, quæ soli Deo omnem cultum vindicat. Hanc verò operosiùs interdum firmare, & quidem ex dictis vel exemplis Scripturæ, rationibus quibusdam, & testimonio veterum, quæ excutiemus, contendunt,

## XXV.

*Prima Classis* habet verba Jacobi benedicientis filiis Josephi, hoc modo: *invocetur Nomen meum super illos, & Nomen Patrum meorum Abraham & Isaac, Gen. 48. v. 16.* Moïsis, qui dixit: *Recordare Domine Abraham, Isaac & Israel servorum tuorum, Exod. 32. v. 13.* Davidis *Psal. 132.* dicentis: *Memento Domine Davidis & omnis mansuetudinis ejus; & in sequentibus, propter David servum tuum non avertas faciem Christi tui; quibus consona illa, 1. Reg. 15. v. 4.* Ita dicitur *Psal. 139. v. 17.* *Mihi nimis sunt honorificati amici tui, in Psalm. 150. v. 1.* *Laudate Deum in sanctis ejus, sic Eliphaz, Job. 5. v. 1. convertere, inquit ad Jobum, ad aliquem Sanctorum.* David dicit, *Psal. 121. v. 1.* *Levavi oculos meos in montes, unde venit auxilium,*



xilium, hoc est, Sanctos in Cœlesti gloria constitutos. & *Baruch. cap. 3. v. 4. Domine audi orationem mortuorum Israel, & filiorum ipsorum, qui peccaverunt ante te. Syracides, cap. 39. Exaudite me Sancti, & germinate quasi Rosa.* Jussi etiam sunt adire Sanctos, tum V. T. tum N. fideles. Ipse Deus dixit: *Ite ad servum meum Job, ille orabit pro vobis, Job. 41. v. 8.* Filii Israel dixerunt ad Samuelem, *1. Sam. 7. Nè cesses pro nobis clamare ad Dominum Deum nostrum, ut salvet nos de manu Philistæorum.* Ipse Paulus Romanos obsecravit, ut adjuvarent ipsum in Orationibus ad Deum, & oravit pro Colossensibus, *Rom. 15. & Coloss. 4.*

## XXVI.

*Altera Classis rationibus agit.* Nam primò, si Sancti agnoscunt res nostras, si intercedunt pro nobis, si denique miraculis penè infinitis testantur Sancti, se exaudire preces nostras, & posse ac velle nos juvare, Invocatio Sanctorum erit pia & utilis; Atqui antecedens constat ex quam plurimis rationibus, & Testimoniis. Ergo. *Majoris* connexio probatur, quia inter alia etiam ex hoc puncto Sanctorum Invocatio à nobis respicitur, quòd in particulari nesciant necessitates, gemitus & cordis nostri desideria, soli Deo reservatà gloria καρδιογνωσίας; quia Intercessor utiliter adoratur & rogatur, ut preces suas interponat; Et denique quòd miraculis probatur, probatur Testimonio Divino reali, cum Deus sit Miraculorum Author. *Minorem* probant, quoad primam partem, ex eo, quia Angeli cognoscant res nostras, atque Sancti Angelis sint æquales, & in statu Beatitudinis cum illis, *Luc. 20. v. 36. partim ex eo, quia Sancti in hac vita, jam cognoverint aliorum etiam absentium desideria, machinationes & actiones, Sap. 9. v. 15. 2. Reg. 5. v. 25. 2. Reg. 6. v. 8. Daniel. 2. v. 26. Act. 5. v. 1. partim ex eo, quia Lex Amicitie requirat, ut amicus amico manifestet ea, quæ ad ipsum pertinent, juxta illud Job. 15. v. 15. cum itaque Sancti in Cœlo sint amici Dei, & magis cum illo conjuncti, quàm cum in Terra essent, legem Amicitie requirere, ut Deus manifestet illis orationes nostras, quæ ad illos diriguntur; imò sanctos in Cœlo clarè & intuitivè videre Divinam Essentiam, in qua tanquam in vivo Speculo, creaturæ omnes repræsententur; Quoad secundam, ex *Jeremia 15. v. 1. & ex 2. Mactabæorum 15. v. 12. ubi Judæ apparuit**

in

in visione Onias Pontifex, cum Jeremia orans post Mortem pro populo Judæorum. *Luc. 16.* ubi Epulo rogat Abrahamum, ut mittat Lazarum ad refrigerationem linguæ suæ, & conversionem fratrum. *2. Petr. 1. v. 14. Apoc. 5. v. 8. & cap. 6. v. 10.* Quoad tertiam, ex Epistola Nili recitata in Synodo Nicena secundâ, actione quartâ. Et apud Theodoretum in historia libro 5. cap. 24. nec non lib. 8. ad Græcos, Ambrosio sermone 99. de sancta Agnete. Augustino lib. 22. de Civitate Dei cap. 8. Gregorio Romano, lib. 3. Dialogorum, & Bonaventura in vita Francisci.

### XXVII.

Tertia denique Classis pugnat ex Antiquitate & Patrum Testimoniis. Producent Pontificii Origenem in Threnos, Nestarium Constantinopolitanum, Ephremum, Gregorium Nazianzenum, Nyssenum, Chrysostomum, Ambrosium & Hieronymum, & qui omnium instar esse potest, Augustinum, qui libro *Meditationum* cap. 24. ita scribat; Felices Sancti Dei omnes, qui jam pertransistis hujus mortalitatis pelagus, & pervenire meruistis ad portum perpetuæ quietis, securitatis & pacis: securi & tranquilli, semperque festivi atque gaudentes; Obsecro vos per vestram charitatem, qui securi estis de vobis, solliciti estote de nobis: securi estis de vestra immarcescibili gloria, solliciti estote de nostra multiplici miseria. Per ipsum vos rogo, qui vos elegit, qui vos tales fecit, de cujus pulchritudine jam satiamini, de cujus immortalitate jam immortales facti estis, de cujus beatissima visione semper gaudetis; Estote jugiter memores nostri, subvenite nobis miseris, qui adhuc in sa-  
lo hujus vitæ circumstantibus agitamur procellis. Et paulò post: intercedite, orate constanter, atque indefinenter pro nobis miseris, multumque negligentibus peccatoribus. Et ibidem cap. 40. Sancta & immaculata Virgo Dei genitrix Maria, & Mater Domini nostri Jesu Christi, intervenire pro me digneris, apud illum cujus meruisti effici templum. S. Michaël, Sancte Gabriel, Sancte Raphael, Sancti chori Angelorum atque Archangelorum, Patriarcharum atque Prophetarum, Apostolorum, Evangelistarum, Martyrum, Confessorum, Sacerdotum, Levitarum, Monachorum, Virginum, omniumque justorum: per illum, qui vos elegit, & cujus contemplatione gaudetis, vos rogare præsumo, ut pro me culpabili ipsi Deo,  
suppli.

supplicare dignemini, &c. Et libro 7. de Baptifino, contra Donatistas c. 1. invocat sanctum Cyprianum his verbis: Adjuvet itaque nos orationibus suis, in istius carnis mortalitate, tanquam in caliginosa nube laborantes, ut donante Domino, quantum possumus, bona ejus imitemur. Et lib. 22. de Civitate Dei cap. 8. refert miracula, quibus Sanctorum vocatio confirmata est. Hæc legant adversarii, & intelligant, se in errore versari. Plures qui desiderat in Antiquitate Testes, adeat Petrum Canisium in *Opere Catechistico*, questione 8. pag. 84. usque ad paginam 95. imò usque ad paginam 202.

• XXVIII.

Sed hæc omnia non tam concludunt, quam simpliciores ludent. Nam in prima Classi, quod in frontispicio occurrit, est vitium ex vulgata versione; Ebræa enim ita se habent, juxta Pagninum: *vocetur in eis Nomen meum, & nomen Patrum meorum*, cui concinunt LXX. Interpretes, & ex Patribus Chrysostomus, ex Pontificiis Nicolaus Lyra, qui ita exponit, *vocati sunt filii adoptivi Jacob, & facti sunt capita duarum tribuum*. Phrascos analogiam si desideres, exhibebit illam *Esaias*, cap. 4. v. 1. & *Lucas Act.* 12. v. 12. cap. 15. v. 37. Quod ex Exodo opponitur, non stringit, quia in Oratione Moïsi non exprimitur recordatio Sanctorum Abrahami, Isaaci & Jacobi, intercessionem & merita exhibentium Deo, ut ad illa respiciendo gratiosè recordetur populi sui, sed recordatio nixa fœdere Dei inito cum illis Patriarchis gratiosè, unde additur, *quibus jurasti per te ipsum*, dicens, *multiplicabo semen vestrum sicut stellas cæli*. Psalmi verba sunt Davidis, dicentis & rogantis, ut Deus meminerit cunctarum afflictionum, quas sustinuerit in studio pietatis, neque aliquid Meritorium Mansuetudinis ingerunt Deo, sed personam describunt, quod scil. David fuerit afflictus, adeoque sensus est, memento Domine Davidis afflictissimi; aliud autem est Qualitas Subjecti orantis, aliud motivum ex merito operantis; & quæ leguntur *versiculo 10.* tum demum producentur cum aliqua Specie, si probatum sit, per Davidem non intelligi ipsum Messiam, qui alibi quoque ita vocatur, *Jeremie* 30. v. 9. *Ezechielis* 34. v. 23. & 24. & *Osee* 3. v. 5. sique sermo sit de Davide, non metonymicè intelligendam esse promissionem eidem factam, de qua in versiculo sequenti, vel non proponere sese Deo sub ratione electi, & sin-

*Pars Specialis*

*S*

*gula-*

gulariter eidem dilecti, præcisâ meritorum jactantia, & sanè 2. Reg. 15. non Meritorum Gloria, sed facti gloriosi Eminentia commendatur. Imò si alicubi virtutum vel operum fuerit Mentio in precibus Sanctorum, nil concluderetur, quia nondum demonstratum à Pontificiis, adduci illa sub ratione Meriti exauditionem facilitantis, cum plures respectus dentur alii, signorum, scilicet adoptionis, fructuum fidei, Testimonii imperterritæ ad Deum Conscientiæ, nec confestim quæ impetrant, merentur aliquid. Locus ex Psalm. 129. undique laborat. Probandum est **וַיִּרְאוּ** notare amicos & non cogitationes, quod structuræ textus longè convenientius; & si Amicos notaret, designare jam defunctos, de quibus est Quæstio, probandum, dici illos amicos honorificatos Dei; pretiosi dicuntur, secundum textum Ebræum, quicunque ibi Subjecti locum habent in propositione Davidica, probandum, dici nimis honorificatos; illud enim Nimis est, nimirum quòd à Vulgato Interprete, qui licenter hoc præter originariam Ebræi Textus Veritatem addidit. Consimili infirmitate languet Argumentum, ex Psalm. 150. *tum*, quia concessio, quod Lectio & Versio esset genuina, nihil haberent Pontificii præter hoc, quod Deus laudandus in Sanctis suis; num ergo consequens? Ergo Sancti sunt adorandi: annon Deus laudandus est in omnibus suis operibus, num propterea omnes creaturæ & opera Dei adoranda vel invocanda, *tum* quia, cum Euthymio, *in sanctis* idem esse potest, quod *propter Sanctos*, ut Laus terminetur ad Deum propter Sanctos, quos regit Spiritu, Beneficiis afficit, Donis ornat, ob quæ tanquam Pater Luminum, à quo omne Bonum descendit, laudandus & concelebrandus, *tum* quia hoc non legitur in Ebræa veritate, quod ex Vulgato substitunt Pontificii, sed hoc: laudate Deum **בְּקִרְשׁוֹ** in Sancto sive Sanctitate ejus, hoc est, in Templo, quod sibi in sedem elegit, ubi laudari & adorari, coli & invocari voluit. Eliphaz non subministrat argumentum Pontificiis pro cultu, quem intendunt, quia, posito quod legeretur: ad aliquem Sanctorum convertere; non tamen evicta esset confestim Conversio Religiosa per Invocationem, sed accipi posset de Conversione peccati per seriam Considerationem; neque enim de Invocatione, sed de Exemplis agitur, ut constat ex sequentibus; quia, posito quod vocare & re-

spice-



spicere cultum innuant, prohibitionis in modum hæc verba erunt exponenda, quasi dicat Eliphaz, noli per Impatentiam te avertere à Deo, convertere ad aliquem alium ad sanctum religionem respicere, sive is Angelus sive Homo; quia *denique* ex Ebræo Pagninus reddit, *ad quem sanctorum vertes te* scil. viventem, quasi sermo sit de hominibus. Per Montes, ad quos elevandi oculi, *secundum Psalmum vigesimum secundum*, intelligi sanctos, nullo indicio doceri potest, *partim* quia inusitatum est Scripturæ, Sanctos vocare Montes, & quidem tales, ad quos oculi elevandi, *partim* quia vox hæc proprie potest accipi de Montibus Judææ, in qua arces munitæ, propugnacula urbis, unde auxilia haberi potuerunt aliàs, à quibus tamen oculos cum circumtulisset converterit ad Dominum, unde omne auxilium, *versiculo secundo*, *partim* quia per Montes, secundum quosdam, intelligi potest Templum extructum in Montibus Moriah & Sion, ubi symbola gratiosæ præsentis, cum promissione exauditionis, & Typicus respectus ad Messiam. Locus ex Barucho de mortuis, potest accipi de talibus, qui pœnis vel morti sunt proximi; unde Lutherus *Allmächtiger Herr* &c. Syracides verò agit de viventibus; ut non dicamus, libros hos esse Apocryphos, & tantæ Moli fulciendæ nunquam pares. Amici Jobi jubentur adire servum Domini Jobum, non invocare, nec Intercessio illius fuit absque Divinæ Voluntatis nutu, qui de Sanctis defunctis demonstrandus. Samuel fuit & Rector populi & Sacerdos, sive Persona Ecclesiastica, cujus officii est orare pro commissis. Paulus non invocavit vel Romanos vel Colossenses, cum cultus talis supponat superioritatem aliquam in illis, cui deferimus illum. In universum autem tota hæc Classis à Scopo abluat, quia agit de Sanctis defunctis V. T. & de vivis partim Veteris, partim N. T. sancti autem defuncti V. T., secundum ipsos Pontificios, nondum fuerunt in Cælo, & Beatitudine illa, quæ requiritur ad dignitatem Sanctorum invocandorum; vivi verò nunquam religiose invocantur, sed ut fratres pro jungendis precibus amicè compellantur.

## XXIX.

*Altera Classis* Argumentorum non obtinet intentum: Nam *primò* posito, Animas defunctorum in Cælo cognoscere preces no-



stras aliquo modo, nondum tamen conclusio erit, Ergo sunt invocandi, *tum* quia non tantum ad Invocationem prærequiritur in illo, quem in Necessitatibus compellamus, *Scientia* sive cognitio illorum quæ incumbunt, & deprecationibus amoliri, vel illorum quæ desideramus & precibus obtinere volumus, sed etiam *Potentia* & tanta vis opitulatrix, quæ par nostris desideriis, bona erogare, & mala omnis generis avertere potest; quia si probatur *Scientia* in Sanctis, nondum de *Voluntate* constat, an subvenire velint rebus nostris exempti, potest enim aliquis gaudere perspicacia tali, ut hoc vel illud norit, ut tamen ipsum negotium alterius Moderationi & Directioni in solidum relinquat; quia *denique*, si ponamus, & sanctos demortuos esse conscios nostrarum Necessitatum, & pronos in nos Benevolentiae Affectu, nondum evictum erit, illos esse invocandos religiosè, sed unà desiderabitur verbum Mandati & promissionis, signum Divinum Voluntatis, quod scil. Deus velit, non immediate nos accedere ad Thronum Gratiae, sed per Interpretes, & illos compellandos esse religiosè, cultu prosequendos esse tali, qui soli Deo competit. *Secundò* Minor quoque propositio fallit; *primò* enim *καὶ θεογονία* non nisi soli Deo in Scripturis tribuitur, ut docent loca 1. Reg. 8. v. 29. Psalm. 139. v. 1. 2. Jeremia 17. v. 9. & 10. Job. 16. v. 30. Rom. 8. v. 27. 1. Cor. 2. v. 2. At si solus Deus cognoscit cor hominis tam lubricum, si solus novit cogitationes nostras à longe, si solus omnia penetrat, scrutatur, & scit quæ sint hominis, non ad illud fastigium *Scientiae*, apicemq; perspicaciae Sancti erunt evehendi. *Secundò*, disertè Scriptura derogat Sanctis hanc notitiam, Ecclesiasticis 9. v. 5. Jobi 14. v. 22. Esaiæ 63. vers. 17. Si autem mortui nil sciunt de rebus humanis & quidem etiam illis, quæ attinere ipsum videntur, defuncto non constat, si *denique* Abraham nescit nos, & Israel ignorat nos, adeoque tanti Patriarchæ ignorarunt, quid posteritati illorum accideret, quis contra tam luculenta Testimonia obtineat? sanctos nosse preces nostras, & quidem in particulari. *Tertid* ipsa Pontificiorum explicatio se conficit; nam ut aves, quibus nullum constat vestigium, ab arbore in arborem, à ramo in ramum desiliunt, ita varios illi comminiscuntur Modos, & ab uno ad alium delabuntur, notabili incertitudinis indicio; nunc ipsis placet cognitio ex Speculo Deitatis, cujus præ-

sentia

sentia perpetuò fruuntur; nunc ad revelationem à Deo factam precumstrarum, quando eas fundimus discurrunt, nunc ex annunciatione Cursorum & Ministrorum Dei Angelorum ex Cœlo in terram, & ex terra in Cœlum scandentium, nunc ex relatione Animarum migrantium & ad Centrum suum reverentium, se recipiunt, tandem ex subtilitate incredibili, qua Intellectus glorificatus ornatur; vel celeritate Naturæ, secundum quam quodammodò ubique sint, & per se audiant preces supplicantium concludere intendunt. At si ex Speculo Divinitatis omnia habent, si illud repræsentat gemitus preces & desideria nostra, quid opus revelatione Dei vel Angelorum, vel Animarum? si ipsi subtilitate incredibili pollent Intellectus, & quodammodo sunt omnipræsentes, qui cæteri requiruntur modi, citra Necessitatem multiplicati? Et si dicimus quod res est, nempe omnes illorum modos esse confictos, annon ruet deprædicata illa Sanctorum in Papatu Notitia? Speculum Deitatis omnia repræsentans Christus ipse non admittit, dicens, ipsos Angelos nescire diem Judicii extremi, *Marc. 13. v. 32.* Revelationem impugnat Bellarminus scribens, si Sancti indigerent nova revelatione, Ecclesia non diceret ita audacter omnibus Sanctis, *Orate pro nobis*; Sed peteret aliquando, ut eis revelaret preces nostras; nec reddi posset ratio tam facilè, cur Sancti nunc invocentur, & ante adventum Christi non fuerint invocati? Angelorum Relationem evertit defectus perpetuæ præsentis & notitiæ, ad abdita cordis usque penetrantis. Animarum novellas explodit Vicissitudo rerum; si enim fingamus, referre visa & audita, quæ circa excessum obvia, nihil tamen de futuris possunt narrare, scenâ rerum humanarum per singula serè momenta variante, præsertim si per tempus aliquod in purgatorio fuerint detentæ, ex quo tantum flammæ viridis memoria. Subtilitas incredibilis cognoscendi fidem non meretur, neque rerum esse potest absentium & illorum, quæ in terris geruntur, quibus illi subduci. Celeritas verò illa & Ubiquitas qualiscunque ab ipso Bellarmino impugnatur, cum scribit, neque Angeli neque Animæ beatæ, etiam si præsentis sunt, possunt naturaliter preces nostras cognoscere, quando solâ cogitatione oramus, & præterea ad cognoscendas preces, quæ eodem tempore sunt, in diversissimis locis, non sufficit celeritas, sed requiritur vera Ubiquitas, quam nec An-

gelorum nec hominum Spiritibus convenire credimus. *Tertio* probationes, quas stabiliendæ notitiæ Sanctorum subdunt, infirmi sunt tibicines. *Prima* à comparatione cum Angelis deducta non concludit, posito quod Angelis tanta esset tribuenda perspicacia, cum intersint humanis, ministrent, & hominibus sese associant, ut constat ex *Ebraeorum* 1. v. 14. *Altera* itidem à Sanctis in hac vita degentibus, quia illa notitia nec ordinaria fuit, nec habitualis, nec fundatoria illius cultus religiosi; quæ Samuel novit, habuit ex Revelatione; quæ Elisæus, Daniel & Petrus, ea ex eadem peculiari dispositione Divina, cum aliàs quam plurima ignorarint, processerunt. *Tertia* denique ex lege Amicitiae, cum nec lex Amicitiae requirat, ut proximo singula revelem, nec illa, quæ Deo cum Sanctis intercedit connexio, quæ alterius est ordinis, quam illa, quæ inter homines, lege Amicitiae devinciet hos; nec denique Objecti conditio, cum illa lege Amicitiae ita sit juncta, ut Deum teneri ad manifestationem colligamus; Amicus enim tantum debet Amico necessaria vel utilia revelare, qualia num sint preces agentium in his terris, merito disputatur, num enim necesse est, ut sancti defuncti hoc sciant? num utile illis aut proficuum, qui in Beatitudine, omnium Bonorum genere & felicitatis fontibus abundant?

X X X.

Addamus hic, quæ olim disputavimus in *Locum Luc. 15. & Tb. 36, 37, 38*. Nolumus negare notitiam Angelis, imò etiam animabus sanctè & piè defunctorum. Cognoscere enim possunt Angeli poenitentiam peccatoris ex signis, calidis scil. lacrymis, profundis gemitibus & suspiriis, compositione omnium membrorum ad humilitatem & dejectionem coram Majestate Divinâ, quemadmodum, si Angelus præsens fuit publicano, vidit eundem demittere vultum, tundere pectus, dicere, propitius esto mihi Deus, *Luc. 18*. Cum enim videntes faciem Patris cœlestis nihilominus nobis adsint, qui non etiam cognoscant, quæ à nobis proficiscuntur, præprimis cum majori longè gaudeant perspicacia, quam homines, & in secreta loca, nobis sæpius insciis, penetrent. Cognoscere possunt 2. ex revelatione divinâ. Si enim convertitur peccator, Deusque lætatur ex hoc objecto, & Angelis manifestat, vult ut complodant, quid ni possint cognoscere, quod ut cognoscendum & materia gaudiis ipsis

dii ipsis obijcitur? Quemadmodum si filio prodigo revertente & dicente, Pater peccavi in te, & in cœlum, voluit hanc immutationem Angelis revelare, utique illi eam noverunt & lætati sunt cum Deo. Cognoscere denique possunt ex eventu, homine ex hac vita ad beatitudinem translato & cœlesti reipublicæ inserto. Si enim portarunt animam Lazari in sinum Abrahamæ, qui non noverint illam fore beatam, & per pœnitentiam anhelasse ad illum statum, in quo nullus superest pœnitentiæ locus & æterna solatia jugiter scaturiunt. *Luc. 16.* In uno Exemplo tres assignati modi possunt exhiberi. Latro enim conversus tempore Christi patientis & professus est fidem, dicendo: memor esto mei Domine, cum veneris in regnum tuum, & audivit à Christo, quod illud furturum esset illo ipso die, & tandem actu adiit beatitudinem æternam, qui itaque Angeli non cognoscere potuerint illius pœnitentiam ex signo exteriori professionis, ex subsequente revelatione Christi perfectam promissionem, & denique ipsa translatione actuali in Paradisum, statum æternæ beatitudinis, de quo *Luc. 23.* Repones, ex dictis stabiliiri si non assignatos modos omnes, illum tamen, qui primus in ordine Bailliano. Sed & hæc consequentia non fluit. Nam 1. aliud est notitia hausta ex revelatione, aliud ex contemplatione Speculi illius, quod Baillius obtrudere nititur. Illa procedit ex libero actu divino, qui vel hoc vel illud, vel magis, vel minus revelare potest; hæc autem ex objecto Essentiæ Divinæ, quæ si comparatio obtineat, necessario repræsentat. Unde ipsi Sophistæ: Sicut is, qui intuetur speculum corporeum, clarè & distinctè videt, quæ in illo apparent: ita Sancti, quia essentiam divinam intuentur, clarè & distinctè vident creaturas in illo apparentes. Et si Angeli atque sancti preces nostras cognoscunt ex revelatione, non dicendum erit, illos audire preces nostras, neque enim dicitur aliquis, audivisse orationem Petri vel Pauli, qui ab alio didicit, ex alterius relatione vel revelatione habet, Petrum vel Paulum oravisse. 2. Aut repræsentat illud speculum Trinitatis Angelis omnia, aut tantum quædam. Si primum, quomodo potest dici, Angelos nescire diem judicii extremi, secundum effatum Christi, *Marc. 13. v. 32.* quomodo, quod tempore demum N. T. illis innotuerit multiformis Sapiëntia Dei *Eph. 3. v. 10.* Si secundum, quomodo, potest dici, illos omnes neces-

necessitates nostras nosse, quomodo determinatè hanc vel illam non supposita universali repræsentatione. Ipsi Pontificii agnoscunt, res creatas secundum existentiam illarum liberè repræsentari. At si hoc, possunt & non repræsentari, quo ipso speculum hoc confringitur. Denique aut vident Angeli & animæ beatæ in Essentia Divina omnia aut secundum esse eminens aut secundum esse formale. Si prius, non vident preces, cogitationes & desideria nostra in seipsis. Si posterius, Essentia Divina formaliter repræsentabit preces & gemitus in terris existentium, quod hætenus asseverare Adversarii non sunt ausi. Profecto, si penitus in hoc speculum respiciamus, ex illo nullitas intercessionis Sanctorum resplendet. Nam aut Angeli & Sancti vident in facie Dei, Deum nolle exaudire hunc vel illum precantem, aut vident, velle largiri huic vel illi quod expetit. Si primum, cur intercederent, cur fatigarent se pro re non obtinenda. Si posterius, quid interponerent se frustra, scientes absque intercessione Deum ad vota hujus vel illius pronum & exauditurum petentem. Instabis tandem, quicquid sit de speculo, revelationem tamen adhuc admittendâ esse, & si, ut Walenburgii concludunt, Lutherani putant fieri posse, ut Deus vel pœnitentiam vel preces supplicantium revelet sanctis demortuis, non dicendū supponi necessariò, sanctos vel Angelos esse omniscios, cordium scrutatores & Deo æquales, adeoque corruere illorum Argumentum, quod invocatio alicujus necessariò supponat omniscientiam, cordium intuitum & æqualitatem cum Deo. Nam hoc solum, sine quo preces audiri nequeunt, necessariò supponi, ut preces audiantur, at sine omniscientia posse audiri fatentibus Lutheranis, malè itaque dici, necessariò omniscientiam supponendam. Verum tum placebit hic lusus ingenii, si tanti nobis erit vitrum, quod vanitate fulget, sed veritate frangitur, quanti Margaritum. Aliud enim est I. revelatio qualiscunque hujus vel illius objecti indefinitè, aliud revelatio precum nostrarum in finem invocationis & eo modo facta, quo Pontificii proponunt. Primum tam non est ex impossibilibus, ut admittatur à nobis sæpius contingere, quis enim negabit Deum Gabrieli quædam revelasse & temporibus V. & N. T? quis non admittet, Angelis revelata fuisse in N. T. quæ hætenus ipsis occulta, juxta supra laudatum locum ex *Eph. 3*. At illa revelatio, quam Pontificii propugnant,



gnant, nunquam fuit concessa à nostris vel sub ratione actu exhibitæ vel possibilis. Oppositum potius videtur colligi. Si enim est inconveniens Majestati Divinæ, indigna erit Deo, & consequenter potius ex numero impossibilium, quam possibilem, indecentem autem aut anomalam atque inconvenientem esse liquet, tum ex officii afflictione; Deus enim ita quasi Mediator esset inter homines in his terris existentes & Angelos in cœlo, Internuntius, qui ad ipsos referret; tum ex circuli commissione; nam ita Deus primò exciperet preces oblatas & suspiria ad ipsum directæ, dein Angelis revelaret & tandem illi denuò referrent, at quam absurdum, quam indignū Deo, si fingatur, Deum audire preces supplicum in terris, & dein se convertere ad aliquem vel Angelum, vel sanctum, Martinum, e.gr. Germanorum Patronum, Jacobum Hispanorum, Michaëlem Gallorum, vel in casu febris ad Petronellam, epilepsias ad Valentinum, nephritidis Liberium, vel si desit auxilium Theologo, ad Thomam, si Jcto ad Ivonem, si Studiosus Medicinæ ipse æger mente, ad Cosmum & Damianum? tum ex Dei impia transformatione; Fingitur enim Deus non admittens preces directè ad se effusas, sanctorum intercessionibus movendus. 2. Quomodo nostri Theologi admittere potuerunt unquam hanc revelationem, cujus terminus est peccatum, meta idololatria? Si enim ponamus, Deum revelare preces & suspiria piorum in terris vel sanctis in cœlo vel Angelis, ut illi religiosè invocentur & exorati dein illas preces Deo offerant, Deus probabit invocationem religiosam Angelorum & Sanctorum, quam detestatur, gloriam suam nulli volens dare alteri à se diverso & præcipiens rigide, ut ipsum invocemus & illi soli serviamus *Deut. 6. v. 13. & Matth. 4. v. 10.* 3. Ipsi Pontificii haberent, quod agerent si hic modus admittendus. Nunquam enim hætenus Ecclesia Papalis rogavit Deum pro revelatione precum Angelis impertiendâ, quæ si scivisset hunc modum obtinere in praxi divinâ sive possibilem esse, Deum quoque animare debuisset ad illius Exercitium, vel posito illo grata etiam mente agnoscere & deprædicare.

## XXXI.

Non desunt tamen Pontificiis verba, quibus recalcitrantes eludere volunt, inprimis illa, quæ in secundo Membro à nobis superius sunt adducta; nam primò hoc tantum volunt dictis Scripturæ

*Pars Specialis*

T

pro-

probari, quod Deus solus cognoscat cogitationes omnes omnium cordium, idque *Naturaliter & propria virtute*. *Secundò* dicta ex Ecclesiaste, Jobo & Esaia, loqui de statu mortuorum sub V. Testamento, Ecclesiastem loqui de vivis & mortuis, in hac parte oppositè se habentibus, quia illi sibi possint prospicere de remedio salutis; Mortuos verò, qui neglexerint pœnitentiam, nullum amplius nosse remedium, quod possit prodesse. Jobum loqui de homine carnali, qui in hac vita valdè sollicitus fuerit de filiis suis, circa honores & divitias, cui non profit illa sollicitudo, quando est in Inferno, quia nesciat, quid agatur de filiis, aut in quo sint statu; Esaia verò loqui de Abrahamo & Jacobo, qui tunc non fuerint in cœlo, sed limbo. *Tertiò* etsi certus modus assignari nequeat Notitiæ illius, nec tamen negandum esse aliquem modum, prout non negandus modus hypostaticæ unionis, utut distinctè assignari non possit, nec ullam videri repugnantiam, quòd Deus communicet quocunq; modo homini beato notitiam rerum longè positarum, quæ ad ipsum dirigantur; modos itidem assignatos esse oppositos vel superfluos secundum partem, si conjunctim sumantur, non verò si disjunctim. Tres modos esse eundi Romam, primum esse curru vehi, alterum Equo incedere, tertium pedibus ambulare, qui conjunctim repugnent, non verò divisim.

## XXXII.

Dicuntur hæc quidem, ne nihil reponatur, sed absque fructu & successu; nam *primò* pari modo posset aliquis in cæteris attributis Divinis philosophari, & cum Scriptura exclusivè loquitur, comminisci, naturaliter hoc esse accipiendum: sanè cognitio cordis humani, quod tot latebras, tot anfractus, tot vicissitudinum varietates habet, non tantum *naturaliter* Deo competit, sed *simpliciter & exclusivè*. Quæ enim potest esse tanta perspicacia, ut ad ima animi penetret, nisi dicas infinitam, cui omnia sunt nuda & resupinata. *Secundò* non tantum Deo Scriptura, & quidem exclusivè, tribuit Cardiognosiam, sed ut eo fortius agat, Sanctis eandem abjudicat, & quidem *non tantum secundum modum*, sed & *secundum rem ipsam*. Vidimus supra loca ex Ecclesiaste, Jobo & Esaia; addamus hic tantum, quæ Augustinus habet *de Cura pro Mortuis, ad Paulinum c. 13*. Ut volet, inquit, accipiat quisque, quod dicam. Si rebus viventium inter-



intereffent animæ mortuorum, & ipsæ nos, quando eas videmus, alloquerentur in somnis, ut de aliis taceam, me ipsum pia mater nulla nocte defereret, quæ terrâ marique secuta est, ut mecum viveret. Absit enim, ut facta sit vita feliciore crudelis, usque aded, ut quando aliquid angit cor meum, nec tristem filium consoletur, quem dilexit unicè, quem nunquam voluit mortuum videre. Sed profectò, quod Sacer Pfalmus personat, verum est, quoniam pater meus & mater mea dereliquerunt me, Dominus autem assumpsit me. Si ergò dereliquerunt nos patres nostri, quomodo nostris curis & rebus interfunt? Si autem parentes non interfunt, qui sunt alii mortuorum, qui noverunt quid agamus, quidvè patiamur? Efsaias Propheta dicit: Tu es enim Pater noster; quia Abraham nos nescivit, & Israël non cognovit nos. Si tanti Patriarchæ, quid erga populum ex his procreatum ageretur, ignoraverunt, quibus Deo creditibus populus ipse de illorum stirpe promissus est, quomodo mortui suorum rebus atque actibus cognoscendis adjuvandisque miscantur? Quomodo dicimus, eis fuisse consultum, qui obierunt antequam venirent mala, quæ illorum obitum consecuta sunt, si & post mortem sentiunt, quæcunque in vitæ humanæ calamitate contingunt? An fortè nos errando ista dicimus, & hos putamus quietos, quos inquieta vita vivorum sollicitat? Quid est ergò, quod piissimo Regi Josiæ pro magno beneficio promisit Deus, quòd esset antè moriturus, ne videret mala, quæ ventura illi loco & populo minabatur? Quæ Dei verba ista sunt; Hæc dicit Dominus Deus Israel, verba mea quæ audisti, & veritus à facie mea cùm audisti, quæ locutus sum de isto loco, & qui commorantur in eo, ut deseratur & in maledicto sit, & conscidisti vestimenta tua, & flevisi in conspectu meo, & ego audiui, dixit Dominus Deus Zebaoth; Ecce ego apponam te ad patres tuos, & apponeris cum pace, & non videbunt oculi tui omnia mala, quæ ego induco in locum hunc, & qui commorantur in eo. Territus iste Dei comminationibus, fleverat, & sua vestimenta consciderat, & sit omnium malorum futurorum de properatura morte securus, quòd ita requieturus esset in pace, ut illa omnia non videret. Ibi ergò sunt spiritus defunctorum, ubi non vident, quæcunque aguntur aut eveniunt in ista vita hominibus. Tertiò, qui modum assignant in hac notitia subtilitatem in-

credibilem, qua polleat Intellectus beatorum, aliqua ratione naturalem etiam faciunt hanc perspicaciam Sanctis, & intrinsecam, utut non independentem, quod ipsi lumini Naturali aduersum & nimis propudiosum. *Secundò* dicta ex Scripturis producta loquuntur utique de Sanctis V. T. At illos non fuisse in statu Beatitudinis, supponitur, non probatur. Salomon generaliter loquitur, & addit, partem nullam esse eis amplius unquam in ulla re, quæ sit sub Sole, videatur Coccejus & D. Gejerus. Jobi Effatum itidem absolute est accipiendum, nec de carnali tantum agit homine, sed ut antecedentia docent, de quovis indefinite, cui sunt posterii, & num ad carnalem hominem est confugiendum, si subsistat Pontificiorum hypothesis de Sanctis V. T. in limbo existentibus? hæc una fidei omnes parietes argumentorum dealbare poterunt? Esaïæ dictum verò non ita facile eluditur: Dicunt primò cum Hieronymo, locum istum propheticum exponendum esse de cognitione approbationis, hoc sensu; Abraham nescivit nos, id est, non habet nos pro filiis, non diligit nos, contemnit nos, quia intelligit nos à te recessisse. Atqui 1. propria vineta cædunt; Dicunt Scholastici & cum ipsis Bellarminus; Abrahamum pro tempore, pro quo intelligitur illud Esaïæ, fuisse in Limbo, & per consequens non Beatum; Et ideò, inquit Scotus dist. 45. nescivit filios suos Judæos, habitantes in terra Israël, quia nec notitiâ naturali intuitiva, quæ impeditur per immoderatam distantiam, nec notitiâ revelationis specialis, quia non habuit illam visionem in verbo, quam concomitatur regulariter talis revelatio. Non ergò concluditur illud Esaïæ de Beatis, quibus in verbo regulariter revelantur, quæ à Deo spectant, vel tanquam beatitudinem eorum augentia, vel tanquam pertinentia ad causalitatem eorum, respectu beatitudinis aliorum. Bellarminus ipse de Sanct. Beatit. lib. 1. c. 20. Patribus, inquit, in Limbo, non fuisse ordinariè revelatum, quid hîc agebatur, quia non erant Beati. Nam ad perfectam beatitudinem pertinet scire ea, quæ ad se pertinent, & præcipuè, quæ faciunt ad honorem & gloriam. Hæc cum expositione Hieronymiana nullo modo conveniunt. Si enim Abrahamus eo tempore, quo hæc scripta sunt à Propheta, fuit in Limbo, & consequenter notitiâ naturali intuitivâ, & notitiâ Revelationis speciali, quoad Judæos, orbatus erat, quomodo dici potest,

potest, eum nescisse Judæos cognitione approbationis, præsupponendo eum cognovisse eos cognitione propriè sic dicta? Quomodo dici potest contempsisse eos, quia eos à Deo recessisse noverit, quos omninò, utrum essent, & utrum peccatores essent, novisse non poterat. Sunt hæc omninò ἀνελπιστα, quorum unum tollit alterum. Si nescivit Abrahamus absolutè quæ agerentur de Judæis, non potest nescivisse notitiâ approbationis, præsupponendo notitiam absolutam: Si autem tantum notitiâ approbationis nescivit eos, non potuit existere in Limbo, & nescire eos notitiâ propriè sic dicta. Eligant quod volunt. Utrumque enim simul stare non potest. 2. Loquitur Propheta in Persona Judæorum; Ergò quæ loquitur, debent accommodari posse personæ eorum. At quomodo congruit personæ eorum dicere, nesciri se ab Abrahamo voluntate approbationis, non diligi sese, contemni sese. An sciunt Sancti in cælo, quid agatur in terra, & Sancti in terra, quid agatur in cælo? 3. Si Judæi intellexerunt se contemni ab Abrahamo, vel hoc intellexerunt, Abrahami voluntatem à Divina esse segregatam, vel hoc intellexerunt, Abrahamum, quos videbat à Deo repelli, etiam ipsum repulisse; Si prius, absurdissimo errore tollitur conformitas voluntatum in Beatis, cum Divina voluntate; Si posterius, quomodo Judæi præterito Abrahamo rogabant Deum, à quo sese non minus propter peccata repelli intelligebant. 4. Si Abrahamus voluntate approbationis non dilexit Judæos peccatores, & voluntas Abrahami Beati est ejusdem rationis cum voluntate reliquorum Sanctorum, sequitur neque reliquos Sanctos diligere peccatores, & consequenter non esse invocandos. Quis enim invocaret, quem sese contemnere intelligeret? Tertio vanum est quod regerunt, non esse consequens, Modus certus assignari nequit; Ergo non est ullus certus Modus, quia etiam hæc consequentia jugulum petat unionis hypostaticæ, tum quia prius res ipsa est docenda ex Scripturis, antequam de modo dispiciatur, quod Pontificii non possunt, tum quia exemplum ab hypostaticâ unionem desumptum planè abludit, Scripturâ docente, Verbum Carnem esse factum, esse manifestatum Deum in carne, & illum ipsum esse ex Patribus secundum Carnem, Deum vero unâ benedictum in secula, Joh. 1. 1. Timoth. 3. Rom. 9. tum quia Modus unionis hypostaticæ hætenus per ἀπὸν & thesin sufficienter à nostris



stris fuit expositus, quicquid sit de illo quod Deus voluit nobis esse reconditum. Modi vero illi, quos Pontificii proponunt circa notitiam Sanctorum, ita sunt comparati, ut nondum evicta Notitiæ hujus Veritate ex Scriptura, adhibeantur ad persuadendum, & probabile reddendum, quod nullo solido gaudet fundamento. *Secundò*, posito quod Deo non repugnet communicare, quocunque modo homini beato notitiam rerum longè positarum, nil aliud probatur præter possibilitatem Modi; num autem actu unus illorum obtineat, adhuc sub controversiæ relinquitur reciprocatione; quanquam si de tali notitia sit sermo, quæ sufficiens Basis invocationis religiosæ, & in hunc finem destinata, etiam antecedens à nostris non concedatur. *Tertiò* si, ut communis habet sententia Pontificiorum, Sancti in Speculo Divinitatis vident omnia, sane ex communi sententia cæteri modi superfluitatis vel etiam repugnantiae possunt argui, neque divisim etiam unus modus est certus, quia nullus illorum revelatione nititur.

## XXXIII.

*Secunda ratio* projecta est vilior algâ. si enim 1. ex intercessione, quâ tali, concluditur Invocationis Utilitas vel Necessitas, sequetur, viventes, qui pro aliis rogant, esse invocandos; Jesuitas debere invocare & quidem religiosè suos discipulos, quia pro illis orant & intercedunt; imò ipsos damnatos esse invocandos, Epulo enim intercessit pro fratribus suis, & sollicitè egit pro illorum salute precibus. *Secundò* orare pro aliquo vel *intercedere* dicitur dupliciter: *Primò latè*, qua ratione omnia membra Ecclesiæ orant, & sibi mutuo optant à Patre Luminum felicitatis omnigenæ lumina, dona & bona; *Secundò stricte* cum suppositione Notitiæ meritorum etiam in particularibus casibus & necessitatibus, quæ fundat religiosum cultum; prius huc non facit, posterius à nobis rejicitur. *Tertiò* textus Jeremiæ non absolute sed hypotheticè legitur, nec fuerunt Samuel & Moses in statu Beatitudinis tum temporis, ut invocari potuerint, fatentibus ipsis Pontificiis, nec Propheta actum orationis Sanctorum defunctorum Moysis & Samuelis adstruit, sed Israëlitarum impietatem exaggerat, quæ ita accenderit ignem furoris Divini, ut, si Moses adhuc in vivis esset, & se interponeret, ut fecit quondam pro Israëlitis, & Samuel oraret pro populo, nihil tamen essent obtenturi; de viven-

viventibus enim sub hypothefi effe sermonem, locus docere potest parallelus *Ezech. 14. v. 14.* Locus ex apocrypho libro Maccabæorum petitus, somnium exhibet, non Historiam, nec de privatis agit necessitatibus, ad quas respicientes Onias & Jeremias oraverunt: Exemplum Epulonis, ut non dicamus parabolam à Christo recenseri, contra Pontificios militat. Abrahamus enim non exaudivit Epulonem, & num Epulo etiam adorandus vel invocandus? num Abraham Sanctus, qui invocatus, & non potius ipse Deus sub Persona Abrahami figuratus? Verba Petri ita sunt vertenda: Dabo operam & frequenter habere vos, ut post obitum meum horum mentionem faciatis. *Johannis Apoc. 5. v. 8.* introducuntur 24 Seniores, offerentes phialas precum, non autem cultu religiosi afficiuntur, nec probari potest, notare illos præcisè Sanctos defunctos, cum à multis commodè accipiatur de Ecclesia militante & triumphante, ut citharæ notent *δοξολογίας* beatorum; phialæ autem plenæ suffituum Orationes fidelium in Terris. Apocalypsea, sexto verò animæ sub altari clamare dicuntur, non pro aliis, sed seipsis, nec dirigitur illarum Oratio ad Sanctos sed Deum, neque tam clamare juxta quosdam dicuntur *verbaliter*, quam *realiter*, sanguine adhuc spirante, Deumque sollicitante; ut phrasis hæc occurrit. *Gen. 4. vers. 10.* Quorum verborum mens est. Martyres beatos, preces suas ac vota Deo offerentes, niti sola Christi intercessionem, invicto argumento, neque Sanctis esse deferendum cultum adorationis, neque illis singularem pro nobis esse attribuendam intercessionem. Nam per animas sub altari non designat Johannes cineres & ossa Martyrum, tempore persecutionum sub altaribus recondi solita, ritu prius pio ad conservanda Martyrum *λείψα* à rabie infidelium, at post superstitione corrupto, ut de cultu reliquiarum docebimus; verum hoc altare apparet in cælo coram throno Dei, & fit allusio ad altare suffitus olim ante Sanctum Sanctorum, in quo residebat gloria Dei supra arcam, *Exodi 30. v. 6* collato cum *Apoc. 8. v. 3. & cap. 16. v. 1.* Erat autem altare suffitus typus Christi, *Hebræ. 13. v. 18.* habemus altare, ex quo non habent jus edendi, qui tabernaculo deserviunt. Ratio analogiæ, quod uti sub hoc altari oblatæ preces, ita Deo preces nostræ gratæ in nomine Christi. *Job. 16. v. 24.* & per Christum Deo offeruntur, *Hebr. 13. v. 16.* Consequens er-

go hic altare notare Christum, & esse sub altari, idem quod accedere ad Deum in conspectu & quasi sub umbra Christi. Vide similem phrasin de tabernaculo *Psalmi. 27. v. 5. & Apoc. 7. v. 15. 17.* Rationibus quoque probari potest per altare Christum intelligi, quia 1. beati cum Christo sunt, vivunt & ejus solatio fruuntur 2. *Corinth. 5. v. 8. Philipp. 1. v. 23. & Apoc. 7. v. 15, 16.* Ino Christus *Johan. 17.* oravit, ut fideles cum ipso manerent. 2. quia sub umbra Christi electi Deo placent. 3. quia, ut altaris est sanctificare oblata, ideoque dignitate superat ipsum sacrificium *Matth. 23. v. 17.* ita Christus sanctificat electos proprio sanguine *Heb. 13. v. 12.* estque dignior nostris sacrificiis precum, quibus confert efficaciam. 4. quia Sanctorum preces ab intercessione Christi robur accipiunt *Hebr. 14. v. 15.* Per ipsum (scilicet Christum) assidue offeramus Deo sacrificium laudis; id est fructum labiorum celebrantium nomen ipsius.

## XXXIV.

*Tertia ratio à Miraculis ducta non obsignat fidem, sed dubium relinquit animum.* Nam *primò*, quomodo probatur omnia & singula, quæ mirabiliter fiunt ad Monumenta Sanctorum, esse vera, veritate facti; novimus figmenta hominum otiosorum in Papatu pro veritate, carbones pro auro sæpius substitui; posito etiam quod verè contigerint hæc vel illa mirabilia, quomodo probabitur, id omne quod veritate facti gaudet in istiusmodi mirabilibus, ad spirare ad Veritatem Miraculi usque, quod longè plus requirit prior jam demonstrato & evictò? num omne id quod mirabiliter fit, quod captum humanum transcendit, confestim ut à Deo factum miraculum, bruto assensu & simplici credulitate erit recipiendum, probandum? annon Christus nos monuit *Matth. 24. v. 24.* Paulus etiam Anti-Christo tribuit signa & prodigiosa mendacia, & quidem non tam ratione facti quam *finis. 2. Thess. 2. v. 9. & 10.* Augustinus illum concludendi Modum in Donatistis improbavit, dicens *Tom. 7. de unitate Ecclesie*: Ostendat, inquit, Donatista, suam Ecclesiam, & sic ostendat, ut non dicat, idèd verum est, quia illa & illa mirabilis fecit Donatus, vel Pontius, vel quilibet alius, aut quia homines, ad memorias mortuorum nostrorum orant & exaudiuntur, aut quia illa & illa contingunt, aut quia ille frater



frater noster, aut illa soror nostra, tale visum vigilans vidit, aut tale visum dormiens seminauit. Removeantur ista vel figmenta mendacium hominum, vel portenta fallacium spirituum. Aut enim non sunt vera, quæ dicuntur, aut, si hæreticorum aliqua mira facta sunt, magis cavere debemus, quod cum dixisset Dominus, quosdam futuros esse fallaces, qui nonnulla signa faciendo, etiam electos, si fieri posset, fallerent, adjecit, vehementer commendans, & ait; Ecce prædixi vobis. Adde ex c. 546. nec nos propterea dicimus, nobis credi oportere, quia per totum orbem, in locis sanctis, quæ frequentat nostra communio, tanta mirabilia vel exauditionum, vel sanitarum fiunt, ita, ut latentia per tot annos corpora martyrum, quod possunt à multis interrogantes audire, Ambrosio fuerint revelata, & ad ipsa corpora, cæcus multorum annorum, Mediolanensi civitati notissimus, oculos lumenque receperit; aut quia ille somnium vidit, & ille spiritu absumptus audivit, sive, nè iniret in partem Donati, sive, ut recederet à parte Donati. Quæcumque talia, in Catholicâ, fiunt, idè sunt approbanda, quia in Catholica fiunt, non idè; ipsa manifestatur Catholica, quia hæc in ea fiunt. Idem de Trinitate lib. 4. cap. 11. Facile est, inquit, spiritibus nequissimis, per aërea corpora facere multa, quæ mirentur animæ, terrenis corporibus aggravatæ, etiam melioris affectus. Si enim corpora ipsa terrena, nonnullis artibus & exercitationibus modificata, in spectaculis theatricis, tanta miracula hominibus exhibent, ut hi, qui nunquam viderunt, talia narrata vix credant; quid magnum est Diabolo, & Angelis ejus, de corporeis elementis per aërea corpora, facere quod caro miretur, aut etiam occultis inspirationibus, ad illudendos humanos sensus, phantasinata imaginum machinari, quibus vigilantes dormientesque decipiat, vel furentes exagitet. Idem lib. 3. de Trinitate cap. 9. loquens de miraculis Magorum Ægyptiorum; quid mirum, inquit, si quemadmodum potest nosse, quilibet nequissimus homo, unde illic vel illic vermes muscæque nascantur: Ita quoque Angeli, pro subtilitate sui sensus, in occultioribus elementorum seminibus, norunt, unde ranae serpentesque nascantur; & hæc per certas & notas temperationum opportunitates, occultis motibus adhibendo, faciunt creari, non creant. Sed illa homines, quæ solent ab hominibus fieri,

non mirantur. Quòd si quisquam celeritates incrementorum fortè miratur, quòd illa animantia tam citò facta sunt, attendat, quemadmodum & ista, pro modulo facultatis humanæ, ab hominibus procurentur. Unde enim fit, ut eadem corpora citius vermescant æstate quàm hyeme, citius in calidioribus, quàm frigidioribus locis. Sed hæc ab hominibus tantò difficilius adhibentur, quantò defunt sensuum subtilitates, & corporum mobilitates, in membris terrenis & pigris? Undè qualibuscunque Angelis, vicinas causas, ab elementis contrahere, quantò facilius est, tantò mirabiliores, in hujusmodi operibus, existunt eorum celeritates. Ista evidenter ostendunt, non posse ex attestatione miraculorum infallibile sanctitatis documentum extorqueri. Facile est dicere, Pontificem Romanum certificari de statu alicujus, per attestationem miraculorum. Atqui si probatio requiratur, aqua hærebit. Vel enim ipso miraculo, ut tali, sanctitas hujus vel illius probatur, vel eodem illo, ut est ab hoc vel illo factum, authore Deo, virtute infinita, nullà sensuum delusione, optimo fine; non ipso miraculo, ut tali, alioquin sequeretur, Pseudo-Christos & Anti-Christos, maximorum miraculorum, testibus Christo & Paulo, effectores, esse pro Sanctis habendos, & ut tales colendos; Non eodem illo, ut causis suis determinato, quia quo fine quilibet factum, quā virtute & veritate factum, quo authore factum, neque testes, qui in visis & auditis recensendis tantum immorantur, deponere, neque Pontifex Romanus ex tali eorum depositione, certò & infallibiliter pronunciare quicquam potest. Augustinus certè, ut solet, cautissimè & modestissimè hinc agit. Quamvis in Ecclesiā Catholicā teneri se dicat autoritate, miraculis inchoatā, spe nutritā, caritate auctā, vetustate firmatā: tamen ubi ad veritatis ἀρετῆς ventum est, non vult Ecclesiæ Catholicæ credi, quia magna miracula sanationum & exauditionum in ea contingebant, (nam & Donatistæ hæretici talia prætendebant) apertissimè professus, ideò talia miracula esse approbanda, quia in Catholicā Ecclesiā (quam ex Scripturis monstrari debere dicit) sunt, non autem Ecclesiam Catholicam manifestari, quia talia in eā sunt. Posito denique etiam, quod factum aliquod radiet & Veritate operis & Miraculi, nondum omnia erunt liquida, aut in Mensa Solis posita. Qui enim docebitur? non obliquari



quari Miraculum in finem alium præter illum, qui à Deo intentus? Annon Paulus & Barnabas verum viderunt Miraculum in Claudio sanato, & tamen Lystrenses illud detorquere annisi sunt, ad cultum religiosum Apostolorum, ut necesse fuerit, ab hoc spurio & conficto fine illos revocare ad cultum veri Dei, Creatoris Cœli & Terræ, *Actor. 14.* Secundò si attestatio Miraculorum docet, & quidem infallibiliter & evidenter, illum qui patravit miraculum, vel circa quem contigit, esse Sanctum, consequens erit, Sanctitatem veram & solidam etiam tribuendam esse non tantùm hæreticis, e. g. Donatistis, sed etiam Mahumetanis, de talibus enim hæc habet Septemcastrensis. c. XIV. Sanctus Augustinus de civitate Dei lib. XX. c. 19. de signis & prodigiis mendacibus loquens, dicit, quòd signa & prodigia duobus modis dicant mendacia; Uno modo, quia decipiuntur sensus hominum, virtute & arte Diabolica, ut credant fieri, quod in veritate non fit, ut sunt phantasmata. Secundo modo, quia trahunt credentes ad mendacium, ut credant fieri virtute divina, quod Diabolus facit, vel, ut credentes sibi fieri pro salute, quod ad damnationem fieri constat: Unde; quòd ignis descendit de cœlo, & consumpsit familiam & pecora ipsius Job, non erat mendacium: licet fieret operatione Diabolica, Deo permittente. Istis igitur modis credendum est unicuique fideli, prodigia & signa innumerabilia mendaciter fieri per religiosos ipsorum perfidorum Turcorum, tam in vita eorum, quàm etiam post mortem. Et c. XV. Inter cæteros hujus sectæ, qui post mortem signis & prodigiis mendacibus clauerunt, & adhuc quotidie clarent, est unus principalis, qui magnæ reputationis & venerationis habetur in tota Turcia, cui nomen Sedichasi, quod transponitur sanctus Victor, vel Victoriosus inter sanctos: cujus sepulchrum & sacrum est inter fines Othomanni & Caramanni. Et licèt isti duo frequenter inter se discordias habeant, & unus invadat terras alterius, nemo tamen est ausus aliquando appropinquare sepulchro ejus, vel terris ejus vel ejus propinquis aliquid mali inferre: quia, sicut sæpe expertum est, qui ausi fuerunt facere hoc, magna eos secuta est ultio. Et ista est inter eos omnium communis opinio, nunquam aliquem fraudatum desiderio suo de iis, qui ejus implorant auxilium in quacunque necessitate, ma-

ximè autem in bellorum factis & negotiis præliorum. Et hoc probat magna multitudo votorum in omni genere animalium, & aliarum rerum, & pecuniarum, quæ annuatim à Rege, Principibus, & totius vulgi communitate ad ejus sepulchrum deferuntur. Maxima namque fama & æstimatio habetur de eo non solum inter Turcas, sed etiam in omnibus hujus sectæ nationibus. De ejus autem signis & prodigiis hoc dicere volo, quod major celebritas habeatur de eo inter Mahumetistas, quàm habetur de sancto Antonio inter Christianos. Est alius, vocatus Harschi Pettesch, quem interpretantur adiutorium peregrinationum, qui etiam multum invocatur & veneratur, maximè peregrinis, qui ejus auxilium frequenter experiri dicuntur. Alius item dicitur Ascik Passa, qui ab amore nomen habet, & dicitur quasi patronus amoris, qui in patrimonio existentibus, velut in partus periculo, aut habendæ prolis desiderio, vel discordantibus marito cum uxore, & pluribus talibus necessitatibus opem ferre dicitur. Alivan Passa discordantibus patrociniū conferre dicitur concordia: de quo dicebatur, quod quærentibus eum nunc juvenis, nunc senex appareat. Scheich Passa conturbatis & tribulatis solatio esse solet. Hotting. Hist. Orient. pag. 291. & seq. Tertiò, si Miraculum ab aliquo patratum, vel circa illum factum, probat illius invocationem & cultum religiosum, non tantum defuncti Sancti, sed & viventes erunt invocandi, quia & illi mortuos excitârunt, Apostoli viventes miracula patrârunt, neq; miracula, agnoscente ipso Maldonato, necessarium sed probabile tantum fidei Argumentum suppeditant. Videatur Acosta scribēs: Miracula omnino vana esse & inania, nisi Scripturâ approbētur, h. e. doctrinam habeant scripturæ conformem: Scriptura verò ipsa per se invictissimum argumentum est. Theodoretus non probat aliquid de Invocatione Sanctorum, sed recitat tantum visionem Theodosio oblatam, quæ victoriam ei pollicita est à Johanne & Philippo, imo Imperatorem obsecrasse Universitatis Dominium reperta ædacula docet. Ambrosii sermo de Agnete est spurius, ut Erasimus & ceteri demonstrarunt. Augustinus, si denique sincerum esse admittamus, plus non habet, quàm ad Memoriam Martyrum sive ad Martyres homines Christianos orasse; num verò, qui juxta altare aliquid orat, ipsum altare adorat? Gregorii Dialogus mendaciis sordet pudendis & propudiosis, atque ab ipsis Pontificiis rejicitur; paria

paria notant de Gregorio Turonensi, quibus non obefæ nares, & inter illos ipse Cardinalis Cæsar Baronius.

## XXXV.

*Ultima Classis* Patrum, nominibus gaudet virorum Magnorum non assensu. Nam Threni illi sive planctus non sunt Origenis, sed factus subventaneus, aliter docente Adamantio Genuino *lib. 5. contra Celsum, & octavo*. Nectarius Homo fuit rerum Ecclesiasticarum penitus imperitus, teste Baronio, & illa ipsa Oratio in Theodorum Martyrem fuit dubia hætenus & incerta. Ephrem Syrus nutat, quia versio illius tantum in nostris versatur manibus & incertum, num sit versio. Nyssenus Molinæo non probatur tanquam genuinus. Chrysostomus, non tam est aurei oris Pater, quam alius quicumque, centones ex illo conficiens. Ambrosius nimium dicit, nec Scripturæ conformiter loquitur. Hieronymi oratio non est religiosa, sed valedictoria, & declamationis alicujus schema habet. Augustini liber Mediationum est supposititijs. Libro vero 7. *contra Donatistas cap. 1.* dicit: adjuvet nos Orationibus suis. Cyprianus non invocat religiosè, abreptus consuetudine invalescente, & alibi non obscure docet, rejiciendos esse, qui Angelos invocant. *lib. 10. Confess. cap. 42.*

## XXXVI.

Cum emineat virgo Beatifica Maria, ut Luna inter ignes minores, & in Sanctorum choro, secundum Pontificios, prioritatem obtineat, quapropter etiam ille cultus, qui eidem assignatur in Papatu, sub censuram erit vocandus. Est autem ille *Hyperdulia*; quam enim admittant aliud quoque genus cultus superioris & dicant, posse B. Virginem, quantum saltem est ex ipsa rei Natura, adorari per accidens, simul cum ipso Deo, cui per cogitationem conjungitur etiam cultus, qui sit perfecta latria, in quantum concipitur, velut eximia quædam imago Dei, vel quasi per modum excellentissimæ cujusdam reliquiæ sacræ, ob sanctissimum & peculiarem contactum filii Dei, etsi ratione scandali & periculi creandi, hic cultus communiter non sit adhibendus, tamen in hyperdulia tanquam cultu Mariæ proprio vindicando volunt Pontificii videri accurati maximè; unde Mysterium hoc Adamus Tannerus *Tom. 3. Disput. 5. de Religione Quest. 2. dub. 2. pag. 1360.* ita proponit & explicat, *assertione 1. & 2da*. Cum Sanctis omnibus, tum præcipue

Matri Virgini adoratio plusquam civilis, adeoque sacra seu religiosa (non religionis, seu latriæ) jure debetur. Est de fide ex I I. Synodo Nicæna aët. 2. 3. & 4. & Concilio Tridentino sess. 25. Decreto de invocat. veneratione, & reliquiis Sanctorum &c. Ratio est, quia præditi sunt excellentia quadam supernaturali & sacra; cui itidem non nisi sacra adoratio respondet. Idem ex simili patet ex dictis quæst. præc. du. 4. ubi probavimus, Sanctos rectè invocari. B. Virgo propriè colitur cultu hyperdulix: idque duplici titulo; nempe & maternitatis, seu cujusdam proximæ Consanguinitatis cum Christo Filio Dei; & singularis sanctimonix ac gloriæ, qua super omnes Angelorum choros evecta est. Prima pars est communis Doctorum, apud S. Thomam 2. 2. q. 103. a. 4. ad 2. & Suarez 3. par. tom. 2. du. 1. sect. 2. qui etiam consanguinitatem illam cum Christo Filio Dei affinitatem cum Deo rectè appellant, etsi neget Vasquez l. 1. de adorat. n. 12. Ratio est; quia hyperdulia est potissima species dulix communiter sumptæ, & ut ex ipsa notione nominis patet, duliâ, quæ cæteris Sanctis debetur, excellentior. Jure ergo debetur Matri Dei, quæ hac ipsa dignitate Sanctos omnes plurimum superat. Posteriores partem assertionis rectè tradit Vasquez lib. 1. de adorat. n. 186. etsi Paludanus in 3. dist. 9. q. 2. respectu singularis sanctimonix, Sanctus Thomas autem loc. cit. & 3. part. q. 25. art. 5. Cajetanus ibidem, & Gabriel lect. 49. in Canonem, ob consanguinitatem seu affinitatem illam, cultui B. Virginis nomen hyperdulix potissimum tribuere videantur. Ratio est; quia utroque titulo B. Virgo excellentia & dignitate cæteris omnibus Sanctis longo intervallo antecellit, sive interim cultus ille sit ejusdem speciei cum cultu aliorum Sanctorum, sive non. Adde Canisium, *Tom. 2. lib. 5. cap. 15. p. 700, 701.* ita scribentem: Vir suo seculo clarissimus, idemque Patriarcha Constantinopolitanus Germanus de Maria egregiè dixit: Quoniam Deum invisibilem, & omnia manu sua continentem, ultra omnem & hominum & Angelorum existimationem in ventre suo concepit, & ex se incarnatum genuit: idcirco eam ut verè & propriè Dei matrem veneramur & magnificamus, & quavis visibili & invisibili creaturâ superiorem reputamus. Hoc enim donum (Dei esse matrem) nullo potest honore, ut par est, affici, sicut idem alibi admonet. His

con.

consonat Gregorius Nazianzenus Græcorum Theologorum nulli secundus, in suis carminibus de Maria modulans in hunc modum :

*Preces Admitte, Virgo ô inclyta, hic quando tibi*

*Verbi parenti, sed supra modum tamen*

*Legemque solus inter omnes contigit*

*Honor.*

Proinde sicut ex Athanasio alibi diximus, quod Rickelius quoque confirmat, Maria quia Dei mater est, Deumque Filium habet, mundi Domina, & Regina omnium jure salutatur, quam idcirco Ecclesia inter Sanctos sanctissimam agnoscit, & ante omnes alios honorat & invocat; sicut in Liturgia & Litanía quivis animadvertit. Nihil ergò mirum, quòd Joannes Cantacuzenus, quùm adversus Mahometanos disputat, hanc suam, imò & Ecclesiæ de Maria fidem ingennè profiteatur: Credimus & confitemur, quòd Mariæ similis homo nec natus sit, nec posthac ex viro & muliere nasciturus usque ad consummationem seculi. Et secundùm humanam quidem naturam, eam Angelis inferiorem esse judicamus, tanquam hominem: honore autem & sanctimoniâ ipsam omnibus Angelis indubiè præferimus, eò quòd Verbum & Filium Dei secundum carnem peperit: omnesque nos illam Advocatam & Auxiliatricem agnoscimus. Orat & intercedit indefinenter pro peccatoribus, Miracula edit, & operatur admiratione & stupore digna.

### XXXVII.

Piè verò credimus ipsam Mariam hunc cultum, si interesset terris, repudiaturam. Fixum enim manet Argumentum nostrum ex Lege Divina ductum: Quicumque non est Deus Israelis, sed Ens quoddam extra ipsum, ille, vel illa, non est colendus religiosè, adorandus vel invocandus, at Maria non est Deus Israelis, sed Ens quoddam extra ipsum. E. Expendit hoc procul dubio ipsa Maria; Cum enim defecisset vinum in nuptiis Canæ, non ipsa opem tulit, sed servos remisit ad filium, & dixit: quod ipse jubet hoc facite, *Job. 2. v. 5.* neque unquam se voluit adorari vel invocari, sed, cùm omnem felicitatem suam deprædicaret, dixit *μακα- ραῖόν με πᾶσι τοῖς γένεαι*, non *hyperduliâ* exigit, sed *honorem*, qui consistit in Gratioli Beneficii memoriâ, & prædicatione virtutum: prædicat, nec meritis nititur aut cultui illa substernit, sed dicit, quia respexit humilem Ancillam suam, ecce ex hoc tempore me prædicabunt



bunt omnes ætates: Gratiam Divinam commendat, non propria extollit. Ipse Angelus Gabriel illam salutans non adoravit illam, neque ex Intentione Divina illam adorandam esse eidem insinuavit, sed dixit, Ave gratis dilecta, Dominus tecum, benedicta tu inter mulieres. Vocavit *κεχαρισμένη*; quod Pontificii male reddunt Gratiâ plenam, quanquam sano sensu etiam hoc Epitheton illi non invidemus; gratis dilectam, quæ proin gratuitum illum favorem grata mente debuit agnoscere, & intra Humilitatis septa custodire; vocavit eam *ευλογημένη* benedictam, ex supernâ Gratia copia & *εὐερχῇ*, quam secutura quoque inter homines Benedictio, deprædicatio; vocavit illam talem fœminam, cum quâ Dominus vel per incarnationem, ut exponit Bernhardus *Sermone 3. in missas*, quod de futuro aliqui accipiunt & exponunt, vel per Divinæ præsentia Symbola, cum alias Dominus phrasi Scripturæ dicatur cum illis, quibus favet, quos custodit, quos regit, *Josue 1. v. 5. Act. 8. v. 10.*  
XXXVIII.

Ratiunculæ Pontificiorum, quibus hunc cultum stabilire nituntur, in crura sua recidunt; Ita enim differunt, si, *Josue decimo capite versu 14.* legitur, Deum obedivisse voci hominis, utique & Maria rogari potest, ut imperet Christo precum nostrarum exauditionem; si illa est Mater Salvatoris, utique superior illo, & filio imperare poterit Jure Superioritatis illius, ut nobis sese exhibeat propitium; Si Christus fuit subditus Matri, jussis illius obtemperabit etiam; prius autem constat ex *Lucæ cap. secundo versiculo quinquagesimo primo*, imò si assumpsit ex illa carnem vivificam & adorandam, secundum substantiam similem Matri, honorans Matrem, eo ipso etiam honorabit filium.

## XXXIX.

Sed, ut diximus, concidunt hæc, non subsistunt. Prima enim ratio est ex vulgatæ versionis vitio, cui repugnat textus originarius, in quo occurrit vox *ΥΡΩ* cum *Lamech* junctum *לִקְרָא* voci, & significat *acquievit in voce*: Chaldaus Interpres, testibus ipsis Pontificiis, qui reddidit, ut susciperetur ante Dominum Oratio hominis: LXX. Interpretam versio, quæ habet: *ὡς ἐπακούσας θεὸν φωνῆς ἀνθρώπου*, exaudiente Deo vocem hominis, sanè, si hæc verba ita essent vertenda, pariter posset legi *psalmo tertio versiculo quarto*: Ad Do-

minum

*minum clamavi, & obedivit mihi de sancto Monte suo. Altera Ratio ex personæ Dignitate eluditur; non enim Christus  $\psi\lambda\delta\varsigma\ \alpha\iota\theta\rho\omega\pi\omicron\varsigma$ , sed Deus & homo, ipsius Mariæ Deus & Dominus; quæ instantia premitur de Regis vel Principis filio, qui admotus regimini non paret, sed imperat Matri, ea Christi effato non obscure refellitur; negat enim ille in Regno suo maternitatem & consanguinitatem attendi, sed fidem, ut constat ex *Matth. 12. v. 47. & Luca 11. v. 28.* Tertia ratio non concludit, quia, posito *primò* quod Christus, in primis pueritiæ annis, & statu exinanitionis, cum formam servi adhuc gereret, subiectus fuisset parentibus; aliter tamen sentiendū esset de illo, servili schemate deposito, & ad dextram divinam exaltato. *Secundò* annon Christus etiam secundum humanam Naturam fuit non subiectus legi, sed Dominus legis, quicquid itaque exhibuit Parentibus filialis reverentiæ, non fecit ex debito, sed motu spontaneo. Denique *tertiò*, si Maria ex eo est invocanda, adoranda, & religiosè colenda, quia dicitur  $\pi\alpha\tau\epsilon\rho\upsilon\mu\epsilon\tau\epsilon\rho\varsigma$ : cum dicatur ita respectu tam Patris Josephi quam Matris, hyperdulia quoque erit venerandus Josephus, & eo honore afficiendus, quo Maria, adeoque rogandus, ut jure Paternitatis imperet filio, eumq; ad exauditionem compellat. Quarta ratio, si quid probat, probat etiam Davidem & cæteros majores Christi esse invocandos. Dicitur enim esse ex Patribus secundum carnem *Rom. 9.* esse ex semine Davidis, *Rom. 1.* præterea Caro Christi non tantum est caro hominis, in quo convenit cum carne Mariæ, sed  $\theta\epsilon\alpha\upsilon\omicron\delta\omicron\upsilon\mu\epsilon\tau\epsilon\rho\varsigma$ , caro deificata, caro, quæ Verbum factum, caro ipsius Dei, qui eam tam propriam sibi habet, quam sanguinem, quo acquisivit sibi Ecclesiam; num verò caro B. Virginis fuit caro Deificata? num hominis ab omni labe peccati immunis? demum annon blasphemum hoc, quod inferitur, aut inferri potest? ita enim Maria non tantum Hyperdulia gaudebit, sed Latria, ut Christus ipse. Supposita enim identitate carnis, quæ fundat cultum, idem quoque cultus, ob idem fundamentum, erit utrique deferendus.*

## XL.

Reos autem se faciunt ita hæreseos pridem damnatæ, Collyridianorum scil., Pontificii; Epiphanius enim non tantum refert, fuisse quosdam in Arabia, qui statâ quadam die Anni Collyridem Virgi-

Pars Specialis

X

ni

ni Mariæ obtulerunt in sacrificium, ultra decorum illam glorificantes, temporibus Theodosii J. & Syricii Papæ, *Anno Domini 395*, sed & perstringit, magnoque cum zelo reprehendit scribens: Admirati sumus, alios ita desipere, ut in tractatione de sancta semper Virgine pro Deo hanc introducere studeant & furore quodam ducantur. Narrant enim, quod quædam mulieres in Arabia ex partibus Thraciæ, hanc vanitatem invexerint, ut in nomen semper Virginis Collyridem quandam sacrificent, & simul congregentur, & in nomen sanctæ Virginis ultra modum quid tentent aggredi, nefario ac blasphemio negotio, & in nomen ipsius sacra celebrent per mulieres, quod totum impium & nefarium est, alienum à prædicatione Sancti Spiritus, ut sit totum diabolicum opus, & spiritus immundi doctrina. Impletur enim in his hoc; Deficient quidam à sana doctrina attendentes fabulis dæmoniorum, erunt enim mortuis divinum cultum præstantes, sicut in Israël culti sunt. Et paulò post: Sive mortua est Sancta Virgo & sepulta; in honore ipsius dormitio, & in castitate mors, & in virginitate corona: sive interfecta est, velut scriptum est, animam ejus transibit gladius; inter martyres est ipsius gloria, & in beatitudine ipsius Sanctum corpus: sive mansit; nam non est impossibile Deo, omnia facere quæ vult. Finis enim ipsius nemini notus est, non convenit colere Sanctos ultra decorum, sed honorare ipsorum Dominum. Cesset itaque error seductorum. Neque enim Deus est Maria. Hæc ibi. Adversus eandem hæresin ex professo disputans Epiphanius, hæresi 79. §. 4. ait: Revera Sanctum erat corpus Mariæ, non tamen Deus, Revera Virgo erat ipsa, Virgo & *παρμενὴν* honorata: ἀλλ' οὐκ οὐκ εὐσεβὴς προσκύνησιν ἡμῖν δοθεῖσα sed non ad adorationem nobis data: sed ipsa *προσκυνῶσα* adorans eum, qui ex ipsius carne genitus est. Et §. 5. quæ Scriptura de hoc narravit? quis Prophetarum permisit hominem *προσκυνεῖσθαι* adorari, nedum mulierem! Eximium est vas, sed mulier, & nihil à natura immutata, verum intellectu & sensu in honore honorata, velut corpora Sanctorum. Ibidem: Si Angelos *προσκυνῶσθαι* adorari non vult, quantò magis eam, quæ genita est ab Anna, quæ ex Joachim donata est Annæ. Conspirat Ambrosius Mediolanensium Antistes, qui *libro tertio de Spiritu s. cap. 12. ad dictum Psalmi 98. v. 5. Adorate scabellum pedum ejus*, ita commen-

tatur,

tatur, per Scabellum pedum ejus, terra intelligitur, per terram caro Christi, quam hodie in Myfteriis adoramus, & Apostoli in Domino Jesu adorarunt. Ac nè quis hoc derivet in Mariam Virginem, Maria erat templum Dei, non Deus Templi, & ideo ille solus adorandus, qui operabatur in Templo.

## X L I.

Promovit errorem Petrus Gnaphæus sive Fullo, Antiochenus Episcopus, seculo currente quinto, qui sanxit, ut in omni precatione Dei genitrix nominaretur, & Divinum ejus Nomen invocaretur, teste Nicephoro Callisto *lib. 15. cap. 28.*

## X L I I.

Quamvis autem hæc Solis radio sint scripta, & de Harmonia Collyridianorum & Pontificiorum, etiam mediocriter attendenti, constare possit, habent tamen, quod regerant. Nam Petrus Canisius, in *spisso illo opere, de verbi Dei corruptelis adversus Sæctariorum Errores lib. 5. cap. 16. primò* reponit, Collyridianos fuisse damnatos, non quod Mariam colerent, sed quod Dei loco sibi colendam proponerent, Verba illius ita habent: Agit Epiphanius non tam contra Collyridianos, unde Augustinus in Hæreticorum Catalogo illos prætermisisse videtur, quàm adversus mulieres non in Syria, uti fingit Melanchthon, sed in Arabia morantes, adeoque vesanas & impias, ut simul congregatæ, novum & inauditum Mariæ cultum inveharent, eamque Dei loco sibi colendam ac adorandam publicè proponerent, ac eidem simul contra omnem Ecclesiæ morem sacrificarent, novos interim ritus, nova sacra introducèntes atque celebrantes. Etenim constituto anni die, ut etiam indicat Damascenus, currum quendam, sive sellam quadratam ornabant, & expanso super eam linteo per dies aliquot panem seu collyridem quandam proponebant, remque totam in Mariæ ceu Dææ nomen sacrificando peragebant, ac de eodem pane omnes participabant. Melanchthon autem non sine fraude ac calumniandi studio fabulatur, ac de suo affingit, quod in Epiphanio nusquàm legimus, Mariæ statuam ab hisce mulierculis circumlatam, & liba nescio quæ, aliæque donaria oblata illi fuisse. Interpres Damasceni Κολλυρίδα tortam panis Latine vertit, unde nomen ipsum Collyridianos à placentis tortilibus, quas Græci Collyridas vocant, hic appellari; qui

sub linteo panes καρυίδας depromentes, in nomen Mariæ obtulerint, ac penes mulieres hanc hæresin maximè constitisse. *Secundò* reprehendit B. Herbrandum, quod scripserit, Pontificios vota Virgini facere, quæ cum soli debeantur Deo, vovendo peccare, quia honorem divinum in Mariam transferant, hanc enim collectionem ex meræ inscitiae fundamento petitam videri &c. *Tertiò* postquam de adoratione egit, de offerendo Mariæ sacrificio quoque differit, & Mentem Epiphanii sequentibus exponit: Cultum sacrificiorum Episcopus ille hisce ferè rationibus enervat ac dissipat: Nusquam mulieribus à Deo præceptum est sacrificare. In veteri Testamento nulla mulier sacrificium obtulit, aut sacerdotio functa est. Sacrificandi jus & officium semper penes viros fuit. Scriptura non permittit, ut mulier loquatur in Ecclesia. Non licet mulieri regulare quicquam in Ecclesia operari, aut aliquod ministerium perficere, ut sit presbytera vel sacrificula. Præterea si licuisset ulli mulierum in novo Testamento perficere sacrificium, Mariæ quidem licuisset, quæ digna, inquit, facta est suscipere in propriis sinibus universorum Regem Deum, cœlestem filium Dei; cujus uterus templum factum est ac domicilium ad Domini in carne dispensationem. Sed neque sacrificium offerre, neque baptismum tribuere Mariæ concreditum fuit. Postremo hæc sacrificandi ratio veterem morem Ethnicorum suis Diis offerentium stabilire ac renovare videtur. Ex his ergò rectè solideque concludit Epiphanius, non modò stultum, sed etiam nefarium & perniciosum esse facinus harum muliercularum, præter & contra omnem legem & consuetudinem sacris operantium, & ad morem Ethnicum creaturæ, perindè atque Deo, sacrificantium, quantumvis Mariæ nomen & honorem suæ prætexant impietati. Cum hac Epiphanii sententia congruunt, quæ in Canonibus veteris Ecclesiæ sunt definita, videlicet, ut ne Virgines quidem aut viduæ ordinentur, nec in Ecclesia doceant ullæ mulieres, sed ut tantum orent & Magistros audiant, sicut sanxisse Apostolos Clemens annotavit. Et vidimus tamen Viennæ mulierculam, quæ in Lutheri doctrina tantos fecit progressus, (prò pudor) ut potestatem sibi sumeret Eucharistiæ non solum ægrotis, quos invisebat, porrigendæ, sed etiam consecrandæ. Notæ sunt insuper mulieres, quæ licet ipsæ non sacrificent, tamen



tamen quod est amplius, & Sacerdotibus & Concionatoribus in rebus etiam sacris alicubi palàm dominantur. Nec paucas quidem fœminas in his regionibus licet reperire, quæ docendi partes sibi usurpent arrogantissimè, & Paulo Apostolo quasi audeant succensere, ut qui malè faveat huic generi, cui perpetuum in Ecclesia silentium injunxisse videtur. Nihil autem Hæreticis mulierculis petulantius, si aliis placere, & infirmos flectere possint audaci sua loquacitate, vel in disputando temeritate. Infames autem Hæreticorum mulieres, ne dicam meretriculæ fuerunt, Simonis Magi Helena, Apellis Philemone, Montani Prisca & Maximilla, & Gnosticorum Marcellina; sicut Hieronymus post Irenæum indicavit. Quid verò mirum, divinis & humanis legibus mulieres à sacris arceri, cum etiam à functione publica & civili passim rejiciantur, ac regnandi potestate multis in regionibus ex veteri more priventur? Certè Synodus Laodicæna & Soter Pontifex mulieribus, quantumvis Deo sacratis, interdicit ad altare ingredi, & sacra, quæ virorum sunt officiis deputata, contingere: tantum abest, ut sacerdotali eas munere fungi permittant. Atque hinc demum à Tertulliano æquissimè scriptum est: Non permittitur mulieri in Ecclesia loqui, sed nec docere, nec tingere, nec offerre, nec ullius virilis muneris, ne dum sacerdotalis officii, sortem sibi vindicare. Quæ omnia fusiùs repetenda duximus, ut certiùs pateat, Epiphanium adversus Catholicos, Mariæ cultum afferentes, nihil pronunciare, sed ut alibi, ita hoc etiam loco, Catholicam confirmare doctrinam, si verba ejus ritè considerentur. Et audet tamen Heerbrandus, ut Virginis nostræ cultum, in Ecclesia usitatum, arrodat, planeque suspectum & exosum reddat, eundem Epiphanium nobis opponere, atque hoc modo ratiocinari: Collyridianorum hæresin describit Epiphanius, mulierum, quæ in nomen & honorem Virginis Mariæ sacrificium panem nempe obtulerint, Vanitatè, impium, nefarium scelus & blasphemiam vocans, à prædicatione Spiritus sancti alienum, totum Diabolicum opus, & spiritus immundi doctrinam. Quam impietatem prolixè multis refutat. Quod autem hæc tota Epiphanii disputatio, quicquid isti blaterent, Liturgico, sive ut Basilius vocat, reverendo & incruento Ecclesiæ sacrificio minimè adversetur, ex eodem Epiphanio, ut omittam a-

lia, colligi facile potest. Etenim Aëtium Catalogo Hæreticorum ascribit, negantem videlicet, hoc ipsum sacrificium pro defunctis fidelibus in Ecclesia offerendum esse; quemadmodum & Damascenus post Augustinum affirmat. Præterea refert, sacerdotium secundum ordinem Melchisedech, jam inde à Christo in Ecclesia viguisse, & Apostolos non modò Evangelium per orbem sacrificasse, sed etiam mysteriorum fuisse duces, à quibus Episcoporum & Presbyterorum successiones habet Ecclesia. Probat itidem, ad perpetuam Ecclesiæ traditionem, veramque Catholicæ fidei doctrinam pertinere, ut piæ defunctorum memoriæ, cultusque divini & mysteriorum dispensationes (quas propriè ad Liturgiam referunt Græci) in Ecclesia peragantur. De mortuis, inquit, nominatim, faciunt mentionem (nimirum Orthodoxi) preces, cultus & dispensationes perficiendo. Sic enim locum Vitus Amerbachius vertit, nec dubium, illis vocabulis Græcè sacrificium, pro defunctis Catholicis oblatum, ab Epiphanio significari. Qui rursus ad Patrum traditionem refert, quòd suo seculo in Apostolorum & Martyrum memoriam sacrificabatur, sicut & Tertullianus & Cyprianus longe vetustiores de oblationibus & sacrificiis, quæ pro Martyribus anniversaria commemoratione fiebant, apertè loquuntur. Tùm Damascenus Apostolos non modò Dei prædicatores, sed etiam sacrificiorum curatores appellat. Ac longè vetustior Irenæus Apostolos omnes Sacerdotes Domini vocat, qui semper altari & Deo servaverint, & à quibus acceperit Ecclesia Novi Testamenti novam oblationem, quam juxta Prophetæ vaticinium, in universo mundo offert Deo. Ac tantùm abest, ut Epiphanius Sacerdotes nostros hæreticis Collyridianis, aut insanis mulierculis ad sacrificandum impiè profluentibus vel exæquet, vel conferat, ut etiam Diaconis potestatem adimat in Ecclesia ministerium aliquod perficiendi, sicut & prior Synodus Nicæna decreverat, Diaconis non licere, ut offerendi sacrificii munere fungerentur, aut aliis Presbyteris porrigerent Eucharistiam.

## XLIII.

Progreditur tandem ad Petrum Gnapheum, *Capite decimo septimo*, & ita perorat: Petrus Gnapheus antiquæ & percelebris Ecclesiæ Antiochenæ, quam Petrus Apostolus primùm administravit,  
Archic.

Archiepiscopus fuit, sive Patriarcha, Zenonis Imperatoris, qui Leonis successit amicus, Leonis primi Pont. Max. coætaneus, & qui magnam illam Synodum, quartam nimirum & Oecumenicam, Chalcedone coactam, sua vidit ætate. Etsi verò idem in vita & doctrina non optimè sese gessit, & dictam Synodum indignè oppugnavit, tamen si qua veteribus est fides, nonnulla Ecclesiæ Catholicæ commodissima instituit, & inter alia quidem, quòd in omni precatione Dei genitrix nominaretur, & divinum ejus nomen invocaretur. Sic enim habet Nicephorus, καὶ ταύτης τῆς θείας κλῆσιν ὀμιλεῖσαι. Laudantur & alia quædam ab hoc Gnapheo utiliter constituta, quem nos tamen (quod apertè testatum volumus) per omnia nec defendimus, nec excusamus, sed neque ab ullo defendendum aut excusandum esse dicimus; præsertim si vera sunt omnia, quæ de illo scribuntur. Hoc solum de illo in quæstionem venit modò, rectène à Novatoribus in eo reprehendatur, quòd legem tulerit de Mariæ nomine, sacris precibus interponendo & publicè invocando. Nullus quidem hætenus reperiri potuit, qui, præter nostros adversarios, Gnapheum hoc nomine insectaretur, aut ullum cum illo verbum commutandum esse putaret. Tùm Nicephorus clarè pronunciat, hanc legem, Ecclesiæ Catholicæ commodissimam, ab eo fuisse traditam & promulgatam. Accedit, quod prudenter hæc lex eo potissimum tempore lata sit, quo longè lateque serpebat, & plurimorum animos vitiabat pestilens Nestorianismus; ita ut hæc tanta lues Monachos etiam contaminàrit, & in eam impiam opinionem deduxerit, Mariam Deiparam non existimandam, nedum pro Dei matre invocandam esse. Quare quum ex his Monachis unus senem alium valdè pium accederet, & Nestoriano fermento corruptus in viam revocari non posset, tandem Divina visione correptus, mentem meliorem recepit, suumque confessus errorem, ad Ecclesiam rediit; quemadmodum Joannes Moscus Eviratus apertè testatur. Et certè in hunc usque diem Græci ac Orientales, qui verum Christianismum profitentur, id quod Gnapheus faciendum decrevit, licet non Gnaphei gratiâ diligenter observant; nimirum ut contra Nestorianos nomen θεοτόκου in usu perpetuo habeant, & non modò publicè, sed etiam in privatis precibus Mariæ intercessionem libenter utantur.

## XLIV.

In cassum verò hæc omnia; nam *primò*, si attendamus, quomodo Epiphanius concludat, patebit frustra dici, Mariæ cultum in Collyridianis damnari, quia ut Deam illam venerati sunt; generali enim nititur principio, & Mariam adorandam esse negat, quia solus Deus est adorandus. Maria autem non est Deus, soli itaque Deo transcribendo cultum adorationis, eo ipso abrogavit Mariæ, & quicquid non est Deus ab adoratione, quocunque nomine veniat, modò sit religiosus cultus, removet. *Secundò* non tantùm cultum adorationis negavit Mariæ, sed & positivè de eo, quod non debeatur illi, differuit Epiphanius, scribens: in honore ipsius dormitio, & in Castitate Mors, & in Virginitate Corona. *Tertidò* removet cultus religiosi fundamentum, & honorem qualemcunque substituit Virginis dignitati competentem, dicens: Non permisit ipsi dare Baptisma, non benedicere discipulos, & τὸ ἀρχεῖν ἐπὶ τῇ γῆ ἐπέλειπεν non imperare in terra jussit, sed hoc solum voluit, ut ipsa esset αἷγιον ἅγιον quid, καὶ καταξιωθῆναι τὸ αὐτῆς βασιλείας & digna efficeretur regno ipsius. Et ibidem: ἐν πμῇ ἔσω Μαρία, ὃ ἡ πατὴρ καὶ υἱὸς καὶ ἅγιον πνεῦμα προσκυνεῖτω, τὴν Μαρίαν μηδεὶς προσκυνεῖτω. Sit in honore Maria, Pater & Filius & Spiritus Sanctus adoretur. Non dico Mulieri, imò neque viro; sed uni Deo debetur hoc mysterium. Neque angeli talem δοξολογίαν glorificationem capiunt ἢ ἐκ καλῆς ἡ Μαρία, καὶ πεποιημένη, ἀλλ' ὅτι εἰς τὸ προσκυνεῖσθαι et si pulcherrima est Maria & Sancta & honorata, at non ad adorationem. Et §. 9. ἡ Μαρία ἐν πμῇ. ὃ κύριος προσκυνεῖτω, Maria sit in honore, Dominus adoretur. *Alterum* quod Herbrando opponit, caducum est; nam *primò* vota Mariæ facta, non sunt meræ promissiones, ita enim à Natura voti & dignitate illius exciderent, sed sunt actus religiosi, ut juramenta, cum quibus, etiam Pontificiis testibus, maximè conveniunt. *Secundò* votum, Mariæ factum, non est actus observantiæ, ut vult Canisius, contradistinctus Religioni, non enim, qui vovet Virgini aliquid, formaliter vovet exhibitionem illius Deo, neque enim, si votum hac ratione deferretur Mariæ, plus exhiberetur, quam Præposito à Monacho, qui vovet Deo, quod velit esse obediens Præsuli. Mariæ enim vovetur, ut gaudet hyperdulas fundamento, & titulis superbit in Papatu intolerabilis fastus.

*Tertidò,*



*Tertiò*, si votum saltem materialiter B. Virgini competit, quomodo Bellarminus potuit scribere, votum competere sanctis, quatenus sunt Dii per participationem? qui enim Dii sunt per participationem, illis vota non tantum materialiter conveniunt, sed & formaliter. *Tertium*, quod de sacrificio opponit ibidem, infirmum est; nam *primò* Epiphanius non tantum reprehendit, illud quod Mulieres offerunt, sed & quòd offerant. *Secundò* Collyridiani panem offerebant & proponebant in Nomen Mariæ, & quid sit in Missis Marianis, quæ non tantum in memoriam B. Virginis habentur, ut fingit Jesuita Canisius, sed in cultum; & quid quæso oblationes & anathemata facta Mariæ, quam Collyridianorum stipulæ, quicquid sit de diversitate Materiæ. *Tertiò* Mariæ, non tantum panem & alia offerunt Pontificii, sed etiam sanguinem dedicant; anne autè hoc non est sacrificare & ultra insaniam Collyridianorum progredi. Historià Alexandri Cardinalis Ursini legimus apud Corneliū à Lapide, qui ita: Magnis Ecclesiæ gubernaculis magnanimè perfunctus, ad majora natus, nisi Deus eum ad maxima transulisset. Consummatus in brevi explevit tempora multa: placita enim Deo erat anima illius. Junior efflagitarat ingressum in Societatem Jesu: idque ardentè & instantè. Verùm repulsam passus, quòd dictarent eum ob certas dotes in sæculo plus Ecclesiæ profuturum, acquievit, sed ita, ut inter aulicos & Principes vitam ageret Religiosam, adeoque mores ejus intuens Religiosum censuisses simul & Principem. In jejuniis, disciplinis, ciliciis, etiam Cardinalis creatus, erat assiduus, imò nimius. Congregationi Sodalium in Collegio Romano erectæ ascribi voluit, adeoque ad eam frequens, etiam tempore disciplinæ ventitabat, ac publicè in turba plebeiorum cum illis acriter se diverberabat, idque non raro ad sanguinem; quod perpetim faciebat in pervigiliis B. Virginis, ut ei se suamque vitam suo sanguine offerret & consecraret.

## XIV.

Petrus Gnaphens tantus non est, quantum fingit Canisius; nam *primò* fuit *γναφεύς*, sive fullo iste homo turbulentus, qui captus ambitione sedis, absente illius Episcopo Antiochiæ tumultus excitavit, & tyrannicè illam occupavit; *secundò* fuit Author hæreseos Theopaschitarum, quem Felix tertius, Papa Romanus, vocavit primogenitum diaboli filium, Refractorius Synodo Oecumenicæ Chalce-



donensi, agnoscente ipso Canisio. *Tertiò* ipso Episcopatu depositus & exilio mactandus in fuga elapsus, ni se recepisset in Monasterium Monachorum Acænetorum, recuperans quidem sedem Antiochenam Henotico Zenonis recepto, sed fraude utens, de quo videatur Nicephorus *lib. 15. cap. 28.*

## XLVI.

Placuit illis, qui sibi placent in propriis adinventionibus, non tantum religiosè venerari sanctos demortuos, & Mariam insigniter inter illos, sed etiam ea quæ ad illos pertinent, quæ reliquias dixerunt, imo reliquiarum nomine, scribit Carolus Stengelius, censemus non tantum integra corpora Sanctorum, verum etiam membra præcisa, carnes, ossa, cineres, in quos redacta sunt ipsorum corpora, vestes, baculos, sedes, domos suppellectilem & instrumenta Martyrii, vel quicquid illis, utpote organis Spiritus S. ad vitæ hujus sustentationem, vel in morte ad gloriam servivit, nec tantum Sanctorum, sed & Angelorum, imò ipsius Christi in Papatu passim ostentantur, Entia permanentia & transeuntia, utpote penna fragilis Gabrielis, sonus Campanarum Hierosolymitanarum, & habitus Josephi; cultus autem, qui ipsis defertur in Regno tenebrarum est religiosus, non quidem supremus soli Deo debitus, sed religiosus atque intermedius rebus sanctis competens, unde etiam Bellarminus *lib. 2. de reliq. Sanct. 2002.* Nos reliquias, inquit, honoramus & osculamur, ut sacra pignora patronorum nostrorum, sed nec adoramus ut Deum, nec invocamus ut Sanctos, sed minore cultu veneramur, quam Sanctorum Spiritus, nedum quam Deum ipsum.

## XLVII.

Confestim autem prodit hic se pruritus novaturientium in Religionis negotio; nam *primò* Veteres per reliquias intellexerunt tantum Martyrum corpora, quæ à Christianis diligenter fuerunt conquisita; ita Eunapius in *Ædeseo de Christianis* scribit: Ossa & capita collecta eorum, quos reos multorum criminum, scil. criminatione Philosophorum in Gentilismo, politici Magistratus supplicio affecerunt; sensim verò extendi cœpit vocabulum, cum superstitiosi non tantum corpora Martyrum, sed & alias res ad usum Christi & Apostolorum assumptas, inter *λειτουργία* computarunt, quorum cultus

ma-

maximè invaluit tempore Damasceni, ut constat *ex lib. 5. orth. fidei cap. 12.* & tandem addita fuerunt alia, quæ vel vera vel conficta, quemcunque respectum dixerunt ad sanctos, de quibus in præcedentibus. *Secundò* Veteres quidem conquiverunt λείψανα sive corpora Martyrum & ossa, sed non prostituerunt illa in adorationem. De ossibus Polycarpi tantum hoc dicit Eusebius, quod Smyrnenfes fideles illa potiora lapillis digno loco reposuerint; adde Testimonia Evnapii, Nazianzeni, Ambrosii, & vel honestè illa fuerunt sepulta tempore scil. Ambrosii, vel sub altaribus collocata sequentibus seculis usque in seculum octavum; in papatu autem ostentantur ad religiosam venerationem, Gentilium ad morem, qui in Cretâ Sepulcrum Jovis, in Templo Ephesino, λείψανα quædam Dianæ defossa, Antrum Sybillæ Cumis & alia quædam ostenderunt, jactarunt, veneratione prosecuti fuerunt. Quemadmodum olim Scribæ & Pharisei sepulchra Prophetarum ædificabant, & monumenta iustorum ornabant; dum puritatem doctrinæ deseruerant, plenique erant hypocrisis & legis transgressione; *Matth. 23. v. 28, 29.* similiter Pontificii, dum salutarem veritatem corruerunt, & in SS. Literas, præstantissimas Prophetarum atque Apostolorum Reliquias, multis modis injuriæ sunt; indicatas modo Reliquias adorant, & religiosè colunt; per habitudinem sciñcet ad eos, quorum Reliquiæ sunt, sive latria, sive dulia. *Tertio* cultus ille religiosus, quem referunt commentitius est, partim quia omnis cultus religiosus aut est elicitus, aut imperatus, ille verò qui exercetur circa reliquias, non imperatus est, quia ille respicit proximum, & deferretur à liberis parentibus, à civibus præpositis, ab opulentioribus pupillis & viduis, de quo *Jacobi 1. v. 27.* nec est elicitus, quia ille respicit solum Deum; unde Augustinus: non sit nobis Religio cultus mortuorum, *libro de vera Religione cap. 55. partim* quia fingitur cultus minor illo, qui Sanctis deferretur Spiritibus, cum alias dividatur ab illis omnis cultus religiosus in latriam & duliam, & ita sectionibus cultus in minorem dulia attenuatur, ut expirare videatur, vel, si adhuc est dulia, idem erit cum illo honore, qui Sanctis deferretur, *partim* quia falsò dicitur, non invocari sanctas reliquias, cum, Episcopo recondente vasculum cum reliquiis, canatur, Sub altari Dei sedes accepistis, intercedite pro nobis ad Do-

minum Jesum Christum: & quicquid sit de Invocatione, sufficit quod religiosè colantur, sufficit quod reliquiis, eos qui tangunt, sanctificari asserant, ut Bellarminus docet, *lib. 2. de Imag. cap. 30.*

## XLVIII.

Uti autem constet, quàm latè regnet reliquiarum dignitas, quantas egerit radices in Animis Pontificiorum superstitio, juvat recensere illarum qualemunque Catalogum. Docuerunt autem primò Reliquias Veteris T. utpote Adami ossa, à Noacho in arcam assumpta, & inter hujus filios postea distributa; nominatim illius Calvariam, sive Cranium, quod Semo cesserit, & in Jebus sive Hierosolymis fuerit sepultum in monte Calvariae, ubi etiam Christus postea crucifixus; Tunicas primorum Parentum à Deo factas, Chamo, ac deinde Nimrodo, cecidisse; Reliquias Arcæ Noachi, in montibus Arabicis; atque alibi Dolabram Noachi, quâ arcam confecerit; Sepulchra Abrahami & cæterorum Patriarcharum, juxta Bethlehemum; Particulas Virgæ Moysi, Romæ, itemque in Galliâ, & antehàc Pragæ asservari. Similiter ostentatur montis Sinai vertex, ubi steterit Moyses, cùm Legem acciperet; & Rubus, undè ei Deus apparuerit; in Nilo, locus ubi ille fuerit expositus, &c. Particulæ item Virgæ Aaronis quæ floruerit, & Arcæ fœderis, ostentantur Romæ, & antehàc Pragæ. Samuelis Reliquiæ dicuntur Constantinopolim translatae; una de Columnis à Salomone positis in templo, Romam; Mensa Salomonis, Toletum. Reliquiæ Altaris ab Eliâ parati in monte Carmel jactantur quoque; & ossa Elisæi Alexandriâ transportata. Synagoga Ezechielis ostentatur in ripâ Euphratis; Sepulchrum Danielis Susani; Jonæ corpus Venetiis; & Zachariæ ibidem; Maccabæorum ossa, Colonia, & Romæ. Reliquiæ N. T. jactantur & ostentantur serè infinitæ: utpotè ipsius Christi; respectu infantiae; Lapis, super quem natus, Atrebat; Lapis, super quem recens natus fuerit depositus, Duaci; aliquid de loco nativitatis, Bruxellis; de terrâ, ubi natus, Mediolani: Fasciæ, & panniculi, quibus recens natus fuerit involutus, Romæ, Aquisgrani, Mediolani, & alibi; Præsepe, & ejus reliquiæ, Romæ, Mediolani, Neapoli, Colonia, Bruxellis, Leodii, &c. De Incunabulo, Romæ in basilicis pluribus; Interula linea à Matre facta, Romæ & Mediolani;

ni; de Myrrhâ & Thure à Magis oblato, in Pannoniâ; Terebinthus, sub quâ B. Virgo requieverit in itinere Hierosolymitano ad sistendum Filium in Templo, inter Bethlehemum & Hierosolymam. Alibi ostentantur Reliquiæ de Panno, in quo fuerit oblatus, & à Simeone exceptus; de Lapide, super quem oblatuſ in templo; de Mensâ, super quam præſentatus; & de Altari, in quo Mater eum obtulerit; item Præputium ejus, Dentes, & Crines; Tunica quædam, & Vestimentum, quod Maria ipsi fecerit; imò etiam Imago Christi duodecennis, à Lucâ inchoata, & ab Angelo completa. Respectu vitæ adultæ; Capilli, Vestes, Tunica; iterum Tunica inconsutilis, ejusque fimbria, quam tetigerit mulier sanguine fluens; Cingulum, Pallium, Calcei, Hydriæ, in quibus aquam in vinum commutaverit; Baculus; Reliquiæ de Loco, ubi Christus quadraginta diebus & noctibus jejunaverit; de Lapide, super quem jejunans sederit; de Lapide, super quem prædicaverit; de Loco, ubi composuerit Orationem Dominicam; item, ubi fleverit super Hierosolymam; de Ligno, cui in isto fletu innixus fuerit; de Columnâ, ad quam innixus concionatus fuerit; Lachrymæ ipsius; Reliquiæ de Olivâ, quam Christus Ramis palmarum intexuerit in Festo; De Arbore, quam plantaverit; de quinque Panibus hordeaceis; de Pisce, ex quo Dominus comederit; Mensa, super quam cum Apostolis suis ultimùm cœnaverit; de Mappâ; Patina agni Paschalis; Cultellus; De Pane ultimæ cœnæ; item de Vino; de Scypho, & Calix ipse; de Pelvi, unde Discipulorum pedes laverit; de Linteo, quo eos absterferit; de Cœnaculo; Mensura corporis Christi, sex pedum & semis. Respectu Passionis; de Loco horti, ubi Christus sanguinem sudaverit, & Patrem oraverit; ex triginta Argenteis, quibus ipse à Judâ venditus fuerit; Funis, quo alligatus; Columna ad quam flagellatus; de Stipite, in quo verberatus; Lapides, super quos ejus cruor defluerit; de Petrâ, super quam ipse sederit; de Virgis, quibus ad columnam cæsus fuerit; Scala, cui vestigia sua infixit in prætorio Pilati; de Togâ albâ, quâ illusus fuerit ab Herode; de Calamo, quo caput percussum; Arundo, ipsi in manus data; de Vinculis manuum Christi; Vestis purpurea, quâ fuerit à Pilato indutus; Sudarium Veronicæ, quo ipsa faciem Christi absterferit, & cui Christus vultum suum impresserit; de Loco Crucis Christi; de Ligno



Crucis, tot ostentantur partes, ut navis oneraria eas videatur capere non posse; dimidium ex Cruce Latronis conversi; Spinæ ex coronâ Christi plurimæ; Clavi, quibus Christus cruci affixus fuerit, etiam valdè multi; Linteum, quo corpus Domini in cruce ad lumbos obtectum fuerit; Titulus Crucis, cum literis Latinis, Græcis, & Hebraicis; Lancea, quâ latus Christi fuerit perfoſsum; de Sanguine Christi; Lapides eo conspersi; Spongia, quâ acetum cum felle ei porrectum; de Saxo passionis tempore scisso; Sindon, quâ corpus Christi ex sanguine fuerit involutum; Lapis, super quem idem corpus fuerit collocatum; de Myrrhâ & Aloë, quibus corpus Christi à Nicodemo fuerit unctum; Sudarium, quo caput ipsius in sepulchro obvolutum: de Sepulchro Christi; de Lapide, quo sepulchrum fuerit occlusum. Respectu exaltationis; de Terrâ loci, ubi Christus apparuerit Mariæ Magdalenæ; nec non Vestigia Christi, manifestantis se Petro, in petrâ: item de Terrâ, & Loco, ubi in cœlum ascendit; de Lapide, in quo steterit, cùm ascenderet; nec non Vestigia Christi ascendentis. Similiter jactantur & ostentantur Reliquiæ Mariæ plurimæ, & locis plurimis; ejus Domus, Angelorum scil. ministerio translata è Palæstinâ in Illyricum, atque inde in Italiam; cum inscriptione, *Hic Sanctissima Dei Genitrix in lucem edita, hic ab Angelo fuit salutata, hic æternum Dei Verbum caro factum est:* sed & variæ dicuntur ejus domus fuisse, earumque Reliquiæ alibi ostenduntur. Item pars Lecti ejus; Capilli aliquot; Interula, sive Camisia, aut Indusium, etiam quo ipsa induta fuerit cùm Christum pareret; Vestes ejus aliquæ; Zona; Cingulum; Lactis, quod ex ejus uberibus manârit, magna passim copia; Lachrymæ aliquot; Vitta; Velum vultui obnubendo; & Peplum, etiam quo velata fuerit, cùm adstaret Filio sub cruce; Sudarium, quod ipsa suis manibus in templo Hierosolymitano texnerit; Pallium; Fascia; Pecten; Chirotheca; Calceus; Crepida; Fusus, aut Glomus, etiam cum filo ejus digitis adhuc deducto & presso; Soccus; Annulus pronubus à Josepho ei datus in desponsationis fidem; Lapis, super quem panniculos & linteola infantis, ubi ea lavisset, extendere fuerit solita; item Domus, ubi obierit; nec non de Loco mortis ejus; ejus Feretrum; & pars Candelæ, quæ ad ejus obitum arserit; de ejus Sepulchro; Peplum, quo corpus ejus in sepulchro fuerit coopertum;

de



de Floribus ad Sepulchrum exortis; nec non Imagines ejus à Lucâ depictæ.

## XLIX.

Facile autem expugnantur hæc cultus religiosi commenta. Nam ut nihil dicam de defectu verbi vel mandantis, vel promittentis, quod nobis Regula esse debet, ut non dicam, quòd eo ipso quo Deus in præcepto hoc primo, omnem cultum religiosum sibi appropriat, severe prohibeat ante vel juxta se habere Deos alienos, atque omne Ens à participatione religiosæ venerationis à se diversum excludat, stultum sit, & plumbei delirii, viventem prosternere se inanimato, adorare quæ nunquam fuerunt in rerum Natura, vel supponuntur pro veris, urgemus praxin Dei & Ecclesia: Dei quidem, qui non tantum voluit, ut Terra in Terram reverteretur, sed & ipse corpus Mosis abscondidit, nè Israelitæ ad Idololatriam eo abuterentur, *Deut. 34. v. 6.* hujus, quia discipuli Johannis Corpus illius terræ mandarunt, *Matth. 14. v. 12.* pii Corpus Stephani lapidati sepeliverunt, *Act. 8. v. 2.*

## L.

Displicent hæc Pontificiis, quapropter omnem movent lapidem, ut evertant fundamenta veritatis; maxumè illud de Corpore Mosis. *Primò* quidem ex Hilario, Ambrosio & Gregorio Nysseno objiciendo, Mosen nondum esse mortuum, & proinde nec sepultum, sed translatum cum Henoch & Helia, quod etiam recentiorum aliqui doceant. *Secundò* si ponatur mortuus, ad gloriam Mosis pertinere, quod sepultus in sepulchro tam admirando, ut nullus hominum dignus fuerit unquam, illud conspiceret. *Tertiò*, si ponatur etiam vel concedatur, occultatum fuisse corpus Moyssis, ne Israelitæ peccarent superstitione, ne tantus Vir, quem vivum magnificerant à Judæis coleretur post Mortem, non præcisum fuisse cultum simpliciter, sed formaliter Divinum, sc. nè populus coleret defunctum pro Deo, & quanquam dici possit, viventem non cultum fuisse pro Deo, multo itaque minus culturum populum ita mortuum, tamen quod viventem non coluerint, ideò factum, quia quotidie ab illo audiverint, unum esse verum Deum, sese autem illius servum, post Mortem verò recordati mirabilium ejus, & non audientes verba ejus, facile potuisse adduci, ut crederent esse Deum, eumque adorarent,  
si sci-

si scirent ubi esset, præsertim quia valde credibile sit, corpus ejus, licet mortuum, conservasse adhuc splendorem vultus & decorem, quem antea habuerit, sicut multis sanctorum acciderit; quod illustretur exemplo Serpentis ænei, *Numer. 21. & 2. Reg. 18.* & si regeratur, idem periculum esse nunc in reliquiis aliorum Sanctorum, respondetur, falsum esse; populum enim Judæorum eo tempore propensissimum fuisse ad Idololatriam, ita ut etiam vitulos aureos coluerit: unde post captivitatem Babyloniam, quia populus ille non amplius coluerit Idola, deprehendatur Deum illustrasse sepulchrum Jesaiæ, Ezechielis, Jeremiæ, Helisæi, Abdiæ & aliorum multis miraculis, & gratum habuisse cultum, qui ossibus illorum exhibebatur, testibus Epiphanio & Hieronymo, neque unquam auditum fuisse apud Christianos, quod aliqui Sanctorum reliquiis honores divinos detulerint, nec desint in Ecclesia, qui & literis & sermionibus populos doceant, quis cultus reliquiis debeatur.

## L I.

At num hoc non est umbras sectari, missa luce veritatis? Nam primò quod Moses fuerit mortuus, disertè exponitur *Deuter. cap. 34. v. 5.* ubi legitur, *Mortuusque est ibi Mosés servus Domini, in terra Moab, jubente Domino, & sepelivit eum in valle Terra Moab contra Phagor, & non cognovit homo sepulchrum ejus usque in præsentem diem.* Adde Testimonia ex *Josue 1. v. 1. & 2. cap. 4. v. 14.* Et ne quis de Qualitate Mortis dubitaret, ipse Deus prævenit, & dixit Mosi: Morere in Monte, quem conscendens jungeris populis tuis, sicut mortuus est Aaron frater tuus in Monte Hor, & appositus populis suis; Et quí potuit altercari Diabolus cum Michaelē Archangelo de corpore Moylis, si adhuc vixit, de quo *Judas v. 9.* Secundo ipsi Judæi, Josephus & Philo, quicquid Genebrardus dicat, Mosē mortuum fuisse afferunt, ille quidem, quando dicit: Vitæ ejus tempus universum centum viginti annorum fuit: cujus tertiam partem in imperio egit, uno mense minus. Mortuusque est ultimo anni mense, die prima mensis, &c. Hic vero cum scribit: Cœpit paulatim è mortali vita in immortalem mutari, sentireque separationem rerum, ex quibus concretus fuerat, corpore in testæ morem discedente, nudanteque animam, hac verò avidè migrante ad destinatam sibi à natura, aut Deo potius autore naturæ, regionem; & in

& in fine libri tertii, eundē asserit & mortuum monumentis honoratū. Plerique etiam Rabbinī, etiam Talmudici, verē mortuum sentiunt, quos refert Serarius, atq; (cum quibus & Cajetanus) Josuā morienti affuisse. Tertio Ecclesia Romana in Martyrologio, cui consonat Menologium Græcorum, Ebræorum Seda Olam de Morte Moſis ſententiā ſuā apertē declarat; hinc ex Ruperto diſputat contra illos, qui negant eſſe mortuum Moſen, Lorinus, non tantum in Comētorio ad Deuteronomium, ſed & ad Epiſtolam Judæ p. 359. ſcribens: Rupertus reſellit affirmantes, quod Moſes non vere juxta proprietatem vocis mortuus ſit, ſed Dominus eum abſconderit, & per nomen mortui abſconſionem ejus, ſive translationem debere intelligi, illud pro maximo argumento habentes, quod tranſfigurato in monte Domino, iſte cum Elia loquens apparuit. Quomodo ſi tranſlatus creditur ſicut Enoch, & Elias iſtud non indignationis, ſed dignationis, non iræ, ſed magnæ gratiæ eſt. Citat verba Moſis dicentis, iratum ſibi Dominum dixiſſe, fore ne tranſiret Jordanem, nec ingrederetur terram optimam, & alia hiſ affinia, quæ ipſimet prius attulimus. Igitur quantuſcunque quis, ait, è contrario nita- tur argumentis, libere confirmamus, quod ſicut Aaron, ſic & Moſen vere, & vera diſpoſitione corporis, mortuus ſit. Auguſtinus verò ex comparatione cum Joanne Apoſtolo, cujus corpus inventum non eſt, & mortuus tamen creditur communiter, bene inferit, non ſequi Moſen vivere, quia ignotum eſt ſepulchrum ipſius. Patres verò laudatos quod concernit, ipſi Pontificii eos excuſant, quod myſticè loquantur: S. Hieronymus enim ait, Moſen aſcendiſſe in cælum, id eſt in cœleſtem & perfectiſſimam vitam, & ſanctitatem: in morte enim fuit ſanctiſſimus, & exſeruit admirabilem zelum & ſpiritum, ut patet ex Deut. Eodem modo poteſt Nyſſenus explicari S. Ambroſius; verò videtur ludere allegoricè ſuo more, & velle tantum, quod Moſes fuerit typus Chriſti à morte ſtatim reſurgentis, quod- que mors Moſis ita in Scriptura narretur, ut ipſe non tam mortuus, quàm tranſlatus & immortalis fuiſſe videatur. Primò, in eo quod narratur, non eſſe mortuus ex defectu viriæ. Secundò, quod ab hominibus abreptus ſit. Tertio, quod nēſciatur ejus ſepulchrum. Ex hiſce enim potiùs tranſlatus hominibus videri poſſit, quàm mortuus. Nam Ambroſium non negare, Moſen verè eſſe mortuum,

colligitur ex eo, quòd ibidem disertè doceat, Moſen eſſe reſurrecturum. Haëtenus de primo. *Secundum* conjecturam pro argumento promit, populum Judaicum citra cauſam accuſat, quaſi Moſen pro Deo habiturus fuiſſet, ſi ſepuchrum innotuiſſet, Pontificios erroris arguit, qui cultum religioſum deferunt reliquiis, qui debetur Deo. *Tertium* ſpecie fallit, quomodo enim credidiſſent Judæi illum eſſe Deum, qui mortuus, quique vivens ipſos informaverat dicendo, *Audi Iſrael, Elobenu Echad. Deut. 6. Non ſint tibi Dii alieni coram Domino, vel præter ipſum Deut. 6. & Exod. 20.* quomodo probabitur? corpus ejus ſervaviſſe ſplendorem, cum probabile ſit, nè quidem per vitam omnem duraſſe, utpote non tantum inutilem, ſed incommodum ordinariæ functioni. Exemplum de ſerpente æneo, premit Pontificios, non juvat, docet enim, quamprimùm etiam vel organa, vel Symboſa ſacra adhibentur ad cultum, diſplicere Deo, removenda eſſe ab illis, qui ad clavum Eccleſiæ ſedent. Poſt captivitatem Babyloſicam populum non fuiſſe ad Idololatriam pronum dicitur, non probatur, aliud colligitur ex Eſræ nono & Nehemiæ capite tertio *Matth. 23. v. 3.* & ſi tam ſingularis fuit propenſio in Idololatriam ante captivitatem Babyloſicam, quæ ceſſavit poſt illam, cur Moſes tam honorificè tractavit oſſa Joſephi, ut cultus etiam iisdem, juxta Pontificios fuerit delatus; cur ad oſſa Eliſæi emicuit miraculum, ut populus ad Religionem accenderetur, denique ſi Deus multis miraculis illuſtravit ſepulchra, Eſaiæ, Jeremiæ, Ezechielis, cur non illorum meminit Scriptura? cur ad Hieronymum & Epiphanium itur, qui nituntur traditione? & poſito aliquid extraordinarii contigiſſe circa recensitos Prophetas, quomodo ad ordinarium reliquiarum cultum concludetur? In Papatu autem non divinos honores deferri reliquiis, falſum eſt; annon enim implorant auxilia ſanctorum, coramque illis jurant, per ipſos vota libant, illis genua ſectunt? de quibus vide Abiaſ Hod. p. 167. unde Cotturius pag. 1175. Sunt, qui docent, in papatu cæcos eſſe cæcorum duces, qui religioſum cultum propugnant; & populi Ruditas nota eſt, unde ipſe Bellarminus agnoſcit, quòd fuerint aliqui, qui Imagines, quid ni etiam reliquias, quaſi Deos adorarint, nec cavere debuiffet Azorius dicendo, informandam eſſe plebem rudem & ignaram, ſi occaſionem arripiat ſuperſtitionis, Impietatis & Idololatriæ.

LII



## LII.

Ut autem fœditas hujus cultus transpareat, quærentur tamen illi incrustando colores, sed evanidi; *Primus* petitur ex Scripturarum Exemplis. Moses enim discessurus cum populo ex Ægypto in Palæstinam, noluit ibi relinquere ossa Josephi jam dudum mortui, sed ea honorificè secum asportavit & transtulit in terram promissionis; non ergo novum neque superstitiosum, transferre ossa Sanctorum, ut Magdeburgenses in singulis centuriis clamant. *Exod. 13.* Deus ipse, ut Hieronymus contra Vigilantium argumentatur, Corpus Moyſis honoravit, dum illud propriis manibus sepeliit, *Deut. ultimo.* Ossa Helisæi, cum tetigissent mortuum quendam hominem, continuò illum ad vitam revocarunt, *4. Reg. 3.* cum Josias delubra Idolorum everteret, & omnem Idololatriam delere vellet, tantum abest, ut reliquias Sanctorum delendas esse existimaret, ut cum aliorum mortuorum ossa effodisset, & in cineres redigisset, ossa tamen sancti Prophetæ ibidem reperta afferri jussit, *2. Reg. 23.* de Sepulchro Christi dicitur, quod futurum gloriosum, *Esaia 11. v. 10.* de Hæmorrhousa, quod simbriam Christi tetigerit, & fuerit sanata, *Matth 9.* de umbra Petri, ad quam certatim accurrerunt homines, quod fidei præmium retulerint, *Act. 5.* de sudariis & semicinctiis Pauli, quod delata sint ad ægrotos, *Act. 19.* Alter est ex Conciliis & Patribus. Stare enim existimant pro illo cultu Concilium Nicenum secundum *Act. 3.* quod vocat reliquias fontes salutes & *Act. 7.* contemptum illarum prohibet. Gangrense *canone ultimo*, quod Anathema dicit iis, qui Memorias Martyrum execrantur. Concilium Carthaginense *5. Can. 14.* quod vult altaria dedicari, ubi sint reliquia Martyrum. Braccarense *III. Can. 5.* quod jubet thecam reliquiarum gestare Episcopos in supplicationibus. Eparnense quod *Can. 25.* præcepit reliquias Sanctorum non poni in Ecclesiis, ubi non sunt Clerici, qui sacris cineribus psallendi frequentia famulentur. Moguntinum *Can. 51.* quod statuit, ne corpora Sanctorum de loco in locum transferantur sine consilio Episcopi & licentia sanctæ Synodi. Lateranense denique cavet *cap. 62.* ne novas reliquias ullus publice venerari incipiat, sine auctoritate Summi Pontificis. Nubes quoque Patrum submittitur, *Euseb. lib. 7. Hist. cap. 15.* Athanasius in *vita Antonii.*



Basilii in *Psal.* 115. Gregorius Nyssenus *oratione in Theodorum Martyrem*. Gregorius Nazianzenus *Orat. in Julianum*. Eusebius Enissenus *Homilia de Sancta Blandina*, Cyrillus Hierosolitanus *Catechesi* 18. Joannes Chrysostomus *sermone de sanctis Juvenio & Maximo*. Theodoretus *lib. 8. ad Græcos de Martyribus*, Joannes Damascenus *lib. 4. cap. 16. ex Latinis Ambrosius sermone 93. de Sanctis Nazario & Celso*. Maximus in *sermone de sanctis Osvio Adventore & Solutore*. Gaudentius *tractatu de dedicatione Basilicæ*. Paulinus *natali tertio S. Felicis*. Hieronymus in *libro adversus Vigilantium*. Rufinus *lib. 11. histor. cap. 28*. Augustinus *Epist. 103. ad Quintianum*. Author libri de Ecclesiasticis dogmatibus *cap. 37*. Leo in *sermone de S. Laurentio*. Gregorius *lib. 5. Epist. 50. ad Palladium*. Gregorius Turonicus *lib. 20. de Gloria Martyrum & Confessorum*. Tertius ex Miraculis factis ad reliquias, quæ certè non fierent, si Deo cultus reliquiarum non placeret, & quæ sæpe in ipsis Sanctorum mortuis corporibus cernuntur, per quæ Deus aperitissimè nos ad eorum venerationem quasi invitare videtur, ut & ex inventione & revelatione divinitus factâ Sanctorum corporum, translatione reliquiarum de uno loco in alium, honoris gratia, ab antiquis celebrari solita; usu cereorum & lampadum, quibus honorantur sacræ reliquie. Addunt Pontificii rationem ab honesto, quia corpora Sanctorum fuerint organa animarum ad opus bonum, instrumenta Dei ad Miracula, pignora Patronorum, Exuvie carissimorum, Trophæa triumphantium, designata ad gloriam incredibilem.

## LIII.

Hæc tamen omnia ita sunt comparata, ut si probè consideres, nihil concludant. Nam, generatim loquendo, omnia illa exempla non probant intentum, quia sunt singularia, & certis causis quibusdam fundata, nec conclusionem attingunt, quæ est de cultu reliquiarum religioso. In Specie *primò* Exemplum non quadrat Josephi; *tum* quia non Israelitæ sibi ex propria opinione & motu detegerunt ossa Josephi in transportationem, *tum* quia Josephus mandatum dedit de transportandis ossibus, imò per fidem obiens de egressione filiorum Israelis meminit, deque ossibus suis præcepit, *tum* quia utut fuerint translata, non tamen eo fine fuerint exportata, ut Israelitæ illis cultum deferrent religiosum, sed quia terra Canaan

naan erat Symbolum Cœlestis hæreditatis, quapropter ad Exemplum Abrahami & Jacobi, Josephus voluit ossa sua ex Ægypto asportari in illam regionem sanctam, & Ecclesiæ Israeliicæ à Deo designatam. *Secundò* exemplum corporis Moysis inconvenienter producitur, nam *primò* si hoc volunt Pontificii, corpora Sanctorum non esse inhonestè tractanda, posse deferri illis cultum quendam honoris, non abnuimus, verum religiosum illi propugnant, qui hoc exemplo stabiliri nequit. *Secundò* exemplum hoc potius contra Pontificios militat, neque enim Deus corpus Moysis prostituit publicè, sed abscondidit, sepelivit. *Tertiò* si ob *σεφύλαξιν εἰδωλομα-  
vίας* Deus voluit Moysis sepulchrum absconditum, non intendit cultum illius religiosum, adorationem aut venerationem sanctam; prius autem nititur optimorum etiam Interpretum consensu, & testimonio Judæ, qui scribit, Michaellem Archangelum adversus altercantem disceptasse de Corpore Moysis, *versiculo nono*, scil. Diabolus volebat sepulchrum Moysis non occultari, sed notum esse, & pro hoc disputavit, verbo quidem, ut honori consuleretur tanti Prophetæ, re ipsa autem, ut occasio esset Idololatriæ; & tandem ipsorum Pontificiorum Confessione, qui ideo censent fuisse absconditum hoc Corpus, quia populus Judæorum eo tempore propensissimus fuerit ad Idololatriam. *Tertiò* ossa Helisæi frustra producuntur, *partim* quia nullus religiosus cultus illis fuit delatus, *partim* quia est planè extraordinarium, quod circa illa factum, *partim* quia non negamus, Deum honorare etiam ossa & corpora Sanctorum; num vero ipse prosequitur illa cultu religioso? vel si honorat & miraculis illustrat, propterea ad cultum religiosum destinat? quanquam & hoc disputari soeat, num per ossa illa patrarit miraculum Deus, & non potius ad illa, cumque Deus faciat miracula solus, illi soli cultus religiosus erit exhibendus. *Quartò* de ossibus Prophetæ Sancti quod dicitur, planè nihil ad nos, *tum* quia plus non sequitur quam hoc, ossa sanctorum non esse irreverenter tractanda, *tum* quia nullius cultus vestigium aut vola in loco allegato, *tum* quia potius contra Pontificios Exemplum hoc produci potest, quam pro illis; jussit enim Rex, ut relinquantur in sepulchro ossa illius prophetæ, non eruantur, non publice conspicienda exhibeantur, *ut constat ex versiculo decimo octavo*. *Quintò* in loco Esaiano nullum est præsidium;

Nam *primò* non agitur de sepulchro Christi, sed de requie illius: in Ebræo enim est vox מנוחה requies LXX. ἀνάπαυσις, per quam quidam intelligunt Ecclesiam Domum Dei, in qua habitat, conformiter *Psal.* 132. v. 14. *Secundò* non agitur de corpore Messiae, sed de ipso Messia, & dicitur, ejus requiem fore gloriosam. *Deinde* posito, quòd de Sepulchro & corpore Christi sit accipiendus hic locus, non esset consequens, sepulchrum Christi est gloriosum, Ergo cultu religioso prosequendum; nam etiam illa, quæ fuerunt Symbola præsentiæ Divinæ, gloriosa dicuntur in Scripturis, nec tamen adoranda: Ecclesia dicitur gloriosa, *Ephes.* 5. num tamen religiosa veneratione extollenda? à Paulo verò non hic locus, sed versiculus antecedens citatur, qui nihil facit ad hanc Andromachen, nihil habet de sepulchro Christi, cum plus non dicat Apostolus, quam Erit Radix Jesse, & qui exurgat ad imperandum gentibus, in ipso gentes sperabunt. *Sextò* simbria vestimenti Christi & umbra Petri, umbra sunt & laciniae. Nam Hæmorrhousa tetigit simbriam Christi, non adoravit, tetigit ita, ut fides illam servaverit, utique non in vestem Christi, sed in ipsum Christum, in quo virtus divina residebat, intenta; Umbra Petri non commode inter reliquias refertur, quia reliquiae sunt mortuorum, umbra autem fuit Petri viventis; sudaria & semicinctia non gaudebant virtute inhærente, sed erant Symbola extraordinaria, quibus quandoque Deus tum temporis Ecclesiae adhuc plantandæ suam voluit ostendere virtutem.

## LIV.

*Alter aries* ex Conciliis & Patribus hebescit; nam *primò* Concilium Nicenum impiè loquitur, dum non Canales, sed fontes gratiæ, dicit reliquias, quod soli Christo convenit, unde etiam illud à Concilio Francofurtensi fuit reprobatum. Gangrense nihil ad nos, qui non execramur memorias Martyrum. Carthaginense quantum pro nobis stat, dum superstitioni ansam præscindit. Braccarense, Eparnense, Moguntinum, & Lateranense tanti non sunt apud nos, utpote recentiora, ut aliquid in hoc puncto stabilire possint. Eusebius non loquitur de religiosa deveneratione; nec Athanasius. Basilii meminit gratiæ non insidentis corpori sed assidentis, & de cultu dilectionis loquitur, nec non celebritatem famæ, ut habent Græca,

Græca, commendat. Gregorius Nyssenus de cultu fraternitatis differit, & quî fiat, quod quandoque excessivum fuisse constat, recenset; Gregorius Nazianzenus declamat potius Rhetoricè quam seriò agit, & si accipiatur strictè illius effatum, non caret omni fallacitatis nervo. Eusebius Enissenus venerationem probat, modum illius non determinat. Cyrillus in *Catechesi*, quam in *Adolescentia scripsit*, hyperbolen adhibet. Chrysostomi locus censetur ab eruditis corruptus. Theodoretus figuratè loquitur, & de factis extraordinariis. Damascenus recentior est, & sæculi sui erroribus assensit. Ambrosius Oratorio more honorem commendat, non cultum: consimiliter Maximus Gaudentius licentiosius iusto perorat. Paulinus Poëta incerta prodit. Prudentius etiam imprudenter fudit carmen allegatum. Hieronymus affectu correptus invehitur in Vigilantium, & adorationis vocabulum laxè usurpat. Ruffinus de perlatione reliquiarum ad Patrem Philippum, non cultu loquitur. Augustinus convenientem honorem probando religiosum non admittit. Author libri de Ecclesiasticis dogmatibus, non Martyrum reliquias corpori Christi æquat, sed dicit: atq; sic membra Christi sincerissimè honoranda credimus. Leo Oratorem agit, nec cultus religiosi meminit. Gregorius superstitioni invalescenti tum temporis patrocinator. Gregorius Turonicus, Beda & Bernhardus non stringunt, quia in illa tempora inciderunt, in quibus à sinceritate cultus multùm recessum fuit.

## LV.

*Tertium* totum imbelles est; nam *primò* non consequens est, Miracula facta sunt ad reliquias; Ergò Deus illarum cultum religiosum probat; Miracula enim etiam facta ad piscinam, propè Bethesdam, nec tamen Deus voluit hunc locum religiosè coli. *Secundò* Epiphanius in *vita Esaiæ, Ezechielis & Jeremiæ* fabulosissimus est, nec liber ille est Basilii, sed factus subventaneus; Basilius figuratè loquitur, ut & Nazianzenus. Palladii Historia commentum est, non veritatis effigies. Hieronymus colores oratorios adhibet contra Vigilantium & Hyperbolicè loquitur. Augustinus nihil nisi miracula facta ad reliquias Stephani brevissimo tempore esse asserit, ut & Sulpitius Severus; nullus autem religiosum cultum probat. *Tertiò* omnes illi Scriptores, qui adducuntur, sunt infra tempora  
Con-

Constantini Magni, nec priorum trium seculorum, in quibus Virgo Ecclesia oculos nondum circumtulit ad alios, præter Sponsum suum Christum. Quod opponitur *porro* in ipsis Sanctorum corporibus visa fuisse miracula, non conducit ad invitationem religiosæ venerationis. Secundus Chrysostomus comparat vultum Juventii & Maximi cum vultu Stephani viventis. Hieronymus scribit corpus Hilarionis fuisse repertum post decem menses integrum, non autem in hunc finem, ut adoraretur. Pariter de providentia circa corpus Vincentii loquitur Augustinus, non cultu. Sulpitius hyperbolica oratione sua exponit, ut & Bonaventura. Quod additur de Revelatione divina corporum, non est liquidum; potuit enim inveniri unum & alterum corpus humanâ arte & industria; potuit Diabolus se transformare in Angelum lucis, & ostendere ea, quæ novit cessura in superstitionem. Sanè ante Ambrosium nihil habetur de istiusmodi revelationibus, nec si facta probarentur, cultus confestim esset stabilitus. Quod *alterius* urgetur, translata fuisse corpora, nil probat præter translationem, & actus quosdam in sequioribus seculis: translatio *λειτουργία* seu reliquiarum Petri & Pauli est furtiva, teste Baronio. Hieronymus dicit, cæteri translationis mentionem injiciunt, non adorationis. Quod ingeminatur de reliquiis sub altaribus reconditis, non probat cultum sed honorem, vel præfervationem ab Ethnicorum ferocia, probat rem facti non juris, probat Memoriz monumentum, non Religionis fundamentum. Quod ex cereis accenditur, lumen debile est, ex ipso Hieronymo extinguitur, qui scribit adversus Vigilantium, cereos non clarâ luce accendimus, sicut frustra calumniaris: Sed ut noctis tenebras hoc solario temperemus, & vigilemus ad lumen, ne cæci tecum dormiamus in tenebris. Quod si aliqui propter imperitiam & simplicitatem secularium hominum, vel certè religiosarum fœminarum, de quibus verè possumus dicere, Confiteor, zelum Dei habent sed non secundum scientiam, hoc pro honore martyrum faciunt, quid inde perdis? Vita Sylvestri fabula est: cætera cereorum & lampadum usum, non cultum reliquiarum, stabiliunt. Denique quod concluditur, corpora Sanctorum fuisse organa animarum, probat honoranda esse ea Instrumenta Dei probat ad miracula, extraordinariè fuisse adhibita nec tamen adoranda, quia & viva debuissent adorari,



rari, pignora patronorum esse reliquias negatur. Exuviae charissimorum cultum non fundant. Trophæa triumphantium Triumphum largiuntur, non anxiam venerationem religiosam: designatio ad gloriosam resurrectionem, adorationem non infert, ni velimus, omnes electos adorandos esse, statuere.

## LVI.

Eminet inter reliquias Crux Christi, de qua sententiam Pontificiorum referre juvat. Describunt verò *primum* illi crucem ratione figuræ, quod scilicet ex tribus lignis facta sit, quorum unum fuerit longum, cui corpus adhæserit, alterum transversim superpositum longo, cui affigebantur manus, tertium in ligno longo, ut in eo pedes crucifixi starent, & claves figi possent; probantque ex Irenæo *lib. 2. cap. 42.* scribente: Habitus, id est, figura Crucis fines & summitates habet quinque, duas in longitudinem, duas in latitudinem, unam in medio, in qua quiescit, qui clavis figitur; nec non ex Justino, qui idem habeat in *Dialogo cum Tryphone ultra medium.* Addunt, utrum lignum transversum fuerit superpositum ligno longo, ita ut non emineret lignum longum, sensum versus non esse certum; nam Beda in quæst. in Genes. ubi de victoria Abrahamæ loquitur, dicit, crucem similem fuisse literæ Græcæ T, qualem etiam fuisse olim Hebraicum Thau, docet Hieronymus in cap. 9. Ezech. At B. Augustinus epist. 120. cap. 26. dicit, lignum longum eminuisse supra transversum: Et hoc est probabilius; nam est conformius verbis Irenæi, & verbis Apostoli ad Ephes. cap. 3. ubi alludens ad figuram crucis, nominat sublimitatem, profunditatem, longitudinem, & latitudinem. Porro, qui dicunt, crucem fuisse similem literæ Thau, dicunt verum, quia parum differebat. *Secundò* observant, Veteres aliquid Mysterii gratia addidisse, quod etiam nunc ex parte servatur. Nam lignum longum producebant sursum versus, & flectebant ad modum baculi pastoralis, ut referret literam Græcam P, paulò inferiùs apponebant duo ligna transversa ad similitudinem crucis S. Andreæ, quæ referrent literam Græcam X, ita ut duæ illæ literæ per abbreviationem significarent Christum; infra illum ponebant lignum transversum, quod verè perficit crucem, & inde pendebat velum expansum; infra lignum transversum erat lignum longum in similitudinem hastæ; ad infimam partem addebant capulum ad

Pars Specialis

A a

cbm-

commoditatem gestandi. Hæc omnia significabant, crucem esse vexillum Imperatoris Christi; nam crucem testabatur ipsa figura: Christi nomen indicabant duæ literæ X & P: vexillum, ex velo, hasta, & capulo dignoscebatur. Vide Joannem Pierium Valerianum de signis hieroglyphicis, lib. 50. & Primasium lib. 4. in Apoc. ubi hoc ipsum signum vocat monogramma & signum Christi. Tale ferè fuit & labarum Constantini. Nam ut Eusebius refert lib. 9. hist. cap. 9. labarum, quod ante Imperatores gestari solebat & à militibus adorari, Constantinus in formam crucis redegit, sic tamen, ut etiam vexilli formam non amitteret. Tertiò notant, modum crucifigendi communem non fuisse funibus alligando, sed clavis figendo. Pictores ferè solent solum Christum depingere clavis affixum; latrones autem, & S. Petrum, atque Andream funibus; sed non ita est; omnes enim clavis figebantur, immò & omnes crucem suam ferebant, omnesque antea flagellis cædebantur. Vide Plutarchum de tarda Numinis vindicta; Marcum Tull. 7. in Verrem; Nonium Marcellum, in verbo Patibulum, qui sic ait: *Deligati ad patibulum circumferuntur, deinde crucifiguntur*. Macrobius lib. 1. Satur. cap. 11. Josephum lib. 6. de bello Judaico, cap. 12. & in vita sua. Adde, quod ideo dubitabatur, quænam ex tribus repertis crucibus, esset crux Dominica, quia omnes tres habebant similia foramina, & clavos &c.

## LVII.

Invehuntur etiam in illos, qui adorationem crucis improbant, & hæresin vocant sententiam Claudii Taurinensis, qui præter cæteras imagines crucem Domini execratus fuerit, teste Jona: Paulinianos, qui idem docebant in Oriente eodem tempore, taxant: Petrum Brui & Henricum, qui circa annum Domini MCXXX, cultum impugnarunt cum Bogonite in Oriente ἁμοψύχῳ Erronibus accensent, & tandem progrediuntur ad Wiclefistas, ad Calvinum & Centuriatores, eosque ob religiosæ adorationis negationem, quasi cruci esset debita, reprehendunt, posterioresque mendacii accusant, etiam quod usum signi crucis, seculo quarto novum fuisse scripserint, cum Tertullianus jam seculo secundo, *libro de Corona militis*, usum signi crucis indicet, & ut desistant à Veritatis regia, quantum ad temporis designationem, ita quoque quantum ad Authorem,

rem, qui non fuerit Sergius Papa, ut illi opinantur, utpote qui sederit Anno Domini D C LXXXVIII. Cum meminerit adorationis & exoscultationis crucis Evagrius *libro quarto cap. 26.* qui sit centum annis Sergio antiquior, & Hieronymus in *Epistola ad Marcel- lum, ut migret Betlehem.*

## LVIII.

De cruce autem *tripliciter* loqui possumus, *vel* de illa, in qua Christi corpus pependit, quæ, juxta illos, propter contactum sacri corporis & sanguinis, inter pretiosissimas reliquias habenda vel tota, vel in particulis quibusdam; *vel* de consimili ad illius figuram expressa, fusa, sculpta vel effigiata quocunque modo; *vel* denique de illa, ut manu in fronte, tanquam signum, vel etiam arte, vel super quascunque res digito pingitur. *Primo* quidem modo pertinet, ut jam indicavimus, ad reliquias, *secundo* & *tertio modo* ad Imagines, non dissimulatis ipsis Pontificiis Scriptoribus.

## LIX.

Evertit autem cultum crucis Primum Præceptum, cui inhæremus; *si* enim non nisi Deus adorandus & religiosè colendus, *si* ex contactu nihil concluditur, *si* denique crux neque honoris neque ignominie per se capax, utique religioso cultu non erit prosequenda. Atqui prius est, ergo & posterius. Connexio Majoris probatur, si enim solus Deus religiosè colendus, si indivisibilis est affectus pietatis inter Creatorem & Creaturam, lignum sanè illud, in quo pependit Deus, non erit adorandum; si contactus nihil facit pro cultu, frustra ille ut medium, ex quo concludatur, in medium adducitur; Si denique crux ipsa utriusque non est capax, tam honoris quam ignominie, illi, ut incapaci, multò minus deferendus erit cultus religiosus. Minor propositio iterum evidens; Solis quippe radio *primò* scriptum est, non habebis Deos alios vel alienos coram me, aut etiam præter me, nec quicquam Deo magis adversum, quam si in venerationis partem adsciscatur Ens quoddam extra ipsum. *Secundò*, si contactus facit, ut crux sit adorabilis, quid dicendum de asina Christi, quam insedit tendens Hierosolymam? quid de labiis Judæ proditoris, quæ contigerunt os Domini osculando? Quid de Manu servi illius vel militis, qui Dominum tetigit, cum alapam eidem inflixit? *Tertiò*, si crux est res indifferens suâ naturâ, utique neque

honoris neque ignominiae erit capax, & consequenter nullo cultu prosequenda, ut quidem in Papatu quotidie contingit.

## L X.

Dices tamen *primò* ex mente Pontificiorum, non esse absurdum, cultu quidem non illo, qui summo debeat *Enti*, prosequi Crucem Christi; inferiori tamen, qui in adoratione & exoscultatione illius consistat, tanquam Instrumenti Passionis Dominicae. *Secundò* disp. rem esse rationem Crucis & Asini, labiorum Judæ & manuum, quæ Christum depalmarunt, aut etiam occiderunt. Crucem enim elegisse Dominum, & amanter amplexum esse, ut rem innocentiam, deservientem Redemptioni; at labia Judæ & manus impiorum Christum non elegisse, nec amasse, sed execratum fuisse, ut res impias & sceleratas; nos autem tantum illa debere amare & honorare, quæ Dominus amavit & honoravit. *Tertiò* cruci utique injuriam inferri posse sive ignominiam, quemadmodum ante aliquot annos factum Raccovii in Polonia, Studiosis enim sævientibus in lignum Crucifixi erectum & dejectum, raptantibusque per plateas, Uladistaus non sine severa animadversione illud transmisit.

## L X I.

At hæc omnia nondum Argumenti propositi nervum petunt, nec quicquam faciunt pro Pontificiorum sententia erronea. Nam *primò* cultus inferior religiosus fingitur, cum non nisi unus detur, *ut supra ostensum*: Adoratio etiam, sive species cultus Divini, nemini nisi Deo deferri debet. Ut non dicam, inter Sophistas adhuc controversum esse, num latria, an verò dulia cruci conveniat? Thomas sanè latriam vult exhiberi, scribens 3. *parte quest. 25. Art. 4.* quem sequitur Gretserus *lib. 1. cap. 46.* Si in lege fuerunt signa crucis venturæ: ergo & in Evangelio esse debent ejus imagines. At verum prius. Ergo & posterius. Probatur assumptum ex æneo serpente, Numerorum 21. qui jussus est suspendi in vexillo: fiebant autem olim vexilla in formam crucis, ita ut lignum, ex quo velum penderet, alterum secaret, ut Romanorum Labara. Quin Justinus Martyr, in Apologia, testatur, à Mose serpentem erectum in formam crucis. Franciscus verò Salesius per distinctionum spineta progreditur, & ita determinat: Olim fuisse Christianos appellatos Religiosos crucis, neque id Christianos nomen averfatos. Ergo Chri-

Christianis in usu fuisse imagines crucis. Consequentiam probat, quia non potuissent id exprobrare, nisi vidissent cruces apud Christianos. Denique Justinus testimonium & Athanasii Salesius adhibet. Nam cum ostendisset, absque figura crucis nihil fieri: trophæaque & fasces accedere ad similitudinem crucis, consecrari etiam Imperatorum denatorum imagines hac figura: tum denique Justinus, Quoniam igitur, inquit, bonis rationibus, ductis ab ipsa figurâ, hæc eadem vobiscum, quantum possumus, facimus, jam deinceps erimus absque culpa. Quæ verba fideliter expressa sunt ex Gallicis Salelii. Athanasius autem ad Antiochum *quest. 41.* ita habet: Quare credentes omnes ad crucis imaginem cruces facimus, lanceæ verò sanctæ, aut arundinis, aut spongiæ, figuras nullas conficimus, cum tamen hæc tam sint sancta, quam ipsa crux? Figuram quidem crucis ex duobus lignis compingentes conficimus, ut si quis infidelium id in nobis reprehendat, quod veneremur lignum, possimus duobus inter se disjunctis lignis, & crucis dirempta forma, ea tanquam inutilia ligna reputare, & infideli persuadere, quod non colamus lignum, sed quod crucis typum veneremur. In lancea verò aut spongia, vel arundine, nec facere hoc, nec ostendere possumus. Cum ergo fateatur Athanasius, omnes ejus temporis fideles fecisse cruces ligneas, non est verisimile, Constantinum ejus rei primum autorem fuisse. *Secundò* posito *primò*, disparitatem esse aliquam inter crucem & labia Judæ, nec non manus impiorum, quantum ad Electionem, quid fiet de Asina, quam Christus sibi elegit ad ingressum regium, quam jussit solvere Apostolos, & sibi adducere? *Secundò*, si ideo labia Judæ non sunt adoranda, quia Christus illa non elegit, non ex contactu firmum ducetur Argumentum, quo tamen Pontificii nituntur pro adoratione, sed ex electione, quia sibi met elegit crucem, non autem elegit vel labia Judæ, vel manus improborum. *Tertio* frustra hoc omne dicitur, nam vel de electione ad agendum, vel de electione ad patiendum est sermo: non de priore, ut constat per se, neque enim Christus elegit crucem ad agendum, sed ut in illa pateretur; si verò sermo de electione ad patiendum, non absurdè dici potest, Christum voluisse etiam labia Judæ eligere, ut ab illis pateretur, & osculo illo proderetur: voluisse eligere manus impiorum, ut ab illis vinciretur, occideretur, non quidem electione anteceda-



nea prædeterminatrice ad actus peccaminosos, sed supposita voluntate creata in Juda & militibus: electione ad sustinendum per patientiam, quod inferendum ab Impietate; *Præterea* an non etiam labia Judæ deservierunt redemptioni? & quamvis crux fuerit res innoxia, fuit tamen inanimata; Judas verò ille, quem dignatus Christus fuit ad Apostolatum assumere, fideliter instruere, atque donis Spiritus S. ornare. *Denique* annon possent Jesuitæ pariter salvare labia Judæ, ut Crucem, distinguendo inter illa absolutè talia, & relativè considerata? ut cum absolutè loquendo crux lignum est, relativè verò propter contactum, & ut Instrumentum passionis, cultus religiosi objectum: sic quoque labia Judæ possent ab ipsis removeri, si absolutè spectentur; coli autem, in quantum attigerunt faciem Christi, Instrumenta; tum fuerunt passionis Dominicæ. Et sanè ita Vasquez pronunciavit *Diff. 3. p. 113. cap. 6.* ubi his argumentis pressus, concedit, omnes lanceas, omnia spineta, omnia præsepia, omnes virgas, omnes asinos, ipsa & labia Judæ, tam in se quam in suis picturis, posse jam privatim sincera fide & recta intentione adorari, propter honorem lanceæ, spinarum, præsepium, virgarum, asini, & labiorum, quæ tetigerunt Christum: & eadem etiam, si publicè in illum finem proponerentur, posse publicè adorari. *Tertio*, quod de ignominia crucis dicitur, *primò*, non concludit; non enim confestim sequitur, si res aliqua ignominia affici possit, etiam capace esse cultus cujusdam, & quidem religiosi. Possunt statuarum Imperatorum & Principum despui: nec tamen propterea Cultus objectum sunt, etiamsi vilis, multò minus religiosi. *Secundò* crucem posse ignominia affici, si propriè loquamur, negamus; nam ignominia non cadit, nisi in Creaturam aliquam intelligentem & animatam; Crux verò non est sentiens animata vel rationalis; ut itaque non potest illi inferri injuria: ita nec ignominia; ut non cadit in brutum, quod tamen vivit & sentit, injuria propriè sic dicta: ita multò minus in crucem, & consequenter nec Ignominia. *Tertio*, posito, quod crux aliqua ratione sit ignominia & honoris capax, quanquam sit nec laudis nec vituperii Subiectum, quis tamen propterea ad illum cultus gradum progreditur, & tribuet illi adorationem, soli Deo debitam?

## LXII.

Priusquam verò discutiamus argumenta Pontificiorum contraria, hypotheses supra adductas examinare lubet. Ponamus *primò*, crucem constituisse tribus lignis, ipsi tamen Pontificii agnoscunt, figuram illius esse dubiam: at si fabricent ligneas, lapideas, æreas, argenteas vel alias quascunque cruces, nec de Exemplari constat, quomodo adorabunt, quod nesciunt conforme esse suo prototypo? videantur Gretserus, Lipsius, Veltrenus & alij. *Secundò*, si crux facta ex quatuor generibus lignorum ex cedro, pinu, cypresso, & buxo, cur non distingui potuit facilè à latronum Crucibus? Num enim etiam latrones suffixi sunt cedrinis & cupressinis crucibus? num servi fugitivi Judicium capitale tanto voluit dignari honore? Si ex piscina eruta Crux, quomodo inventa ab Helena in Monte Golgatha. Si vero inventa hæc sunt, videmus, quam parum præsidij sit in veterum etiam relationibus. De cruce, *tertiò* Sulpitius Severus *lib. 2. Historia p. 142.* ita scribit: Ejusdem Reginae, Helenæ scil., Beneficio Crux Domini tum reperta: quæ neque in principio obfistentibus Judæis potuerat consecrari, & postea dirutæ civitatis oppressa ruderibus, non nisi tam fideliter requirenti meruit ostendi. Igitur Helena primùm de loco passionis certior facta, admota militari manu, atque omnium provincialium multitudine in studia reginæ certantium, effodi terram & contigua quæque ac vastissima ruinarum purgari jubet: mox pretium fidei & laboris tres pariter cruces, sicut olim Domino ac latronibus duobus fixæ fuerant, reperiuntur. Hic vero major dignoscendi patibuli, in quo Dominus pependerat, difficultas omnium animos mentesque turbaverat, ne errore mortalium forsitan pro cruce Domini latronis patibulum consecrarent. Capiunt deinde consilium, ut aliquem recens mortuum crucibus admoverent. Nec mora, quasi Dei nutu, funus extincti solennibus exequiis deferitur, concursuque omnium ferebro corpus eripitur. Duabus prius frustra crucibus admotis, ubi Christi patibulo attactum est (dictu mirabile) trepidantibus cunctis, funus excussum inter spectatores suos astitit: Crux reperta, dignoque ambitu consecrata. Sed quis non videt luculenta fabulæ vestigia? Dicit Sulpitius, inventam fuisse crucem Domini Beneficio Reginae Helenæ. At quæ sit, quod Eusebius Cæsariensis, qui

qui ~~ὡς~~ Constantino M., qui res & facta hujus Imperatoris exactè novit, qui alia & quidem minora annotavit, hic sileat? ubi loquendum, calamum non urgeat sed sistat? quanquam enim in Chronico illius aliquid deprehendatur, quod favet, non tamen illud est Eusebii sed Impostoris, manu sua temerantis & scdantis aliena. Dicit, crucem ab initio, obstantibus Judæis, non potuisse consecrari. At recte quærit Salmasius: cur priores Christiani, & qui temporibus Apostolorum, aut successorum eorundem, uno & altero seculo vixerunt, crucem Dominicam non servarunt & coluerunt? Cur siverunt eam deperire? Cur adeo neglexerunt aut oblivioni tradiderunt, ut non curarint, ubi esset? Nec valet exceptio, Judæos obstitisse. Nam æque facile eam impetrare potuerunt discipuli Christi, ac corpus ipsius ad humandum acceperunt. Obstitisse Judæos!, fingitur non probatur. Dicit, crucem dirutæ civitatis oppressam ruderibus non nisi tam fideliter requirenti mernisse ostendi, quod iterum egregiè discutit Salmasius, scribens: Ut fabulæ huic verisimilitudo aliqua quæreretur, finxerunt historici, qui eam asserunt, priscos gentiles, odio Christianorum, eum locum aggesta humo in magnam altitudinem extruxisse, muro undique circumdatum, ac superstructo Veneris fano. Quæ omnia falsa sunt. Nam quomodo in ruderibus & aggesta terra fundamentum solidum templi ponere potuerunt? Deinde potius locum & faciem supplicii non vallassent, ut constaret, qualem Deum colerent Christiani. Sicut sæpe à gentilibus fuit ipsis objectum, quod latronem & cruciatum pro Deo haberent. Et cui verisimile fiet, post trecentos & amplius annos, crucem domini, ruderibus per illud omne tempus coopertam, & in terra defossam, non computruisse? Si ad miraculum recurrent, quid dicent de crucibus latronum, quæ eandem habuisse dicuntur prærogativam? Sed hæc prolusionis loco; nam pergit, contigua quæque ac vastissima ruinarum jussisse Helenam purgari; quasi tanto labore opus fuerit, ut etiam contigua & vastissima quæque ruinarum purgarentur, cum locus crucifixionis fuerit notissimus; pretium fidei & laboris tres Cruces, sicut olim Domino & latronibus fixæ erant, repertas fuisse ab Helena; at qui non plures? cum non credibile, post Salvatoris crucifixionem hoc in loco, non aliis

aliis etiam erectos fuisse stipites infames, qui non novi, veteribus submotis aut sponte sua corruentibus, quæ non sola crux Salvatoris: num tali actu providentiæ quoque dignæ fuerunt latronum cruces, ut incomputribiles per tot annos, imò secula conservarentur? Rectè Salmasius: Locus ille, in quo Dominus crucifixus, huiusmodi supplicio destinatus fuit. Inde & nomen Golgatha. Quilibet cruciarius suam crucem portabat. Ergo sublato cruciario, ipsa crux tollebatur. Si ergo plures, post Christum & duos latrones, ibi crucifixi, aut eorum cruces simul inde remotæ sunt, aut omnes relictæ. Si relictæ; cur tres tantum ibi repertæ? Si remotæ omnes, quomodo latronum illorum & Christi crux ibi servata, cum mos esset omnes removeri, quo novis crucifigendis locus pateret? usq; ad Constantinum, per ccc. annos, supplicium hoc duravit. Si semper in eodem loco sumptum supplicium, quam vanum illud, de tribus tantum ibi crucibus repertis, commentum? Cum urbs à Tito obsessa & capta, an probabile est, cruces illas ibi stitisse salvas? an aliquo casu, Deo ita providente, ut conservaretur crux sua, tres illæ cruces terra opertæ latuerunt? Cur igitur duæ reliquæ sunt conservatæ, & non unica illa? Cur opus fuit miraculo ad eam discernendam à reliquis duabus? At si crux ex quatuor lignis, ut supra produximus testes, tanta difficultas non fuit, quanta fingitur à Severo; si consilium ceperunt, ut aliquem recens mortuum crucibus admovent, annon fuit hoc tentare Deum, petere signum, cuius nullam habuerunt promissionem? si funus excussum, id est, homo resuscitatus signum fuit, hanc præ cæteris fuisse crucem genuinam, quomodo potest illud consistere, quod Chrysostomus, Ambrosius & alii asserunt, ex titulo fuisse agnitam crucem Christi, & à cæteris discretam? nihil tale, scribit Salmasius, in Ambrosio, qui ex titulo veritatem rei deprehensam dicit. Unde subjicit: invenit ergo titulum: Regem adoravit, non signum utique: quia hic gentilis est error, & error impiorum: sed adoravit eum, qui pependit in ligno. Hoc est invictum argumentum pro falsitate huius inventionis. Nam cur non & reliqui duo tituli inventi sunt latronum crucibus appensi? Nunquam enim factum more Romano, ut aliquis nocens ullo supplicio affectus fuerit sine elogio, quod erat iudicium criminis. Non meminere elogii latronum Evangelistæ,

*Pars Specialis*

*Bb*

qui

qui obiter eorum supplicium referunt. Sic nec exponunt causam supplicii aut sententiam iudicis. Cæterum illi tituli æque debuerunt inveniri, ut ipsæ eorum cruces tum repertæ sunt. Socrates refert *πῶς ὁ Πιλάτος παῖδα* repertam fuisse. Sed cum tres cruces essent, dubitatum, cui conveniret titulus. Rem ambiguan, consilio, quod sequitur, Macarii Hierosolymorum Episcopi expeditam: Sozomenus clare: *χρῆς ἄλλο ξύλον ἐν τῇ λαβήματι* repertum. Hinc dubitari cœptum, quia cruces confusæ, esse ergo vel omnes eadem forma, & ex eodem ligno; vel falsum esse, solam Christi crucem cedrinam & cupressinam fuisse.

## LXIII.

*Alterum suppositum* de Labaro Constantini M. multa habet, quæ examine digna; nam quæ veteribus potestas ita immutandi formam crucis, cum ut res semel fuerint effigiatæ, debeant manere, nec in alias mutari formas, quæ tandem ipsum prototypum abolent? quomodo potest probari, ita fuisse figuratum labarum Constantini M.? quomodo probari poterit Constantinum M. vidisse formam Crucis, in aëre, & quidem ita verè effigiatam, & non nominis Christi? nam obvia facta fuit oculis litera Græcorum, inserta literæ χ quæ Christum notat, & ἐν τῇ τέρῃ vincere iussus est Imperator. Ita precanti, scribit Eusebius lib. I. in vita Constantini Cap. 22. 23. 24. 25, obnixæque flagitanti visio quædam divina & imprimis admirabilis apparuit, quam si quis fortè alius dixisset, non tam facilè potuisset hominibus persuadere. Verum cum Imperator ipse victor, nobis ipsis, qui hanc historiam jam literis persequimur, longo tempore post, cum notitia eramus & familiari colloquio ab eo dignati, narraret & sermonem iurejurando confirmaret, cui dubium esset poterit, quin sit rei ita commemoratæ fides omninò adhibenda, præsertim cum tempus postea consecutum ratum orationi testimonium dederit. Cum jam sol ad medium cæli ascendisset, die in pomeridianum tempus paululum inclinante, dixit, se crucis signum, ex lucis splendore figuratum, in ipso cælo soli imminens, manifestò oculis adspexisse, inque eo inscriptionem consignatam, quæ hæc verba complecteretur: In hoc vince. Admiratio ingens ipsum & totum exercitum, qui eum quoque iter facientem comitabatur, atque adèd hujus prodigii spectator factus erat,



erat, incessit. Se dubitatione admodum intra se distrahi, quid tandem ostentum illud sibi vellet, asseruit. Atque cum diu multumque de eo cogitantem oppressit nox. Ibi ei dormienti Christum Dei cum signo in cœlo monstrato visum esse, præcepisseque, ut exemplari ad imitationem illius signi, quod in cœlo apparuerat, fabricato, eo tanquam præsidio in præliis cum hostibus commitendis uteretur. Ille, simul atque dies illuxit, surgens, primum arcanum illud visum amicis exponit, deinde artificibus, qui aurum & lapides pretiosos affabrè sculpere norant, accersitis, medio inter illos loco affidet, verbis signi describit effigiem, eam auro & lapidibus pretiosis, imitatione adumbrari mandat. Quam quidem effigiem contigit, ut nos olim oculis contemplaremur. Ipse enim Imperator, Deo illud largiente, eam nobis ostendere dignatus est. Erat autem tali figura fabricata: Hastile oblongum erectumque auro undique obductum fuit: quod cornu habuit transversum ad formam crucis constructum. Supra in fastigio ipsius operis corona affixa, lapidibus pretiosis & auro politè circumtexta: In ea salutaris appellationis Servatoris nota inscripta, duobus solum expressa elementis, id est, duabus primis literis nominis Christi (erat enim litera  $\rho$ , in ipso medio literæ  $\chi$  curiosè & subtiliter inserta) quæ totum Christi nomen perspicuè significarunt, quas quidem literas deinceps semper Imperator in galea gestare consuevit. Ad cornu illius particulæ, quæ ex transverso erat per hastile trajecta, velamen quoddam pertenuè appensum adhæsit, regalis videlicet & pertenuis textura, mirabili varietate lapidum pretiosorum artificiosè conjunctorum, lucisque suæ claritate pulchrè resplendentium depicta & multo auro intertexta, quæ dici non potest, quantam spectatoribus ob suam pulchritudinem excitaret admirationem. Istud igitur velamen ad cornu affixum, longitudinis, latitudinisque crucis mensuram penitus exæquavit. Oblongum verò & erectum hastile in sublimi appensum, cujus pars inferior versus basin longius ducta fuit, sub ipsum crucis insigne, ad texturæ discurrentis simbras, auream pii Imperatoris ac liberorum suorum effigiem, ad petrus usque descriptam, continuit. Isto igitur salutari signo Imperator, tanquam hostilis cujusque & infestæ violentiæ propugnaculo semper usus est. Cujus expressæ similitudines mandavit, ut univer-

sum exercitum perpetuò antecederent. Prudentius victoriam istam celebrat verbis sequentibus :

*Testis Christicola Ducis adventantis ad urbem  
Milius, exceptum Tiberina in stagna Tyrannum  
Præcipitans, quam victoricia viderat arma  
Majestate regi, quod signum dextera vindex  
Pratulerit, quali radiarint stemmate pila.  
Christus purpureus gemmanti textus in auro  
Signabat Labarum, clypeorum insignia Christus  
Scripserat, ardebat summis Crux addita cristis.  
Ipse Senatorum meminit clarissimus ordo  
Qui te concreto præcessit crine, catenis  
Squallens carceris, aut nexus compede vastæ,  
Complexusque pedes victoris, ad inclyta flendo  
Procubuit vexilla jacens. Tunc ille Senatus  
Militiæ ultoris titulum, Christi que verendum  
Numen adoravit, quod collucebat in armis.*

## LXIV.

*Tertia hypothesis* de Modo nihil confert ad ipsum principale Argumentum; interim notamus, primò, certum esse Christum clavis affixum cruci. Secundò, quamvis de latronibus hoc non constet ex Historia Evangelica, morem tamen fuisse apud Romanos receptum; unde Seneca *de vita beata* cap. 21. cum refigere se crucibus conentur, in quas unusquisque vestrum clavos suos ipse adigit. Et Artemidorus l. 2. c. 58. inquit: Ex lignis & clavis crux confecta est. Inde, quod Lipsius l. 2. c. 8. de Cruce p. 659. notat: crucifixio dicta est *κρουσμός*, quasi, clavifixio: quod etiam Ulpianus explicat, ut *κρουσμός* sit cruci affigi clavis. In hac sententia plerique sunt Patres, qui, Christum clavis cruci affixum esse, contendunt. Quot clavis autem, tribus ne an quatuor crucifixus fuerit, dissentiunt inter se nonnulli. Gregorius Turonensis quatuor clavos statuit, duo affixi sunt in palmis: duo in plantis. Eum secutus est Johannes Toletus, Baronius ad Ann. 34. n. 114. ait: de Christo Domino antiquiores imagines quatuor ipsum affixum clavis repræsentant, nempe seorsim singulis pedibus singulis affixis clavis. Sed aliam sententiam de tribus clavis recentior

tior probavit usus. Scaliger in *Animadvers.* Eusebian. statuit, binos crucifixorum pedes binis clavis fuisse affixos. Quam opinionem sequitur Drexelius part. 2. c. 7. p. 237. *Deliciar. Gen. Human.* quando ait: duos pedes duobus clavis scabello suppedaneo affixos, idque ex more & ritu Romano factum. Et dicunt, Treviris asservari clavum, qui dextro pedi fuerit impactus. Lipsius in *Notis ad l. 2. c. 9. p. 682. de Cruce.* De illis quatuor clavis scribunt, quod unus in mare Hadriaticum fuerit projectus ad sedandas adversas tempestates, & cavenda frequentia naufragia, quæ ibi fiebant: Duo clavi in fræno sint aptati à Constantino, quò facilius, si adversæ gentes restitissent Principi, hac virtute fugarentur: Quartus defixus sit in capite statux Constantini. Gregorius Turoniensis & ex eo Vossius l. 2. c. 7. p. 287. *Harm. Evang.* Interim *Tertiò* hoc quoque admittendum, non Universalem fuisse hunc Modum. Lucanus enim meminit alligationis, cum agit de Thessala Maga, quæ cruciariorum reliquiis usa fuit ad artes suas. Nec Hilarius *libro de Trinitate* abnuit, qui & clavorum & alligationis molestiam conjungit. Lucanus de Magâ Thessalica: Laqueum nodosque nocentes Oresno rupit; pendentia corpora carpsit, Abrafitque cruces, lib. 6. *Pharsaliæ.* Laqueus nodique nocentes sunt vincula, quibus nocentes & supplicio publico damnati religabantur ad crucem. Paulò post: Insertum manibus chalybem. Notantur clavi ferrei. Quod verò laqueum ad damnatos illos, quibus in furcâ suspensis gula frangitur laqueo, refert Petrus Faber lib. 3. *Semestrium cap. 16.* in eo luculenter aberrat. Namque ante ævum Constantini Magni Imperatoris nemo Judicum sententia damnatus fuit ad suspendium publicum tale, ut in furcâ appensus & laqueo ad collum injecto necatus periret.

## LXV.

Frustrâ autem impetunt Claudium Taurinensem, qui non execratus fuit crucem, sed religiosum cultum illius impugnavit, quem Jonas Aurelianensis magis rethoricè quam logicè fuit aggressus. Wiclefistæ honorem crucis detestati sunt illum, qui desertur ei in Papatu, illum, qui in abusum superstitiosum degeneravit. Centuriatores verò dextrè sunt intelligendi, non enim loquuntur de ligno crucis simpliciter, sed de illo domibus imprimendo apud Alexan-

drinos pro eo, quod thoracem Serapidis Majores posuerant, ut frustra producat<sup>ur</sup> Tertullianus contra illos, qui signi hujus simpliciter meminit: & quod de Sergio Papa produnt, id accipiendum de instituto publico in Ecclesia Romana & Occidentali, nec sine teste loquuntur, addunt enim Sigebertum & Reginonem, quorum posterior diserte ait; Sergius Papa in Sacratio Petri beati Apostoli magnam portionem ligni dominicæ crucis reperit, quæ ex tempore illo ab omni populo in Basilica Constantiniana die exaltationis ejus osculis ac adoratione excipitur,

## LXVI.

Quicquid verò sit de crucis usu, non potest probari à Pontificiis, *primò* cultum illius tempore Apostolorum fuisse receptum. *Secundò* etiam ostendi nequit, primis tribus seculis ante Constantinum M. invaluisse, & tandem *tertiò* ipso quoque Constantino M. imperante, religiosam adorationem Crucis fuisse usitatam; sanè Eusebius *de ipso Imperatore lib. 4. de vita Constantini cap. 21.* dicit, *μόνη τῇ αὐτῇ προσωμίλει θεῷ*, Solus cum solo Deo colloquium habebat; hoc autem ostendit Historia: primos crucis adoratores fuisse Armenios quosdam, dictos Chazenzarios, de quibus Nicephorus *lib. 18. cap. 54.* Chazenzarii factio non minima est, Staurolatræ scilicet. Chazus namque crux dicitur ab iis: propterea quod crucem tantum adorare & colere dicantur. Hi Chazenzarii anno Chr. 607. ut reliqui Armenii, sectarii erant, docentes Christum habuisse corpus incorruptibile à conceptione, quaternitatem esse in Deo & Deitatem passam; unde dicti *φθαρολάτραι σκηρολάτραι & σταυρολάτραι*. Nam Chazenzarios imitati Papa Romanus & alii Episcopi anno Christi 700. contra mentem Gregorii primi, permittentis usum imaginum historicum, non religiosum earum cultum, staurolatriam defendere & obtrudere cœperunt, sicque ad nostra tempora transmissa fuit impia Staurolatria.

## LXVII.

Sed ad Argumenta nobis opposita; *Primum* ducitur ex eo, quia crux fuerit ara summi sacrificii, Scala Christi ad Regnum, Instrumentum liberationis, quo diabolus vicit, & de eo triumphavit; *Secundum* ex eo, quia crux mystica significat totam i. perfectionem

nem Christianam, profunditas fidem, sublimitas spem, latitudo charitatem, longitudo perseverantiam 2. passionis effectum; nam lignum supremum significat cœlum apertum, inferius infernum evacuatum, lignum transversum totum orbem redemptum. 3. duo Brachia sub uno titulo significabant duos populos sub uno Capite Christi. 4. Secundum Minutium Felicem in *Octavio* & Ambrosium *sermone* 56. Crucis figura etiam naturaliter est salutaris. 5. Etiam Ægyptiis vitam futuram significavit, teste Ruffino *lib. 2. Historie cap. 29*. Tertium ex eo, quia Inventio Crucis quibusdam singularibus notis fuerit condecorata, *primò* quòd Deus non permiserit lignum illud demergi in mare, vel flammis absumi; *Secundò*, quòd Deus eo tempore crucem inveniri voluerit, quòd tutò poterat coli; *Tertiò*, quia per convenientia miracula demonstratum sit, esse veram Crucem, & proinde Crucis inventionem ac revelationem illam esse à Deo. *Quartum* ex eo, quia Helena, divinis admonita revelationibus fuit ad Crucem Domini quærendam, id quod testibus Hieronymo, Ambrosio, Ruffino, Paulino fulcitur, & aliis; *Quintum*, quia exaltatio & restitutio Crucis fuerit miraculis approbata; tandem *Sextum* ex eo, quia si locus, in quo Angelus stetit, fuit terra sancta *Josue 5. Exod 1*. Cur non magis terra, in qua steterit Crux, & quæ ejus sanguine respersa.

## LXVIII.

Nec sufficit probasse Pontificiis, lignum Crucis fuisse venerabile, sed & satagunt ostendere, signum illius esse adorandum, quia Scriptura testetur, appariturum signum filii hominis in cœlo; quâ apparitione miro modo venerabile reddatur signum illud, *Matth. 23. v. 30*. quia Synodus sexta *Canone 73*. Synodus 7. *Act. ult.* Synodus 8. *Act. item ult.* Canones ediderint de veneratione Crucis; quia Justinus in *Apologia secunda* dicat, signa & notæ, quæ apud nos sunt, hujus rei (Crucis scilicet) Virtutem declarant; Tertullianus respondeat in *Apologetico*, *objectione Gentilium de adoratione Crucis lignæ*, nec non Minutius Felix in *Octavio*, & Origenes *lib. 6. in Epistolam ad Romanos* dicat, Crucis figuram ante oculos positam valere ad depellendam omnem tentationem; Constantinus M. etiam Labarum pedibus calcari prohibuerit; Arcadius auream monetam cum signo Crucis cudi jusserit. Tiberius Crucem humi in marmore  
inci-



incisam erigi mandarit, sub quo ingens thesaurus fuit repertus; Lactantius tempore Constantini scripserit,

*Flecte genu lignumque Crucis venerabile adora.*

Addunt Athanasium, *quest. 16. ad Antiochum* Chrysostomum, jubentem in supplicationibus argenteas cruces cum ardentibus facibus præferre, teste Socrate & Sozomeno, qui etiam figuram hanc depingi solitam omnibus in locis, suo jam tempore asserat; Augustinum *tract. 36. in Johannem & in Psalmum 36.* Cyrillum *lib. 6. in Julianum* Ruffinum *lib. 2. cap. 29.* Bedam, Gregorium, Leonem, Sedulium in *Carmine Paschali* canentem: Pax crucis ipse fuit &c. Quia etiam apparuerit Crux lucidissima in aëre cum illis verbis: *Ecce tæta vixit*, Et talem etiam apparuisse supra montem Oliveti, tempore Constantini, nec non tempore Juliani Apostatæ, qui eam persecutus fuerit, & Arcadii, cum Bellum susciiperet pro fide contra Persas, imò apparuisse cruces in vestibus hominum, tempore Leonis Iconomachi, cum hæretici contra imagines sacras insanirent. Addunt miracula per Crucis figuram effecta, insigne illud Hilarionis &c. Quia denique, si signa rerum salutaria, sancta & venerabilia sunt, utique etiam Crux quælibet sancta & venerabilis futura, cum gerat imaginem Christi crucifixi, quo nihil sanctius cogitari possit.

#### L X I X.

Quanti verò sint facienda hæc argumenta, etiam mediocriter attendenti, constat; nam, ut non dicamus, Pontificios disputare de non Ente, cum nequeant ostendere Crucem Christi esse in rerum naturâ. Multa hic videnda sunt. Primum enim lignum crucis, cui Dominus affixus est, negamus esse in natura rerum. Si esset, aut per naturam, aut per institutum Christi, aut per alienam artem & diligentiam servatum esset. Per naturam fieri non potest: quod Beda animadvertens, ausus est somnium confingere, quod cruces ex lignis durationis maximè fierent, cedro, pinu, cupresso, buxo: fabulæ! per institutum Christi servatum esse, nec verum est, nec verisimile: nam qui nos semper à rebus materiatis ad spirituales evocat, quomodo in hac re à seipso discessisset, & cultus materialis dedisset argumentum? quod ne in Mosis quidem sepultura factum? Aliena arte & diligentia servatum si dixeris; per quos? quando? quomodo factum eo tempore? nam ejus rei nullus Apostolus, Evangelista,

gelista, vel sanctus meminit. Quomodo ad tempus usque Constantini servatum in tot incendiis, subversionibus, ruinis, bonorum fuga, malorum pervicacia? obsidente Vespasiano, Tito evertente, Adriano etiam propter offensam à Judæis acceptam racemante, & statuum Veneris in Crucis loco disponente, ubi perstitit ad seculum Constantini usque, Eusebio lib. 3. de vita Constantini, Hieronymo in epist. ad Paulinum, Ruffino lib. 1. hist. eccles. cap. 19. Sozomeno lib. 2. c. 1. & Carolo Magno testibus. Deinde quod lignum? stipese crucis vel cippus, *σκόλοψ* lignum arrectarium, an transversarium, quod veteres dicebant patibulum, à patendo; an verò utrumque simul? nam stipes plurimum immotus stabat, patibulum rei apportabant patibulati, ut cum Plauto loquar; & supplicio sumpto (prout erat exemptile) domini curabant reportari domum atque asservari. Profectò nihil horum certò vel unico apice demonstrari potest atque definiri à Pontificiis. Postremò ut demus, existere lignum illud crucis, negamus, lignum hoc materiatum sic esse venerabile, ut affirmat gens Pontificia: non in se & per se; nam lignum fuit, quis sapiens lignum veneretur, velut in se & per se venerabile? non relatione & respectu ad Christum; nam hic respectus tantisper duravit, dum Christus pendens adfuit, post communis factus est, quemadmodum & locus Deo præsente sanctus est, in communem verò conditionem revertitur simul atque discessit Deus; non denique instituto: cujus enim? Dei, an hominis? si Dei dixeris, in verbo illius de hac re nullum verbum: extra verbum & Scripturam ejus non credimus: nihil ultrà scire, ait Tertullianus de præscript. omnia scire est. si hominis, hoc verò penes hominem negamus esse, aut corpus hominum, aut Ecclesiam ipsam: ad gloriam Dei solius pertinet. Non id quidem nego, si crux ipsa, exempli causa, certò inveniretur, fore, ut veneratio quædam artus nostros commoveret atque afficeret: sed hoc non efficeretur ligno crucis. Nam veneratio ad Christum, cujus illa crux fuit, & ad actum perpeffionis salutaris illius assurgeret, monumento crucis conspecto, in qua se Christus Deo & Patri obtulerit. Sed aliud est, de sensu & motu nostro agere, aliud de officio nostro. Sensus noster moveretur cruce, officium verò nostrum esset, ut confestim, seposita carnali ratione crucis, ad Christum, officium, & beneficium ejus venerandum,

dum, adorandum, colendum supra res omnes creatas raperemur. *Primum* pro veneratione Crucis non concludit: non enim sequitur, Crux fuit Altare sacrificii summi; Ergo est venerabilis religiosè: non enim Ara, sed id, quod in illa oblatum, cultu religioso est prosequendum; nec, crucem esse vel fuisse scalam Christi ad Regnum, conceditur; nusquam enim in Scriptura ita vocatur, & loca quæ adducuntur, ex *Johannis 12.* & *Philip. 2.* non de cruce, sed morte Christi loquuntur; & tandem posito, quod fuerit instrumentum liberationis, non tamen sequitur religiosè colendam esse, cum plura talia dentur, quibus propterea cultus ille non deferendus: quanquam & hoc ~~dicatur~~ dicatur; quis enim admittat, crucem fuisse instrumentum liberandi humani generis & vincendi Diabolum? cum non crucis ligno liberarit & vicerit, sed in cruce, passione & morte sola; unde etsi ponatur, Christum elegisse crucem etiam & honorasse electione illa ad passionem & mortem suam, non tamen ille honor admitendus erit, ut permanens post expletum Sacerdotale officium, sed ut transiens, qui tam diu competiit, quamdiu ipse Dominus dignatus fuit illam illo. *Alterum* argumentum merus est Ingenii Origeniani lusus; posito enim *primò*, hæc omnia fuisse significata crucis ligno, num propterea fundant cultum religiosum? lignum num adorandum rei alicujus sacræ vel mysterii ergo? *Secundò* merè voluntariæ sunt illæ significationes; quomodo enim probabunt Pontificii, ex Intentione divina hæc per crucem fuisse indicata? *Tertio*, quàm absurdum, figuram crucis esse naturaliter salutarem? Quis enim hoc admittat, cum si aliqua figura crucis esset salutaris, non esset præter illam, quæ est crucis Christi. Num aves non volarunt in Paradiso expansis alis? Quid Navis operi artificiali commune cum cruce Christi, quæ sæpius vehit idololatrias, ut constat ex Historia Jonæ? Num aratrum nullam aliam admittit figuram quàm crucis? Quid lineæ imaginariæ in cælo ad hanc figuram, quarum quamplures, & quidem etiam non transversæ, dari possunt, quid fiet de globis, quos pueri conis sternendis immittunt, annon etiam in illis istiusmodi lineæ non tantum concipi possunt, sed ipso actu exhibentur? *Tertium* inventionem crucis gloriatur, sed non absque fabularum umbris. Ficta est illa inventio, ut supra demonstratum, etsi ponatur, Deum non permisisse, lignum illud demergi in mare vel flammis absumi,

absumi, num alia ratione & modo non potuit permittere illius corruptionem? imò actu non permisit? quamplurima naturalia vel artificialia ligna lapides & similia non intereunt, Num itaque non sunt corruptibilia? quid Sol, quid cœli injuriæ pluvix & venti possint, in vulgus notum est; & cur confinxerunt quidam, illam constituisse ex cupresso & cedro, nisi ut obviarent putredini, quâ consumuntur ligna, tempus edax rerum quamplurima consumit, & ut Poëta loquitur,

*Monumenta fatiscunt,*

*Mors etiam saxis marmoribusq; venit.*

Unde ipse Gelasius, quæ de conatu abolitionis produnt, protrivit, teste Junio, qui scribit pag. 1733: Scripta de inventione crucis Dominicæ, & alia scripta de inventione capitis Joannis Baptistæ, novellæ quædam revelationes sunt, & nonnulli eas Catholici legunt: sed quum hæc ad Catholicorum manus adveniunt, Beati Pauli Apostoli præcedat sententia: omnia probate, quod bonum est, tenete. Ficta est illa inventio tempore Constantini M., ut, quàm fallat & fallatur Sulpitius in temporis assignatione, Sigonius docet p. 392. De medio inventionis miraculosæ supra egimus, & frustra titulum cum miraculo conciliare student Num enim Ruffino, qui ex titulo dicit agnitam crucem Domini, sed non evidenter, & propterea ad miraculum confugit, credendum, Authori judicii & eruditionis inopi, (ut illum describit Hieronymus,) præ Chrysostomo & Ambrosio? Ficta est illa inventio ex causa, divinis scilicet revelationibus; nec blasphemè locuti sunt Centuriones, si Helenam dixerunt supersticiosam, in quantum scilicet asseritur, illam profectam fuisse Hierosolymam adorandi causa, & ut sceminæ aliàs plus habent zeli quandoque, quam Scientiæ, ita ex priorè illam commendarunt antiqui. *Quartum* argumentum nititur partim supposititiis scriptoribus & scriptis, quale est illa Epistola Cyrilli, Chronici Eusebiani testimonium, intrusum à mala manu, partim Hieronymi in *Psal. 98.* dicentium, sive affingunt illis, partim ad superstitionem declinantium. *Quintum* argumentum nuntat undique, *tum* quia si ponamus miraculosum illud auxilium, tamen non evicta erit religiosa veneratio, *tum* quia nititur testimonio Diaconi, Zonaræ & Cedreni, qui fabularum hamaxarii, & in pro-

digia effusi, *tam* quia prælia illa jam diu fuerunt gesta, & Chosroes mortuus, cum filius ejus Syroes restituit Herodio crucem & sine prælio, docente ipso Baronio *ad annum Christi* 627. *Ultimum* denique argumentum non plus infert; nam supponitur Angelum illum *Exodi* 3. & *Josue* 5. fuisse creatum, & proinde multo magis venerandam esse crucem, ubi steterit Christus, cum tamen fuerit filius Dei; supponitur terram dictam fuisse sanctam permanentem, quæ tamen tam diu sancta habenda fuit, quamdiu Deus illi præsens, supponitur denique, id, in quo Christus stetit esse honorandum, non tantum civiliter, sed & religiosè, cum hac ratione Terra quoque Judææ & Galilææ esset religiosè colenda, quia eidem Christus institit.

## LXX.

Quæ pro imagine crucis adoranda proponuntur, etiam caduca sunt; nam dictum primum *ex Matthæi vigesimo quarto* per multos anfractus etiam non pertingit ad conclusionem, *partim* quia signum Filii commodè accipi potest de ipso Filio gloriosè apparente, ita exponentibus *Marco* 13. v. 26. *Luca* 21. v. 27. *partim* quia, si concederetur signum illud filii notare crucem, non tamen sequeretur, illud esse de præsentem venerabile, sed tùm cum appariturum, *partim* quia Patres exponentes hunc locum de ligno crucis apparituro nec vetustissimi sunt, nec seriò agunt, sed abusivè, &, si signum hoc vexillum Christi, quod tamen ostendi nequit, non erit adorandum; *alterum* itidem non fundat Thesin adversam, cum exigua harum Synodorum sit autoritas; Sextæ Canones ipsi Pontificii impetunt; Septima fuit deprehensa Nicæna idololatræ; Octava canitie destituitur; unde quamvis ediderint Canones de veneratione crucis, primâ, secundâ, tertiâ, quartâ, & quintâ Synodo silente, non tamen ediderunt eodem modo, sed secundum superstitionis gradus. Concilio enim sexto *Can.* 73. agitur propriè de eo tantum, quod signum crucis non oporteret humi sculpi, aut pedibus proculcari, nempe ne aut infirmis offensæ, aut infidelibus & adversariis præberetur ludibrii argumentum. Synodi verò septimæ errorem octava auxit: nos utriusque auctoritatem negamus. Quòd si agatur de canone 83. Concilii 6. rectè illud Episcopi in Carolini operis libro 2. confutarunt. Nam etsi de pictura ad commemorationem



tionem agitur, omninò tamen falsum est, in eo canone agi de veneratione crucis aut signi alterius; sed tantum de eo, quòd pro agno Dei, qui antè pingebatur à nonnullis, imaginem Christi & beneficiorum ejus simpliciter haberi oporteret ad memoriam, non ad venerationem & cultum. Unica vox est in principio canonis, quæ fortasse in fraudem imperitos induxit: nempe quòd scripserunt illi Patres, ἐν τῇ τῶν σπλῶν εἰκότι γεγραφέα, αἱ μὲν, &c. quæ vulgo ita redduntur, in quibusdam venerabilium imaginum picturis, agnus, &c. Sed falluntur, qui vocem σπλῶν ita accipiunt. Græci enim simpliciter accipiunt σπλῶν non pro eo solùm, quod est veneratione dignum, sed etiam pro eo omni, quod non est aut κοινόν, aut βέβηλον, commune aut profanum, ut sunt quæ in loco sacro & religioso deponuntur: quæ quamvis ipsa non habeant religionem per se; tamen tacito quodam usu dignitatis plus videntur obtinere, quàm si juris communis aut profani essent, ex quo fuerunt loco sacro & religioso addicta. Quapropter sub finem ejusdem canonis, ubi de imagine Christi ipsius agitur, nulla fit mentio venerationis, cultus, adorationisve, sed tantum μνήμης, memoriæ. Fuisset autem argumentatio longè efficacior ab eo, si illam imaginem coli, adorari, aut venerationi esse credidissent oportere. Hanc verò illi nondum cognoverant: post adnata est fabricæ & picturæ veneratio. Tertium à testimoniis veterum non subvenit Pontificiis. Justiniani locus enim est corruptus, nec de adoratione loquitur, nec crucis vocabulum de ligno intellectum vult. Tertullianus ex hypothese loquitur, & dicit, quod colimus nos, Deus unus est. Minutius negat, verè obijci adorationem crucis Christiano. Origenes non agit de cruce materiali, aut illius imagine, sed de ipso crucifixo. Constantinus Magnus labarum in formam crucis non redegit, sed illi aliquid apposuit, nec adorari voluit, nisi civiliter. Tertullianus autem de propria figura crucis loquitur, quum ait *Apolog. cap. 16.* Pars crucis est omne robur, quod erecta statione desigitur, id est, cippus, vel stipex, vel contus, vel candys ex robore: nos, si fortè, integrum & totum nempe ex stipite & patibulo compositum, Deum colimus. Dicimus, originem Deorum vestrorum à platis de cruce induci. Sed & victorias crucis adoratis, cum in tropæis cruces intestina sint tropæorum. Religio Romanorum tota castrensia signa veneratur,

tur, signa jurat, signa omnibus diis præponit: omnes illi imagines suggestus insignes, monilia crucium sunt. Noluitis nudas & incultas cruces consecrari. Ergo cruces eadem sunt propria figura sua, sed vestes varix. Idem quoque Minutius narrat, & verbis evidentioribus, dicens: signa ipsa, & cantabra, & vexilla castrorum, quid aliud quàm inauratæ cruces sunt & ornatæ? tropæa vestra victricia non tantum simplicis crucis faciem, verum & affixi hominis imitantur. &c. quid est, amabò, crux simplex, nisi propria? Idem & Justinus Martyr Apologia 2. quas res simplicitate majore quàm hic disputator noster, tom. 3. Annalium, Baronius confessus est. Theodosius non jussit adorari crucem, sed conculcari prohibuit, non cultum statuit, sed scandalo prævenit, videatur hic Wisenbach. in *Codicem, titulo 8. pag. 36.* Arcadius signum crucis monetæ insculpi vel imprimi jussit, non autem propterea crucem adorari voluit. Quàm varix imagines fuerint Ebræorum & aliarum Gentium Nummis insculptæ, testatur Historia; non verò intentio fuit Ebræorum vel Gentium, illas prostituere adorandas. Ipse Arcadius in eadem moneta suam Effigiem cudi voluit, num ergò adorari? paria de Tiberio dicenda. Lactantii carmen in dubio est, & à Michaele Thomasio illius esse negatur; quanquam si admittatur carmen, sit hyperbole poetica comptum, & aliter sensisse Lactantium constet ex lib. 2. *Institutionum cap. 1.* Athanasii liber allegatus fictus est, subventaneus & tanto viro indignus. Chrysostomus, si præferri jussit cruces argenteas, non confestim adorari mandavit & non tam cruces argenteas, quàm Lychnuchos in structos tribus Lychnis in figuram crucis, nempe ad Trinitatem Arianis significandam, ut quidam volunt, nec ille mos ubique crucis figuram pingendi superstitione caruit, quanquam aliud sit pingi ubique, aliud adorari. Augustinus dicit, honorari sive honorem tribui supplicio, hoc est honestari & majus asserit servari fidelibus, quos latratria nemo prosequitur. Cyrillus tantum hoc reposuit Juliano, quod pretiosi ligni crucem faciant Christiani, in memoriam omnis boni & omnis virtutis. Ruffinus cruces depictas dicit, at num quod depingitur, ut professionis signum, etiam est objectum religiosæ venerationis & adorationis. Beda prælatam esse asserit crucem, non in cultum consecratam, Cæteri allegati Gregorius scil., Leo, Sedu-

Sedulius, non tanti sunt, ut illis teneamur subscribere. Superstitione passim jam altiores agente radices, nec tam de cruce Christi quàm de crucifixo Christo loquuntur. *Quartum Argumentum* si concludit, concludit etiam stellam, quæ Magos præcessit, esse adorandam; nam & illa in aëre apparuit, & quidem miraculosè; neque dictum Constantino ἐν τῷ σταυρῷ, hoc est, in hoc signo crucis unicè, sed in crucifixo ipso: nec si ad signum fuisset referendum illud mandatum, sequeretur crucem & quidem ordinariè esse adorandam. Epistola Cyrilli ad Constantinum, quæ de apparitione supra montem Oliveti loquitur, supposititia censetur. Paulus Diaconus etiam convasavit, quæ inter scorias deputanda, cruces in vestibus apparentes, aut fuerunt tales ex Subjecto, in quod inciderunt, panno scilicet rectis & transversis filis constante, aut extraordinariè ex judicio divino immissæ. Apparitio verò crucis in Anglia in Arbore figmentum est, & testibus idoneis destituitur. *Ultimum Argumentum* undique claudicat, *partim* quia nondum probatum, signa rerum sanctarum esse venerabilia, *partim* quia crux non est signum Christi, sed est imago crucis, in quâ pependit Christus, & quidem incerta & dubia, ratione figuræ, *partim* quia in signis etiam & symbolis rerum sacrarum maximè attendendum ad Institutionem, Mandatum & Promissionem divinam, quæ quousque progrediendum sit, docere potest.

## LXXI.

De Signo Crucis quod in fronte vel aëre pingitur, vel super quascunque res digito exprimitur, pauca addam ob affinitatem materiz. *Primò* Venerabile illud esse, Pontificii ostendere nituntur ex figuris V. T. sanguine Agni postibus domorum illito *Exod. 12. ex Litera* Than frontibus credentium inscripta, *Ezech. 9. Apoc. 14. v. 7.* Jacobi exemplo cancellatis manibus benedicente, *Gen. 48. Secundò* ex testimoniis veterum, Dionysio, Justino, Hippolyto, Tertulliano, Cypriano, Cornelio Papa, Origene, Cyrillo, Athanasio, Basilio, Ephrem Syro, Ambrosio, Hieronymo, Augustino, Beato Martino, Prudentio, Paulino. *Tertiò* ex miraculis signo Crucis factis. Tertullianus initio Scorpiaci dicit, Christianos signando, vel adjurando non solum Christianis, sed etiam Ethnicis sæpe prodesse. Lactantius lib. 4. cap. 27. dicit, præsentem Christiano, qui crucem

crucem fronte signaverat, Diabolum non ausum Imperatori poscenti responsa dare. Epiphanius hæresi 30. scribit, quendam Josephum nondum Christianum signo crucis Dæmones expulisse, & deinde Christianum effectum eodem signo incantationes Judæorum destruxisse. Nazianzenus orat. 1. in Julian. scribit, ipsum Julianum, licet Ethnicum, cum spectra quædam videret, dum necromantici sua mysteria operarentur, signo crucis seipsum muniisse, & mox spectra omnia evanuisse. Nyssen in vita Gregorii Thaumaturgi, scribit, Diaconum ejus, signo crucis munitum, exivisse noctu incolumem ex balneis, quibus nemo unquam vivus exierat, qui noctu intraverat. Athanasius in vita Antonii; Hieronymus in vita Pauli primi Eremitæ; Theodoretus lib. 5. hist. cap. 21. & Gregorius lib. 3. Dialog. cap. 7. multa scribunt miracula, quæ ad solum crucis signum Deus fecit, ac potissimum in Dæmonum expulsionem. Palladius in Historia Lausiaca, cap. 54. scribit, quendam signo crucis munitum in mediis flammis longo tempore illæsum permanuisse. Theodoretus in vita sancti Juliani, & in vita sancti Marciani, scribit ab utroque, suo tempore, signo crucis ingentes dracones occisos. Item in vita sancti Aphraitis, & sancti Macedonii, & sancti Petri, & aliorum, scribit, eos signo crucis varios morbos curasse. Quod idem Sulpitius in vita B. Martini; Hieronymus in vita Hilarionis; Angustinus lib. 22. de civit. Dei, cap. 8. similiter scribunt. Victor Uticensis lib. 2. de perseq. Wand. scribit, ab Eugenio Episcopo Catholico cæcum illuminatum solo crucis signo.

## LXXII.

Umbras has facile dissipat Sol veritatis divinæ. Nam *primum* evanescit, quia non est consequens, hoc adumbratum est in V. T. ergo est Venerabile; quot enim in N. T. habemus, quæ adumbrata in V. T. nec tamen sunt adorabilia? quia nec hoc demonstratum, vel sanguinem Agni vel Thau frontale vel manus cancellatas præfigurasse signum crucis; quia sanguis denique agni in V. T. significat sanguinem Christi. Thau signum est generale, secundum quosdam Interpretes. Manus cancellatæ Jacobi fuerunt ad situm nepotum suorum attemperatæ. *Alterum* non probat intentum, *tum* quia docet saltem in usu fuisse signum Crucis, adoratum fuisse

fuisse non convincit; *tum* quia testimonia allegata non loquuntur omnia de signo Crucis, sed quidam figurate hæc voce utuntur, *tum* quia adhibentur in testimonium, de quibus non constat, atri an albi fuerint. Dionysius, qui Dux cæterorum, est diversissimus ab Areopagita, vel supposititius, ut & Justinus, qui producit; de Hippolyto quoque nullo constat, qui Apostolis fuerit familiaris; de cæteris sententiam diximus, qui usum ostendunt, quanquam, superstitionis aliquid adhæsisse quibusdam, facile deprehendatur. *Tertium* putidum, *partim* quia non adorandum confestim, per quod Miracula fiunt, nisi velimus etiam adoratam Virgam Moyſis, tot Miraculorum stupendorum patratricem, & annon Paulus & Barnabas *Act. 14.* patrarunt miraculum, & nihilominus cultum religiosum delatum respuerunt, & cum indignatione removerunt; *tum* quia nondum constat, an ea, quæ facta per signum Crucis vel ad illud, fuerint vera miracula; *tum* quia si probaretur, vera fuisse & veritate facti & veritate miraculi, nihil concluderetur, quia extraordinaria, nec tam Cruci tribuenda, quàm Crucifixo & fidei in illum; nec Diabolus signum Crucis fugit, sed illum, qui in Cruce pependit, nec spectra fuerunt pulsa, nisi invocatione & professione religiosâ nominis Christi, cui junctum fuit signum. Nazianzenus non dicit, quod volunt Pontificii: Etsi demus, hæc ita fuisse gesta, uti ferunt, extra ordinem fuerunt, & ex causis extraordinariis: quo jure ordinaria fiant? particularia sunt, quo jure fiant communia aut universalia? imò pleraque superstitiosa sunt, quæ adducit Beda, quo jure in religione veniant? postremò falsum est, hæc per crucem facta esse: per Dei gratiam & virtutem facta sunt; per orationem fidei impetrata; non per signum voluntarium. Nyssenus incerta refert: Athanasius, Hieronymus, Theodoretus, Gregorius non ad solum Crucis signum Deum Miracula fecisse dicunt: Signo Crucis, id est, virtute Christi, quem Ethnici obiciunt, & professione fidei in illum, qui se vivum apud eos probat operibus, dum à Christianis imploratur oratione fidei & professione Christiana, quam signum crucis coram Ethnicis exhibebat. Tolle errorem superstitionemque, nemo veterum illorum factum improbaturus est. Næ plurali prisci illi Patres præsentiam, virtutem, operationem salutarem Christi apud infideles implorabant, profitebantur, occupabant



adhibito signo externo crucis, cujus simplicitate omnia dæmonum Ethnicorum ludibria eliderent in Domino. Sed res in errorum lernam & virus superstitionis abiit jam olim. Atque hæc ratio sequentium: omnia synecdochicè olim fuisse dicta, & inique totum Christum & opus illius adscribi externo signo humanitùs accedenti, ut non malè quidam de hoc puncto differit.

## LXXIII.

Stat itaque, Cultum hujus signi esse rejicendum, usum verò, ubi obtinuit, non improbandum; frequens enim fuit in Veteri Ecclesia. Moribundi & ægroti, manibus in Crucis speciem formatis, mortem oppetebant. Sic de Johanne Apostolo Niceph. l. 2. c. 42. Postremò illis in Domino salvere & valere jussis, ubi se Crucis signo munivisset, in monumentum descendit. Hieron. de S. Paulo: Digitum in os tenens, Crucis signum pingebat in labiis. Et S. Zenobius moriturus astantes Cruce signabat in ultimum Vale. Ac S. Plotina mortua inventa est, habens manus in formam Crucis compositas. Contra cogitationes impias & impuras signum Crucis adhibuisse, narrat Beda l. 3. c. 4. in Cantic. Noxios sæpè cogitatus, dum incauta mente volvimus, ac subitò respecti à Deo signum S. Crucis pectori imprimimus, & quod nefarium tractamus, abjicimus, quasi vittâ coccineâ capillos nobis ligamus, quia fluxa cogitationum trophæo sacri cruoris comprimimus. In introitu, in exitu, aditu & recessu idem fecerunt. Tertull. de Cor. Mil. Ad omnem aditum, & exitum, quæcunque nos conversatio exercet, frontem Crucis signaculo terimus. Hieron. Ep. 22. Ad omnem actum, ad omnem incessum manus pingat Crucem.

## LXXIV.

Supereſt Cultus rerum consecratarum & panis, qui in Papatu frequentatur. Duplex enim ab ipsis statuitur *Benedictio Sacerdotalis invocatoria & constitutiva*, ex quibus consecratis accedit aliqua Sanctitas Relativa & Spiritualis virtus, ad Spiritualem vel Supernaturalem effectum, Remissionem scil. peccatorum venialium, insultum & insidiarum Diaboli averruncationem, habituum cœlestium à piis confirmationem, Morborumque depulsionem. Prioris generis sunt benedictiones nuptiarum, domus, navis, armorum, vestium, vini quod benedicitur in festo S. Johannis, panis, lactis,

lactis, mellis, ciborum, carniū, agni paschalis, medicamentorum, ramorum, palmarum, benedictio monachi, & vestium in professione, quæ datur in completorio; præterea catechismus in baptismo, exorcismus &c. alterius generis sunt, templa, altaria, imagines, baculus episcopalis, cineres, thus suffitus, triplex oleum seu chrisma scilicet catechumenorum, infirmorum & ordinandorum, cerei in ecclesia, cereus paschalis, campanæ, calices, vestes sacræ, globuli, reliquiæ sacræ, sepulchra in templis aut cœmeteriis, imprimis agnus Dei & aqua benedicta, de cujus virtutibus & miraculis Gretserus lib. 2. cap. 4. §. 6.

## LXXV.

Sed hic iterum desideramus Verbum Mandati & Promissionis Divinæ. Deprehendimus Symbolisimum cum Magicis operationibus, Abusum Nominis Divini, & Εὐλαβοῦσθαι. Unde Thomas parte. 3. qu. 60. art. 5. Et si potest idem per diversa signa significari: determinare tamen, quo signo sit utendum ad significandum, pertinet ad significantem. Deus autem est, qui significat nobis spiritualia per res sensibiles in sacramentis, & per verba similitudinaria in Scripturis. Et ideo sicut iudicio Spiritus Sancti determinatum est, quibus similitudinibus in certis Scripturæ locis res spirituales significantur, ita etiam debet esse divina institutione determinatum, quæ res ad significandum assumantur in hoc vel illo sacramento. Sanè, si Christus voluisset adorationem Symbolorum consecratorum, Apostolis illam quoque imperasset, at deficit hic omne Verbum Mandati, omne Obsequium & Praxis Apostolorum; nec negari potest Sacramentum consistere in usu; qui itaque adorabitur, quod ore corporis jam est receptum intra hominem, & quanta hic incertitudo, num hostia sit ritè consecrata? Unde concludunt Theologi, quod Argumentū contra idolatriam militans Pontificios convincat manifestæ idololatriæ, hoc sc. modo: Qui hostiā non ritè consecratam ex recta sacerdotis intentione latriā veneratur, is est idololatra. At experientia testatur multas hostias, non legitime consecratas, in papatu fuisse adoratas. Major extra controversiam est, quia. 1: hoc pacto adoratur, quod, ex Pontificiorum confessio-

ne, non est Dens. 2. diserte fatetur Bonaventura in 3. sentent. distinct. 9. artic. 1. quæst. 6. quod plus peccet malus sacerdos, qui non ritè conficit ex eo, quòd faciat populum idololatrare. Et quamvis contentur robur hujus argumèti eludere adversarii prætextu conditionis tam in habitu quam in actû, ut quis non adoret, nisi cum conditione rectæ consecrationis; tamen prætextus ille merè stramineus est, quia. 1. ignotum adorare nefas, imo, quod non ex fide sit, peccatû est. 2. uti semper dubia manet ratio veræ consecrationis, ita mēs hominis pontificii semper fluctuabit circa veritatem sui cultus, & communionem efficacix sacramentorum. 3. Christus ipse monuit, cavendas esse pseudochristorum imposturas. At, imperatâ adoratione eucharistiæ sub conditione consecrationis ex recta intentione, semper hæret laqueus conscientiarum tensus, & via declinandi imposturas manet præclusa. 4. à simili, mulier implicita amplexibus alieni viri, dubitans an sit extraneus, adulterii culpam incurrit: sic & artalotra, dubitans de præsentia Christi corporali in eucharistia, verus est idololatra. 5. intentio & suppositio falsa de existentia Numinis in idolis gentes non absolvit ab idololatria, ut nec Jeroboamum error de vero Dei per vitulos cultu, aut cæcus zelus eos, de quibus ait Christus, zelo occisuros Apostolos, tanquam falsos doctores. Ipsum autem primæ Tabulæ exordium omnem talem cultum damnat, dùm religionem soli Deo adstringit & confibulat, dùm ipse Deus Israelis non vult, coli quenquam præter vel coram se. In specie panis, qui circumgestatur, cùm sit panis prætereaque nihil, frustra, imò impiè colitur in papatu; est enim mera Creatura; nec obstat, quòd Pontificii regerunt, negare sese panem in Sacramento remanere, unde etiam non admittere adorari panem, Christum esse præsentem in Eucharistia, qui verus Deus, esse itaque eundem etiam in illâ adorandum, facere Christum & accidentia Symbolorum unum quoddam suppositum, quî itaque adoratio non ad illud dirigenda?

## LXXVI.

Omnia enim hæc ex penore ingenii malè informati promuntur; *primum* enim non sublevat Pontificios vel excusat, quia falsum falso tegit, ne perpluat, Transubstantiationem obvertit, ut adorationem

nem evincat, quia etiam, posita transubstantiatione, adhuc Idololatriam non declinat; si enim humanitati Christi à pontificiis negatur latria extra Eucharistiam, & plus non tribuitur, quam purpuræ Regis in throno sedentis, quæ non colitur, sed ipse Rex, utique etiam Corpus Christi non cultu illo religioso erit afficiendum in cœna, & si fiat, idololatria committetur eo ipso, quo Corpori divina Majestate per Unionem & Communicationem idiomatum non prædito, tribuitur Cultus soli Deo, debitus; quia denique in Idololatria non attenditur, quid sentiat cultum deferens alicui extra Deum Enti, quo conceptu ille apprehendat Objectum, sed quale illud sit in rei veritate; Unde non excusat Marcus Antonius de Dominis Pontificios ab Idololatriæ vitio, *lib. 7. de Rep. Eccl. cap. 11. n. 7.* scribens, per rectam intentionis directionem, qui docent, panem non esse amplius panem, sed Corpus Christi, illi profectò panem non adorant, sed solum in suppositione licet falsa, Christi Corpus verè adorabile adorant; hoc enim supposito, sequitur, Idololatriæ reos non posse peragi gentiles, qui adorarunt statuas, quas putaverunt esse animatas & Numine plenas, de quo Augustinus *lib. 25. de Civitate Dei*, quia ex suppositione, licet falsâ, Numen verè adorabile adorarunt. Hæc illum, qui Diabolum adorat existimans eundem esse Deum, excusabunt, imò omnis Idololatria ita colorem habebit & excusabitur, neque enim ulla est, quæ non nascatur falsâ aliquâ persuasione. *Secundò* à præsentia corporis Christi; posita illa, ut volunt Pontificii, ad cultum religiosum nulla est consequentia. Annon enim Deus non longè abest ab unoquoque nostrum, annon Corpus Christi etiam extra cœnam præsens est in terris? Quod saltem impossibile non audent negare Pontificii, num itaque, quia Deus immensus, & ut ita loquamur, toti Orbi infusus, præsens singulis creaturis, omnes illæ erunt adorandæ? Præterea non est quæstio, utrum Corpus Christi, vel ratione Deitatis, vel etiam ratione unionis personalis, sit adorandum etiam in Eucharistia; sed utrum Corpus Christi sub speciebus panis, de cultu ipsi composito ex corpore & accidentibus exhibendo? Denique quid fiet de Sacramento Baptismi, de aqua, cui unita est ipsa Trinitas? annon & illa, stante hac hypothese, esset adoranda? num posset citra injuriam effundi? Num non etiam extra baptismum aqua cultu prosequenda? *Tertiò* posito, fieri unum cum ac-

cidentibus suppositum Corpus Christi? deest tamen Verbum, deest Exemplum; falsum insuper, ex Corpore Christi & accidentibus panis fieri unum Suppositum: num concursus accidentium cum aliqua Substantia fundabit unitatem suppositi? Sanè præter Unitatem illam suppositi, quæ est inter Carnem & λόγον, nullam nos novimus, nullam nos admittimus, unde etiamsi ipse λόγος & assumptum unum quid notant & unam personam repræsentant, adeoque duæ Substantiæ concurrunt, ut factum quidem in V. T. apparente filio Dei non semel in Specie assumpta, non tamen ex illa connexionem, qua tali, effloruit adorabilitas totius suppositi, propter defectum unionis personalis, propriè sic dictæ, Majestatis communicatæ, & perpetuæ περιχώσεως; neque enim qualiscunque unio fundat confestim cultum adorationis exhibendum illi, quod ut unum alicui apparet. At quid multis? Si enim accidentia panis constituunt unum cum Christo suppositum, ergo vel erunt accidentia panis, vel accidentia corporis Christi. Non prius: quia, ex illorum hypothese, esse physicum panis cessat, vi consecrationis, ergo non sunt accidentia panis; destructo enim accidentium subjecto cui inhærent, ab illo subjecto accidentia denominationem non accipiunt. Non posterius, quia hoc pacto corpus Christi contrariis accidentibus subsistat.

## LXXVII.

Argumenta adversariorum levia sunt, & intra Topicos Cancellos nata, ultra speciem probabilitatis non assurgunt. Dicunt 1. Arcam V. T. fuisse adoratam, quæ Typus, quantò magis itaque Eucharistia sit cultu consimili, religioso scil., excipienda. Dicunt 2. Adoratam fuisse illam in primitiva Ecclesia, Catechumenos etiam & poenitentes ac infideles non fuisse admissos ad ejus, tanquam rei sanctæ & adorandæ, conspectum, imò elevatum fuisse, ut populus illam conspiceret, & conspectæ deferret cultum & honorem divinum, secundum prophetiam *Psal. 72. v. 16.* & morem sacrificiorum V. T. elevatorum, serpentis ænei & similium; Dicunt denique non tantum vi consecrationis mutatum esse panem in corpus Christi, sed & Patres maximè illi cultui adstipulari, Cyprianum, Cyrillum, Alexandrinum, Chrysostomum &c.

## LXXVIII.



## L X X V I I I.

*Primum* corrui, *tum* quia ostendi nequit, Arcam fuisse unquam ad verbi divini præscriptum adoratam; hoc quidem certum est, Deum fuisse adoratum ad Arcam, sed cultum directum fuisse in ipsum symbolum fœderis, nullo in loco legitur, *tum* quia pariter ita admittendum foret, Templum Hierosolymitanum fuisse adoratum, Deus quippe in illo fuit, cultus illo honore, qui eidem soli debetur; imò omnia typica fuissent adoranda, *tum* quia plus non sequitur, quàm Christum esse adorandum etiam in ipsa Eucharistia, ut non dum demonstratum sit, Arcam fuisse figuram Christi in Eucharistia, vel hoc; quòd, quemadmodum in Arca adoratus fuit Deus, ita Christum esse adorandum, λόγον in propria carne, cultu religioso dignum; hoc enim vult Apostolus: hùc alludit, secundum Interpretes, quando pronunciat, in Christo habitare omnem plenitudinem Deitatis corporaliter, in carne scil. tanquam proprio Templo, Coloss. 2. *Alterum* praxin obtendit, non probat; nam *primò*, ut Baptismus fuit in veneratione antiquis, nec tamen aqua ipsa adorata: ita quanquam Sacramentum Eucharistiæ fuerit venerabile, non tamen symbola panis & vini digna fuerunt habita adoratione. *Secundò* veneratio illa fuit fundata in præsentia corporis & sanguinis Domini reali, non itaque directà ad ipsas species, sed ad illum, qui præsens corpore & sanguine suo. *Tertiò* Catechumeni remoti fuerunt olim à Communionem Eucharistica, non ex supposito adorationis illi debito, sed motivo infirmitatis, quia nondum, ut cæteri admissi, Notitia Mysteriorum fuerunt radicati, & Apostasia illorum minus turpis fuit habita, quàm qui de corpore Christi partiri possent. Unde observant Theologi, quod prima ratio fuerit, ne in contemptum verteretur hic pretiosus thesaurus, si illi ante rudimenta fidei participassent de sacramento, siquidem ante dispositionem præcedentem non potuissent induci ad credendum rem tam difficilem; hinc sanctus Cyrillus Alexandr. l. 4. c. 14. refert, quod Christus Dominus noluerit Capharnaitis declarare, quomodo ipse traderet carnem suam ad manducandum, quoniam illi nondum erant instructi in fide. Secunda ratio, ut hoc diuturnum silentium accenderet magis desiderium catechumenorum, ut quantò citius se baptizari curarent, S. August. in traß. 86.

*super*

*super Job. & in ferm. 46.* Tertia ratio, ne hoc tremendum, & admirandum mysterium salutis nostræ redderetur familiare Catechumenis, quo forsitan illi indignarentur, de cujus offensa antiqui Patres, uti dispensatores timebant, se Deo rationem reddituros. Si jam tempore administrationis Catechumenis non licuit interesse, multò minùs iidem ad participationem Eucharistiæ admissi sunt. *Canon. 5. Concil. Carthag. 3.* Accipiebant tamen *ἀντίδοτον*, quod locum obtinebat *δῶρον*. i. e. Eucharistiæ. Tractat hoc Aibaspin, *Observat. 35. 36. 1. 2.* & vocat Minuta Catechumenorum Sacramenta, ex fidelium oblationibus desumpta; ne igitur Catechumeni in ipsis vitæ Christianæ primordiis, atque dum fingeantur, & animabantur, succi inopia deficerent, aliquò cibo fovendi erant, qui, ut eorum vitæ & naturæ conveniens & similis esset, aliundè quàm ex Oblationibus commodius desumi non poterat. Etenim Christiani generatio & productio, cæterarum rerum ortus & incrementa imitatur, inter quas & ea, quibus nutriuntur, cum aliquam necesse sit similitudinem, & affinitatem intercedere, quâ facilius cæteris corporis partibus assimilentur: eodem planè modò conceptus ille divinus, qui in Catechumenis formabatur, convenienti aliquo alimento educandus erat: verùm nullus alius magis conveniens inveniri poterat, quam qui ex oblationibus fidelium compararetur: Nam primum à singulis corporis Christi partibus Deo oblatus, eò nomine sanctus, & religiosus videri poterat; deinde Sacerdos precibus veluti elaboratus, & benedictus fiebat. Postremò in mysterium consecrabatur, quibus omnibus non exiguam vivificandi, & nutriendi vim, & potestatem concipiebat, quâ subinde à Catechumenis haustus, & acceptus eos sibi similes & sanctos efficeret. *Υψωσις* autè sive elevatio in veteri Ecclesia consueta non directà fuit ad adorationem hostiæ, ut in Papatu, sed signum erat instantis cœnæ & communionis, ostendi quippe potest aliquid, nec tamen eo fine ut colatur, *Psal. 92*, de Eucharistia non loquitur, aut elevatione corporis Christi, sed de densitate frumenti in capite montium, de quo Gejerus videndus. Ritus etiam sacrificiorum fuit proprius Veteri Testamento, & inter umbras deputandus, nec si analogia intercederet inter illum & Elevationem Eucharisticam, causam Pontificiorum quicquam juvaret; ut nihil dicam, supponi Eucharistiam esse sacrificium, Nec serpens erectus fuit in adorationem,

nem, sed dejectus, postquam cultus insolens ei delatus. *Tertium* nititur transubstantiatione, quæ merum commentum, imò monstrum, quod non nisi monstruosos hæcenus edidit fœtus, neque voces μεταβολή, μεταποίησις, μετασχηματισμός, conversio & similia, quæ leguntur apud Græcos & Latinos Patres, quicquam faciunt pro Pontificiis, quia notant translationem Symbolorum ad sacrum usum, non transubstantiationem. Cyprianus cum præsentiam sanguinis quem sugimus asserit, pro transubstantiatione nihil dicit. Cyrillus participationem Christi indicat, non Symbola adorat. Chrysostomus dicit, Christum se nobis commiscere, asserendo unionem cum nobis mysticam in reali præsentia fundatam, non abolet panem & vinum, quod in transubstantiatione fieri fingitur.

## LXXIX.

Huc referendus quoque Cultus Romani Pontificis, qui supergreditur metas civilis reverentiæ; qui enim effertur adversus omnem, qui dicitur Deus aut Numen, sedet in Templo Dei, & ostentat se ipsum esse Deum, is sanè cultum exigit plus quàm civilem; quæ Dei sunt propria sibi attribuit; & consequenter vult Deus esse in terris; Nam qui super πῶν σιθασμα se extollit, ille omni potestate politicâ est superior, quæ alias immediatè Deo soli subest; qui sedet in Templo Dei, is in Ecclesiam dominatur, eandem sibi vult habere subiectam, quæ tamen est Corpus & Sponsa solius Christi; qui se ostentat ut Deum, in Ecclesia caput se jactat, radios vibrat Majestatis divinæ, is sanè se ipsum facit Deum, Idolum quoddam in Terris hisce adorandum. De Pontifice autem hæc omnia sunt in propatulo. Nam quis Pontifex non se omni Majestâte politicâ censuit esse superiorem, qui Regibus & Imperatori ipsi imperare possit? quis non desideravit præesse Ecclesiæ, regnare in illa, capitis sibi arrogare Nomen? quis non actionibus & operum pompa ostentavit se tanquam Deum?

## LXXX.

Et quid opus consequentiis, cum evidentia extent documenta, ipsi tituli hoc prodant. Deus enim dicitur in *Jure Canonico*, cap. satis distinct. 96. Rex Seculi, à Justo Mejero, Papa Pater patrum, Christianorum Pontifex, summus Sacerdos, princeps sacerdotum, Vicarius Christi, Caput Corporis Ecclesiæ, fundamentum ædifici

Ecclesiæ, Apostolicæ sedis Præsul, Episcopus universalis, Pastor ovilis Domini, Pater & Doctor omnium fidelium, Rector Domus Christi, Custos vineæ Domini, Sponsus Ecclesiæ, à Roberto Bellarmino, quem certatim cæteri sequuntur. Et cui quæso dictum,

*Oraclo vocis mundi moderaris habenas,*

*Et meritò in terris crederis esse Deus,*

nisi Papæ! Cui inclinantur & se submitunt capita Orbis, nisi huic Capiti? ut loquitur Lipsius; cui oscula deferuntur religiosa, & cui Gnathones dixerunt sancte Pater, qui tollis peccata mundi, misere nostri, & dona nobis pacem; nisi huic Pontifici, qui sandalia porrigit in cultum, nec ad superiora etiam summos admittit?

#### LXX XI.

At quàm impium sit, ita venerari Pontificem Romanum, *Præcepti nostri docet indoles*, in quo tam severè Deus prohibet, nè alius præter ipsum vel coram ipso colatur, in quo cultum omnem religiosum indivisibiliter sibi debitum appropriat, in quo idololatriæ damnat omnem cultum non vero Deo exhibitum; *Ipsè Paulus* notam Antichristi ponit, efferre se adversus omnem, qui dicitur Deus, vel ut Numen sedere in Templo Dei, & in illo se ostentare ut Deum, 2. *Theß.* 2. *Recta* denique *ratio*, quæ ultra esse humanum nihil deprehendit in Pontifice, animadvertit scelerum tubera, Insaniæ damnat hanc prodigiosam cultus speciem; ridet & exhibilat.

#### LXXX II.

Quanquam autem *primò* intolerabilem hunc fastum amoliri nitantur Pontificii Scriptores, & remove velint ab illorum Præfide, humilitatem deprædicare soleant illius, utpote qui gloriètur, se Dei servum esse, merum tamen est spectrum & glaucoma, quod simplicioribus imponere potest, nunquam cordatis. *Mysterium enim* evolvit Alexander à Turre, *Canonicus Lateranensis Radis* 24. scribens: Nec affirmare dubitem, inquit ille, celsissimam Pontificum Majestatem ita latè patere, ut Pontifex qui tam electo ac prædilecto regno præest, Deus ac Dominus jure dicatur in terris. Quocirca aptè ajunt Factum Papæ Dei factum censerì; & idem censendum esse Dei & Pontificis Consistorium, à quo non possumus appellationis diffugio recedere. Ad exprimendam igitur subtilissimam tanti Pontificis præstantiam, multa variaque adinventata sunt nomi-

na,

na, ut illud decus, quod unâ vocabuli significatione exprimi neutiquam potest, pluribus in unum coacervatis, aliqua ex parte depromatur. Propterea qui vices vivi Dei gerit in Ecclesia, non solum Reverendissimi, cæteroqui Beatissimi atque Sanctissimi decoratur titulis, sed etiam nuncupatur Archiepiscopus, Princeps Apostolicus, Summus Sacerdos, Princeps sacerdotum, Pater patrum, Episcopus Episcoporum & culmen eorum, Militantis Ecclesiæ ovium & agnorum Pastor, Romanus antistes & præsul, Christi vicarius, Successor Petri, Mundi arbiter, Dominus & Magister omnium perillustrium dignitatum, Fons & origo, à quâ tam Regiæ quàm Imperatoriæ profluunt dignitates, nec Deus nec homo, sed admirabile quoddam inter utrumque Numen. Verumenimverò Pontifices illi, qui crebrò sese in vita Domini ceu in lucidissimo speculo inspiciebant & explorabant, licet in sublimi degerent honorum culmine, nihil omnino sibi tribuentes, ad cultum solum ac famulatum Christi ovibus impendendum se natos arbitrati, tot tantisque posthabitis dignitatis encomiis, cunctorum servorum Dei servos se dixerunt, ac humillimo ejusmodi titulo perenni cum laude seipso condecorarunt. Hinc nobile ortum est distichon,

*Servierant tibi Roma olim Domini Dominorum,*

*Servorum servi nunc tibi sunt Domini.*

### LXXXIII.

Rectè itaque Trevirensis Archiepiscopus, & alii Germaniæ Præfules, cum ipso apud Aventinum: Tu pontificis quidem personam præ te fers, at tyrannidem agitas; sub habitu & cultu pastoris lupum sentimus: Titulus parentem mentitur, tute factis Jovem ostentas; cum sis servus servorum, Dominus Dominorum esse contendis; juxta disciplinam Christi Servatoris nostri infimus es omnium Ministrorum Templi Dei; tu verò libidine dominandi in principem abis; quicquid tibi libet, licet, fucus factus es Christianis.

### LXXXIV.

*Secundò dicant, Pontificem non sedere in Templo Hierosolymitano, utpote quod Dei Templum phrasi Scripturæ; tamen & hoc inter figmenta deputandum. nam primò phrasis Scripturæ docet Ecclesiam dici Templum Dei, 1. Cor. 3. v. 9. & 10. 2. Cor. 6. v. 16. Ephes. 2. v. 10. Apoc 11. v. 19. Docet secundò Experientia,*



Templum Hierosolymitanum esse destructum, Ecce, inquit ipse Deus, relinquetur vobis domus vestra deserta, *Matth. 23. v. 38.* adde *Daniel. 9.* Docet *tertio* Consensus Patrum. Augustinus *lib. 20. de Civitate Dei cap. 19.* Hieronymus *quest. 11. ad Algasiam.* Chrysostomus *in locum 2. Thes. 2.* Theodoretus, Ambrosius, Theophylactus, Oecumenius, imò ex Pontificiis ipse Cajetanus; & quid quæso Templum Dei, nisi Sedes sacra? ut quidem vocatur Roma, in qua Pontifex sedet, regnatque.

## LXXXV.

*Tertio* quamvis reponat, Papam non se efferre supra omnem Deum aut Numen, nec se ostentare in Ecclesia ut Deum; hoc enim esse ex professo & palam se opponere Christo, adeoque ipsi Deo; at Pontificem sese vocare Vicarium Christi, agnoscere suam subordinationem ad illum; non tamen sincerè agunt; nam *primò*, quis credat, hoc fuisse intentum à Scriptore divino? talis quippe debet esse elatio, talis ostentatio, quæ cum mysterio consistere potest, quæ coadmittit sessionem sive Imperium in Ecclesiam. *Secundò* non tantum dicitur, AntiChristum sese elaturum supra Deum, sed & πᾶν σέβασμα, augustam Majestatem, Religionem & sacra; quis verò est, qui ignoret, Pontificem se extollere super Imperatorem, Religionem habere & omnia jura divina in serinio pectoris sui, Sanctos canonizare, & Deum Mazzini prostituere colendum? *Tertio* vox ὑπεραίρειν non notat, nullum juxta se pati Deum, sed superbire, & consequenter se efferre supra Deum, quo quidem sensu usurpatur de Adonia, *1. Reg. 1. v. 5.* Annon autem Pontifex adversus Deum superbit, eidem obstreperit, potestati illius sese subducit, & non tam dicitur AntiChristus & ἀντικείμενον ex aperta oppositione, quàm prætensâ subordinatione? nec malè non nemo: Quod ἀντικείμενον possit complecti, cum significatione hostilitatis, significatum Vicariatus & substitutionis, cujus prætextu hostilitas illa exerceatur, non negabit quicunque non solum apud Aristotelem, sed etiam apud Suidam legerit, πᾶντικείμενον περὶ αὐτῶν ἀντικείμενον; ἢ γὰρ ὡς κατὰ φασιν καὶ ἀπὸ φασιν; ἢ ὡς τὰ ἐναντία; ἢ ὡς ἐξ ἑστῆς καὶ στήθεος; ἢ ὡς τὰ πρὸς π. Nihil usitatius apud Græcos Scriptores, quàm illud ἀντὶ in compositione, comparisonem, substitutionem & vicariatum denotare. Talia ἀντίβιον, ἀντίζυγα, ἀντίθετον, ἀντίπρῶτον, ἀντιπρόφον, ἀντιπάλαντον, ἀντιπῶδες.

δελφῶ, ἀντιμισθῶτες, ἀντιμῖα, ἀντισπρατηγός, de quibus Hesychius: Sic ἀντιψυχῶ dicitur mortem pro altero obiturus, ut Alcestes pro Admeto, Damon pro Pythia; & ἀντίδηνῶ Luciano is est, qui in absentis convivæ locum vel ab ipso mittitur, vel à convivatore tanquam vicarius subrogatur. De primo suffecerit fere annotasse, quod Grotius habet ad *Matth. 11. vers. 22.* super illud ὅτι Ἀρχιέλεῶ βασιλεύει ἀντὶ Ηρώδου ὃ πατὴρ αὐτῶν; Ἀντί, fuerit in Hebræo ἦν, ut nunc in Syro, quæ vocula interdum delegationem, hic verò aliisque in locis successionem indicat. Sic *Matth. 5. v. 38.* ὁφθαλμοὶ ἀντὶ ὁφθαλμοῦ, ὁδὸς ἀντὶ ὁδοῦ; *Luc. 11. v. 11.* ὁφθαλμοὶ ἀντὶ ὁφθαλμοῦ; *Marc. 10. v. 45.* venit filius hominis δῶναι τὴν ψυχὴν αὐτῶν ὑπὲρ πάντων; *1. Cor. 11. v. 15.* ἡ κόμη ἀντὶ τῆς βολῆς δέδοται αὐτῇ; *Hebr. 12. v. 16.* Esau ἀντὶ βρώσις μῖς ἀπέδοτο τὰ πρωτόκκια αὐτῶν; in quibus omnibus substitutio est agnoscenda, non hostilitas vel contrarietas. Secundum multis exemplis potest comprobari. Ipse Grotius ad *Matth. 16. vers. 26.* observat ἀντίπαγμα, idem esse quod ἐξίλασμα aut λύτρον, τὸ ἀντίχρεον, quod forte *Matth. 6. v. 24.* hostilitatem aliquam infert, nihil tale connotat *1. Thess. 5. v. 14.* ἀντιχρεὶ τῶν ἀδυνάτων, sublevate infirmos, ut nec *Tit. 1. v. 9.* Sic ἀντιλαμβάνεσθαι & ἀντίληψις *Αἰθ. 20. v. 35.* *1. Tim. 6. v. 2.* *1. Corinth. 12. v. 28.* Sic ἀνθυπάτοι, Proconsules dicuntur *Αἰθ. 19. v. 38.* Sic ἀντιμῖα, *2. Corinth. 6. v. 13.* ἀντίλυτρον, *1. Tim. 11. v. 6.* ἀντίτυπα, *Hebr. 9. v. 24.* *1. Pet. 3. v. 21.* Ipse Grotius ad *Luc. 11. v. 38.* ἀντιμολογῶν, idem est quod ἐξομολογῶν. Ita LXX. Seniores dixerunt ἀντίγραφον rescriptum, *Hesth. 3. v. 14. cap. 4. v. 7.* pro duplo sive Copia scripti; & ἀντιπροσώπων, *Exod. 26. v. 5.* se invicem respicientes: eodem sensu ἀντιπροσώπων dixerant *Gen. 15. v. 10.* ubi manifesta est relationis oppositio, & eadem vox ἑταῖρος, quam ἀντιμῖα reddunt *Esaia 51. v. 19*; Sic & ἀντιστήριγμα posuerunt pro fulcro & sustentaculo, *2. Reg. 22. v. 19. Psalm. 17. v. 21.*

## LXX XVI.

Transimus ad cultum non Entium, omnium quotquot sunt in Orbe, quem recitasse est refutasse. Ita autem Gabriel Vasquez, *Tom. primo in tertiam partem Thomæ Quæst. 25. cap. 2. diff. ex pag. mihi 1072.* Perspecta bene doctrina à nobis tradita disputatione 108. & 109. non solum imago depicta, & res sacra autoritate publica in

cultum Dei exposita, sed quævis etiam alia res mundi, sive inanimata, & irrationalis, sive rationalis, ex natura rei, & secluso periculo rite cum Deo, sicut imago ipsius, adorari potest. Hanc opinionem tradit Cajetanus 2. 2. quæstione 103. articulo tertio ad quartum dubium, eaque facili ratione confirmari potest. Primum autem in hoc capite de rebus inanimis, & irrationalibus, sequentibus verò de homine, & creatura rationali dicendum est. De inanimis ergò rebus disertis verbis id docuit Leontius in illo quinto dialogo contra Judæos, qui refertur in septima Synodo actione 4. ubi cum Judæus dixisset, præceptum esse in scriptura, nullam creaturam coli, & honorari, Christianus probavit ex ipsa Scriptura terram, & montes adorari posse, ex illo Psalmi 98. Adorate scabellum pedum ejus, quod *Esaie cap. 66.* terra esse dicitur, & ex illo ejusdem Psalmi, Adorate in monte sancto ejus, cui respondet Judæus his verbis: Sed tamen non ut Deos sed per illa eum, qui hæc fecit, adores. Quod responsum approbans Christianus, sic ait: Fidelis sermo: quamobrem scias & tu, quod & ego per cælum, terram, mare, ligna, lapides, reliquias, templa, crucem, angelos, homines, per omnem denique creaturam visibilem, & invisibilem, omnium auctori Domino, & factori solis adorationem, & cultum exhibeam. Non enim per se creatura autorem adorat; sed per me cœli enarrant gloriam Dei; per me Deum adorat Luna; per me Deum glorificant astra. Subdit deinde. Sicut Rege aliquo bonam coronam, pulchram, & speciosam suis manibus contexente, omnes, qui bene erga Regem affecti sunt, eam amplectuntur, & coronam venerantur, non sanè aurum, aut margaritas venerantes, sed verticem Regis, & doctas illas manus, quæ coronam fecerunt: ita ô homo, Christianorum populus quascunque crucis, & imaginum figuras amplectuntur, non ipsis lignis, aut lapidibus vel auro, aut corruptibili imagini, aut capsulæ, aut reliquiis cultum præstant, verum per hæc Deo omnium factori gloriam, venerationem, & cultum exhibent. Hætenus Leontius, cujus verba adeò perspicua sunt, ut explicatione pro hac nostra sententia non egeant. Obiter quoque observandum est id, quod *diff. 108. cap. 5.* ex eodem Leontio notavimus; nempe imagines venerandas esse, instar aliarum rerum insensibilium, ita ut tota mentis intentio in exemplar, non in imaginem feratur, siquidem

quidem Leontius asserit, dum imagines amplectuntur Christiani, eos, non ipsis, sed Deo cultum deferre: intelligit sane affectum servitutis interiorem; nam exteriorem cultum, qui in amplexu, vel alio signo consistit, imagini etiam concedit, ut ex verbis citatis manifestum est. Cum verò idem Leontius in eodem dialogo circa finem contra Judæum ait in hæc verba: Cum igitur Christianos crucem adorare conspexeris, scito quia crucifixo Christo honos impenditur; tantum abest, ut lignum colant. Nam si ligni naturam adorarent, profectò omnes sylvas, & arbores adorando venerarentur: intelligendus est de adoratione in spiritu, & affectu servitutis, quo in ipso ligno numen constitueretur. Nam de ea adoratione, quæ exhibetur corporaliter in signo, id non negaret, cum per lapides, & alias inanimas creaturas jam antea planè concessisset, Deum posse à nobis adorari. Quem sensum sequentia verba manifestè indicant, Quemadmodum (inquit ad Judæum) tu Israel aliquando hæc (scilicet ligna) adorasti, ligno & arbori dicens, Tu mihi es Deus, tu me produxisti. adde sequentia, quæ ibi leguntur.

## LXXXVII.

Diximus hæc recitasse esse refutasse; quanti enim testimonium Leontii in tam gravi causa, in tam religioso negotio? quanti argumentum de imagine picta & veste reipsa separata à Rege? quorum prius nunquam adorabile esse admittimus, posterius verò coli negamus; quanti repræsentatio, contactus realis, pars totius, opus Dei? si *primum* enim fulcit adorationem, omnes picturæ, repræsentantes aliquid sacri, erunt adorandæ; si *alterum*, Asinus, quem Christus dignatus est contactu reali, & terra, quam pedibus pressit, erit religiosè adoranda, colenda; si *tertium*, etiam viventium sanctorum partes prostitutæ erunt ad venerationem; si *quartum*, nullus gentilius unquam peccavit, adorando creaturas, & malè contra ipsos conclusit Philo, Sap. 13. vers. 1, 2, 3, 4, 5, 6, 7, 8. frustra reos egit Paulus, Rom. 1. v. 22, 23, 24, 25. Ubi verò Jacob, erigendo Lapidem in titulum, per illum & in illo Deum adoravit, promantur Tabulæ, ostendatur Testimonium; si Terram aliquis adorare & pronus quivis fidelis inclinare potest se ad illam, quid mali fecerint Gentiles Terram, Veteres Germani Herdam venerantes? Num verò juramenta per creaturas probanda, quæ frequentantur in Papatu?

tu? num non dicit Latriam, quæ soli Deo convenit? num Christus prohibendo, nè juretur per cælum & terram, abusum tantum taxat, & non usum ipsum improbat? Num denique manipulus straminis, tanquam imago Trinitatis, colendus religiosè, quod prodigiosè Vasquezius concedit? quicquid verò sit de propositione, nihilominus sequitur adorabiles esse omnes creaturas, nec peccare illum ex hac sententiâ, si adoret quicquid obvium, sive Homo, sive Asinus, sive Lapis, & si creaturæ omnes sunt adorabiles, deberent etiam proponi, ut debitus cultus ipsis exhiberetur. Ponamus enim, Numen esse adorabile ex Majestate, quâ gaudet, etiam populus invitandus erit ad cultum, qui illi debetur; ita adorabilitatis fundamento in quavis re posito vel admissio, qui non etiam monendus erit populus, ut actum exhibeat religiosum illi, cui debetur, vel si periculum aliquod imminet ex illa propositione omnium creaturarum ad cultum religiosum, cur defenditur, ut ex quo periculum indecentiæ & superstitionis? quod aut per se sequitur ad propositionem, aut per accidens, si per se, habetur intentum, si per accidens, non esset attendendum, quia etiam ad propositionem veri Numinis quandoque per accidens sequitur periculum superstitionis, erroneus conceptus, cultus incompetens.

## LXXXVIII.

Nec prætereunda species Cultus non Entium, Divorum Chimericorum, qui nunquam fuerunt in rerum natura, aut quos fuisse nulla saltem fide historica, ne quidem vulgari humana constat. Introducta est Ursula cum suo femineo comitatu undecies mille Virginum; cujus res gestæ conjiciuntur in annum Christi 238. Sed isti mythologiæ rectè opponitur; 1. Quod Scriptores & Historici istius temporis, imò & sequentium aliquot sæculorum, Politici, Ecclesiastici, universales, particulares, &c. nominatim Eusebius, Socrates, Sozomenus, Evagrius, Theodoretus, Sulpitius Severus, Paulus Orosius, Cassiodorus, &c. nihil tale referant: cum tamen rem tantam illi omnes, aut plerique eorum, si vera foret, ignorare non potuissent; neque causa dici possit, cur eam reticuisserint; Primi autem ejus meminisse dicantur Wandelbertus Prumiensis, anno 1000. & anonymus Scriptor vitæ Cuniberti Episcopi Colonienfis: sed valde generatim & indefinitè. Insufficiëntia Testium: sunt epim a-  
liqui



liqui notoriè mendaces ; ac proindè intestabiles ; neque ab ipsis Adversariis admittuntur. Ità Legendam auream ipsorum nonnulli ferream appellant, ejusque Auctorem plumbei cordis & ferrei oris, &c. Qui primi indefinitè talis cujusdam rei gestæ meminerunt, valdè remoti fuerunt ab illo tempore ; longius autem, qui mythologiam descripserunt, neque inter se consentiunt, nec sibi ipsis fidunt. Testimonia, judicia, & argumenta contraria quorundam adversariorum. Quòd historia nullo modo cum tempore conciliari possit ; ac proindè alia illi tempora à posterioribus assignentur ex ingenio : neque cum circumstantiis locorum, urbium, regionum, nationum, regnorum ; undè etiam alii aliam deinde topographiam commenti sunt ; neque cum descriptione rerum, personarum, factorum, &c. Vana igitur est fiducia & gloriatio, tum aliorum, tum nominatim Colonienſium, in Reliquiis istarum Virginum, in earum Patronatû ac tutelâ, atque universo cultû. Ejusdem farinae est fabula *Trium Regum*, eorumque cultus in Papatu ; atque item Catharinæ, Christophori, Georgii, Longini, Martialis, Petronellæ, Veronicæ, Margaretæ, Hippolyti, Septem dormientium, &c. Affinis existit invocatio Rerum quarundam inanimatarum, ac si ratione, sanctitate, beatitudine, & facultate hominibus succurrendi, gauderent ; utpotè *Ave sanctum chrisina* ; *Sanctum sudarium ora pro nobis* ; *Sanctissima Dei mappa ora pro nobis* &c. Adde Sanctos non sanctos ; sed hæreticos, aut idololatrias, aut improbos, aut fatuos, &c. itemque ex sanctos, ex Sanctorum catalogo, in quo prius comparuerunt, & honorati fuerunt, postea expunctos.

## LXXXIX.

Non tantùm verò viget Idololatria in Papatu, sed etiam apud illos, qui sincero cultu Deo soli adhærere volunt, talia deprehenduntur, quæ eos planè non immunes ab hoc peccato esse arguunt. Filios seculi tantùm producemus in Theatrum, quibus Deus collateralis placet, & eo ipso nullus est Deus: noti sunt versiculi Baptistæ Mantuani, de triplici Idolo,

*Ambitiosus Honos, & Opæ, & fœda Voluptas,*

*Hæc tria pro trino Numine Mundus habet.*

Quot enim quæso sunt in hoc Orbe, quibus Gloria Numen? qui rei  
*Pars Specialis* *F f* *seipſos*

seipfos deificant, nimium de se ipsis præsumunt, tanquam Deaster quispiam in se ipsos radios Luminum vibrant, reflectunt, vel, qui ab aliis suspici volunt & coli, ut Numen, vel denique, qui talem honorem, Deo injuriosum, hominibus deferunt? *Primi generis* exempla videmus in Alexandro M., qui maluit natalium veritatem ab negare, quàm Divinitatis Majestate carere. Cajo Caligula, monstro hominis, qui Deorum simulabat vultus, vestibus utebatur, Tempia sibi faciebat propria. *Secundi generis* sunt illa gloriæ Animalia, qui cum Jasone esurire malunt, quam non imperare, cum Absolone favores aucupantur, & corda hominum furantur, cum Domitiano Deos se pronunciant haberique volunt, parasito aliquo ad imperium illorum accinente: Edictum Domini Deique mei. *Tertii* denique *generis* sunt illi, qui aulas sectantur, Jus canonicum profitentur & Papam evehunt, sputa lingunt patronorum, quos passim sibi deligunt.

## X C.

Non malè de his D. Gejerus, ad *Psalum* 49. v. 12. Prædicant Nomina sua per terras, ita Piscator: vel secundum Belgas: Sie ruffen auß jhre Nahmen. Lutherus: und haben grosse Ehre auff Erden: olim: und wird (jhre Wohnung) wohl nach jhren Namen genennet werden auff Erden. Hieronymus & Vatablus: vocaverunt nominibus suis terras suas, v. g. Alexander Alexandriam, Antiochus Antiochiam, Seleucus Seleuciam: sic Absalom monumentum suum vocabat nomine suo in defectu filiorum, 2. Sam. 18. v. 18. ita urbs Hanoth Genes. 4. v. 17. confer Num. 32. v. 38. ubi de filiis Ruben dicitur, quod יקראו בשמותי nomini- bus suis appellaverunt nomina urbium, à se ædificatarum: ita & Bertram luc. Franc. pag. 8. Bochar. phaleg. f. 281. Sed si intueamur constructionem verbi יקראו vocavit, cum nomine וי intercedente (ו) præfixo, deprehendimus, eandem vel (1.) reddi debere: vocare aliquem suo nomine genuinò, v. gr. Jes. 43. v. 1. vocavi te nomine tuo, meus es tu, &c. sic cap. 45. v. 3. 4. &c. vel (2.) celebrare alicujus nomen, illud palàm apud alios decantare, prædicare, v. g. 1. Par 16. v. 8. laudate Dominum, יקראו בשמו prædicare nomen ejus, nota facite ejus opera: sic Psal. 105. v. 1. Jes. 21. v. 4.

12. v. 4. item Jerem. 10. v. 25. gentes, quæ בְּשֵׁם יְהוָה קָרְאוּ nomen tuum non celebrant: vel (3.) nomen alicujus invocare, ut Zachar. 13. v. 9. Jes. 65. v. 1. &c. Quapropter ad nostrum textum mediam accommodamus significationem, ut sensus sit: intima eorum vota ac consilia sunt, ut vocent vel deprædicent aut celebrent (alii, i. e. impersonaliter, ut *vocentur*, quomodo Gen. 16. v. 14. dicitur: אֲרֵץ vocatur puteus iste: confer Psalm. 31. v. 5. Ps. 42. v. 4.) nomina ipsorum super terram, h. e. ut fiant celebres, in ore omnium versantes: quod ipsum expressit etiam Lutherus: und haben grosse Ehre. item Mollerus: vocentur nominibus suis אֲדָמוֹר super terris: pluralis indicat insatiabilem ambitionis appetitum, quod non contenti sint ejusmodi mundani in unâ aliqua regione volitare per ora virorum, sed expetant idipsum per tefras plures aut universas. Licet enim multoties in singulari occurrat אֲדָמוֹר, nullibi tamen deprehendes pluralem, præterquam h. l.

## XCI.

Nec tantum inveniuntur, qui honores sitiunt, sed etiam opes & auri sacra fame laborant, Mammoni serviunt Deo derelicto, putant aurum robur suum, & obryzo dicunt fiducia mea, ex Jobi cap. 31. v. 24. qualem describit Plautus: Nunc ibo ut visam, sit ne ita aurum, ut condidi. Et mox Anus Staphyla

— Ita miseram me ac hunc in modum

Decies die uno saepe extrudit adibus!

Nescio pol! quæ illum hunc hominem intemperia tenent:

Pervigilat noctes totas, tum autem interdiu

Qualis claudus Sutor domi sedet totos dies.

Sic Chrysostomus, in h. l. ubi illo quoque argumento demonstrat, avarum idololatram pejorem esse, quia, qui idola adorant, honori habent, quæ adorant, si quis contradixerit, pro virili tuentur. At avarus non potest defendere avaritiam, imò ipse sæpe taxat, & eos, qui illam colunt, in universum omnes improbat.

## XCII.

Rectè Prosper lib. 1. de vita contemplativa cap. 13, si quis militat Deo, fugiendæ sunt ex toto Corde divitiæ, quas qui habent sine

labore non quærunt, sine difficultate non inveniunt, sine cura non servant, sine noxia delectatione non possident, sine dolore non perdunt.

## XCIII.

Tandem fœda voluptas passim regnat, Venter Deus est quamplurimis, de quibus *Philip. 3. v. 19.*

## XCIV.

Graviter Chrysostomus de hisce: Erant quidam simulantés Christianismum, remissè tamen & delicatè viventes: hoc autem contrarium erat cruci. Quapropter ista dixit. Crux enim animi est ad aciem instructi & mortificati, nihilque remissi quærentis: illa verò contraria sunt conversationi. Itaque etsi dicant, se Christi esse, sunt tamen inimici crucis. Nam aliqui si crucem dilexissent, vitam studuissent vivere crucifixam, id est, ut Theophylactus addit, amarulentam. Theodoretus eos crucis inimicos vocavit, ut qui docerent, quòd sine legali vitæ institutione non posset quisquam salutem consequi. Huc referenda *Ἀνιστολὰς* & *Magia*.

## CAPUT III.

## De

## VIRTUTIBUS PRÆCEPTIS.

## THESIS I.

**R**emovimus illa, quæ adversantur primo huic Effato: Hinc illa veniunt spectanda, quæ imperantur; quorum primum *Fides*, quam Paulus describit, quod sit *πίστις ἐλπιζομένων, ὡς αἱσι πραγμάτων, ἡλεγχῶν ἡ βλεπόμενων*. *Sperandarum substantia rerum, argumentum non conspectarum Ebr. 11. v. 1.* quæ verba ita exponit B. Avus in *Epistolam ad Ebraeos commentario p. 635*. Fides est certissima fiducia, quod promissa cœlestia bona simus consecuturi, quæ in spe expectamus: quin etiam fides ad corporalia beneficia, à Deo promissa, sese extendit: & certo statuit fides, de rebus etiam nondum apparentibus, quasi ea jam in manu haberet. Quare non habet locum apud Christianos dictum illud Comici: *Manus meæ oculatæ*

culatæ sunt, credunt, quod vident. Beati, (inquit Christus) qui credunt, & non vident, *Johan. 20.* Prorsus autem explodenda est Pontificiorum sententia, qui jubent nos dubitare, an simus in gratia apud Deum: & an in ea simus ad finem usque perseveraturi, & salutem æternam consecuturi. Quantum enim accedit dubitationi, tantum decedit fidei.

## II.

Constat hæc Virtus Theologica primò *Notitiâ*, vocabulo laxius accepto, in quantum non notat præcisè scientificam aliquam *γνώσις*, quâ quidem ratione Aristoteles *lib. 1. posterior. analyticorum* accepit, sed qualemcumque & undecumque hauritam, quæ sæpius in τῷ ὄν acquiescit, nec ad causam proximam & immediatam penetrat. Hanc partem fidei stabilit Paulus, cùm dicit, *πιστι τοῦ θεοῦ, fide intelligimus, constructa esse secula. Ebr. 11. vers. 2.* stabilit ipsa origo illius, quæ ex verbo revelato, cui illa respondet in genere *Notitiæ*; *Quomodo enim invocabunt eum, in quem non credunt? quomodo autem audiant absque predicante,* inquit Paulus *Rom. 10. vers. 14.* Denique ipsa etiam aliorum hic hærentium hypothesi; statuunt enim esse *Affensum*: at verò *Affensus* sensum mentis præsupponit, notitiam prærequirit illius, cui *affensus* exhibendus, Lumen exigit spirituale, quod tenebras aliquatenus discutiat, quibus per naturam sumus impediti. Secundo constat illa *Affensu*; hanc partem respicit Johannes, dicens: *Non credens Deo mendacem facit eum, 1. Epistola cap. 5. v. 10.* Confirmat origo fidei. Est enim illa ex Verbo divino, quod firmo *Affensu* amplectendum, *Excepi- stis,* inquit Paulus, *Sermonem meum, non ut sermonem hominum; sed, sicut verè est, ut Dei sermonem, qui etiam agit in vobis, qui creditis, 1. Thess. 2. v. 13.* Tandem ipsa etiam Adversariorum confessio, qui vel in solo *affensu* fidei naturam volunt esse sitam. Videatur Bellarminus, & illi qui eundem sequuntur. Tertiò *Fiduciâ*. Hanc intimat *Esaïas cap. 26. vers. 4.* dicens: *confidite in Domino, usque in perpetuum, quia in Domino petra seculorum.* Hanc ipsa Origo fidei indicat, est enim illa ex verbo divino, ex veritate revelata, ex promissione cœlesti, quapropter eidem inhæret fixa. *In promissionem Dei non disceptavit diffidentia Abrahamus, sed confortatus est fide, dans gloriam Deo & sciens plenissimè, quod quia promissit potens est & facere*



testatur, *Paulus Rom. 4. v. 20. 21.* Denique ipsorum Dissidentium adstipulatio, qui si quando extra æstum loquuntur, veritati se submitunt. Sane Bellarminus *lib. 1. de justificatione, Cap. 11.* Illud Jacobi, postulate in fide, nihil hæsitans exponit, ut excludat dubitationem, ut contrariam &c. ita admittit, ut nostræ sententiæ accedat, & illam asserat scribendo: Jacobum loqui de fide, quæ gignit fiduciam, ac per hoc non tantum incredulitatem, sed & diffidentiam excludere.

## III.

Postremam hanc partem fidei, quæ quasi anima illius, egregiè sistit Cyprianus *lib. 2. ep. 6.* dum scribit: Christus dat credentibus tantum, quantum se credit capere, qui sumit. Augustinus tract. 29. in Johan. Credere in Christum, est credendo amare, credendo diligere, credendo in illum ire & membrum ejus effici. Idem serm. 7. de verbis Domini: Interrogo nunc, credisne ô peccator Christo? dicis, credo. Quid credis? gratis universa peccata tibi per ipsum posse remitti? habes, quod credidisti. Theophylactus com. in *Marc. 11.* Qui magnâ affectione credit, cor suum omnino extendit ad Deum, & ut ipsius Davidis verbis utar, effundit animam suam coram DEO: quia extendit cor suum ad Deum, unitur illi & fervefactum cor ejus magnam certitudinem sumit, quod votâ compos fiat, id quod experti sciunt omnes.

## IV.

Cum hac virtute & contra primum hoc præceptum, primò pugnat, si consideres requisitam Notitiam, *Ignorantia*, quæ vel dicit simplicem absentiam *γνώσις*, & defectum fidei, quo omnes homines per naturam laborant, & ut, si Adamus perstitisset in statu integritatis, de Lumine concreto participassent, ita labente illo & nobis in eo, destituimur Luce, ignorantia laboramus, imò caligine circumfundimur, ita ut oculos noster sive mens nostra sit, ut oculus Nycti-  
coracis ad Solem intuendum, si Dens & divina proponantur, de quo A. C. & libri Symbolici; vel dicit etiam voluntatis vitium, aliquid affectati, quo laborant maximè adultiores vel in Gentilismo, vel etiam quandoque hi vel illi in Christianismo, experientia teste. Ipsi quidem scire possent Nobile verum, vel successivè pertingere ad gremium Ecclesiæ, cui concredita *ἀγάπη τοῦ Θεοῦ*, vel attendere ad  
Lychnum

Lychnum Verbi, præ oculis illorum, expositionem Scripturæ, quam exhibent Doctores, sed faciem nauseabundi avertunt.

## V.

Huc referimus *Fidem Implicitam* in Papatu, quæ nihil aliud quàm ignorantia, ut etiam censeant fidem melius per ignorantiam, quam per notitiam definiri, ut constat ex Bellarmino *lib. 1. de justificatione cap. 7.* de qua ratione Formæ hæc habemus: Maxima pars fidelium; vel propter ætatem puerilem, vel propter sexum muliebre, vel propter ingenii hebetudinem, vel propter imperitiam literarum & scientiarum, quales sunt penè omnes rustici, non solum non intelligunt mysteria Trinitatis, & Incarnationis, & similia necessaria ad salutem, sed vix quicquam animo concipiunt, præter sonum verborum; & tamen inter fideles meritò numerantur, cum fatentur se credere, Deum esse Patrem, & Filium, & Spiritum sanctum, juxta sensum Ecclesiæ. Ratione Objecti, Stapletonus quidem docet, non versari illam circa Mysteria Redemptoris Christi, ejusque in nos beneficia, sed tantum circa subtiles quasdam considerationes Mysteriorum Christi, aut quædam eorum antecedentia & consequentia, quæ salva fidei compage diversè à diversis intelligi & explicari possunt, verum subdolè; nam *primò* Patrem esse majorem prioremve Filio, vel Personas Trinitatis distare localiter cadunt in implicitam fidem, num verò hæc sunt subtiles considerationes, aut quædam antecedentia vel consequentia, quæ salva fidei compage diversè à diversis possunt intelligi? Si vetula, inquit Angelus de Clavasio, credat Trinitatem esse unam feminam, & quia Ecclesiam credit sic tenere, credat, non est hæretica, quia conditionaliter credit, si Ecclesia sic tenet & credit, peccatque in hoc puncto tantum venialiter. Num autem Trinitatem esse feminam nec ne, est subtilis tantum consideratio Mysterii? *Secundò* si hæc esset implicita Fides pontificiis, quæ occupata tantum circa subtiles quasdam considerationes Mysteriorum Christi aut quædam eorum antecedentia & consequentia, quæ salva compage diversè à diversis intelligi & explicari possent, omnes etiam Seraphici & Cherubici Doctores in papatu plus non haberent in pectore, quàm fidem implicitam, circa quam plurima, quæ in Papatu sunt controversa; Nam quis nescit circa illas subtiles considerationes illos occupari, & Cad-

maos

maiores fratres per mutua vulnera sese in illis conficere. Imò nullus hominum Christianorum est, nullus Theologus cujuscunque conditionis, qui non hac ratione in ordinem Laicorum referendus, & implicitæ fidei arguendus. Longè aliter Hosius *contra Brentium* fidem implicitam exposuit, Carbonarium producendo, qui Virò docto respondit, se credere quod Ecclesia credit; & instanti, quid ergò crederet Ecclesia, respondit, id quod Ego. Tertiò si Fides implicita esset tantum circa subtiles quasdam considerationes, cur itaque illam faciunt propriam Laicis & Clericis inferioribus? qui propter ignorantiam vel hebetudinem ingenii, vel sumptuum & mediocritatem defectum, etiam ad mediocrem non possunt pertingere rerum divinarum Notitiam, & propterea debent credere, quod pastor suggerit, citra discrimen excipere, quod ille proponit, atque ita oscitante ipso quoque oscitare, & cæcum vel Lumen luscum bruto animo & pede simplici insequi. Ratione denique Effectus hæc fides implicita, quæ fidelis credit, quicquid Ecclesia credit, secundum ipsos est utilissima fidei. Nam si fuerit in corde, defendit ab omni hæretica pravitate, ut dicit Occam in *tractatu de sacramentis* & post eum Gerson. Non enim aliquatenus hæreticari valet, qui corde credit, quicquid Ecclesia catholica credit, id est qui credit illud: quicquid ecclesia credit est verum, quoniam talis nunquam pertinaciter alicui errori contrario fidei adhæret. Nam etsi erroneum aliquid credit, postquam illi ostenditur, contrarium hujus credere ecclesiam, continuo corrigit errorem; non enim stant simul credere illud: Verum est quicquid ecclesia credit, & non credere aliquod, quod Ecclesia credit apprehensum, ut tale. Hoc est uno verbo, quod eos tanquam Circes poculum dementat, & homines in bruta transformat, quod agnoscit Thomas egregiè, *secunda secunda Quæst. 2. & 6.* Mysterium exponens & scribens, minores qui significantur per asinos incredulos, debent adhærere majoribus, qui per boves significantur, nihilo sapientioribus quàm asini.

## VI.

Uti autem Ignorantia dividitur ratione Subjecti & Gradus, in simplicem & cum malitia voluntatis junctam, sic quoque ratione objecti dividitur in illam, quæ est juris & facti. Loquimur autem de ignorantia vincibili. Utraque opponitur fidei, & adversatur huic præ-

præcepto. *Facti* quidem, cum quis ignorat, se in hoc vel illo delinquere, agere contra Deum ejusque voluntatem, scire verò potuisset factum hoc esse adversum divino præcepto, modò attendisset, omnia expendisset, media prærequisita debitè fatigasset. *Juris* verò, cum quis ignorat aut ignorantiam prætendit Legis divinæ vel insitæ vel præscriptæ, cum tamen conscientia foribus excutiendo potuisset deprehendere, hoc vel illud esse fœdum dictum vel factum adversum Deo, inimicum principiis insitis, vel ad verbum revelatum respiciendo, facile agnovisset, quid eidem conforme vel disforme.

## VII.

Non tantum autem fidei, quoad notitiam consideratæ, opponitur *Ignorantia*, sed etiam specialius *Schisma*. Videtur quidem illud magis repugnare charitati, quàm veritati, cum ipse Augustinus *libro de fide. & Symbolo cap. 10.* scribat: Hæretici de Deo falsa sentiendo ipsam fidem violant. Schismatici autem dissensionibus iniquis à fraternâ charitate potiùs dissiliunt, quam ea credant, quæ nos credimus. Quapropter nec hæreticus pertinet ad Catholicam Ecclesiam, quæ diligit Deum, nec schismaticus, quoniam diligit proximum, & idè peccatis proximi facile ignoscit, quæ sibi novit ignosci ab eo, qui reconciliavit nos sibi. Negari tamen nequit, esse etiam genus quoddam Ignorantiæ, & proinde oppositum notitiæ fidei, quamvis enim schismaticus Doctrinam Christianam, quantum ad fundamentalia, relinquat integram, errat tamen in dogmate aliquo circa fundamentum, quod vel fidem remotius attingit, vel sacramenta vel ritus etiam Ceremonias & cultum externum Ecclesiæ; ad quod accedit dein obstinata voluntas, dum scil. non admittunt discussionem nebularum, quæ illos occuparunt, quâ admissâ concordia vel sarta tecta permaneret, vel facile & cum Ecclesiæ commodo redintegraretur, restauraretur.

## VIII.

Exempla Schismatis exhibet Historia ex Scriptura, & Scriptoribus Ecclesiasticis. *Scriptura* quidem ostendit in Ecclesia Corinthiaca fuisse, qui dixerint, *Ego quidem sum Pauli, Ego verò Apollo, Ego verò Cephe, Ego verò Christi*, 1. Cor. 1. v. 12. Nec in hoc substitit, sed serpsit malum, dum scil. separatas mensas post Cœnam

Dominicam ditiores delegerunt, pauperibus exclusis, nec intra terminos sobrietatis permanerunt, sed ad crapulam usque progressi fuerunt, de quo Paulus *1. Corinb. 11. v. 17. Illud verò præcipue non laudo, quod non in melius, sed in deterius convenitis. Nam primum quidem dum convenitis in Ecclesia, audio dissidium in vobis esse, & aliqua ex parte credo &c.* ad quæ videantur Commentatores. Ita Ecclesia Galatica non immunis fuit ab hisce papulis, quo quidem respicere videtur Apostolus non tantum dicendo *cap. 5. vers. 15. Quod si alii alios mordetis & devoratis, videte, ne vicissim alii ab aliis consumamini*, sed etiam dum inter opera carnis recenset *diXosocias*, versu vigesimo, quanquam quidam laxius hoc vocabulum interpretentur, & non tantum de schismate, sed de quavis dissensione, tum Ecclesiastica, tum politica, tum domestica accipiant.

## IX.

*Historia verò Ecclesiastica post Apostolorum tempora Schisma excitatum fuisse à Novatiano Presbytero Romano memorat, de quo videndus Eusebius lib. 6. Hist. Eccles. cap. 43. dein à Meletio, de quo videndus Epiphanius Heresi 68. Postea à Donato, de quo consulendus Augustinus; inprimis autem sequentibus seculis Ecclesia turbata fuit hoc malo; Orientali & Occidentali Ecclesia divisa, de quo legendus maxime Nilus Archiepiscopus Thessalonicensis. Plura exempla deprehendes apud Marcum Antonium de Dominis.*

## X.

Rei autem hujus peccati agi non possunt vel Lutherus vel Lutherani; Non enim Lutherus secessit ab Ecclesia, sed Romanam colluviem fugere voluit, nec secessit etiam à communione Ecclesie Romanæ, sed ejectus fuit per Excommunicationis fulmen, nec secessit non prius tentatis omnibus mediis, quibus potuisset unitas salvari, aut illicitè. Quid enim quæso illiciti, quod indagandæ veritatis causa disputarit de indulgentiis, & R. P. potestate, sententiam suam proposuerit cum submissione Animi meliora discere desiderantis, paratus veritati cedere? quod à Cardinali Cajetano ad Pontificem, ab hoc verò ad Concilium provocarit? annon provocare ad Ecclesiam est illam agnoscere Matrem & filiali obsequio illam colere & prosequi? Imò tenebatur ex officio B. Lutherus notare Errores planè notorios, tenebatur Christum profiteri coram hominibus, tenebatur



tur Deo magis obedire quàm hominibus. Quid ? quod se ipsi Pontifici submiserit, silentium obtulerit, singularis obedientiæ Testimonium ediderit? professionem edidit luculentam dicens: Quod unum in ista causa facere possum, promittam lubentissimè Beatitudini Tuæ, istam de Indulgentiis materiam me deinceps relicturum penitusque taciturnum, modo & adversarii suas vanas ampullas contineant, editurum denique in vulgus, quo intelligant & moveantur, ut Romanam Ecclesiam purè colant, & non illorum temeritatem huic imputent &c. Protestatus fuerit contra Schismatis affectum ibidem: Sed ne hoc quidem, quod me sæpenumero & multifariam obtulerim, ut filius supplex & obediens sanctæ Ecclesiæ Catholicæ (qualis Deo optimo maximo adjutore mori volo) si per meos adversarios liceat, me taciturnum &c. suppliciterque præbiturum me docendum, & à meo proposito obedienter desistendi. Verum tantum abest, ut hæc omnia vel minimi apud meos adversarios momenti fuerint, ut hæc omnia offerentem Hæreticum, schismaticum, scandalosum criminentur, id quod tamen eis ex corde ignosco.

## XI.

Grandius malum est *Hæresis*, quam Augustinus lib. 2. contra Cresconium cap. 7. vocavit Schisma inveteratum, & aliàs describitur, quodd sit Error in fundamento fidei: atque in Scripturis in malam partem communiter accipitur. De Sectâ Sadducæorum, *Actor.* 5. v. 17. de Hæresi Phariseorum, *Actor.* 15. v. 5. de Sectâ indefinitè, *1. Cor.* 11. v. 19. *Gal.* 5. v. 20. 2. *Pet.* 1. v. 1. Occurrit quidem hæc vox etiam de Christianorum cultu & doctrinâ, atque Nazæorum secta dicitur, *Actor.* 24. v. 5. Verùm non in bonam partem; nam ita illam appellat Tertullus Causidicus, quem conjiciunt quidam fuisse Italum, & quidem Romanum, qui aliter nisi malè non potuit sentire de Christianis, ita appellat illam; quemadmodum pestem & seditionis Auctorem, & quidem addidit, Paulum esse Antistitem s. Auctorem sectæ Nazæorum, forsan respiciens ad illud proverbium, quod Judæi in ore habuerunt & suggerunt; annè ex Nazareth aliquid boni? *Job.* 1. v. 47. ita appellabat illam, ut Paulus protestetur & dicat, *confiteor autem hoc tibi, quod secundum viam, quam dicunt hæresin sic deservio Patrio Deo credens omnibus, quæ in Lege & Prophetis scripta sunt: versiculo decimo quarto*

*hujus capituli*, adeoque suam & Christianorum Doctrinam vocat viam, quæ differt ab hæresi, ut ductio à seductione, viam veritatis, quæ hæresi opponitur 2. *Pet.* 2. v. 1. & 2. negatque Doctrinam Christianam esse sectam vel hæresin, sed dici ita tantum, recessum à cultu Dei patrii & eorum, quæ scripta sunt in Lege & Prophetis, sed asserit constantiam in illis. De Paulo ipso, existente adhuc in Pharisaismo, quem vocat αἰρεσὶς ἀρεβραϊστικὴ *Act.* 26. v. 5. Verum nec hic in bonam partem, ut opinantur quidam; vult enim indicare, se vixisse ut Separatistam, ut talem sicut non cæteri hominum, de quo *Luc.* 18. ut Pharisæum, qui in externis multum versabatur & Schema Religiosi præsentabat. De Doctrina quoque Christiana legitur *Act.* 28. v. 22. sed ex præjudicio quorundam ita dicta, & sanè ipsa vox hæresis sive deducatur ab αἰρεῖν deturbare, evertere, expugnare, quod quidam volunt, quibus tamen non accedimus, sive ab αἰρεῖν, eligere, quæ genuina origo, in Religionis negotio non potest non notare aliquid mali; Si enim prior obtineat, erit hæresis Error subvertens dogma aliquod, si posterior, erit Doctrina spontè & ex proprio ingenio electa, quam Deus in Verbo & cum illo nunquam voluit admittere.

## XII.

Accipitur autem hæc vox *vel latè & generaliter, vel stricte & specialiter*; *Generaliter hæresis* dicitur omne dogma Verbo divino adversum; dicit enim Deus disertè, *Non addatis quicquam, nec detrahis*, *Deut.* 4. v. 2. & *cap.* 12. v. 32. Christus dicit minimum vocandum, hæc est nullum, in Regno Cælorum, qui solverit unum de minimis præceptis, & docuerit sic homines, *Matth.* 5. v. 19. Solvere autem est falsò interpretari, ut observant Theologi. Paulus Anathema dicit illi, qui ἐναντιον Evangelium tradit, *Galat.* 1. v. 8. Si autem Anathema qui ἐναντιον tradit, quomodo non qui ἐναντίον seu contrarium? quanquam eo ipso sit contrarium aliquod Evangelium, quo est alienum.

## XIII.

Et hæc significatio quoque non aliena est ab usu Ecclesiastico. Ita enim Tertullianus *lib. de proscriptione hæreticorum cap.* 6. Paulus & alibi hæreses inter carnalia crimina enumerat, scribens ad Galatas, & Tito suggerit, hominem hæreticum post primam correptionem

reptionem recusandum, quod perversus sit ejusmodi, & delinquat, ut à semetipso damnatus. Sed & in omni penè Epistolâ, de adulterinis doctrinis fugiendis inculcans, hæreses taxat, quarum opera sunt adulterinæ doctrinæ: Hæreses dictæ græcâ voce, ex interpretatione electionis, qua quis sive ad instituendas, sive suscipiendas eas utitur. Ideò & sibi damnatum dixit hæreticum, quia & in quo damnatur, sibi eligit. Nobis verò nihil ex nostro arbitrio inducere licet, sed nec eligere, quod aliquis de arbitrio suo induxerit. Apostolos Domini habemus auctores, qui nec ipsi quicquam ex suo arbitrio, quod inducerent, elegerunt: sed acceptam à Christo disciplinam fideliter nationibus adsignaverunt. Itaque etiamsi Angelus de cœlis aliter evangelizaret, anathema diceretur à nobis. Et cap. xxxvii. Si enim hæretici sunt, Christiani esse non possunt, non à Christo habendo, quod de suâ electione sectati hæreticorum nomine admittunt. Unde autem extranei & inimici Apostolis HÆRETICI, nisi ex DIVERSITATE DOCTRINÆ, quam unusquisque de suo arbitrio adversus Apostolos aut protulit, aut recepit. Illic igitur & Scripturarum & expositionum adulteratio deputanda est, ubi diversitas invenitur doctrinæ.

## XIV.

*Specialiter verò hæresis dicitur Error in fundamento fidei, atque ita usurpatur hæc vox in primis à Petro 2. Epistolâ cap. secundo, quo sensu etiam Ignatius dixit, dignum est à talibus abstinere, & neque proprium cum his, neque commune habere colloquium, sed intendere Legi & Prophetis & Evangelizantibus nobis salutare verbum, nefandas verò hæreses & schismata facientes fugere, sicut principatum malorum, in Epistolâ ad Smyrnenses.*

## XV.

Sunt qui putant, pertinaciam necessariam esse ad hoc Genus hæreses, nec abnuere videtur Augustinus lib. 18. de Civitate Dei scribens: Qui in Ecclesia Christi morbidum aliquid pravumque sentiunt, si correpti ut sanum rectumque sapiant, resistunt contumaciter, suæque pestifera & morbifica dogmata emendare nolunt, sed defensare persistunt, hæretici fiunt. Addatur Locus ex Epistola 162. ibidem corrigi paratis disertè dicit; nequaquam illos esse inter hæreticos deputandos. Quanquam autem transitoria & volatica co-

gitatio erronea, vel non profundè hærens conceptus nubilofus, non confestim faciant aliquem hæreticum, non tamen videmus, qui, præcisa etiam contumacia & perseverantia, non possit dici hæreticis dogma aliquod, Articulis fundamentalibus adversum, cum metienda sit non tantùm ex duratione, quæ errorem perniciosum continet, non facit, præsupponit non constituit. Sufficit, si assensus erroneus sit completus, ut mens acquiescat in conceptu adversus fundamenta fidei. Neque Augustinus negare voluit, talem esse hæreticum; sed hoc solum intendit, corrigibiles non eo nomine esse confestim conspurcandos, dum non locutus fuit de Assensu fixo & formato, sed de sensu alicujus morbidi & pravi facilè mobili, de seductis & hærentibus, manumque quâ possint eluctari desiderantibus, ut quidem ipsa verba satis ostendunt.

## XVI.

Sunt qui volunt, ad Hæresin requiri scientiam & advertentiam, ita ut is demum hæreticus pronunciandus, qui contra conscientiam & sensum interiore Erroris fovet atque propugnat; sed malè, quia hac ratione omnes pessimi hæretici (ex. grat. Gnostici, Valentiniani, Marcionitæ, Manichæi, Arabici, Henric. Nicolaitæ, David-Joristæ, Francisco-Davidici, &c.) non tantùm seducti, sed & seductores ab hæresi in judicio Ecclesiastico absolvendi essent; quamdiu ipsis dicere liberet, se in conscientia ita sentire, nec aliter per conscientiam Dei & per reverentiam Scripturæ debitam sentire posse. Quandoquidem de occultis non judicat Ecclesia, nec hominum mentes inspicere, aut κατὰ ψυχὰς sibi vindicare potest. 2. Quia idem φάρμακον omni infidelitati Judæorum, Muhammedistarum, Gentilium, quin & crassissimæ idololatriæ Dæmonolatrarum analogicè applicari deberet; & infideles ab idololatriæ, infidelitatis, superstitionis, apostasiæ crimine absolvi; quamdiu scil. protestarentur, se ita credere & agere secundum suam conscientiam. 3. Quia hac ratione tolleretur distinctio hypocrisis in formalem & crassam; & nulla esset formalis hypocrisis aut deceptio proprii cordis, contra Jacobi 1, v. 26. Jerem. 17. ut nonnemo non malè colligit,

## XVII.

Sunt denique qui opinantur, hæresin, qua talem, non subijcere hominem æternæ condemnationi; at contra hos militat. 1. Descriptio

scriptio hæreseos scripturaria. Refertur enim inter opera carnis, *Galat. 5. v. 20.* Quod autem opus carnis est, quomodo non sit damnabile? cum apertè Apostolus addat, quod qui talia faciant, sint futuri extorres & exclusi à regno Dei. Dicitur esse actus vel habitus ἀπωλείας perditionis, 2. *Pet. 2. v. 1.* Quod autem dicitur esse τῆς ἀπωλείας sive exitiale, quia est à Spiritu τῆς ἀπωλείας, tanquam gangræna serpit & inficit, qui non hominem reum faciat æternæ damnationis? 2. Ipsa Natura hæreseos; Dicit enim ignorantiam, tenebras & errorem in mente oppositam Luci Verbi divini; Dicit aliquid impietatis primo præcepto adversæ; Dicit aliquid non bonum vel indifferens, sed malum, sed peccatum: quomodo itaque negari potest, illam esse damnabilem? 3. Effectus Assignatio; dicuntur enim Naufragium pati in fide tales, 1. *Timoth. 1. v. 19.* & Satanæ tradi, v. 20. dicuntur sibi adducere ταχινὴν ἀπωλείαν, celerem perditionem, 2. *Pet. 2. v. 1.* & 3. dicuntur tales, qui in foveam ducant, & cum seductis concidant, *Matth. 12. v. 3.*

## XVIII.

Succedit *Curiositas*, quâ, quæ nescire voluit optimus Magister, rimari tentamus, & quæ Intellectum transcendunt intra angustias illius arctare volumus; quo morbo laboravit maximè Theologia Scholastica, veterum & modernorum Doctorum in Papati philosophandi methodus, qui scil. relicto & seposito Verbi Lumine temerè differunt, de illis, quæ nunquam viderunt, & spinam evellendo serunt agmina illarum. Reprehendit hoc peccatum egregiè Siracides *cap. 3. v. 22.* Christus *Job. 21. v. 22.* Paulus *ad Tit. 3. v. 9.* Accusat ipsa fides, quæ simplex est oculus, cui curiositas hæc adversatur. Improbant ipsi Moralistæ Pontificii: Mortale peccatum est, secundum illos, etiam velle videre id, aut scire, cujus visio, aut scientia in periculum peccandi mortaliter inductura creditur: Leg. *Nav. c. 23. n. 24.* Tol. *de 7. peccat. m. c. 12. n. 7.* Cajet. *vers. curiositas.* & alios. Addunt: Velle scire in mortalem finem, vel quæ sub p. m. vetita sunt; vel explicata in confessione, crimen esse. Navar. Tol. l. c.

## XIX.

Illud adhuc monendum restat, opponi præterea fidei, ratione Notitiæ consideratæ, ἡ δυνάμει, quâ quis suo nititur ingenio, // nauseat communia & recepta, Verbi Lucernæ non attendit, neque



que aliorum consilia expendit, & eo ipso, quo nova, quo singularis, quo paradoxa est sua sententia, eandem præfert cæteris, umbram captans pro corpore. Vitium hoc est multorum ex ordine Doctorum, qui fastidiunt etiam sincera, & tanquam Aquilæ in Nubibus omnia infra se despiciunt, illi Religioni non acquiescunt, quam profitetur Ecclesia Orthodoxa, sed superciliosè illud Comici ingeminant,

*Odi profanum Vulgus, & arceo.*

Imprudentiam in agendis; quâ negligitur circumstantiarum debita consideratio & causa etiam bona vitatur. Denique Perversitatem animi, qua non attenditur ad Lucem divinam, sed ignes fatui eliguntur, nec æstimatur Deus ex verbo, sed proprio Cerebro, perspicaciæ politicæ omnia subjiuntur, & ipsa religio ad illam temperatur, impugnatur, convellitur, Regulæ statûs opponuntur Regulæ infallibili Revelationis divinæ, & omnia potius in Ecclesia confunduntur, quàm ut Respublica aliquid detrimenti patiatur.

## XX.

Non tantùm autem fides, ut est notitia, sua habet contraria, sed etiam secundò in quantum est Assensus. Opponitur enim eidem *Dubitatio*, quâ laborant Pontificii, Arminiani, & moderni Libertini vel Neutralistæ, qui non tantùm in Philosophia illam commendant, & viam esse volunt, medium laudabile, & conditionem prærequisitam ad Scientiam, sed etiam in Theologia eidem primas deferunt partes, cùm tamen nullibi in Scripturis ostendatur hæc methodus, nullibi commendetur Dubitatio, sed potiùs reprehendatur, imò in Eva Matre prima, tanquam accessus ad Lapsum, initium peccati, nobis ostendatur dicente illa, *ne fortè moriamur*, Gen. 3. Principiis repugnet Theologicis. Solidè quippe hætenus demonstratum, Scripturam esse perspicuam in illis, quæ necessaria sunt ad salutem; qui itaque dubitatio citra peccati rationem locum habebit circa principium perspicuum, & illa quæ corpus doctrinæ Christianæ integrant? Num censendus erit naturaliter sani Cerebri, qui dubitat de radiis Solaribus in oculum influentibus? Num qui Veritati divinæ non assentitur, & Luminibus articulorum ex Scripturâ radiantibus non submittit animum, habendus erit dignus tan-

to Beneficio? Sanus in ordine Christianorum? Quis item Theologus tūm ex Antiquioribus tūm recentioribus hæc vestigia signavit ad veritatem, cum potius Diabolus per hæc ipsa in præcipitum agat sequentes, & ex dubitatione ducat in Negationem & Apostasiam sædissimam. Denique ipsa Indoles hujus dubitationis non possit non esse peccaminosa; unde enim dubitatio nisi ex caligine notitiæ sereno opposita? quid ipsa quam irrequietæ Mentis Morbus & ut Fungerus illam describit: *Motus indifferens in utramque contradictionis partem?* in quid arietat? annon in veritatem revelatam? quæ non fuisset revelata, nisi Deus ex immensa benignitate sua illā voluisset mentem serenare, hominem sibi conjungere & assensum exigere atque firmare. Non malè ex ipsis Philosophis quidam. Dubitationis hoc Monstrum etiam ex circulo disciplinarum movent & explodunt ita disserendo: Quocunq; modo sumptis, illegitimum & etiam illicitum est, ad scientiam in quavis re acquirendam, medium. Illegitimum; quia plane per accidens se habet ad scientiam, non aliter ac morbus ad sanitatem, mali mores ad bonas leges; neque propterea quisquam dubitationem affectare debet. Præterea quia si sumatur pro judicii suspensione, nihil ea dubitatione probari adversus quemquam possit, quod tamen fieri posse putant ii, qui hac methodo utuntur. Illicitum, quia de Deo dubitare illicitum est, & tamen licitum esset, si contingeret (quemadmodum hodierna experientia docet contingere) quem non satis evidenter percipere principia, quibus Dei existentiam probamus; adeo ut omnibus manifestum sit, hanc methodum periculosissimam esse.

## XXI.

Tandem si Fides spectetur ratione *Fiducia*, opposita habet 1. *Fiduciam* vitiosam in aliquid, quod est extra Deum, Petram illam, cui soli inædificandum, extra Basim fidei 2. *Diffidentiam*, qua etiam Deo non confidit, qui tamen habet, quo niti posset, & tandem 3. *Tentationem Dei*, de quo ipsi Pontificii: Tentatio Dei est actus contra religionem, quo quis absque justa causa aliquid dicit vel facit ad capiendum experimentum de divina perfectione, ex. g. de potentia, de sapientia Dei, &c. ut si ineruditus velit absque justa causa concionari nulla prævia meditatione, seu præparatio-

Pars Specialis

H b

ne, spe-

ne, sperans sibi à Deo suggerendos conceptus, & hæc tentatio Dei manifestanda est in confessione, experiendumque, an fuerit tacita vel expressa. Committitur autem peccatum tentationis Dei, quando experimentum conjunctum est cum aperto gravis damni periculo, ut quando quis gravi laborans infirmitate respuit absque justa causa medicinas & remedia, sperans à Deo sanitatem; quando periculum est scandali, & quando fit intentione videndi opus aliquod supernaturale, ut quando petitur miraculum ex curiositate.

## XXII.

Altera Virtus, quæ sub hoc præcepto imperatur, dicitur *Spes*; & definitur, quòd sit: *Virtus Theologica, qua voluntas nostra efficaciter tendit in Deum, ut est suprema Beatitudo nostra, legitimis mediis Deo opitulante possibilis obtineri.* Dicitur 1. *Virtus*, quia bonum facit habentem & opus ejus bonum reddit, secundum Aristotelem 2. *Eth. cap. 6. 2.* Virtus verò *Theologica*, quia immediatè versatur circa Deum, non solum ut Objectum quo Spes nititur, sed etiam ut Objectum, quod speramus & nobis sperando concupiscimus 3. efficaciter tendens, quia non est simplex Amor vel inefficax voluntas, aut simplex desiderium de Deo, sed efficax voluntas, & quasi intentio consequendi Deum ut est Bonum nostrum, 4. in Deum ut est suprema Beatitudo nostra, qua volunt discerni à Charitate, quia per hanc feramur in Deum diligendo eum propter se, sive prout secundum se ac in se est hominum Bonum, præcisâ ratione commoditatis ex ipso nobis obventuræ; 5. possibilis obtineri, cum Spes sit tum comuni sua ratione Boni futuri possibilis, iudicio saltem sperantis, tum etiam in præsentia, quatenus est habitus virtutis, nempe secundum actum suum principalem & nomine significatû formaliter hoc ipso, quod efficaciter fertur in Objectum ejusmodi. 6. Opitulante Deo per media. Spes enim, juxta Thomam, duo respicit, Bonum quod obtinere intendit tanquam causam finalem, & *auxilium*, per quod illud Bonum obtinetur tanquam causam efficientem illius Boni, quæ Deus, qui certa media ad hoc nobis præfixit.

## XXIII.

Est hæc virtus Fructus Fidei & ex hac procedit. Unde etiam Pau-

Paulus, Gal. 5. v. 5. scribit: *Nos spiritu ex fide Spem justitiæ expectamus.* Et rectè dicitur, respicere Deum tum ut Subjectum, fides enim & spes nostra est in Deo, teste Petro 1. Epist. cap. 1. v. 21. Tum ut fontem omnis Boni; quo monitum illud spectat Davidicum, *Devolve super Jehovaham viam tuam, & confide in eo, nam ipse faciet*, Psalm. 37. v. 5. & 6. ita tamen dicitur Deum respicere, ut etiam feratur in media, quibus Deus nobis jungitur; quò vergunt illa Petri 2. Epistola cap. 1. v. 13. *Sperate in eam quæ vobis defertur Gratiam.* Et sicut generaliter est ἐλπιζομένων Ebr. 11. v. 1. & Bonorum quandoque temporalium 2. Cor. 1. v. 10. ita inaximè est beatitudinis æternæ, quod Paulus docet Rôm. 8. v. 24. adde illud 1. Cor. 15. v. 19.

XXIV.

Secundùm Scripturam potest Spes commodè explicari per *Expectationem*, ut docet Apostolus Rom. 8. vers. 25. ubi, sicut Doctores quidam explicant, Occasione expectationis creaturæ & nostræ Apostolus producit consolationis argumentum, à natura Spei, cujus proprium est expectare, id est, in futuro bono fiduciam habere, & hac fiducia præsens malum patienter tolerare. Spes non est præsentium, quæ oculis cernuntur, manibus tenentur, sed futurorum, quæ cum patientia expectantur. Quod enim quis possidet, non est cur speret: Nos spe servati sumus. Salutem igitur nostram licet nondum cernamus, expectamus tamen per patientiam. Differt spes à fide ordine & objecto. Ordine, quod fides prior est spe, ut causa prior effectui. Fides spem generat: spes fide generatur & nititur. Objecto, quod fides proprie fertur in promissionem bonorum: Spes in ipsa bona promissa, vel certe si conveniunt objecto, differunt habitudine objecti: quod Fides amplectitur bona promissa, quasi præsentia, propter certitudinem promissionis & voluntatis divinæ dandi credentibus bona sperata: unde ἐνίσταται ἐλπιζομένων dicitur: Spes amplectitur eadem bona ut futura, quoad substantiam & impletionem. Etiam Aristoteles in Ethicis virtutes discernit objectis vel objectorum habitudine: Liberalitatem & magnificentiam dicit versari circa pecunias, sed non eodem modo. Omnes virtutes dicit versari circa unum commune objectum, voluptatem & dolorem, sed non eodem modo. Atque hoc unum est spei argumentum. Alterum est, quod

ex spe patientiam conficit. Si enim quod non videmus speramus, utique per patientiam expectare debemus. Inter spem enim & rem speratam intercedit carentia rei speratæ, quæ pondum videtur, & videri tamen desideratur. Intervenit etiam aliqua mora: & quia omnis mora est molesta, tantoque molestior, quanto longior, & quanto speratum bonum est majus, quippe majus desiderium sui concitans: ideo patientia cum spe necessario conjuncta est, qua tum carentia boni sperati ipsaque mora, tum etiam molestia placidè sufferatur absque dolore ac murmure. Nam multa cadunt inter calicem supremæque labra. Sic in omni spe requiritur quasi triplex patientia. 1. carentiæ boni. 2. moræ. 3. difficultatum intervenientium. Spes igitur Christiana etiam patientiam Christianam requirit in his omnibus. Non videmus adoptionem nostram: quia speramus: Diu differtur adoptionis patefactio, Patienter ferenda mora: quia non est mora, sed *maximè* Dei. Graviter affligimur: Patienter perferendæ ærumnæ, propter immensam adoptionis gloriam, quam expectamus.

## X X V.

Quamvis verò ex Fide oriatur Spes, non tamen cum illa est confundenda, & quidem eo ipso, quo dicitur à nobis oriri ex fide, à fide tanquam Effectus à sua causa, tanquam fructus à radice sua distinguitur; Atque injuriam nobis faciunt Pontificii, qui accusant nos talis confusionis, quia fiduciam propugnamus, quæ in Negotio justificationis utramque facit paginam, unde etiam in ipsos socios subiratus pugnât Rodericus ab Arriaga, & scribit *Tom. 5. Diss. 26. Sess. 2. p. 356.* Quidam Auctores tribuunt Hæreticis nostri temporis, quòd dixerint Spem esse actum intellectus, eundemque cum fiducia. Miror tamen hos Auctores, qui agentes de Fide dixerunt, ab Hæreticis nostri temporis Fidem confundi quidem cum fiducia, ad voluntatem tamen reduci; ubi idsi fusè probant, Fidem & fiduciam non esse idem, illamque ad intellectum, hanc verò ad voluntatem pertinere; miror inquam: quomodo enim Hæretici hujus temporis Spem ad intellectum reduxerint, si fiduciam, cum quâ Spem confundunt, in voluntate residere dicunt. Sed quidquid de eâ consequentiâ sit, suo loco ostendi, fiduciam supra affectum erga bonum, seu supra desiderium illius, nihil omnino addere ex parte volun-



voluntatis; ex parte tamen intellectus connotare judicium probabile de futuritione, de quò major est probabilitas, eò majorem esse fiduciam; ideò non puto distinguendam fiduciam à Spe, & consequenter censeo debere poni in eà duos actus, unum ad voluntatem spectantem, alterum ad intellectum; quia reverà desiderium boni absentis sine probabilitate futuritionis non est Spes; ergo hæc requirit ambos eos actus ut veras sui compartes, juxta ea quæ diximus sæpè de connotatis: id enim, quo formaliter ac præcisè ablato cessat denominatio totius, necessariò debet esse pars componens illud totum, & non aliquid purè extrinsecè ad illud requisitum.

## XXVI.

Distinguitur aliàs fides, Spes & fiducia, ita secundum quosdà Theologos: Ut fides arripiat promissionis veritatem; spes extensionem affectus, quasi appetitus irascibilis, dicat, in bonum arduum promissione sibi oblatum; atq; fiducia notet, cordis in Deo, & re tum credità, tum speratà, acquiescentiam. *1. Petr. 1. v. 13.* sperate in oblatà vobis gratiam. *2. Tim. 1. v. 12.* scio enim cui credidi, habeo fidem. & persuasus sum, hæc est fiducia, quòd potens est depositum meum custodire in illum diem: hunc spes respicit, quæ pretiosissimum animæ depositum est, quod fides Deo credidit, & ab eodem fideli ac potente Creatore expectat, *1. Petr. 4. 19.* Quemadmodum illa duo in creditore considerantur, ut potens sit, & fidelis; sic in deponentdà animà Deo, illa duo in utroque loco de Deo prædicantur. Et significantur hic varia. Quod jus habemus in beatitudinem, tamquam nostram, fide nimirum acceptam in Christo, & hinc debitam nobis *Joan. 1. v. 12.* At à Deo eam custodiri, quandoquidem non potentes sumus eam conservare ipsi. Cujus periculum factum in Adamo, sed tristem adeo eventum sortitum fuit, ut nunc meliores aut prudentiores nos futuros, non sit quod arbitremur. Ac proinde Deus dedit nos tutori optimo Jesu Christi. *Job. 17. v. 6. 12.* & *c. 10. v. 28, 29.* *1. Petr. 1. v. 5.* interim usumfructum hic capimus sortis cœlestis, & primitias spiritus. *Rom. 8. v. 23.* Quæ plena plenissime aliquando reddenda est in cœlis. *Rom. 8. vers. 21.* libertatem gloriæ filiorum Dei. *1. Petr. 1. v. 4. 5.* hæreditatem incorruptibilem, & incontaminatam & immarcescibilem, servatam nobis in cœlis: salutem paratam nobis revelari ultimo tempore.

## XXVII.

Spei opponitur *Desperatio*, quæ vel versatur circa potentiam divinam, sive voluntatem gratiosam; & vel *totalis* est vel *partialis*, quarum prima vel inchoata in hac vitâ, vel consummata. Exempla tristia occurrunt in Caino *Gen. 4. v. 13, 14.* Juda, *Matth. 27. v. 5.* Francisco Spiera, ut quidam volunt Petro Ilosuano, Ludimagistro in Hungaria. Apostolus illam describit per ἀπεθελῶν τὴν πίστιν *Ebr. 10. v. 35.* Quamquam πίστις alii malint vertere fiduciam. Pontificii Doctores describunt Desperationem: Vitium in voluntate situm, quo quis beatitudinem ultimam, tanquam Bonum quoddam nimis difficile vel etiam ad obtinendum prorsus impossibile refugit, & quasi despicit, adeoque ab ejus procuratione seu intentione desistit; videatur Gregorius de Valentia *q. 3. puncto 1.*

## XXVIII.

In excessu pugnat cum hac virtute *Præsumptio*, cum etiam non speranda expetuntur, vel citra fundamentum vel res vanæ & infirmæ Affectui supponuntur; Ita de præsumptione loquitur Deus, *Deut. 29. v. 19.* Ita Israelitæ habebant fiduciam in verbis falsis, minimè profuturis, clamabant Templum Jehovæ, Templum Jehovæ, Templum Jehovæ, sunt ista *Jerem. 7. v. 4. & 8.* ita Pharisei, Pelagiani Salutem non ex gratia & merito Christi sperabant, sed ex propriis meritis, & probitate quam jactabant, expectabant. Thomas de hoc vitio ita censet *2. 2æ quæst. 21.* Præsumptio videtur importare quandam immoderantiam seu excessum spei: duobus autem modis potest quis quoad hoc excedere; quia cum spes versetur circa bonum arduum & possibile, vel potest tendere in bonum ut sibi possibile, quod suam facultatem excedit: vel ut possibile per virtutem & misericordiam divinam, quod possibile non est, ut dum quis sperat se veniam obtenturum, sine pœnitentia aut gloriam, sine meritis,

## XXIX.

Tertia Virtus hoc in præcepto commendata est *Charitas*, quæ generatim accepta juxta Augustinum *lib. 3. de Doctrina Christiana cap. 10.* est motus Animi ad fruendum DEO propter ipsum, & se atque proximo propter Deum. Specialiter autem sub hoc præceptum refertur, in quantum dicit Amorem Dei tanquam Summi Boni atque unio-

unionem cum illo intimam; de quâ ipse Augustinus: Amor quem afficit in illud mutat, in quod amor defertur. Talis est quisque qualis ejus dilectio est, terram diligis, terra eris, Deum diligis, quid dicam Deus es, nec enim tantum tenemur Deum sitire & dicere ex *Psalms*. 18. v. 2. & 3. sed etiam per unionem in illo acquiescere & dicere ex *Psalms* 73. v. 25. 26. Stimulat autem præter præceptum ad hunc Affectum ipsa Dei Bonitas atque Majestas, Gratia & Favor, quo nos complexus fuit antequam essemus, Beneficiorum multitudo, quibus nos cumulat per universam vitam nostram, & quæ sunt alia quamplurima, quæ Amorem suscitare & provocare solent. Modum autem diligendi ipse præscripsit, *Deut.* 6. v. 5. dicendo: *Diligas Dominum Deum tuum.*

## XXX.

Non itaque probare possumus, quod quidam de Amore requisito ex hoc præcepto sibi imaginantur, nempe postulari ut Deum ex corde, id est verè non fictè & toto quidem corde totoque animo omnibusque viribus id est, ut Summum nostrum Bonum & supra res omnes cæteras diligamus, non tam ratione intensiōis, quam æstimationis. Quod Exemplo declarant, dicendo: Sic pia mater sæpè intensissimum dolorem ex morte liberorum capit, & plurimis lachrymis filium, quem teneriter amabat, deflet, quam peccata sua, & tamen si vel filius mittendus sit, vel Deus offendendus, malit filio carere, quàm Dei gratiâ; addunt esse charitatem talem virtutem qua Deus amatur, quantum in hac imbecillitate Naturæ possibile est, etsi enim charitas & impletio legis, ut ante dictum, est inter virtutes Theologicas. ut loquuntur, maxima, sicut dicitur *1. Cor.* 13; Nunc verò manet fides, spes, charitas, maxima autem harum charitas, quia fides est rerum quæ non videntur, & spes earum, quæ non tenentur, ut cum res ipsæ exhibebuntur ex desitura sint: charitas semper manet; Nam si amamus eum, quem non videmus, quomodo amaturi sumus cum viderimus, sicut hoc S. Augustinus enarrat. *Psalms*. 91. explicat: Etsi etiam hæc est excellentior illa via, & excellentius donum, quàm prophetia & omnium mysteriorum cognitio, ut rursus Paulus *1. Corinth.* 12. v. ult. dicit, de quo pluribus vide S. Augustinum enarrat. *Psalms*. 145. Imperfecta  
tamen

tamen hic est semperque crescere debet, donec in altera vita perficiatur.

## XXXI.

Hæc si Pontificii dicunt, conformiter suis hypothesibus loquuntur, at excidisse hæc illi, qui Lutheranis accenseri vult, miramur. Nam, si loqueretur de charitate, *ut nunc in Subiecto existit* post lapsum vitiato, non haberet sibi quenquam adversum; liquidum enim est, & ex sensu conscientiae nostrae clarum, quantâ laboremus Imperfectione, quàm nihil in hac vita & viâ omnibus suis Numeris absolutum; sed loquitur de charitate *abstractè*, de hac virtute ut præcipitur in Decalogo, de illa ut Definitione repræsentatur. At sic non possumus eidem calculum addere; nam *primò* Deum diligere, ex toto corde, toto animo, omnibusque viribus, non tantum est diligere illum, ut summum Bonum & supra res omnes cæteras, sed & Affectu illo diligere, qui summus. Phrasis enim hæc: *Dilige Deum toto ex corde, tota ex anima & omnibus viribus*, non tantum *Objectum* exprimit, ut Summum Bonum, verum etiam & quidem maximè *Affectum* exigit intensum; & repræsentat. *Secundò* Definitio illa, quâ utitur, purè est Scholastica, purè Pontificia; qui enim quæso! solent differere de Amore ratione intensiōis & appretiatiōis consideratæ, atque illum sufficere statuunt implendo præceptum? annon Doctores Pontificii & quidem in certamine cum nostris? *Tertiò*, si mater pluribus lachrymis deflet filium, quam peccata sua, etiam pluri æstimare videtur filium quam offensum Deum per peccata, adeoq; nè quidem ratione æstimationis præferre Deum filio, ut contradictorium sit, malle filio carere quàm Dei gratia & tamen Affectus indicio exteriori prodere majorem æstimationem filii in pectore, quam ipsius Dei;

## XXXII.

Rectè nostri Theologi contra Pontificios. Definitio perfectionis quoad substantiam & ratione Objecti, non autem ratione Subiecti planè videtur absurda. Christus præcipit; diliges Deum tuum ex toto corde. Duo hic video. Primò, Deum (objectum) diligendum, ut ejus amicitiae, tanquam ultimi finis, nihil præferatur. Non enim Deum diligit, qui aliud plus, quàm Deum, diligit. Hoc enim est ei Deus, quod Deo præponit. Secundò, Deum ex parte subje-

subjecti, ex toto corde, diligendum. Hic tu, impius Redemptoris tui castigato; dicis, ad Deum, ratione objecti, diligendum omnes obligari, ad eundem verò, ratione subjecti, ex toto corde diligendum non omnes obligari. Ita unum & quidem maximum mandatum obligat, & non obligat. Obligat, dum dicit: diliges Dominum Deum tuum. Non obligat, dum dicit: ex toto corde. Contradictio manifesta est in verbis tuis. Dicis perfectionem, quoad substantiam; addis, ratione objecti, non subjecti. Non possunt illa simul stare de substantia præcepti, quæ non tantum est actus dilectionis, sed determinatus actus, id est, ex toto corde profectus. Dicere ergo perfectionem secundum substantiam, & dicere perfectionem non ex parte subjecti, est dicere perfectionem secundum substantiam, & dicere perfectionem non secundum substantiam. Non satis explicas, quam dicas perfectionem, secundum substantiam. Vel enim perfectio, secundum substantiam, includit totum id, quod præcepto continetur, & requirit Deum, secundum Lyranum, ita diligere, ex toto corde, ut tota intentio in eum feratur (sicut enim cor corporale omnium temporalium motuum est principium, ita intentio voluntatis, respectu finis ultimi, est principium omnium motuum spiritualium) ex totâ mente, ut intellectus Deo subdatur, ex tota anima, ut appetitus noster inferior reguletur secundum Deum, ex tota fortitudine, ut exterior actus noster obediat Deo: vel includit, secundum Bellarminum, tantum abstinentioniam à furto & cæde, quæ etiam naturæ viribus præstari potest. Si primum: malè definis perfectionem istam tantum ratione objecti, non subjecti, nec facile dabis progressum in eo, quod ita totum est, secundum Augustinum, de perfectione iustitiæ, ut carnalem concupiscentiam planè excludat. Si postremum: eam assignas vix perfectionem, quæ solum potest esse extra viam. Egregium verò gratiæ præconium, si auxilio ejus præstat renatus, quod sine eo præstat etiam non renatus! Lyranus affirmat ex Thomâ, implere præceptum, contingere dupliciter; uno modo perfectè, & hoc esse, quando pervenitur ad finem, quem intendit præcipiens; alio modo imperfectè, quando, etsi non pertingitur ad finem, quem intendit præcipiens, non tamen receditur ab ordine ad finem, quem intendit præcipiens; sicut, si Dux Exercitus præcipiat militibus, ut pugnent ad victoriam hostis, ille per-



fectè implet præceptum, qui pugnando hostem vincit, quod Dux principaliter intendit; ille etiam implet, sed imperfectè, cuius pugna, etsi ad victoriam non pertingit, pugnat sic, quod contra disciplinam militarem non agit. Intendit autem Deus per hoc præceptum, ut homo totaliter Deo vincatur, quod fiet in Patria, quando Deus erit omnia in omnibus, & idè plenè atque perfectè in Patria implebitur hoc præceptum; in viâ verò impletur, sed imperfectè. Ecce! etiam Pontificii dicunt, præceptum (magnum illud de dilectione) non impleri perfectè in hac viâ, ad intentionem præcipientis. Vel ergò mortuæ fidei etiam illi etiam accusandi, vel nos malè accusamur.

## XXXIII.

Denique probare non possumus, quòd Charitatem dicit talem Virtutem, quâ Deus amatur, quantum in hac imbecillitate possibile est. Nam *primò* Virtutes in Decalogo præceptæ non mensurantur virium nostrarum Quantitate, sed Normâ voluntatis divinæ sanctissimæ, nec ad imbecillitatem, quam suo sibi homo contraxit vitio, sunt exigendæ, sed ad ipsam Revelationem & Mandatum Divinum. Num, qui bona Heri decoxit, non tenetur ad Restitutionem plenariam, quia non habet in ære, quod sufficiat? *Secundò*, qui tenetur Deum diligere ex toto corde, ex tota anima, & ex omnibus viribus suis, ille non tantùm obligatus est ad dilectionem Dei, quantum in hac imbecillitate naturæ est possibile; hoc enim non esset diligere ex toto corde, ex tota anima, & omnibus viribus, sed infirmiter & modo imbecilli diligere, adeoque eo ipso non debito modo; tenetur diligere Deum, ut Adamus, qui in statu integritatis dilexit ex toto corde, tota anima, & omnibus viribus; tenetur diligere, quantum non in hac imbecillitate, & vita possibile est homini, contendenti per hanc viam ad Beatitudinem æternam, cum alia sit à Christo signata. *Tertidò*, qui Deum tantùm diligit, quantum in hac imbecillitate possibile est, is eo ipso Legi divinæ non satisfacit, & proinde, ut, qui exactè se illi conformat, inde Benedictionem consequitur, ita qui non exactè se illi attemperat, eo ipso à Legge recedit, & maledictionem imminentem defugere nequit; cum maledictus sit, qui non permanferit in omnibus, quæ scripta sunt in libro Legis.

## XXXIV.

## XXXIV.

Dicta allegata non conducunt ad hunc scopum. *Non primum;* Charitas enim *Rom. 13. v. 10.* dicitur quidē impletio Legis, verū & e Subjecto & de Prædicato disquiri potest, quomodo dicatur? Nam *primò*, si Charitas dicitur impletio Legis, non sermo est de Charitate tunc, existente in peccatoribus, sed de Charitate perfecta, quæ er totum Decalogum se diffundit, & notatur connexio Subjecti & prædicati citra Subjecti designationem; quomodo enim homo potest dici gaudere illa Charitate, quæ Legis est impletio? cum quod cupit & vult, implere nequeat; ut Hieronymus dicat: cū me puero ad calcem virtutum pervenisse, tunc habebō principium, æc sola hominibus perfectio est, si imperfectos esse se noverint, *Epistolâ 75. ad Ctesiphontem adversus Pelagium, Tom. 2.* *Secundò*, vid si πλήρωμα hic non notat impletionem, sed ἀνακεφαλαιώσιν, recapitulationem, ad sensum versiculi noni præcedentis, de quo videndus Patæus. *Tertiò*, posito Charitatem hic notare illam, quæ in fidelibus existit, dici etiam πλήρωμα, non tamen vox πλήρωμα notabit exactam impletionem, aut talem, quæ à Deo habeatur juxta legem completa, quasi acquiescens in tali Charitate, quæ in hac infirmitate præstatur; ita enim homo per opera contenderet ad similitudinem: sed tale πλήρωμα notabit, quod secundum quid tale, quod evangelicè spectandum, quod perfectionem dicit ratione externorum officiorum, quæ transcendit observationem etiam interioris sensus in Lege, nisi velimus subscribere Pontificiis, approbare illa Cornelii à Lapide *in hunc locum* scribentis; patet ex hoc loco errare nostros Novantes, qui dicunt, in hac vita Legem non posse impleri. *Non alterum dictum*, quod *Primò* plus non dicit, quàm charitatem esse maximam in illo Numero, quem Apostolus constituit. *Secundò*, non dicit Apostolus fidem vel spem desitutam, sed dicit de tribus hisce virtutibus verè mansuras omnes, & singulas in hac vita. *Tertiò*, Erasmus ita has virtutes restringit ad hanc vitam, ut etiam Charitatem cessaturam existimet; quem consules.

## XXXV.

Adversantur huic virtuti *primò*, *Odium Dei*, quod vel tale, ut non ametur Deus, vel etiam positivè impii eidem contraveniant &

odio habeant, vel illius imperium vel præsentiam, vel iustitiam vindicativam, & quia peccata punit, in ipsum exardescant, murmura opponant, fremant & indignantur. *Secundò* Amor tepidus & præposterus, cum vel homo se magis amat, propinquos præfert, amatque Patrem vel Matrem, filium aut filiam supra illum, nec dignus est Deo *Matth. 10. v. 37. Φιλήδωροι μάλλον ἢ φιλόθεοι* 2. *Timoth. 3. v. 4.* vel Deus non sincerè amat, Mundum & quæ sunt in Mundo collateraliter amplecti studet, externa pietate illudit hominibus & Deo, ipsi glaucoma objicere tentat. *Tertiò*, Amor creaturarum Deo non attento, quales producuntur *Job. 22. v. 14, 15.* dicentes Deo, *recede à nobis, nam notitia viarum tuarum non delectamur. Quid est omnipotens, ut colamus eum;* vel si Deus attendatur tali Affectu, ut flante Favonio ei adhæreatur, insurgente autem tempestate sensim Amor defervescat, aut magis diligantur præmia quæ promittit, vel Beneficia quæ exhibet, quàm qui promittit & exhibet.

## XXXVI.

Progrediuntur alii ita: Charitati huic opponitur 1. Metus ille, qui cruciatum habet ex præsentia Dei, & formidine pœnæ ab ipso infligendæ. 1. *Johan. 4. v. 18. Integra Charitas foras ejicit metum: quoniam metus cruciatum habet.* Hinc Charitas consummata foras ejicit metum, ibidem; ratio est: quia metus ille est horror proveniens ex apprehensione mali, propter præsentiam Dei: atque adedò opponitur charitati, quæ fertur in Deum, tanquam in absolutè bonum. Eidem secundò opponitur Abalienatio à Deo, quæ à quibusdam dicitur odium abominationis. *Psal. 14. v. 3. Johan. 3. v. 20. Unusquisque recessit. Odit lucem.* Sicut enim Charitas consistit in affectu unionis, sic abalienatio hæc est in disjunctione. Maximè autem adversatur Charitati Dei Odium, quod dicitur odium inimicitiae. *Joh. 15. v. 23, 24, 25. Oderunt tum me, tum Patrem meum.* Sicut enim charitatis amicitia est benevolentia; sic inimicitia ista erga Deum est in eo, quod impii malè ipsi cupiant, & vellent si fieri posset, ut non esset, vel saltem non talis, qualis est. Quamvis enim Deus, si ita apprehendatur, prout est in semetipso, non possit esse odii objectum; quatenus tamen apprehenditur ut peccatorum vindex, eatenus ab impiis peccatoribus odio sæpè habetur: quia illo respectu

respectu est ipsis maximè adversus. *Job. 3. v. 20. Quisque quæ mala sunt, agens, odit lucem, nec venit ad lucem, ne arguantur opera ejus.* Sicut enim amor Dei in piis causa est, ut odio habeant impietatem Deo adversam; sic amor iniquitatis in impiis efficit, ut Deum oderint, tanquam iniquitati suæ adversum. Gradus autem, quibus ad summam istam impietatem ascenditur: tales sunt, 1. Peccatores semet-ipsos inordinate diligunt. 2. Volunt illud quod sibi placet, quamvis contrarium sit legi Dei. 3. Odio habent legem: quia repugnat huic desiderio. 4. Deum ipsum adversantur, quia talis Legislator est & Author. Opponitur etiam Charitati erga Deum amor hujus mundi. 1. *Joban. 2. v. 15. quia hic mundus cum Deo & ejus voluntate non consentit. Ibid. vers. 16. Si quis diligit mundum, non est Charitas Patris in eo, Quoniam quicquid est in mundo, non est ex Patre.*

## XXXVII.

Referunt hûc alii alias quoq; speciales virtutes: *Timorem* scil. Dei; quo Homo planè se submittit Majestati divinæ, iramque ejus & supplicia peccatoribus debita attendit & reformidat, cui opponitur *Securitas carnalis & Pusillanimitas. Humilitatem*; quâ quis coram Deo agnoscit cum Abrahamo, se pulverem esse, & prosternit se huic Figulo, qui ipsum fecit vas honoris; cui opponitur *Fasus & Elatio adversus ipsum Deum. Obedientiam*, quæ vel generaliter accipitur, atque sic omnes virtutes præcedit, imò includit: vel specialiter, prout peculiarem dicit promptitudinem & propensionem erga verbum divinum; cui opponitur illud *Obsequium, quod proprie libidini & affectui attemperatur* extra verbum, quæque fingitur Deo grata obedientia, cum tamen non sit ad mandatum Heri, voluntatem Domini, & eo ipso fatua, uni Deo adversa. *Patientiam*, quâ etiam in adversis Deo planè se submittit & constanter adhæret; cui contrariatur *Impatientia*, cum insurgunt fluctus tentationum, mala externa circumfunduntur, & omnia videntur conspirasse in exitium, murmurante carne adversus Deum, & conquerente de onere imposito importabili.

# CAPUT IV. ALTERA PARS PRÆCEPTI.

## Verba Textus.

לא תעשה לך פסל וכל-  
תמונה אשר בשמים ממעל  
ואשר בארץ מתחת ואשר  
במים מתחת לארץ: לא  
תשתחוה להם ולא תעבדם  
כי אנכי יהוה אל הדין אל קנא  
פקד עון אבות על-בנים  
על-שלישים ועל-רבעים  
לשנאי: ועשה חסד לאלפים  
לאהבי ולשמרי מצותי:

*Ne facito tibi sculpteile, aut  
ullam imaginem eorum, qua sunt  
in caelis supra, aut qua in terra  
infra, aut qua in aquis infra  
Terram. Ne incurvans te hono-  
rem exhibeto eu, neque colito eam  
Nam Ego Jehova Deus tuus  
Deus fortis Zelotes sum, visitans  
iniquitatem Patrum in filios, in  
nepotes, & in abnepotes, in eos  
qui odio prossequuntur me. Ex-  
ercens vero benignitatem in  
millesimos, à patribus, qui dili-  
gunt me & qui observant man-  
data mea.*

## THESES I.

**A**Ntequam expendamus verba Textus, observamus primo hoc  
Effatum non peculiare constituere præceptum; tum quia I-  
magines ad cultum expositæ Dii alieni in Scripturis dicuntur,  
*Gen. 31. v. 29, 30, 32. ut & cap. 35. v. 2. & 4. Exod. 20. vers. 23.  
Deut. 28. v. 36. tum quia omnis Idololatria primo præcepto pro-  
hibetur; Ergò etiam erectio Imaginum ad cultum & adorationem,  
cum Genus sub ambitu suo omnes species comprehendat; tum quia  
præceptum de non habendis Diis alienis & non faciendis ad cul-  
tum sculptilibus unum idemque habent præceptum affirmativum  
de colendo vero Deo, adeoque ad unum præceptum pertinebunt.*

## II,

Frustrà itaque est Polanus, qui differre vult hoc præceptum à  
primo,



primo, quia, ut inquit, primū præceptum determinat Substantiam, seu Subjectum proprium Religiosi cultus, docens ut solus Jehova Deus Israelis colatur: secundum præceptum circumscribit modum cultus illius. Modus autem cultus religiosi est, qui divinitus præscriptus est, abjectis vitatisve omnibus modis, quos homo, ratio, opinio, mundus, diabolus offerre potest & solet. Quum autem Deus Spiritus sit, modum cultus divini spiritualesse necesse est, qui perficiatur in spiritu & veritate, *Joh. 4. v. 23, 24.* Nam primò eo ipso, quo præceptum primum determinat Substantiam seu Subjectum proprium cultus religiosi, docens, ut solus Jehova Deus Israelis colatur, hoc de non faciendis sculptilibus vel Imaginibus prostituendis ad cultum, sub se comprehendit; qui enim præcipit cultum sui solius, ille eo ipso omnem alium removet & excludit. *Secundò*, posito circumscribere hæc verba modum cultus, ut abjectis & vitatis omnibus modis, quos homo, ratio, opinio, mundus, diabolus offerre potest & solet, Deum veneremur; erit tamen hic ipse modus sub cultu solius Dei secundum Verbum præscriptum comprehensus; Annè enim non omnis Idololatria prohibetur hisce verbis: non erunt Tibi Dii alieni? Et annon etiam imagines & sculptilia ad cultum prostituta Dii alieni? *Tertiò*, Deum esse Spiritum, & cultus modum debere esse spiritualesse, non demum insinuat hisce verbis: non facies tibi sculptile &c. sed eo ipso quo Deus dixit, Ego sum Dominus Deus tuus, voluit se sistere ut Spiritum; Deus enim Spiritus, *Johan. 4. v. 24.* eo ipso quo dixit, Ego sum Dominus Deus tuus, rationali creaturæ intellectu & voluntate prædita, populo in peculium electo, & vinculo spirituali unito, sese exhibuit ut Spiritum, spirituali modo colendum; eo ipso quo dixit, Non habebis Deos alienos coram me, exclusit omnem cultum ex proprio ingenio confectum? quid enim Idolum, nisi id quod colitur extra Deum nostrum, nequit autem esse idololatria cultus spiritualis, cum ex carne suam ducat originem, quapropter posito, Jehovaham esse Deum nostrum, non esse debere nobis Deos alienos, colligendum erit, cultu spirituali, præcisa omni idololatria, Deum solum esse prosequendum; quinquam non negemus, expressis in hisce verbis, Non facies tibi sculptile &c. exponi displicentiam adversus sculptilia & imagines ad cultum prostitutas.

## III.

Frustra quoque ad Argumentum, quod Imagines ad cultum factæ sint Dii alieni, excipitur, Syllogismum laborare quatuor terminis. Rectè enim Mentzerus: in verbis *Deuteron. 7.* Ebraismus est, Sculptilia Deorum pro diis sculptilibus, cujusmodi etiam est, *1. Sam. 17. vers. 40.* glabrities vel lubricitates lapidum, hoc est, glabri & lubrici lapides. Nonnullæ imagines à gentilibus pro diis habitæ & adoratæ sunt, quemadmodum Philistæis Dagon Deus fuit, sicut *2. Sam. 5. v. 7.* Dura est, inquiunt, manus Dei Israel super nos, & super Dagon Deum nostrum. Si maximè concedamus, esse discrimen inter rem & ejus imaginem & similitudinem, & idololatræ nonnulli nolint videri colere imaginem, sed prototypum: judicio tamen Dei lignum & lapis, omnisque cultus & adoratio, contra præscriptum verbi ipsius facta per adventiones hominum, dii alieni dicuntur: Servies (inquit Dominus) diis alienis, ligno & lapidi. Addo quod libr. *Sap. 15. v. 8.* irridentur, qui colunt vano labore Deum de eodem luto. Hinc ex hoc ipso judicio Dei sic colligimus: Qui servit diis alienis, is peccat contra primum præceptum. Qui servit ligno & lapidi, is servit diis alienis. *Deut. 28. v. 36.* Ergo peccat contra primum præceptum. Rursus qui præter verum Deum facit & colit deos alienos, is adversatur primo præcepto: Qui facit argenteos & aureos deos, facit alios deos præter verum Deum. *Exod. 20. v. 25.* Ergo adversatur primo præcepto. Id ipsum docet rei veritas. Quia enim unus Deus est, *1. Corinth. 8. v. 9.* atque ob eam causam nulli revera in mundo dii sunt, (præter eos, quos Scriptura per metaphoram deos appellat, magistratus nimirum, quibus suus ad quarti præcepti præscripti honos debetur,) sed sunt pura puta hominum figmenta ac mendacia, consequitur hunc honorem, qui eis exhibetur, ante oculos Dei in ipsis imaginibus ligno & lapide hære, & terminari, cujus judicio, ut dictum, appellantur ligna & lapides, hominū manibus fabrefacti. *Psal. 115. v. 9.* Caveant dissentientes hīc in Dei judicium sibi virgulam censoriam sumere. Gentiles mutaverunt gloriam immortalis Dei in similitudinem imaginis mortalis hominis, & volatiliū, & quadrupedum & reptiliū. *Rom. 1. v. 23.* Et scriptura Judæos accusat, quod imagines, quas fecerunt, adoraverint, *Ab. 7.*

v. 12.

v. 23. Quod si mutarunt Dei gloriam in similitudinem imaginis hominis, ex illa certè Deum sibi finxerunt. Quicquid igitur contra quartum nostrum argumentum pars adversa protulit, id tum praxi gentilium, tum iudicio Dei, tum rei veritate refellitur.

## IV.

Frustra denique Luthèrum vellicant Beza, Musculus, Piscator, & Sacrilegii reum agere volunt, quod hæc Verba omiserit: Si enim Verba in imaginibus tantùm explicationis ergò sunt addita; expers omnis sacrilegii erit, qui substantialia præcepta retinens, in enumeratione illorum verba de imaginibus tacet, & pòst in explicatione addit. Atqui prius est verum Ergò & posterius. Quia enim Explicatio non est de substantiâ præcepti, & Lutherus ejusque discipuli, licèt in ipsorum præceptorum enumeratione captivi juniorum atque rudiorum & imbecillitati memoriæ illorum consulentes, verba de imaginibus non addant, nihilominus in explicatione videl. in concionibus & publicis scriptis, idololatriæ species disertè enumerant, & inter has explicitè quoque superstitiosum imaginum cultum recensent: unde quæso sacrilegii accusari poterunt? Aliquid etiam lucis huic quæstioni adferet sequens disquisitio. Nec Ecclesia ad recitationem hanc ita est adstricta & alligata, ut nefas sit ab ea quoquo modo discedere, prout opinantur NeomARBURGENSES, Moses enim *Deut. 5.* Quando historicè Decalogi præcepta & promulgationem recitat repetitque, non inhæret verbis, quæ in Exodo extant, sed quædam contrahit & omittit, quæ in Exodo habentur: quædam inserit, quæ ibi non leguntur: quædam etiam transponit. Hinc: Si necesse esset Decalogum à verbo ad verbum recitare, prout in Exodo descriptus legitur, procul dubio ipse etiam Moses, ordinis illius optimè conscius & verborum Exodi adhuc probè memor, verbis illis tenaciter inhæsisset, nec omittendo, inferendo & transponendo ab iis discessisset. At Moses non inhæret verbis Exodi, sed in Deuteronomio aliter recitat; Ergo non necesse est Decalogum à verbo ad verbum recitare, prout in Exodo descriptus legitur. Christus *Matth. 22.* totum Decalogum in duo præcepta compendiosè contrahit; quod procul dubio haud fecisset, si à serie & contextu verborum Exodi ullo modo discedere, nefas fuisset.

Item *Matth. 19.* in quaestione de consequenda vita æterna (ad quam non aliquorum saltem, sed omnium præceptorum observatio requiritur) non insistit verbis & ordini Mosaico, sed præcepta quædam omittit, quædam transponit. Quemadmodum & Paulus *Paulus 13* Inde sic argumentum. Si nefas esset verba Decalogi compendiosè contrahere, aut in recitatione tot literas & syllabas, quot in Exodo reperiuntur, non retinere: vel ab ordine Mosaico aliquantulum discedere, factum illud à Mose aut Christo non fuisset. At factum est, Ergo non est nefas.

## V.

Notamus *secundò*, disputari de Qualitate hujus præcepti. Quidam enim volunt, illud quoad fabricam imaginum & Sculptilium esse cæremoniale, & ipsam *εἰκονίαν* prohiberi Judæis, qui proni fuerint ad Idololatriam. Ita ex Pontificiis Gabriel Vasquez. *in tertiam Thomæ Tomo primo Quest. 25. Diss. 104. Cap. 2. & 4. pag mibi 990 993.* Ex nostris B. Chemnitius eadem incedit ferè viâ, & *in locis Theologicis pag. 103.* sequentia promit: Deus, cùm videret populum suum proclivem esse ad Ethnicam illam idololatriam, omnino interdixit illis fabricationem & usum imaginum quarumcunque, sive cælestium sive terrestrium, sive aquatiliū rerum, quæ vel exsistunt, vel non sunt in rerum natura. Hanc enim Origenes ponit differentiam inter Imaginem & Similitudinem. Alii similitudinem interpretantur, quicquid præter statuas & imagines, sine verbo Dei adhibetur ad cultum divinum; ut excelsa, luci, aliena altaria, currus solis. Quòd autem omnino interdictum fuerit Judæis, imagines & sculptilia in templo ponere, vel ex illo solo exemplo intelligi potest; cùm Pilatus imaginem Cæsaris in templum vellet inferre, de quo Joseph. lib. 18. cap. 5. Sicut ergo multi alii gentium ritus, qui per se & suo genere indifferentes sunt, prohibiti Judæis fuerunt in Legibus ceremonialibus, ne essent ipsis occasio impietatum & idololatriæ: Ita, quia imagines & statuæ præbuerunt occasionem, quòd vera religio etiam in membris populi Dei sensim, sub specie pietatis corrupta fuit (ut Genes. cap. 11. v 31. Nachor & Abraham cum Patre Thara discesserunt à Chaldaica idololatria: Laban vero filius Nahor, Gen. 31. v. 30. Theraphim vocat Deos suos, & Rahel illis aliquid tribuit, idque paulo plus

200. an-

200. annis post) Deus omnino interdixit; ne ipsi facerent, vel ab aliis fabrefactas imagines collocarent in loco, ubi cultus divinus erat tractandus. Nec in diversum abiit Hugo Grotius, in *Commentario ad Decalogum pag. mibi 32.* scribens: Hæc opinio, quod scil. in Imaginibus Spiritus delitesceret, quia apud Orientis populos latè invaluerat, eaque pravi dæmones ad fallendos homines abutebantur, Deus edicto hoc suo omnia sculpta animalis alicujus formam habentia inhibuit; facilius enim spiritus capacia illa simulacra videbantur ob recessus abditos. Notandum enim non tantum Hebræis vetitum, eis venerationem exhibere, verbis sequentibus, sed ne facere quidem ulla simulacra permitti. *Deut. 4. v. 16.* insuper aboleri jubentur *Exod. 34. v. 13. Num 33. v. 52. Deut. 7. v. 5.* Cum Pilatus clypeos in Templo fixisset, Judæi non quievire, donec tollerentur, quia in iis erant *αἰνῆμα*, vultus Cæsarum. Et trophæa Herodes cum statuisset, non prius iram populi effugit, quam iis nudatis ostendit, nullas ibi latere effigies. Aquila etiam aurea supra portam templi ab Herode posita, tanquam legi repugnans, dejecta est: ut narrat Josephus lib. 17. Neque vero in templo tantum, quod Tacito ac Dioni notatum, sed quovis alio in loco habere sculptas animantium imagines Judæis interdictum. Vide, si libet, Mosem de Kotzi in libro de præceptis jubentibus & negantibus, & Josephum belli Judaici libro 11. Contra hanc legem, quamdiu mansit legis sanctitas, venire nemini licuit, nisi Deo ipsi, legis conditori, qui sibi ipsi exceptionis potestatem non ademerat. Is suo jure in Templi ipso penetrali locari jussit Cherubinos, alatas humano effigies vultu, eo in loco quò solus Pontifex Maximus semel anno intrabat, gnarus non inesse illis divini aliquid: sed significari aut, ut Philo censet, celerrimas Dei actiones in benefaciendo bonis & in puniendo malos, aut quod Angelorum ad quæcunque vellet paratissimo ministerio Deus uteretur, ut Moses Maimonides aliique censent. Talis exceptio fuit etiam cum serpentis imaginem Deus jussit erigi. Extraordinario præcepto serpentis similitudinem induxit, ait Tertullianus de idololatria. Quod vero labro æneo boves & leones adjecit Solomo, id aut Deo fecit præcipiente, aut, si Dei veniam non habuit, initium fuit & gradus quidam ad alia quæ peccavit postea, quæ posterior magis plagit Jose-



pho & aliis Hebræis sententia. Animantium sculptas imagines cum dixi vetitas, etiam sidera comprehendo, quia motum suum habent. Non enim orbis, sed in cœlo liquido moveri sidera, vetustissima Hebræorum sententia est, ut nos docet Gemara ad initium Geneseos. Figura autem siderum aut formam exprimebant singularem stellæ, Solis puta, Lunæ, Saturni, Luciferi, Jovis, (vide *Ab. 7. v. 43.*) aut corpus è pluribus stellis conformatum redactumque ab hominibus in speciem hominis, feræ, serpentis, aliufve animantis. Apparet esse hæc de sculptis deque animantium figuris interdicta ex eorum genere, quæ natura sua illicita non sunt, sed quæ ad mali cujusdam cautionem prohibentur. At alia esse pleraque in Mosis lege, per se *ἀδιαφοροί*, sed opposita directe institutis Ægyptiorum, Phœnicum, Arabum, quo longius *ἀπὸ τῆς πλυσίας* arceantur Hebræi, notavit prudenter Maimonides.

## VI.

Cornelius à Lapide ita censet de hoc Enunciato: Superiori v. vetuit deos alios in genere; hîc speciatim simulacra deorum vetat; iis enim præcipuè deos suos colebant Gentes, imo & illa ipsa, ut deos habebant: quod licet neget Calvinus, disertè tamen docet *Esaias cap. 44. v. 17. Baruch toto cap. 6. Jerem. c. 10. Sapient. cap. 13. v. 10.* Vetat ergò hîc Deus simulacra deorum, tum fieri, tum coli: utrumque enim nefas est.

## VII.

Commodiùs tamen dicitur, præceptum hoc esse morale, esse partem vel appendicem primi, nec prohiberi facturam sculptilium aut Imaginum simpliciter, sed secundùm quid & relatè ad Cultum, partim, quia Moses ipse ita exponit non tantum Diis alienis istiusmodi Imagines & sculptilia subordinanda in Decalogo, sed etiam clarissimè alibi sensum legis explicando. Ita enim *Levitic 26. v. 1. Ego Dominus Deus vester, non facietis vobis idolum & sculptile, nec titulos erigetis, nec insignem lapidem ponetis in terra vestra, ut adoretis eum; Ego enim sum Dominus Deus vester.* Partim, quia communiter Patres docent, omnia præcepta decalogi, exceptâ determinatione Sabbathi, esse moralia. Videatur *Irenæus lib. 4. cap. 31. Clemens Alexandrinus in Oratione adhortatoria ad Gentes.* Imprimis verò Augustinus, qui ita *Epistola 119. Cap. 12.* Inter illa omnia decem præcepta

cepta solum ibi, quod de Sabbatho positum est, figuratè observandum præcipitur &c. Cætera tamen ibi præcepta propriè sicut præcepta sunt, sine ulla figurata significatione observamus. Nam & idola non colere manifestè didicimus. *Partim* quia nostri Theologi agnoscunt aliud longè esse *εικονοποιΐαν*, aliud *ειδωλοποιΐαν*; neque illam prohibitam, sed hanc, *ειδωλοποιΐα* verò non adversatur Legi cæremoniali, sed morali, est mala moraliter & consequenter hic prohibita.

## VIII.

Prohibetur autem factura Sculptilis & imaginis hisce verbis: non facies tibi sculptile atque omnem Similitudinem &c. Obiectum est *פסל pesel* à *פסל sculperè*. LXX. Interpretes reddiderunt *εἰδωλον*: alii græci *γλυπτὴν*: Gallicæ quædam versiones: Imago taillée: quædam idole taillée; usurpatur autem Radix *פסל* generaliter apud Ebræos, & notat non tantum sculperè, sed & dolare, ut *Pesel*, ut consequenter sit omne id, quod sculpitur, finditur, dolatur, tornatur, atque legitur *Deut. 4. v. 16. Judic. 18. v. 14, 17, 18, 20. 30. 2. Paral. cap. 33. v. 7.* & eidem jungitur *תבנית Imago*, quâ LXX. reddiderunt per *ὁμοίωμα*: Hispanicè: retrato, cōtra factura: Imago quæ ab alio ducta vel expressa, & occurrit hæc vox *Deut. 4. v. 16. Judic. 23. v. 35. Deut. 5. v. 8.* præmittiturque vox *לֹא*, ut omnis imago intelligatur, sive Deum verum sive falsos repræsentare dicatur.

## IX.

Cur autem hic duo vocabula hæc combinentur, & distincta copulentur, inter eruditos disquiri cæptum est. Philo Judæus censuit, Mosè his verbis speciosas illas & magni pretii Artes, Statuariam & Picturariam, ex sua Republica exclusisse. Quidam ex Patribus & Pontificiis censent, hæc fuisse conjuncta, quia per prius prohibere Deus voluerit simulacrum, non ex hominis alicujus lineamenti expressum, per posterius verò imaginem, quæ tali expressione fiat. Quidam denique volunt, sculptile & similitudinem hic memorari, quia sculptilis imago distinctius & enixius prohibita sit, cum Idolorum cultus versatus fuerit potissimum in Imagine sculpta vel statua, quæ soliditate partium atque crassitie magis exhibeat

personam, quæ adoranda proponitur, quàm si hæc in superficie coloribus duntaxat exprimitur; vide Commentatores & Rungium.

## X.

Primæ sententiæ subscribere non possumus, quia ipse Deus arte sculptoria exornavit Oholiabum & Bezalielem & ea illos uti voluit in effigianda figura Cherubim; altera quoque non videtur solida, quia sculptile generatim accipitur, præscindendo ab homine, & generaliter explicatur per sequentia, dum dicitur: *Ne facito tibi sculptile, aut ullam imaginem eorum, quæ sunt in cælis suprâ, aut quæ in terra infrâ, aut quæ in aqua infrâ Terram. Ne incurvans te honorem exhibeto eis, neque colito ea: Nam Ego Jehova Deus tuus Deus fortis zelotes sum, visitans iniquitatem Patrum in filios, in nepotes, & in abnepotes, in eos qui odio prosequuntur me; Exercens verò benignitatem in millesimos, à patribus, qui diligunt me & qui observant mandata mea,*

## XI.

Dicitur autem, ut actus prohibitus intimetur: *Non facies tibi sculptile, neque omnem similitudinem.* In Ebræo occurrit vox פִּזְזָה, quæ usurpatur de Deo creante, Genes. 1. v. 7. exornante, Esaiæ 43. v. 7. conservante, Deut. 32. v. 6. de Creaturis comparantibus, acquirentibus, Gen. 12. v. 5. parantibus aliquid, Gen. 18. v. 7. Generantibus 2. Reg. 19. v. 30. Sacrificantibus, Ezechiel. 45. v. 17. Curantibus, 2. Sam. 19. v. 25. Mutantibus, Jeremia 8. v. 8. adeoque generaliter notat hic omnem modum faciendi, parandi, curandi, omnem actum productionis. Quò collimant quoque LXX. Interpretes, adhibentes vocem generalissimam *μimosis*, interim, si licet conjicere, videtur ex loco Jeremiæ octavo, maximè posse sensum hujus vocis hoc in loco usurpatæ illustrari. Dicitur enim ibi: *in mendacium mutavit Legem stylus scribarum falsarius: Ut enim dicitur fecisse sive mutasse Pseudo-prophetas Legem in mendacium, ita hominis Sculptile vel Imaginem fabricantes faciunt sibi Deum falsum, mutant verum Deum ejusque gloriam in Imaginem similem hominibus, volucrum, quadrupedum, & reptilium; ut Paulus loquitur, Rom. 1. v. 23. & 25. Legem mutasse, quæ nihil aliud est, quàm symbolum Dei Sanctissimi & justissimi, dicuntur illi falsarii malè interpretando, ita homines fabricando Sculptile vel imaginem, mutant illum, qui Sanctissimus & justissimus, in Idolum detestabile,*

stabile, malè interpretando, Naturam Numinis, ad imaginem obliquando, quod solius Dei est; ut denique dicitur, Stylum Scribarum falsarium mutasse Legem in mendacium, ita fabricando sculptile vel Imaginem hominis Instrumentis Sculptoriis, penicillis & cæteris utuntur, & istis mutant in mendacium, illum, qui prima Veritas: ita Aaron ad exemplar Boum, qui Apis & Menovis dicebantur, stylo effigiavit vitulum aureum, notas & maculas imprimendo, fufum exornando *Exod. 32. v. 4.* Notanter verò loquitur Deus, & expressius Indolem istiusmodi facturæ prohibitæ signat, dum dicit: *Non facies tibi*, ad tuum scil. usum in Religionis Negotio, tibi & tui simili; non tantum in Usu sibi fingere Idola, sed aliis cujuscunque conditionis hominibus, illicitum est. Nec malè hic Amandus Polanus, sed nostris principiis conformiter ita differit, Primò, inquit, prohibetur factura imaginum, non quarumvis, sed tantum religiosarum, id est, quæ religioni & conscientiæ serviant: Nam præcepta Decalogi sunt à Deo promulgata religionis & conscientiæ causâ. Illæ autem imagines sunt religionis causâ, quæ sunt ad repræsentandum Deum verum, aut falsos deos: aut ad colendum Deum verum, vel deos falsos per illas: aut ut ipsæ religiosè colantur, sive pro Diis aut Divis ipsis habeantur, sive pro illorum simulacris. Per imagines autem synecdochicè intelligitur etiam omnis cultus Dei ab hominibus confectus. Nam Deus non vult coli per imagines manu humanâ factas aut per cultus ab hominibus excogitados. Dicimus disertè, Deum nolle coli per imagines manu humanâ factas; de talibus enim in præcepto secundo loquitur Deus dicens: *Non facies tibi sculptile, &c.* ut discernantur ab æterno Dei Filio, qui est naturalis imago Patris, sed genita; & de quo est mandatum *Hebr. 1. v. 6.* Et adorant eum omnes Angeli Dei.

## XII.

Neque subscribimus illis, qui negligunt illud *Tibi*, & putant ex Idiotismo Ebraico redundare, nec aliud esse facere sibi, quàm simpliciter facere, ut vade tibi, sit idem, quod vade, atque simile volunt esse judicium de Expositione in præcepto negativo 20. & 21. Catalogi Ebraei, ut nemo pro seipso faciat sculptile aut alteri, & in 22. ne fiat figura aut similitudo pro honore aliquo, ut hominis in argento vel auro. Nam etiam LXX. Interpretes notanter addunt

σταυρῶ.

σταυτῶ. Ipsa consequentium consideratio ad hanc Emphasin observandam manuducit, nec non Cajetanus, quem meritò cæteris Pontificiis opponimus, scribens: Non facies tibi sculptile, quod scil. tibi sit instar Dei & Idoli. Idem significat id quod sequitur: non adorabis ea, & non coles.

## XIII.

Addit Deus prohibitioni illi, Non facies sculptile tibi, *neque omnem similitudinem*, descriptionem eorum quorum similitudo fabricari & exhiberi solet, scil. illius, *quæ est in cælo desuper & quæ in terra deorsum, nec eorum quæ sunt in aquis; sub terra moventur.* Itaque primò similitudo illorum quæ in cælis desuper: ubi disquiritur, quid per illa notetur. Quidam volunt designari Solem, Lunam & Astra. Quidam addunt Aves cæli, quia Deuteronomii quarto, ubi idem præceptum repetitur & explicatur ita, ut per ea, quæ sunt in cælo, Aves intelligantur. Quidam utrumque conjungunt, ut sensus sit omnium eorum Effigies inhiberi, quæ superius cernuntur in aëre vel cælo, suntque reipsa vel animata, vel certa gentium opinione talia. Nos existimamus nomine illorum quæ in cælis sunt, intelligi primò Angelos & Animas Beatorum. Quò referimus illa Chemnitii: Ad cultum facere, proponere aut usurpare, non tantùm imagines idolorum & dæmoniorum 1. Cor. 8. nec tantùm irrationalium creaturarum, verùm etiam angelorum, spirituum justorum qui in cælis sunt, & hominum defunctorum, quorum corpora sub terra sunt, & ne ipsius quidem Dei imaginem ad cultum fieri, proponi & usurpari, vult Lex Dei. Deus enim noster in cælo est. Et lex prohibet, ejus quod in cælo est, imaginem ad cultum fieri. Secundò Solem, Lunam & Astra. Solem enim & Lunam Ægyptii, teste Eusebio, venerati sunt & Solem vocarunt Osirim, Lunam Isim, hoc est multoculum & priscam. Et cætera astra quoque alii magnificiebant & venerabantur. Occasionem verò illius cultus ostendit Jesuita Amenionensis *Commentario in Deuteron. 4. vers. 19.* scribens: Tanta eorum pulchritudo, utilitas, incorruptibilitas, vel certè constans ac perpetuus status, quodque præterea nonnulli animata esse persuaferint sibi; item quia opinio erat, hominem esse opus illorum; ita ut habeat cùm concipitur à sole spiritum; corpus à luna; à Marte sanguinem; ingenium à Mercurio; à Jove desiderium; cupidita,



piditatem à Venere; à Saturno humorem: ob has, inquam, & similes alias causas Genethliacorum, facilius allicere ad se huiusmodi corpora homines potuerunt, & ab iisdem venerationem religiosam elicere. Ut propterea forsitan præceptum expressum de non faciendo sculptili, seu imagine, ac similitudine, hic non repetatur; non solum quia id ex dictis potest suppleri; verum etiam, quoniam rerum perpetuò & continenter oculis subjectarum, ac per sese in sensus incurrentium, minùs necessariæ vel curandæ videbantur effigiationes; præsertim cum non ita distinctæ fieri possent: licet Ethnici signis quibusdam confictis, sive Astrologi sive Poëtæ, stellas astraque repræsentaverint. In c. 17. cavetur severissimè, ut lapidetur adorator alienorum deorum, ac nominatim Solis, & lunæ, & omnis militiæ cœli, hoc est, astrorum; quæ militia cœli præterea sub istomet nomine sæpiùs aliis in locis memoratur, in quibus etiam reprehenditur idololatria, sicut & rursus alibi, ac peculiariter sub vocabulis Solis, & Lunæ, & quidem etiam adoratorum in Ægypto: præterea Milchom, Moloch, Remphan, quod appellatur sydus: item Astaroth, & Astarthe. Tertiò Aves quidam notare quoque volunt, tum quia cœli nomine aër veniat, generaliter loquatur Deus de omnibus illis, quæ sunt in cœlo desuper, & tandem *Deut. 4. v. 17.* dicat: ne faciatis similitudinem Avium sub cœlo volantium. Sed de hac posteriori acceptione meritò dubitamus, quia quamvis vox cœli in Scripturâ non tantum notet illud expansum, in quo sydera moventur, sed etiam aërem, non tamen probari potest in hac significatione hic usurpari, & si usurparetur, Aves etiam notari illis, quæ sunt in cœlo desuper, phrasi hæc designari. Secundò ita generaliter loquitur, ut tamen cœlestia contradistinguat illis, quæ in terrâ & aquis sunt; denique locus ex Deuteronomio *Cap. 4.* nihil probat, sed potius pro nobis militat, cum ibi quidem mentio fiat Avium sub cœlo volantium, sed illæ adscribantur Ordini animantium contradistinctè ad Solem, Lunam & omnia astra cœli, de quibus in versiculo decimo nono demùm agitur.

## XIV.

*Secundum*, quod prohibetur, est Similitudo illorum, quæ in terrâ desuper, per hæc intelliguntur homines, jumenta, reptilia, & si non referamus ad cœlestia, Aves, illud quoque genus animantium;

*Pars Specialis.*

*L l*

*Deu-*

Deuteronomii enim quarto recensetur imago masculi & feminae, secundò, jumenta & aves, & tandem reptilia, quæ moventur in terrâ, quorum Exemplâ ponit Tostatus, Episcopus Abulensis; ex primo quidem ordine mares: scil. Jovem, Saturnum, Martem, feminas: Junonem, Dianam, Venerem, Vestam; Ex secundo, Apim Ægyptiorum & canes & alia monstra; ex tertio, Aquilam Jovis, Columbam Veneris bajulam, Pavonem Junonis, Corvum Phœbi; ex quarto Draconem, quia Æsculapius Deus in figura Colubri cristati de Epiro Romam transvectus est, ubi in Insula Tyberis colebatur. Nec inconvenienter hic Lorinus. Nondum extabant pleraque Idolorum istorum, quo tempore vivebat Moses, sub istis saltem vel formis vel vocabulis: estque verisimile, respectum habitum à Mose ad illa, quæ ab Ægyptiis, quibuscum tamdiu versati fuerant Hebræi, & ab aliis gentibus, quas in itinere ipso, vel non procul habuerant, vel quæ à Chananæis, in quorum regionem jamjam ingredi debebant, colebantur. Herodotus auctor est, ab Ægyptiis Græcos accepisse duodecim nomina deorum, eosque primos aras, & imagines, & templa, βαμνὲς καὶ ἀγάλματα, καὶ ἱεῖς, diis erexisse: præterea existimasse è piscibus squamosum sacrum esse & anguillam, ἰχθυόων: ex avibus vulpanferes, χηνολώπικας, & phœnicem. Strabo recenset bovem, ovem, canem, felem, accipitrem, ibim, oxyrinchum, larum piscem Nili, cynocephalum, cetum, leonem, capram, hircum, murem, araneum, &c. Juvenalis crocodilon, porcum, cepe, oves, hædos, ibin, cercopithecum, piscem, canem.

————— *Quis nescit, qualia demens  
Ægyptus portenta colat? crocodilon adorat, &c.*

Et,

*Porrum, & cepe nefas violare, ac frangere morsu.  
O sanctas gentes, quibus hæc nascuntur in hortis  
Numina! lanatis animalibus abstinet omnis  
Mensa, nefas illic factum jugulare capellæ.*

XV.

*Tertium, quod reprobat, est Similitudo illorum, quæ in aquis  
sub terra; quod quidam accipiunt de piscibus, quidam etiam extendunt ad Dæmones, qui aliàs dicantur καταιχθόνιοι; Et sanè pisces notari, atque sive monstra sive Numina marina, liquidum esse  
vide-*

videtur. Nam in vicinia Judæorum colebantur Dagon, Numen scil. Philistæorum. Teste Xenophonte *lib. 1. de Expeditione Cyri*, qui de quodam flumine agens, Chalon nomine, in quo pisces conspiciabantur magnitudine insignes & mansuefacti, dicit: Eos Deos arbitrabantur Syri, nec injuria affici patiebantur, sicut nec columbas. Et cum illo conspirat Poëta, *Secundo Fastorum* canens,

*Ne violent timidi piscibus ora Syri,*

Adde Ciceronem, *lib. 3. de Natura Deorum*, Juvenalem, *Satyra decima quarta*. Descendit autem hoc Nomen secundum quosdam à radice לִי piscis, quanquam Schindlerus, Bochartus & alii malint derivare à לֶן frumentum; Secundò Antonius Nebrissenis, Dagon, dicit, eundem fuisse cum Derceto, de quo Diodorus Siculus testatur, quod ab Ascalonitis fuerit cultus; Tertiò, quia figura illius fuit ita, secundum Kimchium, exhibita, ut retulerit ἐκ μέγας piscem; Et quis nescit Neptunum, Thetyn, Tritones, Nereides & Nymphas, & consimilia aquarum Numina vel monstra?

#### XVI.

Non substitit Deus hic, sed progressus fuit ad ipsum cultum, & severè illum prohibuit, addendo: non adorabis neque coles לֹא תִשְׁתַּחֲוֶה לֵאלֹהִים אֲחֵרִים lo tischtachavæh, non incurvabis te eis, non procumbere te facies eis, ut quidam reddunt, LXX. Interpretes verterunt ὁμοθυμῶν αὐτοῖς לֹא תַעֲבֹד lo taabhdem, non servies eis, ὡς μὴ λατρεύσῃς αὐτοῖς, ut habent LXX. Interpretes. Prioribus verbis prohibetur cultus externæ significationis; posterioribus internæ venerationis; Incurvare enim est aliquo corporis gestu testari submissionem & reverentiam, & generaliter illa indicia notat, qualia sunt capitis apertio, genuflexio, osculatio &c. Unde etiam in N. T. hæc vox explicatur per γονυπεῖν *Marc. 1. v. 40.* per προσκύνειν *Marc. 7. v. 25.* Hugo Grotius ad hanc phrasin sequentia annotavit: Non satis habuit Deus Israelis populo consulere adversus pravas ejus sæculi sententias, & mores in id tempus, quo victuri erant in societate popularium, sed in longum prospiciens, adhibere cautiones voluit etiam illis Hebræorum, qui extra suum populum erant peregrinaturi. Namque ibi, cum impedire non possent quo minus existerent sculptæ animantium aut a-

strorum imagines, remedium aliud adhibendum eis fuit, ne pravæ opinionis ac instituti ad eos contagium perveniret: id autem melius fieri non potuit, quam si prohiberentur gestus cum eis habere communes, quibus error ille nutriebatur. ἡ προσκυώσις in Hebræo est כַּוְנוֹתָא לֵב. Vox Hebræa כַּוְנוֹתָא satis est generalis: neque verò animi actum designat, sed corporis: sive is fiat caput inclinando, sive inclinando corpus totum, sive curvandis genibus, sive subsidendo in poplites, sive, qui maximus est honos, procumbendo. Græci Interpretes per προσκυῶν hanc vocem solent vertere: non sine causa. Nam sicut apud Orientis populos, veneratio ostendebatur variis flectendi corporis formis, ita apud Græcos manum ad os admovendo, quod propriè est προσκυῶν à κύω & inde κυῶς, quod est osculor: Nec aliud significat Latinum adorare, non ab orare, id est precari, factum, ut imperiti homines existimant, sed ab eo quod manus admoveatur ori. In Glossis adorat, προσκυῶν. Alibi προσκύωσις, adoratio, adveneratio. Manum ori admovere dixerunt Plinius, Tertullianus, Apulejus: φιλήσω δεξιάν, manum osculari Lucianus περὶ ἡνσιῶν. Idem περὶ ἐρχήσεως libro κύσας χεῖρα, manum osculans. idem in Demosthenis encomio apertè quod dixerat osculari manum, mox dixit προσκυῶν. Eustathius ad v. Od. προσκυῶν πῶς τὸ κύειν, ὃ ἐστὶ φιλεῖν, ab osculando. Quod in epigrammate veteri est:

*Ingressus scenam populum saltator adorat:*

idem est quod apud Phædrum: jactat bafia tibicen. Moshic venerationis quàm sit antiquus, ex *Jobo* apparet 31. v. 26. Sed quod in plerisque vocibus evenit, ut non maneant in sensu originis suæ, quinimò ut adoptivus sensus prævaleat, idem huic Græcæ voci προσκυῶν accidit; cœpit enim usurpari de quovis gestu reverentiam quandam testante: itaque id quod προσκυῶν adorare, dixit *Matthæi* interpretes 8. v. 2. idem est πεσὼν ἐπὶ τὸ πρόσωπον, procidere in faciem, *Luc.* 5. v. 12. sic quod apud eundem *Matthæi* interpretem est, προσκυῶν, adorare, 19. v. 18. id *Marcus* dixit πίπτειν πρὸς τὰς πόδας, procidere ad pedes, 5. v. 22. Interdum apertioris significatus causa alterum altero addito explicatur, ut πεσόντες προσκυῶσιν, procidentes adoraverunt, *Matth.* 11. v. 11. ἐὰν πεσὼν προσκυνήσῃς μοι, si cadens adoraveris me, *Matth.* 4. v. 9. πεσὼν ἐπὶ τὰς πόδας προσκυνήσιν. pro.



ὅτι, procidens ad pedes ejus adoravit, *Act. 10. v. 25. πρὸς τὴν*  
*πρόσωπον προσκυνησὶ*, cadens in faciem adorabit Deum, *1. Cor. 14.*  
*v. 25.* Chrysostomus ad cap. 5. epistolæ ad Ephesios *προσκύων* ex-  
 ponit per *καμπτεῖν ἑαυτὸν*, se flectere. Sic in historia honorati ab Ja-  
 cobo Esavi, ubi est in Hebræo *יִתְחַו*: Josephus & Græci ponunt  
*προσκύνησ*, idemque faciunt in historia umbræ Samuelis, quam  
 honore afficiebat Saul. Atque inde factum, re externa ad internam  
 relata, ut interdum, sed rarius animi actum ea vox significaret, ut  
 voces *θύσια*, sacrificium, *προσφορά*, oblatio, aliaque similes. Vide  
*Joh. Evang. 4. v. 23.* Hoc verò loco haud dubiè significatur omnis  
 actus, quo honos habitus demonstrari solet; sicut enim alibi vetan-  
 tur Hebræi nomina usurpare Deorum falsorum, *Exod. 23. v. 13.*  
 ita etiam imaginibus ulium signum honoris, quocunque tandem  
 animo id fieret, exhibere prohibentur, ut notat Moyses de Cotzi præ-  
 cepto vetante *xix. quæ* omnes sunt *προφυλάκιστα*, cautiones contra  
*τὴν πολυθείαν*, deorum multitudinem; idem autem valent hæ locu-  
 tiones, imagini se flectere, aut flectere se coram imagine; itaque  
 quod in *Matthæi 4. v. 9.* est *προσκύνησής μοι*, adoraveris me, id *Lu-*  
*cas* dixit *c. 4. v. 7. προσκυνησής ἐνώπιόν μου*, adoraveris coram me.  
 Sic quod per dativum exprimitur *Jer. 22. v. 9.* id per *עָנִי* coram  
 enuntiatur. *2. Paralip. 25. v. 14.* & per *לפני* quod idem valet. *Le-*  
*vit. 26. v. 1.* Et quod in dativo est, *1. Reg. 19. v. 8.* & *Rom. 11. v.*  
*4.* id Latina interpretatio explicat per præpositionem coram. Phrasi  
 autem posteriore prohibetur internus cultus, servitus religiosa, quæ  
 quandoque etiam ad externa progreditur, cum scilicet imagines istæ  
 ad cultum prostitute ornantur auro & gemmis, incensum illis  
 offertur, peregrinationes ad illas instituuntur, lampades, altaria &  
 alia munera insdem consecrantur; quod referimus illa Grotii: Si ho-  
 norem, qui hominibus eminentibus præstari solebat, nullo modo,  
 non jam dicam imaginibus, sed apud imagines exhiberi hac lege  
 non permisit Deus, multò magis vetandum censuit, apud imagi-  
 nes ea fieri, quæ mos gentium propria fecerat divini numinis veri  
 aut crediti talis honori. *כָּדָבָר*, quod hic est in Hebræo, vox quidem est  
 generalis, quæ quoties enuntiatur *פָּנֶיךָ* cum relatione ad aliquid,  
 verti à Græcis solet, non minus per *δελύων*, quam per *λατρεύων*.  
 interdum & per *λατρεύειν*. Sed quia, ubi de rebus divinis sermo



est, frequentius iidem interpretes usurpant verbum λατρεύειν, inde illud natum est discrimen, quod Latini Christiani magis quam Græci usurpant. Alioqui, si proprietas spectetur, non plus est in voce λατρεύειν, quam in voce δαλεύειν, ut apparet expensis locis, *Psal. 11. v. 11. 1. Thess. 1. v. 9.* in quibus locis est δαλεύειν, servire, quod *Hebr. 9. v. 4.* est λατρεύειν. At vero, ubi de rebus divinis sive veris, sive ita putatis agitur עֲבֹדָה apud Hebræos, & inde deductum nomen עֲבֹדָה solet significare illa, quæ proprie receptissimo more per Orientem, qui & per Græciam atque inde latius manavit, in divini Numinis veri aut crediti, honore usurpari, solebant, id est, sacrificia, libamina, suffitus, de suffitu vide *2. Reg. 18. 4.* Hæc enim sunt, quæ quoties non in veri Dei cultum adhibentur, Hebræi vocant עֲבֹדָה יִדֹּלִית, quod ut ante diximus, εἰδωλολατρείαν vertunt Judæi Græce loquentes, & eos secuti tum Apostoli, tum Apostolici viri, ob eam, quam modo indicavimus, causam. Est autem in Apostolico sensu idololatria, ut cum Tertulliano loquar, quicquid ultra humani honoris modum ad instar divinæ sublimitatis attollitur.

## XVII.

Liquet autem ex dictis *primò*, non damnari ipsam Iconopœiam simpliciter; Agnoscunt hoc ipsi Calviniani. Ita enim Ursinus in *Explicatione Catechetica*, pag 339. Non simpliciter hic prohiberi simulacra, statuas, imagines fieri vel habere: quia ars pictoria, sculptoria, fusoria, textoria, inter eximia, & vitæ humanæ utilia Dei dona recensetur; & Deus ipse in tabernaculo imagines quasdam fingi: & Solomon in folio suo leones, in templo palmas & cherubim jussu Dei sculpi curavit. Nec obscura est ratio: quia scriptura & pictura ad memoriam rei gestæ, ad ornatum, & ad oblationem vitæ liberalem pertinent. Vetat ergò lex non usum imaginum, sed abusum, qui est, cum vel ad repræsentandum, vel ad colendum Deum aut creaturas sculpturæ & picturæ sunt. Proinde nec simpliciter omnes imagines vel statuas, sed tantum aliquæ tanquam illicitæ prohibentur, videlicet: *Primò* omnes imagines vel statuas Dei, hoc est, quæ ad repræsentandum aut colendum effinguntur, simpliciter hic damnantur. Id patet. 1. Ex fine præcepti, qui est cultus divini incorrupti conservatio. 2. Ex natura Dei;

Dei; Deus est incorporeus & infinitus: Impossibile est igitur, eum corporea & finita imagine exprimi aut representari, sine divinæ majestatis diminutione, juxta dicta: Quis mensus est pugillo suo aquas, & cœlos palmo direxit? cui igitur assimilabitis Deum? & quam similitudinem disponetis ei? Cui assimilabitis me, & æquabor illi, dicit sanctus? Mutarunt gloriam incorruptibilis Dei in efformatam imaginem mortalis hominis, & volucrum & quadrupedum & reptilium. 3. Ex Dei interdicto: Cavete diligenter animabus vestris: non enim vidistis ullam imaginem die, quo loquutus est Jehova ad vos in Horeb, è medio ignis: Ne fortè corrumpamini & faciatis vobis sculptile, aut imaginem ullius simulacri, effigiem masculi & feminae, effigiem cujuscunque animalis, &c. Ex causa hujus interdicti; quia nimirum hæc simulacra, non modò nihil profunt, sed etiam multum nocent hominibus. Sunt enim eis occasio & causa idololatriæ & pœnarum. Breviter: Deus sculpi non debet, quia nec vult, nec prodest. Amandus Polanus distinguit inter imaginem Licitam & Illicitam, atque de priori ita censet: Imago licita est, quæ à Deo non est prohibita: cujusmodi est imago rei alicujus honestæ, & non contraria bonis moribus, serviens solummodo vel ad typum aliquem, vel ad ornatum, vel ad memoriam, vel ad disciplinam, veluti serpens æneus, imagines à Mose factæ in tabernaculo, & à Salomone in Templo Hierosolymitano & in palatio regio; imagines item parentum & aliorum hominum ornatus & memorie causa in ædificiis; imagines stirpium & aliarum rerum physicarum vel mathematicarum ad disciplinas humano generi utiles & necessarias pertinentium, &c. Imago illicita, est figura quævis à Deo prohibita: veluti omnis imago inhonesta & bonis moribus contraria, & imprimis facta ab hominibus cultus religiosi causâ, si ve representet rem verè existentem, ut imago veri Dei, imago Solis, Lunæ &c. si ve fictam, ut imago falforum deorum & eorum quæ nunquam fuerunt, nec erunt in rerum natura. Imò etiam imagines divino jussu factæ, si religiosus cultus eis exhibeatur, sunt illicitæ; veluti serpens æneus, quum ei incensum à populo offerretur, evasit idolum. Omnes igitur imagines factæ ab hominibus religionis causâ, vel post multa demum secula religiosè cultæ, sunt illicitæ. Ipse denique Rivetus ita definit: Verum non est, quod tamen

tamen nonnullis veteribus placuit, artem omnem plasticam & picturas omnes atque sculpturas fuisse Judæis prohibitas. Contrarium docet structura Tabernaculi & Templi Salomonis, in quo variz figuræ, Cherubinorum, boum, & aliarum rerum, elaboratè fabricatæ fuerunt, à peritis artificibus, quibus etiam Deus ad id mentem indidit. Agnoscendum igitur, non omnes figuras fuisse prohibitas, vel quaslibet imagines, sed eas tantùm quæ ad cultum essent accommodatæ & relatæ. Nec hîc rejicimus Vasquesii distinctionem cap. 6. Lætionum, Lege veteri non fuisse vetitam omnem similitudinem, aut effigiem quomodocunque, sed omnem cultum, & adorationem ipsius, atque ad eò omnem quoque imaginem, seu effigiem modo accommodato adorationi erectam, aut constitutam: quare nec Cherubinis, nec aliis figuris in templo factis aliquem cultum fuisse delatum. Hæc ille verè & appositè. Addit non minus commodè, Modus autem accommodatus adorationi est, cum imago depicta aut sculpta est per se, non veluti appendix, & additamentum alterius rei, in ornatum illius. Secundò non prohiberi etiam *historicam* historicam, privatam & usibus domesticis accommodatam; unde ipse Calvinus non abauit, posse tales fieri & haberi, atque decernit *lib. 1. Instit. cap. 11. 12.* Licitæ imagines creaturarum esse possunt, quæ extra templa, citra periculum & speciem idololatriæ, superstitionis, aut scandali, ad usum politicum, hoc est, historicum aut symbolicum, vel ad honestum ornatum fiunt: cujusmodi imagines erant leones in throno Salomonis, imago Cæsaris in numismate, &c. Addit: Concedimus verbis legis non prohiberi absolutè omnem *imaginem*; sed eam tantùm, quæ ad cultum & religionem refertur. Nam cum præceptum illud sequatur prohibitionem alienorum Deorum, quâ comprehenditur omnis Idololatria in genere, quæ committitur, quoties creaturæ aliquid tribuitur, quod ad Deum pertinet, sive cogitatione, sive verbis, sive gestibus & factis, ut antea ostendimus; hîc Deus prohibere voluit eam idololatriæ speciem, quâ in figurâ aliquâ aut effigie corporeâ profitebantur idololatræ, se numen aliquod colere: sic enim gentes serviebant iis, quos Deos existimabant, quorum effingebant imagines, easque in locis illis collocabant, in quibus religiosus cultus exercebatur. Deus igitur non solum

solum voluit Israelitas primo præcepto ab aliorum Deorum commercio avocare, ut nullum agnoscerent vel colerent Deum, præter illum qui se eis revelaverat, & eos liberaverat ex Ægypto; sed etiam hoc secundo prohibere, ne eum colerent eo modo, quo gentes colebant Deos suos, eis imagines affingentes. Sensus igitur primarius non est: non facietis vobis imagines & similitudines Deorum falsorum, qui apud Gentes adorantur; sed, non me coletis eo modo, quo gentes colunt Deos suos, nec vobis imagines facietis, quibus figuram aliquam mihi tribuatis, neque eas adorabitis, &c. Tertiò non reprehenditur quoque Iconopœia Theophaniæ, vel apparitionis alicujus singularis eminentis & visibilis; Si enim influxit in oculos, pinxit se per species sensibiles, atque ita obtulit Intellectui spectandum sese Deus sub hac forma, quid ni etiam possit adumbrari per penicillum, stylum sculptorium, & alia artis molimina? nam primò fit illa adumbratio ad prævium Exemplar apparitionis, vel visæ vel in Scriptura delineatæ, ad Normam itaque & formam Veritatis; fit illa à manu Artificis, naturam imitantis, & præter id, quod prototypon refert, nihil intendentis, sed in Expressione illius, quæ pro mensura artis variat, acquiescentis; fit denique illa in nostra Ecclesia sine bono, nempe ut qui literas non norunt, & ex illis non hauriunt istiusmodi Theophanias, Imaginibus erudiantur, atque oculis sinceris hauriant id quod sincerum, id quod eo fine nec pictum nec fictum, ut adoretur, sed ut doceat.

## XVIII.

Convellere nititur hoc argumentum Andreas Rivetus, & Gerhardo nostro respondet, *aliud* esse, si visiones illæ seorsim & quatenus à nobis leguntur & recitantur, per aliquas species intelligibiles interius in nobis efformantur, *aliud* si conjunctim hominis manu sculptantur, & Trinitatis nomine donentur, quod neque fiat in Scriptura, neque à nobis fieri debeat. Deinde cum Voluntas Dei Regula sit omnium actionum nostrarum, eaque nobis hanc necessitatem naturalem imposuerit, ut per species & imagines internas intelligamus & percipiamus Objecta pro modulo nostro, culpari non posse, nisi illis affingamus quæ sunt indigna Deo, sed cum prohibuerit expresso Mandato picturas & sculpturas, opera manuum hominum in iis, quæ religionem & cultum spectant, frustra qui contra præceptum

nostræ sententiæ esse videtur, ut quidem vult Rivetus. Nam primò, idèd Mosen Legem de non faciendo sculptili sanxisse, dicit, ut ad ea transiremus, quæ percipiuntur intelligentiâ, sensibilibus minime attentis, ut scil. illis inhæreremus aut circa illa divagaremur, oculis etiam non à labe puris. Secundò loquitur non de apparitionibus divinis, sed de ipso Deo & illius Majestate, & dicit, ut Dei Majestas vilis & contempta reddatur, efficit, quæ est in promptu, videndi consuetudo: at de ipso Deo effigiando non est Quæstio, ipse enim præstruxit dicens, *Esaie 40. v. 18.* Cui assimilabitis Deum fortem, & quam similitudinem ponetis ei? Tertiò dilucidius est illud quo concludit, illam, quæ Intelligentia percipitur, Essentiam colere per Materiam, est eam per sensum vilipendere; quanquam nolimus dissimulare, ut sine nævo non fuit Stromatum contextor, ita hic quoq; fuisse hallucinatum, tum quia Verba Mosis accepit de prohibitione Iconopœias, cum agat de Idolopœia, tum quia videtur absolute sculptoriam & pictoriam damnare, & fallacis Artis Exercitium nomine infami vocare, tum quia, si sensibilibus ad intelligibilia transferimur, oppositum potius concludendum erit, nempe etiam sensibilia esse aliquatenus attendenda, ut per ea transeamus ad ista, quæ percipiuntur Intelligentiâ.

## X X.

Haftenus de prohibitione Fabricæ: Jam ad illud, quod maxime attendendum, nempe ad Cultum Imaginum, sive idololatriam. Notat autem Idololum generaliter quamvis imaginem non subsistentem, si ad usum attendas inter scriptores prophanos hujus vocabuli, ita Plato εἰδωλον cogitationis dicit esse in voce, pictas imagines vocat εἰδωλα λεγόμενα. ea quæ ex Catoptris resplendent, εἰδωλα esse asserit, nec abit ab illo Aristoteles, cui εἰδωλα sunt species visivæ *lib. de sensu & sensib. cap. 2.* illa quæ in aquis apparent & reflectunt *lib. de Insomniis cap. 3.* quandoque verè subsistentem e. g. statuam. Sic Herodotus in *Clio* εἰδωλον mulieris appellat, & in *Erato* dicit, erectum fuisse Regi Lacedæmoniorum ante obitum εἰδωλον, simulacrum sive statuam. In scriptura verò notat ipsum Numen superstitione cultum, quo quidem sensu Gentium Dii dicuntur εἰδωλα, *1. Chron. 16. v. 26.* Nam etiam Dei citra imagines exteriores cultus à Gentilibus, extra Lumen Scripturæ, nihil aliud quam idololum; quam-



vis enim à parte rei Deus sit immutabilis, nec deformari possit; ab homine tamen, in quantum concipitur in Gentili, qui sibi fingit Deum hoc vel illo modo, talem vel talem, e. g. unum cum exclusione personarum, in tantum cultus etiam Dei degenerat in Idololatriciam, neque alio potest nomine appellari. Secundò notat imaginem exterpam, quæ repræsentare fingitur Deum, & ita Israelitæ dicuntur fecisse vitulum, & obtulisse Hostiam *εἰδωλον*, *Act. 7. v. 41.* Tertiò, ipsam opinionem divinitatis, & figmentum, cum voluntatis Religiosa propensione; quo sensu Apostolus dicit idolum esse nihil. Quamvis enim aurum, argentum, marmora & ligna sint aliquid, ex quibus idola fabricantur, nihil tamen sunt formaliter, quatenus scilicet ut Dii exhibentur, quia totum illud *εἰδωλον*, totum illud Esse Divinitatis, quod ipsis tribuitur, nihil est nisi figmentum, utpote nec inhærens, nec verè competens, ut, si habes opinionem, præscindas ab Imagine vel materia illius Idolum, eo ipso esse definat.

## XXI.

Liquet ex dictis, quid censendum sit de discursu Roberti Bellarmini, qui libro secundo de Imaginibus Sanctorum cap. 5. pag. mibi 2019. hæc habet: Henricus Stephanus In suo Thesauro in voce *εἰδωλον*, scribit, apud Ecclesiasticos idolum vocari omne simulacrum, numen aliquod repræsentans, quod cultu & honore dignamur. Ex quo sequitur apud Ecclesiasticos imagines Christi & Sanctorum, & præcipuè imagines Trinitatis rectè vocari idola. Et si quidem Henricus per Ecclesiasticos intelligit Doctores suos, Calvinum, Martyrem, Illyricum, & alios ejusdem classis, rectè dicit; illi enim vix unquam aliter imagines nostras appellant, quàm idola. Si autem per Ecclesiasticos intelligit sanctos Patres, vel Apostolos, & Prophetas, falsissimum est, quod ipse dicit; nam in primis VII. Synodus, act. 5. & act. 7. anathema dicit iis, qui imagines Christi & Sanctorum vocant idola.

## XXII.

Nam primò frustra incusat Stephanum & nostros: Illum quidem, quod Idolum vocaverit omne simulacrum, Numen repræsentans, quod cultu & honore dignemur; Hos verò, quod Imagines Pontificiorum appellent Idola; dicunt enim, quod res est, quanquam  
& Ima-

& Imagines à nostris appellentur, nec septima Synodus opponenda erat; nā & antiquitate non gaudet sincera, octavi seculi scilicet conventus, & severior iusto, videtur Anathematis fulmine in nomen Eidolon, quod cum imagine sepius etiam apud profanos commutatur, & tandem de Imaginibus Christi & Sanctorum loquitur, quæ si non cultu religioso afficiantur, à nobis non Idola vocabuntur, cum ipsi met alium usum illis in Ecclesia assignemus. Origenes & Theodoretus peculiare habent conceptus, nec dextrè explicant differentiam inter Idolum & Imaginem, imò prior, loco Pauli ex 2. Cor. 8. adhibito, deviat à vero sensu illius loci, & tandem non dicunt, quod Bellarminus dicit; Illis enim est Idolum, quod repræsentat aliquid non subsistens: Bellarmino autem Idola sunt statuæ Jovis, Veneris &c. Jupiter autem, Venus &c. Gentilium numina fuere utique homines & substantiæ.

## XXIII.

Secundò in ipsa Explicatione peccat aliquoties; dicit Imaginem esse veram rei similitudinem: Idolum verò falsam; Nam primò aperte prohibentur non tantum sculptilia & Imagines, ut falsæ similitudines vel ut repræsentant, quod revera non est; sed etiam, ut repræsentant id quod est; dicitur enim disertè: non facies similitudinem eorum quæ sunt &c. & eo ipso, quo LXX. Interpretes non dicunt, & μήτις non facies, sed & μήτις σταυρῶ non facies Tibi, supponit, non tam ratione repræsentationis quam adhibitionis ad cultum esse æstimandum Idolum: & Deuteronomii quarto, versiculo 15, 16, 17, 18. μήτις εἰδωλῶν ad cultum religiosum prostitutam prohibet, Imaginem masculi vel feminæ: Judæi etiam adorantes Imaginem reptilium dicuntur Idololatræ Ezech. 8. v. 10. 11. anne autem reptilia non fuerunt existentiæ? & annon firmiter concluditur, Imaginem cultui inservientem, cujuscunque sit, esse Idolum, imò imaginē, non quæ rei veræ vel falsæ, existentis vel non-existentis similitudo est, sed qua honore religioso s. cultu divino afficitur, patet ex eo, quia Israelitæ accusantur, quod εἰδωλῶν obtulerint sacrificium vitulum offerentes, qui tamen ipsis fuit Imago Jehovæ Abor. 7. v. 41. & Ephraimitæ profitentes se colere Jehovam 1. Reg. 12. v. 28. 2. Reg. 13. v. 56. Osee 1. v. 13. dicuntur coluisse Idola, imò Diabolum, ob vitulos ad cultum erectos in Bethel Osee 4. v. 12, 15. 1. Reg. 14.

v. 9. Johannes prima Epistola capite quinto, versu primo, dicit: Custodite vos ab Idolis, à Cultu imaginis Cæsaris, Herculis &c. non itaq; quod non repræsentat Ens est Idolum, sed quod repræsentat etiam aliquid, ad Cultum talem destinatum. adde Tertullianū lib. 1. de Idol. c. 3. qui demonstrat quamlibet imaginem esse idolum, dicens: ἰδὼλον formam sonat, ab eo per diminutivum ἰδωλον æque apud nos formulam fecit: igitur omnis forma vel formula idolorum sic dici exposcit. Inde idololatria omnis circa omne idolum famulatus & servitus. Et cap. 4. omnia colit humanus error, præter omnium conditorem. Earum imaginum consecratio idololatria. Secundò, ponamus aliquem colere Imagines latræ propter se, e. gr. Christi vel Sanctorum, is sanè ipsius Bellarmini iudicio erit Idololatra libro de Imaginib. cap. 24. at illæ Imagines, secundum ipsos, sunt Prototypi seu veræ Imagines, non falsæ, & si imagines in Idola degenerant, non repræsentando id quod revera est, quot Imagines etiam in papatu hoc nomine Idola erunt vocanda? neq; enim Pictores aut Sculptores tam profundæ sunt notitiæ aut exquisitæ artis, ut referant penicillo aut stylo omnia exactè ad τὸ πρῶτον, Tertiò Cardinalis Cajetanus ex hoc capite differentiam arcessit inter Imaginem & Idolum, quod illud ad cultum usurpetur, & aliàs pro iisdem habet, teste ipso Bellarmino scribente: Tertia opinio est Thomæ Cajetani in c. 20. Exodi, qui docet, non esse prohibitum facere ullam imaginem, vel idolum, sed solum prohibitum esse, ne quis faciat sibi imaginem, quam habere velit pro Deo suo: & probat, quia non est dictum: Non facies sculptile: sed, non facies tibi sculptile, ad quam sententiam ille reponit: Hæc sententia displicet solum in modo loquendi; nam Cajetanus pro eodem habet idolum, & imaginem, cum falsum sit, ut suprà ostendimus. Deinde videtur concedere licere facere idola, quæ habeantur pro Diis, modò non habeat pro Diis ille, qui facit. At Tertullianus, totò libro de idololatria, probat evidentissimis rationibus, prohibitum esse Christianis pictoribus, aut statuariis facere idola Gentilibus. Et Ecclesia celebrat VIII. Novembris martyrium sanctorum Claudii, Nicostrati, & sociorum, qui necati sunt, quia noluerunt simulacra Gentilibus facere, cum essent peritissimi statuarii. Neque Cajetanus hoc negaret, quippe, qui in 2. 2. quest. 10. art. 4. docet, non licere vendere idola Gentilibus, ideo incautè loquutus est in com.

commentario Exodi. Nec obstat illa particula, tibi; nam secundum Hebraicam phrasin redundat. Adde Cornel. à Lapide ad Caput Deut. 5. v. 8. Ipsum Bellarminum, qui Imaginem & Idolum confundit libro de Imaginibus cap. 7.

## XXIV.

Tertio argumenta producta nullius sunt pretii. Non primum, tum quia Scriptura etiam tribuit nomen Idoli veræ Imagini, id est, rei existentis, ut supra ostensum, nec tantum Simulachris Gentilium, sed & Judæorum, ut constat *Judic. 17. v. 5. 1. Reg. 14. v. 9.* & si simulachra Gentilium fuerunt hominum, quos superstitio DEOS fecit, fuerunt veræ Imagines hominum, utut DEORUM falsæ. Pater moriens ob filium præmaturè ereptum, effictam & suffectâ Imaginem, quæ vera defuncti similitudo, si colere incipiat, Idololatra erit *Sap. 14. v. 15.* Secundo filius dicitur Imago Patris, non verò Idolum, quia filius est Imago Substantialis; de quo genere Imaginum non controvertitur. Tertio Cherubim, de quorum forma disputatur adhuc, si dicuntur Imagines, nec fuerunt Idola, id ideo fuit, quia non prostituti sunt ad cultum. Alterum non concludit, tum quia Scriptura Idola Vanitates & mendacia vocat, non ratione repræsentationis, sed opinionis, tum quia etiam alia præter hæc adhibet nomina. utpote *אלהים אל* Gen. 31. v. 32. *Ex. 18. v. 11. c. 32. v. 1.* *Jos. 24. v. 14. 15. 1. Reg. 19. v. 2. c. 20. v. 10.* *אלהים אהרים* (reperitur, *Exod. 34. v. 14. Exod. 29 v. 3. cap. 23. v. 13.* *אל אחר* *Lev. 19. v. 4. 1. Paral. 16. v. 26.* *אלילים* stercorea, excrementa, (satana) Dii stercorarii, sordes quæ conspurcant, *Drecks götter / 1. Reg. 15. v. 12.* *צרים* tormina, cruciatus, dolores gravissimi, quales parturientium, *Esa. 45. v. 16.* *תחו* indigestio, inapitas, res informis, *twiste / leere götter / תי מנדע יס* ut legunt 70. *1. Sam. 12. v. 21. Esa 41. v. 29. cap. 44. v. 8.* *אל נבר* Deut. 32. v. 12. Dii alienationis, extranei, alienigenæ, quos non agnoscimus, Dii alieni populi, Tremell. Dii spurii (sicut filius alienationis *Genes. 17. v. 12.*) *Wastarte / Luth. fremde Götter / Gen. 35 v. 2. 4.* Aurum & Argentum, *Psal. 115. v. 4. Psal. 135. v. 15.* Dii auri, *Exod. 32. v. 32.* Dii argenti & auri, *Exod. 20. v. 23.* Dii, fusionis

fusionis, fusiles, *Exod.* 34. v. 16. *Lev.* 19. v. 2. Dii auri, argenti, æris, ferri, &c. *Dan.* 5. v. 4. Dii, opus manuum hominis, *Deut.* 4. v. 28. 2. *Reg.* 19. v. 18. *Psal.* 115. v. 4. *Pf.* 135. v. 15. Θεοὶ ἄνθρωπων γινόμενοι *Act.* 19. v. 26. ἔργα χειρῶν ἀνθρώπων, *Sap.* 13. vers. 10. ἁδωλα χειροποίητα, *Dan.* 14. v. 4. Sculptilia Deorum, *Deut.* 12. v. 3. פסל sculptura, *Deut.* 4. v. 16. *Exod.* 4. v. 16. *Exod.* 20. v. 4. &c. סמל simulacrum, 2. *Cbron.* 33. v. 15. *Ezech.* 8. vers. 5. vel פסל הסמל sculptile simulacri, 2. *Cbron.* 33. v. 7. פסל ומסכה fusio, *Deut.* 9. v. 12. cap. 27. v. 15. 1. *Reg.* 14. v. 9. &c. Vel פסל ומסכה sculptile & fusile, *Deut.* 27. v. 15. אֲפִתּוֹת aptatio figurarum, ut quidam vertunt hanc vocem) *Amos.* 5. v. 6. תְּמוּנָה similitudo, *Exod.* 20. v. 4. *Deut.* 5. v. 8. cap. 4. v. 16. 23. 25. &c. Item, תְּרָפִים Imagines, *Gen.* 31. v. 19. 34. 35. *Jud.* 17. v. 5. cap. 18. 20. 1. *Sam.* 15. v. 23. (cap. 19. v. 13. 16.) 2. *Reg.* 23. v. 24. *Os.* 3. v. 4. *Ezech.* 21. v. 21. *Zach.* 10. v. 2. Abominatio, res abominanda Jehovæ, *Deut.* 7. v. 25. 26. c. 13. v. 14. c. 18. v. 9. c. 27. v. 15. *Jer.* 16. v. 18. *Ezech.* 7. 20. הָבֵל Vanitas *Jer.* 10. v. 3. שֶׁקֶר falsitas *Jerem.* 10. v. 14. שֶׁקֶר & הָבֵל falsitas & vanitas, in quibus nihil utile est, *Jerem.* 16. v. 18. c. 10. v. 15. c. 51. v. 17. הַבִּלִּי שׁוֹא vanitates vanitatum (mendacii) vanissimæ, & vanitatem docentes, Luth. das Nichtige / *Jon.* 2. 9. הַבִּלִּי גִבֹּר vanitates alienationis, *Jer.* 8. eruditio vanitarum, *Jerem.* 10. v. 8. μάταια *Act.* 14. v. 14. ματαιοὶ Θεοὶ *Sap.* 15. v. 8. qui non possunt auxiliari, *Esa.* 45. vers. 20. *Deut.* 32. v. 37. 2. *Cbron.* 42. v. 17. Opus errorum, seductionum, aberrationis maximæ 70. ἔργα μπεπαιγμένα, μεμωκημένα, illusoria, risu digna *Jer.* 10. v. 15. c. 51. v. 18. שְׁעִירִים δαιμόνια uti vertunt 70. *Deut.* 32. v. 16. *Pf.* 106. 37. quasi devastatores dicas, Luth. Geldteuffel: Dii gentium *Exod.* 23. v. 24. 32. cap. 34. v. 15. *Num.* 23. v. 2. *Deut.* 6. v. 14. c. 7. v. 16. cap. 29. v. 18. 2. *Reg.* 18. v. 33. c. 19. v. 12. 2. *Cbron.* 32. v. 14. ἁδωλα ἰδωλῶν *Sap.* 14. v. 11. cap. 15. v. 15. &c. Plura si quæ sunt Idolorum Epitheta, sedulus scripturæ lector sponte observabit. Et hætenus vidimus quid nominis, restat ut etiam: quid Rei sit quodnam objectum, quæ ratio formalis sive definitio, quæ divisio, quæ causæ, quæ consequentia Idololatρίας



trix sunt, paucis videamus. Tum Habacuc idolum non vocat Imaginem falsam, sed falsum dicens: videantur Commentatores. Tertium denique non conducit adversariis, partim, quia licet nihil sit formaliter Idolum, non tamen nihil formaliter est Idolum ratione repræsentationis, partim quia Idolum nihil esse dicitur, secundum quosdam, ratione virtutis efficacix ac pretii, quò referri possunt loco *Esaia 44. vers. 9. Jeremia. 6. vers. 19. Esaia 45. vers. 20.* In quantum dicit illud figmentum hominis, quod Materiæ alicui adhæret, quatenus præsumitur hoc vel illud Materiale esse venerabile quid, esse cultu aliquo religioso prosequendum. Quartum pro nobis militat, nam si Hæresis cum Idolis comparetur ratione falsitatis, consequens est, ut illa falsitas Hæreseos est in Mente & verbo per affirmationem, ita Idolum esse in Mente per appropriationem ad materiam indebitam: secundò Hieronymus confert Hæresin sive Idolum Mentis cum Idolo Cereris juxta, ut ipse loquitur, Tropologiam: tertio ut Hæresis potest esse circa rem existentem, ita non repugnat Idolo esse Imaginem existentis. Quintum non infert, tum quia non de Ussu vocum harum apud profanos Scriptores est Quæstio, sed de Ussu Biblico; tum quia ex Vocis proprietate Idolum non est diminutivum, quod notaret Quantitatem parvam, quum etiam statua Nabuchodonosoris fuit Idolum, de quo *Dan. 3. v. 1.* tum quia parva Imago est non tam ratione repræsentationis, quam Comparationis cum prototypo.

## XXV.

Idololatriæ ergò non tantum rei gentiles, veteres & hodie, de quibus videri possunt ex Patribus Eusebius, lib. 5. præp. Evangel. cap. 18. Augustinus, nec non Petrus Crinitus, & illi, qui Asiæ, Africæ, Americæ, theatrum pandunt, & monstra illa imaginum publico exponunt, cujus authores in singulis assignare provinciis difficile, ut & originem, quibusdam deducuntibus fabricam & cultum idolorum à temporibus antediluvianis, quibusdam à tempore Tharæ, Patris Abrahami, qui serviebat diis alienis, *Jos. 24. v. 2.* interim hoc certum, hoc venenum à Satana non seris tantum temporibus fuisse in genus humanum effusum, sed cum primo afflatu, & halitu in paradiso communicatum esse, ex ipsa tenta-

tionem, lapsum, & peccati originalis natura constat, quanquam per imagines exteriores cultus heterogeneus demum coeperit apud se- gressos ab Ecclesia, & ab Hermete, sive Mercurio Trismegisto, qui Mo- sis tempore vixisse creditur, aliis *αἰχμοῦ* facientibus illum Abra- hae, referatur ad priscos Majores, teste August. lib. 8. de civitate Dei cap. 24. inter Chaldaeos Ninus dicitur primus fuisse, qui ima- ginem Beli Patris subditis adorandam prostituit: Ægyptios fuisse idolis colendis deditissimos, constat, tum ex eo, quia averfati fue- runt Jacobitas, qui pecudum custodes. *Gen. 46. v. 34.* quia simula- chrum Bovis Israelitæ in deserto æmulanter expresserunt, tum ex eo, quia Juvenalis, *Satyra 15. v. 2.* scribit: Ægyptus Crocodilon a- dorat. &c. Græcos ad cultum idolorum inclinavit Cecrops, Rex Atheniensium, de quo Sedulius, in Exodo lib. 1. Operis Paschalis,

*Quò lethale malum, quò vanis dedita curis,  
Attica Cecropii serpit doctrina veneni!*

Legatur Augustinus lib. 18. de civitate Dei, cap. 11. Carolus Ma- gnus, in Capitulari lib. 2. cap. 30. Romani, teste Varrone, apud August. lib. 4. de civitate Dei, cap. 31. Deos coluerunt absque idolis, plusquam annos centum & septuaginta, postea verò in tan- tum excrevit idololatria, ut urbs Roma omnium idolorum officina, & theatrum fuerit; quis Scythiis animalia, Persis fluvium, Ara- bibus lapidem colendum, primus persuaserit, & ad hæc idola fle- xerit mentes eorum, non constat. Verum & Pontificii idololatriæ jure accusantur. Nam primò lex de colendis imaginibus illos convin- cit, quæ sancita fuit in Concilio Tridentino, Sess. 25. his verbis: Man- dat Sancta Synodus omnibus Episcopis & cæteris docendi munus curamque sustinentibus, ut &c. Doceant Imagines Christi, Dei- paræ Virginis & aliorum Sanctorum in templis præsertim haben- das & retinendas; eisque debitum honorem & venerationem im- pertiendam, non quod credatur inesse aliqua iis divinitas vel vir- tus, propter quam sint colendæ, vel quod fiducia in Imaginibus sit figenda, veluti olim fiebat à gentibus, quæ in Idolis spem suam col- locabant, sed quoniam honos, qui eis exhibetur, refertur ad Pro- totypa, quæ illæ repræsentant: ita ut per Imagines, quas osculamur & coram quibus caput aperimus & procumbimus, Christum ado- remus, & sanctos, quorum illæ similitudinem gerunt, veneremur.

Id quod

Id quòd Conciliorum, præsertim verò secundæ Nicenæ Synodi, decretis contra imaginum oppugnatores est sancitum; si quis autem his decretis contraria docuerit aut senserit, Anathema sit. Secundò Doctorem consensus, qui pro imaginum cultu, tanquam pro aris & focis, pugnant, Tannerus: Fatendum est, Imagines non solum abusivè & Impropiè, sed etiam verè & propriè, licet respectivè, colendas & adorandas esse. Praxis denique quotidiana in papatu, non tantùm populo simplici & rudi, ad imagines excurren- te, sed & principibus, literatis, Theologis, & varii ordinis Clericis ad statuas, & imagines sese prosternentibus, quod cum stupore ipsi vidimus, & quis nescit, imagines coli à papistis, adoratione, processione, peregrinatione, dedicatione, suffragiis exhibitione, templorum erectione.

## XXVI.

Quamquam autem tam manifestum sit, Pontificios esse idololatRIA contaminatissimos, omne id tamen distinctionum confictarum præsidio amoliri nituntur, & foeditatem abstergere verbis, & illa scemina, *Prov. 30.* In compendium redegit omne id, quod adhibetur ab illis, Bellarminus, quinque conclusionibus, quarum prima hæc est: Imagines Christi & Sanctorum venerandæ sunt non solum per accidens vel impropiè, sed etiam per se & propriè, ita ut ipsæ terminent venerationem, ut in se considerantur, & non solum, ut vicem gerunt exemplaris. Secunda, quantum ad modum loquendi, præsertim in concione ad populum, non est dicendum, imagines ullas adorari debere latRIA, sed è contrario, non debere sic adorari. Tertia, si de re ipsa agatur, admitri potest, imagines posse coli impropiè vel per accidens eodem genere cultus, quo exemplar ipsum colitur. Quarta, imago per se & propriè non est adoranda eodem cultu, quo ipsum exemplar, & proinde nulla imago est adoranda cultu latRIæ per se & propriè. Quinta, cultus qui per se & propriè debetur imaginibus, est cultus quidam imperfectus, qui analogicè & reductivè pertinet ad speciem ejus cultus, qui debetur exemplari.

## XXVII.

Sed hoc pallium nimis tenue est, hoc nitrum longè impar maculæ diluendæ. Prima enim propositio non Apologia, sed Cate-

goria est : Si enim imagines Christi & Sanctorum non solum per accidens vel improprie, sed etiam proprie & per se sunt adorandæ, habetur intentum: quid enim est, idololatria, nisi, juxta ipsum Cajetanum, actus, quo alteri, quam Deo, divinus exhibetur honor? at sanè hic honor, qui religiosus est divinus est, & alteri exhibetur, quam Deo; quid est colere (non improprie, sed proprie, non per accidens, sed per se, nisi colere cultu religioso verè tali, directo in ipsam imaginem? at qui imaginem per se veneratur, vel stultitiæ insimulari potest, secundum Vasquezium, quia irrationali rei exhibet se servum, vel idololatriæ, quia, dum illi se submittit, aliquod Numen aut dignitatem, aut virtutem illi tribuit; Si denique imagines Christi & Sanctorum venerandæ sunt, non solum per accidens vel improprie, sed etiam per se & proprie, ita, ut ipsæ terminent venerationem, ut in se considerantur, & non solum, ut vicem gerunt Exemplaris, non venerandæ erunt, ut statuæ Principum, improprie, neque ut purpura Regis, per accidens, sed, ut objectum, terminans venerationem, & subiens quasi id, in quo figitur & cultus, & veneratio. Unde deprehenditur tanquam Concilio septimo dissonum, si ita dicantur Imagines adorari, ut terminus proprius adorationis non sit Imago; unde urgetur ab ipso Purpurato Patre, quod aliquid verè insit in ipsa Imagine sacrum, nimirum similitudo ad rem sacram & ipsa dedicatio. sive consecratio divino cultui, ita ut ipsa in se & non solum, ut prototypi vicem gerit, honore digna censeatur; unde inter Imagines ipsas est discrimen, quod quædam majoribus viribus abundant, quædam minores habent; neq; placet aliis Pontificiis illa Opinio, quam Bellarminus primo posuit loco, scribens: Prima sententia est, quod imago non sit ullo modo in se colenda, sed solum coram imagine colendum exemplar: ita quidam, quos refert & refellit Catharinus: idem videtur sensisse Alexander 3. par. quest. 30. art. ult. nec non Durandus lib. 3. sent. dist. 9. q. 2. & Alphonsus à Castro in verbo, *Imago*. Fundamentum hujus sententiæ est, quia secundum Basilii sententiam in VII. Synodo sæpius repetitam, honor imaginis transit ad exemplar; non ergo, inquiunt hi Doctores, in imaginem terminatur: proinde ipsa imago non est, quæ honoratur, sed solum per illam & in illa honoratur exemplar. Et confirmatur ex versibus, qui dicuntur compositi

positi tempore VII. Synodi, quique visuntur Venetiis in æde aurea antiquissimo opere incisa, & referuntur à Sabellico *lib. 8. Enneadis 8.*

*Nam Deus est, quod imago docet, sed non Deus ipsa:*

*Hanc videas, sed mente colas, quod cernis in ipsa.*

Quod autem dicitur de imagine Christi Dei, dici etiam posset de imaginibus Sanctorum, nimirum: Nam Petrus est, quod imago docet, sed non Petrus ipsa, &c. Altera propositio pro nobis stat, nam, si in concione ad populum non est dicendum, Imagines illas adorari debere latrâ, sed è contrario, non debere sic adorari, idque ideò, quia Concilia simpliciter negant, Imagines adorari latrâ, Patresque passim dicunt, Imagines non esse adorandas; cùm distinctio inter duliâ & latrâ sit figmentum, cùm Concilium Moguntinense loquatur simpliciter; cùm Augustinus disertè dicat: nulla Imago DEI coli debet, nisi illa, quæ hoc est, quod ipse, consequens est; propositionem nostram de non adorandis, vel religiose colendis imaginibus, esse orthodoxam, esse ex ambone populo proponendam. Secundò agnoscit Bellarminus, si dicatur populo, Imaginem Christi vel crucem esse adorandam cultu latræ, magnum periculum esse insecuturum, modum loquendi offensurum aures Catholicorum; satius itaque, abstinere ab hoc dogmate, quàm defendere illud. Tertiò, quàm insigne hypocrisis vestigium apparet in hac assertione? Volunt enim Pontificii, ut etiam latrâ aliquatenus colantur Imagines, & tamen dicere nolunt, concionandum esse; suadent, Imagines non debere adorari latrâ, & nihilominus non insufficienter honorari contendunt Imagines, si non etiam latrâ iisdem deferatur. Tertia propositio primò laborat contradictione. Si enim Imagines coli possunt improprie, vel per accidens, eodem genere cultus, quo exemplar ipsum, ergo idem cultus, qui exhibetur exemplari, exhiberi poterit Imagini, quomodo autem idem manet cultus, qui exemplari deferatur proprie, & Imagini improprie? num idem cultus est, qui deferatur statuæ Principis & Principi, purpuræ Regis & Regi? Secundò, si improprie imagines sunt colendæ latrâ, ergò non colendæ illo genere, quemadmodum prata ridere dicuntur improprie, hoc est, non ridere: Tertiò, imagines ita sunt colendæ latrâ, quemadmodum concionatores alloquuntur imaginem crucifixi, eique dicunt: tu nos redemisti, tu nos patri reconciliasti,



ut ipse Robertus exponit; at quis verè dicat, imaginem crucifixi nos redemisse, patri reconciliasse? sanè hæc nec propriè, ut manifestum, nec etiam impropriè videntur posse de imagine enunciari, quamquam istiusmodi locutiones, in papatu consuetæ, sordeant Orthodoxis; nec ab illis admittantur. Quarta propositio itidem non uno modo laborat. Nam, si imago non est per se, & propriè, adoranda, eodem cultu, quo ipsum exemplar, non idem motus erit in imaginem, quàm talem, & exemplar, sive rem designatam; & quamvis varix excogitata fuerint solutiones, an tamen sint ad mentem Philosophi, meritò dubitatur. De memoria agit Aristoteles, & requirit duo ad constitutionem ejus, Exemplar, & Imaginem. Exemplar vocat rem antè in natura visam, sed absentem nobis & quæ præterierit à visu nostro: Imaginem vocat τὴ φανταζομένην εἶδος speciem in phantasia formatam ex visione exemplaris, & intellectui nostro sive voluntati à phantasia oblatam. De imagine mentali sive phantasix pura loquitur Aristoteles, quæ subministratur memoriæ per phantasiam ex conceptu rei præteritæ; non autem de quavis imagine: & dicit, unum esse motum memoriæ ad exemplar, quo rem recordatur absentem visam, & ad imaginem φανταζομένην, quam phantasia repræsentat memoriæ nostræ. Longè aliud est imago mentalis, immateriata, & persæpe dignior exemplari suo: aliud imago materiata & pictura exemplaris, quæ nunquam dignitate adæquat exemplar, nunquam mentalem imaginem. Dispar est ratio imaginis mentalis & materiatae: nec valet consequentia de una ab exemplo alterius. Demonstratur illud partim ratione motus, partim Pontificiorum ipsorum contestatione. Memoriæ motus uno sanè feratur actu ad ideam mentis præsentem phantasix, & ad exemplar absens, licet hoc quoque controversi posset: at certè si movetur ad imaginem pictam, motus diversus est: nam memoria ideam videt actu phantasix, rem ideæ videt actu suo, imaginem pictam videt sensu: omninò, quò se cunque vertant Pontificii, duplicem agnoscant motum, necesse est. Ne Aristoteles quidem, si viveret, aliud dicturus esset. Contestantur verò hoc ipsum Pontificii, qui imaginem mentis & à phantasia obversantem memoriæ non adorant, & adorant pictam; Ergò duplex motus est: & quod Aristoteles de motu memoriæ dicit, pessimè ad motum sensus accom-

moda;

modatur, cui imago picta obversatur, non effingens, sed adumbrans rem sensu perceptam & conceptam ejus ideam mente, velut utriusque ἰδωλον commune, τῷ ὁρωμένῳ καὶ τῷ φανταζομένῳ. Est igitur & inconsequens argumentatio, & alienæ omnes solutiones istæ, nec ad institutum facientes quicquam. Secundò, si imagini non convenit cultus internus, nec externus veræ latriæ; ergò nullus: Tertiò, si sacrificium est proprium soli Deo, latria, quæ summo debetur principio, & quidem spirituale, (nam externa cessarunt sacrificia) quæ poterit negari, sacrificia etiam deferri imaginibus? Quinta denique propositio disputat de cultu, qui per se & propriè debetur imaginibus, & asserit, esse cultum imperfectum, nec latriam, nec hyperduliam, nec duliam, nec ullum alium eorum, qui tribuuntur naturæ intelligenti, hoc est, in rei veritate, nullum. Consulatur Tannerus, *Tom. 3. pag. 1386.*

## XXVIII.

Acquiescimus itaque in sinceritate cultus, & rejecta imaginum veneratione, soli Deo nos prosternimus, hunc solum adoramus; Argumentum enim firmissimum suppeditat Scriptura, quæ simulachrorum cultum non tantum *Exod. 20.* parte hujus præcepti prima, improbat, prohibet, rejicit, sed & *Levit. 25. Deut. cap. 4. & 5.* nec non *cap. 27. & Rom. 1.* quæ testimonia tam manifesta sunt, ut cæcutiat, qui non videt, quantum displiceat Deo, venerari religiosè aliquid, quod Majestatem caret divina, inferius est ipso homine, ab Ecclesia V. & N. T. exulare jussum. Nec obstat, si dicatur, Scripturam reprehendere idololatriam, vel cultum imaginum, quæ habentur pro Diis, vel per quas coluntur, tanquam Dii, qui verè non sunt: Contrarium enim patet Exemplo Judæorum & gentilium: Illorum quidem, qui vitulum fabricantes aureum, dicebant, isti sunt Dii tui, Israel, qui te eduxerunt è terrâ Ægypti. *Exod. 32.* non itaque imaginem hanc vitulinam habebant pro Deo, aut coluerunt, tanquam Deum, qui verus non esset, sed ipsum JEHOVAM, qui eos eduxerat ex Ægypto, volebant venerari in imagine: unde festum indicturus Aaron in honorem vituli, præconis voce jussit dici: cras solennitas JEHOVÆ, sive Domini est: Horum verò, qui non mutarunt Deos suos. *Jerem. 3. v. 11.* mutarunt verò simulachra,  
nec

nec æra, nec lapides, adorârunt, ut Arnobius loquitur, sed illos, quos dedicatio sacra intulit. Adde scandala ex imaginum cultu, secundum bullam Urbani Octavi; Animadvertens enim Pontifex paucis abhinc annis, pictores Romanos ad repræsentandum vultum Virginis Mariæ depingere suarum amasiarum, aliarumque libidinofarum mulierum facies, ut suspensæ in templis impuras excitarent cogitationes in oculis & animo impiorum, ante eas in genua procumbentium & adorationem simulantium, publico diplomate tam detestabile & enorme scelus execratus est. Vide Urbani VIII. Diploma, per Ferdinandum Principem Electorem, Episcopum Coloniensem promulgatum, ante aliquot annos impressum ac per totum imperium Romanum sparsum.

## X X I X.

Argumenta adversariorum sunt invalida. Opponunt, imagines Cherubim, super arcam existentes, fuisse adoratas ab iis, qui arcam adorabant: Serpentem æneum quoque non potuisse non honorari, cum in loco sublimi à Deo positus fuisset, & salutem ipsum aspicientibus intulerit. Secundò, creaturas honorandas esse religiosè, propter solam relationem ad Deum. *Psal. 95.* adorete scabellum pedum ejus. *Matth. 5.* nolite jurare per cælum, quia thronus Dei: similem autem relationem habere imagines, quapropter eadem ratione esse colendas. Tertiò, creaturas dici sanctas, & venerabiles, propter relationem ad res sacras. *Exod. 3.* locus, in quo stas, terra sancta est, propter Angeli scilicet præsentiam, *Exod. 12. & cap. 28.* *Esa. 11. 2.* *Tim. 3.* dici, dies, vestes, sepulchrum, Scripturam sanctam, imagines autem esse institutas, ad significandas, & repræsentandas res sacras. Addunt Concilia, Patres, miracula, rationes, à venerabilitate hominis, qui imago Dei, Regis, cujus imago magnificat, capacitate injuriæ, & contumeliæ, cui ex adverso respondeat capacitas cultus, & honoris, gentilium idolorum execratione, tanquam imaginum falsorum Deorum, improbitate illorum, qui Cultum negarint illis, & infelici exitu.

## X X X.

Sed hæc talia sunt, ut potius stabiliant veritatem, quàm oppugnent. In primo enim evidens est, supponi, Cherubim fuisse adoratos: nam, si ipsa arca non fuit adorata, quantò minus Cherubim,  
supra

supra illam collocati; imò, si arca fuisset adorata, non tamen consequens esset, etiam Cherubim fuisse adoratos, propter conjunctionem: Statuæ, sive imagini, quandoque pallium adjicitur in templis Pontificiorum, num propterea, qui imagini procumbunt, & eam adorant, etiam palliolo circumjecto hunc honorem exhibent? Serpens æneus in honore quidem fuit apud Israelitas, tanquam salutare signum, Dei jussu erectum, adoratum verò fuisse, nullo argumento ostendi potest: imò, cum eò usque progressi essent quidam, & cultum ei deferrent religiosum, dejectus fuit: & quæ hæc consequentia? fuit in loco sublimi positus, ergò religiosè cultus: num, quia galli signum in sublimi ponitur, & templi verticem insidet, erit adorandum, cultu religioso prosequendum? videatur Azorius *lib. 9. cap. 6. quest. 7.* qui ita scribit: Mihi nullus videtur apud Judæos fuisse cultus imaginum. Nec enim puto, Cherubinos fuisse idèò depictos sculptosque, ut colerentur, sed ob ornatum, & pulchritudinem tabernaculi, vel templi, & ad majestatem Dei plenius ostendendam. Serpens æneus, nequaquam est divino jussu in altum sublatus, ut coleretur à Judæis, sed ut conspiceretur à cunctis, cujus conspectus à serpentinis eos moribus curaret. In altero item inconsequentia transparet: nam, si creaturæ sunt honorandæ illo honore, quem Pontifici volunt, propter solam relationem ad Deum, omnes erunt religiosè colendæ: nulla enim est, quæ non relationem dicat ad Deum: Secundò, qui probabitur, imagines, quas in papatu videmus coli religiosè, dicere relationem ad Deum? num, quæ fingitur relatio, est relatio? num, quod à Deo prohibetur, relationem habebit ad illum? Tertiò, verba Psalmi ex mera Pseudhermenia huc referuntur, ut ex superioribus constare potest: Simili vitio laborat, quod ex Matthæo opponitur: longè enim aliud est, prohibere, ne juremus per cælum, sive etiam imaginem, & aliud, cælum esse religiosè colendum, vel imaginem, propter relationem ad Deum: in tertio iterum nullus est nexus: creaturæ sunt sanctæ, & venerabiles, propter relationem ad res sacras, ergò religiosè venerabiles: Secundò, si ad ipsas imagines procedatur, papatus scil. instrumenta, representatio illa, & relatio, ad res sacras est ex instituto humano, imò figmento cerebri, in adulteria spiritualia proni: Tertiò, locus fuit sanctus, merè extrinsecus, & pro illo tempore, non ex præsen-

tia angeli, sed ipsius Dei: Dies Paschæ dicitur sancta, & venerabilis, figuratè, non sub ratione objecti, religiosè colendi: Esaias non loquitur de sepulchro Messiae, sed habitaculo illius, quod Ecclesia, & si loqueretur, non nisi figuratè vox, sepulchrum, esset accipienda: imò, si ponamus, ipsum sepulchrum esse gloriosum, num propterea religiosè adorandum?

## X X X I.

Concilia, quæ allegantur, canitie destituuntur veneranda. Nam illa, quæ laudantur, sunt infra seculum septimum, nec, si dicunt, imagines esse venerabiles, *σπλάς*, agnoscunt cultum religiosum; fuerunt talia, in quibus quidem legati Pontificis Romani, sed non Consensus Ecclesiæ. Patres etiam non dicunt, quod volunt Pontificii. Basilus enim allegoricè loquitur, cuius verba torquet ad alium sensum Adrianus: Chrysostomi liturgia allegata non est illius: Ambrosii verba truncatè adducuntur: Augustinus loquitur de honore debito, vel conveniente, non verò religioso: Paulinus imagines sacras vocat, & quidem in carmine, non autem dicit, religiosè esse venerandas: Gregorius & Damascenus, recentiores sunt, nec auctoritatem habent in hoc argumento; quæ de cruce adducuntur, maximam partem figurata sunt, nec tam lignum, in quo pependit Christus, quàm ipsum Christum designant.

## X X X I I.

Quæ de miraculis dicuntur, per imagines Christi & sanctorum patratis, facilè dissipantur. Nam primò, non omne paradoxon nostris oculis confestim est miraculum: Secundò, etiam Pseudoprophetæ, producto aliquo mirabili opere, non sunt attendendi. *Deut. 13. v. 1, 2, 3.* utut itaque, (quanquam plurima fingi, sit in propatulo) ostendi possent talia stupenda, facta per imagines, nondum tamen cultus earum religiosus esset evictus: denique, si verum conigit miraculum, non imagini illudtribuendum, sed Deo, nec in finem hunc, in quem obliquant Pontificii, sed in gloriam solius Dei; nec, quæ olim extraordinariè facta sunt, ad incredulitatem gentilium expugnandam, sinceriore adhuc cultu vigente in Ecclesia virgine, confundenda cum illis præstigiis, quibus Diabolus ludere solet per imagines. De statua Salvatoris alibi, ex Eusebio.

## XXXIII.



## XXXIII.

Argumenta rationis planè non concludunt: non illud de homine, qui dignus veneratione, quia imago Dei; tùm, quia honor hominis fundatus est in ipsa Scriptura, principio revelationis, non imaginum qualiumcunque; tùm, quia homo non est dignus cultu religioso, de quo disputatur; tùm, quia homo in Scriptura non dicitur imago Dei, sed vel ad imaginem Dei, vel in imagine Dei factus: Stultum autem est, si ponamus, hominem, imaginem Dei, prosternere sese inanimatæ, & manu hominis effictæ, imagini: non illud de Rege, quia ex verbo sapiendum in negotio religionis, non ex congruentiis, quas humanus adornat intellectus; quia Rex colitur, saltem civiliter, & imago illius; quia denique Christus nusquam suam imaginem exhibuit religiosè colendam, ut Reges imagines suas ad cultum & venerationem quandoque publicârunt: non illud de capacitate Injurix; nam, si de Injuria propriè sic dicta, non potest Imago dici capax Injurix, cum solus homo illius capax, solum vivens & intelligens, aded ut etiam Bruta removeantur ab hac capacitate, ubi enim non est capacitas Juris, ibi nec Injurix, secundò, si de Injuria loquamur quocunque modo, dicimus, exponi posse quidem Injurix, quia, si læditur aut contumelia afficitur Imago alicujus, in Injuriam cedit illius, cujus est Imago, sed non est consequens in ratione: versatur Injuria circa Imaginem, ergo illa est capax honoris & quidem religiosi, tertio, ut Injuria illata Imagini non est Imaginis, sed illius cujus est Imago, qui eam venerandam statuit: ita honor, si quis exhibetur Imagini, non erit ipsius, sed potius illius, quem refert, posito etiam, quod voluerit illam honorari & quousque quoque gradu: non illud de gentilium Imaginibus confringendis, non enim, si Imagines falsorum Numinum detestabiles, aliæ sunt substituendæ, quas religiosè veneremur, nec, si imagines possunt dejici, contemni, confringi, etiam aliæ possunt honorari religiosè, cum priorum capacitas non repugnet, repugnet verò posterioris, nec si parallelismus admittatur, plus sequitur, quam Imagines Christi & Sanctorum esse venerabiles, quod extra Controversiæ lineam: non illud de Improbitate Iconomachorum & pietate colentium Imagines, prius enim est dubium & controversum, nec si admittatur ad præsens negotium facit, possunt enim etiam

impii quandoque perspicere nobile verum & in aliquo puncto prævalere, nec Iconomachi omnes & singuli censendi sunt impii, alias etiam Heseckias in illorum numerum esset referendus; posterius verò docet, tales fuisse supersticiosos potius quam pios. Religio absque oculo cæca est, nec Deo placere potest: non denique illud ab infelici exitu Iconomachorum, tum quia universaliter nequit doceri, tum quia ab Eventu ductum argumentum malè currit, tum quia, si ex hoc capite infelices fuerunt, fuerunt infelices ob excessum & favitiam in Imagines, quam ipsi improbamus.

## CAPUT V.

## PARS TERTIA PRIMI PRÆCEPTI.

## Th. I.

**A**ddit Deus: *Ego sum Dominus Deus tuus fortis, Zelotes, visitans iniquitatem Patrum in filios in tertiam & quartam Generationem eorum, qui odierunt me & faciens misericordiam in millia his, qui diligunt me & custodiunt præcepta mea.* Verba Textus Hebræi, ita habent: כִּי אֲנִי יְהוָה אֱלֹהֶיךָ אֶרֶץ  
קָנָא פֹקֵד עוֹן אֲבוֹתַי עַל-בְּנֵים עַל-שִׁלְשִׁים וְעַל-רִבְעִים  
לְשָׁנָאִי: וְעָשָׂה חֶסֶד לְאַלְפִים לְאַהֲבֵי וּלְשִׁמְרֵי מִצְוֹתַי  
LXX. Interpretes reddiderunt ita: Eγὼ γάρ εἰμι Κύριος ὁ Θεός σου, Θεός ζηλωτής, δοποδιδούς ἀμαρτίας πατέρων ὅτι τίκεις, ὅτι τρίτην καὶ τετάρτην γενεάν τοῖς μισοῦσί με, καὶ πτωὶν ἔλεος εἰς χιλιάδας τοῖς ἀγαποῦσί με, καὶ τοῖς φυλάσσουσιν τὰ πεντάγµατά µε.

## II.

De hisce verbis Hugo Grotius ita sensit, quod sint clausula non ad secundum præceptum tantum; sed & ad primum pertinens, & quidem principaliter, ad secundum vero, quatenus primo interviat; verum malè! nam primo divisio illa inter primum & secundum præceptum, quasi hoc esset de Imaginibus à nobis non admittitur, cum secundum nobis sit de nomine Dei, in vanum non usurpando. Secundo ad illud punctum de dolo sive ut Grotius vocat, ad secundum præceptum,

ptum, non pertinent hæc verba tantum, quatenus primo inservit, ad primum verò principaliter, supponitur enim positiva in hoc secundo tantum tradi, quod supra excussum. Tertiò quamvis primo præcepto hæc immediate sint subnexa, nobis tamen non est dubium, esse clausulam generalem, respicere omnia & singula præcepta à DEO in Monte Sinai promulgata, esse stimulum quandam universalem, quo Deus partim terrere voluit proclives in devia ab hoc tramite, hac Sanctissimæ Voluntatis effigie, hac agendorum & omittendorum regula, partim excitare pios in observationem suorum mandatorum, profectum in pietate erga DEUM, charitate erga proximum, & sanctitate vitæ, quo quidem sensu etiam accepit, ac intellexit B. noster Gerhardus scribens: Hanc promissionem ac comminationem dicimus generalē esse, ad omnia omnino Decalogi præcepta referendam, id quod plurale מִצְוֹת Mizvothái, præcepta mea h. l. usurpatum manifestè evincit. Quemadmodum enim primum præceptum est, *וְאֵת יְהוָה אֱלֹהֶיךָ*, præceptorum fons & caput cæterorum omnium, cujus vis ad reliqua omnia spargitur & promanat: ita promissio & comminatio primo huic præcepto addita generalis est per omnia Decalogi præcepta deducenda. Id ipsum repetitio horum verborum *Exod. 34. v. 6. & 7.* itidem non obscurè confirmat.

### III.

Dicit autem Deus: Ego sum Dominus Deus tuus. Utitur voce Jehovah, addita voce Elohecha, Deus tuus, quo ipso innuit, quia, ut Deus Israelis, elegerit hunc populum, in peculium sibi, desponsarit sibi in gratia, ideo se esse Zelotypum, nec posse ferre, ut unà idola colantur, prout sponsus nequit ferre corrivalem, non posse admittere, ut suæ voluntati & mandatis contraveniatur: & sicut hoc non possit ferre, quia Deus Israelis, ita quoque non posse admittere, respectu aliorum, quorum Deus sit, creationis titulo, beneficiorum exhibitione, fœderis vinculo. Dicit: Ego sum Dominus Deus tuus, Zelotes; tribuit sibi nomen El, quod fortem, atque potentem notat, & ita fundare vult potestatem, vindicandi ea, quæ committuntur adversus Decalogum, potestatem benefaciendi morigeris: Zelotem verò vocat se, & æmuli impatientem, amorem, & indignationem, subinnuens, nec malè Origenes dicit: Qui

legitimo utitur matrimonio, non patitur uxorem peccare, sed accenditur zelo ad servandam castitatem matrimonii: sic animam sibi spiritualiter conjunctam Deus non patitur peccare, nec ferre potest, ut alludat adulteris. Si autem viderit eam temerantem conjugii iura, dat ei libellum repudii, *Esa. 50. v. 1.* est autem novum genus bonitatis ejus, ut etiam post adulterium revertentem & toto corde poenitentem suscipiat, *Jer. 3. v. 1.* Denique se visitare iniquitatem patrum, in filios, loquitur de visitatione iræ: in Ebræo enim est *וְיָשִׁיב* quod sensu vindicandi solet accipi, quod etiam LXX. respexerunt, usurpando vocem *ἀνελίδας*, adeoque Deus ostendere vult, se non esse, ut Deastros gentium, qui nec bene nec male facere possint, nec autem tantum notat peccatum, quod admittitur circa falsa Numina, ut vult Grotius, ex falsa hypothesis, supra excussa, sed summa extantiora: visitare verò dicit se hæc parentum peccata in filios, sive posteritatem, ut eò magis absterreat, & quidem, in tertiam, & quartam generationem, ad abnepotes usque, eorum autem, qui oderunt ipsum, sponsum deserunt, & aliis adhærent, mandata transgrediuntur, & eo ipso odium suum in Deum manifestant. Ut autem dicit, se visitare iniquitatem patrum, in filios, in tertiam, & quartam, generationem, eorum, qui oderunt se, ita dicit, facere se misericordiam in millia his, qui se diligunt, & custodiunt præcepta sua, & eo ipso inæqualem rationem justitiæ, & benignitatis intimat, quoad exteriores effectus, magis se propensum esse ad misericordiam, quàm ad vindictam, respicere verò sua gratia obediētes, diligentes amore sincero, ut sponsa prosequi solet sponsum, uxor maritum, custodientes mandata, attentos ad observationem, & ipso opere contestantes, sive effectū, sinceritatem Affectus. Adde Lorinum scribentem, millia, multaque millia, sumuntur pro pluribus. Non malè *πεσδοξαμένοι* hunc exposuit, ex nostris B. Feurbornius, *fasciculo secundo, thesi 42, 43.* scribens: Dicit Deus, in filios se visitaturum iniquitatem patrum non quorumcunque, sed eorum, qui odio prosequantur ipsum *Exod. 20. v. 5.* & *Deut. 5. v. 9.* Qui *πεσδοξαμένοι* primò intelligitur de parentibus; ut clariùs patet ex Hebræo textu, ubi est *אֲבוֹתָם*. En! in hac restrictione non habetur particula *וְ*, al, quæ fuit in præcedentibus:

bus: sed præfixum הamed, quod cum ab antegresso nomine regitur, notat genitivum. Est autem hic Ellipsis duarum vocum 'בן-בן al-bené, id est, in filios, quæ voces repetendæ sunt ex verbis præcedentibus. Ut integra oratio hæc sit: Visitans iniquitatem patrum in filios, in pronepotes & abnepotes, in filios, inquam, eorum, (parentum) qui oderunt me. Etenim hic manifestè sermo habetur de visitatione iniquitatis patrum; quæ visitatio seu punitio exaggeratur ex continuatione in filios, & quidem non tantum in filios, propriè dictos, vel etiam ab illis proximos, id est, nepotes: sed etiam pronepotes, & abnepotes. Nec tamen hinc excluduntur, sed reverà includuntur & connotantur liberi, Deum odio prosequentes: Et pii infantesque liberi hic excipiuntur: seu liberos, filiali amore & fiducia Deum patrem complectentes, & patrum peccata fugientes, canequæ pejus & angue caventes non ferit hæc Dèi comminatio; siquidem *Ezech. 18. v. 4.* inquit Jehova: Anima (non innocens sed) quæ peccaverit, ipsa (non alia infans) morietur. Et *v. 14.* Quod si genuerit filium, qui videns omnia peccata patris sui, quæ fecit, timuerit, & non fecerit simile eis &c. hic non morietur (NB.) in iniquitate patris sui, sed vitâ vivet. Et *v. 19.* ulterius præoccupat & refellit Judæorum querelam. Et dicitis, inquit. Quare non portabit filius iniquitatem patris? Videlicet, quia filius iudicium & justitiam operatus est, omnia præcepta mea custodivit, & fecit illa, vitâ vivet. *v. 20.* Anima, quæ peccaverit, ipsa morietur; filius non portabit iniquitatem patris, & pater non portabit iniquitatem filii: justitia iusti super eum erit, & impietas impii erit super eum, non super alium innocentem.

## IV.

A litera itaque recedunt primò Origenes, qui per patrem intelligit Diabolum, per filios, peccatores, quos scil. inducit ad peccatum, ut Judæproditionis scelus persuasit, per tertiam & quartam generationem, quos sibi quis adsciscit facinoris socios, cujusmodi fuerunt Pharisei, & Pontifices, quos Judas adiit, ut de modo inter se convenirent: Secundò, quidam, apud Hieronymum, in *Ezech. 18.* qui patrem interpretantur peccati susurrectionem, & primam titillationem, ac incitationem ad peccatum, filium peccatum, cogitatione, & voluntate interius admissum, quartam generationem, seu



seu pronepotem, si non tantum exterius facinus admittas, sed etiam de admissio gloriaris. Tertiò, Augustinus contra Adiamantum, cap. 7. qui patrem, dicit esse Abraham, & primam generationem esse ab Abrahamo usque ad Davidem, secundam generationem, à Davide, usque ad captivitatem Babylonicam, tertiam generationem, quam ceperunt Judæi à captivitate Babylonica, usque ad Christum, quartam à Christo, & deinceps, cum perfecte puniti sunt. Non itaque probare possumus illas expositiones, quia non tantum litera retinenda, quousque necessitas non ad figuram compellat, maxime in præceptis, promissionibus, & comminationibus, sed & Scopus Dei non fuit ille, quem hi per has expositiones prodere volunt, sed alius, stabilitio scil. obedientiæ, decem verbis exhibendæ, neque per patres, phrasi Scripturæ, intelligi possunt, vel diabolus, vel susurratio, vel Abraham, nec solos Judæos respicit hæc comminatio, vel promissio, & causa, quæ compulit hos interpretes, ad hanc exegesi mysticam, scrupulus fuit, quomodo citra iniquitatem aliquis pro alienis peccatis punire possit, qui stante verborum proprietate, commodè tolli potest.

## V.

Uti itaque hoc expediatur, notamus quosdam dicere, prophetiam Ezechielis pertinere ad N.T. & non amplius vigere illam severitatem, qua filii ob parentum peccata puniuntur, vel damnatione exilii à regno cœlesti, vel longa captivitate, sicuti Babylonica; pro qua sententia referunt Franciscum, Sohnium, & Andreæ Crocquitium: quosdam verò respondere, Deum, cum nemo coram ipso sit innocens, posse punire, in tertiam, & quartam generationem, filios parentum impiorum, & solere, sed vetare aliis. *Deut. 24.* ideoque inter pœnas divinas & supplicia civilia, esse distinguendum: quosdam intelligere hunc locum de punitione peccatorum parentum, in tertiam, & quartam generationem, nempe in illis liberis, & filiis, qui imitantur peccata parentum, & iisdem criminibus se involvunt. Primum ex eo capite non admittitur, quia confundit Legem cum temporibus Novi Testam & V.T. Evangelium, cum Novo hoc quidem certum est, Effatum Ezechielis esse Evangelicum, secundum dispositionem gratiæ accipiendum, hoc verò de punitione filiorum propter peccata parentum esse legis,

& vo.

& voluntatis justæ, sed quòd distinctione temporis possit tolli illa oppositio, quæ videtur esse inter hæc duo effata, nunquam conceditur: præterea negari nequit, etiam sub Oeconomia N. T. Deum, visitare iniquitates parentum in filios, in tertiam & quartam generationem, nec hoc proprium fuisse illis temporibus, quæ adventum Christi in carne præcesserunt; denique ostendi nequit, damnatione exilii in regno cœlesti fuisse punitos filios in V. T. ob peccata parentum, & non posse in N. T. similem captivitati Babylonice calamitatem, vel exilium, ob peccata parentum, posteritati immitteri, cum aliud doceat fatum Ecclesiarum Orientis, & exempla, passim in historiis obvia. Alterum itidem ex eo non probatur, quia, si dicamus, injustum quidem esse secundum leges civiles, si quis puniat ob peccata parentum filios, non autem secundum legem divinam, judicium superius nihilominus adhuc manet dubium, quomodo id iniquum in foro humano, non divino? quomodo ille, qui non tantum est justissimus, sed & misericordissimus, qui hoc ipso in loco misericordiam suam deprædicat, quantum ad extensionem præfert justitiæ, possit eo usque progredi, ut filii sentiant in tertia & quarta usque generatione, quod Majores deliquerunt, omne exedendum natis, quod illorum parentes intriverint? cui si obviam ire velis distinctione judicii humani, secundum leges civiles, & divini, secundum perspicaciam illam infinitam & *καρδιογνώσκειν* administrati, principium petes, dubio non satisfacies, quia hoc est, quod quæritur, num scilicet judicium divinum, citra suspensionem nimii rigoris, ita possit esse comparatum? Secundò si ad *καρδιογνώσκειν* confugias, cui innitatur judicium divinum, eo ipso in hac distinctione non subsistes, sed admittes aliquid deprehendi in malis, ex quo justitia hujus actus possit doceri, quod quia non est probitas, quæ visitationem iræ declinat, erit impietas, & consimilis vitiorum praxis, quo ipso ad tertiam sententiam delaberis. Tertio Ezechiel, ut &, qui paria dicit, Jeremias non agunt de civili judice, sed de ipso Deo, & hoc propugnant, etiam ipsum Deum ita exequi judicia sua, ut anima quæ peccavit, ipsa moriatur, filius non portet iniquitatem Patris, justitia justi sit cum ipso, & improbitas improbi cum ipso, non hoc in foro humano tantum valere, sed vel maximè in foro divino observari. Tertiæ sententiæ modòque conciliationis, qui nostris placuit

Theologis, sese opponit Andreas Rivetus, & dicit, non tantum illam non convenire cum fonte, sed & immotis refelli argumentis sequentibus, sc. secundum illos, primò iis, qui oderint Deum, opponit Deus eos qui ipsum diligunt & ipsius mandata serviant. In posteriori autem membro, intelligi parentes ipsos, non autem eorum generationem, vix est qui dubitare possit. Nam postea *Exod. 34.* utrumque absolute ponitur: qui custodis misericordiam in millia, & qui reddis iniquitatem Patrum filiis, ac nepotibus, in tertiam ac quartam progeniem. Si loqueretur de filiis, qui oderunt Deum imitantes parentes suos, loqueretur etiam de iis qui Deum diligunt eodem modo, ac proinde aut diceret, in tertiam & quartam generationem, & non in millia; aut certè ergà eos qui Deum oderunt, in mille etiam & penè infinitas generationes protenderet. Quis enim nescit, Deum visitaturum impiorum Patrum impiam generationem in perpetuum? Hoc cum vidisset August. lib. 1. quæstio. veter. Testam. cap. 24. voluit positam esse tertiam & quartam generationem pro universis generationibus, quæ septenario numero significantur. Sed ubi litera facilis est, quid opus est, mysticos sensus excogitare? Periret gratia omnis comparationis, in quâ ita opponit misericordiam justitiæ, ut eam extollat in eo, quod misericordiam exerceat in filios, in mille generationes, propter parentes, cum tamen non puniat eorum peccata in filiis, nisi usque ad tertiam & quartam generationem. Denique, non tam puniret Deus peccata parentum, quam filiorum. Quænam autem esset hæc dehortandi ratio: Cavete vobis ab Idololatriâ, quia si filii vestri ad quartam generationem Idololatriam committant, eos puniam?

## VI.

Subtilia hæc in speciem videri possunt, solida censerì non debent. Primum non concludit: Nam si ponamus in posteriori membro intelligi parentes ipsos, non autem eorum generationem, institutam esse etiam hic oppositionem, quod negari nequit inter illos, qui oderint Deum, & illos, qui ipsum diligunt, non tamen propterea concludi poterit, parentes solos in priori membro intelligi, longè enim alia est ratio gratiæ diviniæ, alia justitiæ vindicativæ, prior poterit conferri & extendi absolute citra respectum ad pietatem

tem posteritatis; hæc verò necessariò & semper præsupponit aliquod demeritum etiam ratione illius, qui ex occasione paternorum scelerum punitur, cum pœna & culpa sint relata; Secundo si quis negaret, in posteriori membro intelligi parentes simpliciter, & non eorum generationem, quid solidè illi responderi posset, nondum vidimus, consulitur hic locus *Psal. 25. vers. 10.* Tertiò Exodi trigesimo quarto versiculo septimo, absolutè quidem dicitur: Qui reddis iniquitatem Patrum filiis ac nepotibus in tertiam & quartam generationem: verùm non absolutè hoc intelligendum, sed ut probè in paraphrasi sua B. Osiander monet, in posteritate impià Patrum, quia hoc ipsum supponitur ex præsentì effato cum circumscriptione aliqua edito, partim, quia hoc evidenter colligitur ex Levitici vigesimo sexto, versiculo decimo nono, ubi discretè propter peccata patrum suorum & sua affliguntur, tabescunt in iniquitatibus suis, vel propter iniquitates suas, & parentum suorum, quos imitati sunt, partim quia sic judicant Patres & ex illis Augustinus contra Adiamantum c. 7. Alterum argumentum iterum non est solidum: Nam primò non absurdum est dicere, Ezechielem loqui de filiis, qui Deum diligunt. Secundò non necessum, si loquatur de filiis, qui Deum diligunt, addi debere etiam, ut in illo membro de impiis, in tertiam vel quartam generationem, cum benevolentia divina excedat justitiam vindicativam & inæqualiter ad illam se habeat; què itaque laxius porrigi nequeat misericordia in pios, quàm justitia in impios? sanè ipse Catechismus Gallicus ad hæc verba observat, Deum ad humanitatem magis & clementiam, quàm ad severitatem esse propensum; & huc referenda sunt loca illa *Exod. 34. v. 6. Esa. 28. v. 21. Thren. 3. v. 53. Amos. 2. v. 7.* Tertiò, non in mille usque generationes & penè infinitas protendi debere justitiæ exercitium, supposito stante concluditur, tum quia Deus potuit instituere terminum punitionis peccatis communicatis, qui aliàs in propriis aliter solet progredi, tum quia si animadvertet Deus in tertiam & quartam generationem usque, plerumque talis familia improborum contabescit & expirat, ut ex Historia Regum constat, qua desinente furor divinus quoque cessat; tum quia peculiaris fuit Deo ratio, hunc terminum tertiæ & quartæ generationis figere, quia scilicet propagatio ad eum usque fieri solebat,

bat, & idcirco filii videre ac imitari parentum vitia, parentes verò punitionem natorum intueri, cum Corderio notante Acacio in catena & Gregorio quæst. 15. moral. cap. 22. Tertium non stringit, nam ad comparisonem non ita attendendum, ut vult Rivetus, aut strictè urgenda, prout ipse urget illam, cum ipse Deus ita puniverit filios, ita visiterit iniquitatem Patrum in illis, ut intra hunc terminum non perstiterit, sed ultra eum fuerit progressus, ut Amalekitarum docere potest exemplum. Secundò planè non perit gratia comparisonis, sed etiam in nostra sententia Deus extendit misericordiam suam præ justitia, dum ad pietatem parentum respiciendo piis in mille generationes benefacit, ut ex proprio gaudeant præmio pietatis, & ex parentum pietate aliquid in tot generationes accommodat. Denique falsum, supposità hâc sententiâ, Deum non tam punire peccata parentum, quàm filiorum: duplicat enim pœnam, non intendit, ut luant posteri ex propriis & etiam paternis, & tantâ calamitate involvantur, ut sentiant se puniri, se affligi ad mensuram scelerum & flagitiorum completam, de qua ipse Christus *Matth. 23. v. 32. & 35.*

## VII.

Non desunt autem exempla, quibus Deus voluntatem verbo expressam confirmavit. Diluvio involuti fuerunt liberi cum parentibus, infantes cum adultis, de quo *Genes. 6. v. 12, 13. 1. Pet. 3. v. 19, 20. 2. Pet. 2. v. 5.* Post diluvium Canaan Chami filius maledictioni fuit subiectus cum tota posteritate. *Genes. 9. v. 25.* Nec sulphurea pluvia tantum absumpsit adultos, sed in Pentapolitana regione ad aliquot milliaria se protendit etiam ad infantes, de quo *Gen. 19.* Abimelechus peccans adduxit malum in totam familiam suam *Gen. 20. v. 17, 18.* Primogeniti in Ægypto tolluntur propter Pharaonis & parentum contumaciam. *Exod. 11. v. 5, 6. Num. 16.* (Terra absorbet non tantum rebelles contra Moysen, sed & filios) Exscinduntur ad voluntatem divinam non tantum adulti Chanaanæi, sed & pueri *Deut. 3. v. 6.* Non tantum lapidatur Achan ob sacrilegium commissum, sed & familia ejus *Josue 7. v. 24, 25.* Davidis filius ex Bathseba natus moritur, patre peccante. *2. Sam. 12. v. 14, 15, 18.* Saulis filii suspenduntur ob peccatum patris. *2. Sam. 21.* Jesoboam peccando facit, ut posteritas illius luat. *1. Reg. 14. v. 9, 10, 11.*



10, 11. peccata Achabi vindicantur in posteritate 2. *Reg.* 21. v. 21, 27. Avaritia Gehasi punitur leprâ etiam in filiis & nepotibus. 2. *Reg.* 5. v. 26, 27. Ipsa Ecclesia Judaica agnoscit se pœnam ferre paternorum criminum *Tbren.* 5. v. 7. & Christus *Matth.* 23. v. 35. superventuras pœnas illorum peccatorum, quæ à majoribus patrata, disertè interminatur.

## VIII.

Interim hoc notamus, posteros & filios pios sive innocentes ob majorum flagitia non affici pœnâ aliquâ, propriè sic dictâ, sed iniquitatem ita ferre, ut miseriis fiant obnoxii, quæ iniquitatem illam majorum consequuntur, neque Deo sermonem esse de visitatione aliquâ pœnali æternâ, aded quidem, ut ne ipsi etiam impii liberi & posterii ob majorum peccata in inferno puniantur intensius. Addatur hic Feurborn. *fascic.* 2. pag. 176. & seq. observat etiam B. Hülsemannus, qui ita scribit: Estius in annot. in h. l. calumniatur, tametsi Manasses resipuerit, Deum tamen peccata ejus in posteris fuisse ultum, quod est contra divinam promissionem *Ezech.* 18. v. 21, 22. Cum converterit se impius, nullæ defectiones ejus memorabuntur, Peccata Manassis peccatis similia Deus quidem ultus est in Judæis, 2. *Reg.* 21. v. 11. 22. c. 23. v. 16. c. 24. v. 3. Sed eadem numero peccata, quæ Manassi remisit, nunquam legitur in posteris ejus ultus. Castro hanc pœnam esse ait, quod Deus impiorum liberos cum Parentum impiis habitibus nasci facit. At ea non est pœna, sed voluntariè contracta labes à primis parentibus, quam si Deus non permitteret propagari in posteros, miraculum faceret, quod utique non tenetur, nisi dicamus teneri Deum, ut corruptæ naturæ cursum sistat. Deinde pœnas filiorum innoxiorum, Castro ait, non esse pœnas, sed medicinas adversus futurum malum; quæ principii petitio est, cum nemo puniatur ob peccatum alterius, nisi ejusdem noxius sit, & inter pœnas impiis inflictas, piorumq; castigationes hoc interfit, quod eæ, quanquam sine emendationis etiam immittantur, irati tamen Dei sint, ut Judicis, non ut Patris. *Sap.* 11. v. 10. 2. *Maccab.* 7. v. 33. 1. *Cor.* 11. v. 32. Denique hoc interesse, ait Castro solut. ult., inter beneficentiam Dei, & punitionem, quod beneficentia etiam in peccatores extendatur, usque ad mille generationes; pœna autem contra innoxios non egrediatur tertiam vel quartam generationem.

Quod utrumque est contra Ezechielis testimonium, supra allatum. Et Moses quando ait, vindicare Deum peccata parentum in filios in tertiam & quartam generationem, qualitatem filiorum simul expreflit, quod sint odientes Deum. Nam verbum hoc immediatè ad filios, non ad parentes refertur, ut patet ex præfixo, & ex tota constructione. *Exod. 20. v. 5.* Quomodo Hieronymus & Theodoretus hic & in *c. 18. Ezech.* Augustinus libro contra Adiamantum Manichæum, *c. 7.* Gregorius *l. 15. Moral. c. 31.* Rabanus, Hugo, Dionysius exponunt; Deum nunquam punire filios insontes, propter peccata parentum, nec fontes quidem, propter peccata Parentibus jam remissa, sed ita puniri parentum peccata in filiis, quando Deus imitantes filios majori pœnâ afficit, quâ aliàs affecturus non fuisset, nisi etiam parentes ipsorum peccassent, quæ propriè non pœna, sed tantùm intensio pœnæ est, Deo libera, quemadmodum intensio beneficiorum apud inæquales nonnunquam æqualis est. adde Bonfretium in *Pentateuchum. pag. 452.* Creguti Galerazia *pag. 1028. & seq.* Menasse Ben Israël.

## IX.

Fundamentum autem illius visitationis non tam petendum ex Domini universalis ratione, quàm justitiæ, si scilicet consideratur visitatio illa ut pœnalis, tùm quia omnis pœna est ex justitia, dicit enim irrogationem aliquam intuitu culpæ factam, tùm quia ipse Deus dicit, se visitare iniquitates Patrum in filiis sanè non visitatione gratiâ, ergò vindicativâ, nec dicit simpliciter, se visitare aliquid in natis, sed iniquitates Patrum, ut indicet peccata esse materiam incendii, esse fomitem iræ divinæ, quæ per justitiam vindicatur; tùm quia addit, se visitare istiusmodi peccata, quia sit Zelotes, hoc est justissimus vindex scelerum; & sicut remissio peccatorum sive priorum, sive alienorum est actus misericordiæ divinæ; ita actus imputationis sive visitationis peccatorum paternorum in filiis actus erit justitiæ. Supponitur verò huic actui justitiæ conjunctio vel naturalis, qualis in hac comminatione occurrit, scilicet quæ est inter Patrem & liberos; vel politica, qualis est inter Imperantem & subditum; vel denique voluntaria, qualis inter reum & fidejussorem.

## CAPUT

## CAPUT VI.

## Errores circa primum Præceptum.

## Th. I.

Quamquam Decalogus paucitate verborum & claritate sensus omnibus se commendat, inventi tamen sunt in ipsâ Ecclesiâ, qui nebulas offundere, duxerunt esse artis & ingenii, inter quos Pontificii Doctores primas tenent. Nam *primò* circa hoc præceptum errant ignorantiam excusando. Statuunt enim *primò* Deum posse invincibiliter ignorari. Disertè enim Rodericus ab Arriaga Lucroniensis Hispanus, Academix Pragensis Cancellarius: Probatiorem censeo sententiam Molinæi dicentis: Deum posse ignorari invincibiliter; nam ut supra ostensum, non est veritas per se nota, Deum existere: debet ergo discursu & ratiocinatione colligi. Hic autem discursus indiget magnâ consideratione, utpotè res valdè à sensibus aliena; atqui frequentissimè experimur homines multos, etiamsi rationis simpliciter capaces, ita tamen hebetis ingenii, ut etiam quando conatur alius res faciliores eis persuadere, exemplis facillimis eas res declarando; tamen vel non percipiant, vel summè, difficulter. Quo ergo fundamento possumus dicere, istos & similes etiam sine ullo magistro ex seipsis incepturos & continuaturos ratiocinationem & discursum adedè metaphysicum, quo Dei existentia probetur? ego sanè vix dubito, quin multi possint inveniri, in quibus nec per umbram similis excitetur ratiocinatio, poterunt ergo habere ignorantiam invincibilem Dei. Et circa finem sectionis tertie concludit ad objectionem: Ergò talis Homo ignorans Deum non peccabit mortaliter, etiamsi alium occidat, & putet, se malè facere. De hoc, scribit, ego in materia de moribus humanis, dixi; talem non promeriturum per illud factum poenam æternam Dei; Nec enim tantum in illis, qui sunt extra Ecclesiam, ignorantiam elevari; sed & in illis, qui sunt in gremio illius. Clare Becanus *Tom. 5. opuscul. 5. q. 1. pag. 633.* Ex nostra sententia sequitur; omnes securos ac tutos esse, qui iudicio ac sententiæ totius Ecclesiæ acquiescunt. *Secundo* polytheismi opinionem admittendo: Ita Caramuel, Deorum pluralitatem, stando puris principiis naturalibus, defendi posse & propugnari asserit, nec non prudentiam humanam viribus naturæ derelictam ptabilissimè crede-

credere, dari plures Deos. *Tertiò* fiduciam expungendo, hanc quippe præsumptionis nomine traducit papatus, qua quis vult beatitudinem sola divina misericordia consequendam, absque suo ullo bono opere & cooperatione, uti loquitur Toletus *lib. 4. cap. 67. p. 204.*

I I.

De Spe foveant sequentes opiniones: Primò actum spei, non esse in substantiâ suâ supernaturalem, quia viribus naturalibus ab homine possit sperari quodcumque bonum, quod possit ab ipso suâ virtute conferri. Sotus de natura & gratia c. 22. Secundò non obligari aliquem elicere actum spei, etiamsi gravi desperationis tentatione vexetur, quia quis possit non agnoscere, medium esse necessarium ad superanda desperationis tentamina, actum spei elicere; cum sint plurima alia media à Deo instituta, ad quamlibet gravem desperationis tentationem superandam? Fernandez de Castro *tom. 1. tract. 5. d. uni. pun. 4. num. 3.* Nec quando aliquid à Deo petimus, quia tunc non est spei directâ obligatio, sed indirectâ, quatenus est medium necessarium ad orationem. Quod inde constat, quia si orationem debitam omittas, non peccas contra spei virtutem, sed contra religionem, cuius actum exercere tenebaris. Ita Castro Palao *tom. 1. tract. 5. dub. unic. punct. 4. num. 3.* Tertiò sperare in Deo principaliter, & minus principaliter in sua, vel creature operâ, non est secundum quosdam præsumptio, nec Dei imitatio, cum ipsemet Deus eam operam in nobis velit & jubeat,

I I I.

In Charitatē præceptâ consimilia deprehendes *ἀντίστοιχα*. Primò enim Jesuitæ stant pro amore Dei naturali, de quo Ludovicus Montaltius *pag. 273. §. 60. seq.* contra Thomam; qui aliter & ita pronuntiat; Homo in statu naturæ integræ non indiguit divinæ gratiæ gratuito auxilio, viribus naturalibus superaddito, ad Deum super omnia naturaliter diligendum, quanquam Dei ad hoc moventis auxilio ei opus esset. At in statu naturæ corruptæ, indiget ad hoc gratiâ ipsam naturâ interiùs sanante. In statu naturæ corruptæ homo ad hoc deficit secundum appetitum voluntatis rationalis, quæ propter corruptionem naturæ sequitur bonum privatum, nisi sanetur per gratiam Dei. Secundò statuunt, non teneri hominem in rigore per totam vitam suam elicere unquam actum amoris divini, ut habet Articulus vigesimus

simus quartus illorum, qui die 4. Maji 1657. à Facultate Theologica Lovaniensi sunt examinati. Conformiter illi Thomas Tamburinus in *Decalogum lib. 2. cap. 3.* scribens: Mihi placet, inquit, doctrina Azor, qui docet hoc præceptum charitatis impositum fuisse ob justificationem impii: Solum igitur tunc obligare, quando impius, quia Sacramentum poenitentiae non est in promptu, non habet aliam viam, qua se justificet, nisi eliciat actum contritionis, quæ semper aliquo tandem modo actum amoris Dei super omnia dilecti involvit: Consequenter igitur, & indirectè ratione suæ justificationis ad actum charitatis fideles obligantur. Azor. *tom. 1. lib. 9. c. 4. q. 1. circa fin*: Confirmat: quia licet communis sententia doceat, dari præceptum speciale de amando Deo in illis verbis, *Dilige Dominum Deum tuum*, & alibi; tamen non ignobiles Doctores docent hoc præceptum non esse speciale, & speciali tempore implendum, sed generale inhibitum in omnibus præceptis, sicuti secundum præceptum de dilectione proximi non est speciale, sed in Decalogi præceptis contentum; nam propterea dicitur *in his duobus præceptis*, id est dilectione Dei & proximi, *universa lex pendet, & Propheta, &, qui habet præcepta mea, & servat ea, ille est, qui diligit me; & Plenitudo legis est dilectio*. Si enim qui servat præcepta, diligit, quique diligit, servat, jam unum ex his continetur in alio, & consequenter præceptum charitatis indirectè solum & ratione alterius obligabit. Antonius Sirmundus, observante Montaltio, in libro, quem inscripsit *Defensionem virtutis*, hanc quæstionem movet, & disputat circa præceptum de diligendo Deo: Utrum sub poenâ ignis æterni, ad Deum continenter amandum obligemur? Hic cum statuisset perennè illum amoris actum patriæ esse, non viæ, & propterea hominibus in hac vita nequaquam præceptum; ad illam, quæ una hîc agitur, quæstionem accedit. Cum igitur, inquit, *Tract. 2. Sec. 1. cap. 2. pag. 12.* affirmativa præcepta certis tantum temporibus obligent, quandonam obligabit illud amoris? Inde varias Theologorum sententias refert, & improbat. Ad extremum difficultatem ita in summam colligit: Si quod sit Dei diligendi præceptum, ad observationem sui obligat, transgressio verò ad quid obligat? An mortali piaculo præceptum illud violaret, qui NULLUM UNQUAM divini amoris actum eliceret? Non potuit clariùs quæstionem constituere. Quid



ergo pronuntiabit? Sanctus Thomas, inquit, 2. 2. q. 44. art. 6. videtur id negare; idque demum ad vitandam damnationem exigere, ne quid contra sacram dilectionem agamus. A tanto errore suo loco vindicabitur sanctus Thomas; sed Sirmundum nunc sequi juvat. Si hæc, inquit, quemadmodum quidem videtur, est sancti Thomæ doctrina, ejus autoritate fretus LIBENTER DIXERIM: Cum Deus amorem suum nobis imperat, nihil præcisè aliud à nobis exigit, quàm ut ipsi in aliis mandatis pareamus. Deinde ut Divum Thomam, sic Evangelium corrumpit, Præceptum est, inquit, amandi Dei; sed opere & veritate, hoc est, implenda ejus voluntate, quasi ipsum affectu diligeremus, quasi divinus amor pectora nostra succenderet, quasi ista mandata charitatis intentione servaremus. Hoc si fit, tantò melius: sin minùs, tamen in rigore divino mandato satisfacimus. Itaque vide bonitatem Dei! Non tam præcipit amorem sui, quàm odium vetat; sive formale & actuale, quod non humanum, sed diabolicum est; sive materiale, quod in mandatorum transgressione positum est. Habes initia Sirmundi, progressum videamus. Quærit sequenti capite, quis sensus sit illius præcepti: Diliges Dominum Deum tuum ex toto corde tuo? Hic jam ipse loquitur Sirmundus, nec sub sancti Thomæ larva delitescit. Quid ergo ille expromat de suo, videamus. In præcepto, inquit, duo distinguenda sunt; rigor & clementia: in amore item duo; motivum & effectus: vel potius duo distingue præcepta; alterum rigoris, alterum clementiæ: duos amores; alterum affectus, alterum effectus. Qui quantum potest præcipit, at nullam apponit pœnam, saltem gravem, hujus mandatum totum melleum est. Adde minas, jam fit rigoris mandatum. Ita qui alteri servit SINE INTENTIONE ET AFFECTU, solo illum effectum diligit, non affectu; qui autem præterea ipsum interno amore prosequitur, utrumque habet, affectum scilicet & effectum. Definivit omnes voces, omnemque ambiguitatem planè sustulit. Ergo quid decernat audiamus. Quid igitur, inquit, de ipso amoris præcepto, aut amoris mensura dicendum, quæ nobis maximo omnium mandatorum præcipitur: nempe clementis quoddam est mandatum (videlicet sine pœna) erga ipsum amoris affectum, amorem intentionis, amorem motivi: at mandatum est rigoris erga ipsum amorem effectus & operis. Ut isti legi

obedias, quatenus lex clementiæ est, id est sine pœna, necesse est, cor-  
 tuum vero affectu tangi, veris charitatis motibus incitari, qui omnes  
 animi motus, cogitationes, ad Dei vel minima jussa studiosè ser-  
 vanda secum rapiant. Huc tendere debemus, si quidem perfecti esse  
 volumus. At qui divino illo caret affectu, & tamen, quadam alia  
 bona intentione, ita officii sui tenax est, ut malit ab omnibus cogita-  
 tionibus, desideriis, utilitatibus suis recedere, quàm divinas leges  
 sub pœna mortalis peccati obligantes violare; huc qui pervenit, in  
 rigore obedit magno mandato, quantum satis est ut salvus sit. Hâc  
 doctrinâ toties iteratâ rationem adjungit, similis aut etiam majoris  
 impietatis. Sic, inquit, debuit Deus, & potuit sanctum nobis amo-  
 rem præcipere. Debuit effectum præcipere in rigore & intentatis  
 pœnis. Ubi enim Principem ac Dominum egisset, nisi obedientiam  
 exigeret? At verò ad eliciendum illum amorem sincerum aptior  
 omninò clementia, id est, imperium sine pœnarum metu. Si hoc di-  
 xisset, perdam vos, quancunque mihi obedientiam præstetis, nisi  
 etiam ipsum in me amorem ac cor transferatis; quæro an huic con-  
 silio convenisset hic finis? Licet enim conveniens sit, ut quilibet se,  
 suæque omnia in Deum dirigat, cum primum rationis usum asse-  
 quitur; at hoc ex obligatione fieri, nec severitati legis divinæ, nec  
 humanæ imbecillitati consonum esse potest: imò potius videtur im-  
 possibile, nisi aliquo speciali superno lumine illustretur. Quia ad  
 hujus præcepti executionem requiritur illius perfectâ cognitio: At  
 ante usum rationis nequeunt pueri perfectè cognoscere, quonam  
 modo Deus sit super omnia diligendus: Si verò usu rationis antecede-  
 nte præcepto ligantur, sine illius ligantur cognitione. Profectò  
 nullus est, qui cognoscat primum instans, quod est suæ rationis prin-  
 cipium. Quomodo ergò ligari præcepto pro illo tempore poterit?  
 Ita Azorius *part. 1. l. 4. c. 10. q. 6. Valentia. 2. 2. d. 3. q. 19. punct.*  
*3. Suarius tomo 4. de pœnit. Sanch. l. 2. Decal. c. 35. n. 7. Conink.*  
*d. 24. dub. 3. n. 48. & alii apud Azorium. Solùm obligat præce-*  
*ptum eliciendi charitatis actum pro vitæ fine. Quia dum vivimus,*  
*Deum habituali dilectione prosequimur: actum autem amoris eli-*  
*cere oportet specialem, dum morimur, è quo fortassè nostra æterna*  
*felicitas pendet. Sic Vasquez. de pœnit. q. 86. art. 2. dub. 6. num. 11.*  
*& hoc speculativè loquendo indicat esse verius Sancius in select. d. 1.*

*num. 21.* Tempus hujus obligationis est indeterminatum, & unicuique tantummodo: Unde qui semel in vita huic præcepto satisfecit, non tenetur alium actum charitatis hujusmodi elicere. Quia, cum nullum tempus Deus assignet, quo diligere debeat, sed liberum homini relinquit, ut tempore à se electo obligationem exequatur, fit, mortis tempore obligatum esse, si antea obligationem non implevit; ultra illud enim non restat aliud eligendum. Si verò jam vel semel in vita dilectionis actum gessit, præcepto satisfecit, nec tenebitur alium actum elicere. Sic nonnulli, quos pressis nominibus memorat. Sotus *l. 1. de nat. & gra. c. 22.* Adultus non tenetur annis singulis actum dilectionis elicere ex præcepto charitatis. Quia id esset nimis durum, & ideo ejus assertio nullo firmo fundamento niti videtur. Ita Castro Palao *Tom. 1. tract. 6. disp. 1. punct. 4. num. 10.* Tertiò afferunt, non peccare illum contra charitatem, qui ultimum finem in hac vitâ constituit, volendo hic perpetuò manere. Ita enim Castro Palao *Tomo 1. tract. 6. v. §. 1. de charitate p. 2. n. 6.* Sanchez cum Bonacina, aliique affirmant peccare mortaliter, quia præfert Deo, ejusq; visioni & fruitioni delicias hujus seculi; at desiderare longam vitam affirmat vacare culpâ. Sed hoc dictum alii non universaliter approbant; Si enim ex eo, quod velis in hac vitâ perpetuò durare, inferatur, te delicias humanas divinæ fruitioni præferre, etiam cum longam vitam desideras, præfers pro illo tempore delicias humanas divinæ fruitioni. Ergò hoc etiam sufficit ut pecces; Quia summa perversitas est, pro uno & minimo instanti divinam fruitionem humanæ voluptati postponere. Quapropter cum vitam sine termino desideras, solum videris desiderare, hanc vitâ non privari. Hoc autem per se malum non est, sed potius bonum. Ergò; quamvis autem mitior videatur hæc sententia, tamen adhuc inter rejiculas referenda.

## IV.

De Adoratione Dei hæc prodit Tamburinus: Nunquam præceptum aliquod obligat, nisi sit determinatum, cum enim non possit, ut indeterminatum exire in executionem, non censetur esse practicè completum; ex quo socii religionis colligunt, quod etsi Deus millies ingeminaret: Dominum Deum tuum adorabis; quamdiu nullum determinatum tempus præstitueret, hominem equidem per se & ex naturâ rei liberum prorsus ab adorationis executione mansurum.

surum. Quapropter primo isti Decalogi præcepto non parùm derogare videntur novelli levitatum patroni, signanter Tamburinus & Caramuel; quorum prior omnem vim per se ac directè obligandi adimit præcepto adorandi Deum ex naturæ dictamine; perinde ac præcepto credendi, sperandi, diligendi, pœnitendi, orandi: quinimò negat ullum horum, aut consimilium præceptorum affirmativorum sine determinatione temporis sancitorum, habere completam rationem præcepti: Nunquam, inquit, præceptum aliquod obligat, nisi sit determinatum: cùm enim non possit ut indeterminatum exire in executionem, non censetur practicè esse completum. Ex quo principio consuetudinè elicitur, quod etiamsi Deus millies ingeminaret, Dominum Deum tuum adorabis, quamdiu nullum determinatum tẽpus executioni præstitueret, homo equidem per se & ex naturâ rei liber prorsus ab adorationis executione maneret. Inofficiosa proinde fuerit, ut concludunt religiosores, ex ipsis Pontificiorum Primatibus, illa Domini expostulatio cum veteri suo populo apud Malachiam: *Filius honorat patrem, & servus Dominum suum: si ergò pater ego sum, ubi est honor meus? Et si Dominus ego sum, ubi est timor meus?* Non urget hic Dominus determinationem præcepti quoad tempus exequendi, sed nudè titulum Patris respectivè, ac Domini. Si Tamburinianæ sententiæ patroni filios haberent aut servos, nullo unquam tempore reverentialem honorem aut timorem sibi impendentes, sub prætextu indeterminationis temporis ad id præstandum: nonne justè succenserent, & identidem ingeminarent, Filii honorant patres, & servi Dominos suos: si ergò patres nos sumus, ubi est honor noster? & si Domini sumus, ubi est timor noster? Tamburinus illud saltem à se alibi scriptum replicaret: Obstringitur filius signa benevolentiae externa parentibus ostendere. Unde verò ista obstrictio, nisi ex illo Decalogi præcepto, quo Parentes honorari jubentur? Et tamen istud præceptum non minùs est indeterminatum quoad tempus, quàm illud de quo agimus, Dominum Deum tuum adorabis. Quâ ergo sermonis cohærentiâ alterum dicitur absolutè obstringere, alterum non obstringere? An arctiori vinculo tenetur genitus venerari genitorem, quàm creatura creatorem, plasma plasmato-rem, redemptus redemptorem? Nunquid Deo tam sublimiter ac

supereminenter competit titulus Patris, ut Apostolo teste, *Ex ipso omnis paternitas in cælis & in terrâ nominetur?* Nunquid in comparatione superexcellentiſſimæ istius paternitatis terrena omnis paternitas quasi nihilum reputatur, dicente ad suos Magistro irrefragabili, *Patrem nolite vocare vobis super terram; unus est enim pater vester, qui in cælis est?*

## V.

Putant nonnulli non peccari contra primum præceptum, si quis palam coram Idolo exhibitionis Symbolis clam dirigat intentionem ad Deum, ut representatum in Imagine penes se vel secus idolum latente, de quo hæc habemus ex Sinnichio Missionarii Apostolici ad Chineses, qui dum contenderunt, externam hujusmodi adorationem cum prædicta cautione exercitam immunem esse ab omni labe Idololatriæ, adeoque non adversari præcepto de uno solo Deo vero adorando, Controversia fuit delata Romam, & Sacræ congregationi de propaganda fide proposita, & quæsitum septimum inter septendecim ita sese habuit: In omnibus illius Regni Chinesis scil. civitatibus & villis, templa cuidam Idolo, CHACIMCHOAN dicto, erecta ac dicata reperiuntur; quod fingunt Chineses esse, Protectorem, Regentem, & Custodem civitatis: stabilitaque regni lege ordinatur, ut omnes Gubernatores civitatum & villarum, quos Mandarinos vocant, quando Regiminis possessionem assumunt, & anni decursu bis in mense, sub pœnâ privationis ab officio, templa adeant præfata, ibique ante dicti Idoli altare prostrati genibus flexis, capiteque ad terram usque inclinato, Idolum illud adorent ac venerentur, eidem candelas, odoramaenta, flores, carnes, vinumque in sacrificium offerant: & cum sui regiminis possessionem accipiunt, ante prædictum Idolum jurant de rectè administrando; & si contra fecerint, se submitunt supplicio ab Idolo infligendo: simulque ab illo petunt modum benè gubernandi, & alia hujusmodi. Quæritur, utrùm istius gentis fragilitates tolerari possint pro nunc, quando tales Gubernatores Christiani deferunt quandam crucem, quam occultè inter altaris Idoli flores, vel in manibus propriis reponunt; & facere, intentione non ad Idolum, sed ad crucem directâ, omnes illas genuflexiones, reverentias, & adorationes ante altare illud, exterius tantum & fictè; omnem

bant



cultum interiùs & in corde ad crucem dirigendo? quia si huiusmodi Governatores cogantur ad hoc non faciendum, priùs apostatabunt à fide, quàm relinquant officium Regiminis. Ecce Missionariorum disceptantium Quæsitum, ordine septimum inter septemdecim Sacræ Congregationi oblata, & per eandem, ut suprà decisum. Sequitur ibidem Congregationis decisoria Censura, quæ censuit, nullatenùs licere Christianis huiusmodi actus publicos reverentiæ & cultùs tribuere Idolo, prætextu vel intentione crucis, quam vel in altari inter flores abscondant. Quanquam negari non possit, obtinuisse ita in praxi.

## VI.

Statuunt, stantibus conditionibus illis, quas D. Thomas requirit 2. q. 83. a. 15. scil. ut sit oratio necessaria seu utilis ad salutem, piam, perseverantem, & pro nobis, (aut pro aliis probabiliter) effusa, Deum ex iustitia petita concedere. Quia Deus promiserit rectè petenti se concessurum postulatum: ergò de iustitia. Nam iustitia petit, ut unicuique jus suum servetur: sed quilibet petens rectè jus habet fundamentum in divina promissione obtinendi quod postulat. Ergò; sic Medina *tr. de orat. q. 18. fine.*

## VII.

Afferunt, non teneri nos oratione uti, cum primum rationis usus incipit, quia illa obligatio de conversione ad Deum in primo rationis usus instanti non sit adæquatè firma. Et si foret firma, eam posse absque oratione geri: Ita Valentia 2. 2. *dist. 6. quest. 2. pun. 3. Lessi. l. 1. c. 37. dub. 3. Suar. l. 1. de Orat. c. 30. n. 18.*

## VIII.

Docent Religionem, quæ Deus colitur, non distingui à Religionem, quæ coluntur Sancti, quia charitas, quæ amatur Deus, & qua proximus propter Deum amatur, eadem sit: Ergò etiam fore eandem Religionem, quæ Deus, & Sancti propter ipsum vel oratione vel reverentia colantur. Sic Marsil. 3. q. 8. a. 1. *in fine.* probabile reputat Lessi. l. 1. *cap. 36. dub. num. 16.* Secundo posse nos animabus purgatorii nos commendare, & ad illas orationem fundere, quia probabilius sit, animas in purgatorio constitutas pro nobis orare, nostrasque orationes cognoscere. Ergò inutile non fore, nec otiosum, præces ad ipsas dirigere. Ita Palau

*tom. 2. d. 1. punct. 4. n. 7.* Bonac. alios referens *d. 1. de bor. canon. quest. 1. & alii.* Tertiò animas purgatorii posse pro nobis orare, quia poenæ, quam animæ in purgatorio existentes patiantur, impedire eas non possint ab oratione pro nobis instituenda: tum quia æquo eam animo sustineant: tum quia nos ferventi charitate prosequantur, nec desiderium, quod in hac vitâ degentes nostræ habuerint salutis, sit illis imminutum; tum quia videant, se hac oratione summè Deo placere. Ita Bellar. Medi. Valent. Lessi. Suar. Palaus & alii,

## IX.

Concluserunt quoq; circa Superstitionem *Primò*, posse Zachories, (qui dictitant se videre aquarum seu Metallorum venas, thesauros, & cadavera in terræ visceribus abdita, apostemata & alia humorum genera intra corpus latitantia, non impediēte corpore nec vestitu) omnia illa naturaliter gerere, quia hujusmodi vis possit ex humore Melancholico & consurgentibus inde Spiritibus ex vehementia oriri. Sic Cœlius Rhodig. *l. 17. antiq. leſt. c. 2.* Veracruz *l. 2. de fasti. c. 4.* *Secundò* posse sortes consultorias adhiberi, quia si debito modo fiant, nulla appareat in hisce sortibus malitia, sed potius religionis actus resplendeat. Ita Suar. Lessi. Bonac. Palaus & alii communiter. *Tertiò* citra superstitionem licere Sanctorum reliquias collo gestare, de quibus ita Escobar: Ut ligaturæ, quas Nomina vocitant, collo gestatæ, licitæ sint, ac à superstitione liberæ, oportet, nullam circumstantiam vanam adesse, v. gr. ut sic vel sint, scripta verba Sacra in eis contenta, vel in vase talis figuræ, vel talis materiæ, tribuendo vim formæ vel materiæ vel scripta in pergamænæ charta virginea, vel tali tempore vel oriente sole, vel alligata sint à tali persona, ut virgine: vel tali modo, ut tot filis, vel talibus. Item oportet, ut nulla adsit figura præter signum Crucis nullaque imago, præterquam Christi, aut sancti alicujus noti. Præterea ut nulla barbara vel incognita Dei, vel Angelorum nomina scripta sint, nec aliud vanum vel mendax. Quod, si nulla talis vana circumstantia ex his addatur, licet omnino. Quin id esse pi-um, usus Ecclesiæ comprobatur. Hoc enim non est per se malum, atque adeò non est jure naturall prohibitum, cum ex piâ affectione in Sanctorum honorem fiat, nec ullam indecentiam, aut malitiam per

per se conjunctam habeat. Sanch. Armil. Rosel. Sylvest. Tabie. Navar. D. Antonin. Delrius. Suar. Vasq. Azor. Sayr. *Quartò* excusat usus scindentes venas jumentorum in alicujus Sancti solemni, aut colligentes herbas, aut alia similia gerentes, quia id ex devotione quadam simplicitateque procul dubio geruntur. (Cajet. 2. 2. q. 96. art. 4. & alii. *Quintò* permittendæ sunt fœminæ carminatrices, vulgò Ensalmadoras, Santiquadoras; Escobar: Existimo, scribit, hujusmodi fœminas supersticiosas non esse, si solis orationibus licitis absque vana aliqua circumstantia, utantur, : ut per passionem Christi Domini, &c. supplicantes, ut prosint medicamina naturalia, quas ægitudini applicant: Quia in hoc nil mali reperio, atque pium esse, cum effectum orationibus à Deo petere, judico. Quia cum possint verbis his ac rebus uti sine aliqua vana circumstantia, præsumendum est, eas sine superstitionis suspitione operari. Sic D. Antonin. Angel. Sylvest. Navar. Manu. Ludo. Lop. Cirvel. & alii. *Sextò* Missæ illæ, quæ de Amador, aut D. Gregorii vocitantur, non continent superstitionis suspicionem. Assolent celebrari Missæ, quæ de S. Amador appellant, cum certis ceremoniis, nempe, ut inchoari, ac terminari debeant certis destinatis diebus, & absque interpolatione, & certo candelarum numero. Assolent etiam dici Missæ triginta D. Gregorij, quæ quidem vocitantur vulgariter, *Del treintanario revelado*. Quæ (teste Cajetano 2. 2. q. 96. a. 4.) ortum habuere ex eo, quod D. Gregorius fecerit, triginta diebus pro defunctis orari. Non continent autem superstitionis vanitatem, quia ceremoniæ speciales illæ Missæ ceremoniis minimè admiscuntur, nec ei addicuntur, sed piè extra exercentur. Ita Ildefonsus de Sanz. Episcopus Ijennensis in sua Synodo Anno 1511. tit. 2. de vit. & honest. Cleric. c. 24. *Septimo* non damnandum est ut supersticiosum Saluatorum munus, quia licet communiter non sint probatæ vitæ, gratia hæc gratis data potest impiis à Deo ad commune bonum impertiri. Et potest in eis hæc naturalis virtus inesse, sicut Psylliis scribunt Authores probati inesse vim naturalem contra serpentium virus, Ita Navar. sum. cap. 1. num. 36. Margarita Confess. fol 185. Castannege. l. de superst. cap. 2. Palaci. sum. v. Incantationes, Azor. tom. 1. l. 9. c. 25. quest. 2. Et illa virtus est gratia gratis data, non vis naturalis. Quia vis

sanandi naturalis non potest competere voci, aut visioni, contactui, osculo habituive alicujus hominis, quod latissimè ac disertè probat Delius. *l. 1. Disq. Magic. c. 3. tota q. 4.* Octavò, Superstitiosus non est usus Imaginum, numerorum, & figurarum Astrologiæ artificialium ad quosdam miros effectus. Qualia sunt Imagines, quas vocant Astrologicas & Characteres; ut annulus sub tali constellatione confectus; vel imago in lapide impressa sub tali signo, quæ ad sanitatem, vel alios extraordinarios effectus applicantur. Quia possunt componi, & ita agnata valetudini comparandæ materia, ut naturales pariant effectus. Sic Cajetanus. *2. 2. quest. 96. art. 2.* Pompanic. *l. 4. de Incantat.* Praxeos superstitiosæ Exempla in Papatu obvia exponit Tamburinus, ex quibus saltem aliqua adducere liceat: Icteritiam, quam Siculi zafaram vocant, aliqui sanant quodam filo confecto à telarum textricibus, quem iidem Siculi Lizzum appellant, quo quidem filo ægri staturam ejusdemque extensa brachia ter metiuntur, mox filum complicant, vulgarique forfice super caput, humeros, pectus infirmi complicatum idem filum secant, addentes interea quædam verba deprecatoria, nam secare sic, & profligare morbum profitentur: sanitatemque inducere, si id semel, bis, tertio, continuis tribus diebus, faciant, certò putant: nonnulli cæremoniæ illam dimensionis omittunt, cætera, quæ dicta sunt expedientes. Imò non nemo solum supra caput, non vero supra humeros pectusque filum secat. Sunt & alii, qui eandem curant jubentes, ut Icteritiam patiens mingat in herbam marrubium, quæ in ipso fundo vasis urinarii, in quo mingunt, sit imposita. Morbo caduco quidam arreptus in via publica pene mortuus humi prostratus cum jacuisset, accessit quidam ex plebe, me præsentem, qui obmurmuravit quidpiam in ægri auriculam: quo murmure æger, quasi expergesfactus post paululum sensus recuperavit: Curiosus ego à sene, forte astante familiari meo, interrogavi, num sciret, quidnam ille in ægri aurem insufflaverit: Respondit, se scire, fuisseque hæc sola verba; O creatura Dei, memento Creatoris tui: Præsens amuletum, inquiens, contra mali Caduci affectionem: Simile quid usurpant nonnulli, cum equi dolore intestinorum vexantur: quædam enim verba insufflant in eorum ægrotantium aures, quibus eos ad sanitatem revocare se jactant. Qui die sexto

Sanct

Sancti Stephani Protomartyris pane & aqua jejunat, & ritè confessus communicat, non moriturum ab alio læsum, etiamsi multis ictibus sit impetitus, nonnulli prædicant. Si fortè ad Convivium invitati sint tredecim, pro infelici omine habetur, nam sicuti in Cœna ultima Christi Domini ex tredecim unus Christus defunctus est; ita unus ex discumbentibus moriturus timetur: sanè cur non & duo, sicut duo id est Christus Dominus & Judas ex illa ultima Cœna defecerunt? Non nemo gladium, quo quis ab inimico vulnus accepit, quibusdam medicamentis sovet; & interim sanitatem recipit ille, qui vulnere affectus domi suæ distans jacet. Filum Cannabis quidem assumebat, quod puella virgo neverat, eoque submurmuratis quibusdam precibus utebatur ad sanandos infirmos. Filum cujuscunque materiæ, à quo pendeat aliquid graviusculum, sive lapillus, sive annulus, sive aliud inter pollicem & indicem apprehendunt nonnulli, suspenduntque in medio interiori cujuscunque vasis, cyathi, amphoræ, etiam caldarii (sanè admirans vidi cum essem junior, nihil superstitionis inesse suspicans) nam sic suspensus à filo, pendensque lapillus, ex vi pulsus (ut quidam ajebat) qui est in Summitatibus digitorum pollicis & indicis, sensim se incipit movere in utrumque latus, motum augendo, donec alterum ex lateribus vasis tangat: totque ictus in illud impingit, quot horæ Italicæ sunt eo tempore quo id moliris; Quæsi vi postea sæpius, an apud Hispanos, v.g. qui utuntur Astronomico de meridie ad mediam noctem, horæ Astronomicæ, ac Italicæ notentur, à prædicto filo, sed quæstioni nemo mihi unquam expertus, potuit respondere. Hactenus ille, qui plura addit. *Nono*, licet à Malefico solvere maleficiis maleficia parato, id petere, quia id non est ad malum inducere, sed uti malitia parati ad illud perpetrandum, cogente salutis obtinendæ necessitate. Aureol. in 4. dist. 34. quest. 2 Angel. v. superstitionum. 13. *Decimo*, licitum est maleficum minis cogere, ut maleficinum solvat. Esto non liceat, à malefico petere, ut maleficium maleficio solvat, rogando illum: at licitum est, minis eum cogendo. Quia hujusmodi extorsio ab omni vacat cum Dæmone pacto, ac in ejus dedecus cedit. Sic Remig. l. 3. *Dæmon. cap. 3. Undecimo*, Quando Maleficus nescit medium licitum, & illicitum maleficii solvendi, integrum est; absolutè ab eo male-



ficii petere dissolutionem. Quia ferè omnes fatentur, licitum esse ex causa iusta petere mutuum ab usurario, & juramentum ab infideli: quamvis petenti constet, fore, ut ille peccet exigendo usuras, & hic per Idola jurando. Nam tunc petit quisquam rem, quam alter licitè præstare potest, ac necessitatem petendi habet: & ideo non censetur ad malum inducere, nec moralem peccandi occasionem exhibere: & alter suâ solâ malitiâ delinquit. Quæ quidem ratio omninò procedit eodem modo in nostro casu: cum similiter possit res illa à malefico licitè præstari, nec petatur modus illicitus atque urgeat necessitas salutis obtinendæ, ad eam maleficii petendam dissolutionem. Ita Suar. *cit. n. 9. Lessi. l. 2. c. 4. dub. 6. n. 46. Sanch. de matrim. d. 95. n. 11. Petr. de Ledes. de mat. q. 58. a. 2. dub. 2. Duodecimo*, Licet adjuratori præcipere Dæmoni superiori, ut inferiore e corpore pellat, quia hoc est directè Dæmonem inferiorem superioris potentia divexare, licet consequenter obsessi hominis liberatio resultet. Sic Sylvest. v. *Adjuratio. q. 5. Decimotertio*, Ex curiositate aut levitate res vanas & inutiles dæmonem in energumeno existentem interrogare, lethale non est, sed veniale solummodo, quia quasi obiter fit, & quia nulla in hoc casu alia videtur inesse malitia, quàm actus otiositas. Sic Cajet. Sylvest. Armil. Suar. Tabie. Navar. Pedraza. Medina. Valent. *Decimo quarto*, Superstitiosum non est, signum à Dæmone petere, quo testetur, se à corpore energumeni exire & nunquam esse rediturum. Quia in Sacerdotali Romano instruitur Exorcista, ut hoc signum petat: Ergò licitum est, imò oportet ejusmodi petere signum, nempe extinctionem luminis, vel vitri alicujus ruptionem vel quicquam aliud. Ita Thyrræus de *Dæmoniac. c. 46. num. 23. & c. 52. n. 4. c. 53. n. 4. Delrius l. 6. diq. Mag. c. 3. lit. B. & c. 2. quest. 3. sect. 3. in 4. remedio. Sanch. l. 2. sum. & 42. n. 28. Decimo quinto*, Non est superstitiosum, flagellis, & alapis Dæmoniacum percutere. Quia Dæmon nimis confunditur, dum hæc, tanquam contemptus sui argumentum assumi intelligit. Et quia ad ipsius etiam Dæmonis ejectionem, hæc valere videntur: eo, quod dissolvuntur conditiones, quas ipse in humano corpore postulat, ac proinde aufugit, utpote, qui aptum sibi domicilium minimè invenit. Ita Thyrræus de *Dæmoniac. c. 46. n. 31. Decimosexto*, Non sapit superstitionem, fumo hypericon-

ricontis, rutæ, cornuum, stercorisque caprini Dæmoniacum ab Exorcista defatigari. Quia fumus ex illa speciali materia prodiens ab Exorcista assumitur, non quod specialem habeat, ad torquendum Dæmonem efficaciam; (nullam enim ad id munus fumus ex quaque materia procedens habet) sed quia foedior cum sit, aptior apparet, ad superbissimi hostis contemptum & irrisionem. Ita Sanch. l. 2. sum. c. 42. num. 30. Abul. ad 1. Reg. 16. quest. 42. Thyrræus de demoniac. c. 52. n. 4. Philiare. de offic. Sacerd. tom. 1. part. 2. l. 3. c. 11. *Decimeseptimo*. Licet Exorcistis connivere petitioni Dæmonis ab obsessi corpore egressuri, quando rem iniquam non postulet. Quia hujusmodi petitio non iniqua, nec contra Dei honorem, nec proximi incommodum potest præstari: Ut si petat, non relegari in tartarum, aut novis non affici tormentis. Id enim non est aliquid tanquam amico concedere, eive placere curare, sed ut facilius ab obsessi corpore egredi cogatur. Ita Thyrræus de demoniac. c. ult. à num. 1. ad 8. Sanch. l. 2. sum. c. 42. num. 36. *Decimo octavo*, Non est superstitio lethalis irrationales creaturas nocentes fructibus vanè adjurare. Quia est sola vanitas quædam, nec animus sic adjurantis est, ridiculos facere exorcismos, eosve contemnere. Ita Sylvest. Tabie. Margar. Confessor. Suar. Sanch. *Decimo nono*, Superstitiosum non est, irrationalibus animalculis litem excitare, ne, sententia lata adversus ea, fructibus noceant. Quidam adjuratores se Judices constituunt ad dirimendam litem inter irrationabilia animalcula, & plebem, cui nocent; instituuntque accusatorem & advocatum, & irrationalium procuratorem, & dant accusationis copiam, audiuntque procuratoris defensionem ac denique utriusque partis rationibus auditis sententiam proferunt. Lis hujusmodi nec vana est, nec superstitiosa. Quia si vana ac superstitiosa esset, ei Deus non annueret effectus felicitis expressione. Constat enim experimento, quod oculati testes annotarunt, sæpè animalcula sententiæ obediisse, desisseque nocumenta fructibus adjicere. Sic Castaneus & Anonym. tract. de exorcis.

## X.

*Vigesimo*, Circa Tentationem. Non tentat Deum, qui miraculoso effectû vult, ut Deus suam voluntatem manifestet circa aliquem futurum eventum. Quia non fit hæc probatio de aliqua Dei

perfectiōne ; sed de aliquo objecto suæ voluntatis , cujus dubitatio per se mala non est. Sic Valent. 2. 2. d. 6. *quest. 1. punct. 1. Vigesimo primo*, Tentatio interpretativa aut virtualis Dei, absque infidelitate contingens, potest venialis esse culpa ex materiæ parvitate. Quia si ex sola curiositate videndi aliquod mirabile opus , à DEO quis peteret , ut illud comprobaret fidei veritate , non videretur mortaliter delinquere: nam talis petitio non videtur gravem habere deordinationem; Item si levi morbo oppressus nollet medicaminibus uti, sperando vanè salutem à Deo absque miraculi petitione, non censebitur mortaliter delinquere, sed venialiter solum, ut docet Sanch. l. 2. Sum. c. 34. num. 5. Tolet. l. 4. c. 19. num. 7. Sayr. in Clavi. l. 4. c. 7. num. 14 Valent. 2. 2. d. 6. *quest. 14. punct. 2. Lessius l. 2, c. 45. num. 4. Vigesimo secundo*, Purgatio seu probatio illa innocentiae , in qua dabatur Eucharistia suspectis de crimine, ut illa sumpta se immunes esse à crimine ostenderent, per se est licita. Quia nulla ibi Dei tentatio invenitur , cum non speretur ex sumptione Eucharistiae effectus aliquis miraculosus. Ita nonnulli Doctores , quos presso nomine memorat Delrius l. 4. c. 4. *quest. 3. favet Snar. citat. cap. 3. sine. & Sanch. ubi supr. num. 13. Vigesimo tertio*, Eligere possumus sorte sanctos quosdam, de quo vide Drexelium.

## XI.

Num verò hæc menti Legislatoris convenient, unicuique pietati expendendum relinquimus. Sanè si hæc admittantur, Pietas & omnis nervus Religionis laxabitur, nec conscientia serenabitur in illis, quæ sunt ad Deum , sed expungetur. Nam *primò*, quomodo potest excusari ignorantia Dei, cum Paulus apertè testetur τὸ γνωστὸν ὅτι Θεὸς ἐστὶ φανερόν in gentibus. Rom, 1. vers. 19? cum non possit quis intueri creaturam, spectare hoc universum, quin ex ipso Deus resplendeat, landato loco versiculo vigesimo? vide Durellium in Theol. reflex, cum tam ignorari nequeat Deus, quàm prima principia theoretica & practica: Impossibile est idem simul esse & non esse: Totum est majus sua parte: Honestè vivendum: Nemo lædendus: Suum cuique tribuendum? Quomodo itaque invincibilis ignorantia potest locum habere in aliquo, cui tot stricturæ discutiunt tenebras? *Secundò* etiam absurdum est dicere: discursu non innotescit existentia Dei, Ergò Deus invincibiliter ignoratur; nam & ante,

antecedens est falsum, si simpliciter accipitur, de quocunque discursu ex ratione profecto, etiam citra artis regulas & contra Paulum Rom. 1. vers. 20. *Invivibilia Dei è Creatione mundi, per ea, quæ facta sunt, intellecta conspiciuntur: sempiterna quoque ejus virtus & divinitas*, ad minimum de potentia. Et posito illo etiam, nondum tamen ignorantia invincibilis stabilitur propter congenitam & habitualement Dei notitiam, quæ citra discursum in nobis existit; quàm absurdum est, talem supinè ignorantem occidendo vel contra legem divinam agendo non peccare ad reatum usque æternæ damnationis, cum peccatum describatur à Johanne formaliter per *ἀνομιαν*, præscindendo à principii agentis qualitate & scientiâ? quàm absurdum, talem hominem meritum pœnam temporalem, non æternam? annon peccatum dicit deordinationem à summo fine ultimo Bono? qui itaq; non merebitur peccatum, & quidem tam grande & atrox, æternam damnationem? Annon omnes homines distinguuntur in salvandos & damnandos à Scripturâ? num medius Ordo erit confingendus inter hos, ignorantium scilicet, qui non damnandi nec salvandi? Annon disertè Paulus 2. *Thess.* 1. v. 7. 8. 9. *Si tamen justum est, apud Deum, retribuere retributionem his, qui vos tribulant, & vobis, qui tribulamini, requiem nobiscum, in revelatione Domini Jesu de Cælo, cum Angelis virtutis ejus, in flamma ignis, dantis vindictam iis, qui non noverunt Deum & qui non obediunt Evangelio Domini nostri Jesu Christi, qui pœnas dabunt in interitu æternas, à facie Domini, & à gloria virtutis ejus?* Annon satis dilucidè Augustinus, de quo alibi. Tertio ipsi socii abhorrent à tam cruda sententia. Ita Gerson: Ita enim Adrianus postea Pontifex, Ignorantia Juris naturalis Dei. Ita Vasquez professus se sequi Antonium de Corduba lib. 2. q. 4. conclus. 1. Concedimus, inquit, nunquam contingere ignorantiam invincibilem in primis principiis naturalibus, neque in præceptis Decalogi, quæ sunt propinquæ conclusiones, nisi ex culpâ aliquâ, ut explicatum est. Et ita nostra sententia confirmatur testimonio etiam S. Thomæ. Ubi alludit ad locum S. Thomæ §. 378. sub initio descriptum: cui addi possunt & alia ejusdem Sancti Doctoris testimonia §. 361. relata. Subdit porro Vasquez ibidem mox: Dico, prima principia moralia, & præcepta Decalogi, aded esse nota lumine naturali, ut si simpliciter, & sine circumstantiâ aliquâ peculiari occurrant, nunquam

quam ignorentur sine culpâ. Breviter & dilucidè Durandus, rationem assignans, cur minùs præcepta Decalogi excusabiliter ignorari queant, quàm articuli fidei: Non est simile, inquit, de præceptis, & de articulis: quia præcepta sunt de jure naturali, & nota in lumine naturali; & idèò nullus excusatur, si per ignorantiam faciat contra ea, cum recta ratio naturalis dictet ea. Articuli autem sunt supra rationem, nec habentur nisi ex alterius revelatione seu doctrinâ; propter quod ignorantia eorum est in toto excusabilis, quoad illos, quibus non fuissent per aliquem modum expliciti, si per eos non stetit. Fidei verò implicitæ bruta simplicitas supra fuit tacta, tanquam indigna homine Christiano, cui lucerna verbi in Ecclesia non prostat, ut, ad illam oculos claudat, sed aperiat & videat, cui non pulvillos ignaviæ substerat Deus, sed soporem excutit, & vult, ut per *ἄδολον γάλα* adolescat 1. Pet. 2. & in notitia rerum divinarum quemadmodum in virtutibus proficiat, qui alphabetarios in Articulis taxat & reprehendit. Ebr. 5. Cum non constitutum ministerium Ecclesiasticum, ut Asinos pascat, sed homines doceat.

## XII.

Secundò Polytheismi Opinio admissa contra rectam pugnat rationem & principia insita. Secundò, si non tantùm Deorum pluralitas poterit defendi & propugnari à prudentiâ humanâ non tantùm probabiliter, sed & probabilissimè credi, dari plures Deos, non succensendum erit gentibus, ad tot Deastros prolapsis, probabilissimè enim crediderunt; si itaque qui probabilem opinionem sequitur, excusabilis nec reprehendendus, quantò minus gentiles secuti probabilissimam? Frustranea itaque, vel nimium rigorosa, erunt omnia illa fulmina in Scriptura, districta in illos, qui multitudinem Deorum Unitati Numinis prætulērunt, quid quod ita non obscurè stabiliatur ipse Atheismus, cum multitudo Numinum, secundum Tertullianum, sit Nullitas Numinum? Si itaque multitudo probabilis, imò probabilissima etiam, Nullitas erit ejusdem conditionis. Tertid, si Polytheismi Opinio tantâ gaudet probabilitate, utique & plures Dii poterunt coli religiosè latrâ, ut loquuntur Pontificii, ubi enim est Numen, ibi est *σεβασμα* quoddam venerabile, quomodo itaque subsistet primum præceptum: Ego sum Dominus Deus tuus, non habeas Deos alienos coram vel præter me? quomodo illud ex  
lege



lege repetitum à Christo : Dominum Deum Tuum adorabis, & illi soli servies. *Matth. 4. v. 10.* Tertiò fiduciæ negatio est pietatis destructio, nam primò eo ipso quo Deus dicit: Ego sum Dominus Deus Tuus: fiduciam exigit, id enim alicui Deus est, in quo confidit. Secundò fides in Scripturis per fiduciam describitur. *Hebr. 11. v. 1.* ubi dicitur: *Est autem Fides sperandarum rerum substantia, argumentum non apparentium.* Denique fiducia tam necessaria est homini, ut sine illâ non possit in tentationibus consistere, qui enim non adhæret Deo suo, qui petra huic non innititur, qui non confidit Sapientiæ, Omnipotentia, & Benignitati Divinæ, quomodo subsistet, adversitate urgente? quomodo non tanquam folium exarescens aut stipula levis & derelicta in agro vento & turbine calamitatum abripiatur & succumbat?

## XIII.

De Spe quæ dicunt, illius naturam evertunt. Nam primò Spes est fructus Spiritus, quî itaque in substantiâ suâ non supernaturalis? Secundò non obligari ad actum spei, etiamsi desperationis tentatione quis urgeatur, est dicere, non teneri ad id, quod Deus imperat, militem non esse obligatum ad arma capienda hoste coram castris tumultuante, spicula Satanæ non esse reprimenda, sed recipienda, ut ille vincat & triumphet, homo verò vincatur & succumbat; Non sperare debere nos, si aliquid à Deo petamus, est Deum mendacii arguere. Tertiò sperare in Deo principaliter & in creatura minùs principaliter, est dividere cor suum, nec in solidum Deo inniti, ex creatura facere Deum, licet minus principalem.

## XIV.

De Amore Dei naturali nos nihil novimus, quia affectus est spiritualis & regeneratorum proprius secundum Scripturam 1. *Job. 1. v. 7.* ubi dicitur: *Si in luce ambulam, sicut & ipse in luce est, communionem habemus invicem.* Secundò, quomodo amor Dei naturalis potest esse in homine, cujus voluntas & affectus penitus sunt corrupti, cujus cor officina malarum cogitationum *Matth. 15.* cujus appetitus non est nisi in illa, quæ sensibilia, carni grata & amica? an ne Arbor mala potest facere fructus bonos? contra effatum Christi *Matth. 7.* Tertiò ipsis Pontificiis candidioribus sordet hic Amor naturalis, ut docet Wendrokus pag. 273. Nihil verò quod mereatur

Discussionem reposuit Stubenrok contra Wendrok, ut videre est in notis ad notas pag. 166. & seq. Secundò impia est sententia illorum Moralistarum, qui audacter asserunt, non teneri hominem in rigore per totam suam vitam elicere unquam actum amoris Dei, num itaque præceptum primum: Ego sum Dominus Deus Tuus, non habebis alienos Deos præter me, vel coram me, sed tantum me coles, me amabis, mihi adhærebis, non stringit? non obligat omnes & singulos per universam vitam? Sanè ut omissio Idololatriæ amoris & affectus in alium præter Deum singulis momentis strictè observanda, ita quoque amor oppositus soli Deo debitus nullum momentum vitæ nostræ transmittit, si præcepto huic satisfaciendum, si, ut fieri debet, Deo in Decalogo imperanti, & voluntatem suam manifestanti, parendum. Secundò, si maledictus, qui non permanferit in omnibus, quæ scripta sunt in lege omni tempore. *Deut. 27.* sanè qui pro aliquo tempore non diligit Deum ex toto corde &c. maledictus erit, quomodo itaque per totam vitam suam non tenetur ad actum dilectionis, cujus omissio non foret maledictioni obnoxia, nisi observatio sit præcepti. Tertiò, quomodo potest esse maximum & præcipuum præceptum in lege mandatum de diligendo Deo, teste Christo. *Matth. 22* & tamen non obligare per universam vitam? num præcipuum præceptum non præcipue, maximum non maximè, sed planè non obligat? Rectè Socius Religionis adversus laxos illos & dissolutos Moralistas: Nullo modo admittenda, aut in praxi sequenda, sed prorsus ab auribus mentis & corporis repellenda est illa Tamburini positio, dicentis: Licet communis sententia doceat dari Præceptum speciale de amando Deo, in illis verbis, *Diliges Dominum Deum tuum*, & alibi: tamen non ignobiles Doctores docent hoc præceptum non esse speciale, & speciali tempore implendum; sed generale imbibitum in omnibus præceptis: sicuti secundum præceptum de dilectione proximi, non est speciale, sed in Decalogi præceptis contentum: nam propterea dicitur, *In his duobus præceptis*, id est, dilectionis Dei & proximi, *universa lex pendet & Prophetæ*: &, *Qui habet præcepta mea, & servat ea, ille est qui diligit me*: & *Plenitudo legis est dilectio*. Si enim qui servat præcepta diligit, quique diligit servat, jam unum ex his continetur in alio: & consequenter præceptum charitatis indirectè solum & ra-

& ratione alterius obligabit. In quibus verbis illud saltem rectè agnoscit Author, *Communem sententiam docere, dari præceptum speciale de amando Deo, in illis verbis, Diliges Dominum Deum tuum, & alibi.* Sed illud certè omnibus sanum sapientibus jure merito displicet, quòd ipse ab eà sententià, quam communem rectè agnoscit, in contrariam deflexerit, nullà ratione vel autoritate ulius momenti suffultus. Obtendit quidem pro se autoritatem non ignobilium Doctorum, sed in genere duntaxat, nemine nominatim expresso: ex quo conjicere licet, vel nullos ei occurrisse, vel non nisi tales quos nominare suppuduerit. Suo ergo silentio satis prodit quàm sit destitutus suffragiis non ignobilium Doctorum. Refert quidem Dominicus Sotus quandam sententiam asserentem, præceptum dilectionis Dei obligare duntaxat pro articulo mortis: sed cum eam censeret ut ridiculam, proculdubio si Tamburini sententia ei oblata fuisset, eam plusquam ridiculam dixisset: Si dixerit, ait ille, satis esse semel in vità, idque in articulo mortis, implere: profectò longè à naturà præcepti aberras. Cum enim præceptum hoc cæterorum omnium sit præambulum, & ut ait Paulus, *finis*, nam *finis præcepti est caritas*, Ridiculum esset dicere, quòd liceat transigere totam vitam antequam nos obliget. Plusquam ridicula ergo huic Theologo est sententia Tamburini, quæ ne quidem pro articulo vitæ extremo obligationem ejusdem præcepti agnoscit; nisi fortè per accidens, quia nimirum tunc quis est in statu peccati mortalis, & caret opportunitate suscipiendi Sacramentum poenitentiae, quod cum solà attritione justificet. Sed nec minùs ridiculæ sunt rationes, quas in probationem suæ positionis Tamburinus adducit. Nam præceptum dilectionis proximi non esse speciale, falsum est: prout evincit autoritas Christi dicentis, *Mandatum novum do vobis, ut diligatis invicem*; & Joannis Apostoli scribentis: *Hoc mandatum habemus à Deo, ut qui diligit Deum, diligat & fratrem suum.* Deinde etiamsi verum foret non dari speciale præceptum diligendi proximum, ridicula tamen non est consequentia quâ inde inferitur non dari speciale præceptum diligendi Deum. Neque enim proximus sortitur rationem summi boni seu finis ultimi humanæ vitæ, sicut Deus: atque aded longè potiori jure obstringimur diligere Deum, quàm proximum: Bonum enim nostrum, inquit Augustinus, de cujus fine inter Phi-

loſophos magna contentio eſt, nullum eſt aliud, quàm illi cohærere, cujus unius anima intellectualis incorporeo, ſi dici poteſt, amplexu, veris impletur ſæcundaturque virtutibus. Hoc enim bonum diligere in toto corde, in totâ animâ, & in tota virtute præcipimur. Ad hoc bonum debemus & à quibus diligimur duci, & quos diligimus ducere: ſic complentur *duo illa præcepta, in quibus tota lex pendet & Prophetæ: Diliges Dominum Deum tuum in toto corde tuo, & in totâ animâ tuâ, & in totâ mente tuâ: & diliges proximum tuum tanquam teipſum.* Ut enim homo ſeſe diligere noſſet, conſtitutus eſt ei finis, quò referret omnia quæ ageret, ut beatus eſſet: non enim qui ſe diligit, aliud eſſe vult, quàm beatus. Hic autem finis eſt, adhærere Deo. Jam igitur ſcienti diligere ſeipſum, quid aliud mandatur, cùm mandatur de proximo diligendo ſicut ſeipſum, niſi ut ei quantum poteſt commendat diligendum Deum? Non eſt ergo par, ſed longè diſpar obligatio diligendi Deum, ac diligendi proximum: Deus enim eſt finis ultimus, & quidem unicus, totius vitæ humanæ, propter quem primariò ac per ſe dilectum diligenda ſunt reliqua, quæcunque diligenda ſunt. Quapropter ſi unica ſola creatura rationalis aut intellectualis in rerum natura exiſteret, dilectionem Deo impendere deberet: non autem proximo, cùm utique nullum haberet: Quisquis ergò rectè proximum diligit, hoc cum eo agere debet, ut etiam ipſe toto corde, totâ animâ, totâ mente diligat Deum. Sic enim eum diligens tanquam ſeipſum, totam dilectionem ſui & ipſius refert in illam dilectionem Dei, quæ nullum à ſe rivulum duci extra patitur, cujus derivationem inuatur. Ab hoc debito perſolvendo longè proſectò abeſt Tamburinus, cum ſuis non ignobilibus Doctõribus, quos nominare vel non potuit, vel puduit: qui proximos ſuos docent, non teneri eos totâ vitâ diligere Deum, niſi fortè indirectè, & ratione alterius. Nec eos juvat, quod Chriſtus dixerit: *In duobus præceptis univerſam legem pendere & Prophetas.* Non enim ideò hoc ille dixit, quòd duo illa præcepta nullam ſpecialem obligationem importent diſtinctam ab obligatione cæterorum præceptorum: ſed quòd eorum obſervatio pariat obſervationem cæterorum præceptorum. Quis enim dicat non diſtingui à fructibus arborem, eò quòd fructus pendeant in arbore vel ex arbore? Dilectio Dei & proximi eſt illa arbor bona, quæ, cauſando obſervantiam præceptorum Decalogi,



calogi, facit fructus bonos: Lex igitur, inquit idem Augustinus, adducit ad fidem, fides impetrat spiritum largiorem, diffundit Spiritus charitatem, implet charitas legem. Ideò lex vocatur *Pædagogus*, sub cujus minacissimâ severitate, qui invocaverit nomen Domini salvus erit: quomodo autem invocabunt, in quem non crediderunt? Proinde ne littera sine Spiritu occidat, Spiritus vivificans credentibus & invocantibus datur: *Charitas verò Dei diffunditur in cordibus nostris per Spiritum Sanctum, qui datus est nobis*; ut fiat quod idem Apostolus dicit: *Plenitudo legis est charitas*. Nimis igitur impertinenter finalia ista Apostoli verba in suæ positionis probationem adduxit Tamburinus; quippe quæ non aliud important, quàm quòd charitas seu dilectio impleat sive impleri faciat omnia legis præcepta. Cui sensui planè congruit illa Christi sententia, *Si quis diligit me, sermonem meum servabit*. Cui sententiæ mox subditur & ista velut è contrario, *Qui non diligit me, sermones meos non servat*. Ex quibus sententiis apparet, quàm impertinenter pro se alleget Tamburinus illa Christi verba ibidè præmissa, *Qui habet mandata mea & servat ea, ille est qui diligit me*. Genuinus quippe sensus est, signum unde colligatur inesse cuipiam mei dilectio, est mandatorum meorum observatio: quia nimirum fructus observationis subindicat arborem dilectionis: Audistis, ait Papa Gregorius, quid veritas dicit, *Si quis diligit me, sermonem meum servabit*. Probatio ergo dilectionis, exhibitio est operis. Tertio quàm crudum, quàm à pietate alienum est illud assertum de veniali, si quis nullum finem in hac vitâ constituat? sanè talis homo non est dignus nomine hominis, sed porci & pecoris, quod natura finxit prorum & ventri obediens, ita scilicet mortaliter non peccant illi, qui dicunt ex *Sap. 2. v. 1. & seq.* Exiguum & cum tædio est tempus vitæ nostræ, & non est refrigerium in fine hominis, & non est, qui agnitus sit reversus ab inferis, quia ex nihilo nati sumus, & post hoc erimus tanquam non fuerimus, quoniam fumus afflatus est in naribus nostris &c. Secundo, qui nullum finem in hac vitâ constituit, vitam sine termino desiderat, & ita videtur solum desiderare hanc vitâ non privari, ille contra expressam voluntatem divinam desiderat & constituit, aliud Deus quippe intimat dicendo: *Quærite primùm regnum Dei, & justitiam ejus, & cætera omnia adjicientur vobis. Matth. 6. v. 33.* Aliud Paulus: *Si confurrexi-*



stis cum Christo quæ sursum sunt, quærite ubi Christus est, in dextera Dei sedens : quæ sursum sunt sapite, non quæ super terram. *Col. 3. v. 1, 2. πλίνυμα* nostrum in cœlis. *Phil. 3.* Aliud Petrus : Expectamus novum cœlum & novam terram secundum promissa ipsius, in quibus iustitia habitat. *2. Ep. c. 3. v. 13.* Et annon in Scripturis describimur ut viatores. *Matth. 7. peregrini 1. Pet. 2. extorres,* qui non habent civitatem manentem, sed futuram quærunt. *Eb. 13.* Nec desiderat talis tantum hanc vitam non privari, quod tamen per se etiam peccaminosum, sed carere etiam vult alterâ eo ipso, & beatitudinem vilipendit, præfert hanc vitam alteri, neque hoc bonum per se, sed malum Christiano homine indignum. Tertiò motivum illud, cur quis desiderare possit hanc vitam non privari, est illa incertitudo de salute in papatu, quæ utiq; mortem facit terribilium omnium terribilissimum, sed quæ nullo argumento doceri potest, fundamentum petit Christianismi, omnia solatia subducit, & desperationi præparat, quam aliàs Theologi nostri exploserunt.

## XV.

Insulsam sententiam de Adorationis debito completè non præcepto discussit socius Religionis *pag. 407.* Adorationem coram Idolo censura congregationis Sacræ Romæ non potuit sustinere, sed satis severè prohibuit illam. Secundo quomodo Deus etiam positis hisce conditionibus ex iustitia petita concedit, qui nihil debet præterea. Annon stantibus hisce conditionibus exigere posset orator & dicere : Domine redde quod debes. Tertiò ipsi Pontificii in contrarium concludunt hoc modo : Concurrentibus his quatuor conditionibus non concedit Deus ex iustitia, petita, sed ex fidelitate. Quia petitio est solum conditio, ut promissio habeat effectum, &, ut talis expostulatur, ut opus recompensandum postulati concessionem ; ad obligationem autem iustitiæ necessarium erat, ut Deus postulata concederet in recompensationem petitionis, sicuti concedit gloriam in meritorum recompensationem. Ita *Valent. 2. 2. d. 6. q. 2. pun. 4. Suar. l. 1. de orat. c. 27. n. 4. Palaus p. 2. d. 2. pun. 7. num. 20.* Tertiò quæ dici poterit etiam usu rationis incipiente nos non teneri ad usum orationis, cum primum id esse debeat creaturæ rationalis, & ad illum se convertere oratione, à quo vitam, motum & omnia habet. Præterea ita non obligantur infantes ad usum orationis, nec à teneris essent pietati ex præ-

præcepto admovendi. Denique qui non obligati censendi sint ad usum orationis, qui tamen eum in finem tanquam regeniti acceperunt Spiritum Sanctum?

## XVI.

Qui putant Religionem qua Deus colitur, non distingui à Religionem, qua coluntur Sancti, & latriam assignant sanctis, Nostros à calumnia liberant, qui Pontificiis objiciunt, Cultum multorum Numinum comparem gentilium Idololatriæ, & à suis deferuntur Thomá 2. 2. q. 81. art. 4. *Quæst. 103. Art. 3.* Durando, Richardo, Gabriele, Bonacina, nec non Palao. *tomo 2. d. 1. n. 6.* Qui tenent, posse nos animabus purgatorii nos commendare & orationes ad illas fundere, primo præcepto contraveniunt, Utin Homericum & Non Ens objectum adorabile faciunt, cum nullum sit purgatorium, nec animæ in illo, & à suis ridentur Suarezio, Azorio, Valentia. Qui statuunt animas in purgatorio posse pro nobis orare, non autem posse loqui, & intercedere apud Deum, statuunt illos, qui ex propria sententiâ sunt in statu satisfaciendi, non impetrandi, & potius aliorum ope precibus & auxilio indigent ut liberentur, posse optulari, impetrare, statuunt, quod socii improbant Thomas Alensis, Navarrus & alii.

## XVII.

Superstitioni dum patrocinantur Pontificii, ostendunt cujus Spiritus filii sint, albi scilicet, an atrii. Nam *primò* Zahories posse absque arte Dæmonis videre aquarum seu metallorum venas, thesauros, cadavera recondita, apostemata abdita & cætera, est dicere, posse tales videre & assequi, quæ fines naturæ transcendunt, quomodo enim potest visus acies corpora, tam densa tam opaca naturaliter penetrare? *Secundò* visio regulariter & naturaliter non fit nisi objecto posito in debita distantia, medio diaphano, organo rectè se habente, ubi verò hic præsentia objecti in terræ visceribus delitescens? ubi medium diaphanes? ubi oculus tantæ virtutis? *Tertiò* ipsi Socii manifestam agnoscunt hinc Dæmonis operationem. Sanchez, Delrius, Castro Palans. *tom. 3. tract. 17. dist. 1. punct. 4. n. 9.* *Secundò* de sortibus quod asseritur consultatoriis, à vero abludit; fixum enim illud: Dominum Deum Tuum non tentabis. *Matth. 4.* Ipse Pontifex Leo IV. relatus in Jus canonicum ita decernit: Sortes, quibus

quibus cuncta vos vestris discriminatis provinciis, quas Patres damnaverunt, nihil aliud, quàm divinationes, & maleficia esse decernimus. Quamobrem volumus, illos omninò damnari, & inter Christianos ultra nolumus nominari: & ne exerceantur, anathematis interdicto prohibemus. Alii quoque Pontificii illas improbant: videatur Thomas, Sanchez *l. 2. in Decal. c. 28. num. 85. Tertio* reliquias Sanctorum collo gestare est contra scripturam, quæ omnia istiusmodi Amuleta proscrit, Sanctorum corpora vult terræ mandari, de reliquiarum usu nihil præscribit, contra Pontificiorum hypotheses prohibentes, ne reliquie de loco in locum transferantur absque Episcopi facultate, contra concilium Braccarense & Pontificios doctores. Illud enim reprehendit Episcopos, qui in martyrum solennitatibus ad Ecclesiam progressuri reliquias collo suspensas gestabant: Hi verò reclamant cum Angelo & Cirvelo in *superstitione. part. 3. c. 4. Quarto* quis negabit supersticiosum esse, si sanum illi sit sinciput, venas jumentorum in alicujus Sancti solennitate scindere, aut herbas colligere, aut consimilia facere. Num enim ille dies festus habet aliquid virtutis ad has actiones, num confert aliquid ad istiusmodi negotia festi illa Solennitas? prætereà annon illæ ipsæ solennitates & festa Sanctorum sunt contra voluntatem divinam, ut quidem in papatu celebrantur? annon temerat cultum soli Deo debitum, vi primi præcepti. Denique annon ab ipsis Pontificiis agnoscitur supersticiosum cum lege ordinaria non sit solitus Deus hujusmodi condiciones, in quibus aliquid vanæ observantiae apparet Divis inspirare, ut ipsi loquuntur, & proinde temerarium sit, quod sibi hujusmodi persuadere videntur. Martinus Delrio *lib. 3. disq. part. 12. quest. 4. sect. 2. Quinto* Impium est, permittere forminas carminatrices, cum illarum orationes sint abusus meri precum, cum ac hibeant signa, & vanis circumstantiis vestiant suas curas, quæ nullam habent proportionem ad effectum, nullum naturalem nexum cum illo. Cum denique sint viles & profligatae vitæ ac judicio Victorie sine dubio Dæmones illis operationibus assistant, illorumque actiones & orationes improbant Sanchez & alii. *Sexto* Missas simpliciter improbamus, multò magis illas, quæ de Amador aut divi Gregorii vocantur, maximè si considerentur ceremoniæ. Unde etiam

etiam reprobantur à Concilio Tridentino & Pontificiis tanquam superstitionis. Quia Tridentinum Sess. 12, in decreto de observandis ac vitandis in Missæ celebratione, ait : Quarundam Missarum, & Candelabrorum certum numerum, qui magis à superstitioso cultu, quàm à verè religioso inventus est, omnino ab Ecclesiâ Episcopi removeant. Ita Cirvel. Alcocer. D. Christophorus de Rojas Præsul Oveten : in suâ Synodo. Didacus Ramir. Episc. Conchens. in suâ Synodo. D. Didacus de Alaba. Episc. Abul. D. Martinus de Ajola. Santius, & alii communiter. *Septimò* Salivatores illi sunt Impii homines, ut ipsi Pontificii agnoscunt, neque docere possunt, se charisma quoddam extraordinarium accepisse, dispallescentibus istiusmodi Luminibus donorum cum Ecclesiâ primitiva. *Secundo* saliva illorum non habet vim naturalem nec supernaturalem ad medendum ; Non naturalem : quippe medicina naturalis non omnibus eadem prodest, at horum saliva omnibus prodest. Non supernaturalem, quia sæpè sunt hi homines flagitiosi & Baccho addicti : & quamvis hoc non concludat, non tamen mediocre indicium est. Sic Cirvel. *de superst. part. 3. c. 7.* Victor. *de arte magi. quest. 4. num. 17.* Tertiò ab ipsis Pontificiis superstitionis rei aguntur, qui hoc genere hominum utuntur & suspectos reddunt, quales sunt Cirvellus, Victoria, Verracruz, Suarez, & alii. *Octavo* superstitionem utique sapit applicatio Imaginum ad effectus quosdam : mera quippe signa sunt illæ Imagines Astrologicæ, & proinde nullius virtutis vel efficaciæ. Præterea fingitur influxus Cœli peculiaris in istiusmodi annulos & alia subjecta talium imaginum, sub hac vel illa constellatione, & tandem ab ipsis Pontificiis exploditur, Thoma, Delrio, Lessio, Tabiena, Sinanca, & cæteris. *Nono*, A malefico ad solvenda maleficia parato solutionem petere, est à Diabolo petere aliquod Bonum, qui totus malus, & hostis generis humani, derelicto Patre Luminum, à quo omne Bonum *Jacobi 2.* Est cultum deferre Spiritui tenebrarum, & precum Sacrificio eidem sese submittere ; est ire ad Baalem-Sebub, Deum Accaronitarum, & Deum in cœlis ad iram provocare : unde etiam ipsi Pontificii hic subsistunt, & damnant istiusmodi petitiones, quia id solummodo licet à parato petere, quod ipse licet potest præstare, quia id non est ad malum inducere, sed uti mali.



malitiâ parati ad illud perpetrandum, cogente salutis obtinendæ necessitate. Sic Aureol. in 4. dist. 34. quest. 2. Angelus v. *superstitionis*, num. 13. Decimo, cogere minis Maleficum, ut maleficium solvat, est, cogere illum, ut artes Diabolicas exerceat. Secundo ex sententiâ ipsorum Pontificiorum gravius hoc est crimen, quam si à Malefico postularetur: siquidem ad peccandum gravius inducitur, & illius est causa. Quare nullâ ratione possunt à gravi culpâ liberari Judices, cogentes Maleficum benedictione quadam maleficium auferre. Sic Lessi l. 2. c. 44. dub. 6. num. 44. & Delrius l. 5. disq. Mag. Sect. 9. dub. 3. Unde etiam tertio ipsi Pontificii plures ab hac sententiâ recedunt: Sanchez, Delrio, Palaus, Suarez & alii. Undecimo, Integrum non esse, quando maleficus nescit modum licitum & illicitum maleficii solvendi, petere ab eo maleficii dissolutionem; ex superioribus constat; præterea ex eo, quia Malefici ut sic opus petitur; denique ex ipso Pontificiorum quorundam dissensu, inter quos Cajetanus & Delrius, quia malefici ut sic opus petatur, petita absolutè eâ maleficii dissolutione: sicut cum aliquid ab alio artifice postuletur. Et quia peculiare opus sit necesse petere, & non vagè linquendo arbitrio hominis diaboli petitionem propriam. Cajetanus, Opusc. tom. 2. tract. 12. de malef. quest. unic. in fine corp. Delrius l. 6. disq. Magic. c. 2. sect. 1. quest. 2. Duodecimo, non licet Adjuratori præcipere Dæmoni superiori, ut inferiorem è corpore pellat; nam quid hoc aliud est, quàm sibi jus arrogare in Diabolos, beneficium petere ab hoste humani generis, supponere superiorem Diabolum habere potestatem in inferiorem, ut illum expellere possit? quid illa adjuratio, nisi abusus Nominis Divini? quid illa petitio à superiore Diabolo, quam cultus cujusdam exhibitio, unde etiam sordet ipsis Pontificiis quibusdam Soto, Suarezio, Delrio, Sanchezio. Decimo tertio, ex curiositate qui interrogat, vel levitate res vanas & inutiles Dæmonem in Energumeno existentem, is peccat mortaliter ex objecto, quod res vanæ & inutiles, quas scire non interest, nec scire aliquis debet, mortaliter ex respondentis electione, quia Diabolum sibi constituit Doctorem, & discere vult ab illo, qui est Pater mendacii Job. 8. Sed hoc etiam Jesuita non attendit Cottonus, qui Diabolo istiusmodi quæstiones proposuit, de quo videndus Thuanus. Adstipulantur nobis, qui mortale



tale hic agnoscunt peccatum contra alios Sanchez Sotus & alii. *Decimo quarto*, superstitiosum utique flagellis & alapis Dæmoniacum percutere; nam quomodo potest Diabolus percuti, qui Spiritus? quomodo cædi, cui verbera sunt fulgura ex pelvi, qui sub Leviathanis nomine describitur, ut non attendens ad ferrum & lanceas *Job. 41*. Denique quis non imposturam Diaboli animadvertit? qui fingit se dolore affici & affligi, ut decipiat fatuos, & corpus E. nerguineni, quod misericordiâ dignum torqueatur, cædatur, dolore afficiatur, adeoque gemino malo miser homo subjiçatur, unde etiam hæc sententia displicuit Simancæ, Delrio, & aliis. *Decimo sexto*, Sapit superstitionem, fumo hypericonis, rutæ, cornuum, stercoreis caprini defatigari Dæmoniacum ab Exorcista; nam *primò* quis Exorcistam constituit? quis illi facultatem dedit Dæmonem ejiciendi, fatigandi, pellendi? *Secundo* quis hæc media præscripsit? Num hic Lucerna verbi allucet? Num quicquam in Bibliis de istiusmodi remediis occurrit? *Tertiò*, quæ hic proportio causæ vel mediæ ad effectum. Eligere enim hæc media, fumum scilicet ex hisce speciebus, nihil aliud est, quàm asystata componere, & tribuere aliquid fumo, quod supra illius vim & efficaciam, num enim Diabolus fatigari potest? num hisce mediis? agnoscentibus ipsis quibusdam Pontificiis, Simanca, Delrio, Cirvelo; *Decimo septimo*, Quomodo liceat Exorcistis connivere Dæmonis petitioni, ab obsessi corpore egressuri, non videmus; Num enim licet Diabolo gratificari, beneficium indulgere, facere quod ille vult? Præterea totus talis actus est ludicrus: quis enim Exorcistæ dedit hanc potestatem, ut Diabolo possit faventer facere & disponere, in hoc actu juxta proprii cerebri phantasma? *Tertio*, quamvis Christus permiserit Diabolo transire ex obsessio in porcos, tamen hic actus fuit summæ potestatis Creatoris in creaturas extraordinarius, illi soli proprius, à quo ad Exorcistas nulla decurrit consequentia, adstipulantur nobis Sylvester, Tabiena, Navarrus, Valentia. *Decimo octavo*, Extreme superstitiosum est, creaturas nocentes fructibus vanè adjurare, tum ex parte objecti, quod creaturæ irrationales, locustæ, mures Nubes, pelliculus vulgò pulgos, quæ non percipiunt, quid dicatur; tum ex parte actus, quia est teter Nominis divini abusus, nec ex Pontificiorum sententia res levis sed gravis est, ridiculos facere

exorcismos Ecclesiæ, tùm ex parte finis, quia Diabolus cessat ad adjurationes illas creaturarum, non nocendo ulterius per illas corporaliter, ut animam vastet; & quid, quæso, vanè adjurare, quàm impiè, quapropter etiam quidam ex Pontificiis ab illis adjurationibus abhorrent, Angelus, Navarrus, Tabiena. *Decimo nono*, Maximè superstitiosum esse censemus, irrationalibus animalculis litem excitare, ne sententiâ latâ adversus ea fructibus noceant. Nam talia animalia sunt litis & sententiæ incapacia, sique terminativè lis moveatur Diabolo, non convenit illum vel accusare vel defendere, nec actus hic alius, quàm merum ludibrium; nec denique si ad talem sententiam cessarunt, profectum est vi sententiæ, sed operationis Diabolicæ, in illusionem hominum, pro nobis stant contra socios Sotus, Navarrus, Cirvelus, Delrius, Sanchez & alii.

## XVIII.

De Tentatione Dei quæ afferuntur, probare se nobis nequeunt. Non 1. illa assertio, quod Deum non tentet, qui miraculoso effectu vult, ut Deus suam voluntatem manifestet circa aliquem futurum Eventum. Nam quid est tentare Deum, quam explorare circa Eventum futurum voluntatem illius interventione mediæ extraordinariæ? Secundò, num non inter homines alter alterum tentare dicitur, qui Affectum illius explorare intendit medio indebito? Tertiò, quid Diabolus magis fecit tentando Christum, quam præscribendo medium dimissionis ex alto; cui respondit Salvator, ordinariam providentiam opponendo & dicendo: *Dominum Deum tuum non tentabis Matth. 4.* Conspirant hic contra Assertores illos Cajetanus, Suarez, Castro Palans & alii. Non 2. illa, quod Tentatio Dei interpretativa aut virtualis absque infidelitate contingens, possit esse venialis culpa ex parte materiæ; nam *primò* nulla tentatio Dei est, quæ non sit cum infidelitate conjuncta, fide enim præsentem non id, quod supra revelationem vel promissionem divinam, expetitur. *Secundò*, quomodo non mortalis sit illa Tentatio Dei, cum omne peccatum ex sua naturâ mortale sit, & hic peculiaris malitia deprehendatur. *Tertiò* ipsi Pontificii concludunt, mortalem esse ex eo, quia tota malitia hujus tentationis æquanimiter procedit in signo levi expostulato in levis periculi liberationem, ac procedit in signo gravi pro

vi pro gravis periculi liberatione expostulatio : Sed cum grave signum pro liberatione gravis periculi indebitè expostulatur, omnes docent, peccatum mortale committi: Ergò etiam committitur, cum leve signum pro levi periculo expostulatur. Majorem probant: Quia malitia hujus vitii in eo sita est, ut opus quis faciat, quod ad nihil aliud est utile, nisi ad probandam Dei bonitatem & potestatem: sed ad probationem impertinens est esse opus grave vel leve; magnum vel minimum: quodcunque enim illud sit, si ex illo, quis interpretatur, divinam potentiam examinare, tota malitia & deordinatio tentationis in illo consistit. Ita Suarez *tom. 1. de relig. tract. 3. l. 1. cap. 2. num. 16.* Sanch. *l. 2. sum. cap. 34. n. 1.* Palaus *tom. 3. tract. 17. dub. 2. punct. 1. num. 9.* Non deniq; 3. illa assertio, quod probatio Innocentiæ, in qua datur Eucharistia suspectis de crimine sumpta, ut se immunes esse à crimine ostenderent, per se licita est: Nam *primò* hæc probatio est manifesta Numinis tentatio, dirigitur ad aliquid extraordinarium, medium assumit à Deo in hunc finem non institutum; *Secundò* rectè improbatur à Balduino *cas. consc. l. 4. cap. 9. c. 3.* & aliis denique ipsi Pontificii hinc se opponunt, Thomas, Sayrus, Valentia & alii. huc refer purgationem per ferrum candens, ovellum, aquam, oleum servans, probationem laminarum &c.

## XIX.

Sortitio Sanctorum ad invocationem & imitationem impia est, ex cultu qui defertur Sanctis, ex modo, qui fit per sortitionem, ex vigore præcepti primi, unde etiam prohibetur in Jure Canonico. Teste Arnoldo *pag. 274. 275.* qui ita scribit: Sortilegi propriè dicuntur, qui sub nomine fictæ religionis, per quasdam, quas Sanctorum seu Apostolorum vocant, sortes divinationis scientiam profitentur, aut quarumcunque Scripturarum inspectione futura promittunt.

## Errores Calvinianorum.

## Th. I.

**C**alviniani impingunt contra primum hoc præceptum, *primò* Deum alium constituendo, quàm qui in verbo revelato renidet, talem scilicet, qui absolutà voluntate quosdam, eosque paucos

elegerit, quosdam verò, imò maximam partem hominū citra intuitum infidelitatis vel peccati reprobarit, & exitio æterno devoverit, ut nihil dicam ratione essentiae de errore Piscatoris, qui Spiritum statuit genus Dei in definitione Dei, quod de Deo & Angelis & animabus *συνανόμεως* sive univocè prædicetur *vol. 1. Diss. 2. lib. 3.* Bezzæ, qui essentiam divinam cælo includit, atque concedit quidem gloriam Patris fuisse & esse ubique, sed ejus tamen, qui cælum & terram implet veluti thronum & sedem in cælis illis excelsissimis totam Scripturam collocare asserit, & Christum ex illis missum & resumptum *vol. 1. v. 239.* Bucani, qui unitatem vellicat, tres causas socias statuendo. *loco 29. q. 8.* Keckermanni ratione Trinitatis, qui tres personas vult distingui tantum modaliter. Chamieri, qui Filium dicit figuratè dici λόγον & Imaginem. Adde Woltheri generationem Tropicam. Calvini Filium inferiorem dicentis Patri, cui Nomen Dei κατ' ἐξοχήν interdum adscribatur. *lib. 1. Inst. c. 13. §. 23.* Crocii, Spiritum Sanctum Vicarium Patris profitentis. 3. Ratione attributorum Petri Martyris, qui dicit Deum omni sua vi non posse efficere, ut corpus humanum sit in pluribus locis, atque ita Omnipotentiam pullat, in Dialogo contra Brentium. Calvini, qui statuit Deum vocem dirigere suam ad homines, ut magis obsurdescant, lucem accendere, ut reddantur cæciores, doctrinam proferre, sed quā magis obstupefiant, remedium adhibere, sed ut sauciantur. *lib. 3. Inst. cap. 24. §. 113.* atque ita veritatem sollicitat; Piscatoris, qui dicit, Quicquid agit homo, id voluntati Dei conforme est, licet impium & sceleratum sit, atq; contra sanctitatem pugnet. *lib. de prædest. pag. 161.* Secundò. Imaginum picturæ aut structuræ insidians. Primò enim nolunt ullas pingi Imagines Dei, de quo videndus Walæus *pag. 527.* Secundò Imagines in Templo erectas etiam Sanctorum nolunt sustinere, multò minus erigi Walæus *pag. 540.* Tertio volunt effringi, dijici, aboleri, tum publica auctoritate, tum zelo privato. Polanus *Tit. 2. Syntag. lib. 10. cap. 65 pag. 44. 89.* Tertio, Imaginem crucifixi detestando, nota est Bezzæ vox, quam sequitur Walæus *pag. 531.* respondens ad quæstionem propositam: an fabricari liceat Imaginem Christi crucifixi?

Erro-

## Errores Anabaptistarum.

### Th. I.

**A** Nabaptistæ hic errant, dicendo : Unicam tantum esse Personam Patris, intellectam & agnitam fuisse in Veteri Testamento nomine unius veri Dei Israëlitis : mysterium sacrosanctæ Trinitatis, minime revelatum, sed velatum fuisse in Veteri Testamento, Ut, religione primi præcepti illius, Ecclesia Vetus unum Deum Patrem cognoverit & coluerit, ut solum Verum Deum. Ut habet Summa Confessionis Fankelio oppositæ *Artic. 2. à pag. 43. ad 48.* cui prætexerunt hypothefin istam : quod in pluribus Scripturæ locis nomen Deus Patri præcipue & soli appropriatum sit, qui ea propter etiam nominetur solus verus Deus *Job. 17. v. 3.* & Deus Domini nostri Jesu Christi *Eph. 1, v. 17.* Quem & Christus Dei Filius, ut Deum invocavit *Matth. 27, v. 45.* & Deum suum agnoverit *Johan. 20. v. 17.* Addunt etiam severius esse in N. T. prohibitam communicationem cum Idololatriis. Templum Judaicum mansisse olim domum Dei, quamvis pollutum cultu Idololatriæ; Nunc contra impossibile esse, ut in una Ecclesia habitent Christus & AntiChristus.

### II.

Non opus esse existimamus singula excutere, partim quia alibi id præstitimus, partim quia ex dictis constare poterit, quid hic sentiendum, partim quia nimium excreveret præsens argumentum.

## Errores Arminianorum.

### Th. I.

**T**ransimus itaq; ad Arminianos. Nihil dicimus de Unitate essentiae divinæ, quam vellicat Geisteranus scribens: In Deo, Essentia, & personæ unum sunt, & si tres personæ, etiam tres debere essentias esse. De Immutabilitate, quam impugnat Episcopus scribendo *Disp. de volunt. Th. 7.* Volitiones aliquæ Dei cessant certo quodam tempore *Thes. 21.* Ridiculum & ineptum est, dicere, nequire esse sententiam, & veram voluntatem Dei, nisi effectum sortiatur, De Omnipræ-



præsentia, quam Henricus Slatius tollit: Constat Dei manum, & potentiam ubique esse, quia Spiritu oris sui ubique est, non aliter quam Sol ubique terrarum est, non respectu Essentia, sed respectu virtutis, & potentia, atque hanc sententiam improbare minimè possum. Video enim perfectiones rerum terrestrium in eo consistere, quod potentia ipsarum latius sese extendant, quam ipsarum essentia, quam perfectionem ex procul dubio à Deo habent, qui eas ad imaginem suam creavit. De iustitia essentiali, quam Apologetæ disputant disputando: Num Scriptura doceat, Iustitiam Dei absolute, & simpliciter postulare, ut peccatum puniatur, ea poena, quam secundum sui gravitatem est commeritum, sic ut non possit Deus illud condonare, nisi illata, vel peccatori ipsi, vel alteri alicui poena condigna. Cum necessitas satisfactionis hujus, fundetur in voluntate ipsa divina, citra ullam mentionem, an Deus secundum naturæ necessitatē, id velle debeat nec ne: Item quæritur num necessario statuendum sit, & agnoscenda ejusmodi naturalis necessitas, & an non illa imminuat nonnihil de summa, ac liberrima Dei potestate, sapientia, & philanthropia. An in Deo talis sit Iustitia, quæ necessitate naturali poenam pro peccatis requirat, ita ut hac salva, Deus non possit non punire peccatum: Et an non potius tota hæc puniendi peccata necessitas, à Dei libera voluntate dependeat. De Trinitate, quæ impugnatur ab Henrico Wölffingio. De Filii Divinitate, quam aggredditur Arminius, de generatione æterna Filii, quæ non placet Apologetis, de Adoratione Christi, quam fundant in autoritate & honore Apologetæ. De Spiritus Sancti Divinitate & Personalitate, de qua Henricus Wölffing & Geisler: in eo hic maximè errare censendi sunt, dum asserunt nusquam in lege divina apertè præcipi omnibus & singulis orationem ac ne statis quidem temporibus, solennibusque festis. Episcop. *lib. 3. Inst. sec. 2. p. 61.*

## Errores Photinianorum.

### Th. I.

**I**mpietas Photinianorum de Deo Uno & Trino in personis non collendo, sed illo, qui unus ut essentia, ita quoque persona, hoc tantum notamus, errare illos vel maximè hic, dum asserunt, huic præcepto esse additum non tantum generale mandatum de precibus

fun-

fundendis, sed & 2. additam esse formulam & modum orationis Dominicæ, præceptum de invocando Christo. 3. Denique severiorem prohibitionem Idololatriæ. Ita enim Catechismus Rackoviens: Quæst. Quid verò ad hæc addidit Dominus Jesus? Resp. Primum hoc, quod nobis certam orandi rationem præscripserit. Quæst. Quæ verò isthæc est? Resp. Ea quæ *Matth. 6. v. 9. & seq. & Luc. 11. v. 2. & seq.* habetur Pater noster, qui es in coelis. Quæst. Quid præterea Dominus Jesus huic præcepto primo addidit? Resp. Id, quod etiamnum Dominum Jesum pro Deo cognoscere tenemur, id est pro eo, qui in nos potestatem habet divinam, & cui nos divinum exhibere honorem obstricti sumus. Quæst. Ea verò additione, quòd Christum pro Deo agnoscere & eum cultu divino prosequi teneamur, nonne hoc præceptum prorsus immutatur? Resp. Nequaquam ipsum præceptum immutatur, omnis enim qui Christo exhibetur cultus, in Dei Patris gloriam redundat, verum ipsius ratio & modus nonnihil immutatus est. Etenim ante Christum immediate tantum, at sub Christo etiam mediate Deus colitur. Præterea, cum ea lex velit, ne Deos alienos habeamus coram Deo; Christus verò Deus alienus non sit, sed in eo ipso cultu, qui ipsi exhibetur, Deo sit subordinatus, apparet, legem nullo modo mutari, cum subordinata non pugnare notissimum sit. Diffusius Smalcius, *lib. 4. de verâ Religione cap. 8. 9. 10.* Latissimè Johannes Volke-  
*11. 12.* qui primò explicat primum præceptum: ita considerandum est, quid sit habere Deum, & quid, habere Deos alienos &c. *Secundò*, quomodo lex & divini cultus ratio, an ita fuerit, exponit & duplicem modum assignat *p. 512.* *Tertiò* docet quomodo Deus per Christum colendus, sit, & quomodo ipse adorandus, & dupliciter hoc perficiendum esse, dicit *pag. 523. & seq.* *Quartò* de Christi invocatione agit. Tandem de cultu imaginum differit, atque ita pronunciat: spectat hoc præceptum, non minus quam primum, ad divini cultus rationem. *pag. 566. & seq.*

## II.

Hic aliquantum subsistendum, & quantum recedant à veritate hi hæretici, ostendendum. Nam primò ipsum præceptum non dextrè exponitur, dum asseritur Deos alienos habere, nihil aliud

*Pars Specialis.*

U u

esse,

esse, quàm non solum Deo, qui ex Ægypto eduxit, sed etiam aliis divinum Imperium, quod tamen revera non habent, assignare, præsertim ita, ut Imperium istud intelligatur à nullo pendere; partim quia non tantum contra hoc præceptum peccatur assignando divinum Imperium illis, qui revera id non habent, sed etiam fingendo Deum aliter, quàm in verbo suo se revelavit, essentiam divinam aut Majestatem tribuendo illis, qui carent ea, colendo illos, qui natura Dii non sunt; partim quia alicui assignare Imperium divinum est, virtualiter & consequenter aliquem statuere ipsa essentia infinitum, omnipotentem, omniscium; partim quia Imperium divinum absque essentiae divinitate, dependens à nullo superiore, absque eo, qui non est independens & summum Ens, est oppositum in opposito, & si ponatur ab aliquo talis Deaster, cui divinum Independens Imperium tribuatur, non possit non etiam divinum Esse ei assignari, quanquam si dependentia in aliquo agnoscat, nec tribuatur illi Imperium independens, contra primum præceptum hoc peccetur, modo colatur ille, cum ex cultu religioso, quicquid sit de objecti conditione, quod vel sic vel aliter aliquis sibi fingit & pingit, æstimetur Deus alicujus, neque Diabolo frustra opposuerit Christus illud: Dominum Deum Tuum adorabis & illi soli servies. Etsi Diabolus ipse agnoverit, se suum Imperium in mundum & regna illius habere dependenter. *Luc. 4. v. 6. 7. 8.* Deos itaque alienos habere, est jungere Deo Uni creaturas vel collateraliter, vel subordinatè, quocumque modo sub ratione alicujus Entis cultu digni. Quæ de Ethnicorum Numinibus dicuntur, facile tolluntur, cum non sequatur, Gentiles in illo Triumviratu Deorum concipiebant unum ab altero independentem; Ergò in aliorum cultu non supposuerunt dependentiam. Falsum etiam est, Jovem non agnitum fuisse ab illis supremum & ceteros non aliquâ ratione dependentes. Et tandem si ponatur, hoc unicum Numen tribus tantum Nominibus distinctum, forsitan repræsentare voluerunt Gentiles illud, de quo Augustinus *lib. 4. de Civit. cap. 11* & *lib. 7. c. 11*: dum secundò asserit, præcepto hoc nequaquam caveri, ne is, quem ipse Deus præfecit, & sic Imperii honorisque participem fecit, pro Deo ita à nobis habeatur, ut omnis ille cultus ad ipsum Deum altissimum, tanquam ultimum scopum referatur, tum quia Deus, gloriam suam nemini daturum ex-  
tra

tra se, disertè professus fuit *Esaia 42. v. 8.* Si itaque ponamus, aliquem, qui extra divinam essentiam & rebus regendis præfectus, quanquam talis non detur aut dari possit citra providentiæ divinæ pulsationem, non poterit illi dare Deus suam gloriam, & consequenter nec velle, ut religiosè colatur; tùm quia, si cultus talis, qualis fingitur, deferendus Enti extra Deum, dicitur terminari in Deo, & in ipsum, ut ultimum scopum referri, & sic non peccari contra primum hoc præceptum, excusabilis erit Sanctorum cultus in papatu, qui non aliter eundem explicant, in Deo terminari contendunt, imò ipsorum etiam gentilium; tùm quia Deus quidem sibi ipsi legem non tulit, contra tamen divinam Majestatem esse docet, associasse sibi creaturam in cultu, neque si Christus supponatur esse creatura mera, negari nequit, illum, qui colit eum, esse Idololatram, & à Deo se convertere ad creaturam; Et quam exiguum hoc, si Christus dicatur colendus ut Principes & Reges, qui figuratè Dii, nec alio, nisi politico cultu digni; dum denique tertio asseritur, alienos Deos habere coram Deo, esse, non tantùm in conspectum producere Dei, sed etiam esse præter Deum extra vel juxta unum illum & summum Deum nulli alii Divinitatem, quàm ipse Deus ei non concesserit, tribuendam, divinumque honorem deferendum esse statuere, partim quia nullus est, cui Divinitas fuerit concessa à Deo extra Deum, partim quia Christo competit cultus ex eo, quia est Deus super omnia benedictus. *Rom. 9. v. 5.* partim, quia Christo secundum humanam naturam ita est concessa Divinitas, ut etiam secundum illam sit Filius Dei naturalis.

## III.

Transimus ad Orationem. Hujus verò præceptum extitisse, aliter quàm opinantur Photiniani, constat, quia primò Deus disertè præcepit *Deut. 6. v. 13.* Dominum Deum Tuum adorabis, & illi soli servies, ac per Nomen illius jurabis; quid est adorare, nisi se ita inclinare coràm, ut si subjectum procumbens indigeat divino auxilio, hoc gestu, hac veneratione, hoc actu desideret opem divinam, eumque in finem se inclinet? Quid jurare per Nomen Domini, quàm invocare illum; ut testimonium ferat de hoc vel illo negotio, hac vel illà re, in cujus testificationem Deus sollicitatur. *Psal. 50. v. 15.*

Invoca Me in die tribulationis & erua me, & honorificabis Me. *Psal.* 37. v. 45. Revela Domino viam tuam, & spera in eo, & ipse faciet. adde *Pf.* 27. v. 8. *Pf.* 62. v. 9. *Esa.* 55. v. 6. Et quid vult primum praeceptum, nisi cultum Dei; dum itaque invocationem aliorum Numinum proscrit & damnat, unius exigit, & probat. Ipsi Judæi ex 613. praeceptis sextum dicunt esse illud, ut fundamus preces ad Dominum, probantque ex *Exod.* 23. v. 25. ut docet The- saurus praeceptorum Isaac Ariæ Judæi. Ipsi Photiniani in Catechi- smo, & quidem explicatione primi praecepti dicunt, duo exigere, ut Deum pro nostro Deo habeamus, eique divinum honorem prae- stemus, & ne alium præter eum pro Deo nostro habeamus, eumque honorem nulli alteri præstemus, honorem autem illum consistere in Invocatione. Quia *Secundò* Deus actus precandi tempora certa & loca determinavit, quid enim quæso fuerunt sacrificia, nisi cultus divinitus institutus, in quibus preces maximè obtinuerunt, devotio cordis & oris reluxit? videatur locus *Levitic.* 16. v. 17. 21. 24. 29. tempus fuit destinatum cultui ab origine mundi, cuius pars oratio, Sabbathum scilicet. *Gen.* 12. v. 1. 2. loca selecta fuerunt, & precibus destinata Schilo, Hierosolyma, hæc enim οἶκος προσευχῆς, Domus orationis *Esa.* 66. v. 7. *Matth.* 21. v. 13. Et expressè Deus: Ad lo- cum, quem elegerit Dominus Deus vester de cunctis tribubus ve- stris, ut ponat nomen suum ibi, & habitet in eo, venietis. In loco quem elegerit Dominus Deus vester, ut sit Nomen ejus in eo. Illuc omnia, quæ præcipio, conferetis holocausta vestra, & hostias, ac decimas, & primitias manuum vestrarum, & quicquid præcipiunt est in muneribus, quæ vovistis Domino. *Deut.* 12. v. 8. & 11. *Ter- tiò* praxis docet orasse veteres; Abel fide sacrificavit, qui itaque non preces quoque fuderit *Gen.* 4. ? Noah obtulit holocaustum sanè non absque precibus *Genes.* 8. v. 20. 21. Abraham oravit pro Ismaele. *Gen.* 17. v. 18. pro Sodomitis. *cap.* 18. v. 23. Loth pro Zoar. *cap.* 19. v. 19. Abraham pro Abimelech *cap.* 20. v. 17. Famulus Abra- hæ pro successu negotii cæpti. *Genes.* 24. v. 12. Isaac pro Rebecca. *Gen.* 25. v. 21. & pro Filio. *cap.* 27. v. 28. 29. pro Jacobo. *cap.* 28. v. 3. Jacob pro se & familia *Gen.* 32. v. 11. Moyses. *Exod.* 8. v. 12. 9. v. 35. 10. v. 11. 32. v. 11. 33. v. 13. *Num.* 11. v. 2. 12. v. 13. 21. v. 8. quomodo autem jurare & invocare poterunt absque fide? & si

DOM



non sine hâc? quomodo absque verbo revelato, mandato, indice voluntatis divinæ. *Rom. 10. v. 13. 14. 15.* & qui potuissent reprehendi illi, qui non invocarunt? *Psal. 14. v. 4. Esaiæ 64. v. 7.* nisi sub præcepto fuisset Oratio.

## IV.

Neque obstat, quod Volkelius ingerit de Consilio, de mandato cæteris in fœdere ipso comprehensis impari, de tempore tantum afflictionis. Nam *primo* frustra hic distinguitur inter Consilium & Præceptum, tum quia verba hæc: invoca me, disertè sunt præceptiva sub formâ mandati proposita, tum quia pari ratione possent præcepta N. T. eludi, & quidem in specie illud Christi. *Matth. 7. v. 7.* petite & dabitur vobis, dicendo, non hic præceptum dari sed consilium, tum quia si esset consilii, tamen assurgeret ad naturam præcepti, quia si, quod Magni viri consulunt, præcepti vim habere dicitur, quanto magis quod Deus consulit, in omnes habens imperium, & si non transit consilium Dei in naturam præcepti, non obligatorium erit, potuit itaque à piis & fidelibus V. T. citra peccatum precum usus omitti, & lingua citra hoc ornamentum in usus quoscunque alios adhiberi. *Secundo*, Deum in Psalmis non dedisse præcepta generalia, temerè dicitur, neque enim alia præcepta David proposuit, vel Deus per Davidem, quàm quæ Moses vel Deus per illum. Præterea annon generale hoc mandatum est, & latè patet, quàm latè afflictiones pios exercentes in hâc vitâ? *Tertio* quò referet hoc præceptum Volkelius, aut ad legem, aut ad Evangelium, si prius, Ergò in fœdere per Moysen cum populo Israelitico factò fuit contentum; Si posterius, Ergò doctrina Evangelii etiam sub V. T. obtinuit, quod ipse cum sociis negat. *Tertio* quò de tempore dicitur, intempestivè opponitur, partim quia demonstrari nequit, restringi invocationem ad tempus tribulationis, cum non sequatur, Deus est invocandus tempore tribulationis, Ergò aliò non est invocandus; Preces enim non sunt talis cultus, qui certo tempori adstrictus, & sicuti alibi citra determinationem temporis præcipiuntur, ita, generale officium pietatis esse exercitium illarum, rectè colligitur, videatur *Psal. 27. v. 9. Es. 58. v. 9. Ps. 37. v. 4.* partim quia etiam Scriptura N. T. addit afflictiones, nec tamen ad tempus illud tantum restringit suffitus precum. Sic *Jacobi*

5. dicitur *v. 13.* æger est aliquis inter vos, oret; stimulus precum est afflictio, non causa adæquata, partim quia nullum datur tempus in hac vitâ, quod expers omnis mali, nullum quod absque nube, nec dies aliquis, cui non sit sua afflictio. *Matth. 6. v. 34.*

## V.

Neque Smalcii rationes concludunt, quod scilicet promissa omnia in lege proposita non superarint id, quod homines facere tenerentur, imò plus Lex visa fuerit præcipere, quàm promittere, & quæ lex præcepit, absque singulari ope divinâ potuisse præstari; nam & principium petitur, falsumque supponitur, quasi vita æterna non fuerit sub lege promissa, & corporalia quoque promissa exuperant nostram obedientiam, cùm hæc debita, illa gratuita *Luc. 17. v. 10.* vide loca *Gen. 32. v. 10. 2. Sam. 7. v. 18.* Et tandem impiè statuitur, nullis singularibus ad præstanda præcepta viribus opus fuisse, nec proinde precibus ad illas à Deo impetrandas, unde noster B. Thummus ita declamat: Falsissimum, quod absque Spiritus sancti auxilio homines in Veteri Testamento legem observare potuerint. Audi enim Petrum, *Act. 15. v. 10.* Nunc ergò, quid tentatis Deum, ut imponatur jugum super cervices discipulorum, quod neque Patres nostri, neque nos portare potuimus. Sic *Act. 13. v. 38.* Notum igitur sit vobis, quod per hunc vobis remissio peccatorum annuntiatur, *vers. 39.* & ab omnibus, à quibus non potuistis per Legem Moysi justificari; per hunc omnis omnis, qui credit, justificatur. *Rom. 8. v. 3.* Impossibile Legis, in quo infirmabatur per carnem, Deus filium suum mittens in similitudine carnis peccati, ac de peccato condemnavit peccatum in carne. Et nemo certè melius agnovit, opusne haberent homines Spiritu sancto, quàm ipse Deus, de quo tamen *Nehem. 9. v. 20.* dicitur: Et Spiritum tuum bonum dedisti, qui doceret eos, & manna tuum non prohibuisti ab ore eorum. Denique indiguisse auxilio Spiritus Sancti patet, quia nullus legem servare & implere potuit. *Exod. 34. v. 7.* qui custodis misericordiam in millia, qui auferis iniquitatem, & scelera, atque peccata, Nullusque apud te per se innocens est. *Gen. 8. v. 21.* Figmentum cordis humani malum ab adolescentiâ suâ. *3. Reg. 4. v. 46.* Non est homo, qui non peccet. *Job. 9. v. 2.* Verè scio, quod non justificetur homo compositus Deo. *cap. 15. v. 14.* Quid est ho-

mo,

mo; ut immaculatus sit, & ut justus appareat natus de muliere? &c. Non autem quicquam decedit justitiæ divinæ, quodd legem perfectissimam concepit, ac si danda esset homini ante lapsum. Sic enim ostendit Creator, quid jure à nobis exigere queat, & quanto nos ipsi debito simus obstricti: interim remedium etiam dedit sufficientissimum, Melliam peccata expiatorum & cuivis verâ fide ipsum amplectenti vitam æternam daturum, in Veteri Testamento per typum sacrificiorum; ut frequenter, ita patenter adumbratum.

## VI.

Alterum quod examinandum, est additamentum Orationis Dominicæ. Ubi notamus orationem Dominicam posse spectari vel secundum materiam vel secundum formam, seriem, structuram & ordinem petitionum, utut posteriori hoc modo oratio Dominica non demonstrari possit in V. T. Libris, aut ex praxi piorum fideliumque sub istâ œconomiâ; priori tamen modo Patribus nec incognita nec neglecta fuit. Secundo notamus, posse demonstrari sigillatim, quicquid occurrit in oratione Dominica, etiam in V. T. fuisse expositum non tantum quantum ad petitiones ipsas, sed & præfationem atque exordium; Dicimus: *Pater Noster*, &c. At ita quoque locuta fuit Ecclesia V. T. *Esa. 63. v. 16.* Tu etenim es Pater noster &c. tu Domine es Pater noster. *Deut. 32. v. 6.* nonne ipse est Pater tuus, qui te acquisivit? *Jerem. 3. v. 4.* annon abhinc clamabis ad me, Pater tuus? Ergo hic saltem sermo, & allocutio ad Deum, non nova est & recens, vel in solo demum Nov. Testamento instituta, aut usurpata. *Qui in calis.* Sic *1. Reg. 8. v. 39.* tum tu exaudias in cælo; loco habitationis tuæ. *Jes 63. v. 15.* intueri de cælo, & vide ex habitaculo sanctitatis tuæ, & ornatus tui, ubi nunc est zelus tuus? *Psal. 11. v. 4.* Jehova, in templo sanctitatis suæ, Jehova; cujus solium in cælis, cujus oculi vident, &c. *Psal. 115. v. 3.* atqui Deus noster in cælis est, quicquid placet, facit. Hoc ergo etiam agnovere Veteres, testatique in precibus & cultu divino fuerunt, Deum, Patrem suum, in cælis esse. *Sanctificetur nomen tuum. Num. 14. v. 17.* nunc igitur magnificetur virtus Domini, quemadmodum pronuntiasti, dicendo, Jehova est longanimis &c. *Num. 20. v. 12.* Quamobrem dixit Jehova Mosis & Aaroni,

roni, quia non credidistis mihi, ut sanctificaretis me ante oculos filiorum Israelis. *cap. 27. v. 14.* ut me sanctificaretis. *Levit. 10. v. 3.* id est, quod dixit Jehova, in appropinquantibus ad me sanctificabor, & ante conspectum totius populi glorificabor. *Deut. 32. v. 51.* eo quod non sanctificastis me in medio filiorum Israelis. *Ezech. 36. v. 23.* sanctificem nomen meum maximum, quod profanatum fuit in gentibus. Noverunt ergo fideles illi, nomen Dei sanctificari debere, & hoc spectandum omnibus, curandumque unice esse, ut sanctificaretur. *Psalms. 115. v. 1.* Non nobis Jehova, non nobis; sed nomini tuo da honorem. Quod quid aliud, quam, sanctificetur nomen tuum? Nihilque frequentius in Psalmis, & eucharistiis, quam sanctificari Dei nomen. *Psalms. 113. v. 1.* Benedic anima mea Jehovah, & omnia intestina mea nomini sanctitatis ejus. *Psalms. 148. & 149. & 150.* & alibi. *Adveniat regnum tuum.* In nos, atque in alios. Sic sæpè precatos Veteres novimus. *Psalms. 4. v. 7.* attolle super nos lucem faciei tuæ Jehova. *Psalms. 67. v. 2.* Deus gratus sit nobis, & benedicat nobis, lucere faciat faciem suam supra nos. *Psalms. 22. v. 28, 29.* Recordabuntur & convertentur ad Jehovah omnes fines terræ, & incurvabunt se coram te omnes familie gentium. Quoniam Jehovah est regnum. *Psalms. 33. v. 8.* Timeat à Jehova omnis terra, ab ipso metuant omnes habitatores orbis. *Psalms. 49. v. 2.* Audite hæc omnes populi, auribus percipite omnes habitatores mundi. *Fiat voluntas tua sicuti in celo, ita etiam in terra.* Quod ad voluntatis divinæ obedientiam, negare haud possunt, eam & præceptam sub V. quoque Testam. fuisse, quare & viguisse, & pro eâ orare Deum fas & æquum fuisse, tum etiam, ne minus necessarium. *Psalms. 25. v. 4, 5.* Vias tuas, Jehova, notas fac mihi, semitas doce me. Fac incedam in veritate tua, & doce me. *Psalms. 119. v. 4, 5.* & adeo per totum: Tu præcepisti mandata tua observari valde. Utinam comparentur viæ meæ, ad observandum statuta tua. *2. Sam. 15. v. 26.* quod si ita dixerit, non delector te, ecce me, faciat mihi prout bonum in oculis suis. *1. Sam. 3. vers. 18.* *Job. 1. v. 21.* Jehova dedit, & Jehova abstulit; sit nomen Jehovah benedictum. Quod ad additum exemplar & rationem obedientiæ Angelorum, hoc uti præceptum non facit, tantum pro ratione adfertur atque similitudine, ita nec eo modo urgeri potest, uti Smal-

cins

cuius facit: quis unquam in V. Test. Deum oravit, ut ita facerent Dei voluntatem homines, quemadmodum eam faciunt Angeli cœlestes? contra Frantzinum, p. 231. quandoquidem David se ad cultum, & laudes Dei excitans, Angelos quoque adducit, & postquam dixisset, benedicite Jehovæ Angeli ejus, ad se rediens, dicit iterum, benedic anima mea Jehovæ. *Psalms. 103. v. 20. 22.* Quod revera hæc redit, quod tibi voluntatem divinam faciendam existimarit, prout idem Angelis incumbit, atque ab iis præstari solet in cœlis. Similiter *Psalms. 148. v. 2.* laudate Jehovam cœlites, laudate eum in excelsis. Laudate eum omnes Angeli ejus, laudate eum omnes exercitus ejus. Præterea quomodo vitam suam ad exemplum Angelorum componerent, patet ex comparationibus, quas quandoque inter homines & Angelos, in ratione vitæ instituebant. Sic Rex Achis, ad Davidem, *1. Sam. 19. v. 9.* es tu gratosus in oculis meis, sicuti Angelus Dei. Tekoitis illa, *2. Sam. 14. v. 17.* Ulti Angelus Dei, ita Dominus meus Rex, ut audiat, quod bonum & malum. Mephiboseth, ad eundem: verum dominus meus Rex est uti Angelus Dei. Insuper, non ad Angelorum exemplum, quinimo ipsius Dei, jubet lex vitam componere: ergo, uti quod minus majori includitur, quum lex istud imperet, imitationem Angelicam non excludit aut amovet tanquam alienam, quæ quasi novum aliquod præceptum accedat in Testamento Novo. *Levit. 19. v. 2.* Sitis Sancti: nam ego Jehova Deus vester sanctus sum. & *cap. 11. v. 44.* & *20. v. 7. 26.* Panem nostrum quotidianum da nobis hodie. Ipsissima oratio extat *Prov. 30. v. 8.* ale me cibo de mensi mei. *Psalms. 145. v. 15, 16.* Oculi omnium ad te spectant, quibus tu das escam suo tempore. Aperis manum tuam, & saturas, quidquid vivit, ex beneplacito. *Gen. 28. v. 20.* Si Deus mecum fuerit, & servaverit me in via ista, qua ego profecturus sum, dederitque mihi panem ad comedendum & vestimentum ad induendum, 21. reversusque prospere fuero ad domum patris mei, erit Jehova mihi Deus. Nec puto, pro corporalibus precatos fuisse Veteres, quibus haud alias dicunt contigisse promissiones, Adversarios negaturos. Videri interim & hæc loca possunt, *Dent. 26. v. 15.* *1. Reg. 8. v. 35, 36.* *2. Chron. 7. v. 13, 14.* *Psalms. 144. v. 13, 14.* Mirum autem, Simalcium per panem quotidianum in Orat. Dominicâ intelligere panem spiritualem: qui adeo



nihil spirituale in Toto V. Test. promissum videre potuit, hic sub rei corporalis nomine & involuero, spiritualia percipere? Quod nec probamus, quia spiritualia cæteris orationibus comprehensa sunt: & nulla ratio videtur, quare non expresse & distincte Christus id, si voluisset, expressisset: & si concedamus, uti plurimis, qua Veteribus, qua Recentibus, inter quos etiam Salmasius visum, nihil causæ vel thesi nostræ decedit: nam nec negant, corporalem panem etiam comprehendere, Adversarii. Ita Smalcus, pag. 232. *Disput. 7.* petitio panis illius necessarij, qui non tantum est cibus corporis, sed etiam, isque multo magis, animi, nempe Spiritus Dei. Quâ ratione sub pane Spiritum Dei connotatum nunc judicant, & in toto V. Test. ubi tamen Spiritus S. frequens mentio, & panis, & multæ petitiones pro pane, inter alia, occurrunt, nihil adeo Spiritus S. promissum Patribus vident; ut hinc quoque Orationem Dominicam pro novo legis auctario habeant, quod pro Spiritus S. gratia & dono nemo unquam Deum precatus olim fuerit? ita Smalcus, p. 231. Quis unquam talia ad necessitatem suam pertinere intellexit, ut detur nobis Spiritus Sanctus? cum hoc sit proprium promissum novi fœderis, & nemini datum sit Spiritus Sanctus priusquam Jesus glorificaretur? Profanum dogma, nemini datum olim Spiritum Sanctum, nemini promissum, imploratum à nemine unquam retro fuisse, ante Christum glorificatum: & hoc tamen sub specie panis hic deprehendere possunt? Quasi non Spiritum David petierit, quando dixit, *Psal. 51. v. 12, 13.* cor novum crea in me Deus, quod unde, nisi à Spiritu, venit? *Ezech. 36. v. 26, 27.* sed & addit ipse: ac spiritum novum renova in medio mei. Ne me rejicias à facie tua, & spiritum tuum sanctum ne auferas à me. *Neh. 9. v. 20.* & spiritum tuum bonum dedisti, qui erudiret eos. *Et remitte nobis debita nostra.* Pro remissione peccatorum precatus Moses fuit, *Exod. 34. v. 9.* & dixit, si nunc inveni gratiam in oculis tuis Domine, condones iniquitatem nostram & peccatum nostrum, *Num. 14. v. 18, 19.* Jehova longanimis & multus benignitate condonans iniquitatem & defectionem. Con dona quæso iniquitatem populi hujus pro magnitudine benignitatis tuæ. David, *Psal. 25. v. 7.* Peccatorum pueritiæ meæ & defectionum mearum ne recorderis. *Psal. 32. v. 5.* dixi, confitebor

tebor defectiones meas Jehovæ, & tu sustulisti pœnam peccati mei. *Psal. 51. v. 3.* gratiam fac mihi, ô Deus, secundum benignitatem tuam: secundum amplitudinem miserationum tuarum, dele defectiones meas. *Psal. 130. v. 3, 4.* Si iniquitates observes Jah, Domine, quis posset consistere? Verum apud te est condonatio, ut reventer colaris *Psal. 143. v. 2.* At ne congregiaris iudicio cum servo tuo. Adde *Rom. 4 v. 6, 7, 8.* *Sicut & nos remittimus debitoribus nostris.* Atque hoc etiam præceptum sub V. Test. fuit, ut sibi mutuo remitterent offensas, neque servarent eas animo, vel quovis pacto ulciscerentur. *Lev. 19. v. 18. Prov. 25. v. 21.* *Et ne nos inducas in tentationem; sed libera nos à malo.* Quod David precatus est *Psal. 19. v. 13, 14.* Ab occultis meis munda me. Tum à contumaciis subtrahere servum tuum, ne dominantur in me, tunc integer & insons ero à defectione magna. *Psal. 51. v. 12, 13. & 119. v. 36, 37.* Flecte animum meum ad statuta tua, non ad avaritiam. Averte oculos meos, ne respiciant vanitatem: in viis tuis fac ut vivam. *Quia tuum est regnum & potentia & gloria in secula, Amen.* Sic *1. Chron. 29. v. 11.* David in solemni populi benedictione loquitur, Tua est, ô Jehova, magnitudo, & potentia, & gloria, & æternitas, ac majestas, imo omnia in cœlo, & in terra: tuum est regnum. Tertiò, quid si conjunctim secundum materiale tota oratio Dominica ostendi posset præscripta in V. Test. Sanè si quis attentè consideret *Psal. 90.* quæ oratio Moïsis, negari nequit, exhiberi compendium in illo orationis Dominicæ, ita autem habet ille: *¶ 1.* Domine habitaculum tu fuisti nobis in generatione & generatione. *¶ 2.* Priusquam montes nascerentur, & formares Terram & Orbem: & à seculo usque ad seculum tu Deus! *v. 3.* Convertis hominem ad contritionem, & dicis, Convertimini filii hominum. *v. 4.* Quoniam mille anni in oculis tuis, sicut dies hesternæ, cum transierit, & custodia in nocte. *v. 5.* Inundasti eos, somnus erant: in mane sicut herba mutabitur. *v. 6.* In matutino florebit, & transibit: in vespere excidetur & siccabitur. *v. 7.* Quia consumpti sumus in naso tuo, & in excandescencia tua territi sumus. *v. 8.* posuisti iniquitates nostras coram Te, & absconditum nostrum ad luminare facierum tuarum. *v. 9.* Quoniam omnes dies nostri declinaverunt in via tua, consumpsimus annos nostros, tanquam sermonem. *¶ 10.*

10. Dies annorum nostrorum in ipsis LXX. anni, & si in fortitudinibus, LXXX. anni, & fastus eorum Labor & iniquitas: quia resecatur cito, & avolavimus. v. 11. Quis cognoscens fortitudinem naris tuæ? & sicut timor tuus, ira tua. v. 12. Ad numerandum dies nostros, hoc modo fac scire, & adducemus in cor sapientiam. v. 13. Convertere Domine usquequo: & consolare super servos tuos. v. 14. Satura nos in matutino misericordia tua: & orabimus, & lætabimur omnibus diebus nostris. v. 15. Lætifica nos juxta dies, (quibus) afflixisti nos: annos, (quibus) vidimus malum. v. 16. Conspiciatur in servis tuis opus tuum, & decor tuus in filiis eorum. v. 17. Et sit Jucunditas Domini Dei nostri super nos, & opus manuum nostrarum fac stabile super nos, & opus manuum nostrarum confirma illud. In hoc Psalmo singula momenta Orationis Dominicæ inveniuntur. Quod enim Christus noster in Exordio & Conclusionem dixit, Pater noster, qui es in cœlis, tuum est regnum, & potentia, & gloria, in secula: hoc Moses dixit. v. 1. & 2. his verbis: Domine Habitaculum tu fuisti nobis in generatione & generatione. v. 2. Priusquam montes nascerentur, & formares terram & orbem, & à seculo usque ad seculum tu Deus. Quod Christus noster I. II. & III. petitionibus, sanctificetur nomen tuum, adveniat regnum tuum, fiat voluntas tua, quemadmodum in cœlo, &c. hoc Moses v. 16. & 17. Conspiciatur in servis tuis opus tuum, & Decor tuus in filiis eorum. Et sit jucunditas Domini Dei nostri super nos, & opus manuum nostrarum fac stabile super nos, & opus manuum nostrarum confirma illud. Quid elucidatius, quæso? Quod Christus noster IV. pet. Panem nostrum quotidianum da nobis hodie: hoc Moses v. 14. Satura nos in matutino misericordiâ tuâ, & exultabimus, & gaudebimus omnibus diebus nostris. Quod Christus noster V. pet. Et remitte nobis debita nostra, sicut & nos remittimus debitoribus nostris: hoc Moses, v. 3. Convertis hominem in Contritionem, & dicis, convertimini Filii hominum. v. 8. Posuisti iniquitates nostras coram Te, & absconditum nostrum ad luminare facierum tuarum. v. 13. Convertere Domine, usquequo, & deprecabilis esto, וְיָשׁוּב super servos tuos. Luth. *HERR / kehre dich doch wider zu uns / und sey deinen Knechten gnädig.* Quod Christus noster VI. & VII. pet. Et ne inducas nos in tentationem, sed libera nos à malo: hoc Moses

Moses v. 15. שמחנו, Exhilara nos pro diebus, (quibus) afflixisti nos; annis, (quibus) vidimus mala. Lege, relege hæc, quisquis cordatus es, & summam harmoniam inter hunc Psalm. 90. antiquissimum, & Orationem Dominicam miraberis, Photinianam verò impudentiam debite execraberis. Certè videtur Christus noster ex hoc ipso Psalm. desumpsisse suam formulam, quam ipse prius per Spiritum suum Moysi dictaverat. Plures sunt ejusmodi Psalmi, & precum formulæ in Veteri Testamento, ubi hæc singula momenta conjunctim continentur, quæ loca sedulus Scripturarum lector ipse facile notabit & observabit. Disjunctim materialia Orationis Dominicæ in Mose, Psalmis, & Prophetis sæpissimè inculcantur, ut supra ostensum addimus ex nostris. Exordiū Orationis *Deut. 32. v. 6.* Nunc ipse est Pater tuus, qui acquisivit te, qui fecit & præparavit te. *Es. 63. v. 16.* Tu Domine Pater noster, Redemptor noster; à seculo nomen tuum. *Jer. 3. v. 4.* Ergò saltem amodò voca me, Pater meus es tu. v. 19. Pone te in filios, & dixi: Patrem vocabis me. *Pf. 95. v. 3.* Deus noster in Cœlis omnia, quæcunque voluit, fecit. *Pfalm. 103. v. 19.* Dominus in cœlo paravit sedem suam, & regnum ipsius dominatur in omnibus. *1. Reg. 8. v. 39.* Tu exaudies in cœlo, propitius eris, remittes peccata. Tu enim solus vides, & nosti corda omnium filiorum hominum. *Pfalm. 113. v. 5.* Qui in Altis habitat, ut humilia respiciat in cœlo & in terrâ. *Pfalm. 11. v. 4.* Domini sedes in cœlo, oculi ejus pauperem respiciunt, palpebra ejus explorant filios hominum. *Pfal. 20. v. 2.* Exaudiat illum de cœlo potentia salvifica dexteræ suæ. *Es. 63. v. 15.* Attende de cœlo, & vide, ubi nunc est zelus tuus, fortitudo tua, multitudo miserationum, &c. I. & II. petitio proponuntur *Pfalm. 22. v. 28. 29. Pf. 33. v. 8. 9.* Timeat Dominum omnis terra. *Pfalm. 47. v. 2.* Omnes gentes plaudite manibus. *Pfalm. 49. v. 1.* Audite hæc omnes gentes. *Pfalm. 57. v. 10. 11. 12. Psalm. 66. Psal. 67. Psalm. 96. Psalm. 98. Psalm. 117.* Lobet den HErrn alle Heyden. *Pfalm. 126.* & breviter omnibus locis, quibus cunctæ gentes invitantur ad laudandum & confitendum nomini Domini. Sic sub ipsa lege Moses sanctificationem nominis divini petit. *Num. 14. v. 14.* Ut audiant Ægyptii, de quorum medio eduxisti populum istum, & habitatores terræ hujus, qui audierunt, quòd tu Domine in populo isto sis & facie videaris ad faciem, & nubes tua protegat illos, & in

columna nubis præcedas eos per diem, & in columna ignis per noctem: v. 15. Quòd occideris tantam multitudinem quasi unum hominem, & dicant: v. 16. Non poterat introducere populum in terram, pro qua iuraverat: idcirco occidit eos in solitudine. v. 17. Magnificetur ergo fortitudo Domini, sicut iurasti, dicens: v. 18. Dominus patiens & multæ misericordiæ, &c. Similia habentur *Exod. 32. v. 12. & Deut. 9. v. 26. 27. 28. 29.* Sic 1. *Reg. 8. v. 60.* Sciant omnes populi terræ, quia Dominus ipse est Deus, & non est ultra. *Esa. 37. vers. 20.* Et nunc, Domine Deus noster, salva nos de manu ejus, & cognoscant omnia regna terræ, quia Tu es Dominus solus *Psal. 83. v. 19.* Et cognoscant, quia Nomen Tibi Dominus, Tu solus altissimus super omnem terram, &c. Exempla sanctificati nominis divini habes *Lev. 10. v. 3. Ezech. 36. v. 23. Num. 20. v. 14. & 27. v. 14. Deut. 32. 51. &c.* Tertia petitio habetur toto *Psal. 119.* Toto *Pf. 148.* Laudate Dominum de cœlis, laudate eum in excelsis. Laudate eum omnes Angeli ejus, &c. Sic 2. *Sam. 15. v. 25.* Si invenero Gratiā in oculis Domini, reducet me & ostendet mihi arcam & tabernaculum suum. v. 26. Si autem dixerit mihi: Non places, præstò sum, faciat quod bonum est coram se. *Job. 1. v. 21.* Dominus dedit, Dominus abstulit, sicut Domino placuit, ita factum est: sit nomen Domini benedictum! 1. *Sam. 3. v. 18.* Dominus est: Quod bonum est in oculis suis, faciat. Quarta pet. habetur *Pf. 104. Pf. 144. Pf. 147.* Sic *Gen. 28. v. 20.* Vovit Jacob votum, dicens: Si fuerit Dominus mecum, & custodierit me in via, per quam ego ambulo, & dederit mihi panem ad vescendum, & vestimentum ad induendum. v. 21. reversusque fuero prosperè ad domum Patris mei; Erit mihi Dominus in Deum, &c. *Deut. 26. v. 13.* Loqueris tu in conspectu Domini Dei tui. v. 15. Respice de sanctuario tuo, & de excelsis cœlorum habitaculo, & benedic populo tuo Israël, & Terræ, quam dedisti nobis, sicut iurasti Patribus nostris, terræ lacte & melle mananti. 1. *Reg. 8. v. 35.* Si clausum fuerit cœlum, & non pluerit propter peccata eorum, & orantes in loco isto poenitentiam egerint nomini tuo, & à peccatis suis conversi fuerint propter afflictionem suam; v. 36. Exaudi eos in cœlo, dimitte peccata servorum tuorum, & populi tui Israël, & ostende eis viam bonam, per quam ambulent, & da pluviam super terram tuam, quam dedisti populo tuo in posses-



possessionem, &c. Vide etiam responsum Jehovah, 2. Paral. 7. v. 13. 14. Prov. 30. v. 8. Mendicitatem & divitias ne dederis mihi: Tribue tantum victui meo necessaria, ne forte satiatus illiciar ad negandum, &c. Plura loca ubivis obvia. Quinta petitio, Psalm. 32. v. 5. Dixi, confitebor super prævaricationes meas Domino: Et tu abstulisti iniquitatem peccati mei, Selah. v. 6. Super hoc orabit omnis sanctus ad te tempore convenienti. Psalm. 130. Psalm. 143. Sic in ipsa lege Sacrificia erant præcepta quotidiana, quibus omnibus petebatur remissio peccatorum. Sic Num. 14. v. 19. Dimitte, obsecro, peccatum populi tui hujus secundum magnitudinem misericordiae tuæ, sicut propitius fuisti egredientibus de Ægypto usque ad locum istum. v. 20. Dixitque Dominus: Dimisi juxta verbum tuum. Exod. 34. v. 9 Si inveni gratiam in conspectu tuo, Domine, auferas iniquitates nostras, atque peccata, nosque possideas. Quod verò & ipsi debuerint remittere debitoribus suis, patet, quia debuerunt proximum diligere sicut semetipsos. Lev. 19. v. 18. Sexta & Septima petitio, Psalm. 50. Invoca me in tribulationibus, & eripiam te. Psalm. 27. Mein Herz hält dir für dein Wort: Ihr sollt mein Antlitz suchen. Darumb suche ich auch HErr dein Antlitz. Sic tentatus Job per Sathanam ait cap. 1. Dominus dedit, Dominus abstulit, sicut Domino placuit, ita quoque factum est, sit Nomen Domini benedictum.

## VII.

Non subsistunt autem Photiniani in illo principio falsissimo, quod primum præceptum auctum fuerit præcepto orationis Dominicæ, sed & ipsas petitiones non dextrè explicant. De quarta, quinta & sexta determinatè hæc habet Volkelius: Tribus petitionibus res omnes, quibus perpetuò nobis opus est, complecti volunt, primò enim non ea petere à summo illo Patre nostro nos jubet &c. Errat autem primò, quod de pane spirituali & vitæ petitionem illam accipit, imò ipsum Spiritum S. panem *Πνεύμα* interpretatur. Nam primò nullo testimonio Scripturæ nititur, neque probari potest, ullibi Spiritum S. appellari panem aut assimilari eidem, qui itaque tam insolens significatio vel expositio admittenda. Secundò, quæ urget Necessitas, ut duplicem statuamus in vocabulo panis significationem, ut huic petitioni inferamus Spiritus Sancti desiderium, quem eo ipso

eo ipso quo dicimus: Pater Noster qui es in cœlis, compellamus, & petendo, ut Nomen divinum sanctificetur, Regnum Dei adveniat, expectamus. Tertiò, si petendo panem quotidianum petimus Christum, quomodo petimus Spiritum Sanctum, Christus enim assimilatur seipsum pani. *Job. 6.* At de Spiritu Sancto nihil legimus simile. Si petendo panem petimus *ἄριστον* quotidianum panem ad essentiam substantiamq; nostram spectantem, velut Syrus Interpres vult, panem necessitatis nostræ, quomodo spiritualis panis intelligi potest? Si petendo panem petimus *τὸν ἄριστον τὸν καὶ ἡμεῖς* *Luc. 11.* hoc est *ἡμεῖς* sive particulam panis quotidiani sive recurrentis quantam scilicet pro die sufficit, quomodo de Christo vel Spiritu S. qui in particulas non dividuntur, hoc intelligi potest. Quamvis autem de Christo etiam acceperint hanc petitionem Cyrillus & Cyprianus, non tamen de Spiritu Sancto intellexerunt, & à sensu literali ad tropicum citra urgentem necessitatem discesserunt. Errat *Secundò*, dum vult debitorum nomine magis proprio illa intelligi, quæ præterita tanquam scelera hodiernis lapsibus immaniora, unde enim hoc constat; præterea peccata sive sint præsentia sive præterita debitorum nomine veniunt, quæ itaque distinguenda erunt hæc ratione, ut illa magis notentur, quæ ante conversionem commissa, quàm quæ post illam. Denique si etiam lapsus fidelium sunt graves, si excutere possunt Spiritum Sanctum, si atrocius quandoque peccant irrogenitis, qui non etiam sub nomine debitorum vel maximè comprehenduntur præsentia peccata, lapsus fidelium, qui norunt voluntatem Domini, nec sese præpararunt & proinde digni sunt, ut multis vapulent. *Luc. 12. vers. 47.* Et quamvis prolapsiones in fidelibus repugnante fiant Spiritu, tamen quandoque, etiam committuntur ad excussionem usque Spiritus, adeoque voluntariè; interim observamus falsam hypothesin Photiniorum, qui  $\frac{1}{2}$  voluntarium ad peccatum requirunt, & facillè ita fideles eximere possunt peccatis, quia ante conversionem peccata illorum tantum fuerunt voluntariè commissa, aliter autem sese habent prolapsiones hodiernæ; quod de absoluta ignoscentia peccatorum dicit differenda in resurrectionem, repugnat Christo dicenti paralytico: remissa sunt Tibi peccata tua. *Matth. 9. v. 2.* Paulo dicenti: Iustificati pacem habemus cum Deo. *Rom. 5. v. 1.* Johanni dicenti: Sa-

guinem

guinem Jesu Christi emundare nos ab omni peccato. 1. Ep. c. 1. v. 7. Symbolum pulsat, quod jubet dicere: Credo remissionem peccatorum: Hier alle Sünd vergeben werden. Statum fidelium in hac vita temerat, cum illi jam sint extra judicium, & vitam æternam intra se habeant teste Christo Job. 3. v. 18. 36. Unde Apostolus pronunciat Beatos illos, quorum peccata remissa Rom. 4. v. 7. & 8. Tertio cespitat, dum per tentationes intelligit varia periculorum, calamitatum & afflictionum genera, quibus propter Christi nomen vexamur. Laxius quippe se porrigit vox, & per *πνευμα* hic vel maximè intelligitur tentatio etiam illa, quæ per blanditias erupit, non vi quadam & impetu, ex quò diabolus dicitur *πνευμα*. De cætero subscribimus Augustino.

## VIII.

Tertium quod additum de invocando Christo dicitur, vel Deo per Christum, nihili est; Nam *primò*, qui verus & æternus Deus, nec demum cœpit in N. T. temporibus, ille non demum adorandus vel invocandus fuit in N. T. Christus autem est verus & æternus Deus, ut nostri pridem demonstrarunt, qui itaque demum in N. T. adorandus vel invocandus? *Secundò* annon invocavit Filium Dei Jacobus benedicens liberis suis. Gen. 48. v. 16. annon præceptum Psalmo secundo v. 12. Osculamini Filium, annon disertè dictum: Cave tibi ob præsentiam hujus Angeli, ne exacerbes eum, quia non feret defectionem vestram, quia nomen meum est in eo Exodi 23. v. 2. Miserationum Domini recordabor, laudem Domini super omnibus, quæ reddidit nobis Dominus, & super multitudinem bonorum domui Israël, quæ largitus est eis secundum indulgentiam suam, & secundum multitudinem miserationum suarum. Et dixit: Veruntamen populus meus est, filii non negantes, & factus est eis Salvator. In omni tribulatione eorum non est tribulatus, & Angelus faciei ejus salvavit eos: in dilectione suâ, & in indulgentiâ suâ ipse redemit eos, & portavit eos, & elevavit eos cunctis diebus seculi. Esa. 63. v. 7. 8. 9. *Tertio* idem cultus, eadem religiosæ venerationis species fuit in V. & N. T. nec hoc præceptum primum fuit mutatum; imò ipse Christus in N. T. iisdem formalibus confirmavit cultum solius Dei veri, quibus in V. T. fuit stabilitus, nempe

Pars Specialis

Ty

dicendo:

dicendo : Dominum Deum Tuum adorabis, & illi soli servies.  
*Matth. 4. v. 10.* I X.

Superest hic aliquid monendum de præcepto sculptilium, quod volunt Photiniani distinctum à primo, & sub ratione auctarii in N. T. à Christo propositum. Primum in antecedentibus excussimus, Tractatu scilicet de lege, in quo de Divisione Decalogi egimus, nec faciunt contra nos, quæ Smalcius Franzio opponit, scribens: Errat Franzius, qui pro appendice vel declaratione primi præcepti habet, præscriptionem tam luculentam de vitandis, vel non honorandis Sculptilibus. Qui error nulla ratione defendi potest, & absurditas ejus ex eo apparet, quod præceptum ultimum in duo præcepta non nisi coactè & absurdè dividere eos oporteat, qui secundum hoc præceptum non agnoscunt. Esse autem declarationem primi præcepti hoc alterum, vanum est commentum. Quomodo enim declaratio est præcepti alicujus id, quod ab eo ita diversum est, ut alterum sine altero esse possit? Potest enim aliquis habere Deos alienos coram Deo, & tamen sculptile, vel imaginem nullam colere vel adorare. Jam pridem erroris hujus convicti sunt ab aliis ante nos Lutherani: sed malunt hætenus auctoritatem humanam, quàm manifestam rationem, non sine pertinaciæ suspitione, sectari. Nam quod Smalcius dicit præceptum de concupiscendo non dividi in duo, quia unum vel res saltem unius generis tantum in omnibus verbis prohibeatur, inverti potest, quia etiam præceptum de colendo Deo & non fabricandis Idolis sunt ejusdem generis & eò collimant, ne quis Idololatriâ se polluat. Calumnia est. nam decem Verba admittimus, receptam divisionem propugnamus. Quod dicit secundò in Exodo non legi: Non concupiscas domum proximi tui, non concupisces uxorem ejus, sed post verba, non concupisces domum proximi tui addi, nec desiderabis uxorem ejus. Diversitas enim vocabulorum non comparet in Hebræo unâ voce adhibitâ Chamad. Quod dicit tertio in Deuter. *ἀνακεφαλαιώσῃ* legis verbum concupiscendi in altero præcepti membro planè esse omissum, falsum, cum in Hebræo duæ voces occurrant, scilicet Chamad & Avah. Quod Quarto *Dent. 5. v. 21.* prius prohibeatur concupiscentia uxoris quàm domus, præcepta autem non ita facillè inter se commutari possint, nihil ad rem; nam frequens est præceptorum transpositio, *Matth. 23. v.*

19. v. 18. 19. *Marc.* 10. v. 19. *Luc.* 18. v. 20. Quod quintò dicit sic licitum fore, plura præcepta conficere, cum etiam prohibeatur concupiscentia agri, servi &c. nihil dicit, cum tantum binis vicibus usurpet vocem concupiscere Scriptura in Exodo & Deuteronomio. Sic ad illa rectè respondent nostri. Quod ad citata loca attinet, idem prohibetur in Veteri Testamento. *Exod.* 20. Non coles ea. 2. distinguendum est inter cohabitationem in locis idololatricis. Vel sit sine metu seductionis, sine metu collusionis, necessitatis extremæ gratiâ, ita, ut nostrum dissensum apertè testemur. & sic nec in Novo nec in Veteri Testamento prohibita legitur, imò in Veteri Testamento Elisæus Naamani conversationem cum infidelibus concedit 2. *Reg.* 5. v. 19.

## CAPUT I. PRÆCEPTI SECUNDI.

### *Verba Textus.*

לֹא תִשָּׂא אֶת־שֵׁם־יְהוָה אֱלֹהֶיךָ לְשׁוֹן כִּי לֹא יִנָּקָה יְהוָה אֶת אֲשֶׁר־יִשָּׂא אֶת־שְׁמוֹ לְשׁוֹן	<i>Non assumes nomen Jehovah          Dei tui in vanum; quia non ha-          bebis insonsem Jehovah, qui as-          sumpserit Nomen suum frustra.</i>
---	--

### T H E S I S I.

**L**inguam exiguum Membrum esse & se magnificè efferre, Jacobus conformiter Experientiæ asserit *cap.* 3. v. 5. usus voce *μεγαλαυχῆν*, quam quidam cum Pagnino Vatablo & aliis ad jactantiam magnorum restringunt; quidam ad magnarum turbarum excitationem cum Emanuele Sà; quidam denique ad magnorum Effectuum & Operum illustrium productionem, quæ in Dei culminant Gloriam cum Piscatore, Herbornensi Theologo & Guilielmo Esthio, Duacensis quondam Academix Cancellario: non tamen satis commodè & ad mentem Spiritus Sancti; comparat enim Apostolus Linguam fræno & gubernaculo navis, quòd quem-

77 2



quemadmodum illa exigua sint formæ & quantitatis, stupendæ tamen Virtutis & efficaciam, pariter Lingua exile sit humani corporis membrum, quæ tamen in illud potestatem habeat insignem, regat & dirigat illud, coërceat atque compescat: Si verò sermo tantum sit de Jactantia magnorum, non dextrè aptabitur hoc Scopo Jacobi, sed oppositum potius emerget; cum enim Lingua quamvis magna in speciem, reverà tamen inania jactet, non erit illius tanta vis & potestas in corpus reliquum: eadem ratio militat contra illos, qui τὴν μεγαλαυχίαν vertunt *magnificè se efferre*, quod ferè in primum recidit. *Secundò* de turbarum excitatione accipere hoc Verbum veritat formalis sensus hujus vocis; μεγαλαυχῆν enim non est, *turbare*, ex primore significatu, sed tantum consequenter & materialiter; neque Apostolus intendit Lingua describere Indolem ex particulari aliquo effectu, eoque vitioso, sed vim & efficaciam comparat ad regimen fræni & gubernaculi in Navi. *Tertiò*, qui volunt commendare Linguam ab Effectis, Deo gratis & acceptis, non attendunt ad Nexum; confestim enim dicitur! *Ecce! ignis exiguus quantam materiam incendit?* & in sequentibus talia occurrunt, quæ vitii, non laudabilis officii rationem habent: quapropter videntur melius interpretari hoc Verbum, qui Generaliter illud accipiunt, atque tum de bonis tum de malis exponunt hoc effatum Apostolicum Operibus, quòd scil. Lingua, quamvis membrum exiguum intra dentium septa clausum, si prodeat, possit magna jactare & efficere, partim bona, partim mala; Stat pro hoc sensu vocis nativæ significatio, quoad bona hujus Membri cum fræno & gubernaculo Comparatio; denique quoad mala, uberior in subsequentibus Declaratio. Hanc Linguam, hoc Membrum, hoc Organum, quo vel benedicimus Deo & Patri, quòve execramur homines ad similitudinem Dei factos, format, dirigit & fingit Secundum hoc Præceptum, ut Cor à primo ad Cultum sincerum fuit obligatum, de quo jam σὺν Θεῷ.

## II.

Dispescitur verò hoc Præceptum in duas Partes, *Interdictionem* sc. & *Comminationem*. Quantum ad prius, *Primò* observandum *Objectum*; *secundò* *actus prohibitus*. *Objectum* est hic יהוה שם *Shem Jehovah, Nomen Dei*, per quod non intelligitur hoc Nomen, vel

vel confimilia, qualia sunt : El, Elohim , Adon, &c. secundum literas & syllabas , quò quidem modò B. Chemnitius Judæos hoc accipere docet scribens : Judæi pueriliter ludunt quando scilicet nomen *יהוה* ( quod ita vocatur ) vel non integrè suis literis & punctis vocalibus, sed pro Jehova, Elohim scribunt : Vel legendo non exprimunt, sed loco ejus pronuntiant Adonai : Vel literas tantum pronuntiant, existimant se secundo præcepto egregiè & abundè satisfacisse ; licet interim meras blasphemias & perjuria eruant. Ita enim intelligunt & interpretantur secundum præceptum : nomen Jehova non esse pronuntiandum, & librum in quo integrè scriptum est, nudis manibus non esse contrectandum : sed modis omnibus mundissimè tractandum ; sed Deus non loquitur de literis & syllabis. Sed intelligitur Ipse DEUS, & ratione Essentiæ, & Personarum & Attributorum & Operum ; nam primò Nomen Dei esse Ipsum Deum constat ex Deut. 28. v. 5. ubi dicitur : *Nisi custodieris & feceris omnia Verba Legis hujus, quæ scripta sunt in hoc Volumine, & timueris Nomen gloriosum & tremendum, Dominum Deum tuum* : constat ex eo, quia permutantur Deus & Nomen illius ; ita David Psalm. 66. v. 3. dicit : *Te adorabunt omnes habitatores terræ & psallent tibi, & psallent Nomini tuo* : constat denique ex eo, quia prædicata eadem habet Deus & Nomen ejus ; sic Psalm. 99. v. 3. dicitur : *Consteantur Nomini tuo magno, quoniam terribile & sanctum est* ; versu verò decimo dicitur : *Quoniam Sanctus Dominus Deus noster* : Non tantum Essentiam Nomine Dei designari, sed & Personas, demonstrari potest ex Proverbiorum cap. 30. v. 4. ubi queritur : *Quod est Nomen ejus, & quod est Nomen Filii ejus ?* Ex ipsius Filii, Angeli scil. Increati Responso, dato Manox Danitæ, Viro illustri ; dixit enim Judic. 13. vers. 18. *Quare queris de Nomine meo, cum id Mirabile sit ?* i.e. occultum, juxta quosdam, vel incomprehensibile : denique ex Petri Testimonio dicentis : *Non est in alio quoquam Salus ; neque enim est aliud Nomen sub Cælo, quod datum sit hominibus, in quò oporteat nos salvari. Act. 4. v. 12* Trium Personarum unum Nomen esse constare potest ex Formulâ Baptisimi, cum Apostoli jubentur baptizare *ἐν τῷ ὀνόματι τοῦ πατρὸς καὶ τοῦ υἱοῦ καὶ τοῦ ἁγίου πνεύματος*. Matth. 28. v. 19. Præterea designari Deum per *יהוה* Schem Jehovah Ratione Attributorum & Operum, ostendit

di potest ex collatione *Exodi 3.* ubi Deus dicit : *Ego sum Deus Abrahami Isaac & Jacobi, hoc est Nomen Meum in seculum & Exod. 6. v. 3.* ubi dicitur, Nomen Dei, sive Deum, quoad Nomen Jehova, non fuisse cognitum Patribus ; nondum Operis exhibitione demonstrasse, sese esse Veracem in Promissionibus, Immutabilem in Decretis, Potentem in Executione ; Ex Præcepto *Levitic 19. v. 12.* quò in loco Deus dicit : *Non jurabitis in Nomine meo falsò, & non profanabis Nomen Dei tui : . Ego Jehovah :* Quod autem falsò juramentò non temerandum, illi debetur Cultus religiosus, sincerus ; quod non profanandum, utique gaudebit Majestate Jehovæ, omniumque Atributorum & Axiomatum divinorum Lumine & Ornamento ; Ex descriptione Nominis divini : ita David dicit : Confiteantur Nomen tuum magnum & tremendum ; est itaque Nomen Dei magnum, ut Ipse Deus, tremendum, ut Ipsum Numen, quod illustre Axiomatibus & Operibus stupendis.

## III.

*Secundò* per Nomen Dei hic intelligitur Deus Patefactus : Nam primò, ut nomen aliàs est Signum vel Symbolum rei aut personæ, atque illam manifestat : ita nomine Dei non intelligitur Deus Absconditus aut in profundo Lucis inaccessæ habitans, sed Revelatus, sed Patefactus. *Secundò* cùm Ecclesia Judaica dicit : *Affertor noster ab æterno est Nomen tuum. Es. 63. v. 16.* quid aliud vult, quàm hoc Nomine nobis innotuisti, hoc de te credi voluisti, nempe ab æterno Te nos pro tuis assumpsisse & vindicasse. *Tertiò* Scriptura, nominare Dominum & agnoscere illum, pro iisdem habet, ut constat ex *Rom. 15. v. 20, 21.* maximè verò Patefactum in Verbo, unde B. noster Chemnitius : Progressus Deus ex Luce illa inaccessibili Voce & Verbo se revelavit & patefecit. Et ejus patefactionis in verbo correlativum est Nomen Dei. Significat ergo quicquid de Essentia & Voluntate Dei in verbo ipsius patefactum est, vel quod in Scriptura de Deo prædicatur. Et huc pertinent omnia miracula & opera, quibus Deus de se & sua voluntate testificatus est. *Exod. 9. v. 16.* Idcirco posui te, ut narretur nomen meum in omni terra. Et ipse Christus eò digitum intendit, dicens : *Nemo novit Filium, nisi Pater, & nemo novit Patrem, nisi Filius, & cui Filius vult revelare. Matth. 11. v. 27.* Cùmque Deus & Nomen ejus sint unum & idem, nemo cognoscit Nomen Dei, nisi Filiò revelante.

IV. Ter.

## IV.

*Tertiò Nomine Dei hîc intelligitur Deus Patefactus Celebrabilis, Venerabilis, Adorabilis, vel ut agnitus, colendus, celebrandus, adorandus: Hoc docet ipsa Præcepti Indoles atque Structura, quæ hoc Nomen ita proponit, ut non assumatur in vanum, sed magni æstimetur: magni autem æstimari non debet nisi illud Objectum, quod est æstimabile, celebrabile, adorabile. Docet hoc passim Scriptura: ita David Psalm. 8. v. 2. & 10. Quam ingens, Domine, est Nomen tuum, inquit, in tota terra? & Psalm. 48. v. 11. Ut Nomen tuum; ita Celebratio Tui; Psalm, 29. Adferre Domino Gloriam Nomini ejus, adorate Dominum in atrio sancto ejus. Tertiò ipse Deus hoc Nomen, ut adorabile, sistit; nam felicitatem N. T. & Voluntatis suæ Revelationem ad Gentes diffundendam deprædicaturus dicit: In omni Loco Hostia offeretur Nomini meo & Munus purum, quia magnum est Nomen meum in Gentibus. Mal. 1. v. 11. quò ipsò docet, Nomen suum esse celebrabile, religiosè glorificabile & adorandum.*

V.

Actus prohibitus exprimitur vocē נָפַסָּ Nafā & נָפַסָּ temerē. Vox נָפַסָּ Nafā notat *jurare*; atque ita accipitur *Esaia 3. v. 7.* notat *proferre ore & diffeminare* *Exod. 23. v. 1.* notat denique *levare, tollere* *Esa. 53. v. 4.* Latissimè autem hic accipitur, atque prohibetur, nè juremus temerè, nè proferamus leviter ore Nomen hoc, nè levemus pretiosum hoc frustra; תָּ נָפַסָּ enim notat, *gratis, temerè, frustra*; atque ita usurpatur *Job. 35. v. 13. & Osee 12. v. 11.* quod ita exposuit B. Chemnitius: Prohibet nomen suum levari in vanum, frustra, temerè. Significat enim in vanum sumi, quando verba ex incogitantia temerè præcipitantur, ut quando res levis & nullius momenti est, quæ non magni fit, sed despicitur illa per jocum, contemptum, & temerè nominatur, non cogitatur, *wie man darvon reden wölle/* sed ut verba in buccam venerint.

## VI.

*Comminatio, quæ alteram Partem facit, exponitur his ver-  
bis: Non enim habebit infontem Jehovah enim, qui assumpserit No-  
men ejus in vanum: in Hebræo est יְהוָה, אֵל non mundificabit, non  
babe-*

*habebit infontem, non relinquet impunem* : ita enim hæc vox usurpatur in Sacris : Sic notat, immunem esse, *Jerem. 49. v. 12. Num. 5. v. 31. Psalm. 19. v. 14.* Sic notat, impunitum dimitti, *Exod. 21. v. 19. Num. 5. v. 19. Jerem. 25. v. 29.* Vacuum fieri aliquò munere vel alio, *Zach. 5. v. 3.* quæ ita sunt comparata, ut magis faveant significationi forensi, quàm phÿlicæ; hinc quamvis cum quibusdam Interpretibus etiam verbotenus mundificabit, & LXX. illius loco quandoque adhibuerint vocem καὶ ἀποδοῦναι vel καὶ ἰσχυρὸς τοῦ, ut constat ex *Psalm. 19. v. 14. Gen. 24. v. 8.* non tamen necessum est, ut Phÿsicam significationem admittamus, cùm prævaleat forensis, & allegata quoque loca possint ita exponi, ut forensis obtineat : ita *Psalm. 19. v. 13.* commodè accipies verba Davidis hoc modo : Ab occultis meis liberum me pronuncia; Unde etiam Lutherus : *Bergth mtr: & versculo 14.* Immunis ero à defectione amplâ; nec non *Gen. 24. v. 8.* Verba Abrahami: Solvèris jurejurando meo hoc: nec non, si ponatur, Phÿsicum esse hoc Verbum, nihilominus ad sensum forenssem & politicum ipse Vulgatus ducit, & Textus consideratio. Est autem hæc Comminatio expressa negativè : *Non impunitum dimittet Jehovah,* ut designetur, vel maximè Deum puniturum talem, quàm certissimè & gravissimè animadversurum in illum, qui Nomen Domini in vanum assumerit, adeoque hic locum habet *ἀντίμ,* exponente & animadvertente B. Luthero, qui scribit : *Istæ Negativæ ( Non derelinques, Non dabis )* longè vehementiores sunt Affirmativis, & firmitus resurrectionem testantur. Sicut cùm *Luce 10.* dicitur : *Maria optimam partem elegit, quæ ab eâ non auferetur,* i. e. certissimè manebit: Ita hîc: *Non derelinques,* i. e. velocissimè reduces; adeoque sensus est juxta illum: Nemo impunè laturus est Nominis mei in vanum assumptionem, sed pœnas graves dabit blasphemix. Cur autem addita sit hæc Specialis Comminatio huic præcepto, facilè est divinare; *Primò* enim vix aliquod membrum est in Homine, volubilius linguâ, & quod sæpius sua exercet officia : nè itaq; peccatum hoc frequentetur sub opinione, ac si facilis esset Lingux lapsus, sepimentum aliquod ori ponere voluit & frænū injicere comminatorium. *Secundò*, quia novit Deus, quàm scœdum peccatum perjurium, quàm mendacium illò cumlatum Syrma malorum post se trahat, & Judices magis propensos esse in eradicationem vitiorum, quæ

Societ.



Societatem, quàm Ipsum Deum lædunt. Denique *Tertiò*, quia maximè monendi erant Parentes & Superiores, nè quicquam hìc indulgerent liberis aut illorum Inspectioni conceditis, nè teneræ mentes corrumpèrentur, & Lingua potius spicula mittens, quàm Laudes Dei decantans, summo æternæ & temporalis perniciiei sese & totum hominem exponeret periculo.

## VII.

Prohibetur hoc Edicto 2. *Incuria Glorificationis*, cùm scil. negligitur Meditatio Majestatis divinæ & Beneficiorum, quæ jugiter in nos descendunt, atque Deprædicatio, de qua conqueritur Deus *Esa. 1. v. 3. Deut. 32. v. 6. & 15. Osee 2. v. 8. Obliquatio Glorificationis*, cùm scil. ille Cultus, illa Gloria, quæ soli Deo debetur, dividitur & ad aliud Suppositum extra Deum transfertur. De quo, quantum ad ipsum Cultum, actum est in Expositione Primi Præcepti: Talis Obliquatio est 1. Oratio ETHNICORUM, quâ non ipsum Deum, sed ejus creaturas, videlicet astra cœli, heroicis homines, eorumq; statuas adorant, *Sap. 3. v. 1. 2. Reg. 17. v. 16. Sap. 14. v. 20. Esa. 42. v. 8.* 2. Oratio IUDÆORUM, qua adorare quidè videtur Deum, non autem in nomine Christi, per què Pater solum vult honorari. *Job. 5. v. 23.* adeoq; non verè nec sincerè. 3. Oratio PAPISTARUM, quâ mortuos Sanctos invocant, ut Opitulatores, quos Gentium more certis calamitatibus certos præfecerunt: quâq; Deum magis, in S. Angelorum & hominum, quàm in nomine Christi invocant: Quæ Invocatio damnatur & rejicitur: 1. Quia in universa Scriptura nullum habemus mandatum: 2. Nullum Exemplum: 3. Nullam exauditionis aut liberationis promissionem: 4. Quia Sancti nos ignorant, *Esa. 61. Job. 14. v. 21. Eccl. 9. 5.* Quia ipsimet noluerunt invocari: Exemplum, *Act. 14. v. 14. Apoc. 19. v. 10.* 6. Sunt nostri conservi, *Apoc. 19. v. 10. & 22.* 7. Creaturæ nudæ. 8. Quæ preces nostras non exaudiunt: 9. Nec auxilium ullum præstare possunt. 10. Quia ex fide proficisci non potest, cùm fides verbo Dei tanquam fundamento innitatur, *Rom. 10. v. 17.* 11. Quia in Sanctos, utpote homines credere fas non est, *Jerem. 17. v. 5.* Et tandem vera Invocatio ad eum tantùm dirigenda sit, in quem credere, spemque & fiduciam ponere possumus, *Rom. 10. v. 14.* 4. Oratio EPICURÆORUM, qui pollutas in precibus attollunt manus, quo-

rum preces Deo abominabiles, *Deut. 1. v. 45. 1. Sam. 8. vers. 18. Deut. 31. v. 18. Job. 27. v. 9 c. 35. v. 13. Psalm. 18. v. 42. Esa. 29. v. 13. c. 59. 2. Prov. 1. v. 28. c. 15. v. 29. c. 21. v. 13. c. 28. v. 9. Ezech. 8. v. 18. c. 14. v. 16. 20. Mich. 3. v. 4. Zach. 7. v. 13. 2. Maccab. 9. v. 13. Matth. 6. v. 5. c. 15. v. 8. c. 23. v. 14. Marc. 12. v. 40. Luc. 20. v. 46. Job. 9. v. 31. 5. Βασιλογία QUIORUNDAM, quâ somniant, preces suas, aut propter lamentabiles gestus, vel verborum prolixitatem, placere Deo, 1. Reg. 18. v. 26. 28. Esa. 58. v. 2. Esa. 1. v. 15. Ezech. 8. v. 18. Matth. 6. v. 7. c. 23. v. 14. Plus placet Deo latratus canum, mugitus bouum, grunitus porcorum, quàm Βασιλογία Clericorum luxuriantium. *Extenuatio Glorificationis*, cum etiam præsentibus Bonis & Donis à Patre Luminum, tamen illa vilipenduntur, elevantur, contemnuntur.*

## VIII.

*Maximè* verò à Theologis huc refertur *Blasphemia*, quæ dicit Probrum conjectum in ipsum Deum, & quævis Oratio, contemptum ejus redolens, quæ committitur vel *positivâ assertionē* alicujus, quod Divinæ Majestati, in Attributis maximè relucenti, est contrarium, ut si quis dicat cum Caino: Non est judicium &c. vel *negatione*, ut si quis inficias eat illius Potentiam, Scientiam, Providentiam, ut si quis dicat cum Rabsake ex 2. Reg. 18. v. 32. 33. Committitur autem hoc grande peccatum *vel directè* contra Deum, *vel indirectè* contra media & organa Gratiae, de quo *Rom. 3. v. 8. 1. Cor. 4. v. 13. Apoc. 2. v. 9. Tit. 3. v. 2. 2. Pet. 2. v. 10. Judæ v. 8. & 10.* Et est *vel Simplex*, quæ ex Ignorantia supina aut prava Consuetudine aut Vanitate aut Perturbatione proficiscitur; aut *Determinata*, quæ scilicet certâ aliquâ Formâ emittitur & ex Proposito procedit. Dispositio de hoc peccato legi potest *Lev. 24. v. 10. 11.* Exempla occurrunt in Sacris *Judith. 6. v. 2. Esa. 36. v. 18. c. 37. v. 10. 11. 12. 13. 2. Reg. 8. v. 2. 2. Reg. 19. v. 9. 2. Paral. 32. v. 13. 14. 15. & 17. 18. 19. 1. Maccab. 7. v. 33. 34. 35. 36. 40. 42. 43. 47.* Summa verò Impietas ad hanc Classē reducenda est, *Peccatum in Spiritum S.* cujus Definitionem exhibent Theologi talem; *Peccatum in Spiritum Sanctum* est Veritatis agnitæ malitiosa & voluntaria abnegatio, blasphematio & oppugnatio, omniumque salutis mediorum abjectio: Vel, est Repulla Officii Spiritus S. proæretica in homine, satis illuminato,

minato, convicto, libero, apostatica, blasphema, irremissibilis, consequenter ad finem perseverans.

## IX.

*Secundò, Execratio*, quæ est Imprecatio mali alicujus à Deo explicitè aut implicitè, sive in ipsum execrantem sive in alium hominem ex animi malitia. Exemplum illius exhibuit Petrus, qui cœpit se devovere *Matth. 26. v. 14.* Jobus, qui maledixit diei suæ. *cap. 3. v. 1.* Jeremias, qui itidem locutus fuit paria Principi Idumæo. *cap. 15. v. 10.* Judæi, qui devoverunt se in excidium Pauli, *Actor. 23. v. 12.* Quanquam hic occurrat magna in Gradibus Disparitas, cum Petrus egerit ex metu, Job & Jeremias ex calamitatum nimbo præfente; Judæi autem illi ex obstinata malitia; Exemplum verò hujus Simeï, qui maledixit Davidi maledictione pessima, *2. Sam. 15. v. 7. 8.*

## X.

Liquet è dictis, Execrationem esse vitium quoddam immane, neque posse adduci exempla Sanctorum, qui quandoque imprecationibus usi, Deum sollicitarunt, ut hostiles conatus adversariorum retundat, vel confundat, oblucentes Ecclesiæ, vel deprimat illos, qui notabili & extantiori peccato se contaminarunt, de quo *Gen. 9. v. 25.* *Num. 16. v. 15.* *2. Sam. 15. v. 31.* *2. Reg. 1. v. 24.* *Psal. 5. v. 14.* *Pf 109. v. 6. 20.* *Pf. 125. v. 5.* *Psal. 144. v. 5. 8.* *Actor. 8. v. 26. 21. 23.* *1. Cor. 16. v. 22.* *Gal. 1. v. 8. 9.* quia non tam fuerunt imprecationes, quàm divinæ prædictiones.

## XI.

*Tertiò, Perjurium* sive juramentum falsò præstitum, quod committitur vel contra alium dicendo falsum testimonium in Judiciò, & juramento confirmando, de quo *Deut. 19. v. 16;* vel Extrajudicialiter in alia re aut negotio; vel Deo promissum & juramento confirmatum non præstando, contra illud *Ezechielis 17. v. 18. 19.* *Amos 1. v. 9.* *Malach. 3. v. 5.* *1. Tim. 1. v. 10.* Illustre Exemplum Patrum nostrorum Memoria præbuit Vladislaus Poloniæ & Hungariæ Rex, de quo Historici: Adde his *Temeritatem Jurandi*, illorum scilicet, qui nullâ vel quâvis de causâ levi etiam, imò levisimâ jurant, sine certitudine, sine reverentiâ, sine necessitate Nomen divinum profanant, quos Christus castigat *Matth. 5. v. 34. 37.* di-

cens: *Esto sermo vester, Etiam, Etiam; Non, Non: quod autem supra hæc redundat, malum est sive à malo est.*

## XII.

*Quartò, Verbi divini Contemptus vel Vilipendium, si scil. prædicetur, legatur, audiatur, repetatur absque reverentiâ, quæ debetur illi, quales reprehendit David Psalm. 50. v. 16. Impio dixit Deus: Quid tibi, ut enarres statuta mea, & assumas pactum meum in os tuum; adde Esa. 66. v. 2. 2. Thess. 2. v. 13. Ita peccant, qui auditum Verbum respuunt, Dicta Biblica in Jocos vertunt, Effata Divina superstitioni adhibent, Ministros rident & exhibilant, quales describuntur Ezechielis 33. v. 31. v. 31. 32. Jerem. 44. v. 16. Esa. 30. v. 10. Sacramentis non religiosè & debitè utuntur, de quibus videndus Petrus 2. Epist. cap. 2. v. 22. & Paulus 1. Cor. 11. v. 29. Pietatis exercitia ludibrio exponunt, aut ipsimet minùs devotè exhibent.*

## XIII.

*Haftenùs Vitia; nunc Virtutes. Præcipitur autem hoc in Mandato Primò Invocatio Nominis Divini sive Oratio. Utent verò Majestas & Authoritas Imperantis, ipsius Rei præceptæ Qualitas & Comminatio transgressionibus annexa omnem compleant rationis paginam, cùm tamen Ipse Deus stimulos subdat in Verbo, itemque rationes, cur Nomen Domini non ducendum in vanum, sed invocandum: Sat multas collegit B. noster Thammius, qui videndus. pag. 47. usque 76.*

## XIV.

*Debet autem Oratio esse ita concepta primò, ut dirigetur ad solum Deum, tùm quia ipse solus novit animum Psalm. 139. v. 1. & seq. Jerem. 17. v. 10. Job. 4. v. 23. tùm quia solus novit necessitates nostras. Matth. 6. v. 8. & 32. tùm quia solus novit precum indolem Psalm. 65. v. 3. solus etiam potest & vult subvenire. Ephes. 3. v. 23. Job. 14. v. 13 14. Hac referenda verba Mandati. Deut. 5. v. 9. Exod. 20. v. 5 Deut. 6. v. 13. Psalm. 50. v. 14. Psalm. 77. v. 2. & 3. Psalm. 91 v. 15. & Matth. 4. v. 10. Secundò, ut petantur à Deo Bona quævis Jacobi 3. v. 3. cum hac tamen definitione, ut primùm simus solliciti de Regno Dei, deinde de adjiciendis Matth. 6. v. 33. primùm de divinis, dein de humanis Col. 4. v. 13. primùm de Animi Bonis, dein de Corporis. Hebr. 13. v. 9. primùm de necessariis,*

cessariis, dein de utilibus, nunquam de superfluis *Matth. 6. v. 8.*  
*1. Cor. 14. v. 4. Prov. 30. v. 8.* Tertiò, ut debito & decenti modo  
 Deus adeatur per Mediatorem Christum, *Dan. 9. v. 17.* In sinceritate  
 cordis sine labiis dolosis, *Psal. 17. v. 1.* Fiduciâ cordis indubi-  
 tatâ absque hæsitazione, *Psal. 18. v. 4.* Desiderio ardenti ex a-  
 bysso cordis nostri, *Psal. 5. v. 4.* Gemitibus cordis humiliati &  
 contriti, *Joel. 2. v. 12. 13.* Animo mansueto, ac ab omni offensione  
 in proximum puro, *Psal. 10. v. 17.* Non in multiloquio, *Matth.*  
*6. v. 7.* Expansis manibus, *Psal. 134. v. 2.* Cum perseverantia a-  
 deoque omni tempore, ut ne hilum quidem ad nos Pontificiorum  
 distinctio dierum & horarum, quæ in N. Testamento sublata est,  
 sanctimoniz scilicet peculiaris & religionis respectu, *Galat. 4. v. 10.*  
 Ubique locorum, *Job. 4. v. 21.*

XV.

Sunt autem preces *vel publicæ vel privatæ.* Publicæ sunt, quæ  
 fiunt in Ecclesia, Cœtu vocatorum; *Domus enim Domini est domus o-*  
*rationis Matth. 21. v. 13.* Privatæ sunt, quæ vel in familiâ aliquâ  
 & domo fiunt, quod respexit Christus, dicens: *Ubi duo vel tres sunt*  
*congregati in Nomine meo, ibi sum in medio illorum Matth. 18. v. 19.*  
*20* vel à personâ quâdam singulari funduntur, quales fuerunt pre-  
 ces Danielis, de quibus *cap. 6. v. 4.*

XVI.

Instituuntur etiam Preces *vel nostri causa vel aliorum,* aliorum-  
 que vel amicorum vel hostium. Orandum enim etiam pro ini-  
 micis *Matth. 5. v. 44.*

XVII.

Secundò præcipitur hic *Verbi Divini Lectio, Auditio & Meditatio,*  
 quæ fieri debet ex Mandato divino, quod legitur *Deut. 6. v. 6. Job.*  
*5. v. 39. Col. 3. v. 16.* Promissionum Illicio. *Apo. 1. v. 3.* Exem-  
 plorum laudabili Typo, Eunuchi, Berrhoënsium &c. Debet fieri  
 debitè & decenter, devotè, juxta illud *Esa. 1. v. 2.* fructuosè *2. Tim.*  
*3. v. 16.* studiosè *Luc. 8. v. 15.*

XVIII.

Tertiò imperatur hic *Propagatio veræ Doctrinæ de Dei Essen-*  
*tia, Voluntate, Operibus,* ad quam etiam privatus hoc præcepto  
 ad.



adstringitur, juxta illud *Deuter. 11. v. 19. Luc. 22. v. 32. 1. Thess. 5. v. 11.*

## XIX.

*Quartò* præcipitur Veritatis Confessio de DEO cognitzæ ad promovendam salutem Proximi & gloriam Dei illustrandam, secundum illud Pauli *Rom. 10. v. 10. Corde creditis &c. 1. Pet. 3. v. 15.* Promissiones, quæ leguntur *Matth. 10. v. 32. 33.* Exempla Petri, Matthæi ut & Pauli *Act. 24.*

## XX.

*Quintò* imperatur *Benedictio* in Nomine Dei, quâ Bona à Deo aliis dari optamus, quæ vel divina & humana Auctoritatis vel Charitatis, & sit vel generaliter vel specialiter per Salutationem & Benedictionem, cujus mandatum habetur *Matth. 5. v. 44. Rom. 12. v. 14. 1. Petr. 3. v. 9.* promissiones *Jeremia 29. v. 7. Prov. 2. v. 11. Sir. 3. v. 11.* Exempla. *Gen. 9. v. 26, 27. cap. 27. v. 4, 19. 20. 29. cap. 48. v. 9, 15, 16, 20. cap. 49. v. 26. Deut. 33. v. 1. & seq. Marc. 10. v. 16. Luc. 24. v. 50, 51. Num 6. v. 24, 25, 26. 1. Chron. 16. v. 2. Gen. 24. v. 60. cap. 31. v. 55. 1. Sam. 2. v. 20. 2. Sam. 13. v. 25. Ruth. 2. v. 4. cap. 4. v. 11, 12.*

## XXI.

*Sextò* *Gratiarum Actio & Nominis divini Concelebratio*, quæ notat agnitionem accepti Beneficii, *Psal. 103. v. 2. Celebrationem Marc. 5. v. 18.* Gratiarum diffusionem *Esa. 12. v. 1.* ut autem Deo grata fiat, instituenda est in Nomine Jesu vel per Jesum, *Coloss. 3. v. 2.* In spiritu & veritate, *Eph. 5. Psalm 49. 3.* Sine intermissione, in toto vitæ nostræ decursu, *Psal. 34. v. 104. 146. 4.* Cum admiratione; *Psal. 36. v. 92. 104. 5.* Cum gaudio & suavi cordis affectione. 6. Non solum corde & ore, sed, ubi fieri potest, etiam instrumentis Musicis, *Psal. 71. v. 22. 7.* In omnibus vocationis nostræ laboribus, ut omnia ad divini nominis gloriam directa sint. Mandatum illius habetur *Deut. 8. v. 10, 11. Eph. 5. v. 20. 1. Thess. 5. v. 18.* Promissio; Nihil enim tam gratum Deo, ut anima grata, & gratias agens: ideò nihil aliud à nobis exigit, quàm habere gratias pro his, quæ nobis facta sunt, ut pro illa ipsa gratiarum actione ad ampliora danda provocetur. Chrysost. Invitat ad magna, qui gratanter suscipit modica, & spem de futuris recipit, qui trans-  
acta

acta beneficia recognoscit, Cassiod. in Psalm. Hæc enim gratitudi-  
 nementis & linguæ, Deus summè delectatur. *Psalm. 50. v. 14. Psal.*  
*60. v. 31. Psal. 92. v. 2. Psalm. 116. v. 17. Psalm. 147. v. 1. Syr. 3.*  
*v. 1. Ephes. 1. v. 6. Hebr. 13. v. 15.* denique Exempla Piorum,  
 Davidis *Psalm. 103. v. 1, 2, 3. Psalm. 116. v.* Salomonis, *1. Reg. 8.*  
*v. 56. Esaia. Esa. 12. 1. &c.* Dividitur hæc in Publicam & Privatam;  
 Illa est, quæ in publico peragitur Cœtu vel Loco, de qua David  
*Psalm. 111. v. 1. 2 Psalm. 149. v. 1, 2.* Hæc verò, quæ domi pera-  
 gitur, sive in loco privato, de qua David *Pf. 149. v. 5, 6.*

## XXII.

*Septimò, Votorum Oblatio*, quæ requirunt primò Materiam pos-  
 sibilem; frustra enim vovetur, quod non est in potestate nostra;  
 inde etiam Votum filix in domo Patris, nî accesserit Consensus Su-  
 perioris, non censetur ratum *Num. 30. v. 3. & 3.* quæque vel cultum  
 directè vel per adminiculi spectant: Prioris Exemplum  
 habemus in Jacobo *Gen. 28. v. 21*, posterioris *Jobi 31. v. 1. & seq.*  
 & Davidis *Psalm. 132. v. 3. & 5.* Nuncupanda autem sunt illa vel  
 communiter, ut sit in Baptismo; vel specialiter, occasione vel mali  
 avertendi, de quo *Gen. 28. v. 20. Jon. 1. v. 16.* vel boni obtinendi,  
 de quo *1. Sam. 1. v. 11.* vel boni obtenti aut mali depulsi intuitu,  
 ex Gratitude *Psalm. 116. v. 8.*

## XXII.

*Octavò, Juramentum*, quod describitur per *religiosam & necessa-*  
*riam rerum maximè dubiarum Confirmationem*, quâ Deum invocamus,  
 ut testis Veritatis ac Vindex mendacii esse velit. Confirmatio dicitur  
 ex *Ebr. 6. v. 6.* religiosa ex *Esa. 29. v. 18.* necessaria ex hoc ipso  
 præcepto: Non duces Nomen Domini Dei tui in vanum; & Ver-  
 bis Christi: *Matth. 5. v. 34. & 37.* Distinguitur in Juramentum  
 Assertorium, quo rei Veritas præsentis aut præteritæ confirmatur  
 simpliciter; & promissorium de re aliqua futura, quod & vim ha-  
 bet assertorii, de præsentis sc. Consilio & Proposito, atque vim ob-  
 ligationis ex pollicitatione in futurum: Habet autem utrumque  
 tale Objectum, talem Materiam, quæ possibilis, cum ad impossibile,  
 juxta illud Vulgatum, nemo obligetur; & justum, quod enim in-  
 justum est, illud ut voveri, ita nec juramento subterni vel confir-  
 mari debet. Jurandum etiam per Dei Nomen, secundum dicta

Deut. 1.

*Deut. 1. v. 13. cap. 10. v. 10. Jos. 23. 7. Esa. 65. v. 51.* Non verò per Creaturas aut Deastrorum fictitiorum & idolorum nomina, quò faciunt loca *Exod. 23. v. 13. Osee 4. v. 15.* Firmatur autem Illus juramentorum positis ponendis in Theologis nostris (1.) ex mandato divino *Exod. 22. v. 10, 11. Deut. 6. v. 13. cap. 10. v. 20. Esa. 19. v. 18. cap. 65. v. 16. Ebr. 6. v. 13.* (2.) Exemplo Dei, *Gen. 22. v. 16. 17. cap. 23. v. 3. Deut. 31. v. 20. Esa. 14. v. 24. cap. 45. v. 22. &c. Christi. Job. 14. v. 12. Angelorum. Dan. 12. v. 7. Apoc. 10. v. 5. 6. & Hominum Abrahami. Gen. 14. v. 22. 23. Josephi Gen. 47. v. 31. Davidis 2. Sam. 3. v. 35. Petri. Matth. 26. v. 72. 74. Pauli Rom. 1. v. 8.* Et tandem (3.) ex Natura & Fine juramenti, qui bonus est & voluntati Dei consentaneus; pertinet enim. 1. ad confirmationem fidei & veritatem. 2. Ad Celebrationem & Illustrationem Nominis Dei. 3. ad proximi periclitantis salutem. 4. ad decisionem litium & controversiarum. *Psal. 110. v. 4. Jer. 44. v. 26. Amos. 4. v. 2. Gen. 14. v. 22, 23. Philip. 1. v. 8. & seq. Gen. 24. v. 2. Jud. 15. v. 12. Gen. 21. v. 23, 1. Sam. 20. v. 3. Hebr. 6. v. 16. Ex. 22. v. 11.*

## CAPUT II.

## E R R O R E S.

## Th. I.

**D**Evii à Regula etiam hac inveniuntur inter Christianos, imò adversi 1. Pontificii; Statuunt enim primò, Blasphemiam in Deum & Divos non differre specie, quia utraque contraria religioni: Amplectuntur hanc sententiam Cajetanus, Valentia, Ledesma, Sanchez, Azorius. *Secundò*, Præter fraternam correctionem, jure naturali requisitam, non debere illum, qui audit Blasphemiam, reprehendere, quia consuetudine Decretum illud sub Leone X. *Sessione 9. in Concilio Lateranensi* abrogatum; ita statuunt, Azorius, Sanchetz, Castropalao, Bonacina, & alii. *Tertiò* Blasphemia non est juramentum falsum vel injustum, quia sic jurans non æstimat Deum posse testem esse Falsitatis, aut Injustitiæ Asscuratorem. ita Sanchez. *lib. 2. cap. 32. num. 33.*

II. Circa

## II.

Circa juramentum *primò* Pontificii confinxerunt usum licitum reservationum mentalium in humanis conversationibus, juramento etiam firmatis vel firmandis: inter articulos exhibitos Facultati Theologicæ Lovaniensi, hic quoque fuit ordine quintus: Licetum est tam in judicio, quàm extra judicium jurare cum restrictione mentali, non habito respectu ad intentionem ejus, qui fecit juramentum. *Secundò* articulus decimus nonus ita se habuit: Qui mediante commendatioe vel munere ad Magistratum, vel officium publicum promotus est, poterit cum restrictione mentali præstare juramentum, quod de Mandato Regis vel similibus exigi solet, non habito respectu ad intentionem exigentis, quia non tenetur fateri crimen occultum. *Tertio* articulus decimus, ita fuit conceptus: si quis vel solus, vel coram aliis, sive interrogatus, sive propria sponte, sive recreationis gratia, sive quocunque alio fine juret, se non fecisse aliquid, quod revera fecit, intelligendo intra se aliquid aliud, quod non fecit, vel alium diem ab eo, in quo fecit, vel quodvis aliud addititium verum, revera non mentitur, nec est perjurus. *Quartò* statuunt, quod qui habeat jurandi consuetudinem, sed non mentiendi, non sit in statu peccati, lethalis, etiamsi non conetur ejusmodi consuetudinem evellere, quòd talis consuetudo non sit magis prava, quàm sint ipsi actus jurandi: habitus enim suam desumere malitiam ab actibus, sed actus non esse mortaliter malos, cum non sint perjurya. Sic Valentia, Reginaidus, Sanchez, Filliucius. *Quintò* dicunt, Pontificem in omni juramento, posse ex causa rationabili dispensare, cessante tertix personæ damno: ita Toletus, Aragonius, & alii. *Sexto* Episcopus ex causa cum sibi subditis non solum potest declarare, quando dubium subest, an aliquid sub juramento promissum sit debita Voti materia, sed etiam dispensare in omnibus juramentis, quæ si essent vota, posset in illis dispensare, quia juramenti vinculum minus est, quàm vinculum Voti. Ita Thomas, Sayrus, Filliucius, Bonacina; imò extendunt ad Regulares exemptos ab ordinario, Confessores ordinis mendicantium, & Confessores regulares, qui ordinum mendicantium privilegiis & indulgentia Innocentii Octavi & Eugenii Quarti fruuntur. *Septimò* jurare fal-

Pars Specialis

Aaa

sum

sum sine animo jurandi non est peccatum lethale, quia non intendit Deum in testem advocare, sed simulare, definiente Lessio. *Octavò* jurare verum sine intentione jurandi, non est lethale peccatum, quia neque Deo fit gravis irreverentia, neque homini gravis injuria, secundum Lessium, Sanchezium, Bonacinam & Castropalaum. *Nonò* non est mortale, juramentum petere ab Ethnico, qui per falsos Deos est juraturus, quia plures gravissimi Doctores sentiunt, solùm esse culpam venialem: ita Sanchez. *lib. 3. cap. 8. v. 23.* *Decimò* ex juramento facto Decuriones, vulgò Regi doret jurados, non tenentur peccata publica sub mortali inquirere, quia juramentum illud prospiciens bono communi Reipublicæ, intelligendum de bono temporario, ita Palaus, Azevedo in *Curia Pisana. lib. 2. cap. 3. n. 1.* *Undecimò* ex vi juramenti non tenentur Decuriones, (seu Regidores vein riqua tros Jurados) Auditores Regii &c. Sub mortali servare secretum earum rerum, quæ in Consistorio, aut Aula tractantur, quia secretorū levis momenti revelatio nullatenus gravem culpam inducit, nec Reipublicæ aut Curix grave infert damnum, nec juramenti religionem graviter offendit, secundum Sanchezium & Castropalaum. *Duodecimò*, Procuratores, Scribæ, alique officiales Curix, non tenentur servare juramentum emissum de servanda Taxa à Rege sibi præscripta, vulgò el Arancel, quia censendi sunt se non voluisse obligare illi, nec potuerunt obligari, ut volunt Sanchez & Capropalaus.

## III.

De Voto hæc ab illis propugnantur; *Primò* de Præceptis, non posse esse votum, quia votum quis assumat ad firmandam suam voluntatem, illamque obligandam operis promissi executione. Ita sentiunt Durandus, Antoninus, Sylvester, Tabiena, & alii. *Secundò* votum in matrimonio contrahendo, quando quis se experitur aded ad carnis piacula proclivem, ut vix se possit continere, non est validum, quia, scil. posita adhuc illa facilitate & peccandi consuetudine votum de matrimonio impedit majus bonū formaliter, vitam sc. cœlibem & religionis statum. Defendunt hanc sententiam Sotus, Aragonius & alii quam plurimi. *Tertiò* patrem & matrem non posse post pubertatem irritare vota filii ante pubertatem emissæ, nec ip pubertate confirmata seu approbata, quia licet emissæ



emissa fuerint sub tacita conditione; si parenti placuerint tamen, hæc conditio intelligenda, cum addito, si parenti placuerint, dum personam filii gubernat. Ita Sotus, Aragonius, Alcazar, Rosella, Sanchez. *Quartò* non posse votum castitatis emissum ab uxore absque viri consensu ab illo irritari, quia illud votum continere potuerit obligationem abstinendi à debito, solutione & redditione, venerisque delectationibus, qua parte ergò continet abstinentiam à debiti venerisque delectationibus, firmum est & inevitabile, secundum Suarezium, Palaum & alios. Adde Abusum Nominum divinatorum ad Papam translatorum, Evangelii Adhibitionem superstiosam, Benedictiones super creaturas, speciales ad effectus supernaturales exorcismos, Bibliorum vilipendium & contemptum.

## IV.

At hæc non consonant menti divinæ, non conveniunt mandato præsentis. Nam *primò* si Blasphemia in Deum & Divos non differt specie, 1. Divi gaudebunt eadem cultus specie qua Deus, adeoque decantata distinctio inter Latriam & Duliam, effugium illud commune & Jesuiticæ Sophistices latibulum concidet. 2. Quomodo æquari potest irreverentia adversus divos illi, quæ est adversus Deum, qui summum Numen, qui solus adorandus, cui soli serviendum, *Matth. 4*? 3. Ipsi Pontificii abhorrent ab hac distinctione, ut videre est apud Suarezium, Lessium, Castropalaum & alios. *Secundò* quare audiens blasphemantem, non debeat reprehendere illum? cum tamen 1. unumquemque pius zelus deceat, unicuique gloria Nominis cordi esse debeat, salus proximi & totius communitalis curæ. 2. Ipse Pontifex Leo X. Quicumque blasphemantem audiverint, cum graviter verbis objurgare tenentur, si citra periculum suum id fieri contingat. definivit *Sessio 9*. Et quanquam illa objurgatione non corrigendus sit quandoq; blasphemans, officio suo tamen non deesse debet Christianus, quemadmodum Pastor, etsi non semper fructum consequatur concionum, desistere ab illis non debet atque cessare. 3. Ipsi Pontificii in contraria sunt sententia. Lessius, Ledesma, Lopez, Navarrus, alii. *Tertiò*, blasphemum non esse juramentum falsum vel injustum dicere est 1. asserere illum, qui Deum testem & confirmatorem falsi efficit & Deum proponit assecuratorem injustitiæ, non blasphemare. 2. Quomodo juramentum

falsum & injustum non potest non esse blasphemum, cum, quamvis forsan in foro exteriori non puniatur ut blasphemus, summe tamen conspurcet Majestatem divinam? 3. Ipse Castropalaus hic hæret, atque pro nostra stat, opposita scil. sententia, quanquam nolit decidere.

## V.

*Secundò* quæ de juramentis produntur, digna sunt tenebris æternis; Nam *primò* usus reservationum mentalium est contra Deum opificem hominis, contra linguæ officium, contra societatis humanæ Regulas, & si accedat juramentum, summa profanatio Majestatis divinæ. *Secundò* juramentum posse præstare illius, qui mediante commendatione ad officium publicum promotus est, non habito respectu ad intentionem exigentis, impiè dicitur, cum hoc nil aliud sit, quàm juramento ut astragalus uti, Dei nomen conculcare, exigentem ludere. *Tertiò*, si non perjurus est aut mentitur quæsitus de aliqua re, quam fecit, dicendo, non feci, nullus erit perjurus, poteruntq; homines semper aliquid in recessu volvere contrariū exteriori sermoni, imò omnis exactio juramenti satius omittetur quàm adhibebitur, utpote quod stante hac hypothese non erit finis controversiarum, contra illud Pauli. *Ep. 6. vers. 16.* Indignabundus hanc impietatem graviter retundit Sinnichius, argumentis solidissimis usus, & ut ipse loquitur peremptoriis pag. 415, 416. 417. *Quartò* illud de jurandi consuetudine à pia mente admitti nequit; Nam 1. qui habet jurandi consuetudinem, ille habet peccandi consuetudinem, habet consuetudinem nomen Domini profanandi, & consequenter, non potest non esse in Statu peccati lethalis 2. falsum supponitur, consuetudinem jurandi, ut sumitur pro habitu inclinante ad actus, similes illis, quibus fuit productus, per se non esse peccatum lethale, quasi peccatum non consistat in habitu, quid enim fiet de originali peccato? & annon illa consuetudo, ille habitus est *avouia*, difformitas legalis? anne actus, ex quibus hic habitus, non sunt mortaliter mali, quia non perjuria? num abusus Nominis divini, si absit perjurium, non est peccatum lethale? 3. Agnoscunt ipsi Pontificii Confessionarium pœnitentem monere debere, ut negligentiam excutiat in extirpanda hac pravâ consuetudine, fateatur:

tur: videantur Laymannus, Diana Caspensis, Suarezius. *Quintum* pronuntiatum nititur omnipotentia Pontificis, tribuit homini in causa Dei, quod non tribuendum, & ab ipsis cordatioribus Pontificiis repudiatur. *Sexto*, Episcopos, Prælatos, Regulares & Confessores ordinis mendicantium dispensare posse in juramentis, falsò asseritur, atq; iisdem rationibus expugnatur, ipsis etiam Pontificiis moderationem quandam adhibentibus Thomà, Cajetano, Sanchezio, Valentia & cæteris. *Septimò*, Jurare falsum sine animo jurandi est abusus nominis divini, profanatio majestatis summæ, & consequenter lethale & grande peccatum; præterea quomodo Deus hic potest advocari in testem? unde etiam hoc assertum sordet ipsis Pontificiis, videatur Castropalaus *tom. 3. tract. 14. disp. 1. part. 8. n. 5.* *Octavò*, lethale utique est, jurare, verùm sine intentione jurandi, cum in re maximi momenti non adhibere debitam intentionem, grave peccatum sit, cum insuper id juramentum sit perniciosum in ordine ad Deum, cujus divino testimonio per illud illuditur, dum scilicet actu externè illud invocatur, internè autem ejus invocationi dissentitur, nec non toti humano generi tollens juramento externo finem, qui est, verè adhiberi in veritatis confirmationem, quapropter contra hanc stant sententiam ex ipsis Pontificiis Cajetanus, Armilla & Covarruvias. *Nonò* juramentum petere ab Ethnico, qui per falsos Deos est juraturus, extra casum necessitatis, probari utique nequit, nam juramentum etiam per verum Deum non nisi urgente necessitate est exigendum, propterea tale juramentum est peccatum, latria, quæ deferitur non vero Deo, sed creaturæ præ illo, quo modo itaque exigi potest à nobis, qui obstricti sumus cavere peccatum proximi? inde etiam hæc assertio displicet Castropalao. *Tom. 3. tract. 14. d. 1. p. 10. n. 7.* *Decimò* ex juramento facto Decuriones utique tenentur peccata publica sub mortali inquirere, quia juramentum emittunt, velle se prospicere bono communi Reipubl., & munus suum fideliter obire, quia res ipsa & objectum hujus juramenti est honestum, nempe inquirere, num sint publici concubinarij, an mensæ ad ludum expositæ adsint, num sint mulieres medicatrices maleficæ, num vigeant, rixæ, jurgia, odia, malum quippe ex Israel tollendum, cui subservire tenentur vi Juramenti, & huc inclinant Petrus, Navarrus, Marcel. *tom. 2. Summa. cap. 28.* Un-

*decimò* ex vi juramenti tenentur Decuriones quoque servare secretum, juramentum enim tale est licitum & validum, quod si non attendit jurans, perjurii se reum facit; præterea falso inniuntur supposito, qui hic laxant, putant enim ex pravitae malitiæ esse æstimandum veniale peccatum, unde si sit in re modica non esse lethale peccatum; præterea contrarium illis definit Antoninus & Navarrus, *Sum. cap. 12. n. 23. Duodecimò* juramentum de servanda Taxa, sive Arancel, tenentur Procuratores, Scribæ, & alii officiales servare, quia est de re honesta & licita, quia vanum est, quod prætexunt, pretia rerum post taxam notabiliter excrevisse: nam ut non dicam, juramentum etiam, posita aliqua conditione difficili, circa taxam esse adhuc servandum, si urgeret necessitas, non violandum juramentum, sed adeundus Rex, ut Taxam ampliaret, atque ita etiam sentiunt quidam Doctores Hispani, quos consuluit moralium Problematum compilator.

## VI.

De Voto quæ asseruntur, ab Orthodoxis nunquam conceduntur. Nam *primò* votum quoque esse potest de rebus præceptis, ut probat *votum Jacobi* dicentis: *Erit mihi Jebova in Deum. Gen. 28. v. 20.* Et votum Baptismi, quod dicit professionem publicam Renunciationis & Adhæssionis: *illius* quidem respectu Diaboli, seculi & pompæ illius; *hujus* verò respectu Christi, cui baptizatus inseritur. Probat *natura præcepti* ex sententia quoque adversariorum, qui dicunt, illud non necessitare voluntatem; & tandem *Testimonium* quoque Pontificiorum, Valentiz, Navarri, Azorii, Sanchezii, Laymanni, Lessii. *Secundò* votum in Matrimonio contrahendo, quando quis uritur, est votum *contra Regulam Pauli, 1. Cor. 7.* pronunciantis: *Satius est nubere, quàm uri;* est *contra rectam rationem*, quæ suadet oppositum; est *contra ipsos socios Religionis*, Cajetanum, Sanchezium, Bellarminum, Navarrum, Toletum & alios. *Tertiò* Patrem & Matrem non posse irritare vota filii ante emancipationem vel pubertatem emissa, adversatur *Legi divinæ Num. 30. v. 5.* adversatur *potesati patriæ*, adversatur denique *ipsis Pontificiis* quibusdam, Cajetano, Valentiz, Snarezio, & aliis. *Quartò* votum castitatis emissum ab uxore, absque viri consensu, irritari non posse, est dicere contrarium legi divinæ. *Num. 30. v. 9.* est dicere repugnans subjectioni

ni

ni uxoris & fini conjugii, est denique dicere displicens ipsis Doctolibus Pontificiis, præprimis Sanchezio. *lib. 9. de matrimonio. disp. 3. n. 7. disp. 37. n. 4.*

## VII.

Nec Calviniani hic immunes sunt à culpâ; peccant enim contra hoc præceptum, verbum divinum suâ vi & efficacîâ divinâ privando, ut videre est apud Christianum Massonium. *part. 2. Ant. cap. 19.* imò ipsam confessionem Helveticam. *p. 7. Secundò*, Sacramenta pariter virtute sua & re cœlesti destituendo, atq; in Signa mera commutando, ut Sebastianus Curtius in *dissertatione sua theol. s. 9. p. 10.* Cronius in *Anti-becano. Tertio*, verbum divinum in sensus alienos detorquendo. Demonstravit luculenter B. noster Hunnius, quomodo Calvinus Oracula Mosis enervare & obliquare studuerit, graviter propterea monens in Scriptis suis: *Quartò* Deum in Scripturis loquentem simulationis arguendo. Docent enim, Deum quidem vocare in Scripturâ verbis, non animo verò, omnes ad se, voluntate signi, non beneplaciti. Piscator *part. 2da. disp. pag. 243. 175.* Beza *resp. 2. ad Colloq. Momp. 174.* *Quintò*, Scripturæ dictis detrahendo, ita Beza in plerisque locis N. T. ubi vocabulum *πᾶν* sive omnis occurrit, illius loco *quîvis* supposuit, ut particularitati posset eò felicius patrocinari, videantur loca *Act. 2. v. 17. Rom. 10. v. 4. & 12. Rom. 1. v. 16. 1. Tim. 2. v. 1. Coloss. 1. v. 28.* addendo verò peccavit Calvinus & sequaces, inferendo textui Paulino. *1. Cor. 10. v. 3.* particulam *nobiscum*: ita Anno 91. Francofurti impressa sunt Biblia operâ Calvinianorum, in quibus *1. Pet. 2. v. 8.* Græca verba *ἐκ τοῦ ἐνδύου* versa, in quod etiam conditi sunt. *Sextò* soloecismos & Barbarismos intra castæ virginis gremium admittendo, ita Beza in N. T. *pag. 317.* scribit Lucam *cap. 20. vers. 22.* commisisse soloecismum: Ita Vorstius *pag. 2. Antipis. s. 4.* Piscator in analysi hujus loci. Goclenius *lib. 5. problematum Grammaticorum. pr. p. 226.* in verbis institutionis baptismi vult esse soloecismum *Matth. 28. v. 19.* ut & *Apoc. 7. 6. Proverb. 23.*

## VIII.

Photinianos si audiamus, præceptum hoc Christus in N. T. perfecit. Unde Catechismus Rakoviensis *p. 364.* Quæst. Quid huic præcepto



cepto additum sub novo fœdere? Resp. Primò non solum Deum, verùm etiam Dominum Jesum Christum in testimonium vocare possumus, cum Dominus Jesus corda & renes scrutetur *Apor. 2. v. 23.* Deinde quod nobis non solum pejerare non liceat, verùm etiam ne in veris quidem jurare, nisi longè gravissimis causis adactis, iisque, quibus Dei gloria nitatur, ad idque non temerè, verùm cum magno Dei metu & cautione summa accedendum. Quæst. Ubi ea de re scriptum est? Resp. *Matth. 5. v. 33. 34. 35. 36. 37.* Audistis dictum fuisse antiquis, non pejerabis, sed reddes altissimo vota tua, Ego verò dico vobis: Ne juretis omninò; neque per cælum, cum sit thronus Dei; neque per terram, cum sit scabellum pedum ejus: neque per Hierosolymam, cum sit urbs magni regis; neque per tuum ipsius caput, cum nec atrum nec album pilum facere queas. Sermo verò vester sit, Ita, Ita, Non, Non: Quod verò supra hæc est, à malo est. Quæst. Ergò cum Dominus jurare vetet omninò, unde probabis in gravissimis licere jurare? Resp. Ea vox omninò non eum sensum habet, ac si nullo modo jurare liceret. Est enim opposita juramenti spontaneis & è levitate proficiscentibus, qualia, modò vera essent, lex Mosaica non prohibebat, cui hæc in parte Dominus Jesus suam doctrinam opponit. Præterea legimus Apostolos jurasse, ut videre est *Rom. 1. v. 9. 2. Cor. 1. v. 23. & 11. v. 31. Phil. 1. v. 8. 1. Thessal. 2 v. 5. 10.* Quæst. Cur verò Dominus Jesus in veris ultro ac leviter jurare vetat? Resp. Ut Nomen Dei altissimi & ipsius Domini Jesu apud nos sit in summâ veneratione: deinde ne levitate jurandi pejerare consueamus. Præcipit Lex, ne nomen Domini in falsum vel vanum assumamus, perfecit eam & implevit Jesus, dum nec in rebus veris illud assumere vel invocare permittit, nisi tale quid à nobis exigit gloria Dei, & ita nomen Dei apud nos semper sit sacrosanctum & nunquam vilescat, & ne sæpe jurando pejerare etiam assueamus. Diffusus Johannes Volkelius, qui postquam præmississet paraphrasin præcepti, addit, Christum addidisse huic præcepto duo, quorum alterum expressum, alterum evidentissima ratione adjunctum esse conjiciatur. Consilia habet Smalcus in libro de Divinitate Christi.

## I X.

Sed hæc omnia extra veritatis lineam: Nam primò non tantum

tum possumus in Testimonium Dominum Jesum Christum assumere, sed etiam debemus, secundò si Jesus Corda & Renes scrutatur secundum illud *Apoc. 2. v. 23.* erit verus & æternus Deus, hoc enim nemini competit nisi Deo, ut constat ex *1. Reg. 8. v. 39.* Tertiò, falsissimum hoc additum esse præcepto secundo, neque illo argumento hoc probat Catechismi Compiler, sanè si Christus in testimonium vocari potest, ideo quia corda & renes scrutatur, & hoc tale est axioma, quod Deo soli competit, quod non in tempore accepit, etiam in V. T. potuit & debuit vocari in Testimonium, si Christus Deus est, ut nostri luculenter evicerunt, etiam illud de illo erit accipiendum, quod *Deut. 6.* legitur *v. 13.* per nomen Dei iurabis. Si Jacob iuravit per Deum Abrahami & Isaaci. *Gen. 31. v. 53.* & ille fuit Angelus ille, qui illum liberavit ab omni malo, sive Messias. *Gen. 48. v. 15. 16.* per Angelum increatum quoque juramentum fuit exhibitum in V. T. Alterum illud additum itidem non à Christo, sed maleferiato ingenio est additum. Nam primò falsum est, juramentum in rebus levioribus in V. T. non fuisse prohibitum, vana & temeraria juramenta lege non fuisse, etiam illo rerum statu, exclusa, tum quia lex generaliter loquitur, non assumes nomen Domini Dei tui in vanum, **לֹא יִשָּׁא אֶת־שֵׁם־יְהוָה אֱלֹהֶיךָ בַּוָּנָה**, & ita quoque legit Philo initio libri de specialibus legibus; verbum autem **לֹא יִשָּׁא** non tantum notare falsum, sed & vanum, constat ex plurimis locis *Mal. 3. v. 14.* dicitis vanum (inutile, ut Thargum habet) esse colere Deum, quid emolumenti, quod custodieris custodiam ejus? *Jerem. 4. v. 40.* in vanum ornabis te, contempserunt te amatores, animam tuam quærent. *Psal. 127. v. 1. 2.* Si Jehovah non ædificet domum, frustra **לֹא יִשָּׁא** laborant ædificantes; Si Jehovah non custodiat civitatem, frustra vigilat custos. Frustrà vobis est maturantibus, &c. *Psal. 89. v. 48.* Memento ergò, quid sim, quod tempus, propter quid frustra creaveris omnes filios hominum? Lutherus: Warum bist du alle Menschen umsonst geschaffen haben? *Jer. 2. v. 30.* Frustrà percussisti filios vestros, disciplinam non receperunt. *cap. 7. v. 29.* combustum sufflatorium, ab igne consumptum est, plumbum frustra conflavit conflator, & mali non sunt avulsi. *cap. 18. v. 15.* Quid oblitus est mei populus meus? frustra dolent, & impingere eos faciunt. *cap. 46. v. 11.* Ascende in Galaad, & tolle

Pars Specialis

Bbb

Bal-

Balsamum, virgo filia Misraim, frustra multiplicabis medicamina, sanitas non erit tibi. *Esa. 1. v. 13.* Ne addatis offerre sacrificium **וַיִּזְנוּ** vanum, irritum, &c. Et qui Concordantias Hebraicas consullet, deprehendet hoc vocabulum ferè omnibus locis aut vanum, aut vanum & falsum simul denotare: Sicut & de duobus istis citatis locis non probant Ostorodius & Smalcus, tantum falsum seu mendax testimonium significare, cum nec vanum, nec falsum testimonium de proximo sit vel dicendum, vel recipiendum. Adde testimonium AbenEsræ scribentis: Sunt hic multi, qui putant, non magnam esse transgressionem, si quis nomen Dei in vanum acceperit. At ego ostendam eis, quod est major & gravior omnibus sequentibus excessibus. Nam qui est occisor aut adulter, quæ quidem magnæ sunt transgressiones, non potest omni tempore occidere aut moechari: est enim in timore **יְיָ פֶחֶד**. Qui autem seipsum assuefecit ad vanas dejectiones, committit uno die innumera juramenta, & usque adeò venit in consuetudinem hujus transgressionis, ut non advertat, cum jurat. Et si tu eum corripueris, quare nunc sic jurasti? tunc jurat, quod non juraverit, idque præ nimia consuetudine jurandi. Nam tales, antequam aliquod proferant verbum, præmittunt juramentum, elegantiam putantes esse sermonis, sic dejerare. Tum quia fideles V. T. tenebantur Deum diligere ex toto corde, ex tota anima, ex tota fortitudine sua, quomodo autem cum hoc amore & affectu possunt consistere juramenta vana & temeraria? & annon illa ratio, quam ipsi Photiniani afferunt, quod leviter jurare non liceat, ut scil. nomen Dei altissimi apud nos sit in summa veneratione, & ne levitate jurandi pejerare consuecamus, æquè convenit temporibus V. T. ac Novi, tum, quia procul dubio levitas jurandi etiam peccatum fuit in V. T. & consequenter contra legem, ni velimus admittere abusum Nominis non esse ex malo; custodia oris præcepta simpliciter, quantò magis circa Nominis Divini Majestatem. *Psal. 34. v. 14?* ita præceptum secundum expositum, ut facilè etiam qualiscunque abusus intelligatur esse prohibitus. *Syracidis 23. v. 10.* Locus autem ex Matthæo adductus non facit pro illis; nam primò supponitur in verbis illis dici, perjurium tantum fuisse prohibitum à Mose, contrarium patet ex *Levit. 19. v. 12.* Secundò, quando Christus dixit, ne juretis omninò, illa verba non oppo-

opposuit effato alicui Mosaico, sed Phariseorum perversioni & consuetudini pravæ, qui levi de causa juramenta permittebant. Tertio vox ὅλως; live omninò si prematur, ipsis Apostolis juramento utentibus erit adversa; voluit itaque Christus ita saltem hoc indicare, omninò non jurandum esse, scil. quantum in nobis est; ut exponit ipse Augustinus.

## X.

Non meliora sunt, quæ Volkelius adducit: Redarguere potest Judæus hunc hominem, qui vult videri & dici Christianus. Pro nobis enim Philo clarè ad tertium hoc præceptum. Photinianis faventissimus Grotius, qui consulendus ad verba *Matth. 5*. Videatur denique ipse Socinus, qui de Ebrææ vocis notatione pro nobis philosophatur. Quæ addit de voluntariis juramentis, ambigüe sunt dicta, aut n. illa æquipollent temerariis, & sic omninò Christus illis interdixit, aut ut dicunt actum voluntarium, cujus principium non tantum est intellectus sed & voluntas, positus ponendis, atque ita falsò dicitur, Christum talia prohibuisse, cum ipsemet Volkelius negare non possit, etiam voluntaria posse locum habere in N. T. Secundò, si voluntaria juramenta de futuris rebus & impedibilibus intelligantur, ut ipse quidem exponit, falsum est, talia à Christo esse expuncta; futuri enim contingentia & impedibilitas ut non prohibet stipulationes, promissiones, sponsones, vota, ita nec juramenti religionem; nec talia effunduntur ita laxè, ut nullam conditionem tacitam includant, adhærere solitam etiam aliis humanis propositis, consiliis & actionibus, de quo *Jacobi 4. v. 15*. nempe: *Εάν ὁ Κύριος θέλησῃ, καὶ ζήσωμεν, καὶ ποιήσωμεν τὸ πρὸς ἑαυτοὺς*; neque eventum præstare absolutè intendit jurans, sed animum declarare de præsentī, & si non impedimentum ponatur, pronum in promissionis juratæ adimpletionem; Tertio, quæ putat confirmare suam sententiam, non faciunt pro illa. Nam quomodo vox omninò accipienda sit, superius est expositum, ipse verò propria vineta credit; nam si hæc verba *neque per cælum, neque per terram* explicant per vocem omninò, non tam juramenta voluntaria censenda erunt prohibita à Christo, quam modus & forma, quæ vitiosa, neque quando Christus dicit, *sermo vester sit Est est, Non non*, submovet juramenta judicialia vel alia, quæ cū gloria divi-

na & æstimonio Nominis sancti consistere possunt, sed illa, quæ cottidiano sermone inferuntur, promiscuè & citra causam effunduntur, cum injuria in Deum, vilipendio Numinis. Cætera suprâ sunt excussa.

## XI.

Iniqui sunt præ aliis in juramenta Anabaptistæ. de jurejurando enim sic docent: Christianorum sermones debere esse Etiam, Etiam. Johannes Wigandus Episcopus Ponezaniensis refert, illos in subsidium causæ suæ vocasse B. Hufsum, qui tamen locutus fuit de illicitis juramentis, quæ impœnitentibus mortem adferunt, ac malisset supplicium perpeti, quàm falsò jurare. Nec dissimulandum etiam de tempore V. T. ita illos pronuntiare; De tempore verò N. Test. quid sentiant, suprâ ex Bullingero audivimus. Sed *primum* in V. T. non tantum permissum fuit juramentum, sed positis ponendis præceptum, ut docet locus *Exod. 22. v. 10. 11.* *Secundò*, falsum, juramentum non fuisse opus Spiritus; fuit enim latria & lex in V. T. quæ exigebat illud, erat spiritualis æquè ac in Novo. *Rom. 7. v. 14.* *Tertiò* non tenebatur tantum Jure humano & divino juramentum suum præstare, qui juraverat, vi loci. *Deut. 6.* sed & jurare debebat. Alterum, quod Anabaptistæ asserunt, nempe perjurium tantum in V. T. fuisse prohibitum, in Photinianis profligavimus, & perstringit illud non absque fundamento unus & alter Theologus. *5. 6.* Tertium in N. T. non facit pro Anabaptistis, nam ad locum Matth. respond. Bullinger *pag. citata.* Wigandus *disso loco.* ad locum verò Jacobi Brochmandus in *Commentario.*

## XII.

Exemplis verò possunt reprimi sat validè Anabaptistæ: Pauli, qui juramento usus fuit *Rom. 9. v. 1.* ἀληθείαν λέγω ἐς Χεῖρ, ὃ ψεύδομαι, συμμαρτυροῦσιν μοι τῆς συνειδήσεώς μου ἐν πνεύματι ἀγίῳ: adde loca *2. Cor. 1. v. 13.* *Rom. 1. v. 9.* & *Philip. 1. v. 8.* imò aperte docuit hic Apostolus, juramentum finem imponere controversiis. *Ebr. 6. v. 16.* nec obstat, quod Menno opponit, distinguenda esse negotia temporalia, quæ carnem & sanguinem, pecunias aut possessiones spectant, & negotium confirmandæ veritatis ad Dei gloriam & salutem ac ædificationem proximi. Præterea Paulum loqui *Ebr. 6.*  
ita



ita ut addat, inter homines, i. e. inter illos, qui adhuc carnales sunt, unde firmum maneat, credentibus discipulis Christi præceptum esse, ne jurent, illos solos hac lege contineri, quo etiam collineet Jacobus præcipiens fratribus, at non mundo, ne jurent omnino. Nam *primò*, si juramentum in se habeat aliquid vitii & prohibiti, ex objecto vix poterit eò deduci, ut fiat legitimum Deoque placens & honestum; *secundò* ita probantur juramenta, cùm & nos extra negotium confirmandæ veritatis ad Dei gloriam & salutem ac ædificationem proximi jurare non permittamus, potest autem juramentum deponi etiam circa possessiones & pecunias, quod ad ædificationem proximi spectat. *Tertiò* distinctionem hanc elidit praxis Anabaptistarum, qui illud *omnino ne juretis* ingeminant, & juramentum simpliciter prohibitu: esse volunt, Secundò dictum Paulinum *Ebr. 6. v. 16.* absolutè accipiendum est: loquitur enim Apostolus de juramento ejusque effectu, præscindendo à qualitate hominũ & comparando effectum cum causa sua simpliciter. Deinde dicit Paulus, homines jurant per eum, qui major, qui fallere & falli non potest; adeoque probat juramentum tanquam recognitionem superioris, tanquam cultum illius, qui falli vel fallere non possit, comparat cum juramento, quod ipse Abrahamo prodidit, loquitur de eo, quod optimi finis meta atque radix. *Tertiò* illud *inter homines* est ex additione voluntaria Anabaptistica, nihil enim in textu illius legitur, sed verba ita habent: *ἀνθρώποι μὴ γὰρ κατὰ τὸ μέζον ὁμνύουσιν, καὶ πάσης αὐτοῖς ἀντιλογίας πύρας εἰς βεβαιοσιν ὁ ὅρκος.* Et, si Christi Discipulis tantum interdictum jurare, tunc illi, qui extra Ecclesiam sunt, jurando non peccabunt, adeoque impiis non erit peccatum, quod piis prohibitum, cùm Paulus dicat: *Mundis omnia esse munda; immundis verò & injustis omnia esse immunda.*

*Tit. 1. v. 15.*

## CAPUT I. PRÆCEPTI TERTII.

### *Verba Textus.*

זכור את יום השבת לקדשו:  
ששת ימים תעבוד ועשית  
כל מלאכתך: ויום השביעי  
שבת לי הוה אל היד לא תעשה  
כל מלאכת אתה ובנך ובתך  
עבדך ואמתך ובהמתך וגר  
אשר בשעריך: כי ששת ימים  
עשה יהוה את השמים  
ואת הארץ את הים ואת כל  
אשר בהם וינח ביום השביעי  
על כן ברה יהוה את יום  
השבת ויקדשו:

*Memento, ut diem Sabbathi  
sanctifices. Sex diebus opera-  
beris, & facies omnia opera tua;  
Septimo autem die Sabbathum  
Domini Dei tui est: Non facies  
omne opus, tu & filius tuus &  
filia tua, servus tuus & ancilla,  
& jumentum tuum & advena  
tuus, qui in portis tuis. Quia  
sex diebus fecit Jehovah Cælum  
& Terram, Mare & omnia, que  
in illis, & requievit in die se-  
ptimo: idcirco benedixit Jeho-  
vah diæ Sabbathi, & sanctifi-  
cavit eum.*

### THESIS I.

**T**ertium est hoc in Tabula prima præceptum, con-  
venienter duobus prioribus junctum; nam primò, sicut in  
prioribus remota sunt illa, quæ divino cultui obstant, quæ  
prohibent, nè debitè & decenter exhibeatur; ita à remotione eo-  
rum procedit Legislator ad exercitium, quod citra illam non po-  
tuit locum habere in populo electo. Quo respexit *Nicolaus Ly-  
ra*, qui ita orditur hoc mandatum: Postquam removet impedi-  
menta cultus divini, sc. idololatriam, per primum præceptum, vel  
irreverentiam divini nominis per secundum, hic principaliter  
dat præceptum de cultu debito ipsi exhibendo. Et ponitur  
ordo, quare prius sunt removenda impedimenta alicujus rei  
instituti-

instituendæ, antequam instituat. *Secundò*, cum positivè constituisset in primo præcepto Objectum indivisibile cultus, in secundo Modum per nominis celebrationem, nunc ad Tempus progreditur Deus, & nè populus illius sibi ipsi præfigeret nunc hoc nunc illud, etiam diem certam determinat, in quo externi quoque ritus refulgeant; quò quidem referimus, quicquid sit de dispositione Calvinianâ illa *Wolffgangi Musculi* scribentis: Quantum hoc est & ultimum prioris tabulæ præceptum, tribus præcedentibus admodum competenti ratione subiectum. Omnis hæc est veræ pietatis ac religionis summa, ut Dominum Deum nostrum, Diis falsis omnibus rejectis, religiosissimo fidei, timoris & observantiæ affectu; absque illa imaginum & simulachrorum superstitione, ritè ac sincerè colamus. Huc faciunt tria præcedentia præcepta, per modum prohibendi sic proposita, ut cum dicit: Ego sum Dominus Deus tuus: Non habebis Deos alienos coram me: Non facies tibi sculptile neque ullam imaginem &c. Non adorabis neque coles ea: &, non sume nomen Domini tui vanè &c. Nihil præcipit aliud, quàm ut Dominum Deum nostrum unicè, sine gentili superstitione, cum debita nominis ipsius existimatione & sanctificatione colamus. Jam quoniam veracitas & interna erga Deum pietas, fides, religio, observantia, est cultura omnium spiritualissima, qua Deus & Spiritu & veritate colitur & adoratur, opus habet externo aliquo, non dico cultu, sed exercitio, quo animi nostri ad illius cum intelligentiam tum affectum, aspirante gratia & operatione divini spiritus, instruuntur & imbuuntur usu simulacrorum rejecto, quo gentes suorum deorum religionem & cultum exercebant, populo suo instituit ac præscribit certum quoddam tempus, formandæ & alendæ pietati accommo dum, diem videlicet septimum, illumque ad hoc sanctificat, ut legitimis ceremoniis, quas ipse præscripturus erat, fidem in ipsam cordis pietatem singulis septimanis addiscerent & alerent. Denique cum hoc finiat primam Tabulam, cui altera succedit, lexque non tantum obiter cognoscenda, sed & illustranda, exponenda, inculcanda in Synagogis & publicis conventibus, ut verus sensus hauriretur, quantumque homo Deo & proximo deberet, intelligeretur, ideoque publicæ huic exergasiæ dies erat destinandus, in quo fundamentum

mentum illud primæ & secundæ Tabulæ in animis auditorum solidè & profundè poneretur; quò accommodare possumus illa Riveti, qui pro memoria intimata ita differit: Accedit, quod cùm præceptum hoc sit quasi intermedium inter alia primæ tabulæ præcepta, & secundæ; & Sabbati sanctificatio sit quasi nervus intelligentiæ ac obedientiæ cæterorum Præceptorum, quia Lex debebat legi, & exponi Sabbatho, & publico præconio verbi Dei doctrina erat cognoscenda, secundùm quam instituenda erat tota vitæ ratio in vocatione fidelium, ita ut hoc præcepto neglecto, cætera etiam excidissent; commodè ei addita est specialis hæc exhortatio, quæ cùm apud Ebræos connotet affectus, qui vel memoriam præcedunt & consequuntur & ex eis officia præstanda, nihil dici potuit ad rem aptius.

## II.

Dicit autem Deus post promulgationem capitalium præceptorum duorum: *Memento, ut diem Sabbathi sanctifices* &c. In quibus verbis occurrit præfixum *Exordium*, secundò *Substantia præcepti*, & tandem *Ratio* adjecta constringens, quæ tria ipso Deo attentionem sollicitante, probè erunt expendenda, ut constet & quid Deus, & quomodo imperet, exigat, intimet, cùm passim in hæc capita Interpretes & alii hoc effatum divinum distribuere soleant.

## III.

Primum verbum in hoc Enunciato Divino est vox *Memento* זָכוֹר in infinitivo pro זָכוֹר Zechor, recordare, unde observant Philologi non tantùm Enallagen hic occurrere Infinitivi pro Imperativo, ut *Deuter. 5. v. 12. Josue 1. v. 13. Job. 32. v. 10. Psalm. 17. v. 4.* Sed & ellepsin quandam hoc modo supplendam, *recordando recordare*, qua geminatione aliàs *Hebræi* rigorem indicent actus designati, ut sensus sit, *probè & accuratè memento*, ita ut nunquam in oblivionis nebulam se recondat, quod solis divini radio scriptum, præceptum atque injunctum, & hoc quidem in significato passim hæc vox legitur in Scripturis *Psalm. 8. v. 5. Eccles. 12. v. 1. Ierem. 3. v. 16. & alibi.*

## IV.

In *Deuteronomio* capite sc. quinto versiculo duodecimo adhibetur

betur vox שמר eadem ellipticâ loquendi ratione & enallacticâ; Dicit enim Moses: *Observa diem Sabbathi, ut sanctifices eum*, sicut præcepit tibi Dominus Deus tuus, quæ custodiam & observationem debitam indicat. Est enim שמר Schamar idem quod *servare & retinere*, adeoque vult Moyses, ut probè expendamus, retineamus summo studio & curâ hoc mandatum, nè effluat, servemus in mente, nè excidat; atque usurpatur in Scripturis de *Ducibus bellicis & militibus* in obsidione aliqua urbem adversam diligenter observantibus 2. Samuel. 11. v. 16. 2. Reg. 9. v. 14. 15. De *vigiliis* noctu omnia lustrantibus, hinc inde oculis ex alto despicientibus Cantic. 3. v. 5. Esa. 21. v. 11. De *custode ovium*, cui relinquuntur illæ curandæ 1. Sam. 17. v. 20. & absolutè notat sollicitam & indefessam observationem, quo quidem sensu invenies Job. 24. v. 15. Psalm. 130. v. 3. Jerem. 8. v. 7. atque maximè ad propositum faciunt verba Salomonis Proverb. 4. vers. 4. LXX. Interpretes in illius locum substituunt verbum φυλάττω, quod etiam de verbo divino usurpavit Lucas cap. 11. v. 28. neque subscribere possumus Rabbi Eliezeri Asquenazi, qui vocem שמר Schemor exponit per Imperativum Spera, & scribit: Quantum ad corporis exercitia Sabbathi die homo quiescat, non item anima; nam hic dies meditationibus piis dedicatus est. Ideoque respiciens ad corporis quietem S. S. inquit: Recordare, nimirum Creationem Mundi; at quia meditationibus spem concipimus æternæ lætitiæ in altero Mundo, cujus Symbolum est Sabbathum, (uti & notavit Author Maamar à Sehil) usurpatur vox שמר, quæ itidem verti potest, SPERA, ut: ואביו שמר את הדבר & Pater ejus speravit rem illam, & quia unum ab altero dependet, est ac si utrumque simul dictum esset,

## V.

Movit vocum harum diversitas *Judeis* scrupulum; cùm enim *decem verba* ab ipso Deo fuerint prolata, ideoque ipsis videtur, si usus fuit, in pronunciatione illorum verbo זכור Zachor, non potuisse adhiberi vocem שמר Schamar, vel combinanda esse hæc duo; unde Rabbi Salomon, observante Tostato, ut conciliaret hanc discrepantiam, dixit, quòd quando Deus loquebatur in Tuba, in



uno verbo dixerit duo, scilicet, quod sicut nos dicimus istas duas dictiones *homo currit* successivè, ita ut quando unam proferimus, non proferamus alteram: volebat sc. *Rabbi Salomon*, quòd in illa Tuba Dei duæ dictiones simul sonarent, ita quod simul diceretur: *Homo currit*, & sic de istis, quod simul illa Tuba diceret, *memento, ut diem Sabbathi sanctifices*, &, *observa diem Sabbathi, ut sanctifices*. Verba sunt Episcopi Abulensis.

## VI.

Verùm ut ebris vel lumine luscis omnia apparent gemina, aut distorta, ita poculo errorum dementatis Magistris, cur enim ad id decurramus, & miracula fingamus citra necessitatem? annon unicà voce usus est Dominus *Zachor*, cùm edixit *לִזְכֹּר לַיְהוָה*? annon Moses adhibuit vocem *Schamar*, quā æquivalente ex instinctu divino potuit uti? annè par ratio Effati *Homo currit* & geminatæ vocis in mandato, ut sibi persuadet cæcutiens Doctor? num æquipollente verbo non potuit exprimere Interpres, quod alio intimavit ipsum Numen? num non sufficit in Radice sensus convenientia? unde etiam ipsi Judæi declinant ab hoc crudo effato, docente Menasseh Ben-Israël in Conciliatore p. 150. cujus sunt sequentia: Veteres sapientes differentia hac observata in Mehilta inquirunt: Memores estote, & servate, uno verbo dictum est. Quod ut rectè notavit R. Abraham Aben-Ezra, non ad literam accipiendum est. Etenim, quamvis concederemus, divinum sermonem ab humano differre, atque idem præceptum aliis atque aliis verbis efferri posse; nihilominus relinqueretur difficultas ista, quòd utraque simul verba audire nequiverint. Nam necessariò primum audienda erat vox *זָכֹר* *Zachor* memorem esse, dein *שָׁמַר* *Schamar* custodire; quando in una eademque voce ipsæ literæ, & multò magis syllabæ, successivè audiuntur. Idcirco supra citatus Anthor, Rabbinicum istud Dictum emphasim habere, & majus aliquid significare, existimat, nimirum servationem à memoria pendere. Quippe ad servandum Sabbathum scire oportet, quis dies hebdomadis sit. Unde statuit, dicere veteres Magistros voluisse, Israelitas quando in monte Sinai audirent verba illa, mementote diem Sabbathi, omnes intellexisse, idèd præcipi memoriam, ut diem illum servarent: adèd ut hæc ratione unum verbum utrumque includeret:

cluserit : ac Moses pro mementote dixit servate , ad solum sensum attendens , usitato Prophetis more , qui semper mentem Scripturæ , non autem verba considerant. Nel malè Grotius obviavit huic somnio , dum scripsit : φυλάξαι τὴν ἡμέραν τῶν σαββάτων. Observa diem Sabbathi. Similis in Hebræo differentia , hoc loco שַׁבָּת, in Deuteronomio שִׁמְשׁ. Moses exposuit , quid vox memento significet , nempe attende Sabbatho. Sic 2. Pet. 3. v. 17. 1. Job. cap. 5. v. 21. itaque sæpè שִׁמְשׁ vertitur per vocem שמר, addito dandi casu , ut Gen. 24. v. 6. Exod. 10. v. 28, 23, 21, 34, 12. Deut. 4. v. 9, 6, 12, 8, 2, 12, 13, 19, 15, 9, 24, 8.

## VII.

Frustra quoque Thomas opusculo quarto annotat , non dici custodi , sed memento , qui tamen aliter sentire debuisset , cum observatio custodiam requirat intra recessus memoriæ , quapropter etiam Pontificii scriptores ipsum hic deserunt , & magis probant illa verba *prima secunda q. 100. ad quintum Artic. 7.* dicentis , quod præceptum de Sabbatho ponatur ut commemorativum beneficii præteriti , & idèd specialiter in eo fiat mentio de memoria. Vel quia præceptum de Sabbatho habeat determinationem adjunctam , quæ non est de lege naturæ ; & idèd hoc præceptum speciali admonitione indiguerit.

## VIII.

Utilius quæritur , quid vox שַׁבָּת zachor indicet , quem actum suggerat , quàm latè se extendat ? Respexit autem Deus generatim hoc Verbo ad *Necessitatem , Dignitatem & Nobilitatem Objecti* ; quæ enim necessaria scitu vel factu , illa volumus maximè memoriæ commendata ; quæ à DEO proponuntur , ejusdem voluntatem referunt , & in illius Gloriam se refundunt , illa infigere etiam vult menti hominum ; quæ denique perennare debent , eadem rectitudine observari , illa Thesauro conservandorum committimus. Ita quia singulari axiomate gaudebat pactum Divinum , idèd dicitur Exod. 23. v. 24. *Cave , nè obliviscaris &c.* quia necessaria observatio verbi Divini : hinc dicitur Deut. 6. v. 8, 9. *Ligabis ea tanquam signum in manu tua &c.* Num. 15. v. 39. quia denique debite celebrandum festum Azymorum , inde fit , ut dicatur Exod. 13. v. 3. *Mementote dièi hujus , quo egressi estis ex Aegypto , domo servitutis , &c.*

## IX.

Speciatim verò Deus hoc verbo excitare voluit *Israelitas*, nè obliviscerentur *Sabbathi*, ut quidem in *Ægypto* factum, partim ex mixturâ cum populo profano, ex quo facile aliqua labes adspargitur, partim ex turbato rerum statu, partim ex laborum invalescentium pondere, sub quo potius gemebant, quàm Sabbathum agebant; quanquam sint, qui putent, respici recentem atque indignam illius apud *Israelitas* *Exod. 16. v. 27.* oblivionem, atque oblique innui, ut adversus similem culpam se præmunirent, quo etiam spectaret increpatio & monitio illa *Exod. 16. v. 28. Quousque renuitis observare mandata mea & leges meas? videte quod JEHOVAH dedit vobis illud Sabbathum*, de quo in progressu dispiciemus. Huc faciunt illa *Guiljelmi Perkinii*: Hæc claulula innuit præteritis temporibus neglectum jacuisse Sabbathum, & requirit præparationem ad sanctificandum Sabbathum ab omnibus, & in primis à Dominis familiarum & civitatum, quibus hoc mandatum proponitur. *Secundò* ut hoc præceptum intimis fibris sensuum concrederent, tanquam momentosum quid, devitarent etiam periculum pœnæ peculiaris, annexendum huic mandato in transgressores illius, de quo *Exod. 31. v. 14, 15. Num. 15. v. 35. & Jerem. 17. v. 27.* Tandem *tertiò*, ut meditationi sacra hoc tempus cederet, partim *Creationis*, partim *miraculosæ Liberationis*, partim *gratiosæ & gloriosæ Refectionis*, quo referre licet illud *Exodi 31. v. 13, 17.* quod notavit etiam *Wolffgangus Musculus*, qui scribit: Jubet Deus observare Quietem, & non de profano aliquo otio loqui videtur, non dicit: Memento ut serves Sabbathum, sed ut sanctifices diem Sabbathi. Sanctificare diem Sabbathi est illius otium habere religiosum & exercitiis sacris deputatum.

## X.

Dispalescere potest ex dictis, quid sentiendum de diversis Doctorum sententiis, quorum aliqui putant, officium memoriæ esse referendum ad ipsum diem, quod quibusdam eruditis placuit; aliqui existimant, illud tendere ad *sanctificationem* imperatam à Deo; denique aliqui, respicere illud *causam* & rationem annexam, in quo tamen aliqua differentia; quibusdam recordationem ad ipsam *Creationem*, quibusdam ad educationem ex *Ægypto* referentibus; prius proba-

probavit Alphonsus Tostatus, Abulensis Episcopus, scribens : fortè dicitur Memento , ut reducamus memoriam nostram ad causas hujus observationis, quæ sunt præterita, scilicet quia sex diebus creavit Deus Cælum & Terram, & in die septimo requievit: ergò vos in die septimo requiescere debetis, memorantes illam quietem Dei in septimo die à creatione rerum. Et est sensus: memento, quòd Deus fecerit cælum, & terram, & cætera in sex diebus, & in die septimo requievit: & horum, memor esse debes, ut sanctifices diem sabbati: & sic referetur ò memento, non ad diem sabbathi, sed ad observationis rationem. Alterum elegit Antonius de Escobar, hæc adjiciens: Recordare, ut sanctè colas Sabbathi diem. Cur verbo hîc speciatim Memento usus? Quia diei Sabbathi solemnitas indicta, efficacius Hebræis ob egressionem ex Ægypto. Curat ergo Dominus Hebræos recordari causæ indictionis hujus solemnitatis, ut memores beneficii illius majori sanctitate Sabbatha colant.

## XI.

Rabbi Salomon opinatur, ò Memento esse præfixum, quia in omni re pretiosa homo obligatur ad memoriam Sabbathi, ut si habeat novam vestem, vel jocale pulchrum, illam in Sabbatho induat, primum se illo in tempore exornet, & hoc ipsum tanquam Solennitatem, quam deceant pretiosa & solennia, expectet. Tostatus existimat, inde esse illud præmissum, quia aliquid speciale dicat; cùm enim reliqua præcepta sint purè moralia, hoc etiam ceremoniale esse, atque ita specialem à cæteris & diversam habere rationem; à qua sententia non multum recedit illa, quæ statuitur, illud positum hac de causa, quia homo in statu lapsus cognoscere non possit sanctificationem hanc, Deus verò, qui solus optimè perspectum habet, quam perfectè homo integer leges naturales cognoverit, præceptum quidem clarissimum positivum, cæterum ab Adamo per congenitam Sapientiam ad modum legis naturalis congenitum, cum hac præfatione repetierit.

## XII.

Nos nihil ob stare videmus, quo minus hanc memoriz artem, à Deo imperatam, referamus ad omnia membra & complexum totius Sententiæ; nam & diei hujus natales non erant ita recentes, ut memoria non debuerit ad illos reflectere, nec sanctificatio demum

cœpit, sed & Patriarchis in usu fuisse demonstrabitur: nec tandem beneficium Creationis & Educationis non inter præterita & exhibita referendum, quanquam diversa ratione hæc respiciat diem, ut Tempus designatum & renovatum, sanctificationem, ut cultum in hoc tempore exhibendum, Beneficium, ut stimulum, qui urgeat, incitet & pondus addat præcepto. Et si זכור *Zachor* & שמור *Schamor* æquipollent, & unum alterum elucidat, sicut observandus venit dies, Sanctificationis præceptum & annexa ratio: ita quoque Recordatio sese reflectit super omnia, vel si memoria imperata, ut attendatur Sabbatho, memoria erit referenda & ad diem, & ad Sanctificationem & ad causam, utpote quibus omnibus attendendum,

## XIII.

Insuper verò est, quòd plerique *Judei* ad ornatum & vestium pompam illud *Memento* obliquant; nimis enim est emphaticum, quàm ut ad exilem illam vestiendi & exornandi actionem referatur, nec vola nec vestigium illius est in textu, sed potius jungitur illi sanctificatio diei ex Beneficio creationis & educationis, ut intelligatur, sanctificationem esse debere in viridi memoria, quæ non sit vestium apparatu & operosa structura, quæ Deo exosa potius, quàm grata, sed animæ cultura & exornatione. Infirmum itidem, quod *Tostatus* opinatur, innuisse Deum diversitatem hujus præcepti, quod partim cæremoniale, partim morale, quanquam enim reverà ita sese habeat, eò tamen Deum collimasse, nullo argumento docet *Episcopus*; sufficienter præterea istud *Memento* explicatur per excussionem oblivionis, in re momentosa firmitatem impressionis, insinuationem debitæ præparationis, & meditationis, sacrarum rerum ac Beneficiorum Divinorum sanctificatione indicatæ; nec tandem Deus voluit, ex hac voce *Israelitas* haurire diversitatem hujus præcepti à cæteris in hoc, quòd partim cæremoniale, partim morale, quia alibi id illis exposuit, & hic ad substantiam præcepti, quod morale quidem ex parte, cæremoniale verò etiam respectu *Judeorum*, sed circa vestigium distinctionis restrinxit. Tertia sententia non probabitur iis, qui post lapsum aliquid de hoc die indefinitè septimo volunt affulsisse etiam gentilibus ex Lumine naturæ; nec remotè quærenda sunt, quæ obvia; cumque Deus mentionem faciat creationis, quam Sanctificatio septimi diei secuta & educio-

nis



nis ex Ægypto, cur illud *Memento* exponamus de speciali ratione huius præcepti, quòd illud in statu lapsus planè sit obscurum, imò reconditum homini irrogenito, quem Deus velit revocare ad pristinum statum, & reducere ad Adamum, in quo naturaliter notitia huius objecti resplenduerit, quidquid sit de re ipsa, de qua in sequentibus: & cur non *Memento* etiam præfixum est Præcepto de non concupiscendo, cùm & illud, ut quidem rectè dicitur, in statu lapsus non cognoscatur Lumine naturali; non verò incognitum fuerit Adamo, omne illud esse peccaminosum, quod contra Legem Divinam, sive illud sese habeat tanquam radix mala & habitus, sive ut motus primò primus, sive denique ut malum erumpens & actus, qui hæc consequitur?

## XIV.

Vera enim origo controversiæ huius nominis est vocabulū שבת quod notat cessare, desistere, differtque à חדל, quod etiam negationem operis notat, nec non מנוחה *Menuchab*, & à LXX. Interpretibus exprimitur per παύεισθαι, ἀναπαύεισθαι, ἀλγεπαύεισθαι, μεταπαύειν, ἡσυχάζειν, ἀσβάζειν, quæ generatim quamlibet requiem significat, & ponitur etiam diversimodè vel cum re vel operatione: sic generatim occurrit, & speciatim de re, quæ desiit esse *Josue* 5. v. 12. *Esa.* 24. v. 8. *Jer.* 31. v. 36. de operatione verò *Exodi* 16. v. 30. necnon *cap.* 34. v. 21. *Levit.* 23. v. 32. & *cap.* 25. v. 2. in quo postremo loco conjungitur Radix & fructus שבתה שבת *Schabheta Schabbat*, quiescet Sabbathum.

## XV.

Non autem dicitur *sanctificabis Sabbathum*, sed notanter יום השבת *Jom baschabbath*, diem Sabbathi. יום *Jom* enim diem notat, & aliàs, illud tempus designat, quo lux Solis conspicitur, opponiturque illi לילה *Lailah*, nox, ut constat ex *Gen.* 1. v. 5. quandoque, cùm dies numerantur singuli, illud tempus designat, quod est viginti quatuor horarum, quod constat ex die & nocte, quod est unius diei & alterius, quo quidem sensu dicitur *Gen.* 1. v. 5. & factus est vespere & factum est mane unus dies, hoc est, adventante aurora sive mane consummatus fuit præcedens dies, ut exponunt aliqui & venit alius; quo verò sensu hæc vox sit accipienda in hoc præcepto, Moses docet, dum scribit

scribit: à vesp̄era ad vesp̄eram celebrabit̄ Sabbath̄a vest̄ra, Levitici vigesimo tertio versiculo trigesimo secundo, de quo plura sequentibus.

## XVI.

Ipsa Sanctificatio exprimitur verbis *לְקַדְּשׁוּ* *Lekaddeschb̄*, quo designatur finis memoriz, actus præceptus, scopus & anima hujus præcepti, ut loquitur B. Gerhardus. LXX. Interpretes usi sunt voce *αγιαζω*, varias autem significationes habet verbum hoc *קָדַשׁ* & sanctificare vel rem vel personam, est illam puram & sanctam, ut in se est, agnoscere & celebrare, vel ex impura & immunda reddere puram & mundam, vel ad aliquem usum aut opus *preparare*, destinare, ordinare, quæ generalissimæ significationes sunt, speciales sub se comprehendentes. Sanctificatio verò diei septimæ, aut consideratur ex parte DEI, atque ita Deus sanctificasse dicitur, diem septimum, à communi usu separando, & sacro cuidam deputando, ut legitur Gen. 2. v. 3. & Exod. 20. v. 11. atque ita urbes quædam à Josua dicuntur *sanctificatæ* h. e. usui cuidam singulari destinatæ cap. 20. v. 7. vel ex parte nostri, atque ita dicimur sanctificare Sabbathi diem agnoscendo & celebrando illum tanquam sanctum, & sanctis usibus destinatum, quo in sensu aliàs hæc vox occurrit 2. Chron. 2. v. 4. Esaiæ 29. v. 23.

## XVIII.

Interim non negamus, priorem significationem, etiam respectu hominis, certa ratione esse admittendam, ut scil. & nobis mandatum esse intelligatur, diem illum à nobis usui sacro subordinatè ad Voluntatem divinam destinandum & cultui divino consecrandum, ut vacantes à laboribus ordinariis, piis meditationibus, sermonibus & operibus tribuamus hoc tempus, accomodemus, & quidem tum publicè, juxta illud Lev. 23. v. 3. tum privatim, juxta illud Deut. 6. v. 6, 7, 8, 9. tum internè tum externè, quò spectant illa Francisci Gomari scribentis *thesi* 23, 24, 25, 26, 27, p. 259. 260. Cum variè accipi soleat hæc vox, hoc in loco nihil aliud est, quàm à communi usu ad sacrum segregare. Id quod & materia subiecta, & perpetua sacra Scripturæ (quàm de Inanimatorum sanctificatione ac sanctitate agit) consuetudo demonstrat. Quemadmodum de die 2. Reg. 10. v. 20. Sanctificate cœtum, hoc est, diem cœtus: de loco, 2. Chron. 7. v. 16. Sanctificavi domum hæc: de re, Exod. 29. v. 27. San-

Sanctificato pectus illud agitationis. Quo etiam sensu, sanctitas tribuitur panibus sacris *Lev. 22. v. 6, 7.* & anno Jobel, *Ibid. 25. v. 12.* Ac similiter dies Sabbathi *Exod. 31. v. 14. & 35. v. 2.* Sanctitas (hoc est, sanctus, sacer) Israelitis appellatur. Atque ita sanctificari hoc mandato jubetur. Quæ sanctificatio duobus membris continetur. Quorum primum est, religiosa diei Sabbathi, seu quietis sacræ, observatio, quæ ex hujus præcepti cogniti materiæ & reverentiæ, à negotiorum humanorum opere ad obsequium, Deo Legislatori præstandum, cessatur. Unde *Jer. 12. v. 24.* ut sanctificetis diem Sabbathi, exponit sequentibus, & non faciatis in eo ullum opus. Deinde alterum est quietis illius, ad publicum cultus Dei exercitium consecratio: ut ex contraria Sabbathi profanatione, quæ utrique parti (priori quidem *Exod. 31. v. 14. Jerem. 37. v. 22. & 24.* posteriori verò *Jes. 58. v. 13.*) opponitur, apparet. Quomodo Sabbathi sanctificatio *Exod. 20. v. 8.* utrumque hoc membrum complectitur, sed *Deut. 5. v. 12.* Observa diem illius Sabbathi ad illum sanctificandum, secundum tantum designat. Quæ varietas ex diversa verborum (in mandati de Sabbatho propositione) circumstantia promanat: quoniam disertè à diei Sabbathi, seu quietis observatione, tanquam scopus illius distinguitur. Quemadmodum vicissim diei Sabbathi observatio; quum à sanctificatione ejusdem *Deut. 5. v. 12.* discernitur, solam illius quietem, speciatim denotat. Quando verò absolutè ac separatim sine illa distinctione (ut *Exod. 31. v. 16.* observanto itaque, filii Israel, Sabbathum ipsum, celebrando Sabbathum, per generationes scdere perpetuo) generatim ponitur, utrumque similiter, & diei quietem sacræ, & illius ad solennem Dei cultum exercendum consecrationem comprehendit. Nam ut diei Sabbathi quies sacræ & cultus Dei imperatur; sic, in utriusque obedientia observatio & sanctificatio Sabbathi consistit.

## XVIII.

Tertium, quod suppeditat textus Sacer, est Ratio, cur debeamus sanctificare diem Sabbathi: quanquam enim Deus simpliciter potuisset imperare illam observationem, nihilominus adjicere voluit stimulos, & subdere Argumentum. Duxit autem illud ab opere creationis consummato, sex enim, inquit, diebus fecit Dominus Cælum & Terram, & mare & omnia quæ in eis sunt, & requievit die septi-

Pars Specialis.

D d d

mo,

mo, idcirco benedixit Dominus diei Sabbathi, & sanctificavit eum. Producit itaque primò Exemplum Dei, qui requievit die septimo, in exemplum nobis, ut cessemus sextiduo laborum expleto, atque septimo quiescamus ab officiis ordinariis, quæ Dei cessatio & quies non dicitur ratione defatigationis præviæ, ut Celsus quondam fuit calumniatus apud Origenem l. 6. sed ratione productionis, quia destitit creare, vel quievit, secundum Clementem Alexandrinum, velut disponendo, ut immobiliter servaretur ordo eorum, quæ facta sunt, quietem quasi & stabilitatem rebus impertiendo. Non enim lassatur aut defatigatur Jehovah, qui creavit terminos terræ, *Esa. 40. v. 28.* unde eleganter Augustinus *Tom. 3. de Gen. lib. 4. cap. 3.* Ipse, nec, quum creavit, defessus, nec, cum cessavit, refectus est, & consimiliter Gaudentius: Requies Dei non laboris remedium, sed coëptorum finis est operum, quid! si designaret hæc vox refectorem à labore, prout favere videtur huic significationi Locus *Exod. 31. v. 17.* non tamen nisi ἀνθρώπων πρὸς τὸν Θεὸν de Deo esset exponenda, intelligenda. Secundò Benedictionem, quam quidam cum Sanctificatione confundunt, quidam distinguunt, de quo in sequentibus. Si posterioribus accedamus, atque ἵνα benedicere accipiamus vel propriè de laudatione, commendatione, approbatione, ut quidem Philo vult, vel figuratè de hominibus, diem hunc observantibus, quod scil. illis benedixerit, sensus erit, idcirco quiescendum esse hoc die, cultui divino intendendum, quia ipse Deus commendavit, approbavit hunc diem, vel quia hominibus illum sanctificantibus benedixerit. Tertiò sanctificationem, quia scil. festum & sanctum haberi voluerit, atque cultui suo destinavit, ut illo quasi natalis Mundi & tanti Beneficii memoria recoleretur, ut Philo loquitur libro de opificio hominis.

## XIX.

Accesserunt aliæ quoque Rationes, nempe ut Quies hujus diei esset signum ac monumentum Redemptionis & quietis ab operibus durissimæ quondam Servitutis in Ægypto, de quo *Deuter. 5. v. 15.* Memineris te servum fuisse in terra Ægypti, Jehovah verò Deum tuum te eduxisse manu forti & brachio extento, idcirco præcepit Tibi JEHOVAH DEUS tuus, ut observes illum diem Sabbathi, & tandem, ut esset signum Sacrum fœderis cum Deo initi, quò vergunt illa *Exod. 31. v. 13. & 14.* Sabbatha mea servate, nam signum est

inter

inter me & vos, per generationes vestras, ad cognoscendum, me Jehovaham esse, qui sanctifico vos. Observate ergo Sabbathum, quia res sancta est vobis; adde Locum Ezech. 20. v. 12. 20.

## CAPUT II. *De Moralitate Sabbathi.*

Th. I.

**C**ircumspectè hîc procedendum, non tantùm, quia terminus Moralitatis in ambiguo natat, sed etiam, quia quidam rigidius illum accipiunt, quidam autem laxiorem significationem præeligunt. Observandum itaque primò, quæri à quibusdam naturale aliquid in hoc præcepto, à quibusdam aliquid morale: naturale autem illud esse dicitur, quòd scil. cultus externus exigatur, tempus etiam indefinitè huic exercitio Sacro impendendum, & denique cessatio à laboribus, qui aliàs cultus vigorem sufflaminarent, sacra impedirent. Secundò morale esse illud, quòd septimus dies in Orbe hebdomadario vagè præ aliis in Circulo illo observandus. Tertio cæremoniale fuisse, quod septimus ille definitè in V. T. ab Ecclesia Judaica fuerit feriandus, qui hodie immutandus, cedente in illius locum die Dominico, & ut naturale in hoc præcepto, quantum ad totam suam latitudinem cultum, Tempus indefinitum, & vacationem comprehendit, ita si distinctius agendum, naturale potest dici vel negativum, vel positivum: quorum illud respicit cessationem ab impedimentis cultus, hoc verò ipsum cultum: ut enim ille sese diffundit per duo priora præcepta, ita quoque ad hoc sese porrigit, adeoque intimè in hoc ipso præcepto imbibitur, quem juris quidem naturalis esse, vix erit, qui negabit, quiq; considerabit, Paulum ob neglectum cultus divini reos egisse Gentiles, quòd Deum quidem cognoverint; sed non ut Deum glorificârint Rom. 1. v. 21. Morale itidem illud esse, quod vel strictè ita dicitur, vel laxè: illud aliàs vocatur morale naturale, hoc verò morale positivum: prius coincidit cum naturali, & in supra recensitis consistit, hoc verò inferioris est conditionis, præprimis autem ad proprietates aliquas & accidentia, quæ aliàs jus naturale morale, vel ea, quæ sunt moralia strictè sic dicta, insequuntur. Secundò observandum, diem septimum dici talem vel definitè



Judaicum scilicet; vel indefinite quemcumque in Circulo hebdomadario recurrentem post sextiduum; & de hoc esse controversiam, non de illo; de hoc disceptari inter Christianos Doctores, qui vel moralitatem negant vel asserunt non de illo, in quo cum recutitis controversitur. Tertiò observandum, aliquos ita hanc moralitatem tueri, ut nihil cæremoniale in Sabbatho admittant, omne illud exulare jubeant, quosdam autem admittere, præceptum hoc esse mixtum ex morali & cæremoniali, quos quârum sequamur, ex sequentibus deprehendetur.

## II.

Imò qui omnia hic attendere volunt, & ad aciem ingenii revocare, quæcumque dici possunt de Sabbatho, notant præter morale & cæremoniale, aliquid politicum in hac constitutione, quod volunt consistere in præscriptione diei, qui quieti propter labores ordinarios & jumenta deputandus, de quo audire lubet Josnam le Vasseur in dissertatione de Sabbatho, Thesi vigesima tertia, scribentem: In Decalogi Præcepto de Sabbathi observatione, aliquid morale est, aliquid cæremoniale, aliquid politicum, nec totum quantum est, morale est duntaxat. Morale hujus mandati est, ut aliquis assignetur dies, quo sacræ fiant coitiones ad Deum publicè & externo cultu celebrandum & palam coram hominibus glorificandum: Politicum, ut præscribatur dies aliquis hominum quieti à quotidianis eorum laboribus, quibus post peccatum coguntur victum sibi comparare, & hoc pacto curentur servi & ipsa jumenta, nè nimio labore conficiantur: Cæremoniale verò in illo præcepto fuit tum definitio septimæ præcisè à Creatione diei, tum illa quæ lege Mosaica præscripta est ab omni omnino opere servili severissima abstinencia, fuit enim illa pars servitutis & jugi legalis, quo Deus voluit populum premi & exerceri, ut pressus suspiraret ad libertatem Evangelicam & æternam illam requiem, quam pollicetur Evangelium.

## III.

Quid! quod & hoc politicum distinguatur in tale, quod Ecclesiasticum & secundum quid Politicum, & in tale, quod politicum simpliciter. Unde Ludovicus Capellus in disputatione de Sabbatho sequentia reliquit: Præter tamen morale, quod per totum Decalogum est diffusum, prior ejus Tabula radix fundamentum est omnium Mosaicarum Cæremoniarum & rituum, quibus divinus cultus tum temporis

poris totus constabat, & posterior Tabula radix item & fundamentum fuit politice Judaice de observandis Magistratibus, & legum ejus Judicialium de furto, homicidio, adulterio, perjurio &c. Quin & ipsum quartum Decalogi præceptum de Sabbatho partim est morale, partim cæremoniale, partim etiam politicum, non verò totum quantum est, morale duntaxat. Etenim in quarto illo præcepto hoc quidem morale est, ut nempe sit certus aliquis dies constitutus celebrandis sacris religionis conventibus publicis, in quibus Deus publice & publico ritu externo colatur. Nam, ut supra præstruximus, Deus non modò interno & tacito in corde & mente cultu à nobis colitur, sed externo etiam & publico, quo eum palàm glorificemus coram hominibus; ad hoc autem certo loco & tempore conveniendum est, ac proinde certus dies ejusmodi conventibus destinatus est. Quod autem dies ille certo & eodem numero semper recurrit, quodque ille septimus est potius quàm vel sextus vel nonus, vel quilibet alius, certo & eodem numero semper recurrit definitus, id verò non pertinet ad rō morale quarti præcepti, sed & politiam Ecclesiasticam, cujus est definire non ipsum quidem cultum divinum, sed ea quæ ad cultus illius *ἡ θεία λατρεία* pertinent, ut is decenter & convenienter exhibeatur. Illa enim, uti pendent à variis temporum, locorum, personarum &c. circumstantiis, sic etiam pro illarum varietate variare possunt. Ad civilem autem politiam pertinet, diem aliquem præscribere quieti hominum à quotidianis eorum laboribus, quibus post peccatum justo Dei judicio coguntur victum & reliqua ad hanc vitam mortalem necessaria in sudore vultus sui quærere & comparare, nè nimia lucri cupiditate tum seipsos, tum maximè servos & famulos, adeoque & jumenta ipsa, quibus utuntur, nimio labore conficiant, sed potius constitutà certo quietis die se & suos à continuo labore recreent, viresque reficiant. Neminem autem alium magis decuit, diem ejusmodi tum toti humano generi, tum populo Israelitico præscribere, præterquam Deum, qui est universi, omnium inquam hominum, Dominus absolutissimus, tum populi ejus Israelitici fuit singulariter Legislator tum civilis tum Ecclesiasticus. Quæ in tantum probamus, in quantum agnoscitur, hoc præceptum non esse purè morale, sed habere aliquid cæremoniale & politicum.

## IV.

Nos rejectis illis, quæ operosiori tractationi ansam præbent, statuimus, præceptum hoc mixti esse generis, & præter cærimoniale illud, quod in V. T. viguit, aliquid complecti Moralitatis, præprimis quantum ad circumstantiam septimi diei, indefinite talis scil., juxta suprâ adductam distinctionem rē moralis, quod hic de secunda specie volumus intellectum, nempe de morali positivo: quam enim non negemus illud naturale supra assignatum, sufficit tamen nobis, obtinuisse præceptum tertium non esse purè cærimoniale, sed suâ quoque gaudere moralitate. de quo vide nostrum Tractatum de Sabbatho.

## CAPUT III.

*De Diei Dominici Qualitate.*

## Th. I.

**U**T constet, quid hîc sit, quod nobis placeat, quid displiceat, notamus I. Jus divinum, à quibusdam rigorosè defendi, ab aliis verò exemplum tantum urgeri, &, ut ad illud nos componamus, obtendi; sic, qui institutionem Apostolicam malunt, etiam vel ad verba vel ad exemplum illorum sese recipiunt; denique qui Ecclesiam hîc præsidem constituunt, Fidelibus & Principibus, qui illos sub se habent, multum indulgent. II. Quod qui Ecclesiæ libertati hanc determinationem transcribunt, non ita sint accipiendi, quasi nullum vestigium illa habuisset vel in Christo vel in Apostolis; Ecclesia enim aut prudenter & rationabiliter hunc diem præ cæteris cultui divino consecravit, aut irrationabiliter, cæco ductu, mero arbitrio; prius, si dicatur, ad aliquid à Christo & Apostolis signatum procul dubio respexit; posterius autem ab Ecclesiæ prudentia & pietate videtur alienum. III. Manet etiam, stante hac sententia, Moralitas septimi diei in N. T. ut enim ostendimus, indefinite fundatum esse septimum in Lege divina, in verbis Decalogi, ita non cessavit illud ipsum immutatâ facie Ecclesiæ, sed tantum id, quod Ecclesiæ Judæicæ proprium, quod cærimoniale in V. T. quod umbraticum & ad certum tempus præfixum, & hoc cærimoniali sublato liberum fuit Ecclesiæ, vel primum vel secundum diem in ordine hebdomadario  
eli-

eligere, id quod morale, quoad hanc circumstantiam restringere, determinare, licet commodus maximè visus fuerit, ex rationibus quibusdam non contemnendis, primus post Sabbathum Judaicum dies, in quo Christus resurrexit, de hostibus triumphavit, & sese aliquoties vivum ostendit, prudenterque ipse ad Doctorem suorum suffragium hunc statuerit porro sanctificandum; qua ratione non tribuitur Ecclesie nimium, quasi penes illam esset instituere cultus, sed tantum libertas vindicatur in adiaphoris, potestas in illis, quæ faciunt ad *ευχρησιν*, juxta illud Pauli: *πάντα εὐχρηστέα καὶ κατὰ τὸ ξῆν* *γενέσθω* 1. Cor. 14. v. 40. Quicquid tamen sit, sive Dominicus dies natales suos ducat à Christo, sive ab Apostolis, sive ab Ecclesia, nihil tamen decedet moralitati hujus diei, quantum ad definitionem septimi ut sic, antecederet ad determinationem specialem fundatam in lege divina: cum de illa tantum controvertatur. Nam si dicatur, diem Dominicum esse juris divini, quantum ad designationem proximi post Sabbathum Judaicum, patet septimum indefinite in circulo hebdomadario esse Legis moralis, & præter hanc moralitatem accessisse determinationem etiam specialem hujus diei præ alio; si dicatur, Apostolos hunc diem constituisse, præter istam constitutionem, quæ Apostolica, manebit, ipsum diem ex morali Lege habere definitionem numeri vagè septimi; si denique ultimum afferatur, supponitur moralitas diei septimæ, libertas asseritur circa specificam vel individualement designationem, quanquam nec sine divino ductu, utut mediato Ecclesie etiam in hoc negotio, nec denique sine observatione ordinis, in Ecclesia laudabilis & necessarii.

## CAPUT IV.

### *De Sabbathi Sanctificatione.*

#### Th. I.

**I**N quo consistat illa *Sanctificatio*, paulò altius & distinctius venit hic expendendum, cum enim Deus præceperit sanctificationem hujus diei sive destinationem ad usus sacros, segregationem à cæteris, in quibus nostris inhæremus laboribus, septimum diem Sabbathum JEHOVÆ, hoc est, sibi Domino consecratum, ideoque cultu illius erit hoc tempus transigendum. Commodè autem cultus di-

stin-

stinguitur in *internum* & *externum*, & hic iterum in *privatum* & *publicum*; cum enim Deus cor respiciat, illudque omnium Motuum in homine sit principium, ideoque *maximè attendit ad cultum internum* & illum exigit; cum autem præterea homo debeat non tantum animum sed & corpus, Dominus sit Deus noster, omnium actionum nostrarum detestetur hypocrisin, dissonantiam exteriorum & interiorum actuum, cultum exigit à toto homine, per resurrectionem ad Sabbathum æternum deducendo, & tum ratione corporis, tum animæ beando, quapropter Deus *non semper in cultu interno acquiescit*, sed & externum sibi deposcit, eò collimat quoque, quando imperat homini, ut *diem septimum sanctificet*,

## II.

Vult itaque Deus præcepto Sanctificationis primò omnium *Cultum internum*, qui consistit in *piâ devotione*, quæ ceteros actus dirigat. Nam primò, ut ipsa *Veneratione Nominis* in interno maximè consistit actu mentis, ut magni faciamus Deum, ejusque voluntati revelatæ attendamus: Ita quoque sanctificatio hujus diei præcepta extendit, ut primò omnium attendentes ad Numinis Majestatem & voluntatem devotâ propensione in pietatis exercitia non sanctos exhibeamus. 2. Si cultus internus & externus *semper connexi*, non hic sine illo cultus nomen meretur, intimato cultu ab illo, qui totum hominem habet sub suo imperio, primò intentus colligetur internus, submissio illa animi, puritas illa mentis, quæ etiam ex illa dimanantes actus serenat, illustrat, coronat. 3. *Nulla ratio potest dari*, cur externus cultus sæpius à Deo fuerit rejectus, nisi quia destitutus fuit *spiritu*, & non tam actus religiosi vitales, quàm languidi, & vitam mentientes fuerunt exhibiti, Artificiose movet corpus homo, facit id & similia, ille ex præscripto rationis, hæc ex qualicunque assuefactione citra illud gubernaculum, citra mentis influxum, unde illi actus dicuntur hominis, hi verò simiæ, illi participant de ratione, hi verò de umbra illius tantum, non sunt actus artis sed similes illis, ita, utut exhibeas externa, prosternas te coram Deo, manus complices, ora in laudes divinas resolves, si absit devotio & pietas, cordis propensio & animæ pondus, quæ Deo placent, exsuccus erit cultus, & nullus, vitiumque fallet specie virtutis & umbrâ.

## III. Non



## III.

Non autem sufficit internus cultus huic diei; solennior est cæteris & proinde etiam cultu majore observandus, quapropter addendus *externus*, ita ut præmittantur præmittenda, submittantur submittenda, unde distinguunt Theologi hunc cultum privatum in *antecedentem* & *consequentem*, atque necessariam agnoscunt *preparationem* matutinam: quemadmodum *parasceve* præcessit penes *Hebræos* in vespera *Exod. 16. v. 23.* & quidem maximè per Scripturæ, Evangeliorum & Epistolarum præviam Lectionem & Meditationem, præcùm oblationem, ut Deus adspirare valit piis operibus per diem consummandis, desiderium adeundi cultus sacros, limina Templi locum gloriæ divinæ, in quo publicè prædicatur verbum ad exemplum Davidis *Psal. 122. v. 1.* in consequente verò cultu observant, necessariam esse verbi auditi meditationem seu ruminationem, quam *Psalter* de prædicat *Psal. 1. v. 1. & sequentibus*, ita ut communicet Paterfamilias cum familia sua conceptus suos, gratiarum actio pro verbi conservatione, nec non finitio decens repetitione vel lectione capitum biblicorum, vel, si argumentum lætitiæ præsens sit, hymnorum concentu, & precibus devotis.

## IV.

Tandem, ut omnia fiant decenter & ordine in Ecclesiâ, cultus publicus & sollemnis requiritur, nec etiam cultu interno vel externo, etiam privato, sanctificatio hujus diei absolvitur, ut constat partim ex ipsâ Scripturâ: ita enim *Moses, Lev. 23. v. 3. Die septimo Sabbathum cessationis, convocatio Sancta*; quo ipso indicatur hoc die debere populum congregari, ad locum publicum se conferre, & internam animi devotionem externo Exercitiorum splendore illustrare, unde *מקרא קודש* *Kodesch Mikra* dicitur; quod confirmat ipsa quoque *praxis* in *N. Testamentum* usque deducta: convenisse enim hoc die homines, cœtum publicum formasse, & sacris deditos fuisse, constat ex *Luc. 4. v. 16.* partim ex *analogiâ & comparatione* hujus diei cum cæteris sex in hebdomade: Si enim debetur cultus DEO internus per omnes dies, si externus quoque privatus non negligendus in ordine sibi succedentium luminum ad Solis usque ortum, ad initium usque hujus festivitatis, hoc habebit illa præ cæteris, ut cultus externus publicus vigeat, pietas illustris fulgeat, lumina devotionis per hora-

rum intervalla se exerant; & ut duplex holocaustum hoc die, stante Republica Ecclesiastica Judæorum, mane & vespere fuit oblatum, de quo *Num. 28. v. 9.* tum antemeridianæ, tum pomeridianæ horæ Deo consecrentur; partim ex consensu omnium Theologorum, agnoscentium hunc diem debere Deo ita, ut templa adeamus, conciones excipiam<sup>9</sup>, precum sacrificia offeramus, Musicâ & cantionibus sacris condiamus, liberales erga pauperes nos exhibeamus, & undique bonis operibus abundemus.

V. *Voluntatis*

In quantum verò respondet primo puncto publica Evangelii, illustrius radiantis in novo Testamento, prædicatio, & precum in nomine Christi conceptarum effusio; alteri verò Sacrificiorum spiritualium, sublatiis umbris, oblatio; tertio, liberalis Eleemosynarum distributio; in tantum hæc à nostris urgentur quoque Theologis, ut exercitia, quæ cultum externum integrant, quæ non tantum sufficienter, sed & abundanter descripta leguntur apud B. nostrum Thummium, qui ita, Duce Scripturâ, decernit. I. Instituantur publici Ecclesiæ congressus, ut fideles congregentur ad publicum Ministerium, *Psal. 100. v. 4. Psalm. 122. v. 4. Esa. 2. v. 3. Joël. 2. v. 15. 16. Matth. 18. v. 20. 1. Corinth. 11. v. 17. & seqq. Hebr. 10. v. 25.* II. In publicis illis congressibus, propaganda est vera doctrina, verbum DEI PRÆDICANDUM Ezech. 44. vers. 23. 24. *Levit. 10. vers. 11. Esa. 8. v. 20. Petr. 4. v. 11. Ephes. 4. v. 29. Coloss. 4. v. 6. Tit. 1. v. 9. Actor. 20. v. 27. Christus Sabbatho docet in Synagoga, Luc. 4. v. 16. Marc. 6. v. 3. Luc. 13. v. 10. & Actor. 13. v. 14. 15.* Paulus & Barnabas ingressi die Sabbathorum sederunt, post lectionem autem legis & Prophetarum miserunt Principes Synagogæ ad eos dicentes: Viri fratres, si quis est in vobis sermo exhortationis, ad plebem dicite, & *ps. 44.* sequenti Sabbatho penè universa civitas convenit audire verbum DEI, *Actor. 15. v. 21.* Moses à temporibus antiquis habet in singulis civitatibus, qui prædicent in Synagogis, ubi per omne Sabbathum legitur. Sic docuerunt Thersilonicæ per 3. Sabbatha, *Actor. 17. v. 2.* Corinthi per omne Sabbathum, *Actor. 18. v. 4.* Verbum DEI AUDIENDUM, & discendum. *1. Corinth. 14. v. 31. Psalm. 50. v. 7. Ezech. 23. v. 30. Esa.*

30. *Esa.* 3. v. 2. 3. *Jerem.* 7. v. 23. *Zach.* 8. v. 21. *Matth.* 13. v. 9. scrutandum, *Joh.* 14. v. 15. Exemplo Davidis, *Psal.* 122. v. 1. *Psal.* 27. v. 4. *Psal.* 42. v. 2. Cornelii, *Actor.* 10. vers. 33. Berthoenfium, *Actor.* 17. v. 11. Mulieris Lydiae purpurariae, *Actor.* 16. v. 14. III. In iisdem congressibus administrandae Ceremoniae divinitus institutae, praesertim Sacramenta, quae licet in N. T. ad certum tempus ac locum non sint alligata, tamen convenit, eorum administrationem in publico Ecclesiae coetu potissimum vigere, 1. *Corinth.* 11. v. 20. *Actor.* 20. v. 7. 1. *Tim.* 2. v. 1. *Matth.* 28. v. 19. *Marc.* 16. v. 15. IV. Instituenda publica, & solennis Dei invocatio ac celebratio, qua confessio, gratiarum actio, & preces nostrae conjungantur cum Ecclesia, *Psal.* 22. v. 23. 26. *Act.* 16. v. 13. *Act.* 2. v. 42. *Luc.* 1. v. 10. 1. *Timoth.* 2. v. 1. 5. 1. *Sam.* 12. v. 23. 1. *Corinth.* 14. v. 15. *Coloss.* 3. v. 16. *Psal.* 132. v. 7. *Esa.* 2. v. 3. *Ezech.* 33. v. 30. *Zachar.* 8. v. 21. uti David, *Psal.* 5. v. 8. Israelitae, 2. *Paralip.* 11. v. 16. Joseph & Maria, *Luc.* 2. v. 41. V. Colligendae Eleemosynae ad sustentationem pauperum. *Esa.* 58. v. 7. 1. *Corinth.* 16. v. 1. 2. ad alendos docentes & discentes in Templis & in Scholis, *Galat.* 6. v. 6. 1. *Corinth.* 11. v. 9. 2. *Thessal.* 3. v. 8. *Philipp.* 4. v. 14. & seq. 1. *Timoth.* 5. v. 17. *Matth.* 10. v. ult. VI. Ipsi Auditores colligant Eleemosynas, & conferant ad alendos docentes & discentes, *Deuter.* 16. v. 16. *Luc.* 10. v. 7. Quae liberalitas non caret singulari benedictione Dei, *Deut.* 14. v. 22. 29. *Proverb.* 3. v. 9. 10. *Syrach.* 35. v. 12. *Malach.* 3. v. 10. VIII. Et domum e conventibus publicis Ecclesiasticis reversi, quae audiverunt, meditentur, *Deut.* 6. v. 6. *Proverb.* 6. v. 21. Talis enim beatus, *Psal.* 1. v. 1. Sicut CHRISTUS dixit, *Luc.* 11. v. 28. c. 8. v. 15. Daniel servavit in corde verbum Angeli, *Daniel.* 7. v. 28. Maria verba Christi, *Luc.* 2. v. 51. IX. Auditum verbum filiis narrent, *Psal.* 78. v. 5. 6. & acuunt, *Deut.* 4. v. 9. 10. c. 6. v. 6. 7. Exemplo Abrahami, *Genes.* 18. v. 18. 19. Legant voces Prophetarum per omne Sabbathum, *Actor.* 13. v. 15. & Moysi, *Actor.* 15. v. 21. Non autem oportebat, scribit Chrysost. Hom. 5. in Matth. omnino a coetu Ecclesiae recedentes contrariis huic studio negotiis implicari, sed domum continuo revertentes sacros replicare libros,

& conjugem pariter, liberosque ad eorum quæ dicta sunt, collationem vocare, hisque altius animo ac penitus insertis, tum de-  
 mum ad ea, quæ huic vitæ sunt necessaria curanda procedere. De-  
 nique debent professionem doctrinæ honestate morum ornare, *Tit.*  
*2. vers. 10. Rom. 2. v. 24.* fidem imitari, laudabilia priorum Exem-  
 pla exprimere, *Hebr. 13. v. 7.* & factores verbi fieri, *Jacob. 1. v.*  
*22.* atque hoc agere, ut tota vita illis solennitas sit, ut loquitur  
 Chrysost. Homil. 40. in Matth. Nam (quod ibi subjungit) tunc  
 solum veram solennitatem peragimus, cum spiritualis vitæ con-  
 tinuæ cultum augemus, cum ab alienis manum abstinemus, cum  
 in laboribus superfluis atque inanibus, quos propter hanc vitam  
 sustinemus, legem Sabbathi conservamus.

## VI.

Præter Sanctificationem hujus diei aliquid etiam *morale de-*  
*prehendimus*, quod *moralitati sanctificationis* connexum, *Quietem*  
*sc. imperatam*, sive cessationem à labore, vel vacationem ab offi-  
 ciis, non quidem ab omni opere, etiam sacro, sed aliàs per sexti-  
 dum consueto & ordinario. Imperat hanc quietem *I. Exem-*  
*plum illustre ipsius DEI*, qui septimo die quievit ab omni opere,  
 quod patrarat, *Genes. 2. v. 2. & 3.* atque hæc ipsa cessatione nobis  
 Quietem huic diei debitam præformare, indicare ac præcipere vo-  
 luit. *II. Ipsum Mandatum Divinum*, dicitur enim *Exod. 20. v.*  
*10. Septimo die est Sabbathum Domini DEI Tui, non facies omne*  
*opus Tu & filius tuus &c.* notanter dicitur: septimus Dies, vel Die  
 septimo est *Sabbathum Domini DEI Tui*: Non ratione quietis illius,  
 quâ Deus cessavit ab opere novo condendo, sed ratione *quietis im-*  
*peratæ DEO consecrandæ*, quod Textus Ebræus eleganter insinu-  
 at, in quo phrasis occurrit *לַיהוָה אֱלֹהֶיךָ* *JEHOVÆ, DEO tuo*, &  
 additur: *Non facias omne opus in eo &c.* *III. Ipse hujus diei In-*  
*doles*: Nam si per sex dies laborandum, juxta divinam patefactio-  
 nem; quiescendum igitur erit *septimo*; si sanctificandus est aliquis  
 dies in orbe hebdomodario: Ergò removendum illud, quod san-  
 ctificationem impedire aut turbare potest. Impeditivum autem  
 cultûs sacri esse curas ordinarias, salientes circa caput & latera,  
 labores & opera in reliquis diebus consueta, quis est, qui nesciat?  
 Dedicanda itaque quies usui sacro infert cessationem à laboribus  
 necessariam, & subservire illam ostendit cultui divino, exercitiis  
 sacris.



sacris. Non facere debet opus ordinarium homo *ad jumenta usque*; si itaque illa juxta voluntatem divinam quiescunt hoc die, multò magis homo cessare tenetur ab omni opere suo, atque conformare voluntatem suam imperio divino. Unde etiam *quidam ex Pontificiis*, respiciendo ad quietem, præceptum hoc putaverunt non tam *affirmativum* quàm *negativum* esse, quanquam malè, de quo in sequentibus.

## VII.

Consistit autem illa *Quies* primò in *abstinentiâ ab opere servili*, ut liquet tum ex voce מלאכה *Melâchâh*, quæ hîc usurpatur, cui accedunt *LXX. Interpretes*, qui substituunt ἐργον λατρευτικόν *Exod. 12. v. 16.* tum ex *comparatione* hujus diei cum aliis festivitibus; si enim nominatim *servilia opera* fuerunt remota ab aliis *festivitibus*, ut constat ex *Levit. 23. v. 7. 8. 21. 23. 36. Numer. 28. v. 25.* multò magis exclusa erunt à *Sabbatho*, tum ex *explicatione præcepti* hujus alibi in Scripturis tradita, ubi discrete illa opera servilia *in specie*, ut adversa & impeditiva cultûs, prohibentur, ut constat ex *Exod. 34. v. 21. Nehem. 12. v. 31. & cap. 13. v. 15.* Nec audiendi sunt hîc, qui à proprietate vocis ad figuram transiliunt, quos perstringunt Theologi ita determinando: Per opera servilia ridiculum planè est intelligere peccata, aut etiam opera bona mercenaria; vel propter mercedem (servorum more) facta, (ut nonnulli faciunt allegorico quodam lusu,) peccata enim non certis quibusdam temporibus sunt prohibita & illicita, sed semper & ubique, neque pertinet ad hoc præceptum agere quicquam de omnibus peccatis prohibendis, quamvis hoc aliquo sensu possit concedi; varia peccata aggravationem aliquam inde accipere, si die tam sancto perpetrentur. *Isai. 58. v. 4.* Opera etiam illa mala, quæ ex metu, vel ex spe planè servili fiunt, respectu illius modi, eandem naturam induunt cum aliis peccatis. Quanquam nolimus negare, sensu allegorico posse hanc Abstinentiam ita exponi & accommodari, ut quidem Augustinus fecit scribens: Illi (Judæi) in Sabbatho non faciebant opus servile. Et nos in die Dominica opus servile non facimus, quia vitiis & peccatis non servimus. Qui enim facit peccatum, servus est peccati: Illi de dominibus suis non egrediebantur. Et nos domo CHRISTI non egredimur; sumus enim in Ecclesia. Illi non accendebant ignem die Sab-



bathi; at nos contra accendimus in nobis ignem S. Spiritus & omne vitium excoquimus peccatorum. Consimilia leges apud Tertullianum & Irenæum lib. 4. cap. Hieronymum in *Ezech.* 44. & *Amos.* 5.

## VIII.

II. Consistit illa Quies in *abstinentiâ ab Opere NOSTRO*: Notanter enim dicitur: *sex diebus operaberis, & facies omnia opera tua, septimo autem die Sabbathum Domini Dñi tui est, non facies omne opus in eo.* Unde colligimus: Si sex diebus operandum, & faciendum omne opus nostrum, cessare debere in septimo omne opus nostrum; si septimus dies Sabbathum Domino, non nostri laboris esse illum diem; si denique non faciendum omne opus in Sabbatho, nostrum esse exclusum, nostri sc. officii & muneris, nostris usibus aliàs deputatum & destinatum.

## IX.

Denique III. consistit illa Quies in *abstinentiâ ab opere cultui sacro vel directè vel indirectè opposito*: quod constat tum ex eo, quia quies hoc die imperata sublevare debet cultui sacro; tum ex eo, quia aliàs hic dies ordinariis veniret accensendus; tum ex eo, quia, quod directè vel indirectè oppositum cultui sacro, peccatum est, & proinde omnimodè declinandum. Talia autem opera sunt partim forenses strepitus, rixæ, & judicia. Unde R. Levi Barzelonita libro *Chin* præcept. 114. Ne exerceat Judex judicia in Sabbatho; & H. Grotius ad *Cap. 35. Exod.* ad vers. 3. non succenditis ignem: addit: hinc ducto argumento, à levi ad grave, i. e. à minori ad majus docuere Ebræorum Magistri, Pœnas publicas in Sabbathis non esse exercendas. Ipsi etiam Imperatores Christiani hæc removerunt ab hoc die, probè perspicientes, quòd remoram injiciant devotioni, pietatem sufflaminent, & Ordini divino adversentur; partim nundinæ, in quibus concurrunt omnis fursuris homines, fora perstreperunt clamoribus, cauponæ implentur, dolus in contractibus, & alia quævis ferè vitia regnant. Quantos motus concitaverit illa indulgentia in *Scotiâ* & *Angliâ*, constare potest ex Scriptoribus Anglis; &, utut indulgente in hoc Ludovico Molinæo, Professore Oxoniensi; partim ludi Schœnobatarum vel Comœdias exhibentium saltationes superflue, Nuptiarum apparatus laboriosi & alia, de quibus forsan in sequentibus,

## CAPUT

## CAPUT V.

*De Objecto Personali Sabbathi.*

## THESES I.

**H**omo itaque & quidem omnis à nobis statuitur Subjectum huius præcepti, sive sit mas, sive sit femina, sive Princeps, sive subditus, sive rudis Corydon, sive literatus, vel Studiosus, vel Doctor, cum rationes in Thesi præcedente adductæ sint generales, & concludant simpliciter. Num enim Literatus non etiam laborat, dum vel Aristoteli, vel Galeno, vel Justiniano, vel Chemnitio, Bellarmino, Calvino & aliis per sextiduum inhæret, excerptis meditatur, & Meletemata parturit? cessabit itaque etiam circulo sextidui absolutio. num eruditus non stringitur præcepto cultus externi & interni per aliquem diem Deo suo exhibendum? num nulla lege tenetur exercitia pietatis externa diei cuidam determinatè consecrare? obstrictus itaque erit, quod ad observationem Sabbathi. Num Studiosus vel Doctor vinculis illis decem non agnoscat se subjectum esse Deo, & ut gaudet privilegiis civilibus ruptâ catena Sanctitatis exemptionem prætereundum poterit quoad tertium præceptum, Rusticis tantum ad sacra remissis vel Quietis Sabbaticæ destinatis, aut aliis civibus simplicioribus, qui crassâ de gente Meneni? Sanè, si Decalogus intra numerum à Deo definitum subsistit; si est Typus Sanctitatis divinæ, exemplar & norma agendorum omnium, citra sexus, dignitatis, eruditionis & cæterorum differentiam, omnibus & singulis incumbet illius observatio, omnes & singulos secundum singula vincula adstringet.

## I I.

Nolumus tamen negare in præcepto hoc, prout est conceptum primitus, circumstantiis & rationibus munitum, primò fuisse observatos Legislatori Judæos, sive Israelitas, quibus jungitur Advena in portis; unde in ipso præcepto Israelitæ dispescuntur in illos, qui præsumunt & qui subsunt, dicitur enim אַתָּה Attâh, Tu Vir, Tu Paterfamilias cum uxore Tua, quæ in gubernatione familiæ concurret, non facies ullum opus, nec liberi Tui, filius vel filia, nec ministrantes Tibi servus scil. & ancilla, qui aliàs per sextiduum tuis subservierunt usibus, fatigati laboribus tua curarunt, & imperata tua fuerunt executi.

III. Jun-

## III.

Juncti verò sunt Israelitis Advenæ sive peregrini, qui in Jalkut distinguuntur in triplicis generis, scilicet illos qui evaserunt peregrini propter cibum, morticini scilicet de quo *Deut. 12. v. 21.* illos qui accesserunt, ut alantur ceu pauperes, & tandem illos, qui propter nomen Sancti Benedicti cœtui sacro sese conjunxerunt: quanquam binarius quibusdam placeat, & existiment mediam speciem vel ad primum vel ultimum referri posse extremum, unde distinguunt ejusmodi in profelytos Justitiæ & portæ, de quo alibi.

## IV.

Per peregrinum autem, cujus hic fit mentio non intelligitur profelytus Justitiæ, utpote qui ad ipsos Israelitas venit referendus, & sub illorum nomine quoque intelligendus, unde dictus *περολυτος* tractus, vel filius fœderis, & habitus in populo sacro fere æqualis illis, qui ex semine Jacobi oriundi.

## V.

Cum verò præter profelytos Justitiæ & portæ, secundum quosdam, etiam fuerint profelyti mercenarii, quo referunt locum *Exod. 12. v. 44. 45.* Servus emptus & circumciscus edet de paschate, sed inquilinus aut mercenarius nō vescitur illis: ideoque non dubitamus, cum maximè etiam Quieti tantum fuisset hoc præcepto, nō scilicet ille defraudaretur laborans per sextiduum, talem quoque ex hoc præcepto non fuisse operandum, eidem quoque abstinendum fuisse à laboribus & operibus ordinariis; imò nō dubitamus, non tantum inquilinos & mercenarios debuisse sese attemperare huic legi de Sabbatho, sed & qui tantum divertebantur, ad tempus subsistebant, ut vel venderent vel emerent, & ex illorum erant numero, qui Viatores dicuntur defleßentes ad pernoctandum. *Jer. 14. v. 8.* in tantum ad minimum, nō sacra Judæorum, quietem populi Sancti suis turbarent negotiis, aut contemnentes festivitatem scandalizarent electos Domini. quò referunt illa *Nehem. c. 13. v. 19. 20. 21.* nec malè hic Gomarus: Nè verò ea, quæ de ministrantium & peregrinorum quiete mandantur, pro immitti Israëlitarum ingenio negligenterentur, idcirco Moses parem eorum hac in re rationem esse definit. *Deut. 5. v. 14.* Ut quiescat, inquit, servus tuus, & ancilla tua, sicut Tu, & *Exod. 33. v. 12.* Cessationi imperatæ addit; Et respiret, (h. e. recreetur) filius ancillæ tuæ, & peregrinus. Hæc de hominibus, quibus Sabbathi quies imperata.

## Th. VI.

## VI.

De Jumentis dubitari potest, quomodo ad objectum hujus Mandati sint referenda, cum alias leges non obligent nisi rationales Creaturas, & illis ferantur, qui illas audire, excipere & vel mente obsequiosa venerari, vel recalcitrante contemnere possunt; verum non tam jumentis quid præcipitur hic, quam homini de jumentis, quibus Deus vult subvenire huic Mandato. Homines enim duri ingenii quandoque etiam jumentis non parcere solent, quæ fatigarunt per sextiduum, desiderant ex usu illorum lucra captare, remque augere familiarem; ideoque Deus illis quoque voluit indultum aliquid & quidem omnibus, ut ita unâ quiescerent homines, & cultui Divino vacarét, atq; pecudes sive jumenta, onere pressa alias per sextiduum, reficerentur.

## VII.

Cæterum ut hominem objectum diximus hujus præcepti & quidem omnem, ita non frustra adjecimus Legi subjectum, ut restringeremus assertionem nostram ad homines, qui præter esse humanum nullum aliud habent. Neq; calculum addimus illis, qui ipsum Christum etiam *θεοὺν ὁμολογούντες* huic legi submittere intendunt, inter quos Gisbertus Voetius nomen suum profitetur. Quæstione enim decima quinta interrogat, an Christus toto vitæ tempore, secundum humanam Naturam subjectus fuerit observationi Sabbathi, & an nunquam illud profanarit? ut quidem calumniabantur Judæi *Matth. 12. Luc. 12. Job 5.* & respondet: prius affirmatur ex *Gal. 4. v. 4* Negatur posterius ex locis jam citatis, ubi à crimine objecto se purgat. Quod autem objiciunt ex *Matth. 12.* filium Hominis esse Dominum Sabbathi, intelligendum esse secundum Divinam naturam, collatum cum *Job. 5.* estq; in hac phrasi *ἡγίωσεν τὴν ἰδίου σάββατον*, ut *Joh. 5. v. 13. Act. 20. v. 28.*

## VIII.

Tandem etiam Viatoris mentionem fecimus, cum nec beati nec damnati adstricti esse intelligantur Legi illi de observando septimo die hebdomadario; Nam *primò* ubi mera regnat æternitas, ibi exulat omnis dierum distinctio, omnis temporum successio, omnis vicissitudinum ordo, post consummationem verò seculi æternitas beatos & damnatos comitabitur. *Secundò*, disertè Esaias de statu Beatitudinis: *Et erit Mensis ex Mense & Sabbathum ex Sabbatho: Veniet omnis Caro, ut adoret coram facie mea dicit Dominus: cap. 66. v. 23.* quæ verba

*Pars Specialis.*

*Fff*

quamvis

quamvis Caspar Sanctius accipiat de temporibus N.T. (quod si concederetur, nihilominus perfectio illius perpetui Sabbathi figuraretur in altera vita) magis tamē placet nobis periphraſis B. noſtri Gerhardi ſcribentis ad illa: In Vita æterna perpetua feſtivitas & quies pacatiſſima erit, quia Neomeniæ erant & Sabbatha populo Iſraelitico dies feſtivi: Sic ergò verbis huius ſeculi Propheta deſcribit res futuri ſeculi. Conſtat etiam ex communi Theologorū ac Philoſophorum ſuffragio, meram & nudam æternitatem omnem temporis ſucceſſionem excludere. Jam verò tempus eſt commenſuratio ſecundum motus corporum cœleſtium. Quod ſi ergò ceſſabit tempus, utique etiam ceſſabit motus cœleſtium corporum, nec glorificatorum duratio juxta illud poterit meſſurari. *Tertiò* in damnatis deficiet Quies ſtata, ceſſatio per intervalla à cruciatibus & laboribus, nec non cultus Deo aliàs acceptus externus: quapropter etiam damnati nullum agent Sabbathum, & propter rationem æternitatis etiam Legi de ſanctificando ſeptimo die ulterius non erunt ſubjecti, Deo immutante durationis ordinem & ſublato tempore meræ æternitati Regimen aſſignante.

## I X.

Demonſtravimus, ceſſationem ab opere ſervili eſſe imperatam omni homini citra reſpectum ſexus, dignitatis vel eruditionis; ex quo quis forſan colligere poſſet, ceſſandum eſſe ſimpliciter, rigorosam abſtinentiam eſſe mandatam, nullum opus eſſe exceptum; verum aliter ſe res habet. Nam *primò* excepta ſunt opera Neceſſitatis. Neceſſitas autem eſt vel abſoluta & talis, ſine qua hominis vita non poſteſt ſubſiſtere, vel ſecundum quid ex ratione honeſtatis: non tantum illa opera Neceſſitatis excluſa ſunt ab obligatione huius præcepti, quæ abſolutè talis, ſed etiam quæ Neceſſitatis ſecundum quid. Reſerimus itaque huc opera Naturæ: conceſſum quippe eſt hoc die edere, bibere, adeoque facultati nutritivæ proſpicere: & ſicut cibum ingerere non repugnat huic præcepto, ita nec egerere digeſtum. Ipsi quippe Judæi comederunt hoc die citra violationem Sabbathi, imò convivium agitarunt, ut conſtat ex *Neb. 8. v. 10.* adeò ut abſurdi ſint illi, qui volunt hoc die jejunare, vel etiam cibi præparatione omni abſtinere religione ducti Sabbathi; & quidem quosdam fuiſſe huius ſuperſtitionis inter primos Chriſtianos, ex ſuperioribus colligi poteſt, & Eſſæos ab alvi purgatione abſtinuiſſe, Joſephus teſtatur *lib. 2. de bello*



*bello Judaico cap. 7. Secundo, Opera Loco motivæ: quis enim neget licitum esse domo egredi, vel cultus publici vel proximi visitandi causa, cum etiam in V. T. profectio talis non fuerit prohibita, ut constat 2. Reg. 4. v. 23? Unde licitum esse putamus, si quis ad Templum etiam remotius vel extra locum domicilii eat, equitet, rheda vehatur; ut quidem hoc in Suecia, ubi ab ædibus privatis publicæ distant, frequentissimum, in Gallia, ubi urbe Lutetia excedunt, qui Reformatæ religioni sunt addicti, & Charintonensem accedunt Ecclesiam; si quis in pagum excurrat, vel in urbem visitandi amici causa, qui decumbit, vel medicamenti exhibendi, nè in discrimen adducatur servandus. Tertiò, Opera Rationis & Voluntatis. Est aliàs intellectus humanus maximè activus, nec facilè quiescit, in singula ferè momenta voluntas sese movet, & nunc hoc, nunc illud appetit; unde etiam hæ operationes non adversantur Religioni Sabbathicæ, mandato divino de cessatione ab ordinariis functionibus, si præsertim referantur ad objecta licita, honesta & sacra, Verbi Divini meditationem, amplexum & delectationem; quis enim accusabit conceptus de Creationis beneficio, & Quiete divina subsequente, quos ipse Deus ex verbo ministrat? quis Judæis potuisset obvertere violationem Sabbathi, si occupati fuissent in consideratione educationis ex Ægypto, in memoria continuatorum laborum, qui cessarunt Pharaone cum suis merso? quis crimen intentabit Christiano, si resurrectionis Dominicæ Majestatem, Veritatem, Ubertatem sibi contemplatione die Dominica prosequatur, & ex Capitis resurgentis vita ad sui, tanquam membri corporis mystici, futuram vivificationem concludat? quis loqui, quod opus rationis est, prohibeat hoc die, dicere illa quæ honestatem & pietatem sapiunt? quis non stolidos pronunciet illos, qui extra Aquam superstitione ducti volunt esse magis muti, quàm pisces & bruto silentio Deum venerari? Annon satius esset, ora in laudes Dei resolvere, quàm intra dentium septa exanimare fructus, qui publicum cultum solent augere? annon David voluit, & quidem impensè desideravit, adire domum Domini *Psal. 122. v. 1.**

## X.

Sed non solum opera Naturæ recensita non pugnant cum lege Divina, sed etiam *Opera artû* quædam, quæ necessaria. Sic primò concessum est die Sabbathico pectine uti, capillos instruere, & fluxos crines

in ordinem redigere, lavare faciem, & manus, & sordes detergere adhærentes dentibus, & totam faciem decenter ornare. Concessum est, vestimentis sese munire adversus frigus, vel propter nuditatem probrosam se tegere illis, calceos aptare pedibus, & ad honestum habitum sese componere. Concessum deniq; est, pro confortatione vel memoriæ, vel aliarum partium corporis illinire balsama, adhibere pulveres, uti unctionibus & aliis, præprimis si infirmitas urgeat.

## XI.

Succedunt *Opera Libertatis*, quæ scil. homo citra vulnus conscientie hoc die eligere potest, & vel agere vel non agere; permissa quippe est *honestæ Recreatio*, cujus indolem, mensuram, & circumstantia Christiana prudentia definiet, nec improbatur deambulatio in hortos, agros, & vineas; oblectatio ex adspectu creaturarum, quæ providentiam & liberalitatem divinam nobis commendant; nec simpliciter *exercitia aliqua post auditas conciones* & sacra peracta, quæ honestati non adversantur.

## XII.

In *Societate Ecclesiastica*, si attendatur homo, etiam occurrunt opera, quæ conscientiam turbare nequeunt, utpote fores templi referare, pulsare campanas, folles inflare organorum Musicorum, quod ædituorum & Ministrorum aliorum, subsellia deportare vel demittere aut aperire pro varietate Locorum, quod commune intrantibus Templum adire, & Altare, suggestum conscendere, & cætera, quæ pastoribus incumbunt; hæc enim opera ita comparata sunt, ut subserviant cultui divino, atque ad illum tendant & colliment.

## XIII.

In *politica* deniq; *Societate* vel tempus pacis vel belli quædam reddit licita. Utroq; quidem illi, qui ad clavum Reipublicæ sedent, non peccant, qui curant, ut omnia ordine sint disposita in terris, pagis & urbibus, nè quies turbetur publica, de die prædarii portas custodiant, turribus prospiciant, mœnia defendant, noctu verò vigiles stata tempora observent, horas denuncient, ad omnia quæ noxia attendant, qualia sunt pericula cædium, incendiorum & similia. Pacis tempore quidem moderatius potest agere Princeps vel Magistratus, Belli verò magis sollicitè, ubi Necessitas postulat, quæ alias potuissent eleganter omitti.

## XIV.

## XIV.

Et hæc sunt charitatis opera; quibus accenferi possunt visitatio ægrotorum, Exhibitio Medicamentorum, deportatio decumbentium & sublevatio, collectio & distributio Eleemosynarum, Agapæ Christianorum, & illa, quæ vel ab Ecclesiasticis vel Politicis vel privatim vel publicè fieri possunt.

## XV.

*Necessitatis* denique & insimul *Charitatis opera* sunt huic diei non adversa, quæ inopinatus casus & proximi Salus provocat, quale auxilium in melancholico & desperabundo exhibendum, extinctio flammæ in incendium serpentis, & vel in consumptionem domus vel urbis vastationem; Ereptio naufragorum, vel etiam Bonorum, quæ submersionis periculo vicina, Defensio per arma adversus hostium incurfationes; Collectio frugum & vindemiæ vel ob tempus pluviû præcedens, serenitate divinitus indulta hoc die, quam diu desiderarunt gementes, vel ob aliam ingentem causam & casum, quales quamplures dari posse nemini dubium, quos moderari debet prudentia Christiana, oculus illuminatus ardenti flammæ cordis Christiani intendens.

## CAPUT VI.

*De Pœna Transgressionis.*

## Th. I.

**N**Otum est ex sacris, quòd Sabbathi profanatio in V. T. fuerit non tantum acriter reprehensa, sed & punita. Ipse Deus ad extremum usque supplicium progredi voluit & decrevit excisionem illius, qui ligna hoc die collegit: ita quippe Sententia divina Num. 15. v. 32. & seqq. Cum filii Israel essent in solitudine, invenerunt quendam colligentem ligna, in die Sabbathi, quem adducentes ii, qui invenerant illum colligentem ligna, ad Moysen & Aharonem & ad totum cœtum, posuerunt eum in custodia; quia non fuerat declaratum, quid faciendum esset ei; edixit autem Jehova Moysi: omnino morte efficitur vir ille, obruito eum lapidibus totus cœtus extra castra, educentes itaque totus cœtus illum extra obruerunt illum lapidibus, ita ut moreretur; quemadmodum præceperat JEHOVA Moï.

## II.

Dicitur Israëlitas fuisse in solitudine & deserto, & Sabbathum

Fff 3

obser-

*" Neg. ob loc  
Exod. 34. 21.  
vi. By volueris  
ta colligere frug  
in die Sabbathi  
p. Dies Opæ est  
Hos. Exod. Linc  
tempus et ter  
Sabbatum. Ita  
Sabb. est pœna, quæ  
regis benivolentia  
fuit qd.*

observasse quoad vacationem à Laboribus, quamvis ut multi existimant, *non quoad sacrificia*: dicitur accidisse, ut hominem colligentem ligna in illo sc. die quidam invenirent, & quidem *anxia perquisitione, studiosa collectione*, ut observat *Antonius Fonseca Scholiastes Cajetani* ad verbum *וּבְיָמָיו* nec tantum ut vult *Pagninus* lignorum *struem*, sed & stipulas atque quisquillas, quæ sc. adhibiturus erat ad ignem accendendum, contra præceptum *Exod. 35. v. 2.* Dicitur denique oblatum esse cum *Mosi & Abaroni*, nè inauditus occideretur, & universæ multitudini, & tandem ad sententiam Domini lapidibus fuisse obrutum,

## III.

Quamvis verò existimeamus, *severè quoque esse animadvertendum* in profanatores Sabbathi, & quidem vel maximè eà de causâ, quia non tantum hic dies opere servili à quibusdam contaminatur, verum & *peccaminosis actibus*, enormiter pietatem lædentibus: unde etiam illis, qui tantum Operando Legem Sabbathicam transgrediuntur in Ducatu nostro dictatur mulcta, imò incarceration secundum Rescriptum principale de Anno 1639. 5. Martii, adeoque majus quid decerni potest impiis hoc die; Rigor tamen iste capitalis pœnæ cessat hodie in Ecclesia & Christianis Rebus publicis, idque idèd, quia lex illa pœnalis. *Exod. 31. v. 14. & 15. erat forensis*, unde quamvis *genus* possit observari, quòd sc. graviter veniant puniendi, qui non tantum operibus servilibus, sed & peccaminosis hunc diem dehonestant, & Magistratus pro autoritate, qua pollet divinâ, severè animadvertere possit in transgressores Legis hujus, præsertim, si sint contumaces, ad unam & alteram admonitionem non cedant, sed pertinaciter hunc diem Baccho, Veneri, lusibusque illicitis dedicent; ipsa tamen lex determinatè de supplicio capitali non stringit Principem extra Rempublicam Judaicam, penes quem potestas legislativa, ut transgressorem publico submittat supplicio, eo ipso quo forensis, quo ad certam Rempublicam restricta; quæ si hodie esset observanda, non tantum ii essent lapidandi, qui temerario juramentorum usu, luxu & crapula aliisque peccatis profanant hunc diem, sed & illi, qui unicuique servile opus exequerentur, cum & lex de tali concepta sit casu, & explicatio illius in executione id doceat,

Th. IV.

## IV.

Dubitari autem forsan posset, num *in loco hoc* recenseatur Executio legis, quæ legitur *Exod. 31. v. 14.* quia dicitur, reclusum fuisse hunc transgressorem, & nescivisse Israëlitas, quid super eo facere deberent, quod sanè non fuisset illiquidum, si hæc Lex antea lata fuisset: unde etiam *Oleaster* *ὄλεστος* *ὁλεστος* admisit. Rectius tamen dicitur, quamvis decretum quidem fuerit huic transgressori ultimum supplicium, de *modo* tamen & *specie* ambiguos adhuc fuisse; ut de *blasphemo* *Levit. 24. v. 12.* præsertim concurrentibus circumstantiis, quæ remoram hîc injicere poterant, & DEI responsum exigebant.

## V.

Erat autem hæc pœna, hoc supplicium divinitus decretum, versiculo trigesimo tertio gravissimum, *Lapidatio* sc., afficiebantur quippe illo idololatræ, *Levit. 20. v. 2.* *Deut. 13. v. 10. cap. 17. v. 5.* Blasphemi, *Levit. 24. v. 14.* Magi, *Lev. 20. v. 27.* Contemptores Sabbathi, hoc loco; Adulteri, confæ *Joh. 8. v. 5.* & *Levit. 20. v. 10.* Inobedientes & parentibus immorigeri, *Deut. 20. v. 18.* fures, sacrilegi, *Jos. 7. v. 26.* Harioli, *Levit. 20. v. 27.*

## VI.

Cur autem tam gravis sit lata sententia, quanquam scrupulosè non debeat inquiri, cum sufficiat Majestas Numinis & Voluntas Legislatoris, qui transgressores præceptorum suorum punit eo modo, quo ipsi placet, & sapientiæ justitiæque infinitæ est consonum, nihilominus Interpretes etiam hic subveniunt, nec malè *Junius* scribit: Quæritur, an tanti fuerit lignum Sabbatho colligere? & Resp. observationem Sabbathi clausulam esse omnium præceptorum prioris tabulæ ad cultum DEI pertinentium, quâ omnes exercitationes pietatis imbibi à suis volebat DEUS, quapropter qui Sabbathum negligebat vel minimâ observatione, reus erat abdicati totius cultus divini; ex quo illud profectum est, quòd omnes Prophetæ passim summam impietatem circumscripserunt violatione Sabbathi. Lapidibus vero obrui jussit Deus hunc transgressorem, secundum *Philonem*, quia habebat *ψυχὴν λιθινὴν καὶ σκληροτέραν* animam duram & saxeam lib. 3. de vitâ Mosis. Exemplâ autem etiam extraordinariè à DEO punitorum plura possent adduci etiam nostris Temporibus, si nobis otium esset, de quibus consuli potest *Historialis Catechismus Antonii Dauroultii* & alii Scriptores practici.

## VII.



## VII.

Interim, ut diximus; Princeps vel Magistratus facile poterit colligere ex loco allegato, non lævi brachio hoc esse puniendum, sed graviore. Si enim, ut vult *Capponus*, paupertas colligentis, parvitas rei collectæ, necessitas admodum ingens non fuit attentata à Deo, sed supplicium decretum extremum illi, quem invenerant quidam succedentes in locum liberiores extra castra, ut precibus vacarent; multò magis severus vultus, manus durior Principis illos premet, qui nec paupertate compulsi, nec necessitate adacti servilia opera destinant Sabbatho, imò eundem diem transigunt ita, ut & se peccatis obruant & proximum graviter scandalizent.

## CAPUT VII.

*De Operibus Sextidui.*

## Th. I.

**S**Ex diebus operaberis & facies omne opus tuum, dicit ille qui septimum diem quieti & cultui sacro destinavit, per *sex dies* intelligit illos, qui Sabbathum præcedunt, sex in circulo illo dierum, qui cum septimo hebdomadem conficit, sex, qui præcesserunt Sabbathum Judaicum, sex, qui nunc præcedunt, & antecedunt diem Dominicum; dicit autem *operaberis* illis sex diebus. In Hebræo occurrit vox תעבד *cu-*jus radix עבד quæ notat *opus facere*, עבדו, arbeiten. Buxtorfius reddidit, *servivit*, coluit, & ex usu Chaldæo *operatus est*, *fecit*: in primo significato respiciens ad עבד, quæ vox notat *servum*. Usurpatur autem hæc passim in Scripturis de *agricultura*, ut constat ex Gen. 2. v. 5. ex Gen. 4. vers. 2. Prov. 12. vers. 11. de operibus *Mechanicis* Esai. 5. vers. 9. Ezech. 48. v. 18. Secundò de *servitute*, ut docet locus Gen. 29. v. 25. Deut. 15. v. 12. Tertiò de *cultu* Exod. 19. v. 26. Malach. 3. v. 13. & 18. generatim autem notat, *operari*, *laborare*, *opus facere*, præscindendo à qualitate operis & effectu Num. 4. v. 24. & alibi. Non autem absolvitur voce *operaberis* sententia divina, sed additur *operaberis opus*, ut intelligatur, quid faciendum; in Hebræo est vox עמל *quæ* hîc, ut Interpretes notant,

notant, significat opus servitii sive laboriosum; quanquam enim generatim in Scripturis de quocunq; opere etiam citra rationem servitii vel laboris exhibiti legatur, utpote de Creatione, Gen. 2. v. 2. & 3. attamen propriè, strictè & frequenter usurpatur de opere servili, Exod. 12. v. 16. c. 35. v. 2. Levit. 23. v. 31. Num. 4. v. 3. cum itaque vox operaberis sit ambigua, ideoque adjecit DEUS hanc, ut intelligamus, quæ opera sint dierum illorum, qui festum antecedunt, nempe illa, quæ servilia laboriosa & ad hanc vitam pertinent.

II.

Addit DEUS, ut sufficienter exponat homini Mentem suam, de operibus sextidui, *sex diebus operaberis & facies omne opus tuum*: quibus adjectionibus ostendit partim opus nostrum esse faciendum, contradistinctum operi divino, quod Numini debetur, opus commune, non sacrum, opus nostris usibus destinatum, non solenni cultui; partim ostendit, omne opus servile non repugnare hisce diebus. Cum enim illa sint magnæ varietatis, & vel hoc vel illo modo servilia, cum opera sint vel civium mechanica, vel rustica in agris degentium, quadam magis vel minus sordida, ideoque particula *וְ* interjecta omnem tollit scrupulum; atque ostendere vult, nullum ejusmodi opus exclusum esse, sive illud sit Politicum sive æconomicum, sive illorum, qui sunt in hoc, sive aliorum qui sunt in alio statu, vel genere vitæ, singulis circa Materiam determinatam occupatis, quod etiam notavit Gomarus scribens: Opus hoc commune, vel omne, vel aliquod, esse tantum potest. Ac propterea non indefinite hic dicitur, opus, ut in eadem sententia, Exod. 31. v. 14. & 15. *Qui fecerit in ea opus*: sed distinctè additur Tuum & omne. Tuum enim (ut res ipsa indicat) non sacrum sed commune, & quidem non vitiosum (quia illud cum DEI legislatoris Sanctitati, Psal. 5. v. 5. tum legis totius materiæ ac scopo repugnat) sed licitum negotii aut laboris Tui opus, quo Tibi aliisve functione hoc postulante Joh. 1. v. 8. vel saltem non vetante intersis, includit. Omne verò nullum hujusmodi, sive æconomicum sive Politicum sit, excludit.

III.

Acutè dictum volunt à Cajetano intendi hanc phrasin, ut sic operetur quis, ne reservet aliquid ad operandum in diem septimum;  
*Pars Specialis.* Ggg

mun; idcirco excipi opera ex eventibus in diem septimum opportuna, ut ex pralio, quemadmodum apud Machabæos; ex casu bovis in puteum, in Evangelio; ex penuria alimenti illius diei, ut contigit discipulis Christi fricantibus spicas; ex onere diei quotidiano, ut solvere animal, & ducere ad aquam; sive certis diebus, ut servire graviter agris, coquendo, &c. hæc enim & similia non posse præveniendi fieri sexto die, vel ante, nec posse differri in diem octavum.

## IV.

Inanis est subtilitas Oleastri, qui distinguit illud: *sex diebus operaberis & facies omne opus tuum* per subjecta; quasi prius respiciat servos, posterius Dominos: quia ut servorum sit quidem operari, sed dici nequeat de illis, quod faciant opus suum, cum sint ut instrumenta in usu Domini: vicissim verò de Dominis dici possit quod operentur opera sua. Nam quando dicitur *sex diebus operaberis, & facies omne opus tuum*, nullum indicium distinctionis per Subjectum insinuat, sed connexio phraseos, atque exegeticè ponitur postremum membrum, & cui dicitur ut operetur, ei etiam indicatur, ut faciat opus suum. Secundò; quanquam opus servi non sit illius ratione finis & usus, seu redundet in utilitatem Domini, dici tamen potest etiam servum operari vel facere opus suum sub ratione principii operantis, laboris proprii, mensuræ sive dimensi. Unde etiam in Scriptura opera aliis præstita dicuntur illorum, qui præstant & exhibent illa, ut constat ex Exod. 5. v. 4. 11. 13. 14. Tertiò, distributio per subjecta fit demum in sequenti versiculo, ubi prohibetur opus, & disertè mentio fit servi & ancillæ, atque eo ipso, quo generatim Opus removetur ab omnibus; ita hic per phrasin, *operaberis, & facies omnia opera tua* indifferenter insinuat officium, quod observandum.

## V.

Id maximæ disquisitionis est, num Verba hæc: *sex diebus operaberis & facies omne opus tuum*, sint de licito, num de mandato accipienda? an scil. Deus tantum velit indicare illis, sese permittere, ut homo per sextiduum suis negotiis inhæreat, operetur, quæ victui & amictui conducunt, faciatque quæ facienda, & expedienda: num verò obligare his verbis ad labores & studia, ut scil. intendat illis, tanquam præcepto quodam, adstringere ad opera, fugam

gam otii, Ministeria pro varietate status varia, quibusdam illud accipientibus, quibusdam verò posterius probantibus.

## V I.

At non desunt qui præceptum hîc agnoscunt, atque non tantum licentiam fieri operandi, sed & officii homines admone-ri, ad Labores adstringi, à Vacunæ Sacris dimoveri, & vinculo in-jecto ligari asserunt.

## V I I.

Argumenta pro hujus sententiæ confirmatione suppeditant laudati Theologi, & ipsa Textus sacri profundior consideratio. Nam primò dicitur in futuro, *sex diebus operaberis*, atque idem enuncianti Modus adhibetur, qui in Materia de sanctificando septimo die ex ordine hebdomadario. Si itaque Verba de septimo die sanctificando sunt præcepti divini, quæ inducunt obligationem, qui non illa quoque de operando per sex dies eodem modo enunciata intelligamus? & si non repugnat imperare Quietem, quam Deus septimo destinavit diei, qui repugnabit mandare Labores, quorum terminus à Deo præfixus est illa cessatio? Secundo; præceptum hoc de sanctificando septimo die Verbis, *sex diebus operaberis*, latum & datum est homini, & quidem, si Mosai- cis insistamus, corrupto, per peccatum extremè vitiato, at hic ut in cætera propendet devia à voluntate divina, ita quoque ad otium, pulvinar illud Satanæ, præfertque Sacra Vacunæ laboribus, qui fatigant & homini sunt molesti; circumscribere itaque Deus voluit illam exerrandi propensionem, & ad actus officii revocare his verbis, *ut in sudore vultus sui vesceretur pane suo*. Tertiò; ratio huic præcepto subnexa ducit ad Mandati vim propugnandam: non tantum enim dicitur, *Deum quievisse die septimo ab omni opere, quod patrarat, sed & sex diebus, Cælum & Terram atque omnia in illis fecisse*. Si itaque urget exemplum Dei ad cessionem diei septimi per modum præcepti, quomodo non idem exemplum per sex dies operantis ad labores ordinarios adstringet; quid enim quæso illi, nisi opera nostræ vocationis, quæ in Mandato Divino funda- tur?

## V I I I.

Quapropter meritò præferimus hanc sententiam priori, cum enim Deus velit hominem in aliquo esse officio & functioni

sua non deesse; cum ipse homo animal sit ad laborem natum, adeò ut etiam Adamus in statu Innocentiæ, non quidem cum fastidio & molestia, sed tamen adhibitâ manuum operâ, artuum robore, coluisset Terram; cum Deus etiam occasiones vitiorum præscindere intendat, & Decalogus perfectissima sit regula totius vitæ, ac omnium, quæ ab homine proficiscuntur: quis dubitabit, voluisse DEUM Mandato intimare ordinariæ functionis actus & opera, voluisse stimulare præcepto hominem ad id quod post lapsum indiget Mandati suscitabulo, voluisse denique omni otio in vitia declinanti interdiceret, & honesto labori omnem hominem cujuscunque conditionis pro ratione status adstringere?

## IX.

Unde etiam passim Scriptura ordinarii officii functiones non libertati hominis permittit, qui remissior plerunque, sed præceptivè insinuat obligationem ad illas. Emphaticè Paulus 2. Thess. 3. 11. 12. *Andimus quosdam inter vos versantes inordinate, nihil operis facientes, sed curiosè agentes. Iis autem, qui sunt istiusmodi, denuntiamus, ac eos obsecramus, per Dominum nostrum Jesum Christum, ut cum quiete operantes, suo pane vescantur.*

## X.

Quæ autem quidam ex Calvinianis argumenta producunt in contrarium, facilè diluuntur. Primum illud de phrasi & absurdo positum infirmum est. Nam si verba illa, quæ promiscuè sunt concepta, vel videntur inferre jussum, imperium & voluntatem divinam, permissionem quandoque notant, & quidem in re non vitiosa, non peccaminosa, multum decedit Calvinianis, qui imperativos loquendi modos urgent in illis locis Scripturæ, qui de peccato agunt, nec verentur, ubi peccatum regnat, tribuere Deo volitionem illius, negare permissionem tantùm ita enunciari. Secundò; si objectum ita est comparatum, ut illi non repugnet imperio indicari, atque labor sextiduus honestati accedat, societatem humanam stabiliat, vitiis luxuriæ præstruat, qui non potius verba de operando intelligamus præceptivè, quàm permissivè? Tertiò; absurdum intentatum non stringit. Ut enim altera pars præcepti de cessando à laboribus non est irrationabiliter intelligenda, quasi cessandum esset ab omni simpliciter opere, quasi etiam necessitatis & charitatis officia in die septimo essent prohibita:



bita: ita præcedens pars non est ita accipienda, quasi semper esset operandum, citra ullam remissionem aut laboris intercisionem, cum, quod caret alterna requie, non duret, sed accommodatè ad Naturam humanam, vires divinitus datas, vicissitudines, dies & noctes quieti ab ipso Deo destinatas: aliud itaque est mandatum de laborando & obligatio ad labores plusquam asininos, prius Deus intendit hisce verbis, non autem posterius; & proinde absurdum intentatum non premit. Alterum laborat petitione principii. Supponit enim in prima tabula, non contineri officia data de officio nostro erga nos & proximum, quod non simpliciter & absolutè admittendum, vel supponendum. Quid enim fieret de Juramento, quod Latria, ad secundum præceptum spectat, & nihilominus proximum quoque respicit? Secundò, cur Deus tantùm dixit: *Memento, ut diem Sabbathi sanctifices, & septimo die Sabbatum Domini Dei est, non facies omne opus in eo*, sed interjecit quoque & addidit hæc verba: *Sex diebus operaberis, & facies omnia opera tua*. Num enim non sufficienter esset insinuata permissio, & licentia operandi per sex dies, etsi hæc verba non fuissent addita? num non dextrè licuisset colligere: si septimo die non faciendum opus sed cessandum, licebit per ceteros dies operari & laborare, cum itaque Deus unà addiderit: *sex diebus operaberis*, non libertatem ipsis verbis sequentibus insinuatam consequenter, sed necessitatem urgere voluit, & præcepto etiam adstringere id, quod aliàs ita quoque comparatum est, ut præcepti materiam exhibere & sub illo comprehendì possit. Tertiò; quamvis in prima præceptorum Tabula non contineantur mandata de officio nostro erga nos & proximum directè, ita ut exprimatur ipse proximus, aut nos, ut objectum primarium & principale, in quod actus dirigendus, si tota latitudo præcepti attendatur, non tamen absurdum est, etiam nos ipsos vel proximum in præceptis Tabulæ primæ notari, aliquid etiam nobis vel erga proximum, vel erga nos exercendum imperari & mandari. Tertium non adversatur. Nam, sicut unus idemque actus potest esse contra justitiam & charitatem, prout de furto hoc constat: ita non est absurdum, unum eundemque actum duplicem habere vel deformitatem vel integritatem, adeoque ad diversa præcepta referri. Secundò; si comitatur actus contra Tabulam primam in publico, sanè præter id,

quod habet ex sua natura difformi, etiam scandalosus erit respectu proximi, ut itaque talis actus est contra primam Tabulam, & nihilominus in secundam impingit, ita non repugnat unum eundemque actum prohiberi aut mandari, secundum diversa præcepta & prohibitiones, aliâ atque aliâ consideratione interveniente. Tertiò; etiam dupliciter consideratur, aut in quantum dicit defectum laboris ordinarii, aut in quantum per consequentiam post se ducit subtractionem illius quod alteri debetur, dum ignavi fuci consumunt, quod apes collegerunt per sedulitatem, & per fas atque nefas attrahunt, quod laboriosa manus conquistavit cum injuria proximi: priori modo si consideretur otium, prohibitum est hoc quidem in præcepto & mandatus est labor ordinarius ei oppositus verbis, *sex diebus operaberis*; posteriori verò modo, referri tale otium ad præceptum de non furando, liberaliter concedimus, non itaque ex posteriori impugnatur illud prius, de quo nobis quaestio.

### ERRORES PONTIFICIORUM.

#### XI.

Impingunt hic Pontificii primò, dum negant originem Sabbathi post conditum Mundum cœpisse, de Natali Controversiam illi movent, ut videre est apud Tostatum, Pererium, Suarezium, Bonfrerium. Secundò, dum Missis contaminant hunc diem, Marianum Sabbathum confingunt, & ipsam auditionem Sacrorum laxant, de primo videndus Navarrus, de secundo Marchantus, qui ita: Licet Sabbathi dies Judaicè sit abolitus, Christianâ tamen observatione & antiqua Ecclesiæ Catholicæ religione Virgini Mariæ esse dicatum, volens enim Ecclesiæ Virgini diem aliquem septimanæ quasi tributum quoddam pendere, hunc diem meritò elegit, quodammodo commutans festum actionis gratiarum, propter beneficium Creationis Mundi, & requietionis DEI, in actionem gratiarum propter beneficium Creationis Matris DEI. Hæc enim fuit quidam Mundus novus abbreviatus, excellentior & capacior mundo. Quapropter etiam illo die Fideles candelarum accensarum lumine ei cultum exhibent. Et hujus diei cultum sibi gratum multis beneficiis & miraculis Virgò quandoque ostendit. De tertio verò Tannerus, cujus sunt sequentia. Non statim

tim peccati mortalis damnandi sunt, qui non continuò, sed per partes quasdam missæ brevissimas, licet sæpius, garrunt, aut certè de variis rebus, scilicet non seriis, ita obiter & sine attentione confabulantur, ut attentio necessaria ad missam non omninò impediatur, si paulum remittatur. Tertiò, dum ad sanctos demortuos festivos dies obliquant. Ita scribit Bellarminus, honorem dierum festorum immediatè & terminativè pertinere etiam ad Sanctos, quemadmodum dixissem de Basilicis, de votis & de ipsa invocatione; sed talem honorem esse cultum dulciæ non latræ, & proinde religionis quidem cultum, sed religionis non ut est nomen specialis Virtutis; quæ homines erga DEI cultum benè disponit, sed ut est nomen generale. Causa feriarum sacrarum in die Pauli conversi est, ut Ecclesias Paulum conversum invocet, ut è Cælo peccatores convertat. Quartò, dum in compendium Devotionem redigunt cum Navarro, ita decernente. Qui auditâ Missâ reliquum diei tempus festi consumit in venationibus, bellorum simulacris, sive justis & torneamentis, in lusibus, in choreis, aut otiosè vagantur, non peccant mortaliter. Quintò, dum operibus interturbant quietem Sabbathi, & pietatem sufflaminant. Licet in festo, scribit Toletus, studere, legere, publicè etiam pro pecunia disputare, exhortari & concionari, non enim talia prohibentur Opera, hinc fit, ut liceat Advocato studere in festo super lites, & quæ studet & scribere & informare etiam iudices scripto & propter pecuniam, quia ista sunt animi opera. Licet venari etiam quæstus causâ, auditâ prius Missâ, piscari ex consuetudine Ecclesiæ. Sextò, dum in opere operato acquiescunt, & quod DEO debetur, eidem detrahunt. Hoc præcepto de colendis festis non præcipitur cultus divinus interior, qui in meditando & colendo DEO consistit, sed tamen exterior, qui consistit in audienda missa, & abstinendo ab operibus servilibus exterioribus, quæ adminiculo corporis sunt exercenda. ut habet Navarrus. Septimò, dum Sabbathum & dies sacros profanare parvi ducunt. Esto peccare nunquam liceat, tamen hoc tertio præcepto non tenemur ad non peccandum, quia alioquin esset valde noxium tot festa multiplicare, & per ea tendere laqueos animarum. Unde & in die festo fornicari non est sacrilegium aut novum pecca-

peccatum. Octavò, præceptum servandi festa non obligare sub mortali, seposito scandalo, si absit contemptus. uti videre est in Articulo octavo inter septendecim, quos Anno 1653. Facultas Theologica Lovaniensis ad instantiam Archiepiscopi Mechliniensis reprobavit. Nonò, satisfacere præcepto Ecclesiæ de audiendo Sacro, qui duas ejus partes, imò quatuor, simul à diversis celebrantibus audiat. ut habet Articulus decimus septimus per Facultatem Theologicam Lovaniensem Anno 1657. ad instantiam Episcopi Gandavensis reprobatus. Decimò, Puellas excusari ratione pietatis, in die Festo suentes, vel aliud opus facientes, ad vitandum otium, ne ad fenestras se conspiciendas exhibeant. Undecimò, excusari rusticos & mechanicos opus aliquod facientes, ad vitandum otium, & neludendo & potitando, pejerando, blasphemando aut rixando se exponant manifesto periculo: dummodo id fiat clam, domique ad vitandum scandalum. Duodecimò, excusari Barbitonfores & Sutores à violatione Festi, quia si diebus Festis negent Parochianis suis suum laborem, facile à plerisque derelinquantur. Decimò tertio, excusari quoscunque Artifices die Festo laborantes spe notabilis lucri, modò tamen non sit ordinarium. Decimò quartò. Esse probabile, pingere sine magno apparatu licere die Festivo. Decimò quintò. Perpetuò amentibus, servis scil. Ethnicis, fas esse, opera servilia diebus festis imponere. Decimò sextò. Non esse mortale, singulis festis per duas operari horas, quamvis animo fixum teneas, id toto anno efficere velle, & de facto efficias. Decimò septimò. Dominum injungentē laborem duarum horarum viginti famulis simul, non peccaturum mortaliter: quia unius opus nequaquam uniatur cum opere alterius. Idemque esse, si singuli successivè per modicam moram in eodem die laborent, etiamsi uno post alterum laborante totus dies occupetur: quia pari modo unius cum alio non connectatur. Decimo octavò, Ant. Fernandes in Examine Theologiæ moralis parte prima cap. 7. quæstione secunda. Præceptum servandi festa non obligat sub mortali, seposito scandalo; si absit contemptus, qui fuit inter articulos Lovaniensi Academiæ ad instantiam Archiepiscopi Mechliniensis exhibitus & reprobatus. imò decimus septimus articulus hæc habuit: Satisfecit præcepto Ecclesiæ & audien-



diendo sacro, qui duasejus partes, imò quatuor simul à diversis celebrantibus audit. Decimo nonò, Caramuel scribens ad Diam. pag. 434. Navarrus, & quotquot internam attentionem requirunt in officio divino, verbi gratià consideratà vivacitate humani ingenii concludunt, vix, aut ne vix quidem posse hominem satisfacere sine aliqua distractione veniali: sic de præceptis aliis pariformiter philosophantur. At nos, qui contra generose sentimus, & sensum nostrum armato ratiocinio firmamus, non solum milites, sed & virgines sumus: possumus enim ita Horis, aut aliis & Ecclesiæ præceptis satisfacere, ut ne in levem quidem culpam labamur. Prolatio enim & quæcunque alia extrinseca operatio est facillima: & humanæ principum leges, Ecclesiasticæ aut seculares sint, non præcipiunt internas. Imò de se ipso Horas Canonicas legente scribit in sua Theologia fundamentali numero 442. Uno momento, inquit, cælum verso altera ad subterranea transeo: nulla in Oratorio movetur musca, quæ mihi non sit impedimento: attendere lectioni desidero, sed distractiones non evito involuntarias, millies interdum etiam voluntarias. Et nihilominus nullo crucior scrupulo, nullo dubio angor; quia prudenter suppono me ad actionem internam non teneri, eam habere bonum esse, & ea carere ne quidem levem esse culpam: me ad lectionem tantum, & attentionem externam obligari; me legisse totum, quod Rubricæ jubent, certò scio; & ita certò, ut possim jurare: Ergò me ne venialiter quidem peccasse in hac materia scio.

## ERRORES CALVINIANORUM.

### XII.

Cespitant hîc Calviniani quidam primò in origine Sabbathi, dum negant, illud à DEO statutum post septiduum, & vel illum accersunt à statutis datis in Mara, vel à pluitione Manæ, vel à publicatione Decalogi. videatur in primis Franciscus Gomarus. Secundò, dum quidam urgent strictam moralitatem illius, ut Amesius, Nathanael, Ecclinus, Voetius, & alii, in contrarium verò alii contra Moralitatem insurgunt, ut Brodæus, Franciscus White, Heydanus, & alii. Tertiò distinguunt inter

*Pars Specialis.*

H h h

præ-



præcepti hujus sensum literalem & mysticum. Quarto, dum displicet illis pericoparum Evangelicarum prælectio in die Dominica. Ita enim Amesius: Sectionum Lectio publica reliquis Scripturis præteritis repugnat expresso DEI Mandato. Quinto, cum organa Musica nimium tinnire volunt in ædibus sacris cum Paræo, qui ita: In Ecclesia excitandus est animus ad DEUM, & lætitiæ spirituales non tibiis, tubis, Tympanis, quod veteri duræ cervicis & stupidæ Mentis populo DEUS olim indulget, sed sacris Concionibus, Psalmodiis & hymnis. Sexto, dum Feriis insultant: Ita Confessio Gallica, p. 181. Ceremonialem certorum dierum observationem eodem censu numeroque habet quo purgatorum. Tandem rigorem nimium urgent Sabbatharii, ut quidam nimis profani sunt de quibus supra: ita quidam scrupulos citra Necessitatem & laqueum conscientie injiciunt, dum scil. quietem nimis rigide exigunt, ferè ut apud Judæos obtinuit. Nolunt advocari vel Sartorem, vel Sutorem, vel fabrum, si vestis rumpat, calceus pedi non quadret, aut clavis ad Museum pastoris, in quo instrumenta eruditionis, libri ad concionem perficiendam necessarij deficient; Medicorum operam, quam Necessitas & charitas etiam efflagitat, ut licitas in dubium vocant, etiam perseverante pluvia, permissa concionum auditione non ad unius vel alterius horulæ spacium indulgere volentibus illis, penes quos est potestas Politica, si Serenum affulgeat metere, & colligere fruges permittunt; recreationes nimis arctè circumscribunt; ad omnes conciones, quæ habentur in pluribus templis magnarum urbium, populum comparere volunt; conviviis etiam honestis iniquiores sunt; cauponas quæ etiam peregrinis adventantibus serviunt, & longè alterius sunt conditionis, quàm quondam illæ apud veteres, ob quarum periculum & *ma-  
jorem* toties ab Apostolis & aliis hospitalitas fuit commendata & injuncta Christianis, damnant, vel die Dominico toto clausas esse volunt: cum circumscribi possit à Magistratu quod ab honestate deviat, modus poni esculentis & poculentis exhibendis, & prudentiæ superiorum, nec non necessitati aliquid hic sit permittendum. quò etiam Confessorum Judicium referre licet, qui istiusmodi Disputationes scrupulos & laqueos conscientiæ vocant, & articulo ultimo contemnunt.

ERRO-

## ERRORES ARMINIANORUM.

## XIII.

Arminianos si addas, invenies primipilum & principem illorum Jacobum Arminium conspirasse hic cum illis, à quibus aliàs facit divortium in quamplurimis. Disputatione enim septuagesima de quarto Præcepto th. 10. hæc verba leguntur: Jam verò quod ad diem septimum attinet, qui sanctificari jubetur, in eo id morale & perpetuum est, ut dies septimus, hoc est, unus ex septem cultui divino consecratur, neque fas sit ulli homini ullo tempore, quum sex dies animalis vitæ operibus impenderit, septimum in iisdem omnibus aut eodem modo continuare. & thes. 15. sequentia: Si quis diem dominicum à reliquis diebus nullo modo distinguendum putaverit, aut libertatis Evangelicæ declarandæ causâ in alium diem vel Lunæ vel Martis transmoverit, saltem pro schismatico in Ecclesia DEI habendum arbitramur. cui addimus Curcellæum in diatribe peculiari de Sabbatho.

## ERRORES PHOTINIANORUM.

## XIV.

Uti hi devii à veritate excessu peccant & nimis strictam scrupulosam & confragosam viam ingrediuntur: ita inveniuntur qui in defectu errant, & nimis laxè ambulant, & primò Photiniani. ita enim Smalcius de Divinitate Christi cap. 5. p. 20. Præcepit Lex sanctificare diem Sabbathi, hoc præceptum quia ceremoniale est D. JESUS non perfecit, sed istud sustulit, ut & alias ceremonias. Cui suffragatur Catechismus Racoviensis addita ratione, cur adhuc præceptis Decalogi annumeretur, Verba ex Germanico Idiomate in Latinum conversâ ita se habent. Quid de hoc præcepto constat? R. Esse sublatum sub novo fœdere, quemadmodum alias ceremoniales, ut vocantur, censeo. qu. 70. Cui verò Decalogo insertum est? R. ideò, ut absolutissimam legis Mosaicæ partem, non fuisse patefactam appareret, & quidem judicium extaret ejus rei, legem successuram legi Mosaicæ, longè nempe perfectiorem, legem nempe Domini nostri Jesu Christi Quæst. 71. Nonne Christus constituit, ut diem, quem vocant Dominicum, Sabbathi loco loco obiremus? R. nullo modo, cum religio Christi, quemadmodum alias ceremonias, uti vocantur, ita de-

H h h 2

lectum

lectum dierum tollat. uti Coloss. 2. v. 10. aperte scribit Apostolus: *Verum cum diem Dominicum antiquitus celebrari à Christianis videamus, nos eandem libertatem omnibus Christianis permittimus.*

### ERRORES ANABAPTISTARUM.

#### XV.

Referunt ad Legis Ceremonialis jugum vetus, quo populum suum liberavit Christus (juxta ferias & festa anniversaria Judaica) etiam feriacionem Sabbathi externi. Auctores Confess. oppos. Fauckelio Artic. IX. p. 123. In quam sententiam apertius V. L. Defens. part. 2. pag. 95. sic pronunciat. Ne ipse quidem Decalogus expers est earum (umbrarum.) Nam die Sabbathi observationem ad umbras pertinere, testis est Paulus, Coloss. 2. v. 17.

### CASTIGATIO PONTIFICIORUM.

#### XVI.

Ast quid primo de origine Sabbathi sit sentiendum, in Tractatu de Sabbatho exposuimus, & argumenta Adversariorum excussimus. Secundò qui Missas inserunt huic diei, tenebras opponunt Soli, qui Mariana Sabbatha celebrant, cultum divinum obliquant, qui denique cornicationibus, colloctionibus, confabulationibus fenestram aperiunt, conscientiam laxant, peccatis fores pandunt. Tertiò quid de sanctis demortuis & cultu illorum sentiendum, supra expositum. Quartò, quantum pietatis sit in Pontificiis, ostendit. Quintum prodit itidem profanum Animum. Sextum DEO non reddit quæ DEI sunt. Septimum contra divinam voluntatem revelatam exsertè. Octavum ipsis Pontificiis displicet. Nonum cum quarto coincidit. Decimum malum malo curat. Undecimum est fistula dulce canens Rusticis & Avaris. Duodecimum ad Marsupium respicit operariorum non ad DEO debitum Honorem. Decimum tertium excusat, quæ accusanda. Decimum quartum pingit tempori, non æternitati. Decimum quintum contra legem divinam disponit. Decimum sextum mortalia peccata impugnat, & venialia fingit. Decimum septimum malè computat. Decimum octavum ab Archiepiscopo Mechliniensi fuit reprobatum. Decimum nonum prodit Ingenium Caramuelis.

#### XVII. CA.

## CALVINIANORUM.

## XVII.

In Calvinianis quod reprehendimus circa primum latè excusimus in Tractatu de Sabbatho. Secundò Dissensus ita apparet inter ipsos, dum alii excedunt, alii deficiunt in hâc Materia. Tertiò malè supponunt illum duplicem sensum, quem expunximus Tractatu de Sabbatho Th. 25. Quartum excussit B. Meisnerus in præfatione ad Evangelia. Quintum tollit ea quæ ad *evangelium* faciunt Ecclesiæ. Sextum libertati Ecclesiæ insidiatur, & veterem consuetudinem sine ratione prægnante abrogat.

## ARMINIANORUM.

## XVIII.

Arminius tandem loquitur de transmutatione actuali, supposita jam determinatione diei dominicæ in Ecclesia, & talem censet pro schismatico esse habendum, de quo non disquiritur. Secundò; diem Dominicum à reliquis diebus nullo modo distinguendum esse, nos non affirmamus. de causa distinctionis est quæstio: an scil. idèò distinguendus sit, quia præceptum de Sabbatho sit juris moralis strictè sic dicti; an verò alia ex causa, quia prudenter & rationabiliter electus est ab Ecclesia, & locum Judaici Sabbathi surrogatur. Tertiò; Confessio Remonstrantium si ut verba jacent, accipiantur, planè pro nobis stat, & idem dicit, quod orthodoxi propugnant, ita enim verba illius habent. cap. 12. p. 41. thesi sexta: Quartum præceptum de sanctificando die septimo sive Sabbatho quod attinet, in Vet. quidem Testamento rigidè id observandum erat: sed quia à Domino Jesu Christo, sub Novi Testamenti tempore, discrimen dierum prorsus sublatum est, ad ejus observationem præcisè nemo Christianus obligatur. Interim tamen, quia primum hebdomadæ diem, qui Dominicus dici solet, conventibus & exercitiis sacris ab Ecclesia primitiva destinatum fuisse legimus; & maxime, quia spiritalibus, sanctisque operibus, atque externis etiam pietatis exercitiis vacare, res per se laudabilis ac pia est; omninò arbitramur, Christianos rectè pièque facere, quod ad exemplum Ecclesiæ primitivæ, piam istam consuetudinem (nisi gravior necessitas aliter interdum facere cogat) servare non negligunt; & primum hebdomadæ diem, procul tamen omni superstitione Judaica, quasi sanctum, à reliquis segregant: eoq; sine

ab operibus non necessariis se continent, quo attentius divinis & cœlestibus meditationibus; aliisque piis officiis, absque ulla distractione vacare, animumque totum possint intendere; contraque eos, qui secus faciunt; tanquam publici ordinis ac decori violatores, iusta reprehensione dignos esse censemus.

## PHOTINIANORUM.

## XIX.

Quod ulterius Photiniani dicunt, nullo modo Christum constituisse, ut diem, quem vocant Dominicum, Sabbathi loco obiremus, id simpliciter concedi nequit. Quanquam enim nulla habeatur expressa constitutio; non tamen Ecclesia temerariè ad hujus diei segregationem progressa fuit, sed partim vestigiis monita, partim rationibus ducta, partim Spirit. S. ope persuasa, de quo supra abundè egimus. Secundò, religionem Christi prorsus tollere delectum dierum, nunquam, si ad sublationem illius, quod in tertio præcepto morale est, vel ad abrogationem diei Dominicæ extendatur, & ita intelligatur, quasi religio Christiana & dies Dominicus unâ non consistant, sed unum expungat alterum, concedi potest: quia nisi religio Christiana compateretur diei alicujus selectionem, sanctificationem, observationem, ipsa degeneraret in Epicuræismum vel Atheismum, aut ad minimum hominibus profanis via signaretur ad neglectum omnis cultus externi, quod oppidò absurdum. Tertiò; locus ex Epistola ad Colossenses productus id non evincit, quod Photiniani volunt: supra enim exposuimus, quomodo verba Apostoli sint accipienda; repetimus tantùm, hoc ex ipso Paulo patere, quæ Sabbathata notet, nimirum illa, quæ ejusdem generis fuerunt cum noviluniis & cæteris sumbris, nec improbare voluit discrimina temporum vel Physica, vel civilia, vel Ecclesiastica, sed supersticiosam observationem illius, quod tum temporis paulatim evanescebat.

## X X.

Denique quod concludunt, sese eandem libertatem permittere Christianis, cum diem Dominicum antiquitus celebrari à Christianis videant, non consistit. Nam primò dicunt præceptum de Sabbatho esse sublatum in N. T. tanquam merè ceremoniale quid. At si fuit præceptum hoc merè ceremoniale & sublatum



tum, ne libertatis quidem erit septimum diem sacrum haberi; si verò fuit partim ceremoniale, partim morale, ut revera fuit, & dicatur sublatum, iterum dies septimus planè non erit attendendus. Secundò; libertatem permittunt Photiniani quidem, ut Verba ipsorum habent, Christianis celebrandi diem Dominicum, sed eo ipso consequenter insinuant, posse etiam non celebrari, posse ex ordine dierum festorum expungi, adeoque cultum externum septimi dici planè negligi, quod falsum esse, suprà à nobis est demonstratum. Tertiò; permittunt celebrari diem Dominicum, quia antiquitus celebratum à Christianis deprehendant, at si hæc sola est ratio, cur permittant illam libertatem Christianis, plura illis erunt indulgenda, ab Ecclesia antiqua observata, & per Canones Conciliorum correctæ, cumque videant Ecclesiam Æthiopiam longo abhinc tempore diem Sabbathi Judaicum & dominicum conjunxisse, observare adhuc usque tempora, libertatem poterunt eandem permittere cæteris Christianis, ut & Judaicum Sabbathum celebrent, & diem Dominicum observent: quod quomodo consistere possit, cum ipsa Photinianorum hypothesis, vix est imaginabile, dum scil. volunt Sabbathum transiisse cum cæteris Ceremoniis in tenebrarum regionem, nec corpore præsentem posse renovari.

XXI.

Volkelius autem asserendo, quòd ea de causa in moralium præceptorum numerum Mandatum de Sabbatho adscriptum esse videatur, quòd Sabbathi observatio Symbolum fuerit & tessera quædam fœderis inter DEUM & Israelitas, quos à labore atque ergastulo servitutis Ægyptiacæ ad quietem terrenam perduxerit; primò, aliquid dicit, sed non totum: non enim Sabbathi observatio tantum fuit Symbolum & tessera quædam fœderis, inter DEUM & Israelitas, sed idem præceptum sive constitutio quædam intimans cultum certo aliquo die exhibendum. Secundò; sub hac ratione Symbolica speciali Israelitis quamvis ceremonialis fuerit: tamen hoc tantum evincitur, aliqua ex parte fuisse ceremonialem hanc legem, nempe in quantum Israelitis ad quos hæc ratio spectat, fuit lata. Tertiò; falsum est, ea de causa fuisse insertum hoc præceptum Decalogo. Cum enim hic habeat naturam legis moralis; cum constet præceptis æternis & perpetuis, quomodo potest dici, ideò esse insertum hoc præceptum, quia Sym-


Symbolum fuerit fœderis inter DEUM & Israelitas, quos è servitute eduxit, nisi supposito Decalogum tantùm Israelitas respexisse? cùm potius causa inserti hujus præcepti quærenda sit in eo, quod ad Decalogum pertineant illa, referenda sint illa, quæ perpetuæ cujusdam moralitatis.

## ANABAPTISTARUM.

## XXII.

Sed & hi laterem lavant. supponunt enim nimis securè primò ad legis Ceremonialis jugum vetus pertinere observationem Sabbathi: cùm distinguere deberent inter observationem Sabbathi simpliciter talē, & rigorosam secundùm omnes circumstantias V.T. consideratam: observatio Sabbathi simpliciter talis, in quantum scil. dicit diei septimi segregationem, ab operibus servilibus cessationem, & debitam cultus divini exhibitionem, non est jugum Vetus legis ceremonialis, sed articulus legis Moralis, quæ perennat; illa verò observatio, quæ in V.T. locum habuit cum illo rigore, rituumque præscriptorum nexu, nec non determinatione septimi diei, ut quies quoque peculiaris ministrabat, jugum fuit illud, quod ad ceremonias deflectebat, & libertate Evangelii affluente defluxit. Secundò; quomodo potest dici, Christum populum suum liberasse à feriatiōe Sabbathi externa, cùm nullum illius temerarię assertionis vestigium in Scriptura compareat, nullum hætenus ab istius furfuris hominibus fuerit productum Testimonium? Ipse Christus potius cum Apostolis in diebus carnis suæ observantissimus fuit Sabbathi, etiam Judaici: & quando hoc die operatus est non tam Sabbathum violavit, quàm illis qui putabant ipsum violasse: tantùm genuinum sensum præcepti exposuit, & hoc ipsum, quod illi impingebant, prudenter tanquam Legislatores & interpretes ἀντίπρῆς, removit, ut constat ex Matth. 12. Ὑ. 3. 4. 5. & ex Joh. 7. Ὑ. 22. & 23. in super provocavit ad Judicium ἀντιπρῆς, ad quod non provocare potuisset, nisi supposuisset etiam secundum mentem non tantùm legislatoris, sed rectè sententium quoque Judæorum calculo primordialiter esse exceptos casus necessitatis, opera charitatis; adeoque illis operibus, quæ ipse patravit eo tempore pulsam fuisse Sabbathi Sanctitatem, sed observatum potius accommodatè ad genuinum sensum legis. quo autem colliment assertionem suam illi hæretici, facile divinare licet, nimirum, volunt remotam esse omnem feriatiōem Sabbathi externi, ut interno suo Sabbatho omnia tribuant, erthusiasmis fomenta ministrent, & quærant in Corde, quod officina omnium malorum, quod in Speculo Verbi debuisse animadvertere.

CAP. I. Ta-




CAPUT I.  
TABULÆ SECUNDÆ.  
PRÆCEPTUM IV.

THESIS I.

**D**E Præceptis Tabulæ primæ hætenus pro ratione instituti nostri egimus, transimus itaque ad secundam. Respicit illa proximum, ut prima DEUM, quod tum verbis Christi potest deprehendi, legis summam in dilectionem DEI & proximi dispescentis, Matth. 12. v. 37. 38. 39. tum ex officiis præscriptis, quæ proximum spectant, illius bono sunt imperata à DEO, tum ex communi Theologorum Consensu, qui hætenus præcepta primæ Tabulæ & secundæ ita explicarunt, & ostenderunt in posterioribus nobis proponi, quid debeamus proximo illi, qui ejusdem nobiscum sanguinis & carnis, & universi hujus Rempublicam complect, cujus vita civilis maxime in hoc præceptorum ordine stabilitur, ut observat B. noster Chemnitius, qui graviter ita pronuntiat: In secunda tabula ne verbo quidem meminit vitæ solitariæ: de officiis vero politicæ societatis in hac communi vita, non uno, duobus, aut tribus præceptis concionatur, sed totam secundam tabulam in constituenda, munienda & ornanda hac politica vita consumit. Et sicut in creatione, singulis membris in corpore humano peculiare attribuit operationes, ut mutuis officiis sint conjuncta: ita in secunda tabula solcite instituit varia officia, in quibus singuli singulis mutua dilectione inserviant, conferant operas, & communia onera totius vitæ ferant, ut DEO obediant. Nec potest cogitari major laus politicæ societatis: quam quod DEUS tot illustribus & tam admirandis testimoniis, in monte Sina, totam secundam tabulam de communis vitæ officiis promulgavit: & sonora voce, quæ plusquam à sexcentis hominum millibus exaudiri potuit, confirmavit, post cultum primæ tabulæ, homines esse ad hanc politicam societatem conditos.

II.

Conveniunt item aliqua ratione præcepta primæ Tabulæ & secundæ, unde præceptum de diligendo proximo dicitur simile præcepto de diligendo DEO, partim quia est morale quoque, nec inter adiaphora aut



cece

ceremonias referendum, partim quia neglectus illius & que habet poenam æternam imminentem, ut primæ tabulæ transgressio, partim quia ita cohererent Dilectio DEI & proximi, ut unum sine altero non stare posse videatur. Differt vero à præceptis politicis, quæ à Philosophis traduntur, secundum Chemnitium tribus modis, 1. quia Obedientia secundæ tabulæ debet includi in primum præceptum, ut scilicet regatur timore DEI & fide, & communis vitæ oneribus propter obedientiam DEO debitam simul subiecti. 2. quia præcipiuntur non tantum externa: sed interior obedientia, & ea tam perfecta in affectibus, imo in ipsis inclinationibus, ut secunda tabula sit iudicium DEI accusans contumaciam naturæ humanæ, in qua magna est confusio politici ordinis, sicut illum DEUS describit, quia 3. Opera secundæ tabulæ vere sunt cultus DEI, quando gubernantur à timore DEI & fide, juxta definitionem cultus DEI.

## III.

Dispersitur in aliquot Effata & habet hæc Tabula septem præcepta, inter quæ primum locum sibi vindicat Mandatum de Honore parentum, cum prima societas vitæ domesticæ sit radix, ex qua cæteræ affruescunt, lineamenta imperii in civitates, principatus, & regna in gubernatione familiæ signentur, atque Basis totius ordinis politici in hoc præcepto ponatur, de qua in sequentibus.

## VERBA TEXTUS PRÆCEPTI IV.

בְּיָד אָבִיךָ וְאִמְךָ - אָמַר לְמִצְוָה

*Honora Patrem tuum & ma-*

אֲרַכְנָן יָמֶיךָ עַל הָאָרֶץ וְעַל הָאָדָמָה וְעַל הָאָדָמָה וְעַל הָאָדָמָה

*træ tuam ut prolongentur dies*

אֲלֶיךָ יְיָ לֵךְ

*tus, super terram, quam leho-**vah DEVS tuus dâns tibi.*

## T H E S I S I.

**T**Ria in hoc præcepto occurrunt expendenda. Primò Obiectum. Secundò Actus præcepti, tertio Ratio inducens. Primum exprimitur, Voce Patris & Matris, ita tamen ut pater præponatur, quo ipso insinuat & æqualitas & diversitas illa illucescit, ut agnoscantur in radice reverentiæ esse pares, illique deberi honorem, neque matrem ob sexus conditionem inferiorem patre esse negligendam, vilipendendam, aut contempnendam; hoc vero, ut agnoscat patrem primum in honore locum ob-

tinere

## HONORA PATREM ET MATREM, &c. 3

tinere, esse principem familiæ, in ipsum maxime esse respiciendum; præmittitur alias mater, Levit. 19. v. 3. verum ut observant Interpretes, non ratione dignitatis, sed ordinis, cum prius soleant liberi agnoscere matrem, ratione timoris, cum prius videatur timeri utpote magis occupata circa liberos, quam pater, mater, denique, si de reverentia ibi sit sermo, ratione curæ, quia sub cura matrum diutius sunt liberi quam patris, quanquam dici possit ordinem non semper attendi, ut in aliis quoque præceptis Ecclesiastici 3. vers. 1. & seq. Nomine autem patris & matris primò intelliguntur illi, à quibus sumus sati & progeniti, Ebr. 12. vers. 9. notanter vero dicitur אבא pater tuus אמה veimecha mater tua, quæ pronomina quoque occurrunt in N. T. Matth. 19. vers. 19. Marc. 7. vers. 10. Luc. 16. v. 20. Eph. 6. v. 2. quod & prius confirmat, & ostendit patriam potestatem relate esse accipiendam ratione scil. natorum, non aliorum extra hunc ordinem relationis, monetque parentes, ut ita sese exhibeant nativis, ut non tantum sint pater & mater, sed & affectu toti in illos propendeant, ut Filius possit dicere, Pater mi! Filia, mater mi! & vicissim. Consequenter autem nomine hoc comprehenduntur, qui loco parentum sunt, & in Scriptura hoc loco connotantur, quales primò omnes Majores in linea ascendente, ut constat Joh. 8. v. 39. Rom. 9. v. 5. & in V. T. Exod. 3. v. 15. Num. 2. v. 24. Tutores & curatores, qui parentum personam sustinent, Joh. 19. v. 25. 27. Gal. 4. v. 1. 2. Patres familias sive Heri cujuscunque ordinis, status & conditionis, 2. Reg. 5. v. 13. Exod. 12. vers. 3. Præceptores & Magistri artium, Gen. 4. v. 20. 21. Seniores denique omnes natuque Majores, 1. Tim. 5. vers. 1. in statu Ecclesiastico Antistites Ecclesiæ, Pastores, Doctores, 2. Reg. 2. v. 12. 1. Cor. 4. v. 15. Philemon. 10. in statu denique politico Magistratus tum superiores tum inferiores, 1. Sam. 24. v. 12. Judic. 5. v. 7. non male Bodius: Patris nomen omnium primò maximeque proprie competit Parentibus nostris terrenis; quippe quibus ut instrumentis DEO uti visum est, in nobis generandis, educandis, & conservandis; propter quod ipse summus est omnium Pater. Quare quum in his primum ac potissimum eluceat imago illa divinæ paternitatis, illis ante omnes debentur hæc honoris, obsequii, reverentiæ, & gratitudinis officia, propter Patrem illum ecclestem, quem illi nobis modo quodam speciali repræsentant. Deinde, nomen honorque Patris, Regibus debetur atque Principibus, Maritis item ac Dominis, Imperatoribus



bus etiam ac belli Ducibus, ut & Præfidibus, Præfectis, Gubernatoribus, Tutoribus, Patronis, iisque omnibus in universum, quibus imperium in alios, ut & aliorum tutela & regimen, à DEO commissum est: quia scilicet in iis omnibus elucet imago aliqua illius gloriæ ac potestatis, illius imperii dominiique supremi, quod DEO competit in omnes creaturas, illius in semetipso providentiæ supremæ, quâ ipse omnes gubernat & administrat, quâ ipse omnibus providet prospicitque. Sic Gen. 45. signanter inquit Josephus, DEUM se constituisse Patrem Pharaoni, & Dominum totius ejus familiz, Præfectumque in universa terra Egypti. Sic 2. Reg. 5. Naamanem illum Syum, & apud suos Equitum Magistrum, vel Militiæ Præfectum, famuli sui Patrem appellant: *Pater mi*, inquit, *frater magnam Propheta edixisset, an non fecisset?* Sic olim apud Ethnicos ipsos, Reges Abimelechi, & Populi vel Patriæ Patres avebant appellari, licet pauci admodum eo se titulo dignos præstiterint. Tertio, Judices & Senatores huc spectant: utpote quibus ille supremus omnium Judex aliquam suæ in judicando auctoritatis imaginem impertitus est, ob quam similiter honor ipsis ac reverentia debetur. Quarto, Pastores atque Doctores, quibus DEUS uti dignatur in aliis docendis & instruendis, in aliis de sancta suâ voluntate informandis. His enim suæ Sapientiæ & cognitionis umbram aliquam effigiemque communicat, immò sui in hominibus docendis & illuminandis officii & efficaciz. Unde sic Eliam à se abreptum deest Elisæus ejus successor, *Pater mi*, *Pater mi*, *Currus Israël*, & *equites ejus*; Et Apostolus noster non dubitat se, & Corinthiorum, & Timothei, & Titi, & Onesimi, & aliorum, quos ad Christum converterat, Patrem profiteri, quippe quos ipse per Evangelium genuerat. Quinto, venerandi Senes, non ætate minùs, quàm gravitate conspicui: quippe quibus ille antiquus dierum, ut apud Danielem appellatur, aliquam suæ antiquitatis, h. e. æternitatis imaginem communicavit. Denique quia omnes, quibus ipse suæ perfectionis & excellentiæ scintillam, aut umbram aliquam impertitus est, per quam præ aliis eminerent, pro suo loco, gradu, & vocatione, proque DEI donis, quibus alios antecellunt, sub nomine Parentum, nobis honorandi veniunt. Ita videmus quemadmodum Primi summiq; Patris, nempe cœlestis illius, habitâ ratione, ac dependenter ab illo, ut ita dicam, cui soli competit independenter & absolute nominis hujus honor, alii omnes ejus imagine decorati, & nomine & honore participant.

II. Alte-

## II.

Alterum designatur voce *קָבַעַד*, quod verbum in *kal*, significat grave esse, in *Piel* verò honorare, idque ideo, quia, quæ honoramus, non levia esse æstimamus, & veneratio prærequirit gravitatem; de gravitate occurrit hæc vox Gen. 50. v. 9. 10. 11. *Habuit quoque in comitatu currus & equites: & facta est turba non modica, fuit exercitus honorificus valdè. Veneruntque ad Arcam Atad, qua sita est trans Iordanem: ubi celebrantes exequias, & lugebant ibi planctu magno & vehementi, impleverunt septem dies.* Quod cum vidissent habitatores terræ Canaan in Arcâ Atad, dixerunt: *Planctus magnus est iste Ægyptius; & idcirco vocatum est nomen loci illius planctus Ægypti.* Item Exod. 8. v. 20. cap. 19. v. 16. 1. Reg. 10. v. 2. Esa. 32. v. 2. de personis legitur Gen. 13. v. 2. Exod. 4. v. 10. Esa. 1. v. 4. LXX. Interpretes habent vocem *τίμα*. Quirinus de Salazar refert in quibusdam Exemplaribus se invenisse vocem *ὑπερίμα*, super honora, hoc est majorem illis honorem, quàm aliis impertire, aliud verbum occurrit Levit. 19. v. 3. nempe *יָרַע*, imò etiam Vulgatus: *natus matrem suam & patrem suum unusquisque timeat.* Tertium his verbis proponitur, *ut sis longævus super terram, quam Dominus DEUS dabit tibi.* Potuisset DEUS citra promissionem imperare honorem parentibus debitum, sed voluit adjicere promissiones, ut magis stimulet. Juxta Textum Ebræum promiscuè vertitur, & maxime prolongent dies tuos. quod quidam referunt ad mandata, quidam ad parentes, quidam ad dies; qui primum amplectuntur sensum, non videntur satis commodè Textum exponere, tum, quia mandati non sit mentio: quanquam enim illud, Honora Patrem & Matrem, sit mandatum, & ipsius observatio promissione gaudeat longævitatis, non tamen formaliter dicitur mandatum hoc prolongare dies, unde etiam non deprehendes facile aliquos sensum hunc probare ex nostris, aut præferre receptæ interpretationi; altera sententia verbum *יָרַע* *jaricbun* accipit activè, ut sensus sit, parentes prolongare, quia Deus per illos solet extendere vitam, exaudiendo benedictiones parentum, & intercessiones pro natis, vel occasionaliter ut pauperes, quibus *ex iniquo Mammonæ benefacimus & illi proinde, dicuntur nos recepturi in æterna tabernacula*, Luc. 16. at quavis non negemus, hunc sensum posse admitti, neque controversiam movere velimus illis, qui eundem sequuntur, nihilominus tertia sententia prævalet apud nos, ut sensus hic eruatur, *sis longævus super terram, &*

*prolongentur dies tui*, ut quidem B. Lutherus eandem probavit, nam primò solenne est Ebraeis illa Enallage activi pro passivo, ut constat ex Deut. 6. v. 2. secundò Versiones & Interpretes passive acceperunt hæc verba, & intransitive Chældæus interpres, qui habet, *prolongentur*, LXX. Interpretes, qui reddiderunt, *ἵνα μακροχρόνιον γένῃ*, Hieronymus ut sis longævus super terram, Gallicæ versionis Author, soyez prolonges. Adde Musculum, Ursinum, Piscatorem & alios. Tertiò habemus pro nostra sententia testem omni exceptione majorem, Apostolum Paulum. q. i. in Epistol. ad Ephes. 6. v. 2. ita loquitur, *ἵνα μακροχρόνιον γένῃ*. Vidit hoc Hugo Grotius de interpretatione altera quam Junius & Tremellius adoptarunt, ita censens, sed vereor ne id nimis subtile sit, & rectius Græci aliique interpretes vocem, quanquam formæ activæ, sumunt in sensu passivo aut reciproco, nimirum ut *prolongentur* aut *prolongent* se dies tui, quomodo & latine sumi solent verba augere, vertere, gen. inare, movere, mutare, pascere, præcipitare, tendere, turbare, vehere, volvere & alia similia. Absolomò hoc præceptum violantè curati sunt dies. Hactenus ille. Præmittitur in Deuteronomio, c. 15. v. 16. cui consonat allegatio Paulina, Eph. 6. ut bene sit tibi, quæ singularis felicitas indicatur, bene enim esse alicui significat, omnia habere affatim, quæ ad vitam prolixiorem ducendam pertinent. Valetudinem corporis robustam, victum liberalem, uxorem & liberos ad votum, pacem, quæ optima rerum, adeoque promittitur longævitæ felix, cum non vivere, sed valere vitæ sit. Locum felicitatis designat Moyses quoque, addendo, *in terra, quam Dominus DEVS tuus daturus tibi est*, quæ promissa erat à DEO, & in quam post exilium erat introducturus populum suum, quæ insignis opibus naturæ, lacte, melle, frugibus, pomis abundans, balsamum quoque sole ferax, usque ad tempora Plinii, quæ typus & pignus hæreditatis cælestis, de qua Ebraeor. 11. v. 10, 13. 14. cap. 12. 22. 23. Gal. 4. vers. 26. Matth. 5. vers. 5. 2. Petr. 3. vers. 13. & ut Judæorum ratione speciatim hic notatur terra Canaan, ita generatim ratione cæterorum destinatur terra quævis, quæ excipit tales, secundum Paulum Eph. 6. v. 3. Æquitas promissionis divinæ conspicitur secundum Nicolaum Lyranum, ex eo, quia, qui parentes honorat, is vitæ suæ corporalis authores honorat, æquum igitur est, ut vitæ hæc diu seuatur, & adjecit DEUS hanc promissionem, partim ut longævitate felici, in quam omnes propendent, quasi præmio propo-

to ad ejus observationem magis incitaret, partim ut testaretur, quam faceret honorem parentum, & quam graviter velit punire honorem parentibus non exhibentes, partim ut doceret quam necessaria esset obedientia hujus præcepti, cum ad totam reliqua legis obedientiam sit præparatio & causa impulsiva.

## III.

Non possumus probare mentem Wolfgangi Musculi, qui in hæc verba promissionis scribit: Hanc promissionem de longitudine vitæ commodum populo carnali proposuit. Principio perpendendum est, quod præcepto adjuncta est promissio, alliciens ad observantiam ejus quod præcipitur. Promissione hac declaratur, quam sit benignus Legislator DEUS. Poterat simpliciter præcipere, & obedientiam à populo suo sine ulla promissione, vel hoc solo nomine requirere, quod æquissimum est utrumque; & obedire DEO, & honore prosequi parentes, quam æquitatem etiam ipsa dicit lex naturæ. Verum ex abundanti bonitate adjicit promissionem. Sic solent non illi, qui dominium exercent in subditos, sed qui paterno affectu præditi, magis hoc querunt ut bene sit subditis, quam ut ipsi inoffense dominantur. Bonitatis hujus paternæ ac divinæ admoneamur, quoties præceptis ac doctrinis DEI promissiones adduntur, quo suavitate illius animadversa, ad obediendum & obsequendum reddamur alacriores & propensiores. Deinde observa promissionis hujus qualitatem, quam sit conveniens populo carnali & legali, siue bonum quod promittitur, siue minas inclusas respicias. Non dicit, ut placeas Domino DEO tuo, & futuram vitam acquiras: sed ut sis longævus super terram, &c. Natura hoc est omnibus indicum, ut vitam carnis ament, diuque, imo, si fieri posset, in sempiternum vivere cupiant, & mortem, ubi moriendum est, vehementer horreant. Hanc promissionem de longitudine vitæ commodum populo carnali proponit, ut appetitione saltem illius obedientiam ex illo eliciat. Tales sunt & aliz pleræque terrenæ promissiones huic populo propositæ. Habebat & ille quidem electos ac pijs homines ad cœlestia bona destinatos, verum propter pædagogiam legalem terrena illi plerumque promissa proponebantur. Populo vero Novi Testamenti non carnalia & terrena, sed cœlestia bona promittuntur, sicut in Evangelicis & Apostolicis literis videre licet. Dices: Atqui Apostolus Christianis etiam

terre.

terrenam hanc de longitudine vitæ promissionem proponit ad Eph. 6. Respondeo: Proponit quidem, sed præmittit dicens, *Filij obedite parentibus vestris in Domino: Hoc enim justum est.* Et ad Coloss. 3. *Filij obedite parentibus per omnia: Hoc enim placitum est Domino.* Sic igitur Apostolus Christianam juventutem ad obedientiam præcepti hujus invitat, ut non solum spe longioris vitæ, sed & respectu æqui ac beneplaciti divini, officium erga parentes faciant liberi. Et hac moderatione nec divinam promissionem temere abjicit, nec naturales longioris vitæ effectus damnat, sed Christianæ pietatis respectus ad magis spiritualia inducit ac dirigit. Tale est & illud, quod 1. Tim. 5. tertio dicit, *exerce te ipsam ad pietatem. Nam corporalis exercitatio ad modicum utilis est: Pietas autem ad omnia utilis est, promissionem habens vitæ, quæ nunc est, & futura.* Ubi dicit, promissionem habens vitæ, quæ nunc est, satis innuit non esse damnabile, si quis pro naturæ ductu affectet ea, quæ præsentis sunt vitæ necessaria. Cum vero addit, & futura, simul admonet, hætenus esse nobis appetenda præsentis vitæ commoda, ut futuræ vitæ felicitatem non negligamus. Deinde sic comparatam esse philanthropiam DEI, ut piis ac rimentibus se, & in hac & in futura vita optime consultum esse velit. Quare si quando pii, in hac vita tribulationibus exercentur, cogitandum nobis est, esse ejusmodi afflictiones per divinæ providentiæ dispensationem ceteris de causis inductas, etiamsi illæ nobis non sint confestim expostæ. Tertio, de eo quoque cogitandum est, quæ sit promissionis hujus æquitas. Promittitur vitæ longitudo illis, qui parentes suos habent in præcio. Omnia enim æquissimum est, ut beneficii diuturnitate privetur, quisquis illius vel authorem, vel organon susque deque facit. Organa vero vitæ nostræ sunt parentes. Rectissime igitur sic promittitur vitæ longæva iis, qui parentes suos honorant, ut simul innuatur, non esse illam expectandam diversum facientibus. Huc accedit, quod, qui parentibus suis sunt immorigeri & molesti, plerunque sunt inutiles humanæ vitæ. Etenim, qui vitam suam non accommodat illis, quibus debet, quod in mundum hunc est natus, & magnis laboribus ac molestiis educatus, cui nam mortalium ex animo commodare poterit? Quarto. Poterit autem hic queri, quale nam sit beneficium ac bonum, si quis longævus sit in terra, cum judicio sapientum miserum sit nasci, & miserrimum diu vivere; rursus felicissimum non nasci, vel cito mori? Misera



## HONORA PATREM T MATREM, &c.

Misera est hæc vita, ac multis calamitatibus & ærumnis obnoxia. Ipse mundus, in quo vivimus, vallis dicitur lachrymarum. Quare felicius esse videtur citò ex illo liberari, quàm longævam in eo ducere vitam. Respondeo: Voces istæ non Christianam, sed hujus seculi sapientiam spirant, præsertim in eo, quòd felicissimum esse dicunt, prorsus non nasci. Etenim illis hoc est optandum, qui propter singularem impietatem filii perditionis esse deprehenduntur: qualis erat Judas, de quo Christus pronunciavit, dicens: *Melius esset homini illi, si natus non esset.* Cæteris verò, qui ad cœlestem sunt ac sempiternam vitam vocati, etiamsi omnis generis afflictionibus in hac terrena vita exercentur, nihilo tamen minus propter spem futuræ felicitatis verè censendi sunt felices. *Non sunt enim, teste Apostolo, digna passionēs hujus seculi, quæ estimantur ad futuram gloriam, quæ suo in nobis tempore revelabitur.* Secundò cruda sunt & illa Hugonis Grotii scribentis: Notat his Abenesdras, solere DEUM, ubi quid vetat, pœnam addere ut modo bis, ubi quid imperat, præmium, ut hoc loco. Paulus autem Apostolus dicto ad Ephesios hoc amplius notat, *hoc primum inveniri præceptum cum promisso.* Lex verbis directis felicitatem temporalem promittit tantum, ut notat Hieronymus lib. 11. Commentariorum in Epistolam ad Galatas, & 1. Dialogo contra Pelagium: Augustinus Epist. c. 120. quæst. super Exod. quæst. 92. Expositione Epist. ad Galat. c. 3. v. 10. cap. 6. de Civitate DEI, 10. c. 15. v. 18. c. 16. v. 11. contra adversarium Legis & Prophetarum lib. 1. cap. 17. & alibi sæpè, ut & alii. Felicitatis autem temporalis præcipuum, & cui superstruuntur cætera, est longævitæ. Ea generaliter promittitur legem servantibus, ut videre est Levit. 18. v. 5. c. 25. v. 18. Deut. 6. v. 17. c. 18. v. 21. Ezech. 20. v. 11. Atque in eo apparet hujus Præcepti excellentia, quod ei eximie tribuitur, quod generaliter legis præceptis competit. Nec per omnia placent illa tertio Coccei, qui putat hoc Præceptum primum esse, non secundæ Tabulæ, sed totius Decalogi cum promissione, Eph. 6. v. 2. idque ex re ipsa evidens esse, cum nullum præceptum præcedat, cui adjuncta sit promissio diserta, & hæc promissio obedientiam hujus præcepti singulariter concernat, quod indicio sit, DEUM honorem exhibitum parentibus habere pro argumento conversionis & regenerationis & justitiæ, & ita loquitur: Secundum DEUM honorem debemus iis, à quibus vitam accepimus. Et debemus propter DEUM, qui nos voluit

ab iis vitam accipere & pleraque bona; imprimis verbum DEI, per quod salvi sumus. Deum non honorat, qui parentes non honorat. Non enim gratias Deo agit, quod per parentes lucem & usuram honorum DEI accepit. Cum parentibus autem conjungendi sunt, quos parentes liberis regundis præficiunt. Et, quum necesse sit in Civitate esse Principes, qui partem ejus potestatis exercent in ea, quam parentes exercerent in familia sua quisque, si scorsim & non in Civitate ac foedere populi essent: eam potestatem agnoscere, atque ei se submittere, & potestatem gerentes honorare, perinde necesse est. Qui verò Dominis vel operam suam locant, vel se vendunt, aut ab iis, redacti in potestatem, quum occidi possent, servantur, similiter jus, quod à DEO ipsis datum est, agnoscere, & Dominis fidos esse, atque ex corde iis servire, quatenus quid ad nutum illorum, sine conscientie damno, facere possunt, scientes, id obsequium revera DEO præstari, justitia fligitat. Sed quemodo se parentes, Doctores, Rectores, Principes Domini gerant, ut honore digni sint, videtur jam ex tertii præcepti virtute cognosci. Nampe, si nomen Jehovah DEI nostri non temere ferendum est, qui cupit se recognosci Patrem, Rectorem, Doctorem, Dominum, Principem in DEI nomine, curet necesse est, ut DEUM ipsum, qui Dominus est, qui Legislator, Magister, Doctor, Rector est, qui nos creavit, qui à nobis Pater vocari vult, quantum in se est, imitetur: qui non pro potestate nobiscum agit, sed pro ineffabili gratia, neque suæ utilitatis causa nos fecit & sustentat, & regit & docet, sed ut à nobis laudetur & honoretur, ut qui se laude & honore dignum nobis præstet. In Decalogo quidem satis habuit DEUS hoc genus ~~evangelicæ~~ nominasse & commendasse; quod nemo nescit quale sit, quippe nemo est, qui nesciat, quid, si ipse Pater, Dominus, Rector, Princeps, Judex sit, se dignum esse putet. Attamen & propter tarditatem nostram & petulantiam carnis, ut à teneris unguiculis sub divinæ majestatis auctoritate ad honorem illum majorem formemur & assueciamus, passim in Scripturis, & quidem imprimis Novi Testamenti, officia, quæ honor iste complectitur, explicantur, &c.

## IV.

Musculi enim verba si accipiantur prout jacent, dura sunt, quia promissionem hanc & alias plerasque proponunt tanquam terrenas, oppositæ ad promissiones N. T. non possumus item concedere, plerasque promissiones, quæ populo Israëlítico propositæ sunt, fuisse terre-

## HONORA PATREM ET MATREM, &c.

nas, cum populus fuerit electus, Ecclesia V. T. cœtus fidelium, qui principaliter promissionibus æternæ felicitatis sustentantur, & quando dicitur in hac ipsa promissione, ut tibi bene sit, non felicitas temporalis exclusiva promittitur, sed superior quoque, & æterna; Unde ex ipsis Calvinianis quidam exponunt hoc modo: ut tibi bene sit, quomodo putas? ut ei procul dubio cuius DEUS est Jehovah, & si terra Canaan fuit Typus & pignus hereditatis cœlestis, ut supra dictum etiam ad stipulantibus Calvinianis, quomodo non etiam in hac promissione DEUS ad sublimius respexisse, dicendum erit? Secundò, cum dicit Musculus, habuisse quidem DEUM etiam electos & pios homines ad cœlestia bona destinatos, verum propter paedagogiam legalem terrena promissa plerumque fuisse proposita populo male dicit, scilicet ut electi tantum absolute de reconditis bonis promissis gaudeant, ut certificarentur, nisi per spiritum internum erudirentur, populus autem & reliqui reprobi in filiis haerent & externis lactarentur. Tertiò, quomodo dici potest populo N. T. non carnalia & terrena, sed cœlestia bona promitti, dici peculiariter filiis ut obediant parentibus in Domino ad placitum DEI, num enim populus V. T. non habuit cœlestia bona, cum tamen dictum, qui fecerit hac, vivet in eis, Levit. 18. v. 5. num privilegia læz non obstricti fuerunt liberi in V. T. obedire parentibus suis in Domino, num non etiam juvenus spe longioris vitæ & respectu æqui & beneplaciti divini officium suum debuit facere erga parentes? num lex divina non secundum omnia præcepta spiritalis est, contra Paulum, Rom. 7. num sanctitas, in aliquo præcepto exacta conformatio ad voluntatem divinam, non requiritur & interioris sinceri affectus & externi operis connexio? videatur Chemnitius.

### V.

Grotius, qui fere semper Photinianorum vitulo arare solet, primò non attendit ad illud Levitici dictum, cap. 18. vers. 5. à nobis allegatum & alibi vindicatum, non ad loca Hieronymi & Augustini, in quibus æterna felicitas patribus Vet. Test. adjudicatur. Ille enim ita: Eorum tibi, inquit, aliqui proponendi sunt, ut faciliè intelligas, quantum sit naturæ bonum. Addit deinde: Abel hanc Magistram secutus; Dominum meruit. Eodem bono ait Enochum ita placuisse DEO, ut eum è medio mortalium raperet. Etiam Abraham, Isaac,

B 2

Jacob

Jacob censet perfectè implevisse Domini voluntatem. Similia de aliis habet. De Jobo verò exclamantem audiamus: O virum ante Evangelium Evangelicum, & Apostolicum ante Apostolica præcepta, discipulum Apostolorum, qui aperiens occultas divitias naturæ, & in medium proferens, ex se, quid omnes possumus, ostendit, docuitque quantus sit ille thesaurus animæ, quem nos sine usu possidemus, & quod proferre nolumus, nec habere nos credimus. Hic vero L. 1. de peccato Orig. c. 26. Distribuitis tempora secundum Pelagium, in cujus libris hoc legitur, & ante legem dicitis salvos factos esse per naturam, deinde per legem, postmodò per Christum. Item lib. de de peccato originali contra Pelag. & Cælest. c. 26. Non, sicut Pelagius, & ejus discipuli, tempora dividamus, dicentes, primùm vixisse justos homines ex natura, deinde sub Lege, tertidò sub gratia. Ex natura scilicet, ab Adam tam longâ ætate, quâ lex nondum erat data. Tunc enim, ajunt, duceratione, cognoscebatur creator, & quemadmodum esset vivendum, scriptum gerebatur in cordibus, non lege literæ, sed naturæ. Verùm viciatis moribus, inquit, ubi cœpit non sufficere natura jam decolor, lex ei addita est, qua velut Luna fulgore pristino, detrita rubigine, videretur. Sed posteaquam nimis, sicut disputat, peccandi consuetudo prævaluit, cui sananda Lex parum valet; Christus advenit, & tanquam morbo desperatissimo, non per discipulos, sed per seipsum, medicus ipse subvenit. Item lib. II. poster. contra Julianum, cap. 145. 2. Et quasi vigilanter additis, post Incarnationem tamen ejus, propter antiquos videlicet, quos sine gratia ejus fuisse dicitis justos, eò quòd non habuerint ejus exemplum, &c. Idem ejusdem operis, cap. 187. Agnoscimus hæresin vestram. Definivit enim Pelagius, quòd non ex fide incarnationis Christi, antiqui vixerunt justi, quia videlicet nondum in carnè venerat Christus. Non denique ad socios Religionis, Episcopium, qui sequentia prodit: Æternam benevolentiam promissionibus V. T. iis contineri indicat Scriptor ad Hebr. cap. 11. v. 16. *Atqui meliorem experunt, hoc est cælestem (patriam:) quapropter DEVM non pudet eorum, id est, cognominari DEVS eorum, paraverat enim eis urbem, & Apostolus Paulus 2. ad Corinth. 6. v. 16. 17. 18. addito primo versu seq. cap. 7. & Johannes Apocal. 21. vers. 3. & 7. Benevolentiam etiam contineri in verbis istis effectum potentissimam, sive à morte liberantem. Servator noster ipse testatissimum fecit, quando ex verbis istis collegit contra Sacerdotes*

ducos, sub lege vel in ipsa Lege Moſis, (cæterorum enim Prophetarum aut Scriptorum divinorum autoritate premi ſe non patiebantur Sadduczi) etiam reſurrectionem mortuorum promiſſam fuiſſe: quomodo, inquam? niſi quia generalia adeo ſunt verba, ut ſecundum generalitatem ſuam accipi non poſſint, niſi comprehendant etiam tam nobile ac DEO dignum beneficium? Imo tandem non ad Photinianos & Judæos: videantur Franciſcus Davides & Georgius Blandrata, nec non Menaffe Ben Iſrael de reſurrectione mortuorum, cap. 7. verſ. 46. &c. II. v. 69. qui ita: Præceptum eſt à DEO in Lege, ſi mater inveniat nido inſidens, nequiſ eam capiat: ſed dimittat, & ſolos pullos auferat. Qui præceptum hoc obſervant, iis promittit DEUS bonorum affluentiam: & vitæ longitudinem. Verba textus ſunt: Ut bene ſit tibi, & prolongare facias dies. Veteres ad hunc locum narrant, compertum eſſe, plane contrarium cuidam eveniſſe. Fuit enim (inquiunt,) quidam filius, cui pater mandaverat, ut pullos columbarum è nido auferret: qui cum matrem demiſſet, & pullos duntaxat abſtuliſſet, per ſcalam deſcenſurus (erat enim locus altior, in quo columba nidum poſtulerat) decidit ex alto, vitamque exſpiravit. Ubi tunc bonorum copia, & dierum promiſſa longitudo? Idcirco למען ישב לך לשלום שכלו שוב, ut ſit tibi bene, intelligendum eſſe ajunt de mundo futuro, qui per omnia bonus eſt; & prolongare facias dies, ſcilicet in mundo, qui perfectiſſime longus eſt. Qui non poteſt alius eſſe, quam mundus animarum. Concludo, ſi præmium huiusmodi præceptorum in altera vita dandum eſt, animam immortalem eſſe neceſſe eſt. Coccejo denique adſtipulari nequimus ſimpliciter, quamvis enim negare nolimus, promiſſionem felicitatis etiam convenire cæteris præceptis, nondum tamen concludendum, hanc ſpecialem & ſub ſpeciali ratione additam promiſſionem ſe diffundere per totum corpus præceptorum, ſingula mandata totius Syſtematis, contrarium aſſerunt alii: Hinc ſocii Religionis aliter & ita: quia, ſi ſenſum ſpectemus & locum legislatoris, negari non poteſt in ea deſcriptione promiſſionis, & vim & ſententiam contineri, propterea reſpondere malimus, hanc Apoſtoli aſſertionem non de quavis promiſſione ſimpliciter, ſed de promiſſione ſpeciali, & præcepto alicui ſoli ſpecialiter adaptatâ, accipiendam eſſe: cum quali promiſſione, nempe de beneficio aliquo ſpeciali, & præcepto uni pe-



peculiariter adaptatâ, negamus ullum in Decalogo præceptum antè hoc æquum occurrere. Quod enim ad secundum attinet, cum promissione illi subjunctâ, dicimus nec ullum ibi beneficium speciale promitti, sicut hoc loco, sed DEI gratiam & benignitatem in genere, quæ sub se bonum omne complectitur: nec quod ibi promittitur, ulli præcepto peculiare esse, sed ad omnia simul spectare: quemadmodum ex verbis ipsis liquidissime perspicitur, quibus pollicetur Dominus, se erga eos eorumque posteros, etiam millesimos, benignitatem exerciturum, non quia hoc aut illud speciale præceptum observârint, sed qui me diligunt, inquit, & præcepta mea observârint. Ergo sicut illa promissio generalis est, ita etiam toti legi in genere, h. e. legem totâ in genere servare studentibus, à Domino adaptatur. Secundò non tantum honor adhibitus parentibus habetur pro argumento conversionis & regenerationis, justitiæ, sed & cæteræ virtutes aliorum præceptorum. Denique quamvis præcepta sint connexa, peculiari tamen promissione, hoc præ cæteris coronari, & verba quadam ratione modoque circumscribi aßerimus.

His discissis facile erit judicare in dubiis, quæ hic moventur; scilicet

num promissio hæc adhuc locum habeat, cum videatur terræ Canaan adstricta? Secundò, num longævitæ sit inter bona referenda, quæ alicujus ponderis, & tandem, quomodo hæc sibi promissio constet? prius quippe dubium supra remotum fuit, dum duo hac promissione indicari diximus; Terram scilicet Canaan relate ad Judæos, & terram hospitii respectu cæterorum, qui extra Remp. populi electi, idque patet ex collatione verborum Moysi eorum cum Paulinis. Nam primò Moyses ille locus fuit Israëlitas, Paulus autem Ephesios, imo liberos indefinite cujuscunque ordinis status & vocationis. Secundò Moyses hæc dixit, cum populus in procinctu esset ad occupandam terram promissam, & bona illius; Paulus vero cum inclinaret Resp. Judaica, ex lium immineret ex hac terra perpetuum, & omnia fere collapsa in hoc populo. Exarata quippe fuit hæc Epistola secundum Baronium, anno Christi quinquagesimo nono. Tertiò Moyses limitate locutus fuit & dixit, *longævis eris super terram, quam Dominus DEVS dabit tibi*, Apostolus vero omisit illa verba, atque stylum aliter temperavit, dicens præcise, *ut sis longævus super terram*, ut intelligeretur, promissionem divinam non tantum

respe-

respexisse Judæos, sed extendi debere etiam ad alios, Moſen ac continuo-  
date ad ſuum populum & locum habitationis locutum fuiſſe, generalius  
autem accipiendum ſenſum dicti, eſſentiale eſſe in hac promiſſione lon-  
gævitatē in terra, accidentale vero durationem in tali, nempe terra Ca-  
naan. Apoſtolus autem generalius; Ut bene ſit tibi, & ſis longævus  
ſuper terram; nullam certam terræ regionem definiens. Cur ita? Certe  
ne quis apud ſe cogitaret, promiſſionem hanc Iſraelitis olim factam, ni-  
hil ad nos jam pertinere, quibus data non eſt Palæſtina hæreditario jure  
poſſidenda: Imo q. d. Apoſtolus, non tibi minus eſt attributa divinitus  
illa terra quam habitas, quam Judæis olim Canaan illa. Siquidem ſpe-  
ciali ejus providentiâ, Gentibus his aut illis, hæ aut illæ terrarum par-  
tes & climata in poſſeſſionem ceſſerunt: quemadmodum ipſe non ſe-  
mel apud Moſen teſtatur, ſe nempe montem Schiris, h. e. Idomæam,  
Hæ ſavi poſteris, Hærem vero Moabitis; Loti poſteris, in hæreditatem  
aſſignâſſe, ſicut populo ſuo Palæſtinam deſtinaverat: & in Moſis Can-  
tico, Deut. 23. *Quum poſſeſſionem diſtribueret excelſus gentibus, quum  
diſpararet filios Adami, ſtatuit terminos populorum, pro numero filiorum  
Iſraelis; ne quis putet his ſolis habitaculum in terra à DEO aſſignatum  
eſſe. Ergo q. d. Apoſtolus, tu, ſi hoc DEI tui præceptum obſervas,  
ipſius favorem & benedictionem, in eâ, quam ejus dono habitas, terrâ,  
quæcunque demum ea fuerit, expecta, juxta promiſſionis hujus tenorem.*

## VI.

Alterum dubium movit Hieronymum, ut de Bæatitudine alterius  
vitz acceperit, quia Scriptura mortuos laudet ſuper vivos, Eccleſiaſt. 4.  
& omnis vita tentatio ſit, mors verò requies, diesque maledicta, in qua  
naſcimur. Nam primo Solomon loco laudato, v. 2. non comparat vitam  
cum morte, prius enim dicit perfectionem, alterum privationem, nec  
felicitatē aliquam, cum alterâ, ſed externam ſpeciem, condi tione &  
ſtatum cum termino illius, atque intuitu injuriarum, quas quidam  
ſuſtinere coguntur, præfert mortuos vivis, utpote qui mala illa jam ſu-  
ſtinerunt, venerunt ad metatē & ſuperarunt, quo quidem etiam reſpe-  
ctu Menander dixit: *Ζῆς πνευγὸς ἰαυαὶ αἰπυρῶν*, vita mala  
mors eligibilior. Secundò, quamvis omnis vita tentatio ſit, illa tamen  
vincemur, probamur, ad gloriam D. E. I præparamur, nec tantum

tentatio est hæc vita, sed etiam tempus sementis, in quo *seminamus spem* *etiam*, ut ex illo metamus vitam æternam, Gal. 6. v. 7. Et quo plus seminamus, plus quoque metendum speramus, nec tandem vira ut sic est tentatio, sed potius singulare quoddam Bonum & donum DEI, cui accedunt tentationes, quas mors finit. Tertiò, nunquam maledicta vocanda est dies, in qua nati sumus, cum aliàs beneficio divino, illique ingenti esset maledicendum, & si qui eousque progressi sunt cum Jobo & Jeremia in excessu mentis locuti sunt, passi sunt aliquid humani, & calamitatibus abrepti effutierunt, quæ nec intra sinum Animi debuissent venire, nec malè hic non nemo. Et si, jam inde à lapsu illo primævo, vita humana calamitosa sit admodum, variisque sufferta miseriis & ærumnis, quæ nos jam inde à matris utero per omnes ætatis nostræ gradus flexusque comitantur; quibus pii & fideles ipsi, non minus atque impii & infideles obnoxii sunt; illis tamen, vitam hanc ipsam benedictionis locum & rationem habere; adeo ut ejus in terris prorogatio, (præsertim qualis hic à DEO promittitur,) iis nihil sit aliud quam benedictionis ejusdem longa continuatio, quam paternæ erga se DEI curæ & providentiæ perpetuum quoddam experimentum, quam illius bonitatis & gratiæ, quâ DEUS ipsos per totum vitæ suæ curriculum prosecutus est, jure quoddam documentum. Primum enim, vir pius & rectus, quo diutius vixerit, eo quoque magis DEI erga se misericordiam experitur; sive rebus adversis utatur, sive prosperis. Nam pace fruens, opibus florens, rebusque secundis, hæc è DEI manu cum gratiis accipit, ut rerum meliorum arthas & pignora, quas DEUS iis præparavit, qui ipsum reverentur, & se ad ipsum recipiunt coram filiis hominum, ut loquitur Psalter 31. Atque ita Fideles inter Judæos, quibus hæc ad litteram obtingebant: Rebus autem adversis exercitus, multumque & terris jactatus & alio, quæ nunc frequentior piorum fors est, eo magis & sæpius, in longiori vitæ curriculo, DEI in se fulciendo, probando, roborando, sublevando, tandemque liberando, virtutem sentit & experitur: estque illi nihil aliud vita productior, quam longa liberationum aliorumque bonitatis Divinæ documentorum series; per quæ promissionum suarum veritatem, suæque benignitatis constantiam, DEUS ipsi fecit abunde testatam, ad fidem ejus magis magisque firmandam in posterum, & adversus omnes quarumvis tentationum impetibus insultusque muniendam, ad uberiores autem laudum suarum, & erga

& erga se gratiarum actionis materiam ipsi in fine suppeditandam. Et si jam inde à lapsu. De tertio hæc habeto, hanc promissionem, prout præcisè dicit longævitas bonum in his terris, esse promissionem temporalem, quæ consequenter cum conditione, si ita visum fuerit expedire, accipienda, ut ut itaque pii impuniti quandoque etiam sunt, ἀκυμόροι καὶ ταχύτητοι, nihilominus promissioni suæ constat vis & veritas, si enim prior cita morte subducit, respicit calamitates imminentes, quibus illos non vult involvi, vel lubricitatem viz in hoc Seculo, ubi facile potest mens etiam sincera & ingenua in vitium flecti, de via abripi. Secundò, aliud est Regula, aliud exceptio, ab illa. Constituit DEUS hic Regulam ad quam attendere debent liberi, exceptionem autem sibi reservat, sufficit verò ad tale Effatum, ut frequens & ordinarium sit, quod promittitur, quicquid sit de rationibus & Exemplis, nullum autem nobis est dubium, si Catalogus liberorum esset præ oculis illorum, qui ab orbe condito affectum & obsequium parentibus exhibuerunt, & degeneres recalcitrarunt, & facta illorum essent in eo consignata, unumquemque deprehensurum, quàm sibi constet DEUS in promissis suis, quam verax in comminationibus, nec si cita abripiantur morte liberi quandoque parentibus, non ea propter consequens erit promissionem hanc esse fallibilem, potuit quippe fieri ut alia ex parte peccato se contaminarint, alio peccati genere DEUM irritarint, atque ita fila vitæ sibi præciderint. Optimè B. Lutherus censet: Quod tot facinorosorum hominum examina, quæ agmina cum pullulant & emergunt, partim laqueo, partim gladio, partim rota, partim igne plectantur, non esse nisi ex inobedientia erga parentes. Tertio, DEUS secundum Hieronymum in Scripturis promittens bona præsentia carnalia & temporalia, si ea non præstat, dat pro illis longè majora, scil. spiritualia & æterna, sunt quidem etiam impii in parentes quandoque longævi, at quo vitæ genere? num sereno & tranquillo? absit. Cùm mens conscia facti surdo verberare cædatur, Animus vexetur punctonibus & turbetur, inferni pœnam sentiat etiam corpore nondum deposito, è contra, quamvis pii in parentes à theatro vitæ hujus discedant, gaudent tamen animi tranquillitate, & ad sortis melioris statum pertingunt. Prolixè hoc expendit Bodius, scribens: Quæramus paulisper, quid sit aut quomodo quibusve terminis definienda illa longævitas? aut quid demum esse possit in tam contracto vitæ hujus præsentis curriculo, quod



quod longum aut diuturnum dici mereatur ; præsertim cum futura illa æternitate collatum ? ad quam vita etiam primorum illorum , qui diluvium præcessere , Patrum , quid aliud erat quam punctum transiens effluensque ? quod ubi transiit semel & effluxit , perinde est ac si nunquam fuisset aut fluxisset. Certè , ut scite illi , qui etiam ex Ethnicorum flosculis sua festa & corollas adornarunt : Non temporum tenore , sed laudum modo definienda est vita : sat vixit diu , quæ nec pudet vixisse , nec piget mori , h. e. ut idem non elegantius , sed instituto nostro aptius , exprimam , non ex temporum decursu , nec ex ætate decrepita metienda venit hic à DEO promissa longævitas , sed partim ex vivendi modo bonisque divinitus in vita perceptis , partim è fine & scopi adæptione , ad quem tota hæc vita mortalis collineare debet ac tendere. Quod si quis triduo vel trimestri , e. g. tantundem viæ confecerit , quantum aliter triennio , & ad eandem cum eo metam pervenerit , quid iste quæso præ illo , non ex via , sed ex viatione , ut ita dicam , longiori lucratus sit ? aut quid illi præ isto defuerit ad voti vitæque summam , qui non vivendi terminum tantum , sed & finem fructumque maturius assecutus est ? Paucis ergo : secundum hanc vitæ mensuram , dicatur ille longævus , non qui multos annos quomodocumque traduxit , vivendi semper ignarus , & sub vitæ exitum , perinde ac sub ejusdem ingressum , à meta semper æquè remotus , sed cui se DEUS patefacere dignatus est , & vitæ veræ viam ostendere ; quem DEUS in communionem suam adsciscendo ad spem beatæ illius immortalitatis attraxit & erexit , & in ejus animo futuræ illius gloriæ nonn amorem tantam ac desiderium , sed & primitias , & velut *πρῶτον & πληροφωρίαν* accendit , cum vitæ præsentis , omniumque eo spectantium contemtu atque fastidio. Is enim , quocumque demum ætatis gradu hinc ad Dominum emigraverit , semper vitæ ac dierum satur , ut de Patriarchis loqui solet Scriptura , ad populum suum aggregabitur. Sic enim e. g. de Davide septuaginta annos nato , non minus in Scriptura dicitur , quod mortuus sit in canitie bona , & satur dierum , quàm de I'anko , postquam 180. annos vixisset , h. e. fere triplum tantum. Quid igitur vel huic ultra longævitatem superfuit , vel illi , longè pauciores annos emenso , ad eandem defuit ? Certè quantum parvo circulo cum majore collato , ad perfectionem suam specificam deesse potest : In materia quidem , h. e. peripheriæ ambitu , fortasse permixtum ; in forma autem & perfectione circulari , nihil omni-




no : Sic qui 30. annos natus , æquè voti compos , æquè dierum satur , æquè vitæ suæ finem & scopum assecutus est , atque alius aut 70. cum Davide , aut cum Lemeco , 777. annos natus , hoc in sensu æquè longævus meritiò dici potest cum illis ; quippe quo æstimatur non ex dierum numero , sed ex eorundem saturitate longævitas. Atque huc facit elegans illa similitudo , aliàs à nobis observata , quâ utitur Eliphaz Themanites , Job 15. in prospera piorum sorte describenda : *Pervenis cum seipio ad sepulchrum* , inquit , *sicut frugum mesæ vel cumulus suo tempore aggeritur* ; h. e. nunquam præproperè aut ante tempus immatura morte aufereris ; sed maturæ frugis instar , opportunè semper & maturè in horreum Domini colligèris. Jam , ut in eodem simili insistam , scimus non eodem temporis spacio fruges fructusve omnes maturescere , sed citius hos , illos longè seriùs , etiam multis priùs mensibus satos ac natos : quin & ex eadem arbore & caule nascentes , videmus non eodem die maturitatem attingere , sed alio atque alio ; ut in ficibus , peponibus , aliisque videre est. Ita se res habet in dispari piorum ætate , quâ parem tamen , DEI gratiâ , maturitatem assequuntur. Quum contra de impiis dici possit , nunquam ipsos , post annos quocunque transactos , maturâ morte defungi , quum veram vitæ metam scopumque nunquam attingant.

## VII.

Complectitur autem hoc mandatum Honorem , sub quo voluit comprehendere Legislator omnia Officia , quæ liberi debent parentibus , inferiores Superioribus : Vi ergò hujus præcepti debent liberi suis parentibus I. HONOREM , Lev. 19. v. 3. Primò ex mandato divino , Exod. 20. v. 12. Secundò , ex multitudinis beneficiorum à parentibus ipsis exhibitorum , quæ neque numerari , aut compensari satis possunt , Tob. 4. v. 4. Tertio , ex exemplis : Sic enim honore affecerunt Parentem Sem & Japhet , Gen. 9. v. 23. Joseph. Gen. 26. v. 29. Salomon , 1. Reg. 2. v. 19. Paulus & Hebræi , Hebr. 12. v. 9. Christus , Joh. 8. v. 49. Quarto , ex lege Naturæ : Lex pares Diis parentibus honores tribuit , dixerunt Ethnici , Quintò , ex Commodis , Syr. 3. v. 9. II. Debent liberi suis parentibus etiam AMOREM. Hinc enim filii & filiz nomen acceperunt *ἡ ἀγάπη* ab amore & amicitia , Tob. 7. 7. Exempla : Josephi , Gen. 46. v. 29. Elisæi , 1. Reg. 19. v. 20. III. OBEDIENTIAM , Proverb. 23. v. 22.

Exem-

vent: Juxta Mandatum, Syr. 3. v. 8. 14. 1. Tim. 5. v. 4. Joseph aluit patrem suum, & fratres, Gen. 47. v. 12. David intercessit pro sua apud Regem Moab, 1. Sam. 22. v. 3. Matrem suam honoravit omnibus diebus vitæ. Christus in cruce jam moriturus commendavit Matrem Johanni, Joh. 19. v. 26. Hanna filium suum Tobiam nominat baculum senectutis suæ, & solatium vitæ, Tob. 10. v. 4. Origenes in adolescentia sua alfos instituit, & docuit Grammaticam, quo inde haberet, ut matrem suam alere posset. Unde Nobilis ille Romanus Scipio nomen à Baculo accepit, qui senis sui parentis baculus quasi fuerat, quem sævis abstulit pœnis, juxta Statium. Aeneas confectum ætate parentem humeris imposuit, illumque per tela, per ignes deportavit. Sic ubi urbs Catana, igni succensa erat, ac alii suas divitias exinde portaverant, duo quidam adolescentuli solum parentes suo senio graves ex igne portarunt, de quo Virg. ita scribit: Illis divitiæ solæ, materque paterque. Hanc rapiunt prædam, mediumque exire per ignem, ipso dante fidem properant, &c. Ambros. in Lucam l. 8. in c. 18. fol. 138. scribit: Pâsce Patrem tuum, pâsce Matrem tuam, & si paveris Matrem, adhuc non reddidisti dolores; non reddidisti obsequia, quibus te illa gestavit, non reddidisti alimenta, quæ tribuit tenero pietatis adfectu, immulgens labris tuis ubera: non reddidisti famem, quam pro te illa toleravit, ne quid quod tibi noxium esset, ederet, ne quid, quod lacti noceret, hauriret, &c. V. PATIENTIAM in disciplina, quam acceptent: Contemptus enim disciplinæ pœnas attrahit, Prov. 15. v. 5. 11. Syrach. 6. v. 18. 19. 20. 21. 22. Cum Senes recuperascunt, tegant liberi parentum suorum infirmitates, & cum illis patientiam habeant, Prov. 23. v. 21. Syr. 3. v. 15. Sic Sem & Japheth patrem nudatum texerunt, Genes. 9. v. 23. Nec puduit Josephum senis sui parentis, Gen. 47. v. 7. Salomon Rex occurrit Matri, 1. Reg. 2. v. 19. Non modo reticere hominès parentum injurias, sed etiam æquo animo ferre oportet. Hanc liberorum erga parentes reverentiam DEUS & longævitæ vitæ, & felici rerum successu, atque aliis innumeris in hac & altera vita ornat præmiis: 1. Longævitæ vitæ, Exod. 20. v. 12. Eph. 6. v. 2. Syr. 3. v. 6. 11. 12. 1. Reg. 3. v. 14. Jerem. 35. v. 7. 2. Dignitate honorum, divitiis, aliisque felicitatibus, Prov. 18. Syr. 23. v. 18. Quod patet in Josepho, Gen. 41. v. 40. Davide, 1. Sam. 16. v. 13. Saule, 1. Sam. 9. v. 4. 10. Rechabitis, Jerem. 35. Esther, c. 2. v. 17. Sem & Japheth, Gen. 9. v. 26. 27. Jacobo, c. 32. v. 19. Tobia, Tob. 10.



## VIL

Est autem hic Virtutum complexus non tantum mandatus, sed & præstantissimus, æquissimus, utilissimus, observante Dn. Carpeo-  
vio. Præstantissimus quidem, maximum enim hoc est opus, quod  
DEO facere possumus. DEUS summus & maximus est, in cujus  
comparatione omnes summi sunt imi; Certas tamen personas induit  
Majestate quâdam, non quidem infinitâ suâ, quam propriam sibi re-  
tinet, & alteri non dat; sed finitâ, & quæ similitudinem saltem aliquam  
cum illa habet: Quicquid autem de similitudine hæc sit, tamen com-  
munire eam voluit mandatis suis, omnibusque inferioribus injunge-  
re honorem, quem præstare debeant taliter indutis. Wann man Vater  
und Mutter / und welche Obrigkeit / ait Loth. in Cat. Maj. 6. Quo-  
circa p. 538. will ansehen / wie sie Nasen / Augen / Haut und Haar / Fleisch  
und Wein haben / so sehen sie Ellren und Henden gleich / und möch-  
te auch jemand zufahren und sprechen / warum sollte ich mehr von dies-  
sen halten / denn von andern? Weil aber das Gebot darzu kompt / du solt  
Vatter und Mutter ehren / so sehe ich einen andern Mann / geschmückt  
und angezogen mit der Majestät und Herrlichkeit Gottes. Das Gebot  
sage ich / ist die güldene Kette / so er am Halse trägt / ja die Krone auff sei-  
nem Haupte / die mir anregt / wie und warum man diß Fleisch und Blut  
ehren soll. (2.) Præstantissimus. Maximum hoc est opus, inquit Lu-  
therus 9. Hoc inquam: p. 435. quod DEO facere possumus post sum-  
mum illum Cultum in prioribus præceptis comprehensum, adeo ut Ele-  
mosynis juvare egentes, neque non omnia reliqua opera, quæ proximo  
præstantur, huic nullo modo conferenda sint. Quippe DEUS huic pa-  
rentum ordini primas tribuit, eundemque in terris plane in suam sedem  
solendum evexit & extulit. (3.) Equissimus & jure naturæ conveniens,  
Beneficiarios enim meminisse, eosque revereri, ipsa natura docet:  
sed, quæ beneficia ab hominibus invicem collata comparari possunt  
cum illis, quæ debemus parentibus? Adhuc, inquit Luther. p. 435. Co-  
ram mundo quoque in hoc astringimur, ut acceptorum à parentibus be-  
neficiis memores, mutuam officii vicem rependamus, utque Paren-  
tes & are fessos vicissim alamus fovemusque. Et mox p. 436. Quisque  
animo secum repetat, quantum bonorum à parentibus acceperit, & in-  
veniet, se ab iisdem & corpus & vitæ initium accepisse, atque item mul-  
to splendore & cui à nutritum & educatum esse, ubi alias vel sexcenties in  
pro

propriis fordibus sibi pereundum fuisset. Quocirca præclare & sapienter à veteribus dictum est, DEO, parentibus & Magistris, non potest satis gratia rependi. Quicumque horum verborum recte memor fuerit, non expectabit aliorum commonestacionem, ut erga parentes gratus appareat, sed suâ sponte properabit, eosdem & omni honore cumulare, & in sinu (quod ajunt) gestare, ut eos, quorum opera DEUS illi omnium bonorum copiam pleno cornu affuderit. (4.) Utilissimus & Fertilissimus: Primò enim sanctos facit nos præ Monachis & Monialibus, V. Luther. §. Deinde: p. 431. & 432. Deinde lætos & tranquillos homines facit. Quicumque enim puer, ait Lutherus §. Quare: p. 432. 433. hæc comperta habet & facit, omnium primum hanc ingentem in corde Consolationem obtines, utque plenus gaudiò dicere seque vere jactare posses adversus omnes, qui propriis & à se inventis operibus occupati sunt: Ecce certus sum, hoc opus DEO meo acceptum esse. Et iterum: §. p. 434. Quomodo ergo cor hominis non gestiret gaudiò, aut lætitiâ diffunderet, quod labori se accingeret, faceretque, quod sibi demandatum esset, possetque dicere: ecce hoc opus præstat, ac potius est omnium Carthusianorum Sanctimoniâ, etiam si ad negem usque seipsum macerarent jejunio, ac citra intermissionem innixi genibus preces ad DEUM funderent? Hic enim certum habes divini Verbi Testimonium, quod hæc faciendâ mandaverit, cæterum de illis ne Jota quidem uspiam præceptum invenitur. Tertiò à multis malis tam culpæ, quam pœnæ præservat. V. Luther. §. Contra ubi: p. 434. §. Jam ergo si gravaris: p. 437. §. Unde etiam ægminatim: p. 238. §. Undenam jam putas: p. 442. & §. sentimus equidem: p. 443. (5.) DEO acceptissimus: Huic enim præcepto promissionem addidit.

## IX.

Exercetur autem & exhibetur hic honor, hoc variarum virtutum ornamentum, mente & affectu æstimante Parentes & Præpositos, lingua, ore & gestu reverenti, denique operum exhibitione.

## X.

Non tantum verò præscribit hoc mandatum officia liberis, sed Parentibus. Vox enim Cædæ, quæ, ut supra notavimus, notat grave esse, & levi opponitur, gravitatem requirit in Parentibus, tanquam basin honoris exhibendi, quæ consistit in potestate divinitus concessa. Pater quippe in familia respectu liberorum suorum repræsentat DEUM



in his terris, Vicarius est Numinis, & ejus Majestatem refert, in affectuum natura insito erga natos, de quo Arnizæus lib. de Republ. cap. 4. sect. 2. num. 35. In cura & inspectione debita, quæ latissimi est ambitus, unde actus illi ex hoc dependenter mandati, ut scil. pii parentes liberos suos rectè educant, eosque pro magnis DEI donis habeant, Eph. 6. v. 4. Gen. 33. v. 5. sicuti educatus fuerat Salomon, Sap. 7. v. 7. Posuit mihi, inquit Eva, semen aliud pro Abel, &c. Gen. 21. v. 1. Porro Iehova visitavit Saram, &c. concepit enim & peperit ipsi Abraham filium in senectute ejus, Gen. 29. v. 31. Videns Iehova, quod odio haberetur Lea, aperuit vulvam ejus, &c. Vide exemplum Josephi, Genes. 48. v. 9. II. Ut diligant liberos, 1. Reg. 3. v. 26. Esai. 49. v. 15. Matth. 7. vers. 9. Luc. 11. v. 12. Exempla: Iacob ob filium Benjamin abducendum, dixit, deducetis canos meos ad inferos, Genes. 42. v. 38. sic in Davide conspicitur, 2. Sam. 12. v. 16. 17. qui mortem filij Absolonis seditiosi deploravit, 2. Sam. 18. v. 33. altera meretrix, 1. Reg. 3. v. 26. 27. Tobias senior, & uxor ejus, Tob. 5. v. 23. &c. 10. 1. 2. 3. 4. Pater filium suum prodigum revertentem, Luc. 15. v. 20. III. Ut liberos suos inde à primis incunabulis non ad idololatriam, Levit. 18. v. 21. sed ad cultus divinos & pietatis exercitia assuefaciant, & cum lacte quasi materno illis pietatem instillent, Gen. 18. v. 18. Exod. 12. v. 27. Deut. 4. v. 10. Jos. 4. v. 6. 7. 21. 22. 24. Psalm. 78. v. 4. 5. 6. Psal. 34. v. 12. Esai. 38. v. 19. Eph. 6. v. 4. Exempla: Hoc fecit Iacob, Gen. 35. v. 2. 3. 4. Abraham, Gen. 18. v. 19. Tobias senior, Tob. 4. v. 5. Hanna mater Samuelis, 1. Sam. 1. v. 28. Mater Lamuelis, semina domus, Prov. 31. v. 1. 2. Lois & Evnice mater Timothei, 2. Tim. 1. v. 5. Mater septem filiorum, 2. Macc. 7. v. 27. Mater Christi, Luc. 2. v. 41. 42. IV. Ut eos corrigant, & peccatorum arguant, 1. Sam. 3. v. 15. Prov. 13. v. 26. Syr. c. 7. v. 15. Heb. 12. v. 7. Exemplo Iacobi, Gen. 34. v. 30. V. ut in eis corrigendis & arguendis moderatione utantur, Eph. 6. v. 4. Col. 3. v. 21. Prov. 19. v. 18. 19. VI. Ut orent pro liberorum felicitate, & periculis amolendis: Exemplo Davidis, 2. Samuel. 12. v. 16. Iobis, c. 1. v. 5. illis benedicant, Exemplo Isaaci, Genes. 27. v. 1. 2. 3. 4. &c. (formula benedictionis, extat ibid. v. 27. 28. 29. &c. Laban, Gen. 31. v. 55. Israelis, Gen. 48. v. 14. 15. 16. Moysi, Deut. 33. 1. Tobie, Tob. 5. v. 22. V. Illos summâ diligentia ad Scholas adhibeant. Majorem asinorum & equorum, quam filiorum curam habemus. Nam si burdonibus atque asinis agaso nobis præficiendus est, non parum vigilamus, ne dementem aut temulentem



tum aut furem, aut rei ejus imperitum præficiamus. Sin vero ad cõ-  
lendum filiorum ingenium Pædagogum, qui casu ob'atus fuerit, cum re-  
cipimus, nec consideramus, ullam artem hoc arbitrio sublimiorem in-  
veniri. Quid enim majus, quam animos moderari, quam adolescentu-  
lorum fingere mores? omni certe pictore, omni certe statuario, cæ-  
terisque hujusmodi omnibus excellentiorem hunc dico, qui juvenum  
animos fingere non ignorat. VIII. Ut illis prospiciant de victus & tri-  
ctu, Matth. 7. v. 9. 1. Tim. 5. v. 8. 2. Cor. 12. v. 14. Exemplo *Abraha-  
mæ*, Genes. 24. v. 36. &c. *Iosaphati*, 2. Paral. 21. v. 3. IX. De *Marrima-  
nio*, sicuti *Abraham*, Genes. 24. v. 2. 3. *Agar*, Gen. 21. v. 21. *Isaac*, Ge-  
nes. 28. v. 1. *Hemôr*, Genes. 34. v. 4. *Iudas*, Gen. 38. v. 6. *Manoë & uxor  
ejus*, Jud. 14. v. 3. X. Pro salute ipsorum in genere sint solliciti: cujus  
Sollicitudinis extat Exemplum, Tob. 5. v. 23. 24. 25. 26. 27. 28. XI. Ut  
liberorum suorum ab adversâ corporis valerudine, & morborum, qui-  
bus cum conflantur difficultate, curam suscipiant: ubi quidem de  
remediis ad sanitatem pristinam recuperandam necessariis solícite ipsis  
prospiciant ex *Syracidis præscripto*, cap. 38. v. 7. &c. 1. nim. *Christum  
salvandi magistrum*, Esa. 63. v. 2. Exod. 15. v. 26. Matth. 9. v. 13. ante  
omnia adeundo, devotis precibus pro salute liberorum suorum inter-  
cedendo: Exemplo *Davidis*, *Cananae Mulieris*, Matth. 15. v. 22. 2. Mi-  
nistros Ecclesiæ (Exemplo *Uxoris Jeroboami*, *Abiam Prophetam de  
filiali salute consulentis*, 2. Reg. 14. v. 17.) accedendo, piorumque preces  
& intercessionem ex præcepto *Jacobi*, Jac. 5. v. 16. potando. 3. Medicos  
accersendo, & remedia legitima, (Exemplo *Ezechiz Regis*, 38. v. 21.)  
adhibendo. 4. Fideliter ipsos curando, cibando, potando, etiam in  
mortis usque agonem in sinu suo gestando: Exemplo viduæ *Sunami-  
tidis*, 2. Reg. 4. v. 20. XII. Illos non ociari sinant, sed de honesto ar-  
tificio, quo se olim sustentent, prospiciant, Syr. 30. v. 13. XIII. Ut illis  
pietatis Exemplo præluceant & præcant, Tit. 2. v. 7. Exempla: *Martha-  
thias*, 1. Macc. 2. v. 19. 50. *Eleazar*, 2. Macc. 6. v. 26. 27. *Simon*, 1. Mac-  
cab. 16. v. 3. eosque nec dictis nec factis scandalizent, Matth. 18. v. 6.  
sed potius pietati operam dent, ne suos liberos secum una in perniciem  
trahant: Peccata enim parentum posteris luunt, Gen. 49. v. 3. 4. 5.  
6. 7. Exod. 20. v. 5. 6. Deut. 5. v. 9. 10. Exod. 34. v. 7. Lev. 26. vers. 39.  
Jerem. 39. vers. 6.

## XI.

Vitia opposita huic præcepto ex parte liberorum sunt inobedientia, ἀσέβεια, ingratitude, quæ variis exercentur modis. Despectu, alimentorum negatione, verberatione, occisione. Pugnat igitur cum his liberorum officiis. 1. Non agnoscere πῶς Θεὸς in parentibus, non habere eos loco eo, in quem divinitus constituti. 2. Nullam verbis vel gestibus reverentiam illis exhibere. 3. Odio eos prosequi, non agnoscere beneficia, quæ per illos DEUS nobis præstat. 4. Parentibus immorigerum esse, eos lædere, percutere, furtim aliquid ipsis subtrahere, absque consensu ipsorum conjugium contrahere; vel etiam in rebus impiis ac illicitis obedientiam præstare. 5. Parentes subannuere, infirmitates eorum exagitare, ac ignominiosè traducere. Nullam illis gratiam rependere, senio affectos non sustentare, ac pro virili juvare, &c.

## XII.

Vitia verò ex parte parentum sunt neglectus auctoritatis & potestatis, ac somnolentia, & bonitas excessiva, ut in Eli, 1. Sam. 2. v. 23. Tyrannis & sævities, qualis in Saulo adversus Jonathanem. Astorgia, qualis in Mesa Rege, 2. Reg. 3. v. ult. Imprudentia in eligendo genere vitæ, qualis in Samuele, sufficientis filios in Judices, aptiores regi quàm regerentos, 1. Sam. 8. v. 12. Induria circa alimentationem, informationem, benedictionem, qualis fuit in Salomone adversus Roboamum, qui successit, 2. Reg. 12. vers. 5.

## XIII.

In Oeconomia non tantum Ordo occurrit parentum & liberorum, sed etiam Dominorum & servorum, cum hæc cum copula maris & feminae tres primas societates constituent, servorum autem & famulorum officium est, honorem & reverentiam, obsequium promptum & fidem sinceram præstare Dominis, quo collimant dicta Eph. 6. v. 5, & 8. Tit. 2. v. 9. 10. 1. Timoth. 6. v. 1. 2.

## XIV.

Extendit hæc officia latius B. Thummius, scribens: Oeconomica justitia à servis & ancillis requirit primò honorem, 1. Timoth. 6. v. 1.  
Demi-

*Dominos suos omni honore dignos arbitrentur, Malach. 1. v. 6. servus honoret Dominum. Secundò, taciturnitatem, exemplo Abre Judith ancillæ, cum ipsa in castra Holofernis ingressæ Judith c. 10. Tertiò, commodum Dominorum, 1. Sam. 25. v. 14. Cum Nabal denegaret comestum Davidi, & ob hoc in summum se adduceret discrimen, servus bere Abigail statim nuntiat, ut periculum avertat, 2. Reg. c. 5. v. 3. Ancilla Israëlitis Naaman Syro, Domino suo medicinam curanda lepra aperit. Quartò, obedientiam in exercendis vocationis laboribus, Eph. 5. v. 6. Servi obedite Dominis carnalibus, Col. 3. v. 22. 23. Servi obedite per omnia Dominis carnalibus, Tit. 2. v. 9. 10. Dic, ut servi Dominis suis subditi sint, &c. 1. Petr. 2. v. 18. Servi subditi estote in omni timore Dominis, non tantum bonis & modestis, sed etiam austeris, Gen. 16. v. 9. Matth. 10. v. 24. Exempla: Sic Agar jussu Angeli reversa se humiliavit, Gen. 16. v. 9. Talis obediens servus erat Eleazar, Gen. 24. 10. 12. Jacob, Gen. 30. v. 29. Joseph, Gen. 39. v. 8. Servi Davidis, 2. Sam. 15. v. 15. Ithai, & qui cum eo erant, ibid. v. 22. Servi hominis peregrinè profecti, Matth. 25. v. 16. 17. Servi Cornelii, Act. 10. v. 7. Centurionis Capernaïtici, Matth. 8. v. 9. Commoda hujus reverentiæ & obedientiæ. Sic enim retributionem à Domino accipient, apud quem non est distinctio personarum, neque servus, neque liber, Gal. 3. v. 28. Prov. 17. v. 22, Coram DEO Regibus omnibus superior, inquit Chrysostomus, qui nullius sibi mali conscius est, etiam si in subditorum ordine censetur. Et afferente eodem: Sic ob suam fidelitatem & obedientiam præmiis ornati fuerunt servi fideles omni tempore: Jacob, Gen. 32. v. 20. Joseph, cap. 41. v. 41. David, 2. Sam. 5. v. 3. Esther, c. 2. v. 12.*

## XV.

*Est autem Servitus vel durior, vel moderata, vel denique mercenaria. Durior, ex qua aliquis non erat sui juris, sed Domini possessio, imò ita sub Hero, ut jus vitæ & necis in illum haberet, obtinebat illa apud Ebræos, & alios Orientis populos Græcos & Romanos quondam, senserunt vim ejus, & jugum hoc portare coacti sunt Israëlites in Egypto: Moderata commendatur Israëlitis Levit. 25. 39. Si attenuatus fuerit frater tuus apud te, ita ut vendat se tibi, non uteris operæ ejus, tanquam servi operæ.) Secundum duriorē illam conditionem.) Tanquam mercenarius, tanquam advena erit tecum: usque ad annum jubileum serviat tibi. Egrederetur autem à te, ipse, & liberi ejus cum ipso; ac rever-*

Revertetur ad familiam suam, & ad possessionem Patrum suorum revertetur. Sunt enim servi mei, quos eduxi à terra Ægypti: non vendentur venditione servili. Non dominaberis illi durè, sed timebis à DEO tuo. Sic ergò jus durioris illius servitutis Israëlitis in Israëlitam non fuit permittum. Imò nec peregrino, vel advena, inter Israëlitas degenti, istud permitti debuit in Israëlitam. Unde porro *ψ. 47.* Si autem adepta fuerit manus peregrini & advena, qui est apud te, & attenuatus fuerit frater eius, qui apud illum versatur, seque vendiderit peregrino & advena, qui est apud te, vel stirpi familia peregrini: posteaquam vendiderit se, redemptio erit ei: unus è fratribus ejus redimet eum. Aut patruus ejus, aut filius patris ejus, redimet eum: aut propinquus carnis ejus, è familia ejus redimet eum: aut si adepta fuerit manus ejus, tum redimet seipsum. Et superabit cum eo, qui emit ipsum ab anno, quo se vendidit illi, usque ad annum jubilaum: aestimabiturque pecunia venditionis ejus secundum numerum annorum, & secundum dies mercenarii fiet cum eo. Tanquam mercenarius annuus erit cum illo: non dominabitur ei durè in oculis tuis. Si verò non se redemerit in illis, egredietur in anno jubilaum, ipse, & filij ejus cum eo. Attamen jus illud Israëlitis permittum fuit in eos, qui ex aliis gentibus erant orti: sic *ψ. 44. 45. 46.* Servus autem tuus & ancilla tua, qui erunt tibi, de gentibus erunt, quæ sunt in circuitu vestro; ex eis emetis servum & ancillam. Et de filiis quoque incolarum, qui versantur apud vos, & de familia eorum, qui apud vos sunt, quos procreaverunt in terra vestra, eruntque vobis in possessionem. Et jure hereditario possidebitis eos pro filiis vestris post vos, ad possidendum possessionem: in perpetuum utimini operà eorum. Fratribus autem vestris filiis Israëlitis, quisque fratri suo non dominabitur durè. Jus interim vitæ ac necis in eos etiam non fuit concessum. *Exod. 21. v. 20. 21.* Cum percusserit quisquam servum, vel ancillam suam, bacillo, & mortuus fuerit sub manue ejus, vindicando vindicabitur. Veruntamen si per diem, vel per duos dies, perstiterit, non vindicabitur; quia pecunia ejus est. Mercenaria denique servitus est vel illorum conductitiorum, qui operam ad tempus addicunt Domino ob mercedem, interveniente contractu, vel illorum, qui non sunt alicui Domino conducenti conjuncti societate vitæ cottidianæ, & ad certum aliquod opus solummodo se obstringunt.

## XVI.

Originem Servitutis accersunt Theologi ex Gen. 9. vers. 24. addunt Genes. 25. vers. 23. Nomen servi scribit Augustinus libr. 19. de Civitat. DEI meruit culpa, non natura, nusquam enim in Scripturis legimus servum antequam justus Noah peccatum filii indicaret, Chrysostomus in Epistol. ad Ephesios hæc habet: Si verò rogaverit quisquam, unde sit servus, & unde in vitam hominum irrepperit, (novi enim multos, qui libenter talia & rogant & discere vellent) ego illud vobis dicam; AVARITIA, vulgaris Negligentia, & insatiabilitas servitutem pepererunt. Alioqui Noë servum non habuit, neque Abel, neque Seth, sed neque qui post illorum tempora vixerunt. Peccatum servitutem peperit & contumelia in parentes. Audiant liberi, dignos esse se qui serviant, quando ingrati fuerint parentibus. Nobilitatem suam sibi ipsi adimit, quisquis talis est. Qui enim patrem contumeliâ efficit, non est amplius filius. Qui in verum patrem nostrum contumeliosus est, quomodo filius erit? August. quæst. in Gen. c. 103. Tom. 4. col. 120. Servum hominem homini vel iniquitas vel adversitas dominari fecit. Iniquitas quidem, sicut dictum est: *Maledictus Chanaan, servus erit fratribus suis.* Adversitas verò, sicut accidit ipsi Joseph, ut venditus à fratribus servus alienigenæ fieret. Itaque primos servos, quibus hoc nomen in Latina lingua inditum est, bella fecerunt. Qui enim homo ab homine superatur, jure belli potuisset occidi, quia servatus est SERVUS appellatus: unde & mancipia, quia manucapta. Lex divina de servis Hebræis, & illorum libertate: Levit. 25. 39. & seqq. Exod. 21. 2. 3. 4. 5. 6. Deut. 15. 12. 13. 14. 15. 16. 17. 18. Sed videntur hæc leges sibi invicem adversari, quòd in uno loco servus Hebræus ad annum usque jubilæum, altero verò lex tantum annis servire præcipitur: Verùm facili hæc conciliatur ἀντινομία, & hac quidem ratione: Quòd servus Hebræus debeat servire sex continuis annis, si intra hos servitutis suæ annos nullus sit jubilæus. Si verò Jubilæus venerit, priusquam sex servitutis anni finiantur, tunc Libertatem consequatur, etiam si uno aut duobus tantum annis servierit. De ancillis addita est Exceptio Exod. 21. v. 7. *Cum autem vendiderit quispiam filiam suam in ancillam, non egredietur, quemadmodum servi egredi solent, &c.* 8. 9. 10. 11. Poena inobedientiz & transgressoribus mandati hujus describitur Jer. 34. 8. & seqq. Servi fugitivi non sunt retrahendi ad Dominos, Deut. 23. 15. 16. *Ne trahas servum Do-*



*mino suo: neque leviter aut temerè accusandi, Prov. 30. 10. Ne accuses servum apud Dominum suum. Ancilla bello capta, an & qua conditione Israëlitis in uxorem ducere licuerit? Deut. 23. 10. 11. 12. 13. 14. traditur; Cùm agressus fueris ad bellum, &c. Videris autem in captivitate mulierem pulchram formâ, & amaveris eam, & acceperis tibi in uxorem, introduces eam in domum tuam, & radet caput suum, & praeiciet ungues suos, alias servi sunt natiuitate, cum partus ventrem sequatur, tales habuit Abraham, Gen. 14. De servo Ebræo & libertate eidem concedenda anno septimo, Exod. 21. v. 4. captivitate, cum qui in militia capti potuissent occidi, servati fuerunt & servituti subiecti, imo sub hasta venditi, ad quos referuntur & obediencie dediticii unde mancipia, quasi mancipati, & de talibus loquitur, Petr. 2. Epist. c. 2. v. 19. Venditione, qui per privatam contractum accepto precio vendebant libertatem suam ipsi, vel etiam illi, in quorum potestate erant, quo respicit lex illa, Levit. 25. v. 39. & 47. pertinet huc Exemplum Josephi, Gen. 39. 27. 28. Germani veteres, de quibus Tacitus de moribus Germanorum. Sententiâ, quales illi, quibus divina vel publica autoritate servitus loco supplicii imposita, de quo Exod. 22. v. 3. Canaan cum posteris Gen. 9. vers. 26. Deut. 28. v. 68. Debitorum numero, de quo secundo, Reg. 4. vers. 2. Matth. 18. vers. 15. Conductione, de qua supra. Affines servis valde sunt adscriptitii sive gleba adscriptitii, qui agris & glebæ ita sunt obnoxii, ut avelli non possint, sed cum iis etiam condantur, etiam Domino ita additi, ut ne peculium habeant in sua potestate, qui vero libertate donantur, manumissi sive liberti dicuntur, & qui ab iis post manumissionem nati, libertini.*

## XVI.

Dominorum vero Officium est, servos famulos & mercenarios ad verum DEI cultum adducere, pietatem commendare, & tempus aliquod exercitiis sacris indulgere, Gen. 17. v. 12. cap. 18. v. 19. Moderare illis imperare, & prudenter cum illis agere, Levit. 25. v. 43. Eph. 6. v. 9. Colos. 4. v. 1. alimenta præbere, nec non mercedem solvere, & quidem honestam & maturam, Deut. 24. 14. 15. 1. Cor. 9. 7. Deut. 25. v. 4. Jacob. 5. v. 4. De Oeconomica Iustitiâ erga familiam notant Theologi, quod requirat à patribus familiâs I. Amorem (non incultum, quemadmodum ille dilexerat ancillam suam, illam coniugi honestissimæ præferens, sed) justum & sincrum, Matth. 22. v. 37. *Dilige proximum tuum sicut te-*

ipsum

ipsum ; 1. Petr. 3. v. 8. *Vos autem curam omnem subinferentes , ministrate in pietate amorem fraternitatis , quod mandatum omnes homines etiam servos & ancillas complectitur , qui & ipsi ad imaginem DEI conditi , à Christo redempti , & à Spiritu S. sanctificati . Ipsa natura etiam dicitur , ut eos , quorum opera in curandis rebus nostris utimur , amore complectamur . Unde Syr. c. 7. v. 22. Non ladas servum in veritate operantem , &c. & ibid. v. 23. Servus sensatus sit tibi dilectus tanquam anima tua , &c. Sic Abraham dilexit servum Eleasarum , Gen. 24. ita Judith manumisit ancillam , Judith 16. II. Paternam ipsorum defensionem. Syr. 33. v. 31. Si tibi est servus fidelis , sit tibi quasi anima tua , quasi fratrem tracta eum , &c. Canem defendit Dominus , multò magis servum . III. Institutionem in Catecheticis : *Pietas ad omnia utilis , &c. Quarite primum regnum DEI* , Matth. 6. 33. Sic Abraham omnes masculos domus suae circumcidit , Gen. 17. v. 10. II. Cornelius timuit Deum cum tota sua domo , Act. 10. v. 2. Regulus item , Joh. 4. v. 54. & Centurio , Matth. 8. IV. Instigationem ad labores , Syr. 33. v. 30. *Panis & disciplina & opus servo* , otia dant vitia , & homines nihil agendo , malè agere discunt . Hinc Heliogabalus famulis mandasse legitur , ut caperent muscas & araneas , ne tempus frustra tererent . Labor autem ille non sit immodicus ; non enim jumenta , sed homines sunt : non intemperativus , ut vel à cultu divino diebus festis , vel nocturno tempore à quiete abstrahantur . Quod caret alterna requie , durabile non est . V. Alimenta , Syr. 33. 30. *Panis , disciplina & opus servo* ; 1. Corinth. 9. 9. *Bovi trituranti non obligabis os* . Alimenta autem illa danda sunt 1. tempore justo , Luc. 12. 42. *Dixit Dominus , quis putat esse fidelis dispensator & prudens , quem constituit Dominus super familiam suam , ut det illis in tempore dimensum suum . 2. Cibo convenienti . Non enim proponendi illis sunt cibi malè cocti & falsi , aut ter quaterve cocti , quod avaris Patribus familiàe plerumque in more .* *dic dem Gesind nichts geben / es seye dann vorhin im Stanc / als ein faul Glas / verdorben .* VI. Castigationem verbis quandoque lenioribus quandoque asperioribus , pro ratione personarum , delicti , temporis ac loci , ita tamen , ut leniora semper proponderent , secundum illud , *freundlich regieren und mit Willen / thut grossen Zanc und Hader stille : Wer mit dem Kopff will oben hinauf / thut Schaden und richtet nichts Guts auß .* Hinc Syr. 4. 35. *Noli esse sicut Leo in domo sua .* Paulus Onesimum servum ad herum Philemonem uti fratrem remisit , in Epist.*

Epist. ad Philemonem, v. 17. Eph. 6. 9. Remittite minas, scientes, quod & vester Dominus in caelis sit, nec persona respectus sit apud illum, 1. Thim. 3. 7. 16. Ne contristes eum, Job 31. 13. Si contempsi subire iudicium cum ser-  
vomeo, &c. VI. Mercedis per solutionem, quæ esse debet 1. facilis. Non  
cogantur servi & ancillæ damna à se non data refarcire, & ad unum prz-  
stare omnia, sicut Laban Jacobum cogebat, ut solveret, quicquid de gre-  
ge furto perierat, Gen. 31. 39. & Ægyptii Israëlitas expellebant, Ex. d. 12.  
v. 31. Matth. 10, 10. Dignus est mercenarius mercede sua. 2. Properata.  
Non morabitur opus mercenarii tui apud te usque mane, Levit. 19. 13. 3. In-  
tegra. Jac. 5. 4. Ecce merces operariorum, &c. quod vultis, ut faciant  
vobis homines, &c. Matth. 7. 12. Quæ de servis dicta, de Mercenariis  
quoque intelligenda sunt, cum & his sine dilatione merces persolvenda  
sit 1. ob mandatum, Levit. 19. 13. Deut. 24. 14. 15. Prox. 10. 10. Syr. 34.  
v. 27. Tob. 4. 15. 2. Exem. lo Salomonis, 2. Paral. 20. 10. 3. Ob pec-  
nas, quas DEUS minatur detrahentibus aut differrentibus, Jerem. 22. 13.  
Mal. 3. 5. Jac. 5. 4. VIII. Justitiæ administrationem, cum æquitate jun-  
ctam, Deut. 15. 12. 2. Levit. 25. 43. 3. Tob. 4. 15. Prov. 31. 15. Syr. 7. 22.  
c. 33. 16. Eph. 6. 9. Matth. 10, 10. Unde Laban dixit Jacobo: Non gratis  
servies mihi, Gen. 29. 15. Et Job c. 31. 13. Si contempsi iudicium servi, &c.  
Cyprianus contra Demetrianum pag. 144. Cum sit vobis eadem fors na-  
scendi, conditio una moriendi, corporum materia, animarum ratio  
communis, æquali jure & pari lege veniatur in hunc mundum, vel de  
hoc mundo postmodum recedatur, tamen nisi pro arbitrio tuo tibi ser-  
viatur, nisi ad voluntatis imperium serviatur, imperiosus & nimius ser-  
vitus exactor flagellis verberas, fame, siti, nuditate, frequenter fer-  
ro & carcere affligis & crucias, & non agnoscis Dominum DEUM tuum,  
cum exerceas ipse Dominatum Chrysost. Hom. 16. in Epist. ad Corinth.  
Col. 1. 2. 44. Si servus ita imperat, sic obedite Dominis, intuemini,  
quo nos animo in Dominum nostrum esse convenit, qui nos de nihilo  
ut essemus effecit, qui nutrit, qui vestit. Et si ergo non aliter, saltem ut  
famuli nobis nostri, ita illi serviamus. Nonne vitam illi omnem in hoc  
exponunt, ut requiem nobis parent? hoc illis opus est, istud studium,  
ut dominos curent. Nonne illi, quæ Domini sunt, totâ diē curant,  
sua vero diē vix exigua parte? Contra vero nos nostra quidem semper,  
quæ vero sunt Domini, neque minimâ curamus temporis parte, istud-  
que, cum ille obsequiis non egeat nostris, sicut Dominus famulorum,  
sed

sed hæc omnia nostris commodis cedant. Illic enim ministerium famuli Domino prodest : hic autem servi obsequium Domino nihil , servo autem plurimum confert. Bonorum enim (inquit) meorum non eget, Psalmo 15. Dic enim, quæso, si ego justus sum, DEUS quid inde lucratur ? quid perdit, si fuero injustus ? Nonne immortalis illa natura est ? Nonne inviolabilis & omni superior labe ? Servi nihil habent proprium, sed omnia Domini sunt, quantumlibet illi divites fiant : nos plurima habemus propria. Neque abs ratione à Rege omnium tantum honoris accepimus. Quis unquam pro servo Dominus filium tradidit suum ? Nullus certè, sed omnes pro servis filios eligent. Contra proprio filio non pepercit, sed pro nobis omnibus tradidit illum, pro omnibus inimicis odientibus. Servi, si gravia quædam illis imperentur, ne sic quidem indignantur, maximè si grati illi sint, nos autem graviter plurima ferimus. Servis nihil tale Dominus promittit, quale nobis DEUS. Sed quid ? Libertatem præsentem omni sæpè servitute durior. Sæpè enim ubi fames invaluit, libertas hæc omni servitute acerbior fuit, idque pro summo munere habetur. Apud DEUM verò mortale nihil, nihil corruptibile est ? Sed quid ? Non vos dicam servos meos : vos amici mei estis. Erubescamus dilectissimi atque timeamus, sicut nobis famuli serviunt, ita nos Domino servire studeamus, imò nos ne minimam quidem partem servitutis ostendimus.

## XVII.

Tandem in Præceptorum & discipulorum Ordine hæc habet Clemens Alexandrinus : Patres vocari dicit, qui nos Catechesi instituerint : Sic ergo Elisa suum Præceptorem debito affecit honore, 2. Reg. 2. v. 9. Quod & Ethnici innuere voluerunt, dicentes : Dii majorum umbris tenuem & sine pondere terram, &c. Summus autem honor exhibetur Præceptoribus, quando illorum Discipuli PII (Deut. 6. *Hoc est Præceptum, statutum judiciumque illud, ut timeas Iehovam DEVM tuum, observando omnia statuta ejus*) & in Studiis ASSIDUI sunt ; quæ mandata sunt tibi, hæc sanctè cogita, Syr. 6. *Maledictus enim, qui facit opus Domini fraudulenter.* Ad pietatem autem spectant non solum *γνώσις ἀληθείας*, verus de DEO sensus, sed etiam *πράξις εὐσεβείας*, rectus in DEUM cultus, secundum illud Lactantii lib. 4. Divinar. Instit. c. 4. Idem DEUS est, qui & intelligi debet, quod est sapientiæ, & honorari, quod est reli-



gionis, sed sapientia præcedit, religio sequitur, quia prius est DEUM scire, consequens colere. De priore, fide scilicet. sincera canit David Psal. 25. Arcanum leboræ adest reverentibus ipsum. De posteriore vero, vitâ nim. inculpatâ loquitur Syr. cap. 1. Reverentia Domini depellit peccata. Et c. 19. Cognitio mandatorum Domini est eruditio vitæ. Pietatis multiplices fructus describit & commendat nobis Syr. his verbis: Principium sapientiæ est revereri Dominum; hæc adest fidelibus, in utero cum ipsis creata est: Plenitudo sapientiæ est revereri Dominum, inebriat enim eos suis fructibus. Corona sapientiæ est revereri Dominum, progerminans pacem & incolumitatem salutarem. Radix sapientiæ est revereri Dominum, & rami ejus sunt longevitatis; cum hominibus fundamentum æternum ædificabit, & cum semine eorum, quibus credita est: omnem domum eorum implet desideratis rebus suis, & cellas satibus suis. Timenti Dominum bene futurum ad finem usque, & die mortis ejus benedicetur illi. Reverentia Domini est tanquam viridarium benedictum, quam supra omnem gloriam obregit DEVS. Ubi verò divina statuta pietatem, ita quoque assiduitatem à studiofis exigunt sedulam, & fructus promittunt dulcissimos. Audite me sancti, inquit Syr. c. 39. & germinate tanquam rosa plantata ad flumen humidum, ac proferre florem ut lilium, edite odorem, &c. Cap. 6. Fili à juventute tuâ elige eruditionem, & ad canos usque consequeris sapientiam, cujus bonos fructus expectato. In elaboratione ejus paululum fatigaberis, sed sicut comedes de satibus ejus: qui enim reverentur Dominum in oculis ejus honorati, ante sortem principatus est reverentia Domini. Quæ autem media in assiduitate sint adhibenda, ut studiosa juvenus fructum laborum & studiorum salutarem, ac exoptatum consequi valeat, Syrach suo nos edoceat exemplo, quando in Oratione sua ita: Cum adhuc juvenis essem, quasi sapientiam manifestò oratione meâ; coram templo oravi pro illa, & ad extremum usque requisiturus sum illam tanquam de flore dematurosciente nra, latatum est cor meum de illa, ingressus est pes meus rectâ, à juventute mea investigavi eam, inclinavi aurem meam, & accepi illam, multamque adeptus sum mihi eruditionem: manus meæ extendi in sublime, animamque meam direxi ad illam, & purificatus inveni illam.

## XVIII.

Referri denique hic potest respectus uxoris ad maritum. Hæc enim debet obedientiam, subjectionem & reverentiam, I. Cor. 11. v. 3. 1. Timothy,



Matth. 2. v. 11. 14. 1. Petr. 3. v. 1. 4. 6. Dilectionem & fidem, 1. Cor. 7.  
 v. 3. Collaborationem in cura Domus, Prov. 14. v. 1. & cap. 30. v. 10. 31.  
 Vicissim mariti debent uxoribus dilectionem singularem, Prov. 5. v. 18.  
 Eph. 5. v. 25. Col. 3. v. 19. Regimen blandum, 1. Cor. 7. v. 33. 1. Pet. 3.  
 v. 7. Provisionem de necessario, Exod. 21. v. 10. Non tantum autem in  
 corporalibus, sed & spiritualibus, 1. Corinth. 14. v. 35. 1. Petr. 3. v. 7.  
**De SENIBUS** hæc habeto. Colant illi I. *Pietatem*, quæ licet omnes ob-  
 stringat, maxime tamen senes, propter scandalum decet, Matth. 18. v. 60.  
*Si quis scandalizaverit unum de pusillis, &c.* II. *juventutem* instituant,  
 Deut. 32. v. 7. *Memento dierum antiquorum, &c.* Syrach. 25. 6. *Quam*  
*speciosa veteranis sapientia, &c.* Job. 12. 12. *In antiquis est sapientia,*  
 Tit. 2. 1. *Tu vero loquere, quæ decent sanam doctrinam.* III. Sint sani 1. in  
 fide, hoc est, hæreticis opinionibus non inhæreant; 2. *Charitate*, 1. Joh. 3.  
 v. 18. *Filioli mei, non diligamus verbo, &c.* 3. *Patentia.* IV. *Sobrii*, quia  
 enim infirmæ sunt valetudinis, ideo vino facile obruuntur; quæ autem  
 mala & scandala inde oriantur, exemplum Noachi & Lothi, Gen. 9. &  
 19. docent. V. *Graves animo*, candidi verbis, iusti factis, casti opere,  
 ut juvenes eos revereantur; nam turpe senex miles, turpe senilis amor.  
 E contra vero à **JUNIORIBUS** requiritur I. ut **DEUM** timeant. Non  
 dicant cum lascivis, Sap. 2. v. 6. *Venite & fruamur bonis, &c.* sed in timo-  
 re Domini ambulent, vitamque inculpata ducant, Ecclesiastes c. 12.  
 1. *Memento creatoris tui, &c.* scito quod de omnibus te **DEVS** ducturus sit  
 in iudicium, Eccl. 11. v. 9. Matth. 12. 36. *Omne verbum otiosum.* Joseph  
 hoc observavit, sextum Decalogi Præceptum transgredi nolens, Gen. 39. 8.  
*Ut pauca, & non nisi interrogati, aut summâ necessitate urgente loquan-*  
*tur,* Syr. 32. v. 4. *Loqueremur major natu, &c.* Elihu Job. 32. v. 4. *Expectat,*  
 donec Eliphaz, Baldad, & Zophar locuti sunt. Zeno in convivio cur  
 taceret, interrogatus, respondit; ut aliis possitis referre, adfuisse senem,  
 qui potuerit tacere. Ut piis converterentur senibus, averterentur vero ma-  
 iorum consortium, Syr. 8. v. 7. *Ne spernat hominem in senectute, etenim*  
*ex nobis senescunt,* Syr. 6. v. 35. *In multitudine Presbyterorum stas, &c.*  
 Sap. 4. v. 12. *Fascinatio nugacitatis obscurat bona, &c.* 1. Cor. 15. v. 33.  
*Corrumpunt bonos mores colloquia parva, Prov. 1. v. 10. Si te lactaverint*  
*peccatores, ne acquiescas eis.* IV. Ut humilitati & modestiæ debitz er-  
 ga seniores studeant; neque enim senibus superiores esse debent, Col. 3.  
 v. 12. *Inducite humilitatem, modestiam, &c.* Philip. 2. v. 3. *Nihil per*  
 E 2

contentionem, &c. Est autem humiliari infirmitatem suam agnoscere; 2. Donis suis non effrui. DEUS enim, 1. Petri. 5. & 6. *Superbis resistit, humilibus autem dat gratiam*, Exemplo Saulis, 1. Sam. 15. *Qui cum probus esset in oculis suis, caput in tribubus Israel factus est*. Refert hac exemplum Eliszi, arantis in duodecim jgis boum, 1. Reg. 19. & 19. Davidis, pascens oves patris. V. Ut seniores pietate & gravitate præstantes honorent; nam & senes Patris matrisque nomine intelliguntur. Exhibeant autem honorem hunc 1. Verbis, si nim. loquantur cum iis, reverenter & modeste, titulis illos cohonestantes debitis; 2. Animo, timore filiali & verecundiâ non fucarâ. 3. Gestu, Lev. 19. & 32. *Coram cane capite consurge*, &c. 4. Opere, si natos illorum tegant, patienterque eorum verba, monita & castigationes ferant, Syr. 8. & 9. *Nō despicias narrationem sapientum*, &c. 1. Tim. 5. & 19. *Seniorem ne increpaveris, sed observa illum ut Patrem*. Hæc, qui negligunt, DEO pœnas dabunt; uti pueri Bethelenses, Eliszum irridentes, 2. Reg. 2. v. 24. *Rechabeam, seniorum consilium rejicientes*, 1. Reg. 12. Honorem autem hunc Juvenes senibus exhibeant 1. ob mandatum divinum, Lev. 19, 32. Prov. 16, 31. Syr. 8 9. 11. 7. 2. Suadet ipsa naturalis ratio, quæ sanioribus hoc ipsum Ethnicis impressit: Qui credebant hoc grande nefas, & morte piandum, si juvenis vetulo non assurrexerat, & si Barbato cujusque puer: licet ipse videret plura domi farra, & majoris grandis acervos. Tam venerabile erat præcedere quatuor annis, primaque par adeo sacre lanugo senectæ. 3. Movent Exempla: pueri Samuelis, 1. Sam. 3. v. 7. Junioris Tobiz, Tob. 9. v. 8. Elihu, Job. 32. v. 6. Commendantur hoc nomine Spartani, è quibus quia decentem honorem senioribus conferre consuevisent, etiam in Proverbium abiisse accepimus: In sola Sparta expedire senescere. 4. Exigit dignitas Senum. *Dignitas senum canities est*, Proverb. 20. v. 29. *Canisunt sensus homines*, Sapient. 4. v. 8. Postulat Utilitas à Senibus dependens: In antiquis enim est sapientia, & in multo tempore prudentia, Job. 12. v. 12. *Vir multis exemptus novit multa*, &c. Syrach. 34. v. 4. *Serus venit usus ab annis: bos lassus fortius figit pedem*, quod August. scribit ad venerandum senem Hieronymum. Ex plus valet umbra senis, quam gladius juvenis, vere dixit ille. Certe effata Gregorii Nazianzeni Mater ipsi & fratri suo Cæsario plurimum consilia, multaque ipsis imminencia pericula præcibus suis. Nazianzeno ipso referente; avertit. Laonius Veteris Ecclesiæ Doctor in consultatione  
de

de rebus gravioribus habitâ, protensis digitis canos capitis sui ostendens: Hac nive liquefactâ, dicebat, erit multum luti. Emigrantibus scilicet ex hac vita senibus, sæpius emigravit etiam simul ex Evangelicorum Ecclesiis concordia, intravére contra belli Furiz & periculosa discordia. Exempla Lothi, Genes. 19. Moïsis, Deut. 31. v. 16. Josuæ, Jud. 2. Samuelis, 1. Samuel. 25. v. 1. Jojadæ, 2. Par. 24. v. 7. Josiæ, &c. aliorum multorum. Ita scilicet DEUS, quod axioma Platonis est, civitatis calamitatem immissurus aufert ab eâ viros bonos: Aufert sustentacula & fulcimentum, &c. 6. Tandem volunt præmia: si enim sic juniores honorant seniores, & ipsi cum veterascent, iterum in senio suo digno afficiuntur honore: qualis enim quisque seminat, talia metet: & Dominus reddit unicuique secundum opera sua, Psal. 62. v. 13. *Mensurâ quâ metimini*, &c. Luc. 6. v. 38. *Qualia quisque facit, talis finis manet ipsum*: Ne ergo spernas hominem in senectute, omnes etenim senescere optamus, Syr. 8. v. 7. Quotiescunque senem vel præteritis, vel illi vos prætereunt, non aliter ac si his vos salutaret verbis, vobis imaginamini:

*Aspice me, quod es, ante fui, jam quodque futurus,  
Sors hodierna mihi, cras venit illa tibi.*

## XIX.

Superest ut aliquid addamus de Magistratu & subditis. Debent sine subditi Magistratui primò omnium Subjectionem & Obedientiam, ut constat ex Rom. 13. vers. 1. 2. & seq. Secundò Honorem & Reverentiam, de quo 1. Petr. 2, 17. Rom. 13. vers. 4. & 5. Proverbior. 24. vers. 21. Tertio dilectionem & Fidem, Rom. 13. 1. & 4. Quarto tributum mercium & vectigalia, 2. Tim. 2. v. 1. 2. 3. Rom. 13. v. 6. 7. Matth. 17. v. 27. & cap. 22. v. 17. Denique Gratitude & Beneficiam, 2. Sam. 17. v. 27. 28. de quibus Thumm. p. 195. 196. 197. 198. 199. 200. Vicia contraria sunt Rebellio, de qua Num. 16. v. 1. & seq. Contemptus, de quo 1. Samuel. 10. v. 27. Odium, de quo 1. Reg. 12. v. 16. Neglectus Precum & Tributorum, de quo 2. Sam. 16. vers. 7. Ingratitudo, de qua Judic. 8. vers. 34. 35.

## XX.

Magistratus vero officia sunt, Pietatem & veram Religionem complecti, colere, fovere, Psal. 2. v. 10. 11. 12. Psal. 72. v. 10. 11. Esa. 49. v. 23. Custodiam utriusque Tabulæ demonstrare, Exod. 18, 20. Deut. 17. 18. 19.

Pfal. 2, 10. 2. Chron. 19, 6. Rom. 13, 4. 1. Tim. 2, 2. Denique in inferioribus Magistratibus eligendis prudentes & sinceros sese exhibeant, Exod. 18, 21. Luculenter de hoc puncto B. Thumm. Vitia contraria sunt Impietas, de qua Luc. 19. v. 14. Neglectus Custodiz utriusque Tabulæ, de quo Esa. 1, 21. 22. 23. Electio illorum, qui minus apti aut digni, 2. Sam. 20, 1.

## XXI.

In statu Ecclesiastico Antistitibus Ecclesiz debetur Amor, 1. Thesal. 5, 12. 13. Honor, Phil. 2, 29. 1. Tim. 5, 17. 18. Obedientia, Ebr. 13, 17. Sulentatio, Deut. 12, 19. Math. 10, 10. Officium vero Pastorum est prædicare, 2. Tim. 4, 2. & 5. Sacramenta administrare, 1. Cor. 4, 1. 2. Curam singularem gerere Ecclesiz commissæ, 1. Petr. 5, 2. & 3. Excommunicatione, ubi opus est, uti & Clave utraque, 1. Cor. 5. 6. 7.

## XXII.

Vitia, quæ pugnant cum hisce propositis, sunt, Odium adversus Ministerium, Esa. 65. 5. Irreverentia, 2. Paralip. 30, 10. Math. 11, 16. Acor. 2, 13. Resistentia, Esa. 28, 10. 13. Ezech. 2, 4. & c. 33, 31. Negatio subsidiorum necessariorum ad vitam, 1. Cor. 4, 11. Vitia Pastorum sunt, Neglectus Prædicationis, Esa. 56. 9. 10. Sacramentorum Abusus, 1. Corinth. 11, 19. 20. Curæ singularis & legalium fulminum Omissio, Esa. 30, 7. 10. Thren. 2, 14. Ezech. 13, 19.

## ERRORES PONTIFICIORUM *Contra IV. PRÆCEPTUM.*

**P**rimò non tenetur filius obedire Parentibus in iis, quæ pertinent ad Electionem Status Religiosi. Ita Bellarminus libro 2. de Monachis cap. 36. Laymannus, l. 4. tract. 5. cap. 4. Malletus, quia filius in hoc non censetur subditus Patri, juxta dictum Christi: Qui amat patrem vel matrem, &c. Imò Tamburinus generalem proponit Regulam: Nunquam præceptum aliquod obligare, nisi sit determinatum; cum enim non possit, ut indeterminatum exire in executionem, non censetur practice esse completum. Secundò filii conjicientes contumelias in Parentes non peccant mortaliter, si materia sit parva: ita Mallet. p. 98. Tertiò, potest Filius optare mortem Patris vel de illa gaudere, non ut malum Patris, sed ut



& ipse Filius paterna hereditate fruatur ; & mater potest desiderare mortem Filiz , ne illam alere vel dotare cogatur ; & subditus mortem expectere Prælati sui , ut prælaturæ ipse succedat , vel ut à Prælato sibi in senso liberetur. Quartò , potest Filius , invito Patre , contrahere Matrimonium cum ea , quam carnaliter cognovit , aut cui matrimonium promissit , ita Bonacina de matrimonio punct. 17. q. 4. n. 21. Malletus Bractes quarta Malleat. XI. quia in matrimonio filius non est subditus Patri , sed sui Juris. Conspirant Sanchez , Guxier , Reginaldus , Coninck , Tamburinus. Cerrum exploratumque est , si filii invitis parentibus ineant matrimonium cum dignis , & alioqui nullum sequatur incommodum , non peccare lethaliter , imò ne venialiter quidem , si prius modestè à parentibus facultatem petierint , tametsi nequaquam exoraverint. Ratio potissima est , quia in electione status , & maximè matrimonii , filii nemini subduntur. Quintò , Filii Catholici non tenentur parentibus Hæreticis , Ethnicis , Turcis , alimenta impertire , in gravi necessitate , & vicissim : ita Lara , Sardus , Sanchez , Fagundez. Sextò , Filius non tenetur infidelem in extrema necessitate constitutum alere , si conetur à fide eum avertere , secundum illud : Luc. 14. *Si quis venit ad me , & non odit patrem suum* , &c. imò non tantum non possunt alimenta negare liberi in hoc casu parentibus , sed & occidere , secundum Fagundez , & Escobarem de Mendoza. Septimò , Filius potest furari ad sublevandam extremam necessitatem patris , ratio est , quia sicut ipsi Pater poterat alienam rem subripere , ita filius , ut ipsi succurrat , &c. Octavo , filia non peccat , si coloribus fucet faciem , ratio , quia ornatus non est personatus , sed indifferens , nec repugnat charitati DEI vel proximi : ita Navarrus , Grassius. Nonò , Pater exponens filium , quando ipsum alere potest , non tenetur ad restitutionem , quia bona publica ad hunc finem communi censu sunt omnium civium , ad hunc finem sunt addicta , & unusquisque Civis suam habet portionem in hujusmodi bonis , referente Fagundezio pro hac sententia Authores. Decimò Pater non tenetur filios & filias spurias dotare , quia scandalosum hoc , secundum Panormitanum , Vasquezium , Molinam , Fagundez. Undecimò , Parentes non possunt suadere filiis , qui castitatis votum emisissent , idque ex Incontinentia sæpe violenta , ut ducant uxorem , quia minus malum , ut licitè consulatur , opus est ut ad majus malum , jam quisque sit determinatus ; ita Sylvester , Gregorius Lopez , Sanchez , Fagundez.



## XXIII.

De obligatione inter Dominum & Famulum hæc habent ; Primò, famulo , qui promisit servire annos integro pro assignato stipendio , si primis sex mensibus tantum inserviit , Dominus non tenetur dimidium mercedis solvere , quia datam fidem violavit : Ita Sylvester. Secundò, si famulus serviat minori pretio infirmo , poterit id occulte compensare , quia Beneficium vel Gratia ab Hero sperata fuit , quasi conditio sub qua facta est illa justæ mercedis condonatio : Sic Doctores apud Molinam tom. 1. de Justitia d. 210. Tertiò, non peccat Herus , qui famulis æculam apertam relinquit eo fine , ut furetur , quia licitum est ei, suis bonis providere, custodiendis etiam, intendendo, ut furetur & delinquat famulus : Ita Petrus Navarr. de Restit. lib. 3. c. 4. part. pr. sub ultimò numero 104.

## XXIV.

Clerici non subeant primò Jugum Principum & summarum Potestatem. Vide Arniszum de Exemptione Clericorum. Secundò Rebellio Clerici in Regem non est crimen læsæ Majestatis : Emanuel S. Subditus & Vassallus non obligatur Regi hæretico , & ex Decreto Papæ deponendo : Suarez in Defensione Cath. l. 6. c. 13. 14. Quartò, licet Regem occidere , si sit hæreticus & justo severior. Quintò, in probabilitate orta & jure quemlibet. Regem licitè bella gerere posse contra alium , quia potest quis sequi opinionem probabilem. Sextò, miles dubitans de Justitia belli num possit bellare ? disputat Caramuel. Septimò, subditus dubitamus, an gabella sit juste imposita, non tenetur illam solvere, apud Tamburinum. Octavò, valde probabile est, te non obligatum præcipienti superiori obedire , quando opinionem habes probabilem, illicitam esse rem imperatam, vel excedentem ejus Jurisdictionem, &c. Castropalaus. Nonò, Prælati Ecclesiæ exhibenda est cæca obedientia. Omnia Scribarum dogmata legi non repugnantia , etiam si vana & inutilia , ac proinde non obligantia , uti erant crebræ manuum corporisque ablationes & purificationes , illa tamen servet ad obedientiæ cæcæ & simplicis meritum ac ordinis Sacerdotalis ac Doctoralis Reverentiam.

## XXV.

Omnia hæc à tramite rectè desistant. Nam primò filius tenetur obedire Jure naturali ; quomodo itaque sufflaminare potest hoc Obsequium status religionis vel matrimonii ? Secundò, voluntas eligendi

di statim Religionis apud Pontificios est irrationabilis voluntas; quomodo igitur enervare potest imperium paternum voluntatem Superioris? Tertiò, filius utique etiam subditus est Patri, quantum ad hoc negotium, qui plus videt atque longius prospicit, quàm inconsulta juvenis audacia, & de genere vitæ commodo præsumitur esse oculatior, ex affectu quoque in natum officii partes fideliter explere, velle: neque illud Christi allegatum conducit. Primum enim non comparat Monachatum, qui quartò demum post Christum sæculò cœpit in Paulo & Antonio sub Constantio, cum obsequio Patri debito, sed præfert & vult præferri amorem DEI amoris illi, qui est illorum, qui sunt vice & loco DEI; vult, ne magis amentur parentes, quàm ipse, quod particulæ *ὡς ἐγὼ ἐμὸς*, quas premit Syrus, quoque ostendunt; loquitur de neglectu Evangelii, ita ut talem indignum suo consortio dicat, qui præ Evangelio amplectitur parentes, & illud vel ob affectum illum in eos, vel non recipit vel abnegat. Videatur locus ipse Matth. 23. quæ & Tamburinus generaliter pronunciavit prout excussa sunt à Religionis Socio, qui etiam ex illa assertionem, hoc absurdum elicit: non teneri unquam filium honorare parentem quamdiu ei suppetit probabilius aliqua ratio opinandi, eum non esse suum parentem, licet, sciat oppositum esse probabilius ac tutius. Cum enim asseverent sufficere quamcunque probabilitatem sive intrinsecam, sive extrinsecam, quantumvis tenuem, ad prudenter agendum; coguntur profectò fateri eandem sufficere ad prudenter omittendum. Omittat ergo in perpetuum filius honorare parentem, quem probabilitate quantumvis tenui opinatur non esse suum parentem. Secundò, sepositâ etiam omni probabili ratione dubitandi de parente, nunquam filius per se loquendo obligabitur, ex Tamburini principiis, honorare suum parentem. Nunquam præceptum aliquod obligat, nisi sit determinatum: cum enim non possit, ut indeterminatum exire in executionem, non censetur practicè esse completum. Perspicuum quippe est, præceptum honorandi parentes non minùs esse indeterminatum, quàm præcepta credendi, diligendi, orandi, adorandi. Cum ergò hæc, juxta hunc Authorem, nunquam per se obligent, eò quòd sint indeterminata, adeoque practicè incompleta: idem prorsus dicere cogitur de præcepto honorandi parentes. Tertiò, quamvis ad reverentiam parentibus debitam spectare videatur, ut proles in rebus magni momenti consilium eorum consensumque exposcant, nec eorum indignatio-

quitate, dicere filium non teneri patrem in externa necessitate alere, si conetur illum à fide avertere; non enim cessat obligatio illa naturalis, etsi Pater malè agat seducere intendens filium, nec per hoc aboletur illa. Præterea potest Filius illum monere, intercedere, & alia fatigare media contra seductionem. Denique ex Pontificiis pugnat contra hanc sententiam Azorius Tom. 2. l. 2. quæst. 2. & 3. Quàm horridum verò illud, posse filium occidere Patrem, quàm à sensu communi alienum? Septimò, furari semper malum est; quomodo itaque primò in casu mediorum deficientium non sit malum? num facienda sunt mala, ut inde eveniant bona? contra Apostolum Rom. 3. Secundò ratio illa, quæ adducitur, falso principio innititur, quasi scilicet in tali casu extremæ necessitatis revivisceret communitas omnium, quod principium in Notis ad Grotium excussimus. Tertiò, fame mori, aut permittere, ut alius fame moriatur, non est peccatum, sed passio; furari autem malum & inordinata actio. Octavo, fucare faciem coloribus, est vanitatis & levitatis argumentum, in Scriptura non legitur de scæmina honesta & pia, sed de Jezabele, impudentissima Ethbaalis filia, tandem non est talis ornatus, qui indifferens, sed qui repugnat Charitati DEI & Proximi; Illi, quia talis filia insultat Creatori, præfert artificium vanitatis naturæ lineamenti & coloribus, quos DEUS in sevit; huic verò, quia decipit illum, & hoc Magonio allicit. Nono, Pater qui exponit filium, graviter peccat, maximè si illum alere possit; abjicit enim curam illius, qui ex ipso ortus, ejusdem est carnis & sanguinis, nec agnoscit, DEUM dedisse tantum, ut possit ipsum alere; tenetur etiam ad restitutionem, si enim ipse alimenta debet & negat, & alius, quicumque ille fuerit, supplet defectum, restitutio utique erit sub præcepto. Denique quamvis istiusmodi Bona in Papatu ad hunc finem & usum sint applicata, tamen etiam ex ipsorum Pontificiorum quorundam sententia tantum adducta sunt pro alendis filiis expositis, quorum parentes inopiâ laborant, ut habet Sylvester, Navarrus, Fagundez, Rebellus. Decimò ex Causa, quod pater renovet suam incontinentiam non teneri dotare filios aut filias spurias pauperes, nihil concluditur; renovat enim etiam in Exhibitione alimentorum. Præterea dos datur ex Adversariorum quoque sententiâ in vitæ subsidium, & loco alimentorum succedit. Subscribunt mitiori sententiæ Navarrus, Azorius, Molina & alii. Undecimò, qui votum Castitatis emiserunt, & id sæpè ex Incontinentia violant, primò

observant illud : In malè pactis rescinde Fidem , & quod illi observare tenentur, id suadere etiam parentes possunt. Secundò, annon ipse Apostolus disertè 1. Cor. 7. *Satius est nubere , quam uri ?* Si itaque ipse Paulus remittit ad Conjugium, ad statum à DEO institutum , qui non persuasione & consilio suo quoque eò tendat pater. Denique patet hic Papanorum Deus , morum fœditas , dum asserunt, non posse suadere parentes conjugium filio habenti votum castitatis , & in concubinato existente , & ita carnis stimulis agitato, ut passim succumbat, ut sic minùs delinquat, quasi non tantùm malum morale & peccatum sit ducere uxorem in casu unctionis, sed & inferius concubinato, videatur Angelus Mativezo, Veracruz & alii.

## XXVI.

In famulos quandoque nimium rigorosi , quandoque nimium leves sunt Moralistæ. Iniquum primò est , si famulus ex rationabili causa discedat à Domino , si servit per sex menses , non solvere dimidiam partem , cùm Labor & Merces debeant comparari & computari : famulus enim dimidium temporis servitium præstitit ; dignus itaque est servitii mercede. Secundò , etsi fidem datam violasse videtur, tamen si hic peccavit , potest deferri Judici , ut ille, qui loco DEI, decernat. Tandem contra hanc sententiam pugnat ex Pontificiis Fagundez Tom. 2. lib. 4. cap. 15. num. 18. Secundò nimium favei famulis illa Assertio de occulta compensatione. Fixum enim est primò illud Legislatoris : Non furaberis. Secundò , ipsi Pontificii in contrarium concludunt ex eo , quia spes promerendæ Gratiz aut Beneficii consequendi non sit simpliciter conditio , sub qua facta est illa condonatio , quâ non securâ reddatur ea conditio nulla ; sed est causa motiva finalis donandis ; unde si fructus speciei desit , sibi famuli , non Domino imputare debent. Accedit , quòd hanc sententiam contra alios tueatur ex ipsis Pontificiis Fagundez Tom. 1. l. 4. c. 15. num. 33. Tertiò peccatutique Herus , qui famulis Arculam apertam relinquit , ut furentur , & ut ille postea ab illis caveat , primò , quis qui eo sine arcam apertam relinquit , ut furentur , ille intendit furtum , intendit peccatum , intendit aliquid contra legem divinam. Secundò , qui eò sine apertam relinquit , ille non permittit , sed concurrit & cooperatur ad peccatum. Tertiò , quamvis hoc faciat etiam eâ intentione , ut sibi ab illis caveat in posterum , non tamen hic finis cohonestat illam intentionem , neque enim facienda mala , ut

eveniant bona, unde contrarium defendunt ex ipsis Pontificiis Sanchez, & Saguandez.

## XXVII.

Primò Factum Clericorum, nolentium subijci imperio civili, Arnizus castigat validis Argumentis. Secundò, qui non sit rebellio Clerici in Regem crimen læsæ Majestatis, cum Majestas sit in Rege, tum respectu Laicorum, tum respectu Clericorum; cum Clericus quoque subsit de jure Regi, uti in antecedentibus demonstratum; cum nota sit Antichristi supereminere velle & πᾶν ὑπερβαίνει transcendere, 2. Thes. 2. Tertiò, & quartò, quomodo Princeps Hæreticus à Pontifice depositus vel deponendus possit interfici à privato? Cùm Hæresis sit Error Mentis, non per gladium & ensen curabilis, sed verbi virtutem; Caput est manetque Caput, etsi phrenesi vel vertigine corripiatur. Præterea, quomodo hæc doctrina non potest non esse seditiosa, periculosa, scandalosa, arinare levitatem populi in Vicarios DEI, membra concitare contra Caput. Denique quomodo probabitur, Pontificem habere Potestatem in Reges, posse deponere illos, quos DEUS constituit sanctè observandos; annon hic est Character Antichristi, de quo in antecedentibus, videatur Salmasius contra Miltonum, & Marcus Antonius de Dominis in ostensione Errorum Suarezii. Quintum excutit religionis Partiarus, scribens: Observet Lector, quàm facile sit Regibus in quavis penè occasione vel opportunitate procurare sibi eam probabilitatem, quæ Tamburino sufficit ad licitè procedendum. Subinquirat porro ibidem mox idem Tamburinus: Quid si alter possideat? Quam quæstionem ita resolvit, ut suam quidem mentem pro una contradictionis parte aperiat, sed & alteram simul partem propter autoritatem aliorum fateatur probabilem. Respondeo, inquit, tunc ex mea sententia non posse. Dixi ex mea sententia; Nam ex bonorum authorum opinione posse video: qui nihil obstante prædicta unius Regis possessione, putant in dicto casu ab alio Rege impetu bello Regem possidentem posse. Hæc nimirum est praxis huic authori admodum familiaris, ut per indirectum æstruat, quod per directum destruere videtur. Cæterum si quis aveat scire quinam sint illi boni Authores, quos pro adversa sibi opinione stare asserit: reperiet duos in margine citatos, Castropalaum, & Joannem Sancium. Sextum ita proponitur à Socio, scribente:



Probabilitatum patroni nimiam Regibus ac Principibus libertatem in subditos, hoc est, parentibus moralibus in filios, arrogant. At certe hæc arrogatio quantumvis primâ fronte appareat speciosa ac Regibus compendiosa, penitus tamen introspecta nimis est periculosa, dispendiosa, perniciosa. Nam si liceat uni Regi propter rationes mere probabiles deturbare alios possessione munitos, pari jure licebit aliis deturbare ipsum possessione munitum: quo enim jure quis in alios utitur, idem ut ipse patiatur æquissimum est. Similiter si liceat Regibus propter rationes vel auctoritates mere probabiles deturbare subditos possessione bonorum avitorum, pari jure licebit subditis propter rationes vel auctoritates pariliter probabiles deturbare Reges possessionibus regnorum suorum. Proinde si hæc probabilitatum doctrina invaleseat, Reges promiscue omnes exponet præsentissimo periculo pariendi, quod nuper cum totius Christiani orbis stupore Rex Magnæ Britanniz fuerat perpeffus. Quid enim de illo Britannico facinore dicturi sunt isti probabilitatum patroni? Licitumne fuit subditis Regem suum virâ regnoque privare? Si asserant, consequenter admittere debent, ceteros etiam Reges in paribus circumstantiis pariliter privari per subditos posse. Si negent, certe non apparet quomodo suis Maximis §. 352. & 353. relatis insistere possint: cum constet illud facinus non unius alteriusve Doctoris, sed integri Parlamenti, ex totius Regni Deputatis maximo numero confidentibus confecti, suffragiis comprobatum fuisse. Septimum examinat hoc modo: Ecce trimas Authorum sententias à Tamburino relatas? Sed quid ipse? Omnes, subdit, hæc tres sententiz sunt probabiles, quia bonis fundamentis innituntur. Si probabiles, proculdubid juxta ipsius Maximam §. 352. descriptam, & §. 408. repetitam, sine peccati scrupulo amplexibiles, atque in praxi tutæ. Quicunque ergo voverint secundæ sententiz adherere, quales haud dubie futuri sunt plerique de populo, si non omnes, gabellas Regibus confidenter negabunt, & alios forsan solventes tanquam simplicianos deridebunt. Sed generaliorem adhuc regulam tradit Castropalaus: Audeo affirmare, inquit, valde probabile esse, te obligatum non esse superiori præcipienti obedire, quando opinionem habes probabilem illicitam esse rem imperatam, vel excedentem ejus jurisdictionem. Moveor primò: licitum subdito est non parere superiori præcipienti, quando est opinio probabilis non esse obli-

liga-

obligatum parere : sed quando est opinio probabilis non esse licitum, quod imperat, vel esse extra ejus jurisdictionem, est opinio probabilis non esse obligatum parere. Ergo, &c. Octavum iterum sub censuram vocatur ab illo monente, ut observet Lector Tamburinum hunc superius affirmasse. Unius Doctoris suffragium sufficere quandoque posse ad probabilitatem. Nonò cœca obedientia, quæ in papatu exhiberi debet, superioribus Episcopis & Papæ, primò monstrum est, quod hominem in Brutum transformat, ut illi tanquam asino ad alterius nutum sit ambulandum; secundò peccare facit, ut Bresserus docet l. 4. de Conscientia cap. 14. cum ad illam præstandam non sit necessarium vel probabiliter putare superiorem licita percipere. Denique à DEO & Magistratu & Parentibus abducit, & quid est fieri servum hominum? quod prohibet Apostolus, 1. Cor. 7. si hoc non est?

## ERRORS CALVINIANORUM.

Non immunes sunt hic ab errore Calviniani quoque : Nam primò statuunt, si Rex perfide & extra Regulam Christi egerit, posse cum DEO deponi : ita Zwinglius in Explanatione Articuli 42. tom. 1. Calvinos in Dan. 6. v. 22. 25. Theodorus Beza, tom. 1. voluminum tract. chart. de Ecclesia cap. 7. Bucanus, loco 49. p. 888. Polanus, libro synag. cap. 62. Rivetus, in Jesuita vapulante cap. 13. Junius Brutus, Buchananus, Bucherius, Althusius, Hazenius, Danzus, Casmannus, Miltonus & alii Politici, qui Theologis istis accedunt. Paræi propositiones leguntur in Commentario Epistolæ ad Romanos, quarum una ita se habet : Subditi non privati, sed in Magistratu inferiore constituti adversus superiorem Magistratum se ut Rempublicam & Ecclesiam veram Religionem etiam armis defendere jure possunt his positis conditionibus : primò cum superior Magistratus degenerat in Tyrannum. 2. Aut ad manifestam idololatriam atque blasphemias ipsas, vel subditos alios suæ fidei commissos vult cogere. 3. Cum ipsis atrocior inferatur injuria. 4. Si aliter incolumes fortunæ vitæ & conscientiæ esse non possunt. 5. Vi prætextu religionis & justitiæ suæ quærant. 6. Servatâ semper *Prudence* & moderatione inculpata tutelæ ; Altera vero ulterius procedit & ita est concepta : Subditis vero privatis, si Tyrannus tanquam latro & Grassator vel Stuprator in ipsos faciat impetum, & ipsi nec potestatem ordinariam implorare, nec alia ratione periculum

culum effugere possint, in presenti periculo se suosque contra Tyrannum, sicut contra privatum Grassatorem, defendere licet.

### ARMINIANORUM.

Arminianorum errores carpit Andreas Rivetus sequentibus. Remonstrantes in sua Confessione cap. 12. nè à Præceptoris sui Socini vestigiis aberrarent, qui in suo Catechismo cap. 1. tantum hoc scribit: Videri huc referenda ea, quæ de subditis & Magistratu, de uxoribus & Maritis, de servis & Dominis. &c. in literis divinis tradita sunt, dicebant etiam, tales posse & solere comprehendere hoc mandato. Cum autem objecissemus, id satis non esse ad ingenerandam erga tales personas, ex vi præcepti hujus, reverentiam: post sarcasticam scurrilem exclamationem, de subtili & seraphicâ censura replicant, se non eo significare quasi id fieri possit, si quis velit, & non possit, si quis nolit; aut quasi id tantum ab interpretibus fieri soleat, sed quod id rectè & jure fieri possit, & in Sacris Scripturis, atque à Sacris Scripturibus fieri soleat. Quid, quod ipsi Apologizæ postea addunt, quæ præcedentia destruunt? Dicunt enim, se noluisse ut verbis Catechismi Palatini, quod DEUS id nobis præcepto isto injungat: adduntque rationem, quia nullo invicto argumento evincemus unquam, DEUM intentionem illam, cum præceptum istum daret, habuisse, aut ex vi præcepti istius, quoad intentionem divinam, istud necessariò colligi.

### ANABAPTISTARUM.

Anabaptizæ primò in Liberorum Educatione nolunt fas esse Christianis Parentibus, severitate eadem, qua sibi subjiciunt liberos, eosdem subdicere jugo Christi à teneris unguiculis; aut Pædagogos illis dare, qui hoc agant, ut cum lacte quasi imbibant pietatem & adorationem; ac supervacaneum censent, ut clara voce recitatis precibus domui suæ præeat Paterfamilias: Scilicet nullum agnoscunt in prima adolescentia Spiritum fidei aut precum, in fidelium liberis, qui domesticis exercitiis excitari aut foveri queat. Nec patiuntur hoc confirmari ex Psal. 8. v. 3. cum Matth. 21. v. 35. 16. Confess. Oppos. Faukel. pag. 375. 378. Secundò Ministerium vilipendunt, & Præpositos cultu debito prosequi nolunt:

sunt. Tertiò asserunt, Christum sinem imposuisse, & à populo suo abstulisse etiam Officiu Regium, eique annexa Regnum Temporale, Gladium, Vindictam, & Bellum, Confess. opposita Faulkelio, pag. 123. 408. 409. atque hic obtundunt loca Esa. 2. v. 4. Mich. 4. v. 3. Zach. 9. v. 10. cum Joh. 18. v. 36. Hinc istum conscientis laqueum injiciunt, nefas esse Magistratibus servire in bello gerendo aliàs, quia veris discipulis & veris ovibus, Duce inermi Agno, quotquot se dederunt, ad serviendum Christo Jesu pacifico Salomoni, non est retrospectiendum ad serviendum alteri Domino, Jac. Jans. ad argum. 8. Petri Cornelii de Magistratu: Hinc nil præter verba dant, quando in dicta Confess. p. 427. profitentur, Magistratibus officio fungentibus obedientiam deberi, ut DEI Ministris etiam propter Dominum, ut ordinationi Divinz.

### PHOTINIANORUM.

Photiniani quantum Præceptum à Christo quoque auctum esse dicunt. Catechismus Racoviensis, ad quæstionem: Quid Dominus Jesus addidit huic Præcepto? Respondet: Man tan nichts dergleichen vermerken; Aber dennoch tan hieher gehören alles, das von den Untertanen und Obrigkeit / von Frauen und Männern / von Knechten und Herren für geschrieben ist / wegen der gemeinen Pflichten, die sie unter einander haben / welche man auch zwischen Eltern und Kindern anmercket. Paria habet Smalcius, scribens: Præcipit Lex, ut honoremus Patrem & Matrem. Hoc quia ita comparatum est, ut perfici & augeri non possit, hodiè etiam ratum manet. Auctum verò est, & perfectum à Christo, quatenus etiam parentibus, & omnibus aliis, qui parentum loco sunt, utpote, Magistratui, Dominis, Meritis, præcipit, quid eis faciendum sit. Nempe, ut quemadmodum DEUS ipse, qui antea Dominus tantum omnium erat, per Jesum Christum Patrem se exhibuit: ita etiam omnes, qui in alios imperium habent, non ut Domini tantum, sed magis ut patres sese gerant erga nos, quorum Domini sunt; & ne ipsi etiam parentes, imperio suo in liberos, quod post ipsius DEI imperium absolutissimum est, abutantur. Parentibus igitur præceptum est, ne iritent liberos; sed ut eos educant in timore, & correctione Domini. Magistratui, ut agnoscat, se à DEO potestatem in alios consecutum esse; & ut proinde et ad defensionem innocentium, & pœnam improborum utatur.

At. Pars Specialis.

6

345

tur. Dominis, ut remittant minas; reddant, quod justum est, memores suum & servorum suorum Dominum esse in cœlis, & non esse apud eum personarum acceptionem. Maritis, ne faviant in uxores; sed eas ament ut seipsos; & honorem eis, ut infirmiori vasi exhibeant. Prolixius Volkelius differit, ex quo pauca hæc addimus: Quòd ad ea attinet, quæ subditi Magistratui, quæ servi Dominis, quæ uxores maritis debent, ea hic commemorare non est necesse. Ex eo enim, quòd lex charitatis, exercenda à Magistratu in subditos, à Dominis in servos, à viris in uxores præscribitur, manifestè apparet, omne genus obedientiæ, honoris, timoris (quod obedientiæ, honori & timori DEI non adversetur aut detrahat) deberi à subditis Magistratui, à servis Dominis, ab uxoribus maritis, &c.

## XXIIX.

Quam caduca hæc sint; quivis apprehendit, cui dextra mamilla scilicet. Nam primò si juxta Catechismi Authorem hoc præceptum ita comparatum, ut augeri & perfici non possit, hodie etiam ratum manet, omne illud augmentum, quod fingitur, erit contradictorium, cum augeri non posse vel perfici, & tamen perfectum & auctum esse, adversus carnibus pugnent. Et quam dilucida sunt Verba Volkeli, quam aperta Confessio dicentis: diligenter licet inquirentibus tale nihil occurrit. Secundò, quæ de Parentibus, Magistratibus, Dominis, Maritis adducuntur, talia sunt, ut nullius augmenti vestigium in illis occurrat, partim, quia hæc officia omnia in generali Lege Charitatis comprehenduntur, Lev. 19. v. 18. partim quia speciatim, quod Eph. 6. v. 4. Col. 3. v. 21. Parentibus injungitur, etiam in V. T. præceptum invenitur. Correptio quidem 1. Sam. 3. v. 13. Proverb. 13. v. 24. cap. 23 v. 23. cap. 29. v. 17. Educatio in timore Domini, Exod. 12. v. 27. cap. 13. v. 8. 14. Deut. 6. v. 7. Psal. 78. v. 45. Esa. 38. v. 19. Jer. 1. v. 3. Agnitio potestatis à DEO acceptæ, Deut. 19. v. 15. 16. 1. Reg. 10. v. 9. Proverb. 8. v. 15. 16. Dan. 2. v. 21. Defensio subditorum imperata legitur Levit. 19. v. 15. Deut. 16. v. 18. 19. 20. Officium Dominorum, Deut. 15. v. 15. Job. 32. v. 13. Proverb. 12. v. 10. Maritorum Benevolentia præcepta intelligitur Malach. 2. v. 14. 15. & seq. Syr. 25. v. 2. partim, quia quàm latè patet nomen Patris, tam latè etiam in hoc Præcepto est accipiendum, & qui Pater est, ille etiam in V. T. est honorandus; atqui Doctores in statu Ecclesiastico, Magistratus in Politico, Mariti & Domini in Oeconomico hoc nomine condecorantur, quod prolixè probat B. Thummius. Tertiò Photiniani in Conscientiores



tia convicti manus dare coguntur. Catechismus scil. Rakoviensis Paragrapho : *Darnach kan hieher gezogen werden / &c. Smalcus loco supra laudato: Schlichtingius, cum asserit, irritari filios, quando inclementer & non paternè tractantur, idque Patribus, cum Matres ut plurimum indulgentiores esse soleant, nominatim præcipi; num verò inclementia non fuit prohibita, præcepta verò charitas in Vet. Testamento & disertè Volkelius scribens: Parentum quasi esse has partes docemur, ut liberos suos ne irritent, sed in disciplina & correptione Domini educant, Eph. 6. v. 4. Tunc autem maximè liberi à parentibus irritari videntur, cum aut immerentes ab illis puniuntur; aut poena, quàm culpa, major est; aut nihil planè impunitum dimittitur; aut denique illis denegantur ea, quæ æquitas ac charitas naturalis tribuere illis suadet ac postulat. Ex quo, ut Apostolus innuit Col. 3. v. 21. animi debilitas abjectioque existit. In disciplina porro correptioneque Domini, parentes ita liberos suos educare debent, ut eos ad Christianam pietatem instituunt, id est, tum cohortationibus colloquiisque assiduis Christi legem illorum animis incutiant, tum Christianas virtutes præcipiant, Deut. 11. v. 19. *Ponite hæc verba in corde & animis vestris. suspendite ea pro signo in manibus, & inter oculos vestros collocare. Docete filios vestros, ut ea meditentur, quando sederis in domo tua, ambulaveris in via, & accubueris, atque resurrexeris. Vel minùs dicunt Judæis, qui hoc præceptum ita intelligunt, ut asserant, non esse castigatione immoderata castigandos filios; vel denique inconvenienter discurrunt, cum auctum volunt hoc præceptum, & nihilominus detractum Magistratui, quod nihil aliud est, quàm dicere *ἀνδραγατῆα* velexarmare Proceres, contra Pauli monitum, Rom. 13. v. 1. 2. 3. 4. *Omnis anima potestatibus sublimioribus, subdita sit: non est enim potestas, nisi à DEO. Quæ autem sunt potestates, à DEO ordinatæ sunt. Itaque qui resistit potestati, DEI ordinationi resistit. Qui autem resistit, ipsi sibi damnationem acquirunt. Nam principes non sunt timori boni operis, sed mali. Vis autem non timere potestatem? Bonum fac, & habebis laudem ex illa. DEI enim minister est, tibi in bonum.***

## CAPUT II.

## PRÆCEPTUM V.

## VERBA TEXTUS.

ⲙⲓⲁⲛ ⲛⲓ ⲛⲟⲛ ⲟⲩⲥⲓⲁⲉⲥ.

*Non occides.*

## THESIS I.

**Q**uamvis Theologi elegantem agnoscant ordinem in structura Præceptorum, & in serie illorum Quintum de Homicidio exponunt, illique illud de non moriendo postponunt, turbare tamen hunc ordinem conatus est Grotius, & in explicatione Decalogi ita censuit: mutatum esse ordinem hîc ad ordinem, qui in Deuteronomio. Græcos enim Codices adulterii lucidissimam mentionem ante illam homicidii positam habuisse, & Philonem & Tertullianum, non uno loco nos docere Matrimonium totius civilis Societatis fundamentum esse.

## II.

Aliter verò judicârunt ex Pontificiis Johannes Caramuel Sarraceniensis & Campanensis Episcopus scribens: Homicidium fornicationi postponit Blaviana Decalogi expositio, additque ab aliis etiam postponi furto, &c. Ex nostris B. Lutherus, qui ita procedit: hæcenus & spiritualem & Mundanum Magistratum, hoc est, cum DEI Parentum jus & obedientiam executi sumus, hoc vero in loco ex adibus nostris ad vicinas egredimur ad discendum, quo pacto nobis inter nos cuique erga proximum vita instituenda atque exigenda sit: quem sequitur Theologus celeberrimus Martinus Chemnitius, qui ita orditur: Pulcherrimus est ordo Præceptorum Decalogi. In quarto instituuntur de suis officiis illæ personæ, quæ Politica & Oeconomica obligatione tanquam superiores & inferiores inter se devinctæ sunt. Quia verò in vita communi vivimus inter multos, qui nec superiores nostri sunt, nec nobis jure quarti præcepti subiecti: informat igitur Deus in quinto præcepto vitam illam communem, quomodo illi, qui nec superiores, nec subditi invicem sunt, inter se vivere debeant, ut qui obligatione Politica & Oeconomica; sicut in quarto præcepto dictum est, non sunt devincti vinculo charitatis, ad mutua officia astringantur. Hæc cense pulcherrimus est

est ordo. Et hic potest constitui finis quinti præcepti. Vult enim DEUS non tantum superioribus & inferioribus, verum in genere omnibus hominibus ad mutua charitatis officia obligatos esse.

## III.

Quæ Grotius producit in confirmationem suæ sententiæ infirma sunt, nam primò supponit illud, quo aliàs etiam utitur, falsum principium, corruptos esse Codices Ebræos, & ex Græcis dijudicandos, ac si diceret, motum Solis deberemensurari horologio, autographa apographo, Mensuram mensurato. Secundò Philo & Tertullianus, si ita legerunt, legerunt non ex Codice Ebræo, sed Græco, quem Mensuram esse negavimus. Tertio Matrimonium totius quidem civilis Societatis fundamentum est, sed aliqua ratione primò innexum quarto Præcepto supponens vitam ejusque conservationem, sine qua nequit stare matrimonium, denique convenienti ordine sic omnia constant, si nostra series subsistat, cum illa turbata etiam Objectorum Ordo pulsetur, quid enim in societate primum, annon vita? quid alterum? annon conjux; quid tertium? annon Bona? quid quartum, annon fama? juxta quæ disposita quoque præcepta, & quis non videt nexus formam egregii, si enim nomine parentum intelliguntur quoque Magistratus, nemo erit occidendus, nisi qui resistit Magistratui, nemo occidere poterit, nisi qui gladium non frustra gerit, & supposito hoc sequitur convenienter Mandatum de non occidendo. Pro nobis verò stat Hebræorum Codicum Integritas & Consensus, tum in Exodo, tum in Deuteronomio, nec non Matthæi 19, 18. nec non Josephus quamvis itaq; Codices græci & Sixtini tam in Exodopræmittant illud & *μὴ χεύετε*, Philo hoc ordine procedat, ex Parribus Clemens Alexandrinus 6. Stromatum, & Augustinus libro de decem chordis & in fragment. secundo de decalogo hos gradus signarit. Non tamen subscribere possumus, maxime si attendamus Philonem niti falsâ hypothesi quasi hic alter quinaris ex negativis præceptis Exordium duceret, Clementem A adulterium laxa accipere, prout notat dissensum à DEO, una religione & euku, Augustinum rhetoricari. Malumus itaque sequi supra laudatos & Matthæum Galenum quem consule.

## IV.

Tria autem hic occurrunt exponenda, primum, Actus, secundo Prohibitio illius, tertio Objectum. Actus designatur voce *ἔργον*

Ratsch , quæ non de occisione indefinitè facile invenietur usurpata , constanter autem in Scripturis de homicidio , ut docent loca , Num. 35. vers. 37. & 30. Deuter. 22. vers. 26. Job. 24. vers. 14. Judic. 20. vers. 4. Proverb. 22. vers. 13. LXX. utuntur voce *Φονεύειν* , quamvis itemque Chadaus generale adhibeat vocabulum *חָמַל* Kernal , quod etiam ad bruta se extendit , nihilominus præferendus est textus originarius , qui determinatius agit , & id quod prohibitum significanter exponit : non tantum autem notat vox Ebræa , occidere sed & generalius destruere , impulsu evertere , ut intelligatur quemvis actum violentum quoquo modo destructivum hic indicari , neque tantum prohiberi ipsam occisionem , sed & illa , quæ ad eam tendunt , imo actum non tantum violentæ manus , sed cujuscunque modi ad excidium tendentis : auxor sane Levitæ illius , de qua Jud. 20. quam Gabaonitæ nocturnali libidinis intemperantia enecarunt , non fuit manu violentâ occisa , & tamen vocatur mulier occisa sive interemta . Prohibitio vero præmissa particula *לֹא* Lo indicatur , quæ etiam in cæteris præceptis negativis occurrit , significat quandoq; idem quod non , quandoq; cum futuro junctum idem quod ne , & quidem in primò Decalogi præcepto , Exod. 20. v. 3. quandoque nominaliter nihilum , ut Jobi 6. v. 21. Esaiæ 23. vers. 13. Ezech. 21. vers. 32. quandoque significat vix vel parum , Job. 15. v. 30. Psalm. 78. vers. 30. quandoque interrogative nonne , quo sensu adducuntur loca Exod. 8. vers. 26. Job. 3. v. 25. Thren. 1. v. 12. Prima autem & principalis significatio hæc obtinet , vi frequentissimæ & facilioris significationis , tum vi ipsius Effati , quod Mandati prohibitiivi , tum vi conspiciendum versionum & Interpretum .

## IV.

Objectum , quod prohibitum , est Homo : quamvis enim illud ipsum expresso nomine non designatur , omnia tamen id suadent . Nam primò , ut supra ostensum vox *Ratzach* usurpatur non de destructione qualicunque , sed cædagnoscente Cajetano , Marzillâ & Lexicographis ; Unde si vineæ dicuntur occidi , vel pisces , Psal. 77. v. 47. 114. vers. 29. non hoc verbum adhibetur , sed vel *חָרַג* Harag , vel *חָמַל* Hamith , in Græco quoque vox *Φονεύειν* non nisi de hominis occisione legitur cum compositis , ut ex Herodoto , Demostbene , Sophocle constat , nec non perpetuo usu N. T. videantur loca Matth. 5. v. 21. cap. 19. v. 18. cap. 23.

vers. 31. 35. Marc. 10. vers. 19. Luc. 18. vers. 20. Jac. 2. vers. 11. cap. 6. v. 6. Unde Chaldæus reddidit hoc præceptum ita, non occides animam, vel synecdochicè accipiens hanc vocem pro homine, vel propriè ut sensus sit, non separetur anima à corpore. Secundò objectum hujus legis & secundæ tabulæ est proximus diligendus, qui ejusdem nobiscum sanguinis & carnis, ejusdem generis, secundum illud Numer. 17. cum itaque diligendus sit proximus, non occidendus erit, cum in Bruta extra societatem humanam posita jus illud sit concessum, Gen. 1. v. 36. cap. 9. v. 3. Actor. 10. v. 10. Tertiò lex hæc non est nisi Repetitio illius Noachidis latæ, cum effuderit sanguinem hominis, &c. Gen. 9. v. 6.

VI.

Pugnat itaque cum hoc Præcepto Homicidium externum, & completum vitium execrabile, tum quia à Diabolo homicidâ ut principio, Joh. 8. v. 44. tum quia ratione exempli est Cainigenum, de quo nullum, & Joh. 3. v. 12. tum quia destruit imaginem divinam, Gen. 9. v. 6. unde etiam ex illo horror conscientiz & metus supplicii, Gen. 4. v. 14. Reatus capitalis pœnz, Gen. 9. v. 6. Num. 35. v. 30. 33. Levit. 24. v. 17. Deuter. 29. v. 12. 13. cap. 21. v. 1. & seq. usque ad nonum, imò æterna mors & exclusio à facie divinâ perpetua, Gal. 5. v. 21. 1. Joh. 3. v. 15. Apoc. 21. v. 8. Exempla in sacris sunt obvia Caini, Gen. 4. v. 8. Abimelechi, Judic. 9. v. 5. Doegi, 1. Sam. 22. v. 18. Joabi, 2. Sam. 3. v. 17.

VII.

Contingit autem tale homicidium vel indirectè, vel directè. Directè, si quis adhibito instrumento lapide, gladio vel medio veneno scil. vel manu suâ, aut etiam simili quacunque aliâ ratione vel modo occidit, de quo legi potest caput Numerorum vigesimum quintum, v. 16. 17. 18. 20. 21. vel indirectè, consulendo, suadendo, incitando, mandando, juvando, & omnibus illis modis, quibus causa moralis constituitur: sic Pharaon infantes Ebræorum jussit occidere, Exod. 2. Saul egit adversus Davidem, 1. Sam. 18. v. 11. David scribens ad Joabum: Pone Uriam è regione Prælii fortis, postea revertimini à tergo ejus, & projiciatur & moriatur, 2. Sam. 11. v. 15. à Nathane Prophetâ, cap. 12. v. 9. Uriam Hittæum percussisse gladio, occidisse gladio filiorum Ammonis dicitur, cap. 11. v. 9. Herodes, Matth. 2. Paulus consensit in lapidationem Stephani, eamque probavit, Actor. 7. v. 58. quo refertur, cap. 8. v. 1. cap. 22. v. 10.

huc



huc referunt illos, qui non defendunt cum possint, Prov. 24. v. 21. qui crapulâ, ebrietate & scortationibus sibi mortem accelerant, Syrach. 31. v. 30. & cap. 19. v. 2. & 3. qui tristitia mortem accerunt, Syrach. 30. vers. 25.

## VIII.

Tandem contingit Homicidium gestibus & linguâ, cum scilicet Orantibus irâ, nigrescunt sanguinis venæ, lumina gorgonio sævius angue micant; ita Cain contra Abelem fratrem, Josephi fratres in fratrem, Saul in Davidem, Judzi contra Stephanum se exhibuerunt, Gen. 2. c. 37. v. 4. & Sam. 18. v. 9. Actor. 7. v. 54. quo refertur comminatio cæci & conjuratio, Actor. 23. v. 12. 13. imprecatio, 1. Sam. 22. v. 18. 1. Reg. 21. v. 10. 13. Matth. 26. v. 59. 60. 61. Imprecationes mortis quas prohibet Paulus, Rom. 12. v. 14. Dicta acerba contumeliosa, Judicia sinistra & condemnationes, de quibus Psalm. 57. v. 5. Psalm. 64. v. 4. Jer. 18. v. 18. Matth. 7. v. 1. Matth. 5. v. 21. 22. Eph. 4. v. 31.

## IX.

Denique contingit Homicidium affectu, cum scilicet aliquis apud se decernit eadem datâ occasione patranda, vel etiam irâ, odio, Invidia, Vindictæ cupiditate corripitur aut eo inclinatur. Est autem Odium Averſio animi à proximo cupiens ei quodvis malum; primum enim aliquis redditur ex Odio averſus, dein adversus: Opus est carnis, juxta illud Gal. 5. 10. 11. Talis affectus fuit in Esau, Gen. 27. 41. in impiis adversus Davidem, Ps. 38. 20. in Achabo contra Micham, 1. Reg. 22. v. 8. in perverſis illis, qui notantur, Tit. 3. 3. Jacob. 4. 5. 6. Col. 3. v. 8. Estque vel apertum vel opertum, quo referendus fucatus candor, de quo Thumm. p. 336. Quam secundum vero malum pluribus exponit noster B. Thumm. scribens, fugiamus Odium contra proximum ob Mandatum, Prov. 3. vers. 30. Tit. 3. vers. 2. II. Quia numeratur inter opera carnis damnata, Gal. 5. vers. 20. III. Quia multa secum trahit incommoda: Est enim, 1. Occasio blasphemæ, Lev. 24. v. 10. Jurgati sunt in castris & maledixerunt. 2. Convitiis, Syr. 8. v. 4. 5. 3. Homicidii. Odium mater est homicidii, Genes. cap. 27. v. 41. Sic odio habuit Esau ipsum Jacob, &c. Dixit in corde suo, occidam Iacob fratrem meum Iosephum fratres odio habuerunt, & eo usque excrevit odium, ut machinati sint contra eum ut interimerint eum, Gen. 37. v. 4. 18. 2. Sam. 13. v. 22. Non locutus Absolon cum Ammon à malo usque ad bonum, odio enim habebat eum, Syr.

Syr. 28. *ψ*. 10. 11. 12. 13. 14. hinc Aug. ad Monach. Epist. 109. col. 513. Lites aut nullas habeatis, aut quàm celerrimè finiatis, ne ira accrescat in odium, & de festuca trabem faciat, & animam faciat homicidam; IV. Adeoque *omnis mali*, Prov. 17. *ψ*. 14. 19. c. 26. *ψ*. 21. *Qui odit fratrem, in tenebris est, &c.* 1. Joh. 2. *ψ*. 8. 9. *Non est ex Deo. c. 4. mendax. ψ. 20. & homicida est.* 1. Joh. 3. *ψ*. 14. 15. Alienis libus nemo se admisceat, Prov. 26. *ψ*. 17. Syr. 11. *ψ*. 9. nemoque certet cum homine præpotente, Syr. 8. *ψ*. 1. 2. 4. 5. 3. Ex pœnis: Odium causa est *Excidis*, Ezech. 35. *ψ*. 4. 5. 6. 1. TEMPORALIBUS: Exemplo fratrum Josephi, confitentium, *merito hac patimur, quia peccavimus in fratrem nostrum*, Gen. 42. *ψ*. 21. Et Deus ad hæc dicit, *propterea quòd odium habetis erga Israel, &c.* Ezech. 35. *ψ*. 5. 11. 2. AETERNIS: Tales enim inimici regnum Dei non hereditabunt, Gal. 3. *ψ*. 21. Ira est vehemens animi commotio vel fervor sanguinis circa cor hominis, quem Augustinus describit per ulciscendi libidinem, ex veterum sententia, qui tamen corrigit illam definitionem, quia nonnunquam homo, ubi vindictæ nullus est sensus, irascatur. Quantum hoc sit malum itidem docet laudatus Thummius. August. de Civitat. Dei l. 14. c. 15. Iram nihil aliud esse, quàm ulciscendi libidinem, veteres definierunt; quamvis nonnunquam homo, ubi vindictæ nullus est sensus, etiam rebus inanimis irascatur, ac malè scribentem stylum collidat, vel calamus frangat iratus. Verùm & ista, irrationabilior tamen, quædam ulciscendi libido est, & nescio quæ, ut ita dicam, umbra retributionis, ut, qui mala faciunt, mala patiantur. *Fatuum statim indicat iram suam*, Prov. 1. *ψ*. 16. Quæ deponenda: Ex Mandato, Job. 36. *ψ*. 18. Eccl. 7. *ψ*. 10. Ephes. 4. *ψ*. 24. 26. 27. 31. Col. 3. *ψ*. 8. Tit. 1. *ψ*. 7. Jacob. 1. *ψ*. 19. 1. Tim. 2. *ψ*. 8. Syr. 28. *ψ*. 6. Psal. 4. *ψ*. 5. 2. Ex Peccati gravitate, Prov. 17. *ψ*. 19. Prov. 29. *ψ*. 22. Jac. 1. *ψ*. 20. numeratus inter opera carnis, Gal. 5. *ψ*. 20. 21. 3. Ex Pœnis, Matth. 5. *ψ*. 22. cap. 26. *ψ*. 52. Genes. 49. *ψ*. 5. 6. Prov. 19. *ψ*. 19. Syr. 27. *ψ*. 33. Gal. 5. *ψ*. 20. August. serm. 221. de Temp. Ejice iram de corde, priusquam occidat lux ista visibilis. 4. Ex Incommodis, quæ ira semper secum trahit; Ira enim suscitatrixas, Prov. 16. *ψ*. 12. c. 15. *ψ*. 18. Syr. 28. *ψ*. 11. Prov. 30. *ψ*. 33. Prov. 29. *ψ*. 22. Iracundi ALII S nocent, Prov. 29. *ψ*. 3. c. 19. *ψ*. 19. Sicut Cain iracundiâ inflammatus occidit fratrem suum, Gen. 4.

ψ. 5. 8. Sic Absolon ex ira erga Joabum, agrum Joabi igni succendere jussit servos, 2. Sam. 14. ψ. 30. Pharisei iræ æstro perciti Christum è civitate detrudunt, Luc. 4. ψ. 28. 29. Et SIBIIPSIS: Ira furor brevis est, Matth. 5. ψ. 22. Prov. 17. ψ. 4. cap. 14. ψ. 17. 29. Invidia est talis affectus, cum scilicet proximo quis dona invidet, & contristatur profelicibus illius successibus, displicentia aliis & dolor de alterius Bono, quaecumq; illud sit, vel spirituale, de quo Numer. 12. ψ. 2. Dan. 6. ψ. 4. & 5. Actor. 13. ψ. 45. & c. 17. ψ. 5. vel corporale & dilectionis alicujus præ altero, vel Bonorum vel amoris, Gen. 37. ψ. 4. Gen. 26. ψ. 14. 1. Sam. 29. ψ. 4. Putredo ossium, Prov. 14. ψ. 30. amara Invidia, Jacob. 3. ψ. 14. cujus gravitatem ostendit, & fugiendam suadet B. Thummius sequentibus: 1. Quia in S. Scriptura interdicta est, Levit. 19. ψ. 17. Ps. 37. ψ. 7. Rom. 13. ψ. 13. 1. Petr. 2. ψ. 1. 2. Galat. 5. ψ. 26. 2. Quia numeratur inter opera carnis, Galat. 5. ψ. 20. Tit. 3. ψ. 3. 3. Quia est contra dilectionem proximi: *Charitas enim non amulatur* 1. Cor. 13. ψ. 4. Chrysost. Homil. 7. in 1. cap. Joh. fol. 35. Maxima pravitas est, ut aliorum commoda quis iniquo ferat animo, præsertim, si nullo detrimento suo id fiat. Nam si aliorum salus tuis commodis officeret, esset fortasse dolori tuo indulgendum, quanquam neque hoc sapientem deceat. 4. Quia vitium Diaboli est: *Invidia enim Diaboli mors intravit in orbem terrarum; imitantur autem illum, qui sunt ex parte illius*, Sap. 2. ψ. 24. Jac. 3. ψ. 15. 5. Quia ipsemet Christus illam improbat: respondens operario, *An oculus tuus nequam est, quia ego bonus sum?* Matth. 20. ψ. 15. 6. Quia multa causatur incommoda: Invidi enim inanibus curis se macerant: *Est enim putredo ossium invidia*, Prov. 14. ψ. 30. *quæ tabescit*, Psal. 112. v. 10. *Parvulum occidit invidia*, Job. 5. v. 2. *Quod si invicem mordetis & comeditis, videte ne ab invicem consumamini*, Galat. 5. v. 15. *Et vir qui aliis invidet, ignorat, quod egestas superveniet ei*, Prov. 28. v. 22. *Ubi zelus & contentio, ibi omne opus prævium*, Jac. 3. v. 14. 15. *Talis homo non erit particeps sapientia*, Sap. 6. v. 25. Invidia probum virum sequitur, æstrum existens impuri spiritus, qui hunc suscepit ac velut pectore complexus est, nihil aliud habet, quàm quoddam animam suam exest, & dissecat, simulque cum corpore absumit, existimans, 7. Quia tandem invidi gravissimè puniuntur: *Va enim illis, qui in viam Cain abierunt*, Epist. Jud. v. 15.

Invidia

*Invidus Cain fit in terra profugus, Genes. 4. v. 10. 11. Invidus Joab apud alcare occiditur, 1. Reg. 2. vers. 31. Andronicus invidus purpurâ exutus per totam civitatem circumducitur iussu Regis Antiochi, 2. Maccab. 4. v. 38. Invidi viri proiciuntur in lacum Leonis, Dan. 6. v. 24. Et invidus Haman suspenditur, Esth. 6. v. 10. Cùm ergo invidia non tantùm sit vitium, Augustino teste, Diabolicum, verùm etiam juxta Comicum, miserorum, si aut malevolentes sint atque invideant bonis: Qui enim invident, quod idem habent, egent, illi, quibus invidetur, rem habent, & ubi nullum lumen, ibi nulla umbra: ita ubi nulla felicitas, ibi nulla invidia: Caveamus, ne simus murmuratores querulosi secundum desideria nostra, Epist. Jud. v. 16. Fugiamus vitium hoc intolerabile, serpentis est documentum, dæmonum inventum, seminatio inimici, arrhabo supplicii, impedimentum pietatis, via ad gehennam, privatio gloriæ: Basil. in Conc. de Invid. Remedium adversus invidiam præscribit Chrysost. Homil. 31. in 1. Corinth. col. 465. Quam igitur veniam assequere? Quam tandem excusationem prætendes? Si fratris successum videns intromisceas, palleas, ubi coronare, gaudere, exultare oportebat. Quod si æmulari libet, nihil obsto, æmulare sanè, sed ut ei, qui bonus vir est, similis evadas, non qui suppressas: ad idem fastigium ascende, virtutem eandem exprime. Hæc honesta æmulatio est, imitari, non inimicum esse, non commodis aliorum, sed suis ipsius vitiis, offendi. Atqui contra invidia solet, mala sua nescit, successu dolet aliorum. Nunquam egenum ita sua paupertatis sarcina premit, ut invidum felicitas fratris. Quo quid, obsecro, sit sævum magis? Nam hoc ille, quemadmodum dixi, etiam avaro est peior. Nam hic quidem, quoties capit ipse, ille verò, cùm altus excidit, latatur. Vindictæ cupiditas est talis affectus, quo desideramus reponere injuriam, & tale ac contra nos factum reddere auctori vitium, quod grassatur in jus Dei, Rom. 12. v. 19. Hebr. 10. v. 30. 1. Sam. 24. v. 13. Jer. 15. v. 15. Proverb. 20. v. 22. Prohibitum, Levit. 19. v. 18. Impotentis animi indicium, nam odium, juxta Juvenalem Satyricum Sat. 13. minuti semper & infirmus est animi exiguique voluntas. Huc maximè etiam spectat *Ἰνχαισχανία*, quæ Affectus talis, quo gaudemus ob malum alteri immissum, quia ultio continuo sic colligo, quod vindicta nemo magis gaudet, quam for-*



mina. Quantum verò sit vitium, quàm indignum & turpe homine, docet laudatus Thummius. 1. Ob interdicta Scripturæ, Syr. 8. v. 8. Syr. 7. v. 12. 2. Ob Pœnas: *Nam qui ruinâ latatur alterius, non erit impunitus*, Proverb. 17. v. 5. *Dominus enim deludet illudores*, Prov. 3. v. 34. *Philistini illudentes & triumphantes capto Samsonè graviter puniti fuere*, Judic. 16. v. 30. Jer. 40. v. 11. minatur pœnam Babyloniiis, *quoniam latati estis, &c.* Thren. 2. v. 15. Deus ad Filios Ammon per Prophetam dicit, *pro eo quod dixisti, Euge, Euge, super Sanctuarium meum, quia pollutum est, &c. ideo te tradam filiis Orientalibus in hereditatem, & collocabunt caulas suas in te, &c.* Ezech. 25. v. 3. 6. 7. David ait Psal. 35. v. 26. *Pudore afficiantur & erubescant pariter, latii malo meo, &c.* Et Psal. 40. v. 16. *desolentur in mercedem pudoris sui, qui dicunt mihi: Euge, Euge.* Chrysost. Homil. in Matth. 80. fol. 436. Dominus minatur illis pœnam, qui non sunt passi aliquid in Contritione Joseph: Nam si nos, qui nequam sumus, si quando in servum nostrum animadvertimus, conservorum aliquem ridentem conspeximus, ita irritamur, ut ad ridentem iram derivemus: quantò magis Deus suppliciiis aliorum latantes torquet.

## X.

Virtutes quæ in hoc mandato imperantur, sunt primò Dilectio proximi, quamvis enim se diffundat per totam tabulam secundam, huic tamen maximè intimam esse intelligitur. Est autem Charitas illa Virtus ex amore Dei orta, quâ proximo nostro benè volumus & facimus. urget hanc ipsum mandatum divinum. Levit. 19. v. 18. Matth. 7. v. 12. Joh. 13. v. 34. 1. Joh. 2. v. 7. & 8. Exemplum DEI, Christi & Sanctorum, Deus quippe Solem suum oriri facit super justos & injustos, Matth. 5. v. 45. Johan. 3. v. 16. Ephes. 1. v. 6. Christus nos dilexit ardentissimè Rom. 5. v. 8. Charitate arsit Abraham, Gen. 13. & cap. 14. v. 14. Moses. Exod. 32. v. 32. David. 1. Sam. 24. v. 26. Status noster naturalis, Sumus enim ejusdem sanguinis, Act. 17. v. 26. Status supernaturalis. Sumus enim Membra unius corporis mystici, Rom. 12. v. 4. 5. 1. Cor. 12. v. 12. Proximi verò nomine intelligitur omnis homo, exponente Christo, Luc. 10. v. 30. 37. Paulo. Actor. 17. v. 16. Inimicus etiam secundum illud Matth. 5. v. 44. Rom. 12. v. 14. nec hoc tantum in Novo Testamento fuit manifestatum, sed & in Veteri imperatum



peratum. Exod. 23. v. 4. 5. Proverb. 25. v. 21. 22. Modus diligendi quoque indicatus est verbis, sicut Te ipsum, id est, sincerè. 1. Johan. 3. v. 18. ardentè. Roman. 12. v. 10. constanter. Proverb. 10. v. 12. Altera virtus est Humanitas, quæ dicit benevolam animi propensionem, erga proximum verbis & gestibus quoque declarandam, ad quævis honesta & pia obsequia eidem alacrius præstanda. de hac virtute agit & præcipit Paulus. Rom. 12. v. 10. 15. Philip. 2. v. 3. cap. 4. v. 5. & Petrus 1. Epist. cap. 3. v. 8. Tertia Virtus est Lenitas & *φιλανθρωπία*, quæ cavet offensiones, & occasiones Irarum & discordiarum ortas studet tollere, de qua Christus, Matth. 5. v. 9. 23. 24. Paulus. Rom. 12. v. 18. 2. Corinth. 13. v. 11. Ephes. 4. v. 2. & 3. Quarta Mansuetudo Virtus est Moderatrix Iræ, quæ animum compescimus & refrenamus, ne hic Affectus exundet, quo referenda sunt illa Proverb. 14. v. 29. Matth. 5. v. 5. cap. 11. v. 29. Gal. 5. v. 22. cap. 6. v. 11. Tit. 3. v. 2. Quinta Beneficentia, cupiditas scilicet benefaciendi & promovendi aliorum non minus commoda, quàm nostra, quo spectant illa, Exod. 23. v. 10. 11. Deuter. 15. v. 8. Proverb. 24. v. 11. Esai. 58. v. 7. Philip. 2. v. 1. Jacob. 1. v. 24. Sexta Concordia & sincera Amicitia, quæ unum idemque volumus, mutuo amore ardemus, in rebus secundis & adversis cohæremus, quam imperat DEUS, Prov. 17. v. 17. Psal. 133. v. 1. Zach. 8. v. 9. 1. Cor. 1. v. 10. Philip. 1. v. 27. Septima Patientia, Virtus, qua illatas nobis injurias æquo animo ferimus, & privatam vindictæ cupiditatem non admittimus, quæ præcipitur. Rom. 12. v. 12. 1. Cor. 13. v. 4. Jacob. 5. v. 7. & quantum deceat illa sanctos, constat ex Matth. 6. v. 14. 15. Colos. 3. v. 12. & 13. Ephes. 4. v. 32. Octava Misericordia, talis Affectus animi erga miseros, quo seriò illis condolemus, & auxiliari nititur, hanc commendat DEUS, Osee 6. v. 6. Christus, Matth. 5. v. 7. Luc. 6. v. 36. Paulus, Rom. 12. v. 15. Colos. 3. v. 12. Ebræ. cap. 13. v. 3.

## XI.

Promissiones adjectas quinto Præcepto consignavit B. Chemnitius, qui ita scribit: Promissiones additæ quinto præcepto 1. Joan. 4. v. 1. *Qui manet in charitate, in Deo manet, & Deus in*

*ipſo. Matth. 6. v. 14. Si remiſeritis hominibus errata, remittet & vo-  
bis Pater, &c. Matth. 25. v. 40. Quod uni ex minimis feciſtis, mihi  
feciſtis. Proverb. 15. v. 21. & 22. Si eſurierit inimicus, ciba illum,  
carbones enim congregabis ſuper caput eius, & Dominus reddet tibi.  
Matth. 5. v. 7. & 9. Beati miſericordes, quoniam miſericordiam con-  
ſequentur: Beati paciſci, quoniam filii Dei vocabuntur: Beati mites,  
quoniam hereditabunt terram. Prov. 14. v. 29. Patiens multa guber-  
nat ſapientia. cap. 16. v. 32. Qui animo ſuo moderatur, melior eſt  
expugnatore urbium. Syrach. 1. v. 29. Patiens ſuſtinebit uſque in  
tempus, poſtea redditio iucunditatis. Jac. 1. v. 4. Patientia opus per-  
fectum habet. Pſalm. 9. & 15. v. 9. Manſuetos dirigit in iudicio, &  
docebit vias ſuas. Pſal. 36. v. 11. Manſueti hereditabunt terram, &  
delectabuntur in multitudine pacis. Pſal. 146. v. 6. Manſuetos ſuſci-  
piet Dominus. Syrach. 3. v. 15. In manſuetudine perfice opera tua, &  
ſuper hominum gloriam diligeris. Proverb. 12. v. 20. Qui pacis conſi-  
lia ineunt, eos ſequitur gaudium. Pſal. 133. v. 1. Ecce quam bonum,  
&c. Luc. 16. v. 37. Nolite iudicare, & non iudicabimini: remittite,  
& remittetur vobis. In qua enim menſura, &c. Ibid. v. 35. Diligeo  
inimicos, & erit merces veſtra copioſa, & eritis filii altiſſimi. vide Pſal.  
112. v. 5. Beatus, qui miſeretur & commodat, diſponet ſermones in iu-  
dicio, &c. Prov. 20. v. 7. Juſtus, qui ambulat in ſimplicitate ſua, bea-  
ros poſt ſe filios relinquet. Ibid. v. 21. Ne dicas, reddam malum, exſpe-  
cta Dominum, & liberabit te. Prov. 21. v. 3. & 21. Facere juſticiam  
& iudicium, magis placet Domino, quam viſtina, qui ſequitur juſti-  
tiam & miſericordiam, inveniet vitam, juſticiam & gloriam. Eſa. 33.  
v. 16. & 17. Iſte in excelliſſis habitabit, panis ei datus eſt, aqua eius fideles  
ſunt, regem in decore ſuo videbunt oculi ei, &c. Eccleſ. 10. v. 4. Ce-  
dere, facit ceſſare magna mala.*

### ERRORES PONTIFICIORUM.

Delirant hic Pontificii & Rationi protervæ indulgentes  
quam plurima ſtatuunt, quæ præcepto huic adverſantur, conſci-  
entiam laxant, & homines præcipitant in pice torrentes atraque  
voragine ripas. Primò dicunt eſſe licitum, in vaſorem occidere  
qui ſuſtem vel alapam viro honorato vult infligere, quia huius-  
modi Invaſor conatur Honorem auferre, qui pluris meritò æſti-  
matur apud homines, quam magna opum vis, & conſpirant hic

Navar.

Navar. Lopez, Lessius, Villalabos, Petrus Hurtado de Mendoza, Mansuetus, Becanus, adde Tamburinum. lib. 5. p. 97. §. 3. Audiamus Caramuelem, qui existimat etiam licitum esse fugientem insequi ad recuperandum honorem propter acceptam Alapam vel fustem, illumque vel necare vel repercutere, atque ita disputat §. 8. Hanc quæstionem doctissimè & eruditissimè pertractat Diana part. 4. tract. 7. resol. 48. & adducit Patrem Dicastillum, qui de Just. & Jur. lib. 2. tract. 1. disp. 10. dub. 6. n. 74. affirmativam partem judicat speculativè esse probabilem. P. Gasparem Hurtadum, qui tract. de Just. & jur. disp. 11. diff. 11. mordicùs eandem propugnat, & ait. [Victoria Relección de jure bellin. 5. Navarrus cap. 15. n. 4. Rodriquez cap. 136. n. 11. Mercadus in summ. lib. 6. Lopez. 1. part. cap. 62. Henriquez. de irregularit. cap. 10. & Petrus Navarra lib. 2. cap. 5. num. 380. docent id esse licitum percussio; quantum sit necessarium, ut percussus non maneat ignominia affectus: quod etiam sentit Bonacina de restitut. disput. 2. quæstion. ultim. sect. 1. punct. 10. & meritò; quia statim repercutere fit in actuali ipsa congressione, antequam invasor ad alia divertatur, aut jam alibi quietus existat, quia adhuc saltem moraliter &c. & honor nondum est saltem moraliter in facto esse amissus, sed tantum est amissio illius in fieri, & inchoatio amissionis, & percussione amissio honoris perficitur, quia eà percussione impeditur, ne sit in facto esse: Ergo id est licitum percussio.] Hanc sententiam probabilem vocat Diana part. 8. tract. 7. resol. 48. nam contrariam dicit esse satis probabilem & semper in praxi consulendam. Non volo examinare, Utrum hæc opinio sit probabilis? Malo enim id supponere; quis enim probabilitatem extrinsecam negaturus erit sententiæ tanto & tantorum scriptorum numero stabilitæ? quis intrinsecam tantis rationibus firmatæ? Sed infero. Ergo, qui fecerit, quod hæc opinio esse licitum docet, non operabitur suadente Diabolo, nec poterit probabiliter dici culpam mortalem commississe. Ergo hæc doctrinâ instructus, progredere, & Casum sequentem meditare, quem ibidem vide. Secundò dicunt licere prævenire aggressorem, eumque priusquam invadat, occidere, quia unicuique id liceat efficere naturali jure, quod alterius nequitia medium est effectum necessarium ad propriam vitam conser-

conservandam, ita Molina, Covarruv. apud Dianam. Tertiò si Petrus statuat per famulū Antonium occidere, licitum est Antonio, cui nulla evadendi spes ante irruptionem famuli Petrum imperantem occidere, quia moraliter loquendo ille actualis aggressor: & sic decernunt Bannes, Marchantus, Suarez, Reginaldus, Johannes de Lacriz. Quartò licet occidere falsum testem pergentem ad testificandum contra te, cujus Testimonio vita vel Honor tuus in discrimen adducendus erit, quia nihil differt armis te vel aliā viā invadere si certo scio gladio oris ejus me fore occidendū, ita Suarez, Bannes, Tanner, Reginaldus, Navarra, Vega. Quintò in foro conscientiae licet pro honoris defensione occidere, quia honor cuncta temporalia bona pretio superat: ita Azorius, Molina, Escobar, Turrianus, Tanner, Arragonius, Bannes, Salonius, Gometz, Navarra, Diana. De Clericis ita Caramuel in Theologia Fundamentali. Negari non potest, quin saltem honorem famamque illam quæ ex Virtute & sapientiā nascitur, quique verus honos est, justè defendere Clerici ac Religiosi valeant, ac saepe debeant; cum hic sit proprius professionis ipsorum, quem si amittant, maximum bonum ac decus amittunt. Nam per hunc redduntur summo perè æstimabiles, & conspicui secularibus, quos suā virtute ac sapientiā dirigere & juvare possunt: quo sublato nec illos dirigere nec juvare poterunt. Ergo saltem hunc honorem poterunt Clerici ac Religiosi cum moderatione inculpatæ tutelæ, etiam morte in vasoris defendere; quin interdum lege saltem charitatis videntur ad illum defendendum teneri, si ex violatione propriæ famæ, integra religio infametur. Unde licebit Clerico vel religioso calumniatorem gravia crimina de se vel de suā religione spargere minantem, occidere, quando alius defendendi modus non suppetet: uti suppetere non videtur, si calumniator sit paratus, ea vel ipsi religioso, vel ejus religioni publicè coram gravissimis Viris impingere, nisi occidatur. Nam, si in tali casu, licitum in Religioso, ne ipse ipse occidatur, invasorem prius occidere, si fugā non possit, quia nimirum hostem ante se habet, mortem evadere, licitum quoque eidem erit, ad vitandam gravissimam sui, suæque religionis infamiam, si alius modus non suppetat, calumniatorem occidere. Nam quo jure licitum est sæculari, in tali casu calumniatorem occidere, eodem jure licitum videtur Clerico ac Religioso,

gioſo, cum in hoc Religioſus & ſecularis ſint omninò pares, cum non minus jus in talem honorem habeat Clericus & Religioſus, quàm ſecularis in ſuum. Adde quod ſecundum communem ſententiam licitum eſt Clericis ac Religioſis in tutelam ſuarum facultatum furem occidere, ſi alius modus eas defendendi non ſuperſit, ergo multo magis id licitum videtur in tutelam famæ & honoris ex virtute & ſapientiâ conſurgentis. Addit autem, quia videt crudelitatem Effati: Verum nolumus hæc ita à nobis dicta ſint, ut còmmuni ſententiæ adverſentur, ſed ſolùm diſputandi gratiâ propoſita, maturo iudicio relicto penes prudentem lectorem. Sextò licet occidere eum qui mortem minitatur, & aliàs ſolet minas executioni mandare, quia tales minas proferre, eſt inſidias alterius vitæ jam inſtructo animo præparare. ſtat pro hæc ſententiâ Julius, ex Afflicto Franciſcus Suarez & Eſcobar quantum ad probabilitatem ſpeculativam. Septimò, Certò ſcit miles Bellum à ſuo Principe inſtitutum eſt injuſtum, & hic à milite juſtè dimittente invaditur, hic poteſt in ſui deſenſionem juſtum invaſorem interimere, quia non ad militem ſubditum, ſed ad Imperatorem pertinet de belli Juſtitia Diſcretio, ita Scotus, Diana, Philipp. Faber. Octavò, poteſt quis in propriarum facultatum Deſenſionem Invaſorem interimere, quia bona externa ſunt media ad vitæ ſuſtentationem conſervationemque ſtatus & Honoris. Ita Sylveſter, Navarra, Sotus, Valentia, Arragonius, Bannes, Leſſius, Turrianus, Tanner, Marchantus, Baldellus Laymann, Molina, Azorius, Filliucius, & hoc facere poſſunt etiam Religioſi. Nonò, poteſt quis pro deſenſione rei, quæ unius aurei valorem non excedit, Invaſorem de medio tollere, quia in tali caſu Invaſor non ſolum rem auferit, ſed etiam magnam inſert injuriam ſive contumeliam, quæ per vim repelli poteſt. Ita concludunt Molina, Bonacina. Decimò, privatus cuilibet homini licet gladio, veneno, proditione, aliave quavis vi occidere Regem Tyranicè dominantem, Regnum ſc. jam poſſidentem ex Tyrannide, quia talis non eſt verus Princeps. ſic decernunt Cajetanus, Salonius, Sotus, Covarruv. Leſſius, Molina & alii, imprimis legatur liber Antonii Santarelli. Undecimò, licitum eſt bannitum proditoriè interimere, quia hujusmodi proſcripti ſuâ iniquitate à peccatis ceſſa-



re nolunt, majorque ratio habenda publici boni, quam privati illius, qui sibi prospicere potest. Ita Azorius, Molina, Filliucius, Diana, & alii. Duodecimò, potest quis ab internectione sui ipsius ex invincibili ignorantia excusari, quia quamvis homicidium hujusmodi sit contra lumen naturæ secundarium, tamen potest ignorantia in ejusmodi veritate cadere, præsertim in aliquo casu, quo conservatio alicujus boni tanti ponderis esse menti formineæ obijciatur, ut minus appareat id subire, quam propriis manibus sibi inferre mortem. ita defendunt Sotus, Molina, Lessius, Becanus, Malderus, Filliucius. Decimo tertio, licet tuum corpus religionis & Disciplinæ causa affligere & flagellare ad necem usque, vigiliis, jeuniis, asperitatibus vitam abbreviare, quia homo est veluti vitæ suæ Administrator, potestque eam exercere, præsertim cum conditus ad promovendam Gloriam, qui finis multa exigit, non ita accommodata ad vitam protrahendam, ita Gretzerus lib. 3. de Disciplina. cap. 1. l. 2. Decimo quarto damnatus ad mortem per famam potest à cibo clanculum oblato sibi abstinere, quia qui non comedit, positivi sibi nihil infert ad mortem, sed solummodo permittit calore interno vitam absumi ita Malderus, Sotus, Lessius, Azorius. Decimo quinto, licet occidere eum, qui apud Principes ac Viros Nobiles nostro honori detrahunt, infamiæque afficiunt, quia si ob alapam insidiam licet occidere, etiam ad tuendam famam apud Principem. ita Navar. Bannes. Decimo sexto, Maritus uxorem & pater filiam nuptam simul cum Adultero possunt licitè perimere, quia hoc faciunt civilium legum autoritate, & tanquam legis justæ Ministri. ita Gomez, Castel, Menchaca, Azevedo, Fagundez. Decimo septimo permittitur Marito aut Patri occidere uxorem aut filiam prægnantem in adulterio inventam, quia illi utuntur, permissione à jure factâ occidendi, uxore vel filiâ & solum intendunt jure suo uti, repellendo injuriam, & non intendunt occidere prolem, ita Ang. Ant. Com. Jod. in pract. crim. c. 89. Decimo octavo, damnatus ad sumendum venenû aut venâ scindendâ, ut hoc mortis genere obeat, tenetur ipse venenum bibere aut venâ scindere, quia licitè potest judex obligare aliquem, ut alium reum mortis judicio subjectum suspendat, vel gladio jugulet; ergo ut & ipse se convictum perimat, secundum Arragonium, Sâ & Toletum lib. 6. c. 4. Decimo nono, si credatur foetus esse animatus & vivus potest

Mater

Mater sumere Medicinam ad sanitatem, etiamsi præter intentionem abortus sequatur, quia pharmaci illius sumptio, vel scissio venæ directè tendit ad Matris sanitatem, ita Emanuel Sa Vigesimo. In dubio an proles sit jam mortua vel an viva sit exitura, potest Mater sumere Medicamentum directè curativum sui tum periculo nocendi proli, si fortè vivat, quia Mater antequam concipiat prolem, & in illius utero sit animata, habebat jus utendi Medicamentis necessariis ad propriæ vitæ conservationem, quod Jus non videtur amittere saltem in eo casu, in quo æqualiter ac practicè dubitatur, an proles sit mortua, an adhuc viva? Ita Emanuel Sa. Imò juxta Caramuelè potest gravida advincendas tentationes carnis, & tenetur jejunare etiam cum periculo prolis, ita Caramuel scribens: assertivè respondet Fagundez; ac negativè Homobonus & Diana part. 1. tract. 9. resol. 30. Si objiciat pro Fagundezio illam debere ponere omnia remedia, quæ sint necessaria, ne peccet: respondebunt hi, præter jejunium alia etiam suppetere remedia, nimirum orationem, Sacramentorum frequentationem, pia consilia, &c. Sed hoc non est contradicere illi, sed casum tollere: eosdem enim Authores interrogo, Quid debeat gravida foemina facere, quæ adhibitis his ultimis remediis adhuc stimulis carnis torquetur & vincitur? An non in tali casu illa tenebitur ad jejunium recurrere etiam cum prolis evidente periculo? Et certè esse aliquas personas, quæ totâ die orant in choro, quæ quotidie vel ferè communicant, quæ inter sanctos habitant, & bonis consiliis erudiuntur, nec tamen semper carnis tentationes exsuperant, est manifestum. An-ne istæ non tenebuntur jejunare etiam cum prolis nascituræ periculo? Agimus de foemina gravida, & hæc ipsa quaestio gravida est, & plurimas parere potest. Unam propono. Inquiro, An-ne ad sedandas tentationes carnis teneatur aliquis jejunare cum vitæ propriæ evidente periculo? Et, ut magis rem urgeam & exponam, ex periculo ad evidentiam transeo, & notabilem casum (sit possibilis aut impossibilis) ad tribunal produco. [Scit Joannes, si tales cibos comedat, se arsurum libidine & consensum daturum, habet enim experientiam sufficientem, ut formet judicium moraliter certum & evidens. Sciret etiam, si abstineat, se moriturum: quia vel medicinales illi sunt, & morbus Joannis nullo alio remedio juvatur:

vel aliis cibis ille caret, & ideo hos comedere debet vel mori. Quaritur igitur quid in tali casu facturum sit? An debeat velle vivere & peccare: an debeat potius velle non peccare, & abstinere cibis ad vitæ conservationem necessariis?] De Abortu verò habet sequentia: Eruditissimè de abortu disputat Diana part. 7. tract. 5. & fundans resolutionem suam Bullis Sixti V. Gregorii XIII. & aliorum Pontificum definit, Abortum esse fœtus immaturi ejectionem: & dividit in ejectionem fœtus nondum animati, & fœtus jam animati. Hanc ipsam distinctionem à parte rei subsistere omnes Philosophi, omnes Theologi, omnes Canonistæ & Juristæ, omnes Conscientiæ consulti, omnes Judices & Confessarii ab ineunte Ecclesia ad nostrum ævum supposuerunt: quam ob rem, si datur in rebus speculativis præscriptio, videtur hæc jam in scholis doctrina à multis annorum centuriis præscripsisse. At quia multa supponuntur etiam hodie, quæ non examinantur, & quoties discutiuntur, deprehenduntur erroneæ; ideo non statim est admittenda hæc consequentia, Hæc doctrina est communis, ergo contraria non est probabilis. Proderit igitur disquirere, An debeat admitti hæc classica & solennis divisio. Prima sententia asserit; & est omnium aut ferè Physicorum, Medicorum, Theologorum, Ethicorum, Politicorum, & Juristarum: nimirum omnium aut ferè Ecclesiasticorum & secularium, qui ad hunc diem in scholis Ecclesiæ Romanæ floruerunt. Secunda negat: & est Thomæ Fieni apud Lovanienses Medicinæ Doctoris, & Professoris Primarii; Viri quidem expertissimi & sapientissimi, cujus doctrinam summam summæ divitiæ, quas moriens reliquit, testantur. Is igitur speciali libello, qui inscribitur de vi formatrice fœtus, quæst. 8. concl. 11. edito anno 1620. cujus etiam meminit Diana part. 7. tract. 5. resol. 6. evincere conatus est, primâ, secundâ, aut tertiâ ad summum die embryonem animâ rationali informari. Ergo stando huic sententiæ non poterit fieri aut procurari abortus fœtus inanimati: quia primâ die abortus procurari non solet, fortè non potest; & si procuretur primâ aut secundâ, fœtus probabiliter animati; & si tertiâ aut deinceps, fœtus certò animati erit ejectio. Omnis ergo abortus est ejectio fœtus animati: omnis igitur est homicidium. Corruit igitur divisio abortus, quam prima sententia constituit. At dices, Fieni sententiam impro-

improbabilem esse. Et ridebo: nam probabilis sententia illa est, quæ habet rationes fortes; & quis obsecro leves audebit judicare illas, qui Fienum Virum tam doctum convicerunt. Quod si ipsæ leves sunt, poterunt demonstrativè elidi, cur ego non sunt demonstrativè elisæ? Scripsit contrà Experientissimus D. du Chardin, Vir doctissimus; at in ejusdem libro multas ego rationes pulchras & eruditæ, at demonstrationes non reperio. Stat igitur opinionem Fieni esse ab intrinseco, hoc est, à ratione probabilem. An-non & ab extrinseco probabilis est etiam censenda? maximè. Nam Lovaniensis Universitas doctissima, castissima, purissima, erroneas opiniones non tolerat, & tamen hanc, quæ Theologiæ Moralis potiore partem inturbat, prælegi, dictari, & doceri permisit, permisit imprimi; & impugnatam permisit novo libro & studio defendi. Tertia etiam negat, sed ex oppositis principiis: & est Magnifici D. Joannis Marci, in Universitate Pragensi Philosophiæ & Medicinæ Doctoris, & etiam Professoris Primarii, Regni Bohemiæ Physici, (Græcè *ὑγιαίνων*, Hispanè Protomedici) Viri verè doctissimi; quem Lovanii existens doctrinæ gratiâ amavi, & modo hic Pragæ inter amicos speciales numero. Hic igitur anno 1635. Librum subtilissimum edidit, & inscripsit, Idearum operatricium Ideam: quem legerunt approbatuntque P. Franciscus de Padua, SS. Theologiæ Generalis Lector, ac in Conventu B. V. Mariæ ad Nives Præsident: P. Bonaventura Tantarella à Caravinea Philosophiæ & Theologiæ Doctor, & Ordinis Carmelitarum Commissarius Generalis. Et in ipso isto libro D. Joannes Marcus, probat, non geri in utero foetum animatum animâ rationali, sed tunc tantum animâ donari rationali, cum emittitur; idque tam gravibus fundamentis confirmatur; ut non sit cujuscumque Philosophi aut Theologi congruentem responsionem dare. At quia facile est obloqui, Liber dum sudaret sub prælo multas calumnias, imò & accusationem aut translationem passus, defendi & explicari debuit, ut majori autoritate & applausu prodiret, quod ipsum ipse Joannes Marcus scribit in Proœmio, quod vocat Defensionem Idearum, adversus adulterinas & supposititias Ideas: unde unam aut alteram periodum exscribo. Dum hæc prælo cuduntur, ait, accidit præter opinionem, ut rumore nescio quo hic meus Tractatus doctrinam perabsurdam & à Fide sancta alienam continere vulgaretur. Qui rumor à levibus ini-



tiis eousque processit, ut etiam Venerabile Capitulum (sic vocat Archiepiscopale Consistorium) in suspicionem veniret, Librum-  
 que à Theologis revidendum censeret: quod etiam factum. In-  
 terea veluti Hæreticus & infamis, & qui oleum & operam perdi-  
 disset, ludibrio habebat. Tametsi verò gravissimorum Virorum  
 Censurâ, qui Librum legerunt, & cum quibus pleraque hic con-  
 troversa differui, rumor hic notatus evanuit: siquidem teste Hie-  
 ronymo falsus rumor citò opprimitur: quia tamen, &c. Ecce Li-  
 brum accusatum Domini Consistoriales judicarunt doctrinam  
 continere probabilem, & tamen continet hanc opinionem, quam  
 ipse Author etiam hodie verbo & calamo, privatim, publicè, in  
 Thesis, in Lectionibus, in Consiliis, in Colloquio etiam fami-  
 liari, prout datur occasio, propugnat. Profectò, si Doctòri Jo-  
 anni Marco subscribamus, dicamusque, omnem foetum quamdiu  
 in utero est, carere animâ rationali, & tunc primum incipere ean-  
 dem habere cum paritur, rejicere omninò debemus eandem  
 Abortu distinctionem, & dicere in nullo Abortu homicidium  
 committi. His positis inquirò Primò, An Thomæ Fieni, & Jo-  
 annis Marci sententiæ sint probabiles? Si enim tales dicantur, mul-  
 ta sunt in Tractatu de Abortu, quem Parte VII. edidit Antoninus  
 Diana, quæ aliter resolvi debent. Quod si easdem improbables  
 judices, vellem duas demonstrationes (morales aut reales) à te  
 habere: alteram, quâ ostendas, easdem nullo probabili funda-  
 mento suffultas; alteram, quâ convinças non habere illas autho-  
 ritatem externam, quæ sufficiat ad extrinsecam probabilitatem.  
 Et Secundò, stando primæ sententiæ, inquirò etiam, An qui di-  
 cunt primò, semen carere omni animâ, secundò affici vegetativâ,  
 tertio sensitivâ, & quartò tandem rationali, debeant uno modo  
 judicare de omni abortu, qui non sit foetus animâ rationali præ-  
 diti: an verò dicturi sint gravius esse peccatum ejicere foetum ve-  
 getantem, quam carentem omni omninò vitâ? an addituri, ad-  
 huc gravius esse emittere foetum sentientem? Quod si hæc ipsa  
 gravioritas admitti debeat, inquiram Tertiò, An hæc ipsa gravi-  
 tatis differentia sit circumstantia purè aggravans, an formalitas  
 constitutiva novæ speciei? quod est inquirere, An qui procura-  
 vit abortum, satisfaciât dicendo, procuravi abortum; an debeat  
 distinguere foetum à foetu, & dicere, semel procuravi abortum  
 embryonis nullâ vitâ præditi; iterum præditi vitâ vegetativâ; bis  
 prædi-



præditi vitâ sensitivâ; semel præditi animâ rationali, &c.? Quod si dicas non posse sciri, quâ-nam animâ ille informetur, non solvis quæstionem, sed tollis; quia sicut ex Philosophorum & Theologorum sententiâ constat, quâ die infunditur anima rationalis, sic etiam constat quâ sensitiva aut vegetativa, & errores, qui committi possent circa has, etiam possunt committi circa illam: & in die conceptionis præcipuè; est enim commune apud gravidas malè numerare suos menses; hîc enim, sicut etiam in aliis multis rebus, affectibus ducuntur foeminae, & quia in ipsis desideria & odia intensissima, sæpe tempus vel minima suspitione numerando prævertunt, sæpe tadio morantur, ut raro earundem numeris credendum sit: possunt n. & solent à vero computu integro mense deviare. Vigesimo primò licet innoctem ad mortem damnare, qui secundum allegata & probata nocens experitur, quia Judex quâ Judex non est persona privata sed publica, ita Cajetanus, Sotus, Navarra, Toletus & alii. Vigesimo secundò licet reo fugere & carcere etiam justè comprehenso, media adhibere violenta, quâvis sciat custodes damnum passuros, licet etiam eripere homicidam ab accusatoris actione, & tueri injustum quoque privilegio Asyli, ita Toletus, Serarius, Azorius. Vigesimo tertio, licet in periculum Mortis se conjicere joco, ita Navarrus. Vigesimo quarto, licitè acceptatur duellum in casibus sequentibus. secundum Tamburinû. Quidam inimicum inermem aggressus est, gladioque stricto, sic est interminatus: tecum pugnare volo in eo condito loco, nisi acceptes, hîc te confodiam. Sanè is licitè sine periculo excommunicationis duellum acceptavit. Alter non dissimili modo domum de nocte cujusdam divitis ingressus, sic locutus est: Auferam à te hæc pretiosa bona, nisi duellum acceptes: pari modo licitè hic duello consensit, si alia via suas res servare non valuit. Ratio utriusque est, quia ex una parte humana jura non urgent in tanto periculo, & ex alia, hæc est ipsissima defensio vitæ & bonorum contra injustum aggressorem. Imo aliqui merito idem extendunt ad provocationem. Siquis enim alia caret via, qua suam vitam servet, nisi provocet ad duellum (quem tamen casum fateor esse rarissimum) licitè provocabit, quia, in hac suppositione, hæc non est provocatio, sed justa defensio. lege Hurtadum de Mendoza apud Dian. p. 5. t. 15. ref. 27. & ibid. tr. 14. ref. 99. ibi. quib. adde Dicastil. lib. 2. de just. tract. 1. d. 10. d. 15.

d. 15. n. 217. & Thom. Hurtad. p. 2. tr. ult. ref. 5. Qua ratione excusari possint acceptantes duellum, vel ad illud provocantes, quando certò sciunt, pugnam non secuturam, vide apud Dianam. Multo magis, si ex condicò, cum certa occulta promissione, quod impediendi omnino sint ab omni damno. (semper tamen præciso scandalo, legisque contemptu) etiam si descenderint ad locum pugnae, gladios strinxerint, levesque sine periculo ictus aliquot contorserint. Vigesimo quartò non strictius teneris te non occidere, quam proximum, imò fortè minus, strictè aut saltem minusclare, ita asserit Caramuel. Vigesimo quintò consentientem filium pater castrare potest, ut voce & cantu Ecclesiae serviat, & aliquis se castrare potest, ut careat tentationibus carnis, si se imparem resistendo cognoscit, sic Caramuel in fundamentali Theologia latè agens de hac materia. p. 553.

## XII.

Quamvis hæc prima fronte sint horrida, nec prolixo indigeant Examine, paucis tamen ostendemus, quantum à Veritate abludent. Primum illud de Invasore viam aperit iracundis, in homicidia & diabolica vitia. Finge n. iracundum & superbum qui honoris sui est ad genium seculi studiosissimus alapa injuriâ affici, posito hoc principio, quam pronus erit in executionem liciti, quam facilis in homicidium, ex causa quæ longè impar huic operi diabolico. Secundò num honor alia viâ modoque non potest reparari vigentibus judiciis, posito, quòd alapa infligatur, num non declinari imminens aliis mediis, compellatione, dehortatione, retrocessione? num qui vult infligere alapam, jam infligit, vel actu infligit, & annon satius esset, si conscientia laxanda, eoque saltem progredi, ut alapam alapa retaliari & præveniri diceretur, quàm occisione hominis, neglectâ omni proportionem, quanquam & hoc contra mansuetudinem & regulam Christi, Matth. 5. vs. 39. Tertiò ipsi Pontificii quidam ex Moraliū Scriptoribus in negativam descendunt, inter quos Tannerus, Major, Sylvester & Malderus 22. Tractat. 3. cap. 1. lib. 7. ass. 1. Illud verò Caramuelis quam crudum quam impium: manifestè enim DEI voluntati adversatur, & vindictam probat privatam, quæ nullo modo probanda videantur, de hoc puncto Notæ nostræ in Grotio. Alterum itidem legi divinæ adversatur, secundo de-

fensionis

fensionis titulo non potest se tueri, cum illa fiat per violentiæ re-  
 pulsionem, quam nondum passus ille, qui prævenit inimicum pa-  
 ratum duntaxat, nondum vim patitur, si igitur illum occidat, non di-  
 cetur vim vi repellere, ita Escobar, Sylvester, Navarra, Salonius, &  
 alii. Tertium affine est præcedentibus, nam primò Petrum impe-  
 rantem homicidiū occidere est Legi divinæ contravenire, secun-  
 dò, quemvis famulū ex sententiā moralistarum invadentem occi-  
 dere licet cum moderamine inculpatæ tutelæ, non tamen Petrum  
 imperantem, quia ipse non sit invasor, nec facta ab illo vis, quam  
 vi liceret repellere, imò ab aliis hinc recedunt Malderus, Sylve-  
 ster, quæst. 46. art. 7. q. 5. Quartum valde abhorret à sano sen-  
 su, nec tantum de teste, sed & Actore, imò ipso Judice ab illis in-  
 telligitur. Nam primò *non sunt facienda mala ut eveniant Bona*,  
 Rom. 3. Non occidendus homo, ut honor illibatus conservetur,  
 qui quandoq; non tam honor, quam ex Judicio seculi umbra ho-  
 noris, somnium, figmentum, & an non magis æstimanda Mens  
 sincera, quam periculum mortis, conscientia tranquilla præfere-  
 da discrimini vitæ & honoris? Secundò quamvis talis testis fal-  
 sus peccet, quæritur tñ. quid juris tibi in illum? an ad Homici-  
 dium usque se extendat, & num prævenire possis illum, qui non-  
 dum contra te deposuit? cujus voluntas in omne momentū mu-  
 tabilis, & à DEO in aliam viam revocabilis? nec talis testis vitæ  
 aut Honoris tui Invasor dici potest ex Moralistarum senten-  
 tiā, quia quamvis faciat contra jus, non tamen facit contra ordi-  
 nem Juris, de ratione autem aggressionis est, ut contra ordinem  
 Juris injuriam inferat, id est propria autoritate, cum talis per ju-  
 dicem servato ordine Juris occidat, licet iniquè; præterea, quam-  
 vis talis testis falsum testimoniū contra Te dicere potuerit, nondū  
 tñ. omnis causa perorata est, licebit contra instare, Judex quoq;  
 qui DEI Vicarium agit, poterit DEO maximo Innocentia favente  
 regi, illuminari, dirigi coelitus, ut vel sententiam suspendat,  
 vel per indicia falsi testimonii pravitatem deprehendat; illud a.  
 maxime impium, quod ad ipsum Judicium hæc Assertio extenda-  
 tur, Judex enim etiam injustus non propterea personam DEI de-  
 ponit, & divinæ subest Nemesis, non temerariæ alicujus privati  
 Manui. Tertio abhorret ab hac definitione ex ipsis Pontificiis Tur-  
 rianus, Salonius, Corduba, Sylvester, Sotus, Malderus & alii. Quin-

tum superbit honoris titulo, quasi ille cuncta temporalia Boni  
 precio superet, quod falsum, cum vita sit superior illo, & hic faci-  
 le recuperabilis, illa nequitiam, ut ostendimus quoque in obser-  
 vationibus ad Grotium. Secundo ex ipsorum Pontificiorum  
 sententia, defensio honoris cum occisione non est juris naturalis,  
 nec ex eo jure descendit, Ergo eodem titulo, quo defensio vitæ  
 confirmatur, non potest defensio honoris stabiliri, si enim esset  
 juris naturalis, aut ab eo descenderet, æque Clericis ac laicis com-  
 peteret, cum quæ juris naturalis communis sunt, toti speciei humanæ  
 convenient, unde negativa accedunt Baldus, Sylvest. Bensfeldi,  
 quam verò impiè dixerit Caramuel locis laudatis, qui vis, cui dex-  
 tra salit Mamilla, facile perspicit, quem depexit egregiè Socius  
 scribendo: Querit Caramuel in consequentiâ doctrinæ Amiciantæ  
 mox relatæ, An homo Religiosus, qui fragilitati cedens faminam  
 vilem cognovit, quæ honori ducens, se prostituisset viro tanto, rem  
 enarrat, & eundem infamat, possis illam occidere? Respondet  
 autem continuò, vel potius responsionem ambiguus suspendit,  
 his duobus verbulis, Quid scio? Ambigit igitur an liceat, adeo-  
 que per indirectum asserit licere: nam superius ibidem n. 279. de-  
 finierat, omnem omninò actum humanum esse licitum, qui non  
 impingit evidenter in aliquam legem obligatoriam evidenter.  
 Dum igitur ipse illo suo responso, quid scio? palam profiteatur,  
 occisionem faminæ in prædicto casu nequaquam evidenter im-  
 pingere in legem evidenter obligatoriam, consequenter profectò  
 profiteatur eam esse licitam. Etenim si putaret eam impingere e-  
 videnter in legem evidenter obligatoriam, nequaquam diceret,  
 quid scio? sed absque hæsitazione responderet, non potest illam  
 licitè occidere. Cavît autem ita respondere, quia ita responden-  
 do subiret onus sibi importabile, præstandi nimirum illa tria de  
 quibus ibidem n. 277. subdit: qui rem dicis esse illicitam, ad mul-  
 ta tenetur, primò enim debet ostendere rationes, quæ malitiam  
 probant, esse demonstrativas; nemo tales, quibus dari probabi-  
 lis responsio non possit. Secundo debet etiam ostendere, ratio-  
 nes, quæ bonitatem probant, ne quidem probabiles esse: o-  
 stendet, si omnibus ad unam dederit solutionem, quæ evidenter  
 sit vera. Tertio etiam debet evidenter ostendere partem illam,  
 quæ bonitatem astruit, non habere sufficientes authores, ut dica-

tur probabilis. Hæc omniatritia simul ostendere ille debet, casus causâ, etsi duo ex illis ostendat, modo unum non ostendat. Ecce quàm difficilem provinciam imponat allerenti, rem quampiam esse illicitam: & ex adverso quàm latam portam aperiat intròducendis in qualibet materia probabilitatibus! Certè enim juxta hanc methodum Caramuel manutenere molitur omnes suas pristinas sententias, quantumvis in speciem nuper in Romana, vel Lugdunensi suæ Theologiæ editione revocatas. Nullam quippe omnium ita refutavit, ut evidenter ostenderit actiones prius à se approbatas non licere; quia nusquam evidenter probavit rationes malitiam arguentes esse demonstrativas, ac ne probabiliter quidem solubiles; nusquam item clare monstravit rationes bonitatem suadentes nequidem esse probabiles, dando unicuique solutionem evidenter veram: nusquam denique evicit deesse parti bonitatem a struendi authores sufficientes; præsertim cùm ipse ibidem n. 274. contendat, sufficere unum authorem ad præstandam alicui sententiæ probabilitatem: Ego, inquit, hanc rationem efformo, quæ solutione hucusq; caruit. Quicquid testantur quatuor authores est probabile; sed ad probabilitatem non sequiri quatuor authores, sed UNUM OMNINO SUFFICERE, quatuor testantur authores, imò viginti aut plures. Ergo opinio unius authoris est probabilis. Hinc apparet, Caramuelem non satis plenè & candidè Positiones suas pristinas in Germania evulgatas, in Italia correxisse; sed inter duas aquas ita natâre voluisse, ut si contigerit eum denuò in Germaniam reverti, veterem cantilenam liberè resumere posset, si autem in Italia morari, correctus videri posset: Sextum nimis præcipitanter quoque effusum. Nam primò qui mortem minitantur, & aliàs solet minas suas exequi, nondum exequitur determinatè illas, quas in te direxit, nondum te constituit in Qualitate defensionis licitæ, ad quam requiritur præsentia actus & inevitabilis necessitas. Secundo qui scis, illam comminationem in actum deducendam, cum à Particulari colligas ex aliis comminationibus, cum in super voluntas hominis mutetur in momenta, DEO subist, qui sistere potest etiam feroces imperus & frangere fluctus superbos. Añon Christus dixit Jo. xi. duo, decim sunt diei Horæ, adeoq; intra temporis spacium frigescere



iracundiâ, quod ex commotione animi dictum possit oblivione consensescere vel sepeliri, nec Minæ illæ possunt dici vim aliquam injuste vitæ intulisse, quæ possit vi illatâ repelli, unde sanioris hic sunt Mentis Malderus & Dianacæteris. Septimum itidem conscientia serenitati adversatur; si enim certò scit Miles bellum à suo Principe institutum injustum esse, abstinere debet & arma deponere, ne cum hoc faciat, peccet contra Conscientiâ, contra voluntatem divinam, quæ imperat, ut nunquam peccemus, contra effatum Petri, DEO magis obediendum, quam hominibus: alia est ratio in dubio. Secundo ex ipsa Pontificiorum hypothese, non potest, quia Miles irruens jus habet ad alterum interficiendum, non secus ac Ministri publici habent jus ad necandos Maleficos, sicut itaque hi non possunt inscii publicos interimere ministros, sic miles Ducis injuste dimicantis non poterit se defendere, justum Bellatorem aggredientem aut insequentem necare, tertio quamvis allegati stant pro hac sententia, adversatur tamen illis Ludovicus Molina Tom. 4. tract. 3. disp. 15. n. 5. Octavum de defensione facultatum extenditur à Francisco Amico etiam ad res jure duntaxat adipiscendas, at qui non est proportio inter facultates & vitam hominis, nec supponitur talem esse aggressorem una, ut ad defensionis vitæ nostræ censi possit, licitum esse tale Homicidium, sed de facultatibus tantum est sermo. Secundo ipsam disproportionem observant Moralistæ, & concludunt, quia ordine ac lege Charitatis vitæ proximi corporalis bonis nostris temporariis præponenda pro eorum defensione nefas esse proximum duplici morte spirituali scilicet & temporali afficere, abeunt proinde ab hac sententia Felinus, Ancona, Tostatus, Gerson, Tabiena, & Panormitanus. Nonum omnes Numeros audaciæ explet: si enim ne Magistratus quidem ob subductionem rei, quæ unius aurei valorem non excedit, tollere aliquem potest, quanto minus Invasorem pro defensione tam exiguæ rei licebit occidere. Secundo quamvis quisque Jus habeat sua tuendi, tamen conferendum est damnum, quod vitare occidendo procurat Dominus rei cum damno quod infert, quamvis innocentis melior sit conditio, quo collimant ex Moralistis contra socios Mathesilanus, Aragonius & Diana. Decimum, summè periculosa est Assertio. Nam stante hac quàm facile populus in-

sur-

insurget contra Regem vel Principem, maximè si adsit Demagogus, qui oleum addat Camino, quam faciliè armabitur privatus nebulo contra superiorem, & quàm difficile judicare de Tyranni Qualitate, quam anceps, cui permittendum sit hoc judicium. Quid? si nullus privatus deici debet à possessione, nisi auditus prius & judicatus, quanto minus ille, qui clavem tenet Reipublicæ. Secundò, Rex tyrannicè dominans, si sit talis Exercitio, imò etiam titulo, ita tamen ut temporis morâ intervenerint actus, ex quibus constat illum pro Rege & Principe agniti fuisse, etsi degeneret in Tyrannum, non tamen definit esse Princeps, Caput Reipublicæ, Pastor populi: at tali semper debetur Reverentia, quod Petrus exigit etiam in casu duræ servitutis, 1. Epist. cap. 2. vers. 18. 19. Recedunt itaque tertio etiam ex Pontificiis ab hac decisione Azorius, Filliucius, Diana, & alii. Undecimum, Impietati sternit viam & Audaciæ immani. Nam primò Bannitum occidere proditoriè, est vitio interveniente occidere, modò quodam, medioque à quo recta ratio abhorret. Secundò ipsi Pontificii concludunt, quod si bannitus proditoriè & sine occidentis monito interficimur, damnationis periculo manifesto occidendus exponatur, imò impium esse dicunt talem occidere in tali statu & conspirant tertio hic contra alios Menochius, Bonacina, Homobonus, & alii. Duodecimum laborat, quia qui sibi ipsi infert manus, agit contra totius naturæ consensum, cumque in Universo sui conservationem omnia intendant, & mala à se amoliantur, agit contra affectum naturalem congenitum legemque inscriptam, neque tantum contra Lumen naturæ secundarium, falsum quippe supponitur in morali Theologia Pontificiorum, quod illud tantum sit Lumen naturæ Primarium sc. Bonum amplectendum, Malum verò fugiendum, quanquam & hoc supposito confestim affalgeat, homicidium esse fugiendum maximè. Secundò fingitur Ignorantia invincibilis in tali casu, non probatur; quàm faciliè enim esset, posito, quod Ignorantia aliqua Mentem teneret, hastenebras discutere in se, aut proximum vel DEUM Authorem vitæ & Amatorem reflectere. Tertio, quanquam ed inclinent laudati Authores, contrarium tamen habet Cajetanus, stante etiam falsâ hypothesi 22. quæstion. 124. artic. 5. Decimum tertium, iterum horridum est & crudum, Amandamus Græterum & Socios ad Pauli Monita, Rom. 13. v. 14. & Coloss. 2. v. 23. ad Carnificinam Esauiticam, quam delineavit Zemannus. Secundò com-

munis est Hypothesis etiam apud Pontificios recepta, hominem non esse Dominum vitæ suæ, quemvis itaq; in seipsum se vire, imò seipsum interire mere posse falsum erit, annon pessimus Nebulo, qui ne sibi metipsum parcat secundum Syracidem. Tertiò graves & docti in Papatu abhorrent ab hac Assertionem apud Victoriam Lorcã, Montesinum, & declamat graviter in illam Sinnichius: ex Augustino exhibens sententiam: Si parricida, edo sceleratior est quàm quilibet homicida, quia non tantum hominem, verum etiam propinquum necat; & in ipsis parricidis, quanto propinquiores quisque peremerit, tanto judicatur immior: sine dubio peior est, qui se occidit, quia nemo est homini seipso propinquior. Unde nescio, quid Caramueli in mentem venerit, qui merè innovandi libidine, sine ullius Ecclesiastici Tractatoris suffragio, ausus est negare suicidium arctius inhiberi, quàm aleridum. Postquam enim dixisset, omne homicidium inhiberi divinitus, continuo subdidit novum istud paradoxum, eatenus in Ecclesia inauditum: Nec strictius teneris te non occidere, quàm proximum; imò fortè minus strictè, aut saltem minus clarè. Sed huic paradoxo, præter unanimem veterum sensum, ipse nature horror reclamation, & charitatis ordo contradicit. Unde non tantum ambiguum, sed ut omnis dubietatis expertem habuit Augustinus eam resolutionem, quã ait: Sine dubio peior est, qui se occidit, quia nemo est homini seipso propinquior. Qui rursus Tract. 51. in Johannem: Suicidas non modò crudeles aut sceleratos, sed crudeliores & sceleratiores homicidas appellat; utique comparatione aliorum quorumlibet homicidarum. Sed nimirum voluit Caramuel illo suo paradoxo parare sibi viam ad problematicè disputandum, num possit Respublica cuiquam mandare; ut suæ necis agat carnificem. Valdè moderate procedamus, ait ipse, si dicamus, eodem modo teneri hominem abstinere ab homicidio sui, quo ab homicidio alterius: At est in in Republica auctoritas, ut possit carnifici præcipere, ut occidat alterum hominem reum: Ergo & erit, ut eidem, si reus sit, præcipiat, ut occidat seipsum: vel detur evidens & clara disparitas. Consultò evidentiam, & claram disparitatem postulo: quoniam si merè probabilis datur, nulla datur: est enim opinio probabilis illa; contra quam nihil adducit quod sit plusquam probabile. Qui totus discursus in fumos dissolvitur, everso paradoxo prædicto, cui totus incumbit. Sed non hîc sistit Caramuelis curiositas, disputat quippe, utrum excusabilis sit religiosus

fus, qui lecto apud Jobum : *Elegit suspendium anima mea*, seipsum ab-  
 que ulla publica autoritate suspendit. Verum contra omnia hujus-  
 modi exempla invictè militat regula illa dogmatica & Canonica ex  
 Augustino relata. His exceptis, quos vel lex justa generaliter, vel  
 ipse fons justitiæ DEUS specialiter occidi jubet, quisquis hominem,  
 vel seipsum, vel quemlibet occiderit, homicidii crimine innecti-  
 tur. Cui addenda est & illa altera ejusdem mox repetita, sine du-  
 bio peior est, qui se occidit, quia nemo est homini seipso propin-  
 quior. Nullo ergo modo subsistit Caramuelis consequentia à nece-  
 ssaria ad propriam : imò nec consequens est, ut si Respublica pos-  
 sit præcipere carnifici interemptionem hominis extranei, possit si-  
 militer & parentis, aut filii. Decimum quartum itidem absurdum  
 est in Theologia orthodoxa primò, cum Lex est in contrarium, non  
 occides. Secundò falsum est, qui non comedit, non confiscare si-  
 bi mortem, quis positivè non agit, cultum vel laqueum non adhi-  
 bendo collo aut pectori. An incognitum illud Augustini de proximo,  
 quantum magis de Teipso; si non pavisti, occidisti, & quamvis talis à  
 Iudice infligendam mortem justè subire teneatur, non tamen ipse si-  
 bi illam debet infligere, unde refugiant hoc erudum pronunciatum, &  
 in contrarium nituntur Castro, Covarruvias, Cajetanus, Corduba, &  
 alii. Decimum quintum ex eadem procedit lacuna, ex qua sup-  
 riora. Nam primò illa egregià ratione nititur, quia Alapa infligio-  
 nem homicidio liceat antevertere vel vindicare. Secundò, quomodo  
 hæc in libram conjecta æquale censenda sunt habere pondus, & ipsi  
 ex regno tenebrarum procures solent ita procedere hujusmodi detra-  
 ctionibus aut esse illatam infamiam, aut demum inferendam, si prius  
 non deleri per mortem infamantis, nec dici posse evitacionem damni  
 inferendi, sed illati vindictam, si posterius non deesse vias, per quas pos-  
 sit evitari. Tertio, aliter conscientia consulunt Fagundez, Lessius, Bos-  
 sus & alii. Decimum sextum, temerarium censetur à nobis Effatum,  
 Nam primò hoc est uxorem & filiam mittere ad Orcum & Inferorum  
 portas, invadere partes Magistratus, Iracundiæ indulgere. Secun-  
 dò, ipse Pontifex Nicolaus Primus licere quidem dicit secundùm le-  
 ges humanas, & mundanas, non tamen secundùm Ecclesiasticas, quic-  
 quid permittat Lex civilis vehementi dolori in hoc casu, Judicium ta-  
 men superius majoris faciendum, quam omnia tribunalia in terris, quæ

excusationem admittunt, & moderantur sententiam vel impunitatem indulgendo, vel ad extraordinariam poenam descendendo. Tertiò, repugnant huic Definitioni in Papatu Sanchez, Bonaventura, Victoria, Veracruz, Sorus, Guiter, Navarra, Covarruvias & alii. Decimum septimum, magis insulsum est & impium. Nam primò si non permissum marito uxorem, aut Patri filiam occidere, quia hoc contra legem divi-  
nam, Magistratus Authoritatem, conscientiae tranquillitatem, quantumvis licebit pregnantem interficere? Secundo, quid committit infans, qui unâ perimitur, quomodo non innocens ille sanguis clamabit de terra adversus percussorem, quid est præripere ingressum ad vitam naturalem, imò æternam, illi, qui nihil deliquit, si hoc non est: quapropter mitiores hi fuerunt etiam in tenebrarum regione Bajardus & Farnacius. Decimum octavum, ejusdem ferè est commatis, cum antecedentibus, nec probatur à nostris. Nam nihil hic agendum, quod conscientiam turbare potest. Præterea duplex est genus actionum, circa mortem, unum quod tendit ad mortem & actiones illius sunt dispositiones qualia ascendere scalam ad suspendium, præbere collum ad gladium, aperire os ad veneni haustum, brachium exhibere ad missionem sanguinis, aliud, cujus actiones non sunt tam dispositiones ad mortem, quam ipsa mors, quamvis priores licitæ censeantur, secundæ tamen & posteriores sunt illicitæ, quia mortem formaliter in se continent, & sunt veræ Executiones sententiæ mortis, atque ita censent nobiscum Cajetanus, Sorus, Bannes, Lopez, Philarchus, Sayrus & Fagundez. Decimum nonum, Scholam sapit Jesuiticam, nam & conscientiae malè consulit, respicit ad intentionem tantum, cum etiam ad naturam & vim medicamenti esset attendendum, unde ipsi Moralistæ quidam aliter consulunt, & dicunt, quia dum proles viva probabilius esse creditur in matris utero, suam possideat vitam sine matris injuria, si itaque medicina talis sit, quæ proli noceat, injuriam sine dubio fieri eidem, licet sumatur præcisâ intentione curandi matrem, esse sine dubio occisionem filii & illicitam ideo semper secundum Cassium, Antoninum, Navarram, Arragonius & Sayrum. Vigésimum, ejusdem est absurditatis cum antecedente Effato. In dubio enim conscientia & nutat, & notat, & si se flectat non ad tutiorem tabulam, sed probabiliorē, imò citra probabilitatis indicia ad minus tutam, peccat. Secundò, ipsi Præctici statuunt, quia illud dubium cum sit præcticum, inducat probabilitatem, quod proles vi-  
vat.



vat, vivente autem prole, mater nullum jus habet sumendi medicamentum cum prolis periculo, & hoc quidem secundum principia Lessii Fagundez, Sayri, Aragonii, Navaræ & aliorum, Cameracensem verò dextrè castigavit Sinnichius, scribens: Membrum inferius matris, inquit D. Thomas, est aliquid ejus per continuationem & unionem naturalem partis ad totum: puer autem in utero matris existens, est aliquid ejus per quandam colligationem corporum distinctorum. In jure civili usque adeo exaggeratur ista colligatio, ut fœtus simpliciter portio matris cum gestantis dicatur, in verbis: Partus antequam edatur, mulieris portio est, vel viscerum. Dicamus ergo primum de abortu, deinde de mutilatione proprie dictâ. Inter septemdecim Articulos, à Schola Theologica Lovaniensî ad instantiam Archiepiscopi Mechliniensis Anno 1653. reprobatos, iste est ordine bonus: *Quidam putant probabiliter, nondum animato fœtu licere abortum procurare, ad vitandum scandalum, aut mortem. Ex quo apparet, non condemnandam facile puellam abortum facientem, cum nondum est animatus fœtus, ut deprehensa gravida occidatur, aut infametur.* Sed quantopere hæc positio adverletur antiquæ Christianorum professioni ac disciplinæ, facile perspicitur ex Tertulliano, qui ex communi eorum persona loquens: Nobis, inquit, homicidio semel interdicto, etiam conceptum utero, dum adhuc sanguis in hominem delibatur, dissolvere non licet. Homicidii festinatio est prohibere nasci, nec refert, natam quis eripiat animam, an nascentem disturbet: homo est & qui est futurus, & fructus omnis jam in semine est. Minutius Felix exprobrat ethnicis expositionem infantum jam natorum, & præventionem nascendorum, tanquam scelera parricidialia de falsorum Deorum pessimâ disciplinâ descendente, atque à Christiana innocentia prorsus aliena: Vos video, inquit eis, procreatos filios nunc feris & avibus exponere, nunc adstrangulatos misero mortis genere elidere. Sunt quæ in ipsis visceribus, medicaminibus epotis originem futuri hominis extinguant, & parricidium faciant antequam pariant. Et hæc utique de Deorum vestrorum disciplinâ descendunt. Et mox infra ex communi Christianorum persona subdit: Nobis homicidium nec videre fas est, nec audire, Cui consonans Athenagoras ait ex communi eorundem Christianorum persona: Mulieres medicamentis abortivis utentes, homines occidere, & rationem DEO reddituras dicimus. Ambrosius quoque abortiva

II. Pars Specialis.

L

ejus-

eiusmodi medicamenta, Parricidales succos appellat: indignas utique feminas eis utentes, parricidii crimine innecti. Cui subtribens Augustinus; Nulla mulier, inquit, potationes ad abortum accipiat, nec filios aut conceptos, aut jam natos occidat: quia quaecunque hoc fecerit hoc, per quod jam non possit concipere, quantaecunque parere poterat, tantorum homicidiorum ream se esse cognoscat. Vigessimum primum, iniquum est in innocentem. Primum enim conscientia suae non consulit Iudex, agit scilicet contra dictamen rationis, & disertè est contra Effatum DEI Exod. 23. Secundò, si Iudex aliquà viâ innocentem liberare potest, obligatur præcepto charitatis sub mortali, id est, non admittendo accusationem vel admonendo testes, vel per varia intervalla temporis eos examinando, vel etiam causam remittendo ad superiores Iudices, vel innocentiam coram populo declarando, aut Executionem sententiae differendo. Tertiò, in hac sententia sunt adversus alios Lessius, Lyra, Navarra, Corduba, Sylvester, Diana & alii. Vigessimum secundum faveret reo contra Justitiam Asyla probat, contra quorum abusum declamavit genosè Masius, quem alibi produximus. Vigessimum tertium Duella probat contra sanam rationem, Scripturam & Doctores, de quo audire juvat Maletum. Vigessimum quartum excussit Sinnichius. Vigessimum quintum prolixè examinavit, & solidè reprobavit, scribens: De mutilatione sic sumptà tractant Scholastici post D. Thomam 1. 2. q. 63. art. 1. & pro certo supponunt vitam humanam, non modo integram personæ, sed & partialem singulorum membrorum, non subesse dominio cujusquam hominis sive Physici sive Politici, sed solius DEI, qui vitæ & mortis habet potestatem. Potro sicut Respublica ex divinâ concessione potest interdum perimere homines sibi noxios, ita & mutilare, juxta illud Dei ad magistratum veteris sui populi, animam pro animâ, oculum pro oculo, dentem pro dente, manum pro manu, pedem pro pede exiges. Unde D. Thomas loco mox citato: Cum membrum aliquod, inquit, sit pars totius humani corporis, est propter totum, sicut imperfectum propter perfectum. Unde disponendum est de membro humani corporis, secundum quod expedit toti. Membrum autem humani corporis per se quidem utile est ad bonum totius corporis corruptivum. Si ergo membrum sanum fuerit, & in suâ naturali dispositione consistens, non potest præscindi absque totius corporis detrimento.

detrimto : sed quia ipse totus homo ordinatur ut ad finem, ad totam communitatem cuius est pars, potest contingere quod abscissio membri, etsi vergat in detrimentum totius corporis, ordinetur tamen ad bonum communitatis, in quantum alicui inferretur in penam, ad cohibitionem peccatorum. Et ideo sicut per publicam potestatem aliquis licite privatur totaliter vitâ, propter aliquas culpas minores. Hoc autem non est licitum alicui privatæ personæ, etiam volente illo, cuius est membrum : quia per hoc fit injuria communitati, cuius est ipse homo & omnes partes ejus. Si vero membrum propter putredinem sit totius corporis corruptivum, tunc licitum est, de voluntate ejus cuius est membrum, putidum membrum præscindere propter salutem totius corporis ; quia unicuique commissæ est cura propriæ salutis. Et eadem ratio est, si fiat voluntate ejus, ad quem pertinet curare de salute ejus, qui habet membrum corruptivum. Aliiter autem aliquem membrum mutilare, est omnino illicitum. Hæc ibi Doctor in Corpore Articuli : qui & mox addit in solutione ad 3. ibidem duo documenta eidem doctrinæ consentanea ac consecutanea, quorum primum est : Membrum non est præscindendum propter corporalem salutem totius, nisi quando aliter toti subveniri non potest. Alterum est, salutem spirituali semper potest aliter subveniri, quam per membri præcisionem ; quia peccatum subiacet voluntati : & ideo in nullo casu licet membrum præscindere propter quodcunque peccatum vitandum. Utrumque documentum antiquare moluntur neoterici laxitatum inventores : primum quidem Tamburinus adducens pro se Saloniæ, Pasqualigium, & Tannerum. Querit quippe ille, an propter magnum lucrum amputare aliquod membrum liceat ? ponitque exemplum in iis, qui ut sonoram vocem retineant, solertis medici manu, absque notabili periculo mortis, eunuchi fiunt. Solutio auctoris subditur ibidem hisce verbis : *De illis igitur aio, esse probabile quod liceat, esto probabile etiam sit quod non liceat.*

## ERRORES ANABAPTISTARUM & ARMINIANORUM.

Statunt hi Magistratui non competere jus gladii. Secundò, negant licere summæ Christianæ potestati bellum gerere. Tertio, Psalmos Davidis ita referendo, ut quando de hostibus loquitur corporalibus, non secundum litteram intelligantur. Quarto, asserunt non licere Magistratui Religionem bello defendere. Quintò, non licitum esse Magistratui hæreticos exēcere.

## CALVINIANORUM.

Nimium rigoresi hîc sunt Calviniani in hæreticos , & contra Legem divinam illos subjiciunt capitali supplicio , ita enim Bucanus loco 49. 134. pag. 365. Polanus lib. 10. Syntagm. cap. 66. p. 44. 88. Moræzus in Dedicatione Mysterii iniquitatis ad Jacobum , Regem Angliæ. Praxin in Anglia stabilitam Guilielmus Pryn in Fulcimento Gladii multis exponit pag. 145. usque ad 190.

## PHOTINIANORUM.

In hoc præceptum impingunt Photiniani existimantes, illud abrogatum esse tempore N. T. in Christo. Ita enim Catechismus Rakoviensis quæst. 89. Quid præterea huic præcepto addidit Dominus Jesus? R. Inhibuit omne ultionis genus , non solum privatum ; verum etiam quod fit per Magistratum : eâ ratione, quod si quis vel corpus, vel fortunas, vel nomen nostrum læserit, ut paratiores simus, aliam injuriam potius accipere, quàm nos ulcisci, quod Dominus Jesus illis verbis docuit Mathh. 5. 39. 40. 41. Ego vobis dico, ne resistatis malo ; verum si quis percusserit dextram maxillam tuam, exhibe eam alteram : & qui voluerit tecum jure contendere, ac tuam tunicam tollere, permitte ei & pallium ; & qui te sollicitaverit ad milliare unum, abi cum eo duo. Quæst. 90. Ergo ea verba Domini non simpliciter accipienda sunt, ut sonant? R. Non. Legimus enim de ipso Servatore Joh. 18. 23. Eum, cum alapa ei impacta fuisset, non solum non exhibuisse alteram malam ; verum etiam se percutienti ea verba opposuisse : si malè loquor, ede testimonium de malo: Sin benè, quid me cædis? Idem legimus de Apostolo Paulo Act. 23. 3. Paria in Socino legimus. Prolixius Johannes Volkelius p. 596. quos vide.

## XIII.

Frustra verò est Author Catechismi Rakoviensis. Nam primò Dominus non addidit illa, quæ leguntur Matth. 5. nec Paulus illa, quæ occurrunt Ephes. 4. Aliud enim est additio per modum augmenti & perfectionis illius, quod indiget auctario, aliud manifestatio sensus & debita Interpretatio. Prius ostendi nequit circa hoc præceptum, nec de tali est controversia, posterius verò non potest dici Additio, quia est sensus divini tantum expositio, iram quippe vetitam fuisse etiam in V. T. liquet ex supradictis, ex reprehensione Caini, Gen. 4. v. 5. & 6. Esavi, Gen. 27. v. 43. Simeonis & Levi, Gen. 49. v. 6. & 7. Denique ex Lege expressa, Levit. 19. v. 17. *Ne odio habeto fratrem tuum in corde*

tuo,

quo, &c. nec tantum ira fuit damnata, sed & verborum asperitas in proximum, & constat non tantum ex Gen. 31. v. 24. sed & Proverb. 20. v. 22. Secundò, reconciliatio fuit quoque præcepta. Docet enim Lex dilectionem proximi, cum qua nequit stare, irreconciliabilis mens furore & odio perfusa, cor amaritudine plenum. Secundò, si ex eo summo studio nobis reconciliandus est frater, quia aliàs Religio nostra inanis est, & periculum, ne in iudicium DEI incidamus, cum hæc ratio militaret quoque in V. T. concludendum erit etiam illud, quod illi superstructum, obtinuisse & obtinere debuisse. Tertiò, annon Jacobus sibi reconciliavit Esavum, Gen. 33. Josephus fratres, Gen. 45. David Absolonem, 2. Sam. 14. Sanè conformiter voluntati divinæ, quæ dilectionem proximi, & consequenter reconciliationem quoque imperat. Quartò, irasci rei turpitudini Morum, citra vindictæ studium non tantum in N. T. licitum, sed & in Veteri, cum nulla ratio disparitatis dari possit, præterea imperatum esse intelligatur, Lev. 19, 17. Et tandem Præxi confirmatum Jacobi, Gen. 30. Moysi, Exod. 16. Pinchasi, Num. 25, 11.

## XIV.

Smalcius in discursu suo paucis verbis multa falsa cumulat. Falsus est primò in V. T. non prohibitam fuisse Iræ in fratres, & verba austerà sub pœna damnationis, ut paulo ante ostendimus. Et num illud: *Omnia quacunque volueritis, ut faciant vobis homines, sic & vos facite illis*; non comprehendit rerum & verborum amarorum prohibitionem, nec in V. T. locum habuit, & num Paulus non sufficienter hoc indicat, cum dicit: *Si quod aliud Præceptum, in hoc summam comprehenditur, nempe diliges proximum tuum, sicut te ipsum*, Rom. 13. v. 9. Num verba Salomonis Proverb. 22. v. 24. 25. non sunt Solis radio scripta, quæ etiam prohibent societatem cum iracundo, ne fortè aliquid consimilis adhæreat labeculæ. Secundò, falsum est, in N. T. omnem etiam publicam vindictam per Magistratum esse penitus abrogatam, neque enim in N. T. illum ostendere possunt locum, in quo prohibeatur læso adire Magistratum, eidem causam suam committere: apertè etiam Paulus stabilit vindictam publicam, Magistratum vocando Vindicem in Iræ ei, qui malè agit, Rom. 13. v. 4 & *si cum omnibus pacificè tenemur vivere si fieri potest, quantum in nobis est*, Rom. 12, 17, 18, 19. si fieri non poterit in subsidium Magistratus erit vocandus. Tertiò, ne injuria nobis inferatur nihil non facere, jubere, pariter ex iis, quæ habemus etiam aliis dare, & accommodare, non est novum præceptum, sed antiquissimum, ut ex illis, quæ dicta sunt, constare potest,



## XV.

Volkelius impiè loquitur. D. cit, præceptum hoc habere duplicem considerationem, latiusque patere sub Christo, quam sub Mose. Duplex enim consideratio fingitur, capitalia supplicia Lex Christi non abrogavit, Evangelium enim Politias non abolet, Excidium Gentium devotatum fuit & Jus justitiæ divinæ, populo tantum commodante manum, ultionem hæc lege non fuisse exclusam supra ostensum est, falsum esse, quicquid mortem infert aut ad illam præparat, hæc lege prohibitum fuit, & si semper ratio illa viget & vigeat, quam Deus addidit legi de non fundendo sanguine, quia homo ad imaginem Dei creatus, Gen. 9. 5. 6. invariabili illa, & ea quoque ex parte vigere debet, qua imperat, ut effundatur sanguis illius per hominem personam publicam, qui sanguinem fudit, hominem occidit. Illud autem quod ex Exodo producit non est dispositio de Homicidio casuali, sed culposo. Secundò comprehendit Christianum Magistratum hoc præcepto ita hoc tempore, ut à cæde & sanguine bellisque sit alienus, nec eâ servitute, quâ Moses olim voluerit, aut supplicia infligat, falso dicitur. Nam primò quomodo Magistratus potest comprehendit ita sub hæc lege, cum *non frustra Gladium gerat, Dei Minister sit vindex ad iram ei, qui quod malum esse fecerit*, Rom. 13. v. 4. quomodo possunt bella dici proscripita, cum tributa præstanda Magistratui, quæ in urbium munitiones & exercitum alendum ex occasione necessitatis adhibentur, Rom. 13. v. 7. Johannes non jussit milites statum mutare, sed contentos stipendiis vivere, Luc. 3. v. 14. Centurio Capernaïticus & Cæsariensis placuerint D E O, ut constat ex Matthæi octavo, & Actorum Capite decimo. Quomodo severitas fuit restricta, cum capitalia supplicia nullibi in Novo Testamento à viris *ἱεροῦσολοι* pulsata, Paulus Magistratum asserat non frustra gestare gladium, Rom. 13. v. 4. uno Christus ipse dixerit, qui accipiat gladium, gladio perituro, cujus vero, nisi Magistratus iusto in rebelles animadvertit, Mat. 26. v. 52. nec attendendum est ad emendabilitatem, si facinus excedat, sed commissio attemperanda pœna, & cum gladius datus sit in excisionem illorum, qui noxii Reipublicæ, eo vertendus erit atque vibrandus; neque obstant tempora gratiæ, non enim illa abolerent politias, nec si Magistratus non teneatur Mosaicis Legibus, quæ in foro observandæ erant, non secundum proprias, poterit dictare sententiam, & quamvis Christus fuerit mitissimi animi, *ἡσυχαιῶν* tamen ille reliquit nobis,

nobis, in quantum omnes & singuli tenemur studere Mansuetudini, non in quantum peculiari vocatione adstricti tenemur tanquam Vicarii DELagere in his terris, quæ ad conservationem Reipublicæ vel necessaria vel utilia. Finge Magistratum debere sese conformare Christo, qui partes summæ potestatis noluit sibi arrogare in his terris, sed ministrare, Magistratus non imperio reget subditos, quia Christus non regit, non de civilibus judicabit, quia Christus hæreditatis divisionem petenti non annuit, Luc. 12. v. 13. 14. Magistratus tributa non exiget, quia Christus non tantum non exigit, sed & dedit, Matth. 17. Tertiò proximi nomen latius patere sub Novo Testamento, quam Veteri palam est, nam & in Veteri latissimè hæc vox statuit, & ad omnes ejusdem nobiscum sanguinis fuit extensa. De quo alibi. Secundò etiam Israelitis non licuit occidere extraneos à Republ. cā, quicquid fecerunt in Excisione populorum, fecerunt ut organa Justitiæ vindicatrici. Tertiò, etiam nos pacem cum omnibus servare ac colere debemus; non citra limitationem, sed quantum in nobis est, exponente ipso Apostolo. Quartò, quæ de additione dicuntur, supra excussa sunt. Item enim etiam hoc præcepto notatam fuisse in Vet. Test. patet ex ipsa lege, quæ perfectissimum voluntatis & sanctitatis divinæ speculum, aut itaque Ira in proximum conformis voluntati & sanctitati divinæ, aut non. Si prius, illud, quod non sanctum sanctitati divinæ erit conforme, turbulentum sincero; si posterius, lege etiam ira erit prohibita & proscripta. Dicitur Lex spiritualis, Rom. 7. quomodo autem spiritualis, si non omnium Aff. & num & Facultatum Harmoniam requisivit, non internum prohibuit homicidium, sed in externi remotione acquiescit, duxit Lex servata ad vitam æternam, & habuit illius promissionem, Levit. 18. v. 5. At qui perducere potuit ad vitam æternam, si operis tantum substantiam requisivit, cordis integritatem, sine qua omnia externa DEO displicent, non attendit. Quintò, frustra accusat Textum sacrum, & Vulgatum præfert: vox enim *ἐξ* in omnibus invenitur, probatur Codicibus Græcis, Interpres Syrus illam probè notavit, & non tam vertit, quam ex Græco posuit, Patres eandem legerunt, observarunt, ut constat ex Justino Martyre in Epistola ad Zenam & Serenum, Irenæo libr. 2. contra Hæreses cap. 56. & libr. 4. cap. 38. Secundò, Vulgata quidem non habet, in quibusdam tamen manuscriptis Exemplaribus Lovanienses observant, Erasmus non ubique fuit sincerus.

cerus in Codice sacro; notum, quid circa locum Rom. 9. disputarit, & præterea in suspenso reliquit Crisostomus, Hieronymo opponens Chrysostomum & Augustinum, qui hanc particulam retinuerunt. Tertio, ipsa res videtur exigere illam, cum detur ira quædam absque vitio, videatur locus Eph. 4. v. 29. Ulciscendi libidinem Christianis permitte, si particula obtineat falsum, hanc enim hæc additione proscribit, nec internum est homicidium, nisi Ira fiat temerè, & exardescat non solum sibi, sed proximo *ἐκ*, nec Moses externum, sed cum illo internum quoque prohibuit homicidium. Sexto, etiam verborum asperitatem fuisse prohibitam in V. T. supra ostensum est, nec Apostolus Gal. 5. v. 19. & 20. agit tantum de vitiorum istorum consuetudine, sed de illis secundum totam suam latitudinem spectatis, nec hæc vocabula tantum habitui conveniunt, sed & de uno aliquo actu usurpantur, & de singulorum etiam merito loquitur, nec potest esse culpa absque pœna. Septimo, quæ de correptione acris objurgatione non adversante huic præcepto proponit, non dextrè dicuntur, nam convitia semper sunt in vitio, nec tantum illa, quæ ex animo vindictæ cupido funduntur, correptio autem fraterna & acris objurgatio non sub genere convitiarum comprehenditur, sed est alterius generis actus, charitatis Christianæ actus, divinitus præceptus actus, convitiis adversus & oppositus. Octavo, quæ de vindicta prodit & Lege Talionis, ex eadem sunt Theologiâ, ex qua superiora. Nam primò, si ponamus Christum abrogasse Legem Talionis, non tamen sequeretur, quidpiam Christum addidisse quinto præcepto, auxisse Mandatum de non occidendo, longè enim aliud est tollere Legem Forensensem attemperatam certo populo in statui, quæ quandoque absolutè spectata aliquid habet ex iniquo, aliud addere aliquid Decalogo, qui juris Moralis & perpetui. Secundo Christus verba sua non opposuit legi Morali, sed perversæ interpretationi Talionem etiam ad privatos extendenti. Tertio etiam Talio Legis Mosaicæ spectabat, & ad publicam Majestatem & auctoritatem non per modum exequendæ ultionis, quæ ardebat in privato, sed puniendi commissum contra leges & bellum publicum reparandi ablata, vel ratione famæ vel opum, vel corporalis, & Talio certa ratione perpetuè innititur æquitati: unde etiam apud Romanos lege Duodecim Tabularum sancita fuit, comprobata à Gellio Libro Noct. Atticarum c. videatur Episcopus & observ. in Grotium.

CAPUT III.

PRÆCEPTUM VI.

VERBA TEXTUS.

ⲁⲛⲁⲛ ⲛⲁ ⲛⲁⲛⲁⲛⲁⲛ *Non mœchaberis.*

THESIS I.

DE Ordine Præceptorum supra aliquid diximus, atque demonstravimus, non esse rationem solidam, quæ urgeat, ut è veteri migremus domo, & ordinem receptum deseramus, rectè præponi Præceptum de non occidendo, Præcepto de mœchando, invertit autem illum Hugo Grotius, dum hæc subjungit huic Præcepto. In Hebræo præcedit de non occidendo præceptum, quem ordinem & Græci codices in Deuteronomio nunc habent. Caterum, ne quis recens hoc putet, Philo jam suo tempore legit ut hic legimus, ordinatimque progrediens ait de Deo: τὸν ἐπὶ πρῶτον ἀναγγελλόμενον (nempe πένταδα) ἀλείχουσιν ἀπαγορεύσεις τῶν πρὸς ἀνθρώπους, ἀπὸ μοιχείας ἀρχεται, secundum numerum quinarium scripturus continentem ea interdicta, quæ ad homines pertinent, initium ab adulterio facit, & causam addit: μέγιστον ἀδικημάτων τῶτο εἶναι ἁπολαβάν, inter injusta facta hoc maximum existimans, & quæ ibi sequuntur. Et rursus postea cum mala ex adulterio sequentia facunde exposuisset: ἐκὼς συνητὸν καὶ θεομίσητον πρῶτον μοιχεία πρῶτον ἀδικημάτων ἀναγγελλομένη, merito Deo hominibusque exosa res adulterium inter crimina ordinem ducit. Nec aliter legere Christiani veteres, qui codices Græcos sequebantur: ut Tertullianus de Pudicitia: Eo amplius præmittens, Non mœchaberis, adjungit, non occides. Oneravit utique mœchiam, quam homicidio anteponit. In prima itaque fronte sanctissimæ legis, in primis titulis cœlestis edicti, principalium utique delictorum, proscriptione signata, de loco modum, de ordine statum, de confinio meritum cujusque dignoscas. Est & mali dignitas, quod in summo aut in medio pessimorum collocatur. Pompam quandam atque suggestum adspicio mœchiæ, huic ducatum idololatris antecedentis, hinc comitatum homicidii subsequenter.

II. Pars Specialis.

M

ter.

ter duos apices facinorum eminentissimos sine dubio dignè confedit, & per medium eorum, quasi vacantem locum, pari criminis auctoritate complevit. Quis eam talibus lateribus inclusam, talibus costis circumfultam, à cohærentium corpore divellet, de vicinorum criminum nexu, de propinquorum scelerum complexu? Quare quoties veteres alio ordine adducunt hæc præcepta, ex Deuteronomio adducunt, non ex hoc Exodi loco. Exodi Græcum sequuntur Marcus 10. ὡ. 19. Lucas 18. ὡ. 20. Deuteronomii, is qui Matthæum Græcè reddidit 19. ὡ. 18. Chrysostomus ad initium capitis 5. ad Ephesios, & alii. Contra, ut mox videbimus, in præscripto ultimo Deus hic domum præposuit uxori, Moses in Deuteronomio uxorem domui. Aded inter ea, quæ pariter interdicta sunt, parum refert, qui servetur ordo. Nos, quod sine injuria Masoreticæ diligentia fiat, Græcam nunc, quam in manus sumimus, ἐξδοῦν, editionem sequamur, quæ non vetustate tantum, sed & ratione probabili defendi potest, quod pudicitiam vitæ multæ Hebræorum mulieres prætulero, quodque Aristotele judice, graviora sint crimina, quæ ex voluptatis desiderio, quàm quæ ex ira veniunt. Nec illud Cleanthis spernendum:

Πῶθεν πῶτ' ἀρετὴ γίνεται ποικίλ' ἔνδ' ὧ;

Ex κρητῶντ' ἄνδρ' ἐν ἀφροδισίοις.

*Adulterorum natio unde nascitur?*

*Ex luxuriantæ Veneræ libidine.*

## II.

Ut ut autem hæc Controversia non sit magni momenti, ut facius esse censeamus ad Præcepti sensum attendere, observare Mandatum, conformare se voluntati divinæ, quàm scrupulosè circa seriem versari, ipse etiam Grotius inter ea, quæ pariter interdicta parum referre agnoscat, qui servetur Ordo, nihilominus nobis præferenda videtur communis sententia, & Assertio superior circa initium quarti Præcepti. Quam uberius confirmat Joannes Caramuel in Theologia intentionali, ita disputans lib. 4. In Hebræo præcedit de non occidendo præceptum, quem ordinem Hebræi & Græci Codices in Deuteronomio nunc habent. Ergo hic ordo à nobis etiam retineri debet. Respondeo hoc argumentum non contra nos, sed pro nobis esse. Addo Vulgatum nos sequi Latium, qui in Exodo Tabulas ipsas exscribit; qui-



quique in Deuteronomio eundem ordinem omninò observat: qui debet à nobis religiosè observari. Secundum. Quia hæc ipsa quinti & sexti præceptorum alteratio non est recens inventa, sed ante annos multos à viris maximis admissa, Philo enim innuit jam suo tempore prius fornicationem quàm homicidium interdici; ait enim de Deo; *Τὴν ἐπίταξιν ἀναγεγράφειν* (nempe *πεντάδα*) *περίχρησιν ἀπαγορεύσεως τῶν πρὸς ἀνθρώπους, ὅτι μοιχείας ἀρχίζει*, secundum numerum quinarium scripturus continentem ea interdicta quæ ad homines pertinent, initium ab adulterio facit; & causam addit: *μέγιστον ἀδικημάτων τῶν τούτων εἶναι ὑπολαβὼν*, inter injusta facta hoc maximum existimans, & quæ ibi sequuntur. Et rursum postea, cum mala ex adulterio sequentia facundè exposuisset: *οὐκ ὅτις συζητῶν καὶ θεομίσητον πρῶτον μοιχείαν πρῶτον ἀδικημάτων ἀνυγέρῃ*, merito Deo hominibusque exosa res adulterium inter crimina ordinem ducit. Respondeo, me non tanti facere Philonem, tametsi illustrem, ut propter ipsum debeam à textu Hebræo, Græco, & Latino discedere, quos nobis Ecclesia proposuit, imò indixit: sed quidquid sit de Philonis mente, & locis aliis, sanè verbis propositis aliquid contra me probari aut firmari non video; non enim voluit Philo præceptum honorandi parentes, quod homines concernit, fornicationes inhibenti præponi; ergo non omnibus humanis præceptis, tametsi toti secundæ Tabulæ: nam duæ erant in Tabularum distinctione sententiæ; altera tria præcepta scribebat in prima, & septem in secunda; altera quina in singulis; & isti subscribens Philo, sic ait, secundum numerum quinarium scripturus continentem ea interdicta, quæ ad homines pertinet, initium ab adulterio facit. Ergo adulterium est in sexto loco; probo consequentiam; quoniam, si esset àn quinto, esset finis primi numeri quinarium, & non secundi initium; quæ instantia evidenter nostram positionem ostendit. Igitur, quia sexto loco positum adulterium, Deo hominibusque exosa res, inter crimina, ordinem (in secundo videlicet quinario) ducit. Tertium. Arguit autoritate Tertulliani, qui lib. de Pudicitia hoc àpsum velle videtur. Respondeo, Tertullianum illo loco non videri agere de Decalogo, agit enim de tribus vitis, aut peccatis, videlicet de Idololatria, Mœchia, & Homicidio. Quod si hæc cohzreant antecedentibus, dico, eum agere de Mœchia utriusque;

extremi particeps, cum ita delirat Mœchus, ut sibi Deam præfigat amasiam: aut saltem, quod Ethnici faciunt, adulterium in obsequium & latrariam Idoli committat; & hoc demum immoderato ardore inductus, ut impedimenta auferat, suam propriam uxorem interimit. Quod, si hac nolis esse solutione contentus Texui Biblico insistens, jubebo transire Tertullianum. Quartum à ratione desumitur. Quoniam graviora sunt crimina, quæ ex voluptatis desiderio, quàm quæ ex ira proveniunt, id ipsum asserente Aristotele. At fornicatio à voluptate, & ab ira homicidium procedit. Ergo principalius est interdicens fornicatio, homicidium posterius. Et respondeo, multas esse sententias, quæ deberent à Peripateticis melius examinari, & inter alias hanc: unde, aut dicendum hanc non fuisse sententiam Aristotelis, aut eum errasse. Profectò aliud est quærere, quænam qualitas perfectior sit; aliud quænam intensior? perfectio ad essentiam spectat, & intensio est accidens. Cum quærimus, quodnam peccatum majus sit? essentiam peccati respicimus, à voluptate & ira præscindendo: illud enim est pejus, hoc sensu, quod majus damnum infert proximo. Postea intra eandem speciem gravius, hoc est, intensius illud est, quod majori libertate committitur: unde, si magis minuat libertatem ira, quàm voluptas, gravius seu intensius peccabit occidens, verbi gratiâ, hominem ob voluptatem (putâ, ut libidinetur liberiùs) quàm ex ira. Lubrica res luxuries, & inter omnia crimina, quæ minus libertatis habet, tam periculosa, ut multi asserant esse grave periculum, etiam ubi materia est levis; quod in ira non contingit, nec in aliis peccatis. Quamobrem teneo gravius peccare, qui fœminam volentem occideret, quàm qui cum volente misceretur: graviùs, qui occideret nolentem, quàm qui vim lascivam inferret repugnantem. Sed urget; Fuerunt multæ illustres Hebræorum mulieres, quæ vitæ pudicitiam prætulæ: ergo. Et ego responsurus antecedens, quod ad Hebræas contrahit, etiam ad suas Hollandas, & quascunque honestas matronas extendo; & tamen consequentiam, quæcunque inde inferatur, nego. Et ratio est, quia ipsis mors præterintentionalis fuit, & intentionalis debiti pudoris custodia; quod etiam locum habet in Martyribus, & quibuscunque aliis, qui justitiam defendendo succumbunt. Nam, si invadar, ab Ethnico, & condemner ob fidem, dicam, me esse

esse & semper futurum Catholicum. At occidar. Quid inde? ego occidi non volo, non præcipio; mihi mortem non conscisco; sed tantum veram religionem profiteor, etiam cum cultum video, cum ignem sentio: nam fidei protestationem ago, ne patiatur religio; & mortem meam non molior, sed patior, clarè prævisam, non tamen directè volitam aut intentam. Sed de hoc uberius in parte præterintentionali. Quintum Cleantis auctoritate substruitur & sic procedit. Luxus est crimen hæreditarium, quod non solum luxuriantes, sed & filios ipsorum inficit. Ergo gravior est reliquis culpis. Et assumptum probatur hoc disticho.

Πάτερ πατήρ ἀγα γέννησθαι μοιχαλὸν γέννησθαι;

Ex πατρίων ἀνδρῶν ἐν ἀφροδισίοις.

*Adulterorum natio unde nascitur?*

*Ex luxuriantis Venerea libidine.*

Et respondeo id non esse proprietatem luxuriæ, quoniam omnia vitia parentum cursu ordinario ad filios transeunt; nam quæ in lacte suguntur, mandari postea oblivioni non possunt: sicut enim adulteræ filia lascivæ sunt, sic infidelis & blasphemus sunt irreligiosi & heterodoxi; sic etiam gladiatoris sive grassatoris crudeles; sic denique latronis fures, & calumniatoris mendaces. Sicut vitia, sic etiam virtutes à parentibus ad filios transeunt. Poëta nescio quis.

*Nulla columbino de semine nascitur ales*

*Prædatrix, taurum nulla creavit ovio.*

*Jupiter Alcidem genuit fortissimus, atque*

*Cantorem genuit cantor Apollo Linon.*

### III.

Tria verò hic iterum occurrunt expendenda, primum quidem Actus, secundò prohibitio, tandem ipsum objectum. Actus describitur voce תנאף Tinaph. à verbo תנאף naaph quod propriè est adulterare, atque ita usurpatur Levit. 20. v. 10. Proverb. 6. v. 32. & cap. 8. v. 20. Job. 24. v. 15. & cap. 31. v. 1. Jer. 23. v. 9. cap. 23. v. 14. Osee. 4. v. 2. Ezechiel. 16. v. 38. cui affinis est Vox תנאף nuph, quæ notat agitare, atque usurpatur de Manu 2. Reg. 5. v. 11. Serra Esajæ 10. v. 15. de cultro Exod. 20. v. 25. Sic pro-

cax foemina dicit, *imbui lectum meum, agitando irroravi sive perfudi*, Proverb. 7. v. 17. quasi Voce  $\eta\text{NJ}$  indicaretur agitatio illicita organis ad illam adhibitis eidem servientibus, & quidem vel marito cum aliâ quæ non sit uxor illius, vel uxoris cum Viro, qui non maritus, cum Vox  $\text{זָנָה}$  Zanâh laxius usurpetur & notet scortari  $\mu\omicron\chi\epsilon\upsilon\epsilon\upsilon$ , passimque ita occurrat in Scripturis, Genes. 38. vers. 24. Osee. 2. cap. ... vers. 10. 18. Exod. 34. vers. 16. Levitic. 19. v. 29. 2. Chron. 21. v. 11. LXX. Interpretes habent vocem  $\mu\omicron\chi\epsilon\upsilon\epsilon\upsilon$ , quod quidam volunt deducere, à  $\mu\eta$  &  $\omicron\iota\chi\epsilon\upsilon$  ut sit exire foras, non manere domi, impudicè divagari, ut quidem de Adultera loquitur Salomon. Proverb. 7.  $\psi$ . 11. quod in domo non maneat pedes ejus, vide Martinium in Lexico. (Et hanc vocem constanter retinuerunt Matthæus cap. 19.  $\psi$ . 18. Marcus cap. 10.  $\psi$ . 19. & Paulus Rom. 13.  $\psi$ . 9.) alii  $\epsilon\upsilon\omicron\iota\chi\epsilon\upsilon$  quod sit *εἰσὶν* simile aut decens, quia hoc vitium *ἐκ ἐοικε*, non deceat, liberi dissimiles sint, & non ex eodem genere ad illum modum, quo cognominantur plantationes adulterinæ, Sap. 4.  $\psi$ . 3. Alii opinantur esse quasi à  $\mu\eta$  &  $\epsilon\chi\epsilon\upsilon$ , nihil habens, quia nihili habeatur ex adulterio natus, alii  $\delta\omicron\tau\iota$  τὰν  $\mu\omicron\chi\epsilon\upsilon\epsilon\upsilon$  à recessibus & abditis locis. Prohibitio indicatur voce  $\text{נָא}$ , quam supra expendimus, latè illa accipienda & ad omnes homines, tempora & casus extendenda, neque hic quisquam exemptus, inde Isidorus & Beda caveri docent hoc Præcepto, ne quisquam præter Matrimonii fœdus, aliis foeminis misceatur ad explendam libidinem, neque ullo tempore vel casu licita impuritas. Objectum denique est Homo, & quidem juxta verbi proprietatem vel conjux cum conjugata, vel solutus cum uxore, aut soluta cum Marito, vel solutus & soluta, quanquam etiam aliz fœditates circa proprium corpus vel ejusdem sexus vel diversi generis censendæ sint hic prohibitz.

## IV.

Ut ut a. vox  $\eta\text{NJ}$  notet *moerchari*, atq; errant illi, qui existimant illud etiam significare fornicari vel scortari, neque illis faveant loca supra adducta Jobi. 24.  $\psi$ . 15. Jer. 3.  $\psi$ . 19. sed prior de adultero agat, cum scortator non adeo quærat latebras ut adultera,



ra, posterior duo verba jungat, non tanquam *induravit*, sed tanquam generale & speciale observante B. Gerardo, & Noeph, sive adulter observet crepusculum maximum, & posita etiam Synonymia in loco Jeremiæ, non tamen concedendum, in hanc sententiam, quod voce *נאפח* Naaph, exprimat scortatio, ut observat Piscator apud Jobum. Non tamen propterea subscribendum est Oleastro, qui verbis hisce negat prohiberi fornicationem simplicem: non tantum enim Aben Esrade quolibet concubitu illicito hoc præceptum accepit, sed & Christus laxius verba hujus Præcepti explavit. Matth. 5. v. 27. vel Hugoni Grotio scribenti: Putat Abenesdra per vocem *נאפח* omnem venerem illicitam, etiam scortationem, significari. sed video ubique eam vocem apud Hebræos in solo sensu adulterii sumi, & sic translatum hoc aliisque locis à Græcis, Latinis, aliisque interpretibus. Verum est in lege Mosis vetari, ne scorta sint in populo Hebræo: prohiberi & incestus & conjugia cum falsorum deorum veneratricibus & quæ Veneris portenta sunt. sed nihil necesse fuit in tam brevi decalogo omnia crimina, quæ post interdenda erant, memorari, cum satis esset attingi ea, quæ aut pietatem aut societatem humanam maximè læderent. Sic non fit hic mentio inflictorum vulnerum, sed cædis, quod in genere nocuementi corporibus illati maximum est. Comprehenditur ergo propriè his vocibus & uxor, quæ alii quam marito sui usuram dat, & is qui alienam uxorem polluit. Uterque mortis damnantur Levitico xx. 10. quam pœnam in Romanum Imperium introduxere Christiani Principes Constans & Constantius, ut ex Codice Theodosiano apparet. Neque gravior æquo hæc pœna putanda est, si quis consideret ex conjugii nasci conservarique civitates, earum fundamenta convelli adulterio, conjugalem amorem in odium verti, supponi hæredes, domos totas impleri probris atque inimicitiiis, quæ sæpe & in pernitiem publicam erumpant. Nam primo Interpretes hætenus ita exposuerunt; ut sub hoc Præcepto comprehendi omnem impuritatem docuerint, quia Lex moralis ut in cæteris Præceptis est perfectissima, ita quoque in hoc se habebit, adeoque non tantum excludet Adulterium, sed omnem impuritatem, quæ purissimæ Menti adversa. Aut enim impuritas, quæ extra adulterium, est peccatum aut non, si prius, lege hæc erit pro-



prohibita, si non, impuritas non adversabitur sanctitati & puritati divinæ. quia secundò in Novo Testamento vis hujus Præcepti & sensus nativi amplitudo ita explicatur, ut facillè sit colligere, omni impuritati hic interdici. videantur loca Matth. 5. v. 28. cap. 19. v. 9: Rom. 12. v. 13. Eph. 5. v. 3. Colos. 3. v. 5. Quia tertio ipsa Scripturæ collatio hoc docet, Deut. 20. v. 20, 21, & seq. Gen. 6. si conferatur cum Levit 17. Num. 25. unde optimè Augustinus ex Analogia Præceptorum, si furti nomine benè intelligitur omnis illicita usurpatio rei alienæ, non enim rapicam permittit, qui furtum prohibuit, sed utique à parte totum intelligi voluit, quicquid illicitè rerum proximi aufertur, protectò & nomine Mœchiæ omnis illicitus concubitus, atque illorum membrorum non legitimus usus prohibitus debet intelligi.

## V.

Fixum itaque esto prohiberi omnem Impuritatem, tum quia, ex unâ specie reliquæ cognatæ intelliguntur. Nec maiore noster B. Chemnitius. Quia Decalogus intelligendus est juxta interpretationem traditam à Prophetis & Apostolis, manifestissimum est ex testimoniis Scripturæ, quorum quædam post ea recensebimus, omnes commixtiones extra conjugium in sexto præcepto prohiberi: nec tantum externa delicta, sed ipsas interiores flammæ libidinum accusari. Christus enim Matthæi 5. vers. 32. recensens præcepta secundæ tabulæ, adulterio conjungit scortationem. Sicut igitur in reliquis præceptis, sub una specie, quæ nominatur, reliqua peccata comprehenduntur: Ita in sexto non tantum de adulterio, in quod etiam Lege Julia severiter animadvertitur, disputandum est: sed discendum est, quomodo nos Deus in suo iudicio adulterii reos teneat, nisi facta fuerit remissio propter Filium Mediatorem.

## VI.

Adhibere autem voluit Deus hanc vocem juxta Lutherum, quia in Judaismo ita ordinatum, & præceptum fuit, ut quisque ductâ uxore Matrimonium contraheret, unde & juvenes maturè contraherent, ita ut Virginitatis status & cœlibat⁹, apud Judæos nullius haberetur momenti, sed neq; propalam visebatur aut concedebantur meretricum ac scortatorum lustra, ut hodie apud quosdâ solemne est, quamobrem adulteriū apud illos communissimum fuit.

fuit peccatum Impudicitiae, vel quia graviora crimina sæpè solet de scriptura ponere ad Majorem horrorem non exclusis cæteris, sed inclusis ut omnia illa reddantur adversa, quæ ad promotionem illorum faciunt, vel se illis quocunq; modo, assimulant, quo vergunt illa B. Chemnitii scribentis: Consideretur, quare Deus adulterii crimen potissimum in sexto præcepto voluerit nominare. Ostendit autem causam ipse Filius Dei. Matth. 5. v. 28. cùm inquit: Jam mœchatus est in corde: Deum scilicet hoc modo voluisse magnitudinem peccati ostendere: quòd sicut Lex Julia agnoscit, magnum flagitium esse crimen adulterii, & atroci pœna dignum: Ita coram judicio Dei censeretur etiam errantes flammæ libidinum. Et quia humana malitia solet vitiis luxuriæ molles & leues appellationes tribuere, Deus igitur illa omnia atroci appellatione adulterii accusat, ne nobis extenuationibus vel excusationibus blandiamur, sed nostram Immunditiem agnoscamus & deploremus: quæramus remissionem per Mediatorem, & Spiritu sancto mortificemus actiones carnis, ne regnet, Est & alia causa, quare Deus non aliquam aliam illegitimæ commixtionis speciem in sexto præcepto nominavit, sed usus est vocabulo significante violationem copulæ conjugalis. Quia enim hanc prohibet, ostendit se sancire, approbare & munire conjugium, usum, consuetudinem & copulam conjugalem. Et Deus illam vocem prohibentem violationem legitimi conjugii, suo digito in Decalogo voluit opponere doctrinæ Dæmoniorum damnanti nuptias. Ostendit enim, se non tantùm auctorem, verùm etiam defensorem esse conjugii. Hæ considerationes eruditè ostendunt synecdochen sexti præcepti. Vel secundum alios, quia Adulterium per se proximum negligit, & ideo expressum, cum secunda tabula directè respiciat proximum, ut omnis injuria ab eo removeatur.

## VII.

Prohibetur his præmissis Adulterium, quæ est carnalis commixtio personæ conjugatæ, cum altera, quæ illi non conjugata est, & contingit: si maritus commisceatur cum uxore alterius carnaliter quod gravissimum crimen, cujus exemplum habetur. 2. Sam. 11. v. 5. vel si persona ligata Uxor scil. commisceatur cum Viro cælibe, quod itidem grave, quia ita fetus alterius quandoque Marito supponitur, aut persona ligata maritus scil. rem habeat cum

calibe, de quo Paulus. 1. Cor. 7. *ψ*. 2. denique secundum quosdam, si persona soluta vel ligata rem habet cum desponsata vel etiam cum concubina vel Muliere, quæ absolute non est libera, qui casus recensetur, Deut. 22. *ψ*. 23, 24, 25, 26. Levit. 19. *ψ*. 20. Judic. 19. *ψ*. 1. & 2. Quantum hoc scelus sit, patet, quia pugnat cum DEI voluntate, instituentis hunc ordinem, *& derelinquet quisque Patrem suum & Matrem suam, & adharebit uxori suæ, eritque cum illa Caro.* Gen. 2. *ψ*. 23, 24. Matth. 19. *ψ*. 5, 6. interdicitur, Deut. 5. *ψ*. 18. Levit. 18. 20. Proverbior. 7. *ψ*. 5, 6. & seq. Dei carnis impetui consulentis & per Apostolum edicentis propter scortationem suam quisque uxorem habet, & proprium quæque Virum habet 1. Cor. 7. *ψ*. 2. adde Proverb. 5. *ψ*. 15. & 20. Quia secundo pugnat cum affectu uxore vel Marito debito, & studio proprii corporis conservandi, ut constat ex Malachiæ 2. *ψ*. 14. & 1. Cor. 6. *ψ*. 18. Quia denique pugnat cum bono & fine hominis, facit enim adulterium hominem obnoxium pœnis variis, de quibus, 2. Sam. 12. *ψ*. 9, 10, 11. Jerem. 5. *ψ*. 8, 9. Ezechiel. 32. *ψ*. 26. Capitale meretur supplicium, Levit. 20. *ψ*. 10. Deut. 22. *ψ*. 22. Denique æternam sibi accersit damnationem, teste Paulo, 1. Cor. 6. *ψ*. 9. Galat. 5. *ψ*. 19, 20, 21. Ebr. 13. *ψ*. 4.

## VIII.

Primæ Institutioni secundò adversatur Polygamia simultanea, Gen. 2. v. 23. & 24. ubi Eva ex costa Adami formata, ei connubio juncta est; atque edictum, ut etiam deinceps maritus & uxor essent in carnem unam. Illuc Christus provocat, Matth. XIX. 5. *Qui duo fuerant, erunt una caro.* Atque item Paulus, Eph. V. 31. non solum repetivit eadem: sed & similitudinem transtulit ad Ecclesiæ unionem cum Christo; & cujusque mariti officia sua circa uxorem suam inde deduxit, *ψ*. 32, 33. *Mysterium hoc magnum est: hoc autem ego dico respiciens in Christum & Ecclesiam. Itaq; & vos singuli, suam quique uxorem diligite ut seipsum.* Idem Paulus etiam disertè, 1. Cor. VII. 2. *Propter scortationes, suam quique uxorem habeto, & proprium quæque virum habeto.* Quibus verbis monogamiam præscribit, polygamie simultaneæ oppositam: addò ut non magis uni viro liceat plures mulieres in matrimonio habere, quàm uni mulieri plures viros. Ac porro *ψ* f. 4. *Uxor proprium corpus non habet in potestate, sed vir: similiter autem & vir proprium*

*primum corpus non habet in potestate, sed uxor.* Absurdissimum verò est, plurimisque incommodis obnoxium, si idem vir pluribus uxoribus tribuat potestatem in corpus suum; quod experientia multorum πολυγαμία docuit satis. Nec magis id licet viro, quàm mulieri licet pluribus viris potestatem sui corporis tribuere. adde quæ præscripta 1. Tim. 3. v. 2. Tit. 1. v. 6. & vestigium quoddam in Natura. Tertiò Fornicatio sive scortatio, quæ est illicita conjunctio duorum, sive viri & mulieris cōmixtio carnalis extra conjugium, quanquam verò scelus & flagitium non fuerit, adolescenti scortari in Gentilismo, imò secundum quosdam habita fuerit pro re indifferente, ut colligere volunt ex Actor. 18. v. 20. & lupanaria passim erecta publica fuerunt, notabile tamen vitium esse docet sacra pagina, ostendendo esse contra divinam voluntatem Levit. 19. v. 29. Deut. 23. v. 17. Eph. 5. v. 3. Coloss. 3. v. 5. Esse adversus imperatam sanctitatem. 1. Cor. 6. v. 15, 20. 1. Thess. 4. v. 3, & 4. Esse denique contra propriam utilitatem, DEUS enim irascitur istiusmodi impuris & impudicis, atque punit illos animi atque corporis morbis, secundum illud Syracidis. cap. 19. v. 2, 3. punit paupertate. Proverb. 5. v. 11. cap. 29. v. 3. Syrach 9. v. 6. Luc. 15. v. 12. Denique æternis flammis, quibus dignæ illæ ustiones istiusmodi libidinum. Incendio. 1. Cor. 6. v. 9, 10. Gal. 5. v. 19, 21. Ebr. 13. v. 4. Apoc. 21. v. 8. Et hæc est vel voluntaria citra vim ex libidinis Regimine, vel quæstiosa cum attentione ad lucrum, vel coacta sive cum vi quadam conjuncta.

## IX.

Quartò prohibetur stuprum, Virginis illicita defloratio, quæ in hoc differt à raptu quod hic vim dicat illam, quæ puella abripitur à Domo sua, stuprum autem dicat vim in integra, & potest raptus etiam locum habere in corrupta, stuprū verò est illibata, potest etiam raptus fieri citra violationem pudicitia, stuprum autem non sine illa, videatur Lex. Deut. 22. v. 25, 26, 27, 28, 29. ibidem casus proponuntur, unus de Virgine desponsata, alter de Virgine nullo vinculo obligatâ. Quintò ad hoc Præceptum referendus Concubinatus cum vir mulierem apud se retinet, & cum ea consuecit citra Matrimonium. Est hæc conjunctio, quamvis valde familiaris, à jure civili permissus, quid? Jure quoque Canonico parte primâ Decreti distinct. 34. Qui non habet uxorem, loco il-



lius concubinam liceat habere. Ac porro in nigro; Is qui non habet uxorem, & pro uxore concubinam habet, à communione non repellatur; tamen ut unius mulieris, aut uxoris, aut concubinæ, conjunctione sit contentus. Ita sc. post correctionem Gregorii XIII. cum prius in rubro extiterit; qui non habet uxorem, debet habere concubinam. Fœditas & turpitudine in oculis divinis, qui extra societatem, quam ille instituit, conjugalem omnem conjunctionem abominatur, videatur locus Rom. 7. *ψ*. 2, 3. 1. Cor. 7. *ψ*. 7, 9, 39.

X.

Pugnat etiam maximè sextò cum hoc Præcepto Incestus, qui Commixtio Viri & Mulieris consanguinitate vel etiam affinitate propinquiorum, quam ut liceat matrimonium cum illis contrahere, secundum DEI Ordinationem: quanquam verò & hic cæca fuerit Gentilium aliquot Ratio, atque Cornelius Nepos Cimoni non turpè fuisse asserat Atheniensium Viro summo Germanam in Matrimonio habere sororem, cum cives eodem uterentur instituto, apud alios quoque populos istiusmodi conjunctiones fuerint probatæ, & juncta nato Genitrix atque ita pietas geminato creverit amore, ut Poeta loquitur, detestandum tamen esse vitium docet interdictum Divinum. Lev. 18. *ψ*. 24, 25, 26, 27, 28. 29. c. 20. *ψ*. 22, 23. Deut. 22. *ψ*. 30. Secundò quia libidine expleta odiù ut plurimum sequitur 2. Sam. 13. v. 15. tertio quia hoc peccatū sequitur pœna & ultio divina, Amos. 2. *ψ*. 7. Ezech. 22. *ψ*. 10. 11. Lev. 20. *ψ*. 11. 14. Deut. 27. *ψ*. 20. Uti Exemplum Ruben docet, qui ob incestum hanc MALEDICTIONEM audit, *Ne crescas*, simulque jus primogenituræ amittit, Genes. 49. *ψ*. 4. Deut. 33. *ψ*. 6. Ammonis, qui etiam ob incestum miserè trucidatus fuit, 2. Sam. 13. *ψ*. 29. Sicut & Absolon, 2. Samuel. 18. v. 14.

XI.

De peccatis mutis præstaret silere, quàm loqui, nisi ipsa Scriptura hanc fœditatē denudaret, & informatio etiam hoc in puncto esset necessaria. Est autem inter illa quamvis incestum etiam quidam referant, sub hoc Genus, primo Peccatum Onaniticum, Gen. 38. *ψ*. 9. & Mollities de qua 1. Cor. 6. *ψ*. 9. Sodomia, Lev. 28. *ψ*. 22. Exemplum habemus Gen. 19. *ψ*. 5. 2. Act. 2. *ψ*. 67. Jud. 7. Ultimum nimis fœdum, de quo Jus Can. Caus. 32. q. 1. ex Aug. Adulterii malum vincit fornicationem, vincitur autem ab incestu, pejus



pejus est enim cū matre, quā cum alienā uxore concumbere, sed omnium horum est pessimum, quod contra Naturam fit. Id. l. 3. Confess. Flagitia, quæ sunt contra Naturam ubique & semper repudianda, qualia Sodomitarum fuerūt. Origo Sodomiz est luxus & delicia Ezech. 16. 34. Exempla recensentur, Genes. 19. 15. Jud. 19. 33. 23, 24. Rom. 1. 26, 27. Uti verò Deus Sodomiam punit pœnā temporali & æternā, Genes. 19. 24. Lev. 22. c. 20. 13. Ezech. 16. 49, 50. Sap. 10. 6, 7. 1. Cor. 6. 9, 10. Tim. 1. 9. ita Magistratus quoque pii est, flagitium hoc exemplo piorum Regum, 1. Regum. 24. c. 1. 5, 12. c. 22. 47. 2. Reg. 23. 7. abolere. ad Sodomiam referuntur omnes illegitimæ commixtiones, ut coire cum Jumentis seu quavis bestiā: quod interdictum, Exod. 22. 19. Levit. 18. 23. Levit. 20. v. 15, 16. Deut. 27. v. 21. *contra naturam quoque est coire cum Muliere menstruata, quod idem severè prohibitum,* Levit. 18, 19. cap. 20. v. 18. Ezech. 18. vers. 6. *numeratur ut pars iniustitia, si ad mulierem menstruata non accesserit.* Bestialitas de qua Levit. XVIII. 23, 24. *Cum nullo animali dabis coitum tuum; ne polluaris cum eo: neque mulier stabit ante animal, ut coeat cum eo: turpitude est. Ne polluamini in omnibus his: per hac enim omnia polluerunt se Gentes, quas ego eieciturus sum à facie vestra.* Exod. XXII. 19. *Quicumque concubuerit cum animali, moriendo morietur.* Levit. XX. 15, 16. *Siquis dederit coitum suum in brutum, moriendo morietur, & iumentum occidetis. Mulier autem, quæ accesserit ad aliquod animal adcoenandum cum eo, occides mulierem & animal: moriendo morientur; sanguis eorum super eos.* Denique congressus cum dæmone vel succubo vel incubo, de quo Augustinus lib. 15. deciv. DE I c. 23.

## XII.

Huc refer Vagas libidines, de quibus Scriptura: *Homo astuans libidine, est ut ignis ardens,* Syrach. 23. vers. 22. *quomodo homo potest abscondere ignem, &c.* Proverb. 6. 27. *Juvenis lascivienst transper plateas, &c.* Prov. 7. 8. *sedens in foribus,* Prov. 9. 14. *libidinoso qui visus cibis dulcis,* Syr. 23. 24. *filia parvum verecunda, &c.* Syr. 26. 13, 15. *Hæc qui vitare vult, fugiat mala Sodalitia, &c.* Fuge amicas, &c. ne capiant te illecebris suis, &c. Syr. 9. v. 3, 4. *inprimis virgines domos otiosa circumire non discant, &c.* 1. Timoth. 5. 13. *nec ad ducendas Choreas procedant,* Judic. 21.

20. Gen. 3. 41. *sed Sara Exemplum sequantur*, Tob. 3. 17. *Maria Virginis*, Luc. 1. 29. *Econtra invenies Josephi castitates imitentur*, Gen. 39. 8, 9. *Libido enim velut festuca est, citò accenditur, prope consumitur*, Ambrosius in quadam Epist. Sicut iniquum est a-  
viditate possidendi transgredi limitem agrorum: ita iniquum est libidine concumbendi subvertere limitem morum.

## XIII.

Non tantum autem peccatur ipso Opere, sed etiam gestibus & verbis. In gestibus quidem signis lasciviae variis, qualia sunt oculorum emissititii ignes, & optica stupra, dum aspicitur foemina, non illo quoque debere aspici oculo, sed accenso, impuro libidine contaminato, de quo Christus Matth. 5. v. 28. (videatur Lessius de Jure & Justitia, lib. 4. c. 3. dubio 80.) Gen. 39. v. 7. Ezech. 6. v. 9. Syr. 26. v. 11. 2. Petr. 2. v. 14. Oscula, de quibus Lessius, Amplexus & Tactus, de quibus nostri videantur Theologi: In verbis spurcities, turpiloquium, obscœnitas: in gestibus quævis signa lasciviae, oculorum concupiscentia, Syr. 26. v. 11, 12. *Fornicatio mulieris in oculis & palpebris agnoscitur. impudici amplexus & oscula.* Jerem. 5. 8. *Unusquisque ad uxorem proximi sui hinniebat.* Ambr. 1. Offic. cap. 18. Est autem in ipso motu, gestu, incessu, tenenda verecundia, Habitus enim mentis in corporis statu cernitur. Verborum obscœnitas fugienda, Eph. 4. 29, 30. cap. 5. 4, 6. Coloss. 3. 8. Deut. 25. v. 11, & 12. Ezech. 23. v. 38. 12. Furores hyppomannici, de quibus Jerem. 5. v. 8. In verbis verò turpia fugienda, secundum illud Ephes. 4. vers. 29, 30. cap. 5. vers. 4, 6. Coloss. 3. vers. 8. Basil. in Exam. Homil. 4. p. 45. Ludispectacula abundantia lascivis communis ac publica sunt scelerum officina: Et modulationes atque concentus, meretriciique cantus auditorum animis insidentes nihil aliud efficiunt, quàm ut turpitudinem omnibus persuadeant, Cytharædorum tibicinumque cantus imitantes.

## XIV.

Tandem adversatur huic præcepto impuritas cordis, ex quo tanquam scaturigine & radice Mali omnia peccata, & in primis etiam sordes illæ contra hoc præceptum, Matth. 15. v. 18.

## XV.

Ut autem hæc Præcepto divino obnituntur, atque sanctis-

Time

simæ Voluntati sunt contraria, ita quæ iniquitatis rationem habent appositam huic præcepto, huc referuntur à quamplurimis, qualia sunt vota cœlibatus in Papatu, quæ ex imperitia quadam eduntur, nondum maturo iudicio illa examinante, expendente & ponderante, de quibus Chamier & alii, nec non prohibitio Nuptiarum secundarum, quibus itidem laqueus injicitur conscientis, contra illud: *Mortuo enim viro mulier liberata est à Lege viri*, Roman. 7. vers. 3. *Nubat, cui vult*, 1. Corinth. 7. vers. 39. Et 1. Tim. 5. v. 14. *Volo iuniores viduas nubere*, &c. Exemplum memorabile Polygamias licitæ successivæ. Hieronymus Epistol. 1. ad Gerontiam refert: quòd tempore Damasi quædam viginti duos maritos, Romæ autem quidam viginti uxores habuerit: maritis istis & uxoribus mortuis, cum fœmina illa & vir ejusdem essent ætatis, matrimonium contraxisse, ita ut fœmina vigesimum tertium maritum, & vir ille vicesimam primam uxorem habuerit. Uxorem verò ante maritum mortuam esse: Hoc comperientes cives Romani, in funere accurrentes, dederunt marito viduo coronam à lauro contextam, & palmam in manus. Et tandem Verecundia præpostera cum scilicet pudet quosdam rerum etiam illarum, quæ tamen piæ & honestæ sunt: *Pudendo ergò etiam peccari potest*, Syr. 4. 24. *Sunt quos pudet rerum non pudendarum*, Syr. 42. v. 20. Utrumque igitur vitium fugiamus, nisi velimus DEUM, S. Angelos, & pios offendere, & in gravissimas incidere pœnas: *Absit à vobis turpitudo*, &c. Eph. 5. 4. *Sermoq; turpis*, Col. 3. v. 8. *Corrumpunt bonos mores & colloquia prava*, 1. Cor. 15. 33.

## XVI.

Virtutis præcepta in hoc verbo sunt Castitas, Verecundia, & Temperantia. Castitas in genere autem est virtus servans munditiem animi & corporis cum voluntate Dei congruentem, & vitans omnes libidines à Deo prohibitas, omnes concubitus illicitos, & commixtionem corporum inordinatam, & omnes earum cupiditates, occasiones, causas effectus, suspensiones, &c. tam in conjugio, quàm in vita cœlibe. Castitatem dici volunt à græco καὶζω, orno, quia est ornamentum totius hominis, & omnium aliarum virtutum. Nomen igitur κατ' ἐξοχήν huic virtuti est inditum, quia una est ex præcipuis virtutibus ad imaginem Dei, juxta illud:

Mens

*Mensest casta DEUS, casta vult mente vocari:*

*Et castas iussit pondus habere preces.*

Est a. duplex, cœlebs & conjugalis. Castitas cœlebs est virt<sup>9</sup> vitans omnes vagas libidines extra conjugium. Castitas conjugalis est in conjugio servante ordinem mirando Dei consilio institutum. 2. Verecundia est virtus abhorrens ab omni turpitudine, conjuncta cum pudore, dolore, & contristatione, vel ob præteritam turpitudinem, vel ob metum futuræ, & habens propositum fugiendi non ipsam tantum turpitudinem, sed & omnes ejus occasiones, argumenta & signa. Græcis vocatur αἰδώς pudor, quem Aristoteles in Ethnicis dicit esse φόβον τῆς αἰδοξίας. Requiritur ad castitatem tanquam adjumentum & causa, & effectus, & consequens & signum castitatis. 3. Temperantia est virtus servans modum naturæ honestati, & rectæ rationi, ordini item personarum, locorum & temporum convenientem, in rebus ad corpus pertinentibus, ac in cibo & potu, & horum appetitionibus. Hæc mater & dulcis nutricula est omnium aliarum virtutum, & castitatis causa est, sine qua non. Sine temperantia enim non possumus esse casti: *Cavete ne quando graventur corda vestra crapula & ebrietate, & curis huius vitæ. Et ne inebriemini vino, in quo est αἰσωλία, id est luxus & dissolutio. Ut interdum compositè ambulemus, non in commensationibus & ebrietatibus, non cubilibus ac proterviis, non lite & invidia: sed induimini Domino? Esi Christo, & carnis curam non habete ad explendas cupiditates.*

#### ERRORES PONTIFICIORUM.

Profunda sentina Impuritatum apud Doctores Pontificios In hac Materia, & forsan satius esse non movere Camarinam illam, quam foetorem ex illa concitare, nisi interesset scire, quantâ foeditate Papatus sit contaminatus, quàm multas & varias sordes hæc Religio despuat. Primò autem sunt, qui statuunt simplicem fornicationem non esse peccatum mortiferum, quia non impediatur bonam proles educationem, cum extra Matrimonium possit convenientius educatio proles haberi, conducto Pædagogo optimo, & quia non sit contra dilectionem DEI, neque contra proximi amorem. Ita Johannes de Magistris, & Durandus, imò Caramuel consueque progreditur, ut scribat: Mihî

Mihi tam clarum videtur, fornicationem secundum se nullam malitiam involvere, & solum esse malum, quia interdicta, ut contrarium omni rationi dissonum videatur. Addit quoque. Nulla ratione naturali ostendi posse, simplicem fornicationem esse malam. Rursus in Theologia fundamentalium. 1171. editionis Francofordianæ, ultrò agnoscit, contrariam sententiam esse Divi Thomæ, & totius Scholæ Thomisticæ; & nihilominus ibidem mox subdit: Cæterum stando nudæ rationi, non auderem hanc Divi Thomæ opinionem nominare probabilem: sunt enim objectiones nonnullæ, quibus respondere non scio; & inter alias hæc quæ sequitur: Fornicatio mortiferum peccatum est, etiam quæ à solutis commissa. At si staremus D. Thomæ principiis, deberet interdum esse licita: Ergo, &c. Secundò publici & notorii concubinarij non sunt hodie ipso facto de jure suspensi, & non sunt irregulares, si actum sacri ordinis exerceant, quia nullibi in jure expressum est publicos concubenarios esse ipso facto suspensos, secundum Suarez, Molinam, Gomezium, Sotum, Rodriguezium, Henriquezium, Ugolinum, Fagundezium, & alios plures ex Neotericis. Tertiò Judices seculares non possunt ex officio punire concubinatum, neque Concubinæ Clericorum, quoad punitionem subsunt Judicio seculari, quia infamia videtur in Clericos recidere, quorum delicta non sine gravi nota publicantur, atque ita sentiunt Abbas Jafon, Palatio. Quarto, Magistratus non peccat Lupanaria constituendo, quia potest permittere minus malum intuitu Majoris: ita Bellarminus, Navarrus. Quintò inordinatus concubitus cum uxore non est peccatum mortale, ita Toletus, Navarrus, Tannerus, & alij. Copula cum conjugata consentiente Marito non est adulterium, adeoque sufficit in confessione dicere, se esse fornicatum: ita illi, articuli, quos examinat Academia Lovanienfis. Quem errorem jam olim Apostolus jugulavit dicendo: *Qua sub viro est mulier, vivente viro, alligata est legi: si autem mortuum fuerit vir eius, soluta est à lege viri. Igitur vivente viro, vocabitur ADULTERA, si fuerit cum alio viro, si autem mortuum fuerit vir eius, liberata est à lege viri, ne non sit adultera si fuerit cum alio viro.* Sextò, non est Sodomia cum vir cum propria femina rem habet in præpostero vase, *II. Pars Specialis.* O quia



quia Sodomia tantum datur inter duos viros, ita Fagundez, Sotus, Lopez, Gratius, Antoninus, & alii. Septimò, Fœmina cum altera fœmina ita congregiendi, ut Masculi gerat vices, & effusio seminis intra vas naturale sequatur, non incidit in reservatum Sodomiae casum, quia inter personas ejusdem sexus quidem geritur, sed tamen ita ut servetur vas, ita Mazechel de casibus reservatis, Diana part. 7. tract. 12. resol. 11. Octavò, Commixtio cum consanguinea uxore in Matrimonio tantum rato, & non consummato, non est incestus necessariò in confessione explicandus, quia affinitas in foro conscientiae non oritur nisi ex Matrimonio verà copulà consummato, ita Sanchez, Ledesna, Henriquez, Toletus, Fagundez. Nono, Papa dispensare potest in quibusdam gradibus consanguinitatis & Affinitatis. Ita Bellarm. & alii. Decimò excusamus fratrem habitantem juxta morem patrium in eadem domo parentum cum sorore; licet habitatio sit illis fortè causa peccandi: quia ejusmodi occasio, quamvis extrinseca, non est voluntariè assumpta. Ita Tamburin. & alii. Undecimò, licitum est desiderare pollutionem, ita Mallet. scribens: Ob sanitatem, vel alium finem honestum licitum esse desiderare pollutionem, v. gr. causa sanitatis, sedandæ tentationis, obtinendæ tranquillitatis animæ, &c. Ita Navarr. c. 16. num. 7. Toletus, lib. 5. cap. 13. Angelus verbo pollutio, n. 2. & alii. Ratio est, quia, quod hic desideratur, non est peccatum, sed per se indifferens, desideratur enim, ut fiat via naturali, per causas naturales à natura constitutas, sine omni libera cooperatione, & finis ob quem desideratur est bonus, & verè optabilis; ergo in tali desiderio nullum est peccatum. Dodecimò voluptates sensuum licitè possunt appeti propter se, & finis solius delectationis in conjugatis nè veniale quidem est peccatum, sicut nec pulchrum prospectare campum, fragrantem Rosam odoratui admove, ob voluptatem summam Melodiæ aures liberas dare; ita Sanctius & Socii. Decimò Tertiò, Famuli comitantes Dominum noctu vel die ad domum concubinæ, qui sine eorum societate eò non iret, vel ferunt internuncia vel literas, vel referunt hinc inde horam ad peccandum, vel faciunt excubias vel custodiam, dum simul cum concubina vel altera committit peccatum, absolvi non possunt, si consentiant in peccatum domino-

rum

sum, secus, si id fieret propter temporalem comoditatem, ita Tambur. lib. 5. c. 1. n. 4. §. 18. p. 31. Decimò Quartò, Multa sexto Decalogi Præcepto interdicta reperiuntur, quæ præcisa à præcepto non solum dicuntur indifferentia, sed & bona, inter quæ commixtiones carnales vetitæ, Levitic. 18. Ita Caramuel. Decimò Quintò, Mollities est seminis effusio voluntaria, & & si mala debet constare hominibus de ipsius Malitia, sed quid semen sit, adhuc Doctores certant, & sub Judice lis est. Aliqui sudorem, alii spumam, nonnulli lac, plerique sanguinem esse contendunt: & tamen esse contra ipsam naturam sudorem, spumam, sanguinem, lac, & similia corporis nutrimenta vel excrementa, ex rationabili causa, decidere, nullus Dialecticus probare poterit. Ita Caramuel. Decimò Sextò, licitum est quæ rere directè occasionem proximam peccandi pro Bono spirituali aut temporali nostri vel proximi, nec quisquam tenetur occasionem proximam peccandi vitare cum magno suo detrimento, unde nec concubinarium teneri dimittere concubinam, quæ ipsi nimis utilis est, ad lucrandum Bona temporalia, media negotiatione, vel etiam ad oblectamentum concubinarij vulgo REGALO, dum deficiente illa curis ægrè ageret vitam, & aliz Epulæ magno rædio afficerent concubinarium, & alia famula ad id nimis difficilis inveniretur. Ita Articulus unus ex illis, qui exhibiti Academia Lovaniensi, & ab illâ examinati. Decimò Septimò, Clericus habens rem cum fœmina in vase præpostero non incurrit pœnas Bullæ Pii Quinti contra Clericos Sodomitas, quia Sodomia est peccatum contra sexum & debitum instrumentum, ita Azorius, Florenus, Tannerus, Valentia, & alij. Decimò Octavò, Clericus crimen Sodomiz bis aut ter perpetrans non incurrit pœnas præfatæ Bullæ, quia Pontifex in Bulla illâ infligit pœnas Clericis Sodomiam exercentibus, in Jure verò intelliguntur hi, qui aliquid frequenti usu efficiunt, secundum Azorium, Navarram, Avilam, Filliucium, & alios. Decimò Nonò, Clericus Bestialitatem perpetrans non incurrit Bullæ Pii pœnas, quia Lex pœnalis minimè extendenda ad casum non expressum, ita Sanchez, Henriquez, Garcia, Castro, Diana, Barbosa. Vigestimò, Ut delectatio morosa sit peccatum mortale,

non sufficit, quod quis animadvertat, rem esse prohibitam, nec moraliter illicitam, quia tunc datur peccatum mortale, cum ratio advertit, delectationem esse mortalem, ita Victoria, Corduba, Angelus, & alii. Vigesimo Primò, Delectatio morosa & Consensus deliberatus voluntatis habitus de cogitatione seu de speculatione operismali non est lethale peccatum, quia delectatio sumit totam suam malitiam, deformitatem atque peccatum ab Objecto, sed objectum delectationis hujusce cogitationis est speculatio, seu potius cogitatio quædam subtilis & ingeniosa, in qua subtilitate nullum est peccatum, juxta Sylvestrum, Cajetanum, Valentiam, Azorium, Cordubam, Fagundezium. Vigesimo Secundò, Non est lethale peccatum negativè se habere circa delectationem morosam, & non positivè resistere, quia cessat periculum consentiendi, ita Navarra, Cajetanus, Rosella, Amella, Corduba, Toletus, Fagundez, Sanchez, & alii. Vigesimo Tertiò, non est lethalis culpa Desiderium & consensus conditionalis intensus, quo quis vult adulterium committere, si ei esset licitum, quia cum conditio sumatur ex parte voluntatis, ea adjecta tota peccandi voluntas excluditur, ita Cajetanus, Fumus, Sa, Alcoz, Mauel, & alii. Vigesimo Quarò, Non nisi veniale est, etiam absque utilitate se cibo & potu usque ad vomitum ingurgitare, nisi ex hujusmodi vomitibus gravia valetudini incommoda oriantur. Ita unus ex articulis Academiæ Lovaniensi exhibitus. Plura qui desiderat in hac materia, adeat Pontificios Doctores, inter quos Præcipui, Burckhardus, Thomas Sanchez in grandi illo Opere de Matrimonio, Johannes Caramuel in Theologia Fundamentali à pagina 563. usque ad paginam 615.

## XVII.

Quid verò sentiendum de istiusmodi Effatis, quæ tantam Mephitin impuritatis exhalant, Primum de simplici fornicatione impium est. Fornicatio enim pugnat cum lege divina, cum virtute Temperantiæ, cum fine quem DEUS intendit, qui est conjunctio maris & foeminæ, unde etiam hæc sententia destruitur

struitur ab ipsis Pontificiis aliis, Thomâ, Cajetanô, Lessiô, Azone, & aliis. Caramuelem autem egregiè exercet & confutat Socius Religionis. Secundum, publici & notorii concubinariï si non sunt suspensi hodie ipso factô, de jure indulgentiæ erit papalis & illius character, qui ad vitia connivere solet, quanquam suspensos esse & irregulares si celebrent, aut alium ordinis sacri actum exerceant, doceat Jus canonicum Declaratio Concilii Tridentini ad cap. 14. sess. 21. quæ ita legitur: Clerici concubinariï sunt etiam hodie, si notorii sunt ipso jure suspensi à divinis, prout etiam in Veteri Jure sunt, & hanc sententiam tenent atque defendunt, contra alios Franciscus Toletus, Ludovicus Lopez, Vega, Azorius, Farinacius. Tertium Magistratus Authoritatem vellicat, & falsum supponit, quasi Clerici, & quicquid illis adhæret laciniarum, sive lixarum, concubinarum & cæterarum, non subsint Politicæ Potestati, præterea legibus Romanorum, totius Hispaniæ, Galliæ &c. in concubinas pœnæ decretæ sunt, & omni juris fundamento careat denegare secularibus Judicibus potestatem puniendi, temporale crimen in persona sæculari commissum, unde etiam contra hanc sententiam disputat Fagundez & Escobar de Mendoza. Quartum pugnat disertè cum lege divina, Deut. 23. v. 17. ubi omnis illa Venus publica prohibita; Secundò nunquam sunt facienda mala, ut eveniant bona nunquam alendæ lupæ ne ineantur agnæ. tertio ipsi Pontificii quoque agnoscunt, oppositum magis esse ex ratione sanâ & voluntate divina, videatur Planctus Ecclesiæ. Quintum inordinato concubituï subserviens licentiam facit peccatis, quod si enim non est peccatum mortale illa *draçlia*, quam faciliè erit laxare fræna libidini, & illi hic succumbere, violare thori sanctitatem & sacrilegum sese in illo exhibere, secundò quî non sit peccatum illud quod est inordinatum contra ordinem scilicet naturalem & institutionem divinam? denique ipsi saniores ex Pontificiis hic agnoscunt oppositum esse tutius, proinde sequendum. Sextum, nititur primò falsa hypothesi, quasi illa tantum esset inter duos viros, cum præposita Venus etiam in conjunctione Maris & fœminæ illo titulo

sit exprimenda, & omnia hic accendant, quæ in Sodomia ex-  
 cepta sexus identitate. Præterea quia Sodomia est divortii  
 causa, sive sit activa sive sit passiva, &c.. Septimum falsâ hy-  
 pothesi nititur, quasi scilicet in tali casu non sit propria So-  
 domia, quia servatur vas, cum tamen sit inter personas e-  
 jusdem sexus, secundò talis Coitus planè innaturalis est, &  
 cum sexu indebito quì itaq; non veniat Sodomix accensendus;  
 inde etiam Lupus tales in reservatum Sodomix casum incide-  
 re affirmat de casibus reserv. part. 2. casu 10. num. 114. cum  
 quo conspirant etiam alii. Octavum de copula cum nondum con-  
 jugata egregiè refutatur à Socio. Pugnat enim cum Matrimonii  
 natura, quod si ratum à Sociis utut non consummatum, cen-  
 setur esse Matrimonium in oculis divinis, unde etiam Scri-  
 ptura hunc modum loquendi usurpat, ut Sponsas Uxores &  
 vicissim appellet. Secundò etiam in Papatu docetur ex Ma-  
 trimonio rato non consummato affinitatem oriri, & tandem  
 huc collimant Thomas, Sotus & Sylvester. Nonum Characte-  
 rem AntiChristi prodit, hoc enim est se efferre supra DEUM,  
 dispensare se. velle in legibus superioribus, hoc est, terminos hu-  
 manæ potestatis transilire, talia concedere, quæ DEUS prohi-  
 buit. Maluit caput suum submittere carnifici, jugulum gladio  
 Johannes Baptista, quam probare incestuosas Herodis cum fra-  
 tris uxore nuptias, unde etiam ex ipsis Pontificiis quibusdam  
 fuerunt, quibus displicuit illius desponsationis exercitium..  
 Decimum, laxat conscientiam contra Scripturam, rectam ratio-  
 nem, & Theologorum auctoritatem. contra Scripturam; quæ  
 vult, ut occasionem peccandi declinemus, abstineamus ab o-  
 mnī specie mali; rectam rationem, quæ enim ejusmodi occa-  
 sio non sit voluntariè assumpta & continuata? Theologorum  
 auctoritatem, quibus displicet illa Tamborini audacia. Un-  
 decimum, ipsa sceditate inhörrescit, & quantum quantum est,  
 putidum est. Impium est dicere, licitum esse desiderare pol-  
 lutionem, ob sanitatem vel aliū honestū finem, cum nun-  
 quam sint facienda mala, ut eveniant Bona, alia etiam in  
 promptuario Scripturæ sint remedia præscripta, alia ab ipso  
 Drexelio in Niceta suggesta: falsum enim est, pollutionem esse

ex



ex se rem indifferentem, cum ipsa vox aliud indicet, Moralitatis ratio oppositum evincat, quam sordidū verò illa non teneri aliquem, nec sub veniali in plena vigilia, in qua potest effusionem reprimere, id præstare, quod tamen non displicuit Emanueli Sà, Filliucio, Grassio, Cordubæ, Fagundezio, & aliis, scilicet non est pugnandum contra tentationes carnis, sed ad primum impetum arma sunt abjicienda? non reprimenda sunt libidinum incentiva, cum tamen facultas adest & vires desuper datæ; quam crudum illud mortale non esse deliberatè desiderare in vigilia, ut tibi vel alteri pollutio eveniat in somno ob finem aliquem bonum, quod tamen asserit Angelus, Sà, Sylvester, Fagundez, Toletus, Vasquez, Filliucius, Sanchez. quam impium illud pollutionem etiam ex verbis impudicis, turpibus cogitationibus & tactibus in somniiseventuram non esse mortale peccatum, quod Sancius defendit, quem alii quoque sequuntur. Duodecimum castigat Sinnichius graviter, Decimum tertium illos absolvit à peccato, qui tamen Moraliter concurrunt & participant, secundò ponit conditionem consensus, qui tamen præsumitur ex concursu & actu Ministerio, elevat gravitatem peccati, imò negat peccatum esse sicubi fiat propter temporalem commoditatem scilicet DEUS, illius Timor & Reverentia postponenda est temporali commoditati, & quod ad mala concurrit ex hac causa non peccat, non delinquit. In Decimum quartum prolixè declamitat contra Caramuelem strictioris Conscientiæ Doctor. Decimum quintum retundit masculè Laxitatum ille Domitor. Decimum sextum examinat iterum laudat<sup>9</sup> Hibernus §. cxxx. p. 447. 498. Decimum septimum patrocinator Clericis, supponendo falsum, quasi talis concubitus non esset Sodomia, cum tamen sit verè & propriè hujus speciei peccatum, unde etiam sub hoc genus criminis referunt Sayrus, Garzia, Quaranta, Riccius, Gambacurta & Homobonus. Decimum octavum iterum veniam facit Clericis Sodomitis, & supponit falsissimum, quasi ille demum esset Sodomita, qui frequenter se contaminat hoc actu, ut Artifex, vel Mercator non dicitur Artifex vel Mercator, qui se-

qui semel vel iterum artificii vel Mercaturæ exercet actionem, sed qui solido exercet, ut vulgi opinione pro artifice aut Mercatore habeatur. quia secundo si Laici sunt Juris pœnis obnoxii, citra criminis frequentiam, cur non Clerici, denique, quamvis Pontifex utatur verbo exercent in Bulla, tamen secundum Pontificios ipsos in Canonicis decretis tam exacta verborum proprietates non observari assolet. quicquid itaque dicatur, arguitur Papatus, si vox exercentes strictè usurpatur de frequentationibus actus hosce, impietas & Mollities Pontificis dispalescit, si adeò latè accipiatur patet Impietas Moralistarum supra adductorum, qui non nisi posita actuum frequentia ad artificium usque Sodomiz volunt reos esse istiusmodi Clericos, in contrarium tamen nituntur Azevedo, Cevallos, Salzedo, Aldrete, Ledesma, & alii. Decimum nonum iterum effugia querit in Bulla Clericis impuris & flamma dignis, nam annon lex pœnalis de casu ad casum extenditur, quando eadem ratio militat, & ita definiunt Riccius, Homobonus, Ledesma, Vega, Manuel, Quaranta, & alii. Vigésimum ex Theologia illa est profectum, ubi veniale putatur quod divinæ voluntati revelatæ adversatur, sufficere itidem, ipsi Pontificii docent, quia ubi quis specialiter non judicat, rem esse venialiter tantum malam, mortaliter peccabit, si in ea re illicità delectatur, hinc contrariæ subscribunt sententiæ Zumella, Sanchez, Vasquez, Fagundez. Vigésimum primū, de delectatione morosa falsā nititur hypothese, refutatur ab ipsis Pontificiis, quia delectatio cogitationis speculativæ alicujus operis & peccati mortalis necessario involvit delectationem, & consensum ipsius mali operis, & ita sentiunt Thomas, Cajetanus, Bonaventura, Scotus, & alii. Vigésimum secundum sufflammat in Cursum pietatis, in lucta contra vitia, etiam ex quorundam Pontificiorum sententia lethale peccatum est, idque ideò, quia tam liberum & voluntarium videtur respectu peccati non reprimere illos appetitus sensitivi motus, quos ratio plenè ac perfectè advertit: ac perfectè in illis consentire: Ergo idem est, tunc illos non reprimere, aut causam illorum antecedenter non reji-

ecce

cere, ac in illis consentire. Verum, qui non repellit libidinis causam, in qua periculum consentiendi inest, cum possit, tacite, ac implicite videtur exhibere consensum: Atqui hoc periculum semper in tali causa inest, quamvis homo habeat propositum formale non consentiendi, semper enim ea turpis commotio cogitatioque de se attrahit appetitum, & animum ad consentiendum? Ergo qui hanc causam & periculum expresse non rejicit, implicite illud vult, ac proinde lethaliter peccat; nam, qui amat periculum, illo peribit. Sic Valent. 2. 2. d. 6. quæst. 4. punct. 3. Sayr. in Clavilib. 8. cap. 7. num. 3. Zumel. 1. 2. q. 74. art. 8. d. 2. Vasq. 1. 2. tom. 1. d. 108. c. 2. & alii recentiores, quæ contraria opinio improbabilis videtur. Unde etiam concedunt in hanc sententiam Valentia, Sayrus, Zumell, Vasquez & alii ex modernis. Vigessimum tertium in memoriam revocat illud, quam vellem si liceret, & ex carnis sensu responderet, an nescis te superiore esse lege divinâ, leges dare, à DEO non accipere? Secundò etiam ex Papistarum Principiis turpis illa actio est intrinsece mala, unde absque sua malitia cognosci nequit: Ergo nec amari, ac desiderari; nihil enim volitum, quin præcognitum. Quare conditio illa negans eis hanc malitiam, contradictionem involvit. Neque obstat, quod illa conditio habeatur ex parte voluntatis; quia voluntas non potest efficaci desiderio velle rem illam, nisi ut ab intellectu valeat cognosci: nunquam autem dignosci potest ab intellectu absque sua mala intrinseca natura: Ergo etiam si habeat se ex parte voluntatis non excludet ab ea peccatum inefficaci volitione. Ita Sanch. Decalog. t. 1. cap. 2. num. 23. Adrian. quodlib. 10. art. 2. conclus. Fagundez. Decalog. libr. 9. cap. 3. num. 3. Azor. tom. 1. libr. 4. cap. 6. quæst. 10. Viderunt hoc in tenebris suæ Religionis Sanchez, Adrianus, Fagundez, Azorius & alii. Vigessimum quartum examinavit Sinnichius, & ita conclusit ex hætenus toto isto capite ac præcedente deductis: obvie cernitur, quam recte à Schola Theologica Lovaniensi reprobatus fuerit Articulus iste, ordine vigesimus primus inter viginti sex sibi per Episcopum Gandavensem Anno 1657. propositos: *Non nisi veniale est, etiam absque utilitate, se cibo & potu usque ad vomitum ingurgitare; nisi ex hujusmodi vomitibus gravia valetudini incommoda oriantur.* Quem Articulum denuo Episcopus Namurcensis Anno 1659. synodaliter proscripsit, ordine penultimum inter septemdecim, quos tanquam novos, periculosos, & salutis animarum destructivos, à sua diocesi eliminandos

censuit. Lovanienſis porro Censura ejuſdem Articuli ſic ſonat : Scandalosa aſſertio , & falſa in ſua generalitate , ac laxans habenas potatoriſ-  
bus ad ſe liberaliter ingurgitandum & inebriandum.

## XVIII.

## ERRORES CALVINIANORUM.

Rigidiores juſto ſunt hic quoque Calviniani , qui primò proſcri-  
bunt omnes Choreas , de quo videndi Arezius , Perkinſus , Ameſius.  
Secundò , ludos & Comœdias ſimpliciter improbando , de quibus vi-  
dendi Rivetus & Ameſius.

## ARMINIANORUM.

Errant Arminiani primò , dum ſtatuunt , præceptum de non mœ-  
chando non ſe extendiſſe adeo , ut Polygamiam etiam veritam eſſe eò  
lege cenſeri debuerit , ut habet Apologia Remonſtrantium. Secundò ,  
præceptum iſtud eò ſe extendiſſe , ut divortium ob aliam nullam cau-  
ſam , quam ob adulterium , comprehenderit , prout iſtud nunc accipien-  
dum in Novo Teſtamento.

## ANABAPTISTARUM.

Hi ſtatuunt primò Legem Moralem fuiſſe imperſectam in V. T.  
quia induliſſet divortium , Repudium & Polygamiam. Secundò ſta-  
tuunt , quando Moſes vetat committere adulterium , adjeſſiſſe Chriſtum ,  
non aſpiciendam eſſe Mulierem. Tertiò ſtatuunt , Maritum fidelem  
ab uxore , & uxorem fidelem à Marito apoſtata debere ac teneri ſe ab-  
ſtinere , donec conjux Apoſtata ſe convertat ad preces , quibus à DEO  
& Eccleſia impetret peccatorum remiſſionem , & ſcandali dati aboli-  
tionem.

## PHOTINIANORUM.

Photiniani accuſant quoque imperſectionis hoc præceptum. Ita-  
erim Catechiſmus Rakoviensis quaſt. 92. Quid verò eſt ſeptimum  
Mandatum ? & Non machaberis. Quaſt 93 Quid huic addidit Do-  
minus J. ſus ? &c. Primum ne uiceamur , non ſolum reipſâ , verum etiam ,  
per mulierem , ita ut eam concupiſcamus , aſpiciamus ; id inveni-  
ens , eum ,

qu  
i

qui eam concupiscat in corde suo, adulterium patravisse. Præterea idem addidit, eum, qui uxorem exceptâ causa adulterii dimittat, & aliam ducat, mœchari, & qui etiam dimissam duxerit, eum pariter mœchari. Postremò omnem scortationem & impuritatem; ac etiam omnem sermonem turpem, & obscœnum, & scurrilitatem, & jocos nobis interdixit: Paria leguntur apud Smalcium de præceptis. Copiosè verò illa exponit Volkelius lib. 4. de Relig. cap. 7. pag. 108.

XIX.

Gatechismi Rakovienfis commentum discutit Lux Scripturæ, divinæ veritatis radius. Nam primò nullum est additamentum illud de non aspicienda muliere, ut eam concupiscamus, sed Legis divinæ Exegesis opposita non Mosis, sed Pharisæis cæcis & cæcorum Ductoribus. Secundò, annon ut DEUS diligendus ex toto corde, ex tota anima, & ex tota fortitudine, ita quoque diligendus est proximus? Dicitur enim Levit. 19. v. 18. *Diliges proximum tuum, sicut teipsum*, quod Christus dicit Mandato primo esse simile: at qui potest dici illum diligere DEUM ex toto corde, & ex tota anima, & totâ fortitudine suâ, qui intus ardet amore impuro, castissimæ Menti adverso, qui diligere proximum ut seipsum, qui cogitat id facere, quod proximum lædit, quod sibi fieri non vellet, si illius esset loco? Tertiò, posito, quod in hoc præcepto, *Non mœchaberis*, non exclusa esset concupiscentia, quod tamen falsum esse constat ex ipsa hujus præcepti præmissâ Exegesi, nihilominus non esset additamentum illud Christi Matth. 5. cum apertè dixerit DEUS: *Non concupisces uxorem proximi tui*, Exod. 20. v. 17. Deut. 5. v. 25. De quo ita Soc. in Explic. cap. 5. Matth. pag. 88. Sanè jam in ipsa Mosis Legenon expressè vetitum erat, alterius uxorem concupiscere. Quare si id modò Christus dicere voluisset, nec quidquam novi dixisset, &c. pag. 89. Moles, quamvis cupiditatem istam disertè prohibeat, &c. Cui adjunge Deuter. 27. v. 26. *Maledictus, qui non permanet in omnibus, quæ scripta sunt in libro Legis hujus*. Habes hic 1. generalem interdictionem. 2. Pœnam divinam, mortem æternam. Et quamvis non vocetur hæc concupiscentia totidem literarum apicibus & syllabis **A**DULTERIUM, tamen quia æternâ morte DEUS dignam judicat, & severissimè clarissimis verbis in Decalogo interdicit, quis dubitet etiam in V. Test. DEUM concupiscentiam, quâ quis internis motibus



realiter alteram adulerare constituit, & omnimodo desiderat alteram comprimere, si modò succederet, non aliter habuisse, quàm si verè corde adulteratus fuisset, cum & ipse Smalcus in V. T. internum adulterium agnoscat, contra Frantz. pag. 247. Secundò, illud additamentum de uxore non dimittenda, n si in casu adulteri, iterum confectum est, debuisset nim. etiam hoc observari in V. T. utpote confirmante primæ v. Conjugii institutioni. Secundò, num non Malachias contestatus fuit displicentiam Divinam, num non ad Legem Moysis revocavit, cap. 2. v. 14. 15. 16. & cap. 4. v. 4. Tertiò, Constitutio Mosaica de libello Repudii, Deuter. 24. vers. 1. non fuit nisi indultum politicum ob *εκληροκαρδίας* Judaicam, unde ipse Christus negat Moysen præcepisse, qualibet ex causa dare libellum repudii, sed permisisse tantum, ipsa Verborum Structura hoc docet, quæ ita concepta, *cum quis duxerit uxorem*, &c. Deuter. 24. v. 12. 34. ipsum Abarbarnelis T. Simonium, de quo alibi. Tercium, adjectum itidem nullum est, siquidem DEUS etiam in Veteri Testamento omnia incitamenta libidinum improbat, Proverb. 2. vers. 16. cap. 6. v. 26. cap. 7. v. 7. & 13. Secundò, cur DEUS tam graviter punivit scortationem, de quo 1. Cor. 10. v. 3. si non peccarunt contra Legem de non trahendo. Tertiò, annon expressa Lex Deut. 23. v. 17. Levit. 19. 29 Turpiloquium & obscenitatem quod attinet, quamvis non totidem literis prohibeatur, tamen excluditur quoad sensum. DEUS namque studiosè declinavit legum prolixitatem, & tanto artificio interim breviter concinnavit, ut cuiusvis plebejo sensato facilimum fuerit, metiendo dies noctesque legem DEI, ex uno casu colligere reliquos, & ita ad plenam legis cognitionem pervenire. Prohibetur ergò, quoad sensum Deut. 6. v. 13. *Diliges Dominum DEVM tuum ex toto corde tuo, & ex tota anima tua, & ex tota fortitudine*, Levit. 19. v. 18. *Dilige proximum tuum sicut teipsum*, Levit. 11. v. 44. cap. 19. v. 2. cap. 20. v. 7. *Sanctificote, quoniam ego sanctus sum, Dominus DEVS vester*. Jam, qui turpibus & obscenis gestibus, verbis, & moribus utuntur, illi utique DEVM non toto corde, anima, & viribus, reverentur & colunt, quem sciunt esse Spiritum castissimum & purissimum, Judica, si cogitasset aliquis, qui delectatus fuit istis obscenitatibus, DEVM ignem consumentem, & fortem zolotem, Majestatem ineffabiliter sanctam, castam, puram adstare, omnia turpiloquia audire, gestus obscenos videre, & omnibus actionibus interesse, judi-

judica, an exerciturus fuisset suos ludos & jocos? Non certè arbitror. Ergò dum exercuit, DEUM non toto corde, non totà animà, non omnibus viribus reveritus est & coluit, & sic hoc præcepto illi inordinatè joci & ludi tolluntur, & prohibentur. Sic, qui debet sanctus esse, sicut DEUS est (explicante ita Petro 1. Epist. cap. 1. v. 15.) illi utique obli. cœna verba interdiciuntur, à quibus DEUS maximè abhorret, & hinc congressum conjugalem, Gen. 4. vers. 1. & excretionem naturæ, 2. Sam. 24. v. 4. admodum pudibundè effert. Denique, qui joci & ludis del. &atur, & utitur impudiciis & obscœnis, proximum non, sicut debebat, diligit, quippe, quem vel hâc ratione ad idem exercitium deducit, & ita turpissimè seducit, occasionem ad majora facinora subministrando, vel scandalum ei præbet. Ergò illis præceptis etiam in Vet. Test. severè fuerunt interdictæ obscœnitates, turpiloquia, & urbanitates illicite.

## XX.

Smalcius nihil novi prodit, quod non discussum in antecedentibus; de jejuniis verò, quod adjicit, nullius est momenti.

## XXI.

In Volkelio primò non probamus, quod dicit, scelus hoc duplici modo secundum prisca fœderis rationem fuisse commissum, & imparem fuisse tunc Viri & Uxoris conditionem, nam & pariter hoc scelus hodie committitur in foro soli, & etiam in Veteri Testamento non licebat marito vel stuprum inferre vel scortari ut hodie, quod vero Vir habebat concubinas, uxor autem ad unum fuerit adstricta Virum, id quidem ex parte uxoris eâ de causa factum, quia alias facile suppositi fuissent alieni partus, & maritus in currucam transformatus, aliâ quantum ad fidem conjugalem debuit esse utrinque par conditio, neque vel uxori vel marito illam violare licebat, de Polygamiâ autem quod addit, ad id Respondemus cum Christo ex Matth. 19. v. 4. Annon legistis, quod is, qui fecit ab initio, masculum & fœminam fecit eos? v. 5. Et dicit: propterea deseret homo patrem ac matrem, & agglutinabitur Uxori suæ, & erunt Duo in carnem unam, v. 6. itaque jam non sunt Duo, sed una caro. Ergo & in Veteri Testamento tantum Duo juxta legem & institutionem divinam debebant esse in carne una, quod Smalc. p. 253. etiam de vo-

etiam in causa illa prima, desideria non posse dici voluntaria. Quintò, quæ de commestationibus interdictis proponit, ea & in Veteri Testamento locum habuerunt, si enim omnia illa prohibita fuerunt, quæ faciebant ad libidinum incendia, etiam commestationes & ingurgitationes fuisse interdictas dextere colligitur, si ipsi gentiles viderunt fomenta ex commestationibus subministrari & ventrem plenum despumare, si DEUS ipse per Prophetas ad jejunia vocavit suos, ut imprimis videre est Joëlis secundo capite, quis non commestationes DEO displicuisse ex eo intelliget, neque jejunia multo magis nostris quam priscis illis sub veteri fœdere temporibus convenire admittimus, cum aliud indicet Christus, Matth. 9. v. 14. 15. vel in vetusto illo fœdere precum religionem lege sancitam non fuisse, cum oppositum constet ex Dan. 9. v. 3. Joel. 1. v. 15. 16. Jonæ 3. v. 3. vel tantam castitatem Sanctimoniamque vitæ ab illius ætatis hominibus fuisse exactam, quanta prædicitur eum esse oportet, qui ad sempiternam vitam aspirare cupit, lex enim est spiritualis teste Paulo, Rom. 7. Omne carnale excludens & perfectum hominem requirens. Sextò, quæ de indulgentia urgetur, illa ipsa primâ fronte absurda sunt, non enim credibile, DEUM voluisse Ecclesiam suam impuram, contaminatam, vitiis refertam, oleum affudisse ignibus libidinosi, homines in porcos transformasse, illuminatos verbo ad spem melioris vitæ, in animalia ventri obedientia; Secundò num non ipsa praxis aliud docet, Deut. 21. v. 10. num non commestatores tales traduntur, Proverb. 23. v. 20. & cap. 28. v. 7. Amos. 6. v. 3. 4. 5. 6. Tertiò quam puridum dicere, quæ olim in peccatis non fuerint habita, nunc sæpe gravissima esse æstimanda, cum peccati natura non immutetur ut legis, sed quod ἀνομία semel, illud semper & perpetuo collatum scilicet ad legem moralem perpetuam & immutabilem. Patet insuper falsum esse quod dicit Volkkelius apud Esaiam nequaquam commestationes ebrietatemque simpliciter prohiberi; cum verba sint solis radio scripta, nec Musica instrumenta propterea etiam simpliciter censenda sunt prohibita, sicut ebrietas, quia, ut docent verba adjecta, reprehendit DEUS illos Hætoras udos, quod opus ejus non respexerint, vel si comparare placet, dicendo usum cibi & potus seu vini non damnari, sed abusum. & ita quoque non Musicam, sed illius abusum, & quod Esaias reprehendit, id reprehendit, quia contra legem, cujus ut ceteri Prophetæ fuit Interpretes, neque enim illi aliud quam Evangelium & Legis Exege-

in auditoribus suis proposuerunt. Septimò, quæ de castitate conjugaliturget, & ex 1. Cor. 7. v. 29. confirmare studet, caduca sunt, eadem enim puritas requirebatur à lege in Veteri Testamento, & quod Paulus mandavit instante necessitate, etiam imperatum in Veteri Testamento, ex Joëlis capite secundo fuisse, constare potest. Octavò, quæ de Divortio promittit, supra excussa sunt, dum ostendimus, talia potius esse tolerata quam præcepta, nec Christum aliquid novi introduxisse, sed ad primævam institutionem revocasse: quæ ex Paulo proponit, illa agunt de dissolutione quidem Matrimonii, sed non à purâ mariti voluntate pendebat illa, quæ ex Adulterio, de quo casu Christus. De Polygamia supra sententiam diximus, ut & in observationibus ad Grotium, hoc certum non fuisse illam Polygamiam Adulterium. Is enim accuratè loquendo, est Adulter, qui alienam uxorem constuprat, & maritali affectu non addicit se cæteris, qualis tamen obtinuit in fœminis istis secundariis, & præterea dispensatio divina intervenit, quæ etiam rationem peccati sustulit. Deinde illud, quod Matth. 19. v. 9. dicitur *μη ὁτι πορεύεσθε μοιχεύοντες*, Luc. 16. v. 18. *μοιχεύετε* quidem per Ebraïsmum explicant, transitive facit illam mœchari, ut habetur Matth. 5. v. 32. quæ Paulus concessit 1. Corinth. 7. ex utraque parte sunt intelligenda, nec illa de muliere non separabili à viro sunt aliter accipienda, quàm sub Hypothesi voluntatis Mariti, & fidei constantis ex parte illius. Tandem quæ de Cœlibatu proponit, admitti possunt, modò illud dextrè intelligatur de statu laudabili, cum per se aliàs sit status indifferens, & bonus dicatur non moraliter, sed politicè pro ratione commoditatis ex instanti necessitate, & non acquisitioni tribuatur continentia per labores & Conatus à nostris, sed gratiæ divinæ peculiari, nec perfectio singularis in continentia quærenda, cum conjugalis quoque spectet ad illam.

CAPUT IV.

PRÆCEPTUM VII.

VERBA TEXTUS.

לֹא תִגְדֹּל לְךָ *Non furaberis.*

**P**RÆCEPTUM septimum, ut duo antecedentia, breviter sed nervosè exprimitur sequentibus verbis: *Non furaberis.* Subjungitur vero quinto & sexto debito ordine, quia, cum de vita & corpore hominis fuerit provisum, etiam de bonis, quæ illa conservant, & nos circumstant, decenter agatur.

THESIS I.

Tria verò hic observanda veniunt, primo Actus ipse, secundò objectum, & tertio prohibitio. Actus ipse à DEO designatus est verbo גָּנַב Ganaf. Notat autem hæc vox aliquid clam subducere & occultè occupare, atque usurpatur de Jacobo, eum Laban dicit, quod *furatus esset cor illius*. Genes. 21. 16. de Absolone, quod *furatus fuerit cor Israhitarum*. 2. Sam. 15. 6. de populo, qui *furatus est seipsum*. 2. Sam. 19. 3. & pseudopphetis, qui *furati sunt verba Domini, unus ab altero*. Jerem. 23. 30. Diversitas autem aliqua est in hisce locis; quando enim hoc verbum usurpatur de Jacobo, notatur celasse discessum suum, atque ita furatum esse cor Labanis, quo respicit Chaldaus, quando reddidit, abscondisti te à me, vel ut alii volunt, effecisti dissimulatione tua, ut cor meum fuerit in potestate tua, ut non observaretur, ut versiculus vigesimus septimus innuit. Quando autem Absolon dicitur furatus esse cor populi, notatur illum abalienasse illud, clam subduxisse, fraude ad se pellexisse. Quando populus dicitur se furatus, notatur subductio cum pudore conjuncta, quando verò pseudopphetæ dicuntur furati verba Domini, notatur interceptio, quod scil. effecerint, ne cognoscerentur, & in cor descenderent, interim tamen ubique occulta machinatio insinuat, unde etiam hoc verbū verbo גָּנַב quæ est publica alieni occupatio, contradistinguitur. LXX. In-

II. Pars Specialis.

Q

ter-



interpretes habent verbum κλέψαι. Κλέπτειν verò sic dicitur quæ κἀλίπτειν occultare, imò ipsum nomen furis à Græca voce φῶρ quæ à φῶρ videtur descendere, adeoque furtivam subductionem indicare, metaphora petita à fucis, apum operibus insidiantibus, & furtim mella subducentibus, devorantibus.

## II.

Non male Lorinus: Verba דִּבְנִי־גֹב thingob, & κλέψαι, & furtum faciendi, seu furandi, propriè involvunt ut clam quid surripiatur. Quod Laban dixisse legimus ad Jacob; *Cur ignorante me fugere voluisti, nec indicare mihi?* Hebraicè & Græcè est, & *furatus es me*, וְנִי־גֹב דִּבְנִי־גֹב vatthingob othi, καὶ ἐκλομπήσαί με: & paulò antè; *voluitque Jacob confiteri socero suo quod fugeret*, (& *furatus est Jacob cor Laban*, וַיִּגְבֹּב יַעֲקֹב לֵב לָבָן vajingob Jahhakob eth leb Laban) exponitque præterea Cajetanus quoniam clam discedens Jacob irritum fecisse consilium Laban quod corde cogitaverat, ut non sineret eum auferre quas sibi apud illum opes pepererat, sed nudum dimittere cogitavisse: & Lipomanus de opibus, quas Laban ut corsuum amabat. Eodem loco Græcè est ἐκρύψε, abscondit, Chaldaicè חָשִׁי chassi, celavit. In historia Regum, *quare te furati sunt fratres nostri viri Iuda*; quod Hebræo textui & Græco respondet גִּהְוָנֹחַ ghevanucha, & ἐκρυψάν σι: Chaldaicè autem erat חֲשִׁי־יֹחַ casseiuch, occultaverunt te. Ibidem (& *declinavit populus in die illa ingredi civitatem*) Hebraicè, Chaldaicè, Græcè (& *furatus est populus*, seu *furati sunt sese*, וַיִּגְבֹּב וַיִּתְּגַנֵּב umithgannevin, & Λακλίπρω. Tale illud:

*Germane vultus veste furabor tuos.*

Item:

*ac se tegmine ingenti clepit.*

Unde clypeum dictum volunt, quòd hominem tegat, ac oculis furetur, quod est clepere, & κλέπτειν hujus loci nostri verbum, quasi κἀλίπτειν. Sic verò etiam furem, ut aliàs notavi, quidam inter cæteras notiones, ferendi, hoc est, auferendi, & φῶρ, à futuro derivant, id est, à nigro, & tetro, quòd latebras, tenebras, obscurum, noctem fur quærat: & olim Laverniones quoque vocabantur fures à Laverna dea, de qua dixi, sub cujus tutela essent, & in cu-

in cuius luco obscuro abditoque furta prædamque inter se luere solerent. Dicebatur quoque furis nomen de servo, ut

*Quid domini faciant, audent cum talia fures?*

Plautusque trium literarum homo, id est fur, servum significare dicitur: etsi per ironiam præterea significatum volunt eum, qui videri affectabat ingenuus, quod talis nomen, prænomen, agnomen tribus literis notaret, ut M. T. C. pro Marco Tullio Cicerone.

### III.

Etsi autem verbum Ganab occultam subductionem notat, tamen generalissime hoc præceptum est accipiendum: idque patet tum ex ipso hoc verbo, quod significat rem inscio Domino auferre, ita, ut non animadvertatur, si itaque inscio Domino quod aufertur, furti nomine venit hic & inter prohibita refertur, multò magis quod invito, tum ex legis divinæ conditione, quæ spiritualis est, & consequenter spirituales vult hominem, qui careat omni cupiditate rei alienæ, quæ perfecta est, & consequenter requirit abstinentiam perfectam & omnimodam ab alienis bonis, quæ concisè concepta & sensus fecundissimi, atque propterea prohibet furtum occultum, ut intelligamus multò magis esse prohibita, quæ manifesta, vel majori cum scelerate & turpitudine conjuncta, tum ex interpretatione hujus legis in libris legis Mosaicæ. Huc enim spectat illud Levitic. 19. Unde Augustinus q. 71. in Exod. Furti nomine benè omnis illicita alienæ rei usurpatio intelligitur, non enim rapinam permisit, qui furtum prohibet, sed utique à parte totum intelligi voluit Gellius, adde quæ habet Hugo Grotius, pagin. 46. graviter itaque errant quidam ex recutitis, qui hoc Præceptum tantum in furto hominis sive plagio exponunt, quos castigat noster Gerhardus.

### IV.

Ratio autem cur adhibuerit Deus hoc verbum, exposita est à Chemnitio, qui ita: Jam considerandum, cum certum sit, latrocinia, deprædationes, rapinas, &c. in septimo præcepto prohiberi, sicut sententiæ manifestæ sunt: 1. Corinth. 6. v. 10. Ezech. 18. v. 7, 10, 12, & 16. cur DEUS non scripserit: Ne sis raptor, vellatro; sed: *Non furaberis*: & illa consideratio ostendit, quàm magna sit sapientia in Decalogo. Ratio igitur latrocinia

& manifestam violationem utcunque agnoscit, reprehendit & damnat: quando verò per occultas fraudes, vel prætectu juris & cum proximi incommodo nostra augemus commoda, ita ut vel aliorum hominum conscientiam fallamus, vel ipse non sentiat & animadvertat, quem fraudamus, ibi nulla religio est ditescere, sed omnes plus satis diserti sumus ad vitia illa, vel excusanda & extenuanda, vel etiam defendenda. Deus igitur singulari consilio usus est tali verbo, sicut dictum est, ut ostenderet coram Dei iudicio, reos censerī nō tantū raptōres, quos etiam politicæ Leges puniunt: sed etiam si fraudibus omnium hominum conscientiam fallas, Deum tamen vindicem fore. Rapina enim, quia manifesta sit, gladio magistratus punitur, vel certè debet puniri. Clandestinae verò species furti, quia iudicis conscientiam fugiunt, Dei iudicio in Decalogo subjiciuntur. Est igitur ratio à minori ad majus, sicut in secundo Præcepto.

## V.

Objectum est res aliena, sive illa sit homo, unde plagium, sive ut res quædam, eaque vel sacra, unde sacrilegium, vel publica unde peculatus, vel pecudis, unde abiegatus, & quæ sunt aliæ species, de quibus in progressu.

## VI.

Prohibitionem designat vox N<sup>o</sup> de qua abundè egimus, & cum hoc præceptum sit negativum, intelligimus illud semper obligare, & ad omnes sese extendere homines, ad omnes facultates & membra, oculos, linguam, manus & cætera.

## VII.

Adversatur itaq; huic præcepto primum Furtum, quod describitur rei alienæ contrectatio violenta vel fraudulenta invito domino. Dicimus, furtum committi in re aliena: nemo enim rem suam, saltem ut sua est, furari propriè dici potest. Addimus, invito Domino: si enim Dominus consensum adhibeat, atque eatenus saltem dominium in me transferat, injuriam illi non facio; neque furtum committo. Contrectationem fraudulentam appellamus: quoniam scienter & cum injuria peragitur, animo lucrificiendæ illius rei, vel usus. Verum si alter rem istam mihi debeat, atque ego ex sententia iudicis eam occupem illo invito;  
hoc

hoc furtum non erit: quia res jure mea est; neque ejus contrectatio, vel occupatio, fraudulenta est. Porro autem res, in quibus furtum committitur, sunt vel Reipublicæ, vel Ecclesiæ, vel privatorum.

## V I I I.

In rebus, quæ sunt cõmunitatis Politicæ, sive Reipublicæ, speciali nomine appellatur Peculatus. Scilicet post Religionem; & Imperantes pios, justos, ac fortes; & Leges probas ac sapientes; primùm ad Reipublicæ incolumitatem facit accurata bonorum ac reddituum publicorum ratio: atque omnium interest, non imperantium solummodò, sed & subditorum, ut ista fideliter colligantur, conserventur, & administrentur. Non malè vulgò pecunia nervus belli dicitur: verùm insuper in aliis ad Reipublicæ tranquillitatem & felicitatem necessariis, maximi momenti est commune ærarium Politicum. Hinc statim patescit gravitas istius peccati: sive quis fraudulenter aliquid eripiat de ærario Reipublicæ, idque in privatos suos usus convertat, aut dilapidet, &c. vel etiam præripiat, & non conferat in ærarium publicum, quod conferre deberet. Ita peccant, qui vectigalia publica, aliosque census, defraudant: contra illud Christi, Matth. XXII, 21. *Reddite quæ sunt Cæsaris Cæsari.* Atque istud Pauli, Rom. XIII. 6, 7. postquàm alia de obedientia Magistratibus debitâ præmisisset; *Propter hoc enim etiam tributa solvitis: siquidem ministri Dei sunt, in hoc ipsum incumbentes. Reddite igitur omnibus, quod debetis: cui tributum debetur, tributum; cui vectigal, vectigal; &c.* Accedit exemplum ipsius Christi, qui pro se & pro Petro, didrachma persolvi jussit; Matth. XVII. 27. Quemadmodum etiam Joseph cum Maria, & reliquis, unà venit, ut describeretur secundùm edictum Cæsaris Augusti: Luc. II. 1, 5. Neque est quòd quis excipiat, sic solùm defraudari publicanos; sive redemptores vectigalium: præterquàm enim quòd ista defraudatio etiam eatenus furti rationem habeat; sic efficitur, ut publicani in ærarium publicum conferre minùs possint quod debent; atque ut ista vectigalia ac tributa deinceps minoris redimantur, & nova quædam imponenda sint; quod cedit in grave incommodum Reipublicæ, & detrimentum eorum qui illa fideliter, sicut probos cives decet, secundùm conscientiam coram Deo, persolvunt. In rebus Ec-

clesiæ committitur Sacrilegium. Nam propter cultum institutum necessaria quoque est collectio, conservatio, & proba administratio quorundam bonorum in istos usus; ut nimirum pauperes sustententur; Ministris sua stipendia persolvantur; oratoria exstruantur & conserventur, aliaq; instrumenta necessaria comparentur; quin etiam aliqui in spem sacri Ministerii educuntur. Non minùs certè quàm alia collegia qualiacunque suos redditus requirunt. Ista autem bona vocantur Ecclesiastica, quia ad sustentationem Ecclesiæ institutæ appropriata sunt: vel etiam sacra; non quasi inhærentem aliquam sanctitatem haberent, aut solenni ritû à pontifice consecrata essent; sed quoniam ad usus sacros destinata & obligata sunt. Secundò Avaritia quæ describitur, quod sit plus æquo habendi cupiditas. de qua Thummius pag. 498. Tertiò opum Fiducia, de qua Thummius p. 500. impia Sollicitudo de victu corporali, Thum. p. 500. immodicus Labor, de quo Thum. 496. & πολυπράγμων quæ fugienda, pag. 496. huc refer Tenacitatem, Usuram, ἀσπρίαν, immisericordiam, de qua Thum. p. 502. Inhospitalitatem, Ingratitudinem. de qua Thumm. p. 104. quartò Prodigalitas, quæ est peccatum, quo quis facultates sine more modoque dilapidat. de qua Thummius pag. 502. Mendicitas, turpe otium. Thummius pag. 496. huc refer hypocriticam Eleemosynam & simulatam gratitudinem, de qua Thum. 503, 504.

## IX.

Virtutes verò mandatæ in hoc verbo primò est Charitas in commodis proximî juvandis, promovendis. Cui opponitur Avaritia quæ est plus æquo habendi cupiditas. Aliqui verò magis in accipiendo avari sunt, ita ut ab aliis nimium accipere cupiant, atque ita ad malas istiusmodi artes applicent animum suum. Alii magis in dando sunt avari, ut minus æquo aliis dare velint, atque adeò plus sibi servare. Alii pariter in accipiendo & in dando avari sunt. Hic autem expendendæ primum disertæ prohibitiones. Luc. 12. ψ. 15. *Videte, & cavete ab avaritia: nec enim cuiusquam vita ex iis quæ ipsi suppetunt, in colica est, ut redundet.* Col. 3. ψ. 5. *Mortificate membra vestra terrestria, cupiditatem malam, & avaritiam, quæ est idololatria.* Hebr. 13. ψ. 5. *Sint mores vestri alieni à pecunia amore: estote contenti præsentibus;*  
dixit



dixit enim ipse, (Jof. 1. v. 5.) *Nequaquam te omittam, neque te deferam.* Psalm. 62. v. 11. *Substantia si multiplicetur, ne ponatis cor.* Huc etiam pertinet illud Christi, Luc. 21. v. 34. *Cavete vobis, ne quando graventur corda vestra sollicitudinibus huius vite.* Secundò Justitia commutativa, quæ est virtus in acquisitione bonorum, de qua Ursinus p. 376. Tertiò justitia in possessione propriarum facultatum, de qua Thumm. pag. 475. Huc refer *ἀντίεσθαι* virtutem, quâ sumus rebus nostris contenti, non appetimus aliena, vel non necessaria bona, & exigua quoque sortem ferimus patienter, ut & alia incommoda, de qua Paulus 1. Timoth. 6. *Πορεύεσθαι μὴ πλεονέχειν.* Quartò Liberalitas, quæ describitur, quòd sit virtus, quæ largitur indigentibus secundum rectam rationem, seu quæ communicat aliis facultates suas sine obligatione civili seu jure divino & naturali, seu pietatis & dilectionis causa liberali pectore, pro facultate sua & alterius necessitate, sciens nimirum, ubi, quibus, quando, & quantum possit largiri, & servat Mediocritatem inter profusionem & sordes. Thummus pag. 480. Quintò misericordia in pauperes. Thummus pag. 482. Sextò Hospitalitas, de qua Thummus pag. 491. Septimò Gratitude, de qua Thummus pag. 493. Octavò Labor & industria œconomica, de qua Thummus p. 472. Nonò, Parsimonia de qua Thumm. p. 480. Decimò frugalitas, de qua Ursin. pag. 339.

### ERRORES PONTIFICIORUM.

Ut conscientiam laxant in illis, quæ pugnant cum præcepto sexto Pontificii Doctores, qui præ cæteris in materia moralium volunt esse perspicaces, ita hic quoque à recto calle & tramite abeunt. Nam primò statuunt, illum, qui furatur rem parvam, quam scit magni à Domino pendi, ob idque magno angore afficiendum, non peccare mortaliter, quia irrationalis sit Dominus rem levem tam acriter ferendo. Ita cum Cajetano Navarrus. Secundò, quando quis ab initio proposuit animo furari ab uno multa minima usque ad notabilem quantitatem, singulæ actiones illorum minimorum sunt lethalia peccata, imò minima furatur à pluribus perveniendi ad summam gravē, si quis id efficiat, quia non habet, unde alias ipse ac familia vivat, adde quod

quod furta Religioforum ex bonis Monasterii minutatim facta ad quantitatem quinque vel sex Regalium, quæ furtum grave constituunt, non sunt peccata lethalia in ultimo ut loquuntur furtiolo, ita etiam prælati & Superiores locales Religionis, Abbates sc. Priores, Doctores, Abbatissæ, possunt sine furti reatu dare domesticis & externis singulis, mensibus duos aut tres aureos de Monasterii facultatibus, quia continuatur tantum furtum, jam coëptum, non committitur novum peccatum lethale. Ita Lessius libr. 2. cap. 12. n. 4. quia qui intendit hæc minima accipere à diversis, minimè facit notabilem injuriam. Ita Hieronymus ab Angesto. Quia talis non efficit in fraudem præcepti de non furando, sed ut sibi ac familiæ victum eo haud difficili modo provideat. Ita Molina c. de rep. quæst. 10. in fine. Tertiò omnia rerum minimarum furta etiam si notabilem constituent Quantitatem, non sunt lethalia, nec obligant ad restitutionem sub mortali, quia furtum illud minimum veniale solum fuit, imò ultimum, quod gravem constituit quantitatem, propter levitatem materiæ culpam venialem non excessit, ita Navarra & Sa in verb. Furtum. Quartò, qui levem quantitatem aufert ab eo, à quo notabilem alii jam abstulerunt, non peccat lethaliter, quia illa non est damni notabilis causa, & ejus furtum in parva est quantitate ad mortale insufficiens. Ita Vasquez, Sanchez, Diana. Quintò filius familias serviens Patri potest clam accipere tantum, quantum pro eo servitio extraneo cuidam esset infumendum, quia ea bona acquisita à filio sunt industriæ fructus, & non totaliter profecticia, tuentur hæc sententiam. Lessius, Navarra, Angelus, Fagundez, Rosella, & alii. Sextò, uxor, quæ amplissimam dotem detulit, potest absque mariti facultate, quinquaginta, v. gr. aut sexaginta aureos nutrici ipsius ad dotem filiæ, aut ob licitum alium titulum impertire, quia est donatio remuneratoria ex parte uxoris, & ratio postulat, ut uxores etiam donationes remuneratorias faciant, modo non sint immoderata, attentis mariti facultatibus & uxoris qualitate, placet hæc assertio Molina & Fagundezio. Septimò quantitas minor, dictus Nummus aureus, non est lethale peccatum vasalli respectu Regis vel Principis, quia spectata liberalitate Principum, qui vasallos instar filiorum solent diligere, non vide-

videtur minor hâc quantitate posse assignari, juxta Sotum & Fagundezium. Octavò, Famuli & ancillæ possunt occultè heris surripere ad compensandam suam operam, quam majorem judicant salario, quia suum arripiunt, non alienum, quod plerumque difficile, verecundum via juridica à Dominis recuperare, judice Stephano Baunio, Lessio, Sylvestro, Fagundezio. Nonò, servi captivi possunt licitè seipsos à suis Dominis furari, sive fugere in patriam, aut in alia loca, ubi libertate potiantur, & quando Dominis constat hujusmodi servos ad suos confugere, non possunt licitè ab eis ob id puniri, quia illi licitè possunt fugere, si à Dominis occidantur aut mutilentur. & ad impetrandam libertatem, quæ æquè est ac vita preciosa, cum captivitas sit mors civilis. sic statuunt Navarra, Halensis, Sotus, Lopez, Becanus, Covarruvias, Azorius, Lessius, Fagundez, & alii. Decimò, licitum est furari non solum in extrema necessitate, sed etiam in gravi. Ita Tamburinus. libr. 8. Tract. 4. cap. 1. §. x. pag. 503. num. 8. Undecimò, qui alium movet aut inducit ad inferendum grave damnum, non tenetur ad restitutionem illius damni secundum Stephanum Baunium. Duodecimò, Contractus Mohatra licitus est, etiam respectu ejusdem personæ & cum contractu revenditionis prævia inito cum intentione lucri, sententiam ferente Caramuele, Escobarè, Lessio. Decimò tertio, Advocati videntes rem non posse convinci, posse tamen probari, semiplenè possunt actoris patrocinium sumere, &c. Decimò quarto, non tenetur quis sub pœna peccati mortalis restituere, quod ablatum est per parva furta, quantumcunque sit magna summa totalis judicio Baunii. Decimò quinto, superfluum non est, quod homines servant pro status sui vel parentum qualitate habita vel adipiscenda, ideoque vix poterunt inter seculares inveniri, qui superfluum habeant. Decimò sexto, fas est otiari & mendicare. ita Ecclesiæ Romanæ columen Bellarminus. Decimò septimò, montem pietatis erigere licet & conducit. Decimò octavò, possunt lapidea templa egenis præponi. Decimò nonò, Judæis, possunt ædes locari, &c. Vigestimò, licet indulgentias vendere, & calicem Laicis subducere.

## X.

Primò omnium hîc Astutia Doctorum Pontificiorum in hâc materia occurrit expendenda. Disputant enim gravem quantitatem infurtis non posse generatim definiri, quia quod uni sufficiat ad victum unius diei, non sufficiat alteri, & circa illam tot sunt sententiæ, quot capita: unde in proclivi est, colligere, posse vel ita, vel aliter definiri quantitatem, & si scrupulosus incidat in benignum, conscientiam exolvere facile, quantitatem extendi, pietatem laxari. Prima autem Assertio furtum inter peccata venalia refert, quod semper mortale etiam in re parva, utpote contra præceptû hoc. Secundò si scit furans, Dominum magnipendere rem sublatam, peccat in proximum maximè, qui angore magno ob illud furtum afficit, & quidem sciens & volens, denique ipsi Pontificii quidam hîc lethalem culpam agnoscunt, utpote Navarra, Rebellus, Sotus, Sylvester. Altera iterum impietati litat; nam primò, quando quis proposuit iniquo animo furari, pravâ intentione laborat, dolo agit, & tanquam mala arbor malos producit fructus, totâ animi propensione, qui itaque non lethaliter peccaret, cum singula furtiola ex tam malâ prodeant radice. Secundò continuatio est peccati protractio, & cujus naturæ, est unum ex illis furtiolis, illius quoque est alterum. tandem huic sententiæ obstrepunt in papatu ipsi Doctores moralium quidam. Sanchez, Lessius, Rebellus, Navarra, Sotus, Medina, Ludovicus Lopez, & alii. Pariter censendum de illo, qui sibi proposuit furari à pluribus ad summam notabilem, nec à peccato quoque mortali excusat intentio illa, ut vivat vel ipse vel familia ex subductis: non enim sunt facienda mala, ut eveniant bona, & si hic finis, hâc intentio salvaret, vix fur quispiam posset furti reus agi, cum nunquam illi deesset excusatio, quòd scil. vivendi causa fecerit, nullum enim sine auctoramento malum est: quid? num non alii modi vivendi & familiam alendi? annon labore manuum alimenta paranda secundum Davidem Psalmo 128. ut inde vivat familia. De furtis religiosorum aliter pronuntiant Sotus, Sanchez, Medina, Valentia, Navarra, Fagundez, Toletus, Rebellus. Et ita de Prælati, Abbatibus, Prioribus, Rectoribus, Abbatissis nimium liberalibus quoque censent Jcti, Corduba, Lopez, Hieronymus Flamma

**Flamma & Navarra.** Tertia illa, quæ ad peccatum usque notabile excurrunt, quod etiam in foro exteriori non impunitum haberi debet, antequam ad ultimum gradum pervenerint, malè eximit peccatorum lethalium numero, secundò conscientiæ malè consulit, quia etiam ultimum furtum, quod gravem constituit quantitatem, dicit propter levitatem materiæ culpam venialem non excedere, à quo facilis consequentia ad furta graviora, restitutioni non esse obnoxia, cum tamen non dimittatur peccatum nisi restituatur ablatum, & repugnat infuper sententiæ Lessii, Caramuelis, Sanchezii, & Fagundezii. Quarta quoque laborat, nam qui levem quantitatem aufert, ab eo, à quo alii notabilem abstulerunt, ille peccat lethaliter subducendo, & invito Domino rem alienam auferendo, ille afflictio addit afflictionem, cum deberet compassionem, ille damnum post damnum datum infert, unde etiam Bonacina huic sententiæ se opponit, de contract. disp. 2. q. 8. punct. 2. num. 5. Quinta primò filium impium facit adversus patrem, cui se totum debet, secundò Modum subministrat pro servitio inpenso illicitum, & contra præceptum de furando, contra sinceritatem, quam clandestina illa subducendi ratio temerat, tertio ex ipsorum Pontificiorum sententia contra jus naturæ ita peccatur, quia filii jure naturali tenentur parentibus inservire, unde ab hac sententia recedunt Parisius, Navarra, Antonius Gomez, quicquid dicant cæteri. Sexta nimium indulget uxori, tum quia vir est caput uxoris, cui illa debet in actionibus quoque suis esse subjecta, neq; in scio vel invito aliquid agere potest, tum quia quamvis amplissimam dotem derulerit, tamen illa dos non est in potestate uxoris simpliciter, ut de illa disponere possit pro arbitrio, tum quia uxor non habet administrationem bonorum, & proinde etiam nequit elargiri aliquam summam sine viri venia. Consistentibus hic Navarra & Cabedo. Septima Vassallo permittit non permittenda, nam qui debet fidem Domino suo & quidem strictam, quomodo non peccabit lethaliter violando, & fidei vinculum & præceptum de non furando, secundò si Domini vassallos suos habent instar filiorum, magis peccant subducendo illis aliquid vassalli, ita retaliando affectum Dominorum. Tertio, si unum argenteum eripere est quantitas



mortalis etiam respectu potentissimi Regis, ut graves in papatu Doctores sentiunt, Flamma scilicet & Toletus, quanto magis summa minor duobus nummis aureis lethale erit furtum Vasalli respectu Regis vel Principis. Octava errat, peccata primò probando furta famulorum & ancillarum, quos decet fidelitas, qui obligati heris ad officia & promotionem commodorum; secundo suggerendo modum illicitum clependi & clam subducendi, qui fraudem dicit indignam homine pio, tertio viam conculcat, quam DEUS signavit juridicam, scilicet coram iudice repetendi mercedem debitam, unde etiam improbatur hæc assertio à Lessio, Sylvestro, Fagundezio, nec non Lovaniensi Academia Nona patrocinator nimium captis. Nam primò Petrus disertè: *à quo quis vilis est, illum servum factus est.* 2. Epist. 2. v. 19. Secundo, si bellum iustum non operatur, ut quis in servitutem reductus non possit refugere, non erit titulus iustus servitutis ex bello, contra omnium ferè etiam Politicorum Regulam. Tertio non aliter suadet Paulus, dicendo: *Servus vocatus es, &c.* 1. Corinth. 7. v. 20. 21. in quem locum videatur Estius. Et qui non possit punire vel castigare servum, qui eum potuisset occidere in bello, eundem servavit, cui pro benignitate refert tam turpe ingratitudinis & levitatis indicium. Decima, præceptum hoc de non furando sternit. Nam primum citra exceptionem casus necessitatis dicit, non furaberis, quod si itaque absolutè hoc accipiendum, & ne quidem in summa necessitate censetur, esse licitum furtum, multò minus in gravi tantum, secundo falso inædificat hæc sententia principio, quod scilicet jure naturali omnia sint vel fuerint communia. Et in casu tali ad talem iterum statum deduci, quod falsum, ut in Observationibus ad Grotium excussum. Tertio propositio hæc examinata & damnata fuit ab Academia Lovaniensi, inde graviter in illam invehitur Sinnichius p. 526. Undecima planè est impia, in quam detonant Professores severiores Academiæ Lovaniensis. Duodecima dudum expugnata & iniustitiæ convicta ab eodem Sinnichio. Decima tertia latius deducta à Sinnichio, qui omninò hic audiendus, contra Caramuelem. Decimam quartam examinat seq. §. CDLXII. pag. 525. Decima quinta de superfluo pertractatur ab eodem p. 533. §. CDXLV. Deci-

Decima sexta adversatur divino mandato, & voluntati, quæ eò collimat, ut homo in sudore vultus panem comodat, Genes. 3. Sathanæ pulvillos substernit, quid enim non ex otio foedum & turpe oritur? Unde Deus mendicos noluit esse in Republica Judaica Deuteron. 15. denique non obscure prodit Bellarminus, quid sentiendum de mendicantibus monachis, quando admittit ab initio non fuisse sic. Decima septima, quæ monti pietatis favet, montem impietatis extruit, & hypoerisin Pontificiorum prodit. vide Meisn. Phil. s. 1. c. 6. pag. 395. Decima octava consulit lapidibus præ hominibus, de quo videndus Ambros. lib. 2. offic. cap. 28. Decima nona favet Judæis præ Christianis, dum Lutheranos regionibus pellit, admittit in domicilia Judæis Christum cottidie blasphemantibus facit licentiam, consimiles, & qui sunt ejusdem furfuris recipiendi in Rempub. ut fiat Poniropolis, ut Ephesiorum symbolum tandem eligatur, nemo nostrum frugi esto; ab ipsis etiam pontificiis reprobatur. Vigesima Simoniam probat. Vigesima prima excussa à D. Calixto in lib. de communione sub una.

ERRORES CALVIN. & PHOTIN.

XI.

Quamvis Calviniani circa hoc præceptum conspirent nobiscum, videntur tamen laxiores justo, dum fures eximunt capitali supplicio, de quo videatur Zepper lib. 1. c. 10. p. 77. Rivetus Amesi. lib. 5. Cas. Mur. cap. 41. De Anabaptistis hæc habemus. Christum correxisse Decalogi præceptum hoc prohibitâ avaritiâ, per Orationis Dominicæ petitionem IV. quâ fas tantum sit flagitare Panem quotidianum.

XII.

Photiniani ut in omnibus cæteris capitibus, ita etiam hac in parte maximè errant, quærit enim Catechismus Rakovienſis, quid ad id præceptum adjecit Dominus JESUS? respondetur, ne simus avari, &c. Smalcus de divinitate Christi: ita loquitur, prohibet Lex ne furemur, perfecit eam & implevit Dominus JESUS, & pagin. 108. diductius Johannes

Volkelius, qui ita explicat hoc præceptum, duo inquit animadvertenda sunt, nam & quid sit furtum & quam ob rem prohibeatur, videndum est p. 637. XIII.

Verum omnia hæc frustra dicuntur, & veritati opponuntur. Nam primò falsissimum est interdictum de avaritia non obtinuisse in Vet. Test. non includi præcepto de non furando, esse additamentum quoddam Christi, nam primò si fixum fuit illud: *Diligas Dominum DEUM tuum ex toto corde, &c.* Deut. 6. 5. qui non avaritia prohibita, quæ cum Dei amore indivisibili consistere nequit, *Cum nemo queat duobus Dominis, DEO & Mammona servire*, Matth. 6. si notum illud præceptum: *Dilige proximum tuum sicut te ipsum*. Lev. 19. 18. qui non avaritia prohibita in V. T. numenim proximum diligit ut se ipsum, qui cor suum occludit, nec in necessitate subvenit proximo, si ex illo colligit Ostorodus in N. T. avaritiam & luxuriam esse prohibitam, qui non etiam in V. T. deducere vel subintelligere debuerunt, quotquot Decalogo attenderunt? secundò non tantum dictum est in V. T. non concupisces. Exod. 20. 17. sed & non sit mendicans in te. Deut. 15. Tertiò avaritia etiam in V. T. fuit taxata, liberalitas verò intimata & commendata. Consultantur loca Exod. 8. 21. 15. Levit. 19. 13. c. 25. 36. Deuteron. 16. 19. c. 17. Deut. 11. 1. 9. 10. c. 14. 28. 29. Esaia. 1. 23. c. 10. 2. Jeremia 6. 28. Mich. 3. 2. Zach. 8. 10. Saphon. 1. 9. quid? num avaritia in V. T. non fuit radix omnium malorum, æque ut in Novo 1. Tim. 6. 10. num non ob avaritiam reprehensi filii Samuelis, 1. Sam. 8. 3. Nabal, 1. Sam. 25. Achab. 1. Reg. 21. 7. 2. Gehazi. 2. Reg. 5. 12. annon præsertionem ab hoc malo rogarunt pii. Psal. 119. 96. & dehortati sunt alios quoque Psal. 62. 11. annon ipsi gentiles ex lumine naturæ viderunt id, quod Paulus dixit 1. Tim. 6. 12.

## XIV.

Excipit quidem Socinus; quædam, sed ad quæ rectè hactenus responderunt nostri. Secundò avaritia si dicat vitium, quo quis plus habere velit quàm ad tuendam vitam suam & suorum omninò pertinet, ipsi Photiniani inter avaros erunt computandi, nobiles scil. & fundorum possessores, imò urbium Domini, quales Adamus Goslavius à Bebelno, Johannes Schlichtingius à Bukowiz, Dominus urbis Rakoviensis, nec confestim avaritiæ nom.

nomine traducenda ὁρᾷ illa, qua præter privatam necessitatem aut quærunt aut recondunt homines aliqua, quanquam enim reprehendatur dives ille Rusticus, qui cor suum apposuit divitiis, non omnis tamen habendi appetitus, qui etiam ultra lineas necessitatis se porrigit, avaritiæ titulum habet, quia alias nemo deberet sub spe arare, 1. Cor. 9. 10. parentes filiis non deberent thesauros colligere, cum dicant abundantiam & aliquid superflui contra Apost. 2. Cor. 12. 14.

## XIV.

Tertiò omnia illa quæ abundant & necessitatem excedunt, in usus divinæ gloriæ, vel sublevandos pauperes impendenda esse, non tamen studio privatæ gloriæ, ambigüe dicitur. si enim ita intelligatur, ut omnia alienare debeamus, quæ ultra necessitatem non admittimus, possumus enim illa reservare quoque nostris, & quidem quandoque maximè post mortem nostram illis indigentibus, possumus etiam vertere in gloriam divinam, si nostros illis alamus, educemus, de apparatus linguarum & scientiarum hisce subsidiis prospiciamus, si verò ita intelligatur, quod etiam si nostros quoque aliquid ex superfluo reservato dispensemus, & aliàs liberales nos exhibeamus, pauperibus, in primis fidei domesticis, non reprobamus hoc, quanquam non videantur hoc intendere Photiniani.

## XV.

Quæ de Luxu & corporis voluptatibus habet, iterum additamenti rationem non habent: legant Photiniani caput Esaia tertium & quintum, & dicant, num non luxus, crapula, ebrietas & voluptates corporis sint satis & sufficienter reprehensæ, quanquam quæ de Luxu & corporis voluptatibus hic proponuntur, commodius potuissent referri ad præceptum sextum.

## XVI.

Smalcus eadem oberrat chordâ, in lib. de divinitate Christi, supponit Christum perfecisse hanc legem, cujus contrarium ad oculum demonstravimus, supponit in Vet. Test. prohibitum fuisse furtum, aliena rapere, & præceptum Gentem juvare, supponit avaritiam esse plus bonorum acquirere, quam ei opus ad sustentandam vitam, etsi absque alterius injuria facere possit, quæ omnia mera postulata & jam in superioribus excussa.

## XVII. Vol-

## XVIII.

Volkelius cespitat passim & deviat. nam primò dum duplices modos, quibus commoda aliena intervertuntur, in lege prohibitos ponit, & primum dicit cum aperta quâdam vi res alienæ auferendæ, non tam furtum quàm latrocinium describit, & cum dicit obliquæ interversionis modum primum consistere in contractibus, videtur ipsos contractus cum adhærente vitio, quod abesse vel adesse potest, dolo scilic. & fraude confundere, denique quod de Usura, altero obliquo modo docet, illud in tantum admittimus, in quantum scil. nimium non extenditur ad quodcunque fœnus vel usuram etiam certis terminis circumscriptam, & circumstantiis personarum, locorum & temporum attemperatum, quanquam locum illum Luc. 7. 35. malè referat ad inimicos, hoc quidem certum est Christum agere de ipsa sorte, sed quod doceat tantum quomodo nos adversus inimicos gerere debeamus, non admittimus, sed vult ut & inimicis beneficiamus & omnes diligamus. adeoque verbis illis ἀγαθοπρίει καὶ ἀνέξει μετὲν ἀπελπίσονται, Beneficentiam & pronitatem in pauperes commendat. vide Walæum in hunc locum.

## XIX.

Secundò quæ de additamento proponit hujus præcepti, nullius est momenti, & supra sufficienter excussum. nam neque illa, quæ honestissimo etiam modo à nobis comparata sunt, & necessitates nostras superant, vult aliorum esse, nec Charitas præscripta in N. T. intensioris affectus esse debuit, quàm in Veteri, nec Christus sive Apostoli summopere laborarunt amoliri avaritiæ crimen & luxus Syrmata, idem enim factum in Vet. Test. à Mose & prophetis probatum erit. Πλεονεξία etiam in V. T. fuit interdicta, & num avaritia non quoque illis temporibus maiorum omnium radix? Patres verò ante adventum Christi viventes frustra porcis æquat, qui fursure temporalium bonorum contenti vixerint extra cœli curam, citra promissionem æternalium bonorum, nec terrenorum promissiones fuerunt absque respectu ad cœlestia, quorum Umbra & Typi, nec pietas in N. T. sed semper & ubique utilis fuit ad omnia, & habuit promissionem bonorum hujus & alterius vitæ. 1. Tim. 4. v. 8. porrò immensitas illa opum vix locum habere potuit in populo agricul-



culturæ dedito, & si licuit, citra injuriam in V. T. domum domui conjungere, cur hodie non liceat, absente injuria in proximum, non videmus, nec mundi amor demum in N. T. est prohibitus, sed dilectionis præcepto inclusus; thesaurorum collectio absolutè non est in vitio, ut nec parsimonia, quæ virtus, nec dum monemur à Christo vendere, quæ possidemus, ut Eleemosynam erogemus, absolutè hoc intelligendum, sed comparatè, prævalere scilicet debere potius charitatem proximi, quàm privatæ abundantiæ curam, unde qui suis & maximè domesticis non prospicit, dicitur fidem abnegasse, 1. Tim. 5. v. 8. De futuro, quæ comunicatur remotiore, potius videntur pro nobis stare, & stabilire curam parentum, quæ se extendere debet ad natos natorum, & qui nascuntur ab illis, & num non si filii & filia sunt adhuc teneræ constitutionis, parentes autem ætate ingravescente & senio vicini, eò magis prospicere debent suis, ne egeant post obitum, & lac venale per Urbem non taciti portent, aut ad mulctra greges ducere cogantur, & cum hac cura optimè consistit fiducia in DEUM, ut enim ille vult, & in hac vita laboremus, & benedictionem cælitus expectemus, toti in illum defixi, ita cura parentum in futurum & fiducia in DEUM locata probè consistere possunt. Paulus verò Ebræorum cap. 13. *ἀντιπαρρησίαν* commendat, ita, ut prudentiam & parsimoniam non excludat, nec Christus per crastinum intelligit futurum remotius, quod quasi infinitum & à prudentia hominis alienum, sollicitudinem culpæ, anxios mentis humanæ motus, non futurum explicat vel determinat, imò si de futuro accipienda verba Christi, potius de propinquiore crastino scilicet, quàm remotiore essent interpretanda, de illis enim agit, quæ victum & amicum concernunt.

## XIII.

Quæ ex Proverbiorum 15. ab illo adducuntur, v. 27. non habentur in textu originali, quæ autem leguntur Proverb. 16. v. 6. alium sensum habent, quam illis affingit Hæreticus. Pariter sentiendum de loco Danielis 4. v. 24. quæ ex Petro producantur, agunt de Tectione peccatorum apud homines, ut constat Prov. 10. v. 12. Locus Matth. 25. v. 34. non causaliter exponendus. Tandem non dextre exponit mentem Christi Luc. 14. v. 12. aliter Nostri ad textum respicientes. Malè etiam dicit, cum necessitas quædam exigit, ut homo Christianus non nihil excedat vitæ cultum, & ea ratione dignitatem suam tueatur, posse ei permitti, talis quippe necessitas ostendi nequit, cum factus semper sit

de testibus speciatim respondentibus, Deut. 19. v. 18. Esai. 59. v. 12. additur autem vox *שקר* schaker, quod reddunt falsum testimonium. *שקר* enim est mentiri, fallere, ut constat ex Gen. 21. v. 23. Psal. 44. v. 18. Psal. 89. v. 34. Unde *שקר* schaker mendacium, & ut schaker hic est testis fallitatis, in Deuter. est vox *שחא* schav, de qua Lorinus pag. 238. quanquam Vox *שחא* usurpetur, tum de persona, quæ testatur, tum de re si-  
ve testimonio, quod testis profert. Sermo autem primò est de testi-  
monio in judicio, ut observant Interpretes.

III.

Prohibitio iterum effertur particula *ל*, quæ negantis naturæ, & quidem universaliter prohibet omni generi hominum dicacitatem, singulis os obstruit, atque linguas quorumvis compescit, nec enim si nefas est falsum loqui personis gravitate aliqua conspicuis, propterea plebeis hoc permittitur, qui semina quæcunque colligunt, & devio ef-  
fundunt, vel Poëtis, qui figuli fabularum & salo quandoque sollicitudi-  
num acri perficere capita hominum, aut Momis & Morionibus, qui putant licere, quæ lubent, & citra injuriam posse nunc hos, nunc illos mordaci radere vero, vel etiam falso, ut enim præceptum de non oc-  
cidendo, de non mæchando, de non furando, universale, ita & hoc ne-  
gativum de non loquendo falso testimonio, ideoque indefinitè parti-  
cula *ל* armatum in omnes.

IV.

Objectum hic est proximus *רֵעִי* reah *רֵעִי* proximus, quæ vox usur-  
patur tum de amico, ut constat ex 2. Sam. 13. v. 3. 2. Sam. 15. v. 37. & 1. Re-  
gum 4. v. 15. notat socium, Job. 30. v. 29. *רֵעִי* reah live alium, Gen. 11. v. 3. 7.  
Exod. 21. v. 18. Deut. 27. v. 24. Notanter autem dicitur, non dicas fal-  
sum testimonium *רֵעִי* boreschâ in proximum tuum, ut quidâ reddunt,  
h. e. adversus illum. Accipitur autem hic generalissimè & notat quem-  
vis hominem, quemvis ejusdem nobiscum materiæ & originis, quia ex  
uno sanguine omnes, teste Paulo Actor. 17. phrasi Scripturæ, quæ hac  
voce complectitur etiam *רֵעִי* reah, ut annotavimus, notat *ἀλλόφυλον*,  
Exod. 18. v. 26. Judic. 7. v. 13. cap. 14. v. ult.

V.

Nullo itaq; modo possumus probare illa Grotii, qui proximi vocem  
ad popularem restrinxit, scribens: Proximus hic est, popularis Israëlita, ut

apparet expenso loco Exod. 11v. 13. & Levit. 19. v. 18. cui opponitur ὁ ἐχθρὸς hostis, scilicet. vid. Matth. 43. In Evangelio proximus est homo quivis, ut Luc. 10. v. 33. ac seqq. quomodo & ante Moſis Legem Gen. 11. v. 3. ἵνα id est respondere, ἵνα apud Hebræos quovis modo loqui ſignificat. Itaque verti nonnunquam ſolet per εἶπω, εἶπαι, καλέω, λέγω, φησὶ μου, & ſimilia. Et eo ſenſu in ſacris Scriptis reperitur etiam verbum διακρίναται.

## VI.

Tunc autem hæc placebunt cum Photinianorum Theologia ad palatum erit, ut illi. Repugnat quippe huic opinioni ipſa vox ſupra expreſſa, ipſa natura legis moraliſ, quæ non ut forenſis & ceremonialis tantum reſpicit Iſraëlitæ, ſed omnes homines atque omnes ſocietates gubernat.

## VII.

Primum ergo peccatum, quod in hoc præcepto prohibetur, eſt falſum Teſtimonium, quod ſevere à DEO vetatur, damnatur, & puni-  
tur, eſtque illud tam iudiciale, quale latum eſt adverſus Nabothum, ubi peculiarem habet gravitatem adjunctam, quod in proximi detrimentum & periculum quandoque vitæ cedat, de quo 2. Reg. 21. v. 13. vel extrajudiciale, quale ſuſtinuit Jobus ab amicis ſuis, cap. 4. v. 7. Iudiciali autem affines ſunt hi modi, primò, ſi actor reum falſo accuſet; quod Doëg Edomzus fecit Abimelecho, reliquiſque Sacerdotibus, 1. Sam 12. v. 9. & Judæi Chriſto, coram Pilato; qualiſ populum ſeduxiſſet, & Cæſari tributa ſolvi prohibuiſſet, Luc. 23. v. 2. Secundò, ſi reus falſò neget ſe feciſſe, quod omninò fecit, aut ſe ſcire, quod minimè igno-  
rat; Exemplo Cainis, Gen. 4. v. 9. qui cùm fratrem Abelem interfe-  
ciſſet, à DEO interrogatus, ubi ille eſſet? Reſpondit: *Nefcio, nunquid  
cuſtos fratris mei ego?* Tertio, ſi Advocati, Procuratores, & Notarii,  
malas cauſas defendant ſcientes, mendaciis adverſarium gravent, clien-  
tem tucantur, veritatem celent aut inſtruſtent ſuis inſtrumentis, Exod. 23.  
v. 6 7. *Non pervertes iudicium pauperis tui in lite ejus. & ſermone falſo  
recedes, &c.* Eſa. 5. v. 24. *Qui juſtificant impium propter munera, juſti-  
tiam autem juſtorum auferunt ab eis.* Cap. 59. v. 4. *Non eſt, qui clamet  
pro juſtitia, neque eſt, qui iudicet pro veritate.* Quarto, ſi iudex ſen-  
tentiam pronunciet, antequam veritatem probè cognitam habeat; &  
utramque partem audiverit ſatis: qui enim parte inaudita alter à ſtatuit,  
æquum

æquum etiam si fortè statuat justè, non tamen statuat æquè, Deut. 1. v. 16. Simile est peccatum judicis, si muneribus se corrumpi sinat; vel affectibus, partiumque studio indulgeat, adeò ut innocentem fortè condemnaret, aut fontem absolvat, Deut. 16. v. 19. 20.

VIII.

Est autem hoc peccatum grande malum, non tantum, quia directè illud in hoc præcepto prohibetur, nec non Exod. 23. v. 1. & Deut. 5. v. 20. sed etiam I. ratione incommodorum: Falsi testes aliis sunt perniciosissimi, Prov. 26. v. 18. Syr. 28. v. 22. innocens Naboth ob testimonium falsum lapidatus fuit, 1. Reg. 21. v. 13. miselli homines ad mortem damnantur, licet innocentes, ob falsum testimonium, 2. Maccab. 4. v. 47. 48. innocens Jeremias ob falsum testem coësus in carcerem missus fuit, Jerem. 37. v. 13. 14. 15. & Susanna conqueritur: *Ecce morior, cum nihil horum fecerim, quæ isti malitiosè composuerunt adversum me*, Dan. 13. v. 43. Stephanus similiter lapidatus fuit, Act. 7. v. 59. 60. II. Ratione pœnarum: Testis fallax refertur inter sex, quæ DEUS odit, Proverb. 6. v. 19. & gravissimè punitur, Deut. 19. v. 18. 19. Proverb. 19. v. 5. cap. 21. v. 28. Syr. 20. v. 27. Sap. 6. v. 6. Haman falsum perhibens testimonium tandem suspensus fuit, Esth. 7. v. 10.

IX.

Falsum Testimonium extra judiciale quamvis minoris possit esse periculi & damni, interdum tamen etiam est grave peccatum, tum ex prohibitione divina, tum ex mendacio, quod hîc committitur, tum ex perverso judicio, quod in aliis generatur vel generari ad minimum potest. Secundò prohibetur mendacium, quia DEO maximè displicet, & veracitas opposita præcipitur. Tertiò Sophisticatio, de qua Syrach 19. v. 22. quia vitium est valdè perniciosum: Lingua Sophistarum dolosa, ut sagitta, Psal. 120. v. 3. conterit spiritum, Proverb. 15. v. 4. occidit animam, Sap. 1. v. 11. quod patet in Jacobo perturbatissimo, Gen. 37. v. 35. 34. Josepho in carcerem coniecto, Gen. 39. v. 20. quis dolosi & DEO & hominibus sunt infensi, Psal. 5. v. 7. Proverb. 12. v. 22. *Non habitabunt in domo Domini*, Psal. 101. v. 7. 8. quia dolosi tandem suis confusis mendaciis pœnas dabunt gravissimas, Psal. 64. v. 9. Proverb. 11. v. 5. cap. 12. v. 13. cap. 17. v. 20. Syr. 20. v. 27. quod patet in Ahitophete, 2. Sam. 12. v. 23. Hamano suspensio, Esth. 7. v. 10. Amalechita mentiens

et se occidisse Saulum, 2. Sam. 1. v. 16. duobus senibus, Dan. 13. v. 55.  
 Quarta simulationes & dissimulationes, cum scilicet illa, quæ vera sunt,  
 celantur & indirecte negantur, & quæ falsa sunt proferuntur, atque sic  
 indirecte affirmari videntur; Diserte autem prohibentur simulationes,  
 2. Petr. 2. v. 2. quatenus scilicet celatur veritas, quam reverentia, vel cha-  
 ritas alteri debita, vel DEI gloria indicari postulat; & præfertur con-  
 trarium. Confer exempla filiorum Jacobi circa Sichemum; Gen. 34.  
 v. 13. Saulis circa Davidem; 1. Sam. 18. vers. 19. Joabi circa Abnerum;  
 2. Sam. 3. v. 27. ejusdem circa Amasam; 20. v. 9. 10. Judæ circa Chri-  
 stum; Matth. 26. v. 48. 49. quæ referenda perfidia, quæ est fraus, quæ  
 quis dictis vel promissis non stat; Psalm. 15. v. 4. & impium silentium.  
 Sicut Rex Joakim & servi ejus ad suspicionem libri Jeremix tacuerunt,  
 Jer. 36. v. 23. 24. sic nemo contradixit Herodi mandanti decollare Jo-  
 hannem, Matth. 14. v. 9. 10. sed per dedecus non discedas jure, &c.  
 Syr. 7. v. 6. Aperios tuum, &c. Prov. 31. v. 9. Ne sis canis mutus, &c.  
 Esa. 56. Talium enim finis est interitus, Phil. 3. v. 19. Quinto maledi-  
 centia & calumnia, quæ contingit verba proximi in alium sensum de-  
 torquendo, vel additione vel omissione verborum aut circumstantia-  
 riarum, cujus fecditatem prodit Scriptura, origo, comparatio, de qua  
 Psalm. 5. v. 9. Psalm. 52. v. 4. 5. 6. Psalm. 57. v. 5. Psalm. 57. v. 6. 7.  
 Psalm. 120. v. 3. Psalm. 140. v. 4. Proverb. 17. v. 20. cap. 30. v. 14. Ec-  
 cles. 10. v. 11. Syr. 28. v. 15. 16. 19. 20. 21. 22. Exempla: Satan ca-  
 lumniatus est Jobis pietatem, Job. 1. v. 9. 11. Ita adhuc homo perversus,  
 Prov. 17. v. 20. Si quid boni videt, in pessimam interpretatur partem, ut  
 Laban fecit, Gen. 31. v. 26. Doëg, 1. Sam. 22. v. 9. 10. Satrapæ Babylo-  
 nici, Dan. 3. v. 8. 9. cap. v. 6. Haman, Esth. 3. v. 8. Alcimus, alique im-  
 pii, 1. Maccab. 7. v. 5. 6. duo Seniores Susannæ, Dan. 13. v. 36. Judæi  
 accularunt Christum: Ecce homo vorax, & peccator, Matth. 11. v. 19. resi-  
 pit peccatores, & edit cum illis, Luc. 15. v. 2. per Beelzebub ejicit demonia,  
 Matth. 12. v. 24. insanit, Joh. 10. v. 20. August. Epist. 163. col. 655. Sex-  
 to Proditio. Exempla prodicionis & proditorum sunt Ziphzi, 1. Sam. 23.  
 v. 19. 20. 21. 22. 23. 24. Cives Kegila prodentes eum, qui de ipsis bene erat  
 meritus, 1. Sam. 23. Ab initio Rhodus mysteria enunciavit hostibus,  
 2. Maccab. 13. v. 21. Verum, tria expavescit cor meum, & quarum facies  
 mea perhorrescit, civitatis scilicet prodicionem, inquit Syrach cap. 26.  
 v. 5. 6. Proditio dignis afficitur pœnis, uti videre est 2. Maccab. 13. v. 3.  
 4. 5.



4. 5. 6. 7. 21. refertur ad hanc obrectatio, peccatum, quo alterius bona famaleditur, de eo absente male loquendo. Sic Sibade Mephiboseh Domino suo ad Davidem, 2. Sam. 16. v. 3. Remansit Jerusalem : dixit enim : Hodie restituet mihi Domus Israël regnum patris mei. Diserte autem 1. prohibetur, Levit. 19. v. 16. Ne ambulato cum detractio-  
ne per populares tuos. 2. Ejus turpitudine ostenditur, Prov. 12. v. 13. Ambulans cum detractio-  
ne revelat arcanum : ac fidus animo tegit rem. Psal. 57. v. 5. Lingua eorum gladius acutus. 3. Pii & salutis suæ studio-  
si stud fugiunt ; Psal. 15. v. 1. 2. Quis habitabit in monte sanctitatis tuæ  
qui non detrahit linguā suā. Convitia nunc intelligimus, cum alicui  
in os vitæ obijciuntur & exprobrantur, ex pravo aliquo animi affectu,  
atque ut ipse in contemtum adducatur. Exempla sunt in Simeï contra  
Davidem ; qui maledicebat ei in hunc modum, 2. Sam. 16. v. 7. 8. Egre-  
gere, egredere vir sanguinum ; & vir impie : Reddidit tibi Jehova  
omnem sanguinem domus Saulis, pro quo regnasti : & ecce, es in ma-  
lo tuo : quoniam vir sanguinum es. In Achabo contra Eliam, 1. Reg. 18.  
v. 17. Nonne tu es ille, qui conturbat Israël ? In Judæis contra Chri-  
stum ; Joh. 8. v. 48. Nonne bene dicimus, te Samaritanum esse, & de-  
monium habere ? & contra Apostolos, Actor. 2. v. 13. Alii fannis eos  
excipiebant, dicentes ; Vino dulci pleni sunt. Istud peccatum 1. diser-  
te prohibetur, Eph. 4. v. 31. Omnis amaritudo, & clamor, & maledi-  
centia, tollatur ex vobis, cum omni malitiâ, Tir. 2. v. 20. Ne quem ma-  
ledicis incessant. Specialius autem respectu Magistratum, Exod. 22.  
v. 28. Judicibus non maledices : neque principi in populo tuo maledi-  
ces. 2. Ejus turpitudine & gravitas indicatur, Jac. 4. v. 11. Ne alii aliis  
obloquimini, fratres : qui obloquitur fratri, qui que damnat fratrem  
suum, obloquitur legi, & damnat legem, Psal. 50. v. 19. 20. Ostium  
mittis in malum : Sedes, & contra fratrem tuum loqueris ; contra fi-  
lium matris tuæ das probum. 3. Peenæ denunciantur, Matth. 5. v. 22.  
Qui cunque dixerit fratri suo, Raca, damnas erit confes-  
sus : quisque autem dixerit fatue, damnas erit gehennæ ignis. Septimò, sermones  
insulsi : Sermo stultorum molestus est, Syr. 27. v. 14. & quasi sarcina pre-  
mens in itinere, Syr. 21. v. 19. Quibus offenditur DEUS ejusque An-  
geli & Homines : No' ire contristare spiritum tuo sermone, Eph. 4. v. 30.  
Nec facite laborare DEUM in sermonibus, Malach. 2. v. 17. Octavo,  
Suspicio, quæ est opinio mali de aliquo propter probabilem causam.

sive veram, sive apparentem. Est vel bona, vel mala: Bona est, cū ex causa sufficiente suspicamur, quæ non nisi viri boni, & sapientis est. Mala, quando ex causa vel prorsus malā, vel non sufficiente colligitur, & ideo prohibita est. Zach. 8. v. 17. Suspicio, quæ non credit proximo, disturbat unitatem, inquit Bernh. Decimò mordacitas, quæ consistit in perstringendo alios mordacibus dictis: Sicuti Jezabel Regem Jchu, 2. Reg. 9. v. 31. Athalia Regem Joas, 2. Reg. 11. 14. Undecimò, garrulitas & vaniloquentia, de qua Seneca: Dividamus si tibi videtur Serene, injuriam à contumelia prior illa, natura gravior est, hac levior, tamen delicatis gravis, qui non læduntur, sed offenduntur, tanta est tamen animorum dissolutio & vanitas, ut quidam nihil aliud acerbius putent. Sic invenies servum, qui flagellis quam colaphis cædi vult, & qui mortem ac verbera tolerabiliora credat, quam contumeliosa verba. Duodecimò pugnat cum hoc præcepto Judicium temerarium: Ubi non habetur sufficiens ratio veritatis cognoscendæ ac dijudicandæ; sed judicium istud nititur rumore incerto, relatione dubiā, aut signo qualicumque minus certo; ut si quis ex rebus externis prosperis judicet aliquem probum; ex adversis improbum, Eccles. 9. vers. 1. 2. Justi & sapientes, & opera eorum, sunt in manū DEI: etiam amorem, etiam odium, nescit homo omnium, quæ ante eos sunt. Omnia eveniunt consimiliter omnibus; eventus unus est justo & impio, improbi sæpe magnā & admirabili felicitate fruuntur in hoc sæculo; pii vero multa adversa experiuntur. Vide Job: 21. vers. 7. 13. Psalm. 17. vers. 10. 37. 35. Psal. 73. v. 3. 7. 12. Jerem. 12. v. 1. 2. Item Psalm. 41. v. 2. 72. v. 14. 15. Hujusmodi fuit peccatum amicorum Jobi circa ipsum; 4. v. 7. Imo & discipulorum Christi, circa eum, qui cæcus fuerat natus; Joh. 9. v. 2. 3. & Barbarorum Meliten-sium de Paulo, cum viperam viderent e manu ejus pendentem; Act. 28. v. 4. Temere etiam Sacerdos Heli Hannam judicabat ebriam, cum videret eam labia solum movere, vocem vero non audiret, 1. Sam. 1. v. 13. 14. Decimò tertio, Pertinacia, quā multū de erroribus convicti nolunt celsipiscere, sed sæviunt in candidos monitores: Prov. 9. v. 7. Syr. 21. v. 44. 18. 22. Proverb. 29. v. 1. Vir increpatus, qui indurat cervicem suam repente conteretur: Qui disciplinam odit, insipiens est, Proverb. 12. v. 1. pauper, Proverb. 13. v. 18. ac morietur, Proverb. 15. v. 10. ut Rex Amarias, 2. Par. 25. v. 16. Nabal, 1. Sam. 25. v. 25.

X. Nec

X.

Nec tantum hæc vitia adversantur huic præcepto, verum alia quoque, inter quæ primum Ambitio. Quanquam lux nostra lucere debet, ut videant homines bona nostra opera, Matth. 5. v. 16. non tamen id fieri debet *μεγὰρ τὸ ἰασηῖναι*, ut spectemur ab hominibus, Matth. 6. v. 2. sed virtutum opera facientes, quod Beda monet, vitium jactantiae per omnia, gloriamque vitemus humanam, ne bona nostra actio per inanem vulgi favorem supernæ retributionis munere privetur: Qui enim inquit Chrysost. nihil propter virtutem, sed ut hominibus, & rudibus, & indoctis placeat, operatur, quive in omni re fallacem hominum atque erroris plenam exquirat scientiam, quamvis meretur gloriam inanem. Secundo propria laus: Seipsum laudare Scriptura prohibet, Prov. 27. 2. Laudet te alienus, & non os tuum, &c. 2. Cor. 10. v. 12. Non audemus nos inferere & conferre cum quibusdam, qui seipsum commendant, &c. v. 13. 18. Interdum tamen licet: Sic enim Chrysost. Serm. in dictum Apostoli. Utinam tolerassetis, &c. Tom. 4. Col. 1379. Quemadmodum suas recitare virtutes extremæ videtur dementiæ, si nulla superest necessitas; ita necessitate violenter incumbente propellenteque proditio est, ea tacere, quæ quis studiosè perfecit: idque confirmat exemplo Apostoli, 2. Cor. 11. 16. 2. Cor. 3. 1. c. 12. v. 7. Christi, Joh. 8. 14. 54. Tertiò defensio non necessaria vel hypocritica. Non respondeas stulto, &c. Prov. 26. v. 4. Gloria viri est iniqua prætergredi, Prov. 19. v. 11. Sic Christus noluit multis confutare, quod non esset Samaritanus, Joh. 8. v. 49. Falsis testibus nihil respondit, Matth. 26. v. 63. Valer. Episcop. In privatis injuriis & convitiis plane victoria est, à clamoratione tacere, & non respondere provocanti: Habet enim mercedem, & de tua patientia, & de fratris medela, si oblivioni detur injuria. Sicuti nihil deformius, quam respondere furiosis: Ita nihil est utilius, quam tacere provocatis: Nullus est finis inimicitii, nisi ad tempus obtemperemus iratis. Quartò Adulatio: de qua Aug. l. 50. Hom. 20. Tom. 10. Col. 458. Quid est adulatio? nisi fallaci laude seductio? dolus duplicat cor, adulatio duplicat linguam, detractio vulnerat famam, de hac vide Psal. 12. v. 3. Psal. 55. v. 22. Prov. 26. v. 24. & 27. v. 6. Syr. 10. v. 2. Exemplar: Core & ejus complices, Num. 16. v. 3. Doëg Idumzus, 1. Sam. 22. v. 9. Amalechita 2. Sam. 1. v. 10. Rechab & Baana, 2. Sam. 4. v. 8. Absolon, 1. Reg. 15. v. 3. Siba, 2. Reg. 22. v. 11. 12. Juniores Ro-

11. Pars Specialis.

T

boam

boam Confiliarii , 2. Par. 10. *ψ.* 10. Duces & Bellatores Nabuchodonosor , Judith. 2. *ψ.* 3. Discipuli Phariseorum & Herodiani , Matth. 22. *ψ.* 16. populus aditans Herodi concionanti , Act. 12. *ψ.* 21 22. Et eandem quintò intempestiva , dura & imprudens Admonitio. Sæpe quis objurgat proximum , &c. Syr. 20. *ψ.* 1. Observa ergo tempus , Syr. 22. *ψ.* 6. Noli proximo conciliari inter pocula , &c. Syr. 31. v. 41. Sicut Abigail marito ebrio Nabal non indicavit minas Davidis , &c. 1. Sa. 15. v. 36. aut etiam Admonitio durior , quàm magis irritatur quam emendatur proximus : Sicut amici Jobis durioribus verbis utebantur , Job. 4. 3. 5. Unde Job respondit : *Usque què affligitis animam meam* , Job. 19. v. 2. 3.

## XL

Virtutes, quæ à DEO per hoc Verbum imperantur, sunt, primò Veritas seu Veracitas, quæ est firma *παρρησία* in voluntate, qua constanter amplectimur veras sententias, & easdem pro ratione officii nostri & circumstantiarum profiteamur ac defendimus, servamus pacta, & in sermone ac gestu vitamus insidiosas occultationes, ad DEI gloriam & proximi salutem. Facit iste finis, ut diabolus non sit verax, etiamsi verum dicat aliquando. Nam verax est, qui veritatem dicit & amat, eique studet propter gloriam DEI & proximi salutem. De hac virtute etiam disputat Aristoteles in Ethicis breviter, sed eruditè. Veritatem in patris refert ad justitiam. Veracem propriè vocat eum, qui cum nihil intersit, tamen verax est in oratione & vita, & qui talis est ipso habitu. Unde iterum liquet, diabolum & homines mendaces, non esse veraces, licet aliquando verum dicatur. Secundò *παρρησία*, quæ est virtus, quâ, quantum tempus, locus & necessitas postulat, veritatem liberè atque intrepidè profiteamur, nec absterremur metu periculorum. Confessio veritatis præcipitur in hoc & in certo præcepto, quomodo sæpè eadem virtus ad obedientiam diversorum præceptorum requiritur : sed aliter in illo, aliter in hoc præcepto sancitur. Ibi, quatenus est celebratio DEI immediata : hic quatenus fallere nolumus proximum, sed conservatam cupimus ejus famam & salutem. Tertiò Candor qui est virtus, quæ rectè dicta vel facta rectè accipit, ambigua in meliorem partem interpretatur, quatenus causæ probabiles sunt : non faciliè suspiciones concipit, nec iis, quantumvis causas probabiles habentibus, indulget, nullas ex iis actiones instituit, neque inde

de aliquid decernit aut statuit, seu, est Virtus vicina Veritati, propter probabilem rationem approbans alienas voluntates, non habens malevolentiam, quidam etiam ambigua fl. & ens in meliorem partem, ac bonum quidem sperans, sed tamen ut de rebus mutabilibus cogitans, posse mutari voluntates, & posse hominem errare de aliena voluntate, cum non penitus aspiciantur latebræ humani pectoris. Quartò Simplicitas, quæ est perspicua veritas sine ambagibus; vel, est virtus, quæ vera, recta & explicata in artibus, & communi vita, propriè & perspicuè dicit & facit. Simplicitate & candore veritas temperatur. Quintò Constantia quæ est virtus à veritate agnita non discedens, nec mutans consilium sine necessaria & probabili causa, sed constanter dicens & faciens vera, iusta & necessaria. Seu, est virtus inventa, agnita & approbata veritate perseverans, & similiter eam profitens ac defendens, & requiritur illa ad veritatis conservationem. Sextò Comitas seu affabilitas, quæ est virtus libenter & cum significatione benevolentiz audiens, respondens, loquens ubi opus est, propter causam necessariam vel probabilem: seu, virtus facile admitrens congressus aliorum, & colloquiis, sermonibus & gestibus benevolentiam significans: seu, virtus consistens in audiendo & respondendo, cum aliqua significatione benevolentiz. Septimò Urbanitas seu veri veritatis sermonis condimentum, est quæ veritas figurate dicta, ad alios taxandos, monendos, vel delectandos, servatis circumstantiis personarum, loci & temporis: seu, est facultas dicendi veritatem cum quadam vanitate, ad docendum, consolandum, exhilarandum vel taxandum alios sine acerbitate. Octavò Taciturnitas, quæ est virtus reticens arcana, & non necessaria dictu, ubi, quando, & quatenus non est opus, & vitans nimiam loquacitatem: seu, est modus profitendi veritatem ejusmodi, quo reticentur arcana, sive vera, sive falsa, vitantur sermones non necessarii & inutiles, maxime vero intemptivi, perniciosi & scandalosi. Nondè Justa Apologia contra calumniatores, quæ licita & concessa est: Respondendum est stulto secundum stultitiam, Prov. 26. v. 5. neque ad horam cedendum falsis fratribus, Gal. 2. v. 5. Quamvis enim conscia mens recti famæ mendacia ridet, atramen sic diligenda bona vita, ut etiam bonam non negligamus famam: Aug. de Do. & Christ. ad calumnias conticescere non oportet, non tantum, ut per contradictionem nos ipsos defendamus, sed ut in mendacio



dacio successum permittamus, & deceptos in damno non sinamus.  
 Decimò vera Gloriatio, & solida gloriandi ratio concessa; 1. Corinth. 1.  
 9. 31. Qui gloriatur, in Domino gloriatur, & 1. Cor. 15. 7. 10. Plus omnibus  
 laboravi, non ego, sed gratia DEI per me, 2. Cor. 10. 13. At nos de  
 illis non gloriamur, &c. v. 14. 15. 16. 17. 18. Jer. 9. 23. Non jactet se sapiens  
 in sapientia sua, &c. 24. sed in hoc jactet, qui jactat se, quod intelligat &  
 cognoscat me, &c. Veræ Gloriationis Exempla: Job. cap. 31. per totum  
 cap. fœdus pepigi cum oculis meis, &c. & Jeremias c. 12, 3. Tu Domine  
 nostime, &c. c. 15. 10. Non sceneravi, &c. & 17. Non sedi in Concilio  
 ludentium. Apostolus, 1. Corinth. 9. 15. 2. Cor. 1. 12. Phil. 3. 4. 5. 6. 7.  
 2. Cor. 12. 1. 6. 9. 10. Gal. 6. 14. Undecimò honesta Delatio. Delatio alia  
 est licita & necessaria, Lev. 5. 1. Si quis audiverit vocem juramenti, &  
 non indicaverit, feret poenam iniquitatis suæ: Sic Joseph, cum esset natus  
 septendecim annos, pascebat cum fratribus suis pecudes, & retulit infamiam  
 eorum Patri suo, Gen. 37. 2. Et 1. Reg 1. 11. 12. 13. 14. Nathan  
 Prophetam monet, adeoque urget Bathseba Matrem Salomonis, ut institutum  
 Adoniah, qui se pro Rege gerebat, Davidi deferret, quod ut fieret,  
 ipse pro vinli promovit & juvit. Ester. 2. 21. In diebus illis irati sunt  
 Bigtham & Thores duo Eunuchi Regis, & quæsi fuerunt mittere manum  
 in Regem Abasueros, v. 22. Innotuit autem res Mardochai, qui renun-  
 ciavit Esther ipsi Reginz, &c. 23. 1. Cor. 1. 11. Declaratum (alii significa-  
 tum) est enim mihi de vobis, fratres mei, à domesticis Cloes, quod lites  
 sint inter vos. Duodecimò Docilitas quæ est virtus inquirens rationes  
 verarum sententiarum, facile credens ac cedens meliora docentibus,  
 aut ostendentibus, idque propter certam rationem, & promptam fa-  
 ciens voluntatem ad acquiescendum veris & probabilibus rationibus, &  
 ad relinquendum ea, quæ prius falsa pro veris amplectebatur. Vi-  
 de Proverb. 1. vers. 5. cap. 4. vers. 13. cap. 10. v. 8. Et tandem duo-  
 decimo Studium bonæ famæ. Expetenda autem bona fama quia in  
 Scriptura mandatur: Curam habe de bono nomine, &c. Syr. 41. 15. 16.  
 In operibus tuis, &c. Syr. 33. 23. ne famæ tuæ maculam imprimas, ib. v. 24.  
 Quia bona fama divitiis præstantior: Melius est nomen bonum, quam  
 divitiarum multarum, &c. Prov. 22. 1. & unguenta pretiosa, Eccl. 7. 2. Bona fa-  
 ma impinguat ossa, Prov. 15. 30. Et bonum nomen permanet in ævum  
 Syr. 41. 16. Chrysost. in Epist. ad Hebr. Hom. 1. Col. 1353. Multo quip-  
 pe melior est opinio bonæ pecuniæ, illa enim si mala fuerit, non facile  
 ablu-

abluitur. Pecunias nihil laboris est acquirere. Magis autem pecunias, & cum adsunt non satis adjuvant, & cum desunt, nihil protinus obsunt, opinio autem bona si adsit, prodest plurimum: si vero absit, facit probrosum totum hominem, facit infamem, & ridiculum constituit omnibus & exosum.

## ERRORES PONTIFICIORUM.

Seget hinc iterum errorum, quæ noxia conscientis. Nam primò secundum Pontificios licet contumeliam contumelia, convitium convitio aliquando propellere, quia præparatio animi circa injurias sustendas: ætus præcipitur à Christo præcepto affirmationis, affirmativum autem non obligat pro semper, sed cum necesse fuerit atque ratio & circumstantia temporis postulaverit. Conspirant in hoc puncto Sotus, Sayrus, Filiucius, Fagundez. Secundò non est lethale peccatum audita aliorum crimina referre apud illos, quos credis ex merâ levitate esse credituros, addere te sic audivisse, sed minime credere, quia est tantum contra charitatem, non justitiam, secundum Sylvestrum, Cajetanum, Sotum, Navarram, Lessium. Tertiò non tantum non est lethale peccatum referre crimen alterius occultum uni aut alteri viro prudenti, qui celabit illud, ac si referatum non fuerit, sed etiam non est lethale peccatum, sine causa justa & honesta ob meram curiositatem & levitatem naturalem ex objecto de vitâ ac moribus aliorum inquirere, si inquirens persona gravis sit, quia revelare proximi gravem defectum, uni vel alteri viro prudenti, qui obesse non possit, & ita rem silebit, ac si nulli diceretur, peccatum mortale non est. Ergo si talis persona est, quæ sine malitia, ex mera curiositate de altero inquit, culpa gravis non aderit stante sententia Petri Navarra, Cordubæ, Tabienæ, Pedruæ, Grassii & aliorum. Quartò non tantum non est contra justitiam infamare illum, qui falsis virtutibus famam acquisivit, sed & illum, qui de uno crimine publice est infamatus, licitum est de aliis delictis alterius speciei levioribus infamare, quia si in gravioribus jam diffamatus est, haud gravis ei sit injuria, si minus gravia delicta de eo affirmantur ab eo revera patrata, secundum Paludanum & Sylvestrum. Quintò non tantum libellum infamatorium non manifestat ille, qui illum solum perlegit per-

fone, sed conficiens etiam non tenetur se manifestare, si Superioris edi-  
 ctis, vel sub censura jubeatur, ut se prodar, quia in capite Gregorii qui-  
 dam maligni, q. 1. si præceptum non fuit, ut ille homo se proderet abso-  
 lute, sed sub conditione, ut vel proderet se, vel esset excommunicatus,  
 ita Cajetanus & Suarez, tom. 5. disp. 4. & 5. Sexto non peccat lethaliter  
 contra justitiam, qui sine legitima causa iterum infamat illum, qui pu-  
 blice criminofus fuerat per judicis sententiam, vel per publicum factum,  
 sed tamen jam erat bonam famam assecutus, aut illius delictis oblivioni  
 tradita, quia ille jure ac publico præconio in commissi delicti poenam  
 suam famam privatus est, adeo ut liceat, & cuicunque data sit facultas scelus  
 illud propalandi, ut sentit Sotus & Lessius, quia licitum hoc est, si ob id  
 ab infamato, præter infamiam aliquod aliud grave incommodum sit ob-  
 venturum. Septimo non peccat contra justitiam, qui alibi divulgat cri-  
 men illius, quem scit fuisse injuste à judice aut falforum testium iniqui-  
 tate hoc in loco damnatum, quia quamvis reus per injuriam à judice con-  
 tra jus damnatus suum jus non amittat ad suam famam, tamen in hoc ca-  
 su non amittit jus ad illam præcise per illam injuriam formaliter, sed ex  
 quadam consecutione, quia scilicet ex injuria sequitur publicum fieri, un-  
 de eo info jus amisit, ut homines recte de tali homine sentiant. Ita sta-  
 tuunt Lessius, lib. 2. cap. 11. dub. 13. num. 37. Octavo licet crimen falsum  
 proximo affingere ad torturam in judicio vel extra illud damnum gra-  
 ve vitandum, si enim talis revelare potest, crimen verum secretum, po-  
 test ei etiam affingere falsum, secundum Sotum, Lessium, Malderum.  
 Non est mortale peccatum alienas literas sine animo nocendi ob-  
 curiositatem aperire, quia id materie levitas & carens mortali defor-  
 mitate excusat, ita Sa, Sylvester, Navarrus, Fagundez. Decimo le-  
 thale non est se ipsum sine causa infamare, stando præcise in propria  
 infamie ratione, quia homo est famæ suæ Dominus, sicut & bonorum  
 temporalium, conspirantibus in unum hic Covarruvia, Toletano, Mo-  
 lina, Lessio, Maldero, Toletano, Sayro, Filiucio, Navarra, Andria-  
 no, Turriano, Fagundez. Undecimo ad vitanda gravia tormen-  
 ta in judicio vel diuturnum carcerem, lethale peccatum non est se  
 ipsum infamare, vel falsum sibi imponendo crimen, vel verum occultum  
 confitendo, ex cujus impositione vel confessione certo quis sciat  
 se capitali sententia afficiendum, quia hoc moraliter loquendo non est  
 dare propriæ morti causam, quam una brevi morte multas dignas  
 redi-

redimere secundum Malderum, Lessium, Toletum, Sotum, Covarruviam, Sayrum, Angelum, Sylvestrum & alios plures Recentiores, nec tenetur in loco supplicii retractare. Duodecimò licet per susurationem alium excludere ab amicitia, quam ipse tibi ambis, verbi gratia, cum principe, narrando tantum aliquos defectus naturales illius, quem intendis excludere, quia amicitia & familiaritas est bonum gratuitum, pendens à libera voluntate amicorum, juxta Sotum, Aragonium, Bonacinam. Decimò tertio, quando utrinque sunt motivæ probabiles, nec est peccatum grave judicare probabiliter contra personam, præstando de ejus detractò gravi probabilem Assensum, quia existentibus his motivis possumus licite judicare, probabile esse tale delictum, ut sentit Cardinalis Lugo, tom. 1. de just. disp. 14. sect. 1. n. 22. Decimò quarto, suspicio temeraria, quæ scilicet habetur ex levibus indiciiis, ex suo genere & objecto non est peccatum lethale, quia suspicio de gravi malo non judicium aut firmus assensus, nec opinativus, imò nec proprie est Assensus; sic definiunt Cajetanus, Sotus, Sylvester, Navarrus, Valentia, Fagundez, Medina, Filliucius, Lessius & alii. Ita quoque de opinione temeraria censet Escobar de Mend. 2a. Decimò quinto, fas est, uti æquivocatione & audientem decipere. Ita Toletus, Gregorius de Valentia, Sotus, Filliucius. Decimò sexto, fas est, fidem hæreticis datam fallere. Ita Ebenmannus. Decimò septimò, in confessione silentio res aliqua ita premenda est, quæcunque etiã causa sub sigillo confessionis ut si interrogetur etiã cum discrimine vitæ debeat filere. Decimò octavò, non omne mendacium est lethale, ita Lessius & alii. Decimò nonò, licitus est Stellionatus in libris subventaneis.

## XII.

Hætenus recensuimus, quæ in Papatu disputantur, quæ in agro illius Lappæ tribulique inveniantur. Requiritur Examen & evulsio. Primum ipso fructu horridum. Nam primò aliud imperat Salomon, Proverb. 26. v. 4. aliud Christus, Matth. 5. v. 39. aliud Paulus, Rom. 12. aliud suggerit Christiana mansuetudo, aliud modus declinandi mali. Qui enim contumeliam contumeliâ, convitium convitio repellit, malum malo, peccatum peccato, non tam propellit quam cumulat. Secundum



cundò , præceptum de diligendo DEO & proximo est affirmativum, num itaque non obligat pro semper ? Tertio repugnat huic assertioni Ambrosius libr. 10. Alterum effatum itidem à vero ablu- dit , tum quia non quæ rumusculi Vulgi suggerunt credenda confe- sim , multo minus diffundenda , propalanda minimè verò apud il- los , quos novimus ex mera levitate credituros , ita enim levitati illi scientes , volentes , cooperamur & oleum addimus , camino tum quia , An illa peccata , quæ sunt contra charitatem , non sint contra justitiam , & vicissim , alibi expendimus , tum quia ipsi Pontificii qui- dam ita putant esse peccatum lethale contra justitiam , ut etiam ob- uoxium reddat restitutioni. Tertium peccat primum in illo , quia sine causa iusta & honesta licere vult , de vita & moribus aliorum in- quirere , quæ inquisitio est *παραπλῆξ* & *κατασκευασμένη* , quia stabi- lit curiositatem & levitatem naturalem , quia denique jus & fas esse asse- rit , quod superiori & iudici tantum ex officio concessum , unde contra hanc sententiam ex ipsis Pontificiis disputat Fagundez , lib. 8. cap. 3. num. 6. Quartum iterum laborat , quia infamare dicit actum malum , quia ex ipsorum Pontificiorum sententia , qui est infamis in uno vitii genere , non ideo amisit jus , quod habet ad bonam famam in aliis vir- tutibus , & si aliquis commisit crimen , & publice à Magistratu propte- rea famæ discrimen subierit , non propterea subjacet in aliis cujusque privati iudicio & linguæ , quia deniq; etiam ipsi Doctores in papatu huic sententiæ contradicunt , Navarra , Malderus , Corduba , Lessius. Quintum ludit non tantum in voce manifestare , & Pontificis aucto- ritatem Pii scil. quinti pulsat , sed & primò laxat conscientiam & vin- culum , quod est inter superiores & inferiores , principem & subdi- tos ; annon enim interrogatus iuridice à suo Superiore vel principe tenetur manifestare veritatem , atque ita profiteri sese confecisse libel- lum famosum , posito quod confecerit ; annon ita eludi possent ju- dicia passim , & homo sceleratus præferre suam salutem veritati , quam DEUS vult in judiciis vigere inter omnes ? Denique num non aper- te Gregorius in capite *quidam maligni* 595. excommunicavit quen- dam , qui libellum famosum contra alium confecerat , nisi ipse se ponderet , ex quo ipsi Doctores Pontificii concludunt , huiusmodi libelli Confessorem teneri ob criminis atrocitatem esse pondere ,  
jubeat



jubeatur tantum, qui admitti possit non videmus, qui enim jam bonam famam assecutus, ille ea non deiciendus, & si delicta oblivioni erant tradita, non refodienda, *Nicht dem seine Sünde nicht auff/ der sich gebessert/* inquit Syracides. Secundò ipsi Pontificii volunt peccari contra justitiam, & ad restitutionem talem teneri, ex eo, quia licet per judicis sententiam, aut per publicam famam perpetrati delicti fuerit illi, fama antecessens ablata, non tamen fama subsequens, quam posterioribus rectè factis acquisivit, & quam tempus illi conciliavit. Unde recedunt ab hac sententia Toletus, Adrianus, Navarra, Fagundez. Septimum crudum est. Est enim contra charitatem proximi, agnoscantibus omnibus, qui in papatu cum aliqua Conscientiæ Observatione docent moralia, quia damnum proximi tenemur vitare ex hac ipsa virtute; est contra justitiam etiam secundum quosdam, & proinde restitutioni obnoxium, quia talis solum per sententiam judicis, vel patrationem delicti in loco publico amisit jus ad famam & honores publicos, non ad pensionem, non ad alimenta, non ad bonorum patrimonialium conservationem, legatur Toletus lib. 5. c. 65. Octavum iniquissimum est in innocentem. nam primò absolute non licet falsum dicere seu mentiri, etiamsi non noceas tuo mendacio alteri, est enim vitium contra veracitatem. secundò non licet mentiri adversus proximum, quia hoc ipso quoque charitas & justitia violatur; tertio multò minus crimen falsum affingere proximo, famam illius crimine imputato denigrare, cum perniciosum & tanti gradus mendacium nunquam licitum, nec recta ratio, etiam seposita Scriptura, tale quid potest admittere, sed detestatur summè & improbat; longè autem aliud est crimen occultum dicere sed verum, aliud autem falsum imponere; nec commodum, quod intenditur, actum hunc foedissimum cohonestare potest, sed peccatum peccato cumulat, nam etiam non sunt facienda mala, ut vera eveniant bona, non tantum nobis utilia vel commoda. displicet itaque etiam hac assertio ipsi Soto, Lessio, Fagundezio, Navarro & Sylvestro. Nonum nequitiae iterum patrocinator. nam primò Curiositatem elevat, & inter peccatilla recenset: secundò nullum jus habet alius in meam Epistolam, quam referare volo tantum illum, ad

quem dirigo. tertio ita literarum commercium valde sufflam-  
 minabitur, egregium & utile Reipubl. organon. Undecimum  
 pugnat cum voluntate DEI, qui hominem custodem vult esse  
 vitæ suæ, custodem linguæ, nec unquam mendacio se contami-  
 nare, & ut *αὐτίχας* pessimus homo audit, ita quoque ille, qui  
 tantum in se peccat, ut etiam sibi per sceleris falsi imputatio-  
 nem vitam abrumpat, & in illo peccato usque in ultimum ha-  
 litum etiam in loco supplicii perseverat: secundo ipsi Docto-  
 res Pontificii pugnant contra hanc sententiam, ex eo, quia chari-  
 tas unumquemque obligat, ex se & sua diligit, ut videre est  
 apud Escobar. pagin. 377. tertio abhorrent à fœdo hoc  
 pronunciato Cajetanus, Antonius Angelus, Valentia. Tur-  
 rianus, Undecimum ob multa impium est, quia ut non pos-  
 sum bona temporalia dissipare, prodigere, & quocunque illi-  
 cito modo distrahere, ita nec licet quicquam mihi in meam fa-  
 mam, & quidem eò minùs, quo minus incommodum, jacturam  
 pati bonorum, quàm famæ; quia secundo contra charita-  
 tem agit talis, charitas enim obligat unumquemque, ut se &  
 sua diligit, &c. quia tandem Pontificii ipsi renituntur, Ca-  
 Cajetanus, Antoninus, Angelus, Sylvester, Valentia, Turrianus  
 & alii. graviter proinde invehitur in Tamburinum Sinnichius,  
 p. 554. usq; ad finem. Duodecimum vitiis favet, & media illegi-  
 tima probat. nam quid est susurratio, nisi infame nomen, quid est  
 excludere aliquem ab amicitia, quàm commodum proximi non  
 promovere, sed impedire, quid est defectus naturales narrare,  
 quam obloqui DEO, proximo, exprobrare, quæ citra culpam ei-  
 dem adhærent, vidit hoc Ipse laxissimus laxitatum patronus; Esc.  
 unde cum Salonio, Sayro, Azorio & aliis in negativam descendit.  
 Decimum tertium displicet ex eo, quia animus dubius non debet  
 precipitare se, & potius in mitiorem inclinare partem, quia præ-  
 terea detractio, qua existentibus motivis probabilibus ex utraque  
 parte determinatè quis affirmat crimen seu defectum gravem pro-  
 ximi, gravem continet culpam, ergo & assensus internus quo a-  
 pud se idem affirmat etiam gravem continebit culpam, conclu-  
 dentibus ipsis Pontificiis Doctoribus. Decimum quartum Suspi-  
 cioni temerariæ habenas laxat, quæ tamen eo ipso, quo suspicio,  
 & quidem temeraria, grande peccatum est; quia suspicio etiam ex  
 Pon-

Pontificiorum sententia tunc habetur, quando aliquis jam non dubitat nec suspensus est, sed propendet & inclinatur in alteram partem, licet nondum assensum opinativum aut firmum ferat, &c. Escob. p. 383. §. 189. Decimum quintum egregiam illam materiam reproducit, inquam tam severum se exhibuit Sinnichius. pag. 565. usque in finem. Decimum sextum, Meisnerus convellit. Decimum septimum, nostri Theologi. Decimum octavum, Sinnichius, p. 558.

XIII.

In Calvinianis reprehensionem meretur illa assertio, quod simulatio & dissimulatio sit licita, quam propugnat Amesius, Polanus, Beza & alii.

XIV.

Anabaptistæ statuunt contra sensum hujus Præcepti, falsum tantum juramentum fuisse prohibitum, imò prolixius in Collatione Embdeni: *Porro tam severa pœna gravis comminatione Christiano vetitum est mentiri; quam Israeli Levit. 19. vetitum fuit non iurare falsum iuramentum: sicut legi potest Apoc. 21. & 22. illis qui mendacium faciunt & amant, partem fore in lacu ignis; sicut quoque Evangelista Johannes cap. 8. verum legitur Levit. 5. illum qui peierasset, potuisse expiari oblato sacrificio pro peccato suo.*

XV.

Deniq; Photiniani quoq; à veritate sensus recedunt in hoc præcepto. ita n. Catech. Rakov. was gehört zu diese Gebot? Eine jedere lügen/welche nicht allein aus solch einem hergen herfließt/das jemanden in der rede begeret zu verfortellen/ sondern auch die aus leichtfertigkeit herkömte: und darzu allerley afterreden und ohrenblasen/ verleumbden und verdamen. Similiter Smalcus de divinitate Christi scribit. prohibet Lex, ne falsum testimonium dicamus adversus proximum. perfecit eam D. J E S U S & implevit. Tandem Volckelius, ita in hoc verbum commentatur: Ad hoc præceptum rectè intelligendum primo videbimus quo sensu per Moysen traditum fuerit, &c.

XVI.

At nihil solidi in hac Catechesi. nam etiam mendacia & levitates, obtrectiones, censuras & judicia atque condem-

nationes fuisse prohibitas liquet ex Deuteronom. 6. versic. 5. Volkelius primò supponit Moſen non niſi illa falſa teſtimonia prohibuiſſe, quæ proximum vel in vitæ vel fortunarum vel honoris diſcrimen adducunt, contrarium ſupra oſtenſum eſt ex allegatis dictis, oſtendi poteſt ex natura legis, quæ ſpiritaliſeſt, & omne id quod carnale excludit, quæ perfectæ, & ut alia præcepta de non occidendo, non mœchando, non furando, non tantum quædam vitia proſcribunt, ſed perfectam exigunt charitatem, caſtitaſtem, αὐτάρκεια, hæc quoque perfectam linguæ & cordis temperaturam exigat, atque omne id, quod quocunque modo deviat ab hac perfectione, ſubmoveret & excludit, quæ dilectionem proximi exactam ſpirat, & conſequenter omne id quod adverſatur eidem non admittit, ſed prohibet & deteſtatur; denique ex ipſo lumine naturæ, quod ſanè non ſuperat, imò non æquat, ſed longè infra legem moralem ſubſidet, mendacium proſcribente. Secundò ſupponit mendacia officioſa eſſe licita vel fuiſſe. At primò mendacium officioſum eſt quoque mendacium, diſforme itaq; legi divinæ, quæ veracitatem exigat; dicitur officioſum, quia illo ſubvenitur alicui; at hic finis accidentarius non tollit ipſam naturam mali mendacio intrinſecam & formalem, neque faciendæ ſunt mala ut eveniant bona. Denique quæcunq; neceſſitas hîc fingatur, quæ exprimat latè mendacium, nequit tamen illa tollere formam mendacii, & qua talis actus dijudicandus, unde Apoſtolus ſimpliciter vult deponendum eſſe mendacium. Ephes. 4. γ. 25. & ſectandam eſſe veritatem in charitate. γ. 15. vid. Auguſtinus. tertio exemplis agit, non legibus, poſito enim quod obſettrices Ægyptiacæ mentitæ fuerint, Rahab à vero receſſerit, Michol verbis uſa fuerit falſis, Jonathan obliquo ſermonis genere uſerit, nondum tamen probatum, legi conformiter egiſſe, nondum hunc modum & medium ſervandi proximum DEO placuiſſe, nondum in imitationem iſtiusmodi exempla eſſe præſcripta. quæ vero de parabolis, Apologis & aliis figuris adducunt, à præſenti argumento abludunt, neque ad prohibitionem hanc referri debent.

C A P U T V I.

PRÆCEPTUM IX. & X.

VERBA TEXTUS.

לֹא תַחְמֹד בֵּית רֵעֶךָ לֹא	<i>Non concupisces domum</i>
תַּחְמֹד אִשְׁתִּי רֵעֶךָ וְעַבְדּוֹ	<i>proximi tui; Non concupisces</i>
וְאִמָּתוֹ וְשׁוֹרוֹ וְחֲמֹרוֹ וְכִלָּיו	<i>uxorem proximi tui, neq. ser-</i>
אֲשֶׁר לִרְעֶךָ :	<i>vum ejus, neq. ancillam, neq. bo-</i>
	<i>vem, neq. asinum ejus, neq. ulla, qua illius sunt.</i>

T H E S I S I.

**S**equitur nonum & decimum Præceptum, quæ duo distincta secundum nostros, plerunque autem, quia de concupiscentia actuali & originali agunt, connectuntur; Ordine autem sequitur hoc argumentum de concupiscentia, ut scil. intelligamus, in antecedentibus non prohiberi tantum externos actus, sed etiam interiores motus, & quidem usque ad primò primos imò radicem vitiosam, quæ concupiscentia originalis. Requiritur verò perfectam conformitatem hominis cum voluntate divina sanctissima, ut omnia quæ in illo, ardeant amore DEI & proximi, sincero, perfecto & immutabili. Sigillatim progreditur Cocceius pagin. 554. qui omninò videndus. Dicitur autem primò non concupisces domum proximi, secundò non concupisces uxorem proximi tui, non servum, non ancillam, non bovem, non asinum, nec omnia quæ illius sunt. In quibus iterum observandus Actus, secundò Objectum, tertio Prohibitio, Actus in nono designatur voce תַּחְמֹד tachmod, quod verbum deducitur à תַּחַם chamad, quod generatim notat desiderare, concupiscere, optare, unde etiam ipsi DEO adscribitur Ps. 68. v. 17. hic verò accipitur ut Proverb. 2. v. 22. Job. 7. v. 21. Cognationem secundum quosdam habet cum voce תַּחַם chamam, quæ notat incallescere, ardere, atque ita occurrit Exod. 16. v. 21. Eccles. 4. v. 11. 1. Reg. 1. v. 2. Esaiæ 27. v. 5. Matthæus Galenus quidem



putavit hoc verbo notari non libidinem quamlibet, sed æstrum, flammam, incendium; verum refutatur ab ipso Socio religionis Lorino p. 240. Altera vox, quæ in Decimo usurpatur est **חַוְוִי** titaveh, ab **חָוָה** desiderare, concupiscere, quæ quandoque notat motum voluntatis adhibendum rem pulchram vel jucundam, eaque fruendum. atque ita occurrit Deut. 5. *ψ*l. 21. Psalm. 45. *ψ*. 13. Prov. 21. *ψ*l. 10. Psal. 132. *ψ*. 13, 14. Job. 23. *ψ*. 23. Hic verò notat facere concupiscere incitare ad concupiscendum, adeoque originale malum designat, observante B. nostro Chemnitio, qui notanter scribit & observat vim vocis hujus p. 246.

## II.

Objectum Actus hujus sive utriusque concupiscentiæ sunt domus, ager, uxor, servus & ancilla. Bos & asinus & omnia sive universa, quæ sunt proximi. in Græco primo loco ponitur domus, atque nono inseritur, cætera decimo, in Deuteronomio aliter se habet ordo, atque uxor primo loco ponitur, cætera autem & inter alia ager submituntur, nulla confusionis nota, sed varietate ordinis selecta, ut non malè expendit Grotius, prolixius B. Gerhard. Deuterom. pagin. 368. Objectum itaque prohibitum est Domus qualiscunque angusta sive angusta. Matthæus Galenus & Croquetius familiam intelligunt per metonymiam, & proinde putant vetari, & hic quoque liberorum, concupiscentiam, id est, nè quis cor inordinate concupiscat. Per agrum, qui in Deut. additur, intelligitur omnis illa possessio, quæ aliàs hortorum, pratorum, sylvarum, piscinarum, & similium nomine venit; secundo interdicitur concupiscentia alienæ uxoris, imò generaliter omnis concupiscentia carnalium libidinum, secundum quosdam hic intelliguntur, præludia & præparationes ad talia; tertio servus & ancilla, Matth. Galenus vult agere Mosen de Mancipiis, non de ministris, esse tamen eandem utrorumque rationem, cum nefas sit desiderare alicujus utilem & necessarium ministrum. Verum castigatur à Socio, Lorin. scil. qui contradicat: quarto Bos & asinus, hoc est omne jumentum, quod ad usum nostrum facit. Tandem universa quæ proximi sunt, de quo videndus Lutherus in Catechismo & Lorinus.

## III. Cur

III.

Cura. Deus peculiari præcepto concupiscentiam prohibere voluerit, respondent Nostri: quia est ἀνομία, ac proinde etiam ἀμαρτία, pugnans cum perfecta illa totius Naturæ humanæ conformitate & integritate, quæ fuit in primo homine ante lapsum; Itemq; cum archetypo, ad cuius imaginem homo primum fuit conditus quemque in suis actionibus, & totâ suâ Natura exprimere debet. ad alteram quæstionem respondent: Quare DEUS peculiari præcepto concupiscentiam prohibere voluerit, cum juxta infallibilem Christi interpretationem, Matth. 5. jam antè in reliquis præceptis fuerit prohibita? Resp. 1. Actualem concupiscentiam idèò peculiater legislator prohibere voluit, ut eò fortius crasso & carnali populo Judaico inculcare, non solum delicta externa, sed etiam interiores pravæ concupiscentiæ æstus prohibitos esse.

IV.

Prohibitio quæ in voce נָחֳמֵךְ continetur, universaliter est accipienda non tantum respectu delictorum recensitorum, sed maximè respectu hominum, qui enim dixit non concupisces, ille hoc ipso prohibuit, ne vel hujus vel illius status hujus vel illius ætatis, hujus vel illius sexus concupiscat, ne laboret morbo illo, quo omnes sumus corrupti, & præcepit ut absque concupiscentia sint omnes nostri actus, motus, & Sedes omnium animus, adeoque purum & perfectum hominem similem Adamo, qui expers omnis concupiscentiæ ad imaginem & similitudinem DEI in justitia & sanctitate creatus est, requirit.

V.

Ex dictis liquet, quid judicandum de commentario Crotii, Cal. Non concupisces] In hoc loco Hebraicè נָחֳמֵךְ, in Deuteronomio נִחְמָךְ. Significat ea vox & actus dolosos, quibbs alienum intervertitur, & sensu sublimiore appetitus etiam. Hunc sensum fermè negligebant Hebræi, idèò Christus ostendit, talem appetitum non modò Deo displicere, sed & si foveatur, gehennæ obnoxium.

VI.

Prohibentur autem hoc in præcepto nono, scil. 1. πλεονεξία, de qua

de qua Thum. p. 544. Invidia. p. 545. in decimo concupiscentia prava & hypocritica concupiscentiæ prava mortificatio. Thummius 546.

## VII.

Virtutes verò præcipuæ sunt *avm̃gencia*, quæ non plura concupiscamus, sed modico & pusillo nostro contenti esse discamus: melius enim id est, iusto super divitias peccatorum multas. Psalm. 37. v. 16. si namque

----- *Rure paterno*

*Est tibi far medicum, purum, & sine labe salinus:*

*Quid metuas? cultrixq; foci sceura patella:*

*Hoc satis est:*

Secunda virtus hujus præcepti potest esse proximi salutem felicitatem promovendi cupiditas. Et hoc vult Paulus, dicens: *Nemo quod suum est, quærat, sed quod alterius est.* 1. Cor. 10. v. 24. Ambros. Nemo commodum suum quærat, sed alterius, nemo honorem quærat, sed alterius.

## ERRORES PONTIFICIORUM.

Parci hîc sunt Pontificii Doctores, qui moralia tractant atque plerunque in octavo præcepto subsistunt, putant enim hæc duo comprehendî in prioribus, præcepto scil. de non mœchando, & non furando. Trabalus Error hic & communis est totius scholæ Pontificiæ, concupiscentiam in renatis superslitem non esse peccatum, nec lege prohibitam, sed tantum causam & pœnam peccati, de quo nostri Theologi.

## VIII.

Nec Calviniani hic usque absque reprehensionis merito sunt, dum urgent identitatem præcepti noni & decimi, de quo vid. Cramerum, Könningium & ceteros, & dum originale peccatum non prohibitum hic esse volunt cum Molinæo quem vide.

## IX.

Photiniani in hisce præceptis iterum urgent Augmentum. sic enim Catechismus Rakoviensis: *Was ist das / seines Nächsten Haus? ic. begehren? Es ist in seinem Herzen beschliessen und best vornehmen / daß man seines Nächsten Dinge / die uns wolgefallen / haben*

haben mögen/ und soltes gleich durch die allerungehörlichsten Mittel geschehen. Was ist in dem neuen Bund darzu gerhan? Dis/ daß man nicht allein/ also nicht begehren/ sondern/ daß man auch sein Herz nach den Dingen die man begehret/ nicht henden soll/ ob man schon nicht gedächte die begierde zu vollziehen/ sondern sich nur allein in seinem Herzen damit künzele. Denn was einem Christen zu thun oder zu haben nicht gebühret/ das gebühret sich auch nicht zu begehren. Smalcus itidem & tandem Volkelius &c.

X.

Sed hæc sunt similia antecedentibus, & eodem dignæ carbone. nam primò falsum est, legem de non concupiscendo in V. Test. non prohibuisse titillationes de alienis, cum titillatio plus dicat quam motum primò primum, & tamen etiam illi cum mala sua radice in hisce præceptis sunt taxati, censurâ divini iudicii notati. Secundò num non Apostolus Rom. 7. dicit? Lex spiritualis, ego verò carnalis, venundatus sub peccatum! num non? nesciebam concupiscentiam esse peccatum, nisi Lex dixisset, non concupisces. Lex itaque tota spiritualis est, excludens omne carnale, sive intra primos adhuc subsistat motus, sive ad titillationes progrediatur, sive ad actus deliberatos, vel etiam externos & consumatos, concupiscentia illa in hac lege est prohibita, quam Apostolus ex Lumine naturæ peccatum esse non cognovit, ergò etiam primi motus, & illorum fons, origo & radix, quarum sceditas ex revelatione innotescit. Tertiò omne figmentum cordis humani dicitur esse prævum. Gen. 6. v. 5. concipere itaque concupiscentias, atque illis delectari, malum erit & prævum, præcisa temporis variatione. Secundò Smalcus supponit falsum, perfectam fuisse à Christo legem divinam, nè unquam eas concipiamus apud animos nostros, adeoque exclusos etiam esse primos conceptus, cum tamen Catechismus velit tantum titillationes esse à Christo vetitas, atque ita hac in parte auctam. tertiò concludit Smalcus: ô divinam legis perfectionem! cum potiùs exclamandum fuisset ô divinam legis imperfectionem, quam purus Homo Christus sustulit, cujus intelligentiam & perfectionem Deus tam diu tot seculis in sua Ecclesia durare voluit. vid. Thum. de Instantia Smalcii, 142.

## XI.

Tertiò Volkelius primò supponit duorum peccatorum tantum, furti & adulterii fontem & originem extirpare instituisse, atqui concupiscentia non duorum tantum, sed omnium peccatorum radix, fons & origo est, ex corde enim exeunt malæ cogitationes. Matth. 15. nec Paulus concupiscentiam sentiendò, tam in furta & adulteria propendit, quàm aliorum motuum inordinatorum molestiam passus fuit, nec datur in homine post lapsum appetitus vitiosus tantum concupiscibilis, sed & irascibilis, nec scriptura carnis nomine, quam opponit spiritui, quoque concupiscentiam exprimit, ad hæc duo tantum restringit peccata, sed vitia etiam notat ipsius intellectus vel naturalium facultatum. Rom. 8. v. 6. utut itaque recenseantur in hoc Præcepto nono & decimo talia objecta, quæ aliàs ad furtum & mœchationem referri possunt, non tamen excluduntur alia, cum notus sit modus præceptorum divinatorum in Decalogo, qua vel synecdochicè ponitur pars, & totum intelligitur, vel à compari concludendum esse, vel à minori ad majus progrediendum esse insinuat. quod si ponamus hoc præcepto DEUM fontem furti & adulterii extirpare voluisse, annon ita concedendum, DEUM voluisse extirpare illam concupiscentiam, quam Christus prohibuit, quia illa est fons, origo furti & adulterii. secundò falsissimum est, cupiditatem nefariam, furti vel adulterii non numeratam fuisse vel furti vel adulterii loco, cum Lex æquè fuerit Lucerna Judæis atque nobis, ut non tantum Paulus ex illa cognoscere potuerit, quantum & quale malum concupiscentia tempore N. T. quàm Judæi in veteri, nec ipsi gentiles tam cæci fuerunt, ut non aliquas stricturas cognitionis hic admiserint. Marc. 657. tertiò falsum est ea de causa separatim esse præceptum hoc traditum, cum additum hoc sit præceptum, ut universaliter omnes motus peccata esse, & sub prohibitione esse, intelligeremus, etsi recta ratio dicat, quæ habere minimè convenit, ea nec concupiscere debere, cupiscentiam abesse debere, imperat, nec quicquam additum, ut supponit Volkelius, unde etiam nullum adducit dictum Christi, ex quo probet argumentum additum, esse aliquid huic præcepto.

LAUS DEO.

INDEX.







# INDEX CAPITUM.

## PART. GENER.

- |   |                                 |
|---|---------------------------------|
| 1. De Theologia Morali. p. 1.                               | 8. De Moralitate. 209.          |
| 2. De Vita Sanctitate. 19.                                  | 9. De Bonitate & Malitia. 222.  |
| 3. De Subjecto. 41.   | 10. De Conscientia. 255.        |
| 4. De Objecto Reali, & quidem<br>maximè de Passionibus. 62. | 11. De Lege Naturæ. 310.        |
| 5. De Remediis Affectuum. 140.                              | 12. De Lege Morali. 320.        |
| 6. De Signis Affectuum. 157.                                | 13. De Legibus Positivis. 335.  |
| 7. De Actibus Moralibus. 174.                               | 14. De Peccato in Genere. 358.  |
|   | 15. De Virtute Christiana. 377. |

## I N D E X

### RERUM & VERBORUM MEMORABILIMUM.

B. L. NB. numerus simpliciter positus, v. gr. p. 1. 10. 20. &c. attinet Part. Gen. ubi additur P. S. p. 1. c. 1. p. 1. 10. &c. notatur Pars Specialis, præcepto primo, cap. prim. pag. 1. &c.

A.

**A**dominatio. 101. pr. 1. c. 3. pag. 252. remedium. 154. P. G.  
Abortus. varia disp. P. S. pr. 5. c. 2. 62. 68. seq.

אֱלֹהִים alii. P. S. pr. 1. p. 42.

Actio late sumpta, quid? 2.

Actus moralis. 174. causa. ib. an  
actus habeat duplicem speciem  
bonitatis? 233. actus electus pro-  
pter bonitatem, an habeat du-  
plicem bonitatem? 239. indis-  
ferens. 240. unus idemque an  
possit esse bonus ex objecto, ma-  
lus ex fine? 248.

Admiratio. 74. quid & unde? ib.

137.

Adorationis Sanctorum species. P.  
S. pr. 1. c. 2. 126. argumenta  
Pontiff. ib. 133. circa adoratio-  
nem Dei errores Tamburini.  
pr. 1. c. 6. 398.

Adramelech. pr. 1. c. 1. 61.

Adulatio. pr. 2. 5. 145.

Adulterium. P. S. pr. 6. 77.

Aegyptus. P. S. praf. 35. 38. Pa-  
ret hodie Turca. P. S. praf. 38.  
domus servorum. 39. pr. 1. c. 1.  
p. 63.

Aesculapius. pr. 1. c. 1. 74.

## Index Rerum

**Affectus definitio.** 69. immutatio affectuum. ib. 87. malè passionum & perturbationum nomine generaliter insignantur. 70. malè definiunt Platonici, Stoici, Cicero. ib. subiectum est cor. 71. brutorum. 76. spectantur aff. in genere morum & natura. 77. compescendorum remedia. 140. non sunt vitiosi toto genere. 78. numero undecim. 80. seq. an sit numerus senarius? 82. in passiones primitivas & à primitivis ortas Cartesius distinguit. 84. an sequantur corporis temperamentum? 88. seq. 114. Ratio politicè imperat, non despoticè. 90. 172. eorum signa. 157. communia & propria, ib. specialia. 158.

**אהיה אשר אהיה** P. S. praf. 2. 20. seq.

**אהיה** quid? praf. P. S. 26.

**אהיה** unde? P. S. praf. 23. seq. communicatione appellationis tribuitur Magistratibus. ib. 25. quibus proprie competat. ib. 27. quid notet. 28. an primò notet Judicem? 31. seq. nomen DEO proprium. 32.

**Ambitio.** pr. 8. c. 5. 145.

**Amor quid?** 92. est actus vitalis. 94. amicitia & concupiscentia. 94. eius remedia. 153. indicia. 162. seq. DEI naturalis. pr. L. 6. 304. & 321.

**Anamelech.** P. S. pr. L. c. L. 62.

**Angelos duliâ colunt Pontiff.** pr. L. c. 2. 97. cognitionem cogitationum & precum eistribuant. ib. seq. iis delatus cultus in quo consistat? 99. seq. est אֱלֹהִים. ib. de illis opinio Platonico-Judaica. 110. argumenta Pontiff. soluta, pro duliâ Angel. 114. cognoscunt pœnitentiam peccatoris. pr. L. c. 2. p. 142.

**Anima in cœlis nos non norunt.** L. 2. 140.

**Αντι.** pr. 1. c. 2. 221. ἀντιδενει. quis ib. ἀντινόμοι. 271. 326. ἀντιπαραγία. P. S. 2. pr. 4. 1. 19.

**Apis Egypt.** symbolum Iosephi. P. S. praf. 36. pr. 1. c. L. 63.

**Apocalypseos cap 5.** depravatam.

**Apologia iusta.** pr. 8. 5. 147. [10.

**Apollo.** pr. L. c. L. 68.

**Appetitus electivus** distinguitur in concupiscibilem & irascibilem. 65. sensitivus à rationali distinguitur. ib. seq. non est externus & internus. 68. sensitivus non est in cerebro. 72.

**Arbor bona** est regentus. 41.

**Arduum** non consistit in dependentia à voluntate alterius. 84.

**Αἰετι** variis in Scriptura occurrat. 377.

**Artium Liberalium & mechanicarum patroni Sancti.** pr. L. c. 2. 131.

**Asima.** pr. L. c. L. 61.

**Astharoth.** pr. L. c. 1. 62.

**Αἴθρ** vox semel legitur in N. T. pr. 1.



pr. L. C. 1. 48. sunt omnes gentiles 49. genus αἰθεῖτης & quadruplex. ib. an dantur speculativi. 49. argumenta contraria, eorumque conciliatio. 52. 57.  
**Avaritia.** pr. L. C. 2. 227.  
**Andacia.** 123. obiectum formale & materiale. ibid.  
**Aversio à DEO.** 359.  
**Aurinia.** pr. L. C. L. 93.  
 Ἀυτάρτης. P. S. praf. p. 14.  
 Ἀυτάρκεια. pr. 7. 4. 127.  
 B.  
**Baal Peor.** pr. 1. C. L. 63.  
**Baal Sebul.** pr. L. C. L. 64.  
**Baptismi nostri remiscencia.** 150. operatio. 179. errores Calvin. & Suencofeld. 180.  
**Βαπτολογία.** L. 6. 362.  
**Beatitudo non consistit in virtutibus Theologicis.** 398.  
**Bella non proscripita.** pr. 5. 2. 86.  
**Benedictio Sacerdotalis invocatoria & constitutiva.** pr. L. C. 2. 210. in nomine Domini. 1. 6. 366.  
**Beneficentia.** 5. 2. 61.  
**Bestialitas.** 6. 3. 101. 107.  
**Beza memoria debilitata.** pr. L. L. 51. 53.  
**Blasphemia.** L. 6. 362. simplex vel determinata. ibid. errores Pontiff. hîc. 368.  
**Bonitas moralis in actu est respectus extrinsecus.** 214. est vel obiectiva vel formalis. 223. 225. non est causaliter in actu interiori, nec formaliter

in exteriori. 224. an Bonum formale consistat in ordine transcendentali ad obiectum consensum regula sua? 227. eius actus substratus debet referri ad gloriam DE L. 228. Bonitas actus unde desumatur? 229. 231. formalis. 241.  
**Bonum dupliciter expetitur.** 80. 188.  
**Bruius affectus competunt.** 76. contra Stoicos. ibid. libertas. 201. seq.

C.

**Cabiri.** pr. 1. 1. 75.  
**Camos.** pr. L. C. 1. 163.  
**Candor.** pr. 8. 3. 146. seq.  
**Canonisati.** pr. 1. 2. 119. seq. in canonisatione an erret Papa? 123. quid ea sit. ibid. modus. 122.  
**Caro quid?** 44. sinistra interpretatio. 47. carnis & Spiritus lucta differt à rationis & affectuum lucta. 50.  
**Castitas.** pr. 6. 3. 103. caelebs & coniugalis. 104.  
**Caster.** L. L. 74. 189.  
 ככר P. S. 2. pr. 4. 115.  
**Cerebrum an sedes appetitus sensitivi?** 73.  
**Ceremonialia** observare sub ratione cultus Legis Mosaica. 332. omnia non sunt paria. 272.  
**Ceres.** pr. L. C. 1. 67.  
**Cerinthi haresis.** 1. 2. 106.

## Index Rerum

*Chacimcho, an idolum Sinense?*  
pr. 1. 6. 310.

*Charitas diffusa per omnia praecepta.* 401. potest dici Iustitia, Obedientia, Misericordia, &c.  
406. quid sit. pr. 1. c. 3. 246. alia  
defin. reicitur. 250. errores Pon-  
ruff. circa illam 1. 6. 304. seqq.  
refutantur. ib. 32. seq. in pro-  
movendis commodis Proximi.  
7. 4. 126.

*Cherubim an adorati.* 1. 4. 289.

*Choreas improbant Calviniani.* 3.  
6. 114.

*Christi vita disciplina morum.* 61.  
est autem &c. P. S. praf. 20. in  
V. T. adorandus. 353.

*Circumstantia.* 231. multum in  
eis situm. 234. an sint acciden-  
tiarum respectu actus humani in ge-  
neris natura, non verò in gene-  
re moris? 236. an omnes auge-  
ant bonitatem actus? ib. seq.  
numerus. 239.

*Clerici principum in eo subiecti.*  
pr. 4. 1. 40, 45.

*Calibatus vota.* 6. 3. p. 103.

*Collyridiani.* pr. 1. 2. 161. seq.

*Comitas.* pr. 8. 5. 147.

*Comedia improbantur à Calv.* pr.  
6. c. 3. 114.

*Concordia.* pr. 5. 2. 61.

*Concupiscentia est peccatum.* 50.

*Conscientia datur.* 255. subiecta-  
tur in intellectu. ib. quidam  
eam excutunt. 255. ib. 2. indi-  
rectè suffodiunt, ibid. definitio,

256. habitualis & actualis. 257  
variè sumitur à Dd. 258. bona.  
34. num bona Sauli persecuto-  
ris? 35. antecedens & conse-  
quens. 258. practica & non pra-  
ctica. 259. consiliorum & pra-  
ceptorum. ib. ad quem habitum  
reducatur eius iudicium. 260.  
causa efficiens DEUS. 261. Sub-  
iectum. ib. Obiectum. ib. non  
est substantia separata extra  
nos, secundum Origenem. 262.  
eius regula est Lex divina. 264.  
divisionis schema. 276. dubia  
negativè. 277. recta. 278. mo-  
dius distandi. ibid. an triplicis  
gradus sit recta? 278. vincibi-  
lis & culpabilis. 280. eius iudi-  
cium quale? 281. erronea. ibid.  
circa errorem vincibilem & in-  
vincibilem. 282. seq. an positi-  
vè obliget ad sui sequelam, vel  
negativè, ad non agendum con-  
trarium. 284. erronea unde o-  
riatur. 285. erroris remedia.  
286. Probabilis. ibid. duo illius  
capita fundamentalia. 287. non  
excusat omnem opinionem co-  
ram DEO. 287. vid. Probabilis  
infra. remedium probabilis. 293  
dubia. 299. ex hac non est agen-  
dum. 302. non est necessaria du-  
bitatio expressa per iudicium  
reflexum. 303. seq. vid. infra  
Dubium. Scrupulosa. 304. non  
obligat. 307. eius remedium. 307.  
an includat assensum. 309. vid.  
Scrupulus. Con-



## & Verborum Memorabilium.

- Consecratarum rerum cultus.** 1. 2. 210. seq.  
**Consensus.** 189. 193.  
**Consilium est Præceptum.** L. 6. 341.  
**Constantia.** 2. 5. 147.  
**Constantini Magni labarum.** L. 2. 1941. 207.  
**Consternatio** 110.  
**Conversatio ad creaturam** 360.  
**Convitia.** pr. 8. 5. 143.  
**Cor affectuum sedes.** 71.  
**Credo.** pr. L. 6. 1. 80. à **Carolo M.** sublatum. 16. 82.  
**Crucis Christi descriptio.** L. 2. 185. ratione mysterii 16. **Andrea.** ib. modus crucifigendi. ib. 186. 196.  
**Crucis adoratio.** 186. negatur. 186. rationes Pontiff. 188. solvuntur. ib. seq. an possit effici ignominia. 190. hypotheses Pontiff. circa crucē, Christi. 191. examinantur. ib. 198. Solvuntur. 200. seqq. signum crucis an adorandū? 199. 204. an existat in rerum natura? 200. seq. crucis signum in fronte vel aëre pictum. ib. 207. seq.  
**Cultus religiosus omnis aut est illicitus, aut imperatus.** pr. L. 6. 2. 171. non-entium. L. 221. divorum. ib. 224. externus & internus. ib. 6. 4. 267. seq. solius Dei  
**Curetes** pr. 1. 6. 1. p. 75. [287.]  
**Curiositas in spiritualibus.** 1. 3. 239.  
**D.**  
**Dagon.** pr. 1. 1. 64. ib. c. 476.  
**Deaster unus plura habet nomina.** L. 1. 94.  
**Debitor quid Photinianis** 16. 252.  
**Decas numeros diversa virtutis intra se habet.** P. S. praf. 34.  
**Decalogi initialia** P. S. p. 2. an sint Decalogi prafamen, an præceptum: Ego sum Dominus Deus tuus. ib. seq. eius Primordium cur fiat à prohibitione Deorum alienorum? 1. 45. seq. eius verba concisa multa continent. 1. 1. 47. incusant atheismum. ibid. polytheismum 16. 60.  
**Defensio necessaria.** pr. 2. 5. 145.  
**Delatio honesta.** 3. 5. 148.  
**Delectatio.** 102. obiectum, effectus. ib. seq. materialis & spiritualis. 138. remedia. 154. delectatio morosa & sensibilis. 372. pr. 6. 3. 188. morosa rationalis. 372. seq.  
**Desiderium.** 100. differt ab amore & gaudio. 16. causa & effectus. 101. efficax & inefficax. 101. remedia. 153. desiderare malum conditionatum an licitum? 369.  
**Desperatio.** 86. 115. L. 3. 246. obiectum. ib. remedia. 155.  
**Deus tuus quid noceat** praf. 34. seq. præclases Oemilas. L. 1. 66. 3000 numero. Dii. ib. 67. Deum posse invincibiliter ignorari statuunt Pontiff. pr. 1. 6. 303. refutantur. 318. polytheismi opinionem admittunt. ibid. refelluntur. ib. 320. Deus quomodo non cognitus Israelitarum Patribus? P. S. praf. ib. seq. errores de



## Index Rerum

- de DEo, Pontiff. Calv. Armin.  
Anabapt. Phorin. ib. 334. seqq.  
Deos alienos habere quid? 1. 6.  
338.  
Diana Scriptor Pontif. dicitur Agnus DEI. 8.  
Diana dea. 1. 1. 68.  
Dierum prolongatio. P. S. 2. pr. 4.  
c. 1. 56. promissio hac an hodie-  
num habeat locum? 14. an sit  
intelligenda de beatitudine al-  
terius vita? 15.  
Dienst-tag/ al. Dinges-tag. 1. 1.  
79.  
Per Digitos numerare. 34. praf.  
Diffidentia pr. 1. 3. 241.  
Dilectio proximi. pr. 5. 2. 60. Dei  
& proximi dispar ratio. 1. 6.  
324.  
Dispensatio Dei in legibus. 313, 316  
seq. in iure dominorum, alibi.  
Docilitas. pr. 8. c. 5. 148. [315.  
Dolor. 104. obiectum. 105. causa. ib.  
effectus. 106. doloris & tristitia  
distinctio. 107. exterior maior  
an interior? 108. seq. remedia.  
154. indicia. 161. vid. Tristi-  
tia.  
Dominorum officium in servas. pr. 1  
4. c. 1. 30. seq.  
Donnerstag. pr. 1. 6. 1. 77.  
Δαλεια. 1. 2. 112. non est civilis  
cultus. 113. δαλενεν & λατεν-  
εν promiscue usurpantur. 115.  
δαλεια ratio excellentia in-  
trinseca. 117. ibid. super- &  
inferioris ordinis. 118.  
Dubium quid 299. dubia conscien-  
tia, ib. negativum sive in actu  
exercito, & positivum sive in actu  
signato 300. speculativum & pra-  
cticum ib. practice practicum ib.  
juris & facti 301.  
Dubitatio de existentia DEI Carte-  
siana, pr. 1. cap. 1. 59. dubitatio,  
pr. 1. 6. 3. 240. quid sit 241. illicitum  
scientia medium 16.  
E.  
Ebrai sapientes P. S. pag. 12.  
Educatione liberorum errant Ana-  
baptista, pr. 41. 48.  
Ego quid, in Decal. praf. P. S. p. 7.  
Electio mala an oriri possit ex in-  
tentione formaliter honesta? 240.  
seq.  
Ενεργουμένης non sumitur pas-  
sive 384.  
An omne Ens sit expetibile? 244.  
Ephrem Syrus, pr. 1. cap. 157.  
Επιχαρεια, pr. 5. 2. 59.  
Equorum venas incidere in solemnii  
sancti 1. 6. 314.  
Ero qui ero, P. S. praf. 13.  
Ertha, pr. 1. 1. 76.  
Essai haeretici 1. 2. 111.  
Ethica in Scholis manca 410. finis  
subiectum 411.  
Evangelium omnibus gentibus pra-  
dicatum 267. ei gentes tenentur  
credere, etiamsi illis non esset pra-  
dicatum 16. Evangelica Lex 333.  
Eucharistia 179. errores Calv. 108.  
uxor aliqua administrat Vienna,  
pr. 1. cap. 2. 164. humanitatis  
Christi

## & Verborum Memorabilium.

- Christi cultus extra Eucharist. 1.2.213. Euchar. adoratio 214. argumenta Pontif. refutantur 215. ab hac cur remoti Catechumeni? ib. ejus elevatio 216. probatio innocentia per eam 1.6. pag. 318.
- Excellentia species 1.2.26. refutatio ib. 128.
- Execratio 1.6.363.
- F.
- Fama bona studium 8.5.143.
- Fames 86.
- Fatidica mulieres, pr. 1.6.190.
- Faunus 1.1.75.
- Fidei defin. 1.3.228. quibus consistat 229. carbonaria 232. prafidium 150. an opus 263. efficientia 383. ἐνεργουμένη 384. implicita 1.2.431.
- Fiducia vitiosa, pr. 1.6.3.241.
- Finis proximus & remotus 232. bonus an augeat bonitatem electionis? 239.
- Flinzius, pr. 1.6.1.83.
- Fornicatio simplex, pr. 6.3.103. seq. 108. seq.
- Frea, pr. 1.6.1.69.
- Fruitio 188.
- Furtum 7.4.124. errores Pontif. circa hoc ib. 127. seq. resp. ad illos ib. 130. fures capitali supplicio eximunt Calvin. 16.133.
- G.
- Gad, pr. 1.6.64.
- Gaudium 103. remedia 154. v. Deleatio.
- Genius 1.1.73.
- Gentilium virtutes sunt virtutum simulachra 385. argum. contraria 387. v. Virtus, idololatria, 1.4.281.
- Germanorum πολυθεότης 1.1.165. Solem coluerunt 16.76. etiam Mercurium 77. Martem 78. Saturnum 80. eis Martinus & Bonifacius patroni dantur 2.20. rif. 1.2.130.
- Gestus lascivi, pr. 6.3.102.
- Gloria vana animalia 1.2.225. seq. gloriatio vera & licita 8.5. ejus incuria & obliquatio 1.6.361.
- Petrus Gnapheus quis pr. 1.6.2.169.
- Gratia DEI necessaria ad B. O. faciendam 20. gratiarum actio 1.6.366.
- H. Grotius fere semper Photiniano vitulo arat, pr. 4.1.11.
- ¶ quid notet? 7.4.121.
- H.
- Habere Deos alienos, pr. 1.44.45.
- Hæresis, pr. 1.6.3.225. sumitur generaliter & specialiter 236. seq. an ad specialiter dictam necessaria sit pertinacia? 16.237. an requiratur scientia & advertentia 16.238. subjicit aterna damnationi 338.
- Hamburg unde dicitur 1.1.86.
- Hammonius Iupiter 1.1.86.
- He demonstrativum praf. 12.
- Hercules 1.1.74.
- Herthum Suevorum 1.1.96.



## Index Rerum

- Hominum triplex genus sub Oeconomia** V. T. 61.
- Homicidij praeceptum an proponendum** prac. de Adulterio s. 52. c. 6.  
89. quomodo contingat? 16. 55.  
seq. poena ib. 57. errores Pontiff.  
circa hoc prac. pr. s. 262. seq. re-  
felluntur 16. 72. seq. aliorum he-  
terodoxorum 83. seq. refut. 16. seq.
- Honor parentum est complexus vir-**  
tutum, pr. 4. l. 1. 19. 22. prae-  
stantissimus, aequissimus, utilissimus  
ib.
- Humanitas** s. 2. 61.
- Hyperdulia** L. 2. 157.
- I.**
- Ianus, pr. l. 1. 69.**
- Iconopœia praeceptum an sit ceremo-**  
niale? pr. l. 4. 258. 260. 270. 274.  
icon licita & illicita 271. seq. icon-  
opœia theophania 16. 273. 160.  
noclasta Calvin. pr. l. c. 6. 334.
- Ἰδωλυμωσύνη** pr. l. c. 3. 239.
- Idolum quid** l. 4. 275. seq. refutan-  
tur alijs ib. 276. est etiam nomen  
imaginis vera 279. eorum nomi-  
na varia 16. seq. origo idolola-  
tria. 281. idololatra gentiles ib.  
Pontiff. se purgantes ab hoc cri-  
mine, refelluntur. 283. seqq.
- Iehova nomen** ἱεραρχαμματα,  
P. S. praf. 8. ejus significatio. ib.  
9. 10. pr. l. c. 6. p. 357. seq.
- Iejunare cum vita periculo. s. 2. 62.**
- Iesuitarum usura** 17. simonia. ibid.  
collegia quid 18.
- Ignorantia Dei invincibilis ad bre-**  
ve tempus non datur, pr. 2. cap. 1.  
58. in oppositione fidei L. 3. 230.  
est varij generis P. G. 203. prava  
dispositionis, positiva, negativa,  
negativa 203. juris & facti ibid.  
376. vincibilis & invincibilis 203.  
antecedens & comitans, culpabilis  
& inculpabilis ib. invinc. prae-  
ceptorum Decalogi, an pro longo  
tempore detur? 205. simplex &  
affectata 375. pr. L. 3. 232.
- Imago div. sensu Ecclesiastico habet**  
reliquias 275.
- Immaculatus quid** 22.
- Impatientia, pr. L. 3. 252.**
- Imperare quid** 185.
- Incestus, pr. l. c. 3. 100.**
- Indifferens actus** 248. indifferentia  
animi ibid. secundum speciem &  
individuum 249. seq. alij negant  
ib. an quoque neget Ioh. Huf. ib.
- Intellectus reliquis facultatibus**  
praeest 182. imperium ib. non est  
liber 200. dictamen rectum &  
falsum dupliciter 279. applica-  
tio ejus 208.
- Intentio** 188. formalis requiritur,  
ut actus dicatur bonus 228.
- Invidia quid, pr. s. 2. 58. ejus ab**  
odio differentia P. G. 96.
- Intercessor mediatuſ & immedia-**  
tus L. 2. 131.
- Invocatio sanctorum, pr. L. 2. 114.**  
argumenta contrar. ib. argum.  
Pontiff. 115. solutio eorum 116.  
ejus species 126. refutatio 129.  
alia argumenta Pontiff. 134. seq.  
refel-

## & Verborum Memorabilium.

reselluntur 137. 139. exceptiones 145. solutio 146. 148. seq. 150.  
 Involuntarium 204. negative, privative ib. perfectum & imperfectum ibid. in se & in alio ib. simpliciter vel secundum quid 205. per vim & per ignorantiam ib.  
 Iosephus  $\sigma\tau\epsilon\mu\chi$  & P. S. praf. 36.  
 Ira ab odio quomodo differat? 95. 126. definitio ib. obiectum 127. causa ib. effectus 128. seq. an sit affectus mixtus ex tristitia & cupiditate ulciscendi? 130. seq. an unice ex fervore sanguinis circa cor. 131. an magis sit naturalis homini, quam concupiscentia? 132. remedia 156. indicia 169.  
 Irmenusaul pr. L. 6. L. 91.  
 Irreprehensibilitas 24.  
 Itali infames excusatione conscientia ih. 2. 355.  
 Iudaei proclives in idololatriam 1. 2. 178.  
 Iudicibus quomodo vox Elobim competat 31. seq. praf. P. S.  
 Iudicium temerarium, pr. 8. 5. 144.  
 Iuniorum officium in senes 4. L. 33. seq.  
 Iano, pr. 7. 1. 67.  
 Iupiter 1. 1. 86.  
 Iurare per nomen DEI 1. 6. 339. iurandi temeritas L. 6. 363.  
 Ius non est libertas naturalis à Regibus & L. 311. permissivum & obligativum 317. an pro utilitate homines sibi sanxerint 311. ius gentium quidam simpliciter re-

pu-diant 342. distinguitur male in imperativum & interveniens 342. civile non habet eundem finem cum fine juris canonici, nec originem & principia eadem 434. naturale male definitur 355.  
 Iustitia commutativa 7. 4. 127. in possessione propriarum facultatum ib.

### K.

Kapδιογνωσica solius DEI 1. 2. 140.  
 Κοινὰ ἐννοια 268.  
 Κολλυγες pr. L. 2. 163.  
 Kruzmannus pr. L. L. 90.

### L.

Λ non negat, sed affirmative pro nonne sumitur P. S. praf. 18.  
 לך לך לך quid notet pr. L. 42.  
 Labarum Constantini M. L. 2. 194.  
 Laboris indefessi studium 152.  
 Λατρεία 1. 2. 112.  
 Laus propria 8. 5. 145. quandoque licita ib.  
 Lenitas pr. 5. 2. 61.  
 Legis definitio 324. alia defn. rejiciuntur 325. ceremonialis & judicialis non sunt perpetua 329. unde dicta 338. seq. divina est regula conscientia 264. 266. evangelica 333. humana iusta obligat conscientiam 347. moralis universaliter obligat 273. quid sit 320. quibus lata ib. quomodo & quo sensu omnes homines ei sint obnoxii 321. seq. modus satisfactionis solennis & minus solennis. 323. ejus forma 324. finis  
 T 2 cino



## Index Rerum

- eius est vita aeterna sub conditione perfecta obedientia 325. secundum Pontiff. supernaturalis & spiritualis felicitas 326. duplex hujus legis sensus 326. affectiones 327. non est imperfecta 327. pr. 6. 3.114. ad eam praestandam requiritur opera Spiritus S. 1. c. 342. Natura 25. 6. th. 3. 268. seq. non est pars imaginis div. 275. ejus existentia 310. impugnat 311. seq. essentia 312. genus ejus non est actus 16. alia definitiones rejiciuntur 313. est immutabilis ibid. censetur hoc puncto Occam, Scotus, alij ibid. Meyius 314. dispensationem potestatis humana non admittit th. 31. 4. seq. in ea ἡμετέρεα 316. distinguitur in generalem & specialem 317. usus 319. Deus est autor 354. objectum 356. Positiva est vel divina vel humana 335. divina vel universalis vel ceremonialis vel forensis 335. illa quomodo differat à morali 335. forensium differentia 335. abrogata 338. definitio 339. humana est vel gentium vel civilis 339. lex aliud est secundum se, aliud ut actu obligans 345. contrarium 346. seq.
- Legislator humanus debet habere auctoritatem leges ferendi 341.18. legislativa potestas non competit personis Ecclesiasticis 348. contrarium statuunt Pont. 345. seq.
- Liberationis ex Ægypto beneficium quomodo ad nos spectet, P. S. praf. 40. seq.
- Libertas actuum, 219.
- Libidines vage, pr. 6. 3. 101.
- Ligare & obligare differentia, 283.
- Luciferiani haeretici, 64.
- Lumen Mentis triplex, 267.  
Natura. 256. th. 3.
- Luna. pr. L. 74.
- M.
- Magistratus officia. pr 4 L. 37. seq. est licitus, pr. 5. 2. 85. seq.
- Malum dupliciter repudiatur, 80. ejus natura, 245. unde petatur, 246. quomodo non in rebus ipsis. 241. errores circa malitiam. 241. est positivum, ib. privativum quid, 245.
- Mansuetudo, pr. 5. 2. 61.
- Maria crypta. P. S. praf. 39. eminet illa in Sanctorum choro. pr. L. 2. 157. colitur hyperdulia 157. preces ad eam, 152 Ioh. Cantacuzeni fides de ea, ib. 152. si viveret, repudiaret cultum, ib. Mariana missa, 169.
- Mars, pr. 1. L. 68.
- Matrimonii rati dispensatio, 315.
- Μεγαλαυχία. 1. 6. 356.
- Melancholia, lici, 306.
- Memoria requisita, 1. 4. 286. Beza debilitata, L. 1. 51, 53.
- Mens, pr. 1. L. 64.
- Mercurius, 1. L. 68.
- Meritum quid, 28. dist. in Congruum & Condigni, ib. conditiones tres ib. seq. ex parte operantis, 30. ex parte Dei, 31.
- Morus, 116. objectum ejus non est bonum 121. vid. Timor.
- Minerva, 1. L. 67.
- Mirabilia ad Sanctorum monumenta, pr. L. 2. 152. mirabile non est miraculum, ib. propter miracula Ecclesia non credendum, pr. L. 2. 154. sanctitatem non arguunt infallibiliter, ib. 155. nec cultum religiosum, 156. per quod



## & Verborum Memorabilium.

quod miracula sunt, non est adorandum, *ib.*  
209. miracula per crucem Christi facta, *pr.*  
*pr.* 1. 4. 290  
 Misericordia, 5. 2. 71.  
 Missa triginta Gregorii, 1. 6. 313. de Amador,  
*ib.* 328.  
 Mizraim terra, P. S. *praf.* 35, unde dicatur.  
36. significatio, 37.  
 Μοιρῶν, 6. 3. 94. unde dicatur.  
 Mollities, *pr.* 6. 3. 100.  
 Moloch, 1. 1. 65.  
 Monachatus initium, 4. 1. 41.  
 Morales actus, 174. causa, *ib.* Moralitas, 109.  
 obiectiva & formalis, 210. specifica & ge-  
 nérica, *ib.* effectus morales duplices, 211. re-  
 gula moralitatis, 212. terminus ejus, 213.  
*vid.* Bonitas & malitia. Moralis Lex, 320.  
 Moralis virtus. *vid.* Virtus.  
 Moralis Theologia definitio, 1. affectiones, 2.  
*vid.* Theolog. Moral.  
 Moralistarum libri foetidi, 8. qualis eorum  
 Theologia, 413.  
 Morborum patroni, Sancti, 1. 2. 131.  
 Mordacitas, 8. 5. 144.  
 Mortificatio quid? 55.  
 Mosi corpus, *pr.* 1. 2. 175. est verè mortuum, 176.  
*ibid.* Mosaica Lex quàm talis, an obliget? 371.  
 iuris communis & particularis, 272.  
 Mössingen propè Tubingam, *pr.* 1. 1. 94.  
 Motus primò primi, an sine peccato, 367. seq. se-  
 cundò primi, 368. deliberatè admissi, 469.  
 Musica, 144. sacra, *ib.* effectus, 145.  
 Muta peccata, 6. 3. 100.  
 N.  
 ΝΝ pr. 6. c. 3. 94.  
 Naturalis probitas Photin. 39. & acquisita, *ib.*  
 Natur. à supernaturali distinctio, 220. na-  
 turale & natura Jur. 318. Ulpianus malè  
 definit, 358. Lex naturalis distinguitur à  
 positiva, 357. *vid.* Lex Nat.  
 Necharius, 1. 2. 157.  
 Nereus, *pr.* 1. 1. 75.  
 Nergal, 1. 1. 62.  
 Nisroch, 1. 1. 62.  
 Noachus, an Janus? 1. 1. 69. *seq.*  
 Nomen Dei quid notet, 1. 6. 358. *seq.*  
 Νόμος καὶ τὰ τῷ νόμῳ. 391.

ΝΝ pr. 1. 6. 359.  
 ΝΝ 1. 6. 359.  
 Notitia DEI naturalis, an possit excuti, 1. 1.  
 51. notitia laici sic dicta, 1. 3. 229.  
 O.  
 Obligare & ligare, an differant. *p.* 283.  
 Obstetrices Ægyptiaca, an fideles 1391.  
 Odij ab ira differentia, 95. quid, 94. differt ab  
 invidia, 96. an sit per modum fuga vel per-  
 secutionis? 96. seq. ejus remedia, 153. in-  
 dicia, 167. odium DEI, P. S. 1. 3. 251.  
 Oeconomica justitia quid requirat? *pr.* 4. 26.  
 Officium Rectum & Perfectum, vel medium &  
 commune, 269.  
 Omissio pura elicitæ ex cognitione objecti, & af-  
 fectui virtutis, an moraliter honesta sit? 241.  
 non est meritoria pramij, 242.  
 Opera non sunt meritoria, 4. 26. qua bona sint.  
24. seq. O. B. Pont. 25. non fiunt sine fide, 26.  
 non necessaria ad salutem, *ib.* de merito B. O.  
 diversa Pontif. sententia, 27. operis propriè  
 meritorij requisita, 32. B. O. consequentia,  
34. non augent justitiam coram DEO acce-  
 ptam, 36. nec gloriam Christi, 37. non sa-  
 tisfaciunt, 37. operum malorum consequen-  
 tia, 38. infidelium opera pramiantur, 207.  
 Oratio frequens, 151. orare pro aliquo dicitur  
 dupliciter, 1. 2. 150. oratio vera quomodo  
 debeat esse concepta, 1. 6. 36. seq. Orationis  
 Dominica additamentum, 343. usq. 347. pr.  
 1. c. 6. etiam in V. T. fuit exposita, *ib.* *seq.*  
 tota continetur in Psal. 90. *p.* 347. oratio  
 Ethnicorum, Judæorum, Epicureorum est  
 obliquatio glorificationis divina, 1. 6. 361.  
 Osiris an Josephum notet? *praf.* 36. [*seq.*  
 Ossa Sanctorum, *pr.* 1. 2. 180.  
 P.  
 Pan, *pr.* 1. c. 1. c. 1. 75.  
 Panis quotidianus, 1. 6. 345. an eo intelligatur  
 Spiritus S. 351.  
 Parentum nomine qui intelligantur? *pr.* 4. c. 1.  
 παρρησία, *pr.* 8. 5. 146. [*3. seq.*  
 Passio tripliciter dicitur, 68. Passioni Domini-  
 ca contemplatio, 149.  
 Pater matri prapositus, 4. 1. 2. patres qui vo-  
 candi? *ib.* 33.

T 3

Patien.



## Index Rerum

*Patientia cum spe coniuncta*, L. 3. 244. quid sit, 253. pr. 5. 2. 61.

**Pauli persecutoris conscientia an bona? 35.**

Pavor. 116.

Peccatum quid. 358. veniale etiam est contra legem, ib. falsa ejusdem definitio. ib. an eorum specifica differentia petenda sit à legibus, & non ab objecto, 246. peccata invincibiliter Deum ignorantia, an habeant malitiam formalem ac specialem. 361. omissionis & commissionis. 363. an possit dari pura omis- sio, formaliter libera, ut moraliter mala, 364. mortale & veniale, ib. veniale ex na- tura sua an detur ? 365. triplex, ib. differen- tia à peccato mortali, secundum Pontiff. 365 seq. regula hujus differentia, 366. peccati non omnem distinctionem Lutherus sustulit. 467 sordis, oris, operis. 367. ignorantia vel scien- tia 363. seq. volunt. & involuntariū, 374. contra Conscientiam rectam, erroneam, du- biam, probabilem, ib. muta, 6. 3. 100. in Spiritum S. pr. 1. 6. 362.

*Peculatus*, 7. 4. 127.

*Perjurium*, I. 6, 363.

**Plagium, 7. 4. 124.**

*Planta non habent affectus, contra Erasmus.*

*quid, pr.* **l.** 43. על פני

*Pæna div. in filios, 1. 5. 294.*

*Pollux*, pr. 1. L 74, 89.

*Polygamia simulanea*, pr. 6. 3. 98. successi-  
va. ib. 103.

**Polytheismus in Paradiso, L. I. 61.**

*Pontificis Romani tituli, L. 2, 217.*

*Pontificiorum harmonia cum Collyridianis. pr.*  
I. c. 2. 163.

*Porevium*, I. I., 86.

*Precandi tempora & loca certa, I. 6. 340.*

*Præceptum Decalogi quodvis in hoc Tractatu  
continet virtutes, vitia, & errores varios  
variorum circa illud heterodoxorum.*

*Præceptum & consilium, I, 6, 341.*

*Presumptio, pr. i. i. 75.*

*Priapus*, I. I. 75.

*Probabilis conscientia, 286. è duabus opinionibus probabilibus, an quis minus probabilem sequi possit? 289. seq. probabilitas illa non debet extendi ad res fidei. 391. ex opinione probabilis Theologo licet consilium dare, quam*

tamen falsam putat, secundum Pontiff. 296

*Prone, pr.* **L** 1.83.

*Proposita mala conditionata, an licita? 379.*

**Pulsus varij, 159.**

*Pudoris signa*, 17 I.

*Quatenus, ambigè dicitur, 32.*

Quirinus, pr. L. c. 1, 74.

רע. pr. 8. 5. 139.

*Radegastus* pr. I. I. 84.

Regenitus est arbor bona. 41. potest dici ven-  
ditus. 45. eternalis, ut non ex toto. 45.  
causa secundaria actuum honestorum. 180.  
horum actuum supernaturalis. 220.

*Regionum Patroni, Sancti, pr. 2. 2. 130.*

Regulabile per rectam rationem dupliciter dicitur, 216. seq. aliud est regula, aliud exceptio ab ea, 4. l. 17.

Reliquia multorum coluntur in terris, quorum  
anima ardent in inferno, 1. 2. 125. quid per  
eas intelligatur, 1. 2. 170. Veteres eas con-  
quisiverunt, non soluerunt, ib. 171. est  
usus commensitius, ib. proluxus earum ca-  
talogus, pr. 1. 2. 172. eas in collo gestare an-  
licitum? pr. 1. c. 6. 312.

Remphan, i. i. 62.

*Rex, Regum Triafabula*, L. 225.

*Rinus varia species, 160. seqq.*

Rugiensis, I, I. 86.

De Sabbatho agit totum Præceptum tertium.  
Per Sacramenta operatur DEVS, 176. 179. er-  
rores hæreticorum. 180. an tot Sacramento-  
rum species, quot peccatorum? 406.

*Sacrilegium* 4. 7. 12. 6.

*Salvatores*, pr. I, 6, 329.

**Sambstag/Saterdag/1. 1. 81.**

*SANCTI*, 20. *Sanctorum invocatio*, I. 2. 114.  
v. *Invocatio*. *Patroni, regionum, civita-*  
*tum, artium &c.* 130. *seq.*

*Sanctitatis significationes*, 19. *efficiens*, 21, *media*, *ib.* *causa exemplaris*, 21, *αρετικη* & *θεωρημενη*, *ib.*

*Sanctificatio quid, § 5. censentur circa eam he-  
terodoxi § 7.*

Saturni. i. **L. 73.** colebatur à Germanis, ib. 80.  
Sceptici.

## & Verborum Memorabilium.

- Sceptici**, pr. 1. 1. 55.  
**Schisma**, 1. 3. 233. *exempla*, ib. *ex Historia Ecclesiastica*, 234. *Lutherus cum suis ejus non possunt rei argui*, ib.  
**Sculptilium praeceptum**, 1. 6. 354.  
**Scrupulosa conscientia**, 304. *tripliciter oritur scrupulus*, ib. 305. *judicium hominis verè scrupulosi*, ibid. *scrupulosus duplex*, 306. *causa naturales intrinsecè corporales*, ibid. *spirituales*, 307. *scrupulus quid*, 307.  
**שם המפורש** P. S. praf. p. 11.  
**Seniorum officium**, pr. 4. 1. 37.  
**Sensus externi & interni sunt materia circà quam Theologia moralis**, 63.  
**Sermones insulsi**, 8. 5. 143.  
**Servitutis domus**, praf. P. S. 39. *est triplex*, 4. 1. 27. *origo*, ib. 2. 9.  
**Similitudo in cælo quid?** 1. 4. 246. *in terra*, ib. 265. *in aqua*, 266. ib.  
**Simonia Iesuita**, 17.  
**Simplicitas**, 8. 5. 147.  
**Siti**, 86.  
**Sodomia**, pr. 6. c. 3. 100.  
**Sol**, 1. 1. 74.  
**Sophisticatio**, pr. 8. 5. 141.  
**Sortes consultoria**, 1. 6. 312, 333. (seq.  
**Speculum divinitatis**, pr. 1. c. 2. 141. & 143  
**Spes quid?** 110. P. S. 1. 3. 242. *etiam in brutis*, ib. 113. *differentia à desiderio*, 112. *causa & effectus*, ib. *sufficit iudicium de possibilitate rei*, 114. *incerta remedia*, 155. *Christiana*, 111. *respicit Bonum & auxilium*, P. S. pr. 1. c. 3. p. 242. *est fructus fidei*, ib. *exponitur per expectationem*, 243. *non confundenda est cum fide*, 244. *quomodo differat à fiducia*, 245. *Pontificiorum errores circà illam*, pr. 1. 6. 304. *refutantur*, 321.  
**Spiritus quid**, 44. *inhabitantis animadversio*.  
**Status nostri expensio**, 152. (150  
**Stuprum**, 6. 3. 99.  
**שם** quid notet? 1. 6. 359.  
**Suavevitius**, 1. 1. 84. (131  
**Suorum Patronus est Conradus**, pr. 1. c. 2.  
**Supernaturale quoad rem & modum**, p. 221.  
**Suspicio**, pr. 8. c. 5. 143. *bona & mala*, 144.  
**Synteresis**, 256. th. 3.  
**T.**  
**Tabula II. Decalogi proximum respicit, ut**  
**I. DEUM**, P. S. 2. pr. 4. c. 1. 1. *ejus praecepta quomodo convenient cum prima*, ib.  
**Tellus**, 1. 1. 74.  
**Templorum erectio Angelis facta**, pr. 1. c. 2.  
**Tentatio DEL**, 1. 3. 243. (101  
**Teraphim**, 1. 1. 65.  
**Testimonium falsum**, 8. 5. 140. seq.  
**Thamus**, 1. 1. 62.  
**Theologia Moralis definitio**, i. *est pars Theologiae ut sic*, ib. *objectum*, 2. *reale & personale*, 3. *objectum materiale falsum*, 3. *finis ultimus*, ib. *medius*, ib. *affectiones*, 7. *Iesuitarum Theol. Mor.* 7. seq. *utilis & necessaria est vera*, 9. *distinctio in tres partes*, alia *distinctiones refutantur*. 9. seqq. *efficientis ejus*, 5. *medium*, ibid. *Subiectum*, 41. *quod & quo*, 49. *est duplex*, *internum & externum*, 62.  
**Theologia mystica practica**, 2.  
**Θρησκεία unde dicatur**, pr. 1. c. 2. p. 102.  
**Tibullinus**, 9. 1. 1. 90.  
**Timor**, 116. *objectum*, 117. *causa*, ib. seq. *effectus*, 119. seq. *naturalis & non-naturalis*, 120. *alia sex species*, ib. seq. *potest explicari*, 121. *non est compositus affectus ex spe*, 16. *signa*, p. 170.  
**Traditiones humana non sunt exequenda Scriptura**, 6. 7.  
**Transsubstantiatio**, 1. 2. 217.  
**Trepidatio**, 160.  
**Trigla Vandalorum idolum**, 1. 1. 82.  
**Tristitia**, 104. *causa*, 105. *effectus*, 106. *ejus à dolore distinctio*, 107. *remedia*, 154. *vid. Dolor*.  
**Triton**, 1. 1. 75.  
**Tuus DEVS**, P. S. praf. 34. seq. V.  
**Urbanitas**, 8. 5. 157.  
**Ursula cum undecies mille virginibus**, 1. 2. Vsus, 189. (224  
**Usura Iesuitarum**, 17.  
**Velle conditionale duplex**, 198. *velleitas tripliciter dicitur*, 196. seq.  
**Velleda**, pr. 1. 1. 39.  
**Venus**, 1. 1. 68. *Magdeburgensium propria*, ib. 79. *nomina*, 95.  
**Verbi divini meditatio**, 149. 1. 6. 385. *eo DEVS operatur*, 176. P. G. *errores harum*  
**eorum**



# Index Rerum & Verborum Memorabilium.

- corum circa illud? 178. contemptus, 1. 6. 364. lectio, 365.
- Verecundia**, 119.
- Veritas, veracitas**, pr. 8. §. 146.
- Vertumnus**, 1. 1. 75.
- Vesta**, 1. 1. 67.
- Vindicta cupiditas**, pr. 4. 259.
- Virtutetymol.** unde, 177. an tripliciter sumatur in Scriptura S. 178. causa principalis est DEUS, 180. supernaturales, 181. causa subordinata est homo regentis, 182. radicatur vera virtus in fide, 183. gentiliis sunt simulachra virtutum, 185. seq. argumenta contraria, 187. solutio, 188. seq. subiectum denominationis est totus homo, 189. secundarium est corpus, &c. ib. virtus moralis an in appetitu sensitivo? 194. forma, ib. languor, 195. non est passio, nec scientia, ib. an in mediocritate consistat formaliter, ib. seq. materia circa quam, 197. finis ultimus, ib. an beatus, 199. an illi assignetur primum beatitudinis, 199. finis intrinsecus non est vita aeterna, 400. Distinguitur in Moralem, & Intellectualem, Infusam & Acquisitam, Intellectualem & Appetitivam, Theologicam & moralem, 400. an legitima differentia ibid. morales dici possunt Theologicae, 402. virtus omni amore DEI circumscripta, 403. virtus an à virtute speciei differat? 406. numerus virtutis. Moralium, 406. regula virtutis Christiana, 407. attributa, 408.
- Vitis**, 202.
- Visitare iniquitatem**, pr. 1. §. 294. seq. huius visitationis fundamentum, ib. 302.
- Vita aeterna non est finis simpliciter Theologiae Moralis**, 4. gradus in ea, §. tranquilla, 4. 4. 1. 18. aeterna etiam sub lege promissa, 1. 6. 342.
- Vitium morale**, 409.
- Vivificatio spiritalis**, 56.
- Voluntas non determinatur necessario per ultimum iudicium intellectus practici**, §. 1. 7. 4. 136. nondum conversi non habet casualitatem, 54. ejus imperium, 183. actus, 187. seq. numerus actuum, 190. seq. libera, 200. voluntarium non est omnivertur cognoscitivum, ib. diff. in necessarium & liberum, 201.
- Voluptatis signa**, 158. fugienda, pr. 1. c. 2. 228
- Voti dispensatio**, 315. oblatio, pr. 1. 6. 367.
- Maria facta**, 1. 2. 164. & 168.
- Vulcanus**, 1. 1. 68.
- Vultus animi janua**, 159.
- W.
- Walcher idolum Mercurii**, 1. 1. 92.
- Wirttembergia olim deestros coluit**, pr. 1. c. 1. 94.
- Z.
- Zaphories**, pr. 1. c. 6. p. 312, 327.
- Zeduti**, 1. 1. 86.
- Zuttiber**, 1. 1. 86.

## INDEX ALIQUOT DICTORUM ET SCRIPTURÆ LOCORUM,

Vel explicatorum, vel ratione Controversiarum notatorum, vel ab heterodoxis vindicatorum.

- |   |  |   |
|---|--|---|
| <b>Genesi</b> , cap. 41. v. 16. P. S. prae, c. 1. pag. 137. | <b>Ecclesi</b> , c. 4. v. 2. P. S. 2. prae, c. 1. p. 35. | <b>Epist. Roman.</b> cap. 7. vers. 14. v. seq. p. 42.   |
| <b>Exodus</b> , c. 3. v. 14. P. S. prae, 13. c. 3. p. 16.   | <b>Esaias</b> , 5. 11. v. 10. pr. 1. c. 2. 172.          | <b>c. 8. vers. 25</b> P. S. pr. 1. cap. 3. p. 243.      |
| 34. 6. 7. prae. 18. pr. 1. §. 399.                          | <b>c. 65. 11. P. S.</b> pr. 1. c. 1. p. 64.              | <b>c. 10. v. 11. p. 122.</b>                            |
| <b>Deut.</b> c. 6. v. 5. pr. 1. c. 3. p. 248.               | seq.   | <b>c. 13. v. 10. pr. 1. c. 3. p. 251.</b>               |
| <b>Iosua</b> c. 10. 14. v. pr. 1. 2. 160. seq.              | <b>Ezechiel</b> , c. 10. 4. pr. 1. c. 5. pag. 196. seq.  | <b>c. 14. v. 5. p. 199.</b>                             |
| <b>1. Sam.</b> 16. c. 15. 16. v. p. 146.                    | <b>c. 17. 4. 37. p. 44.</b>                              | <b>c. 14. v. 23. p. 314.</b>                            |
| <b>2. Reg.</b> c. 3. v. 15. p. 144. seq.                    | <b>Matth.</b> c. 5. 21. p. 127.                          | <b>1. Corinth.</b> c. 4. v. 4. p. 375.                  |
| <b>Iob.</b> c. 3. 1. pr. 1. c. 2. p. 128. seq.              | <b>c. 5. 39. 40. 41. pr. 3. §. 2. p. 84. seq.</b>        | <b>Galat.</b> c. 5. v. 6. p. 384.                       |
| <b>Psalm.</b> 14. 1. pr. 1. c. 3. 50.                       | <b>c. 11. 38. p. 250. seq.</b>                           | <b>Ephes.</b> c. 2. v. 1. p. 41.                        |
| 49. 11. pr. 1. c. 3. p. 226.                                | <b>c. 24. v. 10. pr. 1. c. 3. 204.</b>                   | <b>c. 2. v. 11. pr. 1. c. 1. 48.</b>                    |
| 50. 15. pr. 1. 6. 341.                                      | <b>Lucas</b> , c. 1. v. 6. p. 24.                        | <b>Philipp.</b> c. 1. v. 13. p. 341.                    |
| 82. 1. P. S. prae, 31. 35.                                  | <b>c. 1. 28. P. S.</b> pr. 1. c. 2. p. 166.              | <b>Colos.</b> c. 3. v. 12. pr. 1. c. 2. p. 101. multum. |
| 95. §. pr. 1. 2. 126. seq.                                  | <b>c. 1. 1. 1. pr. 1. c. 2. p. 161.</b>                  | <b>2. Thess.</b> 3. 4. pr. 1. c. 2. P. S. p. 17. 220.   |
| 101. 1. pr. 1. c. 2. 127. 139.                              | <b>c. 22. v. 44. P. G.</b> 125. pag.                     | <b>1. Tim.</b> 6. 16. pr. 1. c. 2. p. 119.              |
| 139. 1. pr. 1. c. 2. 127.                                   | <b>Ioban</b> c. 6. v. 19. p. 163.                        | <b>2. Tim.</b> c. 3. v. 415. pr. 1. c. 1. p. 50.        |
| 139. 17. pr. 1. c. 2. 128.                                  | <b>c. 15. v. 5. p. 41. 42.</b>                           | <b>1. Iob.</b> 2. 1. pr. 1. c. 2. p. 122. seq.          |
| 150. 1. pr. 1. c. 2. 137.                                   | <b>Alia</b> , c. 23. v. 1. p. 55.                        | <b>Apocal.</b> c. 1. v. 9. P. S. prae, p. 15.           |
| <b>Proverb.</b> c. 6. v. 13. 14. p. 137.                    |  | <b>c. 5. v. 8. pr. 1. c. 2. p. 151.</b>                 |

T A N T U M!